

**DIVI THOMAE
AQUINATIS ... OPERA:
TOMUS SEXTUS
COMPLECTENS
EPISTOLAS D. PAULI...**

Tommaso : d'Aquino santo (santo)



14. 1. 91

D I V I
T H O M A E
A Q U I N A T I S
D O C T O R I S A N G E L I C I
O R D I N I S P R A E D I C A T O R U M
O P E R A .

EDITIO ALTERA VENETA
ad plurima exempla comparata , & emendata.

A C C E D U N T

Vita, seu Elogium eius a IACOBO ECHARDO diligentissime concinnatum,
& BERNARDI MARIAE DE RUBEIS in singula Opera
Admonitiones praeviae.

T O M U S S E X T U S
complectens EPISTOLAS D. PAULI AD ROMANOS,
& AD CORINTHIOS.




V E N E T I I S ,
M D C C X L V I .

Cudebat IOSEPH BETTINELÆI
EX PRIVILEGIO EXCELLENTISSIMI SENATUS.



F. IO. FRAN. BERNARDI MARIAE
DE RUBEIS
ORDINIS PRAEDICATORUM
ADMONITIO PRAEVIA,
in qua

- I. Veterum iudicium de Commentariis Divi Thomae in Epistolas Sancti Pauli.
- II. Pars eorundem stylo proprio Aquinatis scripta, alia reportata a Reginaldo Privernate. An commentarii in Epistolam primum ad Corinthios particula a commentate decimo capitis septimi ad caput undecimum, quae in editis praestat exemplis, ab ipso Thomae prodierit Auctore?
- III. Erasmi Elogium. Ipsius censura depellitur contra doctrinam Thomae de Christo predestinato Filio Dei.
- IV. Socinianismi suspicio propulsatur, qua notari posse eadem Aquinatis doctrina videtur Richardo Simonio.
- V. Oscitantiae ac erroris convincitur idem Simonius, qui Thomam accusat, velati confudentem Origenianum commentum de praecognitione animarum cum haerese Pelagiana de meritum praecedentia.
- VI. Item redarguitur male fidei in quodam enarrando S. Thomae loco, ubi de motione agitur, qua dicuntur homines a Deo moveri in bonum, malumque.
- VII. Alia nonnulla a Simonio notata loca illustrantur, ac vindicantur.
- VIII. De genuino Divi Thomae quodam textu retinendo in Commentario in Epistolam ad Romanos, ac altero in Commentario in Epistolam ad Galatas differitur.

I. ommentationes ab Angelico Doctore Thomae Aquinate elucubratas in Epistolas omnes Sancti Pauli complectuntur Volumina duo, sextum, & septimum, quae Venetis typis Bettinellianis prodeunt. Recentium Criticorum nemo unus est, qui Thomae nostro praedictum opus non adiudicet; illudque praestantissimum, ac omnigena refertum eruditione non fateatur. Nostrates mitto omnes: exterisque memoro, qui nostra ac superiori proxima scripserunt aetate, Possevinum, Bellarminum, Labbeum, Dupinium, & Caveum. Diligentiorum operam sibi videtur adhibuisse Casimirus Oudinus, qui veterum Nomenclatorum testimonia fert ac expendit; sicque demum indicandum de hoc Opere Divi Thomae censet: *Sunt igitur, inquit, certo hi Commentarii in omnes Divi Pauli Epistolas, partim S. Thomae Aquinatis, ut evincunt allatae auctoritates; partim Fratris Reginaldi eius socii, qui post ipsum illos reportavit: quam reportationem approbasse, & correxisse, & consequenter suam fecisse dicitur.* Quae minus confone ad Veterum testimonia, ab Oudino scripta sunt: eademque ita composita videntur, ut deteriorum in partem converti facile queant.

Veterum ego sub oculos verba pono, ut quae Thomas in hisce Commentariis proprio scripserit stylo, quae rursus animo concepta didicerit & suggestu, postque ipsum legentem exceperint alii, quae demum ab aliis reportata expendit, emendaverit, approbaveritque, perspicue omnique summo dubio innoscat. Prolomaei Lucensis Libro XXIII. Hist. Eccles. capite xv. verba sunt: *Alia etiam multa scri-*

pea sunt ab eo utilia, quæ magis habentur per modum reportationis : quæ ipse videns postea correxit, & inde ulterius approbavit. Unde sunt Tosilla super omnes Epistolas Pauli, præter Epistolam ad Romanos, quam ipse notavit : quas ego vidi, & legi. In suo Codice legebat Doctissimus Echardus : Quam ego vidi, & legi ; ac si solam Epistolam ad Romanos vidisset Ptolomæus, ac legisset. Priorem lectionem, Quas ego vidi, & legi, præstat Historia Ptolomæi Lucensis, carante Doctissimo Martitorio, typis edita Tomo XL. inter Scriptores Italiæ : eandemque habet locus idem, quem integrum descripsit Casimirus Oudinus, ac profert Tomo III. Commentarii de Scriptoris Eccles. Dissertatione de Scriptis S. Thomæ cap. 11. & xviii.

Guillelmus de Tocco in Vita Aquinatis hæc habet pauca & simplicia verba capite 1v. *Scriptis super Epistolas Pauli omnes, quarum scripturam præter Evangelicam super omnes commendabat.* Hinc ratio patet, cur Evangelica Historia Commentario explicata, cæteris Novi Testamenti libris prætermisiss, mentem operamque Thomas applicuisset, ut Paulinas Epistolas elucidaret. Atenim quas Commentationes proprio stylo scripserit ille in eisdem Epistolas Pauli, quas etiam e suggestu legerit, exceperintque alii, silentio præterit Guillelmus.

Hanc adhibet distinctionem Bartholomæus Logotheta, minusque clarum disertumque Ptolomæi Lucensis testimonium exponit, ac declarat. Verba refero ex Fragmento Baluziano. Ait primo : *Scriptis ... super Epistolam ad Romanos, super Epistolam primam ad Corinthios.* Addit vero : *Si autem alia sibi adscribantur, non ipse scripsit & notavit, sed alii recollecterunt post eum legentem vel prædicantem : puta Lecturam super Paulum ab xi. capitulo primæ Epistolæ ad Corinthios usque ad finem : quam collegit Frater Rainaldus de Piperno Socius eius.* Epistolam ad Romanos annotationibus ab ipso Thoma scriptis illustratam, Ptolomæo Lucensi consensient, narrat Logotheta : eodemque modo addit ipse, decem priora capita Epistolæ primæ ad Corinthios commentationibus exposita, quas ipse Aquinas proprio stylo notaverit. Qua in re par est Triveti testimonium in chronico ad Annum 1274. apud Dacherium : *Super Epistolam vero ad Romanos, inquentis, & super decem capitula Epistolæ (primæ) ad Corinthios : & infra : alia quidem invenimus sibi attributa, quæ tamen ipse non scripsit, sed post eum legentem vel prædicantem ab aliis sunt collecta : ut puta Lectura super Epistolam ad Corinthios ab undecimo capite usque ad finem ... quæ Frater Reginaldus eiusdem socius recollectit.*

At mendi, quod irrepperit in utriusque, Logothetæ, ac Triveti, textum, suspensionem ingerit auctoritas Bernardi Guidonis, & Antonini, qui tradunt, Aquinatem præter Epistolam ad Romanos, commentatione proprio stylo edita integram etiam illustrasse primam Epistolam ad Corinthios, ac decem præterea capita prioræ Epistolæ ad Hebræos. Guidonis verba sunt apud Echardum, & Oudinum : *Scriptis etiam, inquentis, Tosillas super Epistolam Pauli ad Romanos : item super Epistolam (utique primam) ad Corinthios : item super Epistolam ad Hebræos usque ad undecimum capitulum.* Ab inde vero sunt Tosilla eius super sequentes Epistolas Pauli reportata per prædictum socium suum (Reginaldum) post ipsum legentem : quas idem Doctor fertur postmodum correxisse. Eadem habet Antoninus loco sæpius in Admonitionibus nostris citato, scilicet in Chronico Titulo xviii. Partis III. capite x. §. 11. Quæ sane si accuratius annotata, admonente Echardo, Logothetæ ac Triveti calamo exciderit Epistola ad Hebræos oportet : quæ illa est, quam ad caput undecimum Thomas exposuit ; non autem, ut eorum in textu legitur, Epistola prima ad Corinthios. Guidoni favere videtur testimonium Petri Rogerii, qui postea Clemens VI. in priore Sermone inquentis : *Item scripsit super Epistolas ad Romanos, ad Corinthios, & ad Hebræos.* Ipsamque quod attinet ad integram primam ad Corinthios Epistolam, par esse videtur Ioannis de Columna iudicium : *Scriptis ... super Epistolam ad Romanos, super Epistolam primam ad Corinthios : & licet raro reperiantur ; tamen a fide dignis audiri, quod ipse scripsit super omnes Epistolas Pauli.* Commentationes Thomæ intellige in omnes Pauli Epistolas, vel ab ipso revera scriptas, vel e suggestu dictatas, & a Reginaldo socio exceptas.

Quo sensu par est intelligere Pignonum, & Valleoletanum, qui scripserunt Thomam super omnes Epistolas Pauli, dixere. In his porro Paulinis Epistolis explanandis, divino lumine Sanctum Doctorem aliquando collustratum fuisse, tradit Guillelmus de Tocco in eius Vita loco citato: *In quarum expositione*, inquit, *Parisius visionem prefati Apostoli dicitur habuisse*. Paria sunt quæ scribit Valleoletanus: *Super quas Epistolas cum Parisius scriberet, & quidquam sibi obscurius occurrebat; omnis scriptionibus, in oratione se prosterneret*; & tunc clarum illi erat quod obscurum antea. Visionem quamdam F. Pauli de Aquila, viri magnæ probitatis & famæ, quæ rem hanc confirmat, Guillelmus de Tocco refert in Vita citata, capite x. num. 61. apud Bollandi Continuatores. Ipso (Thoma) migrante in Fossa nova (extremis vitæ diebus,) *Frater Paulus de Aquila, vir magnæ probitatis & famæ, existens in Conventu Neapolitano, vidit in visione imaginaria prædictum Doctorem in Scholis legentem Neapoli eorum multitudine copiosa Scholarium, & Beatum Paulum eius scholas intrantem cum societate Sanctorum. Cui cum Lector de cathedra descendens vellet occurrere, Apostolo ei innuente quod legeret, & quod prosegueretur quam cæperat lectionem; Doctor rogavit Apostolum, ut ei diceret, si habuisset verum de suis Epistolis intellectum: qui respondit: Bene, sicut in hac vita homo vivens in corpore potest scire &c.* Loca, aut scholæ, aut urbes hinc fati innotescunt, ubi suas in Epistolas Pauli elucubravit Thomas expositiones, aut e suggestu didaverit: partim scilicet Parisiis, cum altera vice in eam urbem Reginaldo comite profectus est, Guillelmo de Tocco, & Valleoletano testibus; partim vero post alterum eius reditum in Italiam, sive Romam, sive Neapoli, ut satis indicat laudatus Guillelmus in Visione F. Pauli de Aquila.

II. Iamvero allata si conferantur invicem Veterum testimonia, sponte fluit quod ferri de præstantissimo Thomæ Opere in *Epistolas Pauli* iudicium debeat. I. Integram Epistolam ad Romanos, ac priora saltem decem capita Epistolæ primæ ad Corinthios, commentario illustravit Aquinas, quem proprio stylo scripsit. Id uno consensu perhibent Veteres omnes. II. In ipsam fortasse integrant ad Corinthios primam Epistolam, ac decem priora capita Epistolæ ad Hebræos editæ proprio stylo ipsius Thomæ commentationes fuerunt: quod asserunt Bernardus Guidonis & Antoninus, ac indicare videntur Petrus Rogerius, & Ioannes de Columna. III. Quæ supersunt in cæteris *Epistolas Pauli*, ex ore Thomæ dictantis e suggestu Postillas excepit Frater Reginaldus: eisdemque novis curis expendit ipse Aquinas, correxit, approbavitque: qua de te dubitare non sinunt Ptolomæus Lucensis, Logotheta, Trivetus, Bernardus Guidonis, S. Antoninus.

In Commentario typis edito, quo prima ad Corinthios Epistola explanatur, polixus occurrit locus, a decimo scilicet commate septimi capitis ad undecimumque caput, qui revocari in dubium potest, cum germanus haberi debeat Aquinatis scriptus. Ad hunc quippe locum notam appingit in margine Renigius Florentinus in Veneta editione, quam ipse anno 1562. apud Luntas curavit: „Advertas, inquit, Candide Lector, quod in quodam Manuscripto exemplari, quod Venetiis in Divi Dominici (a Castello, ut aiunt) Bibliotheca extat, habebantur hæc verba: „Nota, quod hinc usque ad xi. caput exclusive non est expositum secundum S. Thomam; sed sumptum est de verbo ad verbum de Expositione cuiusdam Fratris Nicolai Gallici Ordinis Predicatorum, qui tamen satis doctè & lucide omnes Epistolas explanavit. Quod verum esse, ex phrasi, & modo exponendi patet. Et ego nec labori, nec sumptui parcam, ut fragmentum ipsum sumperiam. Eadem nota legitur in Parisina Ioannis Nicolai editione.

Difficultatem ingerit sane styli ratio, quæ multam dissimilis eo loci apparere incipit: augetque difficultatem Thema quoddam in Fello Beate Cecilie pro texendo sermone in eiusdem Beate laudem, quod in expositione quartideci ni commatis instructum videri potest, cum simile exemplum occurrae nupiam in genuinis Thomæ Commentariis. Ea vero demum ab Aquinato passim & constantissime servata methodus patet, ut Scripturæ sanctæ verba & coniecta explanans, emergentes, si quæ sunt, inferas difficultates, & solvat: argumentaque proponat, si quæ digna cen-

cen-

cenfet animadverſione: ad aliaque tum procedat, quæ ſequuntur, exponenda commata. Alius eſt ordo in eo quo de agimus loco. V. g. lectio ſecunda in ſeptimum caput exponit commata decimum, undecimum, tertiumdecimum, & decimumquartum: & lectione tertia explanantur commata ſex quæ ſequuntur. Porro in eiſdem lectionis tertie calce obiectiunculae plures proponuntur cum reſponſionibus, quæ ad ipſum comma decimum ſpectant: „ Hic quaeritur ſuper illo, *Uxorem a viro non diſcedere* (V. 10.) quare ſolam cauſam fornicationis Dominus excipit, cæteras vero omnes moleſtias iubet fortiter ſuſtineri. Contra &c. “ Lectio prima in caput notum priora commata decem complectitur. Continuo commentario ſeptem exponuntur commata: tum ſerie interrupta, adnotationes interſeruntur, quæ comma primum magis declarant: „ Notandum ſuper illud, *Nonne Dominum Ieſum vidisti* (V. 1.) quod multiplicem Domini legimus viſionem &c. “ Plura occurrunt ſimilia exempla, quorum alia ab illis ordiuntur verbis, *Hic quaeritur ſuper illo*: ab aliis alia, *Notandum hic*, vel *Notandum ſuper illud*; quæ ſtylum, methodumque Divi Thomæ minime ſapiunt.

Huiuſce prolixæ Commentarii partis Auſtorem prodiit Nicolaum Gallicum Ordinis Prædicatorum adnotatio, quæ legitur, a Remigio Florentino ad eundem appoſita. Nicolaum indicari pro certo habeo, dictum de Gorrano, vel de Gorain, a loco natali, vel etiam ex ſtirpe Dominorum loci. Anglum hominem plerique putant, Flandrum alii: ſuiſque Symmiſtis accenſet illum VVadingum in Bibliotheca. Tum Gallum natione, tum Prædicatorum Ordinis aſumnum ſolidis argumentis evincit Iacobus Echardus ad annum 1295. quod utrumque confirmat ſuperius allata codicis Ms. nota, a Remigio Florentino in lucem edita. De Viro ornatiffimo ſuſſore mihi agendum ſermone in Prævia Admonitione in Commentarios ad Epistoſas Canonicas Divo Thomæ tributos. Poſtillas in *Epistoſas Pauli omnes* ab ipſo elucubratas, reſtantur Bernardus Guidonis, Laurentius Pignon, Leander Albertus. Vulgo iam ipſi Commentarius in eaſdem Epistoſas adiudicatur, cuius initium: *Dedi te in lucem Gentium*; qui pluries typis prodiit, Coloniz, Hagenoz, Pariſiis, Antverpiæ, & Lugduni anno 1692. apud Anſſonios, Ioan. Poſſet, & Claud. Rigaud, Tom. II. in fol. ſub hoc titulo, R. P. Nicolai Gorrani Ord. Fratrum Præd. in omnes Divi Pauli Epistoſas enarratio &c. invigilante R. P. F. Iacobo le Gall, eiſdem Ordinis Theologiae Profeſſore &c. Hæc editio diligentiffimo excidit Echardo: qui tamen, an Gorrano, an potius Petro de Tarentaſia, poſtea Innocentio V. prædicta tribuit debeat Poſtilla, anceps hæret. Codices Mss. præfert optimæ notæ, qui ſub Gorrani nomine Commentarios in Epistoſas Pauli complectuntur longe diverſos, quorum initium: *Vidi alterum Angelum volentem per medium celi, habentem Evangelium æternum*: codiceſque aſſert alios, in quibus Petro de Tarentaſia Commentarius adiudicatur, qui incipit, *Dedi te in lucem gentium*: ſimilemque ſatis vetuſtum ſervat Foroiulienſis Bibliotheca Ordinis Prædicatorum & Congregatione B. Iacobi Salomonii, quem propriis oculis luſtrare licuit.

Commentarii partem, qua de agimus, eandem omnino in editis exemplis ſub nomine Divi Thomæ, ac ipſius Gorrani, vel Petri de Tarentaſia, ponere ſub oculis liceat, ac invicem comparare.

Apud S. Thomam Aquinatem.

Apud Nicolaum Gorrano.

V. 10. „ *Hiſ autem, qui matrimonio iuncti ſunt* &c. Supra Apoſtolus poſuit documenta de contractu matrimonii: hic inſtruit eos, qui iam matrimonium contraxerunt, de matrimonio non diſſolvendo. Et primo docet eos, qui ſunt matrimonio iuncti, ut in matrimonio maneat: ſecundo ponit utilem

V. 10. „ *Hiſ autem, qui matrimonio iuncti ſunt* &c. Superius egit de Matrimonio, quantum ad carnalem copulam: hic agit de ipſo, quantum ad inſeparabilitatem. Et primo inter perſonas eiſdem cultus, ſcilicet quorum uterque eſt fidelis: ſecundo inter perſonas diſparis cultus, ſcilicet quorum

do-

doctrinam, quantum ad omnes status
 & conditiones hominum; ibi, *unum-
 quemque sicut vocavit Deus*. Circa pri-
 mum duo facit: primo agit de indif-
 solubilitate matrimonii, quantum ad
 eos qui sunt unius cultus; secundo,
 quantum ad eos, qui sunt in dispari
 cultu; ibi, *Nam ceteris ego dico*. Cir-
 ca primum duo facit: primo ponit
 præceptum de indissolubilitate matri-
 monii: secundo docet, quid sit ser-
 vandum, quando matrimonium quo-
 dammodo separatur; ibi, *quod si disces-*
serit. Dicit ergo primo: *Diri non nuptis*,
 id est virginibus, & viduis, quod me-
 lius est eis, si sic permanerint. *His*
autem qui matrimonio sunt iuncti non
patet eadem conditio: his enim præci-
pio non ego, scilicet indicta mihi auctori-
 tate: sed *Dominus* hoc præcepit dicens.

alter est infidelis: nam ceteris dico
 ego. In prima parte primo præcipit
 uxori virum non dimittere: secundo
 si dimiserit ob causam fornicationis,
 ostendit quod non debet se alteri
 copulare: quod si discesserit. Tertio,
 scilicet viro præcipit idem servare:
 & vir uxorem. Dicit ergo: *iis au-*
tem; quasi, hoc consulo his, qui
 non sunt coniuncti matrimonialiter.
His autem, qui in matrimonio iuncti
sunt; quasi quodam vinculo. Ma-
 trimonium enim est legitima coniun-
 ctio maris & feminae. *His*, inquam,
 præcipio non ego; quasi scilicet hoc
 præceptum ex me adinvenirem: sed
 Dominus in propria persona præci-
 pit.

Hactenus Commentarii duo discriminantur; quorum alter proprias notas habet,
 quæ genuinum Thomæ scetum produunt ipsum: non alter. In Foroſiulensi laudato
 codice, sub nomine Petri de Tarentasia scripto, priora huius loci verba differunt.
 Legimus enim: *His autem qui matrimonio &c.* Egit de Matrimonio contrahen-
 do: hic agit de contracto non separando: primo inter personas eiusdem cultus
 &c. ut supra. Quæ porro sequuntur apud Thomam, & apud Gorrano, aut
 Petrum de Tarentasia, de verbo ad verbum eadem sunt.

Matth. 19. *Quod Deus coniunxit*,
 homo non separet. Præcipio, inquam,
 uxorem a viro non discedere: & subin-
 telligendum est, excepta causa forni-
 cationis &c.

Matth. 19. *Quod Deus coniunxit*,
 homo non separet. Præcipio, inquam,
 uxorem a viro non discedere: & subin-
 telligendum est, excepta causa forni-
 cationis &c.

Et sic deinceps ad undecimum usque caput. Dolendum sane, partem hanc Com-
 mentarii, quæ sit genuinum Thomæ scetum, excidisse; aut latitantem in forulis non-
 dum obstericantem invenisse manum, quæ eam in lucem edat. Quæ vero editis
 in exemplis proſtat, an Nicolao Gorrano, an Petro de Tarentasia tribui debeat
 dubium & hærentem vidimus Echardum. Pro Gorrano stat superior Nota illa,
 quam in Veneto Codice Manuscripto legebat Remigius Florentinus. Accedit, in
 Commentario in septem Epistolas Canonicas, quem pro germano Gorrani scetu ha-
 bet Echardus, tametsi prodierit sub nomine Sancti Thomæ Aquinatis, methodum
 illam ac interpretationis rationem apparere, quam servari iam animadvertimus in
 loco, quo de agimus. Frequentibus nempe scaret notationibus, notandisque: pluri-
 busque textus commatibus continua expositione declaratis, ad priora, quo magis
 ea illustrentur, per huiusmodi adnotationes redit Auctor: vel inserit quæſita, plu-
 resque nectit obſtitiunculas, ac solvit. Commentarium ipsum consule, ut exem-
 plis res innoteſcat, in secundi capitis Epistolæ Iacobi commata quatuor priora.
 Hæc omnia dilucido Commentario exposita vides. Tum ad primum comma rever-
 titur Auctor, in quo de personarum acceptione sermo est: *Hic queritur*, inquires,
utrum acceptio persone sit peccatum; eaque de re quæſtiunculas plures movet, ac
 dirimit, ac insuper alias addit animadversiones: *Nota*, inquires, *quod personarum*
acceptio cavenda est in multis &c. Consule caput primum Epistolæ secundæ Petri &

commate decimonono ad primum & viceſimum : ubi commentatione expleta ; animadverſiones adiunguntur ad priora verba ſpectantes : *Nota ſuper illud ſupradictum, Cui benefactis attendentes...* *Nota, quod quando viſa eſt obſcura, & ſubrica, & præceptis &c.* Conſiſte caput ſecundum a commate quarto ad nonum : quibus explanatis, ad quartum redit Commentator : *Queritur, inquiens, de hoc, quod dicit Gloſſa ſuper illud, Si Angelis peccantibus &c.* Integrum demum in eadem ſeptem Epistolâ Commentarium lege : pluraque loca offeſſes, quæ methodum hanc, in loco de quo agimus & in ediris ſub nomine Gorrani poſtillis in Epistolâ Sancti Pauli ſervatam, paſſim exhibent : ut iam idem huiusmodi omnium commentationum videatur auctor . At iam ſuperius laudatos iterum codices Mss. memoro, quorum alij Commentarium in Epistolâ Pauli ſub nomine Petri de Tarentaſia præſtant, incipientem ab illis verbis, *Dedi te in lucem gentium* : alioſque ab Echardo relatos, in quibus longe diverſa Nicolai Gorrani poſtilla legitur, incipiens, *Vidi alterum Angelum volentem per medium caeli*. Qua tamen de re ſapientiorum eſto iudicium : fatique mihi fuerit, candide lectorem admonuiſſe, veluti certa Aquinatis opera, certaque operum eius particulas a nobis non venditari, ſi quæ ſint, quæ ſolidioribus argumentis in dubium revocentur.

III. Haſtenus vero de operis Auctore . Præcipua nonnulla doctrinæ capita, quæ tradit in Opere Thomas, ad examen ut advocem, invidia cogit quam conſlare moliti ſunt Criticiſſimi Viri, ut videntur, Eraſmus, & Richardus Simonius . Laudibus Aquinatem eiſque Commentationes ornat Eraſmus, quæ egregiæ in eo ſunt, qui parce laudabat : ſimulque tamen cenſuram adhibet in Annotationibus ad Caput I. Epistolâ ad Romanos. Verba illa *ſ. 4. qui prædeſtinatus eſt Filius Dei in virtute &c.* exponens, ſic ait : „ Dictum mirum eſt, quam ſe torqueat hoc loco Thomas „ Aquinas, vir aliqui non ſuo tantum ſæculo magnus. Nam meo quidem animo „ nullus eſt recentium Theologorum, cui par ſit diligentiâ, cui ſanius ingenium, „ cui ſolidior eruditio : planeque dignus erat, cui linguarum quoque peritiâ, re- „ liquaque bonarum litterarum ſuppelleſ contingeret, qui iis quæ per eam tem- „ peſtatem dabantur, tam dextre ſe uſus.“ Verius dixiſſet, ea verba Apoſtoli exponendo, non ſe torqueere Thomam, ut appoſite reponit Echardus, ſed modos omnes quibus hæ voces intelligi poterant, & a variis exponebantur, aſſerre, ut certior, ſaltem Sancti Auguſtini ſententiæ conformiorem tandem eligeret : quod in re obſcuriſſima eruditi & accurati eſt interpretis.

Ipfum quæſtionis momentum liceat paullo diligentius expendere, ut Aquinatem non ſe torſiſſe, veluti ancipitem ubi ſigeret pedem, ſed Interpretis ac Theologi partes omnes expleſſe, ipſumque Eraſmum neque critica, neque Theologica peritiâ ſatis pollentem ſe oſendiſſe, perſpicue conſtet . Quid ipſe ſenſerit Cenſor, verbis eius expreſſum accipe : „ *Qui prædeſtinatus eſt.* Magno conſenſu Græci codices habent *ἀποβίρω*, ideſt, *qui finitus ſeu deſinitus erat* ; hoc eſt, iuxta Græcorum „ Scholiorum interpretationem, *certo pronunciatuſ, demonſtratuſ, ac declaratuſ.* At- „ que ita legit Chryſoſtomus, & Theophylaſtus : ac legendum eſſe nominatim „ etiam admonet Origenes, enarrans hunc locum Dictum mirum eſt, quam ſe „ torqueat hoc loco Thomas Aquinas &c.“ Dubium nullum, pleroſque Græcæ Eccleſiæ Patres in eo Apoſtoli loco legiſſe, *ἀποβίρω* : & hanc vocem plurimis ſynonymis explanariſſe, idem eſſe dicentes, ac *oſenſum, demonſtratuſ, iudicatuſ, &c.* „ *omnium ſententiâ pro conſeſſo habitum* : totiuſque demum loci ſenſum eſſe, Chriſtum *qui factuſ eſt ex ſemine David ſecundum carnem*, multis argumentis oſtenſum cognituſque *Filium Dei ex virtute ſeu vi prodigiorum*, ex *ſpiritu ſanctificationis* quem in ſe credentibus Chriſtus infundit, ex *reſurrectione* demum qua ſe a mortuis excitavit.

In hanc interpretationem non ivit attamen Origenes, ut confidentius putavit Eraſmus : idque contendit unum, ut *deſtinatuſ Filium Dei* dixerit Apoſtoloſ, non *prædeſtinatuſ*. Diſertiſſima præſero, quæ verba habet in idem caput 1. Epistolâ ad Romanos : „ Obſervanduſ eſt enim, quia non dicit, *Prædeſtinatuſ eſt Filius*

„ *Dei*

Dei in virtute secundum spiritum sanctificationis: sed qui destinatus est Filius Dei in virtute.... Destinatur enim ille, qui est: prædestinatur vero ille qui nondum est: sicut de his quibus dicit Apostolus (ibid. capite VIII. §. 29.) Quos autem præscivit, illos & prædestinavit. Præsciri ergo & prædestinari possunt illi, qui nondum sunt; ille autem qui est, & semper est, non prædestinatur. Hæc dicta sint propter eos qui in Unigenitum Filium Dei impietatem loquuntur, & ignorantem differentiam *destinati*, & *prædestinati*, putant eum inter eos qui cum ante non fuerint prædestinati sunt, esse numerandum. Origenianæ sententiæ subscribit Hieronymus in caput 1. ad Ephesios: *Differentiam*, inquiens, *græci sermone*, προοριστας (seu προοριστους,) & ἐποδιστας, *latinus sermo non explicat*. Superior quippe sermo ad eos refertur qui antea non fuerunt: & priusquam fierent, his cogitatio est, & postea subsisterunt. Inferior vero de eo quem nulla cogitatio, voluntas nulla præcessit: sed semper fuit, & nunquam ut esset accepit exordium. Unde restat nunc de his (ad Ephesios cap. 1. §. 5. qui prædestinavit nos in adoptionem &c.) qui cum ante non essent, postea subsisterunt, dicitur προοριστους. De Filio vero, hoc est de Domino nostro Iesu Christo, in alio loco (ad Romanos cap. 1. §. 4.) scriptum est ἐποδιστας, quia semper cum Patre fuit, & nunquam ut esset, voluntas poterna præcessit. Hanc vidit Origenianam interpretationem, vocatque eam ad exanem Thomas: sensumque adprobat, qui elici inde potest, Pauli Apostoli menti consonum: „Propter hoc, inquiens, Origenes dicit: quod littera non debet esse, qui prædestinatus est: sed qui destinatus est Filius Dei in virtute; ut nulla antecessio designetur. Et secundum hoc planus est sensus, quia Christus destinatus, id est missus est a Deo Patre in mundum, tamquam verus Filius Dei in virtute divina.“

Prudens ac necessaria sequitur eius animadversio: Sed quia, iniquentis, commuiter omnes libri latini habent; Qui prædestinatus est, aliter alii hoc exponere voluerunt. Latinos libros, qui hanc afferunt lectionem, Vulgatæ Biblicæ Codices intelligit Thomas. Idem ætate sua adnotaverat Origenes loco citato: In latinis codicibus & exemplaribus, inquiens. Prædestinatus, solet inveniri. Hæc esse interpretis verba in Origenis textum intrusa, suscipitur Erasmus: at pectine nobis erit, si Hieronymus interpretes hanc Prædestinati vocem codicum latinorum auctoritate fulciri testetur. Accedunt Latini Patres, qui eo in loco idem vocabulum expressere: Vetus interpres Irenæi Libro III. contra Hæretes capite XVI. ad XVII. num. 3. Hilarius Libro VII. de Trinitate in exemplis excusis, postrema Ascetarum Maurinorum editione excepta, & in Codice Corbeienfi; Ambrosiaster in eundem Apostoli locum, Augustinus Tract. XI. in Evangelium Iohannis num. 8. & in Expositione inchoata Epistolæ ad Romanos. Græci aliqui Patres non defunt. Rufinus, qui Origenis libros ὑπὲρ ἀρχῶν latine vertit, prædestinatum Filium Dei exprimit Libro II. capite IV. num. 2. adeoque legisse προοριστους videtur: idemque sentire licet de Ireneo eiusque vetustulo interprete loco citato. Ita legit etiam Epiphanius contra Theodosianos num. 6. & Marcellus Ancyranus similiter, Eusebio teste Libro I. contra ipsum capite 11. iniquente: „Quam ille sententiam (Apostoli ad Rom. cap. 1. §. 4.) qua mente nescio, sed pervertit sane. Legit enim in textu Apostolico, προοριστους, prævisio & prædestinatio: qui debuerat, ἐποδιστους, consensio & determinatio: in eum nempe finem, ut intelligatur Filius esse eo modo, quo sunt illi qui per præscientiam designantur.“ Quo tamen loco perperam Eusebius adulteratæ Scripturæ crimen obicit Ancyrano, cum vox, Prædestinatus, ante eius ætatem iam legeretur; eandemque vocem, veluti hæreticæ pravitatis notam, perperam ac nihila reiecit confidentia.

Quid? quod tamen in Apostoli textu, legeretur ἐποδιστους, attamen tum græca ἐπιεῖν & προορίζειν, cum latina destinare & prædestinare pro eodem in huiusmodi usurpari, callentissimi Viri adnotarunt; ut iam in vestra ab Origene distinctio subtilior mage sit, quam vera ac solida. Hinc verba illa Actorum capite 11. §. 23. ὁρισμένῃ βουλῇ καὶ προνοίᾳ, perinde veritas, hunc definitio consilio (seu prædestinatione

sione) & *prescientia* Dei traditum esse: & Adorū capite x. v. 42. *ἀπορίτης ἀπὸ τοῦ*
confutatus (definitus, prædefinitus, prædestinatus) *index mortuorum*: & Adorū
 capite xvii. v. 26. *ἐπιστάς ποτεράμενος αὐτοῖς*, *definiens* (*prædefiniens*) *statuta*
tempora: & Lucæ capite xxi. v. 22. *Et quidem Filius hominis* *κατὰ τὸ ἀπορίτης*, *se-*
cundum quod definitum (seu *prædefinitum* est) *vadit*. Confule Interpretes ac Theo-
 logos in 3. p. Divi Thomæ q. xxi. art. 1. & 11. Ipsiūs Erasmi, qui etiam ha-
 vet, verba refero: „ Cæterum si hoc nos offendit, quod *prædestinari* ob additam
 „ antecessoris præpositionem referatur ad aliquid quod nondum sit, idem scrupu-
 „ lus manet in verbo simplici. Quum enim *definire* sit non *mittere*, quemadmo-
 „ dum vulgus illiteratus putat, sed certum aliquid in animo præfigere; nimirum
 „ ipsa verbi natura rei futuræ significationem habet; quemadmodum *spere*, *ti-*
 „ *mere*, *decernere*, *deliberare*, *statuere*. Nihil enim horum fit, nisi ad aliquid futu-
 „ rum referatur &c.“ Ubi animadvertite, ad vulgus illiteratum referri, quod laci-
 „ na vox *definire* significet etiam *mittere*: quo sensu Origenianam interpretationem
 exposuit Aquinas. At in Glossariis eandem verbo illi significationem subici, ad-
 notavit Dionysius Petavius Libro IX. de Prædestinatione capite 1. n. 1. Idque sa-
 tis erat superque Doctōri Aquinati, qui Theologica dogmata exponere; vim vo-
 cis quæ latinissimis hominibus placeret, scrupulosius non indagabat.

Hic prænotatis, ad rei summam accedo. Probabilis ea quidem sententia sit,
 quam Græci codices Patresque confirmant: Christum, *quis factus est ex semine David*
secundum carnem, offensum esse & agnitum demonstratumque Filium Dei variis indicis
 & argumentis prodigiorum. At fuerit nemo tam petulantis ingenii, qui Codicum
 latinorum ac Patrum lectionem reiiciat, quæ Christum esset *prædestinatum* aut *de-*
stinatum Filium Dei in virtute. Hinc alia commentatio quærenda, quæ menti Ap-
 stoli consilio consona sit. Id cum agere pergat Angelicus Thomas, iniuria mi-
 rum in modum se torquere dicitur: qui nisi id egisset, accurati doctique Interpretis
 ac Theologi munere functus non esset. Aliorum ergo interpretationes profert, vo-
 cat eas ad examen, seligit verisimiliorem. Fuerunt ergo nonnulli, „ qui hoc expo-
 „ nere voluerunt secundum consuetudinem *Scripturæ*, in qua dicitur aliquid fieri,
 „ quando innotescit; sicut Dominus post resurrectionem dicit Matthæi ultimo (ca-
 „ pite v. 18.) *data est tibi omnis potestas*: quia post resurrectionem innotuit, ta-
 „ lem potestatem sibi esse datam ab æterno.“ Hanc invexisse commentationem vi-
 detur Ambrosiaster, qui locum Apostoli enarrans: *Hic ergo*, ait, *qui incarnatus*,
quid esset latebat: tunc *prædestinatus est secundum spiritum sanctificationis in virtute*
manifestari Filius Dei, cum resurgit a mortuis. Quæ difficultates insunt, quominus
 hæc sententia adprobetur, patetfacit omnes Aquinas: „ Sed secundum hoc, iniquius,
 „ quod dicit, *prædestinatus*, non proprie accipitur: quia *prædestinatio* est de eo
 „ quod pertinet ad gratiam; non autem in hoc gratia Christo facta est, quod eius
 „ virtus divina innotuit, sed potius nobis: & ideo etiam in Glossa dicitur, quod
 „ secundum hunc sensum *Prædestinatus* large ponitur pro *prescius*; ut sit sensus,
 „ *Christus prædestinatus est*, idest *ab æterno prescius*, ut innotesceret ex tempore es-
 „ se *Filius Dei* in virtute.“ Iamvero in antecessum tradiderat Angelicus Doctōr:
 Prædestinationi, de qua hic loquimur, proprie ac Theologicè acceptæ, cum sit rei
 alicuius ordinatio ad rem aliam, illam ipsam rem quæ ordinatur ad alteram, præ-
 intelligi iam constitutam, ac naturalibus omnibus, & necessariis ad id ut sit, in-
 structam: adeoque *naturalia proprie sub prædestinatione non cadere*, sicut non dicimus
 proprie quod homo est *prædestinatus habere manus*. Tum deinde, *prædestinationem* di-
 ci proprie eorum solum quæ sunt supra naturam, in quæ rationalis creatura ordina-
 tur: esse vero supra naturam rationalis creaturæ Deum solum, cui unitur rationalis
 creatura per gratiam. Sed hanc præterea gratuitam rationalis creaturæ unionem cum
 Deo trifariam contingere: uno modo quantum ad actum ipsius Dei, puta cum per
 gratiam prophetie communicatur homini præcognitio futurorum, quæ est propria Deo
 & huiusmodi dicitur *gratia gratis data*: alio modo quantum ad ipsum Deum cui uni-
 tur rationalis creatura, communiter quidem secundum affectum dilectionis, quod quiden-

fit

fit per gratiam gratum facientem, quæ Græcia adoptionis appellatur: alio modo, qui est singularis Christo, per unionem in esse personali, Græcia dicitur gratia unionis. Hæc est vero illa gratia, eademque omnium suprema, quæ Christo facta est in tempore, & ad quam ab æterno prædestinatus dicit ille debet.

Hinc in ea Apostoli sententia, *Qui (Christus) prædestinatus est Filius Dei in virtute*, subiectum queritur, quod divina prædestinatione ordinatum fuerit ad unionem in esse personali, seu ad filiationem Dei naturalem. Unde altera est apud Aquinatem interpretatio illorum, qui prædestinationem ad ipsam unionem referentes, non attribuerunt eam personæ, sed naturæ; ut sit sensus, qui prædestinatus est Filius Dei in virtute; id est, cuius natura prædestinata est, ut sit ei unita qui est Filius Dei in virtute. Quamplures novi Theologos, quos memorare non refert, qui huic sententiæ acquiescant, sive demum naturam humanam Christi abstrahant sumas pro humanitate, sive concrete, ut aiunt, pro isto homine, certoque naturæ humanæ individuus: notantque, singularem hanc naturam humanam concepi quidem in *innoia*, seu ratione posse prius, quam Dei Filii personali proprietate affecta subsistat; re tamen ipsa nec momento exstitisse, antequam Verbo divino, Filio Dei copularetur. At propriam hanc esse locutionem, pernegat S. Thomas: eamque si mavis impropriad, baud renuit ille: *Sed hæc etiam expostio*, inquit, *impropria est, Græcia extorta. Cum enim prædestinatio importet ordinem in finem; eius est prædestinari, cuius est per suam operationem ordinari in finem. Agere autem propter finem non est naturæ, sed personæ.* Quam ergo verisimiliorem putat ille sententiam, his denique verbis profert: „Ideo si proprie accipitur, oportet quod prædestinatio attribuat ipsi personæ Christi. Sed quia persona Christi subsistit in duabus naturis, humana scilicet, & divina; secundum utramque potest aliquid dici de eo. Sicut enim de homine potest aliquid dici secundum corpus, ut tangi, & vulnerari; aliquid autem secundum animam, ut intelligere & velle: ita de Christo potest aliquid dici, & secundum divinam naturam, sicut ipse de se dicit Ioannis x. (capite v. 30.) *Ego & Pater unum sumus*; & aliquid secundum humanam, sicut cum dicimus eum esse crucifixum, & mortuum. Et hoc modo dicitur esse prædestinatus secundum humanam naturam. Quamvis enim ipsa persona Christi semper fuerit Filius Dei: tamen non semper fuit, ut existens in humana natura esset Filius Dei; sed hoc fuit ineffabilis gratiæ. Quæ postrema verba impietatem evitant & convellunt, quam ex invento inter destinationem, & prædestinationem discrimine subtilius colligebat Origenes. Quæstiunculas annexit Aquinas, ut si quæ videantur deperit difficultates, selectamque commentationem confirmet. Apposita illa est, quæ memoratur in Glossa: *Utrum Christus, secundum quod homo est, sit Filius Dei. Et videtur quod sic: quia hic est Christus, qui prædestinatus est ut sit: sed secundum quod homo, est prædestinatus ut sit: unde secundum quod homo, est Filius Dei.* Solidissima atque peripicua præsto est responsio. „Dicendum, quod si ly *secundum quod* denotet unitatem suppositi; verum est, quod secundum quod homo est Filius Dei: quia unum est suppositum Dei & hominis. Si autem designat conditionem naturæ, vel causam; falsum est, non enim ex natura humana habet ut sit Filius Dei. In argumento autem est falsitas compositionis, & divisionis, ex eo quod ly *secundum quod* potest determinare participium, *Prædestinatus*: & sic verum est, quod secundum quod homo, est prædestinatus. Vel potest determinare ipsum esse Filium Dei, ad quod ordinatur prædestinatio: & sic falsum est, non enim prædestinatus est, ut secundum quod homo sit Filius Dei; & in hoc sensu procedit ratio. Ita ille.

Alibi vero diligentius opera eandem versat quæstionem, eandemque definit sententiam, 3. p. q. xxiv. art. 1. & 2. In 3. dist. 7. q. 111. art. 1. Lib. IV. cont. Gent. cap. 1x. Subtiliores ac implexæ (non me later) agitantur in Scholis quæstiones a Theologis, sive quibus ea Thomæ sententia minus aridet, sive qui eam pro virili vindicare student. Illas omnes si hoc loco ego perierio, mihi nemo vitio verat, cum satis fuerit id enarrasse, quod tum evincit, tum vult S. Thomam Græcorum.

Patrum interpretationem deferere, aliasque debuisset commentationes asserere; quæ Apostoli Pauli menti congruerent; tum etiam censuram Erasmi, qui Thomam seu Proteum quempiam seinet in omnia vertentem, si qua possit elabi, in scenam inducit, omnino profligat.

IV. Acerbiorem voco ad examen Socinianismi notam, quam divo Thomæ, prædestinationem iam expositam hominis Christi ex meritis præcedentibus pendulam deneganti, impingit criticus alius homo, Richardus Simonius, aut nimia certe confidentia deceptus, aut ignorantia rei qua de agitur egregie laborans. Docet Doctor Angelicus citato loco, seu Lect. III. in caput 1. Epistolæ ad Romanos: *Prædestinationem Christi, qui est prædestinatus ut sit Filius Dei per naturam, esse mensuram prædestinationis nostræ, qui prædestinamur in filiationem adoptivam, quæ est quedam participatio & imago naturalis filiationis.* Colligit vero: Sicut igitur homo Christus prædestinatus non est propter merita præcedentia, sed ex sola gratia, ut sit Filius Dei naturalis: ita & nos ex sola gratia, non ex meritis prædestinamur, ut simus filii Dei adoptivi. Carpit hæc verba Simonius, & ait: „Mais pour etre trop subtil, il semble appuyer les sentimens de Socin: Comme donc, dit-il, l'homme Christ &c.“ Hoc est: „Præ nimia disserendi subtilitate, videtur Thomas Sociniani commentis favere: Sicut igitur, inquit, homo Christus &c.“

Sic ille cum blateret, tum Socinianam impietatem ignorasse videtur, tum verba ac mentem divi Thomæ certe non intellexit. Christum secundum personam impie tradit Socinus, putum putum hominem esse: Deumque vocari, non ratione substantiæ vel personæ; sed auctoritatis, potentie, ac beneficentiæ; quia salutis nostræ, vitæque æternæ dux, & auctor, & consummator extitit; divina dum in terris ageret, potentia & auctoritate præditus. Itemque Filium Dei appellari, tamen si purus homo esset, quatenus divini Spiritus vi, sine viri ope, in Virginit utero conceptus & formatum fuit. Ac denique dici Primogenitum omnis creaturæ, quod ut dignitate, sic tempore omnium novarum creaturarum prima sit: nam & conceptio ex Spiritu sancto, & ab omni peccati labe immunitas, eum novum hominem & consequenter novam creaturam constituit. Hæc Fausti Socini loca profert Natalis Alexander in Hist. Eccles. Sæculi XV. & XVI. capite 12. art. XIII. §. 4. Age vero: hæc impia commenta convellit omnia loco citato Sanctus Thomas; neque verbum habet ulum, quod tantam impietatem sapiat. Putum putum hominem, quem Sociniani Christum habent, prædestinatum fuisse ad gratias gratis datas, ad munera præstantissima, ad sublimia dona gratiæ gratum facientis, fatentur illi, prætereaque ad nihil aliud. Fidem catholicam profert S. Thomas, ipsoque loco citato docet: *Hominem Christum prædestinatum, ut sit Filius Dei naturalis.* Paulo ante præmiserat: *uniri Deo rationalem creaturam, communiter quidem secundum affectum dilectionis, quod fit per gratiam gratum facientem, quæ est gratia adoptionis: at alium esse unionis modum, singularem Christo, scilicet per unionem in esse personale.* Quot nempe verba, tot inacula adversum Sociniana commenta.

An voces illæ, *Homo Christus*, iniquæ ferendæ censure occasionem dederint, ac si homo ille Christus, qui tum dicitur *prædestinatus Filius Dei*, extiterit aliquando sine divinitate? Nec illi subeunt hanc censuram Theologi, qui tamen si humanitatem Christi aut individuum eius humanitatis rē iuxta seu ratione cogitent veluti prius, quam personali affectum proprietate subleat, illudque pronuncient prædestinatum, ut cum natura divina copuletur in persona Filii; simul atque catholicam addunt animadversionem, hominem illum singularem ita profectum prædestinatumque ad gratiam unionis, ut non prius in natura rerum existeret, quam esse Deus inciperet. Longius abest a censura, commentoque Sociniano, doctrina Thomæ, qui non humanitatem Christi, si proprie loqui velimus, sed ipsam divinam personam, secundum humanitatem tamen, in qua ea subsistit, dici debere asserit prædestinatum ad filiationem Dei naturalem. Quid vero ab hæresi Sociniana magis remotum? Quod si aliqua mentis vel unum ab altero seiungentis, vel unum prius altero cogitantis operatio admittenda sit in hac interpretatione, quam

præ cæteris Thomas adprobat ; non ea locum habet , quæ individuum humanitatis Christi prius incepisse concipit , quam personali affectum proprietate subsisteret , ut nonnullis placuisse Theologis memoravimus ; sed quæ in una divina persona Filii duo munera distinguit , alterum subsistendi in natura divina , & alterum subsistendi in natura humana . Hinc vero denique fit , hunc hominem Christum , qui persona divina est , sub ea ratione qua vices gerit personæ hominis , prædestinatum dici , ut esset Filius Dei : & hanc illi quidem , ratione humanitatis , convenire prædestinationem ; sed ipsam tamen Christi personam prædestinationis esse subiectum . Luculentissima Divi Thomæ accipe verba , quæ numero superiore allata sunt : „ Si proprie accipiat , oportet quod prædestinatio attribuat ipsi personæ Christi . Sed quia persona Christi subsistit in duabus naturis , humana scilicet , & divina ; secundum utramque potest aliquid dici de eo . Sicut enim de homine potest aliquid dici secundum corpus , ut *tangi* & *vulnerari* ; aliquid autem secundum animam , ut *intelligere* & *velle* : ita de Christo potest aliquid dici & secundum divinam naturam , sicut ipse de se dicit Ioannis x. *Ego & Pater unum sumus* ; & aliquid secundum humanam , sicut cum dicimus eum *crucifixum* & *mortuum* . Et hoc modo dicitur esse prædestinatus secundum humanam naturam : quamvis enim ipsa persona Christi semper fuerit Filius Dei ; tamen non semper fuit , ut existens in humana natura , esset Filius Dei ; sed hoc fuit ineffabilis gratiæ . „ Immo vero castissimam , omnique labe ac suspitione immunem , nemo non videt Aquinatis doctrinam . Censori Simonio parcamus potius , quam subrafcamus , cui tam altius assurgere , ut videtur , datum non fuit , ut sublimem Angelici Doctoris Theologiam assequeretur .

V. Commoveri vehementius in eundem criticum hominem quisque se sentiat , qui Thomam futilia commenta , Origenianum de præexistentia animarum , & Pelagianum de meritum præcedentia , ita enarrantem inducit , ut alterum cum altero confunderet misceveritque in loco , in quo utrumque nulla verborum ambagè disertissime distinguit , ac utrumque appositissimis convellit argumentis . Theologica periticia si defuerit Simonio , oculi certe non deerant , ut attentius Thomæ verbis perleſtis , latæ censuræ iniquitatem deprehenderet .

Allegatum S. Doctoris locum ponderemus . Ait ille Lect. III. in caput 1x. Epistolæ ad Romanos ad ea verba Ps. 14. *Quid ergo dicemus ? Numquid iniquitas apud Deum ?* „ Postquam præmisit Apostolus , quod secundum Dei electionem unus alteri præferatur , non ex operibus , sed ex gratia vocantis ; hic inquit de iustitia huius electionis . Et primo proponit dubitationem *Quid ergo dicemus , numquid iniquitas apud Deum ?* „ Infelices conatus Origenis profert , qui dubitationem ut solveret , incidit in errorem , infano excogitato commento . „ Origenes hanc obiectionemolvere volens , incidit in errorem . Ponit enim in suo Periarcho : Deum ab initio solum creaturas spirituales fecisse , & omnes æquales , ne ex eorum inæqualitate posset secundum rationem prædictam iniquitas Deo ascribi : sed postea creaturarum diversitas subsecuta est ex diversitate meritum . Nam illarum creaturarum spiritualium quædam per amorem conversæ sunt ad Deum plus , minus : & secundum hoc distincti sunt diversi ordines Angelorum . Quædam vero aversæ sunt a Deo plus , vel minus : & secundum hoc alligatæ sunt corporibus vel nobilibus , vel ignobilibus ; quædam quidem cælestibus corporibus , quædam autem corporibus hominum . Et secundum hoc ratio condendi , & distinguendi creaturas corporeas , est peccatum spiritualis creaturæ . „ Quod erroneum figmentum paucis demum refellit Thomas , inquires : „ Est contra id quod Genesis 1. dicitur : *Vidit Deus cuncta quæ fecerat , & erant valde bona .* „ Hunc locum examine versat Simonius : notatque Doctorem Aquinatem , acsi Origenianum commentum imputaverit Pelagianis . Verba eius refero : „ Il combat sur le chap. 1x. de la même Epître l'opinion d'Origène , qui a écrit dans son livre des Principes : *Que Dieu n'a créé d'abord que des êtres spirituels , & qu'il les a même faits tous égaux , pour n'être pas injuste à l'égard d'aucun ; en sorte* que

que cette diversité qui est arrivée dans la suite, vienne de la diversité de leurs mérites. Il soutient, que cette reverie d'Origène est l'hérésie des Pelagiens, qui ont cru que Dieu accordoit la grâce aux hommes en vue de leurs mérites; mais quoy qu'il suive en cela Saint Augustin, il est évident, que Pelage est très-éloigné d'Origène, contre le quel le Pelagien se font déclarer fortement. On peut de plus défendre la prévision des mérites sans tomber dans le Pelagianisme. Hoc est latine: „ In Commentario capituli ix. Epistolæ ad Romanos, pugnat Thomas contra Origenem, qui in libro *τὴν ἀρχὴν* scripto reliquit: *Deum ab initio solum creaturas spirituales fecisse, & omnes æquales, ne ex earum inequalitate posset secundum rationem prædictam iniquitas Deo adscribi: sed postea creaturarum diversitas subsequuta est ex diversitate meritum.* Putat ille, hoc Origenis figmentum ipsam esse, quam Pelagiani invexerunt hæresim, arbitantes: Deum largiri gratiam hominibus, intuitu meritum. Tametsi vero Augustinum in hac re secutur, nihilominus perspicuum est, ab Origène longissime distare Pelagium, ab eiusque nomine abhorruisse Pelagianos. Quid? quod suslineri demum absque ulla Pelagianismi nota potest prævisio meritum.” Hæc ille.

Simonio itaque si credimus, figmentum Origenis de præexistentia animarum, meritumque ac demeritum in alia vita accepit Aquinas pro ipsa Pelagianorum hæresi. Ubinam vero hæc dixerit ille? In illis profecto verbis, quæ Simonius attulit, ne vestigium quidem ullum. Addit plura, commentario suo mentem Apostoli exponens Thomas: at Origenis ac Pelagii errores non confundit, imo alterum perspicue distinguit ab altero. Aut ipsum Thomæ locum non legit censor Simonius, aut obrectandi libidine percitus non intellexit. Reiecto commento. Origeniano, legitimum Apostoli sensum patefacit Angelicus Doctor. Profert Apostolus 1. 14. Moyses verba, quæ delumpta sunt ex capite xxxiii. Exodi 19. *Misereris cuius miseror, & misericordiam præstabo cuius miseror:* quæ multarum ab scriptoribus intellecta notat Aquinas: „ Exponitur autem, inquit, hæc auctoritas in Glossa dupliciter; & secundum hoc ex auctoritate hæc dupliciter solvitur quæstio, & obiectio. Uno modo sic: *Misereris, cui miseror*, idest illi, qui est dignus misericordia... Et secundum hoc licet misericorditer sua impendat, tamen ab iniustitia excusatur, quia dat quibus dandum est, & quia non dat cui dandum non est, secundum rectitudinem iudicii sui. Sed *misereri cui dignum est*, potest intelligi dupliciter. Uno modo, ut intelligatur aliquis dignus misericordia propter opera præexistentia in hac vita, licet non ista alia, ut posuit Origenes: quod pertinet ad hæresim Pelagianorum, qui posuerunt gratiam Dei hominibus secundum merita dari. Sed hoc stare non potest: quia, sicut dictum est, ipsa etiam bona merita sunt homini a Deo, & sunt prædestinationis effectus &c.” Cæcus est, qui non videat errores duos a Thoma diligentissime distinctos: alterum operum præexistentium in alia vita, ut posuit Origenes: alterum operum præexistentium in hac vita, quod pertinet ad hæresim Pelagianam. Ipsa ratio, qua Pelagianos refellit Thomas, hæresim eorum positam in operum præexistentia in hac vita, satis indicat: sed hoc stare non potest, quia ipsa etiam bona merita, quæ in hac vita comparantur, sunt homini a Deo, & sunt prædestinationis effectus. Structura verborum in Divi Thomæ textu, quæ cuicque pervia ac plana est, deceptit Criticum Simonium; qui paullo attentiore mente textum si ponderasset, errorem eiuravisset, quem tam bonus hauserat.

Hinc iniquam censuram, qua Thomam afficit, eadem iniuria adhibet ille in Augustinum. Quid est præterea quod ab Origène eiusque erroribus tam longo diffusio intervallo Pelagianos constituat? Nonne trita sunt Hieronymi dicta, pronuntiantis in Epistola ad Ctesiphontem capite 11. *Pelagii doctrinam esse ramusculum Origenis;* & Libro I adversus Pelagium capite vii. *Pelagianorum magistrum esse videri apostolum,* auctorem nempe Operis *τὴν ἀρχὴν*; & Libro III. eiusdem Lucubrations in fine postremi capituli, *Pelagianorum amasium* appellantis Origenem? Nonne viri docti, quos inter memoro Danielem Huetium in Origenianis, demonstrant,

in negotio de divinæ gratiæ auxiliis haud recte sensisse Origenem, quamquam potius hæresim Semiipelagianorum præformavit, quam Pelagianam? Invenit ille præterea impossibilitatem, seu impeccantiam: quam etiam Pelagiani adoptarunt: alia tamen, & alia eiusdem rei consequendæ permotos illos ratione. Quid est postremo, quod Simonius ait: tuto defendi posse absque nota Pelagianismi prævisione meritorum? Saltem addidisset, merita quæ prævidentur, proficisci a gratia: gratiamque illam, quæ Preveniens dicitur, haud inniti præcedentium meritorum prævisione, ut Catholici omnes profitentur. Longe quidem (neminem latet) ab Augustini ac Thomæ sententia aberat Cænor: at se refutatam ab Angelico Doctore sentiat loco citato: *Alio modo*, inquit, potest intelligi, ut aliquis dicatur dignus misericordia, non propter aliqua merita præcedentia gratiam, sed propter merita subsequen-
tia: puta ut dicamus, quod Deus dat alicui gratiam, & proposuit ab æterno illi se daturum, quem præscribit ex bene fore usurum... Sed videtur quod nec hoc convenienter dici possit. Manifestum est enim, quod nihil potest poni ut ratio prædestinationis, quod est prædestinationis effectus, etiamsi accipiatur prout est in Dei præscientia: quia ratio prædestinationis præintelligitur prædestinationi, effectus autem in ipsa includitur. Manifestum est autem, quod omne Dei beneficium, quod homini confert ad salutem, est divinæ prædestinationis effectus: divinum autem beneficium non solum extendit se ad infusionem gratiæ, qua homo iustificatur, sed etiam ad gratiæ usum. Legge cætera, quæ in hanc rem docere pergit, elegantissima.

VI. Eodem Epistolæ ad Romanos nono capite, ad illa verba *ψ. 17. Dicit etiam Scriptura Pharaoni* (Exodi cap. ix. *ψ. 16.*) *quia in hoc ipsum excitavi te, ut ostendam in te virtutem meam*; criticas adhibet, ac theologicas animadversiones Divus Thomas. Admonet: secundum aliam litteram (apud Ambrosiastrum) legi, *servavi te*; & nostram litteram (loco citato Exodi) *habere, Posui te*. Tum sententiæ planum asserit perviumque sensum: „Considerandum est, inquit, quid Deus circa reprobos faciat, quod offendit dicens: *In hoc ipsum servavi*
„eras mori propter mala quæ feceras: sed tamen non statim tibi mortem induxi, sed servavi te in vita eo fine, qui sequitur; ut scilicet ostendam in te virtutem meam.“ Pari intelligi sensu posse Apostoli Pauli lectionem docet, *In hoc ipsum excitavi te*; „Et in hoc etiam sensu, inquit, potest legi quod dicitur,
„Excitavi te; idest, cum apud me pro tuis meritis mortuus esses, concessi tibi vitam, quasi te excitarem. In quo apparet, quod Deus iniquitatem in reprobis non facit; cum ipsi ex suis meritis essent digni statim consumi; sed hoc ipsum
„loci eos servat in vita, procedit ex nimia sua bonitate.“ Alia sequitur eiusdem loci commentatio, quam diligentius vocat ad examen Aquinas: quid in ipsa præcavendum, admonet; quid etiam ei addendum, profert. Verba refero, quæ subdola animadversione carpere videtur Simonius: „Alio modo potest intelligi,
„excitavi te in peccatum, ut deterior fias. Quod quidem non est intelligendum
„hoc modo, quod Deus in homine causet malitiam: sed est intelligendum permissivè, quia scilicet ex iusto suo iudicio permittit aliquos ruere in peccatum
„propter præcedentes iniquitates; sicut supra primo (cap. *ψ. 24.*) dictum est: Tradidit eos Deus in reprobum sensum. Sed aliquid amplius videtur mihi in hoc
„esse intelligendum: quia videlicet instinctu quodam interiori moventur homines a Deo ad bonum, & ad malum. Unde Augustinus dicit in Libro de Gratia & libero arbitrio (cap. xx.) quod Deus operatur in cordibus hominum ad inclinandas eorum voluntates quocumque voluerit, sive ad bona pro sua misericordia, sive
„ad mala pro meritis eorum. Unde & Deus dicitur sæpius suscitare aliquos ad bonum secundum illud Danielis xlii. (cap. *ψ. 45.*) *Suscitavit Deus spiritum pueri iunioris*. Dicitur etiam suscitare aliquos ad malum faciendum, secundum illud Esaiæ xlii. (cap. *ψ. 17.*) *Suscitabo Medos, qui sagittis parvulos interficiant*. Aliter tamen ad bona, aliter ad mala:“ ut infra.

Animadversionem Simonii iam accipe: „Sur ces autres mots du meme chapitre, *In hoc ipsum excitavi te* &c. il embrasse le sentiment du S. Augustin, qui ne veut

„vent qu'on entend d'une simple permission, *permissioe*, cette expression, *Excitavi te*; parce que Dieu pousse par un certain instinct intérieur les hommes au bien & au mal, comme S. Augustin l'assure dans son Livre de la Grace & du libre arbitre. „Hoc est: „In Augustini sententiam it Thomas, qui & verba, „*Excitavi te*, de simplici permissione intelligenda non vult; quandoquidem interior, re quodam instinctu movet homines Deus ad bonum malumve. „Mala Censoris fides prodit se ipsam. Cur enim inprimis motionem Dei per interiore instinctum ad bonum malumque, veluti absolute ab Augustino ac Thoma adsertam pronunciat, cum *aliter* id contingere *ad bona*, *aliter ad mala*, disertissime Thomas animadvertat? Fucum deinde facit ille, dum refert: Augustinum, ipsumque Thomam nolle, ea verba, *Excitavi te in peccatum*, de simplici permissione intelligi; ac si in iis, qui sano & catholico sensu, ut infra dicendum, *excitari* dicuntur *ad peccatum*, locum non habeat permissio Dei; sed interiore quodam id fiat instinctu a Deo immisso. Imo intelligendum id esse *permissive*, docet Aquinas absque ulla ambage: addit vero, emphasim Scripturarum si attentiore mente perpendamus, *aliquid amplius intelligendum videri: quia videlicet*, inquit, *instinctu quodam interiori moventur homines a Deo ad bonum & ad malum ... aliter tamen ad bona, aliter ad mala*.

Quod ipse latissimum docet intercedere discrimen, assero, ut mens eius perspicue demum innotescat. „Aliter tamen ad bona, inquit, aliter ad mala. Nam ad bona inclinat hominum voluntates directe & per se, tamquam auctor bonorum: ad malum autem dicitur inclinare, vel suscitare homines occasionaliter; in quantum scilicet Deus homini aliquid proponit, vel interius, vel exterius, quod quantum est de se est inducivum ad bonum: sed homo propter suam malitiam perverte utitur ad malum. „Aptissimis rem omnem patefacit exemplis. Quod assert Pharaonis exemplum, satis fuerit: *Et hoc modo circa Pharaonem accidit, qui cum a Deo excitaretur ad regni sui tutelam, abusus est hac excitatione in crudelitatem*. Itaque in ea, quam Pharo crudelitatem in Iudæos exercebat, oneribus eos affligendo, ac indicta masculorum cæde & submersione, non solum divina permissio consideranda est, Augustino & Thoma auctoribus, qua ruere Pharo in peccata sinebatur: verum interiore quodam etiam instinctu movebatur in ea facinora Aegyptius Rex. Interiorem instinctum Theologi docent positum esse in affectu indeliberato, quo volentes nolentes pertrahimur in aliquod bonum, etiam particulare. Tutelam v. g. regni sui libero deliberatoque amore sub iudicio mentis indifferente, velle poterat Pharo: sed etiam in eius corde nemo iverit inficias, indeliberatum a Deo movente imprimi amorem potuisse quo se pertractum in tutelam regni sui sentiebat ipse, veluti in quoddam bonum. Hic interior vocatur instinctus. Porro media non deerant, quibus licite uteretur Pharo ad illud assequendum bonum, quod amabat, incolunitatem regni: at perverte iudicabat, utilia media, quæ adhibenda forent, oppressionem esse Iudæorum, masculorumque cædem: eademque demum conculcabat eligenda. Permittente utique Deo, errabat intellectus Pharaonis, eiusque voluntas in pravam incidit electionem; at præter hanc permissionem, *aliquid amplius intelligendum est*, interior nempe *instinctus* a Deo immissus, quo ad incolunitatem regni tutandam pertraheretur cor Pharaonis; quove ipse, veluti occasione bona data, perverte abutebatur in peccatum. Hinc vero verborum Scripturæ aphorismi satis declarata manet, quæ Pharaonem excitatum pronunciat in malum: scilicet *occasionaliter: cum enim a Deo excitaretur ad regni sui tutelam, abusus ipse est hac excitatione in crudelitatem*. Quam, puto ego, commentationem adducere in invidiam Censor imprudens potest, nemo doctus non amplectatur. Motionem aliam Dei ad eam, quæ dicitur entitas actus peccati, hoc loco prætermittit.

Neque interiore solum instinctu, quo abutitur homo, contingere hanc motionem vel excitationem in peccatum, docet Angelicus Thomas; sed etiam *proposito aliquo exteriori, quod quantum est de se, est inducivum ad bonum*: quo tamen propter suam

suam malitiam perverse utitur homo ad malum. In eodem Pharaone rem elegantissime explicat Augustinus, beneficiis, quæ populo Hebræorum a Deo conlata noverrat impius & invidus Rex, perverse abutente. Locum integrum profero ex Enarratione in Psalmum civ. Rex Propheta Ps. 25. ait: *Convertit cor eorum* (Pharaonis & Aegyptiorum) *ut odirent populum eius, & dolum facerent in servos eius.* Perinde est, cor Aegyptiorum converti a Deo, atque fuscitari vel excitari in odium Hebraici populi. „ Numquid nam (ait Augustinus) intelligendum est vel credendum, quod Deus cor hominis ad facienda peccata convertat? An peccatum non est, vel parvum peccatum est, odisse populum Dei, & dolum facere in servos eius? Quis hoc dixerit? Numquid ergo tam gravium peccatorum auctor est „ Deus, qui nullius vel levissimi peccati auctor credendus est? Quis sapiens, & intelligit hæc? „ Sapiens est, id intelligere *permittit*: ac sapiens est, ut emphasim Scripturarum assequatur, *aliquid amplius intelligere*; ut quemadmodum *ad bona inclinat Deus hominum voluntates dicitur & per se, tamquam auctor bonorum*: ita *ad malum dicatur inclinare, vel fuscitare (vel convertere) homines occasionaliter*; in quantum scilicet Deus homini aliquid proponit, vel interius, vel exterius, quod quantum est de se, est inducivum ad bonum: sed homo propter suam malitiam perverse utitur ad malum. Motionem hanc per interiorum instinctum iam exposuimus: eandemque per aliquod exterius bonum a Deo propositum pergit loco citato explanare Augustinus. Ait quippe: „ Ipsa est illa mirabilis Dei bonitas, quæ bene utitur etiam malis, vel Angelis, vel hominibus. Cum enim ipsi vitio suo mali sint, ille de malo eorum bene facit. Non enim antequam odissent populum eius, boni erant: sed maligni & impii tales erant, quod facile incolis suis felicibus invaderent. In eo ergo quod populum suum multiplicavit, hoc beneficio suo malos ad invidendum convertit. Invidia est enim odium felicitatis alienæ. Sic ergo *convertit cor eorum, ut per invidentiam odissent populum eius, & dolum facerent in servos eius.* Non itaque cor illorum malum faciendo, sed populo suo beneficiando, cor illorum sponte malum convertit ad odium.... Non illos malos faciendo, sed istis bona quibus mali facillime possent invidere, largiendo. „ Utroque modo malos homines reprobosque, interius, vel exterius, quandoque a Deo moveri & excitari, eosdemque tum interiori illa motione, tum excitatione exteriori, ex perversitate cordis abuti, veluti occasione sumpta, ad perpetrandum malum, vel ipso experimento constat: adeoque Scripturæ verba, quæ huiusmodi excitationem ad malum exprimunt, par erat, sapientissimi Patres Augustinus & Thomas ita intelligere, ut simplicem permissionem non significarent dumtaxat, sed *aliquid amplius*, interiorum nempe instinctum a Deo in hisce casibus immisum, vel exteriorum alicuius boni propositionem, ac utriusque perversum usum. Quam longe vero hæc Sanctorum Patrum doctrina ab eo calumniæ colore distat, quo eam illinire censu Simonio placuit!

VII. Trija supersunt ex eisdem Commentariis deprompta loca, quæ lectoribus animadvertenda proponit censor, nulla quidem adhibita censura, sed neque declarans, quia id ipse egerit mente. Ait vero: „ De Hæresi fusiore sermone pertractat Lectio IV. in caput XI. Epistolæ primæ ad Corinthios: ac hæreticum definit, qui *spemans disciplinam fidei* (Thomæ verba sunt) *quæ divinitus traditur, pertinaciter proprium errorem sectatur*: unde hæreticum non mentis error tantum facit, sed voluntatis pertinacia. „ Id antea Augustinus frequentius tradiderat. Libro III. de Anima & eius origine capite XIV. num. 20. *Modo proba, carissime* (ait) *non te fallaciter ista dixisse, ut de tua indole non solum ingeniosa, verum etiam canta, pia, modesta, gaudeat catholica Ecclesia, non de consensiosa pertinacia hæretica ardescas infamia.* Et capite XV. num. 23. *Hæc si pertinaciter singula defendantur, tot hæreses facere possunt, quot opiniones esse numeramus.* Pertinaciæ naturam & indolem exponit Libro IV. de Baptismo contra Donatistas capite XVI. num. 23.

S. Th. Op. Tom. VI.

Illum

Ipsū, inquit, nondum hæreticum dico, nisi manifestata sibi doctrina catholica fidei, reflexere maluerit, & illud quod tenebat elegerit. Et Epistola XLII. al. CLXXI. num. 1. *Qui sententiam suam, quamvis falsam atque perversam nulla pertinaci animositate descendum... querunt autem cauta sollicitudine veritatem, corrigi parati cum invenerint, nequaquam sunt inter hæreticos deputandi.* Prætermitto huiusce rei reliqua plura documenta. Mens ipsius Thomæ alibi eadem est Lectione III. in caput III. Epistolæ ad Titum, & II. II. q. XI. art. 1. & 11. & De Malo q. VIII. art. 1. ad 7. Consentiunt Theologi omnes, quorum unum dissidium fervet: num pertinacia ad hæreticæ quoque propositionis qualitatem aliquo modo pertineat, & non solum proferentis animum afficiat, qui pro hæretico habendus est. Consule illos.

Pergit Simonius: „Ea verba Apostoli loco citato V. 23. *Ego enim accepi a Domino &c.* commentatione sua exponens Aquinas Lectione v. funditus quæstionem versat de *Transubstantiatione*: nihilque prætermittit, quod vetusti Scholastici ea de re docuerunt.“ Addere censor debuisset, nihil etiam a Thoma prætermisum, ut Apostoli verbis, quæ divinam asserunt revelationem, legitimo sensu explanatis (quæ supremæ sunt Theologi partes) Eucharistiæ Sacramenti institutionem ac dignitatem patefaceret; veritatemque corporis Christi, ipsamque transubstantiationem tutaretur, Hæreticorum errore prostrato, absurdique quibusdam opinionibus reiectis. Hæc omnia loco citato egregie præstat Sanctus Thomas.

Laudibus demum Sanctum Doctorem nostrum exornat Simonius, ceu diligentissimum Interpretem, qui veterum commentationes omnes & noverat, ac profert, & expendit: quæve sumit pertractanda argumenta, omnigena eruditione, quæ præito illi erat, exhaurit. In exemplum adducit Commentarii locum in Apostoli verba capite XI. Epistolæ ad Hebræos V. 22. *Fide Iacob moriens, singulos filiorum Ioseph benedixit: & adoravit sagittium virgæ eius, nempe Ioseph.* Ita Genesios capite XLVII. V. 31. iuxta versionem 72, LXX. Sensum habeto iuxta frequentiore Interpretum sententiam: Iacobum morientem, postquam se Iosephus sacramento obstrinxit, ut pro votis patris corpus eius deferretur in Chananæam regionem sepeliendum, veneratum esse sceptrum quod ipse Ioseph gerebat, seu regiam a Deo illi datam potestatem. Eadem retenta versione, variantes lectiones asserit Thomas, quæ ex græco textu profluunt: multiplicesque adducit literales, & allegoricas Doctorem interpretationes. Hanc inter ceteras profert: *Vel*, inquit, *adoravit Christum significatum per virgam illam: sicut & nos adoramus Crucifixum, & crucem ratione Crucifixi passi: unde proprie non adoramus Crucem, sed Christum crucifixum in ipsa.* Ad hæc Simonius: „Dignum, ait, animadversione, in adoratione crucis, auctore Thoma, cultum nostrum in eadem cruce non sistere, sed ipsum referri ad Crucifixum.“

An eos perstrinxerit ille Theologus, qui cum Bellarmino Libro II. de imaginibus SS. capite XXI. arbitrantur: *Imagines Christi & Sanctorum venerandas esse, non solum per accidens vel improprie, sed etiam per se & proprie, ita ut ipsæ terminent venerationem ut in se considerantur, & non solum ut vicem gerunt exemplaris: & capite XXV. cultum, qui per se & proprie debetur imaginibus, esse cultum quemdam imperfectum, qui analogice & reducere pertinet ad speciem eius cultus qui debetur exemplari?* Liceat in sensu suo abundare, Simonio. An vero Thomam committere voluerit cum Thoma, qui III. P. q. XXV. art. 3. & 4. docet, *adoratione Latriæ, qua Christus adoratur, imaginem eius & crucem adorandam esse?* Integrum lege textum: dissidiumque evanescit omne, si quod apparet. *Duplex est motus animæ in imaginem: unus quidem in ipsam imaginem, secundum quod res quedam est: alio modo imaginem, in quantum est imago alterius.* Et inter hos duos motus hæc est differentia, quia primus motus, quo quis movetur in imaginem ut est res quedam, est alius a motu

motu qui est in rem: secundus autem motus, qui est in imaginem inquantum est imago, est unus & idem cum illo qui est in rem. Sic ergo dicendum, quod imagini (vel cruci) Christi, in quantum est res quædam, puta lignum sculptum vel pictum, nulla reverentia exhibetur, quia reverentia nonnisi rationali nature debetur. Relinquitur ergo, quod exhibetur ei reverentia solum, inquantum est imago: & sic sequitur quod eadem reverentia exhibetur imagini Christi, & ipsi Christo. Cum ergo Christus adoratur adoratione latrice, consequens est quod eius imago sit adoratione latrice adoranda. Duo hæc Divi Thomæ loca si conferantur, facile patet, quænam eius sententia fuerit: eodem nempe cultu Christum coli, & eius imaginem crucemque: hunc vero, quantus quantus est, in prototypo consistere, ac nonnisi per imaginem atque crucem transire in ipsum: ad ipsum Christum si referatur, absolutum esse; positumque in mera *σχίστι* seu relatione, quatenus imaginem attingit: priore demum modo dici & esse veram propriamque latricam; sed etiam modo posteriore, cum sit idem animæ motus, latricam appellari minus proprie. Nihil dictum, quod sanctissimæ fidei regulis apprimè non conveniat.

Dionysium Petavium novi, aliosque Theologos, qui *σχίστι* illam, seu cultum relativum, quo imaginem Christi crucemque transendo attingimus, latricæ nomine renuntii insigniri: quod uni absolvo cultui, qui in Deo & Iesu Christo sistit, tribuendum censent. At dissidium fortasse totum ad verba redigitur. Præclarissimam assero Illustrissimi Iacobi-Benigni Bossueti Episcopi Meldensis animadversionem, qua fides Ecclesiæ hac in re perspicue declaratur, vindicaturque doctrina a Divo Thoma tradita. Gallica profero eius verba ex Epistola ad Ascetam quemdam scripta de Crucis adoratione: „Saint Thomas attribue a la Croix le culte de latric, qui est le culte supreme, mais il s'explique en disant que c'est une latric respectueuse, qui de-la en elle-meme n'est plus supreme, & ne le devient, que parceque elle le rapporte a Iesus-Christ. Le fondement de ce Saint Docteur c'est, que le mouvement qui porte a l'image est le meme, que celui qui porte a l'original, & qu'on unit ensemble l'un & l'autre. Qui peut blâmer ce sens? Personne sans doute: si l'expression deplait, il n'y a qu'à la laisser, comme a fait sans hesiter le Pere Petau: car l'Eglise n'a pas adopte cette expression de Saint Thomas: mais on fera bien foible & bien vain, si on est etonne de choses, qui ont un sens si raisonnable.“ Quæ latine reddita, hæc sunt: Cruci tribuitur a Divo Thoma latricæ cultus, qui supremus est: at ipsum tamen adferit ille cultum latricæ respectivum, adeoque ea dumtaxat ratione supremum, quia ad Iesum Christum refertur. Momentum rationis accipe, qua nititur Aquinas: quod motus qui est in imaginem, est unus & idem cum illo qui est in rem: ac res ipsa, & imago simul coniunctæ considerantur. Hunc vero sensum quis audent improbare? Nemo prudens ac doctus. At voces huiusmodi, si minus placeant, relinquere licet, usque adhibere Petavius noluit, cum nec eas suas fecerit adoptaveritque Ecclesiæ. Nihilum levis fuerit ac vanus, qui de rebus huiusmodi, sine dubio innocuis, ac recte rationi consentientibus, admiratione capiatur.

VIII. Quamplures numerat Operis præstantissimi editiones Iacobus Echardus: Basileensem 1475. f. aliamque VVolfangi Lachner 1495. Bononiensem 1481. f. correctam & emendatam per F. Petrum de Bergamo Ord. Præd. Parisinam typis Ioannis Petit 1526. f. ab omnibus mendis studiosissime purgatam cura & sollicitudine Nicolai Savetier: aliamque 1529. & 1532. ex typographia Nicolai Prevost, & 1541. itemque 1563. f. Ioannis de Roigny, quam curavit F. Iacobus Albertus Cæsarensis Ord. Præd. ac demum 1592. & 1654. f. Lugdunensem 1545. & 1556. in 8. Bartholomæi Honorati: Antverpiensem 1591. fol. Venerat ex vetustissimorum Codicum collatione repurgata a F. Iac. Alberto 1548. fol. & 1555. itemque a F. Remigio Florentino adornata 1562. apud Lunclæ, aliasque 1586. 1593. & 1598. Venerat hæc addo vetustiore 1498. fol. Gothicis, ut aiunt, impressam characteribus

bus. In calce hæc habentur: *Finis explanatio S. Thomæ de Aquino Ord. Fratrum Præd. in omnes Epistolas B. Pauli Apostoli, characteribus Bonetti Locatelli Bergomenfis impressa: ductu vero & imperio Nobilis Viri Domini Octaviani Scoti Civis Modoetienfis in medium data anno a partu Virginis salutifero millesimo quadringentesimo nonagesimo octavo, die vero vigesima secunda mensis Decembris, in inclita Urbe Venetiarum, Augustini Barbadii Ducis invictissimi tempestate.* Aliam addo Venetam 1533. fol. In fronte legimus: *Expositio clarissima atque catholica Divi Thomæ Aquinatis super Epistolas Pauli, cum duplici textu ad veritatem græcam correctissime addito &c.* In brevi ad Lectorem Epistola, quæ præfigitur operi, hæc habetur admonitio: *Verum cum illa (Commentaria) adulterata valde depravataque forent, ad pristinam restitui integritatem curavimus.* In calce demum: *Finis expositionis christiana S. Thomæ de Aquino Ord. Præd. in omnes Epistolas Beatissimi Principis Apostolorum Pauli. Venetiis impensa (impressa) expensis Nobilium heredum Nobilis D. Octaviani Scoti Civis Modoetienfis, anno a Nativitate Domini MDXXXIII. regnante inclito Principe Andrea Grito Dux (Duce) Venetiarum.* Vulgatæ Bibliæ textui præmittitur versio Erasmi Roterodami: cuiusdemque ad singulas Epistolas argumenta, quæ ex eiusdem Novo Testamento desumpta sunt, Angelici Doctoris prologis præfiguntur. Quod idem prorsus exemplar alia repræsentat editio Veneta, quam Gothicis characteribus anno 1536. in fol. curarunt laudati Octaviani Scoti heredes. Venetam demum anni 1562. apud Iunctas in fol. non prætermitto, quæ ad lectionem antiquorum Codicum, præsertim eorum, qui Venetiis in ædibus D. Io. & Pauli, & D. Dominici extant, fideliter a Remigio Florentino Ord. Prædicatorum restituta dicitur. Hic demum scriptum curatis accedunt integræ omnium operum editiones, Romana 1570. fol. iussu Sanctissimi Pii quinti, Antverpiensis 1612. fol. procurante Cosmo Morelles, & Parisina 1660. fol. studio & curis Ioannis Nicolai.

Romanam editionem ad unguem repræsentat hæc Veneta nostra Bettinelliana, patentibus dumtaxat Typographorum sphaematis emendatis, iisdemque ad inferiorem paginæ oram inter alias varias lectiones reiectis, ne quidpiam a nobis immutatum, ulla esse umquam suspicio queat. Sed varias prædictas inter lectiones exceptionem quandam, quæ aliquibus in editis exemplis legitur, immaculatæ conceptioni Deiparæ faventem, prætermittendam consulto duximus, utpote quam inrepolatrice Editorum manu intrusam fuisse in textum plura sunt quæ suadeant. Abist, velim ego piam, quæ dicitur habeturque, vexare sententiam: imo Sedis Apostolicæ decretis lubentissimo animo & pareo, & obsequor. In eadem exceptio auctorem habeat Sanctum Thomam, eandemque præstent codices bonæ notæ ac edita sinceriora exempla, una mihi versanda questio est, ut omnis prædicta vitio verti nullo modo debeat.

Reginaldus Lucarinus Ordinis Prædicatorum in *Animadversionibus in textum operum S. Thomæ*, quæ Romæ typis editæ anno 1666. adiunctæ sunt Manuali Thomistarum controversiarum, sic habet: „Capite v. ad Rom. Lect. 117. ad ly in „quo omnes peccaverunt, in aliquibus Codicibus hæc subiunxisse S. Thomas legatur: „*ut: una excepta Beata Virgine, quæ nullam contraxit maculam originalis peccati.*“ Quot illi codices fuerint, ubinam adserventur, an Thomæ ætate, vel suppari, vel ævo sequiore illos exaraverint notarii, an eisdem propriis oculis inspexerit Lucarinus, frustra perquiras: hæc ille silentio præterit omnia. Exceptionem illam non habent vetustissimæ editiones, quæ sæculo quatuordecimo ex Mss. codicibus prodierunt: nec eam exhibent frequentiora exempla posteriore tempore edita: eandemque prætermiserunt Romani Editores, qui iussu Pii V. omnem diligentiam adhibere, consultis collatisque emendationibus exemplaribus, ut Operum S. Thomæ editio expurgata undique prorsusque splendida redderetur.

An Codices Mss. quos postulamus, indicent alii proferantque? Eusebius Nie-
rembergius inter Opera Parthenica edita Lugduni anno 1659. in exceptionibus

Con-

Concilii Tridentini capite xx1. testimonium profert Don Ferdinandi Guevara & Adorno, qui testatur, Romæ dum ageret anno 1629. in Codice Ms. Eminentissimi Cardinalis Sforza, Commentarios Thomæ in Epistolas Divi Pauli exhibente, ad illius textus expositionem, Omnes in Adam peccaverunt, se propriis oculis hæc legisse verba: *Una excepta Beata Virgine, quæ nullam contraxit maculam originalis peccati*. De Codicis nota sic habet idem Ferdinandus: *In Bibliotheca Eminentissimi Domini Cardinalis Sforza quemdam librum inveni fortuito ex Operibus S. Thomæ super Epistolas Sancti Pauli ad magnitudinem unius Missalis, ex littera perantiqua, tabulis coopertum*. Additque postremo, adhibita diligentia inventam exceptionem illam non fuisse in eisdem Doctoris Angelici commentariis, Romæ, Mediolani, & Neapolit editis. Integrum idem testimonium descripsit Auctor *Innocentie vindicæ* typis S. Galli anno 1695. impressæ: illudque memorat Thomas Strozzius in Historia Controversiæ de Conceptione Deiparæ, Panormi edita anno 1703. Libro IV. capite VII. Ad unum scilicet Bibliothecæ olim Sfortianæ codicem fides refertur allati testimonii. Nihil interest, tabulis ipsum coopertum fuisse, & ad magnitudinem unius Missalis: ætas perantiqua, quæ adferitur, litteræ definienda fuerat: notaque codicis, si quid animadversione dignum habuisset ad conciliandam fidem, diligentius exponenda. In editionibus Romana, Mediolanensi, & Neapolitana non inveniri sæpe dictam exceptionem, mirari non debuisset Ferdinandus, cum eam neque primæ vetustæ editiones habeant, neque frequentiores aliæ sequiori ævo curatæ, ut infra dicendum. Hinc Sfortiano Codici opponi iure possunt quotquot adhibiti fuerint Codices illi, ex quibus quintodecimo sæculo ac deinceps, Viris diligentissimis accurrantibus, Commentariorum Thomæ in Epistolas Pauli Apostoli prodierunt editiones.

Alia sequitur laudati Lucarini animadversio loco citato: „Capite 111. ad Galatas Lect. vi. *Virum de mille* (verba sunt Divi Thomæ) *unum reperi, scilicet Christum, qui esset sine omni peccato: mulierem autem ex omnibus non inveni, quæ omnino a peccato immunis esset, ad minus originali, vel veniali*. Alibi: *Virum de mille reperi unum, scilicet Christum, sine omni peccato: de muliere ullam, scilicet quæ a peccato immunis fuerit, ad minus originali, vel veniali: excipitur purissima & omni laude dignissima Virgo Maria*. Henriquez apud Salazar in Tract. de Concept. B. Virginis cap. XLII. Sec. XLII. in vetustissimis codicibus supradictam lectionem se comprehendisse testatur, cum hoc addito: *Excepta B. Virgine, quæ omnino immunis a peccato fuit originali & veniali*. De hac lectione dubitat Silvius in III. p. 9. xxvii. art. 11. editionis Antverpiensis apud Ioannem Keerbergium anno MDCIIX. Verum eam plures graves patronos semper habuisse certum est. „*Vetustissimorum Codicum loco, cum non indicet Henriquez ubi adferrentur illi, nec eorum definiat ætatem, neque notam exponat, typis edita nonnulla adhibent exempla Scriptores alii*. Nierembergius loco citato sic ait: „In Epistola ad Galatas Lect. vi. sic dicitur: *Virum de mille unum reperi, scilicet Christum, qui esset sine omni peccato: mulierem autem ex omnibus non inveni, quæ a peccato omnino immunis esset, ad minus originali vel veniali: excipitur purissima & omni laude dignissima Virgo Maria*. Hæc verba inveniri possunt in impressionibus horum Commentariorum, quæ factæ sunt Parisiis anno salutis 1529. & 1532. ac Venetiis anno 1555. ac denique in impressionibus, quæ post annum 1590. in lucem emerferunt. Remigius tamen Florentinus illa verba obliteravit: *excipitur purissima & omni laude dignissima Virgo Maria*. „Auctoris *Innocentie vindicæ* paullo fusiora verba, quæ loco citato habentur, haud prætermitto. Ait ill.: „Secundus locus Divi Thomæ habetur in caput 111. Epistolæ ad Galatas Lect. vi. ubi: *Non inveni mulierem a peccato originali vel actuali omnino immunem, præter purissimam & omni laude dignissimam Virginem Mariam*. Ita habet editio antiquissima Bibliothecæ Viennensis in Collegio Societatis Iesu apud Al-

20. Tobrogas. Et editio anni 1529. apud Patres Minimos Tolosæ: allegaturque hic
 21. locus a P. Henriquez lib. III. Summæ cap. 11. lit. M. & Pineda in cap. vii.
 22. Ecclesiast. num. 29. Hæc eadem scripserat Theophilus Raynaudus Tomo VIII.
 23. Operum in Pietate Lugdunens. pag. 291. Pergit vero laudatus Auctor: "Et in
 24. editionibus, Parisiens. anno 1529. & 1532. & 1541. & 1592. & Lugdunens.
 25. anno 1541. & Veneta anno 1555. & anno 1590. sed in recentioribus editioni-
 26. bus omiſſa. Et quidem editionem Veneram anni 1555. profitetur Io. Albertus
 27. Caſtrenſis Dominicanus, ex correctiſſimis exemplaribus editam eſſe: ſed quidam
 28. Remigius Florentinus in ſua recentiori editione Antverpienſi anni 1591. verba,
 29. quæ ſavebant immaculatæ Conceptioni, intrepide expunxit, adiecta ſituræ cau-
 30. ſa: *Quia, inquit, non bene addita ſunt in editione Veneta.*"

Hæc illi. Plura ſunt vero animadverſione digna. I. Plures ut exhibeat Auctor
Innocentia vindicata editiones, quarum numero fidem conciliet exceptioni qua de-
 agimus, his editionem eandem repetit: *Editio*, inquit anni 1529. apud *Patres*
Minimos Tolofæ ----- *Et in editionibus, Pariſienſi anno 1529. &c.* II. Editum vetu-
 ſtiſſ exemplum, quod invenire potuerunt laudati Scriptores, illud eſt quod Parisiis
 anno 1529. excuſum fuit: at iam aliæ ante prodierant editiones, Parisina 1526. ab
 omnibus mendis purgata, cura & ſollicitudine Nicolai Savetier, Veneta 1498. chara-
 Herberti Bonetti Locatelli Bergomeſis impreſſa, ductu vero & imperio Nobilis Viri Do-
 mini Odaviani Scotti, Baſileenſis 1495. ex typographia Vuſſangi Lachner, Bononi-
 ſis 1481. correctæ & emendatæ per F. Petrum de Bergamo, & alia Baſileenſis 1475.
 Vetuſtiſſores illas novi ego, quæ controverſiam non habent exceptionem. III. Hanc
 veluti temere adiectam, reiſci iubet, reiſcitque a ſua Veneta apud luntas editio-
 ne anni 1562. Remigius Florentinus, his permotus rationibus: *nam in Manuſcrip-
 tis*, ut inquit, *nec etiam alibi impreſſis codicibus (quos viderim, nam multos vidi)*
hæc particula reperitur. Et in eo Pariſiis impreſſo a P. Io. Alberto Caſtrenſi emendis
expurgata, non invenitur. IV. At Venetas ac Pariſinas, quæ ſaveant, numerat Stroz-
 zius loco ſuperius citato ab anno 1513. ad annum 1555. (dal mille cinquecento e
 tredici ſino al cinquecento) in cuique viſam a Turrecremata prædictam excep-
 tionem, ait, (*in queſte doveſtero vederla Turrecremata &c.*) tametiſi in recentiori-
 bus (*meno antiche*) non habeatur. Diligentiorum ac certe neceſſariam operam præ-
 ſtitiffet Strozzius, ſi editionum, quæ annum 1529. præceſſerint, annum memoraf-
 ſet ac typographum. Papæ vero, quam felix & accurata allegatio Ioannis de Turrecre-
 mata, qui in hiſce editionibus ab anno 1513. curatis exceptionem viderit ac legerit! Qui
 nempe quinque & quadraginta annos iam ante obierat, anno Chriſti 1468. ſuoque
 in Tractatu de Veritate Conceptionis Romæ anno 1547. impreſſo prædictæ excep-
 tionis veluti a Thoma adiectæ nuſpiam meminit. V. Sed eam poſt annum 1529.
 infernam legi nonnullis editis in exemplis, quæ decem ut ſummum numerantur,
 non imus inſicias: at manum recentem, quæ Parisinam anni 1529. editionem in-
 terpolaverit, vetuſtiores evincunt, quæ ſæculo quintodecimo ex codicibus Mſs. prod-
 ierunt, ac frequentiores ævi ſequioris doctiſſimorum Virorum curis purgatæ & c-
 mendatæ, quæ plurimæ ſunt.

Sexto loco, peculiari digna animadverſione occurrunt Ioannis de Pineda, quem
 allegat Sfondratus, verba ad caput vii. Eccleſiaſtiſ V. 29. *In ſanta ergo codicum va-
 rietate* (typis edita exempla intellige) *quid vero ſcripſerit Dñus Thomæ, incertum eſt.*
 Itaque dubius hæret ille, num Divo Thomæ Auctori, an interpolatori cuiſpiam
 tribui ſæpe dicta exceptio debeat. Neque vero tanta dicenda fuerat *codicum varie-
 tas*: tres etenim memorat ipſe editiones, Parisinam anni 1529. & 1532. ac Vene-
 tam anni 1555. quibus recentiores aliæ ut ſummum ſeptem addi poſſunt. At re-
 centes ipſæ, quæ poſt annum 1529. pluribus in locis prodierunt, longe numero
 præſtant: ac vetuſtiores omnes, quotquot excuſæ fuerunt ſæculo quintodecimo,
 prædictæ ſarent exceptione, *illud vero exploratum in editione Romana (anni 1570.)*
 quæ

(XXIII.)

que correctissima habetur, desiderari exceptionem illam. Quidni exceptionem illam præterire debuerint prudentissimi Romani Editores, quam in vetustis omnibus editis exemplis non inveneri; neque in frequentioribus aliis, quæ sextodecimo eodem seculo curatæ sunt? Pergit attamen adnotare Pineda: *Quamquam neque ex hoc firmum prorsus argumentum fieri possit rei ipsius & mentis Divi Thomæ. Cur, fides? Cum in illa ipsa editione Romana quedam ex Commentariis Domini Caietani iustis de causis omiſsa fuerint: potuit itaque aliqua ex causa ab aliquo vel addi aliquid, vel omitti in illo S. Doctoris commentario.* Iustæ causæ, cur omiſsa quædam fuerint in Caietani Commentariis, patent, ac ab ipsis Romanis editoribus narrantur: *Amotis etiam ex eisdem Commentariis, iniquientibus, atque expunctis omnibus locis iuxta nostri Ordinis sanctiones, qui post decreta Tridentina Synodi leſſorem poterant detinere dubium vel suspensum: quos videlicet vel ipse Commentator vivens emendaverat, & si viveret emendasset.* Quid inde vero extundas, quod exceptionem illam, ac si tamen a Divo Thoma scripta fuerit, expungere aliqua de causa voluerint Romani editores? Inſertam quidem aliquibus in editionibus, sed emendatioribus in exemplaribus, quibus uſi sunt, non inventam; ſcilicet omnibus ante annum 1529. excuſis, ac numero pluribus post eundem annum impreſſis, iure ac merito prætermiſerunt, veluti Divo Thomæ auctori temere ſine dubio tributam.

Ac ſane una eademque illa exceptio tam diverſis concepta verbis proſertur (quod poſtremo loco animadvertendum eſt) ut eam inter variantes genuinas lectiones nemo ſapiens numeraverit, eandemque quiſque colligat pro genio ingenio. que nimiaque licentia procuſam. Quod aio, ex ſequenti collatione certum fit compertumque.

II. *Apud Henriquez.*

„ Excepta Beata Virgine, quæ omni-
„ no immunis a peccato fuit originali,
„ & veniali. “

I. *Apud Lucarinum.*

„ De muliere ullam ſcilicet, quæ a
„ peccato immunis fuerit, ad minus origi-
„ nali, vel veniali: excipitur puriſſima
„ & omni laude digniſſima Virgo Ma-
„ ria. “

III. *Apud Nierembergium.*

„ Mulierem autem ex omnibus non in-
„ veni quæ a peccato omnino immunis
„ eſſet, ad minus originali, vel veniali:
„ excipitur puriſſima & omni laude di-
„ gniſſima Virgo Maria. “

IV. *Apud Auctorem Innocentii vindictæ.*

„ Non inveni mulierem a peccato o-
„ riginali vel actuali omnino immunem,
„ præter puriſſimam & omni laude di-
„ gniſſimam Virginem Mariam. “

Cur

(XXIV.)

Cur itaque in Bettinelliana nostra editione variae praedictae lectiones praetermissae fuerint, causas habes, Lector humanissime: quas pro aequitate si expenderis, calculo tuo adprobaturum iri confidimus.



DIVI

D I V I
T H O M A E
A Q U I N A T I S
D O C T O R I S A N G E L I C I
I N E X P O S I T I O N E M
O M N I U M E P I S T O L A R U M
D. P A U L I
P R O L O G U S.

Vas electionis est mihi iste, ut portet nomen meum coram Gentibus;
& Regibus, & filiis Israel. Act. ix. 15.

Homines in sacra Scriptura inveniuntur vasis comparati propter quatuor, scilicet propter constitutionem, repletionem, usum, & fructum. Primo (a) quantum ad constitutionem: vas enim artificis arbitrio subiacer. Hierem. xviii. 4. „Fecit illud vas alterum sicut placuerat ei ut faceret.“ Sic & constitutio hominum subiacer Dei arbitrio, de quo in Psal. xcix. 3. „Ipse fecit nos, & non ipsi nos.“ Unde Elaias xlv. 9. dicit: „Numquid dicit lutum figulo suo, Quid facis?“ Et infra ad Roman. ix. 20. „Numquid dicit figmentum ei qui se finxit: Quid me fecisti sic?“ Et inde est quod secundum voluntatem Dei artificis, diversa inveniuntur vasorum constitutio. II. Timoth. ii. 20. „In magna autem domo non solum sunt vasa aurea, & argentea, sed etiam lignea, & fictilia.“ Beatus autem Paulus, qui vas electionis nominatur in verbis propositis, quale vas fuerit patet per id quod dicitur Eccli. i. 10. „Quasi vas auri solidum, ornatum omni lapide pretioso.“ Aureum quidem vas fuit propter fulgorem sapientiae; de qua potest intelligi (b) quod dicitur Gen. ii. 12. „Et aurum terrae illius optimum est:“ quia, ut dicitur Proverb. ii. 15. „pretiosior est cunctis opibus.“ Unde & beatus Petrus testimonium perhibet ei, dicens II. Petr. i. 12. „Sicut & carissimus frater noster Paulus secundum datam sibi sapientiam scripsit vobis.“ Solidum quidem fuit virtute caritatis, de qua dicitur Cant. ult. 6. „Portis est ut mors, dilectio.“ Unde & ipse dicit Rom. viii. 38. „Certus sum enim quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterant nos separare a caritate Dei.“ Ornatum autem fuit omni lapide pretioso, scilicet omnibus virtutibus, de quibus dicitur I. Corinth. xii. 12. „Si quis superaedificat supra fundamentum hoc, aurum, argentum, lapides preciosos &c.“ Unde & ipse dicit II. Corinth. i. 12. „Gloria nostra haec est, testimonium conscientiae nostrae, quod in simplicitate cordis, & sinceritate Dei, & non in sapientia carnali, sed in gratia Dei conversati sumus.“

(a) *Id.* Primo enim. (b) *Id.* quod dicitur Prov. vii. „Pretiosior &c. intermediis omitti.“ Ut haec, licet quae alia huiusmodi omitti, vel varietas alienius momenti disceptari occurrat, hoc tantum signo *AL.* notata, desumpta intelligatur ex accurate exemplo Venetis impressu cura, & impressi Obedienti Sveci anno 1498.

„sumus in hoc mundo.“ (*) Quale autem fuerit istud vas, patet ex hoc quod talia propinavit: docuit enim excellentissimæ divinitatis mysteria, quæ ad sapientiam pertinent, ut patet I. Corinth. 11. 6. „Sapientiam loquimur inter perfectos.“ Commendavit etiam excellentissime caritatem, I. Cor. 11. 11. Instruxit homines de diversis virtutibus, ut patet Colos. 11. 12. „Induite vos sicut electi Dei sancti, & dilecti viscera misericordiae, benignitatem, humilitatem, modestiam, patientiam.“

Secundo etiam ad vasa pertinet videtur ut liquore aliquo impleantur, secundum illud IV. Reg. 19. 5. „Illi offerebant vasa, & illa infundebat.“ Invenitur etiam inter vasa diversitas quantum ad huiusmodi plenitudinem: nam quædam inveniuntur vasa vini, quædam olei, & diversa diversis generis; sic etiam & homines diversis gratiis, quasi diversis liquoribus, replentur divinitus. I. Corint. 11. 8. „Alii datur per spiritum, sermo sapientiæ, alii autem sermo scientiæ secundum eundem spiritum &c.“ Hoc autem vas de quo nunc agitur, plenum fuit pretioso liquore, scilicet nomine Christi, de quo dicitur Cantic. 1. 2. „Oleum effusum nomen tuum.“ Unde dicitur: *Ut portet nomen meum*. Totus enim videtur fuisse hoc nomine plenus, secundum illud Apocal. 11. 12. „Scribam super eum nomen meum.“ Habuit enim hoc nomen in cognitione intellectus, secundum illud I. Corinth. 11. 2. „Non enim iudicavi me scire aliquid, inter vos nisi Christum.“ Habuit etiam hoc nomen in dilectione affectus, secundum illud Roman. 11. 35. „Quis nos separabit a caritate Christi?“ I. Corinth. ult. 22. „Si quis non amat Dominum nostrum Iesum Christum, sit anathema.“ Habuit etiam ipsum in tota vitæ suæ conversatione: unde dicebat Gal. 11. 20. „Vivo autem iam non ego, vivit vero in me Christus.“

Tertio quantum ad usum, considerandum est, quod omnia vasa alicui usui deputantur; sed quædam ad honorabiliorem, quædam ad viliorē, secundum illud Roman. 11. 21. „An non habet potestatem figulus lutæ eadem massa facere aliud quidem vas, honorem, aliud vero in contumeliā?“ Sic etiam homines secundum divinam ordinationem diversis usibus deputantur, secundum illud Eccli. xxxiii. 10. „Omnes homines de solo, & ex terra, unde & creatus est Adam. In multitudine disciplinæ Dominus separavit eos, & immutavit vias eorum: ex ipsis benedixit, & exaltavit... maledixit, & humiliavit.“ Hoc autem vas ad nobilem usum est deputatum, est enim vas portatorium divini nominis; dicitur enim: *Ut portet nomen meum*: quod quidem nomen necessarium erat portare, quia longe erat ab hominibus, secundum illud Esa. xxx. 27. „Ecce nomen Domini venit de longinquo.“ Est autem nobis longinquum (b) propter peccatum, secundum illud Psal. cxviii. 155. „Longe a peccatoribus salus.“ Est etiam longinquum nobis propter intellectus obscuritatem: unde (c) & de quibusdam dicitur Hebr. 11. quod erant a longe aspicientes: & Numer. xxiv. 17. dicitur: „Videbo eum, sed non modo; intuebor illum, sed non prope.“ Et ideo sicut Angeli divinas illuminationes ad nos deferunt tamquam a Deo distantes, ita Apostoli evangelicam doctrinam (d) a Christo ad nos detulerunt; & sicut (e) in veteri testamento post legem Moysi leguntur Prophetæ, qui legis doctrinam populo tradebant, secundum illud Malach. iv. 4. „Mementote legis Moysi servi mei;“ ita etiam in novo testamento post Evangelium legitur Apostolorum doctrina, qui ea quæ a Domino audierunt, tradiderunt fidelibus, secundum illud I. Corinth. 11. 23. „Accepi a Domino, quod & tradidi vobis.“ Portavit autem beatus Paulus nomen Christi primo quidem in corpore, conversationem, & passionem eius imitando, secundum illud Galat. ult. 17. „Ego enim stigmata Christi Iesu in corpore meo porto.“ Secundo in ore, quod patet in hoc quod in Epistolis suis frequentissime Christum nominat: „ex abundantia enim cordis eo loquitur,“ ut dicitur Matth. 11. 34. Unde potest significari per columbam, de qua dicitur Genes. viii. quod venit ad arcam portans ramum olivæ in ore suo. Quia enim oliva misericordiam significat, congrue per ramum olivæ accipitur nomen Iesu Christi, quod etiam misericordiam significat, secundum illud Matth. 11. 21. „Vobis, cibus nomen eius lesus: ipse enim salvum faciet populum suum a peccatis eorum.“ Hunc autem ramum virentibus foliis detulit ad arcam, scilicet Ecclesiam, quando eius virtutem, & significationem multipliciter expresse, Christi gratiam, & misericordiam ostendendo: unde (f) ipse dicit I. Timoth. 1. 16. „Ideo misericordiam consecutus sum,

(*) *Id.* Quale autem fuit istud vas, talia propinavit. (b) *Id.* propter peccatitiam. (c) *Id.* & quibusdam. (d) *Id.* emisit a Christo. (e) *Id.* a veteri. (f) *Id.* hic.

sum, ut in me primum ostenderet Iesus Christus omnem patientiam. " Et inde est quod sicut inter Scripturas veteris testamenti maxime frequentantur in Ecclesia Psalmi David, (a) qui post peccatum veniam obtinuit; ita in novo testamento frequentantur Epistolæ Pauli, qui misericordiam consecutus est, ut ex hoc peccatores ad spem erigantur: quamvis possit & alia ratio esse, quia in utraque Scriptura fere tota Theologiæ continetur doctrina. Tertio portavit non solum ad præsentem, sed etiam ad abfentes, & futuros, (b) scripturæ ipsam tradendo, secundum illud Esa. viii. 1. " Sum, tibi librum grande, & scribe in eo filo hominis. " In hoc autem officio porrandi nomen Dei, ostenditur eius excellentia quantum ad tria. Primo quidem quantum ad electionis gratiam: unde dicitur vas electionis: Ephes. 1. 4. " Elegit nos in Christo, ante mundi constitutionem. " Secundo quantum ad fidelitatem, quia nihil sui quaesivit, sed Christum, secundum illud II. Corinth. iv. 5. " Non enim nosmetipsos prædicamus, sed Christum Iesum. " Unde dicit: *Vas electionis est mihi*. Tertio quantum ad singularem excellentiam: unde ipse dicit I. Corinth. xv. 10. " Abundantius illis omnibus laboravi. " Unde signanter dicit: *Vas electionis est mihi*: quasi præ aliis singulariter.

Quantum ad fructum considerandum est, quod quidam sunt quasi vasa inutilia, vel propter peccatum, vel propter errorem, secundum illud Hier. 11. 34. " Reddidit me quasi vas inane. " Sed beatus Paulus fuit purus a peccato, & errore: unde fuit vas electionis utile, secundum illud II. Tim. 11. 21. " Si quis emundaverit se ab istis (scilicet licet erroribus, & peccatis) erit vas in honorem sanctificationum, utile Domino. " Unde utilitas, siue fructus huius vasis exprimitur cum dicitur, *Ceram Gentium*, quarum doctor fuit, secundum illud I. Tim. 1. 7. " Doctor Gentium in fide, & veritate: " & *Regibus*, quibus fidem Christi annuntiavit, sicut Agrippæ, ut habetur Act. xxvi. & etiam Neroni, & eius principibus: unde dicit Philip. 1. 12. " Quæ circa me sunt, magis ad profectum venerunt Evangelii; ita ut vincula mea manifesta fierent in Christo, in omni prætorio: " Esa. xlix. 7. " Reges videbunt, & confurgent principes: " & *filii Israel*, contra quos de Christo disputabat. Act. 13. 21. " Saulus autem magis convalescebat, & confundebat Iudæos qui habitabant Damasci, affirmans quoniam hic est Christus. "

Sic igitur ex verbis præmissis possumus accipere quatuor causas huius Operis, scilicet Epistolarum Pauli, quas præ manibus habemus. Primo quidem auctorem in vase. Secundo materiam in nomine Christi, quæ est plenitudo vasis: quia tota doctrina hæc est de doctrina Christi. Tertio modum in usu portationis: traditur enim hæc doctrina per modum Epistolarum, quæ per nuntios portari consueverunt, secundum illud II. Paral. xxx. 6. " Perrexerunt cursores cum Epistolis ex Regis imperio, & principum eius. " Quarto distinctionem operis in utilitate prædicta: scriptæ enim quatuordecim Epistolas, quarum novem instruunt Ecclesiam Gentium; quatuor prælatos, & principes Ecclesiarum, idest Reges; una populum Israel, scilicet (c) quæ est ad Hebræos filios Israel. Est enim hæc doctrina tota de gratia Christi: quæ quidem potest tripliciter considerari. Uno modo secundum quod est in ipso capite, scilicet Christo, & sic commendatur in Epistola ad Hebræos. Alio modo secundum quod est in membris principalibus corporis mystici: & sic commendatur in Epistolis quæ sunt ad prælatos. Tertio modo secundum quod in ipso corpore mystico, quod est Ecclesia; & sic commendatur in Epistolis quæ mittuntur ad Gentiles: quarum hæc est distinctio. Nam ipsa gratia Christi tripliciter potest considerari. Uno modo secundum se, & sic commendatur in Epistola ad Romanos. Alio modo secundum quod est in sacramentis gratiæ; & sic commendatur in duabus Epistolis ad Corinthios: in quarum prima agitur de ipsis sacramentis, in secunda de dignitate ministrorum: & in Epistola ad Galatas, in qua excluduntur superflua sacramenta contra illos qui volebant vetera sacramenta novis adiungere. Tertio consideratur gratia Christi secundum effectum (d) unitatis, quem in Ecclesia fecit. Agitur ergo Apostolus primo quidem de institutione ecclesiasticæ unitatis in Epistola ad Ephesios; secundo de eius confirmatione, & profectu in Epistola ad Philippenses; tertio de eius defectione, contra errores quidem in Epistola ad Colossenses, (e) contra persecutiones

A 2 vero

(a) Al. iste. (b) Edit. Romana an. 1570. & Venera Nicilini habent sensum Scripturæ tradendo. (c) In ceteris editionibus legitur quæ est ad Hebr. 1. Est enim hæc doctrina etc. (d) Al. veritatis. (e) Al. contra persequutores.

vero præsentes in prima ad Thessalonicenses, contra futuras vero, & præsipue tẽm-
pore Antichristi, in secunda. Prælatos vero Ecclesiarum instruit & spirituales, & tem-
porales. (a) Spirituales quidem de institutione, instructione, & gubernatione eccle-
siasticæ unitatis in prima ad Timotheum; de firmitate contra persecutores in secun-
da; tertio de defensione contra hæreticos in Epistola ad Titum. Dominos vero tempo-
rales instruit in Epistola ad Philemonem, Et sic patet ratio distinctionis, & ordinis o-
mnium Epistolarum.

Sed videtur quod Epistola ad Romanos non sit prima: prius enim videtur scripsisse
ad Corinthios, secundum illud Rom. ult. 1. (b) „ Commendo autem vobis Phœben so-
„ rorem nostram, quæ est in ministerio Ecclesiæ quæ est Cenchris, “ ubi est portus
Corinthiorum. Sed dicendum, quod Epistola ad Corinthios prior est in tempore scri-
pturæ, sed Epistola ad Romanos præmittitur tum propter dignitatem Romanorum,
qui aliis Gentibus dominabantur, quia hic confutabatur superbia, quæ est initium o-
mnis peccati, ut dicitur Eccli. x. tum quia etiam hoc exigit ordo doctrinæ, ut
prius gratia consideretur in se quam ut est in sacramentis.

Item queritur unde Apostolus hanc Epistolam scripsit. Augustinus dicit quod de A-
thenis, Hieronymus quod de Corinthe. Nec est contradictio: quia forte Athenis inco-
pit eam scribere, sed Corinthe consummavit.

Item obicitur contra id quod in Glossa dicitur, quod aliqui fideles, antequam Petrus,
Romanis prædicaverunt; in ecclesiastica vero Historia dicitur, quod Petrus primus præ-
dicavit eis. Sed intelligendum est primus inter Apostolos, & cum sequela magni fru-
ctus. Ante vero prædicaverat Romæ Barnabas, ut habetur in itineralio Clementis.

(a) *M.* Spirituales quidem instruit de institutione, & gubernatione etc. (b) *M.* „ Commendo vo-
bis Phœben, quæ est Cenchris, “ *Intermediis emissa.*

D I V I
T H O M A E
A Q U I N A T I S
D O C T O R I S A N G E L I C I
I N E P I S T O L A M
D. P A U L I A P O S T O L I
A D R O M A N O S
E X P O S I T I O.

C A P I T I S P R I M I

L E C T I O I.

PAULUS servus Iesu Christi, vocatus Apostolus segregatus in Evangelium Dei.

HAEC Epistola in duas partes dividitur, scilicet in salutationem, & epistolam tractatum, qui incipit ibi, *Primum quidem gratias ago Deo meo*. Circa primum tria facit. Primo describitur persona salutans; secundo (a) personae salutatae, ibi, *Omnibus qui sunt Roma*; tertio salus optata, ibi, *Gratia vobis, & pax*. Circa primum duo facit: primo enim describitur persona auctoris; secundo commendatur eius officium, ibi, *Quod ante promiserat per Prophetas suos in Scripturis sanctis de Filio suo*. Persona autem scribentis describitur a quatuor. Primo quidem ex nomine, cum dicit, *Paulus*; circa quod tria consideranda sunt. Primo quidem proprietas eius: hoc enim (b) nomine (secundum quod his litteris describitur) non potest Hebraicum esse, quia apud Hebraeos non invenitur hoc elementum P; sed potest esse Graecum, & Latinum. Si tamen aliquod elementum ei

propinquum sumatur quod est P, potest esse Hebraicum. Secundo consideranda est eius significatio; secundum enim quod potest Hebraicum esse, idem est quod mirabilis, vel electus; secundum autem quod est Graecum, idem est quod quietus; secundum vero quod est Latinum, idem est quod modicus. Et haec quidem ei conveniunt. Electus quidem fuit quantum ad gratiam: unde Act. ix. 19. „Vas electionis est mihi“, ille. „Mirabilis fuit in opere: Eccli. xlii. 2. „Vas admirabile opus excelsi.“ Quietus in contemplatione: Sapient. vii. 18. „Intrans in domum meam conquiescam cum illa.“ Modicus per humilitatem: I. Cor. xv. 9. „Ego autem sum“, minimus Apostolorum. „Tertio considerandum est quando sit hoc nomen Apostolo impositum, cum tantum ante Saul vocaretur, ut habetur Ad. ix. Circa hoc triplex est opinio. Hieronymus dicit, quod cum

(a) *Al. omittitur personae.* (b) *Al. nomen servi, quod his litteris dicit.*

cum prius vocaretur Saulus, postmodum voluit vocari Paulus, propter quoddam insignem suum, quod fecit, scilicet quia convertit Sergium Paulum proconsulem, ut habetur Act. xiii. Sicut & Scipio dictus est Africanus, quia devicit Africanum. Alii vero dicunt, quod hoc nomen imposuit sibi propter profectum virtutum, qui ex hoc nomine signatur, ut dictum est. Imponuntur enim divinitus quibuscumque nomina a principio nativitate, ad designandum gratiam quam a principio consequuntur, sicut patet de Ioanne Baptista, Lucæ i. Quibuscumque vero mutantur nomina ad designandum profectum virtutis eorum, ut Chrysostomus dicit, sicut patet de Abraham Gen. xxi. & de Petro Matth. xvi. Alii vero dicunt, & melius, quod Paulus fuit a principio binomius. Consecutus enim erat apud Iudæos ut simul cum nominibus Hebraicis assumerent sibi nomina illorum, gentium quibus serviebant, (a) sicut Græcis servientes nominabantur nominibus Græcorum, ut patet de Iasone, & Menelao II. Machab. iv. Hoc autem nomen Paulus, ab antiquo celebre fuit apud Romanos; & ideo cum diceretur Saulus secundum Hebræos, vocatus est etiam Paulus secundum Romanos: quo nomine non videtur usus nisi postquam cepit Gentibus prædicare: unde Act. xiii. 9. dicitur: „Saulus, qui & Paulus.“ Et hoc magis approbat Augustinus. Secundo describitur persona scribentis ex conditione, cum dicit, *Servus Christi*. Videtur autem esse abiecta conditio servitutis, si absolute consideretur: unde & sub maledicto pro peccato infligitur. Genes. ix. 25. „Maledictus Canaan puer, servus servorum erit fratribus suis.“ Sed redditur commendabilis ex eo quod additur, *Iesu Christi*: Iesus enim interpretatur Salvator: Matth. i. 21. „Ipse enim salvum faciet populum suum a peccatis eorum.“ Christus interpretatur unctus secundum illud Psal. xlv. 8. „Unxit te Deus, Deus tuus oleo lætitiæ:“ per quod designatur dignitas Christi & quantum ad sanctitatem, quia sacerdotes ungebantur, ut patet Exod. xxix. & quantum ad potestatem, omnia etiam Reges ungebantur, ut patet de David, I. Reg. xvi. & de Salomone, III. Reg. i. & quantum ad cognitionem, quia etiam Prophete ungebantur, ut patet de Eliseo, III. Reg. xix. Quod autem aliquid subicitur sume gloriæ, & spiritaliunctioni gratiæ, laudabile est: quia tanto

aliquid est perfectius quanto magis suæ perfectioni subicitur; sicut corpus animæ, & aer luci. Psal. cxv. 16. „O Domine, quia ego servus tuus sum.“

Sed contra est quod dicitur Ioan. xv. 15. „Iam non dicam vos servos, sed amicos.“ Sed dicendum, quod duplex est servitus. Una timoris, quæ non competit sanctis: Rom. vii. 15. „Non accepisti spiritum servitutis iterum in timore; sed accepisti spiritum adoptionis filiorum.“ Alia humilitatis, & amoris, quæ sanctis convenit, secundum illud Luc. xvii. 10. „Dicitur: Servi inutiles sumus.“ Cum enim liber sit qui est causa sui, servus autem qui est causa alterius, sicut ab alio movente motus, si quis sic agat causa alterius sicut ab alio motus, sic est servitus timoris, quæ cogit hominem operari contra suam voluntatem; si vero aliquis agat causa alterius sicut propter finem, sic est servitus amoris: quia amicorum est benefacere, & obsequi amico propter ipsum, ut Philo sophus dicit IX. Ethic. cap. xv.

Tertio commendatur a dignitate, cum dicitur, *Vocatus Apostolus*. Dignitas Apostolatus est præcipua in Ecclesia, secundum illud I. Corinth. xii. 28. „Quosdam qui dem poluit Deus in Ecclesia primum Apostolos.“ Apostolus enim idem est quod missus, secundum illud Ioan. xx. 21. „Sic,“ ut misit me Pater, & ego mitto vos, „id est ex eadem dilectione, & cum eadem auctoritate. Dicit autem, *Vocatus Apostolus*, ad designandum gratiam, id est vocatus ad hoc quod sit Apostolus: Hebr. v. 4. „Nemo assumit sibi honorem, sed qui vocatur a Deo, tamquam Aaron:“ vel ad designandum excellentiam, ut sicut urbs antonomastice vocatur ipsa Roma, ita Apostolus vocetur Paulus, secundum illud I. Cor. xv. 10. „Abundantius illis omnibus laboravi:“ vel ad designandum humilitatem, ut sit sensus: Non audeo me dicere Apostolum, sed homines (b) me ita vocant: sic I. Cor. xv. 9. „Non sum dignus vocari Apostolus.“ Quarto describitur persona scribentis ex officio, cum dicit: *Segregatus in Evangelium Dei*: segregatus, inquam, vel per conversionem ab infidelibus, secundum illud Gal. i. 15. „Cum autem placuit ei qui me segregavit ex utero matris meæ,“ scilicet synagoga: vel segregatus per electionem ab aliis discipulis, secundum illud Act. xiii. 2. „Segregavi te mihi Saulum, & Barnabam in opus,“ ad

(a) scilicet sub Genetis existentes nominabantur. (b) id est me vocant.

ad quod assumpti eos. " Evangelium autem idem est quod bona annuntiatio. Annuntiatur enim in ipso coniunctio hominis ad Deum, quæ est bonum hominis, secundum illud Plal. lxxi. 27. " Mihi autem Deo adhærere bonum est. " Triplex autem coniunctio hominis ad Deum annuntiatur in Evangelio. Prima quidem per gratiam unionis, secundum illud Ioan. 1. 14. " Verbum caro factum est. " Secunda per gratiam adoptionis, prout inducit in Plal.

lxxx. 6. " Ego dixi: Dii estis, & filii Ex-
" celsi omnes. " Tertia per gloriam frui-
" tionis. Ioan. xviii. 3. " Hæc est vitæ æter-
" nitas. " Efa. lxi. 7. " Quam pulchri su-
" per montes pedes annuntiantis! " Hæc
autem annuntiatio non humanitas, sed a
Deo facta est. Efa. xxi. 10. " Quæ audi-
" vi a Domino exercituum Deo Israel, an-
" nuntiavi vobis. " Unde dicit, *In Evan-
gelium Dei,*

LECTIO II.

Quod ante promiserat per Prophetas suos in Scripturis sanctis de Filio suo, qui factus est ei ex femine David secundum carnem.

Descripta persona scribentis, hic commendatur negotium sibi commissum, scilicet Evangelium, cuius in præmissis duplex commendatio posita est: quarum una pertinet ad utilitatem quam habet ex materia, quæ significatur ex ipso Evangelii nomine, ex quo datur intelligi quod in eo bona annuntientur; alia vero ex auctoritate quam habet ex parte auctoris, quæ est expressa in eo quod dictum est, *Dii*. Utramque ergo commendationem prosequitur Apostolus: primo quidem illam quæ est ex parte auctoris; secundo illam quæ est ex parte materiæ; ibi, *De Filio suo*. Circa primum commendatur Evangelium quadrupliciter. Primo quidem ex antiquitate: quod fuit necessarium contra paganos, qui Evangelio detrahebant, quasi post longa tempora subito eius prædicatio esset exorta; & ad hoc excludendum dicit, *Quod annuntia*: quia licet ex tempore certo prædicari inceperit, ante tamen prænuntiatum fuit divinitus. Efa. xlviii. 3. " Antequam venirent indicavi tibi. " Secundo ex eius firmitate, quæ designatur in hoc quod dicit, *Promiserat*: quia ipse ante promisit qui non mentitur. Ad. xiii. 32. " Nos vobis annuntiamus eam quæ ad patres nostros, repromissa facta est. " Tertio ex dignitate ministrorum, sive testium, cum dicit, *Per Prophetas*, quibus ante fuerant revelata quæ sunt completa circa Verbum incarnatum. Amos 1. 1. 7. " Non faciet Dominus Deus verbum (scilicet incarnari), nisi revelaverit secretum ad servos suos Prophetas. " Ad. x. 43. " Huic omnes Prophetæ testimonium perhibent. " Signanter autem dicit, *Sancti*: sunt enim sancti quæ prophetæ spiritu humano loquentes, secundum illud Hier. xlii. 16. " Visio-

nem cordis sui loquuntur, non de ore Domini. " Unde dicit ad Titum 1. 12. " Dixit quidam ex illis, proprius illorum propheta. " Sunt etiam quidam prophetæ dæmonum, qui immundo spiritu inspirantur, sicut prophetæ quos interfecit Elias, ut dicitur III. Regum xviii. Sed Prophetæ Dei dicuntur qui divino spiritu inspirantur. Ioel. ii. 28. " Effundam de spiritu meo super omnem carnem, & prophetabunt filii vestri, & filię vestræ. " Quarto ex modo tradendi, quia non solum sunt huiusmodi promissa verbo edita, sed litteris scripta: unde dicit, *In Scripturis*. Habacuc 1. 2. " Scribe visum, & explana illud. " Non autem consueverunt scribi nisi magna, quæ sunt digna memoria, & quæ oportet ad posteros devenire. Et idcirco, ut Augustinus dicit xviii. de Civitate Dei, tunc inceperunt scribi prophetiæ de Christo per Esaïam, & Oseam, quando Roma est edita, sub cuius imperio Christus erat nasciturus, & fides eius gentibus prædicanda. Ioann. v. 39. " Scrutamini Scripturas, quia vos putatis in ipsis vitam æternam habere. " Addit autem, *Sanctis*, ad differentiam scripturarum gentilium. Dicuntur autem sanctæ primo quidem quia, ut dicitur II. Pet. 1. 21. " Spiritu sancto inspirati locuti sunt sancti Dei homines. " II. Timoth. 1. 16. " Omnis Scriptura divinitus inspirata. " Secundo quia sancta continent: Psalm. xcvi. 12. " Constatemini memoriæ sanctificationis eius. " Tertio quia sanctificant: unde Ioann. xvii. 17. " Sanctifica eos in veritate. Sermo tuus veritas est. " Unde dicitur I. Machab. xii. 9. " Habentes solatio sanctos libros qui sunt in manibus nostris. " Secundo prosequitur commendationem quæ sumitur

ex bonis in Evangelio denuntiatis, quæ pertinent ad materiam Evangelii, quæ est Christus: quem quidem commendat tripliciter. Primo quidem ex origine; secundo ex dignitate, sive virtute, ibi, *Qui prædestinatus est*; tertio ex liberalitate, ibi, *Per quem accepimus*. Originem autem Christi describit duplicem. Primo quidem æternam, cum dicit, *De Filio suo*: in quo excellentiam Evangelii designavit: nam mysterium generationis æternæ antecurat (a) absconditum: unde Salomon dicit Prov. xxx. 4. „Quod nomen est ejus, & quod nomen filicij, si noli? „Sed in Evangelio Patris testimonio est declaratum, Matth. xii. & xvii. 5. „Hic est Filius meus dilectus. „Convenienter autem Filius Dei materia sanctarum Scripturarum esse dicitur, quæ divinam sapientiam exponunt, secundum illud Deuter. xv. 6. „Hæc est sapientia vestra, & intellectus coram populis. „Filius autem dicitur esse Verbum & Sapientia genita. I. Corin. i. 24. „Christum Dei virtutem, & Dei sapientiam. (b)

Sed circa hanc filiationem tripliciter aliqui erraverunt. Quidam enim dixerunt cum filiationem habere adoptivam, sicut Photinus, qui posuit Christum initium sumpsisse ex Matia Virgine, quasi hominem purum, qui per vitæ meritum ad hanc celestitudinem pervenit ut præ ceteris sanctis Filius Dei diceretur. Sed secundum hoc Christo non competeret descensus ad humanitatem, sed magis ascensus ad divinitatem, contra id quod dicitur Ioan. vi. 38. „Descendi de cælo. „Quidam vero posuerunt huiusmodi filiationem solummodo nuncupativam, sicut Sabellius, qui dixit ipsum Patrem incarnatum, & ex hoc Filium nominari; ita quod eadem sit persona, & solum nomina sint divisa. Sed secundum hoc non competeret Filio mitti a Patre; (c) quod falsum est, cum ipse dicat Ioan. vi. se descendisse ut faciat voluntatem ejus qui misit eum. Alii vero posuerunt, sicut Arrius, huiusmodi filiationem esse creatam; ita quod Filius Deist excellentissima creatura, ex nihilo tamen producta, postquam prius non fuerat. Sed secundum hoc omnia non essent per ipsum facta, (d) contra id quod dicitur Ioan. i. Oportet enim esse non factum per quem facta sunt omnia. Et hæc tria excluduntur per hoc quod signanter addit, *Sue*, id est proprio, (d) & natu-

rali. Dicit enim Hilarius: „Hic verus & proprius est filius origine, & non adoptione; veritate, non nuncupatione; naturitate, non creatione. „Procedit enim a Patre sicut verbum a corde; quod pertinet ad eandem naturam, præsertim in Deo, in quo non potest aliquid accidentaliter advenire. Unde ipse dicit Ioan. x. 30. „Ego, & Pater unum sumus. „Quod dicit „Unum, „liberat te ab Arrio; quod dicit, „sumus, „liberat a Sabellio, ut Augustinus dicit.

Secundo tangit temporalem originem, cum dicit, *Qui factus est*: ubi statim videntur patrocinium sui erroris assumere tres prædicti errores per hoc quod dicit, *Qui factus est ei*: non enim consistit æternum, sed factum. Sed per ea quæ adduntur, tollitur eorum intentio. Quia enim dicit, *Qui factus est ei*, excludit dictum Sabellii: non enim potest esse Filius factus Patri, si sit eadem persona cum ipso; sed per incarnationem erit filius Virginis. Quod vero subdit, *Ex semine David*, tollit intentionem Photini. Si enim per adoptionem esset factus Dei Filius, non diceretur factus ex semine David, sed magis ex spiritu, scilicet qui est spiritus adoptionis filiorum, ut dicitur infra viii. & ex semine Dei, ut dicitur I. Ioan. iii. Quod vero sequitur, *Secundum carnem*, tollit intentionem Arrii, qui ponit eum factum non solum secundum carnem, sed etiam secundum divinam naturam.

Est etiam considerandum ulterius, quod circa ipsum incarnationis mysterium multipliciter aliqui erraverunt. Nestorius enim posuit unionem Verbi ad hominem esse factam solum secundum inhabitationem, scilicet prout Filius Dei hominem illum inhabitavit excellentius ceteris. Manifestum est enim quod alia est substantia inhabitantis. & inhabitati; sicut hominis, & domus. Secundum hoc ponebat aliam esse personam, vel hypostasim Verbi, & hominis; ita quod alius esset secundum personam Filius Dei, & alius Filius hominis. Sed hoc manifeste apparet falsum esse per hoc quod Apostolus Philip. ii. unionem huiusmodi vocat exinanitionem. Pater autem, & Spiritus sanctus inhabitant homines, secundum illud Ioan. xiv. 23. „Ad eum veniemus, & apud eum manebimus faciemus. „Sequeretur igitur quod Pater, & Spiritus sanctus essent exinaniti; quod est absurdum.

Hoc

(a) *M.* valde absconditum. (b) *M.* emittitur quod falsum est. (c) *M.* ut dicitur. (d) *M.* & generali.

Hoc ergo excluditur per hoc quod Apostolus dicit, (a) *De Filio suo*, qui scilicet Filius Dei est factus secundum carnem, id est habens carnem, ex semine David: qui modus loquendi locum non haberet, si hæc unio facta esset solum secundum inhabitationem. De aliis enim, quos Verbum inhabitat, non dicitur, quod Verbum factum est hic, vel ille; sed quod factum est ad Hieremiam, vel Esaiam. In hoc ergo quod Apostolus, cum dixit, *De Filio suo*, addit, *Qui factus est ei ex semine David*, manifeste excludit errorem prædictum. Rursus aliqui alii, licet duas personas non concedant in Christo, concedunt tamen duas hypostasies, vel duo supposita, quod in idem redit: quia nihil aliud est persona quam hypostasis, & suppositum rationalis naturæ. Cum ergo sit una solum hypostasis, & unum suppositum in Christo, quod est suppositum, vel hypostasis Verbi æterni; non potest dici quod illa hypostasis sit facta Filius Dei, quia non incipit esse Filius Dei. (b) Et ideo non proprie dicitur, quod homo sit factus Deus, vel Filius Dei. Sed tamen si inveniatur ab aliquo doctore dictum, exponendum est sic. Factum est ut homo esset Deus. Secundum hoc proprie dicitur: Dei Filius factus est homo: quia semper non fuit homo. Et ideo legendum est quod hic dicitur, ut *ij qui accipiatur ex parte subiecti, ut sit sensus: Qui Filius Dei factus est ex semine David*: non autem ex parte prædicati: quia sensus esset, quod aliquis existens ex semine David, factus est Filius Dei; quod non dicitur vere, & proprie, sicut dictum est. Fuerunt autem alii qui posuerunt unionem esse factam secundum conversionem Verbi in carnem, sicut dicitur aer fieri ignis: unde Eutiches dixit, quod etiam ante incarnationem fuerunt duæ naturæ, post incarnationem vero una. Sed hoc est expresse falsum: quia cum Deus sit immutabilis, secundum illud Malach. i. 6. „Ego Deus, & non mutor.“ non potest in aliquid aliud converti. Unde cum dicitur, *Factus est*, non intelligitur secundum conversionem, sed secundum unionem absque divina mutatione. Potest enim aliquid de novo dici relative de aliquo absque eius immutatione: puta, aliquis (c) immobiliter sedens, fit dexter per mutationem eius qui transferitur; & sic Deus dicitur ex tempore Dominus, vel Creator

S. Th. Oper. Tem. VI.

per mutationem creaturæ; (d) & eadem ratione dicitur de novo factus, secundum illud Psal. lxxxix. 1. „Domine refugium factus ex nobis.“ Quia igitur unio relatio quædam est per mutationem creaturæ, Deus dicitur de novo factus homo, id est unitus in persona humanæ naturæ. Fuerunt etiam alii qui dixerunt, animam Christum non habuisse, sed ibi fuisse Verbum loco animæ, scilicet Arius, & Apollinarius: contra quos est illud Ioan. x. 18. „Nemo tollit animam meam.“ Quod ergo dicitur, *Secundum carnem*, non excluditur a Christo anima, sed caro ponitur pro toto homine, secundum illud Esa. xl. 5. „Videbit omnis caro patiter quod os Domini locum est.“

Quæritur autem, cum nos confitemur Christum natum ex Virgine, quare Apostolus dicat eum esse factum ex muliere. Et dicendum, quod illud nascitur quod naturali ordine producit, sicut fructus ex arbore, vel proles a parente; quod autem ex voluntate agentis producit, non secundum naturæ ordinem, sicut domus ab artifice, non potest dici nasci, sed factum. Quia igitur Christus ex Virgine processit naturali ordine quantum ad aliquid, scilicet quod conceptus est ex semina spatio novem mensium, dicitur natus; quia vero quantum ad aliquid non naturali ordine, sed sola virtute divina processit absque virili semine, dicitur factus. Eva autem dicitur ex Adam facta, non nata; Isaac autem ex Abrahamo natus, non factus.

Item quare specialiter dicitur ex semine David, & non ex semine Abraham? cui promissio facta fuit de Christo, secundum illud Gal. iii. 16. „Abrahæ dictæ sunt promissiones.“ Et dicendum est, quod factum est ad dandam spem veniæ peccatoribus: quia David peccator fuit, ex cuius semine nascitur Christus; Abraham vero iustus: ad commendandam etiam dignitatem regum Christi Romanis, regnum Gentium tenentibus. Excluditur etiam per verba ista triplex error Manichæorum. Primo quidem quod dicunt non eundem esse Deum veteris testamenti, & qui est Pater Domini nostri Iesu Christi: quod excluditur per hoc quod dicit Apostolus: *Quod Deus ante præmiserat per Prophetas suos de Filio suo in Scripturis sanctis*, scilicet veteris testamenti. Secundo vero quod damnant Scripturas

B ve-

(a) *Al. emittitur hoc verba*, De Filio suo. (b) *Al. dicitur* Et ideo non proprie dicitur quod homo sit factus Deus, vel Filius Dei. (c) *Al. non immobiliter*. (d) *Al. Et eadem ratione dicitur de novo factus homo, id est unitus in persona humanæ naturæ: intermediis omitti.*

vetēris testamēti, quas Apostolus hic dicit sanctas. Non enim aliæ Scripturæ fuerunt sanctæ ante Evangelium. Tertio quod dicunt Christum habuisse carnem phantasticam: quod excluditur per hoc quod dicit,

Christum factum ex semine David secundum carnem ei, id est ad gloriam Patris, secundum illud Ioan. vii. 50. „Ego gloriam meam non quero, sed gloriam eius, qui misit me.“

LECTIO III.

Qui prædestinatus est Filius Dei in virtute, secundum spiritum sanctificationis, ex resurrectione mortuorum Iesu Christi Domini nostri.

Commendata origine Christi, hic commendat virtutem ipsius, & ponit tria. Primo (a) prædestinationem, cum dicit, *Qui prædestinatus est*; secundo dignitatem, seu virtutem, cum dicit, *Filius Dei in virtute*; tertio signum, sive effectum, cum dicit, *Secundum spiritum sanctificationis*. Circa primum considerandum est, quod nomen prædestinationis a destinatione sumitur: dicitur enim prædestinatus quasi ante destinationem. Destinationem autem dupliciter sumitur. Quandoque pro missione: dicitur enim de scinati qui ad aliquod mittuntur, secundum illud I. Mach. i. 14. „Destinaverunt alii, qui ex populo, & abierunt ad Regem.“ Quandoque vero destinare, idem est quod proponere, secundum illud II. Mach. vi. 20. „Destinavit Eleazar non admittere, illicita.“ Hæc autem secunda significatio a prima derivari videtur. Sicut enim nuntius qui mittitur, ad aliquod dirigitur; ita quod preponimus, ad finem aliquem ordinamus. Secundum hoc igitur, prædestinare nihil aliud est quam ante in corde disponere quid sit de re aliqua faciendum. Potest (b) autem aliquis de futura re, seu operatione disponere, uno modo quantum ad ipsam rei constitutionem, sicut artifex disponit qualiter debeat facere domum; secundo modo quantum ad ipsam usum, vel gubernationem rei, sicut aliquis disponit qualiter debeat uti suo cquo: & ad hanc secundam prædispositionem pertinet prædestination, non ad primam. Id enim quo aliquis utitur, refert in finem: quia, ut Augustinus dicit in Libro (I. cap. iv.) de Doctrina Christiana, uti, est referre aliquid in finem, quo fruendum est. Sed cum res in seipsa constituitur, non dirigitur ex hoc ipso in aliud: unde prædispositio constitutionis rei, proprie prædestinationi dici non potest. Ergo idem est negare prædestinationem, quod negare præordinationem di-

vinam ab æterno de his quæ sunt fienda in tempore. Sed quia omnia naturalia pertinent ad constitutionem rei ipsius, quia vel sunt principia ex quibus rei constituitur, vel ex huiusmodi principis consequuntur; consequens est quod naturalia proprie sub prædestinatione non cadant; sicut non dicimus proprie, quod homo est prædestinatus habere manus. Relinquitur ergo quod prædestinationi dicatur proprie eorum solum quæ sunt supra naturam, in quæ rationalis creatura ordinatur. Supra autem naturam rationalis creaturæ est Deus solus, cui unitur rationalis creatura per gratiam, uno modo quantum ad actum ipsius Dei, puta cum per gratiam prophetiæ communicatur homini præcognitio futurorum, quæ est propria Deo; & huiusmodi dicitur gratia gratis data: alio modo quantum ad ipsum Deum, cui unitur rationalis creatura communiter quidem secundum effectum dilectionis, secundum illud I. Ioan. iv. 16. „Qui manet in caritate, in Deo manet, & Deus in eo:“ quod quidem sit per gratiam gratum facientem, quæ est gratia adoptionis: alio modo, qui est singularis Christo, per unionem in esse personali, & hæc dicitur gratia unionis. Sicut ergo hominem esse unitum Deo per gratiam adoptionis, cadit sub prædestinatione; ita etiam esse unitum Deo per gratiam unionis in persona, sub prædestinatione cadit: & quantum ad hoc dicit: *Qui prædestinatus est* (c) *Filius Dei*. Et ne hoc referatur ad filiationem adoptionis, additur, *in virtute*; quasi diceret: Prædestinatus est, ut sit talis Filius ut habeat æqualem, immo eandem virtutem cum Deo Patre: quia, ut dicitur Apocal. v. 12. „dignus est agnus qui occisus est, accipere virtutem, & divinitatem.“ Quinimo ipse Christus est Dei virtus, secundum illud I. Corinth. i. 24. „Christum Dei virtutem, & Dei fa-

„picta-

(a) *id.* præordinationem. (b) *id.* tamen. (c) *id.* scilicet esse Filius Dei.

pietiam. " Unde Ioan. v. 19. " Quæcumque Pater facit, hæc & Filius similiter facit. " Respectu vero gratiæ gratis datæ non dicitur aliquis prædestinatus simpliciter: quia gratia gratis data non ordinatur directe ad hoc quod ille qui eam recipit, ad finem ultimum dirigatur, sed ut per eam alii dirigantur, secundum illud I. Corinth. xii. 7. " Unicuique datur manifestatio spiritus ad utilitatem. " Manifestum est autem quoddam quod est per se, est mensura & regula eorum quæ dicuntur per alium, & per participationem: unde prædestinatio Christi, qui est prædestinatus ut sit Filius Dei per naturam, est mensura (a) & regula vitæ, & ita prædestinationis nostræ, qui prædestinamur in filiationem adoptivam, quæ est quædam participatio, & imago naturalis filiationis, secundum illud infra viii. 29. *Quos præstitit, & prædestinavit conformes fieri imaginis Filii sui*. Sicut igitur homo Christus prædestinatus non est propter merita præcedentia, sed ex sola gratia, ut sit Filius Dei naturalis; ita & nos ex sola gratia, non ex meritis prædestinamur, ut simus filii Dei adoptivi, secundum illud Deuter. ix. v. " Ne dicas in corde tuo, cum deleverit eos Dominus Deus tuus in conspectu tuo: Propter iniquitatem meam introduxit me Deus, ut terram hanc possiderem. " Est igitur manifestum ad quid sit ista prædestinatio, scilicet ad hoc quod aliquis sit Dei Filius in virtute. Sed restat inquirendum: Quis est iste qui est ad hoc prædestinatus? Cum autem prædestinatio antecessorem importet, videtur quod ille qui est prædestinatus ut sit Filius Dei in virtute, non semper fuerit Filius Dei in virtute. Non enim videtur esse prædestinatio de eo quod semper fuit, quia hoc non potest antecessorem habere. Si igitur poneremus secundum Nestorium quod persona Filii hominis esset alia a persona Filii Dei, nulla esset dubitatio: quia possemus dicere, quod persona creata Filii hominis, quæ non fuit ab æterno, ex tempore incepit esse Filius Dei in virtute. Et simile est, si quis dicat quod est alia hypostasis, vel suppositum Filii Dei, & Filii hominis. Sed hæc aliena sunt a fide, ut supra dictum est. Cum igitur non solum sit eadem persona Filii Dei & Filii hominis, sed etiam hypostasis, & idem suppositum, ratione cuius non potest dici vere & proprie, quod Filius hominis est factus Filius

Dei, ne aliquid suppositum creatum intelligatur esse de quo de novo predicatur Filius Dei; pari ratione videtur quod non possit dici Filius hominis esse prædestinatus Filius Dei, quia Filius hominis supponit suppositum æternum, quod fuit semper Filius Dei. Unde antecessor, quam importat prædestinatio, locum non habet. Propter hoc igitur Origenes dicit, quod littera non debet esse, *Qui prædestinatus est; sed Qui destinatus est Filius Dei in virtute*, ut nulla antecessor designetur: & secundum hoc planus est sensus, quia Christus destinatus, id est missus est a Deo Patre in mundum tamquam verus Filius (b) Dei, in virtute divina. Sed quia communiter omnes libri Latini habent, *Qui prædestinatus*, aliter alii hoc exponere voluerunt secundum consuetudinem Scripturæ, in qua dicitur aliquid fieri quando innotescit; sicut Dominus post resurrectionem dicit Matth. ult. 17. " Data est mihi omnis potestas: " quia post resurrectionem innotuit talem potestatem sibi esse datam ab æterno. Sed secundum hoc, quod dicit, *Prædestinatus*, non proprie accipitur: quia prædestinatio est de eo quod pertinet ad gratiam; non autem in hoc gratia Christo facta est, quod eius virtus divina innotuit, sed potius nobis. Et ideo etiam in Glossa dicitur, quod secundum hunc sensum, *prædestinatus* large ponitur pro præfinito, ut sit sensus: Christus prædestinatus est, id est ab æterno præfinitus, ut innotesceret ex tempore esse Filius Dei in virtute. Unde quidam alii prædestinationem ad ipsam unionem referentes, non attribuerunt eam personæ, sed naturæ, ut sit sensus: *Qui prædestinatus est Filius Dei in virtute*; id est, cuius natura prædestinata est, ut sit ei unita qui est Filius Dei in virtute. Sed hæc etiam explicatio impropria est, & exorta. Cum enim prædestinatio importet ordinem in finem, eius est prædestinari causæ est per suam operationem ordinari in finem. Agere autem propter finem, non est naturæ, sed personæ. Ideo si proprie accipiar, oportet quod prædestinatio attribatur ipsi personæ Christi. Sed quia persona Christi subsistit in duabus naturis, humana scilicet, & divina; secundum utramque potest aliquid dici de eo: sicut enim de homine potest aliquid dici secundum corpus, ut tangi, & vulnerari; aliquid autem secundum animam, ut intelligere, & velle; ita de Christo potest aliquid dici & secundum divinam naturam,

2 2 sicut

(a) *Al. deus & regula.* (b) *Al. missus Dei.*

sicut ipse de se dicit Ioan. x. 30. „Ego, „ & Pater unum sumus:“ aliquid secundum humanam naturam, sicut cum dicimus eum crucifixum, & mortuum; & hoc modo dicitur esse prædestinatus secundum humanam naturam. Quamvis enim ipsa persona Christi semper fuerit Filius Dei, tamen non semper fuit ut exilens in humana natura esset Filius Dei, sed hoc fuit ineffabilis gratiæ. Est autem alia ratio de hoc participio *filius*, quod designat actum realem, & de hoc participio *prædestinatus*, quod designat actum animæ. Anima enim secundum suum intellectum, & rationem potest distinguere ea quæ sunt secundum rem coniuncta: potest enim aliquid de patre albo cogitare, & loqui, seorsum quidem quantum ad hoc quod est paries, seorsum autem ex hoc quod est albus. (a) Ita etiam in prædestinatione: nam prædestinatio potest attribui personæ Christi secundum quod subsistit in humana natura, licet non attribuatür ei secundum quod subsistit in divina. Unde & Apostolus prius Filium Dei incarnatum esse præmiserat, & postea ei prædestinationem attribuit, ut intelligatur prædestinatus esse secundum quod factus est ex semine David secundum carnem; & sic a Filio Dei, explicando incarnationis mysterium, descendit ad carnem, & a carne secundum prædestinationem ascendit ad Filium Dei; ut ostendatur quod neque gloria divinitatis impedit in firmitatem carnis, neque infirmitas carnis diminuit maiestatem Dei.

Queritur autem in Glossa, primo quidem utrum Christus, secundum quod homo, sit Filius Dei. Et videtur quod sic: quia hic est Christus qui prædestinatus est ut sit; sed secundum quod homo, est prædestinatus ut sit; ergo secundum quod homo, est Filius Dei. Et dicendum quod si ly secundum quod denotat unitatem suppositi, verum est quod secundum quod homo, est Filius Dei: quia unum est suppositum Dei & hominis. Si autem designat conditionem naturæ, vel causam, falsum est: non enim ex natura humana habet ut sit Filius Dei. In argumento autem est (b) fallacia compositionis & divisionis, ex eo quod ly secundum quod potest determinare participium, *prædestinatus*; & sic verum est quod secundum quod homo, est prædestinatus: vel potest determinare ipsum esse Filium Dei, ad quod ordinatur prædestinatio; & sic falsum est:

non enim prædestinatus est ut secundum quod homo, sit Filius Dei; & in hoc sensu procedit ratio.

Secundo queritur utrum Christus secundum quod homo, sit persona. Et dicendum quod si ly secundum quod referatur ad ipsum suppositum hominis, concedendum est quod ipsum suppositum hominis est persona divina; si vero designet naturæ conditionem, vel causam, sic Christus secundum quod homo, non est persona: quia humana natura non causat novam personalitatem in Christo: adiungitur enim digniori, in cuius personalitatem transiit.

Item obiicitur de hoc quod Glossa dicit, quod qui suscepit, & quod suscepit est una persona; id autem quod suscepit Filius Dei, est humana natura: ergo humana natura est persona. Et dicendum est, quod huiusmodi locutiones sunt exponendæ, ut sit sensus, quod ille qui suscepit, & natura quam suscepit, uniuntur in una persona.

Quarto queritur utrum hoc sit verum, Homo est assumptus a Verbo. Et videtur quod sic, secundum illud Psalm. lxxv. 4. „Beatus quem elegisti, & assumpti.“ Et dicendum est, quod cum homo supponit suppositum æternum, non potest proprie dici quod homo sit assumptus a Verbo: non enim aliquid idem a seipso, sed exponendum est, sicuti invenitur homo assumptus, id est humana natura.

Quinto queritur utrum hæc sit vera, Iste homo semper fuit. Et dicendum est hanc esse veram, propter hoc quod homo supponit æternam suppositum: unde Hebr. ult. 8. dicitur: „Iesus Christus heri, & hodie, „ ipse & in sæcula:“ non tamen cum reduplicatione est vera huiusmodi propositio: non enim ille homo, secundum quod homo est, semper fuit, sed secundum quod est Filius Dei.

Sic igitur patet & de præordinatione, & de virtute Filii Dei. Restat tertium, scilicet de signo, quod tangitur in eo quod subditur: *Secundum spiritum sanctificationis*. Est enim proprium virtutis divinæ per collationem Spiritus sancti sanctificare homines: Levit. xx. 8. „Ego Dominus, „ qui sanctifico vos.“ Ipse etiam Spiritum sanctum solus dare potest, secundum illud Esai. xlii. 5. „Hæc dicit Dominus Deus „ creans cælos:“ & infra: „Dans statum „ populo qui est super terram, & spiritum „ calcantibus eam.“ Ex hoc igitur appa-

(a) scilicet. Ita etiam prædestinatio potest attribui personæ Christi &c. (b) scilicet. falsitas.

ret Christum habere virtutem divinam, quia ipse dat Spiritum sanctum, secundum illud Ioan. xv. 26. „Cum venerit paraclis, quem ego mittam. „Eius etiam virtute sanctificamur, secundum illud I. Corinth. 11. „Sed sanctificati estis, sed iustificati estis in nomine Domini nostri Iesu Christi, & Spiritu Dei nostri. „Dicit ergo: Quod Christus sit Filius Dei in virtute, apparet secundum spiritum sanctificationis, id est secundum quod dat Spiritum sanctificantem, quæ quidem sanctificatio incepta ex resurrectione mortuorum Iesu Christi Domini nostri, id est ex mortuis, secundum illud Ioan. vii. 39. „Nondum erat Spiritus datus, quia nondum Iesus fuerat glorificatus: „quod non est sic intelligendum quod nullus ante Christi resurrectionem Spiritum sanctificantem acceperit; sed quia ex illo tempore quo Christus surrexit, incepti copiosius, & communis spiritus sanctificationis dari. Potest etiam intelligi quod hic designentur duo signa virtutis divinæ in Christo. Primum quidem ex hoc quod dicit, *Secundum spiritum sanctificationis*, sive intelligatur secundum sanctificantem Spiritum, sicut dictum est; sive intelligatur secundum hoc quod ipse per Spiritum sanctum est in utero virginali conceptus, quod est signum divinæ virtutis in ipso, secundum illud Lucæ 1. 35. „Spiri-

„tus sanctus superveniet in te: „& postea sequitur: „Ideoque & quod ex te nascetur sanctum, vocabitur Filius Dei. „Secundum autem signum virtutis divinæ est resuscitatio mortuorum, secundum illud Ioan. v. 21. „Sicut Pater suscitavit mortuos, „(a) & vivificavit sic & Filius. „Eil ergo sensus, quod apparet Christum esse Filium Dei in virtute, ex resurrectione mortuorum, id est ex hoc quod mortuos secit secum resurgere, secundum illud Matth. xxvii. 52. „Multa corpora sanctorum qui dormierant surrexerunt: „& tandem faciet omnes resurgere, secundum illud Ioan. v. 28. „Omnes qui in monumentis sunt, „audient vocem Filii Dei, & qui audierint vivent. „Vel potest intelligi de spirituali resurrectione mortuorum quæ est a peccatis, secundum illud Ephes. v. 14. „Surge qui dormis, & exurge a mortuis. „Dicuntur autem mortui Iesu Christi qui ab ipso resuscitantur, sicut & infirmi alicuius medici a quo sanantur. Possunt autem hæc duo signa ad duas præcedentes clausulas referri hoc modo: *Qui factus est ex semine David secundum carnem*; & hoc secundum spiritum sanctificationis, ex quo scilicet caro eius concepta est: *qui prædestinatus est Filius Dei in virtute*; & hæc apparet in resurrectione mortuorum &c. Sed prima explicatio est melior.

L E C T I O IV.

Per quem accepimus gratiam, & Apostolatam ad obediendum fidei in omnibus Gentibus pro nomine eius, in quibus etiam & vos vocati Iesu Christi: omnibus qui sunt Romæ, dilectis Dei, vocatis sanctis. Gratia vobis, & pax a Deo Patre, & Domino nostro Iesu Christo.

Postquam commendavit Christum ab origine, & virtute, hic commendat ipsum ex liberalitate, quæ ostenditur ex muneribus quæ fidelibus contulit. Ponitur autem duplex manus. Unum quidem commendat omnibus fidelibus, scilicet gratia per quam reparatur, quam quidem a Deo per Christum accipimus: unde dicit: *Per quem accipimus*; omnes fideles, *gratiam*: Ioan. I. 17. „Gratia, & veritas per Iesum Christum facta est: „& hic infra Roman. v. 2. *Per quem accessum habemus in gratiam istam in qua stamus*. Conveniens est enim ut sicut per Verbum Dei omnia ista facta sunt, ut habetur Ioan. 1. ita per ipsum, sicut per artem omnipotentis Dei omnia instauran-

tur; sicut & artifex eadem arte reparat domum qua condidit. Colosens. 1. 20. „Per quem placuit Deo reconciliare omnia... „sive quæ in cælo, sive quæ in terra sunt. Aliud autem est munus spirituale collatum Apostolis, quod tangit subdens, *Et Apostolatam*, quod est præcipuum inter ecclesiasticos gradus. I. Corinth. xii. 28. „Et quosdam quidem posuit Deus in Ecclesia, primum quidem Apostolos. „Apostolus autem idem est quod missus: sunt enim a Christo missi, quasi eius auctoritatem, & vicem gerentes. Ioan. xx. 21. „Sicut misit me Pater, & ego mitto vos, id est cum plenitudine auctoritatis. Unde ipse Christus Apostolos nominatur: Helx.

311, 61.

(a) id est, de peccatis & vivificatis.

111. 1. „Considerate Apostolum, & Pontificem Iesum Christum. “ Unde & per ipsum tamquam principale Apostolum, sive missum, alii sunt secundario Apostolatus consecuti. Luc. vi. 13. „Elegit duodecim, quos & Apostolos nominavit. “ Præmittit autem gratiam Apostolatus, cum quia non ex meritis, sed ex gratia Apostolatus sunt consecuti: I. Corinth. xv. 9. „Ego sum minimus Apostolorum, qui non sum dignus vocari Apostolus ... gratia autem Dei sum id quod sum: tum etiam quia Apostolatus digne haberi non potest, nisi præhabita gratia sanctificante: Ephes. xv. 7. „Unicuique nostrum data est gratia, secundum mensuram donationis Christi. “ Describit autem hunc Apostolatum primo quidem ex utilitate, cum subdit: *Ad obediendum fidei*; quasi diceret: Ad hoc sumus missi ut faciamus homines fidei obedire. In his obedientia locum habet quæ voluntarie facere possumus; his autem quæ sunt fidei, ex voluntate consentimus, non ex rationis necessitate, cum sint supra rationem: nullus enim credit nisi volens, ut dicit Angustinus: & ideo circa fidem locum habet illud infra vi. 17. *Obedistis ex corde in eam formam doctrinæ, in quam traditi estis*. De hoc fructu dicitur Ioan. xv. 16. „Posui vos ut estis, & fructum afferatis. “ Secundo describitur ex amplitudine, cum subditur: *In omnibus Gentibus*: quia non tantum in una gente Iudeorum, sed ad instructionem omnium Gentium sunt directi. Matth. ult. 19. „Euntes docete omnes Gentes. “ Specialiter Paulus in omnes Gentes Apostolatus acceperat, ut ei competere possit quod dicitur Esai. xlii. 6. „Parum est ut sis mihi servus ad suscitandum tribus Iacob, & facies Israel convertendas: dedite in lucem Gentium. “ Tamen ab eius Apostolatu exclusi non erant Iudei, præsertim qui inter Gentes habitabant. Infra xi. 13. *Quamdiu quidem ego sum Gentium Apostolus, ministerium meum honorificabo, si quo modo ad amandandum provocem carnem meam, & salvos faciam aliquos ex ipsis*. Tertio ex plenitudine potestatis, cum subdit, *Pro nomine eius*, id est vice, & auctoritate ipsius. Sicut enim Christus in nomine Patris venisse dicitur Ioan. xx. quasi plenam Patris auctoritatem habens, ita & Apostoli in nomine Christi venisse dicuntur, quasi in persona Christi. II. Corinth. 11. 10. „Nam & ego quod donavi, si quid donavi, propter vos in

„persona Christi. “ Vel per hoc describitur ex fine, ut sit sensus, pro nomine eius dilatando, non pro aliquo terreno fructu sibi querendo. Ad. ix. 15. „Vas electionis est mihi iste, ut portet nomen meum coram Gentibus, & Regibus, & filiis Israel. “ Unde ad hoc fideles hortabatur Colois. 111. 17. „Omnia in nomine Iesu Christi agite. “ Quarto ex potestate super illos quibus scribebat, qui prædicto Apostolatus erant subiecti: unde subdit: *In quibus*, id est inter quas Gentes nostro Apostolatus subiectas, *estis & vos*, scilicet Romani, quamvis sublimes. Esai. xxvi. 5. „Civitatem sublimem humiliabit conculcabit eam pes pauperis (scilicet Christi) gressus egenorum, “ id est Apostolorum, Petri, & Pauli. II. Corinth. x. 14. „Usque ad vos pervenimus in Evangelio Christi. “ Subdit: *Vocati Iesu Christi*, id est (a) specialiter a Iesu Christo, secundum illud Osai. i. 9. „Vocabo non populum meum. “ Vel vocati ut sitis Iesu Christi. Infra viii. *Quos prædestinavit, hos & vocavit. Vel vocati Iesu Christi*, id est dicti a Iesu Christo Christiani. Ad. x. 26. „Ita ut cognominarentur prius mun Antiochie discipuli, Christiani. “ Consequenter describuntur personæ salutatae: & primo ex loco, cum dicit: *Omnibus qui sunt Roma*. Signanter (b) autem omnibus scribit, quia omnium salutem cupiebat. I. Corinth. vii. 7. „Volo omnes homines esse sicut meipsum. “ Ad. x. 11. dictum est eis: „Oportet te & Romæ testificari. “ Secundo describuntur personæ salutatae (c) ex gratiæ dono, ibi, *Dilecti Dei*. Circa quod (d) primo ponitur prima gratiæ origo, quod est Dei dilectio. Deuter. xxxii. 3. „Dilexit populus: omnes sancti illius sunt. “ I. Ioan. iv. 10. „Non quasi nos dilexerimus Deum (scilicet prius) sed quoniam ipse prior dilexit nos. “ Deicem dilectionem provocatur ex bono creaturæ, sicut dilectio humana; sed magis ipsum bonum creaturæ causat: quia diligere est bonum vel dilectio voluntas autem Dei est causa verum, secundum illud Psalm. cxxxiv. 6. „Omnia quæcumque voluit, fecit. “ Secundo ponitur vocatio cum subdit, *Vocatis*. Quæ quidem est duplex: una exterior, secundum quam vocavit Petrum, & Andream, Matth. iv. alia autem est vocatio interior, quæ est secundum interiore inspirationem. Prov. i. 24. „Vocavi, & renuistis. “ Tertio ponit

(a) *Al.* amicitur specialiter. (b) *Al.* deus autem. (c) *Al.* ex gratia. Circa quod *Sec.* interdictis emissis. (d) *Al.* primo ponitur origo.

nit gratiam iustificationis, cum dicit, *Sanctis*, id est per gratiam, & sacramenta gratiæ sanctificatis. I. Corinth. vi. 11. „ Sed „ abluti estis, sed sanctificati estis, „ ut sitis dilecti a Deo, vocati ad hoc quod sitis sancti.

Deinde ponuntur bona quæ eis operantur, quæ sunt *gratia*, & *pax*: quorum unum, scilicet gratia, est primum inter Dei dona, quia per eam iustificatur impius. Infra xii. 24. *Iustificati gratis per gratiam ipsius*. Aliud autem, scilicet pax, est ultimum, quod in beatitudine perficitur. Psal. cxlvii. 14. „ Qui posuit fines tuos pacem. „ Tunc enim erit perfecta pax, quando voluntas requiescet in plenitudine omnis boni, consequens immunitatem ab omni malo. Esai. xxxiii. 18. „ Sedebit populus meus in pulchritudine pacis. „ Et sic per hæc duo bona, alia media intelliguntur. Ostendit etiam consequenter unde sint huiusmodi bona expectanda, cum subdit: *A Deo Patre nostro*. Iacob. 1. 27. „ Omne datum optimum, „ & omne donum perfectum de sursum est, „ descendens a Patre luminum. „ Psalm. lxxxiii. 12. „ Gratiam, & gloriam dabit „ Dominus, „ Addit autem, *Et Domino le-*

sa Christo: quia, ut (a) dicitur Ioan. 1. 17. „ gratia, & veritas per Iesum Christum „ facta est. „ Ipse etiam dicit Ioan. xiv. 27. „ Pacem meam do vobis. „ Quod autem dicit, *Deo Patre nostro*, potest teneri essentialiter pro tota Trinitate; quæ dicitur Pater, quia nomina importantia relationem ad creaturam, communia sunt toti Trinitati; sicut Creator, & Dominus. Addit autem, *Domino Iesu Christo*, non quod sit alia persona a tribus, sed propter humanam naturam, per cuius mysterium ad nos dona gratiarum perveniunt. II. Pet. 1. 4. „ Per „ quem maxima, & pretiosa nobis promissa donavit. „ Vel potest dici, quod hoc quod dicit, *Deo Patre nostro*, tenetur pro persona Patris, quæ secundum proprietatem dicitur Pater Christi, sed secundum appropriationem Pater noster. Ioan. xv. 17. „ Ascendo ad Patrem meum, & Patrem „ vestrum. „ Tangitur autem persona Filii, cum dicitur, *Et Domino Iesu Christo*. Persona autem Spiritus sancti (b) expressè non ponitur, quia intelligitur in donis eius, quæ sunt gratia, & pax: vel etiam quia intelligitur in duabus personis Patris, & Filii, quarum est unio & nexus.

L E C T I O V.

Primum quidem gratias ago Deo meo per Iesum Christum pro omnibus vobis, quia fides vestra annuntiatur in universo mundo. Testis enim est mihi Deus, cui servio in spiritu meo in Evangelio Filii eius, quod sine intermissione memoriam vestri facio semper in orationibus meis, obsecrans si quo modo tandem aliquando prosperum iter habeam in voluntate Dei veniendi ad vos: desidero enim videre vos, ut aliquid impartiar vobis gratiæ spiritualis, ad confirmandos vos; id est, simul consolari in vobis per eam quæ invicem est fidem vestram atque meam. Nolo autem vos ignorare, fratres, quia sæpe proposui venire ad vos, & prohibitus sum usque adhuc, ut aliquem fructum habeam in vobis, sicut & in ceteris Gentibus. Græcis, ac barbaris, sapientibus, & insipientibus debitor sum; ita quod in me promptum est & vobis, qui Romæ estis, evangelizare: non enim erubescō Evangelium.

Præmissa salutatione, hic Apostolus epistolarem tractatum incipit: in quo primo ostendit affectum suum ad eos quibus scribebat, ut reddat auditores benevolos; secundo instruit eos de veritate, quæ pertinet ad virtutem gratiæ Christi, ibi, *Virtus enim Dei est*. Ostendit autem affectum ad eos tripliciter: primo quidem ex gratiarum actione, quæ de eorum bonis gratias agit; secundo ex oratione, quam pro eis ad Deum fundit, ibi, *Testis enim est mihi Deus*; tertio

ex desiderio visitationis eorum, ibi, *Obsecrans si quo modo*. Circa primum tria oportet considerare. Primo quidem gratiarum actionis ordinem. (c) cum dicit: *Primum quidem gratias ago Deo meo*. Necessè est enim ut in omnibus gratiarum actionem præmittamus, secundum illud I. Thes. ult. 18. „ In omnibus gratias agite. „ Non enim est dignus beneficium consequi qui de acceptis beneficiis gratias non agit. Sapient. xvi. 29. „ Ingrati spes tamquam hybernalis „ glacies

(a) *Al. deus* ut. (b) *Al. amplexus* expresse. (c) *Al. quia*.

„glacies tabelle:“ & Eccl. 1. 7. „Ad „locum unde exeunt flumina revertuntur:“ quia ad principium unde proveniunt beneficia revertuntur, scilicet per gratiarum actiones: „ut iterum fluant,“ scilicet per iteratam beneficiorum exhibitionem. In omnibus autem quæ petimus, vel agimus, divino beneficio indigemus; & ideo ante omnia debet gratiarum actio præmitti. Secundo designat personas tres: quarum una est persona cui sit gratiarum actio, quam designat dicens, *Deo meo*, scilicet cui debetur gratiarum actio de omnibus bonis, quia ab eo fluunt. Iacob. 1. 17. „Omne „datum optimum, & omne donum perfectum de sursum est, descendens a Patre luminis. „Et quomvis sit Deus omnium per creationem, & gubernationem, secundum illud infra x. 12. *Dominus omnium*; specialiter tamen dicitur esse Deus iustorum tripliciter. Primo quidem secundum speciale coram quam de eis gerit. Psal. xxxiii. 10. „Oculi Domini super iustos. „Er alibi (Psal. xvi. 1.) dicit: „Dominus illuminatio mea. „Secundo per specialem cultum. Exod. xv. 2. „Iste Deus meus, & „glorificabo eum. „Tertio quia eorum præmium. Genes. xv. 1. „Ego Dominus „merces tua magna nimis. „Secunda persona est mediatoris, quam tangit dicens, *Per Iesum Christum*. Eodem enim ordine debet gratiarum actio in Deum recurrere quo gratiæ a Deo in nos deveniunt, quod quidem est per Iesum Christum. Infra v. 5. *Per quem accessum habemus per fidem in gratiam istam in qua stamus*. Tertia est persona illorum pro quibus gratias agit, quam designat subdicens, *Pro omnibus vobis*: quia scilicet eorum gratias quasi suas reputat propter vinculum caritatis; (a) quasi diceret: „Maiores horum non habeo gratiam, quam ut audiam filios meos in veritate ambulare:“ Ill. Ioan. xv. Signanter autem dicit, *Pro omnibus vobis*, quia scilicet omnibus placere desiderat: I. Corinth. x. 33. „Sicut & ego pro omnia omnibus placeo:“ & omnium salutem cupit, secundum illud I. Corinth. xii. 7. „Volo omnes „homines esse sicut meipsum. „Tertio ponit materiam gratiarum actionis, cum subdit: *Quia fides vestra annuntiatur in universo mundo*. Agit quidem gratias de fide, eo quod est bonorum omnium spiritualium fundamentum. Hebr. xi. 1. „Est autem „fides sperandarum substantiarum rerum. „

Commendantur autem Romani de fide: omnia fidem de facili lucebant, & in eadem firmiter permanebant. Unde & usque hodie apud eos plurima fidei signa ostenduntur in vindicatione sanctorum locorum, ut Hieronymus dicit super Epistolam ad Gal. Nondum tamen perfectam fidem habebant: quia aliqui eorum præventi erant a pseudoapostolis, ut crederent legis cæremonias Evangelio iungendas. Gaudet autem, & gratias agit de eorum fide, non solum propter eos, sed propter utilitatem inde consequentem: quia scilicet eorum exemplo, qui erant domini Gentium, aliæ Gentes provocabantur ad fidem: quia, ut dicit Glossa, prompte facit inferior quod videtur fieri a superiori. Propter quod admonetur prælati ut hant „forma gregis ex animo,“ I. Pet. ult. 3. Consequenter cum dicit, *Tessit enim est mihi Deus*, ostendit affectum laudem ad eos ex oratione quam pro eis fundit. Et quia orationis negotium in secreto agitur coram Deo secundum illud Matth. vi. 6. „Tu autem cum oraveris, intra in cubiculum tuum, & clauso ostio ora Patrem tuum:“ Dei testimonio probat se pro eis orare. Primo ergo inducit testimonium, secundum manifestat supra quod testimonium inducat, *Quod sine intermissione*. Testem autem inducit cum dicit: *Tessit enim est mihi Deus*, sub cuius testimonio omnia aguntur. Hier. xxxi. 3. „Ego sum iudex, & testis. „Et ut iustum testem non frustra se invocare ostendat, ponit consequenter quomodo sit ei iconiunctus. Primo quidem quantum ad servitium, cum dicit, *Cui servio*, scilicet per latræ cultum: Deuter. vi. 13. „Dominum Deum tuum adorabis, & illi soli servies. „Secundo quantum ad modum serviendi, cum dicit, *In spiritu meo*; quasi dicat: Non solum in exteriori servitio corporali, sed præcipue interiori secundum spiritum. Ioan. iv. 24. „Spiritus est Deus; & eos qui adorant eum, in spiritu, & veritate adorare oportet. „Vel in spiritu, id est in spiritualibus observantiis, non in carnalibus, sicut Iudæi. Philip. iii. 3. (b) „Nos sumus circumcisio, qui (c) spiritui servimus Deo. „Tertio quantum ad officium in quo servit, scilicet in Evangelio Filii eius, secundum illud supra eodem, *Segregatus in Evangelium*: quod quidem est Filii Dei tripliciter. Uno modo, quia est de ipso: Luc. ii. 10. „Evangelizabo vobis gaudium magnum. „Alio modo

(a) *Ad*, annuntiatur quasi diceret, & eius vice ponitur iuxta II. Ioan. x. (b) *Et* Non sumus. (c) *Ad*, spiritu Dei.

do quia est ab ipso prædicatum ex proprio officio: Luc. 10. 43. „ Quia & aliis civitatibus oportet me evangelizare regnum „ Dei, quia ideo missus sum. „ Tertio quia est ab eoiniundum: Marc. ult. 15. „ Prædicate Evangelium omni creaturæ. „

Sed secundum Augustinum, cum idem sit, *Testis est mihi Deus*, quod iuro per Deum, videtur Apostolus facere contra id quod Dominus dicit Matth. v. 34. „ Ego dico „ vobis, non iurare omnino. „ Iac. ult. 12. „ Ante omnia autem, fratres mei, nolite „ iurare. „ Sed, sicut dicit Augustinus (a) (de Mendacio cap. xv.) intellectus sacræ Scripturæ ex actibus sanctorum intelligitur. Idem enim spiritus quod sacræ Scripturæ sunt editæ, secundum illud I. Pet. 1. 21.

Spiritu sancto inspirati, locuti sunt sancti Dei homines: „ sanctos viros ad operandum inducit: infra v. 11. 14. *Qui spiritu Dei aguntur, hi sunt filii Dei*. Ex hoc ergo quod Paulus iurasse invenitur, ostenditur verbum Domini, & Apostoli Iacobi non esse intelligendum quasi iuramentum sit omnino illicitum, sed quia ad hoc hominibus debeat ut, quantum ex ipso est, iuramento non utatur, tamquam quodam bono, & per se appetibili: tum propter periculum quod imminet ex frequenti iuratione, ne homo labatur in periurium propter labilitatem humanæ linguæ, secundum illud Eccli. xxiii. 9. „ Iurationi non „ assuecat os tuum, nam multi casus in „ illa: „ tum etiam quia contra reverentiam Dei facere videtur qui ipsum absque necessaria causa testem inducit: unde Eccli. xxiii. 10. „ Nominatio Dei non sit „ assidua in ore tuo. „ Unde nec Apostolus iurasse invenitur nisi scribendo, quando homo cum maiori deliberatione, & cautela loquitur. Est autem quandoque necessarium iuramentum, ut fides verbo dicentis adhibeatur, quod quandoque utile est etiam ei qui audit; & sic Apostolus iurat propter utilitatem adiutorum, quibus erat utile ut ei crederent; quasi non quaerens quod sibi utile est, sed multis, ut salvifacerent. Unde quod Dominus dicit Matth. v. 37. „ Quod amplius est (scilicet quam simplex verbum) a malo est, „ non est intelligendum a malo eius qui iurat, sed eius qui exigit iuramentum: non quidem a malo culpæ, nisi in casu quando existimat quia cum a quo exigit iuramentum, esse salum

iuraturus: tunc enim est grave peccatum, ut dicit Augustinus (de verbis Apost. serm. 30. & de Sancti. serm. 11.) sed intelligit esse a malo peccatæ, scilicet ignorantia, qua nescimus an sit verum quod dicitur nobis. Est autem duplex modus iurandi. Unus quidem per simplicem attestationem, sicut cum dicitur, Per Deum, vel *Testis est mihi Deus*; & hoc modo Apostolus iurat hic. Alius autem per execrationem, quando scilicet aliquis implorat divinum testimonium secundum aliquam peccatam sibi insidendam, si mentitur, secundum illud Psal. vii. 5. „ Si reddidi retribuentibus mihi mala, de „ cidam merito ab inimicis meis inanis. „ Et hoc etiam modo Apostolus iurat II. Corinth. 1. 23. „ Testem Deum invoco in a „ nimam meam. „

Consequenter hic ponit id supra quod eum testem invocatur, dicens: *Quod memoriam vestri facio semper in orationibus meis, quæ sunt sine intermissione*, scilicet quia semper in orationibus suis pro eis orabat propter utilitatem communem quæ ex eorum conversione proveniebat. I. Reg. xii. 23. „ Absit „ hoc peccatum a me in Domino, ut cesset „ sem orare pro vobis. „ Quod autem dicit, *Memoriam vestri facio*, dupliciter potest intelligi. Uno modo sic. Memoriam vestri habeo, secundum illud Psal. cxxxv. 6. „ Adhæreat lingua mea faucibus meis, si „ non meminero tui. „ Alio modo *memoriam vestri facio*, (b) scilicet coram Deo, qui respicit orationes humilium. Et sic dum sancti pro aliquibus orant, quodammodo divino aspectui proponuntur: sicut & cetera sanctorum facta. Unde III. Regum xvi. 18. dixit mulier ad Eliam: „ Ingressus es „ ad me „ ut rememorarentur iniquitates „ meæ: „ quasi illud sit in memoria, & in oculis Dei, quod contra iustos agitur. Quod autem dicit orationes sine intermissione se habere, congruit ei quod dicit I. Thess. ult. xvi. 17. „ Sine intermissione „ rate. „ Et Lucæ xviii. 1. „ Oportet semper „ pro orare, & nunquam desicere. „ Quæ quidem possunt intelligi tribus modis. Uno modo quantum ad ipsum actum orandi, & sic semper, vel sine intermissione orat qui statutis temporibus, & horis orat. Ad. 11. 2. „ Petrus, & Ioannes ascendebant „ templum ad horam orationis nonam. „ Alio modo quantum ad finem orationis, qui est ut intellectus nosceret ascendat in Deum, & sic

C

D & sic

(a) Non ut prius de Mendacio ad Consensum, item Ubi, contra Manich. (b) scilicet orationem Deo. (c) Exemplum veterum anni 1498. Et sic tamdiu homo orat quamdiu agit corde, ore, vel opere ut in Deum tendat; & sic semper orat qui totam vitam suam in Deum ordinat.

& sic tamdiu homo orat quamdiu totam vitam suam in Deum ordinat. I. Corinth. x. 31. „Sive manducatis, sive bibitis, sive aliquid facitis, omnia in gloriam Dei facite.“ Tertio quantum ad causam: dum enim aliquis agit unde alii pro eo orent, ipse orare videtur, ut patet in his qui dant eleemosynas pauperibus, qui pro eis orant. Eccli. xxxi. 19. „Conclude eleemosynam in sinu pauperis, & hæc pro te exorabit“, ab omni malo. „Sic ergo continuanda est littera: Gratias ago pro vobis, quia bona vestra reputo quasi mea; quod patet ex hoc quod pro vobis oro, sicut pro meipso. Deinde cum dicit, *Obsecrans si quo modo tandem aliquando prosperum iter habeam in voluntate Dei veniendi ad vos*, probat affectum suum ex desiderio visitationis: & primo ponit desiderium; & secundo propositum exequendi, ibi, *Nolo autem vos ignorare, fratres, quia sæpe proposui venire ad vos*. Circa primum duo facit. Primo ponit desiderii signum; secundo desiderii causam, ibi, *Desidero enim videre vos*. Signum autem desiderii est oratio, quam pro hoc faciebat: ex hoc autem signo ostenditur desiderium huiusmodi primo quidem intentum, per hoc quod dicit, *Obsecrans*, quasi ob sacra contestans, sicut pro aliquo magno, quod mea merita excedit. Proverb. xviii. 23. „Cum obsecrationibus loquetur pauper, & dicit, ves effabitur rigide.“ Quod autem intente desideratur, magnum desideranti videtur. Secundo ostenditur esse anxium, cum dicit, *Si quo modo*: quæ enim anxie aliquis desiderat, querit adipisci quocumque modo, sive facili, sive laborioso. Philipp. i. 18. „Quid enim? Dum omni modo prædicetur, sive per occasionem, sive per veritatem Christus annuntietur; & in hoc gaudeo, sed & gaudebo.“ Tertio ostenditur esse diuturnum in hoc quod dicit, *Tandem aliquando*, scilicet post longa desideria: iusti enim non ad horam, sed perseveranter afficiuntur. Proverb. xvii. 17. „Omni tempore diligit qui amicus est.“ Quarto ostenditur esse rectum ex hoc quod est divinæ voluntati conforme: unde subdit, *Prospere iter habeam*, & hoc in voluntate Dei, idest secundum voluntatem eius, secundum quam solum aliquid reputo prosperum; sicut & Dominus dicit Luc. xxi. 42. „Non mea voluntas, sed tua fiat.“ Deinde cum dicit, *Desidero enim videre vos*, ostendit desiderii causam: quæ quidem est duplex. Una, utilitas eorum qui erant vi-

sitandi: unde dicit: *Desidero enim videre vos*. Philipp. i. 8. „Cupio omnes vos esse in visceribus Christi.“ Et hoc non in vanum, sicut est in amicitia seculari, sed ut *impartiar*, idest etiam vobis, aliquid gratia spiritualis, non tamquam actor gratiæ, sed sicut minister: I. Corinth. iv. 1. „Sic nos existimet homines ministros Christi:“ & hoc ad confirmandos vos, scilicet in fide quam suscepistis. Lucæ xxi. 32. „Et tu aliquando conversus, confirma fratres tuos.“ Impartitur autem gratiam minister multipliciter: tum per administrationem sacramentorum gratiæ: I. Per. iv. 10. „Unusquisque sicut accepit gratiam in alio, terutrum illam administrantes, sicut boni dispensatores multiformis gratiæ Dei:“ tum per exhortationem sermonum: Ephes. iv. 29. „Omnis sermo malus ex ore veni, siro non procedat; sed si quis bonus est, ad ædificationem fidei, ut det gratiam audientibus.“ Secunda causa est mutua consolatio, quæ consideratur in convivio amicorum: unde subdit: *Idest simul consolari in vobis*, scilicet me videre vos, & impartiri gratiam, & me simul consolari cum vobis, per eam qua invicem estis fidem vestram atque meam: ad mutuam enim consolationem redit, si unanimes in fide reddamus. II. Corinth. xii. 6. „Qui consolatur habet miles, consolatus est nos Deus in adventu tui Titi: non solum autem in adventu eius, sed etiam in consolatione qua consolatus est in vobis.“ Deinde cum dicit, *Nolo autem vos ignorare*, ne videatur esse vanum desiderium, subdit propositum prosequendi: & primo proponit propositum, secundo (a) ostendit causam propositi, ibi, *Ut aliquem fructum habeam in vobis*; tertio concludit propositi promptitudinem, ibi, *Ita quod in me promptum est*. Circa primum duo facit. Primo ponit propositum; secundo impedimentum, ibi, *Et prohibitus sum etc.* Dicit ergo primo: Non solum desidero vos videre, sed etiam proposui ad hoc operam dare; & hoc, fratres, nolo vos ignorare, quia sæpe proposui venire ad vos, ut dilectionem meam ostenderem non solum verbo, & lingua, sed etiam opere, & veritate, ut dicitur I. Ioan. i. 11. Secundo tangit obstaculum impediens eum ab isto proposito exequendo, dicens: *Prohibitus sum usque adhuc*: & hoc vel a diabolo, qui nitiur impedire prædicationem, ex qua provenit salus hominum: Prov. xxv. 23. „Ventus aquilo dissipat pluviam“, idest do-

ctri.

Arinas prædicatorum : vel etiam ab ipso Deo, secundum cuius nutum dispensantur (a) prædicatorum itinera, & verba. Iob xxxv. 11. „Nubes (idest prædicatores) spargunt lumen suum, quæ lustrant cuncta per circuitum, quocumque eas voluntas gubernantis duxerit. „ Unde & Act. xvi. 6. dicitur : „ Transientes autem Phrygiam, & Galatiæ regionem vetati sunt a Spiritu sancto loqui : „ & iterum 7. „ Tentabant ire in Bithiniam, & non permisit eos Spiritus Iesu. „ Utrumque autem horum vult Apostolus eos non ignorare propter eorum utilitatem, ut scilicet cognoscentes affectum Apostoli, devotius eius verba suscipiant, & impedimentum visitationis eius imputent suæ culpæ, & sic corrigantur : nam in pœnam culpæ dicitur Elai. v. 6. „ Mandabo nubibus meis ne pluant super eam imbrem. „ Deinde ponit causam duplicem propositi : quarum prima est utilitas : unde dicit : *Ut aliquem fructum habeam in vobis, sicut in ceteris Gentibus*, quibus scilicet prædicavi : quod potest dupliciter intelligi. Uno modo qualificat : Ut faciam aliquem fructum in vobis per meam prædicationem. Ioan. xv. 16. „ Ut eatis, & fructum afferatis. „ Alio modo quasi ex eorum conversione ei fructus accrescat, secundum illud Ioan. xv. 36. „ Qui meritis, mercedem accipit, & fructum congregat in vitam æternam. „ Alia autem causa est debitum, quod sibi imminabat ex suscepto officio. I. Corinth. ix. 16. „ Si non evangelizavero, vix mihi est. „ Et quia universalem Gentium Apostolatam suscepit, omnibus se asservit debitorem, secundum illud I. Corinth. ix. 19. „ Cum essem liber ex omnibus, omnium me servum feci. „ Et ideo duplicem diversitatem ponit. Una quidem (b) secundum diversitatem Gentium, cum dicit, *Gratis, ac Barbaris*. Dicitur autem aliquis Barbarus dupliciter. Uno modo secundum quid, qui scilicet est extraneus quo ad aliquem, secundum illud I. Corinth. xiv. 21. „ Si

„ ergo nesciero virtutem vocis, ero ei cui loquor, quæ, barbarus. „ Alio modo simpliciter, qui scilicet (c) est quasi extraneus a communitate hominum, inquantum ratione non regitur : unde proprie Barbari dicuntur qui ratione non reguntur, secundum quod dictum est II. Machab. xv. 2. „ Ne ita ferociter ac barbære feceris, idest inhumane. Et quia Græci fuerunt primi legum inventores, omnes Gentiles, qui humanis legibus reguntur, nominat Græcos. De Iudæis autem, qui divinis legibus regebantur, mentionem non facit : quia non erat institutus Apostolus Iudæorum, sed Gentilium. Galat. 9. „ Ita ut illi (d) in circumcisis, nos autem in Gentibus. „ Ex utraque autem causa concludit promptitudinem voluntatis, cum subdit : *Id quod in me*, id est quantum ad me pertinet, dummodo aliunde non impediatur, promptum est etiam vobis qui Roma estis evangelizare. Exod. xxxv. 20. „ Egredieturque omnis multitudo filiorum Israel de conspectu Moysi, obtulit mente promptissimam, atque devota. „ Et excludit impedimentum promptitudinis, scilicet erubescantiam, propter quam multæ prætermittunt quod alias facerent promptæ ; & hoc est quod subdit : *Non enim erubescit Evangelium* : quod quidem infidelibus apud quosdam erubescibile videbatur, propter id quod dicit I. Corinth. i. 23. „ Nos autem prædicamus Christum crucifixum, Iudæis quidem scandalum, Gentibus autem stulticiam. „ Non est autem secundum rei veritatem erubescendum propter id quod sequitur 24. „ Ipsi autem vocatis Iudæis, (e) atque Græcis, Christum Dei virtutem, & Dei sapientiam. „ Unde dicitur Luc. ix. 26. „ Qui erubuerit me, & meos sermones, hunc Filius hominis erubescet. „ Et inde est quod baptizati liniuntur chrismate in fronte signo crucis, ubi est sedes verendæ, ne scilicet Evangelium erubescant.

(a) *Id. de prædicatorum.* (b) *Id. secundum gentem.* (c) *Id. est extraneus.* (d) *Id. in circumcissione.* *Id. modo Vulgata.* „ Ut nos in Gentibus, ipsi autem in circumcissionem. „ (e) *Id. atque Gentibus.*

LECTIO VI.

Virtus enim Dei est in salutem omni credenti, Iudæo primum, & Græco. Iustitia enim Dei in eo revelatur ex fide in fidem, sicut scriptum est: Iustus autem ex fide vivit. Revelatur enim ira Dei de cælo super omnem impietatem, & iniustitiam hominum eorum qui veritatem Dei in iniustitia detinent: quia quod notum est Dei, manifestum est in illis: Deus enim illis manifestavit. Invisibilia enim ipsius a creatura mundi per ea quæ facta sunt, intellecta conspiciuntur, sempiterna quoque eius virtus, & divinitas.

Postquam Apostolus Romanos fideles, quibus scribebat, sibi benevolos reddidit, ostendens affectum suum ad eos, hic incipit insinuare eos de his quæ pertinent ad evangelicam doctrinam, in quam se segregatum prædixerat: & primo ostendit virtutem evangelicæ gratiæ; secundo exhortatur ad executionem operum huius gratiæ xii. capite, ibi, *Obsecro itaque*. Circa primum duo facit. Primo proponit quod intendit; secundo manifestat propositum, ibi, *Revelatur enim ira Dei*. Circa primum tria facit. Primo proponit virtutem evangelicæ gratiæ; secundo exponit, ibi, *Iustitia enim Dei*, tertio expositionem confirmat, ibi, *Sicut scriptum est*. Dicit ergo primo: Ideo Evangelium non erubescio, quia quamvis, ut dicitur I. Corinth. 1. 18., verbum crucis pereuntibus quidem stultitia est, nobis tamen virtus Dei est. "*Virtus enim Dei est*: quod potest intelligi dupliciter. Uno modo quia virtus Dei in Evangelio manifestatur, secundum illud Psal. cx. 5., "Virtutem operum suorum annuntiat populo suo: " alio modo quia ipsum Evangelium in se Dei virtutem continet, secundum illud Psal. lxxv. 34., Dabit voci suæ vocem virtutis. " Circa quam virtutem tria sunt consideranda. Primo quidem ad quid se ista virtus extendat; & hoc designatur cum subditur, *In salutem*. Iac. 1. 31., "In mansuetudine suscipite insitum verbum, quod potest salvare animas vestras." Quod quidem fit tripliciter. Uno modo inquantum per verbum Evangelii remittuntur peccata. Ioan. xv. 3., "Iam mundi estis, propter sermonem quem locutus sum vobis." Secundo inquantum per Evangelium homo consequitur gratiam sanctificationem. Ioan. xv. 17., "Sanctifica eos in veritate: sermo tuus veritas est." Tertio inquantum perducit ad vitam æternam.

Ioan. vi. 69., "Verba vitæ æternæ habes." Secundo per quem modum Evangelium salutem conferat, (a) quia per fidem, quod designatur cum dicitur, *Omnibuscumque* fit tripliciter. Primo per prædicationem, Marc. ult. 15., "Prædicate Evangelium omni creaturæ. Qui crediderit, & baptizatus fuerit, salvus erit." Secundo per confessionem. Infra x. 10., *Oris confessio fit ad salutem*. Tertio per scripturam: unde etiam verba Evangelii scripta virtutem salutiferam habent, sicut beatus Barnabas infirmos curabat, Evangelium superponendo. Cavendæ sunt tamen superstitiones charaderum, quia hoc est superstitiosum: unde Ezech. 17 illi salvati sunt in quorum frontibus est scriptum Thau, quod est signum crucis. Tertio quibus Evangelium fit in salutem, quia tam Iudæis quam Gentibus: non enim Iudæorum tantum Deus est, sed & Gentium: infra 111. & ideo subdit: *Iudæo primum, & Græco*: per Græcum, omnem Gentilem intelligens, eo quod a Græcis Gentilium sapientia est exorta.

Sed cum infra x. 12. dicitur: *Non est distinctio Iudæi, & Græci*, quomodo hic *Iudæo primum*? Dicendum est ergo, quod quantum ad salutis finem consequendum non est distinctio inter eos: æqualem enim consequuntur mercedem utrique, sicut pro labore etiam in vinea priores & posteriores eundem denarium acceperunt, ut dicitur Matth. xx. sed quantum ad ordinem salutis, Iudæi sunt primi, quia eis promissiones sunt factæ, ut infra xv. & in eorum gratiam sunt Gentiles assumpti, ac si ramus oleastri inferatur in bonam olivam, ut infra xi. Ex his etiam Salvator noster natus est. Ioan. 14. 22., "Salus ex Iudæis est."

Exponit autem consequenter quomodo Evangelium sit in salutem, cum dicit: *Iustitia enim Dei revelatur in eo (b) ex fide in fidem*:

(a) scilicet, quia tripliciter. Primo per fidem. Marc. ult. Prædicate Evangelium, in omni creatura. (b) Adhuc per fidem.

dem : quod quidem dupliciter potest intelligi. Uno modo de iustitia qua Deus iustus est, secundum illud Plal. x. 8. „ iustus Dominus, et iustitias dilexit : & secundum hoc lenius est quod *iustitia Dei*, qua scilicet iustus est servando promissa, in eo revelatur, scilicet in homine credente Evangelio, quia credit Deum impleisse quod promissit de Christo mittendo; & hoc *ex fide*, scilicet Dei promittentis : Plal. cxlv. 13. „ Fidelis Dominus in omnibus verbis suis : „ in fidem, scilicet hominis credentis. Vel alio modo, ut intelligatur de iustitia Dei qua Deus homines iustificat. Nam iustitia hominum dicitur, qua se homines propriis viribus iustificare præsumunt. Infra v. 3. *Ignorantes Dei iustitiam, & suam querentes statuere, iustitia Dei non sunt subiecti*. Quæ quidem iustitia revelatur in Evangelio, in quantum per fidem Evangelii homines iustificantur secundum quodcumque tempus : unde subdit : *Ex fide in fidem*; idest, ex fide veteris testamenti procedendo in fidem novi testamenti : quia ab utroque homines iustificantur, & salvantur per fidem Christi : quia eadem fide crediderunt venturum qua nos venisse credimus : & ideo dicitur II. Corinth. xv. 13. „ Habentes eandem speciem fidei, credimus, propter quod loquimur. „ Vel potest intelligi *ex fide* prædicatorem in fidem auditorum. Infra x. 13. *Quomodo credens si quem non audierunt? Vel ex fide* unius articuli in fidem alterius : quia ad iustificationem requiritur omnium articulorum fides. Apoc. i. 3. „ Beatus qui legit, & audit verba prophetiæ huius, „ scilicet omnia, non unum tantum. Alio modo potest intelligi *ex fide* præsentem in fidem futuram (a) : quæ quidem dicitur fides ratione certæ, & firmæ cognitionis; hæc autem ratione evangelicæ cognitionis. I. Corinth. xiii. 12. „ Videmus nunc per speculum in ænigmate, tunc autem faciem, ad faciem. „ Probat autem hanc expositionem, cum subdit : *Sicut scriptum est : Iustus autem meus ex fide vivit*. Quod quidem accipitur secundum litteram rxx. nam in littera nostra, quæ est secundum Hebraicam veritatem, dicitur Habac. ii. 4. „ Iustus ex fide sua vivit. „ Dicitur autem *iustus meus*, scilicet a me iustificatus, & apud me iustus reputatus. Infra xv. 2. *Si autem Abraham ex operibus legis iustificatus esset, habet gloriam, sed non apud Deum. Quid enim Scriptura dicit? Credidit Abraham Deo,*

& reputatum est ei ad iustitiam. Unde ex hoc subditur, *Ex fide vivit*, scilicet vita gratiæ. Gal. iii. 20. „ Quod autem nunc vivo in carne, in fide vivo Filii Dei. „

Quatuor autem hic considerare oportet circa fidem. Primum quidem quid sit fides : importat enim assensum quemdam cum certitudine ad id quod non videtur, ex voluntate : quia nullus credit nisi volens, ut Augustinus (super Ioan. tract. xxvi.) dicit. Et secundum hoc differt (a) credens a dubitante, qui in neutram partem assentit. Differt etiam ab opinante, qui assentit in unam partem, non cum certitudine, sed cum formidine alterius. Differt etiam a sciente, qui per certitudinem assentitur ex necessitate rationis. Et secundum hoc fides est media inter scientiam & opinionem.

Secundo considerandum est an fides sit virtus. Et manifestum est quod non est virtus, si accipitur pro eo quod creditur, secundum illud „ Fides catholica hæc est, „ ut unum Deum in Trinitate, & Trinitatem in unitate veneremur &c. „ Si autem accipitur pro habitu, quo credimus, sic quandoque est virtus, quandoque non. Est enim virtus principium actus perfecti. Actus autem ex duobus principiis dependens non potest esse perfectus, si alteri principiorum desit sua perfectio ; sicut equitatio non potest esse perfecta, si vel equus bene non vadat, vel sessor equum ducere nesciat. Actus autem fidei, qui est credere, dependet ex intellectu, & voluntate movente intellectum ad assensum. Unde actus fidei erit perfectus, si voluntas perficiatur per habitum caritatis, & intellectus per habitum fidei ; non autem si habitus caritatis desit : & ideo fides formata caritate est virtus, non autem fides informis.

Tertio considerandum est, quod idem numero habitus fidei, qui sine caritate erat informis, adveniente caritate fit virtus : quia cum caritas sit extra essentiam fidei, per eius adventum, vel recessum non mutatur substantia eius.

Quarto considerandum est, quod sicut corpus vivit per animam naturalis vita, ita anima vivit per Deum vita gratiæ. Primo autem Dens animam inhabitat per fidem. Ephes. i. 17. „ Habitate Christum perfecti in cordibus vestris : „ nec tamen est perfecta habitatio, nisi fides per caritatem sit formata, quæ per vinculum perfectionis nos unit

(a) *Ad. additur* idest in plenam visionem Dei. (b) *Ad. hoc. Item* emittitur hæc autem ratioque evangelicæ cognitionis. (c) *Ad. desit* credens.

unius Deo, ut dicitur Coloss. 111. Et ideo quod hic dicit, *Ex fide vivit*, intelligendum est fide formata.

Deinde cum dicit, *Revelatur enim ira Dei*, probat quod dixerat, scilicet virtutem evangelicæ gratiæ esse omnibus hominibus in salutem. Et primo ostendit quod est necessaria ad salutem; secundo quod est efficax, sive sufficiens v. cap. ibi, *Iustificati igitur ex fide*. Circa primum duo facit. Primo ostendit virtutem evangelicæ gratiæ fuisse necessariam ad salutem Gentibus, quia scilicet sapientia, de qua confidebant, salvare eos non poterat; secundo ostendit quod fuit necessaria Iudæis, quia scilicet circumcisio, & lex, & alia, in quibus confidebant, eis salutem non attulerunt, 11. cap. ibi, *Propter quod inexcusabilis es*. Circa primum duo facit. Primo proponit quod intendit; secundo manifestat propositum, ibi, *Quia quod notum est Dei*. Proponit autem tria. Primo quidem pœnam, dicens: Recte dico quod in eo iustitia Dei revelatur: *revelatur enim in ira Dei*, id est vindicta ipsius, quæ dicitur ira Dei secundum similitudinem hominum irascentium, qui vindictam querunt; (a) extra tamen Deus vindictam infert ex animi tranquillitate. Sap. xiv. 18. „Tu „ autem dominator noster cum tranquillitate iudicas. “ Et de hac ira Dei dicitur Ioan. 111. 36. „ Qui incredulus est Filio, non videbit vitam; sed ira Dei manet „ super eum. “ Hoc autem dicitur, quia quidam Philosophi dicebant, a Deo non esse pœnas peccatorum, contra id quod dicitur in Psal. cxiii. 10. „ Qui corripit Gentes, „ non arguet? “ Unde additur, *De calo*: quia credebant circa cœlestia eius providentiam occupari, ita quod ad terrestres non se extenderet. Iob xx. 14. „ Circa „ cardines cœli perambulat, nec nostra con- „ siderat. “ Sed sicut etiam in Psal. cx. 10. dicitur, „ Dominus de cœlo in terram „ prospexit. “ Vel dicitur, *de calo* eorum iniquitatem demonstrare: quia maxime ex magnitudine cœli, Creatoris virtutem intelligere debuerunt. Iob xx. 27. „ Revelantur labunt cœli iniquitatem eius. “ Vel *de calo* venturi ad iudicium. Act. 1. 11., „ Quem- „ admodum vidistis eum ascendentem in „ cœlum, ita veniet. “ Secundo ponit culpam, pro qua pœna infligitur. Et primo quidem (b) culpam quæ contra Deum committitur, cum subdit, *Super omnem impietatem*: sicut enim pietas dicitur cultus qui Deo ex-

hibetur, tamquam summo parenti, sic impietas dicitur peccatum quod est contra cultum divinum. Ezech. xvi. 20. „ Im- „ pietas impii super eum erit. “ Secundo ponit culpam quæ committitur in homines, cum dicit, *Et iniustitiam*: nam iniustitia est per quam homines sibi invicem ratione conveniunt, & communicant. Iob xxxv. 8. „ Filium hominis adiuvabit iniustitia tua. “ Tertio ponit cognitionem quam de eo habuerunt, cum subdit: *Hominum eorum qui veritatem Dei*, id est veram de Deo cognitionem, detinent in iniustitia, quæ captivitatem. Nam vera Dei cognitio, quantum est de se, inducit homines ad bonum; sed ligatur quasi captivitate detenta per iniustitiæ affectum, per quam, ut Psal. x1. 1. dicitur, „ dimi- „ nutæ sunt veritates a filiis hominum. “ Deinde cum dicit, *Quia quod notum est*, manifestat propositum, ordinatamen retrogrado. Primo enim consentit quod sapientes Gentilium de Deo cognoverant veritatem; secundo ostendit quod in eis impietas, & iniustitia fuerit, ibi, *Ita ut sint inexcusabiles*; tertio quod iram Dei incurrerunt, ibi, *Qui cum iniustitia Dei cognovissent, non intellexerunt quod qui talia agunt, digni sunt morte*. Circa primum tria facit. Primo ostendit quid de Deo cognoverunt; secundo ostendit a quo huiusmodi cognitione acceperunt, ibi, *Deus enim illis revelavit*; tertio ostendit per quem modum, ibi, *Revelavit enim ipsius*. Dicit ergo primo: Recte dico, quod veritatem Dei detinuerunt: fuit enim in eis quantum ad aliquid vera Dei cognitio: *quia quod notum est Dei*, id est quod cognoscibile est de Deo ab homine per rationem, *manifestum est in illis*; id est, manifestum est eis ex eo quod in illis est, id est ex lumine intrinseco.

Sciendum est ergo, quod aliquid circa Deum est omnino ignotum homini in hac vita, scilicet quid est Deus: unde & Paulus invenit Athenis aram inscriptam *Ignoto Deo* (Act. xviii.). & hoc ideo, quia cognitio hominis incipit ab his quæ sunt ei connaturalia, scilicet a sensibilibus creaturis, quæ non sunt proportionatæ ad representandam divinam essentiam. Potest tamen homo ex huiusmodi creaturis Deum tripliciter cognoscere, ut Dionysius dicit in Libro de divinis Nominibus. Uno quidem modo per causalitatem: quia enim huiusmodi creaturæ sunt defectibiles, & mutabiles, necesse est eas reducere ad aliquod pri-

(a) *Id. manifestatur eorum.* (b) *Id. desideratur cultus.*

principium immobile, & perfectum; & secundum hoc cognoscitur de Deo an est. Secundo per viam excellentiæ: non enim reducuntur omnia in primum principium, sicut in propriam causam, & univocam, prout homo hominem generat; sed sicut in causam communem, & excedentem: & ex hoc cognoscitur quod est super omnia. Tercio per viam negationis: quia si est causa excedens, nihil eorum quæ sunt in creaturis, potest ei competere; sicut etiam neque corpus cæleste proprie dicitur grave, vel leve, aut calidum, aut frigidum: & secundum hoc dicimus Deum immobilem, & infinitum, & si quid aliud huiusmodi dicitur. Huiusmodi autem cognitionem habuerunt per lumen rationis (a) inditum. Plal. lv. 6. „Multi dicunt: Quis ostendit nobis bona? Signa- tum est super nos lumen vultus tui, Domine.“

Deinde cum dicit, *Deus illis manifestavit*, ostendit a quo auctore huiusmodi cognitio eis fuerit manifestata; & dicit, quod *Deus illis manifestavit*, secundum illud Iob xxxv. 11. „Docet nos super iumenta ter-“

„ra.“ Ubi considerandum est, quod unus homo alteri manifestat, explicando conceptum suum per aliqua signa exteriora, puta per vocem, vel scripturam; Deus autem dupliciter aliquid homini manifestat. Uno modo infundendo lumen interius, per quod homo cognoscit. Plal. xlii. 3. „Emitte lucem tuam, & veritatem tuam.“ Alio modo proponendo suæ sapientiæ signa exteriora, scilicet sensibiles creaturas. Eccli. i. 10. „Effudit illam (scilicet sapientiam) su-“ per omnia opera sua. „Sic ergo Deus illis manifestavit, vel interius infundendo lumen, vel exterius proponendo visibiles creaturas, in quibus, sicut in quodam libro, Dei cognitio legeretur.

Deinde cum dicit, *invisibilia enim ipsius a creatura mundi per ea quæ facta sunt, intellecta conspiciuntur*, ostendit per quem modum huiusmodi cognitionem acceperunt.

Ubi primo considerandum est quæ sunt ista quæ de Deo cognoverunt. Et ponit tria. Primo quidem invisibilia ipsius, per quæ intelligitur Dei essentia, quæ, sicut dictum est, a nobis videri non potest. Ioan. i. 18. „Deum nemo vidit umquam,“ scilicet per essentiam vita mortali vivens. I. Tim. i. 17. „Regi sæculorum immor- tali, & invisibili.“ Dicit autem plura-

riter *invisibilia*, quia Dei essentia non est nobis cognita secundum illud quod est, scilicet prout in se est una: sic erit nobis in patria cognita, & tunc erit Dominus unus, & nomen eius unum, ut dicitur Zachar. ult. Est autem manifesta nobis per quasdam similitudines in creaturis repertas, quæ id quod in Deo unum est, multipliciter participant; & secundum hoc intellectus noster considerat unitatem divinæ essentia sub ratione bonitatis, sapientiæ, virtutis, & huiusmodi, quæ in Deo non sunt. Hæc ergo invisibilia Dei dixit, quia illud unum quod his nominibus, seu rationibus, in Deo respondet, non videtur a nobis. Heb. xi. 2. „Ut ex invisibilibus visibilia fierent.“ Aliud autem quod de Deo cognoscitur, est virtus ipsius, secundum quam res ab eo procedunt, sicut a principio. Plal. cxlvi. 5. „Magnus Dominus, & magna virtus eius.“

Hanc ergo virtutem Philopoli perpetuam esse cognoverunt: unde dicitur: *Sempiterna quoque virtus eius*. Tertium cognitum est quod dicit, *Et divinitas*: ad quod pertinet quod cognoverunt Deum sicut ultimum finem in quem omnia tendunt. Divinum enim bonum dicitur bonum commune quod ab omnibus participatur: propter hoc potius dixit divinitatem, quæ participationem significat, quam deitatem, quæ significat essentiam Dei. Colos. i. 9. „Et in ipso habitat omnis plenitudo divinitatis.“ Hæc autem tria referuntur ad tres modos cognoscendi supradictos: nam invisibilia Dei cognoscuntur per viam negationis, sempiterna virtus per viam causalitatis, divinitas per viam excellentiæ.

Secundo considerandum est per quod medium illa cognoverunt, quod designatur cum dicitur, *Per ea quæ facta sunt*. Sicut enim ars manifestatur per artificis opera, ita & Dei sapientia manifestatur per creaturas. Sapient. xlii. 5. „A magnitudine enim spe-“ ciei, & creaturæ cognoscibiliter poterit „Creator harum videri.“

Tercio ostendit quomodo per ista cognoscatur Deus, cum dicit, *Intellecta conspiciuntur*: intellectu enim cognosci potest Deus, non sensu, vel imaginatione, quæ corporalia non transcendunt; Deus autem spiritus est, ut Ioan. iv. dicitur. Etsi. i. 13. „Ecce intelligit servus meus.“

Quarto potest designari quo per hunc modum Deus cognoscatur, cum dicitur, *A creatura mundi*: per quod uno modo potest intelli-

(a) Alii emittuntur inditum.

telligit homo. Mar. ult. 15. „ Prædicate „ Evangelium omni creaturæ : „ Vel propter excellentiam hominis, qui ordine naturæ minor est Angelis, sed excellit inter inferiores creaturas, secundum illud Psal. viii. 7. „ Minuisti eum paulo minus ab „ angelis omnia subiecisti sub pedibus eius, oves, & boves universas, in „ super & pecora campi. „ Vel quia communicat cum omni creatura : habet enim esse cum lapidibus, vivere cum arboribus, sentire cum animalibus, intelligere cum Angelis, ut Gregorius (hom. xxi. super Evang.) dicit. Alio modo potest intelligi de universali creatura. Nulla enim creatura ex propriis naturalibus potest Dei essentiam in seipso videre : unde & de Seraphim dicitur Esai. vi. quod duabus alis volebant caput. Sed sicut homo intelligit Deum per creaturas visibiles, ita Angelus per hoc quod intelligit propriam essentiam. Potest autem aliter intelligi per creaturam mundi non ipsa res creata, sed rerum creatio ; ac si diceretur, A creatio mundi ; & tunc potest dupliciter ordinari. Uno modo quod intelligatur quod invisibilia Dei intelliguntur per ea quæ facta sunt tempore gratiæ ; a-

lio modo quod intelligatur quod a creatio-
ne mundi, homines incepterunt Deum cognoscere per ea quæ facta sunt. Iob xxxvi. 25. „ Omnes homines vident eum. „ Glossa autem dicit quod per invisibilia Dei intelligitur persona Patris, (a) secundum illud I. Tim. ult. 16. „ Quem nullum hominum vidit, se nec videre potest : „ per sempiternam virtutem persona Filii, secundum illud I. Corinth. i. 24. „ Christum „ Dei virtutem : „ per divinitatem, persona Spiritus sancti, cui appropriatur bonitas : non quod Philosophi ductu rationis potuerint pervenire per ea quæ facta sunt in cognitionem personarum, quantum ad propria quæ non significant habitudinem causæ ad creaturas ; sed secundum appropriata. Dicuntur tamen defecisse in tertio signo, id est in Spiritu sancto : quia non posuerunt aliquid respondere Spiritui sancto, sicut posuerunt aliquid respondere Patri, scilicet ipsum primum principium ; & aliquid respondere Filio, scilicet primam mentem creatam, quam vocabant paternum intellectum, ut Macrobius dicit in Libro super somnium Scipionis.

LECTIO VII.

ITa ut sint inexcusabiles : quia cum cognovissent Deum, non sicut Deum glorificaverunt, aut gratias egerunt ; sed evanescunt in cogitationibus suis, & obscuratum est insipiens cor eorum : dicentes enim se esse sapientes, stulti facti sunt ; & mutaverunt gloria incorruptibilis Dei in similitudinem imaginis corruptibilis hominis, & volucrum, & quadrupedum, & serpentium. Propter quod tradidit illos Deus in desideria cordis eorum, in immunditiam, ut contumeliis afficiant corpora sua in semetipsis : quia commutaverunt veritatem Dei in mendacium ; & coluerunt, et servierunt creaturæ potius quam creatori, qui est benedictus in sæcula. Amen :

Postquam Apostolus ostendit veritatem Dei fuisse a Gentibus cognitam, hic ostendit eos fuisse obnoxiosos culpæ impietatis, & iniustitiæ : & primo ostendit hoc quantum ad culpam impietatis ; secundo quantum ad culpam iniustitiæ, ibi, *Et sicut non probaverunt etc.* Posset autem aliquis credere, eos a culpa imperiatis excusari propter ignorantiam, sicut Apostolus de se dicit infra I. Tim. i. 13. „ Misericordiam „ consecutus sum, quia ignorans feci. „ Primo ergo ostendit Gentiles non esse inexcusabiles ; secundo ponit eorum culpam,

ibi, *Et mutaverunt gloriam*. Circa primum considerandum est, quod tunc ignorantia culpam excusat quando sic procedit, & causat culpam, quod non causatur a culpa ; sicut cum aliquis adhibita diligentia debita, dum credit percutere hostem, percutit patrem. Si vero ignorantia causetur ex culpa, non potest subsequenter culpam ignorantia excusare : unde licet per ebrietatem homicidium committitur, non excusatur a culpa, quia peccavit se inebriando : unde secundum Philosophum (II. Polit. cap. ult.) meretur duplices multationes. Pri-

mo

(a) *Al. omittitur* Secundum illud.

mo igitur proponit quod intendit, dicens: Ita quod est Dei, notum est eis, ut *super inexcusabiles*; idest, ut per ignorantiam excusari non possint. Iac. iv. 17. „Scienti bonum, & non operanti, peccatum est illi.“ Infra 11. 1. „Propter quod inexcusabiles eris.“ Secundo ibi, „Quia cum cognovissent Deum etc.“ probat quod dixerat: & primo ostendit quod prima eorum culpa ex ignorantia non processit; secundo quod ex hac culpa est ignorantia subsecuta, ibi, „Sed evanuerunt.“ Quod autem prima eorum culpa non fuit ex ignorantia, ostenditur per hoc quod Dei cognitionem habentes, ea non sunt usi ad bonum. Dupliciter autem Deum cognoverunt. Uno modo sicut omnibus supereminenter; & sic ei debebant gloriam, & honorem, quæ superexcellenter debentur: & ideo isti dicuntur inexcusabiles: quia cum cognovissent Deum, non sicut Deum glorificaverunt: vel quia ei debitum cultum non impenderunt: vel quia virtutius, & scientiæ terminum impulerunt, aliqua eius potentie, & scientiæ subtrahentes, contra id quod dicitur Eccli. xlii. 32. „Glorificantes Dominum quantumcumque scitis, poteritis.“ Secundo cognoverunt eum sicut omnium bonorum causam, unde ei in omnibus gratiarum actio debebatur: quam tamen ipsi non impendebant, sed potius suo ingenio, & virtuti suæ bona sua adscribebant: unde subdit: *Gratias non egerunt*, scilicet Domino. I. Thessal. ult. 18. „In omnibus gratias agite.“ Deinde cum dicit, *Sed evanuerunt*, ostendit quod in eis ex culpa est ignorantia subsecuta: & primo ponit intentum; secundo manifestat propositum, ibi, *Dicentes se esse sapientes*. Prima ergo proponit culpam, quæ est ignorantie causa, cum dicit, *Evanuerunt*: vanum enim dicitur quod non habet stabilitatem, seu firmitatem: solus autem Deus de se est immutabilis. Malachia 3. 6. „Ego Deus, & non mutor.“ & (a) ideo tunc solum mens humana est a vanitate libera, quando Deo ininitur; cum autem, prætermisso Deo, innititur cuiusque creaturæ, incurrit vanitatem. Sapient. xlii. 1. „Vani sunt omnes homines in quibus non subest scientia Dei, & de his quæ videntur bona, non poterunt intelligere eum qui est.“ Psal. xciii. 11. „Dominus scit cogitationes hominum quoniam vanæ sunt.“ In cogitationibus suis evanuerunt, in quantum in seipsis, & non in Deo fiduciam habebant, ibi, & non Deo

S. Th. Oper. Tom. VI.

bona sua adscribentes, secundum illud Psalm. xi. 5. „Labia nostra a nobis sunt: quis non iter Dominus est?“ Secundo ponit ignorantiam subsecutam, dicens: *Et obscuratum est*, idest per hoc quod obscuratum est, factum est cor suum insipiens, idest lumine sapientiæ privatum, per quam homo vere Deum cognoscit. Sicut enim quicquid corporales a sole materiali avertit, obscuritatem corporalem incurrit: ita ille qui a Deo avertitur, de seipso præsumens, & non de Deo, spiritualiter obcuratur. Proverb. xi. 2. „Ubi humilitas (per quam scilicet homo se Deo subicit) ibi sapientia, ubi superbia ibi contumelia.“ Math. xi. 25. „Abscondisti hæc a sapientibus (secundum quod scilicet eis videbatur) & revelasti ea parvulis,“ idest humilibus. Et de his habetur Ephes. iv. 17. „Gentes ambulantes in vanitate sensus sui, tenebris obscuratum habentes intellectum.“ Deinde cum dicit, *Dicentes*, exponit quod dixerat: & primo qualiter in cogitationibus suis evanuerunt, cum dicit: *Dicentes se esse sapientes, stulti facti sunt*. Dicentes, idest sapientiam sibi a seipsis adscribentes. Elai. v. 21. „Væ qui sapientes estis in oculis vestris.“ Ibid. xix. 11. „Quomodo dicetis Pharaoni: Filius sapientium ego, filius regum antiquorum? Ubi nunc sunt sapientes tui.“ Secundo exponit quod dixerat, *Et obscuratum est insipiens cor*, cum dicit, *Stulti facti sunt*, quasi contra divinam sapientiam agentes. Hier. x. 14. „Stultus factus est omnis homo a scientia sua,“ de qua scilicet præsumebat. Deinde cum dicit, *Et mutaverunt gloriam*, ponit peccatum impietatis Gentilium: & primo quantum ad hoc quod peccaverunt contra Dei gloriam; (b) secundo quantum ad hoc quod peccaverunt contra veritatem naturæ ipsius, ibi, *Quia mutaverunt veritatem*. Circa primum duo facit. Primo ponit impietatis culpam; secundo poenam, ibi, *Propter quod tradidit*. Culpam quidem eorum fuit quod, quantum in ipsis erat, honorem divinum in alium transulerunt, secundum illud Hier. 11. 11. „Populus meus mutavit gloriam suam in idolum.“ Primo ergo ponit id quod mutaverunt; secundo id in quod mutaverunt, ibi, *In similitudinem*. Circa primum tria sunt attendenda ex parte Dei. Primo quidem ipsius gloria, quam tangit dicens: *Et mutaverunt gloriam*: quod potest intelligi dupliciter. Uno modo de gloria qua homo Deum glorificat; ei cultum la-

D

ttiz

(a) Alii desunt ideo. (b) Alii, secundo quomodo contra veritatem etc.

triæ exhibendo. I. Tim. 1. 17. „Soli Deo „honor. “ Hanc igitur mutaverunt, cum cultum Deo debitum exhibuerunt aliis. Alio modo potest intelligi de gloria qua Deus in se gloriosus est, quæ est incomprehensibilis, & infinita. Proverb. xiv. 27. „Per „scrutator maiestatis opprimetur a glo- „ria. “ Quæ quidem gloria nihil est aliud quam ipsa claritas divinæ naturæ: „lu- „cem enim habitat inaccessible: “ I. Tim. ult. 16. Hanc autem mutaverunt, dum eam aliis attribuerunt: „incommuni- „cabile enim nomen, lignis, & lapidibus „imposuerunt, “ ut dicitur Sap. xiv. 21. Secundo notatur incorruptibilitas, cum di- cit, *incorruptibilis*: ipse enim solus perfecte incorruptibilis est, qui est omnino immutabilis: omnis enim mutatio quædam corruptio est: unde dicitur I. Tim. ult. 16. „Solut habet immortalitatem. “ Tercio notatur naturæ sublimitas, cum di- citur, *Dei*: ut enim in Psalm. xlvii. 2. dicitur, „Deus magnus Dominus. “ Ex parte vero eius in quod mutaverunt, tria correspondenter ponuntur. Nam contra glori- am dicit, *In similitudinem imaginis*; id est, in similitudinem alicuius rei per modum im- aginis ab aliquo expressæ. Manifestum enim est quod similitudo imaginis est poste- rior illa re cuius est imago. Gloria autem, sive claritas Dei est principium omnis speciei & formæ. (a) Et sic dum Dei gloriam in similitudinem imaginis mutaverunt, con- verterunt primum in ultimum. Sap. xiv. 25. „Acerbo tactu dolens (b) pater, cito „sibi rapti filii fecit imaginem. “ Contra id quod diserat, *incorruptibilis*, dicit, *Corru- ptibilis*. Plal. xxxix. 10. „Quæ utilitas in „sanguine meo dum descendo in corru- „ptionem? “ scilicet quid est amplius iam corruptum, sive mortuum? Sap. xv. 17. „Cum sit mortalis, mortuum fingit ma- „nibus iniquis. “ Contra id quod dixit, *Dei*, ponit, *Homini*. Iob xxxi. 21. „Non „accipiam personam viri, & Deum homi- „ni non æquabo. “ Et, quod est abomi- nabilis, homo gloriam Dei transulit non solum in hominem, qui est ad imaginem Dei, sed etiam ad ea quæ sunt infra hominem: unde subdit: *Et velutrum*, quantum ad vo- latilita, & quadrupedum, quantum ad gressi- lia, & serpentum, quantum ad reptilia. Prætermittit autem pisces, tamquam magis ab humana conversatione seiunctos. Hæc

autem omnia sunt a Deo homini supposita. Plal. viii. „Omnia subiecisti sub pedibus „eius. “ Ezech. viii. 9. „Ingredere, & „vide abominationes pessimas quas isti fa- „ciunt hic. Et ingressus vidi; & ecce o- „mnis similitudo reptilium, & animalium „abominatio. “

Est autem notandum, quod, sicut dicit Glossa, ab adventu Aeneæ consueverunt in Italia imagines hominum colli, puta Iovis, Herculis, & similia. Sed tempore Cæsa- ris Augusti, devicta Aegypto, eorum cul- tum Romani assumpserunt: qui imagines animalium colebant propter figuras anima- lium quæ notantur in celo, quibus (c) Aegy- ptii, tamquam astrologiæ dediti, cultum divinitatis impendebant. Unde & Domi- nus filios Israel in Aegypto nutritos, ab huiusmodi cultu removet, dicens Deuter. xv. 19. „Ne forte oculis elevatis in cælum „videas solem, & lunam, & omnia astra cæ- „li, & errore deceptus adores eas. “

Deinde cum dicit, *Propter quod tradidit*, ponit poenam huiusmodi culpæ responden- tem. Circa quod considerandum est, quod homo medium locum obtinet inter Deum & animalia bruta, & cum utroque extre- morum communicat: cum Deo quidem se- cundum intellectualem, cum animalibus vero brutis secundum sensualitatem. Sicut igitur homo id quod est Dei mutavit usque ad bestias; ita Deus id quod est divinum in homine secundum rationem, subdit el quod est brutale in ipso, scilicet desiderio sensu- alitatis, secundum illud Plal. xlviii. 13. „(d) Homo cum in honore esset, non intel- „xit (similitudines scilicet divinæ imagi- „nis propter rationem) comparatus est „iumentis insipientibus. “ Hoc est ergo quod dicit: *Propter quod tradidit illos Deus in desideria cordis*: ut eorum ratio subdere- tur desideriis cordis, scilicet sensui affectui, de quibus dicitur infra xxi. 14. *Carnis curam ne feceritis in desideriis*. Quod quidem est contra naturalem ordinem ho- minis, secundum quem ratio appetitui sensibili dominatur. Gen. 1. 7. „Sub te erit „appetitus eius, & tu dominaberis illius. “ Inducit ergo homines in desideria cordis eorum, sicut in manum dominorum crude- lium. Esai. xix. 4. „Tradam Aegyptum „in manu dominorum crudelium. “ Præ- cipue tamen citæ appetitum sensicivum, bestialis quædam deordinatio pertinet ad pec-

(a) *Et sic qui Dei gloriam in similitudinem imaginis mutant, convertunt primum in ultimum.*
(b) *primum cito rapti &c.* (c) *ut dominaberis Aegyptii.* (d) *Et homo cum in honore esset*
(e) *scilicet divinæ imaginis propter rationem* comparatus est iumentis insipientibus. “ Hoc est quod dicit &c.

peccata carnalia: nam delectationes tactus, circa quas sunt gula, & luxuria, manifeste sunt communes nobis, & brutis; & ideo sunt magis exprobrabiles, quasi magis brutales, ut dicit Philosophus in II. Ethicor. cap. x. Et hoc designatur cum subdit, *in immunditiam*, quæ ad peccata carnalia pertinet, secundum illud Ephes. v. 3. „ Omnis fornicator, „ aut immundus: „ quia scilicet homo per huiusmodi peccata maxime convertitur, & trahitur ad id quod est infra ipsum: unumquodque enim dicitur esse impurum, sive immundum (a) ex commixtione vilioris, sicut argentum ex commixtione plumbi. Unde exponens subdit: *Ut contumelios*, id est turpibus, & immundis actibus, afficiant, id est incitant, *corpora sua in semetipsis*; id est, non quasi ab aliis coacti, puta a Barbaris, sed a semetipsis hoc agunt propria sponte. Infra ix. 21. *An non habes potestatem singulis luti, ex eodem lute facere aliud vas in honorem, aliud in contumeliam?* scilicet in turpem usum.

Sed cum huiusmodi immunditia sit peccatum, videtur quod Deus in eam homines non tradat: quia, ut dicitur Iacob. 1. 13. „ Deus inceptor malorum est. “

Dicendum est, quod Deus non dicitur tradere homines in immunditiam directe, inclinando affectum hominis ad malum, quia Deus omnia ordinat in seipsum. Proverb. xvi. 4. „ Univerſa propter ſe operatus eſt „ Dominus: „ peccatum autem est aliquid per averſionem ab eo. Sed indirecte tradit homines in peccatum, inquantum (b) lulte subtrahit gratiam, per quam homines continebantur ne peccarent; sicut si aliquis alicuius sustentaculum tolleret, diceretur facere calum eius. Et per hunc modum, primum peccatum est causa sequentis peccati, sequens vero est poena prioris.

Ad cuius evidentiam sciendum est, quod omnem peccatum potest esse causa alterius indirecte, & directe. Directe quidem, inquantum ex uno peccato inclinatur ad aliud; quod fit tripliciter. Uno modo secundum rationem causæ finalis; sicut cum quis ex avaricia, (c) vel invidia incitatur ad homicidium committendum: secundo secundum rationem causæ materialis; sicut gula inducit ad luxuriam, ministrando materiam; tertio secundum rationem causæ moventis; sicut cum ex multis actibus alicuius peccati, generatur habitus ad simile peccatum inducens. Indirecte autem, sicut primum

peccatum meretur exclusionem gratiæ, quæ subtrahit homo ruit in aliud peccatum; & sic primum peccatum est causa secundi indirecte, sive per accidens, sicut removens prohibens. Sed notandum est, quod peccatum, inquantum huiusmodi, non potest esse poena: quia poenam contra voluntatem patimur; peccatum autem est voluntarium, ut Augustinus dicit. Sed quia peccatum habet quædam adiuncta, quæ sunt contra voluntatem peccantis, ratione eorum peccatum dicitur poena præcedentis peccati. Hoc autem est uno modo aliquid præcedens peccatum, sicut subtrahit gratiæ, ex qua sequitur ut homo peccet. Alio modo est aliquid adiunctum ipsi peccato, vel interius, sicut est inordinatio animi: unde Augustinus dicit in I. Confess. „ Iussisti Domine, & sic est, ut poena sibi sit omnis inordinatus animus: „ sive quantum ad exteriores actus, quibus difficultates, ac labores adiunguntur, secundum illud quod dicunt impii Sapient. 7. 7. „ Ambulavimus „ vias difficiles. „ Tertio quantum ad id quod sequitur peccatum, sicut est remorior conscientiæ, intamia, & similia.

Deinde cum dicit, *Commutarunt veritatem Dei in mendacium*, ponit culpam impietatis, quam commiserunt contra veritatem divinæ naturæ: & primo ponit culpam; secundo poenam, ibi, *Propterea tradidit*. Divina autem natura potest considerari dupliciter. Uno modo secundum quod est ratio cognoscendi, ut veritas prima; & quantum ad hoc dicit: *Quia commutarunt veritatem Dei in mendacium*: quod quidem potest intelligi dupliciter. Uno modo quia veram cognitionem, quam a Deo acceperunt, perversa ratione ad falsa dogmata converterunt; sicut cum dixerunt idola esse deos, vel Deum non esse omnipotentem, vel omniscientem. Hierem. ix. 3. „ Do „ cuerunt linguas suas inquit mendacium. „ Alio modo veritatem Dei in mendacium mutaverunt, quia divinitatis naturam, quæ est ipsa veritas, attribuerunt idolo, quod est mendacium, inquantum non est Deus, ut dicitur Hier. xvi. 19. „ Vere mendacium „ possederunt patres nostri, vanitatemque „ eis non profuit. Numquid faciet homo „ sibi deos, & ipsi non sunt dii? „ Alio modo potest considerari divina natura secundum quod est principium essendi omnium per creationem; & sic debetur ei ab homine, interius quidem cultus secundum

D 2 pium

(a) *M. ex coniunctione vilioris, sicut argentum ex coniunctione plumbi.* (b) *M. minus lulte.*
(c) *M. deſt. vel invidia.*

pium affectum: Ioan. ix. 31. „ Si quis cul-
 „ tor est Dei, & voluntatem eius facit,
 „ hunc exaudiet: „ exterius vero debetur
 „ ei servitus latræ, secundum illud Deut.
 „ vi. xiii. „ Dominum Deum tuum adora-
 „ bis, & illi soli servies. „ Unde & sub-
 „ dit contra eos, scilicet Coluerunt, & ser-
 „ viaverunt creatura potius quam creatori: col-
 „abant enim cælestia corpora, & aerem, &
 „ aquam, & alia huiusmodi, secundum illud
 „ Sapient. xiii. 2. „ Aut ignem, aut spiri-
 „ tum, aut citatum aerem, aut gyrum
 „ stellarum, aut nimiam aquam, aut solem,
 „ & lunam, rectores orbis terrarum deos
 „ putaverunt. „ Et in hoc improbat sa-
 „ pientes Gentilium, qui quamvis numquam
 „ in imaginibus aliquid numinis esse cre-
 „ derent, sicut sectatores Hermetis crede-
 „ bant, neque ea quæ a Poetis fabulose dicebantur
 „ de diis, crederent esse vera; creaturis ta-
 „ men (a) aliquibus cultum divinitatis im-
 „ pendebant, ex quibus rationem fabularum
 „ assignabant; sicut Varro posuit totum mun-
 „ dum esse Deum propter animam eius, di-
 „ cens, quod toti mundo, & omnibus par-
 „ tibus eius, divinitatis cultus impendi pot-
 „ est, scilicet aeri, quem vocabant lunonem,
 „ & aquæ quam vocabant Lieum, & sic de
 „ aliis. Platonici etiam posuerunt, quod o-
 „ mnibus substantiis rationalibus quæ sunt su-
 „ pra nos, cultus divinitatis debetur; puta
 „ dæmonibus, (b) animalibus cælestium cor-
 „ porum, intelligentiis, id est substantiis se-
 „ paratis. Quamvis autem his quæ supra nos
 „ sunt aliquam reverentiam exhibere debea-

mus, non tamen cultum latræ, (c) quæ
 „ potissime in sacrificiis, & oblatione consi-
 „ stit, per quam homo proficitur omnium bo-
 „ norum Deum esse auctorem; sicut & in
 „ quolibet regno aliquis honor supremo do-
 „ mino exhibetur, quem non licet transferre
 „ in alium. Et ideo subdit: Qui est benedi-
 „ ctus; id est, cuius bonitas est manifesta.
 „ (d) Sic enim dicimus benedicere Deum,
 „ in quantum eius bonitatem corde recogno-
 „ scimus, & ore confitemur. Eccli. xlii. 33.
 „ Benedicentes Deum exaltate illum
 „ quantum potestis. „ Addit autem, *Insa-*
 „ *cula*, quia eius bonitas est sempiterna, ab
 „ alio non dependens, sed est omnis boni
 „ principium; & ex hoc sibi debetur omnis
 „ latræ cultus. Addit autem, *Amen*, ad om-
 „ nimodam certitudinem asserendam. Esai.
 „ lxi. 16. „ Qui benedictus est super terram,
 „ benedicetur in Deo: Amen: „ quod idem
 „ est quod verum, vel factum. Videtur autem
 „ Apostolus triplicem theologiam tangere
 „ Gentilium. Primo quidem civilem quæ ob-
 „ servabatur a pontificibus in adoratione ido-
 „ lorum in templo; & quantum ad hoc di-
 „ cit: *Et mutaverunt gloriam incorruptibilis Dei*.
 „ Secundo theologiam fabularem, quam Poe-
 „ tæ tradebant in theatris; & quantum ad
 „ hoc dicit: *Qui commutaverunt veritatem Dei*
 „ *in mendacium*. Tercio theologiam natura-
 „ lem, quam observaverunt Philosophi in mun-
 „ do, partes mundi colentes; & quantum ad
 „ hoc dicit: *Et coluerunt, & serviaverunt crea-*
 „ *tura potius quam creatori*.

LECTIO VIII.

P Ropterea tradidit illos Deus in passiones ignominie: nam semine eorum in-
 „ mutaverunt naturalem usum in eum usum quod est contra naturam. Simili-
 „ ter autem & masculi, relicto naturali usu semine, exarserunt in desideris suis in
 „ invicem, masculi in masculos turpitudinem operantes, & mercedem quam opor-
 „ tuit erroris sui in semetipsis recipientes. Et sicut non probaverunt Deum habere
 „ in notitia, tradidit illos Deus in reprobum sensum, ut faciant ea quæ non conve-
 „ niunt, repletos omni iniquitate, malicia, fornicatione, avaritia, nequitia, plenos
 „ invidia, homicidiis, contentione, dolo, malignitate, susurrones, detractores, Deo
 „ odibiles, contumeliosos, superbos, elatos, inventores malorum, parentibus non
 „ obedientes, insipientes, incompósitos, sine affectione, absque fœdere, sine mis-
 „ ricordia: qui cum iustitiam Dei cognovissent, non intellexerunt, quoniam qui ta-
 „ lia agunt, digni sunt morte, & non solum qui ea faciunt, sed etiam qui consen-
 „ tiunt facientibus.

Po-

(a) *M.* alienius cultum divinitatis. (b) *M.* animalibus. (c) *M.* quæ præcipue in sacrificii obla-
 „ tionis consistit. (d) *M.* sicut enim.

POsita culpa impicitatis, secundum quam contra naturam divinam peccaverunt, hic ponit poenam, qua scilicet ad hoc reducti sunt ut contra suam naturam peccarent: & primo ponit poenam; secundo exponit, ibi, *Nam semina*; tertio eius convenientiam offendit, ibi, *Et mercedem*. Dicit ergo primo: *Propterea*, scilicet quia Dei veritatem in mendacium mutaverunt, *tradidit illos Deus*, non quidem impellendo in malum, sed deferendo, in *passiones ignominiae*, idest peccata contra naturam, quae dicuntur *passiones* secundum quod proprie passio dicitur ex eo quod (a) aliquid trahitur extra ordinem suae naturae; puta cum aqua calefit, aut cum homo infirmatur. Unde quia per huiusmodi peccata homo recedit ab ordine naturali, convenienter dicuntur *passiones*. Infra vii. 5. *Passiones peccatorum*. Dicuntur autem *passiones ignominiae*, quia non sunt nomine dignae, secundum illud Ephes. v. 12. „ Quae aguntur in occulto, ab eis, turpe est dicere. “ Si enim peccata carnis communiter exprobrabilia sunt, quia per ea homo deducitur ad id quod est bestiale in homine, multo magis peccatum contra naturam, per quod etiam homo a natura bestiali decedit. Osee. iv. 7. „ Gloriam eorum in ignominiam commutabo. “ Deinde cum dicit, *Nam semina eorum immutaverunt naturalem usum* &c. exponit quod dixerat: & primo quantum ad feminas; secundo quantum ad masculos, ibi, *Similiter autem masculi*. Dicit ergo primo: Ideo illos dico in *passiones ignominiae* traditos: *nam semina eorum mutaverunt naturalem usum in eum usum qui est contra naturam*. I. Cor. xi. 14. „ Nec ipsa natura docet vos. “ Esa. xxi. 5. „ Mutaverunt ius, dissipaverunt fœdus sempiternum, “ id est ius naturale.

Est autem considerandum, quod dupliciter est aliud contra naturam hominis. Uno modo contra naturam differentie constitutivae hominis, quae est rationale; & sic omne peccatum dicitur esse contra naturam hominis, inquantum est contra rationem reſtam. Unde & Damascenus dicit in II. Lib. (de fide, cap. iv. post princ.) quod Angelus peccans, versus est ex eo quod est secundum naturam in id quod est præter naturam. Alio modo dicitur esse aliud contra naturam hominis ratione generis, quod est animal. Manifestum est autem quod secundum naturam intentionem commixtio sexuum in animalibus ordinatur ad actum

generationis. Unde omnis commixtio est modus ex quo generatio sequi non potest, est contra naturam hominis, inquantum est animal; & secundum hoc dicitur in Glossa: „ Naturalis usus est ut vir, & mulier in uno concubitu coeant; “ contra naturam vero ut masculus masculum polluat, „ & mulier mulierem: “ & eadem ratio est de omni actu coitus, ex quo generatio sequi non potest.

Deinde cum dicit, *Similiter autem immutaverunt naturalem usum semina*, exponit quantum ad mares, qui scilicet *reſiste naturali usu semina*, exarserunt, idest extra terminos naturae atserunt, secundum illud Psal. cxvi. 11. „ Exarserunt “ sicut ignis in spinis: „ & hoc in desideris suis, scilicet carnalibus, invicem masculi in masculos turpitudinem operantes. Ezech. xvi. 37. „ Nudabo ignominiam tuam coram eis, & videbunt omnem turpitudinem tuam. “ Deinde cum dicit, *Et mercedem*, ostendit hanc poenam convenientem esse culpae, dicens: *Recipientes in semetipsis*, idest in deformatione suae naturae, *mercedem erroris sui*, scilicet quo Dei veritatem in mendacium commutaverunt: *mercedem*, idest retributionem, *quam oportuit*, scilicet eos recipere secundum iustitiae ordinem, ex qua debitum erat ut qui in Dei naturam iniuriōsi fuerant, id quod est proprium sibi, creaturis attribuendo, in sui naturam contumeliosi existerent. Et quamvis merces proprie videatur in bonum sonare, tamen hic sumitur communiter pro quacunque retributione, etiam in malis, secundum modum quo dicitur infra vi. 23. *Stipendium peccati mors*. Mich. i. 7. „ Merces eorum igni comburentur. “

Est et notandum, quod facit rationabiliter Apostolus vitia contra naturam, quae sunt gravissima inter peccata carnalia, ponit idolatriae poenam, quia simul cum idolatria inceperunt videntur, scilicet tempore Abraham, quando creditur idolatria incepisse. Unde & tunc primo leguntur in Sodomitis puniri esse, ut Gen. xix. Simul etiam idolatria crescente huiusmodi vitia creverunt: unde dicitur II. Machab. xv. quod Isalon ausus est sub ipsa arce optimos quosque epheborum in lupanaribus ponere. Erat autem hoc non initium, sed incrementum quoddam & profectus gentilis, & alienigenae conversationis.

Deinde cum dicit, *Et sicut non probaverunt*, ostendit eos (b) in iustitiae fuisse subiectos; & primo ostendit ex qua prior cul-

p3

(a) A. aliud. (b) A. iustitia.

in hæc peccata deveniunt; secundo enumerat horum peccatorum differentias, ibi, *Repletos omni iniquitate*. Culpam autem præcedentem ponit cum dicit: *Et sicut non probaverunt Deum habere in notitia*: quod potest dupliciter intelligi. Uno modo, quia quavis lumine rationis, & per creaturas visibiles veram Dei cognitionem habere potuerunt, tamen ut liberius possent peccare, non probaverunt, id est non approbaverunt ut ipsi haberent Deum in sui notitia. Iob xxi. 14. "Dixerunt Deo: Recede a nobis; scientiam viarum tuarum nolumus." Alio modo potest intelligi quod ipsi non probaverunt quod Deus in sua notitia haberet facta humana, secundum illud Psalm. xciii. 7. "Dixerunt: Non viderit debet Dominus, nec intelliget Deus." Et secundum hunc sensum convenienter huic culpæ respondet poena, cum subditur: *Tradidit illos Deus in reprobum sensum*. Dicitur autem hic sensus hominis, non exterior quo sensibilia cognoscuntur; sed interior, secundum quem iudicat de agendis, secundum illud Sapient. vi. 16. "Cogitare de illa sensus est consummatus." Dicitur autem sensus reprobus, quo aliquis reprobandum iudicium habet de agendis, secundum illud II. Tim. i. 8. "Homines mente corrupti, reprobi circa fidem." Hier. vi. 30. "Argentum reprobum voca te eos." Et ideo subdit: *Ut faciant ea qua non conveniunt*, id est ea quæ a recta ratione discordant. Sap. i. 21. "Inutilia opera eorum sunt." Est autem conventio ut qui contra Dei notitiam peccaverunt, vel eum cognoscere nolentes, vel eum cognoscere non arbitantes, in perveritatem sensus traderentur. Unde & Sap. xiv. 31. dicitur: "Peccantium poena perambulat semper in iustorum prævaricationem." Deinde cum dicit, *Repletos omni iniquitate*, enumerat huiusmodi inconvenientia opera: & primo ponit id quod est generale, dicens: *Repletos omni iniquitate*: quia, ut dicitur I Ioan. i. 4. "omne peccatum est iniquitas." Sicut enim omnis virtus, inquantum exequitur præceptum legis, habet rationem iustitiæ; ita etiam omne peccatum, inquantum a regula legis divinæ discordat, habet rationem iniquitatis: & sic in sacra Scriptura præcipue peccata arguntur. Dupliciter autem eorum culpa exaggeratur. Primo quidem intensive, per hoc quod dicit, *Repletos*: ille enim videtur repleto iniquitate cu-

ius affectus est totaliter ad peccandum dispositus, secundum illud Psalm. xlii. 3. "Quorum os maledictione, & amaritudine plenum est." Secundo extensive, quia scilicet non tantum in uno peccaverunt, sed in omnibus. Sap. xiv. 27. "Infandum, idolorum cultura omnis malis causa est." Consequenter cum dicit, *Malitia*, enumerat peccata in speciali: & primo quantum ad transgressionem, quæ opponitur præceptis negativis; secundo quantum ad omissionem, quæ opponitur præceptis affirmativis, ibi, *Superbes*. Circa primum duo facit. Primo ponit peccata quibus aliquis deerioratur in seipso; secundo peccata quibus aliquis fit nocivus proximo, ibi, *Nequitia*. Circa primum ponit quidem id primo quod est generale, cum dicit, *Malitia*, quæ est habitus vitiosus virtuti oppositus: unde ex malitia peccare dicuntur qui ex habitu peccant. Psalm. li. 1. "Quid gloriaris in malitia?" In speciali ponit peccatum, quo quis deordinatur circa appetitum corporalium delectationum, cum dicit, *Fornicatione*. Quamvis enim fornicatio proprie sit cum meretricibus, quæ iuxta fornice, id est arcus triumphales, se publice prostituunt: tamen hic sumitur per omni illicito concubitu. Tob. iv. 13. "Attende tibi, fili mi, ab omni fornicatione." Secundo ponit vitium per quod quis deordinatur circa appetitum rerum exteriorum, cum dicit, *Avaritia*, quæ est immoderatus appetitus habendi. Hebr. ult. 5. "Sint mores sine avaritia, contenti presentibus." Deinde ponuntur peccata quæ tendunt ad nocumtum proximi: & primo ponit id quod est generale, cum dicit, *Nequitia*, dum scilicet attentat aliquis quod nequit implere; quod maxime contingit circa nocumenta proximorum, quibus non potest aliquis aliquando pro voto nocere. Psalm. vii. 21. "Consumetur nequitia peccatorum." Consequenter ponit radicem horum peccatorum, dicens, *Plenus invidia*, quæ est dolor de alieno bono, ex quo aliquis incitatur ad nocendum alteri. Sapient. ix. 24. "Invidia diaboli, mors introivit in orbem terrarum." Postea ponuntur nocumenta, (a) & primo manifesta, & quantum ad facta, cum dicit, *Homicidium*, quæ sunt præcipua nocumenta. Osee iv. 2. "Maledictum, mendacium & homicidium, furtum, & adulterium inundaverunt." Dicit autem pluraliter, *Homicidia*: quia homicidium, non solum consistit in opere,

(a) *id.* proximo.

sed etiam in voluntate. I. Ioan. 111. 15. „ Qui odit fratrem, homicida est, „ qui scilicet odit ad occidendum. Et quantum ad verba, cum dicit, *Contentione*. Est autem contentio, impugnatio veritatis cum confidentia clamoris. Proverb. x. 3. „ Honor est homini qui se separat a contentionibus. „ Deinde ponit nocumenta occulta, & primo illud quod est generale, cum dicit, *Dolo*, quando scilicet aliud simulatur, & aliud agitur. Hier. 12. 8. „ Sagitta vulnerans lingua eorum, dolum locuta est: in ore suo pacem cum amico suo loquitur, & occulte ei ponit insidias. „ Post hæc ponit radicem interiorum horum nocumentorum, cum dicit, *Malignitate*, quæ importat malum ignem, id est malum affectum in corde, secundum illud Psal. xxvii. 3. „ Loquantur pacem cum proximo suo, mala autem in cordibus. „ Psalm. v. 6. „ Non habitabit iuxta te malignus. „ Consequenter ponit nocumenta occulta, quæ præcipue fiunt verbis, cum dicit, *Susurrores*, qui scilicet occulte susurrant in auribus hominum ad seminandum inter eos discordias. Eccli. xxviii. 15. „ Susurro, & bilinguis maledictus in populo: multos enim turbavit pacem habentes. „ *Detrahentes*, qui scilicet detrahunt famæ alicuius occulte, idest eo ignorante, mala dicentes de eo. Eccli. 1. 11. „ Si mordet serpens in silentio, nihil est, minus habet qui occulte detrahit. „ Et ne putentur ista peccata esse levia, quia solo ore committuntur, subdit, *Deo adibiles*: impugnant enim id maxime quod Deus in hominibus amat, scilicet mutuum amorem. Ioan. xv. 12. „ Hoc est præceptum meum ut diligatis invicem. „ Unde dicitur Proverb. vi. 16. „ Sex sunt quæ odit Deus, & septimum detestatur anima eius, „ scilicet, „ qui seminat inter fratres discordias: „ 19. Addit autem, *Contumeliosus*, qui scilicet mala in faciem inferunt. I. Tim. 1. 13. „ Qui prius sui blasphemus, & persecutor, & contumeliosus. „ Sic ergo hæc tria vitia in materia conveniunt, quia omnes mala dicunt de proximo; (a) differunt autem in fine, nam susurro intendit discordiam, detractor infamiam, contumeliosus iniuriam. Consequenter ponit peccata quæ pertinent ad omissionem: & primo ponit radicem horum peccatorum, cum dicit, *Superbus*. Dicuntur enim superbi, quasi super se cunctes per inordinatum appetitum excellentiæ: volunt

enim præesse, non subesse aliæ regulæ, & ideo præcepta (*) omittunt. Eccli. x. 17. „ Initium omnis peccati, superbia: „ quod verum est quantum ad aversionem a Deo, non quantum ad conversionem ad bonum commutabile: dicitur enim I. Tim. ult. 16. quod radix omnium malorum est cupiditas. „ Secundo ponit processum superbiæ, ex quo primo in corde nascitur elatio, ut scilicet homo se super alios effe- rat. Luc. xviii. 11. „ Non sum sicut ceteri hominum. „ Unde dicitur contra elatos illud Pl. cxxx. 1. „ Neque elati sunt oculi mei. „ Secundo ex superbia, in opere nascitur novitatum præsumptio; & quantum ad hoc subdit, *Inventores malorum*: quia enim bona iam a Deo, & ab hominibus sunt instituta, consequens est ut ipsi de novo adinventant mala. Esa. 111. 8. „ Ad- „ inventiones eorum contra Dominum. „ Consequenter ponuntur ipsæ omissiones, & primo respectu superiorum: unde quantum ad parentes dicit, *Parentibus non obedi- ter*: contra id quod dicitur Ephes. vi. 1. „ Filii, obedite parentibus vestris in Domino. „ Quantum autem ad Deum dicit, *Insuperantes*, idest contra divinam reverentiam agentes. Job xxviii. 28. „ Ecce „ timor Domini, ipse est sapientia, & re- „ cedere a malo, intelligentia. „ Secundo ponit omissionem, quantum ad seipsum, cum dicit, *Incompositus*, in habitu, & in incessu. Eccli. xii. 27. „ Amicus corporis, „ ris, & risus dentium, & ingressus ho- „ minis enuntiant de illo. „ Quidam ta- men inculpanitur Esa. 111. de hoc quod composito gradu incedebant: quia illa composio excedebat modum communem hominum inter quos conversabantur. Tertio ponit omissionem quantum ad pares, ad quos debemus habere primo affectum in corde, contra quod dicit, *Sine affectione*. Proverb. xiii. 10. „ Viscera impiorum crudelia. „ Tim. 11. 2. „ Erunt homines seipsos aman- „ tes, „ scilicet & non alios. Secundo de- bet homo eis exhibere socialem conversa- tionem, contra quod subdit, *Abque sacdere*, quo scilicet aliis socialiter non convivunt. Iudic. xviii. 27. „ Percusserunt eos in ore „ gladii eo quod cum nullo hominum „ haberent quidquam societatis, ac nego- „ tii. „ Eccli. iv. 10. „ Væ soli, quoniam „ cum ceciderit, non habet sublevantem se. „ Quarto quantum ad inferiores subdit, *Sine misericordia*, quam debemus miseris exhibere. Iac. 11. 13. „ Iudicium sine misericor- dia

(a) A. Dicit autem in fine. (b) A. committunt.

„dicit illi qui non facit misericordiam.“ Deinde cum dicit, *Qui cum iustitiam Dei cognoverint*, ostendit eos esse obnoxios iræ, sive vindictæ divinæ. Circa quod tria sunt consideranda. Primo naturalis eorum affectus: quia cum cognoscerent Deum iustum, & omnes alias perfectiones habentem, non crederent quod pro peccatis poenam inferret. Sophon. i. 12. „Dicunt in cordibus suis: (a) Non faciet Dominus bene, & non faciet Dominus male.“ Et hoc est quod dicit: *Qui cum iustitiam Dei cognoverint, non intellexerunt*. Secundo poena peccatis eorum debita, cum dicit: *Digni sunt morte*. Infra vi. 23. *Stipendia peccati, mors est*. Dignum est enim quod anima quæ deserit Deum, a corpore suo deferatur per mortem corporalem, & finaliter deferatur a Deo per mortem æternam, de qua dicitur in Pl. xxxiii. 22. „Mors peccatorum pessima“ & Apocal. xx. 6. „In his mors secunda non habebit potestatem.“

Tertio considerandum est quibus talis poena debetur. Et primo his qui talia agunt, scilicet prædicta peccata, secundum illud Psal. v. 7. „Odisti omnes qui operantur iniquitatem, perdes omnes qui loquuntur mendacium.“ *Et non solum illi qui faciunt, sed etiam his qui consentiunt facientibus*. Et hoc dupliciter. Uno modo directe, vel laudando peccatum, secundum illud Psal. 12. 24. „Laudatur peccator in desideriis animæ suæ“ vel etiam præbendo consilium, & favorem, secundum illud II. Paral. xix. 2. „Impio præbes aulam“ Alio modo indirecte, quando non reprehendit, aut impedit quocumque modo, si potest; & præcipue si ex officio incumbat, sicut peccata filiorum imputantur Heli, sicut patet I. Reg. 17. Hæc etiam specialiter Apostolus dicit propter quosdam sapientes Gentilium, qui etsi idola non colebant, tamen colentibus non resistebant.

CAPITULI SECUNDI LECTIO I.

Propter quod inexcusabilis es o homo omnis qui iudicas: in quo enim alterum iudicas, te ipsum condemnas: eadem enim agis quæ iudicas. Scimus enim quoniam iudicium Dei est secundum veritatem in eos qui talia agunt. Existimas autem o homo qui iudicas eos qui talia agunt, & facis ea, quia tu effugies iudicium Dei? An divitiis bonitatis eius, & patientiæ, & longanimitatis eius contemnis? Ignoras quoniam benignitas Dei ad poenitentiam te adducit? Secundum autem duritiam tuam, & impoenitens cor, thesaurizas tibi iram in die iræ, & revelationis iusti iudicii Dei.

Postquam Apostolus ostendit quod Gentiles iustificati non sunt ex veritatis cognitione quam habuerunt, hic ostendit quod neque etiam Iudæi iustificati sunt ex his in quibus gloriabantur; & sic utriusque est necessaria ad salutem virtus evangelicæ gratiæ. Primo ergo dicit, quod Iudæi non sunt iustificati ex lege; secundo quod non sunt iustificati ex genere, de quo gloriabantur, 111. cap. *Quid ergo est amplius?* tertio quod non sunt iustificati ex circumcisione, 14. cap. *Quid ergo dicemus?* Circa primum considerandum est, quod Iudæi, & Gentiles ad fidem conversi se invicem iudicabant de

priori vita: Iudæi enim Gentilibus obiciebant, quod sine Dei lege viventes, idolis immolabant; Gentiles autem obiciebant Iudæis, quod lege Dei accepta, cam non servabant. Primo ergo utroque arguit de inordinato iudicio; secundo specialiter ostendit quod Iudæi non erant digni præmio: quia ea in quibus gloriabantur, non sufficiebant ad salutem, ibi, *Non enim auditores legis iusti sunt apud Deum; sed factores legis iustificabuntur*. Circa primum duo facit. Primo confutat humanum iudicium; secundo asseruit, & commendat divinum, ibi, *Scimus enim quoniam iudicium Dei est secundum ver-*

(a) Edit. Romane an. 1590. & dua Vroeta, altera an. 1562, cunctis F. Romigis Elevationis, altera an. 1593, agunt: Non faciet Dominus male, omnes alii.

vitatem. Circa primum duo facit. Primo proponit mutuo se iudicantes inexcusabiles esse; secundo assignat rationem, ibi, *in quo enim alterum iudicas*. Primo ergo concludit ex præmissis, dicens: Propter quod Gentiles veritatem de Deo cognitam in iniustitia detinuerunt, o homo qui iudicas alium hominem, inexcusabilis es, sicut sup. 1. dixit: *Ita ut sint inexcusabiles*. Addit autem, *Omnis*; qualidicat: Quicumque sis, sive Gentilis, sive Iudeus: quia etiam Gentilis, de quo magis videbatur, non potest excusari pro ignorantiam, sicut supra ostensum est. I. Cor. iv. 5. „Nolite ante tempus iudicare.“ Deinde cum dicit, *in quo enim*, assignat rationem, excludendo causam excusationis: primo quidem ignorantiam; secundo innocentiam, ibi, *Eadem enim agis*. Ignorantia quidem excluditur per iudicium: quicumque enim iudicat aliquem quasi male agentem, demonstrat se agnoscere illud esse malum; & ex hoc ostendit esse condemnabilem; & hoc est quod dicit: Ideo, inquam, es inexcusabilis: *in quo enim iudicas alterum*, quasi male agentem, te ipsum condemnas; id est, ostendis te esse condemnabilem. Matth. vii. 1. „Nolite iudicare, & non iudicabimini.“ Non tamen credendum est quod omne iudicium sit condemnationis causa. Est enim triplex iudicium. Unum quidem iustum, quod scilicet fit secundum regulam iustitiæ. Sap. 1. 1. „Diligite iustitiam qui iudicatis terram.“ Aliud est iudicium non iustum, quod scilicet fit contra regulam iustitiæ. Sap. vi. 5. „Cum essetis ministri regni eius, non redde iudicatis.“ Est autem tertium iudicium temerarium, contra quod dicitur Eccl. v. 1. „Ne temere quid loquaris.“ Quod quidem dupliciter committitur. Uno modo quando aliquis procedit circa id quod est sibi commissum iudicium absque debita veritatis cognitione, contra id quod dicitur Job xxx. 16. Causam quam ignorabam, diligentissime investigabam. „Alio modo quando aliquis usurpat sibi iudicium de occultis, de quibus solus Deus iudicare habet, contra id quod dicitur I. Cor. iv. 5. „Nolite ante tempus iudicare, quo ad usque veniat Dominus, qui illuminabit abscondita tenebrarum.“ Est autem aliud occultum, non solum quo ad nos, sed secundum sui naturam, ad solam Dei cognitionem pertinens. Primo quidem cogitatio cordis, secundum illud Hier. xvii. 9. „Pravum est cor hominis, & inexcusabile:

S. Th. Oper. Tom. VI.

„quis cognosceret illud? Ego Dominus scrutans corda, & probans renes.“ Secundum contingens (sutura), secundum illud Egipt. xli. 23. „Annuntiatio quæ ventura fuit in futurum, & dicemus quia dii estis vos.“ Et ideo, sicut dicit Augustinus de sermone Domini in monte (ser. 11. cap. xxviii.) duo sunt in quibus temerarium iudicium cavere debemus: cum incertum est quo animo quidque factum fuerit; vel cum incertum est qualis quisque futurus est, qui tunc vel bonus, vel malus appareat. Primum ergo iudicium non est condemnationis causa, sed secundum, & tertium. Deinde cum dicit, *Eadem enim agis qua iudicas*, excludit aliam excusationis causam, scilicet innocentiam; qualidicat: Ideo tu qui iudicas alios, te ipsum condemnas, (a) quia tu eadem agis quæ iudicas, id est de quibus alios condemnas: & ita videtur quod contra conscientiam agis. Matth. vii. 3. „Quid autem vides fessellum in oculo fratris tui; & trabem in oculo tuo non vides? Est tamen sciendum, quod non semper cum aliquis aliquem iudicat de peccato quod ipse committit, per hoc ipsum semper sibi condemnationem acquirit: quia non semper mortaliter peccat sic iudicando, semper tamen suam damnationem manifestat. Si enim publice sit in peccato de quo alium iudicat, videtur scandalizare iudicando; nisi forte humiliter se simul cum illo reprehendat, pro suo peccato ingemiscens. Si vero sit in eodem peccato occulte, non peccat iudicando alium de peccato eodem, maxime cum humilitate, & conatu ad resurgendum; ut Augustinus dicit in Libro (II. cap. xix.) de sermone Domini in monte. „Primum cogitemus cum aliquem reprehendere necessitas nos cogit, utrum tale sit vitium quod nunquam habuimus; & tunc cogitemus nos etiam habere potuisse: vel tale quod habuimus, & iam non habemus; & tunc tangat memoriam fragilitas communis, ut illam correctionem, non odium, sed misericordia præcedat. Si autem invenimus nos in eodem vicio esse, non obiurgemus, sed congemiscamus, & ad pariter (b) condolendam invitemus.“ Deinde cum dicit, *Scimus enim*, astruit, & commendat divinum iudicium; & circa hoc tria facit. Primo ponit divini iudicii veritatem; secundo excludit contrariam opinionem, ibi, *Existimas*; tertio manifestat veritatem, ibi, *Qui red-det unicuique*. Dicit ergo primo: Ideo dico, quod

E

(a) Al. quia tu agis; & ita videtur de c. intermedia omitti. (b) Al. c. condam.

quod teipsum condemnas, cum eadem agis, quæ iudicas: *scimus enim*, id est pro certo tenemus, quoniam iudicium Dei est in eos qui talia agunt; id est, imminet eis divinum iudicium. Iob xix, 29. „Ultor iniquitatis „est gladius, & scitote esse iudicium.“ Eccl. ult. 14. „Cuncta quæ sunt, addu- „cet Deus in iudicium.“ Item scimus quod hoc iudicium est secundum veritatem. Psal. xciv. 13. „Iudicabit orbem terræ in æqui- „tate.“ Hominis autem iudicium, etiam si iuste iudicet, non semper est secundum veritatem negotii, sed secundum dicta tes- timonia, quæ quandoque dissonant a veritate. Sed hoc non est in divino iudicio: quia, ut ipse dicit Hier. xxix. 23. „Ego sum iu- „dex, & testis.“ Non etiam fallitur fal- sis allegationibus, secundum illud Iob xli. 3. „Non parcam ei, & verbis potenti- „bus, & ad deprecandum compositis.“ Deinde cum dicit, *Existimas autem*, excludit opinionem contrariam: & primo ponit eam; secundo assignat causam, ibi, *An di- „citur*; tertio improbat, ibi, *Ignoras*. Dicit ergo primo: Ita dixi, quod iudicium Dei est secundum veritatem in eos qui talia agunt. Sed numquid o homo, quicumque es, qui iudicas eos qui talia agunt, & tamen facis ea, superioris iudicium non times? *Existimas quia tu effugies iudicium Dei?* Quasi di- cat: Si hoc existimas, falsa est æstimatio tua. Psal. cxxxviii. 7. „Quo ibo a spiri- „tu tuo, & quo a facie tua fugiam? Iob xi. 20. „Effugium peribit ab eis.“ De- inde cum dicit, *An dicitur*, ostendit cau- sam huius falsæ æstimationis. Quia enim homo non statim punitur a Deo pro pec- cato, æstimat se non esse puniendum, con- tra id quod dicitur Eccli. v. 4. „Ne dixe- „ris in corde tuo: Peccavi, & quid mihi „accidit triste? Altissimus enim est patiens „redditor.“ & Eccl. viii. 11. „Et- „nim quia non profertur cito contra ma- „gis sententia, absque ullo timore filii ho- „minum perpetrant mala.“ Attamen pec- cator ex eo quod centies facit malum, & per patientiam sustentatur, (a) non debet contemnere, sed advertere quod est bonum timentibus eum. Ex ideo hic dicit, *An con- „temnis?* secundum illud Prover. xviii. 3. „Impius cum in profundum peccatorum „venerit, contemnit.“ *Divitias*, id est ab- undantiam. Ephes. ii. 4. „Deus qui di- „ves est in misericordia.“ *Bonitatis eius*, per quam scilicet in nos diffundit bona,

secundum illud Psal. ciii. 28. „Aperistæ „manum tuam, & omnia impleas bonita- „te.“ Nam bonum diffusionis rationem importat, secundum Dionysium. Tim. ii. 25. „Bonus est Dominus sperantibus in „eum.“ *Et patientia*, per quam scilicet sustinet graviter, & ex malitia peccantes. Psal. vii. 12. „Deus iudex iustus, & pa- „tiens, numquid irascitur per singulos „dies?“ *Et longanimitatis*, per quam sci- licet diu sustinet homines ex iniquitate peccantes, diu tamen in peccato perma- nentes. Il. Pet. ult. 15. „Longanimitatem „Domini nostri Iesu Christi, salutem ar- „bitramini.“ Deinde cum dicit, *Ignoras*, improbat prædictam causam, scilicet con- temptum divinæ patientiæ: & primo fru- strum divinæ patientiæ demonstrat; secun- do periculum contemptus, ibi, *Secundum duritiam autem*. Dicit ergo primo: Mirum est quod contemnis. Numquid igitur igno- ras quoniam benignitas Dei, differens pec- catum, ad penitentiam te adducit? Il. Pet. iii. 9. (b) „Non tardat Dominus promissionem „suam, sed patienter agit propter vos, no- „lent aliquos perire, sed omnes ad peni- „tentiam reverti.“ Fla. xxi. 18. „Ex- „pectat vos Deus ut misereatur vestri.“ Videtur autem Apostolus, ut in Glossa dicitur, tres gradus peccatorum tetigisse: primo quidem impunitatem sibi promitten- tium; secundo contemnentium Dei bonita- tem; tertio vero ignorantium. Unde dicit Glossa: „Peccas o homo, dum tibi impu- „nitatem promittis; gravius peccas, quia „contemnis; & gravissime peccas, quia igno- „ras.“ Sed videtur hoc esse falsum: nam ignorantia alleviat peccatum magis quam aggravat. Est igitur secundum quosdam in- telligendum, Gravissime, id est periculosa- sime: quia qui ignorat peccatum, non qua- rit remedium, Vel gravissime propter igno- rantiam speciem, quæ ad infidelitatem per- tinet, quæ est gravissimum peccatum. Un- de dicitur I. Corinth. xiv. 38. „Si quis „ignorat, ignorabitur.“ Vel gravissime in genere ingratitude. (c) Augustinus: Ma- gis enim est ingratus qui beneficium non cognoscit, quam qui diminuit: quod est con- temnere.

Deinde cum dicit, *Secundum duritiam*, offendit periculum contemptus, dicens: *Secundum autem duritiam*: quia scilicet ob be- neficia divinæ bonitatis non emollitur: Eccli. i. 27. „Cor durum male habebit in „no-

(a) *Al.* ego cognovi quod erit bonum timentibus enim. (b) *Al.* Non tardat Dominus promissis; & *Al.* dicitur in aditu omnia. (c) *Al.* omittitur Augustinus.

novissimo: & cor impenitens, quod scilicet ad penitentiam non fluctat ex Dei patientia, & longanimitate: Hier. viii. 6. „Nullus est qui agat penitentiam super peccato suo:“ *thefaurizans tibi iram*; id est, multiplicas tibi reatunt pœnæ. Jac. v. 3. „Thesaurizastis vobis iram in novissimis diebus.“ Unde & hic sequitur: *In die ira*, id est in die iudicii, de qua dicitur Sophon. i. 15. „Dies illa, dies iræ:“ quia scilicet nunc Deus vindictam non infert, quam tunc inferet, secundum illud Psal. lxxiv. 3. „Cum accepero tempus, ego iustitias“ iudicabo: „& revelationis iustitiae iudicii Dei:“ quia tunc revelabitur iustitia divini iudicii, quod nunc non creditur esse, aut non videtur esse iustum. Eia. lvi. 1. „Iuxta est salus mea ut veniat, & iustitia mea ut re-
veletur.“

Et quia Glossa (Hier. sup. Mat. cap. xii.) hic dicit, quod per duritiam, & cor impenitens significatur peccatum in Spiritum sanctum, quod est irremissibile; ideo oportet videre quid est peccatum in Spiritum sanctum, & quomodo sit irremissibile. Est igitur sciendum, quod secundum antiquos Doctores Ecclesiæ, qui fuerunt ante Augustinum, scilicet Athanasium, Hilarium, Ambrosium, Hieronymum, & Chrysostomum, peccatum in Spiritum sanctum dicitur blasphemia, qua opera Spiritus sancti Spiritui immundo attribuantur, ut patet Matth. xii. quod quidem dicitur irremissibile & in hoc sæculo, & in futuro: quia pro hoc peccato puniti sunt Iudæi & in hoc sæculo per Romanos, & in futuro per dæmones: vel quia non habet aliquam rationem excusationis, sicut habebat blasphemia quam dicebant in Christum inquantum erat filius hominis, secundum illud Matth. xii. 19. „Ecce homo vorax, & potator vini:“ ad quod poterant induci per infirmitatem carnis: sicut & in veteri testamento, quia filii Israel murmuraverunt pro defectu panis, & aquæ, ut legitur Exod. xvi. quasi humanum fuit, & facile remissibile; sed quod postea dixerunt coram iudicio, ut Exod. xxxii. 4. „Illi sunt dii tui Israel, qui te eduxerunt de terra Aegypti:“ peccaverunt in Spiritum sanctum, scilicet opus Dei dæmonibus attribuentes: unde & eorum peccatum dicitur irremissibile, cum Dominus subdit ibid. xxxiv. „Ego autem in die ultionis visitabo peccatum eorum.“ Augustinus autem dicit (in expositione Epistolæ ad Rom. circa finem, & de Verb. Do-

mini ser. xi.) peccatum in Spiritum sanctum esse verbum, vel blasphemiam, quam quis dicit contra Spiritum sanctum, per quem sit remissio peccatorum, secundum illud Ioan. xx. 22. „Accipite Spiritum sanctum: quorum remiseritis peccata, remittuntur eis.“ Et hoc quidem corde, (a) ore, & opere, dum aliquis perseverat in peccato usque in finem ultimum. Et sic finalis impenitentia est peccatum in Spiritum (b) sanctum, de quo manifestum est esse irremissibile. Magistri vero sequentes dicunt peccatum in Spiritum sanctum, scilicet quod committitur ex certa malitia, quæ contrariatur appropriato Spiritui sancto, scilicet bonitati; sicut & peccatum in Filium Dei, quod est ex ignorantia, quæ opponitur sapientiæ, quæ appropriatur Filio. Et similiter peccatum in Patrem potest dici quod sit ex infirmitate, quæ contrariatur potentia, quæ est (c) appropriatum Patri. Sic ergo peccatum quod est in Patrem, vel in Filium, dicitur remissibile: quia ex hoc ipso peccatum videtur aliquam excusationem habere, quia ex ignorantia, vel ex infirmitate committitur. Quod autem ex certa malitia committitur, nullam in se habet excusationis causam; & ideo dicitur irremissibile, quia non habet in se unde remittatur; licet quandoque Deus illud ex sua bonitate remittat, sicut quandoque ex sua virtute curat morbum qui est de se incurabilis. Et secundum hoc assignantur sex species peccati in Spiritum sanctum, excludentes ea per quæ peccatum remittitur: quorum prima duo accipiuntur per respectum ad ea quæ se tenent ex parte Dei, scilicet spes divinæ misericordiæ, cui opponitur desperatio, & timor divinæ iustitiæ, cui opponitur præsumptio; alia vero duo accipiuntur ex parte hominis, scilicet contemptus boni commutabilis, cui opponitur obstinatio, quæ hic duritia dicitur, per quam scilicet aliquis firmat animum suum ad peccatum, (d) & destinatio aversionis a Deo, cui opponitur cor impenitens, quod scilicet nunquam proponit per penitentiam reverti ad Deum; alia vero accipiuntur ex parte donorum Dei: quorum unum est fides, secundum illud Prov. xv. 17. „Per fidem purgantur peccati:“ & huic opponitur impugnatio veritatis agnitæ: aliud autem est caritas, secundum illud Prov. x. 12. „Universa delicta operis caritas;“ & huic opponitur invidentia fraternæ gratiæ.

E 1

LE-

(a) *scilicet ore.* (b) *scilicet sanctum.* (c) *scilicet appropriata Patri.* (d) *Fides & desilio.*

LECTIO II.

Qui reddet unicuique secundum opera eius: iis quidem qui secundum patientiam boni operis, gloriam, & honorem, & incorruptionem querunt, vitam æternam; his autem qui sunt ex contentione, & qui non acquiescunt veritati, credunt autem iniquitati, ira, & indignatio. Tribulatio, & angustia in omnem animam hominis operantis malum, Iudei primum, & Greci; gloria autem, & honor, & pax omni operanti bonum, Iudeo primum, & Greco: non enim est acceptio personarum apud Deum. Quicumque enim sine lege peccaverunt, sine lege peribunt; & quicumque in lege peccaverunt, per legem iudicabuntur.

Postquam Apostolus proposuit veritatem divini iudicii, exclusa contraria opinione, hic manifestat divini iudicii veritatem: & primo proponit quod intendit; secundo manifestat propositum, ibi, *His quidem qui secundum patientiam*. Proponit autem primo veritatem divini iudicii quantum ad duo, scilicet quantum ad opera, & quantum ad personas. Quantum ad opera quidem, quia in præsentia non reddit secundum opera, sed quandoque male agentibus gratiam largitur; sicut ipse Paulo Apostolo, qui prius blasphemus, & persecutor misericordiam consecutus est: ut dicitur I. Tim. i. Sed hoc non erit in die iudicii, quando erit tempus secundum iustitiam iudicandi. Pl. xxiv. 3. "Cum accipero tempus, ego iustitias iudicabo." Et ideo alibi dicitur in Psal. xxvii. 4. "Secundum opera manuum eorum tribue illis." Quantum ad personas attenditur veritas divini iudicii, quia retributionis æqualitas servabitur quantum ad omnes. II. Cor. v. 10. "Omnes enim manifestari oportet."

Videtur autem quod non sit secundum opera retributio futura, quia peccato temporali poena æterna retribuetur. Sed dicendum est, quod, sicut Augustinus dicit XXII. de Civitate Dei (cap. xxi.) in retributione iustitiam non considerat æqualitas temporis inter culpam & poenam, quia etiam secundum humanum iudicium pro culpa adulterii, quæ brevi hora committitur, infligitur poena mortis; in qua non attendit legislator moram occisionis, sed potius quod per mortem perpetuo excluditur a societate viventium: & sic etiam suo modo, homo pro culpa temporali puniatur poena æterna. Et ideo non est mirum, si peccata commissa contra caritatem, per quam scilicet est societas inter Deum & homines, æternaliter divino iudicio puniuntur. Et hoc quidem esse iustum ex tribus appa-

ret. Ex infinita dignitate Dei, in quem peccatur: tanto enim quis gravior peccat, quanto maior est dignitas personæ in quam peccatur; sicut plus peccat qui percutit principem quam qui percutit privatam personam. Et sic cum culpa peccati mortalis sit quodammodo infinita, oportet quod ei infinita poena respondeat. Et sic cum non possit esse infinita secundum intentionem, relinquitur quod sit infinita secundum durationem. Secundo apparet ex voluntate per quam peccatur: quicumque enim mortaliter peccat, aversus ab incommutabili bono, finem constituit in bono commutabili; sicut fornicator in delectatione carnis, avarus in pecunia. Et quia finis per se appetitur, quicumque appetit finem, fertur in illud, volens illud semper obtinere, si aliquid aliud non obstat. Unde ille qui peccat mortaliter, voluntatem habet perpetuo in peccato manendi, nisi forte per accidens, sicut quando timet poenam, vel aliquid aliud impedimentum. Unde conveniens est ut ex quo homo secundum suam voluntatem peccatum perpetuo obtinendum appetit, quod æternaliter pro illo puniatur. Deus enim qui est inspector cordis, præcipue (a) voluntatem peccantis attendit. Tertio ex parte effectus peccati, qui est subtrahio gratiæ, ex qua sequitur quod homo, quantum est de se, perpetuo maneat in peccato, a quo exire non potest nisi per auxilium gratiæ. Non est autem conveniens ut durante culpa, cesset poena; & ideo in perpetuum durat poena. Quod autem dicitur reddere unicuique secundum opera sua, non est intelligendum secundum æqualitatem operum (quia præmium excedit meritum) sed secundum proportionem: quia bonis retribuet bona, & melioribus meliora. Et eadem ratio est de malis.

Deinde cum dicit, *His quidem qui secundum patientiam*, manifestat propositum: & pri-

(a) id. ad voluntatem.

Primo quantum ad opera; secundo quantum ad personas, ibi, *In omnem animam hominis operantis malum*. Quantum autem ad opera ostendit veritatem divini iudicii primo quidem in bonis; secundo in malis, ibi, *Hic autem qui ex contentione*. Circa primum duo considerata sunt, scilicet meritum, & præmium.

Ad meritum tria concurrunt. Primo quidem patientia: quod potest intelligi uno modo de patientia Dei, de qua supra dictum est: *An divitis bonitatis, & patientia, & longanimitatis contentis?* ut intelligantur illi esse secundum patientiam boni operis, scilicet dispositi, qui bene patientia Dei utuntur bene operando. Alio modo potest intelligi de patientia hominis: quod etiam intelligi potest dupliciter. Uno modo secundum quod patientia importat rolerantiam ad verlorum, cum æquanimittate cordis. Hoc autem necessarium est, quod aliquis a bono opere non desinat propter mala quæ patitur; & hoc est quod dicit, *Secundum patientiam boni operis*. Iac. 1. 4. Patientia opus perfectum habet. Luc. xxi. 19. In patientia vestra possidebitis animas vestras. "Secundo potest intelligi patientia pro longanimitate, sive pro perseverantia, ut scilicet aliquis a bono opere propter tedium non recedat. Iac. ult. 7. Patientes estote fratres usque ad adventum Domini. "Ad Heb. x. 36., Patientia vobis necessaria est. "Secundum est bonitas operis; quod quidem dicitur bonum secundum ordinem ad debitum finem, & secundum quod convenit regulæ debite, quæ est lex Dei, & ratio humana. Galat. ult. 9. Bonum facientes non deficiamus. " (a) Tercio tangitur relictio intentionis (b) quærentis vitam æternam, ut scilicet in malis quæ homo patitur, vel in bonis quæ agit, non querat aliquid temporale, sed æternum. Matth. vi. 33. "Primum quærite regnum Dei."

Ex parte etiam præmiis tangitur tria: quorum primum est gloria, quæ significat claritatem sanctorum, etiam intrinsecam, qua replebuntur in mente, secundum illud Esai. lvi. 11. Implebit splendoribus animam tuam; & exteriorem, qua splendebunt in corpore. Matth. xxi. 43. Fulgebunt iusti sicut sol in regno Patris eorum: "Psal. cxli. 5. Exultabunt sancti in gloria. "Secundo tangitur honor, per quem significatur sanctorum dignitas,

& reverentia quæ eis exhibetur ab omni creatura. Erunt enim reges, & sacerdotes. Apocalypsis v. 10. "Fecisti nos Deo nostro regnum, & sacerdotes. "Et ulterius computabuntur inter filios Dei, secundum illud Sapient. v. 5. "Ecce quomodo computati sunt inter filios Dei. "Psal. cxxxvi. 17. "Nimis honorati sunt amici tui Deus. "Tercio tangitur incorruptio: quia scilicet illa gloria, & honor non erunt transitoria, sicut ea quæ sunt in hoc mundo. I. Corinth. ix. 25. "Illi quidem ut corruptibilem coronam accipiunt, nos autem incorruptam."

Deinde cum dicit, *Hic autem*, ostendit veritatem divini iudicii in malis, in quibus etiam tangitur culpa, & poena. Et quantum ad culpam tanguntur tria, quorum primum est contentiosis pertinacia, quæ quidem primo potest intelligi hominis ad Deum, beneficiis ad se vocantem, contra quem homo contendere videtur divinis beneficiis resistendo. Deuter. xxxi. 27. "Adhuc vi-vente me, & ingrediente vobiscum, semper per contentiose egistis contra Dominum. "Secundo potest intelligi de contentione hominis contra fidem. II. Timoth. ii. 17. "Noli verbis contendere. "Tercio potest intelligi de contentione hominum ad invicem, quæ contrariatur caritati, quæ est mater virtutum. Iacob. iii. 6. "Ubi zelus, & contentio, ibi inconstancia, & omne opus prævum. "Secundo ponitur duritia eorum, scilicet qui non acquiescunt veritati: quod potest uno modo intelligi de veritate fidel. Ioan. viii. 45. "Si veritatem dico, quare non creditis mihi? "Alio modo de veritate divinæ iustitiæ, cui non acquiescunt, veritatem divini iudicii non credentes. Ezech. xvi. 25. "Dixisti: Non est æqua via Domini. "Tercio potest intelligi de veritate vitæ, cui non acquiescunt qui perverse vivunt. Ioan. xxi. 21. "Qui facit veritatem, venit ad lucem. "Tercio autem tangitur malitia in hoc quod dicit, *Crudelis autem iniquitati*: vel quia consensunt persuadentibus iniquitatem: Prover. xviii. 4. "Malus obedit linguæ iniquæ: "vel quia credunt impunitatem peccatorum, quæ in divinam iniquitatem redundaret. Eccli. v. 4. "Ne dixeris: Peccavi, & quid mihi accidet triste? "Vel credunt iniquitati, id est infidelitati, scilicet doctrinæ, quæ est contra fidem. II. Thess. ii. 13. "Iudicentur omnes

(a) Ad secundum. (b) Ad quærentibus.

„ omnes qui non crediderunt veritati, sed „ consenserunt iniquitati. “

Ex parte autem pœnæ quatuor ponuntur, quæ quidem dupliciter distingui possunt. Uno modo ut ira, idest pœna, & vindicta corporalis, intelligatur esse post iudicium. Sophon. 1. 15. „ Dies illa, dies „ iræ. “ Indignatio autem in iudicio, quando impij sibi ipsis indignantur, fit ex peccatis quæ commiserunt: Sapient. v. 6. „ Erravimus a via veritatis. “ Tribulatio autem, & angustia pertinent ad animam separatam a corpore (a) ante resurrectionem. Proverb. 1. 27. „ Quando venerit super vos tribulatio, & angustia. “ Vel alio modo possunt distingui, ut prima duo accipiantur ex parte Dei, cuius ira dicitur dispositio ad puniendum, quæ est malis horribilis. Apocal. vi. 16. „ Dicent montibus, „ & petris, Cadite super nos, & abscondite nos a facie sedentis super thronum, „ & ab ira Agni. “ Indignatio eius refertur ad hoc quod peccatores indignos reputabit vita æterna. Psal. xciv. 11. „ Quibus iuravi in ira mea, si introibunt in requiem meam. “ Alia vero accipiuntur ex parte hominis. Et tribulatio quidem dicitur a tribulo, qui pungit: unde ad tribulationem potest pertinere omne quod dolorem infert. Sophon. 1. 14. „ Vox diei „ Domini amara: tribulabitur ibi fortis. “ Angustia autem dicitur ex hoc quod animus hominis angustietur, non valens invenire remedium contra mala quæ timeat, vel iam patitur. Dan. x. 11. 22. „ Angustia mihi „ sunt undique: “ & Philip. 1. 22. „ quid „ eligam ignoro. “ Job xxvii. 9. „ Num, „ quid clamorem illius audiet Deus, cum „ venerit super illum angustia? “

Deinde cum dicit, *In omnem animam*, ostendit veritatem divini iudicii quantum ad personas: & primo proponit huius æquitatem; secundo rationem assignat, ibi, *Non est enim acceptio personarum*; tertio rationem manifestat, ibi, *Quicumque enim*. Veritatem quidem divini iudicii quantum ad personas ostendit primo in malis, cum dicit: *In omnem animam hominis operantis malum*, idest contra omnem animam: quia sicut gloria sanctorum ab anima ad corpus devenit, ita reproborum pœna primo & principaliter est in anima, & secundo in corpore, quod propter defectum, vel culpam animæ relinquet passibile. Ezech. xvi. 11. 30. „ Anima „ quæ peccaverit ipsa morietur. “ Dicit au-

tem: *Judai primum*, & *Græci*: quia Iudæi maior pœna debebatur, tamquam cognoscentibus Dei voluntatem per legem. Luc. xii. 47. „ Servus qui sciens voluntatem domini sui, non fecit secundum voluntatem eius, digne plagis vapulabit multis. “ Et similiter Christiani, quantum ad idem peccatum, puta adulterium, vel furtum, graviori pœna puniuntur quam infideles. Heb. x. 29. „ Quanto magis putatis maiora mereri supplicia qui Filium Dei contulcaverit, & sanguinem testamenti pollutum duxerit, in quo sanctificatus est, „ & spiritui gratia contumeliam fecerit? “ Sed quantum ad totam pœnam, gravior est pœna infidelium propter peccatum infidelitatis, quod est gravissimum. Unde, dicitur I. Pet. 1. 11. quod super incredulos ira Dei manet. Secundo manifestat in bonis: & ponit primo duo, quæ supra dixit gloriam & honorem; tertium vero, scilicet pacem, ponit loco incorruptionis, quam includit pax, & multa alia comprehendit. Non enim potest esse pax hominis perfecta quamdiu aliquis timeat se amissurum bona quæ habet; sed tunc aliquis habet veram pacem cordis quando habet omnia quæ concupiscit, & ea perdere non timeat. Esai. xxxi. 17. „ Sedebit populus meus in pulchritudine pacis. “ Et in his etiam primatum Iudæis attribuit: quia eis sunt primo promissa, & in eorum promissiones Gentes introierunt. Ioan. iv. 38. „ Alii laboraverunt, „ & vos in labores eorum introiistis. “

Deinde cum dicit, *Non enim est*, assignat rationem dictorum: quia scilicet non est personarum acceptio apud Deum. Act. x. 34. „ Non est personarum acceptor Deus. “ Opponitur autem personarum acceptio iustitiz distributivæ, per quam aliquis distribuit unicuique secundum dignitatem personarum. Ergo acceptio est quando præter dignitatem datur alicui plus vel minus. Tunc autem hoc fit præter dignitatem quando hoc fit (b) non propter conditionem personæ, quæ facit ad causam (hoc est enim causam accipere, scilicet quasi regulam operandi) sed præter personam, quasi ipsa persona accipiat ut causa aliquid faciendi: puta, si aliquis det alicui propter consanguinitatem plus de bonis patrimonialibus, non est acceptio personarum, quia consanguinitas est conveniens causa, propter quam (c) de talibus bonis debeat habere. Si autem propter consanguinitatem

ali-

(a) scilicet ad resurrectionem. (b) scilicet non propter conditionem, sed propter personam quæ facit ad causam. (c) scilicet in talibus.

aliquis praelatus det alicui plus de bonis ecclesiasticis, potest hoc ad acceptionem personarum pertinere, si alia idoneitas non concurrat: non enim con sanguinitas est ratio conveniens distributionis bonorum spiritualium. Quia igitur Deus omnia convenientissima ratione facit, non cadit in ipsum personarum acceptio: dicitur enim Sap. viii. quod disponit omnia suaviter.

Sed videtur (A); acceptor personarum: quia peccatorum quoddam in suis peccatis relinquit, quoddam ad se vocat. Sed dicendum, quod personarum acceptio opponitur iustitiæ, unde locum habet in his quæ dantur ex debito, quod attendit iustitiæ; Deus autem non ex debito, sed gratis peccatores ad poenitentiam vocat: si enim ex operibus, iam non ex gratia, ut dicitur intra xi. & Tit. iii. 5. „Non ex operibus iustitiæ, quæ fecimus nos, sed secundum suam misericordiam salvos nos fecit.“ In talibus autem beneficiis gratis datis, non solum Deo, sed etiam homini liberum est dare cui voluerit. Matth. xx. 15. „An non licet mihi quod volo facere?“

Deinde cum dicit, *Quicumque enim, exponit prædictam rationem: quod enim non sit personarum acceptio apud Deum, patet per hoc quod omnes qui peccant puniuntur. Unde primo loquitur quantum ad illos qui legem non susceperunt, dicens, quod quicumque peccaverit sine lege, scilicet Moysi accepta a Deo, sine lege peribit, id est condemnabitur, non propter legis transgressionem. Iob iv. 20. „Quia nullus intelligit, in æternum peribit.“ Secundo loquitur quantum ad illos qui legem scriptam acceperunt, & dicit, quod qui-*

cumque peccaverunt in lege, id est post legem scriptam, iudicabuntur per legem, id est propter hoc quod transgressi sunt præceptum legis. Iob. xii. 48. „Sermo quem locutus sum vobis, ille iudicabit eum in novissimo die.“

Quidam autem ex hoc modo loquendi occasionem erroris sumplerunt. Quia enim Apostolus non dicit, Quicumque in lege peccaverit, per legem peribit, sicut dixerat de his qui sunt sine lege, quod *sine lege peribit*; crediderunt, quod illi qui post legem susceptam peccant, iudicentur aequaliter, scilicet in præsentia, non tamen pereunt. Sed, sicut dicit Glossa, quis Christianus dicat non perire Iudæum, si non credat in Christum, cum Dominus dicat, quod tolerabilior erit Sodomæ in die iudicii, quam eis: ut habetur Matth. x. Unde Ezech. xvi. 32. „Nolo mortem peccatoris.“ Utitur autem tali diversitate in loquendo, quia, ut Gregorius dicit in Moralibus (Lib. XXVI. cap. xxiv.) super illud Iob xxxvi. 6. „Iudicium panperibus tribuit,“ quidam in futuro iudicio peribunt, sed non iudicabuntur, id est impii, qui sunt sine fide, & lege Dei. Psal. i. 6. „Non resurgent impii in iudicio:“ quia scilicet non est locus disceptandi contra eum qui totaliter alienus est a Deo. Iob. xii. 18. „Qui non credit, iam iudicatus est.“ Alii vero qui lege Dei, & fide suscepta peccant, ita peribunt quod etiam iudicabuntur, quasi quadam disceptatione cum eis facta: unde Ezech. xxxiv. 17. dicitur, „Ecce ego iudico inter pecus & pecus, arietum, & hyrcorum.“ Sicut & Rex (ut Gregorius dicit) hostes condemnat absque audientia, cives autem cum diligenti audientia.

LECTIO III.

Non enim auditores legis iusti sunt apud Deum, sed factores legis iustificabuntur. Cum enim Gentes, quæ legem non habent, naturaliter ea quæ legis sunt faciunt, eiusmodi legem non habentes, ipsi sibi sunt lex, qui ostendunt opus legis scriptum in cordibus suis, testimonium reddente illis conscientia ipsorum, & inter se invicem cogitationum acculantium, aut etiam descendendum in die cum iudicabit Deus occulta hominum, secundum Evangelium meum, per Iesum Christum.

Postquam Apostolus confutavit humanum iudicium, quo se Geotiles, & Iudæi mutuo iudicabant, & divinum iudicium commendavit; hic procedit ad ostendendum, ea quibus Iudæi gloriabantur, eis

non sufficere ad salutem: & primo ostendit propositum; secundo solvit ea quæ in contrarium dici possent, xii. cap. ibi, *Quid ergo amplius Iudæo est? De duobus Iudæi gloriabantur; scilicet de lege, & circumcissione,*

(A) A. acceptio.

ne, quæ non erat ex lege Moysi, sed ex partibus, ut dicitur Ioan. vii. Primo ergo ostendit quod lex audita, sive recepta non iustificabat ad salutem; secundo ostendit idem de circumcissione, ibi, *Circumcisio quidem prod est, si legem observes*. Circa primum duo facit. Primo proponit quod intendit; secundo manifestat propositum, ibi, *Cum enim Gentes*. Circa primum proponit duo: unum excludendo, alterum asserendo. Excludit enim quod Iudæi opinabantur, (a) scilicet se per solum legis auditum iustificari: unde dicit: Ita didum est. Peccantes in lege, iudicentur per legem: non enim auditores legis, ex hoc ipso quod legem audiunt, iusti sunt apud Deum, & si apud homines iusti reputantur. Matth. vii. 29. „Qui audit verba mea, & non facit ea, similis est viro stulto.“ Iac. i. 23. „Si quis auditor est verbi, & non factor, hic comparabitur viro consideranti vultum nati- vitatis suæ in speculo.“ Secundo allruit quod factores legis sunt iusti, cum dicit: *Sed factores legis iustificabuntur*. Matth. vii. 24. „Omnis qui audit verba mea, & facit ea, assimilabitur viro sapienti.“ Iac. i. 22. „Estote factores verbi, & non auditores tantum.“ & Psalm. cx. 10. „Intellectus bonus omnibus facientibus eum.“ Sed (b) circa secundum videtur esse quod infra i. 20. dicitur: *Ex operibus legis non iustificabitur omnis caro coram eo*. Non ergo aliqui ex hoc quod opera legis faciunt, iustificantur.

Sed dicendum est, quod iustificari tripliciter accipi potest. Uno modo potest accipi quantum ad reputationem, ut tunc aliquis iustificari dicatur quando iustus reputatur. Ezech. xvi. 36. „Iustificasti sorores tuas,“ scilicet per reputationem: & secundum hoc potest intelligi, *Factores legis iustificabuntur*; id est, iusti apud Deum, & homines reputabuntur. Secundo per executionem iustitiæ, in quantum scilicet opera iustitiæ exequuntur. Luc. xviii. 14. „De- scendit hic iustificatus in domum suam:“ quia scilicet publicanus opus iustitiæ fecerat consistendo peccatum. Et hoc modo verificatur quod hic dicitur, *Factores legis iustificabuntur*, scilicet legis iustitiam exequendo. Tertio modo potest accipi iustificatio quantum ad causam iustitiæ, ut scilicet ille dicatur iustificari qui iustitiam de novo accipit, sicut infra v. *Iustificati pacem habemus ad Deum per Dominum nostrum Iesum*

Christum. Sic autem non intelligitur hic quod factores legis iustificentur, quasi per opera legis iustitiam acquirant. Hoc quidem esse non potest neque quantum ad opera cæremonialia, quæ gratiam iustifican- tem non conferebant, neque etiam quantum ad moralia, ex quibus habitus iustitiæ non acquiritur; sed potius per habitum iustitiæ in se ipsum huiusmodi opera facimus.

Deinde cum dicit, *Cum enim Gentes*, manifestat propositum: & primo ostendit quod factores legis, etiam si non sint auditores, iustificantur; secundo quod auditores legis sine legis obervantia non iustificantur, ibi, *Si autem Iudæi*. Circa primum tria facit. Primo proponit dignitatem eorum qui legem absque auditu obervant; secundo manifestat quod dixerat, ibi, *Qui ostendunt opus legis illis*. Circa primum tria tangit quantum ad Gentes. Primo carentiam legis, dicens: *Cum enim Gentes, quæ legem non habent*, scilicet divinam, quam non acceperunt: non enim Gentibus data est lex, sed Iudæis, secundum illud Eccli. xxiv. 33. (c) „Legem mandavit Moyses in præceptis iu- stitiarum, & hereditatem domui Iacob, & Israel promissiones:“ & in Plal. cxlv. 20. „Non fecit taliter omni nationi.“ Deu. xxxii. 4. „Legem præcepit nobis Moyses hereditatem multitudinis Iacob.“ Ex quo patet quod Gentes non peccabant non observando cæremonialia legis. Secundo commendat in eis legis obervantiam, cum dicit: *Naturaliter faciunt quæ sunt legis*, id est quæ lex mandat, scilicet quantum ad præcepta moralia, quæ sunt de dictamine rationis naturalis: sicut & de Iob dicitur (Iob i.) quod erat iustus, & rectus ac timens Deum, & recedens a malo. Unde ipse dicit cap. xxxii. 21. „Vestigia eius secutus est pes meus, vias eius cu- stodiavi.“

Sed quod dicit *naturaliter*, dubitationem habet: videtur enim patrociniari Pelagianis, qui dicebant, quod homo per suam naturalia poterat omnia præcepta legis servare. Unde exponendum est. *Naturaliter*, id est per naturam gratia reformatam: loquitur enim de Gentibus ad fidem conversis, qui auxilio gratiæ Christi ceperant moralia legis servare. Vel potest dici *naturaliter*, id est per legem naturalem ostendentem eis quid sit agendum, secundum illud Plal. iv. 6. „Multi dicunt: Quis ostendit nobis bona?

Si-

(a) *Al. emittitur* scilicet. (b) *Fortè* Sed contra secundum, (c) *Al. emittitur* hæc sententia Ecclesiæ facit.

„ Signatum est super nos lumen vultus tui, Domine : “ quod est lumen rationis naturalis, in qua est imago Dei; & tamen non excluditur quin necessaria sit gratia ad movendum affectum: sicut etiam per legem est cognitio peccati, ut dicitur infra 111. & tamen ulterius requiritur gratia ad movendum affectum.

Tertio ostendit eorum dignitatem, in hoc scilicet quod *huiusmodi legem non habentes, ipsi sibi sunt lex*, inquantum scilicet funguntur officio legis ad seipsos, instruendo se, & inducendo ad bonum; quia, ut Philosophus dicit X. Ethicor. (cap. xv.) lex est sermo coactionem habens, ab aliqua prudentia, & intellectu procedens. Et ideo dicitur I. Timoth. 1. quod iusto lex non est posita, id est exteriori legem non cogitur, sed posita est iniustus, qui indigent exterioris cogi. Et ille est supremus gradus dignitatis in hominibus, ut scilicet non ab aliis, sed a seipsis inducantur ad bonum; secundus vero gradus est eorum qui inducuntur ab alio, sed sine coactione; tertius autem est eorum qui coactione indigent ad hoc quod fiant boni; quartus est eorum qui nec coactione ad bonum dirigi possunt. Hierem. 11. 30. „ Frustra percussisti filios „ vestros; disciplinam non receperunt. “ Deinde cum dicit, *Qui ostendunt*, ostendit quomodo ipsi sunt sibi lex: quod quidem accipere possumus ad similitudinem legis, quæ ab exteriori homine proponitur, quæ scilicet consuevit, (a) ad firmitatem, & memoriam, scripto tradi; & similiter illi qui legem observant, absque exteriori auditu legis, ostendunt opus legis scriptum, non quidem a tramento; sed primo quidem & principaliter spiritu Dei vivi, ut dicitur I. Corinth. 111. secundo etiam humano studio. Proverb. 111. 3. „ Describe ea in tabulis cordis tui, “ scilicet præcepta sapientiæ. Unde & hic sequitur, *In cordibus suis*: non pergameno, aut tabulis lapideis, sive æreis. Hierem. xxxi. 33. „ Dabo legem meam in visceribus eorum, & in corde eorum superferibam eam. “

Deinde cum dicit, *Testimonium reddente*, probat quod dixerat, scilicet quod opus legis sit in cordibus eorum inscriptum per quædam opera, quæ huiusmodi scriptum annuntiant: & primo ponit illa opera; quorum unum est testimonium conscientiæ, quod tangit dicens: *Testimonium reddente illis conscientia*; quæ quidem nihil aliud est quam applicatio cognitionis habitiæ ad ius.

S. Th. Oper. Tom. VI.

dicandum de aliquo (b) opere utrum sit bene, vel male factum. Unde huiusmodi conscientia quandoque testimonium perhibet de bono, secundum illud II. Corinth. 1. 12. „ Gloria nostra hæc est, testimonium „ conscientiæ nostræ: “ quandoque autem de malo: Eccle. vii. 23. „ Scit conscientia „ tua quia & tu crebro male dixisti „ aliis. “ Non autem potest aliquis perhibere testimonium de aliquo opere quod sit bonum, vel malum, nisi per hoc quod habet legis notitiam: unde hoc ipsum quod conscientia testimonium reddit de bono, vel malo, est evidens signum quod in corde hominis sit opus legis descriptum. Aliud autem opus est accusatio, & defensio, quæ sine notitia legis esse non possunt; & quantum ad hoc dicit, *Et cogitationum*, id est cogitationibus, *accusantium, aut etiam defendentium*, id est accusantibus, vel defendentibus, more Græcorum, qui genitivis loco ablativorum utuntur; & hoc *inter se invicem*. Insurgit enim homini circa aliquod factum aliqua cogitatio accusans, dum propter rationem aliquam cogitat se male fecisse. Psal. xlii. 21. „ Arguam te, & statui tuam contra faciem tuam. “ Eia. 111. 9. „ Agnitio vultus eorum respondet „ eis. “ Quandoque etiam insurgit aliqua cogitatio defensens, dum per aliquam rationem cogitat se fecisse bene, secundum illud Iob xxvii. 6. „ Non reprehendit me „ cor in omni vita mea. “ Et inter hæc accusationem & defensionem locum habet testimonium conscientiæ, cui statim. Potest & aliter legi, ut dicatur: *Testimonium reddente illis conscientia ipserum*: quæ scilicet conscientia, non solum est operum, sed etiam cogitationum, de quibus scilicet homo conscientiam habet. Sed primum melius est. Sed quia testimonium, accusatio, & defensio in iudicio locum habent, agit secundo de huiusmodi iudicio, ostendens tempus, cum dicit, *In die*; quod dicit non ad designandum temporis qualitatem, sed absconditorum manifestationem. I. Corinth. iv. 5. „ Illuminabit abscondita tenebrarum. “ Quandoque tamen dicitur nox propter incertitudinem horæ illius. Matth. xxv. 6. „ Media nocte clamor factus est. “ Dicuntur autem cogitationes accusantes, vel defendentes in die iudicii, non illæ quæ tunc erunt (quia tunc unicuique manifesta erit salus, vel damnatio) sed defensio, vel accusatio cogitationum, quæ nunc sunt, & testimonium conscientiæ, quod nunc

F est,

(a) *Al.* ad infirmitatem. (b) *Al.* de opere.

est, repræsentabitur homini in illa die, virtute divina faciente, ut dicit Augustinus de Civitate Dei. Notitia autem illarum cogitationum, quæ remanent in anima, nihil esse aliud videtur, ut dicit Glossa, quam reatus pœnæ, vel meritum ex eis consequens. Ostendit etiam auctorem iudicii, dicens, *Cum iudicabit Deus*. Psalm. xc. 13. „Iudicabit orbem terrarum in æquitate.“ Determinat etiam de quibus erit iudicium, cum dicit, *Oculis hominum*, de quibus nunc homines ludicare non possunt. I. Cor. iv. 5. „Illuminabit abscondita tenebrarum.“ Ostendit etiam doctrinam, ex qua habetur fides de hoc iudicio, cum dicit, *Secundum Evangelium meum*, id est a me prædicatum. Matth. xii. 36. „Omne verbum otiosum, quod locuti fuerint homines, reddent rationem de eo in die iudicii.“

Dicit autem, *Evangelium meum*, quamvis non possit dicere baptismum suum, & sit utriusque minister: quia in baptismo nihil operatur industria hominis, sed in Evangelio prædicando (a) multum industria prædicatoris operatur. Ephes. i. 11. 4. „Prout potestis le-„ gentes intelligere prudentiam meam in „ ministerio.“ Postea ponit cui datum est iudicium, cum subdit, *Pater Jesum Christum*, qui scilicet est constitutus a Deo iudex vivorum, & mortuorum, ut dicitur Act. x. & Ioan. v. 22. „Pater omne iudicium de-„ dit Filio, „ qui scilicet in iudicio appa-„ rebit bonis, & malis; sed bonis secundum gloriam divinitatis: Esa. xxxiii. 17. „Re-„ gem in decore suo videbunt: „ malis au-„ tem secundum naturam humanitatis: Apoc. 1. 7. „ Videbit eum omnis caro, „

L E C T I O I V.

Si autem tu Iudæus cognominaris, & requiescis in lege, & gloriaris in Deo, & nosti voluntatem eius, & probas utiliora, instructus per legem, confidis te ipsum esse ducem cæcorum, lumen eorum qui in tenebris sunt, eruditorem insipientium, magistrum infantium, habentem formam scientiæ, & veritatis in lege. Qui ergo alium doces, te ipsum non doces? Qui prædicas non furandum, furaris? Qui dicis non mœchandum, mœcharis? Qui abominaris idola, sacrilegium facis? Qui in lege gloriaris, per prævaricationem legis Deum inhonoras? Nomen enim Dei per vos blasphematur inter Gentes, sicut scriptum est. Circumcisio quidem prodest, si legem observes; si autem prævaricator legis sis, circumcisio tua præputium facta est. Si igitur præputium iustitias legis custodiat, nonne præputium illius in circumcissionem reputabitur; & iudicabit id quod ex natura est præputium, legem consummans, te qui per litteram, & circumcissionem prævaricator legis es? Non enim qui in manifesto, Iudæus est, neque quæ in manifesto in carne, est circumcisio; sed qui in abscondito, Iudæus est, & circumcisio cordis in spiritu, non in littera; cuius laus non ex hominibus, sed ex Deo est.

Ostenso quod factores legis iustificantur etiam sine hoc quod sint auditores, quod pertinebat ad Gentiles; hic ostendit quod auditores non iustificantur nisi sint factores, quod pertinet ad Iudæos. Primo ergo ostendit prærogativam Iudæorum, quantum ad legis susceptionem; secundo ponit eorum defectum, quantum ad legis transgressionem, ibi, *Qui ergo alium doces*. Ponit autem eorum prærogativam tripliciter. Primo quantum ad gentem cui data est lex; secundo quantum ad legem, ibi, *Et requiescis in lege*; tertio quantum ad legis effectum, sive factum, ibi, *Et nosti voluntatem eius*. Quantum autem ad gentem dicit: *Si autem tu Iudæus cognominaris*, quod est no-

men honorabile, secundum illud Psalm. cxlii. 2. „Facta est Iudæa sanctificatio eius.“ Ioan. iv. 22. „Salus ex Iudæis est.“ Dicuntur autem Iudæi, non a Iuda Machabæo, ut quidam dicunt, forte propter hoc quod Iudas Machabæus gentem illam in dispersione existentem congregavit, & protexit, secundum illud I. Mach. ii. 2. „Præparabatur prælia Israel cum Iudæis, & dilatavit gloriam populo suo.“ Iovenitur enim nomen Iudæorum ante Iudam Machabæum, secundum illud Esther vi. 16. „Iudæis nova lux oriri visa est.“ Et ideo dicendum est, quod Iudæi denominantur a Iuda Patriarcha. Gen. xlii. 8. „Iuda, te laudabunt fratres tui.“ Cum enim tempo-

(a) id est multum.

re Roboam, decem tribus, ab eius regno se legregantes, vitulum aureum adorarent, in transmigrationem sunt ductæ ab Assiriis, ut habetur IV. Reg. xvii. Nec de eorum reversione facit mentionem Scriptura; sed potius terra remansit occupata ab alienigenis, qui postmodum Samaritani sunt dicti. Duæ autem tribus, scilicet Iudæ, & Benjamin, adhærentes regno Roboam, perseveraverunt in cultu Dei. Et quamvis in captivitate Babyloniis fuerint ductæ, postmodum tamen per Cyrum Regem Persarum sunt reducti in terram suam, ut dicitur I. Esd. i. Et quia tribus Iudæ maior erat, ab ea gens tota illa denominabatur; & non solum illi qui erant ex tribu Benjamin, sed etiam de aliis tribubus revertentibus, qui se illis adiunxerunt. Consequenter cum dicit, *Et requiescis in lege*, ponit eorum prærogativam quantum ad legem. Et primo quidem quantum ad ipsam legem, cum dicit, *Et requiescis in lege*, quasi per eam certificatus in credendis, & in agendis. Dubitans enim intellectu non quiescit, sed utrinque sollicitatur; qui autem sapientiæ certitudinem accipit, mente quiescit. Sap. viii. 16. „ Intrans in domum meam „, consequam cum illa. „ Secundo quantum ad legislatorem, cum subdit: *Et gloriaris in Deo*, idest in cultu, & notitia unius Dei. Hier. ix. 24. „ In hoc gloriatur „ qui gloriatur, scire, & nosse me. „ I. Cor. i. & II. Cor. x. 17. „ Qui gloriatur „ in Domino gloriatur. „ Deinde cum subdit, *Dei nos voluntatem eius*, ponit prærogativam eorum quantum ab fructum legis: & primo quantum ad hominem respectu sui ipsius; secundo respectu aliorum, ibi, *Confidit*. Ponit autem duplicem fructum. Primum quidem respondentem gloriæ quam de Deo habebant, cum dicit: *Nos voluntatem eius*, quid scilicet Deus velit nos facere. Infra xii. 3. *Ut probetis quæ sit voluntas Dei*. Secundum fructum ponit, qui respondet quiescenti in lege Dei, cum dicit, *Et probas utiliora*; idest, scis approbare eligendo non solum mala a bonis, sed etiam meliora a minus bonis: unde quærebat quidam Matth. xxiii. 36. „ Quod est mandatum magnum? „ & hoc instruitur per legem. Plal. xciii. 12. „ Beatus homo quem „, tu erudieris Domine, & de lege tua doceris cum. „ Consequenter ponit fructus per respectum ad alios; qui quidem tripliciter se habent ad notitiam legis. Quidam enim sunt omnino in legis ignorantia constituti. Uno quidem modo per defectum naturalis ingenii, sicut & homo

corporaliter dicitur cæcus per defectum interioris potentie visivæ. Esa. lix. „ Palpavi „, mus ut cæci parietem. „ Huiusmodi autem hominibus non potest homo lumen scientiæ præbere, ut ipsi per se videre possint quid sit agendum; sed præbet eis homoducatum ut cæcis, mandando eis quid facere debeant, quamvis mandatorum rationem non cognoscant: Iob xxxix. 15. „ Oculi sui „, cæco: „ de quibus tamen dicitur Matth. xv. 14. „ Cæci sunt, & duces cæcorum. „ Alio modo sunt in ignorantia per defectum disciplinæ, qui sunt quasi in tenebris exterioribus non illuminati per doctrinam, quibus sapientiæ præbere potest lumen disciplinæ, ut intelligant quæ mandantur; & hoc est quod dicit: *Lumen eorum qui in tenebris sunt*. Luc. i. 79. „ Illuminare his qui in „, tenebris, & in umbra mortis sedent. „ Secundo autem tangit illos qui sunt in via perveniendi ad scientiam, quam nondum attigerunt: & hoc uno modo per defectum plenæ instructionis; & hoc est quod dicit, *Eruditerem insipientium*, idest eorum qui nondum sapientiam acceperunt, qui dicuntur erudiri, quasi erui a ruditate, quæ a principio inest omnibus cum primo instruuntur. Eccli. vii. 25. „ Filii tibi sunt? Erudi „ eos. „ Alio modo per defectum ætatis, sicut sunt pueri; & quantum ad hoc dicit, *Magistrum infantium*. Esa. xxxiii. 18. „ Ubi „, est doctor parvulorum? „ Tertii vero sunt qui iam sunt in scientia provesti; & isti indigent a sapientibus informari, ut habeant sapientum dicta in auctoritate, quæ quamdam regulam seu formam: & quantum ad hoc dicit: *Habentem formam scientiæ*. II. Tim. i. 13. „ Formam habe bonorum verborum, „ quæ a me audisti: „ & Phil. iii. 17. „ Observe eos qui ita ambulant sicut habetis formam nostram. „ Oportet autem eos qui sic informantur, auctoritate maiorum instrui, ut scient quid sit in lege traditum; & ideo dicit, *Scientia*: Sap. x. 10. „ Dedit illi scientiam sanctorum: „ & etiam ut scient qui sit verus intellectus eorum quæ traduntur in lege; & quantum ad hoc dicit, *Veritatis*. Plal. xlii. 3. „ Emittelucem tuam, & veritatem tuam. „ Deinde cum dicit, *Qui ergo alium docet*, ostendit defectum eorum secundum transgressionem legis; & primo hominis ad se ipsum, cum dicit, *Qui ergo alium docet*, dirigendo ipsum ad bonum, *tu ipsum non doces dirigendo*? Et potest legi vel interrogative, quasi cum quadam indignatione; vel remisse, quasi asserendo eorum malitiam: & simile est in sequentibus, Iob xv.

3. „Ecce docuisti plurimos: & infra 5. „Nunc tetigit te plaga, & defecisti. „Secundo tangit defectum quantum ad proximum: primo quidem quantum ad res quæ furto subtrahuntur, cum dicit: *Qui pradicat non furandum, furarius?* Esa. 1. 23. „Principes tui infideles, socii furum: secundum quantum ad personam coniunctam, quæ per adulterium polluitur; & quantum ad hoc dicit: *Qui docet non machinandum, macharius?* Osee vii. 4. „Omnes adulterantes, quasi cibantur. „Hier. v. 8. „Unusquisque ad uxorem proximi sui (a). „Tertio autem ostendit eorum defectum per comparationem eorum ad Deum: & primo quidem quantum ad hoc quod peccabant contra ipsius cultum; & quantum ad hoc dicit: *Qui dominariis idola, cognoscens scilicet ex præcepto legis ea non esse colenda, sacrilegium facit?* abutendo, scilicet his quæ pertinent ad divinum cultum. Quod quidem primo fecerunt in statu legis: Malach. x. 12. „Dicitis: Mensa Domini contaminata est: & postmodum blasphemando: Luc. 11. 15. „In Beelzebub principes dæmoniorum eicit dæmonia. „Secundo quantum ad ipsam gloriam, cum dicit: *Qui in lege gloriatur, per pravariationem legis Deum inhonorat?* Sicut enim legis observantia in bonis operibus est occasio videntibus ut honorent Deum, ita etiam transgressio legis per mala opera occasio est videntibus blasphemandi. I. Petri 11. 12. „Ex bonis operibus vos considerantes glorificet Deum. „E contra autem dicitur I. Tim. vi. 1. „Quicumque sunt sub iugo servitutis, dominos suos omni honore dignos arbitrentur, ne nomen Domini, & doctrina fidei blasphemetur. „Et ideo in Psal. cxviii. 158. dicitur: „Vidi pravaricantes, & tabescebam. „Et ad hoc inducit auctoritatem, subdens: *Nomen enim Dei per vos blasphematur inter Gentes:* quia scilicet Gentes videntes Iudeorum malam conversationem, reputabant hoc provenire ex mala instructione legis a Deo tradite. Dicit autem, *sicut scriptum est*, scilicet Esa. 11. 5. „Dominatores eius inique agunt, & ingerit tota die nomen meum blasphematur: „& Eszech. xxxvi. 22. secundum aliam litteram, ubi nostra sic habet: „Non propter vos faciam, domus Israel, sed propter nomen sanctum meum, quod pollicitus in Gentibus. „Deinde cum dicit, *Circumcisio quidem prodest &c.* ostendit quod nec circumcisio sufficit ad salutem ea-

dem ratione qua nec lex, quia scilicet observantia legis sine circumcissione valet, sine qua tamen circumcisio non prodest, sicut superius dictum est. Et circa hoc tria facit. Primo comparat circumcissionem ad iudeos circumcisos; secundo ad Gentes incircumcisas, ibi, *Si igitur præputium;* tertio manifestat quod dixerat, ibi, *Non enim quæ in manifesto.* Circa primum duo facit. Primo ostendit qualiter circumcisio prodest; secundo qualiter non prodest, ibi, *Si autem pravariator legis sis &c.* Dicit ergo primo: Circumcisio quidem prodest quantum ad remissionem peccati originalis: unde dicitur Genes. xxi. 14. „Masculus cuius præputium tui caro circumcisit non fuerit, delebitur anima illa de populo suo. „Sed tibi ad ulto tunc finaliter prodest, si legem observes; sicut religiosus prodest professio, si regulam observetur. Circumcisio enim erat quasi quedam professio, obligans homines ad observantiam legis. Gal. v. 3. „Testificor omni circumcidenti se, quoniam debitor est universæ legis faciendæ. „Quod autem Apostolus dixit Gal. v. 2. „Si circumcidamini, Christus nihil vobis proderit, loquitur quantum ad tempus post gratiam Evangelii divulgatam; hic autem loquitur quantum ad tempus ante passionem Christi, in quo circumcisio statum habebat. Secundo ibi, *Si autem pravariator legis sis,* ostendit quomodo circumcisio non prodest, dicens: Si tu, Iudæe adulte, pravariator es legis, circumcisio tua præputium facta est; idest, non plus valet tibi quam præputium, quia non servas quod per circumcissionem promitteris. Hierem. 10. 26. „Omnes Gentes præputium habent, domus autem Israel incircumcisi sunt corde. „Quinimmo ex hoc sunt magis rei, quia non servant quod promiserunt: „dupliciter enim stulta, & infidelis promissio, „ut dicitur Eccle. v. 3. Deinde cum dicit, „*Si ergo præputium,* comparat circumcissionem ad Gentiles, & hoc dupliciter. Primo quidem quantum ad hoc quod eius fructum habent Gentiles observando legem: unde dicit: Si circumcisio prodest cum observatione legis, non autem sine ea; igitur si præputium, idest Gentilis incircumcissus, custodias iustitias legis, idest iusta præcepta legis: Psal. cxviii. 86. „Omnia mandata tua veritas: nonne præputium illius in circumcissione reputabitur? quasi dicat: Fructum veræ circumcissionis habebit. Ad hoc enim homo exterior circumciditur in carne ut scilicet in

(a) Supple ex eo loco hinniebat.

circumciderit in corde. Hier. iv. 4. „Circumcidimini Domino, & auferite praeputia cordium vestrorum.“ Secundo ibi, *Et indicabit id quod ex natura est praeputium*, comparat circumcisionem Gentili, (a) eum ostendens propter observantiam legis Iudaeo praeferrere: unde dicit: *Et praeputium*, idest Gentilis circumciscimus, *consummans*, idest implems mandata legis, *ex natura*, id est per naturalem rationem, ut supra dictum est, quod naturaliter quae sunt legis faciunt, *indicabit*, per comparationem, *se*, scilicet Iudaeum circumciscimus, *qui ex praevaricatione legis*, transgrediendo praecepta eius, *per litteram*, idest habentem legem litteris descriptam, & *circumcisionem*, scilicet carnis. Unde de hoc comparationis iudicio dicitur Matth. xii. 41. „Viri Ninivitae surgent in iudicio cum generatione ista, & condemnabunt eam.“

Deinde cum dicit, *Non enim qui in manifesto, Iudaeus est*, assignat rationem dictionum: & primo ponit rationem; secundo probat eam, ibi, *Cuius laus*. Circa primum duo facit. Primo assignat rationem quare circumcisio, vel Iudaismus sine legis observatione non prodest secundo assignat rationem quare observantia legis prodest sine Iudaismo, & circumcissione, ibi, *Sed qui in abscondito*. Dicit ergo, quod ideo circumcisio praevaricantis legem sit praeputium, & iudicatur a praeputio custodiente legem: non enim est verus Iudaeus ille qui in manifesto est Iudaeus secundum carnalem generationem. Infra ix. 6. *Non enim omnes qui ex circumcissione sunt Israel, hi sunt Israelitae, sed qui filii sunt promissionis*. Et similiter etiam non est vera circumcisio illa quae est manifesta in carne: illa enim est signum, ut di-

citur Genes. xvii. 11. „Circumcideritis carnem praeputii vestri, ut sit in signum foederis.“ Non autem est signum verum, nisi ei respondeat signatum: unde si quis Iudaeus esset transgressor foederis, non esset eius vera circumcisio; & ideo reprobatur in praeputium. Deinde cum dicit, *Sed qui in abscondito*, assignat rationem quare praeputium custodiens legem reputetur in circumcissione, & iudicet circumcissione carnalem: quia scilicet ille vere est Iudaeus qui est in abscondito, idest qui habet in affectu cordis mandata legis quam Iudaei profitentur: Matth. vi. 6. „Pater tuus, qui videt in abscondito, reddet tibi.“ & similiter circumcisio vera est quae est *cordis in spiritu*, idest per spiritum facta, per quam superfluae cogitationes a corde praeciduntur. Vel *in spiritu*, idest per spiritualem intellectum legis, non litteralem. Philip. iii. 3. „Nos sumus circumcisio qui in spiritu Deo servimus.“ Deinde cum dicit, *Cuius laus non ex hominibus*, probat praemissam rationem. Manifestum est enim quod in omnibus iudicium divinum praefendum est humano. Ea veroque exteriorius apparent, sive sit Iudaismus, sive circumcisio, laudantur ab hominibus; sed ea quae sunt in abscondito, laudantur secundum iudicium divinum: quia, ut dicitur I. Reg. xvi. 7. „homines vident quae apparent, Deus autem intuetur cor.“ Unde relinquitur quod interior Iudaismus, & circumcisio praevalet exteriori; & hoc est quod dicit: *Cuius*, scilicet interioris circumcissionis, *laus non est ex hominibus, sed ex Deo*. II. Cor. x. 18. „Non enim qui seipsum commendat, ille probatus est, sed quem Deus commendat.“

C A P I T U L U M T E R T I U M

L E C T I O I.

Quid ergo amplius Iudaeo est, aut quae utilitas circumcissionis? Multum per omnem modum. Primum quidem quia credita sunt illis eloquia Dei. Quid enim si quidam illorum non crediderunt? Numquid incredulitas illorum, fidem Dei evacuavit? Absit. Est autem Deus verax; omnis autem homo mendax; sicut scriptum est: Ut iustificeris in sermonibus tuis, & vincas cum iudicaris. Si autem iniquitas nostra iustitiam Dei commendat, quid dicemus? Numquid iniquus est Deus, qui inserit iram? Absit (secundum hominem dico.) Alioquin quomodo iudicabit Deus

(a) *Ad amplexum eius.*

Deus hunc mundum? Si enim veritas Dei in meo mendacio abundavit in gloriam ipsius, quid adhuc & ego tamquam peccator iudicor? Et non (sicut blasphemamur, & sicut aiunt quidam nos dicere) faciamus mala, ut veniant bona: quorum damnatio iusta est.

Postquam Apostolus ostendit quod Iudaismus, ad quem pertinet legis suscepcio, & circumcisio non sufficient ad salutem sine legis custodia, per quam Gentilis, sine exteriori Iudaismo, & circumcissione, fructum utriusque consequitur: hic obiicit contra præmissa: & primo quidem proponit obiectionem: secundo solvit, ibi, *Multum quidem*. Obiicit ergo primò sic. Si ita esset, sicut dictum est, quod non est verus Iudæus, nec vera circumcisio iu manifesto, sed in occulto cordis; *quid ergo amplius est Iudæus?* id est, quid amplius datum est quam ceteris Videtur quod nihil: & hoc est inconueniens, cum Dominus dixerit Deut. vii. 6. "Te elegit Dominus Deus tuus ut sis ei populus peculiaris." *Aut qua utilitas circumcissionis?* scilicet exterioris. Videtur ex præmissis quod nulla: quod est inconueniens, cum sit a Deo tradita, qui dicit Esa. xlviii. 17. "Ego Dominus docens te nilia." Deinde cum dicit, *Multum quidem*, solvit præmissam obiectionem: & primo quantum ad prærogatiuam Iudaismi; secundo quantum ad utilitatem circumcissionis, iv. cap. ibi, *Quid ergo dicemus?* Circa primum tria facit. Primo ostendit Iudæorum prærogatiuam; secundo excludit eorum gloriam, qua se Gentibus superbe præferebant, ibi, *Quid ergo? Præcellimus eos?* Circa primum tria facit. Primo proponit quod intendit; secundo manifestat, ibi, *Primum quidem*; tertio excludit obiectionem, ibi, *Quid enim si quidam*. Dicit ergo primo: Quæsitum est quid amplius sit Iudæo. Est autem ei amplius, & quantum ad quantitatem, quæ significatur cum dicit, *Multum*, & quantum ad numerum, qui significatur cum dicit, *Per o, unum modum*. Habent enim amplius aliquid & in contemplatione diuinorum, secundum illud Psalm. lxxv. 1. "Notus in Iudæa Deus: & secundum dispositionem temporalem: Psalm. cxlvi. 20. "Nou fecit", taliter omni nationi. "Habent etiam amplius quantum ad patres, quantum ad promissiones, & quantum ad prolem. Infra ix. 4. *Quorum est adoptio filiorum Dei, & gloria, & reseruationem*. Et in quolibet eorum non est parua excellentia, sed magna, & præcipua; quod pertinet ad id quod dicit,

Multum. Maximum enim bonum hominis est in Dei cognitione, iu hoc quod Deo adhæreat, & a Deo instruat. Psalm. xcix. 12. "Beatus homo quem tu erudieris Domine." Deinde cum dicit, *Primum quidem* &c. manifestat quod dixerat, dicens: *Primum quidem*, id est præcipue, amplius est Iudæis, quia eloquia Dei sunt (a) credita illis, quasi amicis: Ioan. xv. 15. "Vos dixi amicos." Et hoc est multum, quia eloquia Dei sunt honesta: Psalm. xviii. 10. "Eloquia Domini vera, iustificata in se," metipsa. "Sunt delectabilia: Psalm. cxviii. 103. "Quam dulcia faucibus meis eloquia tua." "Sunt etiam utilia ad non peccandum: Psalm. eodem. 11. "In corde meo abscondi eloquia tua, ut non peccem tibi." Deinde cum dicit, *Quid enim si quidam*, excludit obiectionem: & primo ponit eam; secundo excludit ipsam, dicendo ad inconueniens, ibi, *Numquid incredulitas?* tertio ostendit esse inconueniens id ad quod inducitur, ibi, *Est autem Deus verax*. Posset aliquis prærogatiuam Iudæorum derogare, opponendo ingratitudinem eorum, per quam viderentur diguitatem eloquiorum Dei amisisse: unde dicit: *Quid autem, si quidam illorum non crediderunt?* Numquid per hoc (b) concluditur, quod nihil amplius sit Iudæo? secundum illud II. Pet. i. 21. "Melius erat eis nou cognoscere viam iustitiæ, quam post cognitam retrorsum converti." Non crediderunt autem primo quidem legislatori: Psalm. cv. 25. (c) "Non crediderunt in verbo eius: "secundo non crediderunt Prophetis: Ezech. 11. 6. "Increduli, & subversores sunt tecum: "tercio non crediderunt ipsi Filio: Ioan. viii. 45. "Si veritatem dico vobis, quare non creditis mihi? "Deinde cum dicit, *Numquid incredulitas*, excludit dictam obiectionem, dicendo ad inconueniens: quia si propter incredulitatem aliquorum, prærogatiua Iudæorum tolleretur, sequeretur quod incredulitas hominis, fidem Dei evacuet, quod est inconueniens; & hoc est quod dicit: *Numquid incredulitas eorum*, scilicet qui non crediderunt, *evacuavit fidem Dei?* Quod potest dupliciter intelligi. Uno modo de fide, qua creditur in Deum. Non enim per hoc

(a) Al. tradita. (b) Al. excluditur. (c) Al. Non crediderunt verbis eius.

hoc quod quidam non crederent, evacuat fides illorum qui crederunt: malum enim quorundam in societate existentium, non evacuat bonum aliorum. Eccli. xxx. 11. 12. „ Ex ipsis benedixit, & exaltavit, san- „ ctificavit, & ad se applicavit; & ex ipsis „ maledixit, & humiliavit, & convertit „ illos a separatione ipsorum: „ quod est contra illos, contra quos Augustinus dicit in epistola ad plebem Hipponensem: „ Ad „ quid aliud sedent isti, & quid aliud tra- „ ctant, nisi ut cum Episcopus, vel cleri- „ cus, vel monachus, vel sanctimonialis ce- „ ciderit, omnes tales esse credant, sed non „ omnes posse manifestari? „ Alio modo pot- „ est intelligi de fide qua Deus fidelis est im- „ plemis promissa. Heb. x. 23. „ Fidelis enim „ est qui repromissit. „ Hæc autem fideli- „ tas evacuetur, si propter quorundam „ incredulitatem accideret quod nihil amplius „ esset Iudæo. Promisit enim Deus populum „ illum multiplicare, & magnificare, ut pa- „ ter Genes. xxi. 17. „ Multiplicabo semen „ tuum. „ Deinde cum dicit, *Aliter*, osten- „ dit hoc esse inconveniens, quod fides Dei „ evacuetur propter hominum incredulita- „ tem: & primo quidem ad hoc inducit ra- „ tionem; secundo auctoritatem, ibi, *Sicut* „ *scriptum est*; tertio excludit falsum sensum „ auctoris, ibi, *Si autem iniquitas*. Ratio au- „ tem sumitur ex hoc quod *Deus* secundum „ se *verax est*. Hierem. x. 10. „ Dominus au- „ tem Deus verax est. I. Ioan. ult. 20. „ Hic est verus Deus, & vita æterna. „ Et tamen *omnis homo ostendax*. Psal. cxv. „ 11. „ Ego dixi in excessu meo: Omnis ho- „ mo mendax. „ Unde patet quod menda- „ cium hominis, sive infidelitas veritati non „ adhærens, Dei veritatem, sive fidem non „ evacuat.

Ad horum evidentiam sciendum est, quod veritas importat adæquationem rei ad intel- lectum. Aliter autem adæquatur res ad intellectum nostrum, aliter ad intellectum divinum. Noster intellectus cognitionem ac- cipit a rebus; & ideo causa, & mensura veritatis ipsius esse rei: ex eo enim quod res est, vel non est, oratio dicitur vel vera, vel falsa, secundum Philosophum (II. Perhier. cap. de oratione.) Unde intel- lectus noster potest esse verus, vel falsus, in- quantum potest adæquari, vel non adæqua- ri. Quod autem potest esse, & non esse, indiget alio agente ad hoc quod sit, sine quo remanet non ens: sicut enim aer sine illuminante remanet tenebrosus, ita & in- tellectus noster, nisi a prima veritate illu- minetur, de se in mendacio remanet. Un-

de quantum est de se, omnis homo est men- dax secundum intellectum, sed solum est verus in quantum veritatem divinam parti- cipat. Psal. xlii. 3. „ Emitte lucem tuam, „ & veritatem tuam. „ Intellectus autem „ divinus est causa, & mensura rerum; & propter hoc secundum seipsum est indefi- cienter verax, & unaquæque res est vera in quantum ei conformatur. Similiter se- cundum quod accipitur veritas ex parte rei, homo de se non habet veritatem, quia na- tura sua vertibilis est in nihilum; sed so- lum natura divina, quæ nec est ex nihilo, nec vertibilis in nihilum, de se veritatem habet.

Deinde cum dicit, *Sicut scriptum est*, probat idem per auctoritatem Psalmi I. 6. in quo sic legitur: *Ut iustificeris in sermonibus tuis, & vincas cum iudicaris*: quod qualiter ad propositum faciat, videri potest, si præ- cedentia Psalmi considerentur: præmittitur enim, „ Tibi soli peccavi; „ & tunc se- quitur: *Ut iustificeris in sermonibus tuis, & vincas cum iudicaris*. Promiserat enim Deus per Nathan Prophetam David, quod eius regnum in æternum stabliret in semine suo, ut habetur II. Reg. vii. Postea vero cum in grave peccatum incidere, adulte- rii scilicet, & homicidii, ut legitur II. Reg. xi. propter huiusmodi peccatum edi- cebatur a quibusdam, quod Deus non esset ei promissionem observaturus. Intentio ergo Psalmistæ est duo dicere. Primo quidem quod propter peccatum eius non mutatur iustitia Dei, ad quam pertinet ut suos ser- mones impleat; & quantum ad hoc di- cit: *Ut iustificeris in sermonibus tuis*; id est, ut ex hoc appareat in sermonibus tuis iustus, quia propter mea peccata eos non præteris. Prov. vii. 16. „ Recti sunt o- „ mnes sermones mei. „ Psal. cxv. 16. „ Fidelis Dominus in omnibus verbis suis. „ Secundo quod divina promissio imitetur hu- manum iudicium; & hoc est quod dicit, *Vincas*, scilicet promissionem tuam ser- vando, *cum iudicaris*, scilicet ab homini- bus, quod eam propter mea peccata non sis impleturus. Infra 22. 31. *Noli vinci a malo, sed vince in bono malum*. Hoc dicitur homini, quod multo magis competit Deo. Est autem considerandum, quod promissio facta David a Deo, erat implenda de Christi incarnatione: unde pertinebat ad prophetiam prædestinationis, secundum quam aliquid promittitur quasi omnibus modis im- plendum: quod vero promittitur, vel pronuntiatur secundum prophetiam commina- tionis, non prædicitur quasi omnibus mo- dis

dis implendum, sed secundum quod exigunt humana merita, quæ possunt mutari. Et ideo si non factum fuisset, quod promissum est David, præiudicaret divinæ iustitiæ. Si vero non hoc quod promittitur per prophetiam comminationis, non præiudicat divinæ iustitiæ, sed designat mutationem meritorum: unde dicit Hier. xviii. 7. „Re-
 „pente loquar adversus gentem, & adver-
 „sus regnum, ut eradicem, & destruiam,
 „& disperdam, & dissipem. Si egerit pœ-
 „nitentiam gens illa a malo suo, quod lo-
 „cutus sum adversus eam; pœnitentiam a-
 „gam & ego super malo quod cogitavi ut
 „facerem ei.“ Sic ergo patet secundum
 hunc sensum, quod peccatum hominis di-
 vinam fidelitatem non excludit. Ponuntur
 autem & alii sensus auctoritatis huius in
 Glossa, qui non ita pertinent ad intentionem
 Apostoli; quorum primus est ut hæc
 verba quæ hic ponuntur, continentur cum
 his quæ ante Psalmistam præmiserat, „Am-
 „plius lava me ab iniquitate mea,“ ad
 hoc scilicet ut iustificeris, id est iustus appa-
 reas, in sermonibus tuis, in quibus veniam
 peccatorum promissisti, non solum Ezech.
 xvi. quia hæc verba Psalmi prius fue-
 runt dicta; sed etiam Levit. xxv. 41. „O-
 „rabunt pro impietatibus suis, & recor-
 „dabor fœderis mei:“ & Deut. xxx. 1. „Si
 „ductus pœnitudine cordis reversus fueris
 „ad Deum, reducet te Dominus Deus
 „tuus, & miserabitur tibi.“ Et sic vi-
 detur cum iudicaris ab hominibus, quod mihi
 veniam dare non debeat. Secundo conti-
 nuantur hæc verba cum eo quod dictum est,
 „Tibi soli peccavi,“ id est per compara-
 tionem ad te, qui solus es iustus; & hoc
 est quod dicit, *Ut iustificeris*; id est, ex com-
 paratione mei, & aliorum peccatorum ius-
 tus appareas: Psal. x. 8. „Iustus Dominus,
 „& iustitias dilexit:“ & hoc non solum
 in factis, sed etiam in sermonibus, quod
 est maximum, secundum illud Iacob. ii. 2.
 „Si quis in verbo non offendit, perfectus est.“
Et vincas cum iudicaris, id est dum cuicumque
 alii in iudicio compararis. Esa. v. 3. „Iu-
 „dicabo inter me, & vineam meam &c.“
 Tertio referuntur hæc verba ad Christum,
 qui solus est sine peccato, secundum illud
 I. Pet. ii. 22. „Qui peccatum non fecit,
 „ne inventus est in ore eius dolus:“ &
 sic iustificatur in sermonibus in compara-
 tione ad omnes homines. *Et vincas*, scilicet
 peccatum, mortem, & diabolum. Apoc.
 v. 5. „Ecce vicit leo.“ Et hoc dum iu-

dicaris, scilicet iniuste a Pilato. ob xxxv. f.
 17. „Causa tua quasi impii iudicata est.“

Deinde cum dicit, *Si autem iniquus non-
 „fess*, excludit falsum intellectum auctorita-
 tis inducæ. Posset enim aliquis intelligere
 præmissa verba secundum hunc sensum,
 ut hæc dictio ut poneretur causaliter. &
 non solum consecutive; & sic sequeretur
 quod peccatum hominis directe ordinaretur
 ad commendandum Dei iustitiam. Sed A-
 postolus ostendit hoc esse falsum, ut si det
 intelligere quod ly *ut* ponitur consecutive,
 quia scilicet David peccante, consecutum
 est quod divina iustitia manifestetur; non
 autem causaliter, quasi peccatum hominis
 commendet Dei iustitiam, quod quidem probat
 dicendo ad inconveniens; & hoc du-
 pliciter: primo quidem ex parte iudicii di-
 vini; secundo ex parte iudicii humani.
 Circa primum tria facit. Primo ponit sen-
 sum falsum; secundo ostendit inconveniens,
 quod ex hoc sequitur, ibi, *Quid dicemus?*
Numquid iniquus est Deus? tertio ostendit hoc
 esse inconveniens, ibi, *Abstu*. Est conside-
 randum, quod supra Apostolus duas com-
 parationes fecerat: unam quidem veritatis
 divinæ ad humanum mendacium, cum dix-
 erat: *Est autem Deus verax, omnis autem
 homo mendax*: aliam iustitiæ Dei ad pecca-
 tum humanum, secundum verba Psal. l. 6.
 quibus dicit: „Tibi soli peccavi... ut lu-
 „sificeris.“ Et quantum ad comparationem
 (a) secundam dicit: Si hæc verba sunt
 intelligenda, quod iniquitas (b) nostra di-
 recte commendat Dei iustitiam, *quid dice-
 mus?* id est, non poterimus sustinere in-
 convenientiam quæ sequitur. Non enim pec-
 catum est Deo necessarium ad eius iusti-
 tiam commendandam. Eccli. xv. 22. „Non
 „concupiscit multitudinem infidelium fi-
 „liorum, & inutilium.“ Exprimunt autem
 inconveniens quod sequitur, dicens: *Num-
 quid Deus qui infert iram, id est vindictam
 pro peccato, est iniquus?* Hoc enim sequi-
 tur ex eo quod dictum est. Si enim pecca-
 tum directe ordinaretur ad commendandam
 iustitiam, non esset dignum pœnæ, sed præ-
 mio; & sic Deus puniens homines pro pec-
 cato, esset iniquus, contra illud Dent. xxxi. 1.
 4. „Deus autem fidelis est absque ulla in-
 „iquitate.“ Excludit autem consequenter
 hoc inconveniens, cum subdit, *Abstu*, scilicet
 quod Deus sit iniquus. *Secundum hominem
 dico*, id est, quod hæc verba protuli,
 non ex meo sensu, sed ex hominis errantis
 sensu protuli; sicut dicitur I. Corinth. xiii.

3.

(a) *Id est iustitiam* primam. (b) *Id est iniquitatem*.

3. „Cum sint inter vos zelus, & contentio, nonne carnales estis? „Hoc autem non esse dicendum ostendit, subdens: *Alioquin*, scilicet si Deus est iniquus, *quomodo indicabit hunc mundum?* idest, quomodo conveniet quod ipse sit universalis, & supremus mundi iudex? Oportet enim quod est primum & supremam in quolibet genere, esse infallibile, sicut primum movens est immutabile. Unde in Plal. xc. 13. dicitur: „Iudicabit orbem terrarum in aequitate. „Et simile argumentum ponitur Iob xxxiv. 12. ubi dicitur: „Vere Deus non condemnatur frustra, nec Omnipotens subvertit iudicium. Quem constituit alium super terram, aut quem posuit super orbem quem fabricatus est? „scilicet, quia si ipse non iuste iudicaret, oporteret dicere alium esse iudicem mundi.

Deinde cum dicit, *Sinem veritas*, ostendit idem per humanum iudicium: & circa hoc etiam tria facit. Primo proponit falsum intellectum prædictorum verborum; secundo ponit inconveniens, quod sequitur ibi, *Quid adhuc*; tertio ostendit illud esse inconveniens, ibi, *Quorum damnatio*. Exprimat autem falsum sensum, secundum illam comparationem quæ est divinæ veritatis ad humanum mendacium, cum dicit: *Si enim in meo mendacio*, idest propter meum mendacium, *veritas Dei*, manifesta scilicet, *abundavit in gloriam ipsius*, ita quod mendacium hominis directe pertineat ad augmentum gloriæ, contra id quod dicitur Iob xxi. 7. „Numquid Deus indiget vestro mendacio? „Subdit autem consequenter duo inconvenientia quæ sequuntur; quorum unum est quod homo non deberet reputari peccator propter mendacium, ex quo in Dei gloriam directe ordinatur; & hoc est quod dicit: *Quid adhuc*, idest cur etiam

nunc, & ego iudicor, scilicet ab hominibus tamquam peccator pro mendacio? Sapient. xvii. 10. „Cum sit timida nequitia, data „est in omnium condemnationem: „quia scilicet peccatores ab omnibus iudicio condemnantur. Aliud autem inconveniens est quod locum habeat verbum falsum, quod Apostolis imponebatur: quia enim prædicabant, quod per abundantiam gratiæ Christi solvebatur abundantia peccatorum, secundum illud infra v. 20. *Ubi abundavit delictum, superabundavit & gratia*: blasphemabant Apostolos, quasi dicerent, quod homines deberent facere mala, ut consequerentur bona; quod sequeretur, si mendacium hominis directe commendaret Dei gratiam, & veritatem; & hoc est quod dicit: Nos faciamus mala, peccando scilicet, & mendacium docendo, *ut veniant bona*, scilicet ut Dei veritas, & iustitia commendetur, *sicut blasphemamur*, idest sicut quidam blasphemando nobis imponunt: infra I. Corinth. iv. 13. „Blasphemamur, & obsecramus; „*sicut quidam ainas nos dicere*, verba nostra depravando. II. Petr. ult. 16. „Quæ indocti, & „inflabiles depravant. „Hæc autem excludit subdens: *Quorum condemnatio iusta est*, idest eorum qui faciunt mala ut veniant bona: sicut enim non est verum syllogizandum ex falsis, ita non est perveniendum ad bonum finem per mala. Hierem. xxi. 7. „Bene est omnibus qui prævaricantur, & „iniquè agunt: „quod dicitur ex persona impiorum. Vel *quorum*, scilicet hæc nobis falsè imponentium, *damnatio iusta est*: iuste enim condemnantur perversiores sacræ doctrinæ. Apocal. ult. 18. „Si quis apposuerit ad hæc, apponet Deus (a) plagas scriptas in libro isto. “

L E C T I O II.

Quid igitur? Præcellimus eos? Nequaquam. Causati enim fumus Iudeos, & Græcos, omnes sub peccato esse; sicut scriptum est: Quia non est iustus ququam, non est intelligens, non est requirens Deum: omnes declinaverunt, simul inutiles facti sunt: non est qui faciat bonum, non est ulque ad unum. Sepulcrum patens est guttur eorum, linguis suis dolose agebant, venenum aspidum sub labiis eorum: quorum os maledictione, & amaritudine plenum est: veloces pedes eorum ad fudendum sanguinem: contritio, & infelicitas in viis eorum, & viam pacis non cognoverant: non est timor Dei ante oculos eorum. Scimus autem quoniam quæ-

S. Th. Opus. Tom. VI.

G cum.

(a) Hi apponet Deus super illum plagas &c.

cumque lex loquitur, his qui in lege sunt loquitur: ut omne obstruatur, & subditus fiat omnis mundus Deo: quia ex operibus legis non iustificatur omnis caro coram illo: per legem enim cognitio peccati.

Postquam Apostolus ostendit prærogativam Iudæorum supra Gentiles quantum ad divina beneficia, hic excludit eorum inane gloriam, qua se Gentibus ad fidem conversis præferrebant: & primo proponit quod intendit; secundo probat propositum, ibi, *Causati enim sumus*. Dicit ergo primo: Ita dictum est: *Quid amplius est Iudæis? Primum quidem, quia tradita sunt illis eloquia Dei*. Quid igitur dicemus nos Iudæi ad fidem conversi? Numquid præcellimus eos, scilicet Gentiles ad fidem conversos? de quo erat inter eos contentio. Luc. xxii. 24. *Facta est contentio inter discipulos Iesu, quis esset maior*, " Et respondens subdit, *Neguaquam*.

Sed hoc videtur contra præmissa, in quibus dictum est: *Multum per omnem modum amplius est Iudæo*. Sed ad hoc respondetur in Glossa, quod illud fuit dictum quantum ad esse quod habebant Iudæi tempore legis; hoc autem nunc dicit Apostolus secundum statum gratiæ: quia, ut dicitur Col. 3. 11. " in Christo non est Gentilis, " & Iudæus, circumcisio, & præputium: quia scilicet non faciunt differentiam quantum ad statum gratiæ. Sed hæc responsio non videtur esse omnino secundum intentionem Apostoli: quia infra ostendit quod etiam dum sub lege erant, peccatis subiacebant, sicut & Gentiles, vel amplius, Ezech. v. 5. " *Ista est Hierusalem: in medio Gentium posui eam, & in circuitu eius terras; & contempsit iudicia mea*, " ut magis esset impia quam Gentes. Sic igitur dicendum est, quod supra ostendit prærogativam divinorum beneficiorum: unde non dixit, quod Iudæus esset excellentior, sed quod aliquid esset Iudæo amplius donatum; hic autem excludit excellentiam personarum: quia illi qui divina beneficia acceperunt, non sunt illis debite uli.

Deinde cum dicit, *Causati enim sumus*, ostendit propositum: & primo quod Iudæi non excedunt Gentiles quantum ad statum peccati; secundo quod non excedunt quantum ad statum iustitiæ, ibi, *Nunc autem sine lege*. Primum ostendit dupliciter: primo quidem ex his quæ supra dicta sunt; secundo per auctoritatem, ibi, *Sicut scriptum est*. Dicit ergo: *Causati enim sumus*, id est

causando rationibus ostendimus, *Iudæos, atque Græcos*, id est Gentiles, *omnes sub peccato esse*. Esa. 1. 6. " *A planta pedis usque ad verticem non est in eo sanitas*. " Ostendit enim primo quod Gentiles veritatem Dei cognitam in impietate, & in iniustitia detinebant; secundo quod Iudæi lege suscepta per prævaricationem legis Deum inhonorabant. Deinde cum dicit, *Sicut scriptum est*, ostendit propositum per auctoritatem Psalmistæ: & primo inducit auctoritatem; secundo manifestat eam, ibi, *Scimus autem*. Circa primum duo facit. Primo ponit peccata omissionis; secundo peccata commissionis, ibi, *Sepulcrum patens*. Peccata autem omissionis tangit dupliciter: primo quidem removendo principia bonorum operum; secundo ipsa bona opera, ibi, *Omnes declinaverunt*. Sunt autem tria bonorum operum principia: quorum unum pertinet ad ipsam operis rectitudinem; & hoc est iustitia, quam excludit dicens, *Sicut scriptum est*, scilicet in Psal. xiv. 1. " *Et perit sanctus de terra, & reclus in hominibus non est*. " Quod quidem dupliciter potest intelligi. Uno modo quod intelligatur: Nullus est iustus in se ex seipso; sed ex se quilibet est peccator, ex solo autem Deo habet iustitiam. Exod. xxxiv. 6. " *Domine, tor Domine Deus misericors, & clemens* ... qui aufert iniquitatem, atque peccata, nullusque apud te per se innoxens est. " Alio modo quod nullus est quantum ad omnia iustus, quin aliquod peccatum habeat, secundum illud Prov. xx. 9. " *Quis potest dicere: Mundum est cor meum?* " Eccle. vii. 21. " *Non est homo iustus in terra, qui faciat bonum, & non peccet*. " Tertio etiam potest intelligi ut referatur ad populum malorum, inter quos nullus est iustus: est enim consuetudo Scripturæ ut quandoque loquatur de toto populo ratione malorum, quandoque ratione bonorum, ut patet Hierem. xxvi. 8. ubi dicitur, quod " cum complexer Hieremias loqui omnia quæ præceperat ei Dominus ut loqueretur ad universum populum, apprehenderunt eum sacerdotes, & prophætæ, & omnis populus dicentes, " *Morte moriatur*. " & postea subditur 16. " *Dixerunt principes, & omnis populus*: Non est viro huic iudicium mori, tis. "

„tis. “ Sed primi duo sensus magis sunt
secundum intentionem Apostoli; & hoc
idem dicendum est in sequentibus. Secun-
dum autem principium boni operis est dis-
cretio rationis; & hoc excludit subdens,
Non est intelligere. Plalm. lxxxv. 5. „ Ne-
bi, sciunt, neque intellexerunt: “ & ali-
bi (Plal. xxv. 4.). „ Noluit intelligere. “
Tertium principium est rectitudo intentio-
nis, quam excludit subdens: *Non est requi-
rens Deum*, intentionem suam scilicet diri-
gendo ad ipsum. Osee x. 12. „ Tempus in-
quirendi Dominum, qui cum venerit,
docebit iustitiam. “ Consequenter excludit
ipsa bona opera: & primo quidem quan-
tum ad offensionem divinæ legis, cum di-
cit, *Omnes declinaverunt*, scilicet a regula
divinæ legis: Esa. lvr. 11. „ Omnes in viam
suam declinaverunt. “ Secundo quantum
ad offensionem finis, unde subdit: *Simul in-
utiles facti sunt*: hoc enim inutile dicimus
quod non consequitur finem suum; & ideo
cum homines a Deo declinant, propter
quem facti sunt, redduntur inutiles. Sap-
ient. iv. 3. „ Impiorum multitudo non est
utilis. “ Tertio excludit ipsa bona ope-
ra, cum subdit: *Non est qui faciat bonum.*
Hier. iv. 22. „ Sapientes sunt ut faciant
„ mala, bene autem facere nescierunt. “
Subdit autem, *Usque ad unum*; quod potest
uno modo intelligi exclusive; quasi diceret,
Præter unum, qui scilicet solus fecit bo-
num, redimendo humanum genus. Eccle.
vii. 29. „ Virum de mille unum reperi,
„ mulierem non inveni. “ Vel potest in-
telligi inclusive; quasi dicat: Nec etiam u-
nus est purus homo qui faciat bonum, sci-
licet perfectum. Hier. v. 1. „ Quærite in
„ plateis eius an inveniat virum facien-
„ tem iudicium, & quærentem fidem. “
Deinde cum dicit, *Sepulcrum patens*, ponit
peccata commissionis: & primo peccata
oris; secundo peccata operis, ibi, *Veloces
pedes eorum*. Peccata vero cordis ex his pec-
catisprehenduntur. Circa peccatum oris
quatuor ponit. Primo promptitudinem, seu
turpitudinem, cum dicit: *Sepulcrum patens
est guttur eorum*: sepulcrum enim patens dno
habet: est enim paratum ad recipiendum
mortuum, & secundum hoc, guttur homi-
nis dicitur esse sepulcrum patens, quando
est paratum ad dicendum mortifiera, per
quem modum dicitur Hier. v. 16. „ Pha-
„ retra ejus quasi sepulcrum patens: “ se-
cundo exhalat fetorem: Matth. xxiii. 27.
„ Similes sunt sepulcris dealbatis, quæ a

„ foris parent hominibus speciosa, & intus
„ sunt plena ossibus mortuorum, & omni
„ spurcitiis. “ Eorum ergo guttur est se-
pulerum patens ex quorum ore procedit
turpiloquii fetor. Apocalyp. ix. 17. „ Et
„ de ore ipsorum procedit ignis, & fumus,
„ & sulphur. “ Secundo tangit circa pec-
catum oris fraudem, cum dicit: *Linguis suis
dolo agebant*, aliud scilicet habendo in cor-
de, aliud in ore. Hier. ix. 8. „ Sagitta
„ vulnerans linguas eorum, dolum locuta
„ est. “ Tertio ponit verborum noxietatem,
cum dicit: *Venenum aspidum sub labiis eorum*:
quia scilicet talia verba (a) eromunt quæ
infamabiliter proximos occidunt vel spiri-
tualiter, vel corporaliter. Deut. xxxii. 33.
„ Fel draconum vinum eorum, & venenum
„ aspidum insanabile. “ Quarto designat
abundantiam horum peccatorum, cum di-
cit: *Quorum ut maledictio plenum est, &
amaritudo*: quia scilicet in talibus semper
abundat maledictio, quia scilicet maledi-
cunt de aliis detrahendo, contra id quod
dicitur infra xii. 14. „ Benedicite, & no-
„ lite maledicere. “ Et amaritudinis, in-
quantum scilicet non veniunt in faciem
proximi dicere iniuriola verba, quibus ad
amaritudinem provocantur, contra id quod
dicitur Ephes. iv. 31. „ Omnis amaritudo
„ tollatur a vobis. “ Deinde cum dicit,
Veloces pedes eorum, tangit peccata operis;
circa quæ tria tangit. Primo quidem prom-
ptitudinem ad male agendum: unde dicit:
Veloces pedes eorum: prompti sunt pedes,
id est affectus eorum, ad effundendum sangui-
nem, id est ad faciendum quæcumque gravia
peccata: quia inter cetera quæ committit-
mus in proximum, homicidium est gravius.
Proverb. i. 16. „ Pedes eorum in malum
„ currunt, & festinant ut effundant san-
„ guinem. “ Secundo tangit multitudinem
nocentorum quæ aliis inferant, cum sub-
dit: *In viis eorum*, id est in operibus eo-
rum, est contritio: quia scilicet alios con-
terant opprimendo eos: Esa. x. 7. „ Ad
„ conterendum erit cor eius: “ & infeli-
citas, inquantum scilicet privant homines
bonis suis, ad miseriam eos deducendo.
Iob xxiv. 7. „ Nudos dimittunt homines,
„ indumenta tollentes. “ Possunt tamen
hæc duo intelligi esse posita ad designandum
pœnam potius quam culpam, ut sit sensus:
In viis eorum est contritio, & infelicitas; id
est, opera eorum, quæ per vias designan-
tur, ducunt eos ad contritionem, & infe-
licitatem; ita quod contritio referatur ad

(a) M. erant.

oppressionem prenx, qua pro peccatis puniuntur. Esa. xxx. 14. „Comminuentur, sicut conteritur lagena figuli.“ Infelicitas autem referenda est ad poenam damni, (a) quia felicitate æterna privabuntur. Sap. xii. 10. „Infelices autem sunt, & inter mortuos spes eorum.“ Tercio offendit eorum culpæ obstinationem ad malum; a qua quidem aliqui revocantur dupliciter. Uno modo per hoc quod volunt ad hominibus pacem habere; sed contra hoc dicitur: *Etiam pacis non cognoverunt*; id est, non acceptaverunt. Ps. cxix. 6. „Cum his qui oderunt pacem, erampacificus.“ Alio modo intuitu divini timoris; sed isti nec Deum timent, nec hominem reverentur, ut dicitur Luc. xviii. unde subditur: *Non est timor Dei ante oculos eorum*; id est ante ipsorum considerationem. Eccli. i. 27. „Timor Domini expellit peccatum: nam qui sine timore est, non poterit iustificari.“ Potest autem & hoc specialiter dici contra Iudæos Christo non credentes, quod non cognoverunt viam pacis, id est Christum, de quo dicitur Ephel. ii. 14. „Ipse est pax nostra.“

Deinde cum dicit, *Scimus autem quia quæcumque*, manifestat auctoritatem inducendam tripliciter: primo quidem exponendo sensum eius; secundo exponendo intentionem ipsius, ibi, *Ut omne os*; tertio assignando rationem dictorum in ipsa, ibi, *Quoniam ex operibus*. Circa primum considerandum est, quod Iudæi, contra quos Apostolus hic loquebatur poterant ad sui excusationem pervertere sensum auctoritatis inducæ, dicendo, quod præmissa verba sunt intelligenda de Gentibus, non de Iudæis. Sed hoc excludit Apostolus dicens: *Scimus quod quæcumque lex loquitur, his qui in lege sunt legitur*, id est ad quos lex datur, & qui legem profitentur. Deuter. xxxiii. 4. „Legem præcepit nobis Moyses.“ Gentiles autem non erant sub lege, & secundum hoc prædicta verba pertinent ad Iudæos.

Est hic autem duplex obiectio. Prima quidem, quia verba supra inducenda non sunt assumpta de lege, sed de Psalmis. Sed ad hoc dicendum est, quod quandoque nomen legis sumitur pro toto veteri testamento, non pro quinque libris Moyli tantum, secundum illud Ioan. xv. 25. „Ut impleatur sermo, qui in lege eorum scriptus est, quia odio habuerunt me gratis:“ quod scriptum est in veteri testamento, non in quinque libris Moyli, qui proprie lex di-

cuntur. Et sic etiam lex accipitur hic. Quandoque autem totum vetus testamentum dividitur in tria, scilicet in Legem, Psalmos, & Prophetas, secundum illud Luc. ult. 44. „Necesse est impleri omnia quæ scripta sunt in lege Moyli, Psalmis, & Prophetis de me.“ Aliquando vero totum vetus testamentum dividitur in duo, scilicet in Legem, & Prophetas, secundum illud Matth. xxiii. 40. „In his duobus, mandatis pendet omnis Lex, & Prophetæ.“ Et secundum hunc modum Psalterium sub Prophetis continetur.

Secunda obiectio est, quia in lege, id est in veteri testamento, multa dicuntur pertinentia ad alias gentes, sicut patet in pluribus locis Esaiæ, & Hieremæ, ubi dicuntur multa contra Babylones, & similia contra alias nationes. Non ergo quæcumque loquitur lex, loquitur his, & de his qui in lege sunt. Sed dicendum, quod quæcumque indeterminate loquitur, ad eos pertinere videntur quibus lex datur; quando vero Scriptura de aliis loquitur, speciali titulo designat alios, sicut cum dicitur: *Onus Babylonis*, & *onus Tyri* &c. Quæ contra alias gentes in veteri testamento dicuntur, aliquo modo ad Iudæos pertinebant, in quantum eorum infortunia ad eorum consolationem, vel terrorem prænuntiabantur; sicut etiam prædicator ea debet dicere quæ pertinent ad eos quibus prædicat, non autem quæ pertinent ad alios. Esa. lviii. 1. „Annuntia populo meo peccata eorum;“ quasi diceret, Non quæ sunt aliorum.

Deinde cum dicit, *Ut omne os obstruatur*, assignat intentionem prædictæ auctoritatis. Propter duo enim sacra Scriptura omnes de iniustitia arguit. Primo quidem ad reprimendum eorum iactantiam, qua se iustos arbitrabantur, secundum illud Luc. xviii. 12. „Ieiuno bis in sabbato:“ & quantum ad hoc dicit: *Ut omne os obstruatur*, quod scilicet sibi iustitiam præsumptuose acerbabant. Psal. lxxii. 12. „Obstruendum est os loquentium iniqua.“ I. Reg. ii. 3. „Nolite multiplicare loqui sublimia gloriantes.“ Secundo ut suam culpam recognoscentes se Deo subiciant, sicut infirmus medico: unde subdit: *Et subditus fiat omnis mundus Deo*, id est non solum Gentilis, sed etiam Iudæus, culpam suam recognoscentes. Psal. lxi. 2. „Nonne Deo subiecta erit anima mea?“ Deinde cum dicit, *Quoniam ex operibus legis*, assignat rationem præmissorum verborum: & primo ponit rationem; se-

(a) *id. quia.*

secundo manifestat eam, ibi, *Per legem &c.* Dicit ergo primo: Ideo non est iustus quisquam, quoniam omnis caro, id est omnis homo, non iustificatur coram illo, id est secundo eius iudicium, ex operibus legis: quia, ut dicitur Gal. 11. 11. „ si ex lege est iustitia, Christus gratis mortuus est: “ & ad Tit. 11. 5. „ Non ex operibus iustitiae, quae fecimus nos, sed secundum misericordiam suam salvos nos fecit. “ Est autem duplex opus legis: quoddam quidem est proprium legis Moisaicae, sicut observatio caeremonialium praeceptorum; quoddam est opus legis naturae, quia pertinet ad legem naturalem, sicut, non occidas, non furtum facias. Quidam ergo hoc intelligunt dictum esse de primis legis operibus, scilicet quod caeremonialia gratiam non conferebant per quam homines iustificarentur. Non tamen ista videtur esse intentio Apostoli: quod patet ex hoc quod statim subdit: *Per legem enim cognitio peccati.* Manifestum est autem quod peccata cognoscuntur per prohibitionem mo-

ralium praeceptorum, & ita Apostolus intendit quod ex omnibus operibus legis, etiam quae per praecepta moralia mandantur, non iustificatur homo, ita quod ex operibus in eo causetur iustitia: quia, ut dicitur infra 11. 6. *Si enim gratia, iam non ex operibus.* Deinde cum dicit, *Per legem,* probat quod dixerat, scilicet quod opera legis non iustificent: lex enim datur ut homo cognoscat quid debeat agere, quid vitare. Psal. cxlviii. 20. „ Non fecit taliter omni nationi, & iudicia sua non manifestavit eis. “ Proverb. vi. 23. „ Mandatum lucerna est, & lex lux, & via vitae. “ Ex hoc autem quod homo cognoscit peccatum, quod vitare debet tamquam prohibitum, non statim sequitur quod illud vitet, quod pertinet ad rationem iustitiae: quia concupiscentia subvertit iudicium rationis in particulari operabili. Et ideo lex non sufficit ad iustificandum, sed est necessarium aliud remedium, per quod concupiscentia reprimatur.

L E C T I O III.

Nunc autem sine lege iustitia Dei manifestata est, testificata a lege, & Prophetis. Iustitia autem Dei per fidem Iesu Christi in omnes, & super omnes qui credunt in eum. Non enim est distinctio: omnes enim peccaverunt, & egent gloria Dei. Iustificati gratis per gratiam ipsius, per redemptionem, quae est in Christo Iesu, quem proposuit Deus propitiatorem per fidem in sanguine ipsius, ad ostensionem iustitiae suae propter remissionem praecedentium delictorum, in sustentatione Dei, ad ostensionem iustitiae eius in hoc tempore; ut sit ipse iustus, & iustificans eum qui est ex fide Iesu Christi.

Postquam ostendit Apostolus, Iudaeos, & Gentiles aequales esse quantum ad statum culpae praecedentis, hic ostendit eos aequales quantum ad statum gratiae subsequentis: & circa hoc tria facit. Primo ostendit propositum; secundo ostendit quoddam quod supposuerat, ibi, *An Iudaeorum Deus tantum?* Tertio respondet obiectioni, ibi, *Legem ergo destrinximus?* Circa primum tria facit. Primo proponit quod intendit, secundo manifestat propositum, ibi, *Non est distinctio;* tertio infert conclusionem intentam, ibi, *Ubi est gloriatio tua?* Circa primum tria facit. Primo proponit habitudinem iustitiae ad legem; secundo assignat causam iustitiae, ibi, *Iustitia autem Dei;* tertio assignat huiusmodi iustitiae communitatem, ibi, *In omnes, & super omnes.* Ponit autem primo duplicem comparisonem, seu habitudinem iustitiae ad legem. Primo quidem quia non est ex lege causata; & hoc est

quod dicit: *Distinctio est,* quod olim per opera legis non poterat esse iustitia Dei, vel qua ipse iustus est adimplens promissa de iustificatione hominum: infra xv. 4. *Dico enim Christus ministrum fuisse circumcissionis propter veritatem Dei:* vel potius iustitia Dei, qua aliquis iustificatur a Deo, de qua dicitur infra x. 3. *Ignorantes Dei iustitiam.* Haec, inquam, *Dei iustitia nunc,* id est tempore gratiae, manifestata est, tum per Christi doctrinam, tum per eius miracula, tum etiam per facti evidentiam, in quantum evidens est multos esse divinitus iustificatos; & hoc sine lege, scilicet causante iustitiam. Gal. v. 4. „ Evacuati estis a Christo, qui in lege iustificamini a gratia excidistis. “ Esai. lvi. 1. „ Prope est salus mea ut veniat, & iustitia mea ut reveletur. “ Et ne aliquis credat hanc iustitiam legi esse contrariam, secundo ponit aliam habitudinem iustitiae ad legem: *Testificata a le-*

21. & *Propheta*. Lex quidem Christi iustitiam testificata est pronuntiando, & præfigurando: Ioan. v. 46. „Si crederetis Moysen, forsitan & mihi crederetis: de me enim ille scripsit: „& etiam per effectum: quia cum ipsa iustificare non posset, testimonium perhibebat, aliunde querendam esse iustitiam. Prophetæ autem iustificati sunt eam prænuntiando: Act. x. 43. „Huic omnes Prophetæ testimonium perhibent.“ Consequenter autem assignat causam huius iustitiæ, & dicit: *Iustitia autem Dei est per fidem Iesu Christi*, idem quam ipse eradidit: Heb. xii. 2. „Aspicientes in auctorem fidei, & consummatorem Iesum.“ Vel etiam quæ de ipso habetur: infra x. 9. *Quia si confisaris in ore tuo Dominum Iesum, & in corde tuo credideris, quod Deus illum suscitavit a mortuis, salvus eris*. Dicitur autem iustitia Dei esse per fidem Iesu Christi, non quasi per fidem mereamur iustificari, quasi ipsa fides ex nobis existat, & per eam mereamur Dei iustitiam, sicut Pelagiani dixerunt; sed quia in ipsa iustificatione qua iustificamur a Deo, primus motus mentis in Deum est per fidem. „Accedentem enim ad Deum oportet credere,“ ut dicitur Heb. i. 6. Unde & ipsa fides, quasi prima pars iustitiæ, est nobis a Deo. Ephel. ii. 8. „Gratia vobis salvati per fidem; & hoc non ex vobis, Dei enim donum est.“ Hæc autem fides ex qua est iustitia, non est fides informis, de qua dicitur Iac. ii. 26. „Fides sine operibus mortua est;“ sed est fides per caritatem formata, de qua dicitur Gal. v. 6. „Nam in Christo Iesu neque circumcisio aliquid valet,“ sine fide, per quam in nobis habitat Christus. Ephel. ii. 17. „Habitate Christum,“ per fidem in cordibus vestris: „quod sine caritate non fit. I. Ioan. xv. 16. „Qui manet in caritate, in Deo manet, & Deus in eo.“ Hæc est etiam fides de qua dicitur Act. xv. 9. „Fide purificans corda eorum:“ quæ quidem purificatio non fit sine caritate. Proverb. x. 12. „Universa delicta operit caritas.“ Et ne aliquis diceret per hanc fidem solos Iudæos iustificari, tertio ostendit communitatem huius iustitiæ, cum subdit, *In omnes*; scilicet, ista iustitia est in corde, non in carnalibus observantis, de quibus dicitur Hebr. ix. quod carnales observantiæ erant ad iustificationem carnis usque ad tempus correctionis impotentes: & *super omnes*: quia videlicet facultatem humanam, ac merita excedit. II. Corinth. xii. 5. „Non quod iustificantes simus cogitare aliquid a nobis

„quasi ex nobis.“ Addit autem, *Qui erant in eum*; quod pertinet ad fidem formatam, per quam homo iustificatur, ut dictum est.

Deinde cum dicit, *Non est enim distinctio*, manifestat quod dixerat: & primo quantum ad communitatem iustitiæ; secundo quantum ad causam eius, ibi, *Iustificati gratia*; tertio quantum ad manifestationem ipsius, ibi, *Ad ostensionem*. Dicit ergo primo: Dictum est: Iustificatio Dei est in omnes, & super omnes qui credunt in Christum: non enim est quantum ad hoc distinctio inter Iudæum & Gentilem. Coloss. ii. 11. „In Christo Iesu non est distinctio,“ scilicet distinctionem aliquam habens, quasi Iudæus non indigeat iustificari a Deo sicut Gentilis: omnes enim peccaverunt, sicut supra ostensum est: Esai. lxxv. 6. „Omnes nos quasi oves erravimus:“ & per hoc egent gloria Dei, id est iustificatio, quæ in gloriam Dei cedit. Non autem ipsi debet homo hanc gloriam ascribere. Psal. ciii. 9. „Non nobis Domine, non nobis, sed nomini tuo danda gloriam.“ Psal. Lxxv. 35. „Date gloriam Deo.“ Sic igitur quia omnes peccaverunt, & ex se iustificari non possunt, restat ut per aliam causam iustificentur, quam consequenter ostendit subdens, *Iustificati*: ubi primo ostendit quod huiusmodi iustificatio est sine lege, id est quod non est ex operibus legis, cum dicit: *Iustificati gratia*, id est absque merito præcedentium operum. Esai. lxi. 3. „Gratis venundati estis, & sine argento redimimini.“ Et hoc per gratiam ipsius, scilicet Dei, cui ex hoc debetur gloria. I. Corinth. xv. 10. „Gratia Dei sum id quod sum.“ Secundo ostendit quæ sit causa iustificationis: & primo ponit ipsam causam, cum dicit *Per redemptionem*. Ut enim dicitur Ioan. viii. 34. „qui facit peccatum servus est peccati:“ ex qua quidem servitute homo redimitur, si pro peccato satisfaciatur. Sicut si aliquis ob culpam commissam obnoxius esset Regi ad solvendam pecuniam, ille eum redimere diceretur a noxa qui pro eo pecuniam solveret. Hæc autem noxa ad totum humanum genus pertinebat, quod erat infectum per peccatum primi parentis. Unde nullus alius pro peccato totius humani generis satisfacere poterat, nisi solus Christus, qui ab omni peccato erat immunis. Unde subdit: *Quæ est in Christo Iesu*; quasi dicat: In alio non poterat nobis esse redemptio. I. Pet. i. 18. „Non corruptibilibus auro, vel argento redempti estis.“

Secundo ostendit unde ista redemptio efficaciam habuit, cum dicit: *Quem proposuit Deus propitiatorum*: ex hoc enim Christi satisfactio efficaciam ad iustificandum habuit, & ad redimendum, quia cum Deus ad hoc ordinaverat secundum suum propositum; quod designat, cum dicit, *Quem proposuit Deus propitiatorum*. Ephes. 1. 11. „Qui operatur omnia secundum consilium voluntatis suae: „Vel *proposuit*; id est, promissus posuit: (a) quia humanum genus non habebat unde satisfacere posset, nisi ipse Deuseis redemptorem, & satisfactorem daret. Psal. cx. 9. „Redemptionem misit Dominus populo suo. „Et sic dum satisfaciendo, nos redimit a noxa peccati, Deum peccatis nostris propitium facit; quod petebat Psalmista dicens Psal. lxxviii. 9. „Propitius esto peccatis nostris: „& ideo dicit eum propitiorem. I. Ioan. 11. 2. „Propitiatio. „In cuius figura Exodi xvi. mandatur, quod fiat propitiatorium, (b) idest Christus; quod ponebatur super arcam, id est Ecclesiam. Tertio ostendit per quod redemptionis effectus ad nos perveniat, cum dicit: *per fidem in sanguine eius*, id est, quae est de sanguine eius pro nobis effuso. Ut enim pro nobis satisfaceret, congruebat ut praeam mortis pro nobis subiret, quam homo per peccatum incurrerat, secundum illud Genes. 11. 17. „Quacom- „que die comederis ex eo, morte morieris. „Unde dicitur I. Pet. 11. 18. „Christus semel pro peccatis nostris mortuus est. „Haec autem mors Christi nobis applicatur per fidem, qua (c) cum credimus per suam mortem mundum redemisse. Galat. 11. 20. „In fide vivo Filii Dei, „qui dilexit me, & tradidit semetipsum „pro me. „Nam & apud homines satisfactio uni alteri non valeret, nisi eamratam haberet. Et sic patet quomodo sit iustitia per fidem Iesu Christi, ut supra dictum est. Sed quia etiam supra dixit, iustitiam Dei esse nunc manifestatam, agit consequenter de hac manifestatione, & primo tangit modum manifestationis, dicens, *Ad ostensionem*; quasi dicat: Hoc inquam, factum est, ut iustificaremur per redemptionem Christi, & per fidem sanguinis eius, *ad ostensionem iustitiae suae*, id est ad hoc quod suam iustitiam Deus ostenderet; & hoc propter remissionem praecedentium delictorum: in hoc enim quod praecedentia delicta Deus remisit, quae lex remittere non poterat, nec homines propria virtute

ab eis se praeverere poterant; ostendit quod necessaria est hominibus iustitia, qua iustificentur a Deo. Solum autem per sanguinem Christi potuerunt remitti peccata non solum praeterita, sed praeterita: quia virtus sanguinis Christi operatur per fidem hominibus; quam quidem fidem habuerunt illi qui praecesserant Christi passionem, sicut & nos habemus. II. Corinth. 11. 13. „Habentes eandem spiritum fidei credimus. „Unde & legitur aliter, ut dicatur: Propter remissionem delictorum, quae sunt hominum praecedentium Christi passionem. Unde dicitur Mich. ult. 19. „Deponet iniquitates nostras, & proiciet in profundum maris omnia peccata nostra. „Secundo ostendit tempus manifestationis eius, cum subdit: *In sustentatione Dei ad ostensionem iustitiae eius in hoc tempore*; quasi diceret: Praecedentia delicta errant ante Christi passionem in sustentatione Dei, quasi in quadam divina Dei sustentatione: quia nec pro eis credentes, & poenitentes damna, nec ab eis totaliter reddit absolutos, ut scilicet eis non obstantibus, possint introire in gloriam. Vel secundum aliam litteram potest intelligi, quod ipsi sancti patres erant in sustentatione Dei, quia detinebantur in limbo, non quidem patientes poenam sensibilem, sed expectantes introire in gloriam per Christi passionem. Ecclesi. 11. 3. „Sustine sustentationes Dei. „Ad hoc, inquam, praecedentia delicta, vel praecedentes patres erant in sustentatione Dei, ad ostensionem scilicet iustitiae eius in hoc tempore; id est, ut in hoc tempore gratiae suae iustitiam perfecte ostenderet, plenam remissionem peccatorum tribuendo. Psal. cx. 14. „Venit tempus miserendi eius: „& II. Corinth. vi. 2. „Ecce nunc tempus acceptabile, ecce nunc dies salutis. „Et hoc est quod supra dixerat nunc esse iustitiam Dei manifestatam. Oportuit autem ut praecedentia peccata usque ad hoc tempus essent in Dei sustentatione, ut primo convinceretur homo de defectu scientiae, quia tempore legis naturae in errores, & turpia peccata incidit; & etiam de defectu potentiae, quia post legem scriptam, quae fecit cognitionem peccati, adhuc homo per infirmitatem peccavit. Tertio ostendit quod per remissionem peccatorum Dei iustitia ostendatur; sive accipiatur Dei iustitia quae ipse est iustus, sive quae alios iustificat: unde subdit: *Ut sit ipse iustus*; idest, ut per remissionem peccatorum Deus appareat esse

sc

(a) *id.* ut quis. (b) *id.* idest quod Christus ponatur super arcam. (c) *id.* idest cum.

se iustus in seipso, tum quia remittit peccata, sicut promiserat, tum quia ad iustitiam Dei pertinet quod peccata destruat, su homines ad iustitiam Dei reducendo: Psal. x. 8. „ iustus Dominus, & iustitias dile-

xit: „ & etiam ut *si iustificans eum qui est ex fide Iesu Christi*, id est qui, per fidem Iesu Christi accedit ad Deum: „ Accedentem enim ad Deum oportet credere: „ Heb. xi. 6.

LECTIO IV.

Ubi est gloriatio tua? Exclusa est. Per quam legem? Factorum? Non, sed per legem fidei. Arbitramur enim iustificari hominem per fidem sine operibus legis. An Iudaeorum Deus tantum? Nonne & Gentium? Immo & Gentium. Quoniam quidem unus est Deus, qui iustificat circumcisionem ex fide, & praeputium per fidem. Legem ergo destruimus per fidem? Absit; sed legem statui-

Postquam Apostolus ostendit quod Iudaei non praecedunt Gentiles neque quantum ad statum culpae, neque quantum ad statum iustitiae; hic concludit conclusionem intentam, excludendo scilicet eorum (a) gloriam, qua Gentibus se praeferebant; & circa hoc tria facit. Primo proponit huius gloriae exclusionem; secundo exclusionis causam, ibi, *Per quam legem*; tertio ostendit modum quo excludit, ibi, *Arbitramur enim* etc. Circa primum duo facit. Primo proponit quaestionem, dicens: Ex quo communiter es sub peccato tu Iudaeus, sicut & Gentilis, & ex quo Gentilis iustificatur per fidem, sicut & tu, *ubi est gloriatio tua?* qua scilicet in lege gloriaris, ut supra 2. dictum est, & per hoc te Gentili vis praeferre. I. Corinth. v. 6. „ Non est bona gloriatio vestra. „ Gal. v. 26. „ Non efficiamur inanis gloriae cupidi, invicem provocantes, invicem invidentes. „ Secundo huic quaestioni respondet dicens, *Exclusa est*; id est, sublata est. I. Reg. iv. 21. „ Et ablata est gloria de Israel. Osee xiv. 7. „ Gloriam eorum in ignominiam commutabo. „ Vel *exclusa*, id est expresse manifestata est: gloriabantur enim Iudaei in gloria, & cultu unius Dei: & hanc eorum gloriam dicit exclusam, id est expressam per Christum; sicut artifices qui aliquam imaginem in argento expriment, excludores vocantur, secundum illud Psal. lxxi. 31. „ Ut „ excludant eos qui probati sunt argento. „ Sed primus sensus est magis literalis. Cum autem dicit, *Per quam legem*, ostendit causam huius exclusionis. Quia autem Iudaeorum gloriatio erat in lege, ut supra dictum est, ideo oportere videbatur quod per aliquem eiusdem generis, id est per aliquam le-

gem, eorum gloriatio excluderetur. Et ideo (b) interrogando quaerens subdit, *Per quam?* scilicet est eorum gloriatio exclusa. Posset autem aliquis credere quod eorum gloriationem exclusam Apostolus diceret per aliqua praecepta legalia, quibus quaedam maiora opera mandarentur; & ideo interrogando subdit, *Factorum?* quasi dicit: Numquid per aliquam legem factorum, eorum gloriationem exclusam dico? Et respondet quod non, sed per legem fidei. Et sic patet quod duplicem legem hic inducit Apostolus, scilicet factorum, & fidei. Et in promptu esse videtur quod per legem factorum intelligitur lex vetus, & per legem fidei, lex nova, per quam Gentilis aequiparatur Iudaeo.

Sed dubitatur de hac distinctione. Nam & in veteri lege necessaria erat fides, sicut & in nova. Ecclesi. xi. 8. „ Qui timebis Dominum, credite illi: „ & Psal. cxxxv. 1. „ Credidi, propter quod locutus sum. „ Immo etiam in nova lege facta quaedam requiruntur, & quorundam sacramentorum, secundum illud Luc. xxii. 19. „ Hoc facite in meam commemorationem: „ & etiam moralium observationum: Ier. i. 22. „ Estote factores verbi, & non auditores „ tantum. „

Dicendum est igitur, quod legem factorum dicit legem exterius propositam, & descriptam, per quam exteriora facta hominum ordinantur, dum praecipitur quid fieri debeat, & per prohibitionem ostenditur a quo debeat abstineri. Legem autem fidei vocat legem interius descriptam, per quam non solum exteriora facta, sed etiam ipsi motus cordium disponuntur, inter quos primus est motus fidei: corde enim creditur

(a) id est gloriationem. (b) vel. omittitur interrogando.

ad iustitiam, ut dicitur hic cap. x. Et de hac lege loquitur infra v. 11. 2. *Lex spiritus vicia quæ est in Christo Iesu.*

Deinde cum dicit, *Arbitramur enim*, ostendit modum quo per legem fidei gloria Iudæorum excluditur, dicens: *Arbitramur enim*, nos Apostoli veritatem a Christo edocui, hominum quemcumque, sive Iudæum, sive Gentilem, *iustificari per fidem*: Act. xv. 9. Fide purificans corda eorum: & hoc sine operibus legis: non autem solum sine operibus cærimonialibus, quæ gratiam non conferbant, sed solum significabant, sed etiam sine operibus moralium præceptorum, secundum illud ad Tit. 1. 15. Non ex operibus iustitiae, quæ fecimus nos &c. ita tamen (a) quod hoc intelligat sine operibus præcedentibus iustitiam, non autem sine operibus consequentibus: quia, ut dicitur Iac. 1. 26. fides sine operibus (scilicet subsequenteribus) mortua est, & ideo iustificare non potest.

Deinde cum dicit, *An Iudæorum* ? ostendit quoddam quod præsupposuerat, scilicet quod iustitia fidei communiter se haberet ad omnes. Et prius quidem hoc manifestaverat ratione accepta ex parte causæ materialis, cum supra dixerat: *Omnes peccaverunt, & egent gratia Dei*; id est, peccatores sunt, quos oportet per gratiam fidei iustificari. Sed probatio quæ est ex sola causâ materiali, non sufficit, quia materia non movetur per se ad formam sine causâ agente; & ideo hic subiungit rationem acceptam ex parte causæ agentis, id est iustificantis, qui est Deus. Infra v. 11. 33. *Deus qui iustificat*. Manifestum est autem quod Deus noster illos iustificando salvat quorum est Deus, secundum illud Psalm. lxxv. 23. Deus noster, Deus salvos faciendi. Non est autem Iudæorum tantum Deus, sed & Gentium: ergo utroque iustificat. Circa hoc ergo tria facit. Primo preponit quæstionem de Iudæis, cum dicit: *An Iudæorum tantum est Deus* ? quod quidem videri posset alicui (b) per hoc quod dicitur Exod. v. 3. Deus Hebræorum vocavit nos. Dicendum est ergo, quod Iudæorum Deus tantum erat perspicalem cultum ab eis Deo exhibitum: unde in Psalm. lxxv. 1. dicitur, Notus in

Iudæa Deus: "erat tamen Deus omnium per commune regimen universiorum, secundum illud Psalm. xlv. 8. Rex omnis terræ Deus." Secundo proponit quæstionem ex parte Gentilium, dicens: *Nonne & Gentium*, scilicet est Deus? & respondet, *Immo & Gentium*, quas scilicet gubernat, & regit, secundum illud Hier. x. 7. Quis non timebit te, o Rex Gentium? "non timebit te, o Rex Gentium?"

Tertio ibi, *Quoniam quidem*, manifeste per signum quod dixerat; quasi dicat: Ex hoc manifestum est quod Deus est non solum Iudæorum, sed & Gentium, quoniam quidem unus est Deus qui iustificat circumcissionem, id est Iudæos, ex fide: ut enim dicitur Galat. v. 6. in Christo Iesu neque circumcisio, neque præputium.

Quod autem dicit *Ex fide*, & *per fidem*, secundum Glossam est omnino idem: potest tamen aliqua differentia attendi. Nam hæc præpositio ex designat aliquando causam remotam, hæc præpositio per propinquam. Iudæi ergo iustificari dicuntur ex fide, quia fides fuit prima causa ex qua processit circumcisio, & cetera sacramenta legalia; & ita Iudæos iustificari fides, sicut quædam causa primaria per quasdam medias causas: sed Gentiles per ipsam fidem immediate iustificantur.

Deinde cum dicit, *Legem ergo*, excludit quoddam obiectionem: posset enim aliquis dicere, quod prædictam legem destrueret, & ideo quærit dicens: *Legem ergo destrinximus per fidem* ? ex hoc scilicet quod dicimus homines iustificari sine operibus legis. Et respondet, *Abstulit*, secundum illud Matth. v. Non præteribit iota unum, aut unus apex a lege. Subdit autem, *Sed legem statimus*, id est, per fidem legem perficimus, & adimplemus, secundum illud Matth. v. 17. Non veni solvere legem, sed adimplere; & hoc quantum ad præcepta cærimonialia, quæ cum essent figuralia, per hoc statuantur, & adimplentur quæ veritas significata per ea, in fide Christi exhibetur, & etiam quantum ad moralia, quia fides Christi auxilium gratiæ confert ad implenda moralia præcepta legis: addit etiam quædam consilia, per quæ præcepta moralia tutius, & firmius consecretantur.

(a) scilicet. quod intelligas. (b) scilicet. per quod.

CAPITIS QUARTI

LECTIO I.

Quid ergo dicemus invenisse Abraham patrem nostrum secundum carnem? Si enim Abraham ex operibus legis iustificatus est, habet gloriam, sed non apud Deum. Quid enim dicit Scriptura? Credidit Abraham Deo, & reputatum est illi ad iustitiam. Ei autem qui operatur, merces non imputatur secundum gratiam, sed secundum debitum. Ei vero qui non operatur, credenti autem in eum qui iustificat impium, reputatur fides eius ad iustitiam secundum propositum gratiae Dei; sicut & David dicit beatitudinem hominis cui Deus accepto fert iustitiam sine operibus: Reati quorum remissae sunt iniquitates, & quorum tecta sunt peccata. Beatus vir, cui non imputavit Dominus peccatum. Beatitudo ergo hæc in circumcissione tantum manet, an etiam in præputio? Dicimus enim quia reputata est fides Abraham ad iustitiam. Quomodo ergo reputata est? In circumcissione, an in præputio? Non in circumcissione, sed in præputio.

Postquam Apostolus exclusit Iudæorum gloriam quam habebant in lege, per eam se Gentibus præferentes, hic excludit eorum gloriam quantum ad circumcissionem; & circa hoc duo facit. Primo resumit questionem quam supra posuerat diceo: *Qua est utilitas circumcissionis?* Et quia Abraham primus mandatum de circumcissione accepit, ut dicitur Genes. xvii. ideo questionem iterat in persona ipsius Abraham, dicens: Si ita est quod Deus iustificat præputium sicut & circumcissionem; quid ergo dicemus invenisse utilitatis Abraham patrem nostrum secundum carnem? id est secundum circumcissionem carnalem, & secundum alias observantias carnales. Videtur esse incongruens si dicatur, quod nihil utilitatis invenerit, cum dicatur Esai. xlviii. 17. „Ego Dominus doceo te utilia.“ Secundo ibi, *Si enim Abraham &c.* respondet propositæ questioni, & duo facit. Primo ostendit quod Abraham non hoc invenerit per circumcissionem, & cetera legis opera, quod per eam iustificaretur, sed magis per fidem; secundo commendat fidem ipsius, ibi, *Qui contra spem &c.* Circa primum duo facit. Primo ostendit propositum ratione accepta ex parte divinæ acceptionis; secundo ratione divinæ promissionis, ibi, *Non enim per legem promissio Abraham.* Circa primum tria facit. Primo proponit quandam conditionalem; secundo probat destructionem consequentis, ibi, *Quid enim dicit Scriptura?* tertio probat ipsam conditionalem, ibi, *Sicut & David dicit.* Circa primum in-

tendit Apostolus sic argumentari. Si Abraham iustificatus esset ex operibus legis, non haberet gloriam apud Deum: ergo non ex operibus iustificatus est. Proponit ergo conditionalem dicens: Quæsitum est quid Abraham invenit secundum carnalem circumcissionem: & manifestum est quod hoc non invenit ut iustificatus sit ex operibus legis, ita scilicet quod eius iustitia in operibus legis consistat. *Habet quidem gloriam, scilicet apud homines, qui exteriora facta videat, sed non apud Deum, qui videt in occulto, secundum illud I. Reg. xvi. 7.* „Deus autem intuetur cor.“ I. Corinth. xii. 21. „Nemo vestrum gloriatur in hominibus.“ Unde contra quosdam dicitur Ioan. xii. 43. „Dilexerunt magis gloriam hominum quam Dei.“

Sed contra hoc potest obici, quia ex consuetudine operum exteriorum generatur interior habitus, secundum quem etiam cor hominis bene disponitur, ut sit promptum ad bene operandum, & in bonis operibus delectetur, sicut Philosophus docet in II. Ethic.

Sed dicendum est, quod hoc habet locum in iustitia humana, per quam scilicet homo ordinatur ad bonum humanum. Huius enim iustitiæ habitus per opera humana potest acquiri; sed iustitia quæ habet gloriam apud Deum, ordinatur (a) ad bonum divinum, scilicet futuræ gloriæ, quæ facultatem humanam excedit, secundum illud I. Corinth. xii. 9. „In cor hominis non ascendit, quæ preparavit Deus diligentibus

(a) *vel. ad bonum divinitatis.*

bus se. " Et ideo opera hominis non sunt proportionata ad huius iustitiæ habitum cauendum; sed oportet prius iustificari interius cor hominis a Deo, ut opera faciat proportionata divinæ gloriæ.

Deinde cum dicit, *Quid enim dicit Scriptura?* destruit consequens, quod fuit negatium, probando affirmationem oppositam, scilicet quod Abraham habebat gloriam apud Deum. Et hoc probat per auctoritatem Scripturæ: quam primo Apostolus ponit; secundo exponit, ibi, *Ei autem qui operatur.* Dicit ergo primo: Dico Abraham sic iustificatum esse quod habet gloriam apud Deum: quid enim Scriptura dicit? Genes. xv. 6. *Credidit Abraham Deo promittenti sibi seminis multiplicationem:* Eccli. 11. 6. *Crede Deo, & recuperabit te: & reputatum est illi,* scilicet a Deo, *ad iustitiam.* I. Michab. 11. 32. *Abraham in tentatione, non inuentus est fidelis.* " Et sic patet quod apud Deum, a quo est ei reputatum ad iustitiam, quod credidit, gloriam habet.

Est autem considerandum, quod iustitia, quam Deus reputat, scriptam expressit non in aliquo exteriori opere, sed in interiori fide cordis; quam loquitur Deus intuetur. Cum autem dicitur triplex esse actus fidei, scilicet credere Deum, Deo, & in Deum, posuit hunc actum, qui est credere Deo, qui est proprius actus fidei, eius speciem demonstrans. Nam credere in Deum, demonstrat ordinem fidei ad finem, (a) qui est per caritatem: nam credere in Deum est credendo in Deum ire, quod caritas facit; & sic sequitur speciem fidei. Credere autem Deum, demonstrat fidei materiam, secundum quod est virtus theologica, habens Deum pro obiecto; & ideo hic actus nondum attingit ad speciem fidei: quia si aliquis credat Deum esse per aliquas rationes humanas, & naturalia signa, nondum dicitur fidem habere de qua loquimur, sed solum quando ex hac ratione credit, quod est a Deo dictum; quod designatur per hoc quod dicitur credere Deo: & ex hoc fides specificatur, sicut & quilibet cognoscitivus habitus speciem habet ex ratione per quam assentitur in aliquid. Alia enim ratio inclinatur ad assentiendum habens habitum scientiæ, scilicet per demonstrationem, & alia ratione habens habitum opinionis, scilicet per syllogismum dialecticum.

Deinde cum dicit, *Ei autem qui operatur*

Gr. exponit prædictam auctoritatem quantum ad hoc quod dicit, *Reputatum est illi ad iustitiam.* Et tangitur in Glossa duplex horum verborum explicatio. Prima est secundum quod referuntur ad finalem incrementum; de qua primo ostenditur qualiter se habeat ad opera; secundo qualiter ad fidem, ibi, *Ei vero qui non operatur.* Dicit ergo primo, quod ei qui operatur, scilicet opera iustitiæ, merces, æternæ retributionis, de qua dicitur Esai. xl. 10. *Ecce merces eius cum eo,* " non reputatur secundum gratiam tantum, sed secundum debitum: secundum illud Matth. xx. 13. *Nonne ex decario convenisti mecum?* "

Sed contra est quod dicitur infra vii. 23. *Gratia Dei vita æterna:* & infra viii. 18. *Non sunt condigna passiones huius temporis ad futuram gloriam.* Sic igitur illa retributio non fit secundum debitum, sed secundum gratiam.

Sed dicendum est, quod opera humana possunt considerari dupliciter. Uno modo secundum substantiam operum; & sic non habent aliquid condignum eis merces æternæ gloriæ reddatur. Alio modo possunt considerari secundum suum principium, prout scilicet ex impulsu Dei aguntur, secundum propositum Dei prædestinantis; & secundum hoc eis debetur merces prædicta secundum debitum: quia, ut infra viii. 14. dicitur, *qui spiritum Dei accipiunt, hi sunt filii Dei;* " autem filii, & heredes.

Deinde cum dicit, *Ei vero qui non operatur*, ostendit qualiter se habeat merces æterna ad fidem, dicens: *Ei vero qui non operatur*, scilicet exteriora opera, puta quia non habet tempus operandi, sicut patet in baptizato statim mortuo, *credenti in eum qui iustificat impium*, scilicet in Deum, de quo dicitur Ius. viii. 33. *Deus qui iustificat,* " reputabitur fides eius, scilicet sola sine operibus exterioribus, *ad iustitiam;* id est, ut per eam iustus dicatur, & iustitiæ præmium accipiat, sicut si opera iustitiæ fecisset, secundum illud infra x. 10. *Cor,* " de creditur ad iustitiam; " & hoc secundum propositum gratia Dei, id est secundum quod Deus proponit ex gratia sua homines salvare. Infra viii. 28. *His qui secundum propositum vocati sunt sancti.* Ephes. 1. 11. *Qui operatur omnia secundum consilium voluntatis suæ.* "

Alia explicatio est ut hoc referatur ad hominis iustificationem. Dicit ergo: *Ei autem qui operatur;* id est, si aliquis per ope-

H 2 ra

(a) *Id.* qui est per caritatem credendo in Deum ire &c. intermediis omissis.

ra iustificetur, ipsa iustitia imputa retur, quasi merces, non secundum gratiam, sed secundum debitum. Infra xi. 6. „ Si autem „ gratia, iam non ex operibus; alioquin gratia iam non est gratia. „ Si vero qui non operatur, ut scilicet per sua opera iustificetur, credenti autem in eum qui iustificat impium, computabitur hæc eius fides ad iustitiam, secundum propositum gratia Dei: non quidem ita quod per fidem iustitiam mereatur, sed quia ipsum credere est primus actus iustitiæ, quam Deus in eo operatur. Ex eo enim quod credit in Deum iustificantem, iustificationi eius subiicit se, & sic recipit eius effectum. Et hæc expositio est literalis, & secundum intentionem Apostoli, qui facit vim in hoc quod in Genes. xv. 6. dictum est: „ Reputatum est illi ad „ iustitiam; „ quod continebat dici quando id quod minus est ex parte aliquius, reputatur ei gratis, ac si totum fecisset. Et ideo Apostolus dicit, quod hæc reputatio locum non haberet, si iustitia esset ex operibus; sed solum habet locum, secundum quod est ex fide.

Deinde cum dicit, *Sicut & David dicit &c.* probat conditionalem præmissa ex auctoritate Psalmi: cuius primo præmittit sensum; secundo ponit verba eius, ibi, *Beati quorum &c.* tertio excludit falsum intellectum, ibi, *Beatitudo &c.* Dicit ergo: *Sicut & David dicit*, idest asserit, beatitudinem hominis esse, illius scilicet cui Deus fert, idest dat, iustitiam acceptam, id est gratis, sine operibus præcedentibus. Ad Titum ii. 5. „ Non enim ex operibus iustitiæ, quæ „ fecimus nos. „ Beatitudo autem hominis est a Deo, secundum illud Psal. xxxix. 5. „ Beatus vir cuius est Dominus Deus „ (a) spes eius. „ Sic igitur manifestum est illum habere gloriam apud Deum qui non ex operibus legis iustificatur, ut dictum est. Deinde cum dicit, *Beati quorum remissa sunt iniquitates*, ponit verba David prædictam sententiam continentia, & dicit eos esse beatos quorum remittuntur peccata. Et sic patet quod non habuerunt prius bona opera ex quibus iustitiam, seu beatitudinem consequerentur. Est autem triplex peccatum, scilicet originale, actuale mortale, & actuale veniale. Primo ergo quantum ad originale dicit: *Beati quorum remissa sunt iniquitates*. Ubi considerandum est, quod peccatum originale iniquitas dicitur, quia est carentia originalis

iustitiæ, per quam secundum æquitatem ratio hominis subiciebatur Deo, inferiores vires rationi, & corpus animæ. Sed per peccatum originale hæc æquitas tollitur: quia postquam rationi deficit efficacia Deo, inferiores vires rationi rebellant, & corpus ab obedientia animæ subducitur per corruptionem, & mortem. Unde in Psal. l. 7. „ Ecce enim in iniquitatibus concepitus sum. „ Utrobique autem peccatum originale pluraliter significatur: vel propter plures homines, in quibus multiplicatur originale peccatum; vel potius quia virtute continet in se quodammodo omnia peccata. Huiusmodi autem peccatum originale remitti dicitur, quia transit reatu superveniente gratia, sed remanet actu remanente fomite, sive concupiscentia, quæ non tollitur totaliter in hac vita, sed remittitur, sive mitigatur. Secundo quantum ad actuale mortale dicit: *Et quorum testa sunt peccata*. Dicuntur autem peccata regi divini conspectui, inquantum (b) non inspicit ea ad puniendum. Psal. lxxxiv. 3. „ Operibus, nulli omnia peccata eorum. „ Tertio quantum ad veniale dicit: *Beatus vir cui non imputavit Dominus peccatum*: ut scilicet per peccatum intelligantur peccata venialia, quæ licet levia sint, tamen per multa homo separatur, (c) & elongatur a Deo. Il. Paral. xxx. 17. „ Dominus bonus propter peccata cunctis qui in toto corde requirunt illum, & non imputabit illis „ quod minus sancti sunt. „

Possumus autem & hæc tria aliter distinguere. Sunt enim in peccato tria: quorum unum est offensam Dei; & quantum ad hoc dicit: *Beati quorum remissa sunt iniquitates*: secundum quod homo dicitur remittere offensam sibi factam. Esai. xl. 2. „ Dimissa est „ iniquitas illius. „ Aliud autem est ipse actus inordinatus culpæ, qui non potest non fuisse factus ex quo semel perpetratus est; sed tegitur manu misericordię divinæ, ut quasi pro non facto habeatur. Tertium vero est reatus poenæ, & quantum ad hoc dicit: *Beatus vir cui non imputavit Dominus peccatum*, scilicet ad poenam.

Deinde cum dicit, *Beatitudo ergo hæc &c.* excludit falsum intellectum auctoritatis prædictæ. Posset enim Iudæus sic intelligere quod prædicta gratia remissionis peccatorum non fieret nisi circumcisis. Ad hoc ergo excludendum, primo Apostolus quaestionem movet dicens: *Beatitudo hæc, quæ sci-*

licet

(a) -d. desideratur spes. (b) -d. non inspicit ad ea puni. da. (c) -d. emittit r. & elongat.

Ticet Deus dat iustitiam sine operibus, *ma-*
net tantum in circumcissione, id est habet lo-
cum solum in circumcisis, *an etiam in*
præputio, id est in Gentibus? Manifestum
est quod in utrisque, secundum illud quod
dicitur infra 2. 12. *Idem Dominus, dives in*
omnes qui invocant illum. Secundo ibi, *Di-*
cimus enim, ad hoc ostendendum assumit
auctoritatem Scripturæ; quasi dicat: Hoc
ideo quæro: *dicens enim, quod reputatur*
fides Abraham ad iustitiam: Gen. xv. Tertio
ex hac auctoritate concludit solutionem præ-
missæ questionis, sub interrogatione tamen,
dicens: *Quomodo ergo reputata est?* scilicet

fides Abraham ad iustitiam: *in circumcissione*,
id est quando erat circumcisis, *an in præ-*
putio, id est quando erat incircumcisis?
Et respondet: *Non in circumcissione, sed in*
præputio. Et hoc manifestum est ex serie
narrationis Scripturæ: nam Gen. xv. legi-
tur quod fides reputata est Abraham ad iu-
stitiam; circumcissionem autem accepisse legi-
tur Gen. xvii. Si igitur Abraham adhuc
incircumcisis existens, iustificatus est per
fidem, manifestum est quod iustitia fidei
per quam gratis remittantur peccata, non
est solum in circumcissione, sed etiam in
præputio, id est in gentilitate.

LECTIO II.

ET signum accepit circumcissionis, signaculum iustitiæ fidei, quæ est in præpu-
tio, ut sit pater omnium credentium per præputium, ut reputetur & illis ad
iustitiam; & sit pater circumcissionis, non his tantum qui sunt ex circumcissione,
sed & his qui sectantur vestigia fidei, quæ est in præputio patris nostri Abraham.
Non enim per legem promissio Abraham, aut semini eius, ut heres esset mundi,
sed per iustitiam fidei. Si enim qui ex lege, heredes sunt, exinanita est fides,
abolita est promissio. Lex enim iram operatur: ubi enim non est lex, non est prævaricatio.

Ostenso quod beatitudo remissionis pec-
catorum non solum est in circumcissione, sed etiam in præputio, exemplo Abraham, qui tempore præputii est iustificatus; hic respondet cuidam obiectioni: posset enim aliquis dicere: Si Abraham iustificatus est ante circumcissionem, ergo sine causa, & frustra circumcisis est. Ad hanc ergo obiectionem excludendam, primo proponit quod circumcisio non erat causa iustitiæ, sed signum; secundo ostendit quid ex hoc signo consequatur, ibi, *Ubi sit pater omnium credentium*; tertio ostendit modum quo consequatur, *Non his tantum &c.* Circa primum duo facit. Primo proponit circumcissionem esse signum. Genes. xvii. 12. *„Circumcidetis carnem præputii vestri, ut sit in signum foederis inter me & vos.“* Secundo ostendit cuius rei sit signum, dicens, quod sit *signaculum iustitiæ fidei*, id est quæ est per fidem; quæ quidem fides est in præputio, id est quam Abraham habuit adhuc incircumcisis existens.

Dicitur autem signaculum dupliciter. Uno modo quasi expressum signum, habens similitudinem rei signatæ, secundum illud Ezech. xxviii. 22. *„Tu signaculum similitudinis, plenus sapientia, & perfectus decore.“* Habet autem circumcisio expressam similitudinem cum fide Abraham: primo quidem quantum ad rem creditam;

credidit enim multiplicationem sui seminis, & ideo congruenter accepit signum in membro generationis: secundo quantum ad effectum huius fidei, qui est remotio culpæ, quæ signatur per remotionem superfluitatis pelliculæ. Alio modo signaculum dicitur signum aliquid occultans, quod revelandum est amicis, sicut patet de sigillo; & secundum hoc dicitur Apoc. v. 9. *„Dignus est agnus qui occisos est, accipere librum.“* & aperire signacula eius. *„Glaudebatur ergo sub signaculo circumcissionis, secretum incarnationis Christi ex semine Abraham.“*

Consequenter ostendit quid consequatur ex dictis. Consequatur enim ex hoc quod Abraham in præputio iustificatus per fidem, postea circumcissionem accepit, ut sit pater non solum circumcisorum, sed etiam credentium in præputio; & hoc est quod dicit, *Ubi sit pater*; id est, ex prædictis consequitur quod Abraham sit pater omnium credentium per præputium, id est qui sunt in statu præputii. Vel Abraham sit pater per præputium, id est per id quod habuit in præputio, ut reputetur & illis ad iustitiam, hoc scilicet quod credunt, sicut reputatum est Abraham: & de hac paternitate dicitur Matth. iiii. 9. *„Potens est Deus de lapidibus istis suscitare filios Abraham:“* & sit pater circumcissionis, id est circumcisorum, qui ex eo originem ducunt: unde Ioan.

VIII. 9. „Pater noster Abraham est.“

Deinde ostendit per quem modum sic pater etiam incircumcisorum, quia per imitationem; & hoc est quod dicit: *Ux sit, inquam, pater non his tantum qui sunt in circumcissione*, id est qui sunt circumcisi, *sed etiam his qui sectantur vestigia fidei patris nostri Abrahæ, quæ est in præputio*, id est etiam Abraham habuit adhuc incircumcissus. Ioan. VIII. 39. „Si filii Abrahæ estis, opera eius facite.“

Et quia hic de circumcissione fit mentio, oportet circa ipsam tria considerare, scilicet quare sit instituta, quam vim habuit, & quare sit mutata.

Circa primum considerandum, quod circumcisio, sicut & aliæ legis cærimoniz, est propter duo instituta. Primum quidem propter cultum divinum, ad quem homines secundum huiusmodi cærimonialia disponebantur; & secundum hoc circumcisio habet triplicem institutionis causam; quarum prima est ad significandum fidem, & obedientiam quæ Abraham fide Deo subiecit, ut scilicet illi qui circumcissionem acciperent Abraham, traditam fidem, & obedientiam ipsius observarent. Dicitur enim Hebr. x. (a) „Fide Abraham circumcissus est.“ Et ideo facta est circumcisio in membro generationis, ad significandum fidem ipsius circa prolem futuram, ut dictum est. Secunda est ad exprimentum in signo corporali id quod spiritualiter erat faciendum; ut scilicet sicut a membro generationis, quod principaliter concupiscentiæ deservit, abscindebatur superflua pellicula; ita etiam a corde hominis omnis superflua concupiscentia tolleretur, secundum illud Hierem. xv. 4. „Circumcidimini Domino, & auferite (b) præputia cordium vestrorum.“ Tertia est, ut per hoc signum populus ille Deum colens ab omnibus aliis populis distingueretur. Et inde est quod Iosue v. mandavit Dominus circumcidi filios Israel, qui inter alias nationes erant habitaturi, qui prius in deserto solitarii manentes, circumcisi non erant. Alia autem ratio circumcissionis, & omnium cærimonialium accipitur per comparisonem ad Christum, ad quem comparatur sicut figura ad veritatem, (c) & umbra ad corpus, secundum illud Col. II. 17. „Quæ sunt umbra futurorum, corpus autem Christi.“ Sic igitur per circumcissionem corporalem significatur circum-

cisio spiritualis fienda per Christum: primo quidem in anima, in quantum per ipsum peccatorum reatus, & concupiscentiæ præcendantur: Colos. II. 2. „In quo (scilicet, cet Christo) circumcisi estis circumcissione non manu facta in expolatione corporis carnis, sed in circumcissione Domini nostri Iesu Christi: secundo vero quantum ad corpus, quando scilicet etiam in resurrectione ab electorum corporibus omnis passibilitas, & mortalitas auferetur; & ideo circumcisio fiebat octavo die, (d) qui significat octavam ætatem resurgentium: nam septima est quiescentium in Christo. Sex autem ætates sunt quibus sæculum currit. Unde & circumcisio facta legitur cultellis petrinis, Iosue v. & Exod. xv. ad significandum quod spiritualis circumcisio fienda erat per petram, qui est Christus, ut dicitur I. Corinth. x. Non tamen hoc generaliter observabatur, quod necesse esset circumcissionem fieri cum petra.

Circa secundum vero est sciendum, quod, sicut hic Glossa dicit, & est Bedæ, idem salutare curationis auxilium circumcisio in lege contra originalis peccati vulnus præbebat quod baptismus ægere tempore revelatæ gratiæ consuevit. Ex quo patet quod virtus circumcissionis se extendebat ad deletionem originalis peccati. Quidam tamen dicunt, quod gratia in circumcissione non conferebatur: non enim potest esse Dei gratia sine iustitia. Argumentatur autem Apostolus Galat. II. 21. „Si iustitia est per legem, ergo Christus gratis mortuus est, id est sine causa. Eteodem modo arguere oportet possumus. Si ex circumcissione est gratia iustificans, Christus gratis mortuus est. Sed hoc non potest esse: nam remissio peccati numquam fit sine gratia. Infra v. 1. *Iustificanti igitur gratia ipsius, pacem habemus ad Deum.* Et ideo alii dicunt, quod in circumcissione dabatur gratia quantum ad effectus privativos, scilicet remotionis culpæ, non autem quantum ad effectus positivos, puta operationem iustitiæ. Sed hoc etiam conveniens non videtur: effectus enim positivi alicuius formæ, ordine naturæ præcedunt effectus privativos: non enim lumen pellit tenebras nisi per hoc quod illuminat. Et ita gratia per hoc culpam pellit quod iustificat. Remoto autem priori, removetur posterius. Er ideo melius dicendum est, quod circumcisio ex iplo opere operato non

(a) Nihil tale ibi, sed tantum vers. 9. „Fide qui vocatur Abraham obediit in locum exire quem accepimus etiam in hereditatem.“ Item vers. 9. „Fide circumcissus est in terra promissionis.“ (b) scilicet. (c) scilicet. (d) scilicet. (e) scilicet. (f) scilicet. (g) scilicet. (h) scilicet. (i) scilicet. (j) scilicet. (k) scilicet. (l) scilicet. (m) scilicet. (n) scilicet. (o) scilicet. (p) scilicet. (q) scilicet. (r) scilicet. (s) scilicet. (t) scilicet. (u) scilicet. (v) scilicet. (w) scilicet. (x) scilicet. (y) scilicet. (z) scilicet. (aa) scilicet. (ab) scilicet. (ac) scilicet. (ad) scilicet. (ae) scilicet. (af) scilicet. (ag) scilicet. (ah) scilicet. (ai) scilicet. (aj) scilicet. (ak) scilicet. (al) scilicet. (am) scilicet. (an) scilicet. (ao) scilicet. (ap) scilicet. (aq) scilicet. (ar) scilicet. (as) scilicet. (at) scilicet. (au) scilicet. (av) scilicet. (aw) scilicet. (ax) scilicet. (ay) scilicet. (az) scilicet. (ba) scilicet. (bb) scilicet. (bc) scilicet. (bd) scilicet. (be) scilicet. (bf) scilicet. (bg) scilicet. (bh) scilicet. (bi) scilicet. (bj) scilicet. (bk) scilicet. (bl) scilicet. (bm) scilicet. (bn) scilicet. (bo) scilicet. (bp) scilicet. (bq) scilicet. (br) scilicet. (bs) scilicet. (bt) scilicet. (bu) scilicet. (bv) scilicet. (bw) scilicet. (bx) scilicet. (by) scilicet. (bz) scilicet. (ca) scilicet. (cb) scilicet. (cc) scilicet. (cd) scilicet. (ce) scilicet. (cf) scilicet. (cg) scilicet. (ch) scilicet. (ci) scilicet. (cj) scilicet. (ck) scilicet. (cl) scilicet. (cm) scilicet. (cn) scilicet. (co) scilicet. (cp) scilicet. (cq) scilicet. (cr) scilicet. (cs) scilicet. (ct) scilicet. (cu) scilicet. (cv) scilicet. (cw) scilicet. (cx) scilicet. (cy) scilicet. (cz) scilicet. (da) scilicet. (db) scilicet. (dc) scilicet. (dd) scilicet. (de) scilicet. (df) scilicet. (dg) scilicet. (dh) scilicet. (di) scilicet. (dj) scilicet. (dk) scilicet. (dl) scilicet. (dm) scilicet. (dn) scilicet. (do) scilicet. (dp) scilicet. (dq) scilicet. (dr) scilicet. (ds) scilicet. (dt) scilicet. (du) scilicet. (dv) scilicet. (dw) scilicet. (dx) scilicet. (dy) scilicet. (dz) scilicet. (ea) scilicet. (eb) scilicet. (ec) scilicet. (ed) scilicet. (ee) scilicet. (ef) scilicet. (eg) scilicet. (eh) scilicet. (ei) scilicet. (ej) scilicet. (ek) scilicet. (el) scilicet. (em) scilicet. (en) scilicet. (eo) scilicet. (ep) scilicet. (eq) scilicet. (er) scilicet. (es) scilicet. (et) scilicet. (eu) scilicet. (ev) scilicet. (ew) scilicet. (ex) scilicet. (ey) scilicet. (ez) scilicet. (fa) scilicet. (fb) scilicet. (fc) scilicet. (fd) scilicet. (fe) scilicet. (ff) scilicet. (fg) scilicet. (fh) scilicet. (fi) scilicet. (fj) scilicet. (fk) scilicet. (fl) scilicet. (fm) scilicet. (fn) scilicet. (fo) scilicet. (fp) scilicet. (fq) scilicet. (fr) scilicet. (fs) scilicet. (ft) scilicet. (fu) scilicet. (fv) scilicet. (fw) scilicet. (fx) scilicet. (fy) scilicet. (fz) scilicet. (ga) scilicet. (gb) scilicet. (gc) scilicet. (gd) scilicet. (ge) scilicet. (gf) scilicet. (gg) scilicet. (gh) scilicet. (gi) scilicet. (gj) scilicet. (gk) scilicet. (gl) scilicet. (gm) scilicet. (gn) scilicet. (go) scilicet. (gp) scilicet. (gq) scilicet. (gr) scilicet. (gs) scilicet. (gt) scilicet. (gu) scilicet. (gv) scilicet. (gw) scilicet. (gx) scilicet. (gy) scilicet. (gz) scilicet. (ha) scilicet. (hb) scilicet. (hc) scilicet. (hd) scilicet. (he) scilicet. (hf) scilicet. (hg) scilicet. (hh) scilicet. (hi) scilicet. (hj) scilicet. (hk) scilicet. (hl) scilicet. (hm) scilicet. (hn) scilicet. (ho) scilicet. (hp) scilicet. (hq) scilicet. (hr) scilicet. (hs) scilicet. (ht) scilicet. (hu) scilicet. (hv) scilicet. (hw) scilicet. (hx) scilicet. (hy) scilicet. (hz) scilicet. (ia) scilicet. (ib) scilicet. (ic) scilicet. (id) scilicet. (ie) scilicet. (if) scilicet. (ig) scilicet. (ih) scilicet. (ii) scilicet. (ij) scilicet. (ik) scilicet. (il) scilicet. (im) scilicet. (in) scilicet. (io) scilicet. (ip) scilicet. (iq) scilicet. (ir) scilicet. (is) scilicet. (it) scilicet. (iu) scilicet. (iv) scilicet. (iw) scilicet. (ix) scilicet. (iy) scilicet. (iz) scilicet. (ja) scilicet. (jb) scilicet. (jc) scilicet. (jd) scilicet. (je) scilicet. (jf) scilicet. (jg) scilicet. (jh) scilicet. (ji) scilicet. (jj) scilicet. (jk) scilicet. (jl) scilicet. (jm) scilicet. (jn) scilicet. (jo) scilicet. (jp) scilicet. (jq) scilicet. (jr) scilicet. (js) scilicet. (jt) scilicet. (ju) scilicet. (jv) scilicet. (jw) scilicet. (jx) scilicet. (jy) scilicet. (jz) scilicet. (ka) scilicet. (kb) scilicet. (kc) scilicet. (kd) scilicet. (ke) scilicet. (kf) scilicet. (kg) scilicet. (kh) scilicet. (ki) scilicet. (kj) scilicet. (kk) scilicet. (kl) scilicet. (km) scilicet. (kn) scilicet. (ko) scilicet. (kp) scilicet. (kq) scilicet. (kr) scilicet. (ks) scilicet. (kt) scilicet. (ku) scilicet. (kv) scilicet. (kw) scilicet. (kx) scilicet. (ky) scilicet. (kz) scilicet. (la) scilicet. (lb) scilicet. (lc) scilicet. (ld) scilicet. (le) scilicet. (lf) scilicet. (lg) scilicet. (lh) scilicet. (li) scilicet. (lj) scilicet. (lk) scilicet. (ll) scilicet. (lm) scilicet. (ln) scilicet. (lo) scilicet. (lp) scilicet. (lq) scilicet. (lr) scilicet. (ls) scilicet. (lt) scilicet. (lu) scilicet. (lv) scilicet. (lw) scilicet. (lx) scilicet. (ly) scilicet. (lz) scilicet. (ma) scilicet. (mb) scilicet. (mc) scilicet. (md) scilicet. (me) scilicet. (mf) scilicet. (mg) scilicet. (mh) scilicet. (mi) scilicet. (mj) scilicet. (mk) scilicet. (ml) scilicet. (mm) scilicet. (mn) scilicet. (mo) scilicet. (mp) scilicet. (mq) scilicet. (mr) scilicet. (ms) scilicet. (mt) scilicet. (mu) scilicet. (mv) scilicet. (mw) scilicet. (mx) scilicet. (my) scilicet. (mz) scilicet. (na) scilicet. (nb) scilicet. (nc) scilicet. (nd) scilicet. (ne) scilicet. (nf) scilicet. (ng) scilicet. (nh) scilicet. (ni) scilicet. (nj) scilicet. (nk) scilicet. (nl) scilicet. (nm) scilicet. (nn) scilicet. (no) scilicet. (np) scilicet. (nq) scilicet. (nr) scilicet. (ns) scilicet. (nt) scilicet. (nu) scilicet. (nv) scilicet. (nw) scilicet. (nx) scilicet. (ny) scilicet. (nz) scilicet. (oa) scilicet. (ob) scilicet. (oc) scilicet. (od) scilicet. (oe) scilicet. (of) scilicet. (og) scilicet. (oh) scilicet. (oi) scilicet. (oj) scilicet. (ok) scilicet. (ol) scilicet. (om) scilicet. (on) scilicet. (oo) scilicet. (op) scilicet. (oq) scilicet. (or) scilicet. (os) scilicet. (ot) scilicet. (ou) scilicet. (ov) scilicet. (ow) scilicet. (ox) scilicet. (oy) scilicet. (oz) scilicet. (pa) scilicet. (pb) scilicet. (pc) scilicet. (pd) scilicet. (pe) scilicet. (pf) scilicet. (pg) scilicet. (ph) scilicet. (pi) scilicet. (pj) scilicet. (pk) scilicet. (pl) scilicet. (pm) scilicet. (pn) scilicet. (po) scilicet. (pp) scilicet. (pq) scilicet. (pr) scilicet. (ps) scilicet. (pt) scilicet. (pu) scilicet. (pv) scilicet. (pw) scilicet. (px) scilicet. (py) scilicet. (pz) scilicet. (qa) scilicet. (qb) scilicet. (qc) scilicet. (qd) scilicet. (qe) scilicet. (qf) scilicet. (qg) scilicet. (qh) scilicet. (qi) scilicet. (qj) scilicet. (qk) scilicet. (ql) scilicet. (qm) scilicet. (qn) scilicet. (qo) scilicet. (qp) scilicet. (qq) scilicet. (qr) scilicet. (qs) scilicet. (qt) scilicet. (qu) scilicet. (qv) scilicet. (qw) scilicet. (qx) scilicet. (qy) scilicet. (qz) scilicet. (ra) scilicet. (rb) scilicet. (rc) scilicet. (rd) scilicet. (re) scilicet. (rf) scilicet. (rg) scilicet. (rh) scilicet. (ri) scilicet. (rj) scilicet. (rk) scilicet. (rl) scilicet. (rm) scilicet. (rn) scilicet. (ro) scilicet. (rp) scilicet. (rq) scilicet. (rr) scilicet. (rs) scilicet. (rt) scilicet. (ru) scilicet. (rv) scilicet. (rw) scilicet. (rx) scilicet. (ry) scilicet. (rz) scilicet. (sa) scilicet. (sb) scilicet. (sc) scilicet. (sd) scilicet. (se) scilicet. (sf) scilicet. (sg) scilicet. (sh) scilicet. (si) scilicet. (sj) scilicet. (sk) scilicet. (sl) scilicet. (sm) scilicet. (sn) scilicet. (so) scilicet. (sp) scilicet. (sq) scilicet. (sr) scilicet. (ss) scilicet. (st) scilicet. (su) scilicet. (sv) scilicet. (sw) scilicet. (sx) scilicet. (sy) scilicet. (sz) scilicet. (ta) scilicet. (tb) scilicet. (tc) scilicet. (td) scilicet. (te) scilicet. (tf) scilicet. (tg) scilicet. (th) scilicet. (ti) scilicet. (tj) scilicet. (tk) scilicet. (tl) scilicet. (tm) scilicet. (tn) scilicet. (to) scilicet. (tp) scilicet. (tq) scilicet. (tr) scilicet. (ts) scilicet. (tt) scilicet. (tu) scilicet. (tv) scilicet. (tw) scilicet. (tx) scilicet. (ty) scilicet. (tz) scilicet. (ua) scilicet. (ub) scilicet. (uc) scilicet. (ud) scilicet. (ue) scilicet. (uf) scilicet. (ug) scilicet. (uh) scilicet. (ui) scilicet. (uj) scilicet. (uk) scilicet. (ul) scilicet. (um) scilicet. (un) scilicet. (uo) scilicet. (up) scilicet. (uq) scilicet. (ur) scilicet. (us) scilicet. (ut) scilicet. (uu) scilicet. (uv) scilicet. (uw) scilicet. (ux) scilicet. (uy) scilicet. (uz) scilicet. (va) scilicet. (vb) scilicet. (vc) scilicet. (vd) scilicet. (ve) scilicet. (vf) scilicet. (vg) scilicet. (vh) scilicet. (vi) scilicet. (vj) scilicet. (vk) scilicet. (vl) scilicet. (vm) scilicet. (vn) scilicet. (vo) scilicet. (vp) scilicet. (vq) scilicet. (vr) scilicet. (vs) scilicet. (vt) scilicet. (vu) scilicet. (vv) scilicet. (vw) scilicet. (vx) scilicet. (vy) scilicet. (vz) scilicet. (wa) scilicet. (wb) scilicet. (wc) scilicet. (wd) scilicet. (we) scilicet. (wf) scilicet. (wg) scilicet. (wh) scilicet. (wi) scilicet. (wj) scilicet. (wk) scilicet. (wl) scilicet. (wm) scilicet. (wn) scilicet. (wo) scilicet. (wp) scilicet. (wq) scilicet. (wr) scilicet. (ws) scilicet. (wt) scilicet. (wu) scilicet. (wv) scilicet. (ww) scilicet. (wx) scilicet. (wy) scilicet. (wz) scilicet. (xa) scilicet. (xb) scilicet. (xc) scilicet. (xd) scilicet. (xe) scilicet. (xf) scilicet. (xg) scilicet. (xh) scilicet. (xi) scilicet. (xj) scilicet. (xk) scilicet. (xl) scilicet. (xm) scilicet. (xn) scilicet. (xo) scilicet. (xp) scilicet. (xq) scilicet. (xr) scilicet. (xs) scilicet. (xt) scilicet. (xu) scilicet. (xv) scilicet. (xw) scilicet. (xx) scilicet. (xy) scilicet. (xz) scilicet. (ya) scilicet. (yb) scilicet. (yc) scilicet. (yd) scilicet. (ye) scilicet. (yf) scilicet. (yg) scilicet. (yh) scilicet. (yi) scilicet. (yj) scilicet. (yk) scilicet. (yl) scilicet. (ym) scilicet. (yn) scilicet. (yo) scilicet. (yp) scilicet. (yq) scilicet. (yr) scilicet. (ys) scilicet. (yt) scilicet. (yu) scilicet. (yv) scilicet. (yw) scilicet. (yx) scilicet. (yy) scilicet. (yz) scilicet. (za) scilicet. (zb) scilicet. (zc) scilicet. (zd) scilicet. (ze) scilicet. (zf) scilicet. (zg) scilicet. (zh) scilicet. (zi) scilicet. (zj) scilicet. (zk) scilicet. (zl) scilicet. (zm) scilicet. (zn) scilicet. (zo) scilicet. (zp) scilicet. (zq) scilicet. (zr) scilicet. (zs) scilicet. (zt) scilicet. (zu) scilicet. (zv) scilicet. (zw) scilicet. (zx) scilicet. (zy) scilicet. (zz) scilicet.

habebat virtutem effectivam neque quantum ad remotionem culpæ, neque quantum ad operationem iustitiæ; sed erat solum iustitiæ signum, ut hic Apostolus dicit: sed per fidem Christi, cuius circumcisio signum erat, auferebatur peccatum originale, & conferebatur auxilium gratiæ ad recte agendum.

Circa tertium vero manifestum est iam ex dictis quare oportuit circumcisionem mutari. Nam circumcisio erat signum futuri. Non autem idem signum convenit præsentis, sive præteriti, & futuro; & ideo baptisimus est signum præsentis gratiæ, qui copiosior, & utilior effectum habet gratiæ: quia quanto agens est propinquius & præsentius, tanto efficacius operatur.

Deinde cum dicit, *Non enim per legem promissio Abrahamæ*, ostendit propositum, scilicet quod circumcisio, sive quodcumque opus legis, non iustificet ex divina promissione: & circa hoc duo facit. Primo proponit quod intendit; secundo probat propositum; ibi, *Si enim qui ex lege, heredes sunt &c.* Supponit ergo Apostolus primo ex auctoritate Genesis promissionem factam Abrahamæ, & semini eius, *ut heres esset mundi*; id est, ut omnes gentes mundi in ipso benedicerentur, secundum illud Genes. xxi. 3. „In te benedictur universæ cognationes terræ.“ Dicit autem, *Ac semini eius*, quia huiusmodi promissio etsi in ipso non est completa, complenda tamen erat in semine eius: dicitur enim Genes. xxii. 18. „Benedicentur in semine tuo omnes gentes terræ.“ Hoc autem semen principaliter intelligitur Christus, secundum illud Galat. iii. 16. „Abrahamæ dictæ sunt promissiones, & semini eius.“ (a) Non dicit, In seminibus, quasi in multis; sed, In semine, quasi in uno: „quia scilicet in uno, in quo completur, ostenditur ut sit heres mundi, secundum illud Psalm. xi. 8. „Postula a me, & dabo tibi gentes, hereditatem tuam.“ Secundario autem completur in illis qui per gratiam Christi sunt spiritualiter semen Abrahamæ. Infra xx. 2. *Qui filii sunt promissionis æstimantur in semine*: qui etiam per Christum sunt heredes mundi, in quantum omnia in gloriam electorum cedunt. I. Cor. xii. 22. „Omnia vestra sunt.“ Circa hanc promissionem unum negat, & unum asserit. Negat huiusmodi promissionem esse factam per le-

gem: quod quidem non dicitur propter ipsam promissionem, quia tempore promissionis lex data non erat: sed propter promissionis impletionem, ut sit sensus, quod talis promissio facta erat Abrahamæ, non quasi implenda per legem: quia, ut dicitur Hebr. xii. 19. „nihil ad periculum adduxit lex.“ Aliud autem asserit, quod scilicet huiusmodi promissio sit implenda per iustitiam fidei: quia „iusti per fidem vicerunt re.“ gal. „Hebr. xi. 33. Deinde cum dicit, *Si enim qui ex lege, heredes sunt &c.*, ostendit propositum: & primo quantum ad hoc quod promissio non sit implenda per legem; secundo quantum ad hoc quod sit implenda per iustitiam fidei, ibi, *Idcirco fide &c.* Circa primum ponit talem rationem. Si promissio facta Abrahamæ esset implenda per legem, fides Abrahamæ credentis promissioni esset inanis, quia promissio ei facta aboleretur: sed hoc est inconveniens: ergo & primum. Circa hoc duo facit. Primo proponit conditionalem; secundo probat eam, ibi, *Lex enim iram operatur.* Destructio autem consequentis est manifesta. Dicit ergo primo, quod promissio non est facta per legem: *si enim qui ex lege, sunt heredes*: id est si ad hoc quod aliqui hereditatem promissionis (b) percipiant, requiratur quod ex legis obliervantia hoc consequantur, *exinanita est fides*; id est, vacua facta est fides qua Abraham credidit Deo promittenti, ut dicitur Gen. xv. Et hoc est inconveniens, secundum quod dicitur I. Corinth. xv. 14. „Si Christus non resurrexit, inanis est prædicatio nostra, inanis est & fides vestra.“ Et quare sit inanis, ostendit subdicens: *Abolita, id est cassata, est promissio*: quia non consequitur suum effectum, contra id quod dicitur Hebr. xi. 21. „Fidelem credidit cum esse qui reprobaretur.“ & hic infra in præsentis cap. dicitur: *Quamvis promissit Deus, petens est & facere.* Deinde cum dicit, *Lex enim*, probat conditionalem præmissam per effectum, sive eventum legis: & primo proponit legis effectum, sive eventum; secundo probat, ibi, *Ubi enim non est lex, nec pravificatio.* Probat autem conditionalem sic. Si aliqua promissio sit implenda per id quod impletionem promissionis impedit, talis promissio aboleretur, & fides credentis exinanitur; sed lex impedit consecutionem hereditatis, *lex enim iram operatur*: ergo si per legem sit adimplenda promissio, *exinanita est fides, abelita est promissio.*

(a) *Id est*. „Non dicit, Et seminibus, quasi in multis; sed quasi in uno, Et semini tuo, qui est Christus.“ (b) *Id est*, participant.

missio : Dicatur autem lex operari iram, idest vindictam: quia per legem facti sunt homines digni Dei vindicta. IV. Reg. xxii. 13. „ Magna ira Domini successit eis contra nos, quia non audierunt patres non nostri verba libri huius (scilicet legis) ut facerent omne quod scriptum est nobis. „ Possent autem aliquis intelligere quod lex iram operatur quantum ad ceremonialia tempore gratiae observata, secundum illud Gal. 5. „ Si circumcedamini, Christus non vobis hil vobis proderit. „ Sed quod hic dicitur, intelligendum est etiam quantum ad moralia: non quidem quod legis praecepta moralia praecipiant aliquid quod observant dignos irae Dei efficiat; sed occasionaliter, quia praecipit, & gratiam adimplendi non praebet, secundum illud II. Corin. xii. 6. „ Littera occidit, spiritus autem vivificat: „ quia scilicet interius adjuvat

infirmatatem nostram, ut dicit infra viii. Deinde cum dicit, *Ubi enim non est lex*, ostendit qualiter iram operatur, dicens: *Ubi non est lex, non est prævaricatio*; quæ est aliquis lege non data peccare possit, contra id quod naturaliter iustum est faciendi; non tamen prævaricator dicitur nisi legem transgrediens. Plal. exviii. 15b. "Vidi prævaricantes, & tabellebam, quia" eloquia tua non custodierunt. "Et tamen omnis peccator potest dici prævaricator, inquantum legem naturalem transgreditur. Plal. exviii. 119. "Prævaricantes" reputavi omnes peccatores terræ. "Gravius est tamen transgredi simul legem naturæ, & legem scriptam, quam solum legem naturæ; & ideo lege data sine gratia adiuvante, prævaricatio crevit, & maiorem iram promeruit.

L E C T I O III.

I Deo ex fide, ut secundum gratiam firma sit promissio omni semini, non ei quæ ex lege est solum, sed & ei qui ex fide est Abraham, qui pater est omnium nostrum; sicut scriptum est: Quia patrem multarum gentium posui te ante Deum, cui credidisti; qui vivificat mortuos, & vocat ea quæ non sunt tamquam ea quæ sunt: Qui contra spem in spem credidit, ut fieret pater multarum gentium, secundum quod dictum est ei: Sic erit semen tuum sicut stellæ cæli, & arena maris. Et non infirmatus est in fide, nec consideravit corpus suum emortuum, cum iam fere centum esset annorum, & emortuum vulvam Saræ. In repromissione etiam Dei non hæsitavit diffidentia, sed confortatus est fide, dans gloriam Deo, plenissime sciens quia quæcumque promissit Deus, potens est & facere. Ideo & reputatum est illi ad iustitiam. Non est autem scriptum tantum propter ipsum, quia reputatum est illi ad iustitiam, sed & propter nos, quibus reputabitur credentibus in eum qui suscitavit Iesum Christum Dominum nostrum a mortuis, qui traditus est propter delicta nostra, & resurrexit propter iustificationem nostram.

Ostenso quod promissio facta Abraham & femini eius non sit implenda per legem, hic ostendit quod sit implenda per fidem: & circa hoc tria facit. Primo ostendit per quid sit huiusmodi promissio adimplenda; secundo ostendit in quibus sit adimplenda, ibi, *Omni femini &c.* tertio a quo fit implenda, ibi, *Qui vivificat mortuos &c.* Primo ergo concludit propositum, quasi ex divisione. Videtur enim necessarium esse quod promissio adimpleatur vel per fidem, vel per legem; non autem per legem, quia promissio aboleretur: unde concludit, *ideo ex fide*, scilicet consequimur promissionem, ut heredes simus mundi. l. Ioan. v. 4. Hæc est victoria quæ vincit mundum,

„fides nostra. “ Et hoc confirmat per contrarium medium ei quod supra assumpserat. Dicitur enim, quod si iustitia ex lege esset, promissio aboleretur; sed si fides ex lege, remanet firma promissio propter virtutem divinæ gratiæ iustificantis hominem per fidem; et hoc est quod dicit: *Ut promissio Dei sit firma: non quidem per operationes hominum, quæ possunt deficere, sed secundum gratiam, (a) quæ infallibilis est.* II. Cor. xii. 20. „Sufficit tibi gratia mea:“ et ibid. i. 9. „Quorunque sunt promissiones, nes in illo (scilicet Christo) sunt;“ id est, veritatem habent.

Deinde cum dicit, *Omnis femini &c.* ostendit in quibus impleatur prae dicta promissio.

missio: & primo proponit quod intendit; & dicit, quod prædicta promissio sic implenda per fidem, est firma per gratiam *omni semini*, id est omni homini qui fuerit qualitercumque semen Abraham. Eccli. xiv. 11. „Cum semine eorum permanent bona, hereditas sancta nepotum eorum.“ Secundo ibi, *Non ei qui ex lege est solum*, exponit quod dixerat, *Omni semini*. Est enim quoddam semen carnale, secundum illud Ioan. viii. 33. „Semen Abraham sumus:“ est aliud semen spirituale, secundum illud Matth. i. 9. „Potens est Deus de lapidibus his (idest de Gentibus) suscitare filios Abraham.“ (a) Solum autem semen Abraham carnale legem servavit; sed fidem eius etiam imitatur semen spirituale. Et sic si per solum legem esset promissio, non impleteret in omni semine, sed solum in carnali. Quia vero impletur per fidem, quæ est omnibus communis, planum est quod impletur in omni semine. Tertiò ibi, *Qui est pater omnium nostrum*, probat quod supposuerat, scilicet quod semen Abraham sit non solum quod est ex lege, sed etiam quod est ex fide, per auctoritatem Scripturæ: cuius primo ponit sensum, dicens: *Qui, scilicet Abraham, est pater omnium nostrum, id est omnium credentium, sive Iudeorum, sive Gentilium.* Supra eodem: *Ut sit pater omnium credentium.* Eia. i. 2. „Attendi,“ re ad Abraham patrem vestrum. „Secundo inducit auctoritatem, dicens: *Sicut scriptum est* (Gen. xvii. 5.) *Quia patrem multarum gentium posui te.* Littera alia habet, *Constitui te*: quod sensum non variat. Eccli. lxiv. 20. „Abraham magnus pater multitudinis gentium.“ Tertiò ibi, *Ante Deum*, exponit quod dixerat: *fi enim dictum est, Posui te*, quasi iam esset implerum, quod longe postea erat implendum. Sed quæ sunt futura in seipis, in Dei providentia sunt præsentia, secundum illud Eccli. xxiii. 29. „Domino Deo nostro, antequam crearentur, omnia sunt agnita, sicut & post peractum respiciunt omnia.“ Et ideo Apostolus dicit, quod hoc quod dictum est, *Posui te*, intelligendum est, *ante Deum*, id est in eius præsentia. *cui credidisti.* Crediderat enim Abraham Deo futura prænuntianti, ac si videret præsentia: quia, ut dicitur Heb. xi. 1. „fides est sperandarum substantiarum, argumentum non apparentium.“ Deinde cum dicit, *Qui vivificat mortuos* Gr. ostendit a quo fit implenda huiusmodi promissio, dicens: *Qui, scilicet Deus, vivificat mortuos; id est Iudeos, qui erant mortui in peccatis, contra legem agentes, vivificat per fidem, & gratiam, ut promissionem Abraham consequantur.* Ioan. v. 21. „Sicut Pater suscitavit mortuos, & vivificavit,“ cat, sic & Filius quos vult vivificat. „Et ea quæ non sunt, id est Gentiles, vocat, scilicet ad gratiam, tamquam ea quæ sunt, id est tamquam Iudeos. Infra ix. 25. *Vocabam plebem meam, plebem meam, & non dilectam, dilectam.* Significat autem Gentiles per ea quæ non sunt, quia erant omnino alienati a Deo; sicut I. Corinth. xiii. 2. dicitur: „Si caritatem non habueris, nihil sum.“ Et sic per huiusmodi vocationem implebitur promissio Abraham etiam in Gentilibus. Vel quod dicit, *Et vocat ea quæ non sunt*, non intelligitur de vocatione temporali, sed de vocatione prædestinationis æternæ, quæ vocantur, & eliguntur etiam qui non sunt, ac si essent. Ephes. i. 4. „Elegit nos in ipso ante mundi constitutionem.“ Et de hac vocatione dicitur infra ix. 12. *Non ex operibus, sed (b) ex vocante dictum est, quia maior serviet minori.* Vel vocationem hic dicit simplicem Dei noticiam, vel cognitionem, quæ cognoscit futura, quæ non sunt in actu sicut præsentia. Et hoc modo vocatio in Psal. cxlvi. 4. accipitur, cum dicitur: „Qui numerat multitudinem stellarum, & omnibus eis nomina vocat.“ Et secundum hunc sensum, quod hic dicitur, inducitur propter id quod supra dictum est: *Ante Deum, cui credidisti.* Duo enim videbantur ob stare id quod dictum est: *Patrem multarum gentium posui te*: quorum unum erat quia ipse idem Abraham erat quasi emortuus præ senectute, ut infra dicitur; & contra hoc dicit: *Qui vivificat mortuos.* Aliud autem est, quia illæ multæ gentes nondum erant; & contra hoc subdit: *Et vocat ea quæ non sunt, tamquam ea quæ sunt.*

Deinde cum dicit, *Qui contra spem*, commendat fidem Abraham: & primo ostendit magnitudinem fidei eius; secundo efficaciam, vel fructum eius, ibi, *Ideo & reputatum est illi ad iustitiam.* Circa primum duo facit. Primo ostendit magnitudinem fidei Abraham quantum ad promissionem seminis multiplicandi; secundo quantum ad promissionem seminis exaltandi, ibi, *In reprobum esse Gr.* Circa primum duo facit. Primo ostendit fidem eius fuisse magnam; secundo ostendit eam fuisse firmam, ibi, *Et non infirmatus est in fide.* Circa primum duo facit.

1

Primo

(a) AL. Semen autem Abraham &c. (b) AL. ea voluntate.

Primo proponit magnitudinem fidei Abraham, dicens: *Qui, scilicet Abraham, in hanc spem credidit, ut fieret pater multarum gentium, sed contra aliam spem.* Circa quod considerandum est, quod spes importat certam expectationem boni futuri: quæ quidem certitudo est quandoque ex causa humana, sive naturali, secundum illud I. Cor. ix. 10. „Debet in spe qui arat, arare:“ quandoque vero certitudo expectantis est ex causa divina, secundum illud Psalm. xxx. 2. „In te Domine speravi, non confundar in æternum.“ Hoc ergo bonum, quod Abraham ferebat pater multarum gentium, certitudinem habebat ex parte Dei promittentis; sed contrarium apparebat ex causa naturali, sive humana: ideo dicit: *Qui contra spem, causæ naturalis, vel humanæ, credidit in spem, scilicet divinæ promissionis: quam quidem secundo ponit dicens: Secundum quod dictum est ei, scilicet Gen. xxi. 17. Sic erit semen tuum sicut stellæ cæli, & sicut arena maris.* Utrumque autem horum inducit propter similitudinem innumerabilis multitudinis. Nam quantum ad stellas dicitur Deuter. 1. 10. „Dominus Deus vester multiplicavit vos, & estis hodie sicut stellæ cæli.“ Quantum ad arenam dicitur III. Reg. xv. 20. „Iuda, & Israel innumerabiles sicut arena maris sunt.“ Potest tamen aliqua differentia inter utrumque attendi, ut stellis comparantur iusti, qui fuerunt ex semine Abraham: Dan. xii. 3. „Qui ad iustitiam erudiunt plurimos, quasi stellæ in perpetuas æternitates.“ Arenæ autem comparantur peccatores, quia fluctibus mundi, quasi cuiusdam maris, opprimuntur. Hier. v. 22. „Posui arenam terminum maris.“

D. inde cum dicit, *Et non infirmatus est,* ostendit firmitatem Abraham, quam primo proponit dicens: *Et non infirmatus est.* Sicut enim temperantia ostenditur non esse infirma, quæ magnis concupiscibilibus non vincitur, ita fides ostenditur non esse infirma, sed fortis, quæ a magnis difficultatibus non superatur. I. Pet. v. 9. „Cui resistite fortes in fide.“ Secundo ibi, *Nec consideravit etc.* ponit difficultates, ex quibus ostenditur fides eius non fuisse infirma. Et primo quidem ex parte ipsius Abraham, cum dicit: *Non consideravit, scilicet (a) ad discredendum promissionem, corpus suum emortuum, scilicet quia iam mortificata erat in eo vis generativa propter senectutem: unde dicit: Cum iam fere centum annorum*

esset. Abraham enim centenario exsistens natus est Isaac, ut habetur Genes. xxi. Per annum autem antè fuerat sibi filius promissus, secundum illud Gen. xxi. 10. „Revertens veniam ad te tempore isto, & erit Saræ filius.“

Sed videtur quod non fuit corpus eius emortuum quantum ad vim generativam, quia etiam post mortem Saræ duxit Ceturam uxorem, quæ genuit ei filios, ut dicitur Gen. xxv.

Dicunt ergo quidam, quod mortua erat in eo vis generativa quantum ad hoc quod ex muliere antiqua generaret, non quantum ad hoc quod generaret filium ex iuvenula. Solent enim senes ex iuvenulis mulieribus prolem gignere, non autem ex antiquis, quæ sunt minus aptæ ad concipiendum. Sed melius dicendum videtur, quod Abraham miraculose restituta erat vis generandi & quantum ad Saram, & quantum ad omnes mulieres.

Secundo ponit difficultatem ex parte uxoris, cum dicit: *Et emortuam vulvam Saræ, scilicet non consideravit ut discederet.* Dicit autem emortuam quantum ad actum generandi, tum propter sterilitatem, tum propter senectutem: iam enim desierant ei fieri muliebria, ut dicitur Genes. xxi. Et ideo Esa. li. 2. ubi dicitur, „Attendite“ te ad Abraham patrem vestrum, & ad Saram quæ vos peperit; „ut ostenderet utriusque mortificationem, & frigiditatem, præmisiit dicens 1. „Attendite ad petram“ unde excisi estis, & ad cavernam laci de qua præcisi estis.“

Deinde cum dicit, *In re promissione etiam Dei etc.* commendat fidem Abraham quantum ad iteratam promissionem de seminis exaltatione: & primo ponit fidei firmitatem; secundo firmitatis causam, ibi, *Dans gloriam Deo.* Dicit ergo primo: *In re promissione etiam Dei,* id est in iterata eius promissione vel de seminis multitudine, quam promissit primo quidem Genes. xv. 5. dicens: „Suspice cælum, & numera stellas, si potes:“ & infra xxi. 5. „Eris pater multarum gentium:“ & iterum infra xxi. 17. „Multiplicabo semen tuum, sicut stellas cæli.“ Vel intelligendum est, *In re promissione Dei,* id est in iterata promissione de exaltatione seminis eius: quia cum dixisset, „Multiplicabo semen tuum,“ statim subdit: „Possidebit semen tuum portas inimicorum tuorum, & benedicentur in semine tuo omnes“

„&c.“

(a) Ad ad discernendum.

gentes terræ. " In hac quidem Dei re-
promissione non *hæsitavit*, id est non dubi-
tavit, *diffidentia*, scilicet quod diffideret de
veritate divinæ promissionis: Iacob. 1. 6.

" Qui *hæsitat*, similis est fluctui maris: *sed*
confortatus est fides id est, fortiter fidei
adhæsit. I. Pet. ult. 5. " Cui resistite for-
tes in fide. "

" Coequeoter cum dicit, *Dans gloriam Deo*,
assignat rationem firmitatis fidei eius, di-
cens: *Confortatus est*, inquam, *fide*, *dans*
gloriam Deo, inquantum scilicet considera-
vit omnipotentiam eius. Psalm. cxlvi. "

" Magna virtus eius. " Unde & hic sub-
ditur: *Plenissime sciens quia quicumque*
promissit Deus, potens est & facere. Sap. xiii.
18. " Subest tibi enim, cum voveris, pos-
se. " Ex quo patet quod quicumque non
est firmus in fide Dei, quantum est in se,
divinæ gloriæ derogat, vel quantum ad ei-
us veritatem, vel quantum ad eius poten-
tiam: "

Deinde cum dicit, *Et reputatum est ei ad*
iustitiam, commendat fidem Abraham quan-
tum ad eius effectum: & primo ponit effe-
ctum quem in ipso habuit, dicens: *Ideo*,
scilicet quia Abraham tam perfecte hoc
ipsum credidit, *reputatum est illi ad iusti-*
tiam. I. Mach. xi. 52. " Et reputatum est
ei ad iustitiam. " Secundo ostendit ef-
fectum quem fides eius habet etiam in aliis:
& citat hoc tria facit. Primo ponit simi-
litudinem effectus, dicens: *Non autem scri-*
ptum est tantum propter ipsum, quia reputa-
tum est illi ad iustitiam: ut scilicet repu-
temus quod soli Abraham fides ad iustitiam
reputata sit; *sed scriptum est propter nos*,
quibus reputabitur, scilicet fides ad iustitiam.
Intra xv. 4. *Quicumque scripta sunt, ad no-*
stram doctrinam scripta sunt. Sic ergo scrip-
tum est propter eum, ut sit nobis io-
exemplum, & propter nos, ut sit nobis io-
iustificationis spem. Secundo ibi, *Credenti-*
bus in eum, ostendit similitudinem fidei.
Reputata est enim ad iustitiam fides Abraham
credenti, quod corpus suum emortuum, &
emortua vulva Saræ posset vivificari ad fi-
liorum procreationem: reputabitur & no-

bis credentibus in eum qui suscitavit Do-
minum nostrum Iesum Christum a mortuis,
& in Deum Patrem, cuius dicit in Psal.
xl. 11. " Tu aotem Domine miserere mei,
& resuscita me. " Et quia eadem est
virtus Patris, & Filii, ipse etiam in pro-
pria virtute surrexit. Quod autem hæc fi-
les iustificet, habetur infra x. 9. *Si confi-*
caris in ore tuo Dominum Iesum, & in cor-
de tuo credideris quod Deus illum suscitavit
a mortuis, salvus eris. Tertio ibi, *Quitra-*
ditus est &c. assignat causam quare fides re-
surrectionis Christi iustificet, dicens: *Qui*,
scilicet Christus, *traditus est*, scilicet in
mortem a Deo Patre: infra viii. 32. *Pro-*
prio Filio suo non peperit Deus, sed pro no-
bis omnibus tradidit illum: & a seipso: E-
phel. v. 2. " Tradidit semetipsum pro no-
bis: & a Iuda: Ioan. xi. 11. " Qui me
tradidit tibi, maius peccatum habet: "
& a Iudæis: Matth. xx. 19. " Tradent eum
Gentibus ad illudendum. " *Et resurrexit*
propter iustificationem nostram, id est, ut nos
relurgendo iustificaret. Infra vi. 4. *Quomo-*
do Christus resurrexit a mortuis per gloriam
Patris, ita & nos in novitate vitæ ambulemus.
Et quod propter delicta nostra sit traditus
in mortem, manifestum videtur ex hoc quod
sua morte meruit nobis deletionem pecca-
torum; sed resurgendo non meruit, quia
in statu resurrectionis non fuit victor, sed
comprehensor: & ideo dicendum est, quod
mors Christi fuit nobis salutaris, non so-
lum per modum meriti, sed etiam per mo-
dum cuiusdam efficientiæ. Cum enim hu-
manitas Christi esset quodammodo instru-
mentum divinitatis eius, ut Damascenus
dicit; omnes passionēs, & actiones huma-
nitatis Christi fuerunt nobis salutaræ,
optote ex virtute divinitatis provenientes.
Sed quia effectus habet aliquoties similitu-
dinem causæ, mortem Christi, quæ extin-
cta est in eo mortalis vitæ, dicit esse cau-
sam extinctionis peccatorum nostrorum: re-
surrectionem autem eius, quæ rediit ad no-
vam vitam gloriæ, dicit esse causam iusti-
ficationis nostræ, perquam redimus ad no-
vitatem iustitiæ.

Iustificati igitur ex fide, pacem habeamus ad Deum per Dominum nostrum Iesum Christum, per quem habemus accessum per fidem in gratiam istam in qua stamus, & gloriamur in spe gloriæ filiorum Dei. Non solum autem, sed & gloriamur in tribulationibus, scientes quod tribulatio patientiam operatur, patientia autem probationem, probatio vero spem; spes autem non confundit: quia caritas Dei diffusa est in cordibus nostris per Spiritum sanctum, qui datus est nobis.

Postquam Apostolus ostendit necessitatem gratiæ Christi, quia sine ea nec cognitio veritatis Gentibus, nec circumcisio, & lex Iudeis profuerunt ad salutem; hic incipit commendare virtutem gratiæ: & circa hoc duo facit. Primo ostendit quæ bona per gratiam consequamur; secundo a quibus malis per eam liberemur, ibi, *Propterea sicut per unum hominem peccatum in hunc mundum intravit &c.* Circa primum duo facit. Primo proponit modum perveniendi, seu viam qua venimus ad gratiam; secundo ostendit bona quæ per gratiam consequimur, ibi, *Et gloriamur in spe gloria &c.* Circa primum duo facit. Primo exhortatur ad debitum gratiæ ulum; secundo ostendit nobis gratiæ aditum, ibi, *Per quem accessum habemus &c.* Dicit ergo primo: Didum est, quod fides reputabitur omnibus ad iustitiam credentibus resurrectionem Christi, quæ est causa nostræ iustificationis. *Iustificati igitur ex fide*, in quantum scilicet per fidem resurrectionis effectum eius participamus, *habeamus pacem ad Deum*, scilicet fruendo nos, & obediendo ei. *Iob xxxi. 21.* „Acquiesce igitur ei, & habeto pacem.“ *Ibid. ix. 4.* „Quis resistit ei, & pacem habuit?“ *Et hoc per Iesum Christum Dominum nostrum*, qui nos ad istam pacem perduxit. *Ephes. ii. 14.* „Ipse est pax nostra.“ Unde subdit: *Per quem Christum, accessum habemus*, scilicet tamquam per mediatorem. *I. Tim. ii. 5.* „Mediator Dei, & hominum homo Christus Iesus.“ *Ephes. ii. 18.* „Per ipsum accessum habemus ambo in uno spiritu ad Patrem.“ *Accessus*, inquam, *is gratiam istam*, idest in statum gratiæ. *Ioan. i. 17.* „Gratia, & veritas per Iesum Christum facta est.“ *In qua*, idest per quam gratiam, non solum surreximus a peccatis, sed etiam *stamus fixi, & erecti per affectum* (*A*) in celestibus. *Ps. cxxi. 2.* „Stantes erant pedes nostri.“ & iterum

Psal. xxx. 9. „Nos autem surreximus, & erecti sumus.“ *Et hoc per fidem*, per quam scilicet gratiam consequamur: non quia fides præcedat gratiam, cum potius per gratiam sit fides. *Ephes. ii. 8.* „Gratia estis salvati per fidem: scilicet quia primus effectus gratiæ in nobis est fides.

Deinde cum dicit, *Gloriamur in spe gloria &c.* ostendit quæ bona nobis per gratiam proveniunt. Primo dicit, quod per gratiam habemus gloriæ spem; secundo quod per gratiam habemus gloriam Dei, ibi, *Non solum autem, sed & gloriamur in Deo.* Circa primum tria facit. Primo ostendit magnitudinem spei in qua gloriamur; secundo eius vehementiam, ibi, *Non solum autem, sed & gloriamur in tribulationibus*; tertio eius firmitatem, ibi, *Spes autem non confundit.* Magnitudo autem spei consideratur ex magnitudine rei speratæ, quam ponit, dicens: *Et gloriamur in spe gloria filiorum Dei*, idest ex hoc quod speramus nos adepturos gloriam filiorum Dei. Per gratiam enim Christi adepti sumus spiritum adoptionis filiorum Dei, ut dicitur *infra viii. & Sapient. v. 5.* „Ecce quomodo computati sunt inter filios Dei.“ Filii autem debetur hereditas patris. *Infra viii. 17.* *Si autem filii, & heredes.* Hæc autem hereditas est gloria, quam Deus habet in seipso. *Iob xl. 4.* „Si habes brachium ut Deus, & si voce si, mili tonas?“ *Et huiusmodi spei indita est nobis per Christum.* *I. Petr. i. 3.* „Re-generavit nos in spem vivam per resurrectionem Iesu Christi ex mortuis, in hereditatem incorruptibilem.“ *Et hæc gloria, quæ in futuro in nobis complebitur, interim nunc in nobis inchoatur per spem.* *Infra viii. 24.* *Spe salvi facti sumus.* *Psal. v. 13.* „Gloriabuntur in te omnes qui diligunt nomen tuum.“ Deinde cum dicit, *Non solum autem &c.* ostendit vehementiam huius spei. Qui enim vehementer aliquid sperat, libenter sustinet propter illud et-

(2) *scilicet in celestibus.*

etiam difficilia, & amara; sicut infirmus, si vehementer sperat sanitatem, libenter bibit potionem amatam, ut sanetur per ipsam. Signum ergo vehementis spei, quam habemus propter Christum, est quod *non solum gloriamur*, ex spe futuræ gloriæ, sed etiam de malis, quæ pro ipsa patimur: unde dicit: *Non solum autem gloriamur*, scilicet in spe gloriæ, sed etiam gloriamur in tribulationibus, per quas ad gloriam pervenimus. Act. xiv. 21. „ Per multas tribulationes oportet nos introire in regnum cælorum. “ Iac. 1. 2. „ Omne gaudium exultate fratres mei cum in tentationes varias incideritis. “ Et causam ostendit consequenter, dicens: *Scientes &c.* ubi quatuor per ordinem ponit: quorum primum est tribulatio, de qua dicitur, quod tribulatio patientiam operatur: non quidem sic quod tribulatio sit eius causa effectiva, sed quia tribulatio est materia, & occasio exercendi patientiæ actum. Infra xii. 12. *In tribulatione patientes*. Secundo ponit patientiæ effectum, cum dicit: *Patientia probationem*. Eccli. 11. 5. „ In igne probatur aurum, & argentum; homines vero reprobiles, in camino humilitationis. “ Manifestum est enim quod detrimentum alicui rei de facili sustinemus propter rem quam magis amamus: unde si aliquis in rebus corporalibus, & temporalibus patienter sustinet propter bona consequenda æterna, sufficienter ex hoc probatur quod talis plus amet bona æterna quam temporalia.

Sed contra id quod hic dicitur est illud Iac. 1. 3. „ Probatio fidei vestræ patientiam operatur. “ Dicendum est autem, quod probatio dupliciter potest (a) intelligi. Uno modo secundum quod est in probato; & sic probatio est ipsa tribulatio, per quam homo probatur: unde idem est dictum, quod tribulatio patientiam operatur, & quod tribulatio probat patientiam. Alio modo accipitur probatio pro probatione esse; & ita accipitur hic quod patientia probationem operatur: quia ex hoc quod homo patienter tribulationem sustinet, redditur iam probatus.

Tertio subdit tertium, dicens: *Probatio vero spem*, scilicet operatur: quia scilicet per hoc quod aliquis iam probatus est, potest de eo spes haberi, & ab ipso, & ab aliis quod ad hereditatem Dei admittatur. Sap. 11. 5. „ Deus probavit illos, & invenit illos dignos se. “ Sic igitur de pri-

mo ad ultimum patet quod tribulatio viam parat ad spem: unde si aliquis vehementer gloriatur de spe, consequens est ut de ipsis tribulationibus gloriatur. Deinde cum dicit, *Spes autem non confundit*, ostendit huiusmodi spei firmitatem: & primo ponit eam, dicens: *Spes autem*, scilicet hæc qua speramus gloriam filiorum Dei, *non confundit*, id est non deficit, nisi homo ei deficiat. Ille enim dicitur a spe sua confundi qui deficit ab eo quod sperat. Psalm. xxx. 2. „ In te Domine speravi, non confundar in æternum. “ Eccli. 11. 11. Nullus speravit in Domino, & confusus est. “ Secundo ibi, *Quia caritas Dei diffusa est*, ponit certitudinis spei duplex argumentum: quorum primum est ex dono Spiritus sancti; secundo ex morte Christi, ibi, *Ut quid enim Christus ... mortuus est?* Dicit ergo primo: Ex hoc possumus scire quod spes non confundit: quia caritas Dei diffusa est in cordibus nostris per Spiritum sanctum, qui datus est nobis. Caritas Dei dupliciter accipi potest. Uno modo pro caritate qua diligit nos Deus. Hier. xxxi. 3. „ Caritate perpetua dilexi te. “ Alio modo potest dici caritas Dei, qua nos Deum diligimus. Infra vii. 38. *Certus sum quod neque nos, neque vita separabit nos a caritate Dei*. Utraque autem caritas Dei in cordibus nostris diffunditur per Spiritum sanctum, qui datus est nobis. Spiritum enim sanctum, qui est amor Patris, & Filii, dari nobis, est nos adduci ad participationem amoris, qui est Spiritus sanctus: a qua quidem participatione efficimur Dei amatores. Et hoc quod ipsum amamus, signum est quod ipse nos amet. Prov. vii. 17. „ Ego diligentes me diligo ... non quasi nos primo dilexerimus Deum, sed quoniam ipse prior dilexit nos; “ ut dicitur I. Ioan. iv. 10. Dicitur autem caritas qua nos (b) Deus diligit, in cordibus nostris diffusa esse, quia est in cordibus nostris patenter ostensa per donum sancti Spiritus nobis impressum. I. Ioan. 11. 24. „ In hoc scimus quoniam amamur net in nobis Deus, de spiritu quem dedit nobis. “ Caritas autem qua nos Deum diligimus, dicitur in cordibus nostris diffusa, id est qua ad omnes mores, & actus animæ perficiendos se extendit: nam, ut dicitur I. Corinth. xii. 4. „ caritas patientis est, benigna est &c. “ Ex utroque autem intellectu horum verborum concluditur quod spes non confundit. Si enim accipiat caritas Dei, qua nos diligit Deus

ma- 3

(a) A accipi. (b) A. omittitur Deus.

manifestum est quod his quos diligit, seipsum non negabit. Deut. xxxiii. 3. „ Dixit populus: omnes sancti in manu illius sunt. „ Similiter etiam si caritas Dei accipiat quæ nos Deum diligimus, mani-

festum est quod se diligentibus bona æterna præparavit. Ioan. xiv. 11. „ Si quis diligit me, diligetur a Patre meo, & ego diligam eum, & manifestabo ei meipsum.

L E C T I O II.

UT quid enim Christus, cum adhuc infirmi essemus, secundum tempus pro impiis mortuus est? Vix enim pro iusto quis moritur: nam pro bono forsitan quis audeat mori? Commendat autem caritatem suam Deus in nobis, quoniam si cum adhuc peccatores essemus, secundum tempus Christus pro nobis mortuus est, multo ergo magis nunc iustificati in sanguine ipsius, salvi erimus ab ira per ipsum. Si enim cum inimici essemus, reconciliati sumus Deo per mortem Filii eius, multo magis reconciliati salvi erimus in vita ipsius. Non solum autem, sed & gloriamur in Deo per Dominum nostrum Iesum Christum, per quem nunc reconciliationem recipimus.

Postquam Apostolus ostendit firmitatem spei per donum Spiritus sancti, hic ostendit idem per mortem Christi: & primo proponit questionem; secundo ostendit difficultatem, ibi, *Vix enim pro iusto quis moritur*; tertio determinat questionis veritatem, ibi, *Commendat autem suam caritatem Deus*. Dicit ergo primo: Dixerunt, quod spes non confundit, quod quidem apparet hoc consideranti. *Ut enim Christus, cum adhuc infirmi essemus, scilicet infirmitate peccati.* Plur. 3. „ Miserere mei Domine, „ quoniam infirmus sum: *„ mortuus est?* Nam sicut per corporalem infirmitatem dissolvitur humorum debita harmonia, ita etiam per peccatum debitus ordo affectionum excluditur. Cum ergo adhuc infirmi essemus, Christus mortuus est pro impiis: I. Pet. iii. 18. „ Christus semel pro peccatis nostris „ mortuus est, iustus pro iniustis: „ & hoc secundum tempus; id est, ut certo tempore in morte moraretur, die scilicet tertia surrecturus. Matth. xii. 40. „ Sicut „ fuit Ionas in ventre ceti tribus diebus, & „ tribus noctibus; sic erit Filius hominis „ in corde terræ. „ Hoc ergo magnum est, si consideremus quis mortuus sit; magnum etiam est, si consideremus pro quibus est mortuus. (a) Non potest autem esse tam magnum quid nisi fiat propter aliquem certum fructum, secundum illud Plalm. xxxix. 10. „ Quæ utilitas in sanguine meo „ dum descendo in corruptionem? „ quasi dicat: Nulla, si non sequatur humani generis salus.

Deinde cum dicit, *Vix enim pro iusto quis moritur*, ostendit prædictæ questionis difficultatem ex parte eorum pro quibus Christus mortuus est, scilicet pro impiis, dicens: *Vix enim quis, id est aliquis, moritur pro homine iusto liberando*; quinimodo, ut dicitur Esai. lvi. 1. „ Iustus perit, & „ non est qui recogitet in corde suo. „ Ideo dico: *Vix moritur: nam forsitan quis, id est aliquis, rarus (b) ex zelo virtutis, audeat mori pro bono homine*. Rarum enim est propter hoc quod est maximum: ut enim dicitur Ioan. xv. 13. „ maiorem hac „ dilectionem nemo habet ut animam suam „ ponat quis pro amicis suis. „ Illud autem quod Christus fecit; ut quis moriatur pro impiis & iniustis, numquam invenitur; & ideo merito admirandum est quare Christus hoc fecerit. Potest autem & aliter legi, ut pro iusto intelligamus aliquem in virtute exercitatum, per bonam autem hominem innocentem. Et quamvis secundum hoc iustus sit præstantior bono, tamen pro iusto vix aliquis moritur. Cuius ratio est, quia innocens, qui per bonum intelligitur, magis miserandus videtur propter defectum ætatis, vel alicuius huiusmodi. Iustus autem, quia perfectus est, & absque defectu, non habet in se misericordie (c) materiam. Quod ergo aliquis moriatur pro innocente, potest ex compassione misericordie provenire; sed quod aliquis moriatur pro iusto, provenit ex zelo virtutis, qui in paucioribus invenitur quam misericordie passio.

Deinde cum dicit, *Commendat autem*

(a) *Al.* Non potest autem esse nisi tam magnum quid fiat nisi propter aliquem certum fructum.
(b) *Al.* moritur ex zelo. (c) *Al.* malitia.

item &c. respondet præmissæ questionī : & primo ponit responſionem ; ſecundo ex hoc arguit ad propoſitum, ibi, *Multo ergo magis &c.* tertio offendit neceſſitatem conſequentiæ, ibi, *Si enim cum inimici eſſemus &c.* Dicit ergo primo: Quæſitum eſt quare Chriſtus pro impiis mortuus eſt; & ad hoc eſt reſponſio, quia per hoc Deus ſuam caritatem commendat in nobis; id eſt, per hoc offendit ſe nos maxime diligere: quoniam, cum adhuc peccatores eſſemus, Chriſtus mortuus eſt pro nobis, & hoc ſecundum tempus, ſicut ſupra expoſitum eſt. Ipſa autem mors Chriſti pro nobis caritatem oſtendit Dei, quia dedit Filium ſuum, ut pro nobis ſatisfaciens moreretur. Ioan. 11. 16. „ Sic Deus dilexit mundum ut Filium ſuum unigenitum daret. “ Et ita ſicut caritas Dei Patris ad nos oſtenditur per hoc quod Spiritum ſuum dedit nobis, ut ſupra dictum eſt; ita & per hoc quod dedit Filium ſuum, ut hic dicitur. Sed in hoc quod dicit, *Commendat*, immenſitatem quamdam divini caritatis aſſignat: quæ quidem oſtenditur tum ex ipſo factō, quia ſcilicet dedit Filium ſuum, ut moreretur pro nobis, tum ex parte noſtræ conditionis, quia hoc non fecit provocatus noſtris meritis, cum adhuc peccatores eſſemus. Ephel. 11. 4. „ Deus, qui dives eſt in miſericordia, propter nimiam caritatem, quæ dilexit nos, cum eſſemus mortui peccatis, conviviaſcit nos Chriſto. “ Conſequenter cum dicit, *Multo ergo magis &c.* concludit propoſitum ex præmiſſis, dicens: *Si Chriſtus pro nobis mortuus eſt, cum adhuc peccatores eſſemus, multo magis (a) iuſtificati nunc in ſanguine ipſius, ſicut ſupra 111. 25. habitum eſt; „ quem propoſuit Deus propitiorem per ſidem per ſanctum guinem ipſius: “ ſalvi erimus ab ira, id eſt a vindicta damnationis æternæ, quam propter peccata homines incurrunt. Matth. 11. 7. „ Genimina viperarum, quis deus monſtravit vobis fugere a ventura ira? “ Deinde cum dicit, *Si enim cum inimici eſſemus &c.* oſtendit neceſſitatem prædictæ conſequentiæ, quæ procedit a minori ad maius, aſſirmando. Et eſt ibi obſervanda duplex comparatio minoris ad maius: una quidem ex parte noſtra; alia ex parte Chriſti. Ex parte quidem noſtra comparat inimicos reconciliatis: minus enim videtur quod aliquis benefaciat inimicis quam iam reconciliatis. Ex parte Chriſti comparat mortem vitæ: potentior enim vita eius vi-*

detur quam mors: quia, ut dicitur 1. Corinth. ult. 4. „ mortuus eſt ex infirmitate, te (ſcilicet carnis noſtræ) ſed vivit ex virtute Dei. “ Et ideo dicit: *Ratione concludum eſt quod multo magis vivificati, ſalvi erimus per ipſum. Si enim cum ini-mici eſſemus, reconciliati ſumus Deo, & hoc per mortem Filii eius; multo magis iam nos reconciliati ſalvi erimus: & hoc in vita ipſius.*

Eſt autem conſiderandum, quod homo dicitur inimicus Deo dupliciter. Uno modo, quia contra Deum inimicitiam exercet dum eius mandatis reniſcitur. Job xv. 26. „ Cuccurrit adverſus Deum erecto collo. “ Alio modo per hoc quod Deus homines odio habet: non quidem ſecundum ipſum quod fecit, quia quantum ad hoc dicitur Sap. 11. 25. „ Dilexiſti omnia, & „ nihil odiſti eorum quæ feciſti: “ ſed quantum ad hoc quod in homine inimicus homo, id eſt diabolus, fecit, id eſt quantum ad peccatum. Sapient. xiv. 9. „ Si militet odio ſunt Deo impij, & impietas eius. “ & Eccli. xii. 3. „ Altitiſſimus odio habet peccatores. “ Subſtrac-ta inimicitia cauſa, ſcilicet peccato, per Chriſtum, ſequitur reconciliatio per ipſum. II. Corinth. v. 19. „ Deus erat in ipſo, mundum reconcilians ſibi. “ Peccatum autem noſtrum ſublatus eſt per mortem Filii eius.

Circa quod conſiderandum eſt, quod mors Chriſti tripliciter conſiderari poteſt. Uno modo ſecundum ipſam rationem mortis; & ſic dicitur Sap. 1. 13. „ Deus mortem non fecit, “ in humana natura, ſed eſt per peccatum inducta. Et ideo mors Chriſti ex communi mortis ratione non fuit ſic Deo accepta ut per ipſam reconciliaretur: quia Deus non lætatur in perditione vivorum, ut dicitur Sap. 1. Alio modo poteſt mors Chriſti conſiderari ſecundum quod eſt in actione occidentium, quæ maxime Deo diſplicuit: unde contra eos Petrus dicit Act. 12. 14. „ Vos ſanctum, & iuſtum negaſtis, & petiſtis homicidam donari vobis; auctorem vero vitæ interfeciſtis. “ Unde mors Chriſti ſic conſiderata non potuit eſſe reconciliationis cauſa, ſed magis (b) indignationis. Tertio modo poteſt conſiderari ſecundum quod proceſſit ex voluntate Chriſti patientiſſi quæ quidem voluntas in-formata fuit ad mortem ſuſtinendam cum ex obedientia ad Patrem: Philip. 11. 8. „ Factus eſt obediens Patri uſque ad mortem: “

(a) Ab vivificati. (b) Ad indignatio.

tem: "tum etiam ex caritate ad homines: Ephes. v. 2. „ Dilexit nos, & tradidit se pro nobis. „ Et ex hoc mors Christi fuit meritoria, & satisfactoria pro peccatis nostris, & intantum Deo accepta quod sufficit ad reconciliationem omnium hominum, etiam occidentium Christum, ex quibus aliqui sunt salvati ipso orante, quando dixit (Lucæ xxiii. 34.) „ Ignosce illis, „ quia nesciunt quid faciunt. „

Deinde cum dicit, *Nam solum autem &c.* ostendit quæ bona iam re consequimur per gratiam, dicens: *Nam solum autem gloriamur in spe gloriæ quam in futuro expectamus, sed in Deo, id est in hoc quod sumus et-*

iam nunc Deo coniuncti per fidem, & caritatem. I. Corinth. 1. & II. Corinth. x. 17. „ Qui gloriatur, in Domino gloriatur. „ Et hoc quidem per Dominum nostrum Iesum Christum, per quem etiam nunc in præfenti tempore reconciliationem accepimus, ut de inimicis facti simus amici. Colos. 1. 20. „ Per eum placuit reconciliare omnia. „ Posset autem & continuari cum eo quod dictum est, *Salvi erimus in ultra ipsius a peccato, & a pœna, & non solum salvi erimus a malis, sed etiam gloriamur in Deo, id est per hoc quod erimus idem in futuro cum ipso Ioan. xvii. 22. „ Ut sint unum*, in nobis, sicut & nos unum sumus. „

L E C T I O III.

Propterea sicut per unum hominem peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt,

Postquam Apostolus ostendit quæ bona per gratiam Christi consecuti sumus, hic consequenter ostendit a quibus malis per eam liberemur: & circa hoc tria facit: primo enim ostendit quod per gratiam Christi liberati sumus a servitute peccati; secundo ostendit quod per gratiam eius sumus liberati a servitute legis, vii. cap. ibi, *An ignoratis, fratres quia lex in homine dominatur quanto tempore vivit?* tertio ostendit quod per gratiam Christi liberamur a damnatione, viii. cap. ibi, *Nihil nunc damnationis est his qui sunt in Christo Iesu.* Circa primum duo facit. Primo ostendit quod per gratiam Christi liberamur ab originali peccato præterito; secundo ostendit quod ea tuti, regimur contra peccata futura, ibi, *Quid ergo dicemus?* Circa primum duo facit. Primo agit de processu peccati; secundo de processu gratiæ destruentis peccatum, ibi, *Sed non sicut delictum &c.* Circa primum duo facit. Primo proponit processum peccati; secundo manifestat, ibi, *Uguo ad legem &c.* Circa primum duo facit. Primo proponit processum peccati; secundo ostendit eius universalitatem, ibi, *Et ita in omnes homines mors pertransiit.* Circa primum duo facit. Primo ostendit peccati originem; secundo originem mortis, ibi, *Et per peccatum mors.* Dicit ergo primo, quod per Christum reconciliationem accepimus: ita enim a Christo reconciliati procedit in mundum, sicut per unum hominem, scilicet per Adam, peccatum intravit in hunc mun-

dum. I. Cor. xv. 22. „ Sicut in Adam omnes moriuntur, ita & in Christo omnes vivificabuntur. „

Est autem hic considerandum, quod hæretici Pelagiani, peccatum originale in parvulis esse negantes, hæc verba Apostoli dicebant esse intelligenda de peccato actuali: quod quidem secundum eos, in hunc mundum intravit per Adam, inquantum omnes peccantes peccatum Adæ imitantur, secundum illud Osee vi. 7. „ Ipsi autem „ sicut Adam transgressi sunt pactum, ibi „ prævaricati sunt in me. „ Sed, sicut dicit Augustinus (de pee. mer. & re. Lib. I. cap. xix.) contra eos, si de introitu peccati actualis, qui est per imitationem, hic Apostolus loqueretur, non diceret peccatum per hominem in hunc mundum intrasse, sed magis per diabolum, quem peccantes imitantur, secundum illud Sap. 11. 24. „ Invidia diaboli mortem introivit in orbem terrarum. „ Ed ergo intelligendum quod per Adam peccatum in hunc mundum intravit, non solum imitatione, sed etiam propagatione, id est per carnis originem vitiatam, secundum illud Ephes. 11. 3. „ Eramus natura filii iræ: „ & in Psalm. 1. 7. „ Ecce enim in iniquitatibus conceptus sum „

Sed videtur hoc esse impossibile, quod per originem carnis peccatum ab uno in alium traducatur. Peccatum enim est in anima rationali, quæ non traducitur per originem carnis: tum quia intellectus non est ali-

alicuius corporis actus, & ita non potest per virtutem corporalis feminis causari, ut Philosophus dicit in Libro de Generatione animalium: tum etiam quia cum anima rationalis sit quædam res subsistens, ut puta per se operationem habens, & corpore corrupto non corrumpatur, consequens est quod non generetur corpore generato, sicut alia formæ, quæ non possunt per se subsistere, sed potius caulatur a Deo. Consequens igitur videtur quod nec peccatum, quod est accidens animæ, possit per carnis originem traduci.

Ad hoc autem rationabiliter respondetur, quod licet in semine non sit anima, tamen in semine virtus dispositiva corporis ad animæ receptionem, quæ cum corpori infunditur, etiam ei suo modo conformatur, eo quod omne receptum est in recipiente per modum recipientis. Et exinde videmus quod filii simulantur parentibus, non solum in defectibus corporaliibus, sicut leprosus generat leprosum, & podagricus podagricum, sed etiam in defectibus animæ, sicut iracundus iracundum, & amentes ex amentibus nascuntur. Quamvis enim pes, qui est subiectum podagræ, non sit in semine, nec anima, quæ est subiectum iræ, vel amentię; tamen in semine virtus formativa corporaliū membrorum, & dispositiva ad animam.

Sed adhuc remanet dubitatio: quia defectus qui ex vitiata origine trahuntur, non habent rationem culpæ: non enim merentur poenā, sed magis misericordiam, sicut Philosophus dicit de eo qui nascitur cæcus, vel quocumque alio modo aliter orbat: & hoc ideo quia de ratione culpæ est quod sit voluntaria, & in potestate hominis, cui culpa imputatur. Sic igitur si aliquis defectus in nos pervenit per originem primi parentis, non videtur in nobis habere rationem culpæ, sed poenæ.

Et ideo dicendum est, quod sicut peccatum actuale est peccatum personæ, quia per voluntatem personæ peccantis committitur; ita peccatum originale est peccatum naturæ, quod per voluntatem principii humanæ naturæ commissum est. Est enim considerandum quod sicut diversæ corporis membra partes sunt personæ unius hominis, ita omnes homines sunt partes, & quasi quædam membra humanæ naturæ. Unde & Porphyrius dicit (cap. de specie) quod participatione speciei plures homines sunt unus homo. Videmus autem quod actus peccati exercitus per aliquod membrum, puta per manum, vel pedem, non habet ratio-

nem culpæ ex voluntate manus, vel pedis, sed ex voluntate totius hominis, a quo sicut a quodam principio derivatur motus peccati ad singula membra. Et similiter a voluntate Adæ, qui fuit principium humanæ naturæ, tota inordinatio naturæ habet culpæ rationem in omnibus ad quos pervenit, quantum ad hoc quod susceptivi sunt culpæ. Et sicut peccatum actuale, quod est peccatum personæ, trahitur ad singula membra per aliquem actum personalem, ita peccatum originale trahitur ad singulos homines per actum naturæ, qui est generatio. Et ita sicut per generationem humana natura trahitur, ita etiam per generationem traducitur defectus humanæ naturæ, qui est consecutus ex peccato primi parentis. Est autem hic defectus, carentia originalis iustitiæ, quæ erat primo homini divinitus collata, non solum ut erat persona quædam singularis, sed etiam ut erat principium humanæ naturæ, ut scilicet eam simul cum natura in posterum traduceret. Et ideo simili modo amissionem huius originalis iustitiæ per peccatum ad posterum transmittit, habentem in eis rationem culpæ, ratione iam dicta. Et ideo dicitur, quod in processu originalis peccati, persona infecit naturam, scilicet Adam peccans vitiauit humanam naturam; sed potius modum in aliis natura vitiata inficit personam, dum scilicet genito imputatur ad culpam naturæ vitium: propter voluntatem primi parentis, ut dictum est. Ex hoc autem patet quod licet primum peccatum primi parentis per originem traducatur in posterum, alia tamen eius peccata, vel etiam aliorum hominum, in filios non traducuntur: quia per solum primum peccatum sublatum est bonum naturæ, quod erat per originem naturæ traducendum; per alia vero peccata subtrahitur bonum gratiæ personalis, quod non transit ad alios posterum: & inde etiam est quod quavis peccatum Adæ deletum fuerit per suam poenitentiam, iuxta illud Sapient. 2. „Eduxit illum a deo, licito suo;“ non tamen eius poenitentia delere potuit peccatum posterorum: quia eius poenitentia fuit per actum personalem, quia ultra eius personam non se extendebat. Et propter hoc est unum tantum originale peccatum: quia solus defectus consequens primum peccatum, originaliter derivatur ad posterum. Et ideo Apostolus singulariter dicit: *Per unum hominem peccatum in hunc mundum intravit*: non autem dixit pluraliter, Peccata: quod fuisset dicendum, si de actualibus loqueretur. Dicitur autem

K

quan.

S. Th. 2^a 2^a, Tom. VI.

quandoque pluraliter, Peccata originalia, sicut in Psal. l. 7. „In peccatis concepit me mater mea:“ quia continet virtualiter multa peccata, inquantum ex corruptione fomoris inclinamur ad multa peccata.

Sed videtur quod peccatum originale non intraverit in hunc mundum per unum hominem, scilicet Adam, sed magis per unam mulierem, scilicet Evam, quæ primo peccavit, secundum illud Eccli. xxv. 33. „A muliere factum est initium peccati, & per illam omnes morimur.“

Ad hoc respondetur in Glossa dupliciter. Uno modo, quia consuetudo Scripturæ est ut genealogiæ non per males, sed per viros rexantur, sicut patet Matth. 1. & Luc. 111. Et ideo Apostolus hic volens quali genealogiam quamdam peccati ostendere, non fecit mentionem de muliere, sed solum de viro. Alio modo quia etiam mulier de viro sumpta est, & ideo quod est mulieris, attribuitur viro. Potest etiam alio modo dici, & melius, quod cum peccatum originale traducatur simul cum natura, sicut dictum est; sicut per virtutem activam viri, muliere materiam ministrante, natura traducitur, ita & peccatum originale. Unde si Adam non peccasset, Eva peccante, non per hoc fuisset peccatum traductum ad posterum. Illa enim est causa quare Christus peccatum originale non traxit, quia ex sola semina sine virili semine carnem accepit.

Per hoc verbum Apostoli Augustinus (contra Julian. Lib. III. cap. xxiv.) respondet Juliano hæretico in hunc modum querenti. „Non peccat iste qui nascitur, non peccat iste qui genuit, non peccat ille qui condidit: per quasigitur rimas inter tot præsidia innocentie peccatum fingis ingressum?“ Sed Augustinus (de Nupt. & concup. Lib. II. cap. xxviii.) respondet. „Quid queris latentem rimam, cum habeas apertissimam ianuam? Nam, secundum Apostolum, per unum hominem peccatum in hunc mundum intravit.“

Consequenter tangit ingressum mortis in mundum, cum dicit, *Et per peccatum mors*, scilicet in hunc mundum intravit, secundum illud Sap. 1. 15. „Iniustitia mortis est acquisitio.“

Videtur autem quod mors non sit ex peccato, sed magis ex natura, utpote proveniens ex necessitate materiæ: est enim corpus humanum ex contrariis compositum: unde est naturaliter corruptibile.

Dicendum est autem, quod natura humana dupliciter potest considerari. Uno modo secundum principia intrinseca, & sic mors est ei naturalis: unde Seneca dicit in Libro de Remediis fortuitorum, quod mors natura est hominis, non pœna. Alio modo potest considerari natura hominis secundum quod per divinam providentiam fuit ei per iustitiam originale provium: quæ quidem iustitia erat quædam reclusio, ut mens hominis esset sub Deo, & inferiores vires essent sub mente, & corpus sub anima, & omnia exteriora sub homine; ita scilicet quod quamdiu mens hominis Deo subderetur, vires inferiores subderentur rationi, & corpus animæ, insufficienter ab ea vitam recipiens, & exteriora (a) homini, ut scilicet omnia servirent, & nullum ex eis nocumentum sentiret. Hoc autem providentia divina disposuit propter (b) dignitatem animæ rationalis, quæ cum naturaliter sit incorruptibilis, debebat sibi incorruptibile corpus. Sed quia corpus, quod est ex contrariis compositum, oportebat esse organum sensus, & tale corpus secundum naturam suam incorruptibile esse non potest; supplevit potentia divina quod deerat naturæ humanæ, dans animæ virtutem continendi corpus incorruptibiliter: sicut faber si possit, daret ferro ex quo cultellum fabricat, virtutem ut rubiginem nullam contraheret. Sic ergo postquam mens hominis per peccatum est (c) a Deo averfa, amisit virtutem continendi inferiores vires, & etiam corpus, & exteriora; & sic incurrit mortem naturalem a causis intrinsicis, & violentiam ab exterioribus nocumentis.

Deinde cum dicit, *Et ita in omnes homines mors pertransiit*, ostendit universalitatem huius processus & quantum ad mortem, & quantum ad peccatum, ordine tamen retrogrado: nam supra prius egit de ingressu peccati, qui est causa ingressus mortis; nunc autem prius agit de universalitate mortis, tamquam de manifestiori; & hoc est quod dicit: *Et ita mors*, vel peccatum primi parentis, *pertransiit in omnes*: quia scilicet per originem vitiatam contrahunt homines necessitatem moriendi. II. Reg. xiv. 14. „Omnes morimur.“ Psal. Lxxviii. 49. „Quis est homo qui vivet, & non videbit mortem?“ Deinde tangit universalitatem processus peccati, cum dicit: *In quo omnes peccaverunt*: quod, sicut Augustinus dicit in Glossa, potest dupliciter intelligi. Uno modo: *In quo*, scilicet primo

(a) *Al.* hominis. (b) *Al.* divinitatem. (c) *Al.* a Dei subiectione averfa,

primo homine, vel in quo scilicet peccato: quia scilicet eo peccante, quodammodo omnes peccaverunt, inquantum in eo erat sicut in prima sua origine.

Sed cum Christus etiam originem ex Adam traxerit, ut patet Luc. 111. videtur quod etiam ipse, eo peccante, peccaverit.

Ad hoc respondet Augustinus super Genes. ad litteram, quod Christus non omnino fuit in Adam quo nos fuimus: nos enim fuimus & secundum corruptam substantiam, & secundum seminalem rationem; Christus autem fuit in eo solum secundum corruptam substantiam. Quod quidam male intelligentes putaverunt quod tota substantia corporum humanorum, quæ pertinet ad veritatem humanæ naturæ, fuerit actu in Adam, (4) & per quamdam multiplicationem divina virtute factam, quod sumptum est ab Adam, sit in tanta corporum quantitate ampliatum. Sed hoc est inconueniens, opera naturæ miraculo attribueri, præsertim quia videmus quod corpus humanum, quantumcumque sit de veritate humanæ naturæ, corrumpitur, & accipit aliam formam. Unde quia omne generabile est corruptibile, & e converso, oportet dicere quod materia quæ ante generationem hominis sub alia forma quam humana fuit, formam humanæ carnis assumpserit; & sic non totum quod est in corporibus nostris ad veritatem naturæ pertinet, fuit actu in eodem, sed solum secundum originem, prout scilicet effectus est in principio activo. Secundum hoc ergo intel-

legendum est, quod cum in nostra generatione sit & materia corporalis, quam semina ministrat, & vis activa, quæ est in semine maris; utrumque per originem ducitur ab Adam sicut a primo principio. Et ideo (h) dicimur in eo fuisse & secundum rationem seminalem, & secundum corruptam substantiam: quia scilicet utrumque ab eo præcessit. In generatione autem Christi fuit corrupta substantia, quam traxit de virgine, loco autem rationis seminalis fuit virtus activa Spiritus sancti, quæ non derivatur ab Adam; & ideo non fuit in Adam secundum seminalem rationem, sed tantum secundum substantiam corruptam. Sic igitur nos accipimus peccatum ab Adam, & trahimus; atque naturam humanam ab eo accipimus, sicut a principio activo, quod est esse in eo secundum seminalem rationem: quod quidem non competit Christo, ut dictum est.

Videtur ulterius quod peccatum originale non transeat in omnes: quia baptizatio peccato originali purgantur per baptismum; & ita videtur quod non possint in posterum peccatum transmittere, quod non habent.

Dicendum est autem, quod per baptismum homo liberatur a peccato originali quantum ad mentem; sed remanet peccati infectio quantum ad carnem: unde infra vii. 25. dicit Apostolus: *Ego ipse mente servio legi Dei, carne autem legi peccati*. Homo autem non generat mente carnales filios, sed carne; & ideo non transmittit novitatem Christi, sed vetustatem Adæ.

L E C T I O IV.

U Sque ad legem enim peccatum erat in mundo: peccatum autem non imputabatur cum lex non esset; sed regnavit mors ab Adam usque ad Moysen, etiam in eos qui non peccaverunt in similitudinem prævaricationis Adæ, qui est forma futuri.

P Ostimus autem Apostolus ostendit originem peccati, & mortis, sive ingressum utriusque in mundum, hic manifestat quod dixerat: & primo manifestat ipsum dictum; secundo manifestat similitudinem quam innuebat, dicens ibi, *Propterea sicut per unum hominem peccatum in hunc mundum intravit*; tertio exponit similitudinem, ibi, *Qui est forma futuri*. Dixerat autem quod

peccatum, & mors in omnes transierunt; & hoc quidem secundum expositionem Augustini manifestare intendit per hoc quod etiam sub lege peccatum remansit, quasi lege illud excludere non valente. Circa quod duo facit. Primo manifestat propositum quantum ad peccatum; & secundo quantum ad mortem, ibi, *Sed regnavit mors*. Circa primum duo facit. Primo ostendit peccatum

X 2

(a) scilicet, ut per quamdam multiplicationem divina virtute factam, si quod sumptum est ab Adam &c. item & per quamdam multiplicationem divina virtute factam, id est quod sumptum est &c.

(b) scilicet, dicitur.

aut fuisse etiam sub lege; secundo quid circa peccatum lex facit, ibi, *Peccatum autem non imputatur &c.* Dicit ergo primo: *Dictum est, quod omnes peccaverunt in Adam*, quia nec etiam lex peccatum abtulit: *usque ad legem enim*, idest etiam sub lege, ut ly *usque* reneatur inclusive, *peccatum erat in mundo*: quod quidem potest intelligi & de lege naturæ, & de lege Moysi; similiter & de peccato actuali, & de peccato originali. Peccatum enim originale erat in parvulo usque ad legem naturæ, idest usque ad usum rationis, per quem homo huiusmodi leges advertit. Psalm. l. 7. „In peccatis concepit me mater mea.“ Nec tamen cessat hoc peccatum, lege naturali adveniente, in homine, sed magis exerceat per additionem peccati actualis: quia, ut dicitur Eccle. vii. 21. „non est homo „iusus in terra qui faciat bonum, & non „peccet.“ Sed si intelligamus de lege Moysi, tunc quod dicitur, peccatum fuisse in mundo usque ad legem, potest intelligi non solum de originali, sed etiam de actuali: quia & ante legem, & sub lege peccatum utrumque permansit. Proverb. xi. 9. „Quis „potest dicere: Mundum est cor meum?“ Quamvis autem lex peccatum non (a) auferret, peccati tamen cognitionem fecit, quod antea non cognoscebat: unde subdit: *Peccatum autem non imputatur*: quod quidem planum est, si intelligatur de lege naturali. Quamvis enim peccatum originale sit in parvulo ante legem naturalem, & reputetur ei a Deo, non tamen imputatur ei apud homines. Si autem intelligatur de lege Moysi, planum est, quantum ad aliquas peccata actualia, quod non imputabatur ante legem, sicut illa quæ specialiter sunt per legem prohibita, quæ homines peccata non reputabant, sicut quod dicitur Exod. xx. 17. „Non concupisces &c.“ Imputabantur tamen quedam peccata, prout erant contra legem naturæ. Unde & Genes. xxxix. Ioseph legitur in carcerem missus propter adulterium sibi impositum. Consequenter agit de morte, dicens: Quamvis peccata ante legem non imputarentur, tamen mors, scilicet (b) spiritualis, idest peccatum, vel æterna damnatio, de qua dicitur in Psal. xxxiii. 22. „Mors peccatorum pessima“, *regnavit*, idest potestatem suam exercuit in homines, ducendo eos in damnationem, ab Adam, per quem peccatum intravit in mundum, usque ad Moysen, sub quo data est lex. Ioan. i. 17.

„Lex per Moysen data est, “ non solum in eos qui peccaverunt actualiter, sed etiam in eos qui non peccaverunt in similitudinem pravaricationis Adæ, qui actualiter peccavit. Osee vi. 7. „Ipsi autem sicut Adam transgressi sunt primum, ibi prævaricati sunt in me: “ quia etiam pueri damnationem incurrerant. Potest etiam & sub hoc sensu intelligi de morte corporali, per quam manifestatur peccatum fuisse etiam cum non imputabatur: quasi dicat: *Peccatum autem non imputabatur ante legem*; sed ex hoc deprehenditur fuisse, quia *regnavit mors*, scilicet corporalis: primo quidem aliquas passiones inducendo, puta famem, & sitim, & ægritudinem; & tandem totaliter dissolvendo: etiam in eos qui non peccaverunt in similitudinem pravaricationis Adæ, idest in pueros, qui non peccaverunt actualiter: quoniam etiam (c) isti mortem corporalem antea, & postea patiuntur, secundum illud Psalm. lxxxviii. 49. „Quis est homo qui vivet, & non vivit mortem?“

Ambrosius autem aliter ista verba exposuit, scilicet de peccato actuali tantum, & de lege Moysi; & secundum eum, inducuntur hæc verba ad manifestandum quod per primum parentem peccatum in hunc mundum intravit, & in omnes transivit: usque enim ad legem, idest ante legem Moysi, *peccatum erat in mundo*, scilicet peccatum actuale: homines enim multipliciter peccabant contra legem naturæ: unde dicitur Genes. xiiii. 13. „Homines Sodomitæ pessimi erant.“ *Peccatum autem non imputabatur, cum lex non esset*: quod est intelligendum non quin imputaretur quasi puniendum apud homines, cum quidem legantur ante legem puniri ab hominibus pro peccatis, ut patet Gen. xxxix. & xl. sed non imputabatur quasi Deo puniendum: tunc enim non credebant homines quod Deus humana facta vel puniret, vel præmiaret, secundum illud Iob xxxi. 14. „Circa carnes cæli perambulatur, nec nostra confiderat.“ Sed postea lege divinitus data innuit quod peccata imputantur a Deo ad poenam, & non solum ab hominibus. Et ideo quia homines non credebant se puniendos a Deo pro peccatis, libere & absque freno peccabant, ubi humanum iudicium non timebant. Et ideo subdit: *Et mors*, idest peccatum, *regnavit*, idest omnimodam suam potestatem exercuit, ab Adam usque ad Moysen, exclusive: nam per Moysen

(a) *Ab. auferret.* (b) *Ab. spiritualiter.* (c) *Ab. Christi mortem.*

Moysem data est lex, quæ incepit regnum peccati diminueret, incutiens timorem divini iudicii, secundum illud Deuter. v. 29. „ Quis det eos talem habere mentem, ut timeant me, & custodiant universa mandata mea? „ Regnavit, inquam, peccatum usque ad Moysem, non tamen in omnes, sed in eos qui peccaverunt in similitudinem prævaricationis Adæ. Dicit enim Ambrosius, in libris antiquis non inveniri hanc negationem *non*, unde credit a corruptoribus appositam. Adam quippe magis credidit promissioni diaboli, quam ammonitioni divinæ, ut patet Gen. 3. 11. & ita quodammodo diabolum prætulit Deo. Sic igitur in similitudinem prævaricationis Adæ prævaricantur idolatræ, qui, relicto Dei cultu, diabolum colunt. In tales ergo mors, idest peccatum, totaliter regnavit, quia eos omnino possedit. Fuerunt autem ante legem Moyse, (a) veri Dei cultores, qui & si peccarent, non tamen peccatum in eis regnabat: quia non totaliter eos a Deo separabat; sed peccabant sub Deo, idest sub huiusmodi unius Dei, etiam si peccarent mortaliter, vel sub caritate Dei, cum peccabant venialiter.

Ex utraque harum expositionum potest constari tertia, quæ magis videtur ad intentionem Apostoli pertinere. Dixerat enim, quod per unum hominem peccatum in hunc mundum intravit: & quia peccatum est transgressio legis divinæ, posset alicui videri quod hoc non esset verum quantum ad tempus ante legem; præsertim cum supra 1v. 15. dixerit: *Ubi non est lex, nec prævaricatio*. Et ideo posset aliquis credere, quod non per unum hominem peccatum in mundum intravit, sed magis per legem. Et ideo ad hoc-excludendum dicit, quod usque ad legem, idest tempus ante legem, peccatum erat in mundo, & originale, & actualis; non tamen erat peccatum cognitum, præsertim quasi a Deo puniendum; & hoc est quod subdit: *Peccatum autem non imputabatur*, scilicet quasi contra Deum existens, cum lex, scilicet divinitus, data non esset. Fuerunt enim aliqui, ut dicit Philo- sophus in V. Ethic. (cap. viii.) qui crediderunt quod nihil est iustum naturaliter,

& per consequens nec iniustum, sed per solam positionem legis humanæ; & secundum hoc, non imputabatur aliquod peccatum, quasi contra Deum existens, & præcipue peccatum originale, idest non cognoscebatur. Sed quod ista reputatio hominum esset falsa, ostenditur per effectum: quia mors corporalis regnavit ab Adam, per quem intravit originale peccatum in mundum, usque ad Moysem, sub quo data fuit lex: & ita cum mors sit effectus peccati, præcipue originalis, manifestum est quod ante legem fuit peccatum originale in mundo. Et ne aliquis dicat, quod moriebantur propter peccata actualia, ad hoc excludendum dicit, quod regnavit etiam in eis qui non peccaverunt, proprio actu, scilicet pios, & etiam in iustos qui non peccaverunt mortaliter; qui tamen peccaverunt in primo homine, ut supra dictum est. Et idem subdit, *In similitudinem prævaricationis Adæ*, in quantum similitudinem illius peccati traxerunt per originem simul cum similitudine naturæ; quasi dicat: Quod moriebantur absque proprio peccato, demonstrat quod in eis erat diffusa similitudo peccati Adæ per originem. Et hoc est quod Apostolus manifestare intendit, scilicet quod per Adam peccatum originale in mundum intravit.

Deinde cum dicit, *Qui est forma futuri*, exponit similitudinem, quæ intelligebatur in adverbio *sicut*: unde dicit: *Qui, scilicet Adam, est forma*, idest figura quædam, futuri, idest Christi, tamen per contrarium: nam sicut per Adam peccatum, & mors in mundum intravit, ita per Christum intravit iustitia, & vita. I. Corinth. xv. 47. „ Primus homo de terra terrenus, „ secundus homo de cælo cælestis. „ Sunt autem & aliæ similitudines inter Christum & Adam, quod scilicet sicut corpus Adæ formatum fuit sine coitu, ita & corpus Christi de virgine; & sicut de latere Adæ dormientis sumpta est mulier, ita ex latere Christi dormientis in cruce, fluxit sanguis & aqua, ut dicitur Ioan. xix. quæ significant sacramenta, quibus est formata Ecclesia.

(a) v. vizi.

LECTIO V.

Sed non sicut delictum, ita & donum: si enim unus delicto multi mortui sunt, multo magis gratia Dei, & donum, in gratia unius hominis Iesu Christi, in plures abundavit. Et non sicut per unum peccatum, ita & donum: nam iudicium quidem ex uno in condemnationem, gratia autem ex multis delictis in iustificacionem. Si enim unus delicto mors regnavit per unum, multo magis abundantiam gratiæ, & donationis, & iustitiæ accipientes in vita, regnabunt per unum Iesum Christum. Igitur sicut per unius delictum in omnes homines in condemnationem, sic & per unius iustitiam in omnes homines in iustificacionem vitæ. Sicut enim per inobedientiam unius hominis peccatores constituti sunt multi, ita & per unius obedienciam, iusti constituentur multi.

Postquam Apostolus posuit ingressum peccati in hunc mundum, hic agit de progressu gratiæ abolentis peccatum: & circa hoc duo facit. Primo ostendit quomodo per Christi gratiam remotum est peccatum, quod per unum hominem in mundum intravit; secundo ostendit quomodo per gratiam Christi peccatum est remotum, quod lege adveniente superabundaverat, ibi, *Lex autem subintravit* &c. Ostendit autem quod per gratiam Christi removeretur peccatum per Adam introductum in mundum, comparando gratiam Christi peccato Adæ: quia scilicet plus potest gratia Christi in bono, quam peccatum Adæ in malo. Et circa hoc duo facit. Primo comparat ipsas causas, scilicet gratiam Christi peccato Adæ; secundo ponit comparationem earum quantum ad effectus, ibi, *Et non sicut per unum peccatum, ita & donum*. Circa primum duo facit. Primo proponit comparationem; secundo manifestat eam, ibi, *Si enim unus delicto multi mortui sunt; multo magis gratia Dei, & donum*.... in plures abundavit. Dicit ergo primo: Dictum est, quod Adam est forma futuri; sed non sicut delictum, ita & donum; quasi dicat: Non est æstimandum quod tantæ efficaciæ sit delictum Adæ, quantæ est (a) efficaciam donum Christi. Cuius ratio est ista, quia peccatum procedit ex infirmitate voluntatis humanæ, gratia autem procedit ex immensitate bonitatis divinæ; quam manifestum est voluntati humanæ, præsertim infirmæ, præferri: & ideo virtus gratiæ (b) Dei excedit omne peccatum. Et idcirco dicebat David (Psal. L. 1.) „Miserere mei Deus, secundum magnam misericordiam tuam.“ Et propter hoc iuste repro batur verbum Cain

Genes. iv. 13. dicentis: „Maior est ini-
quitas mea quam ut veniam merear.“
Deinde cum dicit, *Si enim unus hominis delicto multi mortui sunt* &c. manifestat quod dixerat, scilicet quod donum gratiæ excedit delictum Adæ, dicens: *Si enim delicto unus, scilicet Adæ, multi mortui sunt*; id est, si ex delicto Adæ, peccatum, & mors transiit in multos alios, quia in omnes qui in eo peccaverunt; multo magis gratia Dei, & donum, id est gratuitum Dei donum, ut ly & expositive teneatur: vel gratia Dei refertur ad remissionem peccati: supra eodem: *Iustificati gratis per gratiam ipsius* &c. donum autem refertur ad bona superaddita ultra remissionem peccatorum, ut dicit Psal. LXXII. 19. secundum aliam litteram: „Dedit Dominus dona hominibus:“ multo, inquam, magis huiusmodi gratia, & donum, abundavit in plures, id est in multos. Quanto enim aliquid est potentius, tanto magis se potest ad multa extendere. Peccatum autem Adæ ad multos se extendit, quod probatur per mortem: unde signanter dicit, quod *unius delicto multi mortui sunt*: mors enim argumentum est peccati originalis, (c) ut supra dictum est. Adæ dixit Deus (Gen. II. 17.) „Quæcumque die comederis eo, morte morieris.“ Gratia (d) igitur Dei, quæ est fortior, multo amplius ad multos extenditur. Hebr. II. 10. „Qui multos filios in gloriam adduxit.“ Notandum est autem, quod dicit, *Abundavit*, quia non solum gratia Dei processit in multos ad deletionem peccati per Adam inducti, sed etiam ad peccata actualia delenda, & multa alia bona consequenda. II. Corinth. IX. 8. „Potens est autem Deus omnem gratiam abunda-

(a) *M. generis*. (b) *M. desiderat* Dei. (c) *M. ut supra dictum est* Adæ: Quatuordecim &c. (d) *M. deus* igitur.

„undare facere in vobis. “ Sicut enim peccatum ex uno homine abundavit in multos ex prima suggestione diaboli, ita & gratia Dei per unum hominem processit ad multos: unde signanter addit: *In gratia, idest per gratiam, unus hominis Iesu Christi.* Sic enim Deo gratia, in multos effunditur ut eam per Christum accipiant, in quo omnis plenitudo gratiarum invenitur, secundum illud Ioan. 1. 16. „De plenitudine eius omnes accepimus, gratiam pro gratia. “ Sic autem legenda est littera secundum expositionem Augustini, ut hoc quod dicitur, *Plures*, non accipiat comparative, sed absolute: & ita vult quod attendatur comparatio quantum ad hoc quod si delictum unius Adæ processit in multos, multo magis gratia unius Christi in multos. Sed secundum Ambrosium *plures* accipitur comparative, ut sit sensus, quod *delicto*, idest peccato actuali, *unius*, scilicet Adæ, multi, non omnes, *mortui sunt*, scilicet morte peccati, imitando scilicet peccatum ipsius Adæ per idolatriam, ut supra expositum est. Sap. xiii. 10. dicitur de idolatriis: „Infelices autem sunt, & inter mortuos spes eorum. “ Et multo magis gratia Dei abundavit in *plures*, scilicet quam in idolatris, qui peccaverunt in similitudinem Adæ: quia non solum eorum peccata tolluntur per gratiam Christi, sed etiam peccata eorum qui in fide unius Dei permanferunt. Mich. ult. 19. „Deponet iniquitates nostras, & proiciet omnia peccata nostra. “ Deinde cum dicit, *Et non sicut per unum peccatum, ita & donum*, comparat Christi gratiam peccato Adæ, quantum ad effectum: quia non solum utrumque in multos redundat, sed etiam maiorem effectum habet gratia Christi quam peccatum Adæ: & circa hoc tria facit. Primo proponit quod intendit; secundo manifestat propositum, ibi, *Nam iudicium quidem ex uno in condemnationem*; tertio probat, ibi, *Si enim unus delicto mors regnavit per unum &c.* Dicit ergo primo: Non solum (a) hoc dictum est, scilicet quod Christi gratia magis abundat in multos quam peccatum Adæ; sed etiam in eis maiorem effectum facit; & hoc est quod dicit: *Et non sicut per unum peccatum, ita & donum*; quasi dicat: Non tantus effectus sequitur per unum peccatum Adæ in multis, quantum consequitur in multis per donum gratiæ Christi. Potentioris enim

causæ potentior est effectus. Unde cum dictum sit, gratiam esse potentiores quam peccatum Adæ, consequens est quod maiorem effectum efficiat. Deinde cum dicit, *Nam iudicium quidem ex uno*, manifestat quod dixerat, dicens: *Nam iudicium, idest divina punitio, procedit quidem ex uno*, scilicet peccato primi parentis, *in condemnationem*, scilicet omnium hominum, quia in illo peccante peccaverunt, secundum illud quod supra dictum est, quod „mors in omnes pertransiit, in quo omnes peccaverunt;“ *gratia autem Dei, quæ datur per Christum, procedit ex multis delictis*, idest non solum ex illo uno originali, sed etiam ex multis actualibus, *in iustificationem*, idest perfectam emundationem. I. Corinth. vi. 11. „Ecce hoc quidem fuistis aliquando; sed abluti estis, sed sanctificati estis, sed iustificati estis. “ Deinde cum dicit, *Si enim unus delicto &c.* probat quod dixerat, scilicet quod gratia Christi procedit ex multis delictis in iustificationem: & primo quidem hoc probat ex posteriori, secundo ex priori, ibi, *Sicut enim per inobedientiam unius hominis &c.* Circa primum considerandum est, quod Apostolus in præmissa comparatione non ponit sibi respondentia, scilicet res eiusdem generis: nam ex parte peccati ponit condemnationem, quæ pertinet ad poenam; ex parte autem gratiæ ponit iustificationem, quæ non pertinet ad præmium, sed magis ad statum meriti. Sic igitur Apostolus intendit per hoc quod dicit, quod peccatum inducit condemnationem, ostendere quod gratia inducat iustificationem: & utitur tali ratione. Sicut condemnatio mortis procedit ex peccato primi parentis, ita regnum vitæ procedit ex gratia Christi: hæc enim duo uniformiter sibi correspondent: sed ad regnum vitæ nullus potest pervenire, nisi per iustitiam; ergo per gratiam Christi homines iustificentur. Primo ergo ponit præmissas; secundo infert conclusionem intentam, ibi, *igitur sicut per unius delictum &c.* Primum autem propositionem proponit, dicens: *Si enim ex delicto unius hominis mors regnavit per unum hominem*: quia, sicut supra eodem dictum est, „per unum hominem peccatum intravit, & per peccatum mors: “ multo magis homines regnabunt, *in vita*, scilicet æterna, *per unum Iesum Christum*; qui dicit Ioan. x. 10. „Ego veni ut vitam habeant, & abundantius habeant, “ participando scilicet æterna-

(a) Ad. imitatur hoc.

nitatem vitæ: quæ quidem abundantia hic per regnum designatur: unde dicitur Apoc. xi. 6. quod „regnabunt cum Christo annis mille,“ id est æterno tempore. Minorem autem designat interponendo: *Abundantiam gratia Christi, & donationis, & iustitia accipientes*; quasi diceret: Ad regnum vitæ homines pervenire non possunt, nisi hoc accipiendo; ita quod gratia Christi referatur ad dimissionem peccati, quam nulla merita præcedere possunt; & ideo omni gratiæ deputatur: si enim ex operibus, iam non ex gratia, ut dicitur intra xi. Quod autem dicitur, *Donationis*, referendum est ad dona gratiarum, quibus homines promoveantur in bona. Elther 11. 13. „Largitus est dona iuxta magnificentiam,“ principale. „Quod autem dicitur, *Iustitia*, referendum est ad reſtitutionem operum. I. Corin. 1. 30. „Qui factus est nobis a Deo iustitia.“ Deinde cum dicit, *igitur sicut &c.* infert conclusionem intentam, quæ ideam continet cum eo quod supra præmissum est, videlicet quod sicut per unius delictum Adæ, divinum iudicium processit in omnes homines, qui carnaliter (a) ex eo nascuntur, in condemnationem mortis; sic & per unius iustitiam, scilicet Christi, divina gratia in omnes homines in iustificationem vitæ, idest quæ ducit ad vitam.

Sed videtur hoc esse falsum: non enim omnes homines iustificantur per Christum, sicut omnes homines moriuntur per Adam.

Sed dicendum, quod intelligendum est quod sicut omnes homines qui nascuntur carnaliter ex Adam, incurrunt condemnationem per eius peccatum; ita omnes qui renascuntur spiritualiter per Christum, adipiscuntur iustificationem vitæ: quia, ut dicitur Ioan. 111. 5. „nisi quis natus fuerit denuo ex aqua, & Spiritu sancto, non potest introire in regnum Dei.“ Quamvis possit dici, quod iustificatio Christi transit in iustificationem omnium hominum quantum ad sufficientiam, licet quantum ad efficientiam procedat in solis fideles: unde dicitur I. Tim. 14. 10. „Qui est saluator omnium hominum, maxime autem fidelium.“ Ex hoc autem quod hic dicitur, accipere debemus, quod sicut nullus moritur nisi per peccatum Adæ, ita nullus iustificatur nisi per iustitiam Christi: quæ quidem est per fidem ipsius, secundum illud quod supra 111. dictum est: *Iustitia Dei per fidem Iesu Christi in omnes qui cre-*

dunt in eum. In eum autem crediderunt homines, non solum qui sunt post eius incarnationem, sed etiam qui eius incarnationem præcesserunt. Sicut enim nos credimus eum natum, & passum; ita ipsi crediderunt nasciturum, & passurum. Unde eadem est fides nostra & eorum. II. Corin. 14. 13. „Habentes eundem fidei spiritum,“ sicut scriptum est: Credidi, propter quod locutus sum: & nos credimus, propter quod & loquimur.

Sic igitur probatur esse quod gratia Christi procedit ad multorum iustificationem ex posteriori, scilicet ex regno vitæ. Consequenter cum dicit, *Sicut enim &c.* probat idem ex priori: causæ enim similes sunt ius effectibus; inobedientia autem primi parentis, quæ habet rationem iniustitiæ, constituit peccatores, & iniustos: igitur obedientia Christi, quæ habet rationem iustitiæ, constituit iustos. Et hoc est quod supra dictum est, quod gratia procedit in omnes homines in iustificationem.

Sed videtur esse dubium quod dicitur, quod per inobedientiam unius hominis peccatores constituti sunt multi, idest omnes qui ab eo nascuntur secundum rationem seminalem. Primum enim eius peccatum videtur fuisse superbia, magis quam inobedientia, secundum illud Eccli. x. 15. „Initium omnis peccati superbia.“

Sed dicendum est, quod, sicut ibidem dicitur, „initium superbiæ facit homines apostatari a Deo:“ quia scilicet prima pars superbiæ consistit in hoc quod homo non vult subiaci præceptis divinis, quod ad inobedientiam pertinet. Unde primum hominis peccatum fuisse videtur inobedientia, non secundum actum exteriorum, sed secundum interiorum motum superbiæ, quo voluit divino præcepto contraire. Unde eius inobedientiam Dominus arguit Gen. 117. 17. „Quia audisti vocem uxoris tuæ, & comidisti de ligno de quo præceperam tibi ne comederes, maledicta terra in opere tuo: in laboribus comedes ex ea cunctis diebus vitæ tuæ.“ Obedientia autem hic dicitur secundum quam præcepto Patris obediens, mortem sustinuit pro salute nostra, secundum illud Phil. 21. 8. „Fidelis est obediens usque ad mortem.“ Nec est contrarium quod alibi dicitur, Christum ex caritate mortuum esse, ut patet Ephes. v. quia hoc ipsum quod obedit, processit ex dilectione quam dedit ad Patrem, & ad nos. Et est attendendum, quod

(a) ubi. omittitur ex eo.

quod per obedientiam, & inobedientiam probat nos per unum peccatores effici, & per unum iustificari: quia iustitia legalis, quæ est omnis virtus, attenditur in observatione præceptorum legis, quod pertinet ad rationem obedientiæ; iniustitia autem illegalis, quæ est omnis malitia, ut dicitur

V. Ethic. attenditur in transgressionem mandatorum legis, quæ pertinet ad rationem inobedientiæ. Sic ergo convenienter dicitur, quod per obedientiam constituuntur homines iusti, & per inobedientiam peccatores.

LECTIO VI.

LEx autem subintravit, ut abundaret delictum. Ubi autem abundavit delictum, superabundavit & gratia; ut sicut regnavit peccatum in mortem, ita & gratia regnet per iustitiam in vitam æternam per Iesum Christum Dominum nostrum.

Postquam Apostolus ostendit quod per donum gratiæ subtrahitur peccatum, quod per Adam in hunc mundum intraverat; hic ostendit quod per gratiam Christi tollitur peccatum, quod lege superveniente abundaverat: & circa hoc duo facit. Primo ponit abundantiam peccati, quæ fuit per legem; secundo abolitionem peccati, quæ est per gratiam Christi, ibi, *ubi abundavit delictum* &c. Dicit ergo primo: Dictum est, quod per obedientiam unius hominis, iusti constituuntur multi; non autem lex hoc facere potuit, sed potius *lex subintravit, ut superabundaret delictum*.

Circa quod Apostoli dictum, duplex occurrit dubitatio. Primo quidem de hoc quod dicit legem subintrasse, id est latenter intrasse, post culpam originalem, & actua-lem, vel post naturalem legem, ut Glossa dicit: non enim lex occulte intravit, sed manifeste data fuit, secundum illud Esai. xlv. 19. "Non in abscondito locutus sum."

Dicendum est ergo, quod licet ipsa legislatio fuerit data in manifesto, tamen mysteria legis erant in occulto, & præcipue quo ad intentionem Dei circa legem ferendam, quæ peccatum ostenderet, non sanaret, secundum illud infra xi. 34. *Quis cognovit sensum Domini?* Potest etiam dici quod *lex subintravit*, id est quasi media intravit inter peccatum hominis & donum gratiæ Christi, quorum utrumque supra dixerat per unum ad plures transisse.

Secunda autem dubitatio est de hoc quod dicit legem subintrasse, *ut abundaret delictum*: sic enim videtur quod abundantia delicti sit finis legis, & ita sequitur quod lex sit mala: quia cuius finis malus est, ipsum quoque malum est; & hoc est contra illud

S. Th. Oper. Tom. VI.

I. Tim. i. 8. "Scimus quidem quod lex bona est."

Ad hoc autem respondetur in Glossa tripliciter. Primo quidem ut dicamus quod *lex* ut non ponitur causaliter, sed consecrative: non enim ad hoc fuit data lex ut peccatum abundaret; quin potius lex, quantum in se fuit, peccatum prohibuit, secundum illud Psal. cxviii. 31. "In corde meo abscondi eloquia tua, ut non peccem tibi."

Sed lege data consecuta est abundantia delictorum dupliciter. Uno quidem modo quantum ad peccatorum multitudinem: lex enim licet peccatum demonstraret, peccati tamen concupiscentiam non auferbat. Cum autem alicui prohibetur id quod concupiscit, vehementius in concupiscentiam illius exardescit; sicut & fluvius apposito obice fortius fluit, & obicem frangit. Cuius ratio potest esse triplex. Una quidem, quia illud quod subiacet hominis potestati, non reputat aliquis pro magno; sed illud quod est extra hominis potestatem, apprehenditur ab homine quasi magnum. Prohibitio autem eius quod concupiscitur, ponit illud quod prohibetur quasi extra hominis potestatem; & ideo concupiscentia magis exardescit in rem concupitam dum prohibetur. Secunda ratio est, quia interiores affectiones quando interius retinentur, ita quod exterius non deriventur, ex hoc ipso magis interius incenduntur; sicut patet in dolore, & ira, quæ dum interius clausæ tenentur, magis augentur; si autem exterius quoquo modo procedant, eorum virtus diminuitur. Prohibitio autem propter timorem peccatæ, cogit hominem ut concupiscentiam suam ad exteriora non perducatur; & ideo ipsa concupiscentia interius retenta,

L

102.

magis inflammatur. Tertia ratio est, quia illud quod non est nobis prohibitum, apprehendimus quasi possibile fieri, quando cumque nobis placuerit, & ideo multoties opportunitate existente illud vitamus; sed quando aliquid est prohibitum, apprehenditur a nobis, ut non semper a nobis haberi possit; & ideo quando opportunitas datur sine timore poenae illud consequendi, promptiores ad hoc sumus. Et inde est quod data lege, quae concupiscentiae ulum prohibeat, & tamen ipsam concupiscentiam non mitigabat, concupiscentia ipsa magis seruerent homines ad peccata ducebant. Unde dicitur Eccli. v. 5., ista est Hierusalem; lem: in medio Gentium posui eam, & „in circuitu eius terras: & contempsit iudicia mea, ut plus esset impia quam Gentes.“

Sed secundum hoc, videtur quod omnis lex humana, quae gratiam non confert diminuentem concupiscentiam, faciat abundare peccata; quod est contra intentiones legislatorum, quia ad hoc tendunt, ut ciues faciant bonos, ut patet per Philosophum II. Ethic. (cap. 1.)

Sed dicendum est, quod alia est intentio legis humanae, & alia legis divinae: lex enim humana refertur ad humanum iudicium, quod est de exterioribus actibus; sed lex divina refertur ad divinum iudicium, quod est de interioribus motibus cordis, secundum illud I. Reg. xvi. 7., Homo videt, „ea quae patent, sed Deus intrinsecus cor.“ Sic igitur lex humana suam intentionem consequitur, dum per prohibitionem, & poenae comminationem impedit ne multiplicantur exteriores actus peccati, licet concupiscentia interior magis augeatur; sed quantum ad legem divinam etiam interiores concupiscentiae magis imputantur ad peccatum, quae abundant lege prohibente & non auferente concupiscentiam. Sciendum tamen, quod sicut Philosophus dicit in X. Ethic. (cap. xi.) prohibitio legis, licet illos qui sunt male dispositi, colibet ab exterioribus peccatis solo poenae timore, quodam tamen bene dispositos inducit per amorem virtutis. Sed ista bona dispositio quantum ad aliquid potest esse a natura, sed minus perficitur non est nisi per gratiam, ex qua contingit quod etiam lege veteri data, non in omnibus peccatum abundat, sed in pluribus; quidam vero lege prohibente, & gratia ulterius adiuvante, ad

perfectiorem virtutum (a) tandem pervenerunt, secundum illud Eccli. xlv. 12. „Laudemus viros gloriosos:“ & infra 3., „Homines magnos virtute.“ Secundo superabundavit delictum lege superveniente, quantum ad gravitatem reatus: gravius enim fuit peccatum, ubi accessit pravificatio, non tantum legis naturae, sed etiam legis scriptae: unde supra xv. 15. dictum est, quod ubi non est lex, nec pravificatio. Secundo autem potest responderi, ut dicitur quod ly ut teneatur casualiter, ita tamen quod loquatur Apostolus de abundantia delicti, secundum quod est in nostra cognitione, ut sit sensus: *Lex subintravit ut abundaret delictum*; id est, ut abundantius delictum cognosceretur, secundum modum loquendi quo dicitur aliquid fieri, cum innotescit. Unde supra dictum est, quod *per legem est cognitio peccati*. Tercio modo potest exponi ita, quod ly ut teneatur casualiter; ita tamen quod abundantia delicti non intelligatur finis legis subintrantis, sed id quod ex abundantia delicti sequitur, scilicet humilitatio hominis: lege enim subintrante abundavit delictum, ut dictum est in prima expositione; ex qua quidem delicti abundantia consecutum est quod homo infirmitatem suam recognoscens humilietur. Dicebat enim homo superbus, de viribus suis praesumens: Non deest qui impleat, sed deest qui iubeat, secundum illud Exod. xxxiv. 7., „Omnia quae locutus est Dominus, faciemus, & ei obediemus.“ Sed quando lege data, consecuta est multitudo delictorum, homo suam infirmitatem cognovit ad observantiam legis, secundum illud Sap. ix. 5., „Infirmus homo, & exiguus temporis, & minor ad intellectum iudicii, & legum.“ Intentio ergo Dei legem dantis non terminatur ad abundantiam peccatorum, sed ad humilitatem hominis, propter quam permisit abundare delicta. Sic ergo quia hoc erat occultum, signanter quantum ad hoc dicit, quod *lex subintravit*.

Quia vero hic agitur de lege, & sine legis, duo consideranda occurrunt. Primo quidem quot modis lex dicatur; secundo quis sit finis legis.

Circa primum sciendum est, quod lex uno modo dicitur tota Scriptura veteris testamenti, secundum illud Ioan. xv. 25., „Ut impleatur sermo eorum, qui in lege eorum scriptus est, quia odio habuerunt

„me.

(a) Al. tempore.

„ me gratis; “ cum tamen hoc scriptum sit in Psalmis . Quandoque vero dicitur lex Scriptura quinque librorum Moysis, secundum illud Deut. xxxiii. 4. „ Legem præcepit nobis Moyses. “ Tertio dicitur Decalogus præceptorum, secundum illud Exod. xxiv. 12. „ Dabo tibi duas tabulas lapideas, & legem, ac mandata quæ scripsi, “ ut doceas . “ Quarto dicitur lex tota continentia cærimonialium, secundum illud Hebr. x. 1. „ Umbram habens lex futuro- rum bonorum. “ Quinto dicitur lex aliquod speciale præceptum cærimoniale, secundum illud Lev. viii. 11. „ Hæc est lex hostiæ pacificorum. “ Sumitur autem hæc lex communiter ab Apostolo quantum ad totam doctrinam legis Moysi, id est quantum ad moralia, & cærimonialia præcepta: quia scilicet per cærimonias legis non dabatur gratia, per quam homo adiuveretur ad implenda præcepta moralia, concupiscentia diminuta .

Circa finem autem legis sciendum est, quod in populo Iudæorum tria fuerunt hominum genera, sicut & in quolibet alio populo, scilicet duri, id est peccatores & rebelles, proficientes, & perfecti . Quantum igitur ad duos, lex fuit data in flagellum, & quantum ad præcepta moralia, ad quorum observantiam cogebantur per pœnæ comminationem, ut patet Levit. 11. & quantum ad cærimonialia, quæ ideo sunt multiplicata, ne liceret eis diis alienis alium cultum superaddere . Ezech. xx. 34. „ In manu valida, & brachio extenso, & in furore effuso regnabo super vos. “ Sed proficientibus, qui dicuntur mediocres, lex fuit in pædagogum, secundum illud Gal. 111. 24. „ Lex pædagogus noster fuit in Christo. “ Et hoc quantum ad cærimonialia, quibus continebantur in divino cultu, & quantum ad moralia, quibus ad iustitiam promovebantur . Perfectis autem fuit quantum ad cærimonialia quidem insignum, secundum illud Ezech. xx. 12. „ Sabata mea dedi eis, ut essent signum inter me & eos: “ quantum ad moralia vero, in solatium, secundum illud infra vii. 23. *Condelector legi Dei secundum interiorem hominem.*

Deinde cum dicit, *Ubi abundavit delictum* &c. ostendit quomodo per gratiam tollitur abundantia delictorum: & primo ponit gratiæ abundantiam; secundo ostendit abun-

dantis gratiæ effectum, ibi, *Ut sicut regnavit peccatum &c.* Dicit ergo primo: „ Dictum est, quod lege subintrante, abundavit delictum; nec tamen propter hoc impeditur divinum propositum de salute Iudæorum, & totius humani generis: quia ubi abundavit delictum, scilicet in humano genere, & specialiter in Iudæis, superabundavit & gratia, scilicet Christi condonantis peccata. “ Il. Corinth. ix. 8. „ Potens est Deus omnem gratiam abundare facere in vobis. “ Fius autem quod hic dicitur, duplex ratio assignari potest. Una quidem ex effectu gratiæ. Sicut enim magnitudinem morbi non sanat nisi fortis & efficax medicina; ita requirebatur abundans gratia ad hoc ut sanaret abundantiam delictorum. Luc. vii. 47. „ Dimissa sunt ei peccata multa, quoniam dilexit multum. “ Alia ratio sumi potest ex dispositione peccantis, qui dum magnitudinem peccatorum suorum recognoscit, quandoque quidem desperat, & contemnit, secundum illud Prov. xviii. 3. „ Impius, “ eum in profundum venerit peccatorum, “ contemnit: “ quandoque vero per auxilium divinum, ex consideratione suorum peccatorum magis humiliatur, & maiorem consequitur gratiam, secundum illud Psal. xv. 4. „ Multiplicatæ sunt infirmitates eorum, postea acceleraverunt. “

Deinde cum dicit, *Ut sicut regnavit peccatum in mortem &c.* ostendit effectum gratiæ abundantis: qui quidem est per oppositum respondens effectui peccati: ut scilicet sicut peccatum introductum per primum hominem, & abundans per legem, regnavit, id est plenum dominium in homines obtinuit, & hoc quovis duceret eos in mortem temporalem, & æternam: infra vi. 23. „ Stipendia peccati mors: “ ita & gratia Dei regnet, id est plene dominetur in nobis, per iustitiam, quam scilicet in nobis facit: supra eodem: „ Iustificati gratis per gratiam ipsius: “ & hoc quovis nos ducat in vitam æternam, secundum illud infra vi. 23. „ Gratia Dei vita æterna: “ & totum est per Iesum Christum Dominum nostrum, qui est dator gratiæ, secundum illud Ioan. 1. 17. „ Gratia, & veritas per Iesum Christum facta est: “ & etiam iustitia: I. Corinth. 1. 30. „ Qui factus est nobis iustitia a Deo: “ & dator vitæ æternæ: Ioan. x. 28. „ Ego vitam æternam do eis. “

CAPITIS SEXTI

LECTIO I.

Quid ergo dicemus? Manebimus in peccato, ut gratia abundet? Absit. Si enim mortui sumus peccato, quomodo adhuc vivemus in illo? An ignoratis, fratres, quia quicumque baptizati sumus in Christo Iesu, in morte ipsius baptizati sumus? Consepulti enim sumus cum illo per baptismum in mortem, ut quomodo Christus surrexit a mortuis per gloriam Patris, ita & nos in novitate vitæ ambulemus. Si enim complantati facti sumus similitudini mortis eius, simul & resurrectionis erimus.

Postquam Apostolus ostendit quod per gratiam Christi liberamur a peccato præterito, tam introducto per primum hominem, quam etiam abundante per legem; hic ostendit quod per gratiam Christi datur nobis facultas ad resistendum peccatis futuris: & circa hoc duo facit. Primo ponit quæstionem ex præmissis ortam; secundo solvit eam, ibi, *Absit &c.* Dixerat autem supra v. 20. quod ubi abundavit delictum, superabundavit & gratia: quod quidem aliquis posset male intelligere, quasi abundantia delicti esset causa superabundantiæ gratiarum; & ideo inducit quæstionem, dicens: *Quid ergo dicemus? Numquid permanebimus in peccato, ut gratia abundet?* Quod quidem oporteret dicere, si abundantia delicti esset causa gratiæ abundantis, & non sola occasio, ut supra dictum est. Unde & supra xii. 8. Apostolus dicit: *Sicut blasphemamur, & sicut aiunt quidam nos dicere: Facimus mala, ut eveniant bona.* Hier. xii. 1. *Bene est omnibus qui prævaricantur, & inique agunt.*

Deinde cum dicit, *Absit &c.* solvit inditam quæstionem: & primo assignat rationem quare non est nobis permanendum sub peccato; secundo concludit exhortationem intentam, ibi, *Non ergo regnet peccatum.* Circa primum duo facit. Primo assignat rationem quare non sit in peccato permanendum; secundo ostendit nobis inesse facultatem ad hoc quod non sub peccato maneamus, ibi, *Hoc scientes &c.* Circa primum ponit talem rationem. Si sumus mortui peccato, non debemus vivere in illo; sed mortui sumus peccato: ergo non debemus vivere in peccato. Circa hoc ergo quatuor facit. Primo ponit conditionalem; secundo probat antecedens, ibi, *An ignoratis &c.* tertio concludit consequens, ibi, *Ut quomodo Christus surrexit &c.* quarto probat

necessitatem consequentiæ, ibi, *Si enim complantati facti sumus similitudini mortis eius, & resurrectionis erimus.* Dicit ergo primo: *Absit*, scilicet quod hac intentione permanendum sit in peccato, *ut gratia abundet*: quia, ut dicitur Eccli. xv. 21. *nemini mandavit Deus impie agere.* Et huius ratio est. *Si enim mortui sumus peccato*, per hoc scilicet quod peccatum est mortificatum in nobis, *quomodo adhuc in illo vivemus?* Non enim naturalis ordo rerum habet ut a morte redeat ad vitam. Eia. xxxi. 14. *Morientes non vivant, gigantes non resurgant.* Cant. v. 7. *Lavi pedes meos, quomodo inquinabo illos?* Deinde cum dicit, *An ignoratis?* probat antecedens, scilicet quod fideles sunt mortui peccato: & primo proponit medium ad propositum ostendendum; secundo manifestat medium inductum, ibi, *Consepulti enim sumus &c.* Dicit ergo primo: *An ignoratis?* quasi dicat: Quod vobis proponendum est, est adeo manifestum, quod illud vobis ignorare non licet: I. Corinth. xiv. 38. *Si quis ignorat, ignorabitur*: *quia quicumque baptizati sumus in Christo Iesu: quod intelligitur tripliciter.* Uno modo secundum institutionem Iesu Christi. Matth. ult. 19. *Docete omnes gentes, baptizantes eos in nomine Patris, & Filii, & Spiritus sancti.* Secundo per invocationem Iesu Christi. Act. viii. 12. *In nomine Iesu Christi baptizabantur viri, ac mulieres.* Tertio in Christo Iesu, id est in quadam conformitate ad Christum Iesum. Galat. iii. 27. *Quicumque in Christo Iesu baptizati estis, Christum induistis.* *An mortui ipsius baptizati sumus*, id est in similitudinem mortis eius, quasi ipsam mortem Christi in nobis repræsentantes. II. Corinth. v. 10. *Semper mortificationem Iesu Christi in corpore nostro circumferentes.* Galat. ult.

ult. 17. „ Stigmata Iesu in corpore meo porto. „ *Vel in morte ipsius*, idest per virtutem mortis eius. Apoc. 1. 5. „ Lavit „ nos a peccatis nostris. „ Unde de latere Christi pendens in cruce, post mortem fluxit sanguis, & aqua, ut dicitur Ioan. 11. Sicut igitur eius morti configuramur, inquantum peccato morimur; sic ipse mortuus est vitæ mortali, in qua erat similitudo peccati, licet non esset ibi peccatum. Ergo omnes qui baptizati sumus, mortui sumus peccato. Deinde cum dicit, *Consepulti enim sumus &c.* probat propositum medium, scilicet quod omnes baptizemur in conformitate ad mortem Christi, dicens: *Consepulti enim sumus cum illo per baptismum in morte*; quasi dicat: Sepultura non nisi mortuis debetur. Matth. 11. 22. „ Sini „ te mortuos sepelire mortuos suos. „ Per baptismum autem homines sepeliuntur Christo, idest conformantur sepulture ipsius. Sicut enim ille qui sepelitur, ponitur sub terra, ita ille qui baptizatur, immergitur sub aqua: unde & in baptismo fit tria immergio, non solum propter fidem Trinitatis, sed etiam ad representandum triduum sepulture Christi. Et sicut triduum sepulture non facit nisi unam sepulturam, ita tria immergio non facit nisi unum baptismum. Et inde etiam est quod in sabbato sancto solemnis baptismus in Ecclesia celebratur, quando commemoratur sepultura Christi; sicut & in vigilia pentecostes, quando solemniatur de Spiritu sancto, ex cuius virtute aqua baptismi accipit vim purgandi, ut dicitur Ioan. 11. 5. „ Nisi quis renatus fuerit ex aqua, & Spiritu sancto, non potest introire in regnum Dei. „

Est tamen considerandum, quod corporaliter aliquis prius moritur, & postea sepelitur; sed spiritualiter sepultura baptismi causat mortem peccati: quia sacramentum novæ legis efficit quod signat. Unde cum sepultura, quæ fit per baptismum, sit signum mortis peccati, mortem efficit in baptizato: & hoc est quod dicit, quod *sumus sepulti in mortem*, ut per hoc ipsum quod signum sepulture Christi in nobis ac-

cipimus, consequamur mortem peccati.

Deinde cum dicit, *Ut quomodo Christus surrexit &c.* insert consequens, scilicet quod non debeamus vivere in peccato. Ad hoc quidem inducit similitudinem ex resurrectione Christi, dicens: *Ut quomodo Christus resurrexit a mortuis per gloriam Patris*, idest per virtutem Patris, ex qua ipse Pater glorificatur, secundum illud Psal. lvi. 9. „ Ex „ urge gloria mea; „ ita & nos in novitate vitæ ambulemus; idest, per bona opera vitæ procedamus: vita enim peccati vetustatem habet, quia in corruptionem nos ducit. Hebr. viii. 13. „ Quod antiquatur, „ & senescit, prope interitum est. „ Unde & dicitur Baruch 111. 10. „ Quid est „ quod in terra inimicorum es? Invetera „ sti in terra aliena, coinquinatus es cum „ mortuis. „ Unde & novitas vitæ dicitur per quam aliquis redit ad integritatem, ut scilicet sit sine peccato. Psal. cii. 5. „ Renovabitur ut aquilæ iuventus tua. „ Ephes. iv. 23. „ Renovamini spiritu mentis vestræ. „ Deinde cum dicit, *Si enim*, probat necessitatem consequentis. Christus enim postquam fuit mortuus, resurrexit: unde conveniens est ut illi qui conformantur Christo quantum ad mortem in baptismo, conformentur etiam resurrectioni eius per innocentiam vitæ: & hoc est quod dicit: *Si enim complantati sumus similitudini mortis eius*; idest, si in nobis assumamus similitudinem mortis eius, ut ei incorporemur, sicut ramus qui inseritur plantæ, ut quasi nos in ipsa passione Christi inseramur; *simul & resurrectionis eius*, scilicet similitudini eius complantati, ut scilicet in præsentem innocentem vivamus, & in futuro ad similem gloriam perveniamus. Philip. 111. 21. „ Reformabit corpus humilitatis nostræ configuratum corpori claritatis suæ. „ II. Tim. 11. 11. „ Sicomus „ mortui sumus, & convivemus. „ Sic igitur sicut Apostolus per similitudinem mortis Christi probavit quod sumus mortui peccato, quod præmiserat quasi antecedens; sic per similitudinem resurrectionis eius probavit quod non debemus vivere in peccato, quod quasi consequens superius introduxit.

LECTIO II.

HOc scientes, quod vetus homo noster simul crucifixus est, ut destruat^{ur} corpus peccati, ut ultra non serviamus peccato. Qui enim mortuus est, iustificatus est a peccato. Si autem mortui sumus cum Christo, credimus quia simul etiam vivemus cum illo: scientes quod Christus resurgens ex mortuis iam non moritur, mors illi ultra non dominabitur: quod enim mortuus est peccato, mortuus est semel; quod autem vivit, vivit Deo. Ita & vos exilimate vos mortuos quidem esse peccato, viventes autem Deo in Christo Iesu.

Postquam Apostolus ostendit quod non est quod nobis in peccato permanendum, ex eo quod per baptismum mortui sumus peccato; hic ulterius ostendit adesse nobis salutem ad hoc observandum: & circa hoc duo facit. Primo proponit quod intendit; secundo manifestat propositum, ibi, *Qui enim mortui sumus &c.* Circa primum duo facit. Primo proponit beneficium quod consecutus sumus; secundo huius beneficii effectum, ibi, *Ut destruat^{ur} corpus peccati*. Dicit ergo primo: Dicitum est, quod debemus in novitate ambulare, scilicet desistendo a peccato. Et ne hoc aliquis forte impossibile diceret, dicit quod sumus hoc scientes, quia vetus homo noster, id est vetustas hominis per peccatum indulta, simul, scilicet cum Christo, crucifixus est; id est, per crucem Christi est mortificatus: sicut enim supra dictum est, vetustas hominis per peccatum indulta est, inquantum per peccatum, bonum naturae corrumpitur: quae quidem vetustas in homine principatur, quamdiu homo peccato subiacet. Et quia id quod est principale in homine, dicitur esse ipse homo, inde est quod in eo qui peccato subiicitur, ipsa vetustas peccati dicitur esse vetus homo. Vetustas autem peccati potest intelligi vel ipse reatus, seu macula actualium peccatorum, vel etiam consuetudo peccandi, quae quandam necessitatem ingerit ad peccandum; vel etiam ipse fomes peccati proveniens ex peccato primi parentis. Sic igitur vetus homo noster dicitur esse simul crucifixus cum Christo, inquantum praedicta vetustas virtute Christi sublata est; vel quia totaliter est amota, sicut totaliter amovetur in baptismo reatus, & macula peccati; vel quia diminuitur virtus eius, sicut virtus somitis, vel etiam consuetudinis peccandi. Coloss. 3. 14. „Delens quod adversum nos erat“ chirographum decreti, quod erat contra-

rium nobis: & ipsum tulit de medio, „affigens illud cruci“. Deinde cum dicit, *Ut destruat^{ur} corpus peccati*, ponit effectum praedicti beneficii duplicem: quorum primus est remissio praecedentium delictorum; & hoc est quod dicit: *Ut destruat^{ur} corpus peccati*: dicitur enim corpus peccati, ipsa congeries malorum operum; sicut ipsa congeries membrorum facit unum corpus naturale. Iob xli. 6. „Corpus eius quasi scuta fusilia, compadum squammis se prementibus“. Secundus autem effectus est ut caveamus a peccatis in futurum; & hoc est quod subdit dicens: *Ut ultra non serviamus peccato*: tunc enim homo peccato servit quando concupiscentiae peccati obedit per consensum, & corporis executionem. Ioan. viii. 34. „Qui facit peccatum, servus est peccati“.

Deinde cum dicit, *Qui enim mortui sumus &c.* manifestat quod dixerat: & primo quantum ad primum effectum; secundo quantum ad secundum, ibi, *Si autem mortui sumus cum Christo*. Circa primum considerandum est, quod congeries peccatorum destruitur quando peccata homini remittuntur. Sic igitur destructionem corporis peccati manifestat dicens: *Qui enim mortui sumus, (a) peccato scilicet per baptismum, quo Christo commorimur, iustificatus est a peccato*; id est, remissis peccatis translati sunt in statum iustitiae. I. Cor. vi. 11. „Et haec quidem suisvis aliquando; sed abluti estis, sed sanctificati estis, sed iustificati estis“. Quia igitur per crucem Christi homo peccato moritur, consequens est quod a peccato iustificetur, & ita quod corpus peccati destruat^{ur}. Deinde cum dicit, *Si autem mortui sumus &c.* manifestat secundum effectum per conformitatem ad vitam Christi tali ratione. Ille qui Christo mortienti commoritur, simul convivit & resurrexit; Christus autem resurrexit a mortuis

(a) *id est iustificatus a peccato.*

tuis tamquam numquam de cetero moriturus: ergo ille qui mortificatus est peccato, sic Christo resurgenti convivit quod habet facultatem numquam de cetero ad peccatum redeundi. Circa hoc ergo tria facit. Primo ostendit conformitatem hominis fidelis ad vitam Christi resurgentis; secundo ponit conditionem vitæ resurgentis, ibi, *Scientes quod Christus &c.* tertio infert conclusionem intentam, ibi, *Ita &c.* Dicit ergo primo: *Si enim mortuus sumus cum Christo*, id est si virtute mortis Christi sumus mortui peccato, *credimus, quia etiam simul vivemus cum illo*, id est ad similitudinem vitæ eius. Vivemus, inquam, hic vita gratiæ, & in futuro vita gloriæ. Ephes. 11. 5. „Cum essemus mortui peccatis, convivificavit nos in Christo.“ Deinde cum dicit, *Scientes*, ponit conditionem vitæ Christi resurgentis: & primo ponit eam; secundo probat, ibi, *Quod enim mortuus est &c.* Dicit ergo primo: Hoc, inquam, quod dictum est credimus, *scientes quod Christus resurgens ex mortuis iam non moritur*, sed vivit vita perpetua. Apoc. 1. 18. „Fui mortuus, & sum vivens in sæcula sæculorum:“ & „quod plus est, mors illi ultra non dominabitur“, quæ scilicet in homine dominatur, non solum dum moritur per separationem animæ a corpore, sed etiam ante mortem, dum patitur ægritudinem, famem, & sitim, & alia huiusmodi, per quæ pervenitur ad mortem; sed ab his libera est vita Christi resurgentis; & ideo non subiecit dominio mortis, sed potius ipse habet dominium super mortem. Apoc. 1. 18. „Habet clavem mortis, & inferni.“ Deinde cum dicit, *Quod enim mortuus est &c.* probat propositum, scilicet quod Christus resurgens ulterius non moriatur: & hoc dupliciter. Primo quidem ratione accepta ex parte mortis, quam sustinuit, dicens: *Quod enim mortuus est peccato, mortuus est semel*. Non autem intelligitur quod ipse mortuus est peccato quod ipse commisit, vel contraxit: quia in eo nullo modo peccatum locum habuit: I. Pet. 11. 22. „Qui peccatum non fecit.“ Sed dicitur mortuus esse peccato dupliciter: uno modo quia mortuus est pro peccato tollendo: II. Corinth. v. 21. „Eum qui non novit peccatum, pro nobis Deus fecit peccatum,“ id est hostiam pro peccato: alio modo, quia mortuus est similitudini carnis peccati, id est vitæ passibili, & mortali: infra viii. 3. *Dimisit Filium suum in similitudinem carnis peccati*.

Utroque autem modo concludi potest quod Christus mortuus sit semel, ex hoc quod mortuus est peccato. Quantum enim ad primum manifestum est quod per unam mortem omnia peccata delevit, secundum illud Hebr. x. 14. „Una oblatione consummavit in sempiternum sanctificatos.“ Ideo non restat ut adhuc pro peccato (a) moriatur. I. Pet. 111. 18. „Christus semel pro peccatis nostris mortuus est.“ Quantum ad secundum autem, idem potest concludi. Si enim Christus mortem sustinuit, ut deficeret in eo similitudo carnis peccati, debuit eius mors conformari aliis mortibus eorum peccati, qui semel mortui sunt: unde dicitur Hebr. ix. 27. „Quemadmodum statutum est hominibus semel mori... sic & Christus semel oblarus est ad multos imexaurienda peccata.“ Secundo ostenditur idem ex conditione vitæ quam relinquitur a mortuis, dicens: *Quod autem vivit, vivit Deo*, id est ad conformitatem Dei. Dicitur enim II. Cor. ult. 4. „Quod si crucifixus est ex infirmitate, vivit ex virtute Dei.“ Effectus autem conformatur causæ: unde & vita quam Christus resurgens acquisivit, est deformis: sicut ergo vita Dei est sempiterna, & absque corruptione, secundum illud I. Tim. ult. 16. „Qui solus habet immortalitatem;“ ita & vita Christi est immortalis. Deinde cum dicit, *Ita &c.* infert conclusionem intentam, ut conformemur vitæ Christi resurgentis, & quantum ad hoc quod mortuus est peccato, id est mortali vitæ, quæ habet similitudinem peccati, numquam ad eam rediturus, & quantum ad hoc quod vivit ad conformitatem Dei: & quantum ad primum dicit: *Ita &c.* vos existimate vos quidem mortuos esse peccato, scilicet tamquam ad peccatum numquam sitis redituri: Eia. xxvi. 14. „Morientes, quo vivant?“ quantum ad secundum dicit, *Viventes Deo*, id est ad honorem, vel similitudinem Dei, ut scilicet numquam per peccatum moriamur. Gal. 11. 20. „Quod autem nunc vivo in carne, in fide vivo“ Filii Dei. Et ideo subdit: *In Christo Iesu Domino nostro*, id est per Iesum Christum, per quem & peccatis morimur, & Deo vivimus. Vel in *Christo Iesu*, id est tamquam incorporati Christo Iesu, ut per eius mortem moriamur peccato, & per eius resurrectionem vivamus Deo. Ephes. 11. 5. „Convivificavit nos in Christo, cuius gratia salvati estis.“

(a) *id. mortuus.*

LECTIO III.

Non ergo regnet peccatum in vestro mortali corpore, ut obediatis concupiscentiis eius. Sed neque exhibeatis membra vestra arma iniquitatis peccato; sed exhibete vos Deo, tamquam ex mortuis viventes, & membra vestra, arma iustitiæ Deo. Peccatum enim vobis non dominabitur: non enim sub lege estis, sed sub gratia. Quid ergo? Peccabimus, quoniam non sumus sub lege, sed sub gratia? Absit. An nescitis quoniam cum exhibetis vos servos ad obediendum, servi estis eius cui obedistis, sive peccati ad mortem, sive obediens ad iustitiam? Gratias autem Deo, quod fuistis servi peccati, obedistis autem ex corde in eam formam doctrinæ in quam traditi estis. * Liberati autem a peccato, servi facti estis iustitiæ.

Postquam Apostolus ostendit quod non est nobis permanendum in peccato, & quod huius rei facultatem habemus, hic concludit moralem exhortationem: & circa hoc tria facit. Primo proponit admonitionem; secundo rationem assignat, ibi: *Peccatum enim &c.* tertio movet questionem, & solvit, ibi, *Quid ergo? Peccabimus &c.* Circa primum duo facit. Primo proponit admonitionem; secundo exponit eam, ibi, *ut obediatis &c.* Dicit ergo primo: Dilectum est, quod *vetus homo noster simul crucifixus est, ut destrueretur corpus peccati*, per quod datur intelligi quod virtus peccati tantum diminuta est ut nobis dominari non possit: ergo peccatum de cetero non regnet in vestro mortali corpore. Non autem dicit, Non sit peccatum in vestro mortali corpore: quia quædam corpus nostrum est mortale, id est necessitati mortis addictum, non potest esse quin in corpore nostro sit peccatum, id est scomes peccati. Sed ex quo a Deo liberati sumus a regno peccati, debemus conari quod peccatum in corpore nostro dominum iam amissum in nobis non recuperet; & hoc est quod dicit: *Nunc regnet peccatum in vestro mortali corpore*. Et hoc quidem necessarium est cavere, dum corpus mortale gerimus, quia dicitur Sap. 15. "Corpus, quod corrumpitur, aggravat animam." Deinde cum dicit, *ut obediatis &c.* exponit admonitionem præmissam. Circa quod considerandum est, quod dupliciter peccatum regnat in homine. Uno modo per interiorem consensum mentis & hoc removendo, dicit: *ut obediatis concupiscentiis eius*: obediare enim per consen-

sum mentis concupiscentiis peccati, est peccatum regnare in nobis. Eccli. xviii. 30. "Post concupiscentias tuas non eas." Secundo modo regnat in nobis peccatum per operis executionem: & ad hoc excludendum, subdit: *Sed neque exhibeatis membra vestra peccato*, id est somiti peccati, *arma iniquitatis*, id est instrumenta ad iniquitatem exequendam: homo enim cum per membra sua peccatum exequitur, ad iniquitatem exequitur; & hoc ipso (4) pugnare videtur ad restituendum dominium peccati, quod per consuetudinem peccati in nobis convalescit. Ezech. xxxiii. 27. "Cum armis suis ad inferos descenderant." Deinde cum dicit, *Sed exhibete vos Deo &c.* exhortatur ad contrarium, ut scilicet exhibeamus nos Deo. Et primo quantum ad interiorem affectum, cum dicit, *Sed exhibeatis vos Deo*, ut scilicet mens vestra ei subdatur. Deut. x. 12. "Et nunc Israel, quid Dominus Deus tuus requirit a te, nisi ut timeas Dominum Deum tuum, & ambules in viis eius?" Et hoc facere debetis tamquam *ex mortuis viventes*, id est tamquam reduci ad vitam gratiæ de morte culpæ. Nam & ideo iustum est, ut qui vivit, iam non sibi vivat, sed ei qui pro omnibus mortuus est: II. Cor. v. 15. Secundo quantum ad exterioræ actum: unde dicit: *Exhibete membra vestra Deo*, id est ad eius obsequium, *arma iustitiæ*, id est instrumenta quædam ad iustitiam exequendam, quibus scilicet pugnetis contra inimicos Dei. Ephes. iust. 11. "Induite vos armaturam Dei, ut possitis stare adversus insidias diaboli." Deinde cum dicit, *Peccatum enim &c.* assignat

* Dicit in exemplis quæ videmus, sententia quæ sequitur: Liberati autem a peccato, servi facti estis iustitiæ: exponitur vero a Divo Thoma in suis Litteris.
(4) Id. impugnat.

signat rationem admonitionis prædictæ. Posset enim aliquis seipsum excusare, allegans peccati dominium, per quod assereret se ab observatione admonitionis prædictæ impediri. Hoc ergo Apostolus primo excludit dicens: *Peccatum enim vobiscum dominatur*, scilicet si coperitis peccato resistere, & vos Deo exhibere, secundum illud Iac. 1. 8. „Appropinquate Deo, & appropinquabit vobis; resistite diabolo, & „tugiet a vobis.“ Quasi dicat: Ideo potestis prædicta observare, quia non invenitis peccatum in vos dominari, per quod retrahi possitis: sumus enim liberati a Christo, secundum illud Ioan. 8. 36. „Si „Filius vos liberaverit, vere liberi eritis.“ Secundo manifestat quod dixerat, dicens: *Non enim estis sub lege, sed sub gratia*. Ubi considerandum est, quod non loquitur hic de lege solum quantum ad caerimonialia, sed etiam quantum ad moralia, sub qua quidem aliquis dicitur esse dupliciter. Uno modo quasi legis observantia voluntarie subiectus; & hoc modo etiam Christus fuit sub lege, secundum illud Gal. 3. 2. „Factus „Cum sub lege:“ quia scilicet legem observavit non solum quantum ad moralia, sed etiam quantum ad caerimonialia. Fideles autem Christi sunt quidem hoc modo sub lege quantum ad moralia, non autem quantum ad caerimonialia. Alio modo dicitur aliquis esse sub lege, quasi a lege coactus; & sic dicitur esse sub lege qui non voluntarie ex amore, sed timore cogitur legem observare. Talis autem caret gratia, quæ si adesset, inclinarer voluntatem ad observantiam legis, ut ex amore moralia eius præcepta impleat. Sic igitur quamdiu aliquis sic est sub lege ut non impleat voluntarie legem; peccatum in eo dominatur, ex quo voluntas hominis inclinatur ut velit id quod est contrarium legi. Sed per gratiam rale dominium tollitur, ut scilicet homo servet legem, non quasi sub lege existens, sed sicut liber. Galar. 3. 1. „Non „sumus ancillæ filii, sed liberæ: qua liberæ „tate Christus nos liberavit.“ Hanc autem gratiam facientem homines libere legem implere, non conferebant legalia sacramenta, sed conferunt eam sacramenta Christi. Et ideo illi qui se caerimoniis legis subiciebant, quantum pertinet ad virtutem ipsorum sacramentorum legalium, non erant sub gratia, sed sub lege; nisi forte per fidem Christi gratiam adipiscerentur. Illi vero qui se sacramentis Christi.

S. Th. Oper. Tom. VI.

si subiciant, ex eorum virtute gratiam consequuntur, ut non sint sub lege, sed sub gratia; nisi forte per suam culpam se subiciant servituti peccati.

Deinde cum dicit, *Quid ergo?* movet questionem contra id quod dictum est: & circa hoc tria facit. Primo proponit questionem; secundo solvit eam, ducendo ad inconvenientem, ibi, *Abfit*. An nescitis? tertio ostendit esse inconvenientem id ad quod duxerat, ibi, *Gratias age Deo*. Circa primum considerandum est, quod verbum præmissum poterat male intelligi ab aliquibus, ut scilicet fideles Christi non sint sub lege quantum ad debitum observandi præcepta moralia; ex quo sequeretur quod fidelibus Christi licitum esset peccare, scilicet contra præcepta moralia faciendo: & ideo sub hoc sensu questionem movet, dicens: *Quid ergo dicemus?* Numquid peccabimus, scilicet contra præcepta moralia legis faciendo, quoniam dictum est quod non *sumus sub lege, sed sub gratia*? Eihunc sensum Apostolus improbat ad Gal. 3. 13. dicens: „Vos in libertatem vocati estis, fratres mei: tantum ne libertatem in occasionem detis carnis.“ Et ideo hic etiam respondens, subdit, *Abfit*, scilicet ut peccemus, quia sumus a lege liberati: quia si peccaremus, sequeretur hoc inconvenientem, quod iterum redigeremur in servitutem peccati; & hoc est quod dicit: *An nescitis quoniam cui vos exhibitis propria voluntate servitis ad obediendum*, spontaneæ servi estis eius cui obedistis? Obedire enim debitum est, quod servi dominis debent. Ephel. 6. 5. „Servite „vi, obedite dominis carnalibus.“ Unde cum aliquis obedit alicui, se servum proficitur eius, obediendo. Diverso tamen stipendio diversis dominis obeditur. Qui enim obedit peccato, per servitutem peccati ducitur in mortem; & hoc est quod dicit, *Sive peccati*, scilicet servi estis, ei obediendo; (a) & hoc in mortem, idest æternam damnationem, præcipiendi: de qua dicitur Apoc. 17. 6. „In his mors secunda non „habet locum.“ Qui vero obedit Deo, efficitur huius obedientiæ servus: quia per assuetudinem obediendi, mens eius magis ac magis ad obediendum inclinatur, & ex hoc iustitiam perficit: & hoc est quod dicit: *Sive obedientis*, scilicet divinatorum præceptorum, servi estis ad iustitiam implendam, secundum illud supra 21. 13. *Festinetis legis iustificabuntur*. Er satis convenienter obediendum peccato opponit, eo quo d

M

sicut

(a) *Abfit*, & hoc est in mortem.

fiunt Ambrosius dicit, peccatum est transgressio legis divinæ, & celestium inobedientia mandatorum. Deinde cum dicit, *Gratias autem Deo*, ostendit hoc esse inconveniens, scilicet quod obediendo peccato, iterum reducamur in servitutem peccati. Primo quidem ratione accepta ex beneficio quod consecuti sumus. Si enim aliquis per gratiam alicuius, a servitute liberatur, inconveniens est quod se spontaneum subiciat servituti: unde cum nos per gratiam Dei sumus liberati a peccato, inconveniens est quod iterum nus sponte retrudamus in servitutem peccati. Secundo ex conditione in quam ducti sumus post libertatem peccati, ut scilicet sumus servi iustitiæ. Non licet autem servo alicuius, se contrariodimini servituti subicere: unde nobis non licet, ex quo sumus facti servi iustitiæ, iterum redire ad servitutem peccati. Utamque rationem Apostolus simul tangit,

dicens: *Gratias ago Deo*: sic & vos gratias agere debetis, quod cum essetis servi *peccati*: quia, „ qui facit peccatum, servus est peccati: „ Ioan. vii. 34. *obedistis*, scilicet credendo: supra 1. 5., Ad obedientiam dum fidei in omnibus Gentibus: „ & hoc non coacti, sed ex corde: infra 1. 10. Corde creditur ad iustitiam: „ in eam formam doctrinæ, id est in doctrinam catholicæ fidei: II. Tim. 1. 13. „ Formam habete sanorum verborum quæ a me audistis: „ sibi: „ in quam traditi estis; id est, cui vos tota iter subdidistis. II. Cor. vii. 5. „ Semetipsos dederunt primum Deo, deinde nobis per voluntatem Dei. „ Et per hoc liberati estis a peccato, & ira non convenit quod in servitutem peccati redeatis: & servi facti estis iustitiæ; & ita non convenit quod iustitiam delestis. I. Corinth. vii. 23. „ Pretio empti estis, & non estis ve-

L E C T I O IV.

Humanum dico propter infirmitatem carnis vestræ. Sicut enim exhibuistis membra vestra servire immunditiæ, & iniquitati ad iniquitatem, ita nunc exhibete membra vestra servire iustitiæ in sanctificationem. Cum enim servi essetis peccati, liberi fuistis iustitiæ. Quem ergo fructum habuistis tunc in illis in quibus nunc erubescitis? Nam finis illorum mors est. Nunc vero liberati a peccato, servi autem facti Deo, habetis fructum vestrum in sanctificationem, finem vero vitam æternam. Stipendia enim peccati mors; gratia autem Dei, vita æterna in Christo Iesu Domino nostro.

Postquam Apostolus ostendit ratione accepta ex beneficio divino quod non est nobis in peccato permanendum, sed Deo serviendum; hic ostendit idem ratione accepta ex prioris vitæ consuetudine: & circa hoc tria facit. Primo proponit suppositi documentarii conditionem quod subdit; secundo ponit documentarii expressionem, ibi, *Sicut enim exhibuistis &c.* tertio documentarii rationem assignat, ibi, *Cum enim servi essetis peccati &c.* Dicit (a) ergo primo: Monui quod exhibeatis vos Deo: adhuc dico vobis quoddam humanum, id est congruens imbecillitati humanæ. Sic enim quandoque homo accipitur in Scriptura, prout scilicet significat conditionem infirmitatis humanæ. Sap. ix. 5. „ Homo infirmus, & exigui temporis, & minor ad intellectum iudicii; & legum. „ I. Corinth. xii. 3. „ Cum sit inter vos zelus, & contentio, nonne carnales estis, & secundum ho-

„ minem ambulatis? „ Causam autem assignat, subdens, *Propter infirmitatem*. Perfectis enim sunt perfectiora præcepta tradenda: I. Corinth. ii. 6. „ Sapientiam loquimur inter perfectos: „ Hebr. v. 14. „ Perfectorum est solidus cibus: „ infirmioribus sunt danda leviora præcepta. I. Corinth. xii. 1. „ Tamquam parvulus in Christo, lac potum dedi vobis, non escam. „ Hebr. v. 12. „ Facti esistis quibus lac opus est. „ Hæc autem infirmitas non ex spiritu, sed ex carne venit: quia „ corpus, quod corrumpitur, aggravat animam, „ ut dicitur Sapient. ix. 15. & ideo subditur, *Carnis vestra*, Mat. xxvi. 47. „ Spiritus quidem promptus est, caro autem infirma. „

Deinde cum dicit, *Sicut enim exhibuistis &c.* ponit documentum, quod dicit esse humanum, in quo docet corpus esse æquum, licet exhibendum ad serviendum iustitiæ, &c.

(a) Al. desit ergo.

secundum quod nos exhibuimus ipsum ad servandam peccato: & hoc est quod dicit: *Sicut enim exhibuistis membra vestra servire, scilicet per executionem mali operis, immunditia, & iniquitatem corde conceptam, ut immunditia referatur ad peccata carnalia: Ephes. v. 3. „Omni fornicatio, aut immunditia, nec nominetur in vobis: „iniquitas autem referatur ad peccata spiritualia, & præcipue quibus lædatur proximus. Psal. xxxv. 5. „Iniquitatem medicatus est in cubili. „Quibus in corde conceptis, membra servantur ad iniquitatem, scilicet opere exequentur. Et ponit iniquitatem hic pro immunditia, & iniquitate, secundum quod omne peccatum est iniquitas, infra xiii. & hoc in quantum discordat ab æquitate legis divinæ. Ita nunc, scilicet liberati a peccato, exhibete membra vestra, scilicet per executionem bonorum operum, servire iustitiæ, in lege divina nobis propositæ; & hoc in sanctificationem, id est in executionem, & augmentum sanctitatis. Apoc. ult. 11. „Sanctus sanctificetur adhuc. „Dicit autem hoc esse humanum: quia secundum rectum iudicium exigeretur ut homo multo plus serviret iustitiæ quam ante servierit peccato. Baruch xv. 28. „Sicut fuit sensus vester ut erraretis a Deo, decies tantum iterum convertentes requiritis eum. „*

Huius documenti rationem consequenter assignat, dicens: *Cum enim servi essetis peccati &c.* & circa hoc duo facit. Primo proponit rationem prædictorum; secundo probat quod supposuerat, ibi, *Stipendia peccati mors*. Ostendit autem rationem præmissorum, præferendo statum gratiæ statui culpæ. Si enim plura nobis bona ex iustitia proveniunt quam ex culpa, magis debemus insistere ad servandum iustitiæ quam studuerimus ad servandum peccato. Primo ergo ponit conditionem status peccati; secundo conditionem status iustitiæ, ibi, *Nunc vero liberati &c.* Circa primum tria facit. Primo ponit conditionem peccati; secundo effectum peccati, ibi, *Quem ergo fructum habuistis?* tertio finem, ibi, *Nam finis illorum mors est*.

Circa primum considerandum est, quod homo naturaliter est liberi arbitrii propter rationem, & voluntatem, quæ cogi non potest, inclinari tamen ab aliquibus potest. Semper ergo homo, quantum ad arbitrium rationis, remanet liber a coactione, non tamen (a) semper est liber ab inclinatio-

ne. Quandoque enim liberum arbitrium inclinatur ad bonum per habitum gratiæ, vel iustitiæ; & tunc habet servitutem iustitiæ, & est liber a peccato. Quandoque autem arbitrium inclinatur ad malum per habitum peccati; & tunc habet servitutem peccati, & libertatem iustitiæ. Servitutem quidem peccati (b) dico, quia trahitur ad consensendum peccato contra iudicium rationis. Ioan. viii. 34. „Qui facit peccatum, servus est peccati. „& quantum ad hoc dicit: *Cum enim servi essetis peccati*. Libertatem vero a iustitiæ quantum ad hoc quod homo absque freno iustitiæ præcipit se in peccatum: & quantum ad hoc dicit: *Liberi fuistis iustitiæ*: quod præcipue contingit his qui ex certo proposito peccant: nam illi qui ex infirmitate, vel ex passione peccant, aliquo freno iustitiæ retinentur, ut non videantur a iustitiæ omnino liberi. Hierem. 11. 20. „A sæculo fregisti iugum, rupisti vincula, dixisti, Non serviam. „ Iob 11. 12. „Vir vanus in superbiis erigitur, & tamquam pullum onagri, liberum se putat. „ Sciendum est tamen, quod ille status habet veram servitutem, libertatem autem non veram, sed apparentem. Cum enim homo sit id quod est secundum rationem, tunc homo vere est servus quando ab aliquo (c) extraneo abducitur ab eo quod est rationis. Sed quod aliquis freno rationis non cohibeatur a sequela concupiscentiæ, est liberaas quantum ad opinionem illius qui summum bonum putat concupiscere sequi.

Deinde cum dicit, *Quem ergo fructum habuistis?* ostendit effectum peccati. Et unum quidem effectum excludit, scilicet effectum fructuosum, cum dicit: *Quem ergo fructum habuistis, scilicet cum peccabatis, in illis, scilicet peccatis?* Sunt enim infructuosa peccati opera, quia non adiuvant hominem ad beatitudinem consequendam. Esa. lxxvi. 6. „Opera eorum, opera inutilia. „ Mich. 11. 1. „Væ qui cogitatis inutile, & operamini malum in cubilibus vestris. „ Astruit autem effectum confusibilem, dicens: *In quibus, scilicet peccatis, id est de quibus, nunc, scilicet in statu poenitentiae, erubescitis*, propter eorum turpitudinem. Hier. xxxi. 19. „Postquam ostendisti mihi, percussi semur meum confusione, & erubui. „ Esa. 1. 29. „Erubescitis super hortis (scilicet voluptatis) quos elegeratis. „ Deinde cum dicit, *Nam finis &c.* ponit finem peccati, dicens: *Nam finis* illorum.

M 2

illa-

(a) *Al.* amittitur semper. (b) *Al.* deest dico. (c) *Al.* extremo.

*illorum, scilicet peccatorum, mors est: quæ quidem & si non sit finis operantis peccatum, quia peccando non intendit mortem incurere, est tamen finis ipsorum peccatorum, (a) quia de se nata sunt mortem inducere, & temporale, quia cum anima a se Deum separat, dignum est ut ab ea corpus suum separaretur; & æternam, quia cum aliquis (b) ad tempus vult separari a Deo propter concupiscentiam peccati, dignum est ut ab eo æternaliter separaretur, quod est mors æterna. Supra 1. ult. *Quia talia agunt, digni sunt morte*. Deinde cum dicit, *Nunc vero liberati estis*, ostendit qualitatem status iustitiæ: & primo ponit conditionem status iustitiæ; secundo effectum, ibi, *Habetis fructum vestrum* &c. tertio ponit finem, ibi, *Finem vero vitam æternam*. Circa primum considerandum est, quod sicut (c) quamdiu aliquis a peccato inclinatur ad malum, est liber a iustitia; ita cum aliquis ex habitu iustitiæ, & gratiæ inclinatur ad bonum, est liber a peccato; ut scilicet ab eo non superetur usque ad consensum: unde dicit: *Nunc vero, scilicet in statu iustitiæ, liberati a peccato*. Ioan. viii. 36. „Si Filius vos liberaverit, tunc vere liberi eritis.“ Similiter e contra sicut in statu peccati est aliquis servus peccati, cui obedit; ita in statu iustitiæ est aliquis servus Dei, voluntarie obediens, secundum illud Psal. xcix. 1. „Serve Domino in lætitia.“ Et hoc est quod subdit: *Servus autem salutis Deo*. Psal. cxv. 16. „O Domine, mine, quia ego servus tuus.“ Hæc autem vera est libertas, & optima servitus: quia per iustitiam homo inclinatur ad id quod convenit ipsi, quod est proprium hominis, & avertitur ab eo quod convenit concupiscentiæ, quod est maxime bestiale. Deinde cum dicit, *Habetis fructum*, ponit effectum iustitiæ, dicens: *Habetis fructum vestrum in sanctificationem*; id est, ipsa sanctificatio, hoc est executio sanctitatis per bona opera, est fructus vestri, inquantum scilicet hoc spiritualiter, & sancte vos delectat. Eccli. xxiv. 23. „Flores mei fructus honoris, & honestatis.“ Galat. v. 22. „Fructus spiritus est gaudium, pax &c.“ Consequenter*

ponit finem, dicens: *Finem vero, habetis, vitam æternam*: quæ quidem est finis & ipsorum iustorum, qui propter vitam æternam habendam omnia operantur: Matth. vi. 33. „Primum querite regnum Dei, &c.“ hæc omnia adiciuntur vobis: „& etiam ipsorum operum, quæ cum ex obedientia Dei fiant, & ad Dei imitationem, vitam æternam merentur.“ Ioan. x. 27. „Oves meæ vocem meam audiunt, & sequuntur me, & vitam æternam doctis.“

Deinde cum dicit, *Stipendium enim peccati mors*, manifestat quod dixerat de finibus malorum, & bonorum: & primo quantum ad mala dicit: Dicitum est, quod finis peccatorum est mors: *Stipendium enim peccati mors*. Dicuntur autem stipendia, mercedes militum, a stipende, id est ponderanda: quia pecunia distribuenda militibus ponderabatur. Quia ergo peccatores peccato militant, membra sua exhibentes arma peccato, ut supra dictum est; mors dicitur esse stipendium peccati, id est retributio quam retribuit sibi servantibus. Et ex hoc manifestum est quod mors sit finis peccatorum, non quem peccantes querunt, sed qui eis retribuitur. Psal. x. 7. „Ignis, sulphur, spiritus procellarum, pars calicis eorum.“ Quantum vero ad bona dicit: *Gratia Dei vita æterna*. Quia enim dixerat iustos homines habere vitam æternam, quam certum est non posse haberi nisi per gratiam; ideo hoc ipsum quod bona operamur, & quod opus nostrum est dignum vita æterna, est a gratia Dei: unde & in Psal. lxxxiii. 12. dicitur: „Gratiam, & gloriam dabit Dominus.“ Sic igitur opera nostra, si considerentur in sui natura, & secundum quod procedunt ex libero arbitrio hominis, non merentur ex condigno vitam æternam, sed solum secundum quod procedunt ex gratia spiritus sancti. Unde dicitur Ioan. iv. 14. quod „sicut in eo fons, & aquæ salientes in vitam æternam.“ Et hoc fit in Christo Iesu Domino nostro, id est per Christum, vel inquantum in ipso sumus per fidem, & caritatem. Ioan. vi. 40. „Omni qui videt Filium, & credit in eum, habet vitam æternam.“

(a) M. quæ nata sunt. (b) M. desideratur ad tempus. (c) M. quando.

CAPITIS SEPTIMI

LECTIO L

AN ignoratis, fratres (scientibus enim legem loquor) quia lex in homine dominatur quanto tempore vivit? Nam quæ sub viro est mulier, vivente viro alligata est legi; si autem mortuus fuerit vir eius, soluta est a lege viri. Igitur vivente viro vocabitur adultera, si fuerit cum alio viro; si autem mortuus fuerit vir eius, liberata est a lege viri, ut non sit adultera, si fuerit cum alio viro. Itaque, fratres mei, & vos mortificati estis legi per corpus Christi, ut sitis alterius qui ex mortuis resurrexit, ut fructificetis Deo. Cum enim essemus in carne, passionibus peccatorum, quæ per legem erant, operabantur in membris nostris, ut fructificarent morti. Nunc autem soluti sumus a lege mortis, in qua detinebamur, ita ut serviamus in novitate spiritus, & non in vetustate litteræ.

Postquam Apostolus ostendit quod per gratiam Christi liberamur a peccato, hic ostendit quod per eandem gratiam Christi liberamur a servitute legis: & circa hoc duo facit. Primo ponit propositum; secundo excludit obiectionem, ibi, *Quid ergo dicemus?* Circa primum duo facit. Primo ostendit quod per gratiam Christi liberamur a servitute legis; secundo ostendit utilitatem huius liberationis, ibi, *Ut fructificemus Deo*. Circa primum tria facit. Primo proponit documentum, ex quo arguitur ad propositum ostendendum; secundo manifestat ipsum, ibi, *Nam quæ sub viro est &c.* tertio concludit, ibi, *Itaque fratres mei &c.* Documentum autem proponit eis quasi notum: unde dicit: *An ignoratis fratres?* quasi diceret: Hoc ignorare non debetis. 1. Cor. xiv. 38. „ Si quis ignorat, ignorabitur. “ Et causam quare non debent ignorare, ostendit subdens: *Scientibus enim legem loquor*.

Sed cum Romani Gentiles essent, & legem Moysi ignorarent, videtur eis non competere quod hic dicitur; & ideo quidam exposuerunt hoc de lege naturali, quæ Gentibus non erat incognita, secundum illud supra xi. 14. *Cum Gentes, quæ legem non habent, naturaliter ea quæ legis sunt faciunt, eiusmodi legem non habentes, ipsi sibi sunt lex.* Unde & subditur: *Quia lex in homine dominatur, scilicet naturalis, quanto tempore scilicet vivit lex in homine: quæ quidem vivit quamdiu ratio (a) naturalis efficaciter in homine viget.* Moritur autem lex naturalis in homine (b) quando ratio naturalis passionibus succumbit. Esa. xxiv. 5.

„ Dissipaverunt sædus sempiternum, “ scilicet legis naturalis.

Sed hoc non videtur esse secundum intentionem Apostoli, qui absolute, & indeterminate de lege loquens, semper loquitur de lege Moysi. Et ideo dicendum est, quod Romani fideles non erant solum Gentiles, sed inter eos erant multi Iudæi: unde habetur Ag. xviii. 2. „ Paulus Corinthi invenit quendam Iudæum, nomine Aquilam, qui nuper venerat ab Italia, & Priscillam uxorem eius: eo quod præcepisset Claudius discedere omnes Iudæos a Roma. “ Lex ergo hoc modo dominatur in homine quanto tempore vivit, scilicet homo: data est enim lex ad dirigendum homines in via huius vitæ, secundum illud Psal. xxiv. 12. „ Legem statuit ei in via quam elegit. “ Ideo legis obligatio morte solvitur.

Deinde cum dicit, *Nam quæ sub viro est mulier &c.* manifestat quod dixerat per exemplum in lege matrimonii: & primo ponit exemplum; secundo manifestat per signum, ibi, *Ergo vivente viro &c.* Circa primum duo facit. Primo in exemplo ponit quomodo obligatio legis durat, vita durante, dicens: *Nam mulier, quæ sub viro est, sub viro potestate est, ex lege divina, quæ dictum est Gen. i. 16. „ Sub viri potestate eris, “ alligata est legi, scilicet quæ tenetur convivere viro, secundum illud Matth. xix. 6. „ Quos Deus coniunxit, xit, homo non separet. “ Et hæc quidem inseparabilis matrimonii præcipue causatur, inquantum est sacramentum conjunctionis indissolubilis Christi & Ecclesie,*

vel

(a) *id est naturaliter.* (b) *id est quamdiu.*

vel Verbi & humanæ naturæ in persona Christi. Ephes. v. 32. „ Sacramentum hoc „ magnum est in Christo, & Ecclesia. „ Secundo ibi, *Si autem mortuus fuerit vir eius*, manifestat in exemplo quomodo obligatio legis solvitur post mortem, dicens: *Si autem vir, scilicet mulieris, fuerit mortuus*, mulier post mortem viri, *soluta est a lege mariti*, id est a lege matrimonii, qua (a) obligabatur viro. Cum enim, ut Augustinus ait Lib. de Nuptiis, & concupiscentia (Lib. 1. cap. xviii.) nuptiæ sint bona mortaliū, non se extendit obligatio nuptiarum post vitam mortalem. Et propter hoc in reſurrectione, quando erit vita immortalis, neque nubent, neque nubentur, ut dicitur Matth. xxii. Ex quo patet quod si aliquis moriatur, & reſurgat, sicut in Lazaro accidit, non erit uxor, quæ fuerat, nisi de novo cum ipſo contrahat.

Sed contra hoc inducitur quod habetur Heb. xi. 35. „ Acceperunt mulieres dere- „ surrectione mortuos suos. „

Sed sciendum est, quod mulieres non receperunt maritos suos, sed filios suos; sicut mulier quædam per Eliam, ut habetur III. Reg. xvi. & alia per Eliſeum, ut habetur IV. Reg. iv. Aliter autem se habet in sacramentis quæ imprimunt characterem, qui est quædam consecratio animæ immortalis. Omnis autem consecratio manet, quamdiu manet res consecrata; sicut patet in consecratione Ecclesiæ, vel altaris. Et ideo si baptizatus, vel confirmatus, vel ordinatus moriatur, & reſurgat, non debet iterum eadem sacramenta accipere.

Deinde cum dicit, *Ergo vivente viro &c.* manifestat quod dixerat, per signum: & primo quantum ad obligationem matrimonii, quæ durat in muliere, vivente viro, cuius signum est quod vocatur adultera si fuerit cum alio viro, scilicet ei carnaliter commixta, vivente viro (b) suo. Hier. xxi. 1. „ Si dimiserit vir uxorem suam, & recessit ab eo, duxerit virum alterum; „ numquid non polluta, & contaminata est „ mulier illa? Secundo ibi, *Si autem mortuus fuerit vir eius*, inducit signum quantum ad hoc quod obligatio legis matrimonii solvitur per mortem, dicens, quod si vir eius, scilicet mulieris, mortuus fuerit, liberata est mulier a lege viri, qua obligabatur viro, ut non sit adultera, si fuerit cum alio, carnaliter ei commixta, præsertim si ei matrimonialiter coniungatur. I. Cor. vii. 39. „ Si dormierit vir eius (scilicet mulie-

ris) liberata est: cui vult, nubat. „ Ex quo patet quod secundæ nuptiæ, vel terciæ, vel quartæ, sunt secundum se licitæ, & non solum per dispensationem, ut videtur dicere Chrysostomus, qui super Mattheum dicit, quod sicut Moyses permisit libellum repudii, ita Apostolus permisit secundas nuptias. Nulla est enim ratio, si lex matrimonialis solvitur per mortem, quare non liceat coniugi remanenti ad secundam vota transire. Quod autem Apostolus dicit I. Timoth. xii. 2. Quod „ oportet Episcopum esse unius uxoris virum, „ non hoc dicitur, quia secundæ nuptiæ sunt illicitæ, sed propter defectum sacramenti: quia non esset unus unus, sicut Christus est sponsus unius Ecclesiæ.

Deinde cum dicit, *Itaque fratres mei &c.* concludit principale propositum, dicens: *Itaque fratres mei*, id est per hoc quod estis facti membra corporis Christi, simul cum eo mortui, & sepulti, ut supra est habitum, *mortificati estis legi*, id est quantum ad hoc quod cessat in vobis obligatio legis, ita scilicet ut iam sitis alterius, scilicet Christi, eius legi subiecti, qui ex mortuis reſurrexit, in quo & vos reſurgentes novam vitam assumpsistis. Et ita non lege prioris vitæ, sed lege novæ vitæ tenemini obligati.

Videtur autem esse dissimilitudo quantum ad hoc quod in præcedenti exemplo vir moriebatur, & remanebat mulier absque obligatione legis; hic autem ille qui solvitur ab obligatione, dicitur mori.

Sed si recte consideremus, utrumque est eiusdem rationis: quia cum matrimonium sit inter duos, sicut quædam relatio, non refert quicumque eorum moriatur, ad hoc quod tollatur lex matrimonii: utrumlibet enim contingat, manifestum est quod per mortem qua commoritur Christo, cessat obligatio veteris legis.

Deinde cum dicit, *Ut fructificemus*, ostendit utilitatem prædictæ liberationis: & circa hoc tria facit. Primo ponit utilitatem, dicens: *Ut fructificemus Deo*: per hoc enim quod sumus facti membra Christi, in Christo manentes, possumus fructum boni operis facere ad honorem Dei. Ioan. xv. 4. „ Sic „ ut palmes non poterit terre fructum a „ semetipſo, nisi manserit in vite; sic nec „ vos nisi in me manseritis. „ Secundo ibi, *Cum enim essemus*, ostendit quod iste fructus impediatur quando eramus sub servitute legis, dicens: *Cum essemus in carne*, id est

(a) A. obligatur. (b) A. deſi ſuo.

idest subditi concupiscentiis carnis : infra
v. 11. 9. „ Vos autem non estis in carne ,
sed in spiritu : „ *passiones* , & affec-
tiones peccatorum , quæ quidem erant per legem
vel notificatae , vel augmentatae occa-
sionaliter , ut supra patuit , operabantur in
membris nostris ; idest , movebant membra no-
stra . Iacob. 1v. 1. „ Unde bella , & lites ?
„ Nonne ex concupiscentiis ? „ Et hoc ut
fructificarent mortis idest , ut fructum facer-
rent mortis . Iacob. 1. 15. „ Peccatum cum-
que , consummatum fuerit , generat mortem .
Tertio ibi , Nunc autem soluti , ostendit quod
prædicta utilitas acquiritur ab his qui sunt
liberati a servitute legis , dicens : Nunc au-
tem soluti sumus per gratiam Christi a legem
mortis , idest a servitute legis Moysi : quæ
dicitur lex mortis , vel quia corporaliter

occidebat absque misericordia Heb. x. 28.
„ Irritam quis faciens legem Moysi , sine
ulla miseratione moritur : „ vel potius
dicitur lex mortis , quia spiritualiter occi-
debat per occasionem , secundum illud II.
Corinth. 111. 6. „ Littera occidit . „ In
qua lege nos tenebamur , quasi servi sub lege .
Gal. 112. 23. „ Prius autem quam ve-
gere , niret fides , sub lege custodiebamur .
Ira scilicet famus soluti , ut serviamus in
novitate spiritus idest spiritu renovati per gra-
tiam Christi : Ezech. xxxvi. 26. „ Dabo vo-
bis cor novum , & spiritum novum po-
nam in medio vestri : „ non in vetustate
litteræ , idest non secundum veterem legem .
Vel non in vetustate peccati , quam littera
legis auferre non potuit . Psal. vi. 8. „ In-
veteravi inter omnes inimicos meos . „

L E C T I O II.

Quid ergo dicemus ? Lex peccatum est ? Absit . Sed peccatum non cognovi-
ni si per legem : nam concupiscentiam nesciebam , nisi lex diceret , Non con-
cupisces . Occasione autem accepta , peccatum per mandatum operatum est in me
omnem concupiscentiam . Sine lege enim peccatum mortuum erat . Ego autem vi-
vebam sine lege aliquando . Sed cum venisset mandatum , peccatum revixit . Ego
autem mortuus sum , & inventum est mihi mandatum quod erat ad vitam , hoc
esse ad mortem . Nam peccatum , occasione accepta per mandatum , secuxit me ,
& per illud occidit . Itaque lex quidem sancta , & mandatum sanctum , & iustum
& bonum . Quod ergo bonum est , mihi factum est mors ? Absit . Sed peccatum ,
ut appareat peccatum , per bonum operatum est mihi mortem , ut fiat supra mo-
dum peccans peccatum per mandatum .

Postquam Apostolus ostendit quod per
gratiam Christi liberamur a servitute
legis , & quod ista liberatio est utilis ; hic
respondet cuidam obiectioni , quæ ex præ-
missis occasione habet , per quam videtur
quod lex vetus non sit bona : & circa hoc
duo facit . Primo solvit obiectionem , per
quam videtur legem non esse bonam ; se-
cundo ostendit legem esse bonam . Scimus
enim &c. Circa primum duo facit . Primo
ponit obiectionem quantum ad ipsam legem ;
secundo solvit , ibi , Itaque lex quidem
sancta . Dicit ergo primo : Dictum
est , quod passiones peccatorum erant per
legem , & quod est lex mortis : quid ergo
dicemus ex his sequi ? Numquid dicemus ,
quod lex est peccatum ? Quod quidem potest
intelligi dupliciter . Uno modo quod lex pec-
catum doceat , sicut dicitur Hier. x. 3. „ Le-
ges populorum vanæ sunt : „ quia scilicet
vanitatem docent ; alio modo ut
lex dicatur peccatum , quia ille qui legem
dedit , peccaverit , talem legem

ferendo : & hæc duo invicem se con-
sequuntur : quia si lex peccatum docet ,
legislator legem ferendo peccat . Esai. x. 1.
„ Væ qui condunt leges iniquas . „ Vide-
tur autem quod lex peccatum doceat , si
passiones peccatorum sunt per legem , & si
lex ducit ad mortem . Deinde cum dicit ,
Absit , solvit prædictam obiectionem . Cir-
ca quod sciendum est , quod si lex per sedi-
recte causaret passiones peccatorum , vel
mortem , sequeretur quod lex esset pecca-
tum altero modorum dictorum ; non autem si
lex est occasio passionum peccati , & mortis .
Circa hoc ergo duo facit . Primo ostendit
quid lex per se facit ; secundo ostendit quid
ex ea occasionaliter sequatur , ibi , Occasio-
ne autem accepta &c. Circa primum tria fa-
cit . Primo respondet ad questionem , di-
cens , Absit , scilicet quod lex sit peccatum :
neque enim ipsa docet peccatum , secundum
illud Psal. xlviii. 8. „ Lex Domini imma-
culata : „ neque legislator peccavit , qua-
si iniustam legem ferens , secundum illud
Pro-

Proverb. viii. 15., Per me Reges regnant, & legum conditores iusta decernunt. Secundo ibi, *Sed peccatum non cognovi*. *Cre.* ponit id quod per se pertinet ad legem, scilicet notificare peccatum, & non auferre; & hoc est quod dicit: *Sed peccatum non cognovi nisi per legem*. Supra xii. 20. *Per legem enim Dei cognito peccati*. Et si quidem hoc intelligitur de lege naturali, manifestum est quod dicitur, quia per legem naturalem homo diiudicat (*) inter bonum & malum. Eccli. xviii. 6., Sensu implevit corda illorum, & bona, & mala ostendit illis. Sed Apostolus hic videtur loqui de lege veteri, quam significavit supra, dicens, *Non in veritate littera*. Dicendum est ergo, quod sine lege poterat quidem peccatum cognosci, secundum quod habet rationem inhonesti, id est contra rationem existens; non autem secundum quod importat offensam divinam, quia per legem divinitus datam manifestatur homini quod Deo displicent peccata humana in hoc quod ea prohibet, & mandat puniri. Tertio ibi, *Nam concupiscentiam nesciebam*, probat quod dixerat, dicens: *Nam concupiscentiam nesciebam, nisi lex diceret, Non concupisces*.

Circa quod considerandum est, quod hoc quod dixerat, *Peccatum (b) non cognovi nisi per legem*, posset aliquis referre ad ipsum actum peccati, quem lex in notitiam hominis ducit dum prohibet; & hoc quidem verum est quantum ad aliqua peccata. Dicitur enim Levit. xviii. 23., Mulier non succumbet iumento. Sed quod hic non sit intellectus Apostoli, patet ex his quae hic dicuntur: nullus enim est qui ipsum actum concupiscentiae ignoret, cum omnes ipsum experiantur. Est ergo intelligendum, sicut supra diximus, quod peccatum non cognoscitur nisi per legem, quantum ad reatum poenae, & offensam Dei. Ideo autem hoc probat per concupiscentiam, quia concupiscentia prava communiter se habet ad omnia peccata. Unde Glossa dicit, & Augustinus (de Verb. Apost. serm. iv.), Hic elegit Apostolus quod est generale peccatum, scilicet concupiscentiam. Bona est ergo lex, quae dum concupiscentias prohibet, omnia mala prohibet. Potest autem intelligi quod concupiscentia sit generale peccatum, secundum quod sumitur (c) pro concupiscentia rei illicitae, quae est de essentia cuiuslibet peccati. Non autem sic appellavit Augustinus concupiscentiam

generale peccatum; sed quia est radix, & causa omnis peccati aliqua concupiscentia specialis. Unde & Glossa dicit, quod concupiscentia est generale peccatum, unde omnia mala veniunt. Inducit enim Apostolus praeceptum legis, quod habetur Exod. xx. 17. ubi specialiter prohibetur, Non concupisces rem proximi tui, quae est concupiscentia avaritiae, de qua loquitur I. Tim. vi. 10., Radix omnium malorum est cupiditas: & hoc ideo, quia pecuniae obediunt omnia, ut dicitur Eccli. x. Et ideo concupiscentia, de qua hic loquitur, est generale malum, non communitate generis, vel speciei, sed communitate causalitatis. Nec est contrarium quod habetur Eccli. x. 15., Initium omnis peccati, superbia: nam superbia est initium peccati ex parte aversionis; cupiditas autem est principium peccatorum ex parte conversionis ad bonum commutabile. Potest autem dici, quod Apostolus specialiter assumit concupiscentiam ad propositi manifestationem: quia vult ostendere quod sine lege peccatum non cognoscitur, inquantum scilicet pertinet ad offensam Dei: & hoc maxime patet in hoc quod lex Dei prohibet concupiscentiam, quae ab homine non prohibetur: nam solus Deus hominem reum reputat propter concupiscentiam cordis, secundum illud I. Reg. xvi. 7., Homines vident quae patent, Deus autem intuetur cor. Ideo autem lex Dei potius prohibuit concupiscentiam rei alienae, quae furto auferatur, & uxoris alienae, quae per adulterium violatur, quam concupiscentiam aliorum peccatorum: quia ista peccata etiam in ipsa concupiscentia habent quandam delectationem, quod non contingit de aliis peccatis.

Deinde cum dicit, *Occasione autem accepta Cre.* ostendit quid ex lege occasionaliter consequatur: & primo proponit quod intendit; secundo manifestat propositum, ibi, *Sine lege enim peccatum mortuum erat*. Dicit ergo primo, quod peccatum, occasione accepta per mandatum, scilicet legis prohibentis peccatum, operatum est in me omnem concupiscentiam. (d) Per peccatum autem potest hic intelligi diabolus secundum emphaticam locutionem, quia ipse est peccati initium: & secundum hoc in homine operatur omnem concupiscentiam peccati. I. Ioan. i. 8., Qui facit peccatum, ex diabo est, quia ab initio diabolus (e) peccat. Sed quia

Apo-

(a) *Al. deest inter*. (b) *Al. non cognoscebam*. (c) *Al. pro concupiscentia cuiuslibet peccati, inter media amissi*. (d) *Al. amittitur per*. (e) *Al. peccavit*.

Apostolus hic de diabolo mentionem non fecerat, potest dici, quod peccatum actuale (a) quodcumque, prout est cogitatione apprehensum, operatur in homine sui concupiscentiam, secundum illud Iacob. 1. 14. „Unusquisque tentatur a concupiscentia sua:“ deinde concupiscentia parit peccatum. Sed melius est quod hoc referamus ad peccatum, quod supra dixerat cap. v. per unum hominem in hunc mundum ingressum, scilicet ad peccatum originale: quod scilicet ante gratiam Christi est in homine secundum culpam, & poenam; sed veniente gratia, transit reatu, & remanet actu quantum ad fomitem peccati, vel concupiscentiam habitualement, quæ operatur in homine omnem concupiscentiam actualem: si hoc referatur ad concupiscentias diversorum peccatorum (alia enim est concupiscentia furti, alia adulterii, & sic de aliis) siue referatur ad diversos concupiscentiæ gradus, prout consistit in cogitatione, delectatione, consensu, & opere. Sed ad hunc effectum in homine operandum, peccatum accipit occasionem ex lege; & hoc est quod dicit, *Occasione accepta*: vel quia adveniente mandato additur ratio prævaricationis, quia ubi non est lex, nec prævaricatio, ut supra xv. 1. dictum est: vel quia crescit desiderium peccati prohibiti, rationibus supra positis.

Et est notandum, quod non dicit, quod lex dederit occasionem peccandi, sed quia ipsum peccatum occasionem acceperit ex lege. Ille enim qui dat occasionem, scandalizat, & per consequens peccat: quod quidem fit quando aliquis facit aliquid opus minus rectum, unde proximus offenditur, aut scandalizatur; puta si quis loca inhonesta frequentaret, licet non mala intentione. Unde dicitur infra xiv. 13. *Hoc indicat magis, ne ponatis offendiculum fratribus, vel scandalum*. Sed si quis rectum opus faciat, puta si det elemosynam, & alius inde scandalizatur; ipse non dat occasionem scandalizandi, unde nec scandalizat, nec peccat; sed alius accipit occasionem qui scandalizatur, & ille peccat. Sic igitur lex rectum aliquid fecit, quia peccatum prohibuit, unde occasionem non dedit peccandi; sed homo occasionem ex lege accipit: & propter hoc sequitur quod lex non sit peccatum, sed magis peccatum sit ex parte hominis.

Sic igitur intelligendum est, quod passiones peccatorum, quæ pertinent ad concu-

piscentiam peccati, non sunt per legem, quasi lex illas operetur; sed peccatum illas operatur, accepta occasione ex lege. Et eadem (b) ratione dicitur lex mortis, non quia lex mortem operetur, sed quia peccatum mortem operatur occasione accepta ex lege. Potest autem eodem sensu littera aliter ordinari, ut dicatur quod *peccatum operatur est per mandatum legis omnem concupiscentiam*, & hoc occasione accepta ab ipso mandato. Sed prima expositio simplicior, & melior est.

Deinde cum dicit, *sine lege enim*, manifestat quod dixerat, & hoc per experientiam effectus: & primo proponit effectum; secundo refert causam, ibi, *Nam peccatum, occasione accepta per mandatum, seduxit me*. Circa primum tria facit. Primo describit statum ante legem; secundo statum sub lege, ibi, *Sed cum venisset mandatum*; tertio ex comparatione utriusque status concludit eventum legis, ibi, *Et inventum est mihi mandatum &c.* Dicit ergo primo, quod *peccatum, occasione accepta per mandatum, operatur est in me omnem concupiscentiam*, quod ex hoc apparet: *sine lege enim peccatum erat mortuum*: non quidem sic quod peccatum non esset, quia per unum hominem peccatum in hunc mundum intravit ante legem, ut supra 11. dictum est. Sed intelligitur quod erat mortuum vel quantum ad cognitionem hominis, qui quædam in lege prohibita nesciebat esse peccata, puta concupiscentias; vel quia erat mortuum quantum ad efficaciam moriendi, per comparisonem ad id quod postea fuit: non enim habebat tantam virtutem inducendi hominem ad mortem, quantum postea habuit occasione accepta sub lege. Habetur enim quasi mortuum quod est debilitatum virtute. Coloss. 111. 14. „Mortificate membra vestra, quæ sunt super terram.“ Talis ergo erat status ante legem quantum ad peccatum; sed qualis esset quantum ad hominem offendit, subdens: *Ego autem vivebam sine lege aliquando*: quod etiam dupliciter potest intelligi. Uno modo quantum ad id quod homini videbatur ex seipso quod viveret, dum ignorabat peccatum esse id per quod mortuus erat. Apoc. 111. 2. „Nomen habes quod“ vivas, sed mortuus es. „Vel hoc dicitur per comparisonem ad mortem quæ consecuta est occasione legis: dicuntur enim minus peccantes vivere, in comparatione ad eos qui magis peccant.“

Deinde cum dicit, *Sed cum venisset man-*

N

4a-

(a) id est, quodcumque est cogitatione apprehensa. (b) id est, occasione.

datum &c. describit statum sub lege, & primo quantum ad peccatum, cum dicit: *Sed cum venisset mandatum*, data scilicet legem, *revixit peccatum*: quod potest dupliciter intelligi. Uno modo quantum ad cognitionem hominis, qui incepit cognoscere peccatum in se esse, quod prius non cognoverat. Hier. xxxi. 19. „Postquam offendisti mihi, percussi femur meum, confusus sum, & erubui.“ Et signanter dixit, *Revixit*: quia in paradiso plenam notitiam homo habuerat de peccato, licet non habuerit per experientiam. Vel *revixit*, quantum ad virtutem, quia data lege, occasionaliter augmentata est virtus peccati. I. Cor. xv. 56. „Virtus peccati, lex.“ Secundo quantum ad ipsum hominem, cum dicit: *Ego autem mortuus sum*: quod etiam dupliciter potest intelligi. Uno modo secundum cognitionem, ut sit sensus: *Mortuus sum*; idest, cognovi me mortuum: alio modo per comparisonem ad statum priorem, ut sit sensus: *Mortuus sum*; idest, magis morti obligatus sum quam ante. Unde aliquid verum est quod dictum est Moyse, & Aaron Num. xvi. 41. „Vos interfecistis populum Domini.“

Deinde cum dicit, *Et inventum est mihi mandatum* &c. concludit ex comparatione utriusque status eventum legis, dicens: *Et inventum est*, secundum prædicta, *mandatum quod erat ad vitam*: primo quidem, secundum intentionem dantis legem; secundo quantum ad ipsam mandati honestatem, & devotionem obedientis: Ezech. xx. 11. „Dei eis (a) præcepta bona, & iudicia; quæ faciens homo, vivet in eis:“ *hoc esse mihi ad mortem*, occasionaliter scilicet per peccatum quod in homine erat. Job xx. 14. „Panis eius in utero eius vertetur in fel, aspidem intrinsecus.“ Deinde cum dicit, *Nam peccatum* &c. resumit causam, quasi manifestans per eventum præmissum, dicens: Hoc ideo contingit, scilicet quod mandatum quod erat ad vitam, inveniretur ad mortem esse: nam *peccatum occasione accepta per mandatum, seduxit me*, scilicet per concupiscentiam, quam in me operatum est, ut dictum est Dan. xiii. 56. „Species decepit te, & concupiscentia subvertit cor tuum:“ & *per illud*, scilicet mandatum, occasionaliter peccatum me occidit. II. Cor. xii. 6. „Littera occidit.“

Deinde cum dicit, *Itaque lex quidem sancta*, concludit conclusionem intentam, scilicet quod lex (b) non solum non sit pec-

catum, sed ulterius quod sit bona, tamquam faciens cognoscere peccatum, & prohibens ipsum: & primo concludit quantum ad totam legem, dicens, sicut ex præmissis patet: *Lex quidem est sancta*: Plal. xviii. 3. „Scimus quia bona est lex:“ secundo, quantum ad particulare legis mandatum, dicens: *Et mandatum legis est sanctum*, quantum ad præcepta cærimonialia, quibus homines ordinantur ad Dei cultum: Lev. ix. 2. „Sancti estote, quia ego sanctus sum:“ & *insum*, quantum ad præcepta iudicialia, quibus homo debito modo ordinatur ad proximum: Pl. xviii. 10. „Iudicia Domini vera, iustificata in semetipsis:“ & *bonum*, idest honestum, quantum ad præcepta moralia: Pl. xviii. 72. „Bonum est mihi, lex oris tui super millia auri, & argenti.“ Quia tamen omnia ista præcepta ordinant nos in Deum, ideo totam legem sanctam nominavit.

Deinde cum dicit, *Quod ergo bonum est* &c. movet questionem quantum ad legis effectum: & primo (c) ponit questionem, dicens: *Quod ergo bonum est*, scilicet in se, *factum est mihi mors*, idest per se causa mortis? Quod quidem aliquis poterat falso intelligere ex eo quod supra dictum est: *Inventum est mihi mandatum quod erat ad vitam*, hoc esse ad mortem. Secundo solvit per interemptionem, dicens, *Abse*. Non potest id quod est secundum se bonum, & vivificum, esse causa mali, & mortis, secundum illud Matth. xiii. 23. „Non potest arbor bona fructus malos facere.“

Tertio ibi, *Sed peccatum* &c. concordat id quod nunc dicitur, cum eo quod supra dictum est: non enim mandatum sic invenitur esse ad mortem quod ipsum mortem operetur; sed quia occasione accepta ab ipso peccato, mortem operatur: & hoc est quod dicit: *Sed peccatum, ut appareret peccatum*; idest, ex hoc apparet esse peccatum, *per legis bonum*, idest per mandatum legis, quia ex hoc ipso bonum est quod facit cognitionem peccati, *operatum est mihi mortem*; & hoc occasionaliter, in quantum manifestat peccatum. Non autem sic intelligitur peccatum per legem operatum esse mortem, quasi sine lege mors non fuisset (dictum est enim supra quod *regnavit mors ab Adam usque ad Moysen*, scilicet cum lex non esset) sed intelligitur quod peccatum per legem operatur mortem, quia (d) damnatio mortis est augmentata lege ad-

(a) Mi præcepta mea. (b) Al. non solummodo sit peccatum. (c) Al. deus ponit. (d) Forte Dominatio.

adveniente: & hoc est quod subditur: Ita dico, quod peccatum operatum est mortem per bonum, ut peccatum fiat peccatum, id est peccare faciens per mandatum legis occisionaliter; & hoc supra modum quo antea peccabat, vel quia accessit reatus præ-

varicationis, vel quia crevit concupiscentia peccati, ut supra dictum est, veniente prohibitionem legis. Peccatum autem hic intelligitur, sicut supra diximus, vel diabolus, vel potius fomes peccati.

L E C T I O III.

S Cimus enim quod lex spiritualis est. Ego autem carnalis sum, venundatus sub peccato. Quod enim operor, non intelligo. Non enim quod volo bonum, hoc ago; sed quod odium malum, illud facio. Si autem quod nolo, illud facio, consensio legi quoniam bona est. Nunc autem iam non ego operor illud, sed quod habitat in me peccatum. Scio enim quia non habitat in me, hoc est in carne mea, bonum: nam velle adjacet mihi, perficere autem bonum non invenio. Non enim quod volo bonum, hoc facio; sed quod nolo malum, hoc ago. Si autem quod nolo, illud facio, iam non ego operor illud, sed quod habitat in me peccatum.

Postquam Apostolus exclusit illa ex quibus lex videbatur esse mala, & mali effectus, hic probat legem esse bonam: & circa hoc duo facit. Primo probat bonitatem legis ex ipsa repugnantia quæ in homine invenitur ad bonum, quam lex tollere non potest; secundo ostendit per quod huiusmodi legis repugnantia tolli potest, ibi, *Infelix ego homo &c.* Circa primum tria facit. Primo proponit quod intendit; secundo probat propositum, ibi, *Quod enim operor &c.* tertio infert conclusionem intentam, ibi, *Invenio igitur aliam legem.* Circa primum duo facit. Primo proponit legis bonitatem; secundo hominis conditionem, ibi, *Ego autem carnalis sum.* Dicit ergo primo: Dictum est, quod lex est sancta; & hoc dixi: *Scimus enim*, nos quod sumus in divinis sapientes, quod lex, scilicet vetus, spiritualis est, scilicet spiritu homines concordans. Plal. xlviii. 8. „Lex Domini immaculata.“ Vel spiritualis est, id est a Spiritu sancto data, qui digitus Dei dicitur in Scripturis. Lucæ xi. 20. „Si in digito Dei eicio dæmonia.“ Unde dicitur Exod. xxxi. 18. „Dedit Dominus Moysi duas tabulas lapideas scriptas digito Dei.“ Lex tamen nova non solum dicitur lex spiritualis, sed lex spiritus, ut patet infra viii. quia non solum a Spiritu sancto est, sed Spiritus sanctus eam imprimit cordi quod inhabitat. Deinde cum dicit, *Ego autem carnalis sum*, ostendit conditionem hominis, & potest hoc verbum dupliciter exponi. Uno quidem modo, ut Apostolus loquatur in persona hominis in peccato exilientis; & ita hoc Augustinus exponit in

Lib. lxxxix. Quæst. (quæst. lxxv.) Postea vero in Lib. contra Iulianum (Lib. III. cap. 26.) exponit hoc, ut Apostolus intelligatur loqui in persona sua, id est hominis sub gratia constituti. Prosequamur ergo declarando qualiter hæc verba, & sequentia diversimode possunt utroque modo exponi, quamvis secunda expositio melior sit. Quod ergo dicitur primo, *Ego autem carnalis sum*, sic intelligendum est ut ly *ego* pro ratione hominis intelligatur, quæ est principale in homine: unde videtur unusquisque homo esse sua ratio, vel suus intellectus; sicut civitas videtur esse rector civitatis, ita ut quod ille facit, civitas facere videatur. Dicitur autem homo carnalis, quia eius ratio carnalis est; quæ dicitur carnalis dupliciter. Uno modo ex eo quod subditur carni, consentiens his ad quæ caro infligit; secundum illud I. Corinth. iii. 3. „Cum sit inter vos zelus, & contentio, nonne carnales estis?“ Ex hoc modo intelligitur de homine nondum per gratiam reparato. Alio modo dicitur ratio esse carnalis ex eo quod a carne impugnatur, secundum illud Gal. v. 17. „Caro concupiscit adversus spiritum.“ & hoc modo intelligitur esse carnalis ratio etiam hominis sub gratia constituti: neque enim carnalitas provenit ex peccato: unde subdit: *Venundatus sub peccato.*

Sed tamen notandum, quod carnalitas quæ importat rebellionem carnis ad spiritum, provenit ex peccato primi parentis: quia hoc pertinet ad fomitem, cuius corruptio ex illo peccato derivatur. Carnalitas autem quæ importat subiectionem ad

carnem, proveit non solum ex peccato originali, sed etiam actuali, per quod homo obediendo concupiscentiis carnis, servum se carnis constituit: unde subdit: *Venumdatus sub peccato*, scilicet vel primi parentis, vel proprio. Et dicit, *Venumdatus*, quia peccator seipsum vendit in servum peccati, pretio propriæ voluntatis implendæ. Esai. L. 1. „Ecce in iniquitatibus vestris venditi estis.“

Deinde cum dicit, *Quod enim operor, non intelligo*, offendit quod propulerat: & primo quod lex sit spiritualis; secundo quod homo sit carnalis, venumdatus sub peccato, ibi, *Nunc autem iam non ego operor illud*. Circa primum dup. facit. Primo proponit probationem; secundo inducit conclusionem, ibi, *Si autem quæ nescis, illud facio &c.* Sumitur autem probatio ex hominis infirmitate, quam primo proponit; secundo adducit probationem, ibi, *Non enim quod volo bonum, hoc ago*. Infirmitas autem hominis est manifesta ex hoc quod operatur id quod intelligit non esse operandum: unde dicitur: *Quod enim speror, non intelligo*, scilicet esse operandum: quod quidem potest intelligi dupliciter. Uno modo de eo qui est subiectus peccato; qui quidem in universali intelligit non esse operandum peccatum, tamen victus suggestione dæmonis, vel passione, vel inclinatione pervertit habitus, operatur illud: & ideo dicitur operari quod intelligit non esse operandum, contra conscientiam *faciens*; sicut Luc. xii. 41. „Servus sciens voluntatem domini sui, & non faciens, digne piagis vapulabit multis.“ Alio modo potest intelligi de eo qui est in gratia constitutus; qui quidem operatur malum, non quidem exequendo in opere, vel consentiente mente, sed solum concupiscendo secundum passionem sensibilibus appetitus: & illa concupiscentia est præter rationem, & intellectum, quia prævenit eius iudicium, quo adveniente, talis operatio impeditur. Et ideo signanter non dicit, *Intelligo non esse faciendum*, sed *non intelligo*: quia scilicet intellectu nondum deliberato, aut præcipiente, talis operatio concupiscentiæ insurgit. Gal. v. 17. „Caro concupiscit adversus spiritum, & spiritus adversus carnem.“ Deinde cum dicit, *Non enim quod volo bonum, hoc ago*, probat quod dixerat & per divisionem, & per effectum. Per divisionem quidem eius quod dicit, *Quod enim operor*. Sub quo duo continentur, scilicet nunc agere bonum, & agere malum: quia etiam ille qui non agit bonum, dicitur o-

perari peccato omissionis. Ex parte autem eius quod dicit, *Non intelligo*, probat per effectum: quia enim intellectus movet voluntatem, vel esse effectus eius quod est intelligere. Dicit ergo primo quantum ad omissionem boni: *Non enim ago hoc bonum*, quod volo agere: quod quidem uno modo potest intelligi de humine sub peccato constituto; & sic hoc quod dicit, *Ago*, est accipiendum secundum actionem completam, quæ exterius opere exercetur per rationis consensum; quod autem dicit, *Volo*, est intelligendum, non quidem de voluntate completa, quæ est operis præceptiva, sed de voluntate quadam incompleta, qua homines in universali bonum volunt, sicut in universali habent rectum iudicium de bono; tamen per habitum, vel passionem pervertitur talis voluntas in particulari, ut non agat quod in universali intelligit agendum, & agere vellet. Secundum autem quod intelligitur de homine per gratiam reparato, e converso oportet intelligere per hoc quod dicit, *Volo*, voluntatem completam perdurantem in electione particularis operationis, ut per hoc quod dicit, *Ago*, intelligatur actio incompleta, quæ consistit tantum in appetitu sensitivo, non perveniens usque ad rationis consensum. Homo enim sub gratia constitutus vult quidem mentem suam a pravitate concupiscentiis conservare; sed hoc bonum non agit propter mors inordinatos concupiscentiæ, insurgentes in appetitu sensitivo. Et simile est quod dicit Gal. v. 17. „Ut non quæcumque vultis, illa faciatis.“ Secundo quantum ad perpetrationem mali subdit: *Sed quod odi malum, illud facio*: quod quidem si intelligatur de homine peccatore, per hoc quod dicit, *Odi*, intelligatur quoddam odium imperfectum, secundum quod omnis homo naturaliter odit malum; per hoc autem quod dicit, *Facio*, intelligatur actio perfecta per operis executionem secundum rationis consensum: nam illud odium mali in universali, tollitur in particulari eligibili per inclinationem habitus, vel passionis. Si vero intelligitur de homine sub gratia constituto, per hoc quod dicit, *Facio*, intelligitur e converso actio imperfecta, quæ consistit in sola concupiscentia appetitus sensitivi; per hoc autem quod dicit, *Odi*, intelligitur odium perfectum quo quis perseverat in detestationem mali nique ad finalem reprobationem ipsius, de quo dicitur in Psal. cxxxviii. 22. „Perfecto odio oderam illum,“ scilicet malos in quantum sunt peccatores. II Machab.

11. 1. „Cum leges adhuc optimæ custo-
 „direntur propter Oniæ pontificis pieta-
 „tem, (a) & alios odio habentes ma-
 „lom. „Deinde cum dicit, *Si autem quod*
nolo, illud facio, concludit ex præmissa dis-
 „positione hominis, quod lex sit bona, di-
 „cens: *Si autem quod nolo, illud facio*, quo-
 „cumque didicitorum modorum intelligatur hoc
 „ipso quod nolo malum, *consensio legi quoniam*
bona est, in hoc quod prohibet ma-
 „lum, quod ego naturaliter nolo. Manifestum
 „est enim quod inclinatio hominis se-
 „cundum rationem ad volendum bonum, &
 „fugiendum malum, est secundum naturam,
 „vel gratiam; & utraque est bona. Unde
 „& lex, quæ huic inclinationi consentit præ-
 „cipiendo bonum, & prohibendo malum,
 „eadem ratione est bona. Prov. 17. 2. „Do-
 „num bonum tribuam vobis, legem meam
 „ne derelinquatis.“

Deinde cum dicit, *Nunc autem iam non*
ego operor illud, probat quod dixerat de con-
 „ditione hominis, scilicet quod sit carnalis ve-
 „numdatus sub peccato: & circa hoc tria facit.
 „Primo proponit quod intendit; secundo probat
 „propositum, ibi, *Scio enim &c.* tertio
 „concludit intentum, ibi, *Si autem quod nolo*
illud facio &c. Quod autem homo car-
 „nalis venundatus sub peccato, quasi aliquali-
 „ter sit servus peccati, ex hoc apparet quod
 „ipse non agit, sed agitur a peccato: ille e-
 „nim qui est liber, ipse per seipsum agit,
 „& non ab alio agitur. Et ideo dicit: Di-
 „ctum est, quod per intellectum, & volun-
 „tatem *consensio legi*; nunc autem dum con-
 „tra legem facio, *ego iam non operor illud*
quod facio contra legem, sed peccatum quod
in me habitat: & sic patet me esse servum
 „peccati, in quantum peccatum in me quasi
 „dominium habens operatur. Et hoc qui
 „dem recte, ac facilliter potest intelligi de
 „homine sub gratia constituto: quod enim
 „concupiscit malum secundum appetitum sensi-
 „tium ad carnem pertinentem, non proce-
 „dit ex opere rationis, sed ex inclinatione
 „somaticis. Illud autem homo dicitur operari
 „quod ratio operatur, quia homo est id quod
 „est secundum rationem: unde motus concu-
 „piscentiæ qui non fuit a ratione, sed a
 „somite, non operatur homo, sed somes pec-
 „cati, qui hic peccatum nominatur. Iacob.
 „17. 1. „Unde bella, & lites in vobis? Non-
 „ne ex concupiscentiis vestris, quæ mili-
 „tant in membris vestris?“ Sed de homi-
 „ne sub peccato constituto hoc proprie in-
 „telligi non potest, quia eius ratio peccato

consentit; & ideo ipsemet operatur: unde
 „dicit Augustinus, & habetur in Glossa.
 „Multum fallitur homo qui consentiens est
 „concupiscentiæ carnis suæ, & quod illa
 „desiderat decernens facere, & statuens,
 „putat sibi adhuc esse dicendum: *Non ego*
 „operor illud.“ Potest tamen, licet ex-
 „torte, exponi etiam de homine peccatore.
 „Actio enim maxime attribuitur principali
 „agenti, quod secundum proprietatem suam
 „movet; non autem agenti quod movet, vel
 „agit secundum proprietatem alterius a quo
 „movetur. Manifestum est autem quod ratio
 „hominis, secundum illud quod est proprium
 „sibi, non inclinatur ad malum, sed secun-
 „dum quod movetur a concupiscentia. Ex
 „ideo operatio mali quam ratio facit, pro-
 „ut est a concupiscentia victa, non attribuitur
 „principaliter rationi, quæ hic per ho-
 „minem intelligitur, sed potius ipsi concu-
 „piscentiæ, vel habitui ex quo ratio inclina-
 „tur ad malum. Dicitur autem peccatum
 „habitare in homine, non quasi peccatum sit
 „res aliqua, cum sit privatio boni; sed de-
 „signatur permanentia huiusmodi defectus
 „in homine. Deinde cum dicit, *Scio enim*, pro-
 „bat quod peccatum habitans in homine,
 „operatur malum quod homo facit: & pri-
 „mo ponit medium ad probandum proposi-
 „tum; secundo illud medium manifestat, ibi,
 „*Nam velle adiuvat mihi*. Probat ergo primo
 „quod peccatum habitans in homine, ope-
 „retur malum quod homo facit; quæ qui-
 „dem probatio manifesta est secundum quod
 „verba referuntur ad hominem sub gratia
 „constitutum, qui est liberatus a peccato
 „per gratiam Christi, ut supra vi. habitum
 „est. Quantum ergo ad eum in quo Christi
 „gratia non habitat, nondum est liberatus a
 „peccato. In carne autem gratia Christi
 „non habitat, sed habitat in mente: unde
 „infra viii. 10. dicitur, quod *si Christus*
in vobis est, corpus quidem mortuum est pro-
pter peccatum, spiritus autem vivit propter in-
justitiam. Igitur adhuc in carne domina-
 „tur peccatum, quod operatur concupiscentia
 „carnis. Carnem enim hic accipit simul
 „(b) cum viribus sensitivis. Sic enim caro
 „distinguitur contra spiritum, & ei repug-
 „nat, in quantum appetitus sensitivus tendit
 „in contrarium eius quod ratio appetit, se-
 „cundum illud Gal. v. 17. „Caro concupi-
 „scit adversus spiritum.“ Dicit ergo: Di-
 „ctum est, quod in me, etiam per gratiam
 „reparato, peccatum operatur; sed intelligen-
 „dum est in me secundum carnem simul cum
 „appe-

(a) *Ibi animos.* (b) *Id. cum membris.*

appetit sensitivo : *scio enim per rationem*, & experimentum, quod *bonum*, scilicet gratia, quoniam reformatum sum, *non habitat in me*. Sed neintelligatur secundum rationem, secundum modum superius positum exponit : *Hoc est in carne mea* : nam in me, id est in corde meo, hoc bonum habitat, secundum illud Ephes. 111. 17. „Habitare „Christum per fidem in cordibus vestris.“ Et per hoc patet quod hoc verbum non patrociniatur Manichæis, qui volunt carnem non esse bonam secundum naturam; & ita non esse creaturam (a) Dei boni, cum scriptum sit I. Tim. 19. 4. „Omnis creatura Dei bona est.“ Non enim hic Apostolus agit de bono naturæ, sed de bono gratiæ, quo a peccato liberamur. Si vero hoc referatur ad hominem sub peccato existentem, superflue additur quod dicit, *Hoc est in carne mea* : quia in homine peccatore bonum gratiæ non habitat nec quantum ad carnem, nec quantum ad mentem; nisi forte quis extorqueat velit exponere hoc esse dictum, quia peccatum, quod est privatio gratiæ, quodam modo a carne derivatur ad mentem. Deinde cum dicit, *Nam velle adiacet mihi*, manifestat quod dixerat : & primo ex hominis facultate; secundo ex hominis actione, quæ facultatem demonstrat, ibi, *Non enim quod volo bonum, hoc facio*. Facultas autem hominis primo delectatur quantum ad voluntatem, quæ videtur in hominis esse potestate : unde dicit : *Nam velle adiacet mihi*; id est : *propinquum est mihi*, quasi sub mea potestate existens : nihil enim est tam in hominis voluntate constitutum quam hominis voluntas, ut Augustinus dicit (de Lib. Arbitr. Lib. III. cap. 21.) Secundo ponit facultatem hominis, vel potius difficultatem, quantum ad consummationem effectus, cum subdit : *Perficere autem bonum non invenio*, scilicet in mea potestate existens, secundum illud Prov. 21. 1. „Homini est præparare animum.“ & iterum ibidem 9. „Cor hominis diffundit viam suam, sed Domini est dirigere gressus eius.“ Hoc autem verbum patrociniari videtur Pelagianis, quid dicebant, quod initium operis noster est ex nobis, in quantum bonum volumus; & hoc est quod videtur Apostolus dicere : *Perficere autem bonum non invenio*. Sed hunc sensum excludit Apostolus Phil. 21. 13. dicens : „Deus est qui operatur in nobis velle, & perficere.“ Quod ergo dicit, *Velle adiacet mihi* : scilicet, per gratiam iam repara-

to, est ex operatione divinæ gratiæ; per quam quidem gratiam non solum volo bonum, sed etiam aliquid boni facio, quia repugno concupiscentiæ; & contra eam ago ductus spiritu; sed non invenio in mea potestate quomodo istud bonum perficiam, ut scilicet totaliter concupiscentiam excludam. Et per hoc manifestatur quod bonum gratiæ non habitat in carne : quasi in carne habitaret, sicut habeo facultatem volendi bonum per gratiam habitantem in mente, ita haberem facultatem perficiendi bonum per gratiam habitantem in carne. Si vero referatur ad hominem sub peccato constitutum, scilicet exponi poterit ut *velle accipiat*ur pro voluntate incompleta, quæ ex instinctu naturæ in quibuscumque peccantibus est ad bonum; sed illud *velle* adiacet homini, id est iuxta hominem iacet, quasi infirmum, nisi gratia voluntati tribuat efficaciam ad perficiendum. Deinde cum dicit, *Non enim quod volo bonum, hoc facio*, manifestat quod dixerat ex actione hominis, quæ est signum, & effectus facultatis humanæ. Ex hoc enim apparet quod hominem invenit perficere bonum, quia non agit bonum quod vult, (b) sed facit malum quod non vult; & hoc quidem supra positum est.

Deinde cum dicit, *Si autem quod nolo, illud facio*, concludit illud quod supra proposuerat, dicens : *Si autem quod nolo, illud facio, non ego operor illud, sed quod inhabitat in me peccatum*; & hoc etiam supra positum est. Sed notandum est, quod ex uno & eodem medio, scilicet quod nolo illud facio, Apostolus dum concludit quæ supra proposuerat, scilicet legis bonitatem, cum dicit : *Si autem quod nolo, illud facio, consensio legi Dei quoniam bona est*; & iterum dominium peccati in homine, cum dicit hic : *Si autem quod nolo, illud facio, non ego operor illud, sed quod habitat in me peccatum* : quarum duarum conclusionum prima pertinet ad hoc quod dixerat, *Lex spiritualis est*; secunda ad hoc quod dixerat, *Ego autem carnalis sum, circumdatus sub peccato*. Sed primam conclusionem, quæ est de bonitate legis, elicit ex illo medio ratione eius quod dicit, *Nolo* : quia eius ratio non vult illud quod lex prohibet; & ex hoc patet legem esse bonam : sed ex parte eius quod dicit, *Illud facio*, concludit in homine dominari peccatum, quod contra voluntatem rationis (c) operatur.

L E

(a) M. Dei bonam. (b) M. quia facit. (c) M. cogitat.

L E C T I O IV.

INvenio igitur * aliam legem volenti mihi facere bonum, quoniam mihi malum adiacet: condelector enim legi Dei secundum interiore hominem; video autem aliam legem in membris meis repugnantem legi mentis meae, & captivantem me in lege peccati, quae est in membris meis. Infelix ego homo, quis me liberabit de corpore mortis huius? Gratia Dei per Iesum Christum Dominum nostrum. Igitur ego ipse mente servo legi Dei, carne autem legi peccati.

Postquam Apostolus ostendit legem esse bonam ex eo quod rationi concordat, hic infert duas conclusiones secundum duos quae posuerat. Secunda ponitur ibi, *Vides autem aliam legem in membris meis*. Circa primum duo facit. Primo infert conclusionem ex dictis; secundo ponit signum ad maiorem manifestationem, ibi, *Condelector enim legi Dei*. Duo autem supra posuerat. Primum quidem, quod lex spiritualis est; quo iam probato, concludit sic: *Invenio igitur*, scilicet per experimentum, *legem Moysi consonam esse mihi volenti facere bonum*, id est rationi meae, per quam bonum approbo, & malum detestor, dum & ipsa lex bonum mandat, & malum prohibet. Deut. xxx. 14. *„Iuxta te est verbum valde in ore tuo, & in corde tuo, ut facias illud.“* Et hoc modo necessarium fuit quod, idest quia malum, idest peccatum, vel fomes peccati, mihi adiacet; idest, iuxta rationem meam tacet, quasi carnem meam inhabitans. Mich. vii. 5. *„Ab ea quae dormit in sinu tuo, custodi claustra oris tui.“* idest a carne. Deinde cum dicit, *Condelector enim legi Dei*, ponit signum per quod ostenditur quod lex rationi consentiat: nullus enim delectatur nisi in eo quod est sibi conveniens; homo autem secundum rationem delectatur in lege Dei: ergo lex Dei est conveniens rationi; & hoc est quod dicit: *Condelector legi Dei secundum interiore hominem*, idest secundum rationem, & mentem, quae interior homo dicitur: non quod anima sit effigiata secundum formam hominis, ut Tertullianus posuit; vel quod ipsa sola sit homo, ut Plato posuit, quod homo est anima utens corpore; sed quia id quod est principaliter in homine, dicitur homo, ut supra dictum est. Est autem in homine principaliter secundum apparentiam quidem id quod est exterius, scilicet corpus sic effigiatum, quod dicitur homo exterior; se-

cundum veritatem autem id quod est interior, scilicet mens, vel ratio, quae hic dicitur homo interior. Psal. cxviii. 103. *„Quam dulcia faucibus meis eloquia tua.“* I. Mach. xxi. 9. *„Habentes solatio libros sanctos, qui in manibus nostris sunt.“* Deinde cum dicit *Vides autem*, ponit aliam conclusionem, quae respondet ei quod supra secundo posuerat, dicens: *Ego autem carnalis sum circumdatus sub peccato*: dicens: *Vides aliam legem in membris meis*, quae est fomes peccati: quae quidem potest dici lex duplici ratione. Uno modo propter similes effectus, quia sicut lex inducit ad bonum faciendum, ita fomes inducit ad peccandum; alio modo per comparisonem ad causam. Cum autem fomes sit quaedam poena peccati, duplicem causam habet: Una quidem ipsum peccatum, quod in peccante dominum accepit, & ei legem imposuit, quae est fomes, sicut dominus servo victo legem (a) imponit. Alia causa fomitis est Deus, qui hanc poenam homini peccanti indidit, ut rationis eius inferiores vires non obedirent. Et secundum hoc ipsa inobedientia inferiorum virium, quae dicitur fomes, lex dicitur, in quantum est per legem divinae iustitiae introducta; sicut iusti iudicis sententia (b) quasi lex habetur, secundum illud I. Reg. xxx. 25. *„Et factum est hoc ex die illa, & deinceps constitutum, & praesinitum, & quasi lex in Israel usque ad diem hanc.“* Haec autem lex originaliter quidem consistit in appetitu sensitivo, sed diffusive invenitur in omnibus membris, quae deserviunt concupiscentiae ad peccandum. Supra vi. 19. *Sicut exhibuistis membra vestra servire inmunditia, & iniquitati ad iniquitatem: ita nunc exhibete membra vestra servire iustitiae in sanctificationem.* Et ideo dicit, *In membris meis*. Haec autem lex duos effectus in homine habet. Primo namque resistit rationi; & quantum ad hoc dicit: *Repugnantem legi mentis meae*,

* Vix aliam nec est in Vulgata, nec in D. Thoma transiit in hac Lectione.

(a) Al. imposuit. (b) Al. quae legem habet. Forte quae legis vim habet.

mea, idest legi Moysi, quæ dicitur lex mentis, inquantum consonat menti; vel legi naturali, quæ dicitur lex mentis, quia naturaliter menti indita est. Supra 11. 15. *Qui ostendunt opus legis scriptum in cordibus suis*. Et de hac repugnantia Gal. v. 17. „Caro „concupiscit adversus spiritum.“ Secundus effectus est quod hominem in servitutem redigit; & quantum ad hoc subdit: *Et captivum me, vel captivum me ducen- tem, secundum aliam litteram, in lege peccati, quæ est in membris meis*, idest in meipso, more Hebraicæ locutionis, secundum quam ponuntur nomina loco pronominum. Lex autem peccati captivat hominem dupliciter: uno modo hominem peccatorem per consensum, & operationem; alio modo hominem sub gratia constitutum, quantum ad concupiscentiæ motum. De hac captivitate dicitur in Psal. cxxv. 1. „In con- „vertendo Dominus captivitatem Sion.“

Deinde cum dicit, *Infelix ego homo* &c. agit de liberatione a lege peccati; & tria circa hoc facit. Primo quidem ponit quæ- stionem; secundo ponit responsum, ibi, *Gratia Dei* &c. tertio infert conclusionem, ibi, *igitur ego ipse mentis servus legi Dei*. Circa primum duo facit. Unum quidem confitetur, scilicet suam miseriam, cum dicit, *Infelix ego homo*: quod quidem est per peccatum quod in homine habitat, sive quantum ad carnem tantum, sicut in iusto, sive etiam quantum ad mentem, sicut in peccatore. Prov. xiv. 34. „Miseros facit po- „pulos peccatum.“ Psal. xxxvi. 1. 7. „Mi- „ser factus sum, & curvatus sum usque „in finem.“ Aliud autem querit dicens: *Quis me liberabis de corpore mortis huius?* quæ quidem videtur quæstio esse desiderantis, secundum illud Psal. cxli. 3. „E- „duc de carcere animam meam.“ Sciendum est tamen, quod in corpore hominis considerari potest natura ipsa corporis, quæ est conveniens animæ, unde ab ea non vult separari. II. Cor. v. 4. „Nolumus expo- „nari, sed supervestiri.“ & iterum corruptio corporis, quæ aggravat animam, secundum illud Sap. ix. 15. „Corpus, quod „corrumpitur, aggravat animam.“ Et id-

eo signanter dicit, *De corpore mortis huius*. Deinde cum dicit, *Gratia Dei* &c. respon- det quæstioni: non enim homo propriis vi- ribus potest liberari a corporis corruptio- ne, nec etiam animæ, quamvis consentiat rationi contra peccatum, sed solum per gratiam Christi, secundum illud Ioan. vi. 26. „Si Filius vos liberaverit, vere liberi „eritis.“ Et ideo sequitur: *Gratia Dei*, scilicet me liberabit, quæ datur per Iesum Christum. Ioan. 1. 17. „Gratia, & veritas „per Iesum Christum facta est.“ Hæc autem liberat a corpore mortis huius dupliciter: uno modo ut corruptio corporis menti non dominetur, trahens eam ad peccandum; alio modo ut corruptio corporis totaliter tollatur. Quantum ergo ad primum convenit dicere peccatori: Gratia liberavit me *de corpore mortis huius*; idest, liberavit me a peccato, in quod est anima inducta ex corporis corruptione, sed ab hoc iam iustus liberatus est: unde ei competit dicere quantum ad secundum: Gratia Dei liberavit me *de corpore mortis huius*, ut scilicet in corpore meo non sit corruptio peccati, aut mortis; quod erit in resurrectione. Deinde cum dicit, *igitur ego ipse* &c. infert conclusionem, quæ secundum duas præmissas expositiones, diversimode ex præmissis inferitur. Secundum enim quod præmissa verba exponuntur in persona peccatoris, sic inferenda est conclusio. Dictum est, quod gratia Dei liberavit me a corpore mortis huius, ut scilicet ab ea non deducatur in peccatum: ergo quando ero iam liberatus, *mentis servus legi Dei*, secundum carnem autem *legi peccati*: quæ quidem in carne remanet quantum ad fomitem, per quem caro concupiscit adversus spiritum. Si autem præmissa verba intelligantur ex persona iusti, sic est inferendum. *Gratia Dei per Iesum Christum*, liberavit me *de corpore mortis huius*; ita scilicet ut in me non sit corruptio peccati, & mortis. *Igitur ego ipse*, unus & idem antequam liberet, *morte servus legi Dei*, ei consentiens; *carnem autem servus legi peccati*, inquantum caro mea secundum legem carnis movetur ad concupiscendum.

C A P I T U L U M VIII.

L E C T I O I.

Nihil ergo nunc damnationis est his qui sunt in Christo Iesu, qui non secundum carnem ambulant. Lex enim spiritus vitæ in Christo Iesu liberavit me a lege peccati, & mortis. Nam quod impossibile erat legi, in quo infirmabatur per carnem, Deus Filium suum mittens in similitudinem carnis peccati, & de peccato damnavit peccatum in carne; ut iustificatio legis impleretur in nobis, qui non secundum carnem ambulamus, sed secundum spiritum. Qui enim secundum carnem sunt, quæ carnis sunt sapiunt; qui vero secundum spiritum sunt, quæ sunt spiritus sentiunt: nam prudentia carnis, mors est; prudentia autem spiritus, vita, & pax.

Postquam Apostolus ostendit quod per gratiam Christi liberamur a peccato, & lege, hic ostendit quod per eandem gratiam liberamur a damnatione: & primo ostendit quod per gratiam Christi liberamur a damnatione culpæ; secundo quod per eandem gratiam liberamur a damnatione pœnæ, ibi, *Si autem Christus in nobis est* &c. Circa primum duo facit. Primo proponit quod ioteodit; secundo probat propositum, ibi, *Lex enim spiritus vitæ* &c. Circa primum duo facit. Primo proponit beneficium quod gratia confert, concludens ex præmissis ita. Gratia Dei per Iesum Christum liberavit me de corpore mortis huius, in qua existit nostra redemptio. Ergo nunc, ex quo sumus per gratiam liberati, nihil damnationis est residuum: quia tollitur damnatio & quantum ad culpam, & quantum ad pœnam. Iob xxxiv. 29. „ Ipso concedente pacem, quis est qui conde- „ moet? “ Secundo ostendit quibus hoc beneficium concedatur, & ponit duas condiciones quæ ad hoc requiruntur: quarum primam ponit, dicens: *His qui sunt in Christo Iesu*, id est qui sunt ei incorporati per fidem, & dilectionem, & fidei sacramentum. Gal. iii. 29. „ Omnes quotquot „ in Christo baptizati estis, Christum in- „ duistis. “ Joan. xv. 4. „ Sicut palmes „ non possent ferre fructum, nisi manserit „ in vite; sic nec vos, nisi in me manser- „ itis. “ Illis vero qui non sunt in Christo Iesu, damno debetur: unde ibidem 6. subditur: „ Si quis in me non man- „ serit, mittetur foras sicut palmes, & „ ardeat: & colligent eum, & in ignem „ mittent, & ardet. “ Secundam condi- tionem ponit, dicens: *Qui non secundum carnem ambulant*, id est, concupiscentiam carnis non sequuntur. II. Cor. x. 3. „ In carne

„ ambulantes, non secundum carnem mili- „ tamus. “

Ex his autem verbis aliqui voluit accipere, quod in infidelibus, qui non sunt in Christo Iesu, etiam primi motus sint peccata mortalia, quamvis eis non consentiant; quod est secundum carnem ambulare. Si enim illi qui non secundum carnem ambulant, ex hoc non esset damnabile est quod carne serviunt legi peccati secundum primos concupiscentie motus, quia sunt in Christo Iesu; sequitur a contrario sensu, quod illis qui non sunt in Christo Iesu, hoc sit damnabile. Ad hoc etiam rationem inducunt: dicunt enim quod necesse est aliquid damnabilem esse qui procedit ex habitu damnabilis peccati. Peccatum autem originale est damnabile, quia privat hominem æternam vitam, cuius habitus manet in infideli, cui non est originalis culpa dimissa. Quilibet ergo motus concupiscentiæ ex originali peccato provenientes, est in eis peccatum damnabile.

Primo autem ostendendum est hanc positionem esse falsam. Primus enim motus habet quod non sit peccatum mortale ex eo quod rationem non attingit, in qua completur ratio peccati; ista autem causa etiam in infidelibus manet: unde in infidelibus primi motus non possunt esse peccata mortalia. Præterea in eadem specie peccati gravior peccat fidelis quam infidelis, secundum illud Heb. x. 29. „ Quanto magis „ putatis deteriora mereri supplicia qui „ Testamenti Dei concitaverit, & sanguinem „ testamenti pollutum duxerit? “ Si ergo primi motus in infidelibus essent peccata mortalia, multo magis in fidelibus.

Secundo respondendum est ad eorum rationes. Nam primo quidem ex littera Apostoli hoc habere non possunt. Non enim

dicit Apostolus, quod hoc solum non sit damnabile his qui sunt in Christo Iesu, quod carne servant legi peccati secundum concupiscentiæ motus, sed quod omnino nihil est eis damnationis; illis autem, qui non sunt in Christo Iesu, est hoc ipsum damnabile. Præterea si hoc ad primos motus referatur, his qui non sunt in Christo Iesu, sunt damnabiles huiusmodi motus, secundum damnationem originalis peccati, quæ adhuc in eis manet, a qua sunt liberati hi qui sunt in Christo Iesu; non autem sic quod per huiusmodi motus nova addatur eis damnatio. Quod etiam secundo obiciunt, non ex necessitate concludit quod intendunt. Non enim verum est quod ætus qui libet procedens ex habitu peccati damnabilis, sit etiam & ipse damnabilis, sed solum quando est ætus perfectus per consensum rationis. Si enim in aliquo sit habitus adulterii, motus concupiscentiæ adulterii, qui est ætus imperfectus, non est in eo peccatum mortale; sed solum motus perfectus, qui est per consensum rationis; & præterea ætus ex tali habitu procedens, non habet aliam rationem damnationis ab ea quæ est secundum rationem habitus. Et secundum hoc primi motus in infidelibus, ex eo quod procedunt a peccato originali, non afferunt damnationem peccati mortalis, sed solum originalis.

Deinde cum dicit, *Lex enim spiritus vi-
ta &c.* probat quod dixerat: & primo quantum ad primam conditionem, qua dixerat, nihil esse damnationis his qui sunt in Christo Iesu; secundo quantum ad secundam conditionem, qua dixerat, *Qui non secundum carnem ambulant*, ibi, *Qui non secundum carnem ambulamus &c.* Circa primum duo facit. Primo ponit probationem; secundo manifestat quod supposuerat per causam, ibi, *Nam quod impossibile erat legi &c.* Circa primum ponit talem rationem. Lex spiritus liberat hominem a peccato, & morte; sed lex spiritus est in Iesu Christo; ergo per hoc quod aliquis est in Christo Iesu, liberatur a peccato, & morte. Quod autem lex spiritus liberet a peccato, & morte, sic probet. Lex spiritus est causa vitæ; sed per vitam excluditur peccatum, & mors, quæ est effectus peccati: nam & ipsum peccatum est spiritualis mors animæ: ergo lex spiritus liberat hominem a peccato, & morte. Damnatio autem non est nisi per peccatum, & mortem: ergo his qui sunt in Christo Iesu, nihil damnationis est. Hoc est ergo quod dicit: *Lex enim
spiritus vita in Christo Iesu liberavit me a le-*

ge peccati, & mortis. Quæ quidem lex potest dici uno modo. Spiritus sanctus, ut sit sensus. *Lex spiritus*, idest lex quæ est Spiritus: lex enim ad hoc datur ut per eam homines inducantur ad bonum: unde & Philo sophus in II. Ethic. (cap. 1.) dicit, quod intentio legislatoris est civem facere bonos: quod quidem lex humana facit, solum notificando quid fieri debeat; sed Spiritus sanctus mentem inhabitans non solum docet quid oportet fieri, intellectum illuminando de agendis, sed etiam affectum inclinat ad recte agendum. Ioan. xiv. 26. Paracletus autem Spiritus sanctus quem mittet Pater in nomine meo, ille vos docebit omnia (quantum ad primum) & suggeret vobis omnia (quantum ad secundum) quæcumque dixero vobis. Alio modo lex spiritus potest dici proprius effectus Spiritus sancti, scilicet fides per dilectionem operans: quæ quidem & docet interius de agendis, secundum illud infra I. Ioan. 11. 27. Unctio docebit vos de omnibus: & inclinat affectum ad agendum, secundum illud II. Corinth. v. 14. Caritas Christi urget nos. Et hæc quidem lex spiritus, dicitur lex nova, quæ vel est ipse Spiritus sanctus, vel eam in cordibus nostris Spiritus sanctus facit. Hier: xxxi. 33. Dabo legem meam in visceribus eorum, & in corde eorum super scribam eam. De lege autem veteri supra dixit solum, quod erat spiritualis, idest a Spiritu sancto data: & sic prædicta considerantes inveniemus quatuor leges ab Apostolo esse inductas. Primo legem Moysi, de qua dicit supra v. 11. 22. Condesider legi Dei secundum interierem hominem. Secundo legem somitis, de qua dicit ibidem 23. Video aliam legem in membris meis. Tercio legem naturalem secundum unum sensum, de qua subdit ibid. 23. Repugnantem legi mentis mea: Quarto tradit legem novam, cum dicit: *Lex spiritus*: & addit, *Vita*, quia sicut spiritus naturalis facit vitam naturæ, sic Spiritus divinus facit vitam gratiæ. Ioan. vi. 64. Spiritus est qui vivificat. Ezech. 1. 20. Spiritus vitæ erat in rotis. Addit autem, *In Christo Iesu*, quia scilicet ille Spiritus non datur nisi his qui sunt in Christo Iesu: sicut enim Spiritus naturalis non pervenit ad membrum quod non habet connectionem ad caput, ita Spiritus sanctus. I. Ioan. 111. 24. In hoc scimus quod ipse manet in nobis, quia de Spiritu suo dicit nobis. Act. v. 32. Spiritus sanctus, quem dedit Deus omnibus obedientibus sibi. Hæc, inquam, lex, ex eo quod

quod est in Christo Iesu, *liberavit me*. Ioan. viii. 36. „ Si Filius vos liberaverit, vere „ liberi eritis. „ Et hoc a lege peccati, id est a lege fomitis, quæ inclinat ad peccatum: vel a lege peccati, id est a consensu, & operatione peccati, quod hominem tenebat per modum legis. Per Spiritum enim sanctum remittitur peccatum. Ioan. xx. 12. „ Accipite Spiritum sanctum: quorum „ remissionis peccata, remittuntur eis. „ Et mortis, non solum spiritualis, sed etiam corporalis, ut infra probabitur. Et hoc id eo quia est spiritus vitæ: Ezech. xxxvii. 9. „ A quatuor ventis veni spiritus, & infusa super interfectos istos, & reviviscant. „ Deinde cum dicit, *Nam quod impossibile erat legi &c.* manifestat quod dixerat, scilicet quod lex vitæ quæ est in Christo Iesu, liberat a peccato. Nam quod liberet a morte, infra probabit: & hoc probat per causam, quæ sumitur ex incarnatione Christi: circa quam tria ponit. Primo necessitatem incarnationis; secundo modum incarnationis, ibi, *Deus Filium suum mittens in similitudinem carnis peccati*; tertio incarnationis fructum, ibi, *Et de peccato damnavit peccatum*. Et ut planior fiat expositio, accipiemus primo secundum, secundo tertium, tertio primum, hoc modo. Recte dico, quod lex spiritus vitæ in Christo Iesu liberat a peccato: nam Deus Pater Filium suum, id est proprium, consubstantialem sibi, & coeternum: Psal. xi. 7. „ Dominus dixit ad me: Filius meus es „ tu, ego hodie genui te: „ mittens, non de novo creans, vel faciens; sed quasi præ-existentm misit: Matth. xxi. 37. „ Novissimæ misit ad eos filium suum: „ non quidem ut esset ubi non erat, quia, ut dicitur Ioan. i. 10. „ in mundo erat, „ sed ut esset modo quo non erat in mundo, id est visibiliter per carnem assumptam: unde ibidem sequitur 14. „ Verbum caro factum „ est... & vidimus gloriam eius. „ Bar. iii. 38. „ Post hoc in terris visus est. „ Et ideo hic subditur: *In similitudinem carnis peccati*: quod non est sic intelligendum quali veram carnem non habuerit, sed solum carnis similitudinem quasi phantasticam, sicut Manichæi dicunt: cum ipse Dominus dicat Luc. ult. 39. „ Spiritus carnis, & ossa non habet, sicut me videtis „ habere. „ Unde non subdit solum, *In similitudinem carnis*, sed *In similitudinem carnis peccati*: non enim habuit carnem peccati, id est cum peccato conceptam, quia caro

eius fuit concepta per Spiritum sanctum, qui tollit peccatum. Matth. i. 20. „ Quod „ enim in ea natum est, de Spiritu sancto est. „ Unde Psal. xxv. 11. dicit: „ Ego in innocentia mea ingressus sum, „ scilicet in mundum. (a) Sed habuit similitudinem carnis peccati, id est similem carni peccatrici in hoc quod erat passibilis: nam caro hominis ante peccatum, passioni subiecta non erat. Heb. ii. 17. „ Debuisset pro omnia fratribus assimilari, ut misericors fieret. „ Subdit autem duplicem effectum incarnationis: quorum primus est remissio peccati, quam ponit dicens: *De peccato damnavit peccatum in carne*: quod quidem potest legi: *De peccato*, id est pro peccato commisso in carne Christi, diabolo instigante, ab occisoribus eius, *damnavit*, id est destruxit, *peccatum*: quia cum diabolus innocentem, in quo nihil iuris habebat, attentavit morti tradere, iustum fuit ut potestatem amitteret. Et ideo per suam passionem, & mortem dicitur peccatum destruxisse. Col. ii. 15. „ Expolians (scilicet in cruce) principatus, & potestates traduxit confidentes, palam triumphans illos in semetipso. „ Sed melius est ut dicatur: *Damnavit peccatum in carne*, id est debilitavit fomitem peccati in carne nostra, *de peccato*, id est eius virtute passionis suæ, & mortis: quæ dicitur peccatum propter similitudinem peccati, ut dictum est; vel quia per hoc factus est hostia pro peccato, quæ in sacra Scriptura dicitur peccatum. Osee iv. 8. „ Peccata populi mei comedit. „ Unde dicit II. Corinth. vi. 21. „ Eum qui non noverat peccatum, „ pro nobis Deus fecit peccatum, „ id est hostiam pro peccato. Et ita satisfaciendo pro nostro peccato, abstulit peccatum mundi. Ioan. i. 29. „ Ecce agnus Dei, ecce „ qui tollit peccata mundi. „ Secundum effectum ponit consequenter, dicens: *Utrumque legis*, id est iustitia quam lex promittebat, & quam ex lege aliqui sperabant, impletur, id est perficeretur, in nobis, existentibus scilicet in Christo Iesu. Infra ix. 30. *Gentes qua non sciebantur iustitiam, apprehenderunt iustitiam qua est ex fide*: & II. Corinth. v. 21. cum dixisset, „ Eum qui non „ noverat peccatum, Deus pro nobis fecit „ peccatum, „ subdit: „ Ut nos efficeremus iustitia Dei in ipso. „ Hoc aliter fieri non poterat quam per Christum; & ideo præmisit, quod scilicet damnare potest peccatum in carne, & implere ius-

(a) *M. omittitur sed,*

ificationem, quod erat impossibile legi Moy-
si. Hebr. vii. 19. „Nihil ad perfectum
„ adduxit lex. “ Et hoc quidem erat legi
impossibile, non propter defectum legis,
sed in quo, idest inquantum, infirmabatur per
carnem, idest propter iohmitatem carnis,
quæ erat in homine ex corruptione fomi-
tis, ex qua proveniebat quod, etiam lege
data, homo a concupiscentia vincebatur.
Matth. xxvi. 41. „ Spiritus quidem prom-
„ ptus est, caro autem iohmita: “ & supra
vi. 19. *Humanum dico propter infirmitatem
carnis vestra.* Et ex hoc patet quod necesse
fuit Christum incarnari: unde & Galat. ii.
21. dicitur: „ Si per legem est iustitia,
„ Christus gratis mortuus est, “ idest sine
causa. Ideo ergo necessarium fuit Christum
incarnari, quia lex iustificare non pot-
erat.

Deinde cum dicit, *Qui non secundum car-
nem ambulamus*, probat propositum quantum
ad secundam conditionem, ostendens quod
ad hoc quod aliqui damnationem evadant,
requiritur quod oon secundum carnem am-
bulent: & circa hoc tria facit. Primo pro-
ponit quod intendit; secundo probat pro-
positum, ibi, *Qui enim secundum carnem
sunt, qua carnis sunt sapienter*; tertio manife-
stat quoddam quod in probatione supposue-
rat, ibi, *Quoniam sapientia carnis inimica est
Deo.* Dicit ergo primo: Dictum est, quod
iustificatio legis impletur in nobis, qui sci-
licet non solum sumus in Christo Iesu, sed
etiam non ambulamus secundum carnem,
sed secundum spiritum, idest qui non se-
quimur concupiscentias carnis, sed instin-
ctum Spiritus sancti. Galat. v. 16. „ Spiritus
„ tu ambulare. “ Deinde cum dicit, *Qui
enim secundum carnem sunt* &c, probat quod
dixerat, & inducit duos syllogismos: nnum
quidem ex parte carnis, qui est talis. Qui-
cumque sequuntur prudentiam carnis, du-
cuntur ad mortem; sed quicumque sunt se-
cundum carnem, sequuntur prudentiam car-
nis: ergo quicumque sunt secundum car-
nem, ducuntur ad mortem. Alium syllo-
gismum ponit ex parte spiritus, qui est ta-
lis. Quicumque sequuntur prudentiam spi-
ritus, consequuntur vitam, & pacem; sed
quicumque sunt secundum spiritum, se-
quuntur prudentiam spiritus: ergo quicum-
que sunt secundum spiritum, sequuntur vi-
tam, & pacem. Et sic patet quod illi qui
non ambulant secundum carnem, sed secun-
dum spiritum, liberantur a lege peccati,
& mortis. Primo ergo ponit minorem pri-

mi syllogismi, dicens: *Qui enim secundum
carnem*, idest qui carni subduntur quasi ei
subiecti: infra xvi. 18. „ Huiusmodi Do-
„ mino non serviunt, sed suo ventri: “
sapiunt ea qua sunt carnis; ac si dicat, Ha-
bent sapientiam carnis: sapere enim quæ
sunt carnis, est approbare, & iudicare bo-
na esse quæ sunt secundum carnem. Mac-
th. xvi. 23. „ Non sapi quæ Dei sunt,
„ sed quæ hominis. “ Hier. xv. 21. „ Sa-
„ pientes sunt ut faciant mala. “ Secundo
ponit minorem secundi syllogismi, dicens:
Qui vero sunt secundum spiritum, id est qui
spiritum sanctum sequuntur, & secundum
eum ducuntur, secundum illud Galat. v.
18. „ Si spiritu ducimini, non estis sub le-
„ ge: “ *sentiant ea qua sunt spiritus*; idest,
habent rectum sensum in rebus spirituali-
bus, secundum illud Sap. i. 2. „ Sentite
„ de Domino in bonitate. “ Et horum ra-
tio est, quia, sicut Philosophus dicit io III.
Ethic. (cap. xiii.) qualis est unusquisque,
ralis suis videtur ei. Unde ille cuius est
animus informatus per habitum bonum, vel
malum, existimat de fine secundum exigen-
tiam illius habitus. Tertio ponit maiorem
primi syllogismi, dicens: *Nam prudentia car-
nis mors est.* Ad cuius intellectum oportet
scire, quod prudentia est recta ratio agibi-
lium, ut dicit Philosophus VI. Ethic. (cap.
iv.) Recta autem ratio agendorum unum
præsupponit, & tria facit: præsupponit
enim finem, qui est sicut principium in a-
gendis; sicut & ratio speculativa præsupponit
principia, ex quibus demonstrat; facit
autem recta ratio agibilium tria: nam pri-
mo recte consiliatur; secundo recte iudicat
de consiliatis; tertio recte, & constanter
præcipit (a) quod consiliatum est. Sic er-
go ad prudentiam carnis requiritur quod
aliquis præsupponat pro fine delectabile car-
nis, & quod consiliator, & indicet, &
præcipiat ea quæ conveniunt ad hunc fi-
nem: uode talis prudentia est mors, id est
causa mortis æternæ. Gal. ult. 8. „ Qui
„ seminat in carne, de carne & metet cor-
„ ruptionem. “ Quarto ponit maiorem se-
cundi syllogismi, dicens: *Prudentia autem
spiritus, vita, & pax.* Dicitur autem se-
cundum prædicta, prudentia spiritus, quan-
do aliquis præsupposito fine spiritualis bo-
ni, consiliatur, & indicat, & præcipit quæ
ordinantur convenienter ad hunc finem: unde
talis prudentia est vita, id est causa vi-
tæ, gratiæ, & gloriæ Gal. ult. 8. „ Qui
„ seminat in spiritu, de spiritu & metet

„ vi-

(a) id. indicatum est.

vitam æternam: " & est pax, idest cau- gentibus legem tuam, Domine. " Gal.
la pacis: nam pax causatur a Spiritu san- 5. 22. " Fructus Spiritus, caritas, gaudium,
cto. Psal. cxviii. 165. " Pax multa dili- " & pax. "

L E C T I O II.

QUoniam sapientia carnis inimica est Deo: legi enim Dei non est subiecta; nec enim potest. Qui autem in carne sunt, Deo placere non possunt. Vos autem in carne non estis, sed in spiritu; si tamen Spiritus Dei habitat in vobis. Si quis autem Spiritum Christi non habet, hic non est eius. Si autem Christus in vobis est, corpus quidem mortuum est propter peccatum, spiritus vero vivit propter iustificacionem. Quod si Spiritus eius qui suscitavit Iesum a mortuis habitat in vobis; qui suscitavit Iesum Christum a mortuis, vivificabit & mortalia corpora vestra, propter inhabitantem Spiritum eius in vobis. Ergo, fratres, debitores sumus, non carni, ut secundum carnem vivamus: si enim secundum carnem vixeritis, moriemini; si autem Spiritu facta carnis mortificaveritis, vive-
tis.

SUPPOSUERAT Apostolus in præcedentibus quod prudentia carnis mors est; & hoc quidem nunc probare intendit: & primo probat propositum; secundo ostendit fideles quibus scribit, a tali prudentia esse alienos, ibi, *Vos autem in carne non estis*. Circa primum duo facit. Primo propositum probat de prudentia carnis in abstracto; secundo id quod de prudentia carnis dixerat, adaptat eis qui prudentia carnis sequuntur, ibi, *Qui autem in carne sunt &c.* Circa primum ponit tria media, quorum posterius probat prius. Per primum autem probat id quod supra positum est, scilicet quod prudentia carnis sit mors, hoc modo. Qui inimicatur Deo, incurrit mortem. Luc. xix. 27. " Verumtamen inimicos meos illos qui noluerunt me regnare supra se, adducite huc, & interficite ante me. " Et hoc quia Deus vita nostra est: Deut. xxx. 20. " Ipse est enim vita tua. " Et ideo ille qui inimicatur Deo, incurrit mortem; sed prudentia carnis inimica est Deo; ergo prudentia carnis est causa mortis.

Ubi notandum est, quod id quod supra dixerat prudentiam carnis, nunc nominat carnis sapientiam: non quod idem sit sapientia simpliciter, & prudentia, sed quia iorebus humanis est prudentia. Prover. x. 23. " Sapientia est viro prudentia. " Ad cuius intellectum sciendum, quod sapiens simpliciter dicitur qui cognoscit causam altissimam, ex qua omnia dependent; causa autem (a) suprema omnium, Deus est: unde sapientia simpliciter est cognitio divi-

narum rerum, ut Augustinus dicit in Lib. XIV. de Trinit. (cap. 1.) I. Cor. 11. 6. " Sapientiam loquimur ioter perfectos. " Dicitur autem sapiens in unoquoque genere qui cognoscit altissimam causam illius generis: sicut in arte ædificatoria dicitur sapiens, non ille qui scit dolare ligas, & lapides, sed ille qui concipit, & disponit convenientem formam domus: ex hoc enim totum artificium dependet: unde & Apostolos dicit I. Cor. 11. 10. " Ut sapiens architectus fundamentum posui. " Sic igitur sapiens in rebus humanis dicitur qui bonam æstimationem habens de fine humanæ vitæ, secundum hoc ordinat totam humanam vitam, quod pertinet ad prudentiam. Et ita sapientia carnis est idem quod carnis prudentia. De hac sapientia dicitur Iac. 111. 25. " Non est de sursum descens, sed terrena, animalis, diabolica. "

Dicitur autem hæc sapientia Deo inimica, quia contra legem Dei, hominem inclinat. Iob xv. 26. " Cucurrit adversus Deum collo erecto, & pingui cervice. " Et ideo ad hoc probandum inducit aliud medium, subdens: *Legi enim Dei non est subiecta*. Non enim potest aliquis Deum odire, secundum quod in se est, cum Deus sit ipsa essentia bonitatis; sed secundum hoc aliquis peccator Deum odit quod præceptum divinæ legis est contrarium suæ voluntati; sicut adulter odit Deum, inquantum odit hoc præceptum, Non moechaberis. Et sic omnes peccatores, inquantum nolunt
sub.

(a) A. suprema simpliciter omnium.

subiici legi Dei, sunt inimici Dei. II. Paralip. xix. 2. „His qui oderunt Deum, „amicitia iungeris.“ Unde convenienter probat quod prudentia, vel sapientia carnis sit inimica Deo, quia non est subiecta legi Dei. Probat autem hoc per tertium medium, dicens: *Non enim potest*. Prudentia enim carnis vitium est quoddam, ut ex praedictis patet. Quamquam autem ille qui subiectus est vitio, possit liberari a vitio, & subiici Deo, secundum illud supra vi. 22. *Liberati a peccato, servi facti Deo*; tamen ipsum vitium Deo subiici non potest, cum ipsum vitium sit aversio a Deo, vel a lege Dei: sicut ille qui est niger, potest fieri albus, sed ipsa nigredo numquam potest fieri alba. Et secundum hoc dicitur Matth. vii. 18. „Non potest arbor mala fructus „bonos facere.“ Ex quo patet quod non recte Manichaei ad confirmationem sui erroris hanc verba assumunt, volentes per haec verba offendere naturam carnis non esse a Deo, cum sit inimica Deo, nec possit Deo subiici: non enim agit Apostolus hic de carne ista, quae est creatura Dei, sed de prudentia carnis, quae est vitium hominis, ut dictum est. Deinde cum dicit, *Qui autem in carne sunt* &c. adaptat quod dixerat de prudentia carnis, ad homines quibus prudentia carnis dominatur, dicens: *Qui autem in carne sunt*, id est qui concupiscentias carnis sequuntur per prudentiam carnis, quamdiu tales sunt, Deo placere non possunt: quia, ut in Psalm. cxlvi. 11. dicitur, „beneplacitum est Deo „super timentes eum.“ Unde illi qui ei non subiiciuntur, non possunt ei placere, quamdiu tales sunt; possunt autem definire esse in carne secundum modum praedictum, & tunc Deo placebunt.

Deinde cum dicit, *Vos autem in carne non estis*, ostendit eos quibus loquitur, esse immunes a prudentia carnis: & circa hoc tria facit. Primo ponit fidelium statum, dicens: *Vos autem non estis in carne*; & sic patet non esse intelligendum de carnis natura: Romani enim, quibus loquebatur, mortales erant carne induti. Sed carnem accipit pro vitiis carnis, secundum illud I. Corinth. vi. 30. „Caro, & sanguis regnum Dei (a) „possidere non possunt.“ Unde dicit: *Vos non estis in carne* id est, non estis in vitiis carnis, quasi secundum carnem viventes: II. Cor. x. 3. „In carne viventes, non secundum carnem militamus.“ *Sed in spiritu*; id est, spiritum sequimini. Apec. i. 102. „Fui in spiritu dominica die.“ Se-

cundo apponit conditionem, dicens: *Si autem Spiritus Dei habitet in vobis*, scilicet per caritatem. I. Cor. xiv. 16. „Templum Dei „estis, & Spiritus Dei habitet in vobis.“ Apponit autem hanc conditionem, quia quamvis in baptismo Spiritum sanctum receperint, potuissent tamen contingere quod per peccatum superveniens Spiritum sanctum amiserint: de quo dicitur Sap. 1. quod corrumpitur a superveniente iniquitate. Tertio ostendit conditionem hanc oportere in eis extare, dicens: *Si quis Spiritum Christi non habet*, hic non est eius: sicut non est membrum Christi qui Spiritum Christi non habet. I. Ioan. iv. 13. „In hoc scimus quoniam manet in nobis, quoniam de Spiritu „suo dedit nobis.“ Est autem notandum, quod idem est Spiritus Christi, & Dei Patris; sed dicitur Dei Patris, inquantum a Patre procedit, dicitur Spiritus Christi, inquantum procedit a Filio. Unde etiam Dominus ubique attribuit eum simul sibi, & Patri, sicut Ioan. xiv. 26. „Paraclytus „Spiritus sanctus, quem mittet Pater in „nomine meo.“ Item xv. 26. „Cum venerit Paraclytus, quem ego mittam vobis „a Patre.“

Deinde cum dicit, *Si autem Christus in vobis est*, ostendit quod per gratiam Christi, live per Spiritum sanctum, liberamur a peccata: & primo ostendit quod liberamur per Spiritum sanctum in futuro a morte corporali; secundo quod interim in hac vita adiuvamur a Spiritu sancto contra infirmitates praesentis vitae, ibi, *Similiter autem Spiritus adjuvat infirmitatem nostram*. Circa primum etiam facit. Primo proponit quod intendit; secundo ex hoc infert quoddam corollarium, ibi, *Ergo, fratres debitorum &c.* tertio probat propositum, ibi, *Quicumque enim Spiritum Dei agnoverit, hi sunt filii Dei*. Circa primum considerandum est; quod supra mentionem fecerat de Spiritu Dei, & de Spiritu Christi, quamvis sit unus & idem Spiritus. Primo ergo ostendit quid consequamur ex Spiritu ex hoc quod est Christi; secundo ostendit quid consequamur ex eo, inquantum est Spiritus Dei Patris, ibi, *Quod si Spiritus eius &c.* Dicit ergo: Dictum est, quod si quis Spiritum Christi non habet, hic non est eius: unde cum vos sitis Christi, Spiritum Christi habetis, & ipsum Christum in vobis habitantem per fidem, secundum illud Ephes. iii. 17. „Habitare Christum per fidem in cordibus vestris.“ Si autem Christus sic in vobis est, oportet vos

Christi-

(a) *id est*, non possidebunt.

Christo esse conformes. Christus autem sic venit in mundum ut quantum ad spiritum esset plenus gratia, & veritate, & tamen quantum ad corpus, habet similitudinem carnis peccati, ut supra dictum est. Unde & hoc oportet esse in vobis, quod corpus quidem vestrum, propter peccatum, quod adhuc manet in carne vestra, mortuum est; idest, necessitati mortis addictum, sicut Genes. 11. 17. dicitur: „Quicumque die comedieritis, morte moriemini;“ idest, necessitati mortis addicti eritis; spiritus vero (a) vester, qui iam (b) renovatus est a peccato, secundum illud Ephes. 1v. 23., „Re-, novamini spiritu mentis vestrae;“ vivit vita gratiae, propter iustificacionem, per quam iustificatur a Deo. Galat. 11. 20. „Quod autem nunc vivo in carne, in fide vivo“ Filii Dei. „Supra 1. 17. Iustus ex fide vivit.“ Deinde cum dicit, „Quod si Spiritus vester“ &c. ostendit quid consequamur (c) ex Spiritu sancto, inquantum est Spiritus Patris, dicens: „Quod si habitas in vobis Spiritus eius, scilicet Dei Patris, qui suscitavit Iesum Christum a mortuis: Ps. 21. 11. „Tu autem Domine miserere mei, & resuscita me:“ Ad. 111. 15. „Hunc Deus suscitavit a mortuis:“ & tamen ipse Christus propria virtute resurrexit, quia eadem est virtus Patris & Filii: consequens est quod id quod Deus Pater fecit in Christo, faciat etiam in nobis; & hoc est quod subdit: „Qui suscitavit Iesum Christum a mortuis, vivificabit & mortalia corpora vestra.“ Non dicit mortua, sed mortalia: quia in resurrectione non solum a corporibus nostris auferetur quod sint mortua, idest necessitatem mortis habentia, sed etiam quod sint mortalia, idest potentia mori, quale fuit corpus (d) Adam ante peccatum: nam post resurrectionem corpora nostra erunt penitus immortalia. Esa. xxvi. 29. „Vivent mortui tui, interfecti mei resurgent,“ Osee vi. 3. „Vivificabit nos post duos dies.“ Et hoc propter inhabitantem Spiritum

vium eius in nobis; idest, in virtute Spiritus sancti in nobis habitantis. Ezech. xxxv. 11. 5. „Hæc dicit Dominus Deus offibus his: „Ecce ego intromittam in vobis spiritum, & vivetis.“ Et hoc propter inhabitantem Spiritum, idest propter dignitatem quam corpora nostra habent, eo quod fuerunt receptacula Spiritus sancti. I. Corinth. vi. 19. „Nescitis quod membra vestra templum sunt Spiritus sancti? Illi vero quorum membra non fuerunt templum Spiritus sancti resurgent, sed habebunt corpora passibilia.“

Deinde cum dicit, Ergo debitores sumus &c. concludit corollarium ex dictis: & primo ponit conclusionem; secundo rationem assignat, ibi, Si enim secundum carnem vixeritis, moriemini. Dicit ergo primo: Dictum est, quod per Spiritum sanctum multa bona nobis proveniunt, & quod ex prudentia carnis sequitur mors: ergo debitores sumus spiritui sancto propter beneficia ab eo recepta, ut vivamus secundum spiritum, & non secundum carnem. Gal. v. 25. „Si spiritu vivimus, spiritu & ambulemus.“ Deinde cum dicit, Si enim secundum carnem vixeritis &c. assignat rationem conclusionis præmissæ: & primo quantum ad carnem, dicens: Si enim secundum carnem vixeritis, scilicet sequendo concupiscentias carnis, moriemini, scilicet morte culpæ in præsentia, & morte damnationis in futuro. I. Timoth. v. 6. „Quæ in deliciis vivens, mortua est.“ Secundo assignat rationem quantum ad spiritum, dicens: Si autem spiritu, idest per spiritum, mortificaveritis facta carnis, idest opera quæ ex concupiscentia carnis proveniunt, vivetis, vita gratiæ in præsentia, & vita gloriæ in futuro. Coloss. 111. 5. „Mortificate membra vestra quæ sunt super terram.“ Galat. v. 24. „Qui Christi sunt, carnem suam crucifixerunt cum vitiis, & concupiscentiis.“

(a) Al. vivit. (b) Al. revocatus est. (c) Al. in Spiritu sancto. (d) Al. amittitur Adam.

Quicumque enim Spiritu Dei aguntur, hi sunt filii Dei. Non enim accepistis spiritum servitutis iterum in timore; sed accepistis spiritum adoptionis filiorum: in quo clamamus, Abba, pater. Ipse enim Spiritus testimonium reddit spiritui nostro, quod sumus filii Dei. Si autem filii, & heredes; heredes quidem Dei, coheredes autem Christi. Si tamen compatimur, ut & glorificemur.

Postquam Apostolus (a) ostendit quod per Spiritum sanctum dabitur nobis vita gloriosa, quæ omnem mortalitatem a corporibus nostris excludet, hic probationem inducit: & primo ostendit quod per Spiritum sanctum huiusmodi gloriosa vita datur; secundo ostendit causam quare differtur, ibi, *Si tamen compatimur, ut & glorificemur*. Circa primum ponit talem rationem. Quicumque sunt filii Dei, consequuntur (b) hereditatem gloriæ vitæ; sed quicumque reguntur Spiritu sancto, sunt filii Dei: ergo quicumque reguntur Spiritu sancto, consequuntur hereditatem gloriæ vitæ. Primo ergo ponit maiorem prædictæ rationis; secundo maiorem, ibi, *Si autem filii, & heredes*. Circa primum duo facit. Primo proponit quod intendit; secundo probat propositum, ibi, *Non enim accepistis spiritum servitutis*.

Circa primum duo consideranda sunt. Primo quidem quomodo aliqui aguntur a Spiritu Dei; & potest sic intelligi. Quicumque Spiritu Dei aguntur, (c) id est reguntur, sicut a quodam ductore, & direttore: quod quidem in nobis facit Spiritus, scilicet in quantum illuminat nos interius quid facere debeamus. Psalm. cxli. 10. „ Spiritus tuus „ bonus deducet me in terram rectam. „ Sed quia ille qui ducitur, ex seipso non operatur; homo autem spiritualis non tantum instruitur a Spiritu sancto quid agere debeat, sed etiam cor eius a Spiritu sancto movetur; ideo plus intelligendum est in hoc quod dicitur: *Quicumque Spiritu Dei aguntur*. Illa enim agi dicuntur quæ quodam superiori instinctu moventur: unde de brutis dicimus, quod non agunt, sed aguntur, quia a natura moventur, & non ex proprio motu ad suas actiones agendas. Similiter autem homo spiritualis non quasi ex motu propriae voluntatis principaliter, sed ex instinctu Spiritus sancti inclinatur, ad aliquid agendum, secundum illud Esa. lxx. 19. „ Cum venerit

„ quasi fluvius violentus, quem Spiritus Dei „ cogit: „ & Luc. xv. quod Christus agebatur a Spiritu in deserto. Non tamen per hoc excluditur quin viri spirituales per voluntatem, & liberum arbitrium operentur, quia ipsum motum voluntatis, & liberi arbitrii Spiritus sanctus in eis causat, secundum illud Phil. ii. 13. „ Deus est qui „ peccatur in nobis velle, & perficere. „

Secundo considerandum est, quomodo illi qui Spiritu Dei aguntur, sunt filii Dei. Et hoc est manifestum ex similitudine filiorum carnalium, qui per semen carnale a patre procedentes generantur. Semen autem spirituale a Patre procedens, est Spiritus sanctus; & ideo per hoc seminali qui homines in filios Dei generantur. I. Ioan. iii. 9. „ Omnis qui natus est ex Deo, „ peccatum non facit, quoniam semen Dei „ manet in eo. „

Deinde cum dicit, *Non enim accepistis spiritum servitutis*, probat propositum, scilicet quod Spiritum sanctum accipientes, sint homines filii Dei; (d) & hoc tripliciter. Primo quidem ex distinctione donorum Spiritus sancti; secundo ex confessione nostra, ibi, *In quo clamamus, Abba, pater*; (e) tertio ex testimonio Spiritus, ibi, *Ipse enim Spiritus testimonium reddit spiritui nostro*.

Circa primum considerandum est, quod Spiritus sanctus duos effectus facit in nobis: unum quidem timoris: Esa. xi. 3. „ Reple „ bit eum Spiritus timoris Domini: „ alium amoris: supra v. 5. *Caritas Dei diffusa est per Spiritum sanctum in cordibus nostris, qui datus est nobis*. Timor autem tacit servos, non autem amor. Ad cuius evidentiam considerari oportet, quod timor habet duo obiecta, scilicet malum, quod quis timendo refugit, & illud a quo sibi hoc malum imminere videt. Dicitur enim homo timere & occisionem, & Regem, qui potest occidere. Contingit autem quoadque quod malum quod quis refugit, est contrarium bono

(a) *Al.* propositum. (b) *Al.* hereditatem. (c) *Al.* amittitur id est reguntur. (d) *Al.* & hoc dicitur. (e) *Al.* amittitur hoc dicitur, non potest am.

bono corporali, vel temporalis, quod quis interdum inordinate amat, & refugit pati ab aliquo homine temporalis: & hic est timor humanus, vel mundanus; & hic non est a Spiritu sancto, & hunc prohibet Dominus Matth. x. 18. „Nolite timere eos, qui corpus occidunt.“ Alius autem est timor qui refugit malum quod contrariatur naturæ creatæ, scilicet malum poenæ; sed tamen refugit hoc pati a causa spirituali, scilicet a Deo; & hic timor est laudabilis quantum ad hoc saltem quod, Deum timet: Deut. v. 29. „Quis det eos talem habere mentem ut timeant me?“ & secundum hoc a Spiritu sancto est. Sed inquantum talis timor non refugit malum quod opponitur bono spirituali, scilicet peccatum, sed solum poenam, non est laudabilis: & usum defectum non habet a Spiritu sancto, sed ex culpa hominis: sicut & fides informis, quantum ad id quod est fidelis, est a Spiritu sancto, non autem eius informitas. Unde est per huiusmodi timorem aliquis bonum facit, non tamen bene facit: quia non facit sponte, sed coactus metu poenæ, quod proprie est servorum. Ex ideo timor iste proprie dicitur servilis, quia serviliter facit hominem operari. Est autem tertius timor qui refugit malum quod opponitur bono spirituali, scilicet peccata, vel separationem a Deo, & hoc quidem timet incurere ex iusta Dei vindicta: & sic quantum ad utrumque obiectum, respicit rem spiritualem, sed tamen cum hoc habet oculum ad poenam: & iste timor dicitur esse initialis, quia solet esse in hominibus in initio suæ conversionis: timeant enim poenam propter peccata præterita, & timeant separari a Deo per peccatum propter gratiam caritatis infusam: & de hoc dicitur in Psalm. cx. 10. „Initium sapientiæ timor Domini.“ Est autem quartus timor qui ex utraque parte oculum habet solum ad rem spiritualem, quia nihil timet nisi a Deo separari; & iste timor est sanctus, qui permanet in sæculum sæculi, ut in Psalm. cxviii. dicitur. Sicut autem timor initialis causatur ex caritate imperfecta, ita hic timor causatur ex caritate perfecta. I. Ioan. iv. 18. „Perfecta caritas fons mittit timorem.“ Et ideo timor initialis, & timor castus, non distinguuntur contra amorem caritatis, qui est causa utriusque; sed solum timor poenæ: quia sicut hic timor facit servitutem, ita amor ca-

S. Tb. Oper. Tom. VI.

ritatis facit libertatem filiorum: facit enim hominem voluntarie ad honorem Dei operari, quod est proprie filiorum. Lex igitur vetus data est in timore: quod significabant tonitrua, & alia huiusmodi quæ facta sunt in datione veteris legis, ut dicitur Exod. xix. & ideo dicitur Heb. xii. 21. „Et ita terribile erat quod videbatur,“ Et ideo lex vetus per inflectionem poenarum, inducens ad mandata Dei servanda, data est in spiritu servitutis: unde dicitur Gal. iv. 24. „Unum quidem in monte Sina in servitutem generans.“ Et ideo hic dicit: Recte dictum est, quod *qui spiritum Dei aguntur, hi sunt filii Dei*: non enim iterum in nova lege, sicut in veteri lege fuit, accepistis spiritum servitutis in timore, scilicet poenarum, quem timorem Spiritus sanctus faciebat; sed accepistis spiritum, scilicet caritatis, qui est adoptionis filiorum, id est per quem adoptamur in filios Dei. Gal. iv. 5. „Ut adoptionem filiorum reciperemus.“ Non autem hoc dicitur, quasi sit alius, & alius spiritus, sed quia idem est spiritus, scilicet qui in quibusdam facit timorem servilem quasi imperfectum, in aliis facit amorem, quasi quoddam perfectum.

Deinde cum dicit, *in quo clamamus &c.* manifestat idem per nostram confessionem: prostitemur enim nos parrem habere Deum instructi a Domino, cum dicimus orantes: „Pater noster qui es in cælis;“ ut habetur Matth. vi. 9. Hoc autem convenit dicere non solum servis, sed etiam Gentibus; & ideo duo ponit idem significantia, scilicet *Abba*, quod est Hebræum, & *Pater*, quod est Latinum, vel Græcum, ut ostendat hoc ad utrumque populum pertinere. Unde & Dominus Mar. xiv. 36. „Abba Pater, omnia possibilia sunt tibi.“ Hier. xvi. 19. „Patrem vocabis me.“ Hoc autem dicimus non tantum sono vocis, quantum intentione cordis, quæ quidem propter sui magnitudinem clamor dicitur; sicut & ad Moysen tacentem dicitur Exod. xiv. 15. „Quid clamas ad me?“ scilicet intentione cordis. Sed ista magnitudo intentionis ex affectu filialis amoris procedit, quem in nobis (a) Spiritus facit; & ideo dicit: *in quo*, scilicet Spiritu sancto, clamamus, *Abba, pater*. Unde Esa. vi. dicitur, quod Seraphim, qui interpretantur ardentes, quasi igne Spiritus sancti, clamabant alter ad alterum.

Deinde cum dicit, *ipse enim Spiritus tes-*
P
fi.

(a) scilicet.

testimonium reddit, ostendit idem ex testimonio Spiritus sancti, ne forte aliquis dicat, quod in nostra confessione decipimur: unde dicit: Ideo dico, quod in Spiritu sancto clamamus Abba Pater: *ipse (a) enim Spiritus testimonium reddit, quod sumus filii Dei*. Hic autem testimonium reddit, non quidem exteriori voce ad aures hominum, sicut Pater protellatus est de Filio suo Matth. 111. sed reddit testimonium per effectum amoris filialis, quem in nobis facit; & ideo dicit, quod *testimonium reddit*, non auri- bus, sed *spiritus nostro, quod sumus filii Dei*. Act. 111. 15. „ Nos testes sumus horum „ verborum. “

Deinde cum dicit, *Si autem filii, & heredes*, ponit maiorem: & primo ostendit quod filiis debetur hereditas, dicens: Si autem aliqui filii, per spiritum scilicet, sequitur etiam quod sint heredes, quia non solum filio naturali, sed etiam adoptivo debetur hereditas. I. Per. 1. 3. „ Regene- „ ravit nos in spem vivam ... in heredi- „ tatem incorruptibilem, & incontami- „ natam, & immarcescibilem. “ Psal. vi. 6. „ Hereditas mea præclara est mihi. “ Secundo ostendit quæ sit ista hereditas: & primo describit eam quæ ad Deum Patrem, dicens: *Heredes quidem Dei*. Dicitur autem aliquis heres alicuius existere qui principalia eius bona percipit, seu adipiscitur, non autem qui aliqua munuscula recipit; sicut legitur Genes. xxv. 5. quod „ Abraham dedit cuncta quæ possedit, Isaac, „ filiis autem concubinarum largitus est „ munera. “ Bonum autem principale quo Deus dives est, est ipsum: est enim dives per seipsum, & non per aliquid aliud: quia extrinsecorum bonorum non indiget, ut dicitur in Psal. xv. Unde ipsum Deum adipiscuntur filii Dei pro hereditate: unde Psal. xv. 5. „ Dominus pars hereditatis „ meæ. “ Thren. 111. 24. „ Pars mea Do- „ minus, dixit anima mea. “

Sed cum filius hereditatem non adipiscatur nisi patre defuncto, videtur quod ho-

mo non possit esse heres Dei, qui nunquam decessit.

Dicendum est autem, quod illud habet locum in bovis (b) corporalibus, quæ simul a multis possideri non possunt; & ideo necesse est unum decedere, ut alius succedat: sed bona spiritualia simul a multis haberi possunt; & ideo non oportet patrem decedere, ut filii sint heredes. Potest tamen dici, quod Deus decessit nobis, in quantum est in nobis per fidem; erit autem nostra hereditas in quantum videbimus eum per speciem.

Secundo describit hanc hereditatem ex parte Christi, dicens: *Cohæredes autem Christi*: quia ipse cum sit principalis Filius, a quo ois filiationem participamus, ita est principalis heres, cui in hereditate coniungimur. Matth. xxi. 38. „ Hic est heres „ &c. “ Mich. 1. 15. „ Adhuc heredem ad- „ ducam tibi. “

Deinde cum dicit, *Si tamen compatimur, ut & glorificemur*, ostendit causam dilationis huius vitæ gloriose: & primo ponit causam ex parte passionum; secundo ponit præminentiam gloriæ ad passionem, ibi, *Existimo enim &c.* Circa primum considerandum est, quod Christus, qui est principalis heres, ad hereditatem gloriæ pervenit per passionem. Luc. ult. 26. „ Noone oportuit „ Christum pati, & ita intrare in glo- „ riam suam? “ Non autem nos faciliiori modo debemus hereditatem adipisci; & ideo nos etiam oportet per passionem ad illam hereditatem pervenire. Act. xiv. 21. „ Per multas tribulationes oportet non in- „ troire in regnum Dei: “ non enim statim immortale, & impassibile corpus accipimus, ut simul cum Christo pati possimus: unde dicit: *Si tamen compatimur*, id est simul (c) cum Christo patienter sustinemus tribulationes huius mundi, ut & cum Christo glorificemur. II. Tim. 11. 11. „ Si commortui sumus, & coregnabi- „ mus. “

(a) *Al.* ipse enim Spiritus testimonium reddit, non quidem exteriori voce &c. *intermediis om.* (b) *Al.* temporalibus. (c) *Al.* deest cum Christo.

L E C T I O IV.

EXistimo enim quod non sunt condignæ passiones huius temporis ad futuram gloriam, quæ revelabitur in nobis. Nam expectatio creaturæ revelationem filiorum Dei expectat. Vanitati enim creatura subiecta est non volens, sed propter eum qui subiecit eam in spe: quia & ipsa creatura liberabitur a servitute corruptionis in libertatem gloriæ filiorum Dei. Scimus enim quod omnis creatura ingemiscit, & parturit utque adhuc.

Postquam (a) Apostolus demonstravit, & dixit, quod per gratiam Christi liberamur, nunc assignat causam dilationis immortalis vitæ, quæ est hereditas filiorum Dei, ex eo quod oportet nos Christo compati, ut ad eius gloriæ societatem perveniamus. Et quia posset aliquis dicere, onerosam esse hereditatem huiusmodi, ad quam non potest nisi per tolerantiam passionum perveniri; ideo hic ostendit excellentiam futuræ gloriæ ad passiones præsentis temporis: & primo ponit quod intendit; secundo (b) probat propositum, ibi, *Nam expectatio creaturæ revelationem filiorum Dei expectat*. Dicit ergo primo: Dictum est, quod oportet nos pati, ut & glorificemur, nec debemus refugere passiones, ut gloriam habeamus: *existimo enim ego*, qui utrumque expertus sum. Eccli. xxxiv. 9. „Vir in multis expertus, cogitabit multa.“ Ipse abundanter passiones sustinuit, secundum illud II. Corinth. xi. 23. „In laboribus, & carceribus abundantius.“ Ipse etiam futuræ gloriæ contemplator fuit, secundum illud II. Corinth. xii. „Raptus est in paradisum, & audivit arcana verba, quæ non licet homini loqui.“ Hoc, inquam, existimo, quod *passiones huius temporis non sunt* (c) *passiones condignæ ad futuram gloriam, quæ revelabitur in nobis*. Ubi quatuor ponit ad ostendendum excellentiam illius gloriæ. Primo quidem designat eius æternitatem, cum dicit, *Ad futuram*, scilicet post hoc tempus; nihil autem est post hoc tempus nisi æternitas: unde illa gloria excedit passiones huius temporis, sicut æternum temporale. II. Cor. iv. 17. „Id enim quod in præsentem est momentaneum, & leve tribulationis nostræ, supra modum in sublimitate æternæ gloriæ pondus operatur in vobis.“ Secundo designat eius dignitatem, cum dicit, *Gloriam*, quæ claritatem quamdam dignitatis insinuat. Plal. cxlii. 5. „Exultabunt sancti in gloria.“

Tertio designat manifestationem, cum dicit, *Quæ revelabitur*. Nunc enim gloriam quidem habent sancti, sed occultatam in conscientia: II. Corinth. i. 12. „Gloria nostra hæc est, testimonium conscientiarum nostrarum: tunc autem gloria illa in conspectu omnium revelabitur, & bonorum, & malorum, de quibus dicitur Sapient. v. 2. „Mirabuntur in subitatione insperatæ salutis.“ Quarto designat eius veritatem, cum dicit, *In nobis*. Gloria enim lucus mundi vana est, quia est in his quæ sunt extra hominem, puta in apparatu divitiarum, & in opinione hominum: Plal. xlviii. 7. „In multitudine divitiarum suarum gloriantur: sed illa gloria erit de eo quod est intra hominem, secundum illud Luc. xvi. 31. „Regnum Dei intra vos est.“ Sic igitur passiones huius temporis, si secundum se considerentur, multum deficiunt a quantitate huius gloriæ. Esa. lvi. 7. „Ad punctum in modico dereliqui te, & in miserationibus magnis congregabo te.“ Sed si considerentur huiusmodi passiones, inquantum eas aliquis voluntarie sustinet propter Deum ex caritate, quam in nobis Spiritus (d) sanctus facit; sic ex condigno per huiusmodi passiones homo meretur vitam æternam: nam Spiritus sanctus est fons, cuiusque, idest effectus, saluti in vitam æternam, ut dicitur Ioan. iv.

Deinde cum dicit, *Nam expectatio creaturæ revelationem filiorum Dei expectat*, ostendit propositum per excellentiam illius gloriæ: & primo ex expectatione creaturæ; secundo ex expectatione Apostolorum, ibi, *Nam solum autem Ec.* Circa primum duo facit. Primo ponit expectationem creaturæ; secundo manifestat eam, ibi, *Vanitati enim creatura subiecta est non volens*. Dicit ergo primo: Dictum est, quod etiam futura gloria excedit passiones præsentis: tamen hoc manifestum est: *nam expectatio*

P 2

crea.

(a) *Al.* Super Apostolus assignavit causam dilationis immortalis vitæ Sec. (b) *Al.* ostendit. (c) *Al.* ostendit passiones. (d) *Al.* deus sanctus.

creatura, id est ipsa creatura expectans, *expectat revelationem filiorum Dei*: quia, ut dicitur 1. Ioan. 1.1. 2. „nunc filii Dei „sumus, & nondum apparuit quid erimus. „Occultatur enim dignitas divinæ filiationis in sanctis propter exteriores passionēs; sed postmodum revelabitur illa dignitas, quando immortalē, & gloriosam vitam suscipiunt; ita quod ex persona impiorum dicitur Sap. v. 5. „Ecce quomodo „computati sunt inter filios Dei. „Dicit autem, *Expectatio expectat*, ut talis geminatio intensiorem expectationis designet, secundum illud Plal. xxxi. 2. „Expectans „expectavi Dominum. „

Sciendum est autem, quod creatura hic tripliciter accipi potest. Uno modo homines iusti, qui specialiter creatura Dei dicuntur, vel quia permanent in bono in quo creati sunt, vel propter excellentiam, quia omnis creatura quodammodo eis deservit. Iacob. 1. 18. „Voluntarie genuit nos ver. „bo veritatis, ut simus initium aliquid „creaturæ eius. „Hæc autem creatura, id est homo iustus, expectat revelationem gloriæ filiorum Dei tamquam præmium sibi repromissum. Tit. 1. 12. „Expectantes „beatam spem, & adventum gloriæ magni Dei. „Secundo potest dici creatura ipsa humana natura, quæ subicitur bonis gratiæ: quæ quidem in hominibus iniustis nondum (6) formata est, sed est sicut informis; in hominibus autem iam iustificatis est quidem partim formata per gratiam, sed tamen est adhuc informis respectu illius formæ quam est acceptura per gloriam. Sic igitur ipsa creatura, id est nos ipsi, secundum quod consideramus in bonis naturæ; *expectat revelationem gloriæ filiorum Dei*: quod etiam nobis competit per gratiam; sicut si dicamus quod materia expectat formam, vel colores expectant completionem imaginis, sicut dicit Glossa. Iob xiv. 14. „Cum „etis diebus quibus nunc milito, expecto „donec veniat immutatio mea. „Tertio modo potest intelligi de ipsa creatura sensibili, sicut sunt elementa huius mundi, secundum illud Sapient. xiii. 5. „A magnitudine speciei, & creaturæ cognoscibiliter poterit eorum creator videri. „Huiusmodi autem creatura dupliciter aliquid expectat: nam expectatio creaturæ sensibilis, secundum quod est a Deo, ordinatur ad aliquem finem: quod quidem contingit dupliciter. Uno modo secundum quod Deus imprimit aliquam formam, & virtutem naturalem huiusmodi creaturæ, ex qua inclinatur ad aliquem finem naturalem; puta si dicamus, quod arbor expectat fructificationem, & ignis expectat locum sursum. Alio modo creatura sensibilis ordinatur a Deo ad aliquem finem qui superexcedit formam naturalem ipsius. Sicut enim humanum corpus induitur quadam forma gloriæ supernaturalis, ita tota creatura sensibilis in illa gloria filiorum Dei quamdam novitatem gloriæ consequetur, secundum illud Apocal. xxi. 1. „Vidi cælum novum, & „terram novam. „Et per hunc modum creatura sensibilis expectat revelationem gloriæ filiorum Dei.

Deinde cum dicit, *Vanitas enim creatura subiecta est*, manifestat prædictam expectationem: & primo ponit necessitatem expectandi; secundo expectationis terminum, ibi, *Quia & ipsa creatura liberabitur a servitute corruptionis*; tertio expectationis signum, ibi, *Scimus enim quod omnis creatura ingemiscit, & paratur usque adhuc*. Necessitas autem expectandi est ex defectu, cui subiacet creatura: cui enim nihil deficit, non habet necesse aliquid expectare. Defectum autem creaturæ ostendit, dicens: *Vanitas enim creatura subiecta est*. Et si quidem per creaturam intelligatur homo iustus, sic intelligitur subiecti vanitati, id est istis rebus corporalibus, quæ sunt mutabilia, & caduca: unde dicuntur vana, secundum illud Eccle. 1. 2. „Vanitas vanitatum, & omnia „vanitas. „Subiicitur autem eis propter necessitatem præsentis vitæ, circa ea occupationem habens; non tamen volens, quia huiusmodi temporalia non amat, sicut illi contra quos dicitur in Plalm. iv. 3. „Ut „quid diligitis vanitatem, & queritis mendacium? „Sed tamen huiusmodi vanitati subicitur talis creatura propter eam, id est propter ordinationem Dei, qui subiecit eam, id est hominem iustum huiusmodi sensibilibus creaturis; & tamen in se, ut scilicet quandoque a tali occupatione homo liberetur, in resurrectione scilicet, quando „non „que habent, neque habentur, sed erunt „sicut Angeli in cælo: „Matth. xxii. 30. Si vero intelligatur creatura, ipsa humana natura, sic est subiecta vanitati, id est passibilitati, secundum illud Plalm. xxxviii. 6. „Verumtamen universa vanitas, omnis „homo vivens. „Non tamen volens, quia talis vanitas est humanæ naturæ in potentia infirma; poena autem est involuntaria, sicut & culpa voluntaria. Sed tamen huiusmodi

(6) id est iustificata est.

modi passionibus humana natura subiicitur, *propter eum*, idest propter sententiam Dei, *qui subiicit eam*, scilicet humanam naturam defectibus; sed tamen *in spe* quandoque evadendi huiusmodi passiones. *Esai. xxxiii. 28.* „Non in perpetuum trituranus, triturbabit.“ Si autem intelligatur de creatura sensibilibus, sic talis creatura *subiecta est vanitati*, idest mutabilitati, *non volens*. Huiusmodi enim defectus, qui consequuntur mutabilitatem, sicut corruptio, & senium, & alia huiusmodi, sunt contra naturam particularem huius, vel illius rei, cuius appetitus est ad conservationem, licet sint secundum naturam universalem. Sed nihilominus huiusmodi vanitati creatura sensibilibus subiicitur *propter eum*, idest propter ordinationem Dei, *qui subiicit eam in spe*, idest in expectatione gloriose novitatis, ut supra dictum est.

Deinde eum dicit, *Quia & ipsa creatura liberabitur a servitute corruptionis*, ostendit terminum prædictæ expectationis: non enim est vana eius expectatio, vel spes: *quia ipsa creatura liberabitur a servitute corruptionis in libertatem gloria filiorum Dei*. Et si quidem per creaturam intelligatur homo iustus, per servitutem corruptionis intelligitur eura quærendi viciū, & vestitum, & alia quibus servitur nostræ mortalitati, quæ est quædam servitus, a qua liberabuntur sancti tendentes in libertatem gloriæ filiorum Dei; qui, quamvis nunc habeant libertatem iustitiæ, quæ est a servitute peccati, nondum tamen habent libertatem gloriæ, quæ est a servitute miseræ. *Iob xxxix. 5.* „Quis dimisit onagrum liberum?“ Si vero per creaturam intelligatur humana natura, *ipsa liberabitur a servitute corruptionis*, idest (ad litteram) a passibilitate, & corruptione; & hoc tendens in *libertatem gloria filiorum Dei*, quæ est non solum a culpa, sed etiam a morte, secundum illud *I. Corinth. xv. 54.* „Absorpta est mors in vicloriam.“ Si vero intelligatur de creatura sensibili, sic *ipsa creatura liberabitur a servitute corruptionis*, idest mutabilitatis: quia in qualibet mutatione est aliqua corruptio, ut Augustinus dicit, & etiam Philosophus in VIII. *Physic. (cap. xxi.)* & hoc *in libertatem gloria filiorum Dei*: quia hoc etiam libertati gloriæ filiorum Dei congruit ut sit ut ipsi sunt innovati, ita etiam eorum habitatio innovetur. *Esai. L v. 17.* „Ego (a) creabo cælos novos, & terram novam, & non erunt in memoria priora,“ idest prior mutabilitas creaturæ. Dicit autem,

Quia & ipsa creatura liberabitur a servitute corruptionis, secundum primum sensum; ac si dicat: Non solum nos Apostoli, sed etiam alii iusti: in sensu autem secundo, non solum iusti, sed etiam ipsa humana natura, quæ in quibusdam nondum est renovata per gratiam: in tertio autem sensu intelligendum est, ac si dicatur: Non solum homines, sed alia creatura.

Deinde eum dicit, *Scimus enim quod omnis creatura ingemiscit*, ponit signum expectationis, dicens: *Scimus enim*, nos Apostoli per Spiritum sanctum instructi, & etiam per experimentum, *quod omnis creatura ingemiscit, & parturit usque ad nunc*.

Quod quidem si intelligatur de creatura sensibili, habet difficultatem. Primo quidem quantum ad hoc quod dicit, *ingemiscit, & parturit*: hoc enim convenire videtur non nisi creaturæ rationali. Sed potest se exponi, ut hoc quod dicit, *ingemiscit*, idem sit ei quod dixit, *Non volens*: in illis enim ingemiscimus quæ nostræ voluntati repugnant. Sic ergo in quantum defectus (b) creaturæ sensibilibus sunt contra naturalem appetitum particularis naturæ, dicitur ipsa creatura sensibilibus ingemiscere. Quod autem dicit, *Parturit*, idem est ei quod supra dixerat, *Expectat*: nam parturitio est via ad prolem producendam.

Secundum autem dubium est in hoc quod dicit, *Omnis creatura*: quia sic etiam includerentur corpora cælestia: unde & Glossa dicit, quod sol, & luna non sine labore statuta sibi implent spatia. Sed exponendum est, ut labor accipiat pro motu, sicut & requies quandoque accipitur pro cessatione ab opere, sicut Deus die septima requievisse dicitur *Genes. 1. (c)* Et secundum hoc per gemitum intelligitur corruptio, quæ admiscetur motui locali, prout scilicet definit esse in hoc ubi, & incipit esse in alio. Per parturitionem autem intelligitur ordinatio cælestium corporum ad eorum innovationem.

Si vero exponatur de hominibus, sic dicitur humana natura *omnis creatura*, quia participat cum omni creatura: cum spirituali quidem quantum ad intellectum, cum animali quantum ad corporis animationem, cum corporeali quantum ad corpus. Hæc ergo creatura, idest homo, *ingemiscit*, partim propter mala quæ patitur, partim propter bona sperata quæ differuntur. *Thren. 1. 32.* „Multi gemitus mei.“ *Parturit* autem, quia cum quadam affli-

ctio.

(a) *Al. crebo.* (b) *Al. moritur.* (c) *Al. Et secundum hoc gemitus intelligitur Act.*

dione animi sustinet dilationem gloriæ expectatæ. Proverb. xii. 12. „Spes quæ differtur affligit animam.“ Ioan. xvi. 21. „Mulier cum parit, tristitiam habet.“ Psalm. xlvii. 3. „Ibi dolores ut parturientis.“ Dicit autem, *Urgere adhuc*, quia iste gemitus non est ablatas per nostram iustificacionem, sed manet *urgere adhuc*, idest usque ad mortem: vel *urgere adhuc*, quia etsi aliqui iam sunt liberati, qui sunt in gloria, adhuc tamen nos sumus residui: vel *urgere adhuc*, quia non solum antiqui patres, qui fuerunt ante Christum, sed etiam adhuc tempore gratiæ eadem patimur. II. Petr. iii. 4. dicitur ex persona impiorum: „Ubi est nunc promissio, aut

adventus eius? Ex quo patres dormierunt, omnia sic perseverant ab initio creaturæ.“

Est autem sciendum, quod quia creatura Dei potest dici omne illud quod sub Deo est, aliqui voluerunt prædicta verba exponere de qualibet creatura, etiam de Angelis sanctis. Sed valde inconveniens est ut ipsi dicantur vanitati subiecti, aut ingemiscere, & parturire, cum ipsi iam habeant gloriam eius cuius similitudinem expectamus, secundum illud Matth. xxiii. 39. „E-runt sicut Angeli Dei in cælis.“ Et ideo convenientius secundum prædicta exponitur.

L E C T I O V.

Non solum autem illa, sed & nos ipsi primitias Spiritus habentes, & ipsi intra nos gemimus, adoptionem filiorum Dei expectantes, redemptionem corporis nostri. Spe enim salvi facti sumus. Spes autem quæ videtur, non est spes: nam quod videt quis, quid sperat? Si autem quod non videmus speramus, per patientiam expectamus. Similiter autem & Spiritus adjuvat infirmitatem nostram, nam quid oremus, sicut oportet nescimus; sed ipse Spiritus postulat pro nobis gemitibus inenarrabilibus. Qui autem scrutatur corda, scit quid desiderat Spiritus, quia secundum Deum postulat pro sanctis.

Supra ostendit Apostolus excellentiam futuræ gloriæ (a) ex expectatione creaturæ, nunc ostendit idem ex expectatione Apostolorum. Non autem potest esse parvum quod a magnis viris expectatur tam anxie. Et circa hoc duo facit. Primo proponit quod intendit; secundo probat propositum, ibi, *Spe enim salvi facti sumus*. Circa primum tria facit. Primo proponit dignitatem expectantium, cum dicit: *Non solum autem illa*, scilicet creatura, expectat gloriam filiorum Dei, sed & nos ipsi, scilicet Apostoli, habentes primitias Spiritus sancti: quia scilicet Spiritum sanctum & tempore prius, & ceteris abundantius Apostoli habuerunt; sicut & in fructibus testatur, illud quod primordii auctoritatem petivit est pinguius, & magis acceptum. Hierem. ii. 3. „Sanctus Israel Domino primitiæ frugum eius.“ Heb. xii. 23. „Accessistis ad Ecclesiam primitivorum, qui conscripti sunt in cælis.“ Ex quo patet quod Apostoli sunt omnibus aliis sanctis, quacumque prærogativa præfulgeant, sive virginitatis, sive doctrinæ, sive martyrii, præferendi, tamquam abundantius Spi-

ritum sanctum habentes.

Sed potest aliquis dicere, quod quidam alii sancti maiora tormenta sustinuerunt, & maiores austeritates propter Christum, quam Apostoli. Sed (b) dicendum est, quod magnitudo meriti principaliter, & respectu essentialis præmii, attenditur secundum caritatem: consistit (c) enim præmium essentialiale in gaudio quod habetur de Deo. Manifestum est autem quod de Deo plus gaudebunt qui plus amant: unde & illam visionem beatam Dominus suo dilecto promittit, dicens Ioan. xiv. 23. „Si quis diligit me, diligetur a Patre meo: & ego ipsum.“ Sed secundum quantitatem operum, meretur homo præmium accidentale, quod est gaudium de talibus operibus. Apostoli ergo illa opera quæ fecerunt, ex maiori caritate fecerunt, ex qua habebant cor ad multa maiora facienda, si visisset opportunitatem.

Si autem dicat aliquis: Potest tantum quis conari quod habebit æqualem caritatem cum Apostolis; dicendum, quod caritas hominis non est a seipso, sed ex gra-

(a) *Al.* & expectationem creaturæ. (b) *Al.* secundum. (c) *Al.* etiam.

gratia Dei, quæ datur unicuique secundum mensuram donationis Christi, ut dicitur Ephes. iv. Unicuique autem dat gratiam proportionatam ei ad quod eligitur; sicut homini Christo data est excellentissima gratia; quia ad hoc est electus ut eius natura in unitatem personæ divinæ assumereetur; & post eum habuit maximam plenitudinem gratiæ Beata Maria, quæ ad hoc est electa ut esset mater Christi. Inter ceteros autem ad maiorem dignitatem sunt electi Apostoli, ut scilicet immediate ab ipso Christo accipientes, aliis traderent ea quæ pertineant ad salutem; & sic in eis Ecclesia quodammodo fundaretur, secundum illud Apocal. xxi. 14. „Murus habebat fundamenta duodecim, & nomina Apostolorum erant in eis scripta.“ Et ideo dicitur I. Corinth. xii. 28. „Deus posuit in Ecclesia primum quidem Apostolos.“ Et ideo Deus eis abundantior gratiam præ ceteris tribuit.

Secundo ponit anxietatem expectationis, cum dicit: *Et ipsi intra nos gemimus*: qui quidem gemitus designat afflictionem ex dilatione rei cum magno desiderio expectatæ, secundum illud Proverb. xiii. 12. „Spes quæ differtur, affligit animam.“ Psal. vi. 7. „Laboravi in gemitu meo.“ Ille autem gemitus non est tam exterius quam interior: tum quia ex interiori cordis affectu procedit, tum quia est propter interiora bona: unde signanter dicit, *Intra nos*. Thren. i. 21. „Multi gemitus mei.“ Tercio ponit rem expectatam, dicens: *Adoptionem filiorum Dei expectantes*, id est completionem huius adoptionis: inchoata enim est huiusmodi adoptio per Spiritum sanctum iustificantem animam: supra eodem: *Acceptis spiritum adoptionis filiorum*: consummabitur autem per ipsius corporis glorificationem: unde supra v. 2. *Gloriamur in spe gloria filiorum Dei*. Et hoc est quod subdit: *Redemptionem corporis nostri*; ut scilicet sicut Spiritus noster redemptus est a peccato, ita corpus nostrum redimatur a corruptione, & morte. Osee xii. 14. „De morte redimam eos.“ Phil. iii. 21. „Reformabit corpus humilitatis nostræ.“

Deinde cum dicit, *Spe enim salvi facti sumus*, probat quod dixerat ratione. Spes est de his quæ non præsentialiter videntur, sed in futuro expectantur; sed nos sumus salvi facti per spem: ergo expectamus in futurum complementum salutis.

Primo ergo ponit maiorem, dicens: Nos enim Apostoli, (1. a.) & ceteri fideles, *spe salvi facti sumus*, quia scilicet spem nostræ salutis habemus. I. Pet. i. 3. „Regeneravit nos in spem vitam.“ Psal. Lxi. 9. „Sperate in cum omnis congregatio populi.“ li. „Secundo ponit maiorem, dicens: *Spes autem*, id est res sperata, *quæ videtur*, quali præsentialiter habita, *non est spes* id est, non est res sperata, sed habita: spes enim est expectatio futuri. Soph. xxi. 8. „Expecta me in die resurrectionis meæ in futurum.“ Tercio ponit probationem maiorem, dicens: *Nam quid videt quis, quid, id est cur, sperat*: quasi dicat: Spes importat motum animæ in aliquid oon habitum tendentem. Cum autem aliquid iam habetur, non est necessarium ut in id aliquid moveatur. Et est notandum, quod quia spes ex fide quodammodo oritur, attribuit spei opus illud quod est fidei, scilicet esse de oon visis, secundum illud Heb. xi. 1. „Fides est argumentum non apparentium.“ Quarto ponit conclusionem, dicens: *Si autem quod non videmus speramus*, sequitur quod *per patientiam expectamus*. Unde notandum est, quod proprie patientia importat tolerantiam tribulationum cum quadam æquanimitate. Infra xii. 12. *In tribulatione patientes*. Quia vero dilatio boni habet quamdam rationem mali, inde est quod etiam diutina expectatio bonorum absentium cum tranquillitate animi, attribuitur patientiæ; sed hæc maxime ad longanimitatem pertinet, secundum illud Iac. v. 7. „Patientes, tes estote fratres usque ad adventum Domini.“ Utrouque autem modo patientia hic accipitur: quia Apostoli expectabant æquanimiter gloriam, & cum dilatione, & tribulatione.

Deinde cum dicit, *Similiter autem & Spiritus adiuvat infirmitatem nostram*, ostendit quomodo per Spiritum sanctum adiuvamur in defectibus vitæ præsentis: & primo quantum ad completionem desideriorum; secundo quantum ad directionem exteriorum eventuum, ibi, *Scimus autem quoniam diligentibus Deum omnia cooperantur in bonum*. Circa primum duo facit. Primo proponit quod intendit; secundo manifestat propositum, ibi, *Nam quid oremus, sicut oportet nescimus*. Dicit ergo primo: Didicimus, quod per Spiritum sanctum vivificabimur nostra mortalia corpora, quando auferetur a nobis nostra infirmitas: *similiter au-*

1000

(a) id. sicut ceteri.

tem & in statu huius vitæ, in quo adhuc infirmitati subicimur, spiritus adiuvant infirmitatem nostram, ut si non totaliter eam tollat. Ezech. 111. 14. " Spiritus quoque elevavit me, & assumpsit me; & abii amarus in indignatione spiritus mei (quasi infirmitate nondum totaliter cessante) manus enim Domini erant mecum confortans me: & in hoc spiritus me assumpsit. " Matth. 22. 41. " Spiritus quidem promptus est, caro autem infirma. " Deinde cum dicit, *Nam quid omnis, sicut oportet nescimus*, manifestat quod dixerat: & primo offendit necessitatem auxilii spiritus, quod pertinet ad infirmitatem præsentis vitæ; secundo ostendit modum auxilii, ibi, *Sed ipse spiritus postulat pro nobis*; tertio ostendit efficaciam auxilii, ibi, *Qui autem scrutatur corda, scit quid desiderat spiritus*. Dicit ergo primo: Recte dico, quod spiritus adiuvant infirmitatem nostram: nam in hoc patimur infirmitatem, quod nescimus quid oramus, sicut oportet. Iob 11. 23. " Viro cuius abscondita est vis, & circumdedit eum Deus tenebris. " Et est considerandum, quod duo dicit nos Apostolus nescire, scilicet quid orando petamus, & modum quo petere oporteat; sed utrumque videtur esse falsum. Nam primo scimus quid oremus, quia hoc nos Dominus docuit Matth. 6. 9. " Sanctificetur nomen tuum &c. "

Sed dicendum, quod in generali quidem possumus scire quid convenienter oremus, sed in speciali hoc non possumus scire. Primo quidem quia si desideramus aliquod opus virtutis facere, quod est implere voluntatem Dei sicut in cælo, & in terra; potest contingere quod illud opus virtutis non est huic, vel illi congruum; sicut alicui qui utiliter posset in actione proficere, non expedit contemplationis quietis, & e converso, ut Gregorius dicit in Moralibus (Lib. VI. cap. xxviii.) super illud Iob v. 26. " Ingredieris in abundantia sepulcrum. " Unde dicitur Proverb. xiv. 12. " Est via quæ videtur homini, mini iusta, novissima autem illius ducunt ad mortem. " Secundo aliquis desiderat aliquod temporale bonum ad sustentationem vitæ, quod est petere panem quotidianum, quod tamen sibi vertitur in periculum mortis: multi enim propter divitias perierunt. Eccle. v. 12. " Divitiæ conservatæ in manu domini sui. " Tertio aliquis deside-

rat liberari ab aliqua molestia tentationis, quæ tamen est sibi ad custodiam humilitatis; sicut Paulus petit amoveri a se stimulum, qui tamen erat ei datus ne cum magnitudo revelationum extolleret, ut dicitur II. Corinth. xii.

Similiter etiam videtur quod sciamus sicut nos oportet orare, secundum illud Iacob. 1. 6. " Postulet in fide nihil hæsitans. "

Et ad hoc dicendum, quod in generali hoc scire possumus, sed in speciali motus cordis nostri utroqueque discernere non possumus; ut puta, utrum petamus aliquod ex ira, vel ex zelo iustitiæ: unde & Matth. 20. reprobatæ est petitio filiorum Zebedæi, quia licet viderentur participationem divinæ gloriæ postulare, tamen (a) ex quadam vana gloria, seu elatione precedebat eorum petitio.

Deinde cum dicit, *Sed ipse spiritus postulat pro nobis*, ponit modum auxilii spiritus sancti, dicens, quod ipse spiritus postulat pro nobis gemitibus inenarrabilibus. Quod quidem videtur infringari errori Arrii, & Macedonii, qui poluerunt spiritum sanctum esse creaturam, & minorem Patre, & Filio: postulare enim est minoris. Sed si ex eo quod dicit eum postulare, intelligamus eum esse passibilem creaturam, & Patre minorem, consequens esset etiam quod ex eo quod dicit gemitibus postulare, intelligamus eum esse passibilem creaturam beatitudine carentem, quod nullus umquam hæreticus dixit: nam gemitus ex dolore est, qui ad miseriam pertinet. Et ideo exponendum est: *Postulat*; idest, postulantem nos facit; sicut & Gen. 22. 17. " Nunc cognovi, quod timeas Dominum, " idest, cognoscere feci. Facit autem spiritus sanctus nos postulare, inquantum in nobis recta desideria causat: nam postulat est quædam desideriorum explicatio; desideria autem recta (b) ex ardore caritatis proveniunt, quam in nobis (c) spiritus facit. Supra. 5. *Caritas Dei diffusa est in cordibus nostris per spiritum sanctum, qui datus est nobis*. Spiritu autem sancto dirigente, & intelligente cor nostrum, & nostra desideria non possunt esse nisi nobis utilia. Eiaze xlv. 17. " Ego Dominus docens te utilia. " Et ideo subdit, *Pro nobis*. Eius autem quod multum desideramus, & desideranter petimus, dilationem cum dolore, & gemitibus patimur; & ideo subdit, *Gemitibus*, quos (d) spiritus in corde nostro causat, in-

(a) id est, ex quadam gloria. (b) id est, ex amore caritatis. (c) id est, scilicet. (d) id est, spiritus sanctus.

quantum scilicet nos facit cælestia desiderare, quæ differuntur (a) animæ. Iste est gemitus columbæ, quem Spiritus sanctus in nobis facit. Nahum 11. 7. „Minabantur gemitus mentes ut columbæ.“ Dicit autem, „*inarrabilibus*, aut quia sunt propter rem inarrabilem, scilicet cælestem gloriam. II. Cor. xii. 4. „Audivit arcana verba, quæ non licet homini loqui:“ aut quia ipsi motus cordis sufficienter enarrari non possunt, secundum quod a Spiritu sancto procedunt. Iob xxxviii. 37. „Quis enarrabit cælorum rationem?“

Deinde cum dicit, *Qui autem scrutatur corda* &c. ostendit efficaciam auxilii quo Spiritus sanctus nos adiuvat, dicens: *Qui autem scrutatur corda*, id est Deus, cui proprium est corda scrutari: Psalm. vii. 11. „Scrutans corda, & renes Deus.“

Dicitur autem Deus scrutari corda, non quod inquirendo occulta cordis cognoscit, sed quia manifeste scit ea quæ in corde latent. Sophon. 12. 12. „Scrutabor Hierusalem in lucernis.“ Deus, inquam, scrutans corda, scilicet, id est approbat, secundum illud II. Tim. 11. 19. „Novit Dominus qui sunt eius,“ quid desideret Spiritus; id est, quid desiderare nos faciat. Psalm. xxxviii. 10. „Domine, ante te omne desiderium meum.“ Ideo autem desideria Spiritus, quæ in sanctis facit Spiritus sanctus, sunt Deo accepta, quia postulat pro sanctis, id est postulare eos facit, secundum Deum, id est quod convenit divino beneplacito: Proverb. xi. 23. „Desiderium iustum omne bonum:“ in cuius exemplum Dominus Patri dicebat Matth. xxvi. 39. „Non sicut ego volo, sed sicut tu vis.“

L E C T I O VI.

Scimus autem quoniam diligentibus Deum omnia cooperantur in bonum, his qui secundum propositum vocati sunt sancti. Nam quos præcivit, & prædestinavit conformes fieri imaginis Filii sui, ut sit ipse primogenitus in multis fratribus. Quos autem prædestinavit, hos & vocavit; & quos vocavit, hos & iustificavit; quos autem iustificavit, illos & magnificavit. Quid ergo dicemus ad hæc? Si Deus pro nobis, quis contra nos? Qui etiam proprio Filio suo non peperit, sed pro nobis omnibus tradidit illum: quomodo non etiam cum illo omnia nobis donavit?

Ostendit supra Apostolus quod Spiritus sanctus (b) adjuvat nos in infirmitatibus præsentis vitæ quantum ad impletionem nostrorum desideriorum; hic ostendit qualiter nos iuvat quantum ad exteriores eventus, dirigendo in bonum nostrum: & primo proponit quod intendit; secundo probat propositum, ibi, *Nam quos præcivit, & prædestinavit*; tertio insert quædam conclusionem ex dictis, ibi, *Quis ergo separabit nos a caritate Christi?*

Circa primum duo consideranda occurrunt. Primo quidem magnitudo beneficii, quod nobis a Spiritu sancto confertur, ut scilicet omnia nobis cooperentur in bonum. Ad cuius evidentiam considerandum est, quod quicquid sit in mundo, etiam si malum sit, cedit in bonum universi: quia, ut Augustinus dicit in Ench. (cap. xi.) „Deus est adeo bonus quod nihil mali ei se permitteret, nisi esset adeo potens, quod ex quolibet malo posset elicere ali-

quod bonum.“ Non autem semper cedit malum in bonum eius in quo est; (c) sicut corruptio unius animalis, cedit quidem in bonum universi, in quantum per corruptionem unius generatur aliud, non tamen in bonum eius quod corrumpitur: quia bonum universi est a Deo volitum secundum se, & ad ipsum ordinantur omnes partes universi. Et eadem ratio esse videtur circa ordinem nobilissimarum partium ad alias partes, quia malum aliarum partium ordinatur in bonum nobilissimarum. Sed quicquid sit circa nobilissimas partes, non ordinatur nisi in bonum ipsarum: quia de eis propter se cura habetur, de aliis autem propter ipsas; sicut medicus infirmitatem pedis sustinet, ut curet caput. Inter omnes autem partes universi excellunt sancti Dei, ad quorum quemlibet pertinet quod dicitur Matth. xxiv. 47. „Super omnia bona sua constituit eum.“ Et idcirco quicquid accidit vel circa ipsos, vel alias

Q

(a) *Al.* emittitur animæ. (b) *Al.* adjuvat infirmitates præsentis vitæ. (c) *Al.* quod sicut. *Ex eo desit aliquid.*

lias res, totum in bonum eorum cedit; ita quod verificatur quod dicitur Prov. xi. 29. „ Qui stultus est, serviet sapienti: „ quia scilicet etiam mala peccatorum in bonum iustorum cedunt: unde & Deus specialem curam de iustis habere dicitur, secundum illud Psal. xxxiii. 16. „ Oculi Domini super iustos, „ inquantum scilicet sic de eis curat quod nihil mali circa eos (a) esse permittit, quod non in eorum bonum convertat. Et hoc quidem manifestum est quantum ad mala pœnalìa, quæ patiuntur: unde in Glossa dicitur, quod ipsorum infirmitate exercetur humilitas, affliguntur patientia, contradictione sapientia, odio benevolentia: unde I. Pet. iiii. 14. „ Si quid parimini propter iustitiam, beati. „

Sed numquid etiam eis peccata cooperantur in bonum? Quidam dicunt, quod peccata non continentur sub hoc quod dicitur omnia: quia, secundum Augustinum, peccatum nihil est, & nihil sunt homines, cum peccant. Sed contra hoc est quod in Glossa sequitur: „ Uique adeo talibus Deus omnia cooperatur in bonum, „ ut si qui horum deviant, & exorbitant, etiam hoc ipsum eis faciat proficere in bonum. „ Unde in Psal. xxxvi. 24. dicitur: „ Cum ceciderit iustus, non collidetur, quia Dominus minus supponit manum suam. „ Sed secundum hoc videtur quod semper tales in maiori caritate resurgant, quia bonum hominis in caritate consistit, quam si non habeat, Apostolus se nihil esse, recognoscit, I. Corinth. xiiii.

Sed dicendum est, quod bonum hominis non solum consistit in quantitate caritatis, sed præcipue in ipsius perseverantia usque ad mortem, secundum illud Matth. xxiv. 13. „ Qui perseveraverit usque in finem, „ hic salvus erit. „ Ex hoc autem quod iustus cadit, resurgit cautior, & humilior: unde in Glossa subditur, postquam dixerat, quod hoc ipsum faciat eis in bonum proficere, quia sibi humiliores redeunt, atque doctiores: discunt enim cum tremore se exultare debere; non quasi arrogando sibi, tamquam de sua virtute fiduciam permanenti.

Secundo oportet considerare, quibus hoc beneficium competat: circa quod primo attenditur aliquid ex parte hominis, cum dicit, *Diligentibus Deum*: Dei enim dilectio est in nobis per inhabitantem Spiritum, ut habitum est supra v. Ipse autem Spiritus

sanctus est qui nos dirigit in viam rectam, ut dicitur in Psal. xxiv. Unde dicitur I. Pet. iiii. 13. „ Quis est qui vobis doceat, „ si boni æmulatores fueritis? „ Psal. cxviii. 165. „ Pax multa diligentibus legem tuam, & non est illis scandalum. „ Et hoc rationabiliter, quia, ut dicitur Prov. viii. 17. „ ego diligentes me diligo. „ Diligere est bonum velle dilectio; Dei autem velle est operari: omnia enim quæcumque voluit, fecit, ut in Psal. cxxxiii. dicitur. Et ideo Deus omnia convertit in bonum his qui eum diligunt. Secundo attenditur id quod est ex parte Dei, qui primo fideles ab æterno prædestinavit, secundo ex tempore vocat, tertio sanctificat; & hæc tria tangit cum dicit: *Hic qui secundum propositum vocati sunt sancti*, id est prædestinati, vocatis, & sanctificatis; ut propositum referatur ad prædestinationem, quæ, secundum Augustinum, est propositum miserendi. Ephes. i. 11. „ Prædestinati secundum propositum eius. „ Quod dicit, *Vocati*, ad vocationem pertinet: Elai. xli. 2. „ Vocati, vit eum ut sequeretur se. „ Quod dicit, *Sancti*, ad sanctificationem, secundum illud Levit. xxi. 23. „ Ego Dominus, qui sanctifico eos. „ Hoc autem Apostolus se scire dicit ex persona sanctorum, dicens, *Scimus*. Sap. x. 10. „ Dedit illi scientiam, „ sanctorum. „ Procedit autem hæc scientia tum ex experimento, tum etiam ex consideratione efficaciarum caritatis: Cantic. viii. 6. „ Fortis est ut mors dilectio. „ & etiam prædestinationis æternæ: Elai. xlvii. 10. „ Omnis voluntas mea implebitur, & omne consilium meum fiet. „

Deinde cum dicit, *Nam quos præsevit &c.* probat quod dixerat tali ratione. Nullus potest nocere his quos Deus promoveat; sed prædestinatos diligentes Deum Deus promoveat: ergo nihil potest eis nocere, sed omnia cedunt eis in bonum. Primo ergo probat minorem, scilicet quod eos Deus promoveat; secundo maiorem, scilicet quod promotus a Deo nihil potest esse nocivum, ibi, *Quid ergo dicemus ad hæc?* Circa primum duo facit. Primo proponit ea quæ sunt ad promotionem sanctorum ab æterno; secundo ea quæ sunt ex tempore, ibi, *Quos autem prædestinavit, hos & vocavit.* Ponit autem duo circa primum, scilicet præscientiam, & prædestinationem, cum dicit: *Nam quos præsevit, & prædestinavit.*

Dicunt autem quidam, quod prædestinatio hic accipitur pro præparatione quæ est

an

(a) Al. omittitur esse.

in tempore, qua scilicet Deus præparat sanctos ad gratiam; & hoc dicunt ad distinguendum præscientiam a prædestinatione. Sed si recte consideretur, utrumque est æternum, & differunt ratione: nam, sicut dictum est supra 1. super illud, *Qui prædestinatus est*, prædestinatio importat præordinationem quamdam in animo, eorum quæ quis est facturus; ab æterno autem Deus prædestinavit beneficia quæ sanctis suis erat daturus: unde prædestinatio est æterna. Differt autem præscientia secundum rationem: quia præscientia importat solam noticiam futurorum, sed prædestinatio importat casualitatem quamdam respectu eorum: & ideo Deus habet præscientiam etiam de peccatis; sed prædestinatio est de bonis salutaribus: unde Apostolus ad Ephes. 1. 11. dicit: „Prædestinasti nati secundum propitium eius... ut sis” mus in laudem gloriæ eius.

Circa ordinem autem præscientiæ, & prædestinationis dicunt quidam, quod præscientia meritorum bonorum, & malorum est ratio prædestinationis, & reprobationis, ut scilicet intelligatur quod Deus prædestinet aliquos, quia præcivit eos bene operaturos, & in Christum credituros; & secundum hoc littera sic legitur: *Quos præcivit conformes fieri imaginis Filii eius, hos prædestinavit*. Et hoc quidem rationabiliter diceretur, si prædestinatio respiceret tantum vitam æternam, quæ datur meritis; sed sub prædestinatione cadit omne beneficium salutare, quod est homini ab æterno divinitus præparatum: unde eadem ratione omnia beneficia quæ nobis confert ex tempore, præparavit nobis ab æterno. Unde ponere quod aliquod meritum ex parte nostra præsupponatur, cuius præscientia sit ratio prædestinationis, nihil est aliud quam gratiam ponere dari ex meritis nostris, & quod principium bonorum operum est ex nobis, & consummatio est ex Deo. Unde convenientius sic ordinatur littera: *Quos præcivit, hos & prædestinavit fieri conformes imaginis Filii sui*: ut ista conformitas non sit ratio prædestinationis, sed terminus, vel effectus. Dicit enim Apostolus Ephes. 1. 5. „Prædestinavit nos in adoptionem filiorum Dei.” Nihil enim aliud est adoptio (a) filiorum quam illa conformitas: ille enim qui adoptatur in filium Dei, conformatur vero Filio eius: primo quidem in iure participandæ hereditatis, sicut supra eodem dictum est: *Si filii, & heredes: heredes quidem*

Dei, coheredes autem Christi: secundo in participatione splendoris ipsius: ipse enim est genitus a Patre tamquam splendor gloriæ eius, Heb. 1. Unde per hoc quod sanctos illuminat de lumine sapientiæ, & gratiæ, facit eos fieri conformes sibi: unde in Psal. cix. 3. dicitur: „In splendoribus sanctorum ex utero ante luciferum genui te,” id est profundentem omnem splendorem sanctorum.

Quod autem dicit, *Imaginis Filii eius*, potest intelligi dupliciter. Uno modo ut sit constructio appositiva, ut sit sensus: *Conformes imaginis Filii eius*, qui est imago: Coloss. 1. 15. „Qui est imago invisibilis Dei.” Alio modo potest intelligi ut sit constructio transitiva, ut sit sensus: *Prædestinavit nos fieri conformes Filio suo* in hoc quod portemus eius imaginem: II. Cor. xv. 49. „Sicut portavimus imaginem terreni, sic portemus imaginem cælestis.” Dicit autem, *Quos præcivit, & prædestinavit*, non quia omnes præcitos prædestinet, sed quia eos prædestinare non poterat, nisi præcivisset. Hier. 1. 5. „Priusquam te formarem in utero, novi te.” Quid autem ex hac prædestinatione sequatur, subiungit: *Ut sit ipse primogenitus in multis fratribus*. Sicut enim Deus suam naturalem bonitatem voluit aliis communicare, participando eis similitudinem suæ bonitatis, ut non solum sit bonus, sed etiam auctor bonorum; ita Filius Dei voluit conformitatem suæ filiationis aliis communicare, ut non solum sit ipse Filius, sed etiam primogenitus filiorum: & sic qui per generationem æternam est unigenitus, secundum illud Ioan. 1. 18. „Unigenitus qui est in sinu Patris”; secundum collationem gratiæ sit primogenitus in multis fratribus. Apoc. 1. 5. „Qui est primogenitus mortuorum, & princeps Regum terræ.” Habet igitur Christus nos fratres, tum quia nobis similitudinem suæ filiationis communicavit, sicut hic dicitur; tum quia similitudinem nostræ naturæ assumpsit, secundum illud Hebr. 11. 17. „Debit per omnia fratribus assimilari.”

Deinde cum dicit, *Quos autem prædestinavit &c.* ponit ea quæ (b) ex tempore sancti divinitus consequuntur: & primo ponit vocationem, cum dicit, *Quos prædestinavit, hos & vocavit*. Prædestinatio autem eius irrita esse non potest, secundum illud Esai. xiv. 24. „Iuravit Dominus exercituum, dicens: Si non ut putavi, ita erit, & quo-

Q 2

modo

(a) *Ad desideratum filiorum.* (b) *Ad ex parte.*

modo mente tractavi, sic eveniet. "Primum autem in quo incipit prædestinatio impleri, est vocatio hominis; quæ quidem est duplex. Una exterior, quæ fit ore prædicatoris. Proverb. ix. 11. „ Misit an-
„ cillas suas ut vocarent ad arcem. " Hoc modo Deus vocavit Petrum, & Andream, ut dicitur Matthæi iv. Alia vero vocatio est interior, quæ nihil aliud est quam quidam mentis impulsus quo cor hominis movetur a Deo ad assensendum iis quæ sunt fidei, vel virtutis. Esai. xli. 2. „ Quis su-
„ scitavit ab oriente iustum, & vocavit
„ eum ut sequeretur se? " Et hæc vocatio necessaria est, quia cor nostrum non se ad Deum converteret, nisi ipse Deus nos ad se traheret. Ioan. vi. 44. „ Nemo pot-
„ est venire ad me, nisi Pater qui misit
„ me, traxerit eum. " Thren. v. 21.
„ Convertite nos Domine ad te, & conver-
„ temur. " Et etiam hæc vocatio est effi-
cax in prædestinatis, quia huiusmodi vo-
cationi assentiunt. Ioan. vi. 45. „ Omnis
„ qui audit a Patre meo, & didicit, ve-
„ nit ad me. " Unde secundo ponit iusti-
ficationem, cum dicit: *Quos vocavit, hos
& iustificavit*, scilicet gratiam infundendo:
supra xli. 24. *Iustificati gratis per gratiam
ipsius*. Hæc autem iustificatio etiam in ali-
quibus frustratur, quia non perseverant us-
que ad finem; in prædestinatis tamen num-
quam frustratur: unde tertio ponit ma-
gnificationem, cum subdit: *Isti & magnifica-
vit*: & hoc dupliciter, scilicet uno quidem
modo per profectum virtutis & gratiæ;
alio autem modo per exaltationem gloriæ.
Sapient. ult. 21. „ In omnibus Domine ma-
„ gnificasti populum tuum, & honorasti. "
Ponit autem præteritum pro futuro, sin-
telligatur de magnificatione gloriæ, vel
propter certitudinem futuri, vel quia quod
in quibusdam est futurum, in aliis est com-
pletum.

Deinde cum dicit, *Quid ergo dicemus ad
hæc?* manifestat maiorem, scilicet quod
promotis a Deo nullus potest nocere: &
primo ostendit quod non possint pati de-
trimentum per malum poenæ; secundo quod
nec per malum culpæ, ibi, *Quis accusabit
adversus electos Dei?* Malum poenæ est du-
plex. Unum quidem consistit in illatione
maiorum, aliud in subtractione bonorum.
Primo ostendit quod illi qui promoveantur
a Deo, non patiuntur detrimentum per
conatum alicuius persequentis, dicens:
Quid ergo dicemus? quasi dicat: Cum tot
bona a Deo suis electis præbet, quid potest

dici contra hæc, ut scilicet prædicta Dei
beneficia annullentur? quasi diceret, nihil.
Proverb. xxi. 30. „ Non est sapientia, &
„ non est prudentia, & non est consilium
„ contra Dominum. " Vel *quid dicemus ad
hæc?* scilicet apicientes oportet nos obtu-
pescere. Habac. i. 1. secundum aliam
litteram: „ Consideravi opera tua, & ex-
„ pavi. " Vel *quid dicemus ad hæc?* idest,
quid poterimus Deo retribuere tot benefi-
ciis dignum? Psal. cxv. 12. „ Quid retri-
„ buam Domino pro omnibus quæ retri-
„ buit mihi? " Et subiungit: *Si Deus pro
nobis est*, scilicet prædestinando, vocando,
iustificando, & magnificando, *quis contra
nos*, scilicet esse poterit efficaciter? Esai.
L. 8. „ Stemus simul: quis est adversarius
„ meus? " Iob xviii. 3. „ Pone me iuxta
„ te, & convulsus manus pugnet contra me. "
Secundo ostendit quod sancti Dei non pos-
sint pati detrimentum ex subtractione bo-
norum, dicens: *Qui etiam proprio Filio non
pepercit*. Cum autem supra de multis filiis
mentionem fecisset, dicens, *Acceptis spiri-
tum adoptivis filiorum*, ab omnibus illis hunc
Filium separat, dicens, *Proprio Filio suo*,
idest non adoptato, ut hæretici mentiantur,
sed naturali, & coeterno. I. Ioan.
ult. 20. „ Ut scimus in vero Filio eius Iesum
„ Christo: " de quo Pater dicit Matth.
iii. 17. „ Hic est Filius meus dilectus. "
Quod autem dicit, *Non pepercit*, intelligen-
dum est quod eum a poena non exemit:
nam culpa in eo non fuit, cui parci pos-
tuisset. Prov. xiii. 24. „ Qui parci vir-
„ gæ, odit filium suum. " Non tamen
Deus Pater Filio suo non pepercit ut ei
aliquid accrederet, qui est per omnia Deus
perfectus: sed propter nostram utilitatem
eum passioni subiecit: & hoc est quod
subdit: *Sed pro nobis omnibus tradidit illum*;
idest, exposuit eum passioni pro expiatione
peccatorum nostrorum. Supra iv. 25.
Traditum est propter delicta nostra. Esai. liiii.
6. „ Dominus posuit in eo iniquitatem o-
„ mnium nostrorum. " Tradidit eum Deus
Pater in mortem, eum incarnari, & pati
statuendo, & humanæ eius voluntati inspi-
rando caritatis affectum, qua passionem
spontaneus subiret: unde ipse seipsum tra-
didisse dicitur Ephes. v. 2. „ Tradidit se-
„ metipsum pro nobis. " Tradidit etiam
eum Iudas, & Iudæi, exterius aliquid o-
perando, ut supra v. habitum est. Est au-
tem notandum quod dicit, *Qui etiam pro-
prio Filio suo non pepercit*; quasi dicat: Non
solum alios sanctos pro salute hominum tri-

bulationi exposuit, secundum illud Osee vi. 3. „Propter hoc dolavi in prophetis:“ II. Cor. 1. 6. „Cum tribulamur pro vestra exhortatione, & salute:“ sed etiam proprium Filium suum. In ipso autem Filio Dei omnia existunt, sicut in primordiali, & præparatoria causa. Colos. 1. 17. „Ipse est ante omnia, & omnia in ipso, constant.“ Unde eo tradito nobis, omnia sunt data nobis: unde subdit Quomodo non etiam cum illo, scilicet dato nobis,

omnia demeritis nobis? ut scilicet omnia cedant in bonum nostrum: superiora quidem, scilicet divinæ personæ, ad fruendum, rationales spiritus (*) ad convivendum, omnia inferiora ad utendum, non solum prospera, sed etiam adversa. I. Cor. 11. 22. „Omnia vestra sunt, vos autem Christi, Christus autem Dei.“ Unde patet quod, sicut in Psalm. xxxiii. 10. dicitur, „nihil deest timentibus eum.“

L E C T I O VII.

Quis accusabit adversus electos Dei? Deus qui iustificat, quis est qui condemnet? Christus Iesus, qui mortuus est, immo qui & resurrexit, qui est ad dexteram Dei, qui etiam interpellat pro nobis. Quis ergo nos separabit a caritate Christi? Tribulatio, an angustia, an fames, an nuditas, an periculum, an persecutio, an gladius? (Sicut scriptum est: Quia propter te mortificamur tota die, æstimati sumus sicut oves occisionis.) Sed in his omnibus superamus propter eum qui dilexit nos. Certus sum enim quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a caritate Dei, quæ est in Christo Iesu Domino nostro.

Postquam Apostolus ostendit quod sancti, quos Deus promovet, nullum detrimentum pati possunt, quasi a malo poenæ; hic ostendit quod nullum detrimentum pati possunt, quasi a malo culpæ: & primo ostendit propositum; secundo excludit quamdam obviationem, ibi, *Christus Iesus &c.* Circa primum considerandum est, quod aliquis propter culpam lædatur a duobus. Primo quidem ab accusatione; secundo a iudice condemnante. Primo ergo ostendit quod nulla accusatio possit esse sanctis Dei nociva, & hoc ratione divinæ electionis. Qui enim aliquem eligit, ex hoc ipso eum approbare videtur; sancti autem sunt electi a Deo: Eph. 1. 4. „Elegit nos in ipso ante mundi constitutionem, ut essemus sancti.“ Qui autem accusat, improbat eum quem accusat; (b) non autem valet alicuius accusatio contra Dei approbationem; & ideo dicit: *Quis accusabit*, scilicet efficaciter, *adversus electos Dei?* id est adversus eos quos Deus elegit ut sint sancti unde dicitur Apoc. xii. 10. „Proiectus est accusator fratrum nostrorum.“ Secundo ostendit quod nullius accusatio potest esse sanctis nociva; & hoc etiam ostendit ex alio Dei beneficio, quo scilicet Deus nos iustificat: quod qui-

dem beneficium præmittit, dicens: *Deus*, scilicet est, *qui iustificat*, secundum illud quod supra dictum est, *Quos vocavit, hos & iustificavit.* I. Corinth. vi. 11. „Sed iustificati estis.“ Condemnatio autem contra iniustos locum habet: *quis est ergo qui condemnet iustificatos a Deo?* Job xxxiv. 29. „Ipso concedente pacem, quis est qui condemnet?“

Deinde cum dicit, *Christus Iesus*, excludit obviationem. Posset aliquis timere ne a Christo Iesu aliquis accuseretur, & condemnaretur tamquam transgressor mandati ipsius Christi, sicut & de Moyse Dominus dicit Ioan. v. 45. „Est qui accusat vos Moysen, in quo speratis.“ & quod etiam ab ipso condemnaretur, eo quod ipse est constitutus a Deo iudex vivorum & mortuorum, ut dicitur Act. x. Ipse etiam est immunis a peccato: I. Petri 1. 22. „Qui peccatum non fecit:“ & ideo idoneus videtur ad accusandum, & condemnandum, secundum illud Ioan. viii. 7. „Qui sine peccato est vestrum, primus in illam lapidem mittat.“ Et ideo dicit, *Christus Iesus?* quasi diceret: Numquid Christus Iesus accusabit adversus electos Dei, vel etiam eos condemnabit? Et ostendit quod non, *quia*

(*) *Ad.* ad conveniendum. (b) *Ad.* non est autem alicuius accusatio.

quia etiam ipse secundum humanitatem suam magna beneficia sanctis confert, sicut & secundum suam divinitatem: & ponit quatuor humanitatis ipsius beneficia. Primo quidem mortem, cum dicit, *Qui mortuus est*, scilicet pro nostra salute. I. Petri xii. 18. „Christus semel pro peccatis nostris mortuus est.“ Secundo resurrectionem, per quam scilicet nos vivificat, & nunc vita spirituali, & tandem vita corporali: unde subdit, *Qui & resurrexit*; ut supra iv. 25. *Resurrexit propter iniquitatem nostram*. Addit autem immo, quia potius est nunc commemorandus ex virtute resurrectionis quam ex infirmitate passionis. II. Corinth. ult. 4. „Nam si crucifixus est ex infirmitate nostra, vivit ex virtute Dei.“ Tertio ipsam Patris confessionem, cum dicit, *Qui est a dextris Dei*, id est in aequalitate Dei Patris secundum naturam divinitatis, & in posterioribus bonis eius secundum naturam humanam: & hoc etiam est ad gloriam nostram: quia, ut dicitur Eph. ii. 6. „concedere nos fecit in cælestibus in Christo Iesu“ in quantum enim nos membra eius sumus, nos in ipso Deo Patri con-sedemus. Apoc. xii. 21. „Qui vicerit, dabo ei sedere mecum in throno meo, sicut ego vici, & sedi cum Patre meo in throno eius.“ Quarto interpellationem eius, cum dicit, *Qui etiam interpellat pro nobis*, quasi advocatus noster existens. I. Ioan. ii. 1. „Advocatum habemus apud Patrem Iesum Christum.“ Ad officium advocati pertinet, non quod accuset, vel condemnet, sed magis accusatorem repellat, & condemnationem impediatur. Dicitur autem pro nobis interpellare dupliciter. Uno modo pro nobis orando, secundum illud Ioan. xvi. 26. „Non pro his rogo tantum (scilicet Apostolis) sed pro his qui credituri sunt per verbum eorum in me.“ Nunc autem eius interpellatio pro nobis est voluntas ipsius de nostræ salute. Ioan. xvii. 24. „Volo ut ubi sum ego, & illi sint mecum.“ Alio modo interpellat pro nobis, humanitatem pro nobis assumptam, & mysteria in ea celebrata conspectui paterno representando. Hebr. i. 24. „In-terrois in ipsum cælum, ut appareat nunc vultui Dei pro nobis.“

Deinde cum dicit, *Quis ergo nos separabit a caritate Christi?* inquit conclusionem ex dictis. Et quia hæc conclusio quasi incredibilis videtur inexpertis, proponit eam per modum quæstionis: unde tria facit. Primo proponit quæstionem; secundo ostendit ne-

cessitatem quæstionis propositæ, ibi, *Sicut scriptum est &c.* tertio ponit solutionem, ibi, *In his omnibus superamus.* Postea autem hæc quæstio ex præmissis duplici ratione concludi. Primo quidem sic. Tot beneficia sunt nobis divinitus collata, & tam efficacia, ut nullus contra ea possit. Omnia autem prædicta beneficia ad hoc tendunt ut nos simus in caritate radicati, & fundati, ut dicitur Ephes. iii. *Quis ergo nos separabit a caritate Christi?* quia scilicet Christum diligimus, & proximum, secundum quod ipse præcepit, Ioan. xiii. 34. „Mandatum novum do vobis, ut diligatis invicem.“ Alio modo sic. Dictum est, quod magna beneficia Deus sanctis suis confert, ex quorum consideratione adeo caritas Christi in cordibus nostris fervet quod nihil eam extinguere potest. Cant. ult. 7. „Aquæ multæ non poterunt extinguere caritatem.“ Proponit autem mala, per quorum passionem aliquis cogi posset ut caritatem Christi deferret: & primo ponit ea quæ pertinent ad vitam; secundo id quod pertinet ad mortem. Circa vero ea quæ in vita imminere iustitiam, primo ponit mala præsentia, secundo futura. Circa præsentia vero primo ponit ea quæ pertinent ad tolerantiam malorum; secundo ea quæ pertinent ad defectum bonorum. Mala autem tempe per se considerari possunt dupliciter. Uno modo secundum quod sunt in patiente, qui dupliciter ab eis affligitur, scilicet exteriori secundum corpus, & ad hoc pertinet tribulatio, dicitur enim a tribulis, quæ sunt herbæ pungitivæ: Genes. iii. 18. „Spinæ, & tribulus germinabit tibi:“ unde aliquis tribulatur dicitur cum exteriori pungitur. Nec tamen propter hoc iusti vincuntur. Psalm. cxlvi. 20. „Multæ tribulationes iustorum, & de his omnibus liberabit eos Dominus.“ Affligitur etiam homo ab eis per interiorem anxietatem cordis, dum scilicet aliquis non videt quo divertat, vel quomodo evadat; & quantum ad hoc subdit, *An angustia?* Dan. xiii. „Angustia mihi sunt undique, & quid eligam ignore.“ Alio modo huiusmodi mala considerari possunt secundum quod sunt in agente; & quantum ad hoc subdit, *An persecutio?* Quamvis enim persecutio ad hoc proprie pertinere videatur quod aliquis alium persequitur efugando, secundum illud Matth. x. 23. „Si vos persecuti fuerint in una civitate, fugite in aliam;“ tamen communiter persecutio accipi potest pro afflictione cuiuslibet nocuenti. Psal.

cxviii. 157. (a) „ Multi qui persequuntur
 „ me, tribulant me. “ Deinde ponit mala
 quæ pertinent ad subtrahendum honorum
 quæ sunt necessaria vitæ, scilicet cibum,
 & vestimenta, secundum illud I. Timoth.
 vi. 8. „ Habentes alimenta, & quibus re-
 „ gamur, his contenti simus. “ Ad subtra-
 ctionem autem cibi pertinet fames: unde
 subdit, *An fames?* Ad subtrahendum au-
 tem vestitus pertinet nuditas: unde subdit,
An nuditas? I. Cor. iv. 11. „ Usque in hanc
 „ horam esurimus, & sitimus, & nudi su-
 „ mus. “ Quantum ad mala futura subdit,
An periculum? scilicet imminens in futurum.
 II. Corinth. x. 26. „ Periculis fluminum,
 „ periculis latronum. “ Quantum autem
 ad mortem subdit, *An gladius?* Hebr. xi.
 37. „ In occasione gladii mortui sunt. “
 Deinde cum dicit, *Sicut scriptum est &c.*
 ostendit huius questionis necessitatem per
 hoc quod dicit, quod sanctis omnia ista im-
 minebant patienda propter Christi carita-
 tem: & inducit verba Psalmistæ, quasi in
 persona martyrum propolita: in quibus
 primo ponit causam passionis: martyrem
 enim non facit poena, sed causa, ut dicit
 Augustinus (epist. lxi.) unde dicit, *Propter*
ta, Matth. x. 39. „ Qui perdidit animam
 „ suam (id est vitam) propter me, inve-
 „ niet eam. “ I. Pet. iv. 15. „ Nemo ve-
 „ strum patiatur ut fur, aut homicida. ...
 „ Si autem ut Christianus, non erubescat. “
 Patitur etiam propter Christum non solum
 qui patitur propter fidem Christi, sed et-
 iam qui patitur pro quocumque iustitiæ o-
 pere pro amore Christi. Matth. v. 10.
 „ Beati qui persecutionem patiuntur pro-
 „ pter iustitiam. “ Secundo ponit gravita-
 tem passionis, cum dicit, *Mortificamur*; id
 est, morti tradimur. Esther vii. 4. „ Tra-
 „ diti sumusego, & populus meus, ut con-
 „ teramur, & iugulemur, & pereamus. “
 Tercio continuitatem persecutionis, cum
 dicit, *Tota die*, id est per totum tempus
 vitæ. II. Corinth. v. 21. „ Semper nos qui
 „ vivimus, in mortem tradimur propter le-
 „ sum. “ Quarto promptitudinem perfe-
 quentium ad occidendum, cum dicit: *AE-*
stimati sumus ut oves occisionis, id est deputa-
 ti occidantur in macello, quæ cum stu-
 dio occiduntur: ita & sancti ex proposito
 & cum studio occidebantur. Ioan. xvi. 2.
 „ Venit hora ut omnis qui interficit vos,
 „ arbitretur obsequium se præstare Deo. “
 Zach. xi. 4. „ Pisce pecora occisionis, quæ
 „ qui possidebant, occidebant. “

Deinde cum dicit, *Sed in his omnibus su-*
peramur, solvit questionem: & primo pro-
 ponit solutionem, dicens: *Sed in his omni-*
bus, scilicet malis quæ supra posuit, *super-*
amur, dum scilicet circa omnia illibatum
 caritatem servamus. Sapient. x. 12. „ Cer-
 „ tamen forte dedit illi, ut vinceret. “ Ec-
 hoc non nostra virtute, sed per auxilium
 Christi: unde subdit: *Propter eum qui dilexit*
nos, id est propter eius auxilium, vel pro-
 pter affectum quem ad eum habemus: „ non
 „ quâ nos primo dilexerimus eum, sed quo-
 „ niam ipse prior dilexit nos; “ ut dicitur
 I. Ioan. iv. 10. & I. Corinth. xv. 57.
 „ Gratias Deo, qui dedit nobis victoriam
 „ per Iesum Christum. “ Secundo ibi, *Cer-*
tus sum, manifestat solutionem, ostendens
 inseparabilem esse sanctorum caritatem: &
 primo ostendit quod non potest separari a
 creaturis quæ sunt; secundo quod nec et-
 iam a creaturis quæ non sunt, sed esse pos-
 sent, ibi, *Nique creatura alia*. Ea primum
 duo facit. Primo ponit ea quæ sunt
 in homine, dicens: *Certus sum enim quia*
neque mori, quæ est præcipuum inter ter-
 ribilia, *neque vita*, quæ est præcipuum inter
 appetibilia, scilicet poterit nos separare
 a charitate Dei. Infra xiv. 2. *Sive vi-*
vimus, Domino vivimus; sive morimur, Do-
mino morimur. In his autem duobus inclu-
 duntur omnia quæ supra posuit: nam sex
 præcedentia pertinent ad vitam; unum au-
 tem, scilicet gladius, pertinet ad mortem,
 ut supra dictum est. Deinde ponit ea quæ
 sunt exterius, inter quæ primo ponit spi-
 rituales creaturas, dicens, *Nique Angeli*,
 qui scilicet sunt minores deputati ad custo-
 diam hominum singulorum: Psalm. xc. 11.
 „ Angelis suis mandavit de te: „ *neque*
Principatus, scilicet qui sunt deputati ad cu-
 stodiam Gentium. Daniel. x. 20. „ Nunc
 „ revertar, ut præliar adversus principem
 „ Perlarum. Cum enim egredere, appa-
 „ ruit princeps Græcorum veniens; & ne-
 „ mo est adiutor meus nisi Michael noster
 „ princeps. “ Addit autem, *Nique Virtutes*,
 qui est supremus ordo ministrantium.
 Luc. xxi. 26. „ Virtutes caelorum move-
 „ buntur. “ Potest autem hoc intelligi du-
 pliciter. Unum modo de malis angelis, qui
 contra sanctos decertant. Ephel. vi. 12.
 „ Non est nobis colluctatio adversus car-
 „ nem, & sanguinem, sed adversus prin-
 „ cipes, & potestates. “ Alio modo po-
 test intelligi de bonis; & secundum hoc,
 ut Chrysostomus dicit in Ilb. de compun-
 ctio.

(a) A. „ Multi persequuntur me, qui tribulant me. “

ditione cordis, hoc dicebat, non quod Angeli afficere possent aliquando eum a Christo separare, sed etiam ea quæ sunt impossibilia, verbi gratia, fieri posse dixit magis quam se ab amore Christi sejungi; ut per hoc quanta in eo vis esset divinæ caritatis ostenderet, atque omnibus ante oculos poneret. Hic enim amantem mos est ut amorem suum silentio tegere nequeant; sed necessarii iuis, & caris afferunt, & produunt, & flammæ suas intra pectus cohibere non possunt: enarrant eas frequentius ut ipsa assiduitate narrandi, amoris sui solatium capiant, & refrigeria immensi ardoris assument. Sic ergo facit beatus hic eximius amator Christi, omnia quæ sunt, & quæ erunt, quæque accidere possunt, & quæ omnino non possunt, simul uno sermone complexitur. Et simile est quod dicitur Gal. 1. 8. „Sed licet nos, aut Angelus de cælo evangelizet vobis præterquam quod „ evangelizavi vobis, anathema sit. „ Deinde posuit etiam creaturas sensibiles; quarum duplicem diversitatem ponit. Primo quidem secundum tempus, quo diversificantur secundum præsens, & futurum: unde dicit, *Neque instantia*, id est præsentia, sive dolorem, sive delectationem inferant. II. Cor. iv. 16. „ Non contemplantibus nobis „ ea quæ videntur. „ Addit autem, *Neque futura*, quorum nec timor, nec desiderium potest nos separare a Christo: unde ipse dicebat Act. xxi. 13. „ Ego non solum alii- „ gari, sed & mori in Hierusalem paratus „ sum propter nomen Domini Iesu. „ Deinde ponit diversitatem sensibillium creaturarum ex parte magnitudinis: & primo tangit magnitudinem virtutis, cum dicit, *Neque fortitudo*, id est, neque (a) quæcumque creatura fortis potest me separare a Christo, puta fortis ignis, aut fortis aqua: quia, ut Cant. viii. 6. dicitur, „ fortis est „ ut mors dilectio. „ Deinde ponit magnitudinem dilectionis, describens eam secundum ea quæ proprie conveniunt corporibus, scilicet altum, & profundum: unde dicit, *Neque altitudo*, ex qua scilicet aliquis mihi minaretur præceptum; sicut dicitur Luc. iv. quod duxerunt Iesum usque ad supercilium montis, ut præcipitarent eum: *neque profundum*, in quo aliquis submersionem minaretur. Psal. lxxviii. 3. „ Influxum in li- „ mo profundi. „ Possent etiam hæc tria ad res humanas referri. Tripliciter enim aliquis homo posset a Deo aliquem averten-

re. Uno modo cogendo per fortitudinem: sed, sicut dicitur I. Reg. ii. 2. „ non est „ fortis sicut Deus noster: „ secundo stupefaciendo per altitudinem auctoritatis; sed (b) de eo dicitur in Psal. lxxxiii. 19. „ Tu solus altissimus super omnem terram: „ tertio seducendo per profundum sapientiæ; sed de eo dicitur Iob xi. 8. „ Profundior „ inferno; & unde cognoscet? „ Possunt etiam hæc duo, altitudo, & profundum, ad prospera, & adversa referri, secundum illud II. Corinth. vi. 6. „ Per arma iustitiæ „ a dextris, & a sinistris. „ Ivel secundum Chrysostomum in Libro de compunctione cordis, qui ait: „ Altitudo, & profundum „ non mihi aliud indicare videntur quam „ regnum cælorum, & gehennam. „ Quasi dicat: Nec si a regno decidere me necesse sit, aut etiam in gehennam trahi pro Christo, nec hoc mihi quidem metuendum est. Quantum autem ad ea quæ non sunt, sed possunt esse, subdit, *Neque creatura alia*: quod utique, secundum Chrysostomum (ibid.) de his dicitur quæ non sunt; quasi illi non sufficient omnia quæ sunt, sed illa quæ non sunt provocet quodammodo ad certamen. Nihil, inquit, illorum poterit nos separare a caritate Dei: I. Corinth. xiii. 8. „ Caritas „ numquam (c) excidit: „ quæ quidem caritas Dei est in Christo Iesu Domino nostro, quia scilicet per eum data est nobis, in quantum Spiritum sanctum nobis dedit. Luc. xii. 49. „ Ignem veni mittere in terram, „ & quid volo nisi ut accendatur? „

Sed cum scriptum sit Eccle. ix. 1. Nescit „ homo utrum amore vel odio dignus sit, „ sed omnia in futurum servantur incerta: „ quid est hoc quod dicitur esse certum quod nihil possit eum a caritate separare?

Ad quod dici potest, quod Apostolus non loquitur singulariter de seipso, sed loquitur in persona omnium prædestinatorum, de quibus propter certitudinem prædestinationis annuntiat quod nihilo eos a caritate possit separare. Potest etiam ista certitudo causari ex virtute caritatis, quæ quantum in se est, ab aliquibus non potest (d) separari, cum Deum super omnia diligat. Quod autem aliquis interdum a caritate recedat, non est propter defectum caritatis, sed propter defectum liberi arbitrii. Si autem Paulus hoc dicit de seipso, de hoc certum esse non poterat, nisi forte per revelationem: quia dictum est ei: „ Sufficit tibi gratia „ mea: „ II. Corinth. xii. 9. Nam quan-
tum

(a) *Al.* deest quæcumque. (b) *Al.* de Deo, & sic infra. (c) *Al.* incidit. (d) *Al.* super-

tum ad possibilitatem liberi arbitrii, ipse te cum aliis prædicaverim, ipse reprobus alibi dicit I. ad Corinth. 11. 27. „Ne for-¹¹ efficiar.“

CAPITULI NONI

LECTIO I.

Veritatem dico in Christo, non mentior, testimonium perhibente conscientia mea in Spiritu sancto, quoniam tristitia mihi magna est, & continuus dolor cordi meo: optabam enim ego ipse anathema esse a Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, & gloria, & testamentum, & legislatio, & obsequium, & promissa; quorum patres, ex quibus est Christus secundum carnem, qui est super omnia Deus benedictus in sæcula. Amen.

Apostolus supra necessitatem, & virtutem gratiæ demonstravit; hic incipit agere de origine gratiæ, utrum ex sola Dei electione detur, aut detur ex meritis præcedentium operum, occasione accepta ex eo quod Iudæi, qui videbantur divinis obsequiis muniti, exciderant a gratia, Gentiles autem ad eam erant admissi, qui prius fuerant a Deo alieni. Primo igitur agit de electione Gentium; secundo de casu Iudæorum, cap. x. *Frater, voluntas quidem cordis mei, & obsecratio ad Deum sit pro illis in salutem.* Circa primum duo facit. Primo commemorat dignitatem Iudæorum; secundo ostendit quomodo Gentiles ad illam dignitatem sunt assumpti, ibi, *Non autem quod exciderit verbum Dei.* Circa primum duo facit. Primo Apostolus ostendit affectum suum ad gentem Iudæorum, ne ea quæ contra eos dixit, vel dicturus est, ex odio dicere videatur; secundo eorum dignitatem ostendit, ibi, *Qui sunt Israelitæ, quorum adoptio est filiorum.* (a) Circa primum duo facit. Primo confirmat ea quæ dicturus est; secundo demonstrat suum affectum, ibi, *Quoniam mihi tristitia magna est.* Circa primum duo facit. Primo confirmat dicenda per simplicem asserctionem, dicens, *Veritatem dico,* quod maxime convenit prædicatori, qui est testis veritatis. Prover. viii. 7. „Veritatem meditabitur guttur meum.“ Zach. viii. 19. „Pacem, & veritatem diligite.“ Ex quia quandoque aliquis veritati, quam loquitur, aliquod mendacium interferit, ad hoc excludendum subdit, *Non mentior.* Ezechiel. 11. 25. „Deponentes mendacium in os, quimini veritatem.“ Secundo confirmat quæ dicenda sunt per iuramentum, quæ est

quædam confirmatio per testimonium (b) infallibilis veritatis. Tales autem sunt testes sanctorum. Primo quidem Deus, secundum Iob xvi. 20. „Ecce in cælo testis meus.“ Et ideo dicit, *In Christo Iesu,* id est per Christum Iesum, qui est veritas absque mendacio. II. Corinth. 1. 19. „Dei enim Filius, qui prædicatus est in vobis, non fuit in illo Est, & Non.“ Secundo testis infallibilis sanctorum est eorum conscientia: unde subdit: *Testimonium perhibente mihi conscientia mea.* II. Cor. 1. 12. „Gloria nostra hæc est, testimonium conscientiæ nostræ.“ Et quia interdum conscientia errat, nisi per Spiritum sanctum rectificetur, subdit, *In Spiritu sancto,* Supra viii. 16. *Ipsa Spiritus testimonium reddit spiritui nostro.*

Deinde cum dicit, *Quoniam tristitia mihi magna est,* ostendit suum affectum ad Iudæos per dolorem quem de eorum casu patiebatur: quem quidem primo exponit; secundo eius signum ponit cum dicit: *Optabam enim ego ipse anathema esse a Christo pro fratribus meis.* Exaggerat autem suum dolorem tripliciter. Primo quidem ex eius magnitudine: *Quoniam mihi tristitia est magna,* quia scilicet est de magna malo, id est de excidio tantæ gentis. Thren. 1. 13. „Magna est velut mare contritio tua.“

Sed contra hoc videtur esse quoddam Eccli. xxx. 22. „Tristitia non des animæ tuæ:“ quod videtur sententia Stoicorum consonare, qui tristitiam omnino ab animo sapientis propellebant: cum enim tristitia sit de malo præfenti, non potest sapienti competere, cui nullum malum est præfens. Non enim æstimabant aliquid esse

R bo-

(a) *Obmittitur separata usus ad illud iterum*

Circa primum duo facit. (b) *scilicet infallibilis.*

bonum nisi honestum, & malum nisi peccatum.

Sed hæc opinio refellitur dupliciter. Primo quidem quia corporales defectus, licet non sint simpliciter mala, quibus scilicet homines fiant mali, sunt tamen quædam mala, quæ natura abhorret: unde & Dominus pro his tristitiam legitur Matth. xxvi. 38. „Tristis est anima mea usque ad mortem.“ Secundo cum ex caritate homo debeat suum diligere proximum sicut seipsum, imminet sapienti tristitia laudabilis de peccato proximi, sicut de peccato sui ipsius: unde Apostolus dicit II. Cor. xii. 21. „Et „lugeam multos ex eis qui peccaverunt.“ Sic igitur reprobatuæ sæculi tristitia, quæ mortem operatur, procedens ex amore sæculi; sed tristitia quæ est secundum Deum, utpote ex divina caritate procedens, salutem operatur, ut dicitur II. Cor. vii. Et talis fuit ista tristitia.

Secundo exaggerat eam ex continuitate: unde subdit, *Et continuus dolor*: non quod continuo adu doleat, sed secundum habitum. Hier. ix. 1. „Ut plorem die, ac nocte interfectos populi mei.“ Tertio exaggerat eam ex sui veritate, (a) cum dicit, *Cordi meo*: non enim erat superficialis, sed in corde radicata. Thren. 1. 22. „Multi gemitus mei, & cor meum (b) „mærens.“ Deinde cum dicit, *Operabam enim &c.* ponit signum doloris, dicens: *Operabam enim ego ipse*, qui tam servens sum in caritate Christi, ut supra ostensum est, *anathema esse a Christo pro fratribus meis.* Ubi primo sciendum est, quod anathema est Græcum, & componitur ab ana, quod est sursum, & thesis, quod est positio, ut dicitur anathema quasi sursum positum: quia scilicet cum capiebatur aliquid in præda quod volebant esse in usu hominum, suspendebant illud in templo: & inolevit usque adhuc ut ea quæ sunt separata ab hominum communi usu, anathematata vocarentur: unde Iosue vi. 27. dicitur: „Sit ci- „vitas hæc anathema, & omnia quæ in „ea sunt, Domino.“ Dicit ergo: *Operabam ego ipse anathema esse a Christo*, id est separatus ab eo: quod quidem fit dupliciter. Uno modo per culpam, per quam aliquis a caritate Christi separatur, eius præceptum non servans. Ioan. xiv. 23. „Si „diligitis me, mandata mea servate.“ Sic autem Apostolus non poterat optare esse anathema a Christo pro quacunque causa, ut ex supradictis in viii. cap. patet: est

enim hoc contra ordinem caritatis, quo quis tenetur Deum super omnia diligere, & salutem suam plusquam salutem aliorum. Et ideo non dicit, Opto, sed *operabam*, scilicet tempore infidelitatis. Sed secundum hoc, nihil magnum dicit Apostolus: quia tunc etiam propter se volebat esse separatus a Christo. Unde & quædam Glossa exponit quod dicit, *Tristitia magna est mihi*, de tristitia qua dolebat de præterito statu peccati, in quo a Christo voluerat esse separatus. Alio modo potest aliquis esse separatus a Christo, id est a fruitione Christi, quæ habetur in gloria. Sic autem separari a Christo volebat Apostolus pro salute Gentilium, nedum pro conversione Iudeorum, secundum illud Phil. 1. 23. „Desiderium habens dissolvi, & cum Christo „esse multo melius; permanere in carne necesse, cessarium propter vos.“ Et hoc modo dicebat: *Operabam*, scilicet si fieri posset, *anathema esse*, id est separatus a gloria, vel simpliciter, vel ad tempus, propter honorem Christi, qui est ex conversione Iudeorum, secundum illud Prov. xiv. 28. „In „multitudine populi dignitas Regis.“ Unde Chrysostomus in Libro de compunctione cordis: „Ita totam eius mentem „devicit amor, ut etiam (c) quod præce- „teris omnibus amabilius erat, esse cum „Christo, rursum id ipsum, quia ita place- „ret Christo, contemneret; sed & cælo- „rum regna, quod videbatur laborum esse „remuneratio, pro Christo nihilominus „cedere pateretur.“ Et causam tanti affectus ostendit, subdens, *Pro fratribus meis.* Unde Eccli. xxv. 1. dicitur, quod „tria „sunt probata coram Deo, & hominibus, „concordia fratrum, & amor proximorum; „& vir & mulier bene consentientes.“ Et ne hoc intelligeretur de his qui erant spiritualiter in Christo fratres, secundum illud Matth. xxiii. 8. „Omnes vos fra- „tres estis,“ subiungit: *Qui sunt cognati ei secundum carnem.* II. Cor. xi. 22. „Se- „men Abraham dicit, & ego.“

Deinde cum dicit, *Qui sunt Israelita*, ostendit dignitatem Iudeorum, ut eius tristitia videretur esse rationaliter propter pristinam dignitatem populi pereuntis (propensius enim est malum dignitatem perdidisse, quam nunquam habuisse, ut dicit Glossa) & non solum ex affectu carnali procedens. Ostendit autem eorum dignitatem tripliciter. Primo quidem quantum ad suam gentem, cum dicit, *Qui sunt Israelita*,

(a) *Al.* & dicit. (b) *Al.* tremens. (c) *Al.* eo quod.

18. id est a genere Jacob descendentes, qui est dictus Israel Genes. xxxi. & II. Cor. xi. 22. „Israelitæ sunt, & ego.“ Et hoc ad dignitatem pertinet: dicitur enim Deut. 14. 7. „Non est alia natio tam grandis quæ habeat deos adpropinquantes sibi, sicut Deus noster adest eunctis obsecrationibus nostris.“ Secundo ostendit dignitatem illius gentis ex Dei beneficiis: inter quæ primo ponit spiritualia beneficia, quorum unum respicit præteritis; & quantum ad hoc dicit: *Quorum est adoptio filiorum Dei.* Unde dicitur Exod. 14. 22. „Primogenitus meus Israel.“ Et hoc quidem dicitur quantum ad spirituales viros, qui fuerunt in illo populo. Quantum ad carnales vero supra vii. innuit quod acceperunt spiritum servitutis in timore. Aliud vero beneficium ponit quod respicit futurum, cum dicit, *Et gloria, scilicet filiorum Dei eius repromissa:* in cuius signum legitur Exod. ult. quod gloria Domini implevit tabernaculum. Deinde ponit alia beneficia figurata: quorum tria sunt figura præsentis spiritualis beneficii; & horum primum est *testamentum*, id est pactum circumcisionis Abraham datum, ut dicitur Genes. xxi. quamvis hoc possit referri ad testamentum novum, quod primo Iudæis est prædicatum. Unde & Dominus dicebat Matth. xv. 24. „Non sum missus nisi ad oves quæ perierunt domus Israel.“ & Hierem. xxxi. 31. dicitur: „Fetiam domui Israel factus novum.“ Secundum est lex data Moysi: unde subdit, *Et Legislatio.* Eccli. xxiv. 33. „Legem mandavit nobis Moyses.“ Tercium est cultus divinus, eum dicit, *Et obsequium*, quo scilicet Deo serviebant, omnibus aliis generibus servantibus idolis. Esa. xlii. 1. (a) „Et nunc audi serve meus Iacob, & Israel quem elegi.“ Deinde ponit id quod pertinet ad futuram gloriam, cum dicit, *Et promissa:* (b) promissiones enim factæ in veteri testamento, impletæ per Christum, Iudæis præcipue factæ videntur: unde dicitur infra xv. 8. *Dixit Iesum Christum ministrum fuisse circumcisionis ad confirmandas pro-*

missiones patrum. Fuerunt autem eis multæ promissiones factæ de bonis terrenis, ut patet Levitic. xxvi. & Deut. xviii. sed per illa temporalia bona, spiritualia figurabantur. Tercio autem describit dignitatem Iudæorum ex origine, cum dicit, *Quorum patres:* quia scilicet secundum carnem sunt progeniti ab illis patribus, qui fuerunt maxime Deo accepti. Deut. 14. 37. „Dilexi, xi patres tuos, & elegi semen eorum.“ Olee. ix. 10. „Quasi prima poma ficulnæ“ (c) eius vidi patres eorum. „Quarto ostendit dignitatem eorum ex prole, cum dicit: *Ex quibus (d) est Christus secundum carnem:* sicut ipse dicit Ioan. 14. 22. „Salus ex Iudæis est.“ Et ne hoc parum videatur, ostendit Christi dignitatem, dicens: *Qui est super omnia Deus benedictus in sæcula. Amen.* I. Ioan. ult. 20. „Hic est verus Deus, & vita æterna.“ In quibus verbis quatuor hæreses destruantur. Primo quidem Manichæi, qui dicebat Christum habuisse corpus phantasticum, & non verum; (e) quod removet per hoc quod dicit, *Secundum carnem:* habet enim veram carnem, secundum illud Luc. ult. 39. „Spiritus carnem, & ossa non habet, sicut me videtis habere.“ Secundo hæresis Valentini, qui dixit, Christum non de massa humani generis, sed de æther corpore attulisse: quod quidem excludit in hoc quod dicit, Christum ex Iudæis secundum carnem esse, secundum illud Matth. 1. 1. „Liber generationis Iesu Christi filii David.“ Tercio hæresis Nestorii, qui posuit alium esse filium hominis, alium Dei; contra quem Apostolus hic dicit, quod ille est ex patribus secundum carnem qui est Deus super omnia. Quarto excluditur hæresis Arii, qui dicebat Christum esse minorem Patre, & quod est creatus ex nihilo: contra quorum primum dicit, quod est super omnia; contra secundum, quod est benedictus per omnia sæcula: hoc enim de solo Deo dicendum est, quod eius bonitas duret in sæcula.

(a) *Al.* „Et nunc serve meus Iacob rectissime, quem elegi.“ (b) *Al.* promissiones enim impletæ in veteri testamento per Christum &c. (c) *Al.* in cacumine eius, (d) *Al.* & Christus est genitus secundum carnem. (e) *Al.* deest quod removet.

LECTIO II.

Non autem quod exciderit verbum Dei. Non enim omnes qui ex circumcissione sunt Israel, hi sunt Israelitæ, neque qui semen sunt Abraham, omnes filii. Sed in Isaac vocabitur tibi semen; idest, non qui filii carnis, hi filii Dei; sed qui filii sunt promissionis, æstimantur in semine. Promissionis enim verbum hoc est: Secundum hoc tempus veniam, & erit Saræ filius. Non solum autem illa, sed & Rebecca ex uno concubitu habens Isaac patris nostri. Comenim nondum nati fuissent, aut aliqui boni egissent, aut mali (ut secundum electionem propositum Dei maneret) non ex operibus, sed ex vocante dictum est ei, quia maior serviet minori; sicut scriptum est: Iacob dilexi, Esau autem odio habui.

Postquam Apostolus posuit dignitatem Iudæorum, nunc ostendit quod illa dignitas non pertinet ad eos qui carnaliter processerunt ab antiquis patribus, sed ad spirituale semen, quod est a Deo electum: & primo ostendit quod huiusmodi dignitas proveniat ex electione divina; secundo ostendit quod hæc electio communiter pertinet ad Iudæos, & ad Gentiles, ibi, *Quos & vocavit non solum ex Iudæis, sed etiam ex Gentibus*. Circa primum duo facit. Primo ostendit quomodo ex electione divina homines spirituale dignitate consequuntur; secundo movet questionem de iustitia divinæ electionis, ibi, *Quid ergo dicemus?* Circa primum duo facit. Primo proponit quod intendit; secundo ostendit propositum, ibi, *Sed in Isaac vocabitur tibi semen*. Circa primum duo facit. Primo ponit firmitatem divinæ electionis; secundo ostendit in quibus impleatur, ibi, *Non enim omnes qui ex circumcissione sunt Israel, hi sunt Israelitæ*. Dicit ergo primo: Ita dictum est, quod eorum sunt promissa, & adoptio filiorum, & gloria, pro quorum casu est mihi magna tristitia, & continuus dolor. Non autem est hoc sic intelligendum quod verbum Dei exciderit, id est frustratum sit: quia & si non habet locum in quibusdam, qui exciderunt, habet tamen locum in aliis. Esai. lv. 11. Verbum quod egreditur ex ore meo, non revertetur ad me vacuum, sed faciet quæcumque volui. "Psal. cxviii. 29. In æternum, Domine, permanet verbum tuum." Deinde cum dicit, *Non enim omnes &c.* ostendit quomodo, & in quibus verbum Dei exciderit. Circa quod considerandum est, quod Iudæi de duobus præcipue gloriabantur, videlicet de Abraham, qui primo accepit pactum circumcisionis a Domino, ut dicitur Gen. xvii. & de Iacob, sive Israel, cuius tota posteritas in populo Dei connumerabatur. Non autem ita fuit de

Isaac: nam posteritas filii eius Esau, ad populum Dei non pertinebat: unde Apostolus ostendit propositum, primum quidem per comparisonem ad Iacob, dicens: *Non enim omnes qui sunt ex Israel, idest ex Iacob secundum carnem progeniti hi sunt veri Israelitæ*, ad quos pertinent Dei promissa; sed illi qui sunt recti, & videntes Deum per fidem. Esai. xlv. 2. "Redisti me, quem elegi." Unde, & Dominus dicit Nathanaeli, Ioan. i. 47. "Ecce venter Israelitæ, in quo dolus non est." Hoc autem nomen Israel impostum fuit Iacob ab Angelo, ut patet Gen. xxxii. Secundo ostendit idem per comparisonem ad Abraham dicens: *Neque omnes qui sunt carnale semen Abraham, sunt spirituales Abraham filii*, quibus Deus benedictionem repromisit; sed solum illi qui eius fidem, & opera imitantur. Ioan. viii. 39. "Si filii Abraham hæc estis, opera Abraham facite."

Deinde cum dicit, *Sed in Isaac vocabitur tibi semen*, manifestat propositum: & primo quantum ad Abraham; secundo quantum ad Iacob, ibi, *Non solum autem illa &c.* Circa primum tria facit. Primo proponit auctoritatem Scripturæ, dicens: *Sed in Isaac vocabitur tibi semen*. Hoc Dominus dixit Abraham, ut habetur Gen. xxi. ubi agebatur de expulsiōe Ismaelis; quasi dicat: Non omnes qui nati sunt carnaliter ab Abraham, pertinent ad illud semen cui facta est promissio, secundum illud Gal. iii. 16. "Abrahæ dictæ sunt promissiones, & semen mini eius;" sed illi qui similes sunt Isaac. Deinde cum dicit, *Idest non qui filii carnis, hi filii Dei*, exponit auctoritatem inductam, secundum quod facit ad propositum. Ad cuius evidentiam accipiendum est quod Apostolus dicit Gal. iv. 22. Abraham, duos filios habuit, unum de ancilla, & unum de libera; sed qui de ancilla (scilicet Ismael) secundum carnem natus est

est (quia scilicet secundum legem, & consuetudinem carnis ex iuvenula oatus est) qui autem ex libera (scilicet Isaac) per repositionem, & non secundum carnem; idest, non secundum carnis legem, & consuetudinem: quia natus est ex sterili, & vetula, ut habetur Genes. xviii. quamvis sit natus secundum carnem, idest secundum substantiam carnis, quam accepit a parentibus. Ex quo Apostolus hic accipit quod illi non adoptantur in filios Dei qui sunt filii carnis, idest ex hoc ipso quod secundum carnem progeniti sunt ab Abraham; sed illi asstantur in semine, quibus facta est repositio, qui sunt filii promissionis, idest illi qui ex gratia promissionis divinæ facti sunt filii Abraham secundum imitationem fidei, secundum illud Matth. 23. 9. Potest est Deus de lapidibus his suscitare filios Abraham: sicut etiam Isaac secundum carnem natus, non est computatus in semine, sed Isaac per repositionem natus. Tercio ibi, *Promissionis enim verbum hoc est*, probat convenientem fuisse suam expositionem, qua per Isaac significari dixit eos qui sunt filii repositionis, quia scilicet Isaac per promissionem oatus est: unde dicit: *Promissionis enim hoc verbum est*, quod Angelus, immo Dominus in Angelo dixit ad Abraham, Gen. xviii. 10. *Secundum hoc tempus veniam*: quo significatur tempus gratiæ Gal. iv. 4. Cum venit plenitudo temporis, misit Deus Filium suum: & erit Sara filius, scilicet per gratiam repositionis: unde & Gal. iv. 5. dicitur: Ut adoptioem filiorum reciperemus. Deinde cum dicit, *Non solum autem illa &c.* manifestat propositum quantum ad Iacob: & primo ponit quod intendit; secundo manifestat propositum, ibi, *Cum enim non solum nati fuissent &c.* Dicit ergo primo: *Non solum illa*, scilicet Sara, habuit filium de quo facta est promissio; sed & Rebecca habens in utero duos filios, quorum unus pertinebat ad promissionem, alius ad carnem solum; & hoc ex uno concubitu Isaac patris nostri: dicitur enim Gen. xxv. quod Isaac rogavit pro uxore sua, eo quod sterilis esset; & dedit Dominus conceptum Rebecca, & collidebantur in ventre eius parvuli. Et est notandum, quod hoc Apostolus inducit contra Iudæos, qui reputabant se Dei (a) gratiam adepturos propter merita patrum, contra quos dicit de viris iustis Ezech. xiv. quod filium, & filiam non liberabunt, sed ipsi

iustitia sua liberabuntur. Unde & Ioannes Iudæis dicebat, Matth. 23. 9. Ne cœperitis dicere, Patrem habemus Abraham, ham! Contra horum opinionem ergo primo iuduxerat quod desiliis Abraham unus erat electus, & alius reprobatus. Possent autem hoc ascribere vel diversitati matrum, quia Isaac natus est de ancilla, & Isaac de libera; vel diversitati meritorum patris, quia Isaac natus est de ancilla, Isaac autem circumcisis. Ut igitur omne subterfugium excludatur, inducit exempla, ubi unus eligitur, & alius reprobatum eorum qui non solum ab uno patre, sed etiam ab una matre sunt geniti, & eodem tempore, immo ex uno concubitu. Deinde cum dicit, *Cum nondum nati fuissent*, ostendit propositum: & primo per auctoritatem Gen. xxv. 11. secundo per auctoritatem Prophetæ, ibi, *Sicut scriptum est &c.* Circa primum tria facit. Primo designat tempus promissionis, & dicit quod per repositionem est unus filiorum Rebecca alii prælati, cum nondum nati fuissent. Et sicut per superiora excludit opinionem Iudæorum de meritis patris confidentium, ita etiam per hoc excludit errorem Manicheorum, qui diversitatem eorum quæ hominibus accidunt, partialitati ascribunt, ut scilicet unus cuiusque vita, & mors disponatur secundum constellationem sub qua natus est; contra quod dicitur Hierem. x. 2. A signis cæli non time re, quæ Gentes timeant. Subdit autem: *Aut aliquid egissent boni, aut mali*: ob excluditur error Pelagianorum, qui dicunt, secundum merita præcedentia gratiam dari, cum tamen scriptum sit Tit. 2. 11. Non ex operibus iustitiæ quæ semus oos, sed secundum suam misericordiam salvos nos fecit. Utrumque autem horum ostenditur falsum per hoc quod ante nativitatem, & ante opera unus filiorum Rebecca alteri est prælati. Excluditur per hoc etiam error Origenis, qui posuit, animas hominum simul cum Aogelis esse creatas, & quod pro meritis eorum quæ ibi egerunt bene, vel male, diversitatem vitæ sortiuntur: secundum quem non posset esse verum quod hic dicitur: *Cum nondum aliquid mali, vel boni egissent*. Contra hoc autem est quod dicitur Job xxxviii. 7. Ubi eras, cum me laudarent, astrâ matutina, & inbilerent omnes filii Dei? Possent enim secundum Origenis errorem responderi: Eram inter ipsos Dei filios inbidentes, Secundo ostendit quid accipi

(a) iudicant,

cipi posset ex ipsa promissione, quia unus geminorum in utero existentium alteri est prelatas, dicens: *Ut profectum Dei*, scilicet volentis unum præ alio magnificare, *maneret*, idest firmum esset; & hoc non secundo merita, sed *secundum electionem*, idest inquantum ipse Deus spontanea voluntate unum alteri præelegit, non quia sanctus erat, sed ut sanctus esset, secundo illud Ephes. 1. 4. „Elegit nos in ipso ante mundi constitutionem, ut essemus sancti.“ Hoc autem est propositum prædestinationis, de quo ibidem dicitur: „Prædestinati secundum propositum voluntatis eius.“ Tertio ponit promissionem, dicens: *Non ex operibus*, quæ nulla præcesserunt, ut dictum est, *sed ex vocante*, idest ex ipsa gratia vocantis, de quo supra vii. 30. dictum est, „Quos prædestinavit, hos & vocavit“, *dictum est ei*, scilicet Rebecca, quia maior, scilicet Elau, *serviet minori*, scilicet Iacob. Quod quidem tripliciter potest intelligi. Uno modo secundum eorum personas; & sic intelligitur Elau servisse Iacob, non directe, sed occasionaliter, inquantum persecutio quam ei intulit, in eius bonum cessit, secundum illud Prov. xi. 29. „Qui stultus est, serviet sapienti.“ Secundo potest referri ad populos ex utroque progenitis: quia Idumæi aliquando fuerunt subiecti Israelitis, secundum illud Psalm. lxx. 10. „In Idumæam extendam calcamentum meum.“ Ex hoc videtur competere his quæ præmittuntur in Gen. xxv. Præmittitur enim (23.) „Deo populi ex ventre tuo dividuntur: populus populum superabit, & maior minori serviet. Tertio potest intelligi figuratiter dictum, ut per maiorem intelligatur populus Iudæorum, qui primo adoptionem filiationis accepit, secundum illud Exod. xv. 22. „Primogenitus meus Israel.“ Per minorem autem figuratur populus Gentilium, qui posterius est ad fidem vocatus, qui etiam figuratur per Filium prodigam, Luc. xv. Maior ergo populus serviet minori, inquantum Iudæi suot nostri capiani, custodientes libros ex quibus nostræ fidei testimonium perhibetur. Ioan. v. 39. „Scrutamini Scripturas.“ Deinde cum dicit, *Sicut scriptum est*, probat propositum ex auctoritate Prophetæ, dicens: *Sicut scriptum est*, scilicet 1. cap. Malachiæ Prophetæ ex persona Dei, dicentis: *Iacob dilexi, Esau autem odio habui*. Dicit autem hic quædam Glossa, quod id quod supra dictum est, *Maior serviet minori*, dictum est secundum præ-

scientiam; quod autem hic dicit, est intelligendum secundum iudicium: quia scilicet Deus propter bona opera dilexit Iacob, sicut & omnes sanctos diligit: Prov. vii. 17. „Ego diligentes me diligam.“ Esau vero odio habuit propter peccata, sicut scriptum est Eccli. xii. 7. „Altissimus odio peccatores habet.“ Sed quia dilectio hominis prævenitur dilectione Dei, secundum illud I. Ioan. iv. 10. „Non quasi nos dilexerimus Deum, sed quia ipse prior dilexit nos.“ oportet dicere, quod ante Iacob dilectus sit a Deo quam ipse Deum dilexerit. Nec potest dici quod Deus ex tempore eum diligere inceperit, aliquin eius affectus esset mutabilis: & ideo oportet dicere, quod Deus ab æterno Iacob dilexit, ut dicitur Hierem. xxxi. v. „In caritate perpetua dilexi te.“

Est autem in his verbis Apostoli considerandum, quod tria ponit in Deo pertinentia ad sanctos, videlicet electionem, per quam intelligitur prædestinatio, & (4) dilectio Dei; quæ quidem realiter sunt idem in Deo, sed differunt ratione: nam ipsa Dei dilectio dicitur secundum quod vult bonum alicui absolute; electio autem dicitur secundum quod per bonum quod alicui vult, eum alteri præferre; prædestinatio autem est secundum quod hominem dirigit in id bonum quod ei vult, diligendo, & eligendo: & ideo secundum rationem prædestinatio sequitur dilectionem; sicut & voluntas de fine, naturaliter præcedit directionem aliquorum in finem. Electio autem, & dilectio aliter ordinantur in Deo, & in homine. In homine enim electio præcedit dilectionem: voluntas enim hominis movetur ad amandum ex bono quod in re amata considerat, ratione cuius ipsam præelegit alteri, & præelectæ suam amorem impendit. Sed voluntas Dei est causa omnis boni quod est in creatura; & ideo bonum per quod una creatura præferatur alteri per modum electionis, consequitur voluntatem Dei, quæ est de bono illius, quæ pertinet ad rationem dilectionis. Unde non propter aliquid bonum, quod in homine eligat, Deus eum diligit; sed potius eo quod ipsum diligit, præferat eum aliis, eligendo. Sicut autem dilectio de qua hic loquitur, pertinet ad æternam Dei prædestinationem; ita etiam odium de quo hic loquitur, pertinet ad reprobationem, qua Deus reprobat peccatores. Nec est dicendum, quod ista reprobatio sit temporalis,

(a) *id.* electio.

lis, quia nihil temporale est in voluntate divina, sed est ab æterno; quæ quidem quantum ad aliquid convenit cum dilectione, vel prædestinatione, quantum autem ad aliquid differt. Convenit quidem quantum ad hoc quod sicut prædestinatio est præparatio gloriæ, ita reprobatio est præparatio pœnæ: Esai. xxx. 33. „Præparata est ab heri thopet, a Rege præparata.“ Differt autem quantum ad hoc quod prædestinatio importat præparationem meritorum, quibus pervenitur ad gloriam; sed reprobatio non importat præparationem pec-

catorum, quibus pervenitur ad pœnam. Et ideo præscientia meritorum non potest esse aliqua ratio prædestinationis, quia merita præscita cadunt sub prædestinatione; sed præscientia peccatorum potest esse aliqua ratio reprobationis ex parte pœnæ, quæ præparatur reprobatis; inquantum scilicet Deus proponit se puniuntur malos propter peccata, quæ a seipsis habent, non a Deo; iustos autem proponit se præmiaturum propter merita quæ a seipsis non habeant. Osee xiiii. 9. „Perditio tua ex te, Israel; tantum (a) in me auxilium tuum.“

LECTIO III.

Quid ergo dicemus? Numquid iniquitas apud Deum? Absit: Moyse enim dicit: Miserebor cui misertus sum, & misericordiam præstabo cui miserebor. Igitur non volentis, neque currentis, sed miserentis est Dei. Dicit enim Scriptura Pharaoni: Quia in hoc ipsum excitavi te, ut ostendam in te virtutem meam, & ut annuntiatur nomen meum in universa terra. Ergo cuius vult misceatur, & quem vult indurat.

Postquam præmisit Apostolus quod secundum Dei electionem unus alteri præfertur, non ex operibus, sed ex gratia vocantis; hic inquit de iusticia huius electionis: & primo proponit dubitationem; secundo solvit, ibi, *Absit*; tertio obicit contra solutionem, ibi, *Dicis itaque mihi: Quid adhuc quaritur?* Dicit ergo primo: Didum est, quod Deus sine merito præcedente unum eligit, & alterum reprobatur. *Quid ergo dicemus? Numquid per hoc probari potest quod sit iniquitas apud Deum?* Videtur quod sic: pertinet enim ad iustitiam in distributionibus, ut æqualiter æqualibus distribuatur; homines autem remota differentia meritorum, sunt æquales: si ergo absque consideratione meritorum Deus inæqualiter distribuit, unum eligens, & alium reprobans, videtur quod sit in eo iniquitas: quod est contra illud quod dicitur Deuter. xxxii. 4. „Deus fidelis, & absque ulla iniquitate.“ Psalm. cxviii. 137. „Iustus es Domine, & rectum iudicium tuum.“ Est autem sciendum, quod Origenes hanc obiectionem solvere volens, incidit in errorem: ponit enim in suo Periarchon, Deum ab initio solum creaturas spirituales fecisse, & omnes æquales, ne ex eorum inæqualitate posset secundum rationem prædictam iniquitas Deo ascribi; sed postea creaturarum diversitas subsecuta est ex diversitate

meritorum: nam illarum creaturarum spiritualium quædam per amorem conversæ sunt ad Deum plus vel minus, & secundum hoc distincti sunt (b) diversi ordines Angelorum; quædam vero averæ sunt a Deo plus vel minus, & secundum hoc alligatæ sunt corporibus vel nobilibus, vel ignobilibus; quædam quidem cælestibus corporibus, quædam autem corporibus dæmonum, quædam autem corporibus hominum: & secundum hoc ratio consendi, & distinguendi creaturas corporeas, est peccatum spiritualis creaturæ: quod est contra id quod Genes. i. 31. dicitur: „Vidit Deus cuncta quæ fecerat, & erant valde bona.“ Per quod datur intelligi quod causa producendi creaturas corporeas, est bonitas, ut dicit Augustinus XI. de Civitate Dei.

Et ideo hac opinione reiecta, videndum est qualiter Apostolus dubitationem solvat, cum dicit: *Absit. Moyse enim dicit &c.* Et circa hoc duo facit. Primo solvit obiectionem prædictam quantum ad dilectionem sanctorum; secundo quantum ad odium, seu reprobationem malorum, ibi, *Dicit enim Scriptura Pharaoni*. Circa primum duo facit. Primo proponit auctoritatem Scripturæ, ex qua procedit solutio; secundo ex ea conclusionem inducit, ibi, *Igitur non volentis, neque currentis, sed miserentis est Dei.* In-

(a) A. ex me. (b) A. multitudine diversæ.

Inducit autem auctoritatem quæ habetur Exod. xxxiii. 19. ubi dixit Dominus Moyli, secundum litteram nostram: „Miserebor cui voluero, & clemens ero in quem mihi placuero.“ Sed Apostolus inducit eam secundum litteram LXX. dicens: *Moyfi enim dicit, Dominus: Miserebor cui miserebor, & misericordiam præstabo cui miserebor*: ubi secundum superiorem litteram, omnia bona nostra Dei misericordię ascribuntur, secundum illud Elai. lxxiii. 7. „Misericordiarum Domini recordabor, laudem Domini super omnibus quæ reddidit nobis:“ & Thren. iiii. 23. „Misericordię Domini quod non sumus consumpti: multæ enim sunt miserationes eius.“ Exponitur autem hæc auctoritas in Glossa dupliciter; & secundum hoc ex auctoritate hac dupliciter solvitur questio, & obiectio. Uno modo sic. *Miserebor cui miserebor*, idest illi qui est dignus misericordia; & ad maiorem expressionem iterat, dicens: *Misericordiam præstabo cui miserebor*, idest cui dignum iudicio misereri; sicut & in Psalm. cxi. 13. dicitur: „Misertus est Dominus timentibus se.“ Et secundum hoc, licet misericorditer suatempendat, tamen ab iniustitia excusatur: quia dat quibus dandum est, & quia non dat cui dandum non est, secundum relicitudinem sui iudicii.

Sed misereri cui dignum est, potest intelligi dupliciter. Uno modo ut intelligatur aliquis dignus misericordia propter opera præcedentia in hac vita, licet non in ælia, ut posuit Origenes: quod pertinet ad hæresim Pelagianorum, qui posuerunt gratiam Dei hominibus secundum merita dari. Sed hoc stare non potest: quia, si uerum est, ipsa etiam bona merita sunt homini a Deo, & sunt prædestinationis effectus.

Alio modo potest intelligi ut aliquis dicatur dignus misericordia, non propter aliqua merita præcedentia gratiam, sed propter merita subsequenteria; puta ut dicamus, quod Deus dat alicui gratiam, & proposuit eam ab æterno illi se daturum quem præcivit ea bene fore usurum; & secundum hoc intelligit Glossa quod miserebor cui miserendum est: unde dicit: „*Miserebor, cui misertus ero*; idest, illi miserebor,“ vocando, & gratiam apponendo, cui præscis ero quod misericordiam daturus essem, sciens illum convertendum, & apud me mansurum.“ Sed videtur quod nec hoc convenienter dici possit: ma-

nifestum est enim quod nihil potest poni ratio prædestinationis quod est prædeterminationis effectus, etiam si accipiat prout est in Dei præscientia: quia ratio prædestinationis præintelligit prædeterminationem, effectus autem in ipsa includitur. Manifestum est autem quod omne Dei beneficium, quod homini confert ad salutem, est divinæ prædestinationis effectus. Divinum autem beneficium non solum extendit sed et insuasionem gratiæ quæ homo infirmitur, sed etiam ad gratiæ usum; sicut etiam in rebus naturalibus non solum (a) Deus causat ipsas formas in rebus, sed etiam ipsos motus, & operationes formarum: eo quod Deus est principium omnis motus, cuius operatione cessante a movendo, ex formis nullus motus, vel operatio sequitur. Sicut autem se habet habitus gratiæ, vel virtutis in anima ad usum ipsius, sic se habet forma naturalis ad suam operationem; & ideo dicitur Elai. xxvi. 12. „Omnia opera nostra operatus es in nobis Domine.“ Probat autem hoc speciali ratione Aristoteles (IX. Metaph. text. iiii. iv. & x.) de operibus voluntatis humanæ. Cum enim homo habeat potentiam ad opposita, puta ad sedendum, vel non sedendum, oportet quod reducatur in actum per aliquid aliud. Reducitur autem in actum alterius horum per consilium, ex quo unum oppositorum præeligit alteri. Sed cum iterum homo habeat potentiam consilii, vel non consilii, oportebit esse aliquid per quod reducatur in actum consilii; & cum in hoc non sit procedere in infinitum, oportet esse aliquid principium extrinsecum superius homine, quod ipsum moveat ad consiliandum, & hoc non est aliud quam Deus. Sic igitur ipse usus gratiæ est a Deo, nec propter hoc superfluit habitus gratiæ; sicut nec superfluit formæ naturales, quamvis Deus in omnibus operetur; quia, sicut dicitur Sapient. viii. 1. „ipse disponit omnia sua,“ viter: „quia scilicet per suas formas omnia inclinantur quasi sponte in id ad quod ordinantur a Deo.“ Sic igitur non potest esse quod merita consequentia gratiam sint ratio miserendi, aut prædestinandi; sed sola Dei voluntas, secundum quam misericorditer aliquos liberat. Manifestum est enim quod iustitia distributiva locum habet in his quæ dantur ex debito; puta si aliqui meruerunt mercedem, ut plus laborantibus maior merces donetur; non autem habet locum in his quæ sponte, & misericor-

(a) A. dicit Deus.

diter aliquis dat; puta si aliquis duos pauperes in via inveniens, det uni quod potest, vel disponit in elemosynam dare, non est iniquus, sed misericors. Similiter si aliquis duobus æque ipsum offendentibus, uni dimittat offensam, & non alteri; est misericors uni, & iustus ad alterum, neutri vero iniquus. Cum enim omnes homines propter peccatum primi parentis damnationi nascantur obnoxii; quos Deus per suam gratiam liberat, sola misericordia liberat: & sic quibuldam est misericors, quos liberat; quibuldam autem iustus, quos non liberat; neutris autem iniquus. Et ideo Apostolus quæstionem solvit per auctoritatem quæ omnia divinæ misericordiæ ascribit.

Sciendum est tamen, quod Dei misericordia secundum tria attenditur. Primo quidem secundum prædestinationem, qua ab æterno proposuit aliquos liberare: Psalm. cii. 16. „Misericordia eius ab æterno (a) & usque in æternum.“ Secundo secundum vocationem, & iustificationem, quibus homines salvat ex tempore: Tit. i. 5. „Secundum suam misericordiam salvos nos fecit.“ Tertio magnificando per gloriam, quando liberat ab omni miseria: Psalm. cii. 4. „Qui coronat te in misericordia, & miserationibus.“ Et ideo dicit: *Miseror*, scilicet vocando, & iustificando, cui *miseror* (b) prædestinando; & *misericordiam præstabo*, finaliter glorificando eum cui *miseror*, vocando, & iustificando. Et hic sensus magis concordat cum nostra littera, quæ dicit loc.cit. „Miseror cui“, voluero, & clemens ero cui mihi placet, cet. „Ubi manifeste non meritis, sed soli divinæ voluntati ascribitur divina misericordia.“

Deinde cum dicit, *igitur non volentis &c.* concludit propositum ex præmissa auctoritate. Et potest hæc conclusio multipliciter intelligi. Uno modo sic. Igitur ipsa salus hominis non est volentis, neque currentis: id est, non debetur alicui per aliquam eius voluntatem, vel exteriorem operationem, quæ dicitur cursus, secundum illud I. Cor. ix. 24. „Sic currite ut comprehendatis: sed est misericordia Dei; id est, procedit ex sola Dei misericordia, (c) ut maxime sequitur ex auctoritate inducitur. Deuter. ix. 4. „Ne dicas in corde tuo... Propter iustitiam meam introduxit me Dominus ut

S. Th. Oper. Tom. VI.

terram hanc possiderem.“ Potest autem & aliter intelligi, ut sit, sensus. Omnia procedunt ex Dei misericordia: igitur non est volentis, scilicet velle, neque currentis, scilicet currere; sed utrumque est misericordis Dei, secundum illud I. Corinth. xv. 10. „Non autem ego, sed gratia Dei mecum:“ & Ioan. xv. 5. „Sine me nihil potestis facere.“

Sed si hoc solum in hoc verbo intellexisset Apostolus, cum etiam gratia sine libero arbitrio hominis non velit, neque currat, potuisset e converso dicere: Non est misericordis Dei, sed volentis, & currentis: quod aures piæ non serunt. Unde plus aliquid est ex his verbis intelligendum, ut scilicet principalitas gratiæ Dei attribuitur: semper enim actio magis attribuitur principali agenti quam secundario; puta, si dicamus, quod securis non facit arcam, sed artifex per securim. Voluntas autem hominis movetur a Deo ad bonum: unde supra v. 11. 24. dictum est: *Qui spiritus Dei aguntur, hi sunt filii Dei*. Et ideo hominis operatio interior non est homini principaliter, sed Deo attribuenda: Phil. ii. 13. „Deus est qui operatur in nobis velle, & perficere pro bona voluntate.“

Sed si non est volentis velle, neque currentis currere, sed Dei moventis ad hoc hominem; videtur quod homo non sit dominus sui actus, quod pertinet ad libertatem arbitrii. Et ideo dicendum est, quod Deus omnia movet, sed diversimode, in quantum scilicet unumquodque movetur ab eo secundum modum naturæ suæ: & sic homo movetur a Deo ad volendum, & currendum per modum liberæ voluntatis. Sic ergo velle, & currere est hominis ut libere (d) agentis, non autem est hominis ut principaliter moventis, sed Dei.

Deinde cum dicit, *Dicit enim Scriptura Pharaoni*, solvit quæstionem præmissam quantum ad reprobationem malorum: & primo inducit auctoritatem; secundo infert conclusionem, ibi, *Ergo cuius vult miseratur, & quem vult induratur*. Dicit ergo: Ita ostensum est quod non est iniquitas apud Deum (e) quantum ad hoc quod ab æterno diligit iustos, sed etiam nec quantum ad hoc quod ab æterno reprobat malos: dicit enim Scriptura ex ore Dei (f) Exod. ix. 16. *Quia in hoc ipsum excitavi te, vel servavi te, secundum aliam litteram, ut ostendamus*

S

in

(a) *M.* & in æternum. (b) *M.* prædestinando, & misericordiam præstando. (c) *M.* & maxime. (d) *M.* desit agentis, (e) *M.* quantum ad hoc quod ab æterno reprobat malos, *intermediis an. 131.* (f) *Supple Pharaoni.*

in te virtutem meam, ut annuntietur nomen meum in universa terra. Nostra autem littera sic habet: „Et ideo posui te, ut ostendam in te fortitudinem meam, ut enarraretur nomen meum in omni terra.“ Ubi primo considerandum est quid Deus circa reprobos faciat: quod ostendit, dicens: *In hoc ipsum servavi te*; id est, dignus eras mori propter mala quae feceras: supra 1. 31. *Qui talia agunt, digni sunt morte*: sed tamen non statim tibi mortem induxi, sed servavi te in vita eo sine quo sequitur, *ut scilicet ostendam in te virtutem meam.* Et in hoc etiam sensu potest legi quod dicitur, *Excitavi te*; id est, cum apud me pro tuis meritis mortuus esses, concessi tibi vitam, quasi te excitarem. In quo apparet quod Deus iniquitatem reprobis non facit, cum ipsi ex suis meritis essent digni statim consumi; sed hoc ipsum quod eos servat in vita, procedit ex nimia sua bonitate. Hier. x. 24. „Corripe me Domine, verumtamen in iudicio, & non in furore tuo, ne forte ad nihilum redigas me.“ Alio modo potest intelligi, *Excitavi te*, in peccatum, ut deterior has: quod quidem non est intelligendum hoc modo quod Deus in homine causet malitiam; sed est intelligendum permissive, quia scilicet ex iusto suo iudicio permittit aliquos ruere in peccatum propter praecedentes iniquitates, sicut supra 1. 28. dictum est: *Tradidit eos Deus in reprobum sensum.*

Sed aliquid amplius videtur mihi in hoc esse intelligendum: quia videlicet in istud quodam interiori moventur homines a Deo ad bonum, & ad malum: unde Augustinus dicit in Lib. de Gratia & libero Arbitrio, cap. xx. quod „Deus operatur in cordibus hominum ad inclinandas eorum voluntates quocumque voluerit, sive ad bona, pro sua misericordia, sive ad mala pro meritis eorum.“ Unde & Deus dicitur saepius suscitare aliquos ad bonum, secundum illud Daniel. xiii. 45. „Suscitavit Deus spiritum pueri iunioris.“ Dicitur etiam suscitare aliquos ad malum faciendum, secundum illud Esa. xlii. 17. „Suscitabo Medos, qui sagittis parvulos interficiant.“ Aliter tamen ad bona, aliter ad mala; nam ad bona inclinat hominum voluntates directe & per se, tamquam actor honorum; ad malum autem dicitur inclinare, vel suscitare homines occasionaliter, in quantum scilicet Deus homini aliquid proponit vel interius, vel exterius, quod quantum est de se, est inductivum ad bonum; sed homo propter suam malitiam

perverse utitur ad malum. Supra 11. 4. *Ignoras quoniam benignitas Dei ad penitentiam te adducit*; secundum autem duritiam tuam, & cor impenitens, thesaurizat tibi iram in die ira? Et Iob xxiv. 23. „Dedit ei Deus locum penitentiae, & ille abutitur eo in superbiam.“ Et similiter Deus, quantum est de se, interius instigat hominem ad bonum, puta Regem ad descendendum iura regni sui, vel ad puniendum rebelles; sed hoc insinuat bono malus homo abutitur secundum malitiam cordis sui. Et hoc Ipse Esai. x. 6. ubi dicitur de Assur: „Ad gentem fallacem mittam eum, contra populum furoris mei mittam, dabo illi, ut auferat spolia, & diripiat praedam, & ponat illum in conculationem, nem quasi luraem platearum.“ & post: „Ipse autem non sic arbitrabitur, & cor eius non ita aestimabit; sed ad conterendum erit cor eius.“ Et hoc modo circa Pharaonem accidit, qui cum a Deo excitaretur ad regni sui tutelam, abusus est hac excitatione in crudelitatem.

Secundo oportet considerare, quo fine Deus ista partim faciat, & partim permittat: est enim considerandum, quod Deus operatur in creaturis ad suam manifestationem, secundum illud supra 2. 10. *Invisibilia Dei per ea quae facta sunt, intellecta conspiciuntur.* Unde & huiusmodi excitatio in hoc ipsum ordinatur, & quantum ad praesentes, ut ostendam in te virtutem meam; Exod. xiv. 31. „Viderunt filii Israel magnam magnam, quam exercebat Dominus contra Aegyptios.“ & quantum ad absentes, ut annuntietur nomen meum in universa terra: Psal. xlv. 3. „Annuntiate inter gentes gloriam eius.“ Sic igitur patet quod quantum ad hoc non est iniquitas apud Deum, quia utitur creatura sua secundum eius merita ad gloriam suam: & in hoc eodem sensu potest exponi, si dicatur, *Posui te*; id est, ordinavi malitiam tuam ad gloriam meam: Deus enim malitiam ordinat, sed non causat.

Deinde cum dicit, *Ergo quis vult miseretur*, infert conclusionem quamdam ex utraque auctoritate supra inducta: nam ex eo quod dictum est, *Misereror cui miseretur*, concludit, *Ergo quis vult miseretur*: Psal. cii. 23. „Miseretur est Dominus timentibus se.“ ex eo vero quod dictum est, *In hoc ipsum excitavi te*, concludit, *Et quis vult indurat*: Esai. xlii. 17. „Indurasti cor nostrum ne timeremus te.“ Eccli. xxxiii. 12. „Ex ipsis benedixit, & exaltavit, & ex ipsis maledixit, & humiliavit.“

Et

Et quidem quod dicitur de Dei misericordia, dubitatio non habet, suppositis his quæ præmissa sunt; sed circa indurationem videtur esse duplex dubitatio. Primo quidem quia duritia cordis ad culpam pertinere videtur, secundo illud Eccli. 111. 27. "Cor durum male habebit in domino." Si ergo Deus indurat, sequitur quod sit auctor culpæ: contra quod dicitur Iacob. 1. 13. "Deus intentator malorum" est.

Ad quod dicendum, quod Deus non dicitur indurare aliquem directe, quasi in eis causet malitiam, sed indirecte, in quantum scilicet ex his quæ facit in homines, intus, vel extra, homo sumit occasionem peccati; & hoc ipse Deus permittit. Unde non dicitur indurare, quasi immittendo malitiam,

sed non apponendo gratiam.

Secunda dubitatio est, quia ipsa obdurtio non videtur divinæ voluntati posse ascribi, cum scriptum sit I. Thess. 1v. 5. "Hæc est voluntas Dei, sanctificatio vestra;" & I. Timoth. 11. 4. "Qui vult omnes homines salvos fieri."

Ad quod dicendum est, quod tam misericordia quam iustitia dispositionem voluntatis important: unde sicut miseria attribuitur divinæ voluntati, ita & id quod est iustitiæ. Sic ergo intelligendum est: *Cuius vult miseretur*, scilicet per suam misericordiam, & *quem vult indurat*, per suam iustitiam: quia illi quos indurat, hoc merentur ut indurentur ab ipso, ut supra 1. cap. dictum est.

LECTIO IV.

Dicis itaque mihi: Quid adhuc queritur? Voluntati enim eius quis resistit? O homo, tu quis es, qui respondeas Deo? Numquid dicit figmentum ei qui se finxit: Quid me fecisti sic? An non habet potestatem figulus luti ex eadem massa facere aliud quidem vas in honorem, aliud vero in contumeliam? Quod si Deus volens ostendere iram, & notam facere potentiam suam, sustinuit in multa patientia vasa iræ, apta in interitum, ut ostenderet divitias gloriæ suæ in vasa misericordiæ, quæ præparavit in gloriam.

Posita solutione præmissæ questionis, hic Apostolus contra ipsam solutionem obicit, & præcipue contra ultimam conclusionem, qua dictum est: *Cuius vult miseretur, & quem vult indurat*. Primo ergo ponit objectionem; secundo solutionem, ibi, *O homo, tu quis es, qui respondeas Deo?* Dicit ergo primo: Dictum est, quod Deus cuius vult miseretur, & quem vult indurat. *Dicis itaque mihi: Quid adhuc queritur?* id est, quid oportet ulterius querere de causa bonorum, & malorum quæ hic aguntur, cum omnia voluntati divinæ attribuantur, quæ est causa sufficiens, eo quod oculus potest ei resistere? Unde sequitur: *Voluntati eius quis resistit?* Eccli. 1. 13. "Proposui in animo meo querere, & investigare sapienter de omnibus quæ sunt sub sole." Vel aliter. *Quid adhuc queritur*, id est, queritur, Deus de hominibus, quando peccant? sicut Esa. 1. 2. "Filios enutrivimus, & exaltavi; ipsi autem spreverunt me." Ideo autem videtur iustam querimoniam non habere, quia ex voluntate eius totum procedit, cui nullus potest resistere: unde

subdit: *Voluntati eius quis resistit?* Vel aliter. *Quid adhuc queritur*, scilicet ab homine, ut faciat bonum, vel vitet malum? Mich. vi. 8. "Indicabo tibi, o homo, quid sit bonum, & quid Deus requirit a te: utique facere iudicium, & diligere misericordiam, & sollicitum ambulare cum Deo tuo." Frustra autem requiritur ab aliquo quod non est in eius potestate. Nichil autem in hominis potestate esse videtur secundum prædicta, in quibus omnia divinæ voluntati videntur ascribi, cui resisti non potest: unde sequitur: *Voluntati enim eius quis resistit?* quasi diceret, nullus. Esther xiiii. 9. "Non est qui tuæ possit resistere voluntati." Et hæc videtur esse intentio Apostoli.

Deinde cum dicit, *O homo, tu quis es?* (1) respondet præmissæ questioni. Ad cuius responsionis intellectum considerandum est, quod circa electionem bonorum, & reprobationem malorum, duplex questio potest moveri: una quidem in generali, quare Deus velit quoddam indurare, & quorundam misereri; alia vero in speciali,

S 2

quart

(1) *Id.* tacite respondet questioni.

quare velit huius misereri, & hunc, vel illum indurare. Et potest quidem ratio huius (a) questionis assignari; secundam autem questionis non potest assignari ratio, nisi simplex Dei voluntas; cuius exemplum patet in rebus humanis. Si enim aliquis ædificare volens, haberet multos lapides similes, & æquales congregatos, posset ratio assignari quare quosdam ponat in summo, & quosdam in imo ex parte finis: quia ad perfectionem domus, quam facere intendit, requiritur & fundamentum, quod habet lapides in imo, & cacumen parietis, quod habet lapides in summo. Sed quare ponat hos lapides in summo, & hos in imo, non habet aliquam rationem, nisi quia artifex voluit.

Primo igitur Apostolus respondet dubitationi quantum ad questionem secundam, quare scilicet huius hominis miseretur, & illum induret; secundo quantum ad questionem primam, quare scilicet quibusdam miseretur, & quosdam induret, ibi, *Quod si volens Deus ostendere iram, & notam facere potentiam suam, sustinuit in multa patientia vasa ira &c.* Circa primum tria facit. Primo arguit præsumptionem querentis; secundo inducit auctoritatem quæ questionem solvit, ibi, *Namquid dicit figmentum ei qui se finxit: Quid me fecisti sic?* tertio exponit auctoritatem, ibi, *An non habet potestatem figulus lutum ex eadem massa facere aut aliud quidem vas in honorem, aliud autem in contumeliam? Dicit ergo primo: O homo, qui es fragilis, & ignorans, tu quis es, qui respondens Deo? Unde sufficit ad respondendum ei, si voluerit tecum iudicio contendere? Iob ix. 3. „Si voluerit contendere „ iudicio cum illo, non poterit ei respondere, ducere unum pro mille. “ Et sicut dicitur Iob xxxix. 21. „ qui arguit Deum, debet ei respondere. “ In quo datur intelligi quod homo non debet scrutari rationem divinorum iudiciorum cum intentione (b) comprehendendi, eo quod excedant rationem humanam. Eccli. i. 22. 1. „ Altiora „ te ne quæsieris. “ Prov. xxv. 27. „ Per „ scrutator maiestatis opprimetur a gloria. “ Deinde cum dicit, *Namquid dicit figmentum ei qui se finxit: Quid me fecisti sic?* inducit auctoritatem, quæ habetur Elix. iv. 9. „ Numquid dicit lutum figulo suo, Quid facis? „ &c., Opus tuum sine manibus est? “ Ubi considerandum est, quod si aliquis artifex ex materia vili faciat vas pulchrum, & nobilibus actibus accommodatum, totum ascri-*

bitur bonitati artificis; puta, si ex luto faciat scutellas, & urceos ad nobilem mensam decentes. Si vero ex vili materia, puta ex luto, faciat vas accommodatum villibus usibus, puta coquinz, vel huiusmodi officii; non posset vas conquiri, si rationem haberet. Posset enim conquiri, si ex materia pretiosa, quæ præciat artificis operationi, puta ex auro, & lapidibus pretiosis, faceret vas ad vilia officia deputatum. Humana autem natura vilitatem habet ex sua materia, quia, ut dicitur Genes. 11. 7. „ fecit „ Deus hominem de limo terræ; „ sed maiorem vilitatem habet ex corruptione peccati, quæ per unum hominem in hunc mundum intravit. Et ideo homo luto merito comparatur Iob xxx. 19. „ Comparatus sum „ luto, & assimilatus fum faville, & cineribus. “ Unde quidquid boni habet homo, debet bonitati divinæ, (c) quasi principali agenti, ascribere. Elix. xiv. 8. „ Nunc Do „ mine, pater noster es tu, nos vero „ lutum; & sicut noster tu, & opus ma „ nuum tuarum omnes nos. “ Si vero Deus hominem ad meliora non promoveat, sed in sua infirmitate eum dimittens, deputet eum ad infimum usum; nullam ei facit iniuriam, ut possit iuste de Deo conquiri. Deinde cum dicit, *An non habet potestatem figulus lutum?* exponit Apostolus verba Prophetæ; quasi dicat: Hoc est dictum: Figmentum, id est vas fictile, non posset dicere fictori, *Quid me fecisti sic?* quia figulus liberam potestatem habet ex materia lutum opus facere quodcumque sibi placuerit. Unde dicit: *An non habet potestatem,* scilicet liberam, *figulus lutum,* qui scilicet operatur in vili materia, *ex eadem massa,* scilicet vilis materiæ, *facere,* absque alicuius iniuriæ, *aliud quidem vas in honorem,* id est in honorabiles usus, *aliud vero in contumeliam,* id est in usus viliores? II. Timoth. ii. 20. „ In „ magna enim domo non solum sunt vasa „ aurea, & argentea, sed etiam lignea, & „ fictilia; & quædam quidem in honorem, „ quædam autem in contumeliam. “ Et similiter Deus liberam potestatem habet facere ex eadem corrupta materia humani generis, sicut ex quodam luto, nulli faciendo iniuriam, quosdam homines præparatos in gloriam, quosdam autem in miseria derelictos. Hierem. xvi. 6. „ Sicut lutum „ in manu figuli, ita in manu mea vos, „ domus Israel. “

Deinde cum dicit, *Quod si volens Deus ostendere iram &c.* solvit primam questionem,

(a) Videlicet primæ. (b) M. apprehendendi. (c) M. quasi peccatis figuli ascribere.

nem, scilicet quare Deus velit quibusdam misereri, & quosdam in miseria derelinquere; sive quosdam eligere, & quosdam reprobare. Circa quod considerandum est, quod finis omnium divinorum operum est manifestatio divinæ bonitatis. Proverb. xvi. 4. „Universa propter semetipsum operatus est Dominus. „Unde supra 1. 20. dictum est, quod *invisibilia Dei per ea quæ facta sunt, intellecta conspiciuntur*. Tanta est autem divinæ bonitatis excellentia quod non potest uno modo, nec in una creatura sufficienter manifestari: & ideo diversas creaturas condidit, in quibus diversimode manifestatur: præcipue autem in creaturis rationalibus, in quibus eius iustitia manifestatur quantum ad illos quos pro eorum meritis punit; misericordia vero in illis quos ex sua gratia liberat. Et ideo utrumque in hominibus manifestaretur, quosdam misericorditer liberavit, sed non omnes. Primo ergo ponit rationem reprobationis malorum; secundo ponit rationem electionis bonorum, ibi, *Ut ostenderet divitiis gloria sua*. Est autem in utrisque triplex differentia attendenda. Prima quidem secundum finem, secunda secundum usum, tertia secundum divinum actum. Finis autem reprobationis, vel obdurationis malorum, est manifestatio divinæ iustitiæ, & virtutis: & quantum ad hoc dicit: *Quod*, idest *sed, si Deus volens ostendere iram suam*, idest iustitiam vindicativam: non enim dicitur ira in Deo secundum affectus commotionem, sed secundum effectus vindictæ. Supra 1. 18. *Revelatur ira Dei de celo super omnem impietatem*. Addit autem, *Et notam facere potentiam suam*: quia Deus contra malos non solum utitur ira, idest vindicta, puniendo eos sibi subiectos, sed etiam sua potentia subiciendo sibi. Philipp. xii. 21. „Secundum operationem, qua potest etiam sibi subicere omnia. „Exod. xiv. 31. „Viderunt Aegyptios mortuos super litus maris, & manum magnam quam exercuerat Dominus contra eos. „Ulus autem malorum, ad quem utitur eis Deus, est ira, idest pœna: & adeo vocat eos *vasa ira*, idest iustitiæ instrumenta, quibus Deus utitur ad ostendendam iram, idest iustitiam vindicativam. Ephes. ii. 3. „Eramus natura filii iræ. „Actus vero quem Deus erga eos exercet, non est quod di-

ponat eos ad malum, quia ipsi de se habent dispositionem ad malum ex corruptione primi peccati: unde dicit: *Vasa apta in interitum*, idest in se habentia aptitudinem ad æternam damnationem. Gen. vi. 5. „Videns Deus quod multa malitia hominum esset in terra, & cuncta cogitatio humani cordis intenta esset ad malum omni tempore. „Hoc autem solum Deus circa eos agit quod eos permittit agere quæ concupiscunt: unde signanter dicit, *Sustinuit*. Et hoc eius patientiam demonstrat, quod non statim vindictam infert: unde addit, *in multa patientia*. Eccli. v. 4. „Altissimus est patiens redditor. „Deinde ex parte bonorum similiter tria ponit. Primo quidem finem, cum dicit: *Ut ostenderet divitiis gloria sua*. Finis enim electionis, & miserationis bonorum est, ut manifestaret in eis abundantiam bonitatis suæ, revocando eos a malo, & ad iustitiam eos trahendo, & finaliter eos (4) perducendo in gloriam. Et hoc est quod dicit: *Ut ostenderet divitiis gloria sua*: de quibus divitiis supra 11. 4. *Ad divitiis bonitatis eius conterminis*? Ephes. ii. 4. „Deus autem quidem, ves est in misericordia. „Signanter autem dicit: *Ut ostenderet divitiis gloria sua*: quia ipsa condemnatio, & reprobatio malorum, quæ est secundum Dei iustitiam, manifestat, & commendat sanctorum gloriam, qui ab ipsa tali miseria liberantur. Secundo describit usum eorum, cum dicit, *in vasa misericordis*. Nominat autem bonos vasa misericordis, quia utitur eis Deus quasi instrumentis ad suam misericordiam manifestandam. Eccli. xiv. 10. „Illi sunt viri misericordis. „Tertio ponit actum, quem circa eos Deus exercet: non enim Deus eos solum sustinet, quasi de se aptos existentes ad bonum, sed eos præparat, & disponit vocando ad gloriam: unde dicit: *Qua præparavit in gloriam*. Psal. lxxv. 8. „Præparans montes in virtute tua. „Est autem constructio defectiva, & suspensiva usque huc, ut sit sensus. Si volens Deus hoc facere, quibusdam miseretur, & quosdam indurat; quid contra hoc iuste poterit dici? quasi dicat, nihil. Non enim sic quos vult indurat ut eos peccare compellat; sed sustinet eos, ut secundum suam inclinationem tendant in malum.

† (4) *id. perducere.*

Quos & vocavit, non solum ex Iudæis, sed etiam ex Gentibus, sicut in Osee dicit: Vocabo non plebem meam, plebem meam, & non dilectam, dilectam, & non misericordiam consecutam, misericordiam consecutam. Et erit in loco ubi dictum est eis, Non plebs mea vos, ibi vocabuntur filii Dei vivi. Esaïas autem clamat pro Israël: Si fuerit numerus filiorum Israël tamquam arenæ maris, reliquæ salvæ fient. Verbum enim consummans, & abbrevians in equitate: quia verbum breviatum faciet Dominus super terram. Et sicut prædixit Esaïas: Nisi Dominus sabaoth reliquisset nobis semen, sicut Sodoma facti essemus, & sicut Gomorrha similes fuissetis. Quid ergo dicemus? Quod Gentes, quæ non sectabantur iustitiam, apprehenderunt iustitiam, iustitiam autem quæ ex fide est. Israël vero sectando legem iustitiæ, in legem iustitiæ non pervenit. Quare? Quia non ex fide, sed quasi ex operibus. Offenderunt enim in lapidem offensionis, sicut scriptum est: Ecce pono in Sion lapidem offensionis, & petram scandali; & omnis qui credit in eum, non confundetur.

Iam Apostolus ostendit quod Dei gratia datur hominibus ex divina electione, per quam homines ad gratiam vocantur; hic ostendit quod prædicta electio, sive vocatio non solum pertinet ad Iudæos (ut ipsi poterant gloriari, propter hoc quod dicitur Deut. iv. 37. „Dilexi patres tuos“) sed etiam ad Gentes: & primo proponit quod intendit; secundo probat propositum, ibi, *Sicut in Osee dicit*; tertio ex dictis infert conclusionem, ibi, *Quid ergo dicemus?* Dicit ergo primo: Dictum est, quod sanctos præparavit in gloriam: quos & vocavit; scilicet per gratiam suam, non solum ex Iudæis, sed etiam ex Gentibus. Supra 111. 29. *An Iudeorum Deus tantum? Nomen & Gentium?* Soph. 11. 11. „Adorabunt eum viri de loco suo, omnes insulæ Gentium.“ Deinde cum dicit, *Sicut in Osee dicit*, probat propositum: & primo quantum ad Gentiles; secundo quantum ad Iudæos, ibi, *Esaïas autem clamat*. Circa primum ponit duas auctoritates Osee loquentis pro Gentibus; quarum prima promittit eis donum Dei, secunda ipsam divinam filiationem; ibi, *Et erit in loco ubi dictum est eis Osee*. Dicit ergo primo: *Sicut Dominus dicit in Osee*: quia ipse erat qui loquebatur in Prophetis. II. Reg. xxxiii. 2. „Spiritus Domini locutus est per me, & sermo eius per linguam meam.“ Unde & Osee 1. 2. dicitur: „Principium loquendi Domino in Osee.“ Est autem considerandum, quod a tribus bonis quæ in Iudæis eminebant, Gentiles erant alieni; quorum pri-

mum erat divinus cultus, ratione cuius dicebantur populus Dei, quasi ei servientes, & eius præceptis obediens. Unde in Ps. xcix. 4. dicitur: „Nos autem populus eius, & oves pascuæ eius.“ Sed ab huius populi societate Gentiles erant alieni, secundum illud Ephes. 12. 12. „Alienati a conversatione Israël, & hospites testam. mentorum.“ Sed per Christum facti sunt populus Dei. Tit. 11. 14. „Dedit semetipsum pro nobis, ut emundaret sibi populum, acceptabilem.“ Et hoc est quod dicit: *Vocabo non plebem meam*, id est gentilitatem, quæ non erat plebs mea, *plebem meam*, id est, ad hoc ut sit plebs mea. Secundum est privilegium dilectionis (a) divini Osee 121. 1. „Diligit Dominus filios Israël,“ in eo scilicet quod eis multa beneficia inducunt ad speciale gratiam præstabat; a qua quidem dilectione Gentiles olim erant exclusi. Ephes. 12. 14. „Alienati (b) a veritate Dei propter ignorantiam, quæ est in illis.“ Et idem dicit: *Et non dilectam meam*, scilicet gentilitatem, vocabo dilectam meam. Ephes. 12. 13. „Vos, qui aliquando eratis longe, facti estis prope in sanguine Christi.“ Supra v. 10. *Cum inimici essemus, reconciliati sumus Deo (c) per mortem Filii eius*. Tertium est libertas a peccato originali, quæ Iudæis in circumcisione conferebatur. Esa. xiv. 1. „Miserebitur Dominus Iacob.“ Sed huius miserationis Gentiles non erant participes. Ezech. xvi. 4. „Quando (d) nata es, in die ortus tui non est præcisus umbilicus tuus:“ & infra

(a) Ad. amittitur divinus. (b) Eli a vita Dei. (c) Ad. in morte. (d) Ad. natus es.

infra : (a) „ Non pepercit super te oculus ut faceret tibi unum de his, miser- tus tui. „ Sed postea per Christum sunt misericordiam consecutus; idco sequitur: *Et non misericordiam consecutus, misericordiam consecutus.* Tit. 11. 5. „ Secundum suam „ misericordiam salvos nos fecit. „ Hæc autem auctoritas habetur Osee 11. secundum Septuaginta, loco cuius littera nostra habet ibid. xxxiii. „ Miserebor eius quæ „ fuit absque misericordia, & dicam non „ populo meo, Populus meus es tu. „ De- inde cum dicit, *Et erit in loco &c.* inducit aliam auctoritatem, quæ habetur Osee 1. in qua eis repromittitur dignitas filiorum Dei, de qua Iudei gloriabantur propter id quod dicitur Esa. 1. 2. „ Filios enutrivit „ & exaltavi; ipsi autem sperverunt me; „ & Deuteronom. xxxiii. 6. „ Nonne ipse est „ pater tuus? „ Gentiles autem non solum non dicebantur filii, quod pertinet ad eos qui ex amore Deo serviunt, & spiritu Dei aguntur, ut supra viii. dictum est; sed nec etiam digni erant ut populi Dei dicerentur, quod pertinere poterat etiam ad eos qui spiritum servitutis acceperant in timore. Unde dicit: *Et erit in loco*, idest in Iudæa, ubi dictum est eis, scilicet Gentilibus a Iudeis, quasi ex persona Dei loquentibus, *Non plebs mea vos*, quia non reputabant eos populum Dei, ibi, idest etiam apud Iudeos credentes, *vocabuntur filii Dei*. Vel in loco, idest toto mundo, (b) in quo convertentur ad fidem; ut detur intelligi quod non hoc modo convertentur sicut proselyti, quos Iudæi faciebant, qui suis locis derelictis in Iudæam pergebant. Hoc autem non ita futurum esse in his qui ad Christum convertendi erant, ostenditur Sophon. 11. 1. „ Adorabunt eum viri de loco suo. „ Unicusque ergo in loco suo habitanti, ubi dictum est eis, olim ex divina sententia, *Non plebs mea vos*, ibi *vocabuntur filii Dei*, per divinam adoptionem. Ioan. 1. 12. „ Dedit „ eis potestatem filios Dei fieri his qui credunt in nomine eius. „ Deinde cum dicit, *Esaïas autem clamat &c.* probat propositum quantum ad Iudeos per auctoritatem Esaïæ & ponit duas auctoritates; quarum prima videtur pertinere ad omnes credentes ex Iudeis, secunda specialiter ad Apostolos, ibi, *Et sicut pradi- xit Esaïas*. Dicit ergo primo: Dictum est per Osee pro Gentibus; *Esaïas autem clamat*, idest aperte loquitur, pro conversione

Israël: cap. lviii. 1. „ Clama, ne cesses, „ quasi tuba exalta vocem tuam. „ In hac autem prima auctoritate primo ponit pau- citatem converforum (c) Israël, dicens: Si fuerit numerus filiorum Israël quasi arena ma- ris, idest innumerabiles præ multitudine Gentium: Gen. xxi. 17. „ Multiplicabo se- „ men tuum velut arenam maris: „ III. Reg. 17. 20. „ Iuda, & Israël innumerabi- „ les quasi arena maris: „ *reliquia salva fuerit*; idest, non omnes, nec maior pars, sed aliqui pauci qui relinquuntur ex exci- diis aliorum. Mich. vii. 1. „ Factus sum „ sicut qui colligit in autumno racemos vin- „ demæ. „ Infra xi. 5. *Reliquia secundum electionem gratia salva facta sunt*.

Secundo ibi, *Verbum enim consummans &c.* assignat causam salutis: & primo ponit ef- ficaciam evangelici verbi, dicens: *Verbum enim consummans, & abbrevians in aequitate*. Ubi notatur duplex efficacia evangelici verbi. Prima est, quia est *consummans*, idest per- ficiens: ut eum dicitur Hebr. vii. 19. „ ni- „ hil ad perfectum adduxit lex. „ Domi- nus autem dicit Matth. v. 17. „ Non veni „ solvere legem, sed adimplere: „ tum quia figuris legis veritatem adhibuit, tum qui præcepta legis moralia debito modo expo- suit: & occasionem transgrediendi abstulit, & etiam eis consilia perfectionis adiunxit: unde & iuveni diviti, Matth. xix. 21. qui omnia mandata legis servaverat, dixit: „ U- „ num tibi deest: si vis perfectus esse, vade, „ & vende omnia quæ habes, & da pau- „ peribus. „ Et propter hoc discipulis suis dicebat, Matth. v. 48. „ Estote perfecti, „ sicut & Pater vester cælestis perfectus „ est. „ Secunda efficacia est abbreviandi, & hæc convenienter primæ adiungitur: quia quanto aliquid verbum est magis per- fectum, tanto est altius, & per consequens magis simplex, & breve. Est autem verbum Evangelii abbrevians verba legis: quia omnia sacrificia figurata legis in uno vero sacrificio comprehendit, quo Christus obtulit seipsum pro nobis hostiam, ut dicitur Ephes. v. Omnia vero præcepta legis mora- lia in duobus præceptis caritatis conclu- dit. Mat. xxiii. 40. „ In his duobus manda- „ tis universa lex pendet, & Propheta: „ Unde dicit: *Abbrevians in aequitate*: vel quia nihil est prætermisum de multitudine figu- rarum, & præceptorum legis, quin sub brevitate Evangelii comprehenderetur; vel quia nihil ipsorum remanet observandum quod

(a) *Al.* „ Non pepercit super te oculus meus, ut facerem unum de his, miserrime tui. „ (b) *Al.* in quo convertetur, sicut proselyti, intermediis omisso. (c) *Al.* dicit Israël.

quod est æquum secundum dictamen rationis naturalis. Psal. cxviii. 172. „Omnia mandata tua æquitas.“ Subaudiendum est autem, Eric, ut sit sensus: Verbum Evangelii erit abbrevians, & consummans in æquitate.

Secundo cum dicit, *Quia verbum &c.* assignat rationem prædicationis efficacie, dicens: *Quia Dominus super terram*, existens, idest in terris tamquam homo inhabitans, secundum illud Bar. 111. 38. „Post hæc in terris visus est, & cum hominibus conversatus est:“ *faciet verbum brevium.* Perfectius enim debet esse verbum & maioris virtutis, quod ipse Dominus Deus carnis indutus, locutus est per semetipsum, quam verba quæ locutus est per Prophetas, secundum illud Hebr. 1. 1. „Multifarie, multisque modis olim Deus loquens patribus in Prophetis, novissime locutus est nobis in Filio.“ Vel aliter. *Quia Dominus*, scilicet Deus Pater, *faciet super terram verbum brevium*, idest incarnatum: quia Filius Dei exinanivit semetipsum, formam servi accipiens. Dicitur autem exinanitum, vel brevium; non quia aliquid subtrahendum sit plenitudini, vel magnitudini divinitatis ipsius; sed quia nostram exilitatem, & parvitatem suscepit. Habetur autem hæc auctoritas Esa. 54. 22. ubi secundum litteram nostram sic dicitur. „Si fueris, rit populus tuus, Israel, quasi arena maris, reliquæ convertentur ex eo. Consummatio abbreviata inuodabit iustitiam: consummationem enim, & abbreviationem Dominus Deus exercituum faciet in medio omnis terre.“

Deinde cum dicit, *Et sicut prædixit Esaias &c.* inducit auctoritatem pertinentem specialiter ad Apostolos, dicens: *Et sicut prædixit Esaias: Nisi Dominus sabacth*, idest exercituum, vel virtutum, *reliquisset nobis*, scilicet ex sua misericordia, *semen*, idest verbum Evangelii: (A) Luc. viii. 11. „Semen est verbum Dei:“ vel *semen*, idest Christum: Galat. iii. 16. „Et semini tuo, qui est Christus:“ vel *semen*, idest Apostolos: Esa. vi. 13. „Semen sanctum erit, id quod steterit in ea:“ *sicut Sodoma facti essemus, & sicut Gomorrah similes fuissimus.* Gravius enim tulit peccatum Iudeorum quam Sodomorum. Thren. iv. 6. „Maxime effusa est iniquitas populi mei peccato Sodomorum:“ & Ezech. xvi. 48. „Non fecit Sodoma ipsa, & filii eius, sicut fecisti tu, & filii tui.“ Et ideo quod

Iudei non sunt totaliter exterminari sicut Sodomitæ, est diving misericordie imputandum. Thren. 111. 12. „Misericordie Domini, quia non sumus consumpti.“

Deinde cum dicit, *Quid ergo dicemus?* infert conclusionem ex dictis: & primo quantum ad Gentes; secundo quantum ad Iudeos, ibi, *Israel vero sectando legem iustitiam, in legem iustitiam non pervenit.* Circa primum duo facit. Primo concludit quod intendit, dicens: *Quid ergo dicemus* ex consideratione prædictorum? Hoc, inquam, quod Gentes apprehenderunt, idest consecutæ sunt, *iustitiam*, scilicet, quæ vocatur filii. I. Cor. vi. 11. „Et hæc quidem vocat, fed iustitiam.“ Et hoc quidem ex vocatione divinæ electionis, non ex meritis: quod patet per hoc quod dicit: *Quia non sectantur iustitiam*: secundum illud Ephes. 11. 12. „Eratis in illo tempore sine Christo, alienati a conversatione Israel.“ Secundo exponit quod dixerat: *Iustitiam autem quæ ex fide est*, non eam quæ in operibus consistit. Non enim ad hoc Gentes conversæ sunt ut iustitiam legalem observent, sed ut iustificentur per Christi fidem. Supra 111. 22. *Iustitia autem Dei per fidem Iesu Christi.* Deinde cum dicit, *Israel vero &c.* inducit conclusionem quantum ad Iudeos: & primo concludit quod intendit, dicens: *Israel vero*, id est populus Iudeorum, *sectando legem iustitiam, in legem iustitiam non pervenit.* Dicitur lex iustitiæ: lex spiritus vitæ, per quam homines iustificantur, ad quam Iudeorum populus non pervenit; quam tamen sectabatur observando umbram huius spiritualis legis, quæ consistit in observationibus legalibus. Hebr. x. 1. „Umbram, habens lex futurorum bonorum.“ Vel *sectando legem iustitiam*, idest legem Moysi, quæ est lex iustitiæ, si sit bene intellecta, quia docet iustitiam. Vel dicitur lex iustitiæ, quia facit homines iustos non vere, sed exteriori, dum peccata vitantur non ex amore, sed ex timore poenæ, quam lex infligebat. Esa. 11. 2. „Audite me qui queritis:“ mini quod iustum est, & queritis Domini: „Et in eodem 7. „Audite me, qui scitis iustum, populus meus, lex mea in cordibus eorum.“ Secundo assignat causam, dicens: *Quare*, scilicet dum sectarentur legem, ad legem iustitiæ non pervenerunt? Quia scilicet non per debitam viam sectabantur: & hoc est quod subdit: *Quia non ex fide*, scilicet Christi, quærebant iustificari, sed quasi ex operibus legis.

Seco

(A) ubi videtur hoc S. Luca sententia.

Sequebantur enim figuram, & repudiaverunt veritatem. Supra 112. 10. *Ex operibus legis non iustificabitur omnis caro coram illo.* Tertio manifestat causam propositam, & primo proponit manifestationem, dicens: *Offenderunt enim in lapidem offensivis*, id est ad Christum, qui assimilatur lapidi offensivis in hoc quod sicut lapis in quem homo offendit, non cavetur propter suam parvitatem; ita Iadæi videntes Christum infirmitate nostra contentum, non cavent in eum offendere. *Ela. 111. 3.* „Quali absconditus vultus eius, & despectus: unde non reputavimus eum.“ *Hier. x111. 16.* „Antequam offenderent pedes vestri ad montes caliginosos, id est ad Christum, & eius Apostolos, qui dicuntur montes caliginosi propter hoc quod eorum dignitas, & magnitudo latebat. Secundo ad hoc inducit auctoritatem, dicens: *Sicut scriptum est*, in *Esaia* scilicet. Componit autem Apostolus verba *Esaie* (a) in diversis locis scripta: nam *Esa. xxv11. 16.* dicitur: „Ecce ego mittam in fundamentis Sion lapidem, lapidem angularem, probatum, pretiosum, in fundamento fundatum.“ Qui crediderit, non festinet: & hinc sumitur principium auctoritatis: *Ecce ponam in Sion lapidem*, scilicet quasi fundamentum, in quo designatur quod Christus divina ordinatione constitutus erat Ecclesie fundamentum. *I. Corinth. 111. 11.* „Fundamen-

tum aliud nemo potest ponere præter id quod positum est, quod est Christus Iesus.“ Legitur etiam *Ela. v111. 14.* „In lapidem autem offensivis, & petram scandaliduas domibus Israel:“ & hinc sumitur medium auctoritatis, quo dicit: *Lapidem offensivis, & petram scandalis*: ut offensio reverteretur ad ignorantiam: quia, ut dicitur *I. Corinth. 11. 8* „si cognovissent, numquam Dominum gloriæ crucifixissent.“ Scandalum autem referendum est ad impationem, & casum, quo per infidelitatem ceciderunt, Christum, & eius Apostolos persequentes. *I. Corinth. 1. 23.* „Nos prædicamus Christum crucifixum, Iudæis qui dem scandalum.“ *Luc. 11. 34.* „Ecce hic positus est in ruinam, & in resurrectionem multorum in Israel.“ Finis autem auctoritatis sumitur *Esaie xxv11. 16.* „Qui crediderit, non festinet:“ loco cuius hic dicitur: *Omni qui credit in eum, non confundetur*, quia scilicet consequetur mercedem ab eo. *Eccli. 11. 8.* „Qui timetis Deum, credite illi, & non evacuabitur merces vestra.“ Ponit autem Apostolus hæc verba secundum litteram Septuaginta: & ad hunc sensum pertinet quod in littera nostra dicitur, „Qui crediderit, non festinet:“ ille enim festinare videtur qui delusum se reputat, quia cito non adipiscitur quod sperabat.

C A P I T I S D E C I M I.

L E C T I O I.

Fratres, voluntas quidem cordis mei, & obsecratio ad Deum sit pro illis in salutem. Testimonium enim perhibeo illis, quod emulationem quidem Dei habent, sed non secundum scientiam: ignorantes enim iustitiam Dei, & suam querentes statuere, iustitiæ Dei non sunt subiecti. Finis enim legis Christus ad iustitiam omni credenti. Moyses enim scripsit, quoniam iustitiam quæ ex lege est qui fecerit homo, vivet in ea. Quæ autem ex fide est iustitia, sic dicit: Ne dixeris in corde tuo: Quis ascendet in cælum? id est Christum deducere a mortuis revocare. Sed quid dicit Scriptura? Prope est verbum in ore tuo, & in corde tuo: hoc est verbum fidei quod predicamus: quia si confitearis in ore tuo Dominum Iesum, & in corde tuo credideris quod Deus illum suscitavit a mortuis, salvus eris.

* Perperam in editis omittitur hic & in corde tuo, cum D. Thomas proprio hæc verba illustrat commentario.

(2) *M.* in diversis locis Scripturæ.

Postquam Apostolus ostendit quomodo per electionem gratiae Dei Gentiles sunt ad fidem vocati, & etiam aliqui ex Iudaeis de maiori parte populi Iudaici offendentes & scandalizatis; hic agit specialiter de c. Iu Iudaeorum; & circa hoc tria facit. Primo manifestat causam casus eorum, quem supra tetigerat, ex qua ostenditur casum eorum esse miserandum; secundo ostendit causam eorum non esse universalem x. cap. ibi, *Dico ergo: Numquid Deus repulit populum suum?* tertio ostendit casum eorum non esse inutilem, neque irreparabilem, ibi, (cap. xi. ver. 31.) *Dico ergo: Numquid sic offenderunt ut caderent?* Circa primum duo facit. Primo ostendit casum eorum esse miserandum ex sua causa; secundo ostendit quod non est totaliter excusabilis, ibi, *Sed dico: Numquid non audierunt?* Et quidem in omnem terram exiit sonus eorum. Circa primum duo facit. Primo ostendit se ad Iudaeos habere miserationis affectum; secundo ostendit causam miserationis, ibi, *Testimonium enim illis perhibeo, quod amulationem Dei habent.* Dicit ergo primo: *Dictum est, quod Iudaei in legem iustitiae non pervenerunt, propter hoc quod offenderunt in lapidem offensionis; nec tamen contra eos indignor, sed eorum miseror; & ideo dico vobis: O Fratres, qui conversi estis tamen ex Gentibus, quam ex Iudaeis: Matth. xi. 12. 8. „Omnes vos fratres estis: „Voluntas quidem cordis mei, id est ex intimo cordis affectu procedens, est ad salutem eorum, ut scilicet ipsi salventur, sicut & ego salvatus sum. I. Corinth. vii. 7. „Volo omnes homines esse sicut meipsum. „A. Ror. xvi. 23. „Opto apud Deum omnes qui audiunt tales fieri quali & ego sum. „Et in hoc Deo confortabatur, qui, ut dicitur I. Timoth. ii. 4. „vult omnes homines salvos fieri. „Nec sola voluntas est in salutem eorum, sed etiam voluntatis effectus: unde subdit: *Et obsecratio, scilicet mea, sit ad Deum pro illis in salutem.* I. Reg. xii. 23. „Abstine a me hoc peccatum in Domino, ut cesset sem orare pro vobis. „Iacob. ult. 16. „Orate pro invicem, ut salvemini. „Et ex hoc patet quod orandum est pro infidelibus ut salventur, quia & ipsa fides est donum Dei. Ephes. ii. 8. „Gratia salvati estis per fidem, & non ex vobis, Dei enim donum est. „*

Deinde cum dicit, *Testimonium enim perhibeo illis, assignat causam suae miserationis, quia scilicet non ex certa malitia, sed ex ignorantia peccabant: & circa hoc tria*

facit: primo enim proponit eorum ignorantiam; secundo ostendit quid ignorabant, ibi, „Ignorantes enim Dei iustitiam. &c. tertio, ostendit veritatem eorum quae ignorabant, ibi, *Moses enim dicit, quoniam iustitiam quae ex lege est qui fecerit homo, vivit in ea.* Dicit ergo primo: Ideo salutem eorum volo, & propter hoc oro, miseretur eorum, quia testimonium perhibeo de illis, quod *amulationem quidem Dei habent, scilicet quia zelo Dei, Christum, & eius membra persequuntur.* Ioan. xvi. 2. „Venit hora in qua omnis qui interficit vos, arbitretur obsequium se praestare Deo. „Et huius rei testis esse poterat, quia & ipse aliquando fuerat in simili causa: Philip. iii. 6. „Secundum amulationem persecutus sum Ecclesiam Dei. „Sed non secundum scientiam, quia scilicet eorum zelus per rectam scientiam non ordinatur, dum ignorant veritatem. Esa. x. 13. „Propterea capitis, ductus est populus meus, quia non habuit scientiam. „I. Corinth. xiv. 38. „Si quis autem ignorat, ignorabitur. „

Deinde cum dicit, *Ignorantes enim iustitiam Dei, ostendit euius rei scientiam non haberent: & primo proponit quod intendit; secundo manifestat propositum, ibi, Finis enim legis Christus.* Dicit ergo primo: Recte dico, quod non secundum scientiam: *ignorantes enim Dei iustitiam, scilicet quia Deus per fidem iustificat: supra ii. 22. „Iustitia autem Dei per fidem Iesu Christi: „Sic: „Et quaeque statueret, id est firmare, suam, scilicet iustitiam quae consistit in operibus legis, quae secundum eorum opinionem non expectabat aliquid a Deo, sed solum ex arbitrio operantium erat. Et ideo dicit eorum esse iustitiam, quasi humanam, & non divinam, secundum illud supra iv. 2. „Si Abraham ex operibus legis iustificatus est, habet gloriam (scilicet apud homines) sed non apud Deum. „Iustitia Dei non sunt subiecti, id est, non sunt subiecti Christo, per cuius fidem iustificatur homines a Deo. Psal. lxi. 2. „Nonne Deo subiecta erit anima mea? „Supra ii. 19. *Ut subditus fiat omnis mundus Deo.* Exod. x. 3. „Utque non vis subiecti mihi? „Deinde cum dicit, *Finis legis Christus &c.* manifestat quod dixerat, scilicet eos Dei iustitiam ignorare, & quod ei subiecti nolunt, cum tamen iustitiam legalem statueret velint. Circa quod considerandum est, quod, sicut etiam Philosophi dicunt, intentio cuiuslibet legislatoris est facere homines iustos: unde multo magis lex vetus hominibus divinitus data, ordi-*

habatur ad faciendum homines iustos. Hanc tamen iustitiam lex per semetipsam facere non poterat: quia „neminem ad perfectum adduxit lex,“ ut dicitur Heb. vii. 19. Sed ordinabat homines in Christum, quem promittebat, & præfigurabat. Galat. iii. 24. „Lex pædagogus noster fuit in Christo,“ ita, ut ex fide iustificemur. „Et hoc est quod dicit: *Christus enim est finis legis*, ad quem scilicet tota lex ordinatur. Psalm. cxviii. 96. „Omnis consummationis vidi finem.“ Finis, inquam, ad iustitiam, ut scilicet homines per Christum iustitiam consequantur, quam lex intendebat. Supra viii. 2. *Quod impossibile erat legi* . . . mirante Deo Filium suum . . . damnavit peccatum in carne, ut iustificatio legis impleatur in nobis. Et hoc dico omni credenti, quia per fidem luos iustificat. Ioann. i. 12. „Dedit eis potestatem filios Dei fieri, his qui credunt in nomine eius.“ Deinde cum dicit, *Moses enim scripsit &c.* probat veritatem eorum quæ Iudæi ignorabant, scilicet quod iustitia Dei sit perfectior quam iustitia legalis; & hoc auctoritate ipsius Moysi veteris legislatoris. Primo ergo per eius verba ostendit conditionem iustitiæ legalis; secundo conditionem iustitiæ fidei. ibi, *Qua autem ex fide est iustitia, sic dicit &c.* Dicit ergo primo: Recte distinxit iustitiam humanam a iustitia Dei: *Moses enim scripsit, Levit. xviii. 5. quoniam homo qui fecerit iustitiam, quæ ex lege est, vivet in ea*; ubi sic littera nostra habet: „Custodite leges meas, atque iudicia, quæ faciens homo vivet in eis.“ & Ezech. xx. 13. „Iudicia mea proiecerunt, quæ faciens homo vivet in eis:“ quia scilicet hoc commoditatis consequabatur homo per legis observantiam, ne occideretur tamquam legis transgressor. Hebr. x. 28. „Irritam quis faciens legem Moysi, absque ulla misericordia moritur.“ Levit. xx. 9. „Qui maledixerit patri, vel matri, morte moriatur:“ & sic de aliis. Possumus ulterius dicere, quod per legis observationem homo ordinatur in vita præsentis: promittebat enim lex temporalia bona, & quædam mandabat quæ ad ordinationem carnalis vitæ pertinebant. Hebr. ix. 10. „Iustitiis carnis usque ad tempus correctionis impositis.“

Sed contra videtur esse quod Dominus dicit Matth. xix. 16. querenti: „Quid boni faciam, ut habeam vitam æternam?“ Respondit: „Si vis ad vitam ingredi, serva mandata.“ Unde & supra v. 20. super illud, *Lex autem subintravit*, dicit quædam

Glossa: „Iustitia legis suo tempore custodita, non solum bona temporalia, sed & vitam conferrebat æternam.“ Sed hæc intelligenda sunt secundum spirituales incrementum legis, qui pertinet ad fidem Christi; sed quod hic dicitur, refertur ad interiorem legis sententiam, secundum quem lex de vita æterna mentionem non faciebat.

Deinde cum dicit, *Qua autem ex fide est iustitia sic dicit*, inducit auctoritatem Moysi de iustitia fidei. Et primo Moyses ostendit certitudinem fidei, quæ debet esse in corde hominis; secundo fidei effectum, ibi, *Sed quid dicit Scriptura?* Dicit ergo primo: Non solum loquitur Moyses de iustitia legis, sed etiam ipse sic dicit de iustitia quæ est ex fide: *Qua autem est ex fide iustitia sic dicit*, id est sic loquitur in corde hominis: *Ne dixeris in corde tuo*, scilicet dubitando, *Quis ascendit in cælum?* quasi hoc impossibile reputans, sicut & Proverb. xxx. 4. queritur: „Quis ascendit in cælum, atque descendit?“ quia scilicet hoc tenere quasi impossibile est *deducere Christum a cælo*, id est asserere quod Christus non sit in cælo, contra id quod dicitur Ioan. iii. 13. „Nemo ascendit in cælum nisi qui descendit de cælo, Filius hominis qui est in cælo.“ Ephes. iv. 10. „Qui descendit, ipse est & qui ascendit super omnes cælos.“ Aut etiam ne dixeris: *Quis descendit in abyssum?* id est in infernum, quasi reputans hoc esse impossibile: hoc enim negare, est *revocare Christum ex mortuis*, scilicet negare cum non esse mortuum: ipse enim moriens in abyssum descendit. Eccli. xiv. 45. „Et secundum hoc prohibet dubitari de duobus articulis fidei Christi, scilicet de eius ascensione, & de eius morte, & descensu ad inferos; quorum primum pertinet ad maximam Christi exaltationem, secundum ad maximam eius humiliationem. Potest autem & aliter exponi, ut dicatur nobis certitudo duorum articulorum: primo quidem incarnationis, quæ de cælis ad terram descendit; ut sit sensus: *Ne dixeris in corde tuo, Quis ascendit in cælum?* & exponitur suppleto: *Id est Christum deducere*; quasi dicat: Quis ascendit in cælum ad deducendum Christum ad nos? quod quidem non fuit necessarium, quia ipse propria virtute descendit: secundo autem resurrectionis, cum subdit: *Aut etiam ne dixeris, Quis descendit in abyssum?* & suppleto additur: *Hoc est Christum ex mortuis revocare*; quasi dicat: Illuc descendit, ut inde posset Christum revocare, sicut ex

persona insipientium dicitur Sapient. 11. 2. „Non est qui agnitus sit reclusus ab inferioribus.“ Et hic sensus congruit verbis Moysi: dicitur enim Deuter. xxx. 11. secundum litteram nostram: „Mandatum quod ego „præcipio tibi hodie, non supra te est, „neque procul positum, neque in cælo sum, „cum, ut possis dicere: Quis nostrum va- „let ad cælum conscendere, ut deferat il- „lud ad nos? „Nec est inconveniens, si quod Moyses dixit de mandato legis, hoc Apostolus attribuit Christo: quia Christus est Verbum Dei, in quo sunt omnia Dei mandata. Sic ergo intelligendum est quod dixit, *Quis ascendit in cælum?* id est *Christum deducere*, ac si dicat: Quis potest in cælum conscendere, ut Verbum Dei inde deferat ad nos? Et idem est dicendum in alioquod sequitur.

Deinde cum dicit: *Sed quid dicit Scriptura?* ostendit fructum fidei per eiusdem auctoritatem: & primo proponit auctoritatem; secundo exponit eam, ibi, *Hoc est verbum fidei quod prædicamus*; tertio probat expositionem esse convenientem, ibi, *Corde non creditur ad iustitiam; ore autem confessio fit ad salutem*. Dicit ergo primo: *Sed quid dicit Scriptura?* Hoc, inquam: *Prope est verbum in ore tuo, & in corde tuo*. Sic enim post præmissa verba Deuteronomii sequitur vers. 14. „Iuxta te est sermo valde, in „ore tuo, & in corde tuo.“ Quasi dicat: Non solliciteris, quod tibi de sit verbum fidei iustificantis, propter hoc quod Christus est in cælo secundum naturam divinam, aut quod descendit in infernum propter mortem humanitatis: quia ipse descendens de cælo, & resurgens ab inferis, impressit verbum fidei in ore tuo, & in corde tuo. Unde quod dicit, *Prope est*, potest referri ad hoc quod verbum Dei sumus adepti per Christum incarnatum, & resurgentem. Hebr. 11. 3. „Quæ (a) cum initium ac- „cepisset enarrari per Dominum ab eis qui „audierunt, in nos confirmata est.“ Hier. 1. 9. „Ecce dedi verba mea in ore tuo,“

Vel secundum Glossam, quod dicit, *Prope*, referendum est ad utilitatem, secundum quod dicimus, prope apud nos esse quod nobis est commodum & utile. Verbo enim Dei cor nostrum mundatur. Ioan. xv. 3. „Iam vos mundi estis propter sermonem „quem locutus sum vobis.“ Vel potest referri ad hoc quod verba fidei, etsi sint supra rationem: Eccli. 111. 25. „Plurima „supra sensum hominis monstrata sunt ti- „bi:“ non tamen sunt contra rationem, quia veritas non potest esse veritati contra- ria. Psal. xcii. v. „Testimonia tua credi- „bilia facta sunt nimis.“ Deinde cum dicit, *Hoc est verbum &c.*, exponit auctoritatem prædictam: & primo ostendit quod sit illud verbum de quo Moyses loquitur, dicens: *Hoc est verbum fidei, quod prædicamus*. II. Timoth. iv. 2. „Prædica verbum.“ Hierem. xxiii. 28. „Qui habet sermonem „meum, loquatur sermonem vere.“ Secundo exponit quomodo hoc verbum est in ore per confessionem, & in corde per fidem; & hoc est quod subdit: *Quia si confitearis in ore tuo Dominum Jesum Christum, scilicet recognoscens eum Dominum, subieciendo sibi tuum affectum, secundum quod dicitur I. Corinth. xxi. 3. „Nemo potest di- „cere, Dominus Iesus, nisi in Spiritu san- „cto:“ & iterum si credideris in corde tuo, scilicet fide formata, quæ per dilectionem operatur, ut dicitur Galat. v. 22. „Deus illum suscitavit a mortuis: Psal. xl. 11. „Tu autem Domine miserere mei, & re- „suscita me“ (quia, ut dicitur II. Corinth. ult. 4. „resurrexit ex virtute Dei,“ quæ est communis sibi, & Patri) *salvus eris*, scilicet salute æterna; de qua dicitur Esa. xlv. 17. „Salvatus est Israel in Domino sa- „lute æterna.“ Quod autem dicit, *Domini- num Jesum*, ad mysterium incarnationis refertur. Quod autem sequitur, *Christum*, manifeste ad resurrectionem refertur: de quibus duobus articulis supra fecerat mentionem,*

(a) Salus videlicet.

Corde enim creditur ad iustitiam; ore autem confessio fit ad salutem: dicit enim Scriptura: Omnis qui credit in illum, non confundetur. Non enim est distinctio Iudei, & Græci: nam idem Dominus omnium, dives in omnes qui invocant illum. Omnis enim quicumque invocaverit nomen Domini, salvus erit. Quomodo ergo invocant in quem non crediderunt; aut quomodo credent ei quem non audierunt? Quomodo autem audient sine prædicante? Quomodo vero prædicant nisi mittantur? Sicut scriptum est: Quam speciosi pedes evangelizantium pacem, evangelizantium bona! Sed non omnes obediunt Evangelio: Esaias enim dicit: Domine, quis credit auditui nostro? Ergo fides ex auditu, auditus autem per verbum Christi.

Postquam præmiserat Apostolus exponendum verbum Moysi, quod confessio oris, & fides cordis operantur salutem, proponens hoc causa exempli in duobus articulis, (a) de quibus videbatur Moyses fecisse mentionem; hic probat quod dixerat in universalis: & circa hoc tria facit. Primo ostendit quod per fidem, & confessionem homo consequitur salutem; secundo ponit salutis ordinem, ibi, *Quomodo ergo invocabunt in quem non crediderunt?* tertio inferit quamdam conclusionem ex dictis, ibi, *Ergo fides ex auditu.* Circa primum tria facit. Primo proponit quod intendit, dicens: Recte dico, quod si confitearis ore, & credas corde, salvus eris: *corde enim creditur*, ab homine, *ad iustitiam*, id est ad hoc ut iustitiam per fidem consequatur. Supra v. 1. *Iustificati igitur ex fide.* Signanter autem dicit, *Corde creditur*, id est voluntate: nam cetera, quæ ad exteriorum Dei cultum pertinent, potest homo nolens, sed credere non potest nisi volens. Intellectus enim credentis non determinatur ad assentiendum veritati ex necessitate rationis, sicut intellectus scientis, sed ex voluntate; & ideo scire non pertinet ad iustitiam hominis, quæ est in voluntate, sed credere. Genes. xv. 6. „Credidit Abraham Deo, & reputatum est illi ad iustitiam.“ Postquam autem homo est iustificatus per fidem, oportet quod eius fides per dilectionem operetur ad consequendam salutem: unde subdit: *Ore autem confessio fit ad salutem*, scilicet æternam consequendam. Esa. lvi. 6. „Salus autem mea in sempiternum erit.“ Est autem triplex confessio necessaria ad salutem. Primo quidem confessio propriæ iniquitatis, secundum illud Psalm. xxxi. 5.

„Dixi: Confitebor adversum me in iustitiam meam Domino;“ quæ est confessio penitentis. Secunda confessio est per quam homo constituitur Dei bonitatem misericorditer beneficia præstantis: Psalm. cxvii. 1. „Confitemini Domino, quoniam bonus;“ & hæc est confessio gratias agentis. Tertia est confessio divinæ veritatis: Matth. x. 32. „Omnis qui confitebitur me coram hominibus, confitebor & ego eum coram Patre meo;“ & hæc confessio est credentis, de qua nunc Apostolus loquitur. Hæc autem est necessaria ad salutem pro loco, & tempore, quando scilicet expolitur fides alicuius, scilicet a persecutore fidei; (b) vel quando periclitatur fides aliena, sicut præcipue prælati debent prædicare fidem subditis suis. Et ideo baptizati linuntur chrismate in fronte signo crucis, ut ipsum Crucifixum conspici non erubescant. Supra 1. 16. *Non enim erubescit Evangelium.* Ita est autem & de omnibus virtutum actibus, qui pro loco, & tempore sunt necessarii ad salutem: nam præcepta affirmativa, quæ de his dantur, obligant semper, sed non ad semper. Secundo ibi, *Dicit enim Scriptura &c.* probat per auctoritatem, dicens: *Dicit enim Scriptura*, scilicet Esaiæ xxxviii. 16. *Omnis qui credit in illum*, fide (c) scilicet formata, non confundetur, scilicet quasi deficiens a salute. Eccli. xi. 8. „Qui timebit Dominum, credite illi,“ & non evacuabitur merces vestra. „Littera vero nostra habet (Esai. loc. cit.) Qui crediderit, non festinet,“ ut supra didum est. Tertio ibi, *Non enim est distinctio &c.* probat hoc esse universaliter intelligendum, cum Esaias indefinitè hoc (d) proferat: & primo proponit quod in-

(a) *Id.* deest de quibus videbatur Moyses fecisse mentionem. (b) *Id.* ut quando. (c) *Id.* deest scilicet signum. (d) *Id.* proponit.

tendit, dicens: Ideo dictum est: *Omnis qui credit in illum, non confundetur: non enim est distinctio*, quantum ad hoc, *Judai, & Graeci*. Coloss. 111. 21. „ Ubi non est Gentilis, & Iudaeus, circumcisio, & praeputium. „ Secundo probat per rationem, quae duplici (a) medio innititur; quorum primum tangit dicens: *Nam idem Dominus omnium*, Supra 111. 29. *An Iudaeorum Deus tantum? Nunc & Gentium?* Psalm. xlv. 8. „ *Rex omnis terrae Deus*. „ Et ideo ad ipsum pertinet providere omnium salutem. Secundum medium tangit dicens: *Dives in omnes qui invocant illum*. Si enim non esset tantae bonitatis quod sufficeret (b) ad satisfactionem utriusque, posset putari quod non omnibus credentibus provideret; sed divitiae bonitatis eius, & misericordiae indeficientes sunt. Supra 11. 4. *An divitiae bonitatis eius (c) conueniunt?* Ephes. 11. 4. „ *Deus autem, qui dives est in misericordia*. „ Tertio probat idem per auctoritatem, quae habetur Ios. 11. 32. *Omnis qui cumque invocaverit nomen Domini, salvus erit*. Est autem invocare, in se vocare per affectum, & devotum cultum. Psalm. xc. 15. „ *Invocabit me, & ego exaudiam eum*. „

Deinde cum dicit, *Quomodo ergo invocant in quem non crediderunt?* ponit ordinem, quo quis vocatur in salutem quae est ex fide: & circa hoc duo facit. Primo ostendit quod ex quae sunt posteriora in hoc ordine, sine prioribus esse non possunt; secundo ostendit quod positae prioribus, non est necessarium posteriora poni, ibi, *Sed non omnes obediunt Evangelio*. Circa primum duo facit. Primo ponit ordinem eorum quae requiruntur ad salutem; secundo confirmat quod supponerat per auctoritatem, ibi, *Sicut scriptum est*. Ponit autem primo quique per ordinem, incipiens ab invocatione; ad quam, secundum auctoritatem Prophetarum, sequitur salus. Dicit ergo: *Quomodo ergo invocant in quem non crediderunt?* quasi dicat: Sine dubio invocatio salutem facere non potest, nisi fide praecedente. Pertinet autem invocatio ad confessionem oris, quae ex fide cordis procedit. Psalm. cxv. 10. „ *Credidi*, propter quod locutus sum. „ II. Corinth. xv. 13. „ *Nos credimus*, propter quod & loquimur. „

Secundo a fide ascendit, vel procedit ad auditum, dicens: *An quomodo credent ei quem non audierunt?* Illa enim homo credere dicitur quae sibi ab aliis dicuntur, quae

ipse non videt. Ioan. 1v. 42. „ *Iam non propter tuam loquelam credimus: ipsi enim audivimus, & scimus quia hic est vere Salvator mundi*. „ Est autem duplex auditus: unus quidem interior, quo quis audit a Deo revelante: Psalm. lxxxiv. 9. „ *Audiam quid loquatur in me Dominus Deus*: „ alius autem auditus est quo aliquis audit ab homine exterioris loquentis: Act. x. 4. „ *Adhuc loquente Petro verba haec, cecidit Spiritus sanctus super omnes qui audiebant verbum*. „ Primus autem auditus non communiter pertinet ad omnes, sed proprie pertinet ad gratiam prophetiae, quae est gratia gratis data: distincte aliquibus, sed non omnibus, secundum illud I. Corinth. xii. 4. „ *Divisiones gratiarum sunt*. „ Sed quia nunc loquitur de eo quod indistincte ad omnes pertinere potest, secundum illud quod supra dixit, *Nem enim est distinctio*: ideo relinquitur quod hoc sit intelligendum de secundo auditu: & ideo subdit: *Quomodo ergo audient sine radicante?* Auditus enim exterior est passio quaedam audientis, quae abque actione consequens esse non potest: unde & Dominus mandavit discipulis Marc. ult. 15. „ *Fentes*, in universum mundum praedicare Evangelium omni creaturae. „ Ea vero quae fidei sunt, praedicatores a semetipsis non habent, sed a Deo. Esa. xxi. 10. „ *Quae auri divi a Domino Deo exercituum, annuntiavi vobis*. „ I. Cor. xi. 23. „ *Ego enim accepi a Domino quod & tradidi vobis*. „ Et ideo Apostolus quarto subdit: *Quomodo vero praedicabunt nisi mittantur?* quasi dicat, *Non digne*. Hier. xiii. 31. „ *Non mittebam eos, & ipsi currebant*. „ Mittuntur aliqui a Domino dupliciter. Uno modo immediate ab ipso Deo per inspirationem internam: Esa. xlviii. 16. „ *Et nunc Dominus Deus misit me, & spiritus eius*. „ Huius autem missionis signum quandoque quidem est sacra Scripturae auctoritas: unde Ioannes Baptista, cum quaereretur ab eo quis esset, auctoritatem Prophetarum induxit, dicens: „ *Ego vobis ciamantis in deserto, Dirigite viam Domini*, „ sicut dixit Elaias Propheta, „ ut legatur Ioan. 1. 23. Quandoque autem signum huius missionis (d) est veritas eorum quae annuntiantur: unde per contrarium dicitur Deut. xvi. 12. 22. quod hoc habebit signum. „ *Quod in nomine Domini Propheta praedixerit, & non eveniet*; hoc Dominus non est

„ 10-

(a) *Al. modo*. (b) *Al. ad satisfactionem utriusque*. (c) *Al. est conveniens*. (d) *Al. est veritas quae annuntiat*.

locutus. "Quandocumque vero signum huius missionis est operatio miraculi: unde dicitur Exod. 17. quod cum dixisset Moyses Domino, vers. 1. „Non credent mihi, nec audient vocem meam,“ scilicet illi ad quos mittor, Dominus dedit ei potestatem signa faciendi. Nec tamen ista duo ultima sufficienter demonstrant Dei missionem, præsertim cum aliquis annuntiat aliquid contra fidem: dicitur enim Deut. xiii. 1. „Si surrexerit in medio tuorum propheta, & prædixerit signum, atque portentum, & evenierit quod locutus est, & dixerit tibi, „Eamus, & sequamur Deos alienos; non audies verba illius.“ Alio modo mittuntur aliqui a Deo mediante auctoritate prælatorum, qui gerunt vicem Dei II. Corinth. viii. 18. „Missimus cum illo fratre nostro, cuius laus est in Evangelio per omnes Ecclesias.“

Deinde cum dicit, *Sicut scriptum est*, inducit auctoritatem ad probandum hoc ultimum, quod dixerat de missione prædicatorum, dicens: *Sicut scriptum est*, Esai. lxi. 7. *Quam speciosi pedes evangelizantium pacem, evangelizantium bona!* ubi littera nostra sic habet: (a) „Quam pulchri supra montes pedes prædicantis, & annuntiantis pacem, annuntiantis bonum!“ Et similiter habetur Nahum 1. 15. „Ecce super montes pedes evangelizantis, & annuntiantis pacem.“ In his autem verbis primo commendatur processus prædicatorum, cum dicit, *Quam speciosi pedes!* quod dupliciter potest intelligi. Uno modo ut per pedes intelligantur eorum processus, quia scilicet ordinate procedunt, non usurpantes sibi prædicationis officium. Cant. vii. 1. „Quam pulchri sunt gressus tui in calceamentis, filia principis!“ Alio modo possunt intelligi per pedes, affectus, qui rectitudinem habent, dum non intentione laudis, aut lucri, verbum Dei annuntiant, sed propter hominum salutem, & Dei gloriam. Ezech. 1. 7. „Pedes eorum, pedes recti.“ Secundo tangit prædicationis materiam, quæ quidem est duplex. Prædicant enim ea quæ sunt utilia ad vitam præsentem; quod designat cum dicit, *Evangelizantium pacem*, scilicet triplicem. Primo quidem annuntiant pacem, quam Christus fecit inter homines & Deum. II. Corinth. v. 19. „Dus erat in Christo, mundum reconcilians sibi... & posuit in nobis verbum reconciliationis.“ Supra v. 1. *Pacem habemus per Jesum Christum ad Dominum.* Secundo

annuntiant pacem habendam cum omnibus hominibus. Infra xii. 18. *Si fieri potest, quod ex verbis est, cum omnibus hominibus pacem habentes.* Tertio annuntiant ea per quæ homo potest habere pacem in semetipso. Psalm. cxviii. 165. „Pax multa diligentibus legem tuam Domine.“ Et sub his tribus continentur omnia quæ in hac vita sunt utilia ad salutem, vel quantum ad Deum, vel quantum ad proximum, vel quantum ad semetipsum. Prædicant etiam ea quæ speramus habere in alia vita; & quantum ad hoc dicit, *Evangelizantium bona.* Lucæ xii. 44. „Super omnia bona sua constituet eum.“

Deinde cum dicit, *Sed non omnes obediunt Evangelio*, ostendit ex prioribus non semper lequi posteriora. Licet enim non possit esse quod quis credat, nisi audiat a prædicante; non tamen quicumque audit a prædicante, credit; & hoc est quod subdit: *Sed non omnes obediunt Evangelio.* II. Thess. iii. 2. „Non enim omnium est fides.“ Hoc autem dicit ideo ut ostendatur quod verbum exterius loquentis non est causa sufficiens fidei, nisi cor hominis attrahatur (b) interiori virtute Dei loquentis. Ioan. vi. 45. „Omnes qui audivit a Patre meo, & didicit, venit ad me.“ Et sic quod homines credunt, non est attribuendum prædicatori industriae. Per hoc etiam ostenditur quod omnes increduli non excusantur a peccato, sed illi qui non audiunt, & non credunt. Ioan. xv. 22. „Si non venissem, & locutus es non fuisset, peccatum non haberent. Nunc autem excusationem non habent de peccato suo.“ Et hoc etiam magis cononat his quæ Apostolus posterius dicit. Secundo ad hoc inducit auctoritatem, cum subdit: *Esaias enim dicit: Domine, quis credidit auditui nostro?* quasi diceret, rarus. Ezech. 11. 6. „Increduli, & subversores sunt tecum.“ Mich. vii. 1. „Factus sum sicut qui colit, ligit in autumnum racemos vindemiæ.“ Quod quidem Esaias dixit prævidens Iudæorum infidelitatem futuram. Eccli. xlviii. 27. „Spiritu magno vidit ultima, & conatus solatus est lugentes in Sion.“ Dicit autem, *Auditui nostro*, vel propter id quod a Deo audierunt, sicut dicitur in Abdia 1. „Auditum audivimus a Domino, & legatos ad Gentes misit:“ vel propter id quod homines ab Apostolis audiebant: Ezech. xxxiii. 31. „Audiant verba tua, & non faciunt ea.“

Dein-

(a) *Al.* „Quam pulchri supra montes pedes annuntiantis bonum!“ (b) *Al.* *emittitur interior.*

Deinde cum dicit, *Ergo fides ex auditu*, insert conclusionem ex dictis, dicens: *Ergo ex quo aliqui non credunt, nisi audierint, fides est ex auditu*. Psalm. xvii. „In „ auditu auris obediuit mihi.

Sed contra videtur esse quod fides est virtus infusa divinitus. Phil. i. 29. „Vobis datum est ut in ipsum credatis.

Dicendum est ergo, quod ad fidem duo requiruntur: quorum unum est cordis inclinatio ad credendum, & hoc non est ex auditu, sed ex dono gratiae; aliud autem est determinatio de credibili, & istud est ex auditu. Et ideo Cornelius, qui habebat

eor inclinatum ad credendum, necesse habuit ut ad eum mitteretur Petrus, qui ubi determinaret quid esset credendum. (Act. x.)

Ex eo vero quod dixerat, *Quomodo audient sine praeconio, & quomodo predicabunt nisi mittantur?* concludit: *Auditus autem, scilicet credentium, est per verbum prae-dicatorum, quod est verbum Christi*: vel quia est de Christo: I. Corinth. i. 23. „Nos prae-dicamus Christum Iesum (a) vel quia a Christo habent quod mittantur: I. Corinth. xi. 23. „Ego enim accepi a Domino quod „ & tradidi vobis.

L E C T I O III.

Sed dico: Numquid non audierunt? Et quidem in omnem terram exivit sonus eorum, & in fines orbis terrae verba eorum. Sed dico: Numquid Israel non cognovit? Primus Moyses dicit: Ego ad emulationem vos adducam in non gentem, in gentem insipientem, in iram vos mittam. Esaias autem audet, & dicit: Inventus sum a non quaerentibus me; palam apparui his qui me non interrogabant. Ad Israel autem dicit: Tota die expandi manus meas ad populum non credentem, sed contradicentem mihi.

Postquam (a) Apostolus ostendit casum Iudaeorum esse miserandum, quia ex ignorantia peccaverunt; hic ostendit quod eorum talis casus non est excusabilis ex toto, quia eorum ignorantia non fuit invincibilis, vel ex necessitate existens, sed quodammodo voluntaria: & hoc quidem ostendit dupliciter. Primo quidem per hoc quod audierunt ex doctrina Apostolorum; secundo per hoc quod cognoverunt ex doctrina legis, & Prophetarum, ibi, *Sed dico: Numquid Israel non cognovit?* Circa primum duo facit. Primo proponit quaestionem, dicens: Dictum est, quod fides est ex auditu, & non possunt homines credere ei quem non audierunt. Dico ergo: *Numquid non audierunt?* ut scilicet per hoc possint excusari totaliter ab incredulitate, secundum illud Ioan. xv. 22. „Si non venissem, & locutus „ eis non fuisset, peccatum non haberent. Secundo ad quaestionem respondet (b) in-terimendo per auctoritatem Psalmistae dicens: *In omnem terram exivit sonus eorum*, scilicet Apostolorum; id est, fama eorum exivit in omnem terram, non solum Iudaeorum, sed etiam omnium Gentium. Job xxviii. 22. „Perdidit, & mors dixerunt: Auribus nostris audivimus famam

„ eius, „ scilicet sapientiam per Apostolos praedicatam. Et Dominus eis praeceperat Marc. ult. 15. „Euntes in universum mundum, praedicate Evangelium „ omni creaturae. „ Et verba eorum, scilicet distincta eorum doctrina, exierunt in fines orbis terrae: ad litteram, usque ad fines mundi. Esai. xxiv. 16. „A finibus „ terrae laudes audivimus, gloriam iusti: „ & xli. 6. „Dedi te in lucem Gentium „ ut sis salus mea usque ad extremum terrae.

Et est notandum, quod secundum Augustinum (epist. lxxx.) haec verba nondum erant completa, quando Apostolus talia loquebatur, sed praevidebat ea esse complenda; & ideo utitur praeterito pro futuro propter certitudinem divinae praedestinationis; sicut etiam David, cuius verba assumit Apostolus, manifeste utebatur praeterito pro futuro. Et ideo hoc dicit Augustinus, quia adhuc tempore suo dicit fuisse quasdam gentes in Africa partibus, quibus non erat fides Christi praedicata. Chrysostomus autem super Matth. (hom. lxxvi.) e contrario dicit, hoc quod hic dicitur, completum fuisse tempore Apostolorum, exponens sic quod habetur Matth. xxv. 14. (c)

„ Et

(a) *M.* Postquam ostendit Iudaeorum esse miserandum. (b) *M.* Interimendo. (c) *M.* Et praedicavit hoc Evangelium etc.

„ Et oportet hoc Evangelium prædicari „ in universo orbe ... & tunc veniet con- „ summatio,“ id est destructio Hierusalem. Utrumque autem est aliquoties verum : tempore enim Apostolorum ad omnes gentes, etiam usque ad fines mundi, pervenit aliqua fama de prædicatione Apostolorum per ipsos Apostolos, vel discipulos eorum: Matthæus enim prædicavit in Æthiopia, Thomas in India, Petrus & Paulus in Occidente: & hoc est quod Chrysostomus dicere intendit. Non tamen sic fuit implendum tempore Apostolorum quod in omnibus gentibus Ecclesia edificaretur; quod tamen est implendum ante finem mundi, ut dicit Augustinus in Epistola ad Helychium. Magis tamen præfenti intentioni Apostoli congruit expositio Chrysostomi, quam Augustini. Nulla enim ratio esset auferendi excusationem infidelibus per hoc quod in futurum erant audituri. Per hoc tamen non habetur quod ad singulos homines fama prædicationis apostolicæ pervenerit, licet pervenerit ad omnes gentes.

Numquid ergo illi ad quos non pervenit, utpote si fuerint nutriti in filvis, excusationem habent de peccato infidelitatis?

Ad hoc dicendum est, quod secundum sententiam Domini, quæ habetur Ioan. xv. illi qui loquentem Dominum per se, vel per eius discipulos non audierunt, excusationem habent de peccato infidelitatis; non tamen beneficium Dei consequuntur, ut scilicet iustificentur ab aliis peccatis, vel quæ nascendo contraxerunt, vel male vivendo addiderunt: & pro his merito damnantur. Si qui tamen eorum fecissent quod in se est, Dominus eis secundum suam misericordiam providisset, mittendo eis prædicatorem fidei, sicut Petrum Cornelio, Act. x. & Paulum Macedoniis, ut habetur Act. xv. Sed tamen hoc ipsum quod aliqui faciunt quod in se est, convertendo se scilicet ad Deum, ex Deo est movente corda ipsorum ad bonum. Thren. v. 21. „ Convertite nos Domine ad te, & „ convertertemur.“

Deinde cum dicit, *Sed dico: Numquid Israel non cognovit?* ostendit eos esse inexcusabiles propter notitiam quam habuerunt ex lege, & Prophetis: & primo movet quæstionem, dicens: *Sed dico*, adhuc inquirendo: *Numquid Israel*, id est populus S. Th. Oper. Tom. VI.

Iudæorum, non cognovit ea quæ pertinent ad mysterium Christi, & ad vocationem Gentium, & casum Iudæorum? Plane cognovit. Supra 11. 18. *Instructus per legem*. Psalm. cxlvii. 20. „ Non fecit taliter omni „ nationi.“ Bar. iv. 4. „ Beati sumus, o „ Israel, quoniam quæ placita sunt Deo, „ manifesta sunt nobis.“ (a) Secundo cum dicit ibi, *Primus Moyses dicit*, solvit quæstionem, & ostendit eos cognovisse, primo quidem per doctrinam legis, dicens: *Primus Moyses dicit*; qui est legislator: quod non est sic intelligendum per hoc quod inducit, *Primus*, quasi fuerint duo Moyses, quorum primus hoc dixit; sed quia Moyses fuit primus, id est præcipuus inter doctores Iudæorum. Deuteronom. ult. 10. „ Non „ surrexit ultra Propheta in Israel sicut „ Moyses.“ Vel primus fuit in ordine talia dicendi, quia ipse primus inter alios hoc dixit, Deuteronom. xxxii. 21. *Ego ad „ emulationem vos adducam in non gentem, in „ gentem insipientem, in iram vos mittam*: ubi littera nostra sic habet: „ Ego provocabo „ eos in eo qui non est populus, & in „ gente stulta irritabo eos.“ Ubi duplex est distinctio attendenda. Prima quidem ex parte gentilitatis, quam vocat non gentem, quasi non dignam vocari gentem, eo quod non erat adunata in cultu unius Dei. Eccli. i. 27. (b) „ Tertia non est gens, quam „ oderim.“ Eandem autem (c) gentem vocat gentem insipientem: & si aliquoties gens dici posset, secundum quod adunata, & gubernatur lege humana; dicitur tamen insipiens, quasi privata vera sapientia, quæ in cognitione, & cultu Dei consistit. Ephes. iv. 17. „ Sicut & gentes ambulantes „ in vanitate sensus sui, tenebris obscura- „ tum habentes intellectum, alienati (d) „ a vita Dei.“ Et sic refertur ad gentilitatem secundum statum ante conversionem. Possunt hæc etiam duo attribui gentilitati post conversionem, quæ dicitur non gens, id est non gentiliter vivens, sicut Apostolus dicit ibidem: „ Jam non amplius „ ambuletis sicut & Gentes.“ Dicitur etiam gentilitas conversa, gens insipiens, secundum opinionem infidelium. I. Corinth. xii. 18. „ Si quis inter vos sapiens vide- „ tur esse (e) in hoc sæculo, stultus fiat, „ ut sit sapiens.“ Secunda differentia attenditur quantum ad hoc quod primo ponit emulationem, scilicet invidiam, qua Iu-
y dæi

(a) Al. Secundo determinat motam quæstionem, cum dicit, *Primus Moyses dicit*, qui est legislator &c. (b) Al. Secunda. (c) Al. gentilitatem. (d) Al. a vita Dei. (e) Al. dicit in hoc sæculo.

dñi invidabant Gentilibus conversis. Galat. 1v. 17. „Aemulantur vos non bene.“ Secundo ponit iram qua contra eos irascuntur. Psalm. xxxvi. 12. „Observabit peccator iustum, & stridebit super eum dentibus suis.“ Et hæc duo congrue coniunguntur, quia ex invidia caulatur ira: unde Iob v. 2. dicitur: „Virum stultum interficit iracundia, & parvulum occidit invidia.“ Dicitur autem Deus in æmulationem inducere, & in iram mittere, non quidem in eis cauſando malitiam, sed subtrahendo gratiam, vel potius faciendo conversionem Gentium, unde Iudæi occasione iræ, & invidiæ sumunt.

Secundo ostendit eos cognovisse per doctrinam Prophetarum, & inducit Esaiam primo quidem prænuntiantem conversionem Gentium, dicens: *Esaias autem audivit, & dicit*: idest, audacter Iudæis annuntiat veritatem, quamvis ei periculum mortis immineret. Iob xx. 12. 21. „Audacter in occursum pergit armatis.“ Et dicit Esai. lxxv. 1. *Inventus sum a Gentibus non quærentibus me; palam apparui his qui me non interrogabant*: ubi littera nostra sic habet: „Quæsierunt me qui ante non interrogabant; invenerunt qui non inquisierunt me.“ In his autem verbis primo designat conversionem Gentium, dicens: *Inventus sum a Gentibus non quærentibus me*: & ideo præter merita, & intentionem Gentilium ostenditur fuisse eorum conversio. Infra xv. 9. *Gentes autem super misericordia honorare Deum*. De hac autem intentione dicitur Matth. xlii. 44. „Simile est regnum cælorum thesauro abscondito in agro, quem qui invenit homo, abscondit, & præ gaudio illius vadit, & vendit universa quæ habet, & emit agrum illum.“ Secundo ostendit causam, & modum conversionis eorum. Causam quidem, quia non casu factum est ut invenirent quod non quærebant, sed ex gratia eius qui eis voluit apparere: quod designatur in hoc quod dicit, *Apparui*. Tit. xi. 11. „Apparuit gratia Salvatoris nostri Dei omnibus hominibus.“ Modum autem, quia non apparuit Christus Gentilibus in ænigmatibus, & figuris legis, sed in manifesta veritate: unde dicit, *Palam*. Ioan. xvi. 29. „Ecce palam loqueris, & proverbium nullum dicis.“ *Palam*, inquit, apparui eis, scilicet Gentilibus, qui

me non interrogabant; idest, qui meam doctrinam non quærebant. Esa. xlv. 20. „Rogant Deum non salvantem.“ Secundo ostendit quod Esaias prænuntiavit incredulitatem Iudæorum, dicens: *Ad Israel autem, idest contra Israel, dicit*, Esa. lxxv. 2. *Tota die expandi manus meas ad populum non credentem, sed contradicentem mihi*: ubi nostra littera sic habet: „Expandi manus meas (a) tota die ad populum incredulum, qui graditur in via non bona post cogitationes suas, populus qui ad iracundiam provocat me.“ Quod autem dicit, *Expandi manus meas*, potest uno modo intelligi de expansione manuum Christi in cruce: quæ quidem dicitur fuisse in cruce tota die, idest principali parte totius diei, scilicet ab hora sexta usque ad vesperras, Matth. xxvii. Et quamvis eo expandente manus in cruce, sol sit obscuratus, petra scissæ, monumenta aperta; Iudæi tamen in sua incredulitate permanerunt, eum blasphemantes, ut dicitur Matth. xxvii. Unde subdit: *Ad populum non credentem, sed contradicentem mihi*. Hebr. xii. 3. „Recogitate eum qui talem fuisse non peccatoribus adversus semetipsum contradictionem.“ Alio modo potest referri ad extensionem manus Dei in miraculis faciendis: Act. xv. 30. „In eo quod manum tuam extendis ad sanitates, & signa, & prodigia fieri per nomen sanctum Filii tui Iesu“: ut sit sensus. *Tota die*, idest toto tempore prædicationis meæ, expandi manus meas, miracula faciendo, ad populum non credentem, etiam in miraculis viis: Ioan. xv. 24. „Si opera non fecissem quæ nemo alius fecit, peccatum non haberent:“ *sed contradicentem mihi*, idest meis miraculis detrahentem, secundum illud Matth. xlii. 24. „In Beelzebub principem demoniorum eicit demonia.“ Osee. iv. 4. „Populus tuus sicut hi qui contradicunt sacerdoti.“ Tercio potest intelligi de extensione manus Dei ad beneficia illi populo exhibita, secundum illud Proverb. i. 24. „Extendi manum meam, & non fuit qui alpicere:“ ut sit sensus. *Tota die*, idest toto tempore legis, & Prophetarum, expandi manus meas, ad dandum beneficia, ad populum non credentem, sed contradicentem mihi. Deuter. xxxi. 27. „Semper contentiose egillis contra Dominum.“

(a) *id. amittitur tota die.*

CAPITIS UNDECIMI

LECTIO I.

Dico ergo: Numquid repulit Dominus Deus populum suum? Absit: nam & ego Israelita sum ex semine Abraham, de tribu Benjamin. Non repulit Deus plebem suam, quam præsavit. An nescitis in Elia quid dicit Scriptura, quem admodum interpellat Deum ad verum Israel? Domine, Prophetas tuos occiderunt, altaria tua suffoderunt; & ego relictus sum solus, & quaerunt animam meam. Sed quid dicit illi divinum responsum? Reliqui mihi septem millia virorum, qui non curvaverunt genna ante Baal. Sic ergo & in hoc tempore reliquiae, secundum electionem gratiae Dei, salvae factae sunt. Si autem gratia, iam non ex operibus: alioquin gratia iam non est gratia. Quid ergo? Quod quaerebat Israel, hoc non est consecutus; electio autem consecuta est; ceteri vero excæcati sunt; sicut scriptum est: Dedit illis Deus spiritum compunctionis, oculos ut non videant, & aures ut non audiant usque in hodiernum diem. Et David dicit: Fiat mensa eorum coram ipsis in laqueum, & in captionem, & in scandalum, & in retributionem illis: obsecrentur oculi eorum ne videant; & dorsum eorum semper incurva.

Postquam Apostolus ostendit Iudæorum casum esse miserandum, non tamen totaliter excusabilem; hic ostendit casum Iudæorum non esse universalem: & primo movet quaestionem; secundo solvit, ibi, *Absit*; tertio insert conclusionem, ibi, *Quid ergo? Quod quaerebat Israel, hoc non est consecutus*. Dicit ergo primo: Dico adhuc inquirendo: Numquid Deus repulit, totaliter, populum suum? scilicet Iudæorum, quia vocat eum non credentem, sed contradicentem. Et hoc Psalmista etiam inquit, dicens Psal. lxxxiii. 1. „ Ut quid Deus repulisti in finem? “ Thren. ii. 7. „ Repulit Dominus altare suum. “

Deinde cum dicit, *Absit*, solvit quaestionem, ostendens quod Deus non totaliter repulit populum Iudæorum; & hoc est quod dicit, *Absit*, ut scilicet populus Iudæorum sit totaliter repulsus: & hoc quidem primo probat quantum ad personam suam, dicens: *Nam & ego*, scilicet in fide Christi existens, *Israelita sum*, scilicet gente. II. Cor. xi. 22. „ Israelitae sunt, & ego. “

Et quia in populo Israel erant aliqui profelyti, qui non descenderunt secundum carnem ex Patriarchis, secundo hoc de se excludit, subdens, *Ex semine Abrahae*. II. Cor. xi. 22. „ Semen Abraham sunt, & ego. “ Erant autem in populo Iudæorum Tribus distinctae secundum filios Iacob, quorum quidam fuerunt filii ancillarum, quidam uxorum; Ioseph autem, & Benjamin filii Rachel praedilectae uxoris. Unde tertio suam

excellentiam in populo Iudæorum ostendens dicit, *Ex tribu Benjamin*. Phil. iiii. 9. „ Ex genere Israel de tribu Benjamin. “ Unde & de eo exponitur a quibusdam quod legitur Gen. penult. 27. „ Benjamin lupus rapax, mane comedit praedam, & ves. pere dividit spolia. “ Secundo ibi, *Non repulit Deus plebem suam*, ostendit populum illum non esse repulsus a Deo, etiam quantum ad multos electos suos: & primo proponit quod intendit; secundo inducit similitudinem, dicens, *An nescitis in Elia quid dicit Scriptura?* tertio adaptat eam, ibi, *Sic ergo & in hoc tempore*. Dicit ergo primo: Non solum ego non sum repulsus, sed *Deus non repulit plebem suam*, totam, quam præsavit, id est praedestinavit. Supra viii. 29. *Quos præsavit, hos & praedestinavit*. Psal. xciii. 14. „ Non repellet Dominus plebem suam. “ Quod Apostolus hic exponit quantum ad praedestinatos. Deinde cum dicit, *An nescitis &c.* inducit similitudinem de his quae contigerunt tempore Eliae, quando etiam totus populus videbatur a cultu unius Dei aberrasse: ubi primo ponit interpellationem Eliae; secundo responsum Domini, ibi, *Sed quid dicit Scriptura divina?* Dicit ergo primo: *An nescitis quid Scriptura sacra dicit in Elia*, id est de Elia? III. Reg. xix. vel in Elia, id est in libro de Elia scripto: totus enim Liber Regum est principaliter scriptus ad notificandum dicta, & facta Prophetarum: unde & inter Libros propheticos computatur,

ut Hieronymus dicit in Prologo Libri Regum: *quemadmodum*, scilicet ipse Elias, *interpellat Deum adversus Israel*.

Contra quod videtur esse verbum Samuelis dicentis I. Reg. xii. 23. „ Absit hoc „ peccatum a me in Domino, ut cesset „ orare pro vobis. “ Multo ergo minus est contra populum interpellandum.

Sed intelligendum est, quod Prophetæ contra populum aliquem interpellant tripliciter. Uno modo conformando voluntatem suam voluntati divinæ eis revelatæ, sicut & in Psal. lxxii. 11. dicitur: „ Læ- „ tabitur iustus cum viderit vindictam. “ Alio modo interpellando contra regnum peccati, ut scilicet non homines, sed peccata hominum destruantur. Tercio modo interpellatio, vel oratio est interpretanda per modum denuntiationis, secundum illud Hier. xvii. 18. „ Confundantur qui me „ persequuntur, “ scilicet confundentur.

Duo autem in hac sua interpellatione contra eos allegat. Primo quidem impietatem, quam commiserant contra cultum Dei. Uno quidem modo persequendo ministros eius; quod tangit dicens: *Domine, Prophetas tuos occiderunt*. III. Reg. xviii. 13. „ Numquid non indicatum est tibi domino „ meo quod fecerim, cum interficeret Iezabel Prophetas Domini? “ Act. vii. 52. „ Quem Prophetarum non sunt persecuti „ patres vestri? “ Alio modo quantum ad loca Deo sanctificata, secundum illud Psal. lxxiii. 7. „ Incenderunt igni sanctorum „ tuum: “ & quantum ad hoc dicit: *Altaria tua suffuderunt*. Unde notandum est quod Deuter. xii. 5. Dominus mandavit dicens: „ Ad locum quem elegerit Dominus „ Deus vester de cunctis tribubus vestris, „ ut ponat nomen suum ibi, & habitet in „ eo, venietis, & offeretis in illo loco holocausta, & victimas vestras. “ Tamen ante ædificationem templi permittitur populo ut in diversis locis altaria construeret ad cultum divinum: quod quia erat contra legem, ædificato iam templo, Ezechias Rex piissimus omnia huiusmodi altaria destrui fecit; & hoc est quod dicitur IV. Reg. xviii. 22. „ Nonne iste est Ezechias, „ qui abstulit excelsa, & altaria, & præcepit Iudæ, & Hierusalem: Ante altare „ hoc adorabitis in Hierusalem? “ Quod ergo Ezechias fecit ex pietate, hoc fecit Achab, & Iezabel ex impietate, volentes cultum Dei totaliter extirpare. (a) Secundo alle-

gat contra eos impietatem quam facere intendebant, dicens: *Ex reliquiis Iumæ solus*, scilicet in cultu unius Dei: quod quidem dixit Elias, eo quod alii non ita aperte manifestabant se esse Dei cultores: dicitur enim de eo Eccli. xlviii. 1. „ Surrexit „ Elias Propheta quasi ignis, & verbum illius quasi facula ardebat. “ *Et quarum animam mam*, scilicet ut auferant eam. Miserat enim Iezabel ad Eliam III. Reg. xix. 2. dicens: „ Hæc mihi faciant dii, & hæc „ addant, nisi hac hora cras posuero animam tuam sicut animam unius ex illis, “ scilicet Prophetis Baal, quos occiderat Elias.

Deinde cum dicit, *Sed quid dicit* &c. ponit divinum responsum, dicens: *Sed quid dicit Scriptura ibidem*, scilicet dixisse illi, scilicet Eliæ, *responsum divinum*? Hoc, inquam, quod sequitur: *Reliqui mihi*, id est in cultu meo, non permittendo eos cadere in peccatum, *septem millia virorum* (ponitur certum pro incerto, propter perfectionem septenarii, & milliarii) qui non curvaverunt genua ante Baal; id est, qui cultum Dei non deseruerunt. Eia. xlii. 7. „ Omnis „ nius qui invocavit nomen meum, in gloriam meam creavi eum. “

Deinde cum dicit. *Sic ergo* &c. adaptat quod dixerat, ad propositum: & primo ponit adaptationem, dicens: *Sic ergo & in hoc tempore*, in quo videtur multitudo populi deviasse, *reliquia*, id est multi qui sunt relictii ab illo excidio, *salva sunt*, vel *salva facta sunt*, secundum electionem gratia Dei, id est secundum gratitatem electionem Dei. Ioan. xv. 16. „ Non vos me elegistis, sed „ ego elegi vos. “ Secundo ex hoc infert conclusionem, dicens: *Si autem gratia*, salvi facti sunt, iam non ex operibus, eorum. Tit. iii. 5. „ Non ex operibus iustitiarum quæ fecimus nos, sed secundum suam „ misericordiam salvos nos fecit. “ Tercio ostendit sequi conclusionem ex præmissis, dicens: *Alioquin*, scilicet si gratia est ex operibus, iam non est gratia, quæ dicitur ex eo quod gratis datur. Supra iii. 24. *Iustificati gratis per gratiam ipsius*.

Deinde cum dicit, *Quid ergo*? infert conclusionem intentam: & primo ponit eam, dicens: *Quid ergo secundum præmissa dicemus*? Hoc scilicet quod Israel, quantum ad maiorem multitudinem populi, non est consecutus quod quærebant, scilicet iustitiam. Et hoc modo intelligendum est quod supra ix. 31. dictum est: *Israel sectando legem iustitia*,

in legem iustitiae non pervenit: Ioan. vii. 34. „ Quæretis me, & non invenietis: ita tamen quod electi, id est electi ex Iudæis, consecuta est, iustitiam: Ephel. i. 4. „ Electi nos in ipso, ut essemus sancti: „ *et tunc vero*, id est alia pars populi, *excitati sunt*, propter suam malitiam. Sap. ii. 21. „ Excitavit eos malitia eorum. „ Secundum ibi, *Sicut scriptum est*, manifestat conclusionem quantum ad ultimam partem: & primo per auctoritatem Elisæ; secundo per auctoritatem David, ibi, *Et David dicit*. Circa primum notandum, quod Apostolus componit auctoritatem ex duabus. Legitur enim Esa. xxix. 10. „ Misit vobis spiritum, tum soporis; „ & quantum ad hoc dicit: *Dedit Deus illis spiritum compunctionis*; quod pertinet ad pervertitatem affectus: compunctio enim importat quandam cordis punctiorem, sive dolorem. Est ergo quædam bona compunctio, qua quis dolet de propriis peccatis, secundum illud Psal. lxxv. 5. „ Potasti nos vino compunctionis. „ Est autem & mala compunctio, scilicet invidiæ, qua quis dolet de bonis aliorum. Hunc ergo compunctionis, id est invidiæ, spiritum eis dedit Deus, non quidem immittendo malitiam, sed subtrahendo gratiam, sicut supra x. 19. dictum est: *Ego ad amulationem adducam vos in non gentem*. Item legitur Esa. vi. 10. „ Excæca cor populi huius, „ & aures eius aggrava, & oculos eius, „ claudet; ne forte videat oculis suis, & „ auribus suis audiat. „ Et quantum ad hoc, designans defectum cognitivæ virtutis, subdit: *Oculus ut non videant*, scilicet per seipsum quantum ad miracula, quæ Christus eis videntibus fecit; & *auris ut non audiant*, scilicet fructuose doctrinam Christi, & Apostolorum. Esa. xlii. 10. „ Qui vultis multa, nonne custodietis? Qui apertis aures habes, nonne audies? „ Addit autem Apostolus de suo, *Uisque in hodiernum diem*: quia in fine mundi videbunt, & au-

dient, quando convertentur corda filiorum ad patres eorum, ut dicitur Malach. ult. Deinde cum dicit, *Et David dicit*, ponit ad idem auctoritatem David: in qua primo tangit occasionem defectus Iudæorum, dicens: *Plat mensa eorum*, id est malitia, qua peccatores repleantur. Iob xx. 12. „ Cum „ dulce fuerit in ore eius malum, abscondit illud sub lingua sua. „ Quæ quidem mensa est *eorum ipsi*, quando ex certa malitia peccant. Hoc quidem fit in *laqueum*, quando ex ea paratur tentatio ad peccandum: Esa. xxiv. 18. „ Qui explicaverit se „ de fovea, tenebitur laqueo: „ & in *captivum*, quando delectationi succumbit (A) per consensum: Esa. viii. 15. „ Capiuntur, „ & irretientur: „ & in *scandalum*, id est impactionem casus, quando ruunt de peccato in peccatum: Psal. cxviii. 165. *Pax „ multa diligentibus legem tuam, & non „ est illis scandalum*. „ & in *retributionem illis*, quando scilicet puniuntur pro suis peccatis. Vel quia hoc ipsum est retributio delictorum, quia Deus eos permittit sic cadere. Psal. xciii. 2. „ Redde retributionem superbis. „ Vel mensa est sacra Scriptura Iudæis apposta: Prov. ix. 2. „ Pro „ possit mentiam suam. „ Quæ quidem fit in *laqueum*, quando occurrit aliquod ambiguum; in *captivum*, quando male intelligitur; in *scandalum*, quando ruit in pertinationem erroris; & in *retributionem*, ut supra. Secundo ponit ipsum defectum quantum ad cognitivam virtutem, cum dicit: *Obscurentur oculi eorum ut videant*: quod magis pronuntiando, quam optando dicitur. Ephel. iv. 18. „ Tenebris obscuratum habentes intellectum. „ Et quantum ad affectum, cum dicit: *Et dorsum eorum*, id est liberum arbitrium, quod portat ad bona, & ad mala, *semper incurva*; id est, incurvari permittit ab æternis ad temporalia, a rectitudine iustitiæ ad iniquitatem. Esai. li. 23. „ Incurvare ut transcamus. „

L E C T I O II.

Dico ergo: Numquid sic offenderunt ut caderent? Absit. Sed illorum delicto salus est Gentibus, ut illos æmulentur. Quod si delictum illorum divitiæ sunt mundi, & diminutio eorum divitiæ Gentium; quanto magis plenitudo eorum? Vobis enim dico Gentibus: Quamdiu quidem ego sum Gentium Apostolus, ministerium meum honorificabo, si quomodo ad æmulandum provocem carnem meam, & salvos faciam aliquos ex illis. Si enim amidiis eorum, reconciliatio est mundi; quæ assumptio nisi vita ex mortuis? Quod si delibatio sancta est, & massa; & si radix sancta, & rami.

P. A.

(A) A. per sensum.

Postquam Apostolus ostendit quod casus Iudæorum non est universalis, hic incipit ostendere quod casus eorum non est inutilis, neque irreparabilis: & circa hoc duo facit. Primo ostendit casum Iudæorum esse utilem, & reparabilem; secundo excludit gloriam Gentilium Iudæis insultantium, ibi, *Quod si aliqui ex ramis fracti sunt...* *non gloriantur adversus ramos.* Circa primum duo facit. Primo proponit quæstionem; secundo solvit, ibi, *Absit.* Dicit ergo primo: *Didum est, & probatum, quod ceteri Iudæi præter electos sunt excæcati.* (a) *Deus ergo, quæstionem movens: Numquid sic offenderunt ut caderent?* Quod potest dupliciter intelligi. Uno modo sic. Numquid Deus permisit eos offendere solum *ut caderent?* id est, propter nullam aliam utilitatem iode consequentem, sed solum volens eos cadere: quod quidem esset contra bonitatem divinam, quæ tanta est, ut Augustinus dicit in Enchir. (cap. xi.) quod numquam permitteret aliquid mali fieri, nisi propter bonum quod ex malo elicit. Unde & Iob xxxiv. 24. dicitur: „Coarctet multos, & innumerabiles, & stare faciet a lios pro eis:“ & Apoc. xii. 11. dicitur: „Tene quod habes, ne alter accipiat, coronam tuam:“ quia scilicet Deus aliquis sic permittit cadere ut quorundam casus sit aliorum salutis occasio. Alio modo potest intelligi sic. *Numquid sic offenderunt ut caderent?* id est, perpetuo in casu remaneret. Psalm. xl. 9. „Numquid qui dormit, ooo adiciet ut reurgat?“

Deinde cum dicit, *Absit*, solvit quæstionem: & primo secundum primum intellectum, ostendens casum Iudæorum fuisse utilem; secundo solvit quæstionem quantum ad secundum intellectum, ostendens casum Iudæorum esse reparabilem, ibi, *Quod fidelium illorum divitia sunt mundi...* *quanto magis plenitudo eorum?* Dicit ergo primo: *Absit*, ut scilicet inutiliter caderent; *sed magis illorum*, scilicet Iudæorum, *delictis salus Gentibus facta est* occasionaliter. Unde & Dominus dicit Ioan. iv. 22. „Salus ex Iudæis est.“ Quod quidem potest intelligi tripliciter. Primo modo quia per delictum, quod in occasione Christi commiserunt, est subsecuta salus Gentium per redemptionem sanguinis Christi. I. Petr. i. 18. „Non enim corruptilibus auro, vel argento redempti estis de vana vestra

conversazione paternæ traditionis, sed pretioso sanguine agni immaculati.“ Secundo modo potest intelligi de delicto quod doctrinam Apostolorum repulerunt, (b) ex quo consecutum est ut Apostoli Gentibus prædicarent, secundum illud Act. xiii. 46. „Vobis oportebat primum loqui verbum Dei; sed quoniam repulistis illud...“ *ecce convertimur ad Gentes.* „Tercio modo potest intelligi de hoc quod propter suam impenitentiam sunt in omnes Gentes dispersi; & sic Christus, & Ecclesia ubique a Libris Iudæorum testimonium habuit fidei christianæ, ad convertendos Gentiles, qui suspicari potuissent prophetias de Christo, quas prædicatores fidei inducebant, esse confusas, nisi probarentur testimonio Iudæorum: unde in Psal. lvi. 11. 12. „dicitur:“ *Ostendit mihi super inimicos meos (scilicet Iudæos) ne occidas eos, ne quam do obliviscantur populi mei.* Disperge illos in virtute tua.“ Sequitur: *Ut illos amulentur.* Et quia non dicit qui, vel quos, cum etiam sit duplex æmulatio, scilicet indignationis, & imitationis; potest hoc quatuor modis exponi. Primo modo ut intelligatur sic, *ut Gentiles illos, scilicet Iudæos, amulentur*, id est imitentur in cultu unius Dei. Ephes. ii. 12. „Eratis in illo tempore (c) sine Christo, alienati a conversatione Israel:“ & postea subdit: „Nunc autem vos, qui aliquando eratis longe, facti estis prope in sanguine Christi.“ I. Thess. ii. 14. „Vos imitatores facti estis Ecclesiarum Dei, quæ sunt in Iudæa.“ Vel *ut Gentiles amulentur Iudæos*, id est indignentur contra eos propter incredulitatem eorum. Psalm. cxviii. 158. „Vidi prævaricantes, & tabescebam, quia eloquia tua non custodierunt.“ Tercio modo potest intelligi sic, *ut Iudæi amulentur*, id est imitentur Gentiles, quando ubique & nunc aliqui eorum particulatim convertuntur ad fidem, imitantes fidem Gentium, & finaliter omnis Israel salvus fiet, cum plenitudo Gentium innaverit; & sic impleatur quod dicitur Deuter. xxxiii. 44. „Ille erit in caput, & tu eris in caudam.“ Quarto modo potest exponi sic *ut Iudæi amulentur Gentiles*: id est, contra eos ex invidia turbentur, dum videat ad eos eorum gloriam translata. Deut. xxxii. 21. „Ego provocabo eos in eo qui non est populus.“

Deinde cum dicit, *Quod fidelium illorum divitia*

(a) *id.* dicit ergo. (b) *id.* dicit ex quo consecutum est ut Apostoli Gentibus prædicarent. (c) *id.* sine Episcopo.

divitia sunt mundi &c. solvit quaestionem quantum ad secundum intellectum, ostendens casum Iudaeorum esse reparabilem: quod quidem ostendit tripliciter. Primo ex utilitate: secundo ex Apostoli intentione, ibi, *Vobis enim dico Gentibus*; tertio ex conitione illius populi, ibi, (a) *Quod si deliberatio sancta est, & massa*. Circa primum ponit talem rationem. Bonum est potentius ad utilitatem inferendam, quam malum; sed malum Iudaeorum magnam utilitatem Gentibus contulit: ergo multo maiorem conferet mendo eorum bonum. Hoc est ergo quod dicit: Didum est, quod eorum delicto salus Gentibus facta est: quod, pro sed, illorum, scilicet Iudaeorum, delictum divitia sunt mundi, id est Gentium, quia scilicet delictum Iudaeorum redundavit in spirituales divitias Gentium, de quibus dicitur Esa. xxxiii. 6. „Divitiarum salutis, sapientia, & scientia: quod quidem refert ad eorum culpam. Et diminutio eorum, quia scilicet decreverunt ab illa celsitudine gloriae quam habebant, quod pertinet ad poenam. Dan. xii. 37. „Imminuti sumus, plusquam omnes Gentes, fumusque hu- „miles in universa terra hodie propter pec- „cata nostra. „Sunt autem divitiae Gen- „tium per occasionem, ut didum est. Vel diminutio eorum; id est, aliqui minimi, & ab- „iecti ex Iudaeis, Gentes spiritualiter dita- „verunt, scilicet Apostoli, de quibus dicitur I. Cor. i. 27. „Infirma mundi elegit Deus, „ut confundat fortia. „Quanto magis plenitudo eorum, id est abundantia eorum spi- „ritualis, vel multitudo eorum ad Deum conversa, in divitias Gentium redundabit? Eccli. xxiv. 16. „In plenitudine sanctorum „detentio mea. „Et sic si Deus propter utilitatem totius mundi permisit Iudaeos de- „linquere, & diminui; multo magis imple- „bit ruinas eorum propter totius mundi utilitatem. Deinde cum dicit, *Vobis enim dico Gentibus*, ostendit idem ex sua in- „tentione: quam primo proponit; secundo eius rationem assignat, ibi, *Si enim amissa eorum, reconciliatio est mundi; qua assumptio nisi vita ex mortuis?* Circa primum confide- „randum est, quod cum in superioribus hu- „ius Epistolae partibus locutus fuerit omni- „bus fidelibus existentibus Romae, sive fue- „rint ex Gentibus, sive ex Iudaeis, nunc specialiter sermonem suum dirigit ad Gen- „tiles conversos. Dicit ergo: Dixi, quod plenitudo eorum divitiae mundi essent: in

huius enim signum dico vobis Gentibus, id est Gentilibus ad fidem conversis: Esa. lxx. 1. „Dixi: Ecce ego ad Gentes quae non in- „vocabant nomen meum: hoc, inquam, vobis dico quamdiu ego sum Gentium Aposto- „lus, quamvis cura specialiter mihi incumbit ex iniuncto officio. Galat. ii. 9. „Dexte- „ras dederunt mihi, & Barnabae societa- „tis, ut nos in Gentes, ipsi autem in cir- „cumcisionem. I. Tim. ii. 7. „In quo „positus sum ego praedicator, & Aposto- „lus (veritatem enim dico in Christo le- „su, non mentior) doctor Gentium in fi- „de, & veritate. „Ministerium meum ho- „norificabo, non quidem his quae ad saecula- „rem honorem pertinent; sed primo quidem ornando ipsum bonis moribus. II. Corinth. vi. 4. „In omnibus exhibeamus nosmet- „ipsos sicut Dei ministros in multa patien- „tia. „Secundo per supererogationem o- „perum, ad quae non tenebatur. I. Corinth. ix. 18. „Quae est ergo merces mea? Ut „Evangelium Christi praedicans, sine sum- „ptu ponam Evangelium, ut non abutur „potestate mea in Evangelio. „Tertio ampliando sollicitudinem ad omnium salu- „tem. II. Corinth. xi. 28. „Praeter illa quae „extrinsecus sunt, instantia mea quotidiana, „na, sollicitudo omnium Ecclesiarum. „Unde & hic subdit: *Si quo modo ad amu- „landum provocem carnem meam*, id est Iudaeos, qui sunt mihi cognati secundum carnem, ut supra ix. didum est: Esa. lvi. 1. 7. „Carnem tuam ne despexeris: & hoc ad emulandum bona aemulatione, secun- „dum illud I. Corinth. xii. 31. „Aemula- „mini charismata mellora: & per hunc modum, ut salvos faciam aliquos ex illis, scilicet ex Iudaeis. I. Corinth. x. 33. „Non „quaerens quod mihi utile est, sed quod „multis, ut salvi fiant.

Sed contra est quod ipse dicit II. Corinth. x. 13. „Nos autem non in immensum glo- „riamur, sed secundum mensuram regulae, „qua mensus est nobis Deus, mensuram „pertinendi usque ad vos. „Non autem acceperat mensuram sui ministerii nisi super Gentes. Non ergo debebat se intromit- „tere de Iudaeis.

Dicunt autem quidam, quod Iudaei in Iudaea habitantes non pertinebant ad eius Apostolatam, sed Petri, Iacobi, & Ioan- „nis, ut dicitur Galat. ii. sed Iudaei inter Gentes habitantes, ad eius Apostolatam pertinebant, & eorum saluti insulabat. Sed hoc

(a) Al. *Quod si deliberatio facta est.*

oc videtur contra intentionem litterar: si enim illi Iudæi ad eius Apostolatam pertinebant in hoc quod eorum conversioni intendebat, non honorificasset suum ministerium. Et ideo dicendum est, quod sic erat sibi commissum prædicatio Gentilium, ut ad eam ex necessitate teneretur, sicut ipse dicit I. Corinth. ix. 16. „ Si non evangelizavero, vix mihi: necessitas enim mihi incumbit. „ Nec tamen erat ei prohibitum Iudæis prædicare, quamvis ad hoc non teneretur; & secundum hoc eorum salutem insilendo, ministerium suum honorificabat: quod quidem non faceret, si calum eorum irreparabilem reputaret: unde ipsum Apostoli studium, quod adhibebat ad conversionem Iudæorum, inducit pro signo quod casus Iudæorum sit reparabilis.

Deinde cum dicit, *Si enim amisit eorum, reconciliatio est mundi* &c. assignat rationem suæ intentionis, quia scilicet videbat quod conversio Iudæorum proveniebat in salutem Gentium: unde dicit: *Si enim amisit eorum, id est incredulitas, & inobedientia eorum; sicut dicitur servus amissus, quando sub cura, & obedientia domini refugit esse:* Hier. l. 6. „ Grex perditus factus est populus meus: „ si inquam, ista Iudæorum amissio est occasionaliter *reconciliatio mundi*, in quantum per mortem Christi sumus reconciliati Deo; *qua assumptio nisi vita ex mortuis?* id est, quod Iudæi reassumantur a Deo, secundum illud Zachar. xi. 7. „ Sumpsi mihi duas virgas. „ Quid, inquam, faciet talis assumptio, nisi quod Gentiles resurgere faciat ad vitam? Gentiles enim sunt fideles qui tepelcent: Matth. xxiv. 12. „ Quoniam abundavit iniquitas, refrigeret caritas multorum. „ Vel etiam qui totaliter cadent decepti ab Antichristo, Iudæis conversis in pristinum fervorem, restituentur; & etiam sicut Iudæis cadentibus Gentiles post inimicitias sunt reconciliati, ita post conversionem Iudæorum, im-

minente iam fine mundi, erit resurrectio generalis, per quam homines ex mortuis ad vitam immortalem redibunt.

Deinde cum dicit, *Quod si delibatio sancta est, & massa*, ostendit idem ex conditione ipsius gentis Iudæorum; & hoc quidem dupliciter. Primo ex parte Apostolorum, tum dicit: *Quod si delibatio sancta est, & massa*. Dicitur autem delibatio id quod ex massa pastæ sumitur, quasi ad probandum: sunt autem Apostoli ex gente Iudæorum assumpti a Deo, sicut delibatio ex massa; & ideo si Apostoli sunt sancti, consequens est quod gens Iudæorum sit sancta. I. Petr. ii. 9. „ Gens sancta, populus acquisitionis. „ Secundo probat idem ex parte Patriarcharum, qui comparantur ad Iudæos, sicut radix ad ramos: unde & Esa. xi. 1. dicitur: „ Egredietur virga de radice Iesse. „ Si ergo Patriarchæ, qui sunt radix, sunt sancti; & Iudæi qui ex eis processerunt, sicut rami, sunt sancti. Oleez xiv. 6. „ Erumpet radiceus ut Libani: ibunt rami eius, & erit quasi oliva gloria eius. „

Sed contra est quod dicitur Ezech. xvi. 5. „ Vir si fuerit iustus, vita vivet. „ Sic ergo non sequitur quod si radix est sancta, & rami. Ibidem etiam subditur 14. Quod „ si filius videns peccata patris sui timuerit, & non fecerit simile, non morietur, sed vita vivet. „ Unde etiam videtur non legi quod si delibatio sancta est, (a) & massa.

Sed dicendum, quod Apostolus hic non loquitur de actuali sanctitate: non enim intendit ostendere Iudæos incredulos esse sanctos; sed de sanctitate potenciali. Nihil enim prohibet eos reparari in sanctitate quorum patres, & quorum filii sunt sancti. Vel potest dici, quod illi sunt specialiter rami Patriarcharum qui eos imitantur, secundum illud Ioan. vii. 19. „ Si filii estis Abraham, opera Abraham facite. „

L E C T I O III.

Quod si aliqui ex rami fracti sunt, tu autem, cum olivæ es, insertus es in illis, & socius radicis, & pinguedinis olivæ factus es; noli gloriari adversus ramos. Quod si gloriaris, non tu radicem portas, sed radix te. Dicis ergo: Fracti sunt rami, ut ego inserar. Bene: propter incredulitatem fracti sunt. Tu autem fide stas: noli altum sapere, sed time. Si enim Deus naturalibus ramis non prepercit, ne forte nec tibi parcat. Vide ergo bonitatem, & severitatem Dei: in

cos

(a) id est, quod est massa.

eos quidem qui ceciderunt, severitatem; in te autem bonitatem Dei, si perman-
seris in bonitate: alioquin & tu excideris. Sed & illi si non permanserint in in-
credulitate, inferentur. Potens est enim Deus iterum inferre illos. Nam si tu ex
naturali excisus es oleastro, & contra naturam inferes in bonam olivam; quan-
to magis hi, qui secundum naturam inferentur suæ olivæ?

Postquam Apostolus ostendit casum Iu-
dæorum fuisse utilem, & reparabilem,
hic excludit gloriantem Gentilium con-
tra Iudæos: & circa hoc duo facit. Primo
ostendit Gentilibus conversis non esse glo-
riandum contra Iudæos; secundo respondet
obiectioni Gentilium, ibi, *Dicit ergo: Fra-*
cti sunt rami, ut ego inferar. Circa primum
duo facit. Primo prohibet Gentiles contra
Iudæos gloriari; secundo rationem prohibi-
tionis assignat, ibi, *Quod si gloriaris, non tu*
radicem portas, sed radicem te. Videbatur au-
tem ex duabus partibus imminere Gentili-
bus gloriandi occasio contra Iudæos. Primo
quidem ex defectu Iudæorum, dicens:
Dicitum est, quod si radix est sancta, & ra-
mi. Sed si aliqui ex ramis, id est ex Iudæis,
non omnes tamen, sunt fracti, id est divisi
a fide patrū, qui comparantur radici, *no-*
ti gloriari. Iob xv. 30. „Ramos eius
„arescit flamma,“ Sap. 14. 5. „Con-
„fringuntur rami inconsumpti.“ Secundo
(a) videbatur eis imminere materia glorian-
di ex parte promotionis eorum. Promotio
autem alicuius tanto magis consuevit eum
extollere in vanam gloriam, quanto ex vi-
liori statu elevatur, secundum illud Prov.
xx. 21. „Propter tria movetur terra, &
„quartum non poterit sustinere: per ter-
„rum, cum regnaverit; per stultum, cum
„saturatus fuerit cibo; per odiosam mu-
„lierem, cum in matrimonio fuerit assumpta;
„& per ancillam, cum fuerit heres do-
minæ suæ.“ Et ideo præmittit abiectionem
statum, de quo assumpti erant, dicens: *Tu*
natem, Gentilis, cum in statu gentilitatis
oleaster esset, id est arbor infructuosa. Hier.
xviii. 6. „Erunt quasi myricæ in deserto.“
Matth. 111. 6. „Omni arbor, quæ non
„facit fructum bonum, excidetur, & in ignem
„mittetur.“ Deinde ponit eorum promo-
tionem: & primo quidem quantum ad hoc
quod sunt assumpti in dignitatem illius gen-
tis: unde dicit: *Inferens es in illis, id est*
loco illorum. Iob xxxiv. 24. „Conteret
„multos, & innumerabiles, & stare faciet
„alios pro eis.“ Secundo per hoc quod
sunt confociati Patriarchis, quos supra ex-
S. Tb. Oper. Tom. VI.

dici comparaverat: unde dicit: *Et socius ra-*
dicis factus es id est, confociatus es Patriar-
chis, & Prophetis. Matth. viii. 11. „Mul-
„ti venient ab oriente, & occidente, &
„recumbent cum Abraham, Isaac, & Ia-
„cob in regno cælorum.“ Tercio per
comparationem ad gloriam Apostolorum,
cum dicit: *Et socius pinguedinis olivæ factus*
es. Olivæ quidem dicitur ipsa gens Iudæo-
rum propter (b) uberes fructus spiritua-
les, quos attrulit. Hier. xi. 16. „Olivam
„uberem, pulchram, fructiferam, specio-
„sam vocavit Deus nomen tuum.“ Psal.
Lx. 10. „Ego autem sicut olivæ fructifera
„in domo Dei.“ Sicut autem huius olivæ
radix fuit Patriarchæ, & Prophetæ;
ita etiam pinguedo huius olivæ est abun-
dantia gratiæ Spiritus sancti, quam præ
omnibus Apostoli habuerunt, ut Glossa di-
cit: unde Iudic. ix. 9. olivæ dixisse indu-
citur: „Numquid possum deferere pingue-
„dinem meam?“ Psal. lxxv. „Sicut adipe
„& pinguedine repletur anima mea.“
Sic ergo promoti sunt Gentiles ad societatem
illius populi, (c) scilicet Patriarcharum,
& Apostolorum, & Prophetarum.
Ephes. ii. 19. „Estis cives sanctorum, &
„domestici Dei, superædificati super fun-
„damentum Apostolorum, & Prophetarum.“
Et licet has occasiones gloriandi
habere videaris Gentilis, *noli tamen gloriari*
adversus ramos, id est adversus Iudæos.
I. Corinth. v. 6. „Non est bona gloriatio
„vestra.“ Deinde cum dicit, *Quod sigla-*
riaris &c. assignat rationem suæ admoniti-
onis, dicens: *Quod si, non obstante hac ad-*
monitione, gloriaris, insultando Iudæis stan-
tibus, vel excisis; hoc consideres ad repres-
sionem gloriæ tuæ, quod tu radicem non
portas, sed radicem te; id est, Iudæa non ac-
cepit a Gentilitate salutem, sed potius e-
converso. Ioan. iv. 22. „Silius ex Iudæis est.“
Unde & Abrahæ promissum est Genes. xxi.
quod in ipso benedicerentur omnes cognationes
terræ.

Deinde cum dicit, *Dicit ergo: Fracti sunt*
rami, ut ego inferar, excludit objectionem
Gentilium: & primo proponit obiectionem;
X fe-

(a) *M.* videretur. (b) *M.* universales. (c) *M.* & Patriarcharum, & Apostolorum; de quibus etiam &
prophetarum.

secundo excludit eam ex consideratione divini iudicii, ibi, *Bene propter incredulitatem fracti sunt*; tertio iuducit eos in diligentem considerationem divinorum iudiciorum, ibi, *Vide ergo bonitatem, & severitatem Dei*. Dicit ergo primo: Ergo tu Gentilis, qui gloriaris contra Iudaeos, forte dicis: *Fracti sunt rami, ut ego inferar*; id est, ad hoc Deus permisit Iudaeos a fide excidere, ut ego ad fidem intrarem. Nullus autem sustineret detrimentum unius rei nisi propter rem pretiosorem, & magis dilectam; sicut medicus permittit infirmitatem esse in pede, ut sanetur oculus. Sic igitur ex hoc ipso videtur Gentilitas esse pretiosior, & magis Deo accepta quam Iudaea: unde Malach. 1. 10. dicitur: „Non est mihi voluotas in vobis, dicit Dominus Deus, & munus non accipiam de manu vestra: ab ortu enim solis usque ad occasum magnum est nomen meum in Gentibus:“ & Eia. xlii. 6. „Parum est ut sis mihi servus ad suscitandas tribus Iacob... dedi te iolum Gentium.“ Deinde cum dicit, *Bene &c.* excludit obliationem: & primo assignat causam defectus Iudaeorum, & promissionis Gentilium, dicens: *Bene* in hoc dicis, quod Deus permisit frangi ramos, ut tu inferaris; sed considera causam fractionis ramorum. *Propter incredulitatem*, inquam, *fracti sunt*, quia scilicet in Christum credere noluerunt. Ezech. 17. 6. „Increduli, & subversores sunt tecum.“ Ioan. vi. 46. „Si veritatem dico vobis, quare non creditis mihi? Tu autem, scilicet Gentilis, *stas in fide*, id est credendo in Christum, in quo gratiam consecutus es. II. Cor. 13. 23. „Nam fide stas.“ I. Cor. xv. 1. „Notum facio vobis Evangelium... in quo stas, per quod & salvi sumini.“ Secundo inducit admonitionem, dicens: *Noli altum sapere*: id est, noli de te ultra te ipsum presumere. Infra xii. 16. *Non alta sapientes, sed humiliter consentientes*. Plal. cxli. 4. „Domine non exaltatum cor meum, neque elati sunt oculi mei.“ Sed tunc, ne scilicet etiam tu frangaris per incredulitatem; quod pertinet ad timorem castum. Proverb. xxviii. 14. „Beatus homo qui semper est pavidus, qui vero mentis est durax, corruet in malum.“ Eccli. 1. 27. „Timor Domini expellit peccatum.“ (a) Tertio assignat rationem suae admonitionis, dicens: *Si enim naturalibus ramis*, id est Iudaeis, qui naturali origine ex Patriarchis descendunt,

non pepercit Deus, quin eos frangi permitteret; time ne forte nec tibi parcas, quia scilicet te permittat per incredulitatem excidere. Proverb. vi. 34. „Zelus, & furor viri non parcat in die vindictae.“ Hier. xlii. 14. „Non parcam, neque miseror, ut non dispergam eos.“ In hoc ergo consistit solutio Apostoli, quod cum aliquis videt se gratiam adeptum, alio cadente, non debet extolli contra cadentem, sed magis rimere sibi ipsi: quia ipsa superbia est causa praecipitii, & timor est causa cultus, & cautela. Deinde cum dicit, *Vide ergo bonitatem, & severitatem Dei*, iuducit eos in diligentem considerationem divinorum iudiciorum: & primo inducit eos ad considerandum; secundo instruit eos quasi per se considerare non valentes, ibi, *Nolo enim vos ignorare, fratres &c.* tertio, quasi nec ipse perfecte sufficeret ad istorum investigationem, exclamat admirando divinam sapientiam, ibi, *O altitudo divinarum sapientiae, & scientiae Dei!* Circa primum tria facit. Primo ostendit quid considerari oporteat, dicens: *Vide ergo*, id est diligenter considera, *bonitatem Dei*, misericordis: Plal. lxxii. 1. „Quam bonus Israel Deus his qui reclusor corde!“ supra 11. 4. „An divitias bonitatis eius contemnitis?“ & *severitatem* ipsius pueniens. Plal. xciii. 1. „Deus ultionum Dominus.“ Nahum 1. 2. „Deus aemulator, & ulciscens Dominus.“ Prima enim consideratio tribuit spem, secunda timorem; ut vitetur desperatio, & praesumptio. Secundo ostendit in quibus utrumque dictorum sit considerandum quantum ad praedicta, dicens: *In eos quidem, scilicet Iudaeos, qui ceciderunt, severitatem*: Thren. 1. 2. „Praecipitavit Dominus, nec pepercit, omnia speciosa Iacob destruxit:“ in te autem, scilicet Gentilem, qui infernus es, *bonitatem*. Plal. cxviii. 65. „Boiitatem fecisti cum servo tuo Domine.“ Tertio ostendit quo tenore possint in praedictis haec considerari, quia non immobiliter, sicut quod potest mutari in futurum. Et primo ostendit quantum ad Gentiles, dicens: *In te, dico, vide bonitatem Dei*, operantem, eo tamen tenore si permaneris in boiitate. Ioan. xv. 9. „Manete in dilectione mea.“ Alioquin, si tu non dederis operam ad permanendum per timorem, & humilitatem, & tu excideris. Matth. 11. 10. „Omnis arbor quae non facit fructum bonum, excidetur.“ Secundo ostendit idem quantum ad Iudaeos: & primo

(a) Ad. Secundo.

mo proponit quod intendit, dicens: *Sed & illi, scilicet Iudæi, si non permanserint in incredulitate, inferentur* id est, in suum statum restituuntur. Hier. 12. 1. „ Fornicata es cum amatoribus multis; tamen revertere ad me, dicit Dominus. “ Secundo probat quod dixerat, & primo ex divina potentia, dicens: *Potens est enim Dominus Deus iterum inferre illos*; & ideo non est de eorum salute desperandum. Esa. 1. 1. „ Ecce non est abbreviata manus Domini, ut salvare non possit. “ Secundo probat idem perlocum a minori; dicens: *Nam si tu, Gentilis, excisus es ex naturali oleastro*, id est ex gentilitate, quæ naturaliter erat infirma, non quidem prout Dominus fecit naturam, sed secundum quod corrupta est per peccatum: Sap. 12. 10. „ Iniqua est natio eorum, & naturalis malicia ipsorum: “ Ephel. 1. 3. „ Eramus natura filii iræ: “ & *inferentur in bonam oleam*, id est in fidem Iudæorum, contra naturam, id est contra communem usum naturæ: non enim consuevit ramus arboris malæ inferi in bonam arborem, sed potius

et converso. Id autem quod Deus facit, non est contra naturam, sed simpliciter est naturale. Dicimus enim esse naturale quod sit ab agente cui naturaliter subditur patiens, quamvis etiam non sit secundum propriam naturam patientis: sicut enim fluxus, & refluxus maris est naturalis, propter hoc quod causatur ex motu lunæ, cui naturaliter subditur aqua, quamvis non sit naturalis secundum formam aquæ; ita etiam cum omnis creatura sit naturaliter Deo subiecta, quidquid Deus facit in creatura, est simpliciter naturale, licet forte non sit naturale secundum propriam & particularem naturam rei in qua fit; puta, „ cum cæcus illuminatur, & mortuus resuscitur. Si, inquam, hoc factum est contra naturam; quanto magis hi qui sunt secundum naturam, id est qui naturali origine pertinent ad gentem Iudæorum, inferentur sua oliva? id est, reducentur ad dignitatem gentis suæ. Malach. ult. 6. „ Convertet corda patrum ad filios, & corda filiorum ad patres eorum. “

LECTIO IV.

NOlo enim vos ignorare, fratres, mysterium hoc, ut non sitis vobis ipsis sapientes, quia cæcitas ex parte contigit in Israel, donec plenitudo Gentium intraret, et sic omnis Israel salvus fieret; sicut scriptum est: Veniet ex Sion qui eripiat, et avertat impietatem a Jacob: & hoc illis a me testamentum, cum abstulero peccata eorum. Secundum Evangelium quidem inimici propter vos, secundum electionem autem carissimi propter patres. Sine pœnitentia enim sunt dona, et vocatio Dei. Sicut enim aliquando et vos non credidistis Deo, nunc autem misericordiam consecuti estis propter incredulitatem illorum; ita et isti nunc non crediderunt in vestram misericordiam, ut et ipsi misericordiam consequantur. Concluit enim Deus omnia in incredulitate, ut omnium misereatur.

Postquam Apostolus induxit Gentiles in cognitionem divinarum iudiciorum, in quibus divina bonitas, & severitas manifestatur hic quasi eis adhuc non sufficientibus considerare prædicta, exponit quid sibi circa hæc videatur: & primo proponit factum; secundo probat, ibi, *Sicut scriptum est: Veniet ex Sion qui eripiat, & avertat impietatem a Jacob*; tertio rationem assignat, ibi, *Sicut enim aliquando & vos non credidistis Deo &c.* Circa primum tria facit. Primo proponit suam intentionem, dicens: Ideo induxi vos ad considerandum bonitatem & severitatem Dei: *nolo enim, o fratres, ignorare vos mysterium hoc*: non enim omnia mysteria capere potestis: hoc est enim perfectiorum, quibus Dominus dicit Lu-

cæ 12. 10. „ Vobis datum est nosse mysterium regni Dei. “ Sap. 1. 1. „ Non abiciam a vobis sacramenta Dei. “ Sed ignorantiam huius mysterii esset vobis damna. I. Corinth. 12. 3. „ Si quis ignorat, ignorabitur. “ Secundo assignat suæ intentionis rationem: *Ut non sitis vobismetipsis sapientes*; id est, non de sensu vestro præsumatis, & ex vestro sensu alios condemnantes, vos eis præferatis. Infra 12. 16. *Nolite esse prudentes apud vosmetipsos.* Esi. 1. 21. „ Væ qui sapientes esis in oculis vestris, & coram vobismetipsis prudentes. “ Tertio proponit quod intendit, primo quidem quantum ad casum particularem Iudæorum, cum dicit: „ Quia cæcitas contigit in Israel, non universaliter, sed ex

X 2

ali-

aliqua parte, ut supra offensum est. Esa. vi. 10. „Excæca cor populi huius.“ Secundo ponit terminum huius cæcitatatis, dicens: *Dones intraret*, ad fidem, plenitudinem Gentium; idest, non solum aliqui particulariter ex Gæotibus, sicut tunc convertébantur; sed vel pro toto, vel pro maiori parte omnibus Gentibus Ecclësia (a) fundaretur. Psal. cxiii. 1. „Domini est terra, & plenitudo eius.“ Dicoitur autem Gentiles ad fidem conversi intrare, quasi ex exterioribus, & visibilibus rebus, quæ vocerantur, (b) in spirituales voluntate divina. Psal. xcix. 2. „Introite in conspectu eius in exultatione.“ Et est notandum, quod hoc adverbium *dones* potest designare causam excæcationis Iudæorum: propter hoc enim permisit Deus eos excæcari, ut plenitudo Gentium iorraret, sicut patet ex supra dictis. Potest etiam designare terminum, quia videlicet usque tunc cæcitas Iudæorum durabit, quousque plenitudo Gentium ad fidem intrabit: & hinc concordat quod infra subdit de futuro remedio Iudæorum, cum dicit: (c) *Et tunc*, scilicet cum plenitudo Gentium in traverit, *omnis Israel salvus fiet*, non particulariter, sicut modo, sed universaliter omnes. Osee 1. 7. „Salvabo eos in Domino, non Deo suo.“ Mich. ult. 19. „Reveretur, & miserebitur nostri.“ Deinde cum dicit, *sicut scriptum est* &c. probat quod dixerat de futura salute Iudæorum: & primo probat hoc per auctoritatem; secundo per rationem, ibi, *Secundum Evangelium* &c. Dicit ergo primo: Dico, quod omnis Israel salvus fiet, sicut scriptum est Esa. lix. 20. ubi nostra littera sic habet: „Veniet ex Sion Redemptor, & eis qui redeunt ad Iacob: hoc scædus meum cum eis, dicit Dominus.“ Sed Apostolus hoc inducit secundum litteram Septuaginta, & tangit tria verba hic posita. Primo Salvatoris adventum, cum dicit: *Venit*, Deus scilicet humanatus ad salvandum nos, ex Sion, idest ex populo Iudæorum, qui significatur per Sion, quæ erat rex Hierusalem, quæ est metropolis Iudææ: unde dicitur Zach. ix. 9. „Exulta satis filia Sion, iubilula filia Hierusalem: ecce Rex tuus venit tibi iustus, & salvator.“ Ioan. xv. 22. „Salus ex Iudæis est.“ Vel dicit, ex Sion cum venire, non quia sit ibi ortus, sed quia inde doctrina eius exivit in universum mundum

per hoc quod Apostoli in cœnaculo Sion Spiritum sanctum receperunt. Esa. 11. 3. „De Sion exibit lex.“ Secundo ponit salutem per Christum Iudæis oblatam, dicens: *Qui eripiat*, & *avertat impietatem a Iacob*. Et potest ereptio referri ad liberationem a pœna. Psal. lv. 14. „Eripiet animam meam de morte.“ Quod vero dicit, *avertat impietatem a Iacob*, potest referri ad liberationem a culpa. Psal. lli. 7. „Avertet Dominus captivitatem plebis suæ.“ Vel utrumque refertur ad liberationem a culpa; sed dicit, *Qui eripiat*, propter paucos qui nunc difficilest quam cum quadam violentia convertuntur. Amos 1. 11. 12. „Quomodo si eruat pastor de ore leonis duo crura, aut extremum auriculæ; sic eruentur filii Israel.“ Dicit autem, *avertat impietatem a Iacob*, ad ostendendum facilitatem conversionis Iudæorum in fine mundi. Mich. ult. 18. „Quis Deus similis tui, qui auferis iniquitatem, & transfers peccatum reliquiarum hereditatis tuæ?“ (d) Tertio ostendit modum salutis cum dicit: *Et hoc (e) testamentum*, scilicet novum, erit illis a me, cum absolvere peccata eorum. Vetus enim testamentum peccata non avertēbat: quia, ut dicitur Hebr. x. 4. „impossibile est sanguine tanorum, & hircorum auferri peccata.“ & ideo propter imperfectionem veteris testamenti promittitur eis novum testamentum. Hier. xxxi. 31. „Feriam domui Israel, & domui Iuda scædus novum: quod quidem habebit efficaciam ad remissionem peccati per sanguinem Christi. Matth. xxvi. 28. „Hic sanguis meus novi testamenti, qui pro multis effundetur in remissionem peccatorum.“ Mich. ult. 19. „Deponet iniquitates nostras, & propiciet in profundum maris omnia peccata nostra.“ Deinde cum dicit, *Secundum Evangelium*, probat propositum per rationem: & primo inducit probationem; secundo removet objectionem, ibi, *Sine penitentia enim sunt dona, & vocatio Dei*. Dicit ergo primo, quod eorum peccata auferentur, & quod postquam peccata habent, manifestum est quod sunt inimici Christi. *Secundum Evangelium quidem inimici*, idest quantum ad doctrinam Evangelii pertinet, quam impugnant, *propter ver*; idest, ad utilitatem vestri cedit, ut supra dictum est: unde dicitur Luc. vii. 27. „Verumtamen inimicos meos illos qui noluerunt me regnare super se, adducite

(a) *Ad. fundata*. (b) *Ad. in spirituali*, & voluntate divina. (c) *Ad. Et tunc*. (d) *Ad. amittit*. Tertio ostendi modum salutis, cum dicit. (e) *Ad. repromissum*.

te huc, & interficite ante me. " Ioan. xv. 24. " Nunc autem & viderunt, & od. erunt & me, & Patrem meum. " *Vel secundum Evangelium* dicit, quod eorum inimicitia ad utilitatem Evangelii pertinet, cuius prædicatione occasione talis inimicitiae ubique diffunditur. Col. 1. 5. " In verbo veritatis Evangelii, quod pervenit ad vos, sicut & in universo mundo est, fructificat, & crescit. " Sed sunt *carissimi Deo propter patres*; & hoc *secundum electionem*, quia scilicet ob gratiam patrum, eorum semen elegit. Deut. iv. 37. " Dilexit patres tuos, & elegit semen eorum post eos. " Quod non est hic intelligendum, quasi merita præstita patribus fuerint causa æternæ electionis filiorum; sed quia Deus ab æterno elegit gratis & patres, & filios; hoc tamen ordine ut filii propter patres consequerentur salutem; non quasi merita patrum sufficerent ad filiorum salutem; sed per quamdam abundantiam divinæ gratiæ, & misericordiæ hoc dicit, quæ intantum pauperibus est exhibitæ ut propter promissiones eis factas etiam filii salventur. Vel intelligendum est *secundum electionem*, id est quantum ad electos ex illo populo, sicut supra dictum est, electio consecuta est. Si autem sunt Domino carissimi, rationabile est quod a Deo salventur, secundum illud Ela. xiv. 4. " Oculi non vidit, Deus, absque te quæ præparasti expectantibus. " Deinde cum dicit, *Sine poenitentia enim sunt dona, & vocatio Dei*, excludit obviationem. Possent enim aliquis obviando dicere, quod ludæi, etsi olim fuerint carissimi propter patres, tamen inimicitia quam contra Evangelium exercent, prohibet ne in futurum salventur. Sed hoc Apostolus falsum esse asserit, dicens: *Sine poenitentia enim sunt dona, & vocatio Dei*; quasi dicat: Quod Deus aliquid aliquibus donet, vel aliquos vocet, hoc est *sine poenitentia*, quia de hoc Deum non poenitet, secundum illud I. Reg. xv. 29. " Triumphator in Israel non parceret, nec poenitudine flectetur. " Psalm. cix. 4. " Iuravit Dominus, & non poenitebit eum. "

Sed videtur falsum: dicit enim Dominus Genes. vi. 6. " Poenitet me fecisse hominem: " & Hier. xxi. 9. " Loquar de gente, & de regno, ut ædificem, & plantem illud. Si fecerit malum in oculis meis poenitentiam agam super bonum quod locutus sum ut facerem ei. "

Sed dicendum est, quod sicut Dominus isaki dicitur, non propter hoc quod in eo

est commotio iræ, sed quia ad modum irati se habet quantum ad punitionis effectum; ita quandoque poenitere dicitur, non quasi in eo sit poenitentia commutatio, sed quia ad modum poenitentis se habet, dum mutat quod fecerat.

Sed adhuc videtur secundum hoc quod dona, & vocatio non sint sine poenitentia: quia dona divinitus concessa, frequenter amittuntur, secundum illud Matth. xxv. 18. " Tollite itaque ab eo talentum, & date ei qui habet decem talenta. " Vocatio enim Dei etiam quandoque mutari videtur, cum scriptum sit Matth. xxii. 14. " Multi ti sunt vocati, pauci vero electi. "

Sed dicendum est, quod donum hic accipitur pro promissione, quæ fit secundum Dei præscientiam, vel prædestinationem; vocatio autem hic accipitur pro electione: quia propter certitudinem utriusque, quod Deus promittit, iam quodammodo dat, & quos elegit iam quodammodo vocat. Et tamen ipsum temporale Dei donum, & temporalis vocatio non irritatur per mutationem Dei, quasi poenitentis, sed per mutationem hominis, qui gratiam Dei abiicit, secundum illud Hebr. xii. 17. " Contemplantur plantas ne quis desit gratiæ Dei. "

Potest etiam quod hic dicitur aliter intelligi, ut dicamus, quod dona Dei, quæ dantur in baptismo, & vocatio qua baptizatus vocatur ad gratiam, sunt sine poenitentia hominis baptizati: quod quidem hic inducitur, ne aliquis desperet de futura ludæorum salute, propter hoc quod non videntur de peccato suo poenitere.

Sed contra hoc quod dicitur, est quod Petrus dicit Act. ii. 38. " Poenitentiam agite, & baptizetur unusquisque vestrum. "

Sed dicendum est, quod duplex est poenitentia: interior, & exterior. Interior quidem consistit in contritione cordis, quæ quis dolet de peccatis præteritis; & talis poenitentia requiritur a baptizato: quia, ut Augustinus dicit in Lib. de Poenitentia (cap. 11.) " nemo suæ voluntatis arbitrer, constitutus, potest novam vitam inchoare, nisi poeniteat eum veteris vitæ: alioquin sclus ad baptismum accedit. " Exterior vero poenitentia consistit in exteriori satisfactione, quæ a baptizato non requiritur, quia per gratiam baptismalem liberatur homo non solum a culpa, sed etiam a tota pœna per virtutem passionis Christi, qui pro peccatis omnium satisfecit, sicut supra vi. 3. dictum est: *Quicumque baptizati sumus in Christo Jesu, in morte*

ipſus baptizati ſumus. Unde dicitur Tit. 111. 5. „ Per lavacrum regenerationis, & re-
novationis Spiritus ſancti, quem effudit in
„ nos abunde. “

Sed cum claves Eccleſiæ, & omnia alia ſacramenta in virtute paſſionis Chriſti operentur, videtur quod pari ratione omnia alia ſacramenta liberent hominem a culpa, & a tota pena.

Sed dicendum eſt, quod paſſio Chriſti operatur in baptiſmo per modum cuiuſdam generationis, quæ requirit ut homo totaliter priori vitæ moriatur, ad hoc ut novam vitam accipiat; & ideo tollitur in baptiſmo totus reatus pœnæ, qui pertinet ad vetuſtatem prioris vitæ. Sed in aliis ſacramentis operatur virtus paſſionis Chriſti per modum ſanationis, ut in pœnitentia. Sanatio autem non requirit ut ſtatem omnis infirmitatis reſtauraverantur. Et eadem ratio eſt in aliis ſacramentis.

Sed cum conſeſſio peccatorum pertineat ad exteriorem pœnitentiam, quæri poteſt utrum a baptizato conſeſſio peccatorum requiratur. Et videtur quod ſic: dicitur enim Matth. 111. quod baptizabantur homines a Ioanne, conſiſtentes peccata ſua.

Sed dicendum eſt, quod baptiſmus Ioannis erat baptiſmus pœnitentiæ, quia ſcilicet accipiendo illum baptiſmum quodammodo ſe proſtebantur pœnitentiam accepturos de peccato ſuo; & ideo conveniens erat ut conſiterentur, ut ſecundum modum peccati, eis pœnitentia ſtatueretur. Sed baptiſmus Chriſti eſt baptiſmus (a) remiſſionis omnium peccatorum, ita quod non reſtat baptizato aliqua ſatiſfactio pro peccatis præteritis: propter quod nulla eſt conſeſſionis vocalis neceſſitas. Ad hoc enim neceſſaria eſt conſeſſio in ſacramento pœnitentiæ, ut ſacerdos per poteſtatem clavium convenienter pœnitentem ſolvat, vel liget.

Deinde cum dicit, *Sicut enim aliquando & vos non credidiſtis Deo*, aſſignat rationem futuræ ſalutis Iudæorum poſſe eorum incredulitatem: & primo ponit ſimilitudinem inter utriuſque populi ſalutem; ſecundo huius ſimilitudinis cauſam oſtendit, ibi, *Concluſi enim Deus omnia in incredulitate*. Dicit ergo primo: Ita dico quod omnis Iſrael

ſalvus fiet, quamvis nunc ſint inimici. *Sicut enim & vos Gentiles aliquando non credidiſtis Deo*: Ephel. 11. 12. „ Eratis illo tempore ſine Deo in hoc mundo: „ *nunc autem miſericordiam conſecuti eſtis*: infra xv. 9. *Gentes autem ſuper miſericordiam honorare Deum*: Ofæz. 11. 23. „ Miſerebor, eius quæ fuit abſque miſericordia: “ & hoc propter eorum incredulitatem, quæ ſcilicet fuit ocaſio veſtræ ſalutis, ut ſupra dictum eſt: *Ita & iſſi, ſcilicet Iudæi, nunc, ſcilicet tempore gratiæ, non crediderunt, ſcilicet Chriſto*. Ioan. viii. 46. „ Quare „ non creditis mihi? “ Et hoc eſt quod ſubdit, *In veſtram miſericordiam*, id eſt in gratiam Chriſti, per quam miſericordiam conſecuti eſtis. Tit. 111. 5. „ Secundum „ ſuam miſericordiam ſalvos nos fecit. “ *Vel non crediderunt, ut per hoc pervenirent in veſtram miſericordiam*. Vel non crediderunt, quod in veſtram miſericordiam occasionaliter ceſſit, ut & iſſi quandoque miſericordiam conſequantur. Ela. xiv. 1. „ Miſerebitur Dominus Iacob. “ Deinde cum dicit, *Concluſi enim Deus omnia in incredulitate*, aſſignat rationem huius ſimilitudinis, quia ſcilicet Deus voluit ut ſua miſericordia in omnibus locum haberet; & hoc eſt quod ſubdit, *Concluſi enim Deus*, id eſt concludi permſit, omnia, id eſt omne hominum genus, tam Iudæos, quam Gentiles, in incredulitate, ſicut in quadam catena erroris: Sap. xvii. 17. „ Una catena tenebrarum „ omnes erant colligari: “ *ut omnium miſerentur*; id eſt, ut in omni genere hominum ſua miſericordia locum habeat. Sap. xi. 24. „ Miſereris omnium Domine. “ (b) Quod quidem non eſt extendendum ad dæmones, ſecundum errorem Origenis, nec etiam quantum ad omnes homines ſingulariter, ſed ad omnia genera hominum: ſit enim hic diſtributio pro generibus ſingularum, & non pro ſingulis generum. Ideo autem Deus vale omnes per ſuam miſericordiam ſalvare, ut ex hoc humilietur, & ſuam ſalutem non ſibi, ſed Deo aſcribant. Ofæz xiii. 9. (c) „ Perditio tua in te Iſrael, „ tantummodo ex me auxilium tuum. “ Supra 111. 19. *Ut omne & obſtruat, & ſubditus fiat omnis mundus Deo*.

(a) *Al. omittunt remiſſionis.* (b) *Al. Quod quidem non eſt extendendum ad omnes homines ſingulariter, intermediis amiſſi.* (c) *Al. Perditio tua Iſrael.*

LECTIO V.

O Altitudo divitiarum sapientiae, & scientiae Dei, quam incomprehensibilia sunt indicia eius, & investigabiles viæ eius! Quis enim cognovit sensum Domini, aut quis consiliarius eius fuit; aut quis prior dedit illi, & retribuetur ei? Quoniam ex ipso, & per ipsum, & in ipso sunt omnia; ipsi honor, & gloria in secula seculorum. Amen.

Supra Apostolus conatus fuit assignare rationem divinorum iudiciorum, quibus tam Gentes, quam Iudæi post incredulitatem misericordiam consequuntur; nunc quasi ad hæc investiganda se insufficientem recognoscens, exclamando, divinam excellentiam admiratur: & primo admiratur divinam excellentiam; secundo probat quod dixerat, ibi, *Quis enim cognovit sensum Domini?* Circa primum duo facit. Primo admiratur excellentiam divinæ sapientiae secundum se consideratæ; secundo per comparationem ad nos, ibi, *Quam incomprehensibilia sunt indicia eius!* Excellentiam divinæ cognitionis admiratur primo quantum ad altitudinem, dicens, *O altitudo!* Eccl. vii. 25. „Alta profunditas, „quis inveniet eam?“ Hierem. xvii. 12. „Solum gloriæ altitudinis a principio.“ Hæc autem altitudo attenditur quantum ad tria. Uno quidem modo quantum ad rem cognitam, in quantum scilicet Deus seipsum perfecte cognoscit. Eccl. xxv. 7. „Ego „in altissimis habito.“ Alio modo quantum ad modum cognoscendi, in quantum scilicet per seipsum omnia cognoscit. Psal. ci. 20. „Prospexit de excelso sancto suo „Dominus, de cælo in terram aspexit.“ Tertio quantum ad certitudinem cognitionis. Eccl. xi. 12. „Oculi Domini multo plus lucidiores sunt super solem.“ Secundo admiratur excellentiam divinæ cognitionis quantum ad eius plenitudinem, cum dicit, *Divitiarum.* Esai. xxxiii. 6. „Divitæ salutis sapientia, & scientia.“ Quæ quidem plenitudo attenditur in tribus. Uno modo in multitudine cognitorum, quia scilicet omnia novit: Ioan. ult. 17. „Domine, tu omnia scis.“ Colos. ii. 3. „In ipso sunt omnes thesauri sapientiæ „Dei absconditi.“ Alio modo quantum ad facilitatem cognoscendi, quia statim omnia intuetur sine inquisitione, & difficultate. Hebr. iv. 13. „Omnia nuda & aperta sunt oculis eius.“ Tertio quantum

ad copiam cognitionis, quia eam omnibus communicat affluenter. Iacob. i. 5. „Si „quis vult, non indiget sapientia, postulet „a Deo, qui dat omnibus affluenter.“ Tertio admiratur divinam excellentiam quantum ad perfectionem, cum dicit, *Sapientia, & scientia.* Habet enim sapientiam de divini: Iob xii. 13. „Apud ipsum est „sortitudo, & sapientia: „& scientiam de rebus creatis: Baruch. i. 21. 32. „Qui „scit universa, novit eam.“ Deinde cum dicit, *Quam incomprehensibilia sunt indicia eius!* ostendit excellentiam divinæ sapientiae per comparationem ad nostrum intellectum: & primo quantum ad sapientiam, ad quam pertinet iudicare, & ordinare: unde dicit, *Quam incomprehensibilia sunt indicia eius!* quia scilicet homo non potest comprehendere rationem divinorum iudiciorum, quia in sapientia Dei latent. Psal. xxxv. 7. „Iudicia tua abyssus multa.“ Iob xi. 7. „Forſitan veſtigia Dei comprehen- des, & Omnipotentem ulque ad perfe- ctum reperiſſi?“ Secundo quantum ad scientiam, per quam in rebus operatur: unde subdit, *Et investigabiles, viæ eius,* idest non perfecte ab homine veſtigabiles, *viæ eius,* idest processus eius, quibus in creaturis operatur. Etsi enim ipſæ creaturæ ſint homini notæ, tamen modi quibus Deus in creaturis operatur, ab hominibus comprehendi non poſſunt. Psal. lxxv. 20. (A) „In mari viæ „tua, & ſemitæ tuæ in aquis multis, & „veſtigia tua non cognoscuntur.“ Iob xxxviii. 24. „Per quam viam ſpargitur „lux numquid aſpexiſti?“

Deinde cum dicit, *Quis enim cognovit sensum Domini?* probat quod dixerat; ad quod inducit duas auctoritates, quarum una habetur Esai. xl. 13. ubi secundum litteram nostram sic legitur: „Quis adiuvit spiritum „Domini, aut quis consiliarius eius fuit?“ loco cuius hic dicitur: *Quis enim cognovit sensum Domini, aut quis consiliarius eius fuit?* Alia auctoritas habetur Iob xli. 2. „Quis „

320

* Vulgate ipsi gloria in secula. (2) M. In mari viæ tuæ, in aquis multis.

ante dedit mihi, ut reddam ei? " ex loco cuius hic dicitur: *Aut quis prior dedit illi, & retribuitur ei?* In his autem verbis, & sequentibus Apostolus tria facit. Primo ostendit excellentiam divinæ sapientiæ per comparationem ad intellectum nostrum, dicens: *Didicimus est, quod incomprehensibilia sunt iudicia eius, & investigabiles viæ eius: quis enim cognovit sensum Domini, per quem scilicet iudicat, & operando procedit?* quasi dicat: Nullus, nisi eo revelante. Sep. 11. 17. " *Sensum tuum quis scire poterit, nisi tu dederis sapientiam, & miseris Spiritum sanctum tuum de altissimis?* " & I. Cor. 12. 11. " *Quæ sunt Dei nemo novit nisi Spiritus Dei; nobis autem revelavit Deus per Spiritum suum.* " Secundo ostendit excellentiam divinæ sapientiæ secundum quod in se habet altitudinem; quæ quidem est altitudo quæ est supremi principii, ad quod duo pertinent: primo quod non sit ab alio, secundo quod alia sint ab eo: & hæc ostendit ibi, *Quoniam ex ipso.* Quod autem sapientia Dei non dependeat ab alicui principio, ostendit dupliciter. Primo quidem per hoc quod non est instructa alieno consilio: unde dicit: *Aut quis consiliarius eius fuit?* quasi diceret, nullus. Ille enim consilio indiget qui non plene cognoscit qualiter sit agendum: quod Deo non competit. Job xxvi. 3. " *Cui dedisti consilium?* Forsitan illi qui non habet sapientiam? " Hierem. xxxiii. 18. " *Quis fuit in consilio Domini?* " Secundo per hoc quod non est adiuta alieno dono: unde subdit: *Aut quis prior dedit illi, & per hoc retribuitur ei, quasi prius danti?* quasi dicat, nullus: non enim potest homo dare Deo nisi quæ a Deo accepit. I. Paral. ult. 14. " *Tua sunt omnia, & quæ de manu tua accepimus dedimus tibi.* " Job xxxv. 7. " *Porro si iuste egeris, quid donabiseri, aut quid de manu tua accipiet?* " Deinde cum dicit, *Quoniam ex ipso, & per ipsum, & in ipso sunt omnia*, ostendit altitudinem Dei quantum ad hoc quod (a) ex ipso sunt omnia: & primo ostendit eius causalitatem; secundo eius dignitatem, ibi, *Ipse benedixit, & gloria;* tertio eius perpetuitatem, ibi, *In secula seculorum. Amen.* Dicit ergo primo: (b) Recte dixi quod nullus prior dedit illi: quia ex ipso, & per ipsum, & in ipso sunt omnia; & ita nihil potest esse nisi (c) a Deo acceptum. Ad designandum au-

tem Dei causalitatem, utitur tribus præpositionibus, quæ sunt, *ex, per, & in.* Hæc autem præpositio *ex* denotat principium motus, & hoc tripliciter: primo quidem ipsum principium agens, vel movens; alio modo ipsam materiam; tertio modo (d) ipsum contrarium oppositum, quod est terminus a quo incipit motus. Dicimus enim, cultellum fieri ex fabro, & ex ferro, & ex ingurato. Universitas autem creaturarum non est facta ex præexistenti materia, (e) quia & ipsa materia est effectus Dei: & secundum hoc omnia creata non dicuntur ex aliquo esse, sed sicut ex opposito dicuntur esse ex nihilo: quia nihil erant antequam crearentur ut essent. Sap. 11. 2. " *Ex nihilo nati sumus.* " Ex Deo autem sunt omnia sicut ex primo agente. I. Corin. xi. 12. " *Omnia autem ex Deo.* "

Notandum tamen, quod hæc præpositio de eisdem habitudines designare videtur, hoc tamen superaddit, quia semper designat (f) causam consubstantialiam. Dicimus enim cultellum esse de ferro, non autem de artifice. Quia igitur Filius procedit a Patre, ut ei consubstantialis, dicimus Filium esse de Patre. Creaturæ vero non procedunt a Deo tamquam ei consubstantiales: unde non dicuntur esse de ipso, sed solum ex ipso. Hæc autem præpositio *per* designat causam operationis. Sed quia operatio est medium inter faciens & factum, dupliciter hæc præpositio *per* potest operationis causam designare. Uno modo secundum quod operatio exit ab operante; sicut aliquid dicitur per se operari quod est sibi causa ut operetur. Hoc autem est uno quidem modo forma; sicut dicimus, quod ignis calefacit per calorem: alio modo aliquid superius agens; puta si dicamus, quod homo generat per virtutem solis, vel potius Dei. Sic igitur omnia dicuntur dupliciter esse *per ipsum*. Uno modo sicut per primum agens, cuius virtute omnia alia agunt: Prov. viii. 15. " *Per me Reges regnant:* alio modo, inquantum eius sapientia, quæ est eius essentia, est (g) forma per quam Deus omnia fecit, secundum illud Prover. 11. 19. " *Domini sapientia fundavit terram.* " Alio vero modo hæc præpositio *per* designat causam operationis, non, quidem secundum quod exit ab operante, sed secundum quod terminatur ad opera: sicut dicimus, quod faber fecit cultellum per

(a) *ex* in ipso. (b) *ex* Recte nullus prior dedit illi. (c) *ex* ab eo. (d) *ex* ipsum contrarium oppositum, quo incipit motus. (e) *ex* sed est effectus Dei. (f) *ex* ali. designat causam. (g) *ex* ali. designat causam.

martellum: quod non est sic intelligendum, quod martellus sic cum fabro operetur, sicut in prioribus intelligebatur; sed quia cultellus fit ex operatione fabri per martellum. Et ideo dicitur quod hæc propositio per quandoque designat auctoritatem in re. Quod, sicut cum dicimus, Rex operatur per balivum, quod pertinet ad hoc quod nunc dicitur; quandoque autem in causali, sicut cum dicitur, Balivus per Regem operatur, quod pertinet ad præcedentem modum. Hoc autem modo, de quo nunc loquimur, dicuntur omnia esse facta a Patre per Filium, secundum illud Ioan. 1. 3. „Omnia „ per ipsum facta sunt:“ non ita quod Pater habeat a Filio hoc quod facit res, sed potius quia virtutem facienti Filius accipit a Patre; non tamen instrumentalem, aut diminutam, aut aliam; sed principalem, & æqualem, & eandem. Ioan. v. 19. „Quæ- „ cumque Pater facit, hæc & Filius simi- „ liter facit. Unde licet omnia sint facta a Patre per Filium; non tamen Filius est instrumentum, vel minister Patris. Hæc autem præpositio in designat etiam triplinem habitudinem causæ. Uno quidem modo designat materiam; sicut dicimus, animam esse in corpore, & formam in materia: hoc autem modo non dicitur, quod omnia sint in Deo, quia ipse non est causa materialis rerum. Alio modo designat habitudinem causæ efficientis, in cuius potestate est effectus suos disponere, & secundum hoc dicuntur omnia esse in ipso, secundum quod omnia in eius potestate, & dispositione consistunt, secundum illud Psal. xciv. 4. „In manu eius sunt omnes fines „ terræ:“ & Act. xviii. 28. „In ipso vivimus, movemur, & sumus.“ Tertio modo designat habitudinem causæ finalis, secundum quod totum bonum rei, & conservatio ipsius consistit in suo optimo; & secundum hoc dicuntur omnia esse in Deo, sicut in bonitate conservantur. Col. 1. 17. „Et omnia in ipso constant.“ Quod autem dicit, Omnia, est absolute accipiendum pro omnibus quæ habent verum esse. Peccata autem non habent verum esse; sed in quantum sunt peccata, dicuntur per defectum alicuius entis: eo quod malum nihil est, nisi privatio boni. Et ideo cum dicitur, Ex ipso, & per ipsum, & in ipso sunt omnia, non est intelligendum de peccatis, quia secundum Augustinum (in Psal. lxxxi. & Lib. I. Conf. cap. xvi.) peccatum nihil est, & nihil sunt homines cum pec-

cant. Quicquid tamen entitatis est in peccato, totum est a Deo. Sic igitur secundum præmissa, omnia sunt ex ipso, scilicet Deo, sicut ex prima operatrice potentia; omnia autem sunt per ipsum, in quantum omnia facit per suam sapientiam; omnia sunt in ipso, sicut in bonitate conservantur. Hæc autem tria, scilicet potentia, sapientia, & bonitas, communia sunt tribus personis; unde hoc quod dicitur, Ex ipso, & per ipsum, & in ipso, potest attribui cuilibet trium personarum; sed tamen potentia, quæ habet rationem principii, appropriatur Patri, qui est principium tertius divinitatis; sapientia Filio, qui procedit ut Verbum, quod nihil aliud est quam sapientia genita; bonitas appropriatur Spiritui sancto, qui procedit ut amor, cuius obiectum est bonitas. Et ideo appropriando dicere possumus, Ex ipso, scilicet ex Patre, per ipsum, scilicet per Filium, in ipso, scilicet in Spiritu sancto, omnia sunt.

Deinde cum dicit, Ipse honor, & gloria, ostendit Dei dignitatem, quæ consistit in duobus, quæ præmissa sunt. Nam ex eo quod ex ipso, & per ipsum, & in ipso sunt omnia, debetur ei honor, & reverentia, & subiectio a tota creatura. Malach. i. 6. „Si ego pater, ubi est honor meus?“ Ex eo vero quod ab alio non accipit nec consilium, nec donum, debetur ei gloria: sicut e contrario dicitur homini 1. Corinth. xv. 7. „Si accepisti, quid gloriaris, quasi „ non acceperis?“ Et quia hoc est proprium Dei, dicitur Esai. xlii. 8. „Gloriam meam alteri non dabo.“ Ultimo ponit eius æternitatem, (a) cum dicit, In sæcula sæculorum: quia eius gloria non est transitoria, sicut gloria hominis de qua dicitur Esa. xl. 6. „Omnis gloria eius quasi „ flos agri:“ sed durat in sæcula sæculorum, idest per omnia sæcula succedentia sæculis, prout sæculum dicitur duratio unuscuiusque rei. Vel sæcula sæculorum dicuntur sæcula, idest durationes rerum incorruptibilium, quæ continent sæcula corruptibilium rerum, & præcipue ipsa Dei æternitas; quæ tamen pluraliter dici potest, licet in se sit una & simplex, propter multitudinem, & diversitatem contentorum, ut sit sensus, in sæcula contentiva sæculorum. Psal. cxliv. 12. „Regnum „ tuum, regnum omnium sæculorum.“ Addit autem ad confirmationem, Amen; quasi dicat: Vere ita est. Et sic accipitur in Evangeliiis, ubi dicitur, „Amen dico „ vo-

(a) Ad. cum dicit, In sæcula sæculorum, idest per omnia sæcula succedentia sæculis, intermedia a. p. 161.

„ vobis . “ Quandoque tamen accipitur „ men : “ ubi nos habemus , „ Fiat
pro Fiat : unde in Plalterio Hieronymi di- „ fiat . “
citur , „ Dicit omnis populus , Amen , a-

C A P I T U L U M XII.

L E C T I O I.

Obscuro itaque vos fratres per misericordiam Dei ut exhibeatis corpora vestra hostiam viventem, sanctam, Deo placentem, rationabile obsequium vestrum. Et nolite conformari huic saeculo, sed reformamini in novitate sensus vestri, ut probetis quæ sit voluntas Dei bona, et beneplacens, et perfecta. Dico enim per gratiam quæ data est mihi, omnibus qui sunt inter vos: non plus sapere quam oportet sapere, sed sapere ad sobrietatem; et unicuique sicut Deus divisit mensuram fidei.

Postquam Apostolus ostendit (a) necessitatem, virtutem, & originem gratiæ, hic docet gratiæ usum, quod pertinet ad instructionem moralem, & circa hoc duo facit. Primo ponit doctrinam moralem in generali; secundo specialiter descendit ad quædam particularia pertinentia ad eos quibus scribit, circa medium xv. cap. ibi, *Certus sum autem, fratres mei, & ego ipse de vobis*. Circa primum duo facit. Primo docet usum gratiæ quantum ad hoc quod sit homo perfectus; secundo quantum ad hoc quod perfectus imperfectum suslineat, xiv. cap. ibi, *Infirmitatem autem infide assumite*. Circa primum tria facit. Primo inducit ad perfectionem vitæ quantum ad sanctitatem quam homo servat Deo; secundo quantum ad iustitiam quam quis exhibet proximo, xiii. cap. ibi, *Omnis anima per passionibus sublimioribus subdita sit*; tertio quantum ad puritatem quam homo conservat in seipso, circa finem xiii. cap. ibi, *Et hoc scientes tempus*. Circa primum duo facit. Primo monet ut homo le exhibeat Deo sanctum; secundo docet qualiter aliquis uti debeat donis gratiæ Dei, quibus sanctificatur, ibi, *Dico enim per gratiam quæ data est mihi, omnibus qui sunt inter vos*. Circa primum duo facit. Primo docet qualiter aliquis le debeat exhibere Deo quantum ad corpus; secundo quantum ad animam, ibi, *Et nolite conformari huic saeculo*. Circa primum duo facit. Primo inducit observationem eorum quæ docentur; & hoc dupliciter. Uno quidem modo ex parte sui ipsius, cum dicit: *Obscuro itaque vos fratres*;

quasi dicat: Didicim est incomprehensibilis esse iudicia Dei, & investigabiles vias eius. Itaque *obsceuro vos fratres*, ut scilicet obsecratis ea quæ dicuntur. Utitur autem obsecratione propter tria. Primo quidem ad demonstrandam suam humilitatem: Proverbior. xvi. 22. „ Cum obsecrationibus loquitur pauper: „ qui scilicet de sua abundantia non confidit; & ideo non ex eo quod suum est, sed ex eo quod Dei est, homines conatur inducere ad bonum: nam obsecrare est ob sacra contestari. Secundo ut magis ex amore moveat rogando, quam ex timore (b) andoritative imperando. Unde dicitur ad Phil. 2. „ Multam fiduciam habens in Christo Iesu imperandi tibi quod ad rem „ pertinet, propter caritatem magis obsecro. „ Gal. ult. 1. „ Vos qui spirituales „ estis, huiusmodi instruite in spiritu lenitatis. „ Tertio propter reverentiam Romanorum, quibus scribebat. I. Tim. v. 1. „ Seniores ne increpaveris, sed obsecra ut patrem. „ Alio modo inducit eos ex parte Dei, cum dicit, *Per misericordiam Dei*, per quam scilicet salvati estis. Tit. 1. v. „ Secundum misericordiam suam salvos nos fecit. „ Et ideo ex consideratione divinæ misericordiæ debemus facere quod non meremur. Matth. xviii. 33. „ Nonne oportuit & te mihi misereri conservi tui, sicut & ego tui misertus sum? „ Vel potest dici: *Per misericordiam Dei*, id est auctoritate Apostolatus mihi misericorditer commissi. I. Cor. vii. 25. „ Misericordiam consecutus sum a Domino, ut sim fidelis „ lis. „

(a) A. necessitatem virtutum, & originem gratiæ. (b) A. auctoritate.

lis. "Secundo positadmonitionem, cum dicit: *Ut exhibeatis corpora vestra hostiam viventem*.

Circa quod sciendum est, quod, sicut Augustinus dicit X. de Civit. Dei (cap. v.) visibile sacrificium, quod exterius Deo offertur, signum est invisibilis sacrificii, quo quis se, & sua in Dei obsequium exhibet. "Habet autem homo triplex bonum. Primo quidem bonum animæ, quod exhibet Deo per devotionis, & contritionis humilitatem, secundum illud Psal. l. 19. "Sacrificium Deo spiritus contritulus. "Secundo habet homo exteriora bona, quæ exhibet Deo per elemosynarum largitionem: unde dicitur Hebr. ult. 16. "Beneficentia, & communionis nolite oblivisci: talibus enim hostias promeretur Deus. "Tertio habet homo bonum proprii corporis, & quantum ad hoc dicit: *Ut exhibeatis, scilicet Deo, corpora vestra*, sicut quamdam spirituales hostias. Dicebatur autem animal Deo immolatum hostia, vel quia pro victoria hostium offerebatur, seu pro securitate ab hostibus; vel quia ad ostium tabernaculi immolabatur. Exhibet autem homo Deo corpus suum ut hostiam tripliciter. Uno quidem modo quando aliquis corpus suum exponit passioni, & morti propter Deum, sicut dicitur de Christo Ephes. v. 2. "Tradidit semetipsum oblationem, & hostiam Deo: " & Apostolus dicit de se Phil. 11. 17. "Si immolor supra sacrificium, & obsequium fidelis vestrae, gau- deo. "Secundo per hoc quod homo corpus suum ieiuniis, & vigiliis macerat ad serviendum Deo, secundum illud I. Corinth. 12. 27. "Castigo corpus meum, & in servitutem redigo. "Tertio per hoc quod homo corpus suum exhibet ad opera iustitiæ, & divini cultus exequenda. Supra vi. 19. *Exhibete membra vestra servire iustitia in sanctificationem*.

Est autem considerandum, quod hostia quæ Deo immolabatur, quatuor habebat. Primo namque ipsa oblatio debebat esse integra, & incorrupta: unde dicitur Malach. 1. 14. "Maledictus dolosus, qui habet in grege suo masculum, & votum faciens, immolat debile Domino. "Et propter hoc dicit, *Viventes*, ut scilicet hostia nostri corporis, quam Deo offerimus, sit vivens per fidem formatam caritate. Gal. 11. 20. "Nunc vivo in carne, in fide vivo Filii Dei. "Est autem attendendum, quod (a) materialis hostia, quæ prius vi-

va erat, occidebatur ut immolaretur, ad ostendendum quod adhuc mors regnabat in homine, regnante peccato, ut supra v. dictum est. Sed hæc hostia spiritualis semper vivit, & in vita proficit, secundum illud Ioan. x. 10. "Ego veni, ut vitam habeant, & abundantius habeant: " quia iam peccatum ablatum est per Christum: nisi dicamus, quod hostia corporis nostri vivit quidem Deo per iustitiam fidei, sed mortificatur concupiscentiis carnis. Colos. 111. 5. "Mortificate membra vestra quæ sunt iuxta per terram. "Secundo vero hostia Deo oblata, in ipsa immolatione sanctificabatur: unde dicitur Lev. 22. 3. "Omnis homo qui accesserit de stirpe vestra ad ea quæ consecrata sunt, & quæ obulerant filii Israel Domino, in quo est immunditia, peribit coram Domino. "Et ideo subdit, *Sanctam*, scilicet per devotionem, quæ corpus nostrum Dei servitio mancipatur. Lev. 22. 7. "Sanctificamini, & estote sancti, quia ego (b) sanctus Dominus Deus vester. "Proprie autem sanctitas dicitur per respectum ad Deum, in quantum scilicet homo servat ea quæ sunt iuxta quo ad Deum. Tertio quantum ad ipsam sacrificii consumptionem dicebatur sacrificium suave, & acceptum Domino, secundum illud Lev. 1. 13. "Oblata omnia adolebit sacerdos super altare in holocaustum, & in odorem suum, visimum Domino. "Unde hic dicit, *Deo placentem*, scilicet per rectitudinem intentionis. Psal. lv. 14. "Ut placeam coram Deo in lumine viventium. "Quarto in ipsa sacrificii præparatione aponebatur sal: unde Lev. 11. 13. "Quicquid obtuleris sacrificii, sale condies: " & Marc. 12. 8. dicitur: "Omnis victima sale lanietur. "Sal autem discretionem sapientiæ significat: unde dicitur Colos. ult. 5. "In sapientia ambulate ad eos qui foris sunt. Sermo vestester semper in gratia sit sale conditus. "Unde & hic sequitur: *Rationabile obsequium vestrum*, scilicet, cum discretionem corpora vestra Deo exhibeatis hostiam vel per martyrium, vel per abstinentiam, vel per quodcumque opus iustitiæ. I. Corinth. 14. 40. "Omnia honeste, & secundum ordinem fiant in vobis: " & in Psal. xcvi. 3. "Honor Regis iudicium diligit. "

Alicui se habet homo iustus ad interiores actus, quibus Deo obsequitur, & ad exteriores: nam bonum hominis, & iustitia eius principaliter in interioribus actibus

Y 2 con-

(a) A. naturalis. (b) A. deus sanctus.

consistit, quibus scilicet homo credit, sperat, & diligit: unde dicitur Luc. xvii. 21. „Regnum Dei intra vos est:“ non autem principaliter consistit in exterioribus actibus: infra xiv. 17. *Non est regnum Dei esca, & parva*. Unde interiores actus se habent per modum finis, qui secundum se quaeritur; exteriores vero actus, ad quos Deo corpora exhibentur, se habent sicut ea quae sunt ad finem. In eo autem quod quaeritur tamquam finis, nulla mensura adhibetur; sed quanto maius fuerit, tanto melius se habet: in eo autem quod quaeritur propter finem, adhibetur mensura secundum proportionem ad finem: sicut medicus sanitatem facit quantum potest; medicinam autem non tantum dicit quantum potest, sed quantum videt expedire ad sanitatem consequendam. Et similiter homo in fide, in spe, & in caritate nullam mensuram debet adhibere, sed quanto plus credit, sperat, & diligit, tanto melius est: propter quod dicitur Deuter. vii. 5. „Diliges Dominum Deum tuum ex toto corde tuo, & ex tota anima tua, & ex tota fortitudine tua.“ Sed in exterioribus actibus est adhibenda discretionis mensura per comparisonem ad caritatem: unde dicit Hieronymus (epist. ad Rustic. & ad Romanum.) „Nonne rationalis homo dignitatem amittit, qui ieiunium, vel vigiliis praesertit sensus integritati, ut propter Psalmorum, atque officiorum decantationem, a mentis, vel tristitiae quis notam incurrat?“

Deinde cum dicit, *Et nolite conformari huic saeculo*, ostendit qualiter se debeat homo exhibere Deo quantum ad animam: & primo prohibet saeculi conformitatem, cum dicit, *Et nolite conformari huic saeculo*, id est rebus quae temporaliter transeunt: nam saeculum praesens est quaedam mensura eorum quae temporaliter labuntur. Rebus autem temporalibus homo conformatur per affectum, eis amore inhaerendo. Osee ix. 10. „Facti sunt abominabiles, sicut ea quae dilexerunt.“ Iac. i. 27. „Religio munda, & immaculata (a) apud Deum, & Patrem haec est, immaculatum se custodire ab hoc saeculo.“ Conformatur etiam huic saeculo qui vitam saeculariter viventium imitatur. Ephes. iv. 17. „Tessili scior in Domino, ut iam non amplius ambuletis, sicut & Gentes ambulabant.“

Secundo mandat interiori mentis reformationem, cum dicit: *Sed reformamini in novitate sensus vestri*. Sensus autem hominis hic dicitur ratio, secundum quod per eam homo iudicat de agendis. Hunc autem sensum homo in sua creatione habuit integrum, & vigentem: unde dicitur Eccli. xvii. 6. „Sensu implevit corda illorum, & bona, & mala ostendit illis.“ Sed per peccatum hic sensus est corruptus, & quasi inveteratus: Baruch xii. 11. „Inveterasti in terra aliena:“ & per consequens pulchritudinem, & decorem suum amisit. Thren. i. 6. „Fugressus est a filia Sion omnis decor eius.“ Monet ergo Apostolus ut reformemur: id est, iterato formam, & decorem mentis assumamus, quem nostra mens habuit: quod quidem fit per gratiam Spiritus sancti, ad quam (b) participanda homo studium habere debet; ita scilicet ut qui eam nondum perceperunt, eam percipiant; & qui illam perceperunt, in ea proficiant. Ephes. iv. 23. „Renovamini spiritu mentis vestrae.“ Psalm. cii. 5. „Renovabitur ut aquilae iuventus tua.“ Vel aliter. (c) *Reformamini*, scilicet in exterioribus actibus, in *novitate sensus vestri*, id est secundum novitatem gratiae, quam mente percepistis. Tercio assignat rationem admonitionis praedictae, cum dicit: *Ut probetis quae sit voluntas Dei*. Circa quod considerandum est, quod sicut homo qui habet gustum infectum, non habet rectum iudicium de saporibus; sed ea quae sunt suavia, interdum abominatur, ea vero quae sunt abominabilia, appetit; quia autem habet gustum sanum, rectum iudicium de saporibus habet: ita homo qui habet corruptum affectum, quasi conformatum rebus saecularibus, non habet rectum iudicium de bono; sed ille (d) qui habet sanum affectum, sensu eius innovato per gratiam, rectum iudicium habet de bono. Ideo ergo dixit: *Nolite conformari huic saeculo*, sed (e) *reformamini in novitate sensus vestri*, ut probetis; id est, experimento cognoscatis: Psal. xxxi. 9. „Gustate, & videte quoniam suavis est Dominus:“ *quae sit voluntas Dei*, quae scilicet vult vos esse salvos: 2. Thes. iv. 3. „Haec est voluntas Dei, sanctificatio vestra:“ *bona*, id est (f) quae vult bonum honestum nos velle, & ad hoc suis praecipitis nos inducit: Mich. vi. 8. „Indicabo tibi, o homo, quid sit bonum

(a) *id est, emittitur a iudicio Dei, & Ioseph.* (b) *id est, participando.* (c) *id est, Reformamini.* (d) *id est, qui habet rectum iudicium de bono & sano affectu.* (e) *id est, Reformamini.* (f) *id est, quae.*

num, & quid Deus requirit a te: " & *beneplacens*, in quantum scilicet bene disposito est delectabile id quod Deus vult nos velle: Psam. xviii. 9. " Iustitiæ Domini re-
 " ctæ, lætificantes corda: " & non tantum utilis ad finem consequendum, sed etiam *perfecta*, quasi coniungens nos fini. Matth. v. 48. " Estote perfecti, sicut Pater vester
 " cælestis perfectus est. " Genes. .vii. 1. " Ambula coram me, & esto perfectus. " *Talem ergo experiuntur Dei voluntatem illi qui non conformantur huic sæculo, sed reformantur in novitate sensus sui; illi autem qui in veritate permanent, sæculo conformati, iudicant Dei voluntatem non esse bonam, sed gravem, & inutilem. Eccli. vi. 21. " Quam aspera est sapientia indoctis hominibus.*

Deinde cum dicit, *Dico enim per gratiam qua data est mihi, omnibus qui sunt inter vos*, docet qualiter donis Dei homo debeat uti: & primo docet hoc quantum ad dona quæ non sunt omnibus communia, sicut sunt gratiæ gratis datæ: secundo quantum ad donum caritatis, quod est omnibus commune, ibi, *Dilectio sine simulatione &c.* Circa primum duo facit. Primo docet in generali quomodo debeat homo uti gratis gratis datis; secundo exequitur hoc per partes, (a) ibi, *Habentes autem donationes*. Circa primum duo facit. Primo proponit documentum; secundo rationem assignat, ibi, *Sicut enim in uno corpore multa membra habemus*. Circa primum tria facit. Primo excludit superfluum, dicens: Monui quod reformemini in novitate sensus vestri, quod quidem moderate facere debetis: *dico enim*, idest mando, *per gratiam* Apostolatus, & auctoritate apostolica, *qua data est mihi*. Gal. ii. 9. " Cum cognovissent gratiam quæ data est mihi inter Gentes. " Ephes. i. 11. 8. " Mihi omnium sanctorum minimo data est gratia hæc, in Gentibus evangelizare divitias Christi. " *Omnibus qui sunt inter vos*: quia omnibus est hoc utile. I. Corinth.

vii. 7. " Volo omnes homines esse sicut meipsum. " Hoc, inquam, mando: *Non plus sapere quam oportet sapere*; idest, nullus præsumat de sensu, aut sapientia sua, confidens supra suam mensuram. Eccle. vii. 17. " Non plus sapias quam necesse est. " Psal. cxxx. 2. " Neque ambulavi in magnis, neque in mirabilibus super me. " Secundo hortatur ad id quod est medium, dicens: *Sed sapere ad sobrietatem*; scilicet, mando vobis ut mensurate sapiatis, secundum gratiam vobis datam: sobrietas enim mensuram importat; & quamvis proprie dicatur circa potum vini, potest tamen accipi circa quamlibet materiam, in qua homo debitam mensuram observat. Tit. ii. 12. " Sobrie, & iuste, & pie vivamus in hoc sæculo. " Tertio docet secundum quid accipienda sit mensura medi, dicens: *Et hoc, inquam, sicut Deus unicuique divisit*, idest distribuit, *mensuram fidei*, idest mensuram donorum suorum, quæ ordinatur ad fidei dedicationem. I. Corinth. xii. 7. " Uicuique datur manifestatio spiritus ad utilitatem. " Dat enim Deus huiusmodi dona, non eadem omnibus, sed diversa diversis distribuit, secundum illud I. Corinth. xii. 4. " Divisiones gratiarum sunt. " Nec omnibus æqualiter dat, sed unicuique secundum certam mensuram. Ephes. iv. 7. " Unicuique nostrum data est gratia secundum mensuram donationis Christi. " Et ideo Apostolus sobrie sapiens, secundum hanc mensuram dicebat II. Corinth. x. 13. " Non autem in immensum gloriamur, sed secundum mensuram regulæ qua mensus est nobis Deus. " Soli autem Christo datus est Spiritus non ad mensuram, ut dicitur Ioan. i. 11. Non solum autem alias gratias gratis datas dat Deus mensurate, sed etiam ipsam fidem, quæ per dilectionem operatur: unde Luc. xvii. 5. discipuli Christo dixerunt: " Domine adauge nobis fidem. "

(a) *Id. ibi. Sicut enim in uno corpore &c. Intermediis omittitur.*

Sicut enim in uno corpore multa membra habemus, omnia autem membra non eundem actum habent; ita multi unum corpus sumus in Christo, singuli autem alter alterius membra, habentes donationes secundum gratiam quæ data est nobis, differentes, sive prophetiam secundum rationem fidei, sive ministerium, in ministrando, sive qui docet, in doctrina; qui exhortatur, in exhortando; qui tribuit, in simplicitate; qui præest, in sollicitudine; qui miseretur, in caritate. Dilectio sine simulatione. Odientes malum, adhaerentes bono, caritatem fraternitatis invicem diligentes, honore invicem prævenientes, sollicitudine non pigri, spiritu servientes, Domino servientes, ipse gaudentes, in tribulatione patientes, orationi instantes, necessitatibus sanctorum communicantes, hospitalitatem sectantes.

Præmissa admonitio, hic Apostolus rationem assignat sumptam ex similitudine corporis mystici ad corpus naturale: & primo in corpore naturali tangit tria. Primo quidem corporis unitatem, cum dicit, *Sicut enim in uno corpore*; secundo membrorum pluralitatem, cum dicit, *Multa membra habemus*: est enim corpus humanum organicum ex diversitate membrorum constitutum; tertio officiorum diversitatem, cum dicit: *Omnia autem membra non eundem actum habent*: frustra enim esset membrorum diversitas, nisi ad diversos actus ordinarentur. Deinde aptat hæc tria ad corpus Christi mysticum, quod est Ecclesia. Ephel. i. 22. „Ipsum dicit caput super omnem Ecclesiam, quæ est corpus eius.“ Circa quod etiam tria tangit. Primo quidem fidelium quasi membrorum multitudinem, cum dicit: *Et multi unum corpus sumus in Christo*. Luc. xiv. 16. „Homo quidam fecit cenam magnam, & vocavit multos.“ Esa. liv. 1. „Multi filii deserte.“ Quamvis enim sint pauci per comparisonem ad infructuosam multitudinem (a) damnatorum, secundum illud Matth. vii. 14. „Arcta est via quæ ducit ad vitam, & pauci inveniunt eam;“ tamen absolute loquendo sunt multi: Apoc. vii. 9. „Post hæc vidi turbam magnam, quam dinumerare nemo poterat.“ Secundo tangit corporis mystici unitatem, cum dicit, *Unum corpus sumus*. Ephel. ii. 16. „Ut reconciliet ambos in uno corpore Deo per crucem.“ Huius autem corporis mystici est unitas spiritualis, per quam fide, & affectu caritatis (b) invicem unimur, & Deo, secundum illud Ephel. iv. 6. „Unum corpus, & unus spiritus.“ Et

quia spiritus unitatis a Christo in nos derivatur: supra viii. 9. *Si quis spiritum Christi non habet, hic non est eius*: ideo subdit, *hic Christo*, qui per spiritum suum, quem dat nobis, nos invicem unit, & Deo. Ioan. xvii. 22. „Ut sint unum in nobis, sicut & nos unum sumus.“ Tertio tangit officiorum diversitatem ad utilitatem communem reducam, dicens: *Singuli autem alter alterius membra*. Membrorum enim quilibet proprium actum habet, & virtutem. Inquantum ergo unum membrum sua virtute, & actu alteri prodest, dicitur membrum alterius; sicut pes dicitur membrum oculi, inquantum oculum deseret, & oculus dicitur membrum pedis, inquantum dirigit pedem. I. Cor. xii. 21. „Non potest dici, cere oculus manus, Opera tua non indiget.“ Ita etiam in corpore mystico ille qui accepit gratiam prophetie, indiget illo qui accepit gratiam sanitatum; & ita est in omnibus aliis. Unde dum unusquisque fidelis secundum gratiam sibi datam alteri servit, efficitur alterius membrum. Galat. ult. 2. „Alter alterius onera portat.“ I. Pet. iv. 10. „Unusquisque sicut accepit gratiam, in aliterutem illam administret.“

Deinde cum dicit, *Habentes autem donationes*, exequitur per partes monitionem, quam supra posuerat de sobrio, & moderato gratiæ usu: & primo ponit gratiarum diversitatem, dicens: *Sumus, inquam, alter alterius membra*, non secundum eandem gratiam, (c) sed habentes diversas donationes, differentes, non ex diversitate meritorum, sed secundum gratiam qua data est nobis. I. Corinth. vii. 7. „Unusquisque pro-

(a) *Al. emendat damna torum*. (b) *Al. invicem unimur Deo*. (c) *Al. sed habentes differentes dec.*

„ proprium donum habet ex Deo: unusquidem sic, alius vero sic. “ Matth. xiv. 14. „ Vocavit servos suos, & tradidit illis „ bona sua; & uni dedit quinque talenta, „ alii autem duo, alii vero unum. “ Secundo docet diversarum gratiarum usum: & primo in rebus divinis quantum ad cognitionem quidem dicens, *Sive prophetia*, quam habentes utamur ea secundum rationem fidei. Dicitur autem prophetia quædam apparitio ex revelatione divina eorum quæ sunt procul: unde I. Reg. ix. 9. dicitur: „ Qui Propheta hodie dicitur, vocabatur olim Videns. “ Sunt autem procul a cognitione nostra, secundum se quidem futura contingentia, quæ propter defectum fuisse, cognoscibilia non sunt; sed res divinæ sunt procul a nostra cognitione, non secundum se, cum sint maxime cognoscibiles: quia, ut dicitur I. Ioan. 1. 3. „ Deus „ lux est, & tenebræ in eo non sunt ullæ: “ sed propter defectum intellectus nostri, qui se habet ad ea quæ sunt in seipsis manifestissima, sicut oculus noctuæ ad lucem (a) solis. Et quia unumquodque magis (b) proprie dicitur tale quod est secundum se tale, (c) quam quod est tale secundum aliud; inde est quod magis proprie dicuntur esse procul a cognitione nostra futura contingentia: & propter hoc horum proprie est prophetia. Amos xxi. 7. „ Non faciet Dominus Deus verbum, nisi revelaverit secretum suum ad servos suos Prophetas. “ Dicitur tamen prophetia communiter etiam revelatio quorumcumque occultorum. Hoc autem donum prophetiæ non solum fuit in veteri testamento, sed etiam in novo. Ioc. 11. 28. „ Effundam de spiritu meo „ super omnem carnem, & prophetabunt „ filii vestri. “ Dicuntur etiam Prophetæ in novo testamento quasi prophetica dicta exponunt: quia sacra Scriptura eodem Spiritu interpretatur quo est condita. Eccli. xxi. 46. „ Adhuc doctrinam quasi prophetiam effundam. “ Ordinatur autem prophetiæ donum, sicut & aliæ gratiæ gratis datæ, ad fidei edificationem. I. Corinth. xii. 7. „ Unicuique datur manifestatio spiritus ad „ utilitatem. “ Hebr. 11. 4. „ Confirmata „ est (scilicet doctrina fidei) constellante „ Deo signis, & prodigiis, & variis virtutibus, & spiritus sancti distributionibus. “ Ex ideo prophetia est utendum secundum rationem fidei, id est non in vanum, sed ut per hoc fides confirmetur; non autem contra fidem. Unde dicitur Deut. xxi. 1. „ Si sur-

„ rexerit in medio tui Prophetæ, & dixe- „ rit tibi, Eamus, & sequamur deos alie- „ nos, non audies verba Prophetæ illius: “ quia scilicet prophetizat contra rationem fidei. Quantum ad sacramenta ministranda subdit: *Sive ministerium in ministrando*; id est, si quis accepit gratiam, vel officium ministerii, puta ut sit Episcopus, vel Sacerdos, qui dicuntur ministri Dei: Etsi. 1. 6. „ Vos „ Sacerdotes Domini vocabimini, ministri „ Dei nostri dicitur vobis: “ exequatur illud, diligenter exequendo in ministrando. II. Timoth. iv. 5. „ Ministerium tuum imple. “ Secundo tangit ea quæ pertinent ad res humanas, in quibus potest aliquis aliter intervenire. Primo quidem quantum ad cognitionem vel speculativam, vel practicam. Quantum ergo ad speculativam primo dicit: *Sive qui docet*, id est qui habet officium, vel gratiam docendi, utatur in doctrina, id est, ut studiosæ, & fideliter doceat. Job iv. 3. „ Ecce docuisti plurimos. “ Matth. ult. 19. „ Euntes docete omnes gen- „ tes. “ Quantum autem ad cognitionem practicam subdit: *Qui exhortatur*, id est qui habet officium, vel gratiam exhortandi homines ad bonum, utatur illo in exhortando. I. Thess. 11. 3. „ Exhortatio nostra non „ fuit de errore, neque de immanitia, „ neque in dolo. “ Tit. 11. 15. „ Hæc lo- „ quere, & exhortare. “ Deinde ponit ea quæ pertinent ad exteriora opera, in quibus quandoque aliquis subvenit alicui aliquod donum dando; & quantum ad hoc dicit: *Qui tribuit*, id est qui habet facultatem tribuendi, & gratiam, exequatur hoc in simplicitate, ut scilicet nihil mali ex illo intendatur, quasi donis homines ad malum allicios: vel etiam cum aliquis ex modico dato intendit multo maiora acquirere. Eccli. xx. 14. „ Datum insipientis non erit tibi utile: oculi enim illius septemplexes „ sunt: exigua dabit, & multa impropere- „ bit: “ & Proverb. 11. 3. „ Simplicitas „ iustorum dirigit eos. “ Quandoque autem aliquis subvenit alteri eius curam habendo; & quantum ad hoc dicit: *Qui præest*, id est qui est in prædicationis officio constitutus, utatur illo officio in solitudine. Hebr. ultim. 17. „ Obedite præpositis vestris, & subiaceite eis: ipsi enim pervigilant, quasi rationem reddituri pro animabus vestris. II. Corinth. xi. 28. „ Solicitudo omnium Ecclesiarum. “ Quandoque autem subvenit alicui aliquam relevandam eius miseriam; & quantum ad hoc dicit;

(a) *Al. mittitur solis.* (b) *Al. deest proprie.* (c) *Al. quam secundum aliud.*

est: *Qui miseretur*, id est qui habet facultatem, & affectum miserendi, exequatur hoc in *hilaritate*, qualibenter hoc faciens. *1. Corinth. 12. 7.* „Non ex tristitia, (a) „aut ex necessitate: hilarem enim datorem „diligat Deus.“ *Eccli. xxiv. 11.* „In o- „mni facto hilarem fac vultum tuum.“

Deinde cum dicit, *Dilectio sine simulatione* &c. docet usum doni gratuiti, quod est omnibus commune, scilicet caritatis: & primo ponit ea quæ pertinent ad caritatem in generali; secundo ponit quædam specialiter pertinentia ad dilectionem quorundam, ibi, *Necessitatibus sanctorum communicantes*. Circa primum tria facit. Primo offendit (b) qualis debeat esse dilectio caritatis ex parte dilectionis; secundo qualiter se debeat habere ad proximum, ibi, *Caritatem fraternitatis*; tertio qualiter se debeat habere ad Deum, ibi, *Solicitudine non pigri*. Circa qualitatem autem caritatis tria docet. Primo quidem quod dilectio debet esse vera: unde dicit, *Dilectio sine simulatione*, ut scilicet non tantum in verbo, aut in exteriori apparentia, sed sit in verocordis affectu, & efficacia operis. *1. Ioan. 1. 12.* „Non diligamus verbo, neque lingua, „sed opere, & veritate.“ *Eccli. vi. 15.* „Amico fideli nulla est comparatio.“ Secundo docet quod dilectio debet esse pura, cum dicit, *Oducentes malum*. Tunc enim est pura dilectio quando homo non confert amico suo in malum, sed ita diligit hominem, ut eius vitium odiat: unde dicitur *1. Corinth. 13. 6.* „Non gaudet super iniquitate, congaudet autem veritati.“ *Psal. cxviii. 113.* „Iniquis odio habui.“ Tertio docet quod dilectio debet esse honesta, cum dicit, *Adherens bono*, ut scilicet aliquis adhaereat alteri propter bonum virtutis. *Galat. 5. 18.* „Bonum, „autem æmulamini in bono semper.“ Hec est pulchra dilectio, de qua dicitur *Eccli. xxiv. 24.* „Ego mater pulchræ dilectionis. Deinde cum dicit, *Caritatem fraternitatis*, offendit qualiter caritas se debet habere ad proximum: & primo quantum ad interiorum affectum, cum dicit: *Caritatem fraternitatis invicem diligentes*: ut scilicet non solum fratres diligamus per caritatem, sed etiam diligamus ipsam caritatem, qua eos diligimus, & ab eis diligimur. Sic enim si caram habemus caritatem, non de facili eam dissolvi faciemus. *Hebr. ult. 1.* „Caritas fraternitatis maneat in vobis.“ *Cantic. ult. 7.* „Si dederit homo omnem

„substantiam domus suæ pro dilectione, „tamquam nihil despiciet illam.“ Secundo quantum ad exteriorum effectum, cum dicit: *Invicem provenientes*: in quæ tria designantur. Primo quidem quod homo proximum in reverentia debet habere, quod pertinet ad rationem honoris: nullus enim potest vere diligere eum quem despiciat. *Phil. 2. 3.* „In humilitate superiores in- „vicem arbitantes.“ Quod quidem si dum aliquis suum defectum considerat, & bonum proximi. In honore autem non solum reverentia intelligitur, sed etiam necessarium subvento; sicut cum dicitur *Exod. 22. 12.* „Honora patrem tuum, & „matrem tuam,“ præcipitur necessario subventio; sicut patet per hoc quod Dominus *Matth. 4.* arguit phariseos contra hoc præceptum impediens filios a subventionem parentum. Secundo designatur quod effectus dilectionis debet mutuo exhiberi, ut scilicet homo non solum velit beneficia recipere, sed etiam exhibere. *Eccli. xv. 36.* „Non sit porrecta manus tua ad accipien- „dum, & ad dandum collecta.“ & *xiv. 16.* „In divisione sortis da, & accipe.“ Et hoc designat cum dicit, *Invicem*. Tertio designatur quod effectus dilectionis debet esse promptus, & velox; quod designatur cum dicit, *Provenientes*, ut scilicet aliquis præveniat amicum in beneficiis. *Eccli. xxxv. 11.* „Omnis amicus dicit: Et ego amici- „tiam copulavi.“ Deinde cum dicit, *Solicitudine non pigri*, offendit qualiter se debeat habere dilectio caritatis ad Deum: & primo incipit ab ipsa rationis attentione, cum dicit: *Solicitudine sitis non pigri*, scilicet ad serviendum Deo. *Mich. vi. 8.* „In- „dicabo tibi, o homo, quid sit bonum, & „quid Deus requirat a te:“ postea subdit ibid. „Solicite ambulare cum Deo tuo.“ *II. Timoth. 11. 15.* „Solicite cura te ipsum „probabilem exhibere Deo.“ Secundo quantum ad effectum, cum dicit: *Spiritu sitis ferventes*, scilicet in Dei dilectione. Procedit autem fervor ex abundantia caloribus. Unde fervor spiritus dicitur, quia propter abundantiam divinæ dilectionis totus homo fervet in Deum. *Act. xviii.* dicitur, quod Apollo fervens spiritu loquebatur. *I. Thesi. ult. 19.* „Spiritus nolite extinguere.“ Tertio quantum ad exteriorum obsequium, cum dicit, *Dominus servientes*, scilicet servitute latricæ, quæ soli Deo debetur. *Deut. vi. 13.* „Dominum Deum tuum adorabis, & „illi soli servies.“ *Psal. 121. 1.* „Ser- vite

(a) *al.* neque. (b) *al.* qualis debeat esse dilectio ex parte diligentis.

in vite Domino in timore. " Vel secundum aliam litteram, *Tempori servientes*, ut scilicet Dei servitium congruo tempore faciamus. Eccle. viii. 6. " Omne negotio tempus est, & opportunitas. " Quarto quantum ad mercedem servitii, cum dicit, *Spe gaudentes*, scilicet mercedis, quæ est Dei fructus. Gen. xv. 1. " Ego Dominus, merces tua magna nimis. " Supra v. 2. *Gloriamur in spe gloria gloriam Dei*. Facit autem spes hominem gaudentem ratione certitudinis, sed tamen affligit ratione dilationis. Prov. xi. 12. " Spes quæ differtur, affligit animam. " Quinto quantum ad difficultatem, quam homo patitur in Dei servitio: unde subdit: *In tribulationibus, scilicet* quam propter Deum sustinetis, sitis patientes. Supra v. 3. *Tribulatio patientiam operatur*. Sexto quantum ad omnia prædicta dicit, *Orantibus instantes*; in quo orationis assiduitas designatur. Luc. xvi. 1. " Oportet semper orare, & nunquam deficere. " I. Theol. v. 17. " Sine intermissione orate. " Per orationem enim in nobis sollicitudo excitatur, fervor accenditur, ad Dei servitium incitatur, gaudium spei in nobis augeatur, & auxilium in tribulatione promeretur. Psal. cxix. 1. " Ad Dominum, cum tribulaber, clama vi, & exaudivit me. "

Deinde cum dicit, *Necessitatibus sanctorum communicantes*, determinat de caritate quantum ad speciales quasdam personas: & primo quidem quantum ad indigentes; secundo quantum ad inimicos, ibi, *Benedicite per-*

sequentibus vos. Circa primum duo facit. Primo inducit ad exhibenda beneficii a caritatis indigentibus in universali, cum dicit: *Necessitatibus sanctorum communicantes*. Ubi tria sunt notanda. Primo quidem quod elemosyna ex caritate sunt impendendæ indigentibus, sive necessitate patientibus. Ephes. xv. 12. " Laboret operando manibus suis quod bonum est, ut habeat unde tribuat necessitatem patienti. " Secundo quod potius est subveniendum iustis & sanctis quam aliis: unde dicit, *Necessitatibus sanctorum*. Eccle. xii. 5. " Da iusto, & non recipies peccatorem. " Quod quidem non sic est intelligendum, quin etiam in necessitatibus sit peccatoribus subveniendum; sed quia non est eis subveniendum ad fomentum peccati: utilius tamen est subvenire iustis, quia talis elemosyna fructuosa est non solum ex parte dantis, sed etiam ex suffragio recipientis. Luc. xvi. 9. " Facite vobis amicos de mammona iniquitatis, ut cum defeceritis, recipiant vos in æterna tabernacula. " scilicet suis suffragiis. Secundo in speciali admonet ad hospitalitatem, dicens, *Hospitalitatem sectantes*, quia scilicet in hoc misericordie opere alia misericordie opera includuntur: nam hospes non solum domum exhibet ad manendum, sed etiam alia necessaria subministrat. Hebr. ult. 2. " Hospitalitatem nolite oblivisci. " I. Petr. iv. 9. " Hospites invicem sine murmuratione. "

L E C T I O III.

Benedicite persequentibus vos, benedicite, & nolite maledicere. Gaudere cum gaudentibus, flere cum flentibus. Id ipsum invicem sentientes, non alta sapientes, sed humilibus consentientes. Nolite esse prudentes apud vosmetipsos. Nulli malum pro malo reddentes, providentes bona, non tantum coram Deo, sed etiam coram omnibus hominibus: si fieri potest, quod ex vobis est, cum omnibus hominibus pacem habentes: non vosmetipsos defendentes, cavissimi, sed date locum iræ: scriptam est enim: Mihi vindictam, & ego retribuam, dicit Dominus. Sed si esurierit inimicus tuus, ciba illum; si sitit, potum da illi: hoc enim faciens, carbonem ignis congeres super caput eius. Noli vinci a malo, sed vince in bono malum.

Supra Apostolus ostendit qualiter caritas sit exhibenda indigentibus; nunc ostendit qualiter sit exhibenda etiam inimicis: & primo ponit admonitionem; secundo probat quod dixit, ibi, *Scriptum est enim*. Circa primum considerandum est, quod ad caritatem tria pertinent. Primo quidem benevolentia, quæ consistit in hoc, quod aliquis velit bonum alteri, & malum eius

noluit; secundo concordia, quæ consistit in hoc, quod amicorum sit idem nolle. & vellet; tertio beneficentia, quæ consistit in hoc, quod aliquis beneficiat ei quem amat, & cum non lædat. Primo ergo ponit ea quæ pertinent ad benevolentiam; secundo ea quæ pertinent ad concordiam, ibi, *Gaudere cum gaudentibus*; tertio ea quæ pertinent ad beneficentiam, ibi, *Nulli malum*

S. Th. Oper. Tpm. VI.

Z

pro

Pro malo reddentes. Circa primum duo facit. Primo monet ut benevolentia sit ampla, quæ se extendat etiam ad inimicos, cum dicit: *Benedicite persequentibus vos*.

Circa quod notandum est, quod benedicere est bonum dicere. Contingit autem bonum dicere tripliciter. Uno modo enuntiando, puta cum quis bonum alterius laudat. Eccli. xxviii. 31. „Splendidum in panibus benedictis labia multorum, & testimonium veritatis illius fidele.“ Alio modo imperando, & sic benedicere per auctoritatem est proprium Dei, cuius imperio bonum ad creaturas derivatur; ministerium autem pertinet ad ministros Dei, qui nomen Domini super populum invocant. Num. vi. 23. „Sic benedicetis filiis Israel, & dicetis eis: Benedicat tibi Dominus, & custodiat te: ostendat Dominus faciem suam tibi, & misceatur tui; convertat Dominus vultum suum ad te, & det tibi pacem:“ & post 27. „Invocabunt nomen meum super filios Israel, & ego benedicam eis.“ Tercio benedicat aliquis optando. Psal. cxxviii. 1. „Et non dixe, runt qui præteribant: Benedictio Domini super vos.“ Et secundum hoc benedicere est bonum alicui velle, & quasi bonum pro aliquo precari: & hoc modo accipitur hic: unde in hoc quod dicitur, *Benedicite persequentibus vos*, datur intelligi quod etiam ad inimicos, & persecutores debemus esse benevoli, eis bona optando, & pro eis orando. Matth. v. 44. „Diligite inimicos vestros, & orate pro persequentibus, & calumniantibus vos.“

Quod autem hic dicitur, quodam quidem modo est in præcepto, quodam autem modo est in consilio; quod enim aliquis in generali dilectionis affectum impendat inimicis, non excludendo eos a communi dilectione proximorum, & a communi oratione quam quis pro fidelibus facit, pertinet ad necessitatem præcepti. Similiter etiam quod aliquis in articulo necessitatis inimico dilectionis effectum particulariter impendat, pertinet ad necessitatem præcepti: unde dicitur Exod. xxiii. 4. „Si occurreris bovi inimici tui, aut asino erranti, reducas eum.“ Sed quod aliquis in speciali dilectionis effectum, & orationis suffragium, aut qualecunque subventionis beneficium exhibeat inimico, interdum etiam extra articulum manifestæ necessitatis, pertinet ad perfectionem consiliorum: quia per hoc ostenditur tam perfecta caritas hominis ad

Deum, quod omne humanum odium superet. Ille autem qui pœnitet, & misericordiam petit, iam non est inter inimicos, aut persecutores computandus: unde ei abique omni difficultate sunt caritatis indicia ostendenda. Eccli. xxviii. 2. „Relinque proximo tuo nocenti te, & tunc deprecanti tibi peccata solventur.“

Secundo docet quod benevolentia, five benedictio, sit pura, idest absque permissione contrarii: unde dicit: *Benedicite, & nolite maledicere*; idest, ita benedicatis quod nullo modo maledicatis: quod est contra quosdam qui ore benedicunt, & corde maledicunt, secundum illud Psal. xxvi. 3. „Qui loquuntur pacem cum proximo suo, mala autem in cordibus eorum:“ & etiam contra illos qui quandoque benedicunt, quandoque maledicunt; vel quibusdam maledicunt, quibusdam maledicunt. Iac. iii. 10. „Ex ipso ore procedit benedictio, & maledictio. Non oportet, fratres mei, hæc ita fieri.“ L. Pet. iii. 9. „Non reddentes maledictum pro maledictio.“

Sed contra hoc videtur esse quod in sacra Scriptura plures maledictiones inveniuntur: dicitur enim Deut. xxvii. 27. „Maledictus qui non permanferit in sermonibus legis huius, nec eos opere perficit.“

Ad quod dicendum est, quod maledicere est malum dicere; quod quidem tripliciter contingit, sicut & benedicere, scilicet enuntiando, imperando, & optando; & secundum quodlibet horum modorum potest bene, & male fieri. Si enim id quod est (a) materialiter malum, dicatur malum, quolibet prædictorum modorum sub ratione boni, non est illicitum: quia hoc est magis benedicere, quam maledicere: unumquodque enim magis iudicatur secundum suam formam quam secundum suam materiam. Si vero aliquis dicat malum sub ratione mali, formaliter maledicit: unde est omnino illicitum. Utrumque autem horum contingit in hoc quod aliquis enuntiando malum profert: quandoque enim aliquis enuntiat malum alicuius ad notificandum necessariam veritatem; & sic dicit malum sub ratione veri necessarii, quod est bonum, unde est licitum; & hoc modo Iob iii. dicitur, quod Iob maledixit diei suæ, enuntiatis maliæ præsentis vitæ, sicut Apostolus dicit Ephes. v. 16. „Redimentes tempus, quoniam dies mali sunt.“ Quandoque autem aliquis enuntiat malum alterius (b) sub ratione

(a) *Materialiter*. (b) *Materialiter* sub ratione mali.

tionem mali, scilicet intentione detrahendi; & hoc est illicitum: dicitur enim I. Corin. vi. 10. „Neque maledicti, neque rati, paces regnum Dei possidebunt.“ Similiter etiam in eo quod quis dicit malum imperando. Contingit autem quandoque quod aliquis dicit id quod est materialiter malum sub ratione boni: puta cum ex imperio alicuius provenit alicui malum poenae propter iustitiam; quod quidem est licitum; & hoc modo transgressores legis maledicuntur; idest, poenae secundum iustitiam deputantur. Quandoque vero aliquis imperando dicit malum alterius iniuste, puta propter odium, & vindictam; & talis maledictio est illicita. Exod. xxi. 17. „Qui maledixerit patri, vel matri, morte moriatur.“ Ex idem est etiam circa id quod aliquis dicit, malum optando. Si enim hoc optet sub ratione boni, puta ut per adfinitatem aliquis perveniat ad spirituale profectum, hoc licitum est. Iob vi. 3. „Vidi stultum firma radice, & maledixi pulchritudini eius statim.“ Si vero hoc homo faciat propter odium, vel vindictam, est omnino illicitum. I. Reg. xvi. 43. „Maledixit Philistaeus David in diis suis.“

Deinde cum dicit, *Gaudere cum gaudentibus*, ponit ea quae pertinent ad concordiam: & primo ponit concordiae documenta; secundo removet impedimenta. ibi, *Non alta sapientes, sed humilibus consentientes*. Concordia autem potest dupliciter attendi. Uno modo quantum ad affectum in bonis, & in malis. In bonis quidem, ut aliquis bonis aliorum congaudeat: unde dicit: *Gaudere*, scilicet debetis, *cum gaudentibus*. Ad Philip. ii. 17. „Gaudeo, & congratulor omnibus vobis.“ Sed hoc est intelligendum quando quis gaudet de bono. Sunt autem quidam qui gaudent de malo, secundum illud Proverb. ii. 14. „Ligantur cum male fecerint, & exultant in rebus pessimis.“ Et (a) istis non est congaudendum. I. Corin. xiii. 6. dicitur de caritate, quod „non gaudet super iniquitate, congaudet autem veritati.“ In malis autem, ut aliquis tristetur de malis alterius: unde subdit: *Flere*, scilicet debetis, *cum sentibus*. Iob xxx. 23. „Flebam quondam super eo qui afflictus erat.“ Eccli. vii. 38. „Non desis plorantibus in consolatione, ne, & cum lugentibus ambula.“ Ipsa enim compassio amici condolentis consolationem in tristitia affert dupliciter. Primo

quidem quia ex hoc colligitur efficax amicitiae argumentum. Eccli. xii. 9. „In malitia illius (idest in infortunio) amicus cognitus est.“ Ex hoc ipsum est desiderabile cognoscere aliquem sibi esse verum amicum. Alio modo quia ex hoc ipso quod amicus condolet, videtur se offerre ad simul portandum onus adversitatis, quod tristitia causat: & quidem levius portatur quod portatur a pluribus, quam ab uno solo. Secundo concordia consistit in unitate sententiae; & quantum ad hoc dicit: *Id ipsum*, idest idem sitis, *inveniam sententiam*, ut scilicet in eadem sententia conveniaris. I. Corin. i. 10. „Sitis perfecti in eodem sensu, & in eadem sententia.“ Philip. ii. 2. „Eandem caritatem habentes unanimes, idipsum sentientes.“

Sciendum est tamen, quod duplex est sententia. Una quidemque pertinet ad iudicium intellectus circa speculabilia; puta circa considerationes geometricas, vel naturales. Dissentire autem in talibus non repugnat amicitiae, vel caritati: quia caritas in voluntate est; huiusmodi autem iudicia non proveniunt ex voluntate, sed ex necessitate rationis. Alia vero sententia pertinet ad iudicium rationis circa agenda; & in talibus dissensio amicitiae contrariatur: quia talis dissensio habet contrarietatem voluntatis: & quia fides non solum est speculativa, sed etiam practica, inquantum per dilectionem operatur, ut dicitur Gal. v. ideo etiam dissentire a recta fide, est contrarium caritati.

Deinde cum dicit, *Non alta sapientes &c.* excludit impedimenta concordiae; quae quidem sunt duo. Primum est superbia, ex qua contingit quod dum aliquis inordinate suam excellentiam quaerit, & subiectionem refugit, vult alium subici, & eius excellentiam impedire; & ex hoc sequitur discordia. Proverb. xiii. 10. „Inter superbos semper iurgia sunt.“ Et ideo ad hoc removendum dicit: *Non sitis alta sapientes*, ut scilicet inordinate vestram excellentiam appetitis. Supra ii. *Noli altum sapere, sed time.* Eccli. i. 22. „Altiora te ne quaesieris.“ Sed sitis consentientes humilibus, idest his quae sunt humilia; idest, quae abiecta videntur non reculetis, cum oportuerit. Psalm. lxxxiii. 11. „Elegi abiecta esse in domo Dei mei.“ I. Pet. ult. 6. (b) „Humiliamini sub potentiam Dei.“ Secundum impedimentum concordiae est praesumptio sapientiae,

Z 2

a) *Al.* in istis. (b) *Al.* „Deus superbis resistit humilibus autem dat gratiam.“

tia, (a) vel etiam prudentia, ex qua contingit quod aliquis aliorum sententia non credit: ad quod removendum dicit: *Nelito esse prudentes apud vosmetipsos*, ut scilicet iudicetis solum id esse prudentia quod vobis videtur. Esa. v. 21. "Vae qui sapientes estis in oculis vestris, & coram vobismet ipsis prudentes." Supra x. 25. *Utrum non sitis vosmetipsi sapientes.*

Deinde cum dicit, *Nulli malum pro male reddentes*, docet illa quae pertinent ad beneficentiam, excludendo contrarium: & primo docet quod non sit alicui malefaciendum ratione vindictae; secundo docet quod non sit alicui malefaciendum ratione defensionis, ibi, *Non vosmetipsos defendentes*. Circa primum tria facit. Primo prohibet vindictam, dicens: *Nulli malum pro malo reddentes*, scilicet sitis. Psal. vii. 5. "Si reddidi retribuentibus mihi mala, decidam merito ab inimicis meis inanis." I. Pet. iii. 9. "Non reddentes malum pro malo." Sed hoc est intelligendum formaliter, sicut supra dictum est de maledicto: prohibemur enim affectu odii, (b) vel vindictae reddere malum pro malo, ita quod in malo alterius delectemur. Sed si pro malo culpae, quod quis facit, reddat iudex malum poenae secundum iustitiam ad compensandam malitiam, materialiter quidem infert malum, sed formaliter & per se infert bonum: unde cum iudex suspendit latronem pro homicidio, non reddit malum pro malo, sed magis bonum pro malo. Et hoc modo Apostolus quemdam pro peccato incestus tradidit satanae in interitum carnis, ut spiritus salvus heret, ut habetur I. Corinth. v. Secundo docet quod etiam bona sint proximis exhibenda, dicens: *Providentes*, scilicet sitis, *bona non tantum coram Deo*, ut scilicet curetis satisfacere conscientiae vestrae coram Deo, *sed etiam coram omnibus hominibus*, ut scilicet ea faciatis quae hominibus placeant. I. Cor. x. 32. "Sine offensione, estote iudeis, & Gentibus, & Ecclesiae Dei, sicut & ego per omnia omnibus placeo." II. Corinth. vii. 21. (c), *Providemus bona non solum coram Deo*, sed etiam coram omnibus hominibus. Hoc tamen contingit & bene, & male fieri: si enim hoc fiat propter (d) favorem humanum, non bene agitur. Matth. vi. 1. Attendite ne iustitiam vestram faciatis coram hominibus, ut videamini ab eis. Si autem hoc fiat ad gloriam Dei, bene agitur, secundum illud Matth. v. 16. "Sicut lu-

ceat lux vestra coram hominibus, ut videant opera vestra bona, & glorificent Patrem vestrum qui in caelis est." Tertio assignat rationem utriusque dictorum. Ad hoc enim debemus abstinere a retributione malorum, & coram hominibus bona providere, ut cum hominibus pacem habeamus; & ideo subdit: *Cum omnibus hominibus pacem habentes*. Hebr. xii. 14. "Pacem sequimini cum omnibus." Sed hic addit duo: quorum primum est quod dicit, *Si fieri possit*. Quandoque enim malitia aliorum impedit ne cum eis pacem habere possimus, quia scilicet cum eis pax haberi non potest, nisi eorum malitiae consentiantur, quam quidem pacem constat esse illicitam: unde Dominus dicit Matth. x. 34. "Non venit pacem mittere, sed gladium." Aliud autem addit dicens, *Quod ex vobis est*; scilicet, & si ipsi contra pacem agant, tamen quod in nobis est, facere nos debemus, ut eorum pacem queramus. Psal. cxix. 6. "Cum his qui oderunt pacem eam paciscis: & alibi (Psal. xxxiii. 15.) "Inquire pacem, & persequere eam."

Deinde cum dicit, *Non vosmetipsos defendentes* &c. ostendit quod non sunt mala proximis inferenda per modum defensionis: & primo ponit documentum, dicens: *Non sitis vosmetipsos defendentes*, o carissimi, sicut de Christo dicitur Esa. l. 6. "Dedi corpus meum percutientibus, & genas meas velentibus: & lxx. 7. "Quasi agnus coram tonante re obmutuit." Unde & ipse Dominus mandavit Matth. v. 19. "Si quis te percuterit in una maxilla, praeterea etiam alteram." Sed, sicut Augustinus dicit in Lib. contra mendacium (cap. xv.) ea quae in novo testamento a sanctis facta sunt, valent ad exempla intelligendarum Scripturarum, quae in praeceptis data sunt. Ipse autem Dominus cum alapa percussus esset, non ait, Ecce altera maxilla; sed "Si male locutus sum, testimonium perhibeo de malo; si autem bene, quid me caedis?" Io. xviii. 23. Ubi ostendit preparationem alterius maxillae in corde esse faciendam. Paratus enim fuit Dominus non solum in altera caedi pro salute hominis, sed in toto corpore crucifigi. Et sicut Augustinus dicit ad Marc. cellinum (epist. 111.), tunc quidem hoc mandatum recte fit, cum ei creditur profuturum esse propter quem fit ad operandam in eo correctionem, atque concordiam, etiam si alius exitus consequatur. Sunt igitur ista praecepta patientiae semper in

(a) *Al. desit* vel etiam prudentia. (b) *Al. vel* invidiz. (c) *Al. Providentes*. (d) *Al. pavorem*,

in cordis præparatione retinenda; & ipsa benevolentia, ne reddatur malum pro malo, semper in voluntate complenda est. Agenda sunt autem & multa etiam cum invitis, benigna quadamalperitate plectendis. Secundo assignat rationem, cum dicit: *Sed date locum iræ*, idest divino iudicio, quasi diceret: Committatis vos Deo, qui suo iudicio potest vos defendere, & vindicare, secundum illud I. Pet. ult. 7. „Omnem sollicitudinem vestram proicientes, in eum, quoniam ipsi cura est de vobis.“ Sed hæc intelligenda sunt in casu in quo nobis non adest facultas aliter faciendi secundum iustitiam. Sed quia, ut dicitur Deuter. 1. 17, „Domini est iudicium,“ cum aliquis auctoritate iudicis, vel vindictam querat ad comprimendam malitiam, & non propter odium; vel etiam cum auctoritate aliquis superioris suam defensionem procurat; intelligitur locum dare iræ, idest divino iudicio, cuius ministri sunt Principes, ut dicitur infra xv. Unde etiam Paulus procuravit se per armatos defendi contra insidias Iudæorum, ut patet Act. xxiii.

Deinde cum dicit, *Sicut scriptum est* probat quod dixerat: & primo per auctoritatem; secundo per rationem, ibi, *Noli vinci a malo &c.* Circa primum duo facit. Primo probat quod dictum est de prohibitione vindictæ, dicens: Dictum est: *Date locum iræ*, idest divino iudicio: *scriptum est, enim*, Deuter. xxxii. 35. *Mihi vindictam, scilicet servate; & ego retribuam, dicit Dominus.* Nostra littera sic habet: „Mea est ultio, & ego retribuam eis in tempore.“ Psal. xciii. 1. „Deus ultionum Dominus.“ Nahum 1. 2. „Deus æmulator, & ultior, scens Dominus.“ Secundo probat per auctoritatem quod dictum est de benevolentia exhibenda inimicis. In qua quidem auctoritate primo ponit documentum, ut subveniamus inimicis in articulo necessitatis, quia hoc est de necessitate præcepti, ut supra dictum est; & hoc est quod dicit: *Sed*

si esurieris inimicus tuus, cibus illius; si sitis, potum da illi. Matth. v. 44. „Benefacite,“ his qui oderunt vos.“ Secundo rationem assignat, dicens: *Hoc enim faciens, carbonem ignis congeras super caput eius.* Quod quidem uno modo potest intelligi in malum, ut sit sensus: Si tu ei beneficias, bonum tuum vertetur ei in malum, quia ex hoc incurret combustionem ignis æterni per suam ingratitude. Sed ille sensus repugnat caritati, contra quam ageret qui alicui subveniret, ut ei proveniret in malum: & idcirco est exponendum in bonum, ut sit sensus: *Hoc enim faciens, idest in necessitate ei subveniens, carbonem ignis, idest amorem caritatis, de qua dicitur Cant. viii. 6. „Lampades eius ut lampades ignis, atque flammæ:“ congeras, idest congregabis, super caput, idest super mentem, eius:* quia, ut Augustinus dicit in Lib. de catechizandis rudibus (cap. iv.), nulla est maior provocatio ad amandum quam prævenire amando. Nimis enim durus animus qui dilectionem etsi nolebat impendere, non lit rependere.“ Deinde cum dicit, *Noli vinci a malo &c.* probat quod dixit per rationem. Naturale est enim homini, ut velit adversarium vincere, & non vinci ab eo. Illud autem ab aliquo vincitur quod ad illud trahitur; sicut aqua vincitur ab igne, quando trahitur ad calorem ignis. Si ergo bonus aliquis homo propter malum quod sibi ab aliquo infertur, trahatur ad hoc quod ei malefaciat, bonus a malo vincitur. Si autem e contrario propter beneficium, quod bonus persecutori exhibet, eum ad suum amorem trahit; bonus malum vincit. Dicit ergo: *Noli vinci a malo*, scilicet eius qui te persequitur, ut tu eum persequaris; *sed in bono tuo vinces malum illius*, ut scilicet ei benefaciendo, eum (a) a malo trahas. I. Ioan. ult. 4. „Hæc est victoria, quæ vincit (b) mundum, fides nostra.“ Hier. xv. 19. „Ipsi convertentur ad te, & tu non converteris ad eos,“

(a) *Al. emittim* a malo. (b) *Al. malum.*

CAPITIS DECIMITERTII

LECTIO I.

OMnis anima potestatibus sublimioribus subdita sit. Non enim est potestas nisi a Deo. Quæ autem sunt, a Deo ordinatae sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt. Nam Principes non sunt timori boni operis, sed mali. Vis autem non timere potestatem! Bonum fac, & habebis laudem ex illa. Dei enim minister est tibi in bonum. Si autem malum feceris, time: non enim sine causa gladium portat: Dei enim minister est, vindex in iram ei qui malum agit. Ideoque necessitate subditi estote, non solum propter iram, sed etiam propter conscientiam. Ideo enim & tributa præstatis: ministri enim Dei sunt, in hoc ipsum servientes. Reddite ergo omnibus debita: cui tributum, tributum; cui vespigal, vespigal; cui timorem, timorem; cui honorem, honorem.

Postquam Apostolus ostendit qualiter se debeat homo exhibere Deo, utendo donis gratiæ eius, hic ostendit quomodo debeat se exhibere proximo: & primo quantum ad superiores; & secundo quantum ad omnes, ibi, *Nemini quidquam debeatis*. Circa primum duo facit. Primo inducit homines ad subiectionem quam debet superioribus; secundo ad exhibendum subiectionis signum, ibi, *Idcirco & tributa præstatis*. Circa primum tria facit. Primo proponit documentum; secundo rationem assignat, ibi, *Non enim est potestas nisi a Deo*; tertio infert conclusionem intentam, ibi, *Itaque qui resistit potestati, Dei ordinationi resistit*. Circa primum considerandum est, quod quidam fideles in primitiva Ecclesia dicebant, terrenis potestatibus se subiici non debere, propter libertatem quam consecuti erant a Christo, secundum illud Ioan. vii. 36, Si Filius vos liberaverit, vere liberi eritis. Sed libertas per Christum concessa, est libertas spiritus, qua liberamur a peccato, & morte, sicut supra vii. 2. dictum est: *Lex spiritus in Christo Iesu liberavit me a lege peccati, & mortis*. Caro autem adhuc remanet servituti obnoxia, sicut supra vii. dictum est. Et ideo tunc nulli subiectioni homo per Christum liberatus erit obnoxius, nec spirituali scilicet, nec carnali, (a) ut dicitur I. Corinth. xv. 24., cum tradiderit Christus regnum Deo Patri, & evacuaverit omnem principatum, & potestatem. Interim autem dum corruptibilem carnem gerimus, oportet nos dominis carnalibus subiacere: unde dicitur Ephel. vi. 5., *Servus vobis obedite dominis carnalibus*. Ethoc est etiam quod hic Apostolus dicit: *Omnis*

anima potestatibus sublimioribus subdita sit. Potestates autem sublimiores hic dicuntur homines in potestatibus constituti, quibus secundum iustitiam ordinem subieci debemus. I. Petr. ii. 13., *Subditi estote omni hu-*
manæ creaturæ propter Deum, sive Re-
gi quasi præcellentem, sive ducibus tam-
quam ab eo missis ad vindictam malefa-
ctorum, laudem vero bonorum. "Dicit autem indefinice, *Potestatibus sublimioribus*, ut ratione sublimitatis officii eis subiiciamur, etiam si sint mali. Unde I. Petr. ii. 18. subditur: *Subiecti estote, non tantum bonis, & modestis, sed etiam discoloris.* "Quod autem dicitur, *Omnis anima*, per synecdochen intelligitur omnis homo, sicut & Gen. xvii. 14., *Delebitur anima illa de populo suo.* "Uritur autem hoc modo loquendi, quia subiectionem superioribus debemus ex animo, id est ex pura voluntate, secundum illud Ephel. vi. 6., *Non ad oculum servientes, quasi hominibus placentes, sed ex animo cum bona voluntate.* "Deinde cum dicit, *Non est enim potestas nisi a Deo*, ponit rationem admonitionis præmissæ: primo quidem ex parte honesti; secundo ex parte necessarii, ibi, *Qui autem resistunt, ipsi sibi damnationem acquirunt*. Circa primum duo facit. Primo præmittit duo principia; secundo ex eis concludit, ibi, *Itaque qui resistit potestati, Dei ordinationi resistit*. Primo enim præmittit originem potestatis, dicens: *Non est enim potestas nisi a Deo*. Quidquid enim communiter de Deo, & creaturis dicitur, a Deo in creaturas derivatur, sicut patet de sapientia, Eccli. i. 1., *Omnis sapientia a Domino Deo est*. Potestas autem de Deo, & de

(a) *Id. unde.*

& de hominibus dicitur. Job xxxvi. 5. „Deus (a) potestates non abiicit, cum ipse sit potens. „Unde consequens est quod omnis humana potestas sit a Deo. Dan. iv. 14. „Dominabitur excelsus in regno hominum, & cuiuscumque voluerit, dabit illud. „Ioan. xix. 11. „Non haberes potestatem adversum me, ullam, nisi tibi datum esset desuper. „

Sed contra hoc esse videtur quod dicitur Oléz viii. 4. „Ipsi regnaverunt, & non ex me; principes extiterunt, & non cognovi. „

Ad hoc dicendum est, quod regia potestas, vel cuiuscumque alterius dignitatis, potest considerari quantum ad tria. Uno quidem modo quantum ad ipsam potestatem; & sic est a Deo, per quem Reges regnant, ut dicitur Prov. viii. Alio modo potest considerari quantum ad modum adificiendi potestatem; & sic quandoque potestas est a Deo, quando scilicet aliquis ordinate potestatem adificatur, secundum illud Hebr. v. 4. „Nemo sibi honorem assumit, sed qui vocatur a Deo tamquam Aa „non: „quandoque vero non est a Deo, sed ex perverso hominis appetitu, qui per ambitionem, vel quocumque alio illicito modo potestatem adificatur. Amos vi. 14. „Numquid non in fortitudine nostra assumptimus nobis cornua? „Tercio modo potest considerari quantum ad usum ipsius; & sic quandoque est a Deo, puta cum aliquis secundum præcepta divinæ iustitiæ utitur concessa sibi potestate, secundum illud Proverb. xviii. 15. „Per me Reges regnant, & legum conditores iusta decernunt: „quandoque autem non est a Deo, puta cum aliqui potestate sibi data utuntur contra divinam iustitiam, secundum illud Psalm. xi. 2. „Assiterunt Reges terræ, & Principes convenerunt in unum adversus Dominum, & adversus Christum eius. „

Dubitatur etiam de potestate peccandi, utrum sit a Deo: ad quod dicendum est, quod ipsa potentia qua peccatur, a Deo est (eadem enim potentia est qua peccatur, & qua recte agitur) sed quod in bonum ordinetur, a Deo est; quod autem ordinetur ad peccandum, est ex defectu creaturæ, in quantum est ex nihilo. „

Secundo ponit quod ex quæ sunt, a Deo ordinata sunt: cuius ratio est, quia Deus omnia per suam sapientiam fecit, secundum illud Psalm. ciii. 24. „Omnia in sa-

„pientia fecisti. „Est autem proprium sapientiae, ordinate omnia disporre. Sapient. viii. 1. „Attingit a fine usque ad finem, fortiter, & disponit omnia suaviter. „Et ideo oportet effectus divinos ordinatos esse. Job xxxviii. 33. „Numquid nosti ordinem cæli, & pones rationem eius in terra? „Duplicem autem ordinem Deus in suis effectibus instituit: unum quidem quo omnia ordinantur in ipsum: Prov. xvi. 4. „Univerſa propter semetipsum operatus est Deus: „alium vero quo effectus divini ordinantur ad invicem, sicut dicitur Deut. xv. de sole, & luna, & stellis, quod fecit ea in ministerium cunctis gentibus. Deinde cum dicit, *Itaque qui resistit potestati, Dei ordinationi resistit*, ex duobus præmissis concludit propositum. Si enim potestas Principum, (b) in quantum talis est a Deo est, & nihil est a Deo sine ordine; consequens est quod etiam modo quo inferiores potestatibus superioribus subiciuntur, sit a Deo. Itaque qui contra hunc ordinem, *resistit potestati, Dei ordinationi resistit*. I. Reg. viii. 7. „Non te abiecerunt, sed me, ne regnum suum per eos. „Luc. x. 16. „Qui vos spernit, me spernit. „Resistere autem divinæ ordinationi contrariatur honestati virtutis: unde contra virtutem agit quicumque potestati resistit in eo quod pertinet ad ordinem suæ potestatis. „

Deinde cum dicit, *Qui autem resistunt, ipsi sibi damnationem acquirunt*, ostendit huiusmodi subiectionem non solum esse honestam, sed necessariam: & primo proponit quod intendit; secundo probat propositum, ibi, *Nam principes non sunt timori boni operis, sed mali*. Dicit ergo primo: Dictum est, quod *qui resistit potestati, Dei ordinationi resistit*: quod quidem secundum se est vitandum, tamquam contrarium virtuti. Multi tamen sunt qui amore virtutis non habentes, ea quæ sunt contraria virtuti, non detestantur: unde tales cogendi sunt ad vitacionem malorum per poenas; & quantum ad hoc subdit: *Qui autem resistunt, scilicet divinæ ordinationi, sibi damnationem acquirunt*, contra potestatis ordinem agendo. Quid quidem potest intelligi uno modo de damnatione æterna, quam merentur qui potestatibus subici non volunt in eo quod debent: in cuius exemplum Dathan, & Abiron, qui Moysi, & Aaron resistebant, sunt a terra absorpti, ut habetur Numer. xvi. Alio modo potest intelligi de

da-

(a) *Ibi* potentes. (b) *Id est* in quantum talis est.

damnatione poenæ, quæ per ipsos Principes iudicatur. Proverb. xx. 2. „Sicut rugitus leonis, ita & terror Regis: qui provocant eum, peccant in animam suam.“

Sed contra hoc videtur esse quod Apostoli, & martyres Principibus & potestatibus resistunt; & ex hoc non damnationem a Deo, sed præmium acquirunt.

Sed dicendum est, quod Apostolus hic loquitur de eo qui resistit (a) potestati, secundum quod est a Deo ordinata. Habet autem hoc divina ordinatio, ut potestati inferiori non obediatur contra superiorem; sicut etiam in rebus humanis, ut proconsuli non obediatur contra Imperatorem, nec balivo contra Regem. Et omnis potestas humana sub potestate Dei ordinatur, & nulli potestati humanæ est contra Deum obediendum, secundum illud Act. v. 29. „Oportet obedire magis Deo quam hominibus.“

Deinde cum dicit, *Nam Principes non sunt timori boni operis, sed mali*, assignat rationem eius quod dixerat: & primo ponit rationem; secundo ex ratione posita quoddam utile documentum trahit, ibi, *Vis autem non timere potestatem? Bonum fac*; tertio huius documenti necessitatem assignat, ibi, *Si autem male feceris time*. Dicit ergo primo: Didum est, quod qui resistunt potestati, sibi damnationem acquirunt: nam Principes, qui hic potestates dicuntur, non sunt timori, idest in timorem, boni operis, idest propter bonum opus, sed mali, idest propter malum. Quod quidem videtur esse intelligendum secundum causam instituti Principes. Ad hoc enim sunt (b) instituti Principes, ut illi qui amore virtutis non provocantur ad vitandum malum, & faciendum bonum, cogantur ad hoc timore poenæ. Proverb. xx. 8. „Rex qui sedet in solio iudicii, dissipat omne malum intui, tu suo.“ Et secundum hoc dicitur, quod Principes non sunt timori boni operis, sed mali; quantum ad id quod Principi ex officio competit, sicut & Elai. xxxii. 8. dicitur: „Princeps ea quæ sunt digna Principe cogitabit.“ Potest autem hoc referri etiam ad malos Principes, qui non sunt timori boni operis, sed mali: quia & si interdum iniuste persequuntur bene operantes, non tamen illi qui bene operantur, causam habent timendi: quia hoc ipsum, si patienter sustinent, in eorum bonum cedit, secundum illud I. Pet. ii.

14. „Si quid patimini propter iustitiam, beati. Timorem autem eorumne timebitis, ut non conturbemini.“ Ex hoc autem quod hic dicitur, assignari potest ratio quare qui potestati resistunt, sibi damnationem acquirunt: sive intelligatur de damnatione punitionis, quia Principes rebelles puniunt, sive de damnatione qua homines puniuntur a Deo. Si enim Principes sunt in prius mali operis, consequens est quod si aliquis potestati resistat, male operetur; & ira ipsius homo male agendo, est sibi causa punitionis temporalis, & æternæ.

Deinde cum dicit, *Vis autem non timere potestatem?* ex eo quod dixerat, quoddam utile documentum tradit, scilicet vitandi timorem Principum. Et primo insinuat sua interrogatione hoc esse desiderabile, dicens: *Vis non timere potestatem?* quasi dicat: Hoc debet homini esse placitum. Prov. xx. 2. „Sicut (c) rugitus leonis, ita & terror Regis.“ Secundo dicit medium ad hoc perveniendi, dicens, *Bonum fac*: quia, ut dicitur Prov. xvi. 13. „voluntas Regum, labia iusta.“ Et in Psal. c. 6. „Ambulans in via immaculata, hic mihi ministrabat.“ Tercio ostendit huius effectum dicens: Et si benefeceris, non solum timorem vitabis, sed etiam habebis laudem ex illa, scilicet potestate: quod pianum est, si accipitur secundum finem, ad quem instituta sunt potestates: ad hoc enim instituta sunt ut non solum a malis timore poenarum retrahant, sed etiam ut ad bonum (d) per præmia alliciant, secundum illud I. Pet. ii. 14. „Sive ducibus, tamquam ab eo missis ad vindictam (e) malorum, laudem vero bonorum.“ Verificatur hoc etiam de malis Principibus, quorum iniustus persecutionem dum boni patienter sustinent, laudantur. Iacob. v. 11. „Ecce beatificamus eos qui sustinent.“ Quarto rationem assignat dicens: *Dei enim minister est tibi in bonum*: quod quidem manifeste patet quantum ad debitum ordinem Principum: sunt enim sub regimine Dei, quasi supremi Principis, tamquam ministri ordinati. Sapient. vi. 5. „Cum esletis ministri (f) regni illius, non recte iudicatis.“ Ad idem autem tendit minister, & dominus. Eccli. x. 2. „Secundum iudicem populi, sic & ministri eius.“ Et ideo sicut Deus operatur in bonum his qui bonum agunt; ita & Principes, si recte ministerium suum impleant.

(a) *M.* potestati inferiori. (b) *M.* instituti. (c) *M.* facinus. (d) *M.* & præmia. (e) *M.* malefactorum. (f) *M.* Regis illius.

pleant. Sed & mali Principes ministri Dei sunt secundum ordinationem Dei ad inferendas penas, licet hoc sit præter intentionem eorum: secundum illud Esa. x. 5. „Assur virga furoris mei, & baculus ipse in manu mea est... Ipse autem non sic arbitrabitur: „& Hierem. xxv. 9. „Assumam universam cognationem aquilonis, & Nabuchodonosor Regem Babylonis servum meum, & adducam eos super terram istam, & super habitatores eius, & super omnes cognationes quæ in circuitu illius sunt, & interficiam eas: „& quia tales mali Principes interdum, Deo permittente, bonos affligunt, quod in bonum eorum committitur: secundum illud supra vi. 11. 28. *Diligentibus Deum omnia cooperantur in bonum.*

Deinde cum dicit, *Si autem male feceris, time*, ostendit necessitatem præmissi documenti. Dicitur enim, quod beneficiendo non timebis potestatem; *si autem male feceris, time*: quia causam timoris habes. Prov. x. 29. „Pavor his qui operantur malum. „Sapient. xvii. 10. „Cum sit timida nequitia, data est in omnium condemnationem. „Secundo assignat rationem, dicens: *Non enim sine causa gladium percutit.* Loquitur autem secundum consuetudinem Principum, qui quasi (a) insignia suæ potestatis, deferrebat instrumenta puniendi, puta falces virgarum ad verberandum, & secures, vel gladios ad occidendum. Iob xix. 29. „Fugite a facie gladii, quoniam ultor iniquitatum est gladius. „Tertio rationem exponit, dicens: *Portat, inquam, gladium quia est minister Dei, vindicæ*, idest vindictam exercens, *in iram*, idest ad exequendam iram Dei, idest iustum iudicium eius, *ei qui malum agit*, idest contra malefactorem. Ezech. xvi. 37. „Ecce ego congregabo omnes amatores tuos, & iudicabo te in iudiciis adulterorum, & dabo te in manus eorum, & destruent lupanar tuum. „Prover. xvi. 22. „Abominabiles Regi qui impie agunt, quoniam iusticia firmatur solum. „Ex quo patet quod non solum est licitum, sed etiam meritorium Principibus qui zelo iustitiæ vindictam exercent in malos: unde dicitur Ezech. xxxix. 29. „Erit merces exercitui illius, & operi qui servivit mihi, adversus eam.

Deinde cum dicit, *Ideoque necessitate subditi ostendit*, inserit conclusionem principaliter intentam, dicens: *Ideoque*, propter prædicta, Th. Oper. Tom. VI.

has rationes, (b) *subditi ostendit*, Principibus, ex necessitate, quia scilicet hoc est ex necessitate salutis: vel *subditi ostendit* voluntarie necessitati quæ vobis imminet potentia Principum, ut faciat de necessitate virtutem; non solum *propter iram*, idest vindictam vitandam, quod pertinet ad secundam rationem, sed etiam *propter conscientiam*, bonam conservandam, quod pertinet ad primam rationem: quia *quæ potestati resistit, Dei ordinationi resistit*. Tit. iii. 1. „Admonet illos, Principibus, & potestatibus subditos esse.

Deinde cum dicit, *Ideo enim & tributa præstatis*, inducit homines ad exhibendum suis superioribus signum subiectionis: & primo ponit signum subiectionis; secundo inducit ad eius exhibitionem, ibi, *Reddite ergo omnibus debita*. Circa primum duo facit. Primo ponit subiectionis signum, dicens: *Ideo enim*, idest quod debetis esse subiecti, & tributa præstatis, idest præstare debetis, in signum scilicet subiectionis. Et de eo conquerendo dicitur Thren. i. 1. „Princeps provinciarum facta est subtributo. Dicuntur autem tributa, eo quod subditi dominis ea tribuunt. Secundo assignat rationem, dicens: *Ministri enim Dei sunt, in hoc ipsum*, (c) idest pro hoc ipso, scilicet tributo, recipiendo, *servientes*, scilicet Deo & populo; quasi dicat: Unusquisque de suo ministerio vivere debet, secundum illud I. Corinth. ix. 7. „Quis pascit gregem, & de lacte eius non edit? Et ideo cum Principes nostri suo regimine Deo ministrent, a populo debent tributa suscipere, quasi stipendia sui ministerii; non autem ita quod hoc debeant sibi computare pro præmio; proprium enim præmium Principis est laus, & honor, ut Philosophus dicit in V. Ethic. & cum hoc non sufficit, tyrannus fit. Sed hoc non est intelligendum de laude humana solum, vel honore, quia tale præmium esset vanum; sed de laude, & honore divino, qui Principibus bene gubernantibus exhibetur. Sapient. vi. 22. „O Reges populi, diligite sapientiam, ut in perpetuum regnetis. „Huiusmodi autem tributa recipiunt ad sustentationem. Laborant autem Principes ad omnium pacem. Unde dicitur II. Tim. ii. 2. „Obsecro primum omnium fieri obsecrationes pro Regibus, & omnibus qui in sublimitate sunt constituti, ut quietam ac tranquillam vitam agamus. „Baruch i. 11. „Orate pro Aa „vita

(a) *Id.* in figura. (b) *Id.* subditi ostendit voluntarie necessitati quæ vobis imminet: præcepto Patris propter hoc intermediis ostendit. (c) *Id.* idest pro hoc ipso tributa recipiendo.

„vita Nabuchodonosor Regis Babylonis, ut vivamus sub umbra eius.“ Ab hoc tamen debito liberi sunt clerici ex privilegio Principum; quod quidem æquitatem naturalem habet: unde etiam apud Gentiles liberi erant a tributis illi qui vacabant rebus divinis: legitur enim Gen. xlvii. quod Ioseph subiecit Pharaoni totam terram Aegypti, præter terram sacerdotum, quæ a Rege tradita fuerat eis, quibus & Ratura eibaria ex horreis publicis præbebantur. Et infra (loc. cit.) dicitur, quod in universa terra Aegypti quinta pars solvitur absque terra sacerdotali, quæ libera erat ab hac conditione. Hoc autem (a) ideo æquum est, quia sicut Reges solitudinem habent de bono publico in bonis temporalibus, ita ministri Dei in spiritualibus ministrant, & sic per hoc quod Deo in spiritualibus ministrant, recompensant Regi quod pro eorum pace laborat.

Sed attendendum est, cum tributa dicat Regibus esse debita, quasi laboris stipendium, quod dupliciter peccare possunt Principes accipiendo tributa. Primo quidem si utilitatem populi non procurent, sed solum ad diripiendum eorum bona intendant: unde dicitur Ezech. xxxiv. 3. „Lae co- medebatis, & lanis operiebamini, & quod erassum erat occidebatis; gregem autem meum non pascabatis.“ Alio modo ex eo quod violenter diripiunt supra statutam legem, quæ est quasi quoddam pactum inter Regem & populum, & supra populi facultatem: unde dicitur Mich. iii. 1. „Audite Principes Iacob, & duces domus Israel:“ & postea subdit: „Qui violent ter tollitis pelles eorum desuper eis, & carnes eorum desuper ossibus eorum.“

Deinde cum dicit, *Reddite ergo omnibus debita*, monet ad reddendam prædictum subiectionis signum: & primo quidem in

generali, dicens: Ex quo tributum debetur Principibus, tamquam Dei ministris, *reddite ergo omnibus debita*. Et quo patet quod ex necessitate iustitiæ tenentur subditi sua iura Principibus exhibere. Matth. xviii. 24. „Oblatus est Regi unus qui debebat decem millia talenta:“ & xxii. 21. „Reddite quæ sunt Cæsaris Cæsari.“ Secundo specificat; & primo ea quæ sunt exteriora, dicens: *Cui tributum*, scilicet debetis, *reddite tributum*, quod scilicet Principi tribuitur pro generali regimine, quo patriam in pace, & quiete gubernat. Gen. xlix. 15. „Vidit requiem, quod esset bona factusque est tributis serviens.“ *Cui vestigal*, scilicet debetis, *reddite vestigal*, quod scilicet redditur Principi in aliquibus certis locis de mercimoniis quæ deferuntur, pro reparatione (b) viarum, & custodia. Vel vestigal dicitur quod datur Principi, quando per patriam (c) devehitur, sicut sunt procuraciones, & alia huiusmodi. Secundo ponit ea quæ sunt interiora exhibenda. Est autem considerandum, quod Principi debetur & timor, & honor: timor quidem, inquantum est dominus suæ potestate malos coercens (d) a malis. Malach. i. 6. „Si ego Dominus, ubi est timor meus?“ Et ideo dicit: *Cui timorem*, scilicet debetis, *reddite timorem*. Proverb. xxiv. 21. „Deum time filii mei.“ Inquantum autem quasi pater providet bonis quæ sunt in laudem eorum, debetur illi honor. Malach. i. 6. „Si ego pater, ubi honor meus?“ Et ideo subdit: *Cui honorem*, debetis, *reddite honorem*. I. Pet. ii. 17. „Regem honorificate.“

Sed contra est quod dicitur Lev. xix. 15. „Non honores vultum potentis.“ Sed hoc est intelligendum quantum ad hoc ut pro eo a iustitia non declines: unde subditur ibid. „Iuste iudica proximo tuo.“

(a) *Al.* omnino. (b) *Al.* deß viarum. (c) *Al.* devenituz. (d) *Al.* omittitur a malis.

LECTIO II.

Nemini quidquam debeatis, nisi ut invicem diligatis: qui enim diligit proximum, legem implevit. Nam Non adulterabis, Non occides, Non furaberis, Non falsum testimonium dices, Non concupisces, & si quod est aliud mandatum, in hoc verbo instauratur, Diliges proximum tuum sicut teipsum. Dilectio proximi, malum non operatur. Plenitudo ergo legis est dilectio.

Supra Apostolus ostendit qualiter debeant fideles ad superiores iustitiam observare; hic ostendit (a) quid debeant omnibus communiter exhibere: & circa hoc duo facit. Primo proponit quod intendit; secundo reddit rationem, ibi, *Qui enim diligit proximum, legem implevit*. Dicit ergo primo: Dicitur est, *Reddite omnibus debita*, non quidem particulariter, sed integraliter: & hoc est quod (b) subdit: *Nemini quidquam debeatis*; quasi dicat: Ita plene omnibus omnia debita persolvatis ut nihil remaneat quod solvere debeatis. Et hoc quidem propter duo. Primo quia in ipsa mora reddendi, peccatum committitur, dum homo iniuste detinet rem alienam: unde dicitur Lev. xix. 13. „Non moraberis opus mercenarii tui apud te usque mane.”

Et eadem est ratio de aliis debitis. Secundo quia quamdiu aliquis debet, est quodammodo servus, & cui debet obligatur. Proverb. xxi. 7. „Qui accipit mutuum, servus est feneratoris.” Sunt tamen quædam debita a quibus homo numquam potest se absolvere; & hoc (c) contingit dupliciter. Uno quidem modo propter excellentiam beneficii, cui æquivalens recompensari non potest; sicut Philosophus dicit de honore qui exhibetur Deo, vel parentibus, secundum illud Psal. cxv. 12. „Quid retribuam Domino pro omnibus quæ retribuit mihi?” Alio modo propter causam debendi, quæ semper manet; vel etiam propter hoc quod illud quod redditur, nunquam exhauritur, sed semper in reddendo crescit. Et propter has causas debitorum dilectionis fraternæ ita solvitur quod semper debetur. Primo quidem quia dilectionem proximo debemus propter Deum, cui sufficienter recompensari non possumus: dicitur enim I. Ioan. iv. 21. „Hoc mandatum habemus a Deo, ut qui diligit Deum, diligat & fratrem suum,” Se-

cundo quia causa dilectionis semper manet, quæ est similitudo naturæ, & gratiæ. Eccli. xiii. 19. „Omne animal diligit sibi simile; sic & omnis homo proximum sibi.” Tertio quia caritas in diligendo non deficit, sed proficit. Philip. i. 9. „Hoc oro, ut caritas vestra magis ac magis abundet.” Ideo dicit: *Nisi ut invicem diligatis*; quia scilicet dilectionis debitum ita semel redditur ut tamen semper maneat sub debito præcepti. Ioan. xv. 12. „Hoc est præceptum meum, ut diligatis invicem.”

Deinde cum dicit, *Qui enim diligit proximum, legem implevit*, assignat causam eius quod dixerat, debito dilectionis nos numquam absolvi, quia scilicet in dilectione, tota legis impletio consistit: unde circa hoc tria facit. Primo proponit quod intendit; secundo manifestat propositum, ibi, *Nam non adulterabis &c.* tertio infert conclusionem intentam, ibi, *Plenitudo ergo legis est dilectio*. Dicit ergo primo: Ideo dictum est, quod non intendamus nos expungere a debito dilectionis, sicut ab aliis debitis: *qui enim diligit proximum, legem implevit*; id est, tota impletio legis ex proximi dilectione dependet.

Sed hoc non videtur verum: dicitur enim I. Timoth. 2. 5. quod „finis præcepti caritas est.” Unumquodque enim perficitur cum ad finem pervenit: & ideo tota legis perfectio in caritate consistit. Sed caritas duos habet actus, scilicet dilectionem Dei, & dilectionem proximi: unde & Dominus dixit Matth. xxiii. quod tota lex, & Prophetæ pendet in duobus mandatis caritatis; quorum unum est de dilectione Dei, aliud de dilectione proximi. Non ergo videtur quod qui proximum diligit, implet totam legem.

Sed dicendum est, quod illa dilectio proximi ad caritatem pertinet, & legem implet, quia proximus diligit propter Deum;

Aa 2 & ita

(a) *Al.* quid debeant omnibus exhibere: & primo proponit &c. (b) *Al.* ostendit. (c) *Al.* omni-
bus contingit.

& ita in dilectione proximi includitur dilectio Dei, sicut causa includitur in effectu. Dicitur enim I. Ioan. 19. 21. „ Et „ hoc mandatum habemus a Deo, ut qui „ diligit Deum, diligat & fratrem suum. „ Et e converso dilectio proximi includitur in dilectione Dei, sicut effectus in causa: unde ibidem dicitur: „ Si quis dixerit, quoniam diligo Deum, & fratrem suum odit, mendax est. „ Et inde est quod in sacra Scriptura quandoque fit mentio solum de dilectione Dei, quasi sufficiat ad salutem, secundum illud Deut. x. 12. „ Et nunc „ Israel audi: quid Dominus Deus tuus pe- „ tit a te, nisi ut timeas Dominum Deum „ tuum, & ambules in viis eius, & dili- „ gas eum? „ quandoque autem fit mentio solum de dilectione proximi: Ioan. xv. 17. „ Hoc vobis mando, ut diligatis invicem. „

Deinde cum dicit, *Nam non adulterabis* &c. probat propositum: primo quidem per inductionem; secundo vero per medium syllogismi, ibi, *Dilectio proximi, malum non operatur*. Circa primum, more inducentium, enumerat quaedam praecepta quae dilectionem proximi implent. Et quia praecepta tria primae tabulae immediatus ordinantur ad dilectionem Dei, non facit mentionem hic de eis, quamvis & ipsa implentur in dilectione proximi, (a) prout dilectio Dei includitur in dilectione proximi. Enumerat autem mandata secundae tabulae; praetermittit tamen praeceptum affirmativum tantum, quod est de honore parentum, in quo etiam intelligitur ut omnibus reddamus quae debemus; enumerat autem praecepta negativa, per quae aliquis prohibetur malum proximis inferre; & hoc duplici ratione. Primo quidem quia praecepta negativa sunt magis universalia & quantum ad tempora, & quantum ad personas. Quantum ad tempora quidem, quia praecepta negativa obligant semper, & ad semper: nullo enim tempore est furandum, & adulterandum: praecepta autem affirmativa obligant quidem semper, sed non ad semper, sed pro loco, & tempore: non enim tenetur homo ut omni tempore honoret parentes, sed pro loco, & tempore. Quantum ad personas autem, quia nulli hominum est nocendum. Non autem sufficientes sumus ut unus homo possit omnibus hominibus servire. Secundo quia magis manifestum est quod per dilectionem proximi implentur praecepta nega-

tiva quam affirmativa: qui enim diligit aliquem, magis abstinere a nocimento illius, quam ei beneficia impendat, a quo quandoque homo impeditur per impotentiam. Tripliciter autem aliquis nocementum proximo inferre potest. Uno modo, facto; alio modo, verbo; tertio, desiderio. Facto qui dem tripliciter. Uno modo quantum ad personam ipsius proximi; & hoc prohibetur cum dicitur, *Non occides*: in quo etiam intelligitur prohiberi omnis iniuria in personam proximi illata. I. Ioan. 11. 15. „ Omnis homicida non habet vitam aeternam „ in se ipso. „ Secundo quantum ad personam coniunctam, scilicet uxorem; & hoc prohibetur cum dicitur, *Non adulterabis*: in quo etiam intelligitur prohiberi fornicatio, & omnis illicitus usus genitalium membrorum. Hebr. ult. 4. „ Fornicatores, & adulteros iudicabit Deus. „ Tertio quantum ad res exteriores: quod prohibetur cum dicitur, *Non furaberis*: in quo etiam (b) prohibetur omnis iniuria substractio rei alienae, sive per vim, sive per dolum. Zach. v. 3. „ Omnis fur, sicut ibi scriptum „ est, iudicabitur. „ Nocementum autem quod quis proximo infert verbo, prohibetur cum dicitur: *Non falsum testimonium dices*: quod non solum prohibetur in iudicio, sed etiam extra iudicium, sive per modum detractionis, sive per modum contumeliae. Proverb. 11. 9. „ Testis falsus non erit „ impunitus; & qui mendacia loquitur „ non effugiet. „ Nocementum autem quod quis infert proximo, solo desiderio, prohibetur cum dicitur: *Non concupiscas rem proximi tui*: ubi etiam intelligitur prohiberi concupiscentia uxoris. Supra vii. 7. *Nam concupiscentiam nesciebam*, scilicet esse peccatum, nisi lex diceret, *Non concupiscas*. Ponuntur autem haec mandata Exod. xx. Enumeratis autem pluribus praeceptis, colligit omnia alia in communi, dicens: *Et si quod est aliud mandatum*, affirmativum, (c) vel negativum, vel ad Deum, vel ad proximum pertinens, per modum supra dictum, *insinuat*, idest perficitur, & impletur, in hoc verbo, *Diliges proximum tuum sicut te ipsum*. Quod quidem ponitur Lev. xix. 18. ubi nos habemus: „ Diliges amicum tuum sicut te ipsum. „ Quod autem dicit, *Proximum tuum*, referendum est ad omnem hominem, & etiam ad sanctos Angelos, ut Augustinus probat in l. de Doctrina Christiana (cap. xxx.) Nomine enim

(a) id est, non includit dilectionem Dei. (b) id est, intelligitur prohiberi. (c) id est, vel negativum ad proximum pertinens &c.

Enim proximi intelligitur quicumque facit alicui misericordiam, secundum illud Luc. x. 36. „ Quis tibi videtur illi proximus „, fuisse qui incidit in latrones? Et ille dicit: „ xit: Qui fecit misericordiam in illum. „ Et quia proximus est proximo proximus, consequens est quod etiam ille qui ab aliquo misericordiam recipit, proximus ei dicitur. Sancti autem Angeli nobis misericordiam impendunt, & nos omnibus hominibus misericordiam debemus impendere, & ab eis, cum necesse fuerit, recipere: unde patet quod sancti Angeli, & omnes homines proximi nobis dicuntur, quia beatitudinem ad quam nos tendimus, vel iam habent, vel ad eam nobiscum tendunt. Ex quo patet quod demones non sunt secundum hanc rationem proximi nobis, nec sub hoc precepto eorum dilectio nobis iniungitur: quia sunt totaliter (a) a dilectione Dei exclusi, & non sunt computandi in numero proximorum, sed in numero hostium. Quod autem dicit, *Sicut seipsum*, non est referendum ad aequalitatem dilectionis, ut scilicet aliquis teneatur diligere proximum aequaliter sibi: hoc enim esset contra ordinem caritatis, quo quilibet plus tenetur suam, quam aliorum salutem curare: Cant. 11. 4. „ Ordinavit in me caritatem: „ sed est referendum ad similitudinem dilectionis, ut scilicet similiter diligamus proximum sicut nosipsum; & hoc tripliciter. Primo quidem quantum ad finem dilectionis, ut scilicet nos, & proximum diligamus propter Deum. Secundo quantum ad formam dilectionis, ut scilicet sicut aliquis seipsum diligit, quasi sibi volens bonum, ita aliquis proximum diligit, (b) quasi ei bona volens.

Qui autem diligit proximum ad hoc solum ut eius utilitate, vel delectatione potiat, non vult bonum proximo, sed ex proximo vult sibi bonum. Quo quidem modo homo amare dicitur res irracionales, puta vinum, vel aquam, ut scilicet eis utatur. Tertio quantum ad effectum dilectionis, ut scilicet aliquis necessitati proximi subveniat, sicut sibi; & quod nihil illicitum propter amorem proximi committat, sicut nec propter suum amorem.

Deinde cum dicit, *Dilectio proximi, malum non operatur*, manifestat propositum medio syllogismi per hunc modum. Qui diligit proximum, nullum malum operatur ad ipsum; sed ad hoc tendit omne legis preceptum, ut abstineatur a malo: quicquid diligit proximum, legem implet. Quod autem dilectio proximi malum non operetur, habetur I. Corinth. xiii. 4. „ Caritas „ non agit perperam. „ (c) Quocumque autem modo accipitur hic malum; vel pro malo transgressionis, vel etiam omissionis; poterit hoc referri non solum ad precepta negativa, sed etiam ad affirmativa. Inquantum vero dilectio proximi includit dilectionem Dei, intelligitur quod dilectio proximi excludit malum, non solum quod est contra proximum, sed etiam quod est contra Deum. Et sic includuntur etiam precepta tabulae primae.

Ultimo autem insert conclusionem principaliter intentam, dicens: *Plenitudo ergo legis est dilectio*; id est, per dilectionem lex impletur, & perficitur. Eccli. xxiv. 16. „ In plenitudine sanctorum detentio mea. „ Coloss. 111. 14. „ Caritatem habete, quod „ est vinculum perfectionis. „

LECTIO III.

ET hoc scientes tempus, quia hora est iam nos de somno surgere: nunc enim propior est nostra salus quam cum credidimus. Nox praecessit, dies autem appropinquavit. Abiciamus ergo opera tenebrarum, & induamur arma lucis. Sicut in die honeste ambulemus, non in comestationibus, & ebrietatibus, non in cubilibus, & impudiciis, non in contentione, & emulatione; sed induimini Dominum Iesum Christum; & carnis curam ne feceritis in desideris.

Postquam Apostolus ostendit quomodo homo debet se Deo exhibere pium, convenienter eius donis utendo, & proximo iuste, ei debita reddendo; hic ostendit quomodo in seipso debeat honestatem conservare: & circa hoc duo facit. Primo pro-

ponit temporis congruitatem; secundo exhortatur ad honestatem operum, ibi, *Abiciamus ergo opera tenebrarum*. Circa primum tria facit. Primo ponit temporis congruitatem; secundo assignat rationem, ibi, *Nunc enim propior est nostra salus quam cum credidi*.

(a) *M.* a societate. (b) *M.* amittitur quasi ei bona volens. (c) *M.* Et si quidem accipitur hic malum non solum transgressionis, sed etiam omissionis; poterit hoc referri &c.

dimis; tertio adhibet similitudinem, ibi, *Non praecessit, dies autem appropinquavit*. Dicit ergo primo: *Dictum est quæ debetis observare*, & hoc non solum propter ea quæ dicta sunt, sed etiam *scientes hoc tempus*, idest per hoc quod debetis considerare huius temporis conditionem: quia, ut dicitur Eccl. viii. 6. „omni negotio tempus est, & opportunitas.“ Hier. viii. 7. „Milvus in celo cognovit tempus suum,“ turtur, & hyrundo, & ciconia custodierunt tempus adventus sui: populus autem meus non cognovit iudicium Domini. „Ad quid autem congruum sit hoc tempus, ostendit subdens: *Quia hora est iam nos de somno surgere*: quod quidem intelligendum est, non de somno naturæ, quod quandoque dicitur mors, secundum illud I. Thess. iv. 12. „Nolumus vos ignorare de dormientibus:“ quandoque autem est quies animalium virtutum, secundum illud Ioan. xi. 12. „Si dormit, salvus erit.“ Nec etiam intelligendum est de somno gratiæ, quod quandoque dicitur quies æternæ gloriæ, secundum illud Psal. xv. 9. „In pace in idipsum dormiam, & requiescam:“ quandoque autem est quies contemplationis etiam in hac vita: Cant. v. 2. „Ego dormio, & cor meum vigilat.“ Sed intelligitur de somno culpæ, secundum illud Ephel. v. 14. „Exurge qui dormis, & exurge a mortuis, & illuminabit te“ Christus: „vel etiam negligentia, secundum illud Proverb. vi. 9. „Usquequo piger dormies? Tempus ergo est surgendi a somno culpæ per penitentiam: Psal. cxxvi. 2. „Surgite postquam sederitis, qui manducatis panem doloris:“ a somno vero negligentia per sollicitudinem bene operandi: Esa. xxi. 5. „Surgite Principes, accipite clypeum.“ Eccli. xxxii. 15. „Hora surgendi non te (a) tristat.“ Deinde cum dicit, *Nunc enim propior est salus nostra*, assignat rationem eius quod dixerat, dicens: *Nunc enim propior est salus nostra, quam cum credidimus*: quod quidem secundum intentionem Apostoli intelligitur de salute vitæ æternæ, de qua dicitur Esa. lx. 8. „Salus autem mea in sempiternum erit.“ Ad hanc autem salutem homo ordinatur primo quidem per fidem. Mar. ult. 16. „Qui crediderit, & baptizatus fuerit, salvus erit.“ Sed semper magis ac magis homo accedit ad eam per bona opera, & caritatis augmentum: unde dicitur Iacob. iv. 8. „Appropinquate Deo, & appropinqua-

bit vobis.“ Hoc est ergo quod Apostolus dicit: Ideo *hora est iam nos de somno surgere*: nunc enim, quando laiciliter per opera bona, & per caritatis augmentum proficimus, propior, idest propinquior, est, scilicet nobis, *nostra salus*, scilicet vitæ æternæ, de qua dicitur Esa. lx. 8. „Salus autem mea in sempiternum erit:“ *quam cum credidimus*, idest quam cum a principio fidem accepimus. Et potest hic intelligi duplex propinquitas. Una quidem secundum tempus: quia viri sancti in operibus iustitiæ proficientes, magis appropinquant ad terminum vitæ huius, in quo incedendum accipiunt. Alia vero est propinquitas dispositionis, vel præparationis: quia per augmentum caritatis, & operationem iustitiæ, homo præparatur ad illam salutem. Matth. xxv. 10. „Quæ paratæ erant,“ intraverunt cum eo ad nuptias. „Sed secundum quod Ecclesia hæc verba adventus tempore legit, videntur hæc verba esse referenda ad salutem quam Christus fecit in suo primo adventu, ut intelligamus Apostolum loquentem, quasi ex persona omnium fidelium, qui fuerunt ab initio mundi. Appropinquante enim iam tempore incarnationis Christi, quo vaticinia Prophetarum crebrescebant, quod tempus repræsentat Ecclesia, poterit dici: *Nunc propior est nostra salus*, scilicet Christus, *quam cum credidimus*, idest cum homines a principio credere cœperant Christi adventum futurum. Esa. lvi. 1. „Luxa est salus mea ut veniat, & iustitia mea ut reveletur.“ Posset etiam assumi ad tempus misericordiarum, quo quis incipit velle a præteritis peccatis discedere: tunc enim magis appropinquat suæ salutis, quam a principio, dum haberet fidem informem. Iac. iv. 7. „Reversite diabolo, & fugiet a vobis; appropinquate Deo, & appropinquabit vobis.“ Deinde cum dicit, *Non praecessit, dies autem appropinquavit*, ponit ad propositum similitudinem: quod quidem secundum intentionem Apostoli sic videtur esse intelligendum ut totum tempus vitæ præsentis nostri comparatur propter ignorantiam tenebris, (b) quibus præsens vita gravatur: Iob xxxvi. 19. „Omnes quippe involvimur tenebris:“ & de hac nocte dicitur Esa. xxi. 9. „Anima mea decidit te in nocte.“ Dies autem comparatur status futuræ beatitudinis propter claritatem Dei, quæ sancti illustrantur. Esa. lx. 19. „Non erit tibi amplius sol ad lucendum per diem, nec

splen-

(a) Hi tristes. (b) Alii desunt sequentia usque ad illa verba, Et de hac nocte &c.

„splendor lunc illuminabit te; sed erit
 „tibi Dominus in lucem sempiternam.“
 „Ad quem diem refertur quod dicitur in
 „Psal. cxvii. 24. „Hæc dies quam fecit
 „Dominus, exultemus, & lætemur in ea.“
 „Alio modo potest intelligi quod status cul-
 „pæ nodi comparatur propter tenebras cul-
 „pæ, de quibus dicitur in Psal. lxxxii. 5.
 „Nescierunt, neque intellexerunt: in tene-
 „bris ambulat:“ & de hac nocte dicitur
 „Sap. xviii. 20. „Solis autem illis superpo-
 „sita erat gravis nox, imago tenebrarum,
 „quæ superventura erat illis.“ Dies autem
 „dicitur status gratiæ propter lumen
 „spiritualis intelligentiæ, quod iusti habent,
 „sed impii deest. Psal. xcvi. 19. „Lux orta
 „est iusto.“ Sap. v. 6. „Sol intelligen-
 „tiæ non est ortus nobis.“ Tertio modo
 „potest intelligi quod comparatur nodi tem-
 „pus præcedens Christi incarnationem, quia
 „nondum erat manifestata, sed sub quadam
 „caligine. II. Pet. i. 19. „Habetis prophē-
 „tium sermonem, cui bene facitis atten-
 „dentes, quasi lucernæ lucenti in caligi-
 „noso loco.“ Et de hac nocte dicitur Ef.
 „xxi. iv. „Custos quid de nocte?“ Unde
 „in nocte apparent umbræ, ita etiam
 „illo tempore eminebant legalia, quæ sunt
 „umbra futurorum, ut dicitur Coloss. ii.
 „Tempus autem ab incarnatione Christi com-
 „paratur diei propter (a) præsentiam spi-
 „ritualis solis in mundo; de quo dicitur Ma-
 „lac. ult. 2. „Vobis timentibus nomen meum,
 „oriatur sol iustitiæ.“ Unde & ipse Do-
 „minus dicit Ioan. xi. 4. „Me oportet ope-
 „rari opera eius qui misit me, donec dies
 „est:“ & postea subdit: „Quamdiu in
 „mundo sum, lux sum mundi.“ Quod
 „ergo dicitur, *Nox præcessit*, indifferenter ac-
 „cipi potest pro qualibet prædictarum trium
 „noctium. Iam enim præcesserat eos quibus
 „scribebat & magna pars temporis huius vi-
 „tæ, & quod verius est, præcesserat nox
 „culpæ; præcesserat etiam tempus legis,
 „quod fuit ante Christum. Quod autem sub-
 „dit, *Dies autem appropinquavit*, videtur se-
 „cundum intentionem Apostoli referendum
 „esse ad diem future gloriæ, qui licet non-
 „dum advenisset fidelibus Christi, quibus
 „scribebat, tamen in propinquo erat eis.
 „Secundum prædicta posset etiam intelligi
 „tempus gratiæ Christi, quod est iam ad-
 „venerit secundum temporum cursum, ap-
 „propinquare tamen nobis dicitur per fidem,
 „& devotionem, sicut & Philip. v. 9. dici-
 „tur: „Dominus prope est:“ & in Psal. cxlvi.

18. „Prope est Dominus omnibus invocan-
 „tibus eum.“ Potest etiam hoc congrue-
 „re his qui de peccatis pœnitere incipiunt,
 „quibus dies gratiæ appropinquat.

Deinde cum dicit, *Abiiciamus ergo opera
 tenebrarum*, concludit exhortationem de ho-
 „nestate vitæ: & primo ponit exhortatio-
 „nem; secundo exponit eam, ibi, *Non in ce-
 „mentationibus, & ebrietatibus* &c. Circa hone-
 „statem vitæ tria tangit. Primo quidem re-
 „motionem vitiarum, concludens ex præmis-
 „sis: Si *nox præcessit*, ut dictum est, *abi-
 „ciamus opera tenebrarum*: quia, ut dicitur
 „Eccle. viii. 6. „omni negotio tempus est,
 „& opportunitas.“ Unde recedente nocte,
 „cellare debent opera noctis. Dicuntur
 „autem opera tenebrarum, opera peccato-
 „rum: primo quidem quia in leipsis privata
 „sunt lumine rationis, quo illustrari debent
 „humana opera: Eccle. i. 14. „Sapientis
 „oculi in capite eius; stultus in tenebris
 „ambulat:“ secundo quia in tenebris a-
 „guntur: Job xxiv. 15. „Oculus adulteri
 „observat caliginem:“ tertio quia pœra
 „homo ad tenebras ducitur, secundum illud
 „Matth. xxiii. 13. „Mittite eum in tene-
 „bras exteriores.“ Secundo inducit ad
 „assumendas virtutes; quasi dicat: Ex quo
 „dies appropinquavit, assumentes ea quæ
 „congruant diei, *induamur arma lucis*, id est
 „virtutes, quæ & arma dicuntur, inquan-
 „tum nos muniant. Ephes. ult. 11. „Indui-
 „te vos armaturam Dei, ut possitis stare ad-
 „versus insidias diaboli.“ Et dicuntur lu-
 „cis arma, tum quia lumine rationis decora-
 „rantur, & perficiuntur: unde dicitur Prov.
 „xv. 18. „lustrum semita quasi lux splen-
 „dens procedit:“ tum quia lucis examen
 „requirunt: Ioan. iii. 21. „Qui facit ve-
 „ritatem, venit ad lucem:“ tum quia per
 „opera virtutum alii illuminantur: Matth.
 „v. 16. „Sic luceat lux vestra coram homi-
 „nibus ut videant opera vestra bona.“
 „Tertio exhortatur ad ulum virtutum, &
 „profectum, cum dicit: *Sicut in die honeste
 „ambulemus*: hæc enim duo videntur diei
 „congruere. Primo quidem honestas: nam in
 „die unusquisque seipsum studet componere,
 „ut coram aliis honestus appareat: in nocte
 „autem non sic: unde dicitur I. Thess. v. 7.
 „Qui dormiunt, nocte dormiunt; & qui
 „ebrii sunt, nocte ebrii sunt. Nos autem
 „qui diei sumus, sobrii simus.“ Unde I.
 „Corinth. xiv. 40. dicitur: „Omnia hone-
 „ste, & secundum ordinem sunt in vobis.“
 „Secundo homo in die ambulat, non in no-
 „cte:

(a) id. potentiam.

De: unde dicitur Ioan. xi. 10. „ Qui ambulat in nocte, offendit. “ Et ideo quia dies est, oportet quod ambulemus, id est de bono in melius procedamus. Unde dicitur Ioan. xii. 35. „ Ambulate dum lucem habetis. “ Deinde cum dicit, *Non in comestationibus & ebrietatibus*, exponit quod dixerat: & primo exponit quomodo sunt abicienda opera tenebrarum, quæ sunt opera peccatorum: de quibus quædam enumerat, primo pensat ea quæ pertinent ad corruptionem concupiscibilis, cuius corruptio est intemperantia, quæ est circa delectationes tactus, & circa cibos: (a) unde primo excludit intemperantiam ciborum, cum dicit, *Non in comestationibus*. Dicuntur comestationes, superflui, & nimis accuratæ comestiones. Prov. xxiii. 20. „ Noli esse in conviviis peccatorum, nec in comestationibus eorum qui carnes ad vendendum conferunt. “ Quod quidem potest esse peccatum mortale: ex hoc quod secundum legem pro hac culpa aliquis damnatur ad mortem. Dicitur enim de filio protervo Deut. xxi. 20. „ Comestationibus vacat, & luxu, rixæ, atque conviviis: lapidibus eum obruet, populus civitatis, & morietur. “ Dicitur aliquis vacare comestationibus, atque conviviis, non quidem si comedit magnifice secundum statum suæ dignitatis, sicut dicitur Esther 1. quod Assuerus iussit præparari convivium magnificum propter conjunctionem Esther, iuxta magnificentiam principalem; sed quando aliquis hoc facit præter decentiam sui status, & præcipue si ad hoc principalis eius cura existat: sicut illi de quibus dicitur infra ult. 18. *Huiusmodi Christo Domino non serviunt, sed suo ventri*: & Phil. iii. 19. „ Quorum deus venter est. “ Secundo excludit intemperantiam circa potum, cum subdit, *Et ebrietatibus*, quæ pertinent ad superfluitatem potus extra mensuram rationis hominem ponentis. Eccl. xxxi. 31. „ Vinum in iucunditatem creatum est, & non in ebrietatem. “

Et est considerandum, quod ebrietas ex suo genere est peccatum mortale, cum scilicet homo ex proposito inebriatur: quia videtur præferre delectationem vini integritati rationis: unde dicitur Esa. 56. 22. „ Væ qui potentes esis ad bibendum vinum, & viri fortes ad miscendam ebrietatem. “ Si vero aliquis inebrietur præter intentionem, non ex proposito; puta quia ignorat virtutem vini, vel quia non æstimat se tanto potu inebriandum; non est

peccatum mortale: quia non per se inebriatur, sed per accidens, id est præter intentionem: quod quidem non potest contingere in his qui frequenter inebriantur; & ideo dicit Augustinus in sermone de Purgatorio (serm. xli. de Sanct.) quod ebrietas est peccatum mortale, si assidua fuerit. Unde signanter hic Apollolus in plurali numero dicit: *Non in comestationibus, & ebrietatibus*.

Tertio (b) excludit intemperantiam circa corporalem quietem, cum dicit, *Non in cubilibus*, id est non in superflua dormitione; quam convenienter post comestationem, & ebrietatem prohibet, quia sequitur ex illis; & potest esse in hoc peccatum mortale, quando propter quietem corporalem, & somnum, omittit homo quæ facere debet, & inclinatur ad aliqua mala facienda. Mich. ii. 1. „ Væ qui cogitatis inutile, & operamini malum in cubilibus vestris. “ Potest etiam quod dicit, *Non in cubilibus*, referri ad apparatus luxuriæ: unde dicitur in persona meretricis Prov. vii. 17. „ Aperiisti cubile meum myrrhæ, & aloë, & cinnamomo. “ Gen. xlix. 4. „ Ascendisti cubile parris tui. “ Et ideo convenienter quarto excludit intemperantiam circa venereas, cum subdit, *Et impudiciis*, id est quibuscumque venereis actibus, qui dicuntur impudici, quia non cavent id quod est maxime pudore, vel confusione dignum: tum quia omnes delectationes tactus, gulæ, & luxuriæ sunt communes nobis & brutis: unde qui eis inordinate insistit, brutalis efficitur: Psalm. xxxi. 9. „ Nolite fieri sicut equus, & mulus, quibus non est intellectus: “ tum etiam quia specialiter in actibus venereis ratio hominis totaliter absorbetur a delectatione, ut non possit homo tunc aliquid intelligere, sicut Aristoteles dicit in Lib. IV. Ethic. (cap. 22.) Unde & Osee iv. 11. dicitur: „ Fornicatio, & ebrietas, & vinum auferunt cor. “ II. Cor. xii. 21. „ Non egerunt poenitentiam super immunditia, & fornicatione, & impudicitia quam gesserunt. “ Deinde excludit ea quæ pertinent ad corruptionem irascibilis, cum dicit, *Non in contentione*: quæ quidem ut Ambrosius dicit (in Epist. II. ad Tim. cap. iv.) est impugnatio veritatis cum confidentia clamoris. Potest autem intelligi quod per hoc prohibetur omnis rixa non solum verborum, sed & factorum, quæ ut plurimum a verbis incipit. Proverb. xx. 3. „ Honor est homini qui se-

(a) vel. *evangelium* unde primo excludit intemperantiam ciborum. (b) vel. *positæ*.

„ parat se a contentionibus. “ Solet autem contentio ex invidia generari; & ideo subdit, *Et amulatio*. Unde Iac. 111. 16. dicitur: „ Ubi zelus, & contentio, ibi inconstantia, & omne opus pravam. “

Secundo exponit quomodo debeamus induere arma lucis, dicens: *Sed induimini Dominum Iesum Christum*: in quo scilicet abundantissime fuerunt omnes virtutes, secundum illud Esa. 1v. 7. „ Apprehendent se, ptem mulieres virum unum. “ Induimus autem Iesum Christum primo quidem per sacramenti susceptionem. Galat. 111. 27. „ Quicumque in Christo baptizati estis, Christum induistis. “ Secundo per imitationem. Coloss. 111. 9. „ Expoliantes vos veterem hominem cum actibus suis, & induentes novum eum qui renovatur in agnitionem, secundum imaginem eius qui creavit illum: “ & Ephes. 1v. 24. „ Induite novum hominem, qui secundum Deum creatus est in iustitia, & sanctitate veritatis. “ Dicitur autem induere Christum qui Christum imitatur: quia sic-

ut homo continetur vestimento, & sub eius colore videtur; ita in eo qui Christum imitatur, opera Christi apparent. Per hoc ergo induimur arma lucis, quando induimur Christum.

Tertio exponit quod dixerat, *Sicut in die honeste ambulemus*, per hoc quod subdit: *Et carnis curam ne feceritis in desideriis*. In hoc enim pulchritudo honestatis consistit, (a) ut homo non carnem spiritui, sed spiritum præferat carni. Supra 1111. 12. *Debitor sumus non carni, ut secundum carnem vivamus*. Sed notandum quod non dicit simpliciter, *Carnis curam ne feceritis*: quia quilibet tenetur ut carnis curam gerat ad sustentandam naturam, secundum illud Ephes. v. 29. „ Nemo unquam carnem suam odio habuit; sed nutrit, & fovet eam. “ Sed addit, *In desideriis*, ut scilicet inordinata carnis desideria, id est concupiscentias, non sequamur: unde dicitur Gal. v. 16. „ Spiritu ambulate, & desideria carnis non perficietis. “

C A P I T U L U M XIV.

L E C T I O I.

Infirmum autem in fide assumite, non in disceptationibus cogitationum. Alius enim credit se manducare omnia; qui autem infirmus est, olus manducet. Is qui manducat, non manducantem non spernat; & qui non manducat, manducantem non iudicat: Deus enim illum assumpsit. Tu quis es qui iudicas alienum servum? Domino suo stat, aut cadit. Stabite autem: potens est enim Deus statuere illum. Nam alius iudicat diem inter diem, alius autem iudicat omnem diem. Unusquisque in suo sensu abundet. Qui sapit diem, Domino sapit; & qui manducat, Domino manducat: gratias enim agit Deo. Et qui non manducat, Domino non manducat, & gratias agit Deo. Nemo enim nostrum sibi vivit, & nemo sibi moritur. Sive enim vivimus, Domino vivimus; sive morimur, Domino morimur. Sive ergo vivimus, sive morimur, Domini sumus. In hoc enim Christus mortuus est, & resurrexit, ut vivorum, & mortuorum dominetur. Tu autem quid iudicas fratrem tuum? Aut tu quare spernis fratrem tuum? Omnes enim stabimus ante tribunal Christi: scriptum est enim: Vivo ego, dicit Dominus, quoniam mihi staretur omne genus, & omnis lingua confitebitur Deo. Itaque unusquisque nostrum pro se rationem reddet Deo. Non ergo amplius invicem iudicemus.

(a) *Al.* ut homo spiritum præferat carni.

Postquam Apostolus ostendit quomodo aliquis debeat perfectus fieri, hic ostendit quomodo perfecti debeant se habere ad imperfectos: & primo ostendit quod non debent eos scandalizare, vel iudicare; secundo ostendit quomodo debent eos sustentare xv. cap. ibi, *Debemus autem nos firmiores infirmitatibus infirmorum sustinere*. Circa primum duo facit. Primo prohibet inordinata iudicia; secundo prohibet infirmorum scandala; ibi, *Sed hoc iudicate magis ne ponatis offendiculum fratri*. Circa primum tria facit. Primo proponit admonitionem; secundo exponit eam, ibi, *Alius enim credit se manducare omnia*; tertio rationem assignat, ibi, *Deus enim illum assumpt*. Circa primum considerandum est, quod in primitiva Ecclesia aliqui ex Iudeis conversi ad Christum, credebant legalia cum Evangelio esse servanda, ut patet Ador. xv. & hos Apostolus vocat infirmos in fide Christi, quasi non dum perfecte credentes quod fides Christi sufficiat ad salutem; perfectos autem, vel firmos in fide vocat eos qui fidem Christi sine legalibus credebant esse servandam. De utrisque tamen erant aliqui Romæ inter fideles Christi. Alloquitur ergo Apostolus perfectos in fide, dicens: (a) Dictum est, quod sic debetis inducere Dominum Iesum Christum; assumite autem, id est affectu caritatis vobis coniungite ad supportandum, infirmum in fide, sicut expositum est; de quo potest intelligi illud Sap. ix. 5. „Infirmus homo, & exigui temporis, & minor ad intellectum iudicii, & legum.“ Infra xv. 7. *Suscipite invicem, sicut & Christus suscepit vos*. Eccli. xxix. 12. „Propter mandatum assume pauperem.“ Et hoc non in disceptationibus cogitationum, id est non disceptando propter hoc quod unus contra alium cogitat, dum scilicet illi qui legalia servabant, iudicabant tamquam transgressores eos qui non servabant; & illi qui non servabant, contemnebant tamquam errantes, & ignorantes qui servabant. Supra ii. 15. *Cogitationum invicem accusantium, ad defendendum*. Deinde cum dicit, *Alius enim credit se manducare omnia*, exponit quod dixerat: & primo ostendit qui sunt infirmi in fide; secundo ostendit qualiter sint disceptationes cogitationum vitandæ, ibi, *Is qui manducat, manducantem non iudicat*. Circa primum considerandum est, quod inter ceteras legales observantias una erat discretio ciborum, propter aliquos cibos in lege prohibitos, ut patet Levit. xi. & hac quidem observantia

quotidie erat utendum, vel non utendum. Et ideo de hoc mentionem fecit specialiter Apostolus, dicens: *Alius enim, (b) inter vos, qui scilicet est perfectus in fide, credit se posse licite manducare omnia*, eo quod non reputat se astrictum ad legales observantias. Matth. xv. 11. „Quod intrat in os, non co inquinat hominem.“ I. Tim. iv. 4. „Omnis creatura Dei bona est, & nihil reiiciendum quod cum gratiarum actione accipitur.“ In veteri autem lege prohibebantur aliqui cibi, non quia naturaliter essent immundi. Sicut enim in verbis hoc nomen stultus significat aliquid malum, quamvis hoc nomen sit bonum; ita in rebus quoddam animal bonum est secundum naturam, sed significatione est malum, sicut porcus, qui significat immunditiam; & ideo prohibitus est antiquisq; illarum carnium, ut significaretur in eorum vitatione, vitatio immunditiæ: tota enim illius veteris populi vita figuralis erat, ut Augustinus dicit in Lib. contra Faustum (Lib. IV. cap. 11. & vii.) Veniente autem Christo, qui est veritas, cessaverunt figuræ. Subdit autem quantum ad infirmum: *Qui autem infirmus est, alius manducat*; quasi dicat: Illis cibis utitur quibus non occurrit aliquid immundum in lege prohibitum. In singulis enim generibus animalium, puta terrestribus, volatilibus, & aquaticis, quædam genera erant concessa, & quædam prohibita; sed in herbis, & arboribus nihil erat prohibitum, ut patet Levit. xi. Et hæc ius potest esse ratio duplex. Una est quia terræ nascentia fuerunt a principio concessa homini ad edendum, secundum illud Gen. i. 29. „Ecce dedi vobis omnem herbam asserentem semen super terram, & „universa ligna quæ habent in semetipsis sementem generis sui, ut sint vobis in escam.“ Sed post diluvium primo legitur (c) homini concessus carnis usus. Unde dicitur Gen. ix. 3. „Quasi olera videntia tradidi vobis omnia, scilicet animalium genera. Alia ratio est, quia primam prohibitionem de abstinendo a quibusdam terræ nascentibus homo in paradiso transgressus fuerat, ut patet Gen. iii. & propter hoc non erat ei similis prohibitio iteranda.

Sed cum legalia cessaverint in Christi passionem, videtur quod inconvenienter Apostolus infirmis in fide permittat quod a cibis prohibitis in lege abstinerent, cum nunc in Christianis non sustinetur.

Sed

(a) Al. Dixi quod debetis &c. (b) Al. desit inter vos. (c) Al. universis hominibus.

Sed distinguendum est triplex tempus, secundum Augustinum (epist. xix.) quantum ad legalia. Quorum primum est tempus ante passionem Christi, in quo legalia suorum obinebant quasi adhuc viventia. Secundum autem tempus est post passionem Christi ante divulgationem Evangelii: in quo quidem tempore legalia mortua erant, quia nullus ad ea tenebatur, nec observata aliquid conferebant alicui, nondum tamen erant mortifera, quia sine peccato poterant iudei ad Christum conversi legalia observare: & pro illo tempore loquitur hic Apostolus. Tertium autem tempus est post divulgationem Evangelii, in quo legalia non solum sunt mortua, sed mortifera, ut quisquis ea observet, peccet mortaliter. Exponitur autem & aliter in Glossa, ut dicatur *infirmus* qui est ad lapsum vitiorum carnalium pronus; & huic consulendum est quod comedat *alvus*, id est tenues, & aridos cibos, qui non sunt fomentum vitiorum, & abstineat ab illis quibus excitatur libido. Sed alius qui est fortior, credit se abique periculo (a) posse omnia manducare. Et hæc differentia apparet Matth. ix. inter discipulos Christi, qui non ieiunabant tamquam confortati præsentia Christi, & discipulos Ioannis Baptiste, qui ieiunabant. Unde & poenitentiam agentes a quibuscumque cibis abstinent, non propter eorum immunditiam, sed ad libidinem refrenandam.

Deinde cum dicit, *Is qui manducat, manducantem non iudicat*, exponit quomodo sunt vitandæ disceptationes cogitationum: & primo quantum ad perfectos, dicens: *Is qui manducat*, scilicet cum secunda conscientia omnia, vel etiam sine periculo libidinis, non spernat non manducantem, scilicet indifferenter omnia, tamquam infirmum in fide, vel quasi primum ad vitam. Esa. xxxiii. 1. *Væ qui spernis, nonne & ipse sperneris?* Luc. x. 16. *Qui vos spernit, me spernit.* Secundo loquitur quantum ad infirmos, dicens: *Et qui non manducat*, scilicet indifferenter omnia, vel quia est infirmus in fide, de quo loquitur Apostolus, vel etiam quia pronus est ad libidinem, non iudicat manducantem, scilicet indifferenter omnia, quasi transgressorem legis, vel quasi in libidinem præcipitem. Matth. vii. 1. *Nolite iudicare, & non iudicabimini.* Supra 11. 1. *Inexcusabilis es o homo omnis qui iudicas.*

Deinde cum dicit, *Deus enim illum assumpsit*, assignat tres rationes propter quas

debemus a falso iudicio abstinere. Secunda ponitur ibi, *Suo Domino fiat, aut cadit*; tertia ibi, *Tu autem quid iudicas fratrem tuum?* Prima ratio sumitur ex auctoritate iudicantis: unde primo ostendit hanc auctoritatem Deo competere; secundo concludit quod iudicium ad homines non pertinet, ibi, *Tu quis es qui iudicas alienum servum?* Dicit ergo primo: Recte dictum est, quod *qui non manducat, manducantem non iudicat*: Deus enim assumpsit illum, scilicet in servum a se iudicandum. Zach. xi. 7. *Assumpsit mihi duas virgas, id est duos populos.* Plalm. xvii. 17. *Assumpsit me de aquis multis.* Ille autem qui assumitur ad superioris iudicium, non debet ab inferiori iudicari; & ideo concludit: *Tu quis es, id est cuius auctoritatis, vel virtutis es, qui iudicas alienum servum, id est proximum tuum, qui est servus Dei?* Requiritur enim in iudicante auctoritas, secundum illud Exod. 11. 14. *Quis constituit te principem, & iudicem super nos?* & Luc. xii. 14. *Quis me constituit iudicem, aut diviso rem super vos?*

Sed ex hac ratione sequi videtur hominis iudicium de alio homine esse illicitum.

Sed dicendum est, quod intantum hominis iudicium licitum est, inquantum agitur auctoritate concessa divinitus: unde dicitur Deut. 1. 16. *Audite illos, & quod iustum est iudicate.* & postea sequitur 17. *Quia Dei est iudicium;* id est, auctoritate divina agitur. Si quis vero velit sibi usurpare iudicium super ea quæ non sunt ei divinitus concessa ad iudicandum, est iudicium temerarium, sicut si quis iudex delegatus a Papa, vellet in iudicando transgredi mandati fines. Deus autem soli sibi reservavit iudicare occulta, quæ præcipue sunt cogitationes cordium, & futura: & ideo si quis de his iudicare præsumperit, est temerarium iudicium. Unde Augustinus dicit in Lib. de Sermonibus Domini in monte. *In his duobus temerarium est iudicium, cum videlicet incertum sit quo animo quid factum sit; vel incertum qualis futurus sit (b) qui nunc vel bonus, vel malus appareat.*

Deinde cum dicit, *Suo Domino fiat, aut cadit*, ponit secundam rationem; quæ quidem sumitur ex fine meriti, vel demeriti. Possent aliquis dicere, quod licet homo non habeat iudiciariam auctoritatem; tamen intrinsece se debet iudicio alterius propter

Bb 2

da-

(a) *Id est* posse. (b) *Id est* qui nunc sit vel bonus, vel malus, manifeste appareat.

dammum, vel fructum qui indeprovenit. Sed Apostolus ostendit hoc ad Deum magis quam ad homines pertinere: & sic etiam propter hoc debemus Deo proximorum iudicia relinquere, nisi inquantum vice ipsius fungimur in iudicando, per auctoritatem nobis commissam. Circa hoc tria facit. Primo proponit quod intendit; secundo exemplificat, ibi, *Nam alius indicat diem inter diem*, tertio probat propositum, ibi, *Qui sapit diem, Domino sapit*. Circa primum duo proponit. Primo quod quisque circa hominem accidit, ad Deum pertinet, cum dicit: *Suo Domino stat*, scilicet recte agendo: Psal. cxxi. 2. „Stantes erant pedes nostri in atriis tuis, Hierusalem:“ *aut cadit*, scilicet peccando: Amos v. 1. „Domus Israel cecidit, & non adiciet ut resurgat.“ Ponit autem sub distinctione, *stat, aut cadit*, propter incertitudinem: quia multi videntur cadere qui stant, & e converso, secundum illud Eccle. viii. 10. „Vidi impios sepultos, qui cum adhuc viverent, in locis sanctis erant, & laudabantur in civitate,“ quasi iustorum operum. „Loquitur autem his Apostolus secundum similitudinem hominis servi, ad cuius dominum pertinet omne quod circa servum agitur. Nec intelligendum est quod Deo aliquid proficiat, vel noceat, si homo stet, aut cadat: dicitur enim Iob xxxv. 6. „Si peccaveris, quid ei noceris? Porro si iuste egeris, quid ei domabis?“ Sed quantum ad homines, id quod iuste agimus, ad gloriam Dei spectat. Matth. v. 16. „Ut videant opera vestra bona, & glorificent Patrem vestrum qui in caelis est.“ Quod autem cadimus peccando, est hominibus occasio blasphemandi Deum. Supra 11. 2. *Nam Dei propter vos blasphematur inter gentes*. Vel quod dicit, *Suo Domino stat, aut cadit*, exponendum est in iudicio Domini sui. I. Corinth. iv. 4. „Qui iudicat me, Dominus“ est. „Secundo ostendit quod hominis statum iudicare ad Deum pertinet, dicens, *Stabit autem*; quasi dicat: Et si aliquis nunc cadat per peccatum, tamen potest esse quod iterum stabit; & hoc omnino implebitur, si est predestinatus. Psal. xl. 9. „Numquid“ qui dormit non adiciet ut resurgat? Mich. vii. 8. „Ne læteris, inimica mea, quia cecidi: resurgam.“ Et propter hoc si videmus aliquem manifeste cadentem, non debemus eum despiciere, temerarie iudicando de eo, quod nunquam resurget;

sed magis debemus præsumere quod iterum stabit, non ex consideratione conditionis humanæ, sed considerando virtutem divinam. Unde cum dicit, *Potens est Deus statuerisolum*, propter eius bonitatem præsumere debemus quod iterum statuet eum. Ezech. 11. 24. „Ingressus es in me spiritus, &“ statuit me supra pedes meos:“ *Scut* & supra xi. 23. dictum est: *Si non permanferint in incredulitate, inferentur: potens enim est Deus iterum inferre illos*.

Deinde cum dicit, *Nam alius indicat diem inter diem*, exemplificat quod dictum est: & primo proponit diversitatem humanæ sententiarum, dicens: Ideo dico quod *suo Domino stat, aut cadit*: nam alius indicat inter diem & diem; id est, iudicat inter unum diem & alium, ut scilicet uno die abstineat, & non alio. Quod quidem videtur pertinere ad infirmum in fide, qui reputat adhuc legalia esse observanda: dicitur enim Levit. xxiii. 27. „Decimo die mensis septimi,“ dies expiationum erit... affligiteque animas vestras in eo:“ & Iudith viii. dicitur, quod Iudith ieiunabat omnibus diebus vite sue præter sabbata, & neomennias, & festa domus Israel. *Alius autem indicat omnem diem indifferenter esse observandum*, (b) quantum ad cærimonialia legis, quæ iam cessaverunt. Unde hoc videtur pertinere ad eum qui est perfectus in fide. Psal. cxlv. 2. „Per singulos dies benedicam tibi.“ Potest hoc etiam referri ad abstinentias quæ sunt causa cohibendæ libidinis, quibus omni die aliqui vacant; puta qui perpetuo a carnibus, vel vino abstinent, vel ieiunant; quidam autem interpositis diebus abstinent, & ab abstinentia cessant, secundum illud Eccle. 11. 1. „Omnia tempus habent.“ Secundo ostendit hæc omnia posse ad Dei gloriam pertinere, dicens: *Unusquisque in sensu suo abundet*; id est, suo sensui dimittatur. Abundare enim in sensu suo, est sensum suum sequi. Eccle. xv. 14. „Deus ab initio constituit hominem, & reliquit illum in manu consilii sui.“ Vel in sensu suo; id est, secundum sensum suum studeat abundare ad gloriam Dei, secundum illud I. Corinth. xiv. 12. „Ad edificationem Ecclesiæ quæcumque ritet ut abundetis.“

Sed hoc videtur locum habere in his quæ non sunt secundum se mala; in his autem quæ sunt secundum se mala, non est homo suo sensui relinquendus. Quod autem ali-

(a) *Ali.* Secundo ostendit quod si cadit; ad Deum pertinet &c. (b) *Ali.* quantum ad ieiunium legem &c.

quis iudicat diem inter diem, videtur esse secundum se malum, secundum primam expositionem: dicitur enim Gal. iv. 10., Dies „observatis, & mensis, & tempora, & annos. Timeo ne sine causa laboraverim in vobis.“ Et loquitur ibi ad litteram de his qui dixerunt dies observandos secundum caeremonias legis.

Sed dicendum, quod Apostolus hic loquitur secundum tempus illud in quo Iudeis ad fidem conversis licitum erat legalia observare, ut dictum est; sed quantum ad secundam expositionem videtur esse illicitum quod dicit, *Alius iudicat omnem diem*: sunt enim quidam dies in quibus non est licitum ieiunare: dicit enim Augustinus in epist. (lxxxvi.) ad Casulanum: „Quisquis dicit dominicum ieiunio decernendum esse pariter, non parvo scandalo (a) erit Ecclesiae.“ Nec immerito: illis enim diebus quibus nihil certi (b) statuit Ecclesia, vel Scriptura divina, mos populi Dei, & instituta maiorum, pro lege tenenda sunt: & in Decretis dicitur dist. xxx. „Si quis (c) propter publicam poenitentiam a sacerdote acceptam, absque alia necessitate, die dominica proquadam religione ieiunaverit, sicut Maoichi; anathema sit.“ Sed intelligendum est quod hic Apostolus loquitur quantum ad illas abstinencias quae quolibet die licite fieri possunt absque dissonantia communis consuetudinis, vel eorum quae sunt a maiori bus instituta.

Deinde cum dicit, *Qui sapit diem, Domino sapit*, probat propositum, quod scilicet unusquisque suo Domino stat, aut cadat; & hoc tripliciter. Primo per actum fidelium; secundo per intentionem eorum, ibi, *Nemo enim nostrum sibi vivit*, tertio per eorum conditionem, ibi, *Sive ergo vivimus, sive morimur, Domini sumus*. Probat ergo primo quomodo unusquisque fidelium suo Domino stat, aut cadit, per hoc quod de omnibus quae fecit secundum suam conscientiam, gratias agit Deo: uode dicit: *Qui sapit diem*, ut scilicet uno die abstineat, & alio die ab abstinentia cesset, *Domino sapit*; idest, ad reverentiam Dei cibos discernit; sicut etiam nos discernimus vigilias festorum in quibus ieiunamus, a diebus festis quibus ieiunium solvimus propter reverentiam Dei. Ecclesi. xxxiii. 7. „Quare dies diem superat, & iterum lux lucem?“ Deinde loquitur quantum ad illos qui iudicant omnem diem, quantum ad omnem diem a ieiunio

cessabant, sicut dicitur Matth. ix. quod discipuli Christi non ieiunabant. Unde dicit: *Et qui manducat, scilicet omni die, Domino manducat*, idest ad gloriam Domini: quod per hoc patet: *Gratias enim agit Deo*, scilicet de cibo assumpto. I. Tim. iv. 3. „Abstineret a cibis quos Deus creavit ut perciperet eum cum gratiarum actione fidelibus.“ Psalm. cxi. 27. „Edent pauperes, & saturabuntur, & laudabunt Dominum.“ Uterius quantum ad eum qui sic iudicat omnem diem, ut scilicet omni die abstineat, subdit: *Et qui non manducat*, idest abstinet omni die, *Domino*, idest ad honorem Domini, *non manducat*. Et hoc patet per hoc quod gratias agit Deo, qui sibi dedit voluntatem, & virrute abstinenti. I. Thess. ult. xxxii. „In omnibus gratias agite.“ Sed quod hic dicit Apostolus de his qui in omni die vel abstinebant, vel ab abstinentia cessabant, debet intelligi quantum ad illud tempus in quo hoc non erat contrarium statutis maiorum, nec communi consuetudini populi Dei.

Deinde cum dicit, *Nemo enim nostrum sibi vivit*, probat idem ex intentione fidelium: & primo excludit inordinatam intentionem, dicens: Recte dico, quod unusquisque Domino suo stat, aut cadit: *Nemo enim nostrum sibi vivit*, vel naturali vita, vel spirituali, de qua dicitur Habac. ii. 4. „Iustus autem meus ex fide vivit.“ *Sibi*, idest propter seipsum, quia hoc esset frui seipso. I. Corinth. x. 31. „Nunc quaerens, quod mihi utile est.“ Psalm. cxiii. 9. „Non nobis Domine, non nobis, sed nomini tuo da gloriam.“ Vel *sibi*, idest secundum suam regulam, sicut qui dicunt Sap. ii. 11. „Sit fortitudo nostra lex iniustitiae.“ Vel *sibi*, idest sui iudicio. I. Corinth. xv. 3. „Sed neque exemplum iudico.“ Et *nemo moritur*, scilicet morte corporali, vel morte spirituali peccando, vel etiam morte spirituali, qua quis moritur vitiis, puta in baptismo, secundum illud supra vi. 7. *Qui mortuus est peccato, iustificatus est a peccato*. Vel *sibi*, idest suo iudicio, vel propter seipsum, aut suo exemplo; sed exemplo Christi moritur aliquis a vitiis. Supra vi. 10. *Quod enim mortuus est peccato, mortuus est simul*: & infra ii. Ita & vos exstimate vos mortuos esse peccato. Secundo ostendit qualis sit recta intentio fidelium, dicens: *Sive enim vivimus, vita corporali, Domino vivimus*, idest ad gloriam Domini: *sive morimur, morte corporali, Domino morimur*, idest ad

eo-

(a) *Id.*

Id. statuit divina Scriptura. (c) *Id.* additur presbyter.

honorem Domini. Philip. 1. 10. „Magni-
ficabitur Christus in corpore meo sive per
mortem, sive per vitam.“ (a) Vel si expo-
natur quod dicit, *Vivimus, & morimur*, de vi-
ta, & morte spirituali, exponendum est quod
dicit, *Domino*, id est iudicio Domini, „qui con-
stitutus est a Deo iudex vivorum, & mor-
tuorum,“ ut dicitur Ad. x. 42. Deinde
cum dicit, *Sive ergo vivimus &c.* ostendit
propositum ex conditionem fidelium: & primo
concludit ex prmissis conditionem fidelium,
scilicet quod non sunt sui, sed alterius: il-
li enim qui sui sunt, sicut liberi homines,
sibi vivunt, & sibi moriuntur. Quia ergo
dictum est, quod fideles non sibi vivunt, aut
moriuntur, sed Domino; concludit sic: *Sive
ergo vivimus, sive morimur, Domini sumus*, quasi
servi eius qui habet potestatem vitæ, & mor-
tis. I. Cor. vii. 23. „Pretio empti estis; no-
lite fieri servi.“ & vi. 20. „Empti enim
estis pretio magno.“ I. Paralip. xii. 18.
„Tui sumus, o David, & tecum filii Isai.“
Secundo assignat causam huius conditionis,
dicens: *In hoc enim Christus mortuus est, &
resurrexit*; id est, hoc adeptus est sua morte,
(b) & resurrectione, ut vivorum domina-
retur, quia resurrexit, vitam novam, &
perpetuam inchoando; & mortuorum, quia
mortem nostram moriendo destruxit. II.
Corinth. v. 15. „Pro omnibus mortuus est
Christus: ut qui vivunt iam non sibi vi-
vant, sed ei qui pro eis mortuus est, &
resurrexit.“ Sic igitur per omnia præ-
dicta Apostolus probavit quod unusquisque
Domino suo stat, aut cadit, per hoc scilicet
quod fideles gratias agunt Deo, & quod
Domino vivunt, & moriuntur, & quod
Domini sunt & in morte, & in vita.

Deinde cum dicit, *Tu autem quid indi-
cas?* ponit tertiam rationem, quæ sumi-
tur ex futuro iudicio: & circa hoc tria
facit. Primo proponit superfluitatem præ-
sentis iudicii, dicens: *Tu autem quid indi-
cas*, id est qua utilitate, vel necessitate iu-
dicis, *fratrem tuum*, temere de occultis,
quæ tuo iudicio non sunt commissæ? Aut
tu alius qui iudicaris, quare spernis fra-
trem tuum, pro nullo reputans ab eo iu-
dicari? Malach. ii. 10. „Quare despicit
unusquisque fratrem suum?“ Secundo
(c) prænuntiat futurum Christi iudicium;
quasi dicat: Recte dico, *Cur indicas?* quia
non debes temere quid abique iudicio re-
maneat: *omnes enim stabimus ante tribunal*

Christi. Dicitur enim tribunal Christi eius
iudiciaria potestas, sicut & Matth. xxv.
31. dicitur: „Cum venerit Filius hominis
in maiestate sua, tunc sedebit super le-
gem maiestatis suæ.“ Dicit autem, *Om-
nes stabimus*, quasi iudicandi, tam boni,
quam mali, quantum ad remunerationem,
vel punitionem. II. Corinth. v. 10: „Omnes
nos manifestari oportet ante tribunal
Christi, ut referat unusquisque propria
corporis prout gessit, sive bonum, sive
malum.“ Sed quantum ad discussionem
non omnes stabunt ut iudicandi, sed qui-
dam consedebunt ut iudices. Matth. xix.
28. „Sedebitis super sedes iudicantes duo-
decim tribus Israel.“ Tertio ibi, *scrip-
tum est enim &c.* probat quod dixerat: &
primo inducit auctoritatem; secundo inserit
conclusionem, ibi, *Etque unusquisque &c.*
Dicit ergo primo: Didicimus, quod omnes
stabimus ante tribunal Christi, & hoc pa-
tet per auctoritatem sacre Scripturæ: *scrip-
tum est enim*, Elai. xlv. 14. *Vivo ego, dicit
Dominus, quoniam mibi steterunt omne genu,
& omnis lingua confitebitur Deo*. Littera no-
stra sic habet: „In memetipsorumavi, quia
mihi curvabitur omne genu, & iurabit
omnis lingua.“ Tria autem in his ver-
bis ponuntur. Primo quidem iuramentum,
quod interdum in verbis Dei ponitur ad
ostendendum (d) id quod dicitur, firmum
esse immutabilitate divini consilii; non au-
tem esse mutabile sicut ea quæ prænuntian-
tur secundum causas inferiores, ut pro-
phetia comminationis: unde dicitur in Psal.
cix. 4. „Iuravit Dominus, & non præni-
tebit eum.“ Homines autem, ut Apo-
stolus dicit Hebr. vi. 16. „per maiorem
sui iurant.“ Quia vero Dominus non habet
maiorem, in quo maior: firmitas consistat
veritatis, per seipsum iurat. Ipse autem
est ipsa vita, & fons vitæ, (e) secundum
illud Deut. xxx. 10. „Ipse est enim vita
tua, & longitudo dierum tuorum, ut
habites in terra, pro qua iuravit Domi-
nus patribus tuis.“ Psalm. xxxv. 10.
„Apud te est fons vitæ.“ Et ideo forma
iuramenti Domini est, *Vivo ego*; quasi dicat:
iuro per vitam, qua ego singulariter vivo.
Secundo prænuntiat iudicium communis
creaturæ ad Christum, cum dicitur: *Quoniam
mibi*, scilicet Christo, *steterunt omne genu*:
in quo designatur perfectio subie-
cto rationalis creaturæ ad Christum. So-
lent

(a) *M.* Vel sic exponitur quod dicit Dominus, id est iudicio Domini &c. (b) *M.* *emiritur* & resur-
rectione. (c) *M.* *prænuntiat*. (d) *M.* id quod dicitur firmum, esse immutabilitatem divini consilii.
(e) *M.* *ostenduntur seipsum iuravit ad illa verba*, Et ideo forma iuramenti &c.

lent enim homines in signum subiectionis, maioribus flectere genua: unde Philip. 11. 10. dicitur: „In nomine Iesu omne genu flectatur caelestium, terrestrium, & infer-norum.“ Tercio prænuntiat fidei confessionem, qua omnes gloriam Christi confitebuntur: unde sequitur: *Et omnis lingua confitebitur Deo*; id est, confitebitur Christum esse Dominum, secundum illud Philip. 11. 11. „Omnis lingua confiteatur quia Dominus noster Iesus Christus in gloria est Dei Patris.“ Omnis (a) autem lingua intelligi potest expressio cognitionis sive hominum, sive Angelorum, (b) secundum illud 1. Corinth. 11. 1. „Si linguis hominum loquar, & Angelorum.“ Hoc autem impletur nunc in hac vita, non quantum ad singulos homines, sed quantum ad genera singulorum: de quolibet enim genere hominum nunc aliqui Christo subiciuntur, & ei consentiunt per fidem; sed in futuro iudicio omnes, & singuli ei subicientur, boni quidem voluntarie, mali autem inviti. Unde dicitur Hebr. 11. 8. „In eo quod ei omnia subiecit, nihil dimisit non subiectum ei. Nunc autem nec dum videmus omnia subiecta ei.“

Deinde cum dicit, *Itaque unusquisque nostrum pro se rationem reddet Deo*, infert conclusionem ex dictis: & primo conclusionem intentam ex eo quod immediate dixerat, dicens: *Itaque ex quo Christo flectitur omne genu, unusquisque nostrum (a) per se reddet rationem Deo*, scilicet ante tribunal

Christi. Matth. 11. 36. „De omni verbo otioso quod locuti fuerint homines, reddent (a) Deo rationem in die iudicii.“ & xviii. 23. „Assimilatum esse regnum caelorum homini regi, qui voluit ratio, nem ponere cum servis suis.“

Sed videtur quod non quilibet per se rationem reddet, sed unus pro alio. Heb. ult. 17. „Obedite praeceptis vestris, & subiacete eis: ipsi enim pervigilant, quasi rationem reddituri pro animabus vestris.“ Sed dicendum, quod in hoc ipso quod praefati pro alii rationem reddent, reddent rationem pro suis actibus, quos circa subditos agere debuerunt. Si enim fecerunt quod compecebat eorum officio, non eis imputabitur si subditi peccant. Imputaretur autem eis, si negligerent facere quod eorum officium requirebat: unde dicitur Ezech. 11. 18. „Si dicente me ad impium, Morte morieris, non annuntiaveris ei; ipse in iniquitate sua morietur, sanguinem autem eius de manu tua requiram. Si autem tu annuntiaveris impio, & ille non fuerit conversus; ipse quidem in iniquitate sua morietur, tu autem animam tuam libera-si.“

Secundo infert conclusionem principaliter intentam in tota praecedenti parte, dicens: *Non ergo amplius invicem iudicemus, scilicet temerario iudicio, quod includitur rationibus supra dictis. 1. Corinth. 11. 5. „Nolite ante tempus iudicare, quoadusque veniat Dominus.“*

L E C T I O II.

SEL hoc iudicate magis, ne ponatis offendiculum fratri, vel scandalum. Scio, & confido in Domino Iesu, quia nihil commune per ipsum nisi ei qui existimat quid commune esse, illi commune est. Si enim propter cibum frater tuus contristatur, iam non secundum caritatem ambulas. Noli cibo tuo illum perdere pro quo Christus mortuus est. Non ergo blasphemetur bonum nostrum. Non est enim regnum Dei esca, & porus; sed iustitia, & pax, & gaudium in Spiritu sancto. Qui enim in hoc servit Christo, placet Deo, & probatus est hominibus. Itaque quae pacis sunt sedemur, & quae iustificationis sunt, invicem custodiamus. Noli propter escam destruere opus Dei.

Postquam Apostolus prohibuit humana iudicia, hic prohibet scandalum proximorum; & circa hoc duo facit. Primo proponit quod intendit i secundo manifestat propositum, ibi, *Si enim propter cibum frater tuus contristatur &c.* Circa primum proponit

tria. Primo enim docet scandala esse vitanda, dicens: Dixi, quod non iudicetis invicem, sed unusquisque de suis actibus iudicare debet, ne sint in scandalum aliorum; & hoc est quod dicit: *Sed hec iudicate magis, ne ponatis fratribus offendiculum, vel*

(a) et etiam

N. desunt sequentia usque ad illud, Hoc autem impletur &c. (c) Forte pro se. i. ubi subiicitur, Sed unus pro alio; verumtamen fere in idem redit. (d) Ibi de eo.

vel scandalum. Scandalum autem, sicut dicit Hieronymus super Matth. notat offendiculum, vel ruinam, quam impactionem pedis possunt dicere. Unde scandalum est factum, vel dictum minus rectum, præbens alicui occasionem ruinæ, ad similitudinem lapidis, ad quem in via positum homo impingit, & cadit. Maius autem aliquid videtur esse scandalum quam offendiculum: nam offendiculum potest esse quicquid retinet, seu retardat motum procedentis; scandalum autem, id est impactio, videtur esse cum aliquis disponit ad calum. Non ergo debemus (a) fratri ponere offendiculum, ut aliquid faciamus unde impediatur proximus a via iustitiæ. Elai. lxxi. 14. „Au-“, ferte offendiculum de via populi mei. „Neque etiam debemus fratri ponere scandalum, aliquid faciendo unde ipse inclinetur ad peccatum. Matth. xviii. 7. „Vae“, homini illi per quem scandalum veni-“, nit. „Secundo docet id ex quo scandala-“, tum (b) parabatur, esse secundum suam naturam, sive secundum se licitum. Circa quod sciendum est, quod, sicut supra dictum est, apud Romanos erant quidam ex Iudæis ad fidem Christi conversi, qui cibos secundum legem discernebant; alii vero habentes fidem perfectam, indifferenter omnibus cibis utebantur, quod quidem secundum se licitum erat. Unde dicit: *Sic, & confido in Domino Iesu, quia nihil est commune per ipsum.* Circa quod notandum est, quod, sicut dicit Hieronymus super Matthæum, populus Iudæorum, partem Dei se esse iactans, communes cibos vocat quibus omnes utuntur homines; verbi gratia suillam carnem, lepores, & huiusmodi: & (c) quia ceteræ gentes, quæ talibus utebantur cibis, non erant de parte Dei, ideo talis cibis immundus appellabatur. Quod ergo dicit, *Nihil commune est*, idem est ac si diceret, Nihil immundum est. Et hoc quidem Apostolus primum dicit se scire, quia ita est secundum rerum naturam, secundum illud I. Timoth. iv. 4. „Omni creatura Dei bona“, & nihil reiiciendum quod cum grati-“, tiam actione percipitur. „Secundo dicit se confidere in Christo Iesu, quia (d) per ipsum nihil est commune: quia scilicet cibi secundum suam naturam numquam fuerunt immundi; vitabantur tamen aliquo tempore ut immundi secundum legis præceptum propter figuram; sed hoc Christus

removit implendo omnes figuras: & ideo Apostolus per fiduciam quam habet in Domino Iesu, asserit, quod *nihil est commune*, vel immundum, *per ipsum*, id est ipso hoc faciente. Act. x. 15. „Quod Deus purificavit, tu ne (e) commune dixeris. Tercio ostendit quomodo hoc posset esse per accedens illicitum, in quantum scilicet est contra conscientiam manducantis: unde dicit: Dictum est, quod nihil est commune. Sed hoc intelligendum est, nisi ei qui erronea conscientia æstimat quid id est aliquid ciborum, commune esse; idem, ita est illicitum tibi, ac si esset secundum se immundum. Tit. 1. 15. „Omnia munda mundis“, coquinatis autem, & infidelibus nihil mundum est, sed inquinata est eorum mens, & conscientia. „Et sic apparet quod aliquid quod est secundum se licitum, efficitur illicitum ei qui id contra suam conscientiam agit, licet conscientia sua sit erronea: quod rationaliter accidit: nam actus iudicantur secundum voluntatem agentium; voluntas autem movetur a re apprehensa: unde in id voluntas tendit quod ei vis apprehensiva representat: & secundum hoc qualificatur, vel specificatur actio. Si igitur ratio alicuius iudicat aliquid esse peccatum, & voluntas feratur in id faciendum; manifestum est quod homo habet voluntatem faciendi peccatum, & actio tunc exterior, quæ informatur ex voluntate, est peccatum. Et eadem ratione si aliquis æstimet, id quod est veniale peccatum, esse mortale peccatum; si hac conscientia durante illud faciat, manifestum est quod eligit peccare mortaliter, & ita actio eius propter suam electionem est peccatum mortale. Si tamen aliquis (f) post factum habeat conscientiam erroneam; per quam credat, id quod est licitum, a se factum fuisse peccatum, vel quod est veniale, fuisse mortale; non propter hoc efficitur id quod est prius, vel peccatum, vel mortale: quia voluntas, & actio non informantur ex apprehensione sequenti, sed ex præcedenti.

Hæc autem quæ dicta sunt, dubitationem non habent; sed dubium potest esse utrum si aliquis habeat erroneam conscientiam ut credat esse necessarium ad salutem quod est peccatum mortale; puta si aliquis æstimet se peccare mortaliter nisi furetur, vel fornicetur; utrum talis conscientia eum

li-

(a) *M. scilicet & sic infra.* (b) *M. putabatur. Forse etiam ponebatur.* (c) *M. deest quia: item sic legitur. Commune igitur quod ceteris hominibus, & quia quasi non ens de parte Dei, pro immundo appellatur.* (d) *M. per seipsum.* (e) *M. immundum.* (f) *M. ex post facto.*

liget, ita scilicet quod si contra conscientiam agat, mortaliter peccet.

Et videtur quod non. Primo quidem quia lex Dei, quæ prohibet fornicationem, & furtum, fortius ligat quam conscientia. Secundo quia hoc posito esset perplexus: peccaret enim & fornicando, & non fornicando.

Sed dicendum est, quod etiam in per se malis conscientia erronea ligat. Intantum enim conscientia ligat, ut dictum est, in quantum ex hoc quod aliquis contra conscientiam agit, sequitur quod habeat voluntatem peccandi; & ita si aliquis credat non fornicari esse peccatum mortale, dum eligit non fornicari, eligit peccare mortaliter, & ita mortaliter peccat. Et ad hoc etiam facit quod hic dicit Apostolus. Manifestum est enim (a) quod discernere cibos, quasi necessarium ad salutem, erat illicitum: quia nec Iudeis conversis etiam ante divulgationem Evangelii licebat servare legalia spem ponendo in eis, quasi, essent necessaria ad salutem, ut Augustinus dicit (epist. xix.) & tamen Apostolus hic dicit, quod si quis habens conscientiam cogentem discernere cibos, quod est estimare aliquid esse commune, & non discernit eos, scilicet abstinendo ab eis, peccat ac si manducaret immundum. Et ita etiam in per se illicitis conscientia erronea ligat.

Nec obstat quod primo obicitur de lege Dei: quia idem est ligamen conscientie etiam erronee, & legis Dei. Non enim conscientia dicit aliquid esse faciendum, vel vitandum, nisi quia credit (b) hoc esse contra, vel secundum legem Dei: non enim lex nostris adibus applicatur, nisi mediante conscientia nostra. Similiter etiam nec obstat quod secundo obicitur. Nihil enim prohibet aliquem esse perplexum, aliquo supposito. licet nullus sit perplexus simpliciter: sicut sacerdos fornicarius, sive celebret missam, sive non celebret, quando debet ex officio, peccat mortaliter: non tamen est perplexus simpliciter, quia potest peccatum dimittere, & celebrare. Et similiter potest aliquis conscientiam erroneam dimittere, & a peccato abstinere.

Est autem adhuc alia dubitatio. Non enim dicitur scandalizare qui facit opus rectum, licet etiam ex eo aliquis sumat materiam scandali: legitur enim Matth. xv. quod pharisæi, audito verbo Christi, scandalizati sunt. Sed non discernere cibos est

S. Th. 2^a 2^a 1^a.

opus rectum: ergo non est dimittendum propter scandalum eius qui perveriam conscientiam habet, errans in fide. Nam secundum hoc catholici deberent abstinere a carnibus, & matrimonio, ne inde hæretici scandalizarentur secundum erroneam conscientiam.

Sed dicendum est, quod aliquis scandalizare alium potest, non solum faciendo aliquid malum, sed etiam aliquid, faciendo quod habet speciem mali: secundum illud I. Thes. ult. 23. "Ab omni specie mali abstinete vos." Dicitur autem aliquid habere speciem mali dupliciter. Primo videlicet secundum opinionem eorum qui sunt ab Ecclesia præcisi; secundo secundum opinionem eorum qui adhuc ab Ecclesia tolerantur. Infirmi autem in fide existimantes legalia esse observanda, adhuc tolerabantur ab Ecclesia ante Evangelii divulgationem; & ideo non erat comedendum cum eorum scandalo de cibis in lege prohibitis. Hæretici autem non tolerantur ab Ecclesia; & ideo de eis non est similis ratio.

Deinde cum dicit, *Si enim propter cibum frater tuus contristatur*, manifestat quod dixerat: & primo primum, scilicet quod non sit ponendum scandalum fratribus; secundo secundum, & tertium, quomodo scilicet sit aliquid commune, ibi, *Omnia quidem munda sunt*.

Circa primum ponit quatuor rationes, quarum prima sumitur ex parte caritatis, dicens: *Si enim frater tuus contristatur*, de hoc quod reputat te peccare propter cibum quem tu comedis, quem ipse reputat immundum, iam non secundum caritatem ambulat, secundum quam aliquis proximum suum diligit sicut seipsum; & ita vitare contristationem, & non præferre cibum quieti fratris: quia, ut dicitur II. Corinth. xiii. 5. "caritas non querit quæ suæ sunt".

Secundam rationem ponit ibi, *Noli cibo tuo illum perdere*: quæ sumitur ex parte mortis Christi. Videtur enim parum appreciare mortem Christi qui pro cibo fructum eius evacuare non recusat: unde dicit: *Noli cibo tuo, quem tu scilicet indifferenter comedis, non discernendo cibos, illum perdere*, id est scandalizare, pro quo, id est pro cuius salute, *Christus mortuus est*. I. Pet. vii. 18. "Christus semel mortuus est", (c) pro peccatis nostris, iustus pro in-

Cc

in-

(a) 4^a.
gen Dei

ere cibos non necessarium ad salutem erat illis: quia &c. (b) id. hoc esse legit pro peccatis nostris.

„ iustis . „ Dicit autem illum perdi qui scandalizatur, quia scandalum passivum sine peccato scandalizati esse non potest : ille enim scandalizatur qui occasionem sumit ruinæ . I. Corinth. viii. 12. „ Peribit infirmus in tua conscientia frater, pro quo Christus mortuus est .

Tertiam rationem ponit ibi, *Non ergo blasphemetur bonum nostrum* ; quæ sumitur ex donis spiritualis gratiæ : & primo ostendit inconveniens quod sequitur contra huiusmodi dona . ex eo quod alios scandalizamus ; secundo manifestat quod dixerat, ibi, *Non enim est regnum Dei esca, & potus* ; tertio infert conclusionem intentam, ibi, *Itaque quæ pascit sunt sollemur* . Circa primum considerandum est, quod ex hoc quod aliqui indifferenter cibis utebantur in primitiva Ecclesia cum scandalo infirmorum, hoc inconveniens sequebatur quod infirmi fidem Christi blasphemabant, dicentes, eam voracitatem ciborum inducere contra legis mandatum . Et ideo Apostolus dicit : Ex quo per Dominum Iesum factum est quod nihil est commune, *non ergo bonum nostrum*, id est fides, vel gratia Christi, per quam libertatem a cæremoniis consecuti estis, *blasphemetur* ab infirmis dicentibus, eam gulæ hominum indulgere . Iac. ii. 7. „ Ipsi blasphemant nomen bonum, quod invocatum est super vos . „ De hoc bono dicitur, in Psal. lxxii. 27. „ Mihi adhærere Deo, bonum est . „ Deinde cum dicit, *Non enim est regnum Dei esca, & potus*, manifestat quod dixerat, scilicet in quo bonum nostrum consistat : & primo ostendit in quo non consistat, dicens : *Non enim est regnum Dei esca, & potus*. Regnum autem Dei dicitur hic id per quod Deus regnat in nobis, & per quod ad regnum ipsius pervenimus : de quo dicitur Matth. vi. 10. „ Adveniat regnum tuum : „ & Mich. xv. 7. „ Regnabit Dominus super omnes in monte Sion . „ Deo autem coniungimur, & subdimitur per interiore intellectionem, & affectum, ut dicitur Ioan. iv. 24. „ Spiritus est Deus, & eos qui adorant eum, „ in spiritu, & veritate adorare oportet . Et inde est quod regnum Dei principaliter consideratur secundum interiora hominis, non secundum exteriora : undecitur Luc. xvi. 21. „ Regnum Dei intra vos est . „ Ea vero quæ sunt exteriora ad corpus pertinentia, intantum ad regnum Dei pertinent, inquantum per ea ordinatur, vel deordinatur interior affectus, secundum ea in quibus principaliter consistit regnum Dei . Et ideo cum esca, & potus ad corpus per-

tineant, ipsa secundum se non pertinent ad regnum Dei, nisi secundum quod eis utimur, vel ab eis abstinemus . Unde dicitur I. Corinth. viii. 3. „ Eica autem nos non commedat Deo . Neque enim si non manducaverimus, deficiemus ; neque si manducaverimus, abundabimus . „ Pertinet tamen usus, vel abstinentia escæ, & potus ad regnum Dei, inquantum affectus hominis circa hoc ordinatur, vel deordinatur : unde Augustinus dicit in Lib. de Questionibus Evang. & habetur hic in Glossa : „ Iustificatur sapientia a Filiis suis, qui intelligunt non in abstinentia, nec in manducando esse iustitiam, sed in æquitate tolerandi inopiam, & in temperantia non se corrumpeendi per abundantiam, atque importunitatem sumendi . „ Non enim interest quomodo (ut in Glossa dicitur) quid alimentorum, vel quantum quis accipiat ; dummodo id faciat pro congruentia hominum cum quibus vivit, & personæ suæ, & pro valetudinis suæ necessitate ; sed quanta facilitate, & severitate animi careat his, vel cum oportet, vel cum necesse est his carere . Secundo ostendit in quo consistat bonum nostrum, quod regnum Dei vocat, dicens : *Sed regnum Dei est iustitia, & pax, & gaudium in Spiritu sancto* : ut iustitia referatur ad exteriora opera, quibus homo unicuique reddit quod suum est, & ad voluntatem huiusmodi opera faciendi, ut dicitur Matth. vi. 33. „ Primum querite regnum Dei, & iustitiam eius : „ pax autem referatur ad effectum iustitiæ : per hoc enim pax maxime perturbatur, quod unus homo non exhibet alteri quod ei debet : unde dicitur Esai. xxxii. 17. „ Opus iustitiæ pax . „ Gaudium autem referendum est ad modum quo sunt iustitiæ opera perficienda : ut enim dicit Philosophus in I. Ethic. „ non est iustus, si non gaudet iusta operatione . „ Unde & in Psal. xcix. 1. dicitur : „ Servite Domino in læticia . „ Causam autem huius gaudii exprimit dicens, *in Spiritu sancto* : est enim Spiritus sanctus, quo caritas Dei diffunditur in nobis, ut dicitur supra v. Illud enim est *gaudium in Spiritu sancto* quod caritas parit : puta cum aliquis gaudet de bonis Dei, & proximorum . Unde I. Corinth. xiii. 6. dicitur, quod „ caritas non gaudet super iniquitate „, „ gaudet autem veritati : „ & Gal. v. 22. dicitur : „ Fructus autem Spiritus est caritas, gaudium, pax . „ Hæc autem tria quæ hic tanguntur, imperfecte quidem in hac vita habentur, perfecte autem quando sancti

sancti possidebunt regnum Dei sibi paratum, ut dicitur Matth. xxv. Ibi erit perfecta iustitia absque omni peccato: Esa. vi. „Pompulus tuus omnes iusti.“ „Ibi erit pax absque omni perturbatione timoris: Esa. xxxiv. 18. „Sedebit populus meus in pulchritudine pacis, in tabernaculis fiducie.“ „Ibi erit gaudium: Esa. xxxv. 10. „Gaudium, & lætitiæ obtinebunt, & fugiet dolor, & gemitus.“ Tertio probat quod dixerat, scilicet quod in his regnum Dei consistit. Ille enim homo videtur ad regnum Dei pertinere qui placet Deo, & a sanctis hominibus approbatur; sed hoc illi contingit in quo invenitur iustitia, pax, & gaudium: ergo in his est regnum Dei. Dicit ergo: Dictum est, quod regnum Dei est iustitia, pax, & gaudium in Spiritu sancto. Qui ergo in hoc servit Christo, qui est Rex huius regni, secundum illud Col. 1. 13. „Trausulit nos in regnum, Filii dilectionis suæ:“ ut scilicet vivat in iustitia, pace, & spirituali gaudio; placeat Deo, qui est huius regni auctor: Sap. iv. 10. „Placens Deo factus est dilectus:“ „& probatur est hominibus; id est, ab eis approbatur qui sunt huius regni participes. Eccli. xxxv. 10. „Qui probatus est in illo, & perfectus inventus est.“ Deinde cum dicit, *in qua pax sibi sunt scilicet*, infert admonitionem intentam, dicens: Ex quo regnum Dei consistit in iustitia, pace, & spirituali gaudio, itaque ut ad regnum Dei (a) pervenire possimus, *scilicet in*

qua pax sunt; id est, ea studeamus adimplere per quæ Christianorum pacem conservemus. Heb. xii. 14. „Pacem sequimini, & sanctimoniam cum omnibus.“ „Custodiamus invicem ea quæ sunt adificationis; id est ea, per quæ invicem vos ædificemus; id est, bonum conservemus, & in melius provocemus. I. Corinth. xiv. 12. „Ad ædificationem Ecclesiæ quærite ut abundetis:“ quod quidem fiet, si in iustitia, & spirituali gaudio vixerimus.

Quartam rationem ponit ibi, *Noli propter escam destruere opus Dei*; quæ sumitur ex reverentia divinorum operum, quibus hoc reverentiz debemus, ut ea quæ Deus operatur, non debeamus destruere propter aliquod commodum corporale: & hoc est quod dicit: *Noli propter escam*, quæ ad corporis utilitatem pertinet, *destruere opus Dei*: quod quidem non intelligitur de quocumque Dei opere: nam omnia quæ in cibum hominis veniunt, Dei opera sunt, sicut terræ nascencia, & animalium carnes, quæ sunt hominibus in cibum a Deo concessa, ut patet Gen. 1. & 1x. sed intelligitur de opere gratiæ, quod in nobis ipsis specialiter operatur. Philip. 1. 13. „Deus enim est qui operatur in nobis velle, & persicere pro bona voluntate.“ Hoc igitur opus Dei non debemus in proximo destruere propter escam nostram, sicut facere videbantur illi quicum turbatione, & scandalo proximorum, indifferenter utebantur.

L E C T I O III.

Omnia quidem munda sunt; sed malum est homini qui per offendiculum manducat. Bonum est non manducare carnem, & non bibere vinum, neque in quo frater tuus offenditur, aut scandalizatur, aut infirmatur. * Tu fidem quam habes penes temetipsum, habe coram Deo. Beatus qui non iudicat semetipsum in eo quod probat. Qui autem discernit, si manducaverit, damnatus est, quia non ex fide. Omne autem quod non est ex fide, peccatum est.

Postquam Apostolus posuit rationem ad ostendendum quod non debemus cum scandalo proximorum indifferenter sumere omnia, hic ostendit qualiter aliqui cibi possunt esse mundi, & immundi: & circa hoc duo facit. Primo proponit quæ sunt munda ex sui natura, dicens: *Omnia quidem*, quæ scilicet ad escam hominis pertinere possunt, *munda sunt*, scilicet ex sui naturæ, quia ex sui naturæ non habent quod animam hi

lud Matth. xv. 11. „Nunc enim omne quod intrat in os, coinquinat hominem.“ I. Tim. iv. 4. „Omnis creatura Dei bona est.“ Dicebantur autem in lege quædam immunda non natura, sed significatione, ut patet Lev. xi. Sed & hanc immunditiam Christus removet impleendo veteris legis figuræ: unde dictum est Petro Act. x. 15. „Quod Deus purificavit, tu ne commune dixeris,“ id est immundum. Secundo ibi, *Sed malum est homini Escæ*, ostendit qualiter

Cc 2 ali-

* Vult

nabes? Penes semetipsum habe &c. (a) A. pertinere.

aliquis cibus homini possit fieri immundus, ut scilicet ex eius usu, secundum animam inquinetur: quod quidem ostendit fieri dupliciter. Primo ex eo quod aliquis cibum quemcumque cum scandalum proximorum manducat; secundo ex eo quod contra conscientiam manducat, ibi, *Beatus qui non iudicat semetipsum in eo quod probat*. Circa primum tria facit. Primo ostendit quid circa usum ciborum sit malum, dicens: Licet omnia ex sui natura sint munda, sed tamen malum est homini qui manducat quemcumque cibum *per ostendiculum*, id est cum confusione, & scandalum proximorum. Matth. xviii. 7. „Vae homini illi per quem scan-
„dalu venit.“ Secundo ostendit quid circa huiusmodi usum ciborum sit bonum, dicens: *Bonum est non manducare carnem, & non bibere vinum*: quorum primum precipuum esse videtur inter cibos, secundum inter potus. Er ab his quidem abstinere ponit bonum esse, vel propter carnis concupiscentiam edendam secundum illud Ephes. v. 18. „Nolite inebriari vino, in quo est luxuria:“ vel etiam ut homo reddatur habilior ad spiritalia contemplanda, secundum illud Eccle. 12. 3. „Cogita, via vino abstrahere carnem meam, ut a-
„nimu meum transferrem ad sapien-
„tiam.“ Sed hoc non intendit hic Apostolus dicere, sed quod bonum est his non uti cum scandalum proximorum: quod quidem apparet ex hoc quod subditur: *Negue in quo frater tuus offenditur*: quasi dicat: Non solum dico de vino, & carnibus, quod bonum est eis non uti, sed quocumque alio cibo frater tuus offenditur, id est rurbatur contra te, quasi illicite agentem, per quod pax eius perturbatur, aut scandalizatur, id est ad casum peccati provocatur, propter quod læditur eius iustitia; aut infirmatur, id est saltem in dubitationem venit utrum hoc quod agitur sit licitum, per quod eius spirituale gaudium diminuitur. Unde & ipse Apostolus dicit I. Corinth. xiii. 13. „Si esca scandalizar fratrem meum, non manducabo carnem in æternum, ne fratrem meum scandalizem.“ Sed cum licitum sit his cibis uti, si est ab his abstinendum propter hoc quod videtur scandalum proximorum, videtur pari ratione quod ab omnibus licitiis quæ non sunt necessaria ad salutem, sicut sunt necessaria iustitia, pax, & spirituale gaudium, sit propter proximorum scandalum abstinendum. Er ita videtur quod homini non li-

ceat sua repetere cum scandalum proximi.

Sed dicendum est, quod si scandalum ex infirmitate, vel ex ignorantia proveniat eorum qui propter hoc scandalizantur; ad vitandum hoc scandalum debet homo a licitis abstinere, si non sunt necessaria ad salutem: hoc enim est scandalum pusillorum, quod Dominus vitari iubet Matth. xviii. 10. „Videte (a) ne contemnatis unum ex his pusillis.“ Si vero huiusmodi scandalum ex malitia proveniat eorum qui scandalizantur, tale scandalum est quasi pharisæorum, quod Dominus Matth. xv. docuit esse contemnendum. Unde ad vitandum huiusmodi scandalum, non oportet a licitis abstinere.

Sed tamen circa scandalum pusillorum attendendum est, quod propter illud vitandum tenetur homo usum licitorum differre quousque, reddita ratione, hoc scandalum amoveri possit. Si vero ratione reddita adhuc scandalum maneat, iam non videtur ex ignorantia, vel ex infirmitate procedere, sed ex malitia; & sic iam pertinebit ad scandalum pharisæorum.

Tertio excludit quandam excusationem. Posset enim aliquis dicere: Licet proximus scandalizetur de hoc quod indifferenter ego cibis utor, tamen ad ostensionem meæ fidei, per quam certum est hoc mihi licere, volo indifferenter cibis uti. Sed hanc (b) rationem excludens Apostolus dicit: *Tu, qui scilicet indifferenter cibis uteris, fidem habes rectam apud semetipsum*, per quam constat licitum esse his cibis uti. Bona quidem, & laudabilis est fides ista; sed habet eam in occulto coram Deo, cui talis fides placet. Eccli. 1. 34. „Beneplacitum est Deo fides, & mansuetudo.“ Quasi dicit: Non oportet quod fidem istam manifestes per operis executionem, ubi hoc fit cum scandalum proximorum.

Sed contra videtur esse quod dicitur supra x. 10. *Corde creditur ad iustitiam; ore autem confessio fit ad salutem*. Non ergo videtur quod sufficiat corde solum coram Deo fidem habere, sed oportet huiusmodi fidem proximo manifestare, confitendo.

Dicendum est autem, quod eorum quæ sunt fidei, quædam sunt quæ non sunt perfecte per Ecclesiam manifestata, sicut in primitiva Ecclesia vixit erat perfecte declaratum apud homines quod illi qui erant ex Iudeis conversi, non tenebantur legalia observare: — tunc tempore Au-

(a) *M.* ne contemnetis. (b) *M.* responsum.

Augustini nondum erat per Ecclesiam declaratum quod anima non esset ex traduce. Unde in huiusmodi fufficit homini quod fidem habeat coram Deo; nec oportet quod fidem suam propaleat cum scandalo proximorum, nisi forte apud eos qui habent de fide determinare. Quædam vero sunt ad fidem pertinentia iam per Ecclesiam determinata; & in talibus non fufficit fidem habere coram Deo, sed oportet quod coram proximo fidem quæ confiteatur, quantumcumque ex hoc aliquis scandalizetur: quia veritas doctrinæ non est dimittenda propter scandalum, sicut nec Christus veritatem suæ doctrinæ propter scandalum pharisæorum dimisit, ut habetur Matth. xv.

Sciendum etiam, quod licet circa talia oporteat quod homo fidem suam manifestet confessione verborum; non tamen oportet quod eam manifestet executione operis, sicut si aliquis tenet fide, uti matrimonio esse licitum, non requiritur ab eo quod matrimonio utatur ad fidei suæ manifestationem: & sic etiam non requiratur ab eis qui rectam fidem habebant, quod fidem suam usu ciborum manifestarent: poterant enim manifestare verbo tenus confitendo.

Deinde cum dicit, *Beatus qui non iudicat se*, ostendit quomodo ciborum usus efficitur aliquibus immundus ex eo quod est contra conscientiam: & circa hoc tria facit. Primo ostendit quid circa hoc sit bonum, ut scilicet de eo quod homo (a) facit, non habeat conscientiam remordentem: unde dicit: *Beatus qui non iudicat semetipsum*, id est cuius conscientia eum non reprehendit, vel condemnat, in eo quod probat, id est approbat esse faciendum. Sed hoc est intelligendum, si recta fide approbet esse aliquid faciendum. Si autem falsa opinio approbat aliquid esse faciendum, puta si arbitrat obsequium se præstare Deo de eo quod discipulos Christi interfecit, ut dicitur Ioan. xvi. non excusatur ex eo quod circa hoc non iudicat semetipsum; immo beator esset, si circa hoc eum conscientia reprehenderet, inquantum per hoc a peccato magis prohiberetur. Sed in his quæ sunt licita, est intelligendum quod hic Apostolus dicit. Hoc enim ad gloriam hominis pertinet quod eum sua conscientia non reprehendat. II. Corinth. i. 12. „Gloria nostra hæc est, testimonium conscientiæ nostræ.“ Iob xxi. 6. „Neque enim re-

prehendit me cor meum in omni viâ mea.“ Secundo ostendit quid circa hoc sit malum, ut scilicet contra conscientiam agat: unde dicit: *Qui autem discernit*, id est qui habet opinionem falsam, quod oporteat cibos discernere, si manducaveris, scilicet cibos quos reputat esse illicitos, damnatus est, ex hoc quod, quantum in ipso est, habet voluntatem faciendi quod est illicitum; & sic delinquit proprio iudicio condemnatus, ut dicitur Tit. 111. Tertio assignat causam eius quod dixerat, dicens: *Quia non ex fide*: ideo scilicet condemnatus est. Potest autem hic fides dupliciter accipi. Uno modo de fide quæ est virtus; alio modo secundum quod fides dicitur conscientia: & hæc duæ acceptiones non differunt nisi secundum differentiam particularis, & universalis. Id enim quod universaliter fide tenemus, puta usum ciborum esse licitum, vel illicitum, conscientia applicat ad opus quod est factum, vel faciendum. Dicitur ergo, ideo eum qui manducat, & discernit esse condemnatum, quia hoc non est ex fide, immo est contra fidem, id est contra veritatem fidei, & contra conscientiam facientis. Heb. xi. 6. „Sine fide impossibile est placere Deo.“ Et quod hac sit sufficiens causa condemnationis, ostendit subdens: *Omne autem quod non est ex fide, peccatum est.*

Ex quo videtur quod, sicut dicitur in Glossa, omnis vita infidelium peccatum sit, sicut omnis vita fidelium est meritoria, inquantum ad Dei gloriam ordinatur, secundum illud I. Cor. x. 31. „Sive manducatis, sive bibitis, sive aliquid aliud facitis, omnia in gloriam Dei facite.“

Sed dicendum est, quod aliter se habet fidelis ad bonum, & infidelis ad malum: nam in homine qui habet fidem formatam nihil est damnationis, ut supra viii. dictum est; sed in homine infideli, cum infidelitate est bonum naturæ. Et ideo cum aliquis infidelis ex diabolice rationis aliquod bonum facit, non referendo ad malum finem, non peccat. Non tamen opus eius est meritorium, quia non est gratia informatum. Et hoc est quod in Glossa dicitur: „Nihil bonum est sine summo bono;“ id est, nullum bonum meritorium est sine gratia Dei; & ubi deest agnitio vitæ eternæ, & incommutabilis veritatis, quæ scilicet est per fidem, falsa virtus est in optimis moribus, inquantum scilicet non refertur ad finem beatitudinis eternæ. Cum vero

vero

(a) id. non facit.

vero homo infidelis aliquid agit ex eo quod infidelis est, manifestum est quod peccat. Unde (a) cum in Glossa dicitur: „Opus omne, quod non est ex fide, peccatum est:“ sic est intelligendum: Omne quod est contra fidem, vel contra conscientiam, peccatum est, etiam ex genere suo bonum esse videa-

tur: puta, si paganus ad honorem suorum deorum virginitatem servet, vel elemosinam det, hoc ipso peccat. Tit. 1. 15. „Cognati, inquit, & infidelibus nihil mandum est; sed inquinatæ sunt eorum & mens, & conscientia.“

CAPITIS DECIMIQUINTI

LECTIO I.

DEbemus autem nos firmiores, imbecillitates infirmorum sustinere; & non nobis placere. Unusquisque vestrum proximo suo placeat in bonum ad ædificationem. Etenim Christus non sibi placuit; sed sicut scriptum est: Improperia impropertantium tibi ceciderunt super me. Quæcumque enim scripta sunt, ad nostram doctrinam scripta sunt, ut per patientiam, & consolationem Scripturarum spem habeamus. Deus autem patientiæ, & solatii det vobis idipsum sapere in alterutrum secundum Iesum Christum, ut unanimes uno ore honorificetis Deum, & Patrem Domini nostri Iesu Christi. Propter quod suscipite invicem, sicut & Christus suscepit vos in honorem Dei. Dico enim Christum Iesum ministrum fuisse circumcissionis propter veritatem Dei, ad confirmandas promissiones patrum; Gentes autem * super misericordiam honorare Deum; sicut scriptum est: Propterea confitebor tibi in Gentibus Domine, & nomini tuo cantabo. Et iterum dicit: Lætamini Gentes cum plebe eius. Et iterum: Laudate omnes Gentes Dominum, & magnificate eum omnes populi. Et rursus Esaias ait: Erit radix Iesse, & qui exurgit regere Gentes: in eum Gentes sperabunt. Deus autem spei repleat vos omni gaudio, & pace in credendo, ut abundetis in spe, & virtute Spiritus sancti.

SUPRA Apostolus docuit quod maiores debent scandala infirmorum vitare; hic docet quod maiores debent etiam infirmitates minorum sustinere: & circa hoc duo facit. Primo proponit admonitionem; secundo manifestat eam, ibi, *Unusquisque vestrum proximo suo placeat in bonum*. Ista admonitio duo continet, quorum primum pertinet ad exteriorem (b) exhibitionem: unde dicit: Non solum debemus scandala infirmorum vitare, sed etiam nos, qui sumus firmiores in fide, debemus sustinere imbecillitates infirmorum. Sicut enim in materiali ædificio eliguntur aliqua firmiora ad sustinendum totum ædificii pondus, quod ex fragilliori materia (c) superponitur, sicut sunt fundamenta, & co umnæ; ita etiam in spiritali Ecclesiæ ædificio non solum eliguntur, sed (d) efficiuntur aliqui firmi,

res, ut sustineant pondus aliorum. Unde in Psal. lxxiv. 4. dicitur: „Ego confirmavi columnas eius:“ & Gal. vi. 2. „Aliter, ter alterius onera portate.“ Sustineant autem firmiores imbecillitates infirmorum, dum eorum defectus patienter serunt, & pro posse sublevare nituntur. Secundum autem pertinet ad interiorem intentionem: unde dicitur: *Et non debemus nobis placere*, ita scilicet ut semper illud velimus impleri (e) quod nobis placet; sed debemus condescendere voluntatibus aliorum, ut faciamus ea quæ aliis placent, & quæ eis sunt utilia. I. Corinth. x. 23. „Sicut & ego per omnia omnibus placeo.“

Deinde cum dicit, *Unusquisque vestrum proximo suo placeat in bonum*, manifestat positam admonitionem: & primo quantum ad secundam partem; secundo quantum ad pri-

* A. super omnia.

(a) A. desit cum. (b) A. actum. (c) A. superponitur. (d) A. efficiuntur. (e) A. quod nobis placet, & quæ sunt nobis utilia, intermedii omisso.

primam, ibi, *Propter quod suscepit invicem* &c. Circa primum duo facit. Primo exponit quod dixerat; secundo rationem inducit, ibi, *Etenim Christus non sibi placuit*. Dicit ergo primo: Ita dictum est, quod nos non debemus nobis placere; & hoc quidem est, quia unusquisque nostrum, qui sumus firmiores, debet placere proximo suo infirmo, idest condescendere ei in his quæ ei placent, non tamen in his quæ mala sunt, sicut Esa. xxx. 10. quidam requirunt: „Lo, quoniam nobis placencia, videte nobis erores.“ Et ideo subdit, *in bonum*. Similiter etiam non debemus intendere ut hominibus placeamus propter humanum favorem, vel gloriam, cum in Pl. lii. 6. dicatur: „Deus dissipavit ossa eorum qui huiusmodi minibus placent:“ sed ad honorem Dei, & utilitatem proximorum: unde subdit, *Ad adificationem*, idest propter hoc quod aliorum voluntati (a) condescendentibus, ipsi edificentur in fide, & dilectione Christi. Supra xiv. 19. *Quia adificationis sunt, invicem assistamus*.

Deinde cum dicit, *Etenim Christus non sibi placuit*, assignat rationem eius quod dixerat, exemplo Christi: & primo proponit exemplum Christi; secundo, ostendit eius exemplum esse a nobis imitandum, ibi, *Quicumque scripta sunt, ad nostram doctrinam scripta sunt*; tertio subiungit (b) orationem, ut id implere possimus, ibi, *Deus autem (c) patientia, & solatii det vobis idipsum sapere in alterutrum*.

Circa primum duo facit. Primo proponit exemplum, dicens: Dictum est, quod non debemus nobis placere, scilicet secundum nostram privatam voluntatem: etenim Christus, qui est caput nostrum, non sibi placuit, dum elegit pati pro nostra salute, & ea quæ suæ propriæ voluntati erant contraria, scilicet naturali voluntati humanæ, ut impleteret divinam, quæ sibi, & Patri erat communis, secundum illud Luc. xxi. 42. „Non mea voluntas, sed tua fiat.“ Secundo ad hoc auctoritatem inducit, dicens: *Sed sicut scriptum est*, in Plal. lxxxi. 10. ex persona Christi, dicentis ad Patrem: O Pater, impropria iudiciorum impropertantium tibi, idest te blasphemantium per sua mala opera, & per hoc quod veritatis tuæ doctrinæ contradicunt, *ecceiderunt super me*: quia videlicet opprimere me voluerunt, quia voluntatem tuam ei proponebam, & eorum mala opera redarguebam. Ioan. xv. 24. „Sed odec“ &c. Patrem meum. „Pot-

est & hoc referri ad peccata totius humani generis: quia omnia peccata quodammodo sunt impropria Dei, inquantum per ea lex Dei contemnitur. Esa. i. 4. „Dere-“
„liquerunt Dominum, blasphemaverunt San-“
„ctum Israel.“ Sic ergo impropria impropertantium Deo ceciderunt super Christum, inquantum ipse pro peccatis omnium mortuus est. Esa. liii. 6. „Deus posuit“
„in eo iniquitates omnium nostrum.“ I. Petr. ii. 24. „Peccata nostra pertulit in“
„corpore suo super lignum.“

Deinde cum dicit, *Quicumque enim scripta sunt* &c. ostendit quod hoc exemplum Christi sit nobis imitandum, dicens: *Quicumque enim scripta sunt*, in sacra Scriptura vel de Christo, vel de membris eius, *scripta sunt ad nostram doctrinam*: nulla enim necessitas fuit hæc scribere nisi propter nos, ut ex his instruamur. II. Tim. iii. 16. „Omnis (d) Scriptura divinitus inspirata,“
„utilis est ad docendum, & erudiendum,“
„ad arguendum, & corripiendum.“ Quid autem in Scripturis ad nostram doctrinam contineatur, ostendit subdens: *Ut per patientiam, & consolationem Scripturarum*, idest quas Scripturæ continent: continetur enim in sacra Scriptura patientia sanctorum in malis sustinendis. Iacob. ult. 11. „Patientiam Iob audistis.“ Continetur etiam in eis consolatio quam Deus eis exhibuit, secundum illud Plal. xciii. 19. „Secundum“
„multitudinem dolorum meorum in corde“
„meo, consolationes tuæ lætificaverunt a-“
„nimam meam.“ Unde & I. Petr. i. 11. dicitur: „Prænuntians eas quæ in Christo“
„sunt passionis (quod pertinet ad pa-“
„tientiam) & posteriores glorias,“ quod pertinet ad consolationem. Quem autem fructum ex hac doctrina suscipiamus, ostendit subdens, *Spem habeamus*. Per hoc enim quod ex sacra Scriptura instruimur, eos qui patienter propter Deum tribulationes sustinuerunt, divinitus consolatos fuisse, spem accipimus ut & ipsi consolemur, si in ipsis fuerimus patientes. Iob xiii. 15. „Et si occiderit me, in ipso sperabo.“

Deinde cum dicit, *Deus autem patientia* &c. quia videbatur nimis arduum ut purus homo possit exemplum Christi imitari, secundum illud Eccle. xi. 12. „Quid est ho-“
„mo, ut sequi possit Regem factorem“
„suum?“ ideo adhibet orationis suffragium, dicens: *Deus autem patientia*, scilicet datur: Plal. lxx. 5. „Tu es patientia“
„mea:“ & solatii, idest qui spiritualem con-

(a) v

i.e. (b) Al. rationem. (c) Al. pacis. (d) Al. doctrina.

consolationem largitur: II. Corinth. 1. 3. „Pater misericordiarum, & Deus totius consolationis: *det vobis*, a quo est omne datum optimum, ut dicitur Iacob. 1. *Idipsum sapere in alterutrum*, idest ut invicem idem sapiatis: II. Corinth. ult. 11. „Idem „sapite, pacem habete: „non quidem secundum consensum in peccatum, sed secundum Iesum Christum, de quo dicitur Ephel. 11. 14. „Ipse est pax nostra, qui fecit utraque unum: „ut per hoc quod idem sapiatis, *unanimis* existentes per fidei, & caritatis consensum, secundum illud Psal. lxxvi. 7. secundum aliam litteram, „Qui „habitare facit unanimes in domo, „*uno ore*, idest una oris confessione, quæ ex unitate fidei procedit: I. Corinth. 1. 10. „Idem ipsum dicatis omnes: „& pro consolatitate cordis, & oris *honorificatis Deum* omnium creatorem, idipsum etiam existentem Patrem Domini nostri Iesu Christi, per quem nos sibi in filios adoptavit. I. Reg. 11. 30. „Qui honorificaverit me, honorificabo eum. „Malach. 1. 6. „Si ego patet, ubi est honor meus? „Deinde cum dicit, *Propter quod suscipite invicem*, manifestat primam partem admonitionis, in qua dixerat, quod firmiores debent imbecillitatem infirmorum sustinere: & circa hoc duo facit. Primo resumit admonitionem; secundo inducit rationem exemplo Christi, ibi, *Sicut & Christus suscepit vos in honorem Dei*; tercio subiungit orationem, ibi, *Deus autem spiritus replens vos omni gaudio, & pace in credendo*. Dicit ergo primo: *Propter quod*, idest quia ea quæ scripta sunt, ad nostram doctrinam ordinantur, scilicet exempla Christi, & aliorum sanctorum; consequenter *suscipite invicem*, secundum caritatis affectum, ut scilicet unus sustineat ea quæ sunt alterius, sicut & vult se sustineri quantum caritas permittit, & unus alium etiam suscipiat ad adiuvandum, & promovendum. Supra xiv. 1. *Discipulum in fide suscipite*. Deinde cum dicit, *Sicut & Christus suscepit vos*, assignat rationem exemplo Christi: & primo ponit eius exemplum, dicens: *Sicut & Christus suscepit vos*, scilicet in sua protectione, & cura. Esa. xlii. 1. „Ecce servus meus, suscipiam eum. „Luc. 1. 1v. „Suscepit Israel puerum suum, recordatus misericordiarum suarum. „Et hoc in honorem Dei, in quem omnia referebat. Ioan. vii. 49. „Honorifico Patrem meum, & vos in honorastis me. „Ex quo datur intelligi quod nos invicem debemus suscipere in his quæ pertinent ad honorem Dei. Secundo

ibi, *Dico enim Christum &c.* manifestat quod dixerat: & primo quidem quantum ad Iudæos; secundo quantum ad Gentiles, ibi, *Gentes autem super misericordia honorare Deum*. Dicit ergo primo: *Didum est*, quod Christus vos suscepit, qui estis congregati in unitate fidei ex Iudæis, & Gentibus: & hoc pater quantum ad utroque. *Dico ergo, Christum ministrum fuisse circumcisionis*: est enim ipse auctor fidei quantum ad omnes, secundum illud Hebr. xii. 3. „Aspicientes in auctorem fidei, & consummationem, rem Iesum. „Sed in propria persona non exhibuit seipsum nisi Iudæis, secundum illud Matth. xv. 24. „Non sum missus nisi ad oves quæ perierunt domus Israel. „Esa. xlii. 2. „Non audierit vox eius foris. „Et hoc quidem *propter veritatem Dei*, ut scilicet veritas Dei promittentis comprobaretur: supra 111. 4. *Est autem Deus verax*. Unde subdit: *Ad confirmandas promissiones patrum*; idest, ut per hoc implerentur promissiones patribus factæ: Luc. 1. 69. „Erexit cornu salutis nobis in domo David pueri sui; sicut locutus est per os sanctorum. „II. Corinth. 1. 20. „Quotquot sunt promissiones Dei, in illo sunt. „Deinde cum dicit, *Gentes autem super misericordia honorare Deum*, ostendit etiam Gentes susceptas a Christo: & primo proponit quod intendit; secundo confirmat per auctoritatem, ibi, *Sicut scriptum est*. Dicit ergo: Ita didum est, quod Christus suscepit Iudæos propter veritatem Dei, ut promissiones patrum implerentur; Gentibus autem non erant promissiones factæ: unde hoc non habet locum quantum ad Gentiles, sed fuit propter misericordiam suscepti: & hoc est quod dicit: *Gentes autem debent honorare Deum super misericordia eis exhibita per Christum*: qualiter eis personaliter non prædicaverit, ad eos tamen discipulos suos misit, qui in Gentibus ministerium exercuerunt, sicut ipse exercuerat in Iudæis, secundum illud Matth. ult. 19. „Euntes docete omnes Gentes. „Et de hac misericordia dicitur in Psal. xxxi. 5. „Misericordia Domini plena est terra. „Luc. 1. 50. „Misericordia eius a progenie in progenies timentibus eum. „Sic ergo Apostolus conversionem Iudæorum attribuit veritati divinæ, conversionem Gentilium divinæ misericordiæ.

Contra quod videtur esse quod dicitur in Psal. xiv. 10. „Universæ viæ Domini misericordia, & veritas. „Sed dicendum est, quod per hoc quod ascribit vocationem

nem Iudæorum divinæ veritati, non excludit misericordiam: quia & Apostolus ex Iudæis natus dicit I. Tim. 1. 13. „Misericordiam concitatus sum.“ Et hoc ipsum misericordiæ fuit quod Deus patribus promissiones fecit de posterorum salute. Similiter hoc quod vocationem Gentium ascribit divinæ misericordiæ, non excludit totaliter divinam veritatem: quia hoc ipsum ad divinam veritatem pertinebat quod propositum suum de salvatione Gentium implevit; quod ad Ephes. 1. 17. dicit Apostolus, esse sacramentum absconditum a sæculis in Deo. Sed aliquis modus veritatis, scilicet pro implezione promissorum, consideratur in vocatione Iudæorum, qui non consideratur in vocatione Gentium, quibus promissiones non sunt factæ.

Deinde cum dicit, *Sicut scriptum est &c.* confirmat quod dixerat de conversione Gentium, per auctoritatem. Licet enim Gentibus non fuerit reposita vocatio ad fidem Christi, non tamen ex improvilo accidit, sed fuit præannuntiata vaticiniis Prophetarum. Inducit autem quatuor auctoritates, quarum prima continet gratiarum actiones Christi ad Patrem pro conversione Gentium per ipsum facta: unde dicit: *Sicut scriptum est*, in Psal. xvi. 44. ex personâ Christi: „Constituit me in caput Gentium.“ & 49. „Ab insurgentibus in me (Iudæis) exaltabit me.“ O Deus Pater, ego Christus *confitebor tibi*, confessione gratiarum actionis, in *Gentibus*, idest pro Gentium conversione per me facta, & *cantabo*, nova quadam mentis exultatione, *nomini tuo*, quod eis manifestatum est, secundum illud Ioan. xvi. 6. „Manifestavi nomen tuum hominibus quos dedisti mihi.“ Vel aliter. *Confitebor tibi in Gentibus*; idest, faciam quod tibi Gentes confiteantur confessione fidei: Psal. lxxvi. 6. „Confiteantur tibi populi, Deus, confiteantur tibi populi omnes:“ & *nomini tuo cantabo*; idest, faciam quod Gentes cantent tibi canticum, quod consistit in exultatione spiritus renovati. Psal. xcv. 4. „Cantate Domino canticum novum, cantate Domino omnis terra.“ Secunda auctoritas continet adulationem Gentium, & Iudæorum: unde subdit: *Et iterum dicit*, Scriptura, (4) *Ela. ult. 10. O Gentes, quæ eratis alienæ a conversatione Israël, ut dicitur Ephes. 1. 11. Latamini (b) cum plebe eius*; idest simul communem exultationem assumatis cum Iudæis, qui olim erant plebs eius. Esa. 1. 3. „Latrabunt coram te, sicut qui latrantur in messe.“ Ioan. x. 16. „Fiet unum ovile, & unus pastor.“ Nostra autem littera habet: „Latamini cum Hierusalem, & exultate in ea omnes qui diligitis eam.“ Tertia auctoritas continet devotionem Gentium ad Deum: unde subdit: *Et iterum*, scriptum est in Psal. cxi. Laudate omnes Gentes Dominum, scilicet eius bonitatem confitentes: Psal. cxi. 3. „A solis ortu usque ad occasum laudabile nomen Domini.“ & omnes populi, non solum populus Iudæorum, magnificate eum; idest, credite esse magnum; idest, quod sua magnitudine omnem laudem excedat. Eccli. xl. 33. „Benedicentes Dominum, exaltate illum quantum potestis: maior enim est omni laude.“ Malach. 1. 11. „Ab ortu solis usque ad occasum, magnum est nomen meum in Gentibus.“ Quarta auctoritas continet reverentiam Gentium ad Christum: unde subditur: *Et iterum Esaias ait x. Erat radix Iesse*: in quo præannuntiatur Christi originem ex David semine nascituri: Iesse namque fuit pater David. Dicit ergo: *Erat radix Iesse*, (c) ex cuius semine Christus nascitur. Esa. xi. 1. „Egredietur virga de radice Iesse, & flos de radice eius ascendet.“ Vel Christus *erat radix Iesse*, quia licet ex Iesse processerit secundum carnis originem, tamen sua virtute Iesse sustentavit, & gratiam ei influxit. Supra xi. 18. *Non tu radicem portas, sed radicem te*. Deinde tangit Christi officium, subdens: *Et qui exurget*, in tantam gratiæ excellentiam ut possit regere Gentes, eos divino cultui subiugando; quod nullus ante eum facere potuit. Psal. 11. 8. „Dabo tibi Gentes hereditatem tuam... Reges eos in virga ferrea.“ Ultimo ponit devotionem Gentium ad Christum, dicens: *In eum Gentes sperabunt*, ut scilicet per eum hereditatem celestis gloriæ consequantur. I. Pet. 1. 3. „Regeneravit nos in spem vivam per resurrectionem Iesu Christi ex mortuis.“

Deinde cum dicit, *Deus autem spiritus &c.* subiungit orationem, dicens: *Disium est*, quod in Christum Gentes sperabunt. *Deus autem spiritus*, idest qui nobis hanc spem iufundit, secundum illud Psal. lxx. 5. „Spes mea Domine“ vel *Deus spiritus*, idest in quo sperandum est, replent vos omni gaudio, scilicet spirituali, quod est de Deo: Nehem. D d v112.

(a) Al. m. Anna, &

latamini Gentes, cum plebe eius; idest dec. intermedii om. f. (b) In edit. R. repetitur hic vox Gentes. (c) Al. ex cuius pullulatione.

VIII. 10. „Gaudium enim Domini est for-
titudo vestra : „ per quam homo in se-
ipso, & ad Deum, & proximum est paca-
tus. Psal. cxviii. 165. „ Pax multa dili-
gentibus legem tuam Domine. „ In cre-
dendo; quasi dicat: Ut cum hoc quod cre-
ditis, etiam pacem, & gaudium habeatis;
quæ quidem sunt caritatis effectus, secun-
dum illud Gal. v. 22. „Fructus autem Spi-
ritus ritus sunt caritas, gaudium, pax. „
Unde patet quod a Deo, qui est dator spei,
optat eis ut cum fide habeant caritatem,

per quam fides operatur, ut habetur Gal.
v. ne fides eorum sit informis, & mortua:
quia fides sine operibus mortua est, ut di-
citur Jac. 2. & ut sic per plenitudinem
harum virtutum, abundatis, proficiendo de
bono in melius, non solum in spe, sed et-
iam in virtute Spiritus sancti, idest in cari-
tate, quæ in cordibus nostris diffunditur
per Spiritum sanctum, ut supra v. dictum
est. II. Corinth. 12. 8. „ Potens est autem
Deus omnem gratiam abundare facere in
vobis. „

LECTIO II.

Certus sum autem, fratres mei, & ego ipse de vobis, quoniam & ipsi pleni
estis dilectione, repleti omni scientia, ita ut possitis alterutrum monere. Au-
dacius autem scripsi vobis, fratres, ex parte, tamquam in memoriam vos redu-
cens, propter gratiam quæ data est mihi a Deo, ut sim minister Christi Iesu,
in Gentibus sanctificans Evangelium Dei, ut fiat oblatio Gentium accepta,
& sanctificata in Spiritu sancto. Habeo igitur gloriam in Christo Iesu ad Deum.
Non enim audeo aliquid loqui eorum quæ per me non effecit Christus in obedi-
entiam Gentium in verbo, & factis, in virtute signorum, & prodigiorum, in vir-
tute Spiritus sancti; ita ut ab Hierusalem per circuitum usque ad Illyricum reple-
verim Evangelium Christi. Sic autem prædicavi Evangelium hoc, non ubi nomi-
natus est Christus, ne super alienum fundamentum ædificarem; sed sicut scierunt
est: Quoniam quibus non est annuntiatum de eo, videbunt; & qui non audierunt
de eo, intelligent.

Postquam Apostolus generalibus admoni-
tionibus Romanos instruxerat, hic in-
cipit eis quædam familiaria scribere: &
primo quædam pertinentia ad seipsum, se-
cundo quædam pertinentia ad alios, xvi. cap.
ibi, *Commendo autem vobis Phœben &c.* Cir-
ca primum tria facit. Primo excusat præ-
sumptionem de hoc quod eos instruxerat,
& reprehenderat; secundo excusat suam
tarditatem circa visitationem eorum, ibi,
Propter quod plurimum impediabar venire ad
vos tertio petit suffragia orationum ipso-
rum, ibi, *Obsecro autem vos fratres &c.* Et
circa primum duo facit. Primo excludit op-
positam causam instruendi, & arguendi eos;
secundo assignat veram causam, ibi, *Auda-*
cius enim scripsi vobis, fratres, ex parte.
Circa primum considerandum est, quod ali-
quis posset credere Apostolum ideo scripsisse
Romanis, quia æstimaret (a) nullum esse
apud Romanos qui posset instruere, &
corrigere. Sed hoc ipse excludit, dicens:
Certus sum enim, fratres mei, per ea quæ
de vobis audivi, quoniam idonei estis ad

admonendum eos qui inter vos admonicio-
ne indigent. Ad hoc autem ut aliquis re-
cte admoneat, duo requiruntur: quorum
primum est ut non ex odio, vel ira, sed
ex dilectione moneat, secundum illud Psal.
cxl. 5. „ Corripiet me iustus in misericor-
dia: „ & Gal. vi. 1. „ Vos, qui spiri-
tuales estis, instruite huiusmodi in spiritu
lenitatis: „ & quantum ad hoc dicit:
Quoniam & ipsi pleni estis dilectione. Ezech.
x. 2. „ Imple manum tuam prunis ignis,
„ quæ sunt inter Cherubim: „ qui est ignis
caritatis. Secundo requiritur scientia verita-
tis, eo quod quidam habent zelum Dei
in corrigendo, sed non secundum scientiam,
ut supra x. dictum est: & ideo subdit: *Re-*
pleti omni scientia, scilicet & humana, &
divina, & veteris, & novæ legis. I. Co-
rinth. 1. 5. „ In omnibus divites facti estis
„ in illo, in omni verbo, & in omni scien-
tia. „ Et ex hoc concludit sic: *Ita ut*
possitis, convenienter propter dilectionem,
& scientiam, alterutrum monere. Quia enim
in multis offendimus omnes, ut dicitur Jac.

111.

(a) Al. illum.

117. oportet ut invicem moneamus: quia, ut dicitur Eccli. xxi. 12., unicuique mandavit Deus de proximo suo.

Deinde cum dicit, *Audacius autem scripsi vobis*, assignat veram causam quare eos admonuerat, & correxerat: & circa hoc duo facit. Primo ostendit quod hoc pertinebat ad auctoritatem Apostolatus sibi commissam; secundo ostendit qualiter hac potestate usus fuerit, ibi, *Habeo igitur gloriam in Christo Iesu ad Deum*. Dicit ergo: *Audacius autem*, idest securius, *scripsi vobis*, errores, & defectus vestros arguendo: quod quidem ad audaciæ præsumptionem posset ascribi propter hoc quod offensionem vestram non timui. Iob xxxix. 21. „Audacius, quæ in occursum pergit armatis.“ Sed hæc præsumptio excusatur ex tribus. Primo quidem ex conditione eorum quibus scribebat: quia etsi inter Romanos essent aliqui respectu quorum talis reprehensio audax, & præsumptuosa videretur; erant tamen etiam aliqui qui indigebant dura reprehensione propter contentionem insolentiam. Tit. 1. 13. „Increpa illos dure.“ Et hoc est quod dicit, *Ex parte*, quasi dicat: Non videtur mea scriptura esse audax quantum ad omnes vos, sed quantum ad partem aliquam vestram. Vel potest intelligi, *Ex parte* Epistolæ in qua eos reprehendit. Potest intelligi etiam ex parte Ecclesiæ, quæ scilicet mecum est. Secundo excusatur prædicta audacia ex intentione Apostoli: non enim scripsit eis (a) tamquam reputans eos ignorantes, sed in memoriam eos reducens cognitorum: & hoc est quod subdit: *Tamquam in memoriam vestreducens*, quasi oblitos eorum quæ sciebatis, sicut & Phil. iv. 10. dicitur: „Occupati autem estis,“ rati. „Hebr. x. 32. Rememoramini pristinos dies, in quibus illuminati, magnam certamen sustinistis passionum.“ Tertio excusatur ex auctoritate Apostoli quæ hoc requirebat: unde subdit, *Propter gratiam*, scilicet Apostolatus mihi commissi. I. Corinth. xv. 10., Gratia Dei sum id quod sum. „Huius autem gratiæ primo describit auctoritatem, cum dicit: *Qua data est mihi a Deo*, quasi diceret, Non ab hominibus. Ad Galat. 1. 1. „Paulus Apostolus non ab hominibus, neque per hominem.“ Secundo specificat istam gratiam, cum dicit: *Ut sum minister Christi Iesu in Gentibus*; idest, ut serviam Christo in Gentium conversione. I. Corinth. iv. 1.

„Sic nos existimet homo ut ministros Christi.“ Supra xi. 13., Quamdiu sum Gentium Apollolus, ministerium meum honorificabo. „Tertio ostendit huius gratiæ cum, cum dicit: *Sanctificans Evangelium Dei*; idest, sanctum esse offendens & verbo veritatis, & opere bonæ conversationis, & miraculorum. Col. 1. 5. „In verbo veritatis Evangelii quod pervenit ad vos, sicut & in universo mundo est, & fructificat, & crescit.“ Proverb. viii. 8. „Recti sunt sermones mei.“ Quarto ponit finem huius gratiæ, cum dicit: *Ut fiat eblatis Gentium*, idest Gentes per meum ministerium convertæ: in quo quasi quoddam sacrificium & oblationem Deo obtuli, secundum illud Philip. 11. 17. „Et si immolator super sacrificium, & obsequium, fidei vestræ gaudeo, & congratulor omnibus vobis.“ *Fiat accepta*, scilicet Deo per rectitudinem (b) intentionis. Psal. 1. „Tunc acceptabis sacrificium iustitiæ, oblationes & holocausta.“ *Et sanctificata in Spiritu sancto*, id est per caritatem, & alia Spiritus sancti dona. I. Corinth. vi. 11. „Sanctificati estis in nomine Domini nostri Iesu Christi, & in Spiritu Dei nominati.“

Deinde cum dicit, *Habeo igitur gloriam &c.* ostendit quomodo auctoritate apostolica fuerat usus: & primo ponit fructum quem fecit; secundo ostendit huius fructus magnitudinem, ibi, *Ita ut ab Hierusalem per circuitum usque ad Illyricum repleverim Evangelium Christi*; tertio ostendit difficultatem, ibi, *Sic autem predicavi hoc, non mihi nominatus est Christus &c.* Circa primum tria facit. Primo dat gloriam Deo de fructu quem fecit, dicens: *Igitur* quia talem gratiam accepi, & diligenter executus sum id ad quod mihi hæc gratia data est, *habes gloriam*, (c) idest meritum dignum gloriæ, sicut fidelis minister. I. Corinth. ix. 15. „Melius est mihi mori quam ut gloriam meam quis evacuet.“ Sed hanc gloriam non mihi principaliter attribuo, sed eam habeo in Christo Iesu, idest per Christum, cuius virtute fructificare potui. Ioan. xv. 5. „Sine me nihil potestis facere.“ Et quia (d) ipsi omnia tradita sunt a Patre, ut dicitur Matth. xi. & „Pater in eo manens, ipse facit opera.“ Ioan. xiv. 10. ideo ulterius hanc gloriam refert ad Patrem, dicens, *Ad Deum*, scilicet Patrem. Psalm. cxlii. 1. „Non nobis Domine, non nobis,“

D d 2 sed

(a) *Id.* tamquam instruens ignorantes. (b) *Id.* directi intentionis. (c) *Id.* emittitur idest meritum dignum gloriæ. (d) *Id.* Christo.

„sed nomini tuo da gloriam. “ Assignat autem rationem eius quod dixerat, subdens: *Non enim audeo loqui aliquid eorum quia per me non efficit Christus*; quasi dicat: Nihil referam de fructu per me facto quod per me factum non sit. Alioquin gloriam non haberem apud Deum, etsi apud homines. Quæ quidem refero, non tamquam per me principaliter facta, sed sicut quæ per me Christus fecit: & ideo hanc gloriam dixi me habere in Christo Iesu. *Esa. xxv. 12.* „Omnia opera nostra operatus es in nobis. “ Secundo ponit ipsum fructum, dicens: *In obedientiam Gentium*; quasi dicat: Gloria mea hæc est pro eo quod feci Gentis fidei obedire. Supra 1. 5. *Ad obedientiam fidei in omnibus Gentibus*. *Psal. xvii. 45.* „In auditu auris obediuit mihi. “ Terrio ostendit quomodo Gentes ad hanc obedientiam adduxerit. Quia autem supra 1. 17. dictum est: *Fides ex auditu, auditus autem per verbum Christi*: (a) ideo dicit, *In verbo*, idest per verbum prædicatinnis fidei. Argumenta autem fidei prædicatæ, sunt bona conversatio prædicantis; & quantum ad hoc subdit, *Et factis*; quasi scilicet per recta opera vos ad fidem allexi: *Matt. v. 16.* „Videant opera vestra bona, & glorificent Patrem vestrum qui in cælis est: & opera miraculorum, quibus Deus dat testimonium doctrinæ prædicatæ, secundum illud *Marc. ult. 20.* „Domino cooperante, & sermonem confirmante sequentibus, signis. “ Unde subdit: *In virtute signorum*, idest miraculorum minorum, puta sanationes ægritudinum, & prodigiorum, idest majorum miraculorum, quæ ex sua magnitudine aliquid magni portendunt, idest ostendunt. Sed hoc totum non sufficeret, nisi Spiritus sanctus intus corda audientium ad fidem commoveret: unde dicitur *Act. 1.* quod loquente Petro verba fidei, cecidit Spiritus sanctus super omnes qui audiebant verbum. Et ideo subdit, *In virtute Spiritus sancti*. *Meb. 11. 4.* „Contestante Deo signis, & prodigiis, & variis Spiritus sancti distributionibus. “ Deinde cum dicit, *Ita ut ab Hierusalem*, ostendit magnitudinem fructus ex multitudine locorum in quibus prædicavit, dicens: *Ita ut incipiens ab Hierusalem*, ubi in principio lux conversionis prædicavit in synagogis Iudeorum, ut dicitur *Act. 13.* ut sic impleter quod dicitur *Esa. 11. 3.* „De Sion exibit lex, & verbum Domini de Hierusalem: “ usque ad Ilyricum, quod est mare Adriaticum ex

parte opposita Italiæ, *repleverim Evangelium Christi*; idest, omnia illa loca replevi prædicatione Evangelii. Et ne aliquis intelligat quod solum vadens per rectam viam a Hierusalem in Ilyricum prædicaverit Evangelium, addit, *Per circuitum*, quia scilicet Gentibus circumquaque prædicavit, & eas ad fidem convertit: unde sibi potest competere quod dicitur *Iob xxxviii. 25.* „Quis dedit vehementissimo imbri cursum? “ Deinde cum dicit, *Sic autem prædicavi &c.*, ostendit difficultatem hunc fructum faciendi: difficile enim est omnino ignaros ad fidem convertere. Primo igitur difficultatem se passum ostendit, dicens: *Sic autem prædicavi Evangelium*, (b) *non ubi nominatus est Christus*, idest non apud illos qui nomen Christi audierant. *Psal. xvii. 45.* „Populus, quem non cognovi, servivit mihi. “ *Esa. lv. 5.* „Ecce gentes quas ne sciebas, vocabis, & gentes quæ te non cognoverant, ad te current. “ Subdit autem rationem, dicens: *Ne super alienum fundamentum edificarem*. Potest autem alienum fundamentum dupliciter intelligi. Uno modo doctrina hæretica, quæ est aliena a veræ fidei fundamento; & sic hoc quod dicitur, ponitur causaliter. Facinim intentione Apostolus voluit prædicare illis qui nomen Christi non audierant, ne si præventi essent a doctrina pseudoapostolorum, difficilior esset eos ad veritatem reducere. Unde *Matth. vii.* dicitur: Stultus est qui ædificat domum suam super arenam, cui comparatur falsa doctrina. Alio modo per alienum fundamentum potest intelligi doctrina veræ fidei ab aliis prædicata; & sic potest sumi ly ne consecutive. Non enim vitavit Apostolus predicare illis quibus ante fuerat ab aliis prædicatum, sicut ipsis Romanis specialiter prædicavit, quos prius Petrus instruxerat; sed eo prædicante illis qui nihil de Christo audierant, consecutum est ut non ædificaret super alienum fundamentum, sed ipse iaceret prima fidei fundamenta, secundum illud *I. Corinth. iii. 10.* „Ut sapiens architectus fundamentum posui. “ Secundo ad hoc quod dixerat, auctoritatem inducit, dicens: *Sicut scriptum est*, *Esa. lvi. 15.* „Quoniam quibus non est annuntiatus de eo, videntur; & qui non audierunt, contemplati sunt: in quibus verbis Propheta videtur prædicare quoniam Gentiles excellentiori modo ad cognitionem Dei essent perventuri quam Iudæi, qui ante cognoverant. Ostendit ergo primo excel-

(a) *id. primo.* (b) *id. non quidem.*

excellentiā quantum ad causam cognitionis; quæ scilicet duplex est, scilicet verba audita, & res visæ: hi enim duo sensus sunt disciplinabiles. Iudæi ergo innoticiam mysteriorum Christi pervenerunt per verba annuntia eis a Prophetis. I. Pet. 1. 10. „ Prophetæ, qui de futura in vobis gratia „ prophetaverunt, scrutantes in quod, vel „ quale tempus significaret in eis Spiritus „ Christi, prænuntians eas quæ in Christo „ sunt passionēs, & posteriores glorias. „ Sed Gentiles huicmodi Christi mysteria iam realiter impleta vident; ideo dicitur: *Quoniam, Gentes, quibus non est annuntiatum, per Prophetas, de eo, idest de Christo, licet* fuit annuntiatum Iudæis, videbant, res

iam impletas. Luc. x. 24. „ Multi Reges, „ & Prophetæ, voluerunt videre quæ vos „ videtis, & non viderunt. „ Secundo ostendit excellentiam quantum ad modum cognoscendi: quia Iudæi ex annuntiatione Prophetarum solum auditum habebant: Abdiæ 1. „ Auditum audivimus a Domino, „ & legatos ad Gentes misit: „ sed Gentiles ex visione intellectum perceperunt: unde dicitur: *Et, Gentiles scilicet, qui ante non audierunt, prænuntiari Christum per Prophetas, intelligent, scilicet fidei veritatem.* Psalm. 11. 10. „ Et nunc Reges intelligite, erudimini qui iudicatis terram. „

L E C T I O III.

Propter quod & impediēbar plurimum venire ad vos, & prohibitus sum usque adhuc. Nunc vero ulterius locum non habens in his regionibus, cupiditatem autem habens veniendi ad vos ex multis iam præcedentibus annis, cum in Hispaniam proficisci cœpō, spero quod præteriens videam vos, & a vobis deducar illuc, si vobis primum ex parte scribitis suero. Nunc igitur proficiscar in Hierusalem ministrare sanctis. Probaverunt enim Macedonia, & Achaia collationem aliquam facere in pauperes sanctorum qui sunt in Hierusalem. Placuit enim eis, & debitores sunt eorum. Nam si spiritualium eorum participes facti sunt Gentiles, debent & in carnalibus ministrare illis. Hoc igitur cum consummavero, & assignavero eis fructum hunc, per vos proficiscar in Hispaniam. Scio autem quoniam veniens ad vos, in abundantia benedictionis Christi veniam. Obsecro ergo vos, fratres, pe Dominum nostrum Iesum Christum, & caritatem sancti Spiritus, ut adjuvetis me in orationibus vestris pro me ad Deum, ut liberer ab infidelibus qui sunt in Iudæa, & obsequii mei oblatio accepta fiat in Hierusalem sanctis, ut veniam ad vos in gaudio per voluntatem Dei, ut refrigerer vobiscum. Deus autem pacis sit cum omnibus vobis. Amen.

Postquam Apostolus se excusavit de præsumptione, quæ ei potuisset ascribi ex hoc quod Romanos instruxerat, & correxerat; hic se excusat de eo quod eos visitare disfulerat: & circa hoc tria facit. Primo ponit impedimentum visitationis præteritum; secundo ponit visitandi propositum, ibi, *Nunc vero ulterius locum non habens in his regionibus spero quod præteriens videam vos*; tertio promittit visitationis fructum, ibi, *Scio autem quoniam veniens ad vos, in abundantia benedictionis Christi veniam*. Dicit ergo primo: Didicistis: Prædicavi Evangelium per multa loca, in quibus Christus non fuerat nominatus: propter quod hæcenus impediēbar plurimum ex huic-

modi occupatione venire ad vos. Et istud impedimentum usque nunc duravit: unde subdit: *Et prohibitus sum usque adhuc*: quod quidem potest referri ad multitudinem occupationum quas in aliis locis habuerat; vel etiam ad divinam providentiam, per quam Apostoli impediēbantur ne pervenirent ad quosdam, & dirigebantur in salutem aliorum, secundum illud Act. xvi. 6. „ Transeuntes Phrygiā, & Galatiæ regionem, vetati sumus a Spiritu sancto loqui (a) verbum in Asia. „ Unde & supra 1. dictum est: *Sæpe propositum venire ad vos, & prohibitus sum usque adhuc*. Et hoc est quod dicitur Job xxxvii. 12. de nubibus, per quas prædicatores intel-

(a) A. verbum Dei.

telliguntur : „ Lustrant cuncta per circuitum, quocumque eos voluntas gubernantis duxerit. “

Deinde cum dicit, *Nunc vero ulterius locum non habens in his regionibus &c.* manifestat propositum suum de eorum visitatione : & primo promittit eis suam visitationem : secundo assignat causam quare oporteat eam differre, ibi, *Nunc igitur proficiscar &c.* tertio assignat eis visitationis terminum, ibi, *Hoc igitur cum consummavero, & assignavero eis fructum hunc.* Dicit ergo primo ita : *Utique modo sum prohibitus; nunc vero, iam peragratis omnibus his locis, ulterius non habens locum, idest necessitatem permanendi, in his regionibus, in quibus iam per me fundata est fides, cupiditatem habens veniendi ad vos ex multis iam praecedentibus annis, secundum illud supra 1. 11. „ Desidero enim videre vos, ut aliquid impartiar vobis gratiae spiritualis : “ cum in Hispaniam proficisci cœpero, quo scilicet ire intendebat, ut etiam in extremis terræ fundamenta fidei collocaret, secundum illud Eia. xix. 6. „ Dedi te in lucem Gentium, “ ut sis salus mea usque ad extremum terræ : „ spero quod praeterea videbo vos : per quod dat intelligere quod non intendebat ad eos principaliter ire, quia reputabat eis sufficere doctrinam Petri, qui primus inter Apostolos Romanis fidem prædicavit. Et quia tunc Romani dominabantur in toto occidente, eorum auxilio, & ducatu se sperabat in Hispaniam proficisci : unde subdit : *Et a vobis deducar illuc.* Intendebat tamen aliquam moram apud eos contrahere : unde subdit : *si vobis fructus fuero, idest consolatus, secundum illud quod supra 1. 12. dictum est, Simul consolari in vobis ; & hoc ex parte, scilicet temporis, quia per aliquod tempus intendebat cum eis consolari.**

Sed contra est quod Augustinus dicit in Lib. I. cap. v. de Doctrina Christiana, quod illis solis rebus fruendum est quæ nos beatos faciunt, scilicet Patre, Filio, & Spiritu sancto. Inconvenienter ergo dicit se frui-
turum esse Romanis.

Sed dicendum est, quod, sicut Augustinus dicit ibidem, homine in se non esse fruendum, sed in Deo, secundum illud ad Philem. 20. „ Ita, frater, ego te fruar in Domino ; “ quod est delectari in homine propter Deum. Et sic intelligendum est quod dicit, *si fuero fructus vobis, scilicet in Deo.* Vel quod dicit, *Ex parte,* potest referri ad bonos, quibus poterat frui in Deo :

nam alia parte, scilicet malis, non poterat frui, sed magis de eis dolere, sicut dicitur II. Corinth. xii. 21. „ Ne cum venero, “ humiliet me Deus apud vos, & lugeam multos ex his qui ante peccaverunt. “

Deinde cum dicit, *Nunc igitur proficiscar,* assignat rationem quare differret visitationem : & circa hoc tria facit. Primo ponit causam, dicens : *Nunc igitur proficiscar ; idest, ideo non statim venio ad vos, quia proficiscor Hierusalem ministrare sanctis.* Circa quod sciendum est, quod, sic ut legitur Act. xv. illi qui ex Iudæa in principio convertuntur ad fidem, venditis possessionibus suis, de pretio communiter vivebant : quod cum defecisset, maximo quadam magna fame imminente, ut legitur Act. xi. discipuli, scilicet Christiani, ex diversis partibus mundi, prout quisque habebat, proposuerunt singuli in ministerium mittere habitantibus in Iudæa fratribus ; quod & fecerunt, mittentes ad seniores per manus Barnabæ, & Sauli. Ministerium igitur sanctorum hic dicit eleemosynam, quam fidelibus Christi attulit in Hierusalem, secundum illud I. Corinth. ult. 3. „ Quos probaveritis, hos mitti tam perferre gratiam vestram in Hierusalem : quod si dignum fuerit ut & ego eam, mecum ibunt. “ Secundo exponit quod dixerat de ministerio sanctorum, dicens : *Probaverunt enim, idest approbaverunt, Macedoniam, & Achaia, idest fideles utriusque regionis per eum conversi, collectionem aliquam facere, idest aliquam collectionem, in pauperes Christi, idest ad usum pauperum, qui sunt de numero sanctorum, secundum illud Eccli. xii. 4. „ Da iusto, & non recipias peccatorem : “ qui sunt in Hierusalem, in paupertate viventes. II. Corinth. ix. 1. „ De ministerio quod hic “ in sanctos, ex abundantia est mihi scribere vobis. Scio enim promptum animum vestrum, pro quo de vobis glorior apud Macedones. “ Tertio assignat rationes discolorum : quorum prima est beneficium : unde dicitur : *Placuit enim illis.* II. Corinth. ix. 7. „ Unusquisque prout destina-
vit in corde suo, non ex tristitia, aut ex necessitate. “ Secunda causa est debitum : unde subdit : *Et debitores sunt eorum.* Supra xii. 7. *Reddite omnibus debita.* Rationem autem debiti assignat, dicens : *Nam si Gentiles facti sunt participes bonorum spiritualium, quæ erant specialiter eorum, idest Iudæorum, scilicet notitiæ divinæ, & promissionum, & gratiæ, secundum illud supra ix. 4. Quorum adoptio est filiorum, & gloria**

& testamentum, & legislatio, & obsequium, & promissa: & supra xi. 17. *Socius radicis, & pinguedinis olivæ factus es*: sunt etiam facti participes spiritualium eorum per hoc quod illi prædicatores eis miserunt: debent & in carnalibus ministrare illis, secundum illud Eccli. xiv. 15. „In divisione fortis da, & accipe;“ & Psal. viii. 3. „Sumite psallum (id est spiritualia) & date tympanum, id est temporalia. Et ex hoc sumitur argumentum, quod debentur sumptus non solum illis qui prædicant, sed etiam eis qui prædicatores mittunt.

Deinde cum dicit, *Hoc igitur cum consummavero, præfigit terminum quo ad eos sit venturus, dicens: Hoc igitur cum consummavero, scilicet ministerium sanctorum, & assignavero eis fructum hunc*, id est elemosinam Gentilium, quæ est quidam fructus conversionis eorum: Osee x. 1. „Vitis frons, dosa Israel, fructus est ei ædæquatus:“ *proficiat per vos in Hispaniam.*

Sed videtur hic Apostolus falsum dicere: numquam enim (a) in Hispaniam ivisse legitur: in Hierusalem enim captus fuit, & exinde Romam perlatum est in vinculis, ut habetur Act. ult. ubi est occisus simul cum Petro.

Dicunt ergo quidam, quod, sicut dicitur Act. ult. cum venisset Romam Paulus, permissum est ei emanere subimet cum custodiens se milite; & postea dicitur, quod mansit biennio toto in suo conductu, & in illo spatio dicunt eum in Hispaniam ivisse. Sed quia hoc certum non est, potest melius dici, quod Apostolus falsum non dixit, quia proponebat se facturum quod dicebat; & sic verba eius erant intelligenda quasi insinuantia eius propositum, non autem futurum eventum, qui ei erat incertus: unde non poterat hoc prædicare, nisi forte sub conditione quam Iacobus dicit apponendam, Iac. iv. 15. „Pro eo ut dicatis: Si Dominus voluerit, & si vixerimus, faciemus hoc, aut illud.“ Et sic etiam Apostolus se excusat II. Corinth. x. 17. de hoc quod ad eos non iuvat, sicut promiserat, dicens: „Cum ergo volui, numquid levitate usus sum? Aut quæ cogito, secundum carnem cogito, ut sit apud me Est, & Non?“ Et sic ex hoc quod ex iusta causa prætermisit facere quod promiserat, se immunem dicit a levitate, carnalitate, & falsitate. Et sic etiam solvit hoc Gelasius Papa, & habetur in decret. xxii. qu.

11. „Beatus (inquit) Paulus Apostolus non ideo, quod absit, fessellisse credendum est, aut sibi exitisse contrarius, quoniam cum ad Hispaniam se promississet iterum, dispositione divina maioribus occupatus causalibus, implere non potuit quod promissit. Quantum enim ipsius voluntatis inter fuit, hoc pronuntiavit quod revera voluisset efficere; quantum vero ad divini secreta consilii, quæ ut homo non potuit, licet spiritu Dei plenus, agnosceret, superna prætermisit dispositione præventus. Licet enim propheticum spiritum habuerit, tamen Prophetis non omnia revelantur:“ ut patet IV. Reg. iv. 27. ubi Eliseus dixit: „Anima eius in amaritudine est, & Dominus celavit a me, & non indicavit mihi.“

Deinde cum dicit, *Scio autem &c. prænuntiat eis fructum suæ visitationis, dicens: Scio autem, scilicet ex fiducia divinæ gratiæ, quoniam veniens ad vos, in abundantia benedictionis Christi veniam; id est, Christus abundantius suam benedictionem dabit vobis in meo adventu; de qua dicitur in Ps. lxxxi. 8. „Etenim benedictionem dabit legislator: ibunt de virtute in virtutem.“ Et sic Laban dixit ad Iacob Genes. xxx. 27. „Experimento didici quod benedixerit mihi“ hi Deus propter te.*

Deinde cum dicit, *Obsecro ergo vos, fratres, per Dominum nostrum Iesum Christum*, petit ab eis orationis suffragia: & primo petit eorum orationes; secundo ipse pro eis rogat, ibi, *Deus facis sit cum omnibus vobis*. Circa primum tria facit. Primo inducit eos ad orandum pro se ex tribus. Primo quidem ex superna caritate, cum dicit: *Obsecro vos ergo fratres*. Ad Philem. 12. „Propter caritatem autem magis obsecro.“ Secundo ex reverentia Christi, cuius ipse erat minister, dicens: *Per Dominum nostrum Iesum Christum*: in quo omnes unum sumus, ut supra xii. dictum est. Tertio ex dono Spiritus sancti, quod eius ministerio tradebatur: unde subdit: *Per caritatem Spiritus sancti*: quam Spiritus sanctus in cordibus nostris diffundit, ut supra v. dictum est. Secundo petit auxilium orationis eorum, dicens: *Ut adiuvetis me in orationibus vestris pro me ad Deum*, scilicet pro me suis. Proverb. xviii. 19. „Frater qui iuvat a fratre, quasi civitas firma.“ Hoc autem, ut Glossa dicit, non ideo dicit Apostolus, quia ipse minus mereatur quam alii minores, sed ordinem sequitur. Primo quidem

ut

(a) *M. in Hispania fuisse.*

ut ab Ecclesia pro rectore suo fiat oratio secundum illud I. Tim. 11. 1. „Obsecro „igitur primum omnium, fieri obsecratio- „nes, orationes, postulationes, gratiarum „actiones, pro omnibus hominibus, pro „Regibus, & omnibus qui sunt in subli- „mitate constituti. „Secundo quia mul- „tissimi dum congregantur unanimes, magis merentur; et ideo impossibile est ut multorum preces non impetrent. Matt. xv. 11. „Si duo ex vobis consenserint super „terram, de omni re, quancunque pe- „tierint, fiet illis a Patre meo qui est in „cælis. „Tertio ut dum multi orant, multi etiam gratias agant exauditi, secundum illud II. Corioth. 11. 11. „Adiuvanti- „bus vobis in oratione pro nobis, ut per „multos gratias agantur Deo. „Tertio ponit ea quæ vult sibi impetrari; quorum primum pertinet ad hostes, quos habebat in Iudæa: undecedit: *Ut liberet ab infidelibus qui sunt in Iudæa*, qui præcipue Paulum impug- nabant, & odiebant, quia fiducialiter prædi- cabat cessationem legalium, Act. 21. 22. „Audierunt de te, quod discessionem do- „ces a Moyse eorum qui per Gentes sunt „Iudæorum; dicens non debere eos cir- „cumcidere filios suos neque secundum

„consuetudinem ingredi. „Secundum per- „tinebat ad eos in quorum ministerium ibat; et hoc est quod subdit: *Et oblatio obsequii mei*, idest (a) elemosyna, in qua eis ministro, fiat accepta sanctis qui sunt in Hierusalem, scilicet ut ex hac provocen- tur ad gratias agendum Deo, & ad orandum pro ipsis Gentibus, a quibus recipiunt; Eccli. xxxi. 28. „Splendidum „io panibus benedicent labia multorum. „Tertium pertinet ad ipsos, quibus scri- bebat: unde subdit: *Ut etiam ad vos in gaudio*; & hoc per voluntatem Dei, contra quam nihil agere volebat: supra 1. 10. „Obsecrans si quo modo prosperum iter habeam io voluntate Dei veniendi ad vos: „& refrigerer vobiscum; idest, ut ex vestra præsentia refrigerium tribulationum mea- rum accipiam.

Deinde cum dicit, *Deus autem pacis* &c. ostendit quod pro eis orat, dicens: *Deus autem dator pacis sit cum omnibus vo- bis*, per hoc scilicet quod vos ad invicem pacem habeatis. II. Corinth. ultim. 11. „Idipsum sapite, & Deus pacis, & dile- ctionis erit vobiscum. „Subdit, *Amen*, idest fiat. Psalm. cv. 48. „Et dicet omnis „populus, Fiat, fiat.

CAPITULI XVI.

LECTIO I.

Commendo autem vobis Phœben sororem nostram, quæ est in ministerio Eccle- siæ quæ est in Cenchris, ut eam suscipiatis in Domino digne sanctis, & assi- statis ei in quocunque negotio vestri indiguerit: etenim ipsa quoque assistit multis, & mihi ipsi. Salutate Priscam, & Aquilam adiutores meos in Christo Iesu, qui pro anima mea suas cervices supposuerunt; quibus non solum ego gratias ago, sed & cunctæ Ecclesiæ Gentium; & domesticam Ecclesiam eorum. Salutate (1) Ephre- netum dilectum mihi, qui est primitivus Ecclesiæ Asiæ, in Christo Iesu. Salutate Ma- riam, quæ multum laboravit in vobis. Salutate Andronicum, & (2) Iuliam, co- gnatos, & conceptivos meos, qui sunt nobiles in Apostolis, qui & ante me fue- runt in Christo Iesu. Salutate Ampliatum dilectissimum mihi in Domino. Salutate Urbanum adiutorem nostrum in Christo Iesu, & Stachyn dilectum meum. Salutate Apellen probum in Christo. Salutate eos qui sunt ex Aristoboli domo. Salutate Herodionem cognatum meum. Salutate eos qui sunt ex Narcissi domo, qui sunt in Domino. Salutate Tryphenam, & Tryphosam, quæ laborant in Domino. Salutate (3) Persidam carissimam, quæ multum laboravit in Domino. Salutate Rufum electum in Domino, & matrem eius, & meam. Salutate (4) Asineretum, & Phlegontem, Her- men,

(a) *Ad Ecclesiam.*

(1) *Volgetas Epenerum* (2) *Ibi Iunium* (3) *Ibi Persidem*. (4) *Ibi Asycetum, Phlegontem, Her- man, Patrobam, Hermem.*

men, Patrobam, Hermam, & qui cum eis sunt fratres. Salutate Philologum, & Iuliam, Nereum, & sororem eius, & Olimpiadem, & omnes qui cum eis sunt sanctos. Salutate invicem in osculo sancto. Salutant vos omnes Ecclesie Christi.

Postquam Apostolus proposuit fidelibus Romanis, quibus scribebat, quædam familiaria pertinentia ad suam personam, hic ponit quædam familiaria pertinentia ad alios: & circa hoc tria facit. Primo monet quid ad alios debeant facere; secundo ostendit quid alii ad eos agant, ibi, *Salutat vos Timotheus adiutor meus &c.* tertio epistolam finit in gratiarum actione, ibi, *Et autem qui potens est vos confirmare iuxta Evangelium meum.* Circa primum duo facit. Primo ostendit quos debeant salutare; secundo ostendit quos debeant vitare, ibi, *Rego autem vos fratres.* Circaprimum mandata quædam personas salutare in speciali; secundo ponit in generali modum salutatio- nis, ibi, *Salutate invicem in osculo sancto;* tertio salutat eos in communi ex parte fidelium, ibi, *Salutant vos omnes Ecclesie Christi.* Circa primum (a) primo loquitur de quadam muliere Corinthia, quæ Romam ibat, quam eis recommendat, describens eam primo ex nomine, dicens: *Commendo autem vobis Phœben,* quæ licet esset Deo devota, non tamen erat tantæ auctoritatis ut commendatitiis litteris non egeret; sicut ipse de se dicit II. Corinth. III. 1. „Aut numquid egemus, sicut quidam, commendatitiis litteris?“ Secundo describit eam ex fidei religione, dicens, *Sororem nostram:* omnes enim mulieres fideles, sorores vocantur, sicut & omnes viri fratres. Matth. XXIII. 8. „Omnes vos fratres estis.“ Tertio ex officio pietatis, cum dicit: *Quæ est in ministerio Ecclesie quæ est in Cenchris,* portu Corinthiorum, ubi aliqui Christiani erant congregati, quibus dicta mulier serviebat; sicut & de ipso Christo Luc. XVIII. dicitur, quod quædam mulieres ministrabant ei de facultatibus suis: & de vidua eligenda dicitur I. Tim. V. 10. „Si hospitio recepit, si pedes sanctorum lavit.“ Deinde dicit duo, in quibus vult eam commendatam haberi: quorum primum est ut honeste recipiatur; & hoc est quod dicit: *Ut suscipiatis eam in Domino,* idest propter amorem Dei, *digne sanctis,* idest secundum quod dignum est recipi sanctos, secundum illud Matth. X. 41. „Qui recipit iustum in nomine iusti, mercedem iusti recipiet.“ Quidam libri habent, *Digne*

S. Tb. Oper. Tom. VI.

salutis, idest convenienter; tamen littera non concordat cum Græco. Secundum est, ut eam sollicitè adiuvent: unde subdit: *Ut assistatis ei,* scilicet consilium, & auxilium ferendo, in quocumque negotio vestri indiguerit: habebat enim forte aliquid expedire in curia Cæsaris.

Sed contra hoc videtur esse quod dicitur I. Thessal. IV. 11. „Vestrum negotium agatis;“ quasi dicat: Non intramittatis vos de negotiis alienis.

Sed dicendum est, quod assistere negotiis alienis contingit dupliciter. Uno modo seculariter, idest propter favorem hominum, vel lucra; & hoc non convenit servis Dei. II. Timoth. II. 4. „Nemo militans Deo implicat se negotiis secularibus.“ Alio modo assistit aliquis negotiis alienis ex pietate, puta in auxilium indigentium, & miserorum; & hoc est religiosum, secundum illud Iacob. I. 27. „Religio munda, & immaculata apud Deum, & Patrem hæc est, visitare pupillos, & viduas in tribulatione eorum.“ Et hoc modo Apostolus hic loquitur.

Ultimo autem ostendit Apostolus meritum eius, quare hoc sibi debeat, dicens: *Etenim ipsa quæque multis assistit, & mihi ipsi.* Esa. III. 20. „Dicite iusto, quoniam bene Retributio enim manuum eius fiet ei.“ Matth. V. 7. „Beati misericordes, quoniam ipsi misericordiam consequentur.“

Deinde mandat salutare quædam alias personas sibi coniunctas, dicens: *Salutate Priscam, & Aquilam,* qui erat vir Priscæ; sed mulierem præponit, forte propter maiorem fidei devotionem: *adintrotes meos in Christo Iesu,* idest in fide Christi prædicanda: apud enim eos Corinthi hospitabatur, ut habetur Act. XVIII. *Qui pro anima mea suas cervicis supposuerunt;* idest, seiplos mortis periculo exposuerunt pro vita mea conservanda, quod est iudicium maximæ caritatis. Ioan. XV. 13. „Maiorem hac dilectionem nemo habet ut animam suam ponat quis pro amicis suis.“ Hoc autem videtur factum fuisse Corinthi, ubi Paulus persecutionem esse passus, sicut habetur Ador. XVII. Vel forte melius dicendum est, quod alii fecerunt pro A.

Ec po-

(2) -st. deest primo.

postulo exposuerunt: nam illud quod legitur Ador. xviii. factum fuit, quando Prisca, & Aquila de Roma recedentes Corinthum venerunt, ut ibidem dicitur. Sed hoc scribebat Apostolus, quando adhuc aestimabat eos esse Romæ. Vita autem Apostoli non tam sibi, quam aliis necessaria erat, secundum illud Philip. 1. 24. „Permanere autem in carne necessarium propter vos.“ Et ideo subdit: *Quibus nunc solum ego gratias ago, sed & cuncta Ecclesia Gentium*: quarum sum Apostolus, & doctor. I. Tim. 11. 7. „Doctor Gentium in fide, & veritate.“ Et etiam salutem domesticam Ecclesiam eorum: habebant enim in domo sua multos fideles coegregatos. Deinde vult alium salutari sibi dilectione coniunctum, dicens: *Salutate Ephemerum dilectum mihi, qui est primitivus Asia in Christo*: primus enim in tota Asia fuit ad fidem Christi conversus, quod erat ei ad magnam dignitatem. Heb. xii. 23. „Accessistis ad Ecclesiam primitivorum, qui conscripti sunt in cælis.“ Tunc autem erat Romæ. Deinde dicit: *Salutate Mariam, quam multum laboravit in vobis*, ad hoc ut eos ad concordiam revocaret; quæ cum hoc facere non posset, significavit Apostolo. Sap. 111. 15. „Bonorum laborum gloriosus est fructus.“ Deinde dicit: *Salutate Andronicum, & Iuliam*: quos primo describit ex genere, cum dicit, *Cognatos meos*: in quo ostendit eos fuisse Iudeos, de quibus supra ix. 3. *Qui sunt cognati mei secundum carnem*. Secundo ex passione pro Christo suscepta, dicens, *Etenim etiam meos fuerant enim aliquando cum Apostolo Christi incarcerati*. II. Corinth. xi. 23. „In carceribus abundantius.“ Tertio ex auctoritate, cum dicit: *Qui sunt nobiles in Apostolis*, idest nobiles inter prædicatores, secundum illud Proverb. ult. 23. „Nobiles in portis vir eius.“ Quarto ex tempore, cum dicit: *Et ante me fuerunt in Christo Iesu*: prius enim fuerant conversi quam ipse Apostolus; & ex hoc eis maior reverentia debebatur. I. Tim. v. 1. „Seniore me te ne increpaveris, sed obsecra, ut patrem.“ Deinde dicit: *Salutate Plinium dilectum meum in Domino*, scilicet dilectione caritatis, quæ est in Christo. Phil. 1. 8. „Tectis est mihi Deus, quomodo cupiam omnes vos esse in viscibus Christi.“ Deinde dicit: *Salutate Urbanum adiutorem nostrum in Christo*, scilicet in prædicatione fidei. Proverb. xix. 19. „Frater qui adiuvat a fratre, quasi civitas firma.“ Et *Stachyn dilectum meum*: quos

coniungit, quia forte simul habitabant, vel aliqua alia necessitudine erant coniuncti. Deinde dicit: *Salutate Apellum probum in Christo*, idest approbatum in Christo, forte per aliquas tribulationes. Iob xxi. 10. „Probavit me quasi aurum, quod perigoem“ transiit. Deinde dicit: *Salutate omnes qui sunt ex domo*, idest ex familia, *Aristoboli*, in cuius domo multi fideles erant congregati; quem non salutatur, quia forte ex aliqua causa erat absens. Deinde dicit: *Salutate Herodionem cognatum meum*, qui ex hoc ipso dicitur fuisse Iudæus. Deinde dicit: *Salutate convesum qui sunt ex domo Narcissi*, qui dicitur fuisse presbyter, & peregrinabatur per desertæ loca, ut fideles Christi confortaret: unde quia tuncum absentem noverat esse Apostolus, non mandat eum salutari, sed familiam eius. Erant tamen in eius familia aliqui infideles, & ideo ad discretionem subdit: *Qui sunt in Domino*: quia solos fideles salutari mandat. II. Ioan. 1. 10. „Si quis venit ad vos, & hanc doctrinam non asserit, nolite recipere eum in domum, nec Ave dixeritis ei.“ Deinde dicit: *Salutate Tryphanam, & Tryphosam, quæ laboraverunt in Domino*, idest in ministerio sanctorum, quod Dominus sibi reputat heri, secundum illud Matthei. xxv. 40. „Quod uni ex minimis meis fecistis, mihi fecistis.“ Deinde dicit: *Salutate Persidam sacrificium meum, quam scilicet Apostolus propter eius devotionem specialiter diligebat*: unde subdit: *Quam multum laboravit in Domino*, scilicet exhortando alios, & ministrando sanctis, & etiam in paupertate, & aliis spiritualibus laboribus. II. Corinth. xi. 27. „In laboribus, in ieiuniis, in vigiliis &c.“ Deinde dicit: *Salutate Rufum electum in Domino*, idest in gratia Christi. Ephes. 1. 4. „Elegit nos in ipso ante mundi constitutionem.“ & *Matriam eius*, scilicet carne, & *meam*, quia fuit eius mater beneficio: aliquando enim servierat Apostolo, licet tunc mater non esset. I. Tim. v. 2. „Anus ut matrem, iuvenulas ut sorores in omni castitate.“ Deinde dicit: *Salutate Asinethum, & Phlegontem, Hermen, Patrobum, Herman, & quicumque sunt fratres*: quos simul salutatur, quia simul concorditer habitabant. Psalm. lxxvii. 7. „Qui habitare facit unus moris“ in domo. Deinde dicit: *Salutate Philologum, & Iuliam, Nereum, & sororem eius, & Olimpiadem, & omnes qui cum eis sunt sanctos*, idest in fide Christi sanctificatos. I. Corinth. vi. 11. „Ablutis estis, & sanctificati estis.“

Deinde ostendit modum quo se generaliter saluent, dicens: *Salutate invicem in osculo sancto*, quod dicitur ad differentiam osculi libidinosi, de quo dicitur Prover. vii. 13. „Apprehensum deosculatur invenem:“ & etiam dosoli, de quo dicitur Proverb. xxvii. 6. „Meliora sunt vulnera diligenter, quam fraudulenta oscula inimici.“ Osculum autem sanctum est quod in signum sanctæ Trinitatis datur. Cant. ii. 1. „Oscu-

letur me osculo oris tui.“ Exinde autem mos in Ecclesia inolevit ut fideles inter missarum solemniam invicem dent oscula pacis. Deinde salutat eos ex parte aliarum Ecclesiarum, dicens: *Salutant vos omnes Ecclesia Christi*, id est in nomine, & fide Christi congregatæ, quia omnes vestram salutem optant, & pro vobis orant. Iacob. ult. 16. „Orate pro invicem, ut salvemini.“

L E C T I O II.

Rogo autem vos, fratres, ut observetis eos qui dissensiones, & offendentia, præter doctrinam quam vos didicistis, faciunt, & declinate ab illis. Huiusmodi enim Christo Domino non serviunt, sed tuo ventri, & per dulces sermones, & benedictiones seducunt corda innocentium. Vestra enim obedientia in omni loco divulgata est. Gaudeo igitur in vobis, sed volo vos sapientes esse in bono, & simplices in malo. Deus autem pacis conterat satanam sub pedibus vestris velociter. Gratia Domini nostri Iesu Christi vobiscum. Salutat vos Timotheus adiutor meus, & Lucius, & Iason, & Sosipater, cognati mei. Saluto vos ego Tertius, qui scripsi epistolam in Domino. Salutat vos Caius hospes meus, & universa Ecclesia. Salutat vos Erastus arcarius civitatis, & Quartus frater. Gratia Domini nostri Iesu Christi cum omnibus vobis. Amen. Ei autem qui potens est vos confirmare iuxta Evangelium meum, & prædicationem Iesu Christi, secundum revelationem mysterii temporibus æternis taciti, quod nunc patefactum est per Scripturas Prophetarum secundum præceptum æterni Dei, ad obediendum fidei, in cunctis gentibus, cogniti soli sapienti Deo per Iesum Christum, cui honor, & gloria in sæcula sæculorum. Amen.

Postquam Apostolus mandavit quos salutare, hic ostendit eis quos debeant vitare: & circa hoc tria facit. Primo docet quos debeant vitare; secundo rationem assignat, ibi: *Huiusmodi enim Christo Domino nostro non serviunt*; tertio promittit eis divinum auxilium, ad hoc implendum, ibi: *Deus autem pacis conterat satanam sub pedibus vestris*. Et quia illi quos vitari volebat, fraudulentem incedebant, decipientes sub specie pietatis, secundum illud Matth. vii. 15: „Veniant ad vos in vestimentis ovium, intrinsecus autem sunt lupi rapaces:“ ideo primo inducit eos ad cautelam habendam, dicens: *Rogo autem vos, fratres, ut observetis eos qui dissensiones, & offendentia præter doctrinam quam vos didicistis, faciunt*. Ubi primo considerandum est, quod observare nihil aliud est quam diligenter considerare: quod quidem quandoque in bono

sumitur, quandoque in malo. In malo quidem sumitur, quando aliquis diligenter considerat conditionem, & processum alicuius ad nocendum, secundum illud Psal. xxxvi. 12. „Observabit peccator iustum, & strigens debet super eum dentibus suis.“ & Luc. xiv. 10. dicitur: „Et ipsi observabant eum.“ In bono autem accipitur uno modo quando quis considerat præcepta Dei ad faciendum. Exod. xxiii. 21. „Observa igitur (a) eum, & audi vocem eius.“ Alio modo quando diligenter considerat bonos ad imitandum, secundum illud Phil. iii. 17. „Imitatores mei estote, fratres, & observate eos qui ita ambulant, sicut habetis formam nostram.“ Tertio observantur mali ad cavendum; & ita accipitur hic. Erant enim quidam ad fidem conversi (b) ex Iudæis qui prædicabant legalia esse observanda; & ex hoc, primo quidem in Ec-

Ec 2

cle.

(a) *Al. omittit eum.* (b) *Al. desit ex Iudæis.*

etiam sequebantur dissensiones, & sectæ, dum quidam eorum errori adhaerere, alii vero in vera fide perfluerent: Galat. v. 20. „Dissensiones, sectæ, invidia, homicidia &c.“ Secundo sequebantur offendicula, & scandala, de quibus supra xiv. adum est, dum quidam alios iudicarent, & alii alios spernerent, qui dissensiones, & offendicula faciunt. Eia. lvi. 14. „Auferite offendicula „de medio populi mei.“ Dicit autem, *Præter doctrinam quam vos didicistis a veris Christi Apostolis*, ut ostendat quod huiusmodi dissensiones, & scandala ex falsitate doctrinæ proveniebant. Gal. i. 9. „Si quis „vobis evangelizaverit præter id quod accepistis, anathema sit.“ Secundo monet ut cogniti vitentur, dicens: *Et declinate ab illis*, idest, eorum doctrinam, & consortia fugiatis. Psal. cxviii. 115. „Declinate a „me maligni, & scrutabor mandata Dei „mei.“

Deinde cum dicit, *Huiusmodi enim Christo Domino nostro non servant*, assignat eius quod dixerat, duas rationes; quarum prima sumitur ex parte eorum quos vult vitari. Et primo describit eorum intentionem, dicens: *Huiusmodi enim homines non servant Christo Domino, sed suo ventri*: non enim predicabant propter gloriam Christi, sed propter quaestum, ut suum ventrem implerent. Phil. i. 17. 18. „Multi ambulant quos sæpe dicebam vobis, nunc autem & fletus dico, inimicos crucis Christi, quorum deus venter est.“ Secundo describit eorum deceptionem, dicens: *Et per dulces sermones seducunt corda innocentium*, idest simplicium, & imperitorum: Proverb. xiv. 15. „Innocens credit omni „verbo.“ *Per dulces sermones*, in quibus sanctitatem prætendunt, secundum illud Psal. xxv. 3. „Qui loquuntur pacem cum „proximo suo, mala autem in cordibus eorum: „Et benedictiones, quibus scilicet benedicunt, & adulantur illis qui eos sequuntur. Eia. lxi. 12. „Popule meus, qui „beatum tu dicant, ipsi te decipiunt.“ Malach. ii. 2. „Maledicam benedictionibus vestris.“ Secundo rationem assignat ex conditione Romanorum, qui faciles se exhibebant ad sequendum bonum & malum. Unde primo commendat eos de facilitate ad bonum, dicens: *Vestra enim obedientia, quæ de facili (a) fidei obedistis, in omni loco divulgata est*, propter dominium quod tunc Romani obtinebant super alias nationes:

unde quod a Romanis fiebat, de facili divulgabatur ad alios. Supra 1. 8. „Fides „vestra in universo mundo annuntiat.“ *Gaudet igitur in vobis*, quia scilicet fidei obedistis, & hoc in caritate, de qua dicitur I. Corinth. xiii. 6. quod, non gaudet super „iniquitatem, congaudet autem veritati.“ Secundo reddit eos cautos contra malum, dicens: *Sed volo vos esse sapientes in bono, ut scilicet ei quod bonum est inhaereatis*: I. Thess. v. 21. „Quod bonum est tenete.“ *Et simplices in malo*, ne scilicet per aliquam simplicitatem declinetis ad malum; ut talis sit vobis simplicitas quod nullum decipiat in malum. Matth. x. 16. „Estote „prudentes sicut serpentes, & simplices „sicut columbæ.“ E converso de quibusdam dicitur Hierem. lv. 22. „Sapientes „sunt ut faciant mala, bene autem facere „nesciunt.“

Deinde cum dicit, *Deus autem pacis conterat satanam sub pedibus vestris*, promittit eis divinum auxilium contra huiusmodi deceptores. Et primo ponitur promissio, cum dicit: *Deus autem pacis, scilicet auctor*, qui dissensiones odit, quas isti faciunt, *conterat satanam*, idest diabolum, qui per illos perversos apostolos vos decipere conatur, *sub pedibus vestris*, quia scilicet per vestram sapientiam eum vincetis; & hoc fiet *velociter*, scilicet in adventu meo. Luc. x. 19. „Ecce dedi vobis potestatem calcandi supra „serpentes, & scorpiones, & omnem virtutem inimici.“ Malach. ult. 3. „Galea „bitis impios, cum fuerint sicut cinis sub „planta pedum vestrorum.“ Secundo ponitur oratio ad hoc obtinendum, cum dicit: *Gratia Domini nostri Iesu Christi sit vobiscum*, quæ scilicet sufficit ad vos tuendos. II. Corinth. xii. 9. „Sufficit tibi gratia „mea.“

Deinde cum dicit, *Salutat vos &c.* salutat eos ex parte aliorum, dicens: *Salutat vos Timotheus adiutor meus*, scilicet in prædicatione Evangelii. I. Cor. iv. 17. „Misi „ad vos Timotheum, qui est filius meus „carissimus, & fidelis in Domino.“ Addit autem: *Et Lucius, & Iason, & Sappater, cognati mei*, qui Iudei erant, scilicet vos salutant. Erat autem quidam notarius Pauli nomine Tertius, cui Paulus concessit ut ex sua persona Romanos salutaret: unde subditur: *Ego Tertius, qui scripsi hanc epistolam, saluto vos in Domino.* Deinde dicit: *Salutat vos Caius hospes*, cui scribitur Ioannis

(a) M. desideratur fidei.

nis tertia canonica, in qua commendatur de caritate quam exhibebat sanctis: *Omnia Ecclesia*, scilicet quæ erat in domo eius congregata, vel quæ erat in illa provincia. Deinde dicit: *Salutem vos Erastus arearius civitatis*, qui scilicet custodiebat arcam communem, id est communes redditus civitatis, & quidam frater, id est fidelis, nomine *Quartus*. Deinde salutem eos ex parte sua, dicens: *Gratia Domini nostri Iesu Christi sit cum omnibus vobis. Amen:* & finit Epistolam cum gratiarum actione, dicens: *Ei autem*, scilicet Deo, qui est Trinitas, *qui potens est vos confirmare*. I. Pet. ult. 10. „Modicum passus ipse perficiet, confirmabit, solidabitque.“ Et hoc in fide, quæ est *iuxta Evangelium (a) meum*, id est secundum Evangelium quod ego prædico. I. Corinth. xv. 11. „Sive ego, sive illi, sic prædicavimus, & sic crederetis.“ Et etiam secundum *predicationem Iesu Christi*, qui primo Evangelium prædicavit, secundum illud Hebr. 11. 3. „Quæ cum initium accepisset enarrari per Dominum.“ Unde Matth. 17. dicitur, quod circumbat Iesus prædicans Evangelium regni. Subditur autem, *in revelatione mysterii*, id est secreti: quod quidem potest referri ad id quod dixerat, *iuxta Evangelium meum*: vel quia in ipso Evangelio revelatur secretum incarnationis divinæ, secundum illud supra 1. 17. *Iustitia Dei revelatur in eo*: vel quia ipsi Apostolo est Evangelium revelatum: I. Corinth. 11. 10. „Nobis autem“ revelavit Deus per Spiritum suum. „De hoc autem secreto dicitur Esa. xxiv. 16. „Secretum meum mihi.“ Vel potest melius hoc referri ad hoc quod dixerat, *Confirmare*; quasi dicat: Deus potest vos confirmare in Evangelio meo, & prædicatione; & hoc *secundum revelationem mysterii*, id est secreti, scilicet de conversione Gentium, sicut habetur Ephes. 11. 8. „Mihi“ autem omnium sanctorum minimo data „est gratia hæc in Gentibus.... illuminari omnes, quæ sit dispensatio sacramenti absconditi a sæculis in Deo.“ Unde (b) & hic subdit, *Temporibus æternis*, quia videlicet occultum erat apud homines quod Gentes essent convertendæ ad fidem. Vocat autem hæc tempora æterna, quasi dum durantiæ quia a principio mundi hoc fuit occultum, sicut & in Psal. lxxv. 3. dicitur: „Illuminans tu mirabiliter a montibus æternis.“ Et potest dici, quod

tempora æterna dicuntur ipsa æternitas, de qua dicitur Esa. lvi. 15. „Excelsus; & sublimis, habitabis æternitatem:“ ut sicut simplex Dei essentia per quamdam similitudinem dimensionibus corporalibus describitur, secundum illud Job 11. 9. „Longior terra mensuranda; & latior mari;“ ita & simplex eius æternitas per tempora (c) æterna designatur, inquantum omnia tempora continet. Subdit autem: *Quod*, scilicet mysterium, *nunc patet factum est*, de conversione Gentium, per *Scripturas Prophetarum*, id est secundum quod Prophetæ prædixerunt, ut patuit supra xv. unde ad Eph. 11. dicitur: „Aliis generationibus non est agnitus filius hominum, sicut nunc manifestum est sanctis Apostolis eius, & Prophetis in spiritu, esse Gentes coheredes, & concorporales, & comparticipes promissionis eius in Christo Iesu per Evangelium.“ Est autem patefactum per operis impletionem ex præcepto Dei: unde: *Secundum præceptum æterni Dei*, qui scilicet æterno proposito ea quæ vult temporaliter facit: quod quidem præceptum Dei *ad obedientiam fidei est in cunctis gentibus*; id est, ut omnes gentes obediant fidei. Supra 1. 5. (d) *Ad obedientiam fidei in omnibus gentibus*. Si autem loquamur de mysterio incarnationis, sic construenda est littera. *Mysterii*, inquam, *temporibus æternis taciti*, quia antea nō erat ita manifestum: *quod*, inquam, *mysterium, nunc patefactum est per Scripturas Prophetarum*, qui hoc prædixerunt, *secundum præceptum æterni Dei*, qui voluit mysterium incarnationis patefieri: & hoc *ad obedientiam fidei in cunctis gentibus*. *Mysterii*, inquam, licet taciti apud homines, tamen *cogniti soli Deo sapienti*, quia ipse solus hoc cognovit, & quibus hoc voluit revelare: quia, ut dicitur I. Corinth. 11. 11. „quæ sunt Dei, nemo novit nisi Spiritus Dei.“ Vel potest intelligi de eo qui solus est sapiens, scilicet per essentiam, sicut dicitur Matth. xix. & Marc. 12. „Nemo bonus nisi solus Deus.“ Nec excluditur per hoc Filius, quia eadem est perfectio totius Trinitatis; sicut e converso (e) cum dicitur Matth. 11. 27. „Nemo novit Patrem nisi Filius,“ non excluditur Pater a notitia sui ipsius. Subdit autem, *Per Iesum Christum*: quod non sic est intelligendum quod Deus Pater fit sapiens per Iesum Christum: quia cum Deo fit idem

(a) Al. docet meum. (b) Al. & ipse subdit. (c) Al. omittitur æterna. (d) Al. Ad obedientiam. (e) Al. desit cum.

sapere quod esse, sequeretur quod Pater esset
 per Filium, quod est inconveniens; sed hoc
 referendum est ad hoc quod supra dixerat, *Nunc
 patet factum est*, scilicet per Iesum Christum:
 cui Iesu Christo *est honor* (a) per reverentiam
 totius creaturæ, secundum illud Philip. 11.
 10. „In nomine Iesu omne genu flectatur:“
& gloria, scilicet quantum ad plenam di-
 vinitatem, sicut ibi subditur: „Et omnis
 „lingua confiteatur quia Dominus Iesus
 „Christus in gloria est Dei Patris.“ Et
 hoc non ad tempus, sed in sæcula sæculo-
 rum. Hebr. ult. 8. „Iesus Christus heri,

& hodie, ipse & in sæcula. „Addit autem
 ad confirmationem veritatis, Amen. Vel
 potest sic construi. *Cogniti soli sapienti Deo,
 cui per Iesum Christum est gloria*, qui Deum
 glorificavit, secundum illud Ioan. xvii. 4.
 „Ego clarificavi te super terram.“ Et
 autem advertendum, quod hæc constructio
 est defectiva, & est sic supplenda. *Ei qui
 potens est vos confirmare iuxta Evangelium
 meum ... sit honor, & gloria per Iesum
 Christum, cui est honor, & gloria*. Si autem
 non sit ibi *ly cui*, erit constructio, pla-
 na.

(a) AL additur *& gloria*.



DIVE

D I V I
T H O M A E
A Q U I N A T I S
D O C T O R I S A N G E L I C I
I N E P I S T O L A M
D. P A U L I A P O S T O L I
A D C O R I N T H I O S I.
E X P O S I T I O.

P R O L O G U S.

Non abscondam a vobis sacramenta Dei, sed ab initio nativitatis investigabo,
& ponam in lucem scientiam illius, & non præteribo
veritatem. Sap. vi. 24.



Acramenti nomen dupliciter accipi consuevit: nam quandoque sacramentum dicitur quodcumque secretum, & præcipue de rebus sacris; quandoque sacramentum dicitur sacre rei signum, ita quod & eius imaginem gerat, & causa existat; secundum quod nos dicimus septem sacramenta Ecclesiæ, scilicet Baptismus, Confirmatio, Eucharistia, Pœnitentia, Extrema unctio, Ordo, & Matrimonium. In qua quidem significatione sacramenti (a) etiam prima significatio continetur. Nam in his Ecclesiæ sacramentis divina virtus secretius operatur salutem, ut Augustinus dicit. Hæc igitur sacramenta Dei, prælatus, seu doctor Ecclesiæ fidelibus Christi non debet abscondere, sed manifestare, propter tria. Primo quidem quia hoc pertinet ad honorem Dei, secundum illud Tob. xii. 7. „Sacramentum Regis abscondere bonum est; opera autem Dei revelare, & confiteri, honorificum est.“ Secundo quia hoc pertinet ad salutem hominum, qui per horum ignorantiam in desperationem labi possent, sicut de quibusdam dicitur Sap. xi. 22. quod „nescierunt sacramenta Dei, nec speraverunt mercedem iustitiæ:“ quia per sacramenta homines purificantur, ut sint præparati ad recipiendum mercedem iustitiæ. Tercio quia hoc pertinet ad debitum officium prælati, vel doctoris, secundum illud Ephel. i. 11. 8. „Mihî omnium sanctorum minime data est gratia hæc illuminare (b) omnes quæ sit dispensatio sacramenti absconditi a sæculis in Deo.“ Sic ergo prædicta verba demonstrant nobis materiam huius Epistolæ, in qua Apostolus agit de sacramentis Ecclesiæ. Cum enim in Epistola ad Romanos gratiam Dei commendasset, quæ in sacramentis Ecclesiæ operatur, hic, scilicet in prima Epistola ad Corinthios, de ipsis Ecclesiæ sacramentis agit; in secunda vero de ministris Sacramentorum. Videamus ergo primo textum.

CA-

(a) *Al. despi etiam.* (b) *Al. omittitur omnes.*

CAPITIS PRIMII

LECTIO I.

PAulus vocatus Apostolus Iesu Christi per voluntatem Dei, & Sosthenes frater, Ecclesie Dei quæ est Corinthi, sanctificatis in Christo Iesu, vocatis sanctis, cum omnibus qui invocant nomen Domini nostri Iesu Christi, in omni loco ipsorum, & nostro. Gratia vobis, & pax a Deo Patre nostro, & Domino Iesu Christo. Gratias ago Deo meo semper pro vobis in gratia Dei quæ data est vobis in Christo Iesu: quia in omnibus divites facti estis in illo, in omni verbo, & in omni scientia, sicut testimonium Christi confirmatum est in vobis; ita ut nihil vobis desit in ulla gratia, expectantibus revelationem Domini nostri Iesu Christi, qui & confirmabit vos usque in finem sine crimine in die adventus Domini nostri Iesu Christi. Filiiis Deus, per quem vocati estis in societatem Filii eius Domini nostri Iesu Christi.

Dividitur ergo hæc Epistola in partes duas. In prima parte ponit epistola rem salutationem; in secunda prolequitur suam intentionem, ibi, *Gratias ago Deo meo*. Circa primum tria facit. Primo ponit personas salutantes; secundo personas salutatas, ibi, *Ecclesia Dei quæ est Corinthi*; tertio bona salutifera optat, ibi, *Gratia vobis, & pax*. Circa primum duo facit. Primo ponit personam principalem, quam describit ex nomine, dicens, *Paulus*; de quo quidem nomine satis dictum est in Epistola ad Romanos; hic autem sufficiat dicere, quod hoc nomen (a) præmittit in signum humilitatis: nam Paulus idem est quod modicus; quod ad humilitatem pertinet. I. Reg. xv. 17. „Cum esses parvulus in oculis tuis, caput in tribus Israel factus es.“ Matth. xi. 25. „Abscondisti hæc a sapientibus, & prudentibus, & revelasti ea parvulis.“ Consequenter describit eam a dignitate: & primo ponit modum adipsæ dignitatis, cum dicit, *Vocatus*, secundum illud Hebr. v. 4. „Nemo sumit sibi honorem, sed qui vocatur a Deo, tamquam Aaron.“ Secundo ponit ipsam dignitatem, dicens, *Apostolus Iesu Christi*: quæ quidem est prima dignitas in Ecclesia, & interpretatur Missus: quia fuerunt missi a Deo, ut vice eius fungerentur in terris: unde dicit Luc. vi. quod elegit duodecim, quos & Apostolos nominavit: & infra xii. 28. *Domus resuit in Ecclesiam quædam, primum quidem Apostolus &c.* Tertio ponit originem, sive causam huius dignitatis, cum dicit,

Per voluntatem Dei: quod est intelligendum de voluntate beneplaciti, ex qua præficiuntur illi qui multipliciter præfunt Ecclesiis. Ecclesi. x. 4. „In manibus Dei potestas terræ: „utilem rectorem in tempore luscitabit super illam.“ Et de prædicta voluntate sub figura (b) nubiam dicitur Job xxxvii. 12. „Quæ lustrant cuncta per circuitum, „quocumque voluntas gubernantis perduxerit.“ Dimittit autem Deus aliquos præfici propter subditorum peccata, secundum illud Job xxxiv. 30. „Regnare facit „hominem hypocritam propter peccata populi.“ Talis autem rector non dicit esse secundum voluntatem Dei, sed secundum eius indignationem, secundum illud Oleez xiii. 11. „Dabo tibi Regem in furore meo, & auferam in indignatione mea.“ Secundo ponit personam adiutam, cum dicit, *Et Sosthenes frater*: quem sibi (c) in salutando adiungit, quia ad Apostolum detulerat contentiones, & alios Corinthiorum desiderus, ne hoc videretur ex odio facile; & ideo nominat eum fratrem, ut ostendat quod ex zelo caritatis hoc fecerat Prov. ix. 8. „Argue sapientem, & „diliget te.“

Deinde ponit personas salutatas, cum dicit: *Ecclesia Dei quæ est Corinthi*: & primo ponit principales personas, quas describit tripliciter. Primo quidem ex loco, cum dicit: *Ecclesia Dei quæ est Corinthi*, id est fideiobus Christi Corinthi congregatis. Psal. xxxiv. 18. „Consecrabo tibi in Ecclesia magna.“ Secundo ex munere gratiæ, cum dicit:

a) *M.* promittit signum humilitatis. (b) *M.* nobis. (c) *In editis omittitur præpositum in.*

dicit: *Sanctificatis in Christo Iesu*, idest in fide, passione, & sacramento Christi Iesu. Intra vi. 11. *Sed ablatis illis, sed sanctificati estis*. Heb. ult. 12. „Iesus, ut sanctificaret „ per suum sanguinem populum, extra por- „ tam passus est. “ Tertio ponit originem gratiæ, cum dicit, *Vocatis sanctis*: quia scilicet ad sanctitatem per gratiam vocationis pervenerunt, Rom. 9. 11. 30. „ Quos præ- „ destinavit, hos & vocavit. “ I. Pet. 11. 9. „ De tenebris vos vocavit in admirabi- „ le lumen suum. “ Secundo ponit personas secundarias, fideles scilicet qui non erant in ipsa civitate, sed habitabant in dioce- cesi civitatis, vel districtu: unde subdit: *Vobis*, inquam, qui estis Corinthi scribo, *cum omnibus qui invocant invocem Domini nostri Iesu Christi*, scilicet per veram fidei confes- sionem. Ioh. 11. 32. „ Omnis qui invoca- „ verit nomen Domini, salvus erit. “ Et hoc in omni loco ipsum, idest eorum iurisdic- tionis subiecto, & nostro: quia per hoc quod subieciuntur Episcopo civitatis, non eximebantur a potestate Apostoli; quinimo magis erant ipsi Apostolo subiecti quam his quibus ipse eos subiecerat. Pl. c11. 22. „ In omni loco dominationis eius benedi- „ cit anima mea Domino. “ Ultimo autem in saluatione ponit bona salutifera quæ eis operat; quorum primum est *gratia*, per quam iustificamur a peccatis. Rom. 111. 24. „ Iu- „ stificati gratis per gratiam ipsius. “ Ul- timum autem est *pax*, quæ petiçitur in se- licitate æterna. Pl. cxlv11. 14. „ Qui po- „ suit fines tuos pacem. “ Esa. xxx11. 18. „ Sedebit populus meus in pulchritudine „ pacis. “ Per hoc autem duo, omnia alia includit: unde dicit, *Gratia, & pax*. Cau- sam eorum ostendit, subdens, *A Deo Patre nostro*, secundum illud Iac. 1. 17. „ Omne „ datum optimum, & omne donum per- „ seculum desursum est, descendens a Patre „ lumine. “ Addit autem, *Et Domino Ie- su Christo*, „ per quem (ut dicitur II. Pet. 1. 4.) maxima, & pretiosa promissa donavit „ nobis Deus. “ Ioh. 1. 17. „ Gratia, & „ veritas per Iesum Christum facta est. “ Quod autem dicit, *A Deo Patre nostro*, potest intelligi de tota Trinitate, a qua crea- ti sumus, & in filios adoptati. Additur au- tem, *Et Domino Iesu Christo*, non quia sit persona alia, vel hypostasis, præter tres per- sonas, sed propter aliam naturam. Vel quod dicitur, *A Deo Patre nostro*, per quamdam appropriationem accipitur per persona Patris, sicut Ioh. xx. 17. „ Alcendo ad Patrem „ meum & Patrem vestrum, Deum meum, „ & Deum vestrum. “ In hoc autem quod

subdit, *Et Domino Iesu Christo*, manifestatur persona Filii. Tacetur autem de Spiritu sancto, quia est nexus Patris & Filii, & intellectus ex ambobus: vel quia est donum utriusque, intelligitur in donis, de quibus dicit, *Gratia, & pax*, quæ per Spiritum sanctum dantur. Intra x11. 12. *Hæc omnia operatur unus atque idem Spiritus.*

Deinde cum dicit, *Gratias ago Deo meo*, incipit epistolarem tractatum: & primo gratias agit de bonis eorum, ut correctio- nem suorum defectuum tolerabilius ferant; secundo ponit eorum instructionem, ibi, *Obsecro vos autem fratres*. Circa primum duo facit. Primo gratias agit de bonis quæ iam acceperant; secundo de bonis quæ in futu- rum expectabant, ibi, *Expectantibus revelati- onem*. Circa primum duo facit. Primo ponit gratiarum actionem, cum dicit: *Gratias ago Deo meo*: qui scilicet etiam sit Deus om- nium per creationem, & gubernationem; tamen est eius, & cuiuslibet iusti per fidem, & devotionem. Pl. cxv11. 28. „ Deus meus „ es tu, & confitebor tibi. “ Ostendit etiam quando gratias agit, cum dicit, *Sem- per*: quia hæc gratiarum actio ex caritatis affectu procedit, qui in eius corde assiduus erat. Prov. xv11. 27. „ Omni tempore di- „ ligit qui amicus est. “ Et quamvis omni tempore eos diligeret, & pro eorum bonis gratias ageret actualiter; tamen etiam pro eis gratias agebat omnibus horis quas habebat orationi deputatas. Ostendit etiam pro quibus gratias agit, cum dicit, *Pro vobis*, de quorum scilicet bonis propter caritatis unionem gaudebat sicut de suis. Ill. Ioh. 1v. 4. „ Maiorem horum non habeo gra- „ tiam, quam ut audiam filios meos in veri- „ tate ambulare. “ Secundo ostendit materi- am gratiarum actionis: & primo in gene- rali, cum dicit: *In gratia Dei*, idest per gratiam Dei, *qua data est vobis in Christo Iesu*, idest per Christum Iesum. Ioh. 1. 16. „ De plenitudine eius omnes nos accepi- „ mus, gratiam per gratia. “ Secundo in speciali: ubi primo ostendit gratiæ abun- dantiam, cum dicit: *Quia in omnibus*, scilicet quæ pertinent ad salutem, *divites*, idest abundantes, *facti estis in illo*, idest per Christum, secundum illud II. Cor. vi11. 9. „ Propter vos egenus factus est, ut illius „ inopia divites essetis. “ Et exponit in quibus sint divites facti, cum dicit, *In omni verbo*: vel quia omnibus generibus lingua- rum loquebantur; vel quia in verbo doctrinæ abundabant. Verbum autem non proferretur ordinate nisi ex scientia procederet; & ideo subdit, *In omni scientia*, idest

intelligentia omnium Scripturarum, & universali-
 ter omnium quæ pertinent ad salutem. Sap. x. 10. „Dedit illi scientiam sanctorum.“ Hoc autem quod dicit Apostolus, referendum est ad eos qui erant in Ecclesia perfectiores, in quibus etiam alii minores has divitias possidebant, sicut Augustinus dicit super Ioan. „Si amas unitatem, (a) cui hæres, habes quidquid in illa, alter habet. Tolle invidiam, & tuum est, quod alius habet: quos enim cupiditas, & invidia separar, caritas iungit.“ Secundo ostendit relictitudinem, dicens: *Sicut testimonium Christi confirmatum est in vobis.* Non esset rectum verbum doctrinæ, neque recta scientia, si a testimonio Christi discordaret, vel si etiam Christi testimonium non firmiter per fidem cordibus inhæreret: quia, ut dicitur Jacob. 1. 6. „qui hæret, similis est fluctui maris, qui a vento movetur, & circumfertur.“ Testimonium autem Christi dicit, vel quia de ipso Prophetæ præntiaverunt, secundum illud Act. x. 43. „Huic omnes Prophetæ testimonium perhibent:“ vel quia ipse Christus testimonium perhibuit, secundum illud Ioan. viii. 12. „Si ego testimonium perhibeo, de meipso, verum est testimonium meum:“ vel etiam quia Apostolus in sua prædicatione Christo testimonium dedit: Act. xxii. 18. „Non recipient testimonium tuum de me.“ Tertio tangit gratiæ perfectionem, cum dicit: *Ita ut nihil vobis desit in illa gratia:* quia scilicet in diversis personis omnes gratias gratis datas habebant. Ad divinam enim providentiam pertinet ut absque defectu necessaria largiatur. Pl. xxxiii. 10. „Nihil deest timentibus eum:“ & iterum 11. „Inquirentes autem Dominum non minuentur omni bono.“ Deinde ponit (b) bona in futurum expectanda: & circa hoc tria facit. Primo ponit futuri boni expectationem, dicens: *Vobis*, inquam, non solum habentibus gratiam in presenti, sed etiam expectantibus in futurum revelationem Domini nostri Iesu Christi, quia scilicet sanctis suis revelabitur, non solum per gloriam humanitatis, secundum illud Esa. xxxiii. 17. „Regem in decore suo videbunt:“ sed etiam per gloriam divinitatis, secundum illud Esa. xl. 5. „Revelabitur gloria Domini:“ ni: „quæ quidem revelatio homines beatos facit.“ Ioan. iiii. 2. „Cum autem apparuerit, similes ei erimus, & videbimus

eum sicuti est.“ Et in hoc vita æterna consistit, secundum illud Ioan. xvii. 3. „Hæc est vita æterna ut cognoscant te solum verum Deum, & quem misisti Iesum Christum.“ Sicut autem illi quibus Christus revelatur, sunt beati in re; ita illi qui hoc expectant, sunt beati in spe: Esa. xxx. 18. „Beati omnes qui expectant eum.“ Et ideo de ipsa expectatione gratias agit. Secundo ostendit quod hæc expectatio non est vana, ex auxilio divinæ gratiæ: unde subdit: *Qui*, scilicet Christus, qui spem dedit vobis huiusmodi revelationis, etiam confirmabit vos, in gratia accepta: I. Petr. ult. 10. „Modicum passus ipse perficiet, confirmabit, solidabitque: & hoc usque in finem, scilicet vitæ vestræ.“ Matth. x. 22. „Qui perseveraverit usque in finem, hic salvus erit.“ Non autem ut sitis sine peccato: quia, si dixerimus, quoniam peccatum non habemus, ipsi nosmetipsos seducimus, & veritas in nobis non est,“ ut dicitur I. Ioan. 1. 8. Sed ut sitis sine crimine, id est sine peccato mortali: I. Tim. iii. 10. „Ministret nullum crimen habentes.“ Et hoc, inquam, erit in die adventus Domini nostri Iesu Christi: quia scilicet qui sine crimine invenitur in die mortis, sine crimine perveniet ad diem iudicii, secundum illud Eccl. xi. 3. „Si ceciderit lignum ad austrum, sive ad aquilonem, in quocumque loco ceciderit, ibi erit.“ Nisi autem sine crimine nunc inveniatur, frustra illam revelationem expectaret. Tertio rationem fœæ promissionis assignat, dicens, quod Deus vos confirmabit: quod debetis sperare, quia Deus est fidelis. Deut. xxxii. 4. „Deus fidelis, & absque ulla iniquitate.“ Per quem vocati estis in societatem Filii eius Iesu Christi Domini nostri, ut scilicet habeatis societatem ad Christum, & in presenti per similitudinem gratiæ, secundum illud I. Ioan. 1. „Si in luce ambulamus, sicut & ipse in luce est, societatem habemus cum eo ad invicem:“ & in futuro per participationem gloriæ: Rom. viii. 17. „Si compatiar, ut & simul glorificemur.“ Non autem videre esse fidelis Deus, si nos vocaret ad societatem Filii, & nobis denegaret, quantum in ipso est, ea per quæ pervenire ad eum possemus: unde Iosue 1. 5. dicit: „Non te deseram, neque derelinquam.“

(a) A. omittit: cui hæres. (b) A. deest bona.

LECTIO II.

O Bsecro autem vos, fratres, per nomen Domini nostri Iesu Christi, ut idipsum dicatis omnes, & non sint in vobis schismata; sitis autem perfecti in eodem sensu, & in eadem scientia. Significatum est enim mihi de vobis, fratres mei, ab his qui sunt Cloes, quia contentiones sunt inter vos. Hoc autem dico quod unusquisque vestrum dicit, Ego quidem sum Pauli; Ego autem Apollo; Ego vero Cepha; Ego autem Christi. Divisus est Christus? Numquid Paulus crucifixus est pro vobis, aut in nomine Pauli baptizati estis? Gratias ago Deo meo, quod neminem vestrum baptizavi nisi Christum, & Caium, ne quis dicat, quod in nomine meo baptizati estis. Baptizavi autem & Stephanæ domum: ceterum nescio si quem alium vestrum baptizaverim. Non enim misit me Christus baptizare, sed evangelizare.

P Ræmissa salutatione, & gratiarum actione, hic incipit eos instruere: & primo ponitur instructio de his quæ ad omnes communiter pertinent, scilicet de his quæ pertinent ad ecclesiastica sacramenta; secundo instruit eos de his quæ ad quosdam pertinent, cap. xvi. *De collectis autem quæ sunt in sanctis, sicut ordinavi Ecclesiam Galatia, ita & vos facite.* In sacramentis autem tria sunt considerata. Primo quidem ipsum sacramentum, sicut baptismus; secundo id quod est res significata, & contenta, scilicet gratia; tertio id quod est res significata, & non contenta, scilicet gloria resurrectionis. Primo ergo agit de ipsis sacramentis; secundo de ipsis gratiis, xii. cap. *De spiritualibus autem nolo vos ignorare;* tertio de gloria resurrectionis, infra xv. ibi, *Notum autem vobis facio.* Circa primum tria facit. Primo determinat ea quæ pertinent ad sacramentum baptismi; secundo ea quæ pertinent ad sacramentum matrimonii, v. cap. ibi, *Omniño auditur inter vos fornicatio;* tertio ea quæ pertinent ad sacramentum eucharistiæ, viii. cap. ibi, *De his autem quæ idolis sacrificantur.* Dominus autem Mat. ult. 19. discipulis præcepit dedit de doctrina simul, & baptismi, dicens: „Euntes docete omnes gentes, baptizantes eos in nomine Patris, & Filii, & Spiritus sancti.“ Et ideo Apostolus in prima parte simul cum baptismi agit de doctrina.

Est autem sciendum, quod inter Corinthios fideles erat quædam dissensio propter baptismas, & doctores. Illi enim qui erant instructi, contemnebant alios, quasi qui meliorem doctrinam acceperint, & meliorem baptismum. Unde circa primum duo facit. Primo removel contentionem; secundo contentiones causam, quæ erat in hoc quod gloriabantur de quibusdam, & alios Chri-

sti ministros contemnebant. Infra xii. cap. *Et ego, fratres; non potui vobis loqui quasi spiritualibus, sed quasi carnalibus.* Circa primum tria facit. Primo proponit admonitionem; secundo admonitionis necessitatem ostendit, ibi, *Significatum est enim mihi &c.* tertio rationem admonitionis assignat, ibi, *Divisus est Christus?* Circa primum duo considerata sunt. Primum quidem quod eos inducit ad admonitionem servandam uno modo per propriam humilitatem, cum dicit: *Obsecro autem vos.* Prov. xviii. 23. „Cum obsecrationibus loquitur pauper.“ Alio modo per fraternam caritatem, cum dicit, *Fratres:* quia scilicet ex affectu fraternæ caritatis hoc dicebat. Prov. xviii. 19. „Frater qui iuvatur a fratre, qualicunque, vitas firma.“ Tertio per reverentiam Christi, cum dicit: *Per nomen Domini nostri Iesu Christi;* quod est ab omnibus honorandum, & cui oportet omnes esse subiectos. Phil. ii. 10. „In nomine Iesu omne genua flectantur.“ Secundo considerandum est, quod inducit eos ad tria. Primo quidem ad concordiam, cum dicit: *Ut idipsum dicatis omnes;* id est, omnes eandem fidem confiteamini, & eandem sententiam professis de his quæ sunt communiter agenda. Rom. xv. 6. „Ut unanimes uno ore honorificetis Deum.“ Secundo prohibet vitium contrarium virtuti, cum dicit: *Et non sint in vobis schismata:* quia unitas ecclesiastica dividi non debet, in cuius signum milites de tinnica inconluti, Ioan. xii. 34. dixerunt: „Non scindamus eam, sed fortiamur de ea cuius sit.“ Sunt autem proprie schismata quando vel propter diversam fidei confessionem, vel propter diversas sententias de agendis, homines unius collegii in diversas separant partes. Ela. xxi. 9. „Scissuras civitatis David videbi-

„tis, quia multiplicatæ sunt. “Tertio inducit eos ad id per quod possunt schismata vitare, scilicet ad perfectionem. Est enim divisionis causa dum unusquisque parviale bonum querit, prætermisso perfecto bono, quod est bonum totius. Et ideo dicit: *Sitis autem perfecti in eodem sensu*, scilicet quod indicatur de agendis, & in eadem scientia, qua indicatur de cognoscendis; quasi dicat: Per hæc perfecti esse poteritis, si in unitate perseveratis. Coloss. 111. 14. „Super omnia caritatem habete, quod est vinculum perfectionis. “Matth. v. 48. „Estote perfecti, sicut Pater vester cælestis perfectus est. “Deinde cum dicit, *Significatum est mihi*, ostendit necessitatem prædictæ admonitionis, quia scilicet contentiones vitio laborabant; quasi dicat: Ideo necesse est vos ad hoc inducere, quia significatum est mihi, frater meus, ab his qui sunt Cloes, id est in quadam villa Corinthiorum iurisdictioni subiecti: vel Cloes potest esse nomen matronæ, in cuius domo erant multi fideles congregati: quia contentiones sunt inter vos: contra id quod dicitur Prov. xx. 3. „Honor est homini qui separet se a contentiosis: “& modum contentionis exponit, subdens: *Hoc autem dico*, id est contentionem nomen, quod unusquisque vestrum nominat se ab eo a quo est baptizatus, & instructus, & dicit, *Ego quidem sum Pauli*, quia erat a Paulo baptizatus, & instructus: alius, *Ego autem Apollis*, qui scilicet Corinthiis prædicaverat, ut habetur Act. xix. alius, *Ego vero Cepha*, id est Petri, cui dictum est Ioan. 1. 42. “Tu vocaberis Cephas, quod interpretatur Petrus. “Quod quidem ideo dicebant, quod putabant a meliori baptista meliorem baptismum dari, quasi virtus baptistæ in baptizatis operaretur. Et de hoc pseudoapostoli gloriabantur, secundum illud Psal. xlviii. 12. „Vocaverunt nomina sua interris suis. “Alius autem dicit, *Ego autem sum Christi*: qui solus bene dicit, quia solus Christi virtus operatur in baptismo Christi. Ioan. 1. 33. “Super quem videris Spiritum descendere, & manere, ipse est qui baptizat. “Et ideo baptizati, a solo Christo denominantur Christiani, non autem a Paulo Paulini. Esa. iv. 1. “Tantummodo invocetur nomen tuum super nos. “

Ad huius autem erroris vitiationem, dicuntur Græci hac forma in baptizando uti: Baptizetur servus Christi Nicolaus in nomine Patris, & Filii, & Spiritus sancti: ut detur intelligi quod homo non baptizatur interius,

sed baptizatur a Christo. Quia tamen etiam homo baptizatur ministerio, ut membrum, & minister Christi, ideo Ecclesia utitur hac forma in baptizando: Ego te baptizo in nomine Patris, & Filii, & Spiritus sancti: quod quidem est expressius secundum formam a Christo traditam, qui dixit discipulis (Matth. ult. 19.) „Docete omnes gentes, baptizantes eos in nomine Patris, & Filii, & Spiritus sancti: “ubi ipsos Apostolos dicit baptizantes, secundum quem modum, sacramenti minister dicit, Ego te baptizo. “

Deinde cum dicit, *Divisus est Christus*, ponit rationem prædictæ admonitionis, quare inter eos scissuræ, & contentiones esse non debebant: & primo ex parte baptismi; secundo ex parte doctrinæ, ibi, *Non in sapientia verbi*. Circa primum tria facit. Primo ponit inconveniens quod ex prædicta contentione sequitur; secundo manifestat quare illud inconveniens sequatur, ibi, *Namquid Paulus crucifixus est*? tertio excludit quamdam falsam suspitionem, ibi, *Gratias ago Deo meo*. Dicit ergo primo: Dixi, quod unusquisque vestrum dicit, *Ego sum Pauli, Ego Apollis*; & ex hoc sequitur quod Christus est divisus. Nec refert utrum interrogative, vel remissive legatur. Hoc autem potest intelligi uno modo, quasi diceret: Per hoc quod inter vos contenditur, Christus est divisus a vobis, quod non nisi in pace habitat, secundum illud Psal. lxxv. 3. „In pace factus est locus eius. “Esa. lxx. 2. „Iniquitates vestras dividerunt inter vos, & Deum vestrum. “Sed melius aliter hoc potest intelligi, ut sit sensus: Per hoc quod creditis baptismum esse meliorem qui a meliori baptista datur, sequitur quod Christus, qui principaliter, & interior baptizat, sit divisus, id est differens, in sua virtute, & effectu, secundum differentiam ministrorum: quod pater esse falsum per id quod dicitur Ephel. iv. 5. „Unus Dominus, una fides, unum baptisma. “Sed adhuc melius hoc intelligitur quod Apostolus dicit, Ex hoc quod ea que sunt propria Christi, aliis attribuitis, quodammodo Christum dividitis, plures Christos facientes, contra id quod dicitur Matth. xxiii. 10. „Magister vester unus est Christus. “Esa. xlv. 22. „Convertimini ad me, & salvabitur omnes fines terræ: quia ego Dominus, & non est alius. “Est autem sciendum, quod Christus in sacramento baptismi, duplicem habet virtutem sibi propriam. Unam quidem divinam, qua simul cum Patre, & Spiritu sancto interiorius mundat a peccato; &

hoc nulli creaturæ potuit communicari. Alia autem est propria virtus secundum humanam naturam, quæ est potestas excellentiæ in sacramentis, & consistit in quatuor: quorum unum est quod ipse sacramenta instituit; secundum est quod potuit effectum sacramentorum sive sacramento conferre; tertium est quod meritum passionis eius operatur in baptismo, & aliis sacramentis; quartum est quod ad invocationem nominis eius sacramenta conferuntur. Hanc autem potestatem excellentiæ, & maxime quantum ad hoc ultimum, conferre potuit ministris baptismi, ut scilicet eorum nominibus consecraretur baptismus; (a) sed noluit, ne schisma esse hoc in Ecclesia fieret, dum tot reputarentur baptismi, quot essent baptismi. Et hoc est quod secundum expositionem Augustini, Ioannes Baptista de Christo necesse facit, Ioan. 1.1. utrum scilicet hanc potestatem sibi retineret.

Deinde cum dicit, *Numquid Paulus crucifixus est pro vobis?* ostendit prædictum inconueniens sequi ex eorum errore, quo diversum baptismum esse aestimabant, secundum differentiam baptistarum: hoc enim esset, si a baptismis solius efficaciam haberet: quod quidem solius est Christi. Hoc autem ostendit dupliciter. Primo quidem ex parte passionis Christi, in cuius virtute baptismus operatur, secundum illud Rom. vi. 3. *Quicumque baptizati sumus in Christo Iesu, in morte ipsius baptizati sumus.* Et ideo dicit: *Numquid Paulus crucifixus est pro vobis?* quasi dicat: Numquid passio Pauli causa est nostræ salutis, ut secundum ipsum baptismum habeat virtutem salvandi? quasi dicat, non. Hoc enim proprium est Christo ut sua passione, & morte nostram salutem operatus fuerit. Ioan. xi. 50. *Ex-pedit ut unus homo moriatur pro populo, & non tota gens pereat.* II. Corinth. v. 14. *Unus pro omnibus mortuus est.*

Sed contra videtur esse quod Apostolus dicit Col. 1. 24. *Gaudeo in passionibus meis pro vobis, & adimpleo ea quæ desunt passionum Christi in carne mea, pro corpore eius, quod est Ecclesia.*

Sed dicendum, quod passio Christi sive nobis salutifera, non solum per modum exempli, secundum illud I. Petr. 1. 21. *Christus passus est pro nobis, vobis relinquens exemplum, ut sequamini vestigia eius;* sed etiam per modum meriti, & per modum efficaciz, in quantum eius sanguine redempti, & iustificati sumus, secundum il-

lud Heb. ult. 12. *Ut sanctificaret per suum sanguinem populum, extra portam passus est.* Sed passio aliorum nobis est salutifera solum per modum exempli, secundum illud II. Corinth. 1. 6. *Sive tribulamur, pro vestra exhortatione, & salute.*

Secundo ostendit idem ex virtute nominis Christi, qui in baptismo invocatur: unde subdit: *Aut in nomine Pauli baptizati estis?* quasi dicat, non. Ut enim dicitur Act. xv. 12. *non est aliud nomen datum hominibus, per quod oporteat nos salvos fieri.* Unde & Efa. xvi. 8. dicitur: *Nomen tuum, & memoriale tuum in desiderio animæ.*

Sed videtur quod in nomine Christi homines non baptizentur: dicit enim Matth. ult. 19. *Docete omnes gentes, baptizantes eos in nomine Patris, & Filii, & Spiritus sancti.*

Dicendum est autem, quod in primitiva Ecclesia, quia nomen Christi multum erat odiosum, ut venerabile redderetur, Apostoli in nomine Christi baptizabant ex speciali ordinatione Spiritus sancti: unde dicitur Act. v. 11. *quod in nomine Christi baptizati sunt viri, & mulieres.* Et tamen, ut Ambrosius dicit (Lib. I. de Spiritu sancto cap. xiv.) in nomine Christi tota Trinitas intelligitur. Christus enim interpretatur unctus, in quo intelligitur, non solum ille qui ungitur, qui est Filius Dei, sed etiam ipsa unctio, quæ est Spiritus sanctus, & ipse ungens, qui est Pater, secundum illud Psal. xlv. 8. *Unxit te Deus Deus tuus oleo lætitiæ præ con-fortibus tuis.* Nunc autem quia nomen Christi iam est magnum in gentibus ab ortu solis usque ad occalum, ut dicitur Malach. 1. Ecclesia utitur forma prius instituta a Christo, baptizans in nomine Patris, & Filii, & Spiritus sancti. Et tamen quicumque in hac forma baptizantur, in nomine eius qui est vere Filius Dei, (b) baptizantur, secundum illud I. Ioan. ult. 20. *Ut simus in vero Filio eius Iesu Christo.* Baptizantur etiam omnes fideles in nomine Christi, id est fide, & confessione nominis Christi, secundum illud Ioan. 11. 31. *Omnis qui cumque invocaverit nomen Domini, salvus erit.* Unde baptizati, a Christo Christiani nominantur: quia, ut dicitur Gal. 1. 27. *quotquot in Christo baptizati estis, Christum induistis.* Sic ergo si solius Christi passio, si solius Christi nomen virtutem confert baptismum ad salvandum, verum esse proprium esse Christo

ut

(a) id. Sed noluit. (b) id. dicunt illi.

ut ex eo baptismus habeat sanctificandi virtutem. Unde qui hoc aliis attribuit, dividit Christum in plures.

Deinde cum dicit, *Gratias ago Deo meo*, excludit quamdam suspitionem. Quia ibi dixerat: *Namquid enim Paulus eruebat se pro vobis?* posset aliquis credere quod & si non auctoritate, ministerio tamen plures baptizaverit. Et circa hoc tria facit. Primo gratias agit de hoc quod paucos baptizavit; secundo quibusdam paucis nominatis, quodam alios addit, ibi, *Baptizavi autem & Stephanum domum*; tertio assignat rationem quare non multos baptizaverit, ibi, *Non enim misit me Deus baptizare, sed evangelizare*. Dicit ergo primo: *Gratias ago Deo meo, quod neminem vestrum baptizavi nisi Crispum*: de quo Act. xviii. 8. „Crispus archisynagogus credidit Domino cum omni domo sua:“ & Caium ad quem scribitur tertia Canonica Iohannis. Et quia gratiarum actio locum non habet nisi in beneficiis perceptis, consequenter Apostolus ostendit qualiter de hoc gratias agat, cum subdit: *Ne quis dicat, quod in nominis meo baptizati esset*. Est enim oporabile sanctis viris ne ex bonis quæ ipsi faciunt, alii sumant occasionem erroris sui, sive peccati. Et quia Corinthii in eum errorem devenerant, ut se a suis baptisris nominarent, dicentes, *Ego sum Pauli, & Apollæ*, ac si in eorum nominibus essent baptizati; ideo gratias agit de hoc quod de suo ministerio talis error consecutus non fuerit: & ideo signanter dicit se baptizasse illos qui ab hoc errore immunes erant. Deinde cum dicit, *Baptizavi autem & Stephanum domum*, ponit quoddam alios a

se baptizatos, ne in eius verbis aliquid veritatis minus apparet: unde dicit: *Baptizavi & domum*, idest familiam, *Stephanum*, scilicet cuiusdam matronæ. Et quia circa particularia sacra, memoria hominum labilis est, subdit: *Ceterum nescio*, idest in memoria non habeo, *si quem alium baptizaverim*, in propria persona. Deinde cum dicit, *Non enim misit me Deus baptizare*, assignat rationem quare paucos baptizaverit, dicens: *Non enim misit me Deus baptizare, sed evangelizare*.

Contra quod videtur esse quod dicitur Matth. ult. 19. „Euntes docete omnes gentes, baptizantes eos in nomine Patris, & Filii, & Spiritus sancti.“ Sed dicendum est, quod Christus Apostolos misit ad utrumque, ita tamen quod ipsi per seiplos prædicarent, secundum quod ipsi dicebant Act. vi. 2. „Non est & quum relinquere nos verbum Dei, & ministrare mensis:“ baptizarent autem per inferiores ministros; & hoc ideo quia in baptismo nihil operatur industria, vel virtus baptizantis: (a) nam indifferens est utrum per maiorem vel minorem ministrum detur baptismus; sed in prædicatione Evangelii multum operatur sapientia, & virtus prædicantis; & ideo prædicationis officium per seiplos Apostoli tamquam maiores ministri exercebant, sicut & de ipso Christo dicitur Ioan. iv. quod ipse non baptizabat, sed discipuli eius; qui tamen de seipso dicit Luc. iv. 43. „Quia & aliis civitatibus oportet me evangelizare regnum Dei,“ quia ideo missus sum. „Ela. lxi. 1. „Ad annuntiandum manus fecis misit me,“

L E C T I O III.

Non in sapientia verbi, ut non evacuetur crux Christi. Verbum enim crucis, pereuntibus quidem stulticia est, his autem qui salvi sunt, idest nobis, Dei virtus est. Scriptum est enim: Perdam sapientiam sapientium, & prudentiam prudentium reprobo. Ubi sapiens, ubi scriba, ubi inquisitor huius sæculi? Nonne stultam fecit Deus sapientiam huius mundi? Nam quia in Dei sapientia non cognovit mundus per sapientiam Deum, placuit Deo per stultitiam prædicationis salvos facere credentes. Quoniam & Iudei signa perunt, & Græci sapientiam quaerunt: nos autem prædicamus Christum crucifixum, Iudeis quidem scandalum, Gentibus autem stultitiam; ipsis autem vocatis Iudeis, atque Græcis Christum Dei virtutem, & Dei sapientiam: quia quod stultum est Dei, sapientius est hominibus, & quod infirmum est Dei, fortius est hominibus.

Illoquam Apostolus improbat Corinthiorum contentionem ratione sumpta ex parte baptismi, hic excludit eorum con-

entionem ratione sumpta ex parte doctrinæ. Quidam enim eorum gloriabantur de doctrina pleudoapostolorum, qui ornatis verbis,

(a) A. unde.

bis, & humanæ sapientiæ rationibus veritatem fidei corrumpebant: & ideo Apollonius primo ostendit hunc modum convenientem non esse doctrinæ fidei; secundo ostendit hoc modo docendi esse usum apud eos non fuisse, 11. cap. ibi, *Et ego cum venissem ad vos, fratres, veni non in sublimitate sermonis, aut sapientia, annuntians vobis testimonium Christi*. Circa primum duofacit: Primo proponit quod intendit; secundo manifestat propositum, ibi, *Ut non evanescat crux Christi*. Dicit ergo primo: Dixi, quod misit me Christus evangelizare, nontamen ita, idest in sapientia mundana, quæ verbosus facit, inquantum per eam multis vanis rationibus homines utuntur. Eccles. vi. 11. „(a) Ubi verba sunt plurima, multum in discipulo habent vanitatem.“ Prov. xiv. 23. „Ubi verba sunt plurima, ibi infrequentia est egestas.“ Vel sapientiam verbi nomenat rhetoricam, quæ docet ornate loqui, ex quo allicuntur interdum homines ad assentiendum erroribus, & falsitatibus. Unde Rom. xvi. 18. „Per dulces sermones seducunt corda innocentium:“ & de meretrice dicitur Prov. 11. 16. in figura hæreticæ doctrinæ: „Ut eruaris a muliere aliena, & extranea, quæ molit sermones suos.“ Sed contra dicitur Ecl. xxxiii. 19. „Populum imprudentem non videbis (scilicet in catholica Ecclesia) & populum alti sermonis, ita ut non possis intelligere disertitudinem linguæ eius, in quo nulla est sapientia.“ Sed quia in Græco ponitur logos, quod rationem, & sermonem significat, posset convenientius intelligi sapientia verbi, id est humanæ rationis, quia illa quæ sunt fidei humanam rationem excedunt, secundum illud Eccles. 111. 25. „Plurima supra sensum hominis ostensa sunt tibi.“

Sed contra hoc videtur esse, quod multi doctores Ecclesiæ in doctrina fidei, sapientia, & rationibus humanis, & ornatu verborum suat usi. Dicit enim Hieronymus in epist. ad Magnum oratorem urbis Romæ, quod omnes doctores (b) fidei in ornatu Philosophicæ doctrinæ, atque scientiis suos resarxerunt libros, ut osecias quid in illis primum admirari debeas, eruditionem sæculi, an scientiam Scripturarum. Et Augustinus dicit in IV. de Doctrina Christiana cap. 5. „Sunt viri Ecclesiastici, qui

„divina eloquia, non solum sapienter, sed etiam suaviter tradaverunt.“

Dicendum est ergo, quod aliud est docere in sapientia verbi, quocumque modo intelligatur, & aliud uti sapientia verbi in docendo. Ille in sapientia verbi docet qui sapientiam verbi accipit pro principali radice suæ doctrinæ, ita scilicet quod ea solum approbet quæ verbi sapientiam continent, reprobet autem ea quæ sapientiam verbi non habent; & hoc fidei est correlative. Utitur autem sapientia verbi qui suppositis veræ fidei fundamentis, si qua vera in doctrinis Philosophorum inveniat, in obsequium fidei assumit: unde Augustinus dicit in II. de doctrina Christiana cap. xl. quod si qua Philosophi dixerunt fidei nostræ accommoda, non solum formidanda non sunt, sed ab eis tamquam ab iniustis possessoribus in usum nostrum vendicanda: & in IV. de Doctrina Christiana (cap. 11.) dicit: „Cum posita sit in medio (c) factas cultas eloquii, quæ ad persuadendum seu prava, seu recta valeat plurimum; cur non bonorum studio comparetur ut militet veritati, (d) si eam mali in usum iniquitatis, & erroris usurpant?“

Deinde cum dicit, *Ut non evanescat crux Christi*, probat quod dixerat: & primo quidem ex parte materiæ; secundo ex parte ipsorum doctrinarum, ibi, *Videte enim vocationem vestram*. Circa primum tria facit. Primo ostendit modum docendi, qui est in sapientia verbi, non esse congruum fidei christianæ; secundo probat quod supposuerat, ibi, *Verbum enim crucis periculis quidem stultitia est*; tertio probationem manifestat, ibi, *Quoniam Iudas signa petunt*.

Circa primum considerandum est, quod etiam in philosophicis doctrinis non est idem modus conveniens cuilibet doctrinæ: unde sermones secundum materiam sunt (e) accipiendi, ut dicitur in I. Ethic. (lect. 111.) Tunc autem maxime modus aliquis docendi est materiæ incongruus, quando per talem modum destruitur id quod est principale in materia illa; puta si quis in principis intellectualibus velit metaphoricis demonstrationibus uti, quæ non transcendunt res imaginatas, ad quæ non oportet intelligentem adduci, ut Boetius ostendit in Libro de Trin. Principale autem in doctrina fidei christianæ est salus per crucem Christi fa-

(a) *M.* „Verba sunt plurima, multum in discipulo habentia vanitatem.“ (b) *M.* fidei Dei. (c) *M.* facultas eloqui quæ ad persuadendum seu prava, seu recta valent pluribus. (d) *In editione Monasterii S. Marci* si ea mali ad obtinendas perversas, vanasque causas in usum iniquitatis &c. (e) *M.* expectandi.

Al facta : unde in 11. cap. vers. 2. dicit : *Non iudicavi me scire aliquid inter vos nisi Iesum Christum, & hunc crucifixum*. Qui autem principaliter innititur in docendo sapientiae verbi, quantum in se est, evacuat crucem Christi. Ergo docere in sapientia verbi, non est modus conveniens fidei Christianae : hoc est ergo quod dicit : *Ut non evacuatur crux Christi* ; idest, ne si in sapientia verbi praedicare voluero, tollatur fides de virtute crucis Christi. Gal. v. 11. „ Ergo „ evacuatum est scandalum crucis. „ Plal. cxxvi. 7. „ Quid dicunt : Exinanite usque ad „ fundamentum in ea. „

Deinde cum dicit, *Verbum crucis pereantibus quidem stultitia est*, probat quod per doctrinam, quae est in sapientia verbi, crux Christi evacuetur : & circa hoc duntaxat. Primo inducit probationem ; secundo assignat causam dictam, ibi, *Scriptum est enim &c.* Dicit ergo primo : Ideo dixi, quod si per sapientiam verbi doctrina fidei proponeretur, evacuetur crux Christi : *verbum enim crucis*, idest annuntiatio crucis Christi, *stultitia est*, idest stultum aliquod videtur, *pereantibus quidem*, idest infidelibus, qui se secundum mundum existimant sapientes : en quod praedicatio crucis Christi aliquid continet quod secundum humanam sapientiam impossibile videtur, puta quod Deus moriatur, quod Omnipotens violentorum manibus subiciatur. Continet etiam quaedam quae prudentiae huius mundi contraria videntur ; puta quod aliquis non refugiat confusiones, cum possit, & alia huiusmodi. Et ideo Paulo huiusmodi annuntians dixit Petrus, ut legitur Act. xxv. 24. „ Infans, Paule : multae sit- „ terae ad insaniam te adducunt. „ Et ipse Paulus dicit inf. xv. 10. *Nos stulti propter Christum*. Et ne credatur revera verbum crucis stultitiam continere, subdit : *Hic autem qui salvus sumus, idest nobis*, scilicet Christianis, qui ab eo salvamur, secundum illud Matth. 1. 21. „ Ipse enim sal- „ vum faciet populum suum a peccatis eo- „ rum, „ *virtus Dei est* : quia ipsi in cruce Christi (a) virtutem Dei cognoscunt, qua diabolum vicit, & mundum : Apoc. v. 5. „ Ecce vicit leo de tribu Iuda : „ item virtutem quam in seipsis experiuntur, dum simul cum Christo viciis, & concupiscentiis moriuntur, secundum illud Gal. v. 24. „ Qui Christi sunt, carnem suam crucifi- „ xerunt cum vitiis, & concupiscentiis. „ Unde in Psalm. cix. 2. dicitur : „ Virgam

„ virtutis tuae emittet Dominus ex Sion. „ Luc. vi. 19. „ Virtus de illo exibat, & „ sanabat omnes. „

Deinde cum dicit, *Scriptum est enim*, ostendit praedictorum causam ; & ponit primo quare verbum crucis sit hominibus stultitia ; secundo ostendit quare ista stultitia sit virtus Dei his qui salvantur, ibi, *Nam quia in Dei sapientia non cognovit mundus per sapientiam Deum*, placuit Deo per stultitiam predicationis salvos facere credentes. Circa primum duo facit. Primo inducit auctoritatem praenuntiantem quod quaeritur ; secundo ostendit hoc esse impletum, ibi, *Ubi sapiens ?* Circa primum considerandum, quod id quod est in se bonum, non potest alicui stultum videri, nisi propter defectum sapientiae. Haec est ergo causa quare verbum crucis, quod est salutiferum credentibus, quibusdam videtur stultitia, quia sunt ipsi sapientia privati ; & hoc est quod dicit : *Scriptum est enim : Perdam sapientiam sapientium, & prudentiam prudentium reprobo*. Potest autem hoc sumi ex duobus locis : nam in Abdia dicitur vers. 8. „ Perdam „ sapientiam de Idumaea, & prudentiam „ de monte Esau : „ expressius autem habetur Esa. xxix. 14. „ Peribit sapientia a „ sapientibus, & intellectus prudentium „ eius abscondetur. „ Differunt autem sapientia, & prudentia : nam sapientia est cognitio divinarum rerum, unde pertinet ad contemplationem : Job xxviii. 23. „ Ti- „ mor Dei ipsa est sapientia : „ prudentia vero proprie est cognitio rerum humanarum : unde dicitur Prov. x. 23. „ Sapientia „ est viro prudentia : „ quia scilicet scientia humanarum rerum (b) prudentia dicitur. Unde & Philonophus VI. Eth. dicit, quod prudentia est recta ratio agibilium : & sic prudentia ad rationem pertinet. Est autem considerandum, quod homines quantumcumque mali, non totaliter donis Dei privantur ; nec in eis donna Dei reprobantur, sed in eis reproban- tur, & perditur quod ex eorum malitia procedit. Et ideo non dicit simpliciter, *Perdam sapientiam* : quia „ omnis sapientia „ a Domino Deo est, „ ut dicitur Eccli. i. 1. sed, *Perdam sapientiam sapientium*, idest quam sapientes huius mundi advennerunt sibi contra veram sapientiam Dei : quia, ut dicitur Iacob. iii. 15. „ non est ista sa- „ pientia desursum descendens, sed terre- „ na, animalis, diabolica. „ Similiter non dicit, *Reprobo prudentiam*, nam veram prudentiam sapientia Dei docet ; sed dicit,

(a) Al. mortem. (b) Al. mortem prudentia.

cit, *Prudentiam prudentium*, idest quam illi qui se prudentes æstimant in rebus mundanis, prudentiam reputant, ut scilicet bonis huius mundi inhærent: vel quia, ut dicitur Rom. vii. 6. „prudentia carnis mors est.“ Et sic propter defectum sapientie reputant impossibile Deum hominem fieri, mortem pati secundum humanam naturam; propter defectum autem prudentie reputant inconueniens fuisse quod homo sustineret crucem confusionem contempta, ut dicitur Hebr. xii.

Deinde cum dicit, *Ubi sapiens?* ostendit esse impletum quod de reprobatione humanæ sapientie, & prudentie fuerat probatum: & primo ponit medium sub interrogatione, secundo conclusionem infert, ibi, *Nonne stultam Deus fecit sapientiam huius mundi?* Dicit ergo primo, *Ubi sapiens?* quasi dicat: Non inuenitur in congregatione fidelium, qui saluantur. Per sapientem intelligit illum qui secretas naturæ causas scrutatur. Esa. xix. 11. „Quomodo dicitis Pharaoni: Filius sapientium ego?“ Et hoc refertur ad Gentiles, qui huius mundi sapientie studebant. *Ubi scriba?* idest peritus in lege; & hoc refertur ad Iudæos; quasi diceret: Non est in eorum fidelium. Ioan. vii. 48. „Numquid ex principibus aliquis credidit in eum?“ *Ubi (a) inquisitor huius sæculi?* qui scilicet per prudentiam enquiret quæ sit convenientia vitæ humanæ in rebus huius sæculi; quasi dicat: Non inuenitur inter fideles: & hoc refertur ad utroque, scilicet Iudæos, & Gentiles. Baruch xii. 23. „Filii Agar, qui exquisierunt prudentiam quæ de terra est.“ Videtur autem Apostolus hanc interrogationem sumere ab eo quod dicitur Esa. xxxiii. 18. „Ubi est litteratus?“ pro quo ponit sapientem. „Ubi est verba legis ponderans?“ pro quo ponit scribam. „Ubi est doctor parvulorum?“ pro quo ponit inquisitorem huius sæculi: quia parvuli maxime solent instrui de his quæ pertinent ad disciplinam moralem vitæ. Deinde cum dicit, *Nonne stultam fecit Deus sapientiam huius mundi?* infert conclusionem sub interrogatione; quasi dicat: Cum illi qui sapientes mundi reputantur, a via salutis defecerint nonne Deus sapientiam huius mundi fecit stultam? idest, demonstravit esse stultam, dum illi qui in hac sapientia pollebant; tam stulti inventi sunt ut viam salutis non acciperent. Hier. x. & li. 17.

S. Th. Oper. 2^a 2^a 2^a 2^a.

„Stultus factus est omnis homo a scientia sua.“ Esa. xlvii. 10. „Sapientia tua & scientia tua hæc (b) decepit te.“ Potest autem & aliter intelligi quod dictum est; ac si diceret: *Perdam sapientiam sapientium, & prudentiam prudentium reprobos;* idest, eligam eam in primis meis prædicatoribus, secundum illud Prov. xxx. 1. „Viri quam locutus est vir cum quo est Deus?“ & infra xi. „Stultissimus sum, virorum, & sapientia hominum non est mecum.“ *Ubi sapiens?* quasi dicat: Inter prædicatores fidei non inuenitur. Math. xi. 25. „Abcondisti hæc a sapientibus, & prudentibus, & revelasti ea parvulis.“ *Nonne Deus stultam fecit, idest demonstravit, sapientiam huius mundi?* faciendo quod ipsi impossibile reputabatur, scilicet dictum esse, hominem mortuum resurgere, & alia huiusmodi.

Deinde cum dicit, *Nam quia in Dei sapientia non cognovit mundus per sapientiam Deum &c.* assignat rationem quare per predicationis stultitiam salventur fideles; & hoc est quod dictum est, quod verbum crucis pereuntibus quidem stulticia est, virtus vero salvationis, credentibus: *nam placuit Deo per stultitiam predicationis, idest per predicationem quam humana sapientia stultam reputat, salvos facere credentes;* & hoc ideo quia mundus, idest mundani, (c) non cognoverunt Deum per sapientiam ex rebus mundi acceptam; & hoc in Dei sapientia: divina enim sapientia faciens mundum, (d) sua iudicia in rebus mundi insinuit, secundum illud Eccli. i. 10. „Effudit illam super omnia opera sua; ita quod ipsæ creaturæ per sapientiam Dei factæ, se habent ad Dei sapientiam, cuius iudicia gerunt, sicut verba hominis ad sapientiam eius, quam significant. Et sicut discipulus pervenit ad cognoscendum magistrum sapientiam per verba quæ ab ipso audit; ita homo poterat ad cognoscendum Dei sapientiam per creaturas ab ipso factas inspicere pervenire, secundum illud Rom. i. 20. „Invisibilia Dei per ea quæ facta sunt, intellecta conspiciuntur.“ Sicut homo propter sui cordis vanitatem a rectitudine divinæ cognitionis deviat: unde dicitur Ioan. i. 10. „In mundo erat, & mundus per ipsum factus est, & mundus eum non cognovit.“ Et ideo Deus per quædam alia ad sui cognitionem gloriose fideles adduxit, quæ in ipsis rationibus creatura-

Gg rum

(a) Al. *conquisitor*. (b) Al. *decepit*. (c) Forte *non cognovit*, ut in textu. (d) Al. *sua iudicia in rebus mundi insinuit*.

rum non inveniuntur, propter quod a mundanis hominibus, qui solas humanarum rerum considerant rationes, reputantur stultitia: & huiusmodi sunt fidei documenta. Et est simile sicut si aliquis magister considerans sensum suum ab auditoribus non accipit per verba quæ protulit, studeat aliis verbis uti, per quæ possit manifestare quæ habet in corde.

Deinde cum dicit, *Quoniam Iudæi signa petunt*, manifestat probationem præmissorum: & primo quantum ad id quod dixerat, *Verbum crucis pereuntibus stultitia est*; secundo quantum ad id quod dixerat, *Hic qui salvi sunt, virtus Dei est*. (a) *Ipsi autem vocatis Iudæi, atque Græci*. Circa primum duo facit. Primo ponit pereuntium differens studium, & intentionem; secundo ex hoc rationem assignat eius quod dixerat, ibi, *Nos autem prædicamus Christum*. Pereuntium autem, idest infidelium, quidam erant Iudæi, quidam Gentiles. Dicit ergo: Dictum est, quod *verbum crucis pereuntibus est stultitia*; & hoc ideo quoniam Iudæi signa petunt: erant enim Iudæi consueti divinitus instrui, secundum illud Deuter. xxxiii. 10. „Erudi-“, vit eum, & docuit. „Quæ quidem doctrina cum esset a Deo per multa mirabilia manifestata, secundum illud Psalm. lxxvii. 12. „Fecit mirabilia in terra Aegypti: (b) ideo ab afferentibus quancumque doctrinam, signa quærebant, secundum illud Matth. xxi. 38. „Magister, volumus te signum aliquod videre:“ & in Psalm. lxxxi. 9. dicitur: „Signa nostra non vidimus.“ Sed Græci sapientiam quarunt, utpote in studio sapientie exercitati: sapientiam, dico, quæ per rationes rerum mundanarum accipitur, de qua dicit Hierem. xxi. 23. „Non gloriatur sapiens in sapientia.“ Per Græcos autem, omnes Gentiles dat intelligere, qui a Græcis mundanam sapientiam acceperunt. Quærebant igitur sapientiam, volentes omnem doctrinam eis propositam, secundum regulam humanæ sapientie iudicare. Deinde concludit, quare verbum crucis fit eis stultitia, dicens: *Nos autem prædicamus Christum crucifixum*; secundum illud infra xi. 26. „Mortem Domini annuntiabitis donec veniat:“ Iudæi scandalum, quia scilicet desiderabant virtutem miracula facientem, & videbant infirmitatem crucem patientem: nam, ut dicitur II. Corinth. ultim. 4. „Crucifixus est ex infir-

mitate:“ *Gentibus autem stultitiam*: quia contra rationem humanæ sapientie videtur quod Deus moriatur, & quod homo iustus, & sapiens le voluntarie turpissimæ mortis exponat.

Deinde cum dicit, *Ipsi autem vocatis*, manifestat quod dixerat, *Hic autem qui salvi sunt, virtus Dei est*: et primo manifestat hoc: secundo rationem assignat, ibi, *Quia quod stultum est Dei, sapientius est hominibus*. Dicit ergo primo: Dictum est, quod prædicamus Christum crucifixum, Iudæis scandalum, & Gentibus stultitiam; sed prædicamus Christum Dei virtutem, & Dei sapientiam ipsi vocatis Iudæi, & Græci, idest his qui ex Iudæis, & Gentibus ad fidem Christi vocati sunt, qui in cruce Christi recognoscunt Dei virtutem, per quam & dæmones superantur, & peccata remittuntur, & homines salvantur: Psalm. xx. 14. „Exaltare Domine in virtute tua:“ et hoc dicit contra scandalum Iudæorum, qui de infirmitate Christi scandalizabantur: & recognoscunt in cruce Dei sapientiam, inquantum per crucem convenientissimo modo humanum genus liberat. Sap. ix. 19. „Per sapientiam sanati sunt quicumque“ placuerunt tibi a principio. „Dicitur autem Dei virtus, & Dei sapientia per quamdam appropriationem. Virtus quidem inquantum per eam Pater omnia operatur: Ioan. i. 3. „Omnia per ipsum facta sunt:“ sapientia vero inquantum ipsum Verbum, quod est Filius, nihil est aliud quam sapientia genita, vel concepta: Ecclesi. xxiv. 5. „Ego ex ore Altissimi prodii“ primogenita ante omnem creaturam. „Non autem sic est intelligendum quod Deus Pater sit fortis, & sapiens virtute, aut sapientia genita: quia, ut Augustinus probat. IV. de Trin. cap. 1. lequeretur quod Pater haberet esse a Filio, quia hoc est Deo esse quod fortem, & sapientem esse. Deinde cum dicit, *Quia quod stultum est Dei, sapientius est hominibus*, assignat rationem eius quod dixerat, dicens, quomodo id quod est infirmum, & stultum, possit esse virtus, vel sapientia Dei: quia quod stultum est Dei, sapientius est hominibus; quædificat: nam aliquid divinum videtur esse stultum, non quia deficiat a sapientia, sed quia superexcedit sapientiam humanam. Homines enim quidam consueverunt stultum reputare quod eorum sensum excedit. Ecclesi. i. 25. „Plurima super sensum hominis ostensa sunt tibi.“ *Et quod infirmum est Dei, fortius est ho-*

(a) Supple ibi, ut mos est. (b) Al post punctum affirmantis Et ideo.

est hominibus; quia scilicet non dicitur aliquod infirmum in Deo per defectum virtutis, sed per excessum humanæ virtutis; sicut etiam dicitur invisibilis, in quantum excedit sensum humanum. Sap. xxi. 17. „ Virtutem ostendis tu, qui non crederis esse in virtute consummatus. “

Quamvis hoc possit referri ad incarnationis mysterium: quia id quod reputatur stultum, & infirmum in Deo ex parte naturæ assumptæ, transcendit omnem sapientiam, & virtutem. Exod. xv. 11. „ Quis similis tui in fortibus, Domine? “

L E C T I O IV.

Videte enim vocationem vestram, fratres: quia non multi sapientes secundum carnem, non multi potentes, non multi nobiles; sed quæ stulta sunt mundi elegit Deus, ut confundat sapientes; & infirma mundi elegit Deus, ut confundat fortia; & ignobilia mundi, & contemptibilia elegit Deus, & ea quæ non sunt, ut quæ sunt destrueret; ut non gloriaretur omnis caro in conspectu eius. Ex ipso autem vos estis in Christo Iesu, qui factus est nobis sapientia a Deo, & iustitia, & sanctificatio, & redemptio; ut, quemadmodum scriptum est, qui gloriatur, in Domino gloriatur.

Supra ostendit Apostolus quod modus docendi qui est in sapientia verbi, non convenit doctrinæ christianæ, ratione materiæ, quæ est ipsa crux Christi; hic ostendit quod prædictus docendi modus non convenit doctrinæ christianæ, ratione doctorum, secundum illud Prov. xxi. 7. In derisum est in ore stulti parabola; & Eccl. xx. 22. „ Ex ore stulti reprobabitur parabola. “ Quia igitur primi doctores fidei non fuerunt sapientes sapientia carnali, non erat eis conveniens ut in sapientia verbi docerent. Circa hoc ergo duo facit. Primo ostendit (a) quomodo primi doctores fidei non fuerunt sapientes sapientia carnali, & in rebus humanis defectum patiebantur; secundo ostendit quomodo talis defectus est in eis per Christum suppletus, ibi, *Ex ipso autem vos estis*. Circa primum tria facit. Primo excludit a fidei primis doctoribus excellentiam sæcularem; secundo astruit eorum (b) abiectionem quantum ad sæculum, ibi, *Sed quæ stulta sunt mundi elegit Deus*; tertio rationem assignat, ibi, *Ut non gloriaretur omnis caro in conspectu eius*. Dicit ergo primo: Dictum est: *Quod stultum est Dei, sapientius est hominibus*; & hoc considerare potestis in ipsa vestra conversione: videte enim, idest (c) diligenter considerate vocationem vestram, quomodo scilicet vocati estis: non enim per vos ipsos accessistis, sed ab eo vocati (d) estis. Rom. viii. 30. „ Quos prædestinavit, hos & vocavit. I. Petr. ii. 9. „ De tenebris vos vocavit in ad-

„ mirabile lumen suum. “ Inducit autem eos ut considerent modum suæ vocationis quantum ad eos per quos vocati sunt, sicut Esa. li. 2. dicitur: „ Attendite ad Abraham patrem vestrum, & ad Saram quæ genuit vos. “ A quibus vocationis ministris primo excludit sapientiam, cum dicit: *Quia non multi eorum*, per quos vocati estis, *sapientes secundum carnem*, idest in carnali sapientia, & terrena. Iacob. iii. 15. „ Non est ista sapientia desursum descendens, sed terrena, animalis, diabolica. “ Baruch iii. 23. „ Filii Agar exquisierunt sapientiam quæ de terra est. “ Dicit, *Non multi*: quia aliqui pauci erant etiam in sapientia mundana instructi, sicut ipse, (e) & Barnabas, velut Moyses in veteri testamento, de quo dicitur Act. xv. quod eruditus erat Moyses in omni sapientia Aegyptiorum. Secundo excludit sæcularem potentiam, cum dicit: *Non multi potentes*, scilicet secundum sæculum: unde & Ioan. vii. 48. dicitur: „ Numquid aliquis ex principibus credidit in eum? “ & Baruch iii. 16. dicitur: „ Ubi sunt principes gentium? Exterminati sunt, & ad interos descenderunt. “ Tertio excludit excellentiam generis, cum dicit: *Non multi nobiles*. Et aliqui inter eos nobiles fuerunt, sicut ipse Paulus, qui in civitate Romana se natum dicit Act. xxi. & Rom. ult. 7. de quibusdam dicit: „ Qui sunt nobiles in “ Apostolis. “ Deinde cum dicit, *Sed quæ stulta sunt mundi elegit Deus*, ponit e conver-

G R 2

fo

(a) A quomodo primi doctores fidei in rebus humanis defectum patiebantur, intermediis a miss. (b) A subiectionem. (c) A ministris diligenter. (d) A d. pateris cibus. (e) A d. ut Barnabas, vel Moyses.

fo eorum abiectionem quantum ad mundum : & primo defectum contrarium sapientiae, cum dicit : *Qua stulti sunt mundi*, idest eos qui secundum mundum stulti videbantur, *elegit Deus*, ad praedicationis officium, scilicet piscatores illitteratos, secundum illud Act. iv. 13. „Compertoquod „ homines essent sine litteris, & idiotae, „ admirabantur. “ Eia. xxxi. 12. „ Ubi „ est litteratus, ubi verba legis ponderas, rans ? “ Et hoc ut confundat sapientes, idest eos qui de sapientia mundi confidunt, dum ipsi non cognoverunt quae sunt simplicibus revelata. Matth. xi. 25. „ Abscondisti haec a sapientibus, & prudentibus, & revelasti ea parvulis. “ Eia. xli. 12. „ Ubi „ sunt nunc sapientes tui ? Annuntient tibi. “ Secundo ponit defectum contrarium potentiae, dicens : *Et infirma mundi*, idest homines impotentes secundum mundum, puta rullcos, & plebeios, *elegit Deus*, ad praedicationis officium : in cuius figura dicitur III. Reg. xx. 13. „ Egotradens „ eos in manu tua, per pedissequos principum provincialium : “ et Prov. ix. 3. dicitur, quod „ sapientia misit ancillas, ut „ vocarent ad arcem. “ In utrisque autem primorum praedicatorum infirmitas designatur. Et hoc ideo ut confundat fortia, idest potentes huius mundi. Eia. xi. 17. „ Incurvabitur omnis sublimitas hominum, & „ humiliabitur altitudo virorum. “ Tertio ponit defectum contrarium nobilitati : in quo possunt tria considerari. Primo quidem claritas generis, quam ipsum nomen nobilitatis designat ; et contra hoc dicit, *Et ignobilia mundi*, idest qui secundum mundum sunt ignobiles. Infra iv. 10. *Pro nobilibus, nos autem ignobiles*. Secundo circa nobilitatem considerantur honor, & reverentia, quae talibus exhibentur ; & contra hoc dicit, *Et contemptibilia*, idest homines contemptibiles in hoc mundo, *elegit Deus*, ad praedicationis officium, secundum illud Psal. lxxviii. 4. „ Facti sumus opprobrium „ vicinis nostris, & his qui in circuitu nostrum sunt. “ Tertio in nobilitate consideratur magna opinio quam homines de eis habent ; & contra hoc dicit : *Etena qua non sunt*, idest quae non videntur esse in saeculo, *elegit Deus*, ad praedicationis officium. Iob xxx. 1. „ Quorum virtutes manuum erat „ mihi pro nihilo, & vita ipsa putabantur „ indigni : “ Et hoc ideo ut destrueret ea quae sunt, idest eos qui in hoc mundo aliquid esse videntur. Eia. xli. 9. „ Domini „ exercituum cogitavit hoc, ut detraheret superbiam omnis gloriae, & ad ignominiam

deduceret universos inclytos terrarum. “ Deinde assignat causam disformi, dicens : Ideo non elegit in saeculo excellentes, sed abiectiones, ut non gloriatur omnis caro in conspectu eius ; idest, ut nullus pro quacumque carnis excellentia gloriatur per comparisonem ad Dominum. Hierem. ix. 23. „ Non „ gloriatur sapiens in sapientia sua, & non „ gloriatur fortis in fortitudine sua, & non „ gloriatur dives in divitiis suis. “ Ex hoc enim quod Deus mundum suae fidei subiecit, non per sublimes in mundo, sive in saeculo, sed per abiectiones, non potest gloriari homo, quod per aliquam carnalem excellentiam salvatus sit mundus. Videretur autem non esse a Deo excellentia mundana, si Deus ea non uteretur ad suum obsequium ; & ideo in principio quidem paucos, postremo vero plures saeculariter excellentes Deus elegit ad praedicationis officium : unde in Glossa dicitur, quod nisi fideliter praecederet piscator, non humiliter sequeretur orator. Et etiam ad gloriam Dei pertinet, dum per abiectiones, sublimes in saeculo ad se trahit.

Deinde cum dicit, *Ex ipso autem vos estis*, ne praedicatores fidei tanquam non excellentes, sed abiectiones in saeculo, contemnerentur, ostendit quomodo Deus praedictum defectum in eis supplet : Et circa hoc tria facit. Primo ostendit cui sit attribuenda salus mundi, quae praedicatorum ministerio facta est, dicens : *Distum est*, quod vocati estis non per excellentes, sed per abiectiones in saeculo : ex quo patet quod vestra conversio non est homini attributenda, sed Deo : & hoc est quod dicit : *Ex ipso autem*, idest ex virtute Dei, *vocati estis in Christo Iesu*, idest ei iuncti, & incorporati per gratiam. Eph. i. 10. „ Ipsi enim factura sumus, creati in Christo Iesu in operibus bonis. “ Deinde ostendit quomodo Deus praedictos defectus in praedicatoribus suis supplet per Christum : & primo quantum ad defectum sapientiae, cum dicit : *Qui*, scilicet Christus, *salvus est nobis*, praedicantibus fidem, & per nos omnibus fidelibus, *sapientia* : quia ei inherendo qui est Dei sapientia, & participando ipsum per gratiam, sapientes facti sumus ; & hoc a Deo, qui nobis Christum dedit, & nos ad ipsum traxit, secundum illud Ioan. vi. 44. „ Nemo potest „ venire ad me, nisi Pater, qui me misit, „ traxerit eum. “ Deut. iv. 6. Haec est vera sapientia, & intellectus coram populo, „ his. “ Secundo quantum ad defectum potentiae dicit, *Et infirma*, quae propter sui fortitudinem thoraci comparatur Sap. v. 19.

tur

„Inducti pro thorace iustitiam. “ Dicitur autem Christus nobis factus iustitia, inquantum per eius fidem iustificamur, secundum illud Rom. iii. 22. „Iustitia autem Dei per fidem Christi Iesu. “ Tertio quantum ad detectum nobilitatis subdit: *Et sanctificatio, & redemptio*: sanctificamur enim per Christum, inquantum per eum Deo coniungimur, in quo consistit vera nobilitas, secundum illud I. Reg. 11. 30. „Quicumque honorificaverit me, glorificabo eum; qui autem contemnunt me, erunt ignobiles. “ Unde dicitur Hebr. ult. 12. „Iesus, ut sanctificaret per suum sanguinem populum, extra portam passus est. “ Factus est autem nobis redemptio, inquan-

tum per ipsum redempti sumus de servitute peccati, in quo vere ignobilitas consistit: unde in Psal. xxx. 6. dicitur: „Redemisti me Deus veritatis. “ Tertio assignat doctorum causam, cum dicit: *Ut quemadmodum scriptum est, in Domino glorietur*: ubi nostra littera habet: „In hoc glorietur, qui gloriatur, scire, & nosse me. “ Dicit enim: Si salus hominis non provenit ex aliqua excellentia humana, sed ex sola virtute divina, non debetur homini gloria, sed Deo, secundum illud Psal. cxiii. 1. „Non nobis Domine, non nobis, sed nomini tuo da gloriam. “ Eccli. ultim. 23. „Danti mihi sapientiam, dabo gloriam. “

CAPITIS SECUNDI.

LECTIO I.

ET ego, cum venissem ad vos, fratres, non veni in sublimitate sermonis, aut sapientie, annuntians vobis testimonium Christi: non enim iudicavi me scire aliquid inter vos nisi Iesum Christum, & hunc crucifixum. Et ego in infirmitate, & timore, & tremore multo fui apud vos; & sermo meus, & predicatio mea, non in persuasibilibus humane sapientie verbis, sed in offensione spiritus, & virtutis; ut fides vestra non sit in sapientia hominum, sed in virtute Dei. Sapientiam autem loquimur inter perfectos; sapientiam vero non huius seculi, neque principum huius seculi, qui destruuntur; sed loquimur Dei sapientiam in mysterio, que abscondita est, quam predestinavit Deus ante secula in gloriam nostram.

Postquam Apostolus ostendit quis sit conveniens modus doctrinae christianae, hic ostendit se illum modum observasse: & circa hoc tria facit. Primo ostendit se non fuisse usum apud eos aliqua excellentia seculari; secundo ostendit apud quos excellentiam spirituali utatur, ibi, *Sapientiam autem loquimur inter perfectos*; tertio rationem assignat, ibi, *Qua etiam loquimur, non in doctis humana sapientia verbis, sed in doctrina Spiritus*. Circa primum tria facit. Primo dicit, quod non ostendit apud eos excellentiam secularis sapientiae; secundo quod non praetendit excellentiam potentiae secularis, ibi, *Et ego in infirmitate . . . fui apud vos*; tertio non praetendit excellentiam eloquentiae, ibi, *Et sermo meus*. Circa primum duo facit. Primo proponit quod intendit; secundo rationem assignat, ibi, *Non enim iudicavi me scire aliquid inter vos nisi Iesum Christum*. Dicit ergo primo: Quia dictum est, quod

Christus misit me evangelizare, non in sapientia verbi, & quod non sunt multi sapientes, & ego, fratres, quamvis sapientiam saecularem habeam, secundum illud II. Corinth. xi. 6. „Et si imperitus sermone, sed non scientia: cum venissem ad vos, convertendos ad Christum, ut habetur Ad. xviii. veni annuntians vobis testimonium Christi, secundum illud Ad. iv. 33. „Virtute magna reddebant Apostoli testimonium resurrectionis Domini nostri Iesu Christi: “ & hoc non in sublimitate sermonis, aut sapientia. Attenditur autem sublimitas sapientiae in consideratione aliquorum sublimium, & elevatorum supra ratio nemque & sensum hominum. Eccli. xxiv. 7. „Ego in altissimis habitavi. “ Sublimitas autem sermonis potest referri vel ad verba significancia sapientiae conceptiones, secundum illud Eccli. ult. 11. „Verba sapientum quasi stimuli, & quasi clavi in altum defixi: “ vel ad modum ratioci-

nandi per aliquas subtile vias: nam in Greco habetur logos, quod & verbum, & rationem significat, ut Hieronymus dicit. Hoc autem dicit Apostolus, quia fidem Christi per huiusmodi subtilitates sermonis, aut sapientiæ confirmare volebat. I. Reg. 11. 3. „Nolite multiplicare (a) subtilia.“ Deinde huius rationem assignat, dicens: *Non enim indicavi me scire aliquid nisi Christum Iesum*: non enim ad hoc opus erat ut sapientiam ostentaret, sed ut demonstraret eius virtutem, secundum illud II. Cor. 15. 5. „Non enim prædicamus nosmetipsos, sed Iesum Christum.“ Et ideo solum utebatur hisque ad demonstrandam virtutem Christi pertinebant, exultans se, ac si nihil sciret quam Iesum Christum. Hierem. 12. 24. „In hoc gloriatur quigloriatur, scire, & nosse me.“ In Christo autem Iesu, ut dicitur Coloss. 11. sunt omnes thesauri sapientiæ, & scientiæ Dei absconditi, & quantum ad plenitudinem deitatis, & quantum ad plenitudinem sapientiæ, & gratiæ, & etiam quantum ad profundas incarnationis rationes, quæ tamen Apostolus eis non annuntiavit, sed solum ea quæ erant manifestiora, & inferiora in Christo Iesu: & ideo subdit, *Et hunc crucifixum*; quasi dicat: Sic vobis me exhibui, ac si nihil aliud scirem quam crucem Christi. Unde Gal. ultim. 24. dicit: „Mihi absit gloriari nisi in cruce Domini nostri Iesu Christi.“ Quia igitur per sapientiam verbi evacuatur crux Christi, ut dictum est, ideo ipse Apostolus non venerat in sublimitate sermonis, aut sapientiæ. Deinde cum dicit, *Et ego in infirmitate* &c. ostendit quod non prætenderit apud eos potentiam, sed potius contrarium, & foris, & intus. Unde quantum ad id quod foris est, dicit: *Ergo fui apud vos in infirmitate*, id est tribulationibus apud vos patiens. Gal. 14. 13. „Scitis quia per infirmitatem carnis evangelizavi vobis iam pridem.“ Psal. xv. 4. „Multiplicatæ sunt (b) infirmitates eorum.“ Quantum vero ad id quod intus est, dicit: *Et timore*, scilicet de malis imminuentibus, *Et tremore*, in quantum scilicet timor interior redundat ad corpus. II. Cor. vii. 5. „Foris pugna, intus timores.“ Deinde cum dicit, *Et sermo meus*, ostendit quod non prætenderit apud eos excellentiam eloquentiæ: & circa hoc tria facit. Primo excludit indebi-

tum modum prædicandi, dicens: *Et sermo meus*, quod scilicet privatim, & singulariter aliquos instruebam: Ephel. 14. 29. „Omois sermo malus ex ore vestro non procedat, sed si quis bonus est ad edificationem, nem fidei.“ *Et prædicatio mea*, quæ scilicet publice docebam, non fuit in verbis persuasivis humana sapientia, id est per rhetoricam, quæ componit ad persuadendum: ut scilicet supra dixit, quod non fuit intentionis quod sua prædicatio niteretur philosophicis rationibus; ita nunc dicit non fuisse suæ intentionis niti rhetoricis persuasivis. Esa. xxxiii. 19. „Populum im prudentem non videbis, populum autem sermoneis, ita ut non possis intelligere disertitudinem linguæ eius, io quo nullo la est sapientia.“ Secundo ostendit debitum modum, quo usus fuit in prædicando, dicens: Sermo meus fuit in *offensione spiritus, & virtutis*: quod quidem potest intelligi dupliciter. Uno modo quantum ad hoc quod credentibus prædicationi eius dabatur Spiritus sanctus, secundum illud Act. 2. 44. „Adhuc loquente Petro verba hæc, cecidit Spiritus sanctus super omnes, qui audiebant verbum.“ Similiter etiam suam prædicationem confirmabat faciendo virtutes, id est miracula, secundum illud Marc. ult. 20. „Sermonem confirmante signis.“ Unde Galat. 111. 5. „Qui tribuit vobis spiritum, & operatur in vobis.“ Alio modo potest intelligi quantum ad hoc quod ipse per Spiritum (c) loquebatur; quod sublimitas, & assuetitudo doctrinæ ostendit. II. Reg. xxxiii. 2. „Spiritus Domini locutus est per me.“ & II. Cor. 14. 13. „Habentes eundem spiritum fidei credimus, propter quod & loquimur.“ Confirmat etiam suam prædicationem ostendendo in sua conversatione multa opera virtuosa. I. Thess. 11. 10. „Vos enim testes estis, & Deus, quomodo sancte & iuste sine querela vobis qui credidistis, assueimus.“ Tertio assignat rationem dictorum, dicens: *Ut fides vestra non sit in sapientia hominum*; id est, non innitatur sapientiæ humanæ, quæ plerumque decipit homines, secundum illud Esa. xlviii. 10. „Sapientia tua, & scientia tua hæc (d) decipit te.“ Sed in virtute Dei, ut scilicet virtuti divinæ fides innitatur, & sic non possit decipere. Roman. 1. 16. „Non erubescio Evangelium: virtus enim Dei

(a) Hi loqui subtilia. (b) Infirmitates meæ: quod forte malus P. Trima sententia congruit sed cum nullibi sub his verbis reperitur, Romana editionis lecturam sequitur. (c) Alii loquebatur. (d) Al. decipit.

„Dei est in salutem omni credenti.“

Deinde cum dicit, *Sapientiam loquimur inter perfectos*, ostendit apud quos excellentia spiritualis sapientiae utatur: & primo proponit quod intendit; secundo manifestat propositum, ibi, *Sapientiam vero non huius saeculi*. Dicit ergo: Apud vos solum Christum crucifixum praedicavi. *Sapientiam autem*, id est profundam doctrinam, *loquimur inter perfectos*. Dicitur autem aliqui perfecti dupliciter. Uno modo secundum intellectum; alio modo secundum voluntatem: hae enim inter potentias animae sunt propriae hominis, & ideo secundum eas oportet hominis perfectionem considerari. Dicitur autem perfecti intellectu illi quorum mens elevata est super omnia carnalia, & sensibilia, qui spiritualia, & intelligibilia capere possunt, de quibus dicitur Hebr. v. 14. „Perfectorum est solidus ci-
bus, eorum qui per consuetudinem exercitatos habent sensus ad discretionem maioris, & boni.“ Perfecti autem secundum voluntatem sunt quorum voluntas super omnia temporalia elevata, soli Deo inhæret, & eius præceptis. Unde Matth. v. 48. propositis dilectionis mandatis, subditur: „Estate perfecti, sicut & Pater vester cælestis perfectus est.“ Quia igitur doctrina fidei ad hoc ordinatur ut fides per dilectionem operetur, ut habetur Galat. v. necesse est eum qui in doctrina fidei instruitur, non solum secundum intellectum bene disponi ad capiendum; & credendum, sed etiam secundum voluntatem, & affectum bene disponi ad diligendum, & operandum.

Deinde cum dicit, *Sapientiam vero non huius saeculi*, exponit qualis sit sapientia de qua mentionem fecit: & primo ponit expositionem; secundo ratione expositionem confirmat, ibi, *Quam nemo principum huius saeculi cognovit*. Circa primum duo facit. Primo exponit qualis sit ista sapientia per comparisonem ad infideles; secundo per comparisonem ad fideles, ibi, *Sed loquimur Dei sapientiam*. Dicit ergo primo: Dictum est, quod *sapientiam loquimur inter perfectos*. *Sapientiam vero*, dico, *non huius saeculi*, id est de rebus secularibus, vel quæ est per rationes humanas, *neque etiam principum huius saeculi*; & sic separat eam a sapientia mundana & quantum ad modum materiam inquirendi, & quantum ad auctores, qui sunt principes huius saeculi: quod potest intelligi de triplici genere principum, secundum triplicem sapientiam humanam. Primo possunt dici principes huius saeculi

Reges, & potentes sæculares, secundum illud Psalm. 11. 2. „Principes convenerunt in unum adversus Dominum, & adversus Christum eius.“ a quibus principibus venit sapientia humanarum legum, per quas res huius mundi in vita humana dispensantur. Secundo possunt dici principes, dæmones: Ioan. xiv. 30. „Venit princeps mundi huius, & in me non habet quidquam.“ & ab his principibus venit sapientia culturae dæmonum, scilicet negro-mantia, & magicæ artes, & huiusmodi. Tertio possunt intelligi principes huius saeculi, Philosophi, qui quasi principes se exhibuerunt hominibus in docendo, de quibus dicitur Esa. xix. 11. „Stulti principes, Tanecos, sapientes consilarii Pharannis.“ & ab his principibus processit tota humana Philosophia. Horum autem principum, homines destruantur per mortem, & per amissionem potestatis, & auctoritatis; dæmones vero non per mortem, sed per amissionem potestatis, & auctoritatis, secundum illud Ioan. xxi. 31. „Nunc princeps huius mundi eicietur foras.“ de hominibus autem dicitur Baruch 11. 16. „Ubi sunt principes gentium?“ & postea subdit 19. „Exterminati sunt, & ad inferos descenderunt.“ Sicut autem ipsi non sunt stabiles, ita & eorum sapientia non potest esse firma; & ideo non ei innitendum est.

Deinde cum dicit, *Sed loquimur Dei sapientiam*, exponit qualis sit sapientia per comparisonem ad fideles: & primo describit eam quantum ad materiam, vel auctoritatem, cum dicit: *Sed loquimur Dei sapientiam*, id est quæ est Deus, & a Deo: quamvis enim omnis sapientia a Deo sit, ut dicitur Eccli. 1. tamen speciali quodam modo hæc sapientia quæ est de Deo, est etiam a Deo per revelationem, secundum illud Sap. 11. 17. „Senium autem tuum quis sciet, nisi tu dederis sapientiam, & miseris Spiritum tuum de altissimis?“ Secundo ostendit qualitatem eius, dicens: *In mysterio, quæ abscondita est*: hæc enim sapientia abscondita est ab hominibus, inquantum hominum intellectum excedit, secundum illud Eccli. 11. 25. „Plurima supra sensum hominis ostensa sunt tibi.“ Unde dicitur Iob xxviii. 21. „Abscondita est ab oculis omnium viventium.“ Et quia modus docendi doctrinæ debet esse conveniens, ideo dicitur, quod loquitur eam in mysterio, id est in aliquo occulto vel verbo, vel signo. Infra xiv. 2. *Spiritus loquitur mysteria*. Tertio ostendit fructum huius sapientiae, dicens: *Quam Deus prædestinavit*, id est præ-

paravit, in gloriam nostram, idest prædicatorum fidei, quibus ex prædicatione tam altæ sapientiæ gloria magna debetur & apud Deum, & apud homines. Prover. 11. 35. „Gloriam sapientes possidebunt.“ Et quod dicit, in gloriam nostram, exponendum est, Omnium fidelium; quorum gloria

hæc est, ut in plena luce cognoscant ea quæ nunc in mysterio prædicantur, secundum illud Ioan. xvii. 3. „Hæc est vita æterna, ut cognoscant te solum Deum verum, & quem misisti Iesum Christum.“

L E C T I O II.

QUam nemo principum huius sæculi cognovit: si enim cognovissent, numquam Dominum gloriæ crucifixissent. Sed sicut scriptum est, quod oculus non vidit, nec auris audivit, nec in cor hominis ascendit, quæ præparavit Deus his qui diligunt illum; nobis autem revelavit Deus per Spiritum suum. Spiritus enim omnia scrutatur, etiam profunda Dei. Quis enim hominum scit quæ sunt hominis, nisi spiritus hominis, qui in ipso est? Ita & quæ Dei sunt nemo cognovit nisi Spiritus Dei. Nos autem non spiritum huius mundi accepimus, sed Spiritum qui ex Deo est, ut sciamus quæ a Deo donata sunt nobis.

Posita expositione de sapientia quam Apostolus loquitur inter perfectos, hic rationem assignat expositionis prædictæ; & primo quantum ad hoc quod eam descriperat per comparisonem ad infideles; secundo quantum ad hoc quod eam descriperat per comparisonem ad fideles, ibi, *Nobis autem revelavit Deus.* Circa primum duo facit. Primo proponit quod intendit; secundo probat propositum, ibi, *Si enim cognovissent, numquam Dominum gloria crucifixissent.* Dicit ergo primo: Dictum est, quod sapientia quam loquimur, non est principum huius sæculi: hæc enim sapientia est, quam nemo principum huius sæculi cognovit; quod verum est, de quibuscumque principibus intelligitur: sæculares enim principes hanc sapientiam non cognoverunt, quia excedit rationem humani regiminis. Iob xii. 24. „Qui immutat cor principum populi terræ, & decipit eos, ut frustra incedant,“ per Iovium. „Philosophi etiam eam non cognoverunt, quia excedit rationem humanam: unde dicitur Bar. 111. 23. „Exquiritores prudentiæ, & scientiæ, viam sapientiæ nescierunt.“ Dæmones etiam eam non cognoscunt, quia excedit omnem creatam sapientiam: unde dicitur Iob xxv. 11. 21. „Volucres cæli quoque latet. Perditio, & mors dixerunt: Auribus nostris audivimus famam eius.“ Deinde cum dicit, *Si enim cognovissent* &c. probat quod dixerat: & primo quidem probat per signum, quod non cognoverunt principes Dei sapientiam, secundum quod est in se abscondita; secundo probat per auctoritatem quod

non cognoverunt eam, secundum quod præparata est in gloriam nostram, ibi, *Sicut scriptum est.* Dicit ergo primo: Recte dico, quod principes huius sæculi Dei sapientiam non cognoverunt: *si enim cognovissent* Dei sapientiam, cognovissent utique Christum esse Deum, qui in hac sapientia continetur; quod cognito, *numquam crucifixissent Dominum gloria*, idest ipsum Christum Dominum dantem gloriam suam, secundum illud Pl. xxiii. 10. „Dominus virtutum ipse est Rex gloriæ:“ & Hebr. 11. 10. „Qui multos filios in gloriam adduxerat.“ Cum enim creaturæ rationali sit naturaliter appetibilis gloria, non potest in voluntatem humanam cadere quod auctorem gloriæ interimat. Quod autem principes crucifixerint Iesum Christum, certum est si intelligatur de principibus qui potestatem habent inter homines: dicitur enim in Psal. 11. 2. „Assiterunt Reges terræ, & principes con-“ venerunt in unum adversus Dominum, & adversus Christum eius: „quod Act. iv. exponitur de Herode, & Pilato, & principibus Iudæorum, qui consenserunt in mortem Christi. Sed etiam dæmones operati sunt in mortem Christi, persuadendo, secundum illud Ioan. xiii. 2. „Cum diabolus iam misisset in cor ut eum traderet Iudas Simonis Ithariotæ.“ Sed & pharisæi, & scribæ in lege periti, qui studium sapientiæ dabant, operati sunt ad mortem Christi instigando, & approbando.

Sed circa hoc duplex oritur dubitatio: quarum prima est de hoc quod dicit Deum
g. 30

gloriæ crucifixum. Non enim divinitas Christi, aliquid pati potuit, secundum quod dicitur Christus Dominus gloriæ.

Sed dicendum, quod Christus est una persona, & hypostasis in utraque natura consistens, divina scilicet, & humana: unde potest utriusque naturæ nomine designari, & quocumque nomine significetur, potest prædicari de eo id quod est utriusque naturæ, (a) quia utrique non supponitur nisi una hypostasis: & per hunc modum possumus dicere, quod homo creavit stellas, & quod Dominus gloriæ est crucifixus; & tamen non creavit stellas secundum quod homo, sed secundum quod Deus; nec est crucifixus secundum quod est Deus, sed inquantum homo. Unde ex hoc verbo destruitur error Nestorii, qui dixerat unum naturam esse in Christo, Dei, & hominis: quia secundum hoc nullo modo posset verificari quod Dominus gloriæ sit crucifixus.

Secunda dubitatio est de hoc quod videtur supponere, quod principes Iudæorum, vel dæmones non cognoverunt Christum esse Deum. Et quidem quantum ad principes Iudæorum videtur hoc astrui per hoc quod dicit Petrus Act. 111. 17. „Scio quia „per ignorantiam hoc feceritis, sicut & „principes vestri. „Videtur autem esse contrarium quod dicitur Matth. 221. 38. „Agricolæ videntes filium, dixerunt intra „se: Hic est heres: venite, occidamus eum: „quod exponens Chrysostomus dicit: „Manifeste Dominus probat his verbis, Iudæorum „principes non per ignorantiam, sed per invidiam Dei Filium crucifixisse.

Solvitur in Glossa (in 11. expof. quæ attribuitur Chrysostomo hom. xl. ibid.) quod sciebant principes Iudæorum eum esse qui promissus erat in lege, non tamen mysterium eius, quod Filius Dei erat, neque sciebant sacramentum incarnationis, & redemptionis. Sed contra hoc esse videtur quod Chrysostomus dicit, quod cognoverunt eum esse Filium Dei. Dicendum est ergo, quod principes Iudæorum pro certo sciebant eum esse Christum promissum in lege, quod populus ignorabat; ipsum autem esse verum Filium Dei, non pro certo sciebant, sed aliquid conieciunt; sed hæc coniecturalis cognitio obscurabatur in eis ex invidia, & ex cupiditate propriæ gloriæ, quam per excellentiam Christi minui videbant.

Similiter etiam videtur esse de dæmonibus. Th. Oper. Tom. VI.

bus dubitatio: dicitur enim Marc. 1. & Luc. 11. 34. quod dæmonium clamavit, dicens: „Scio quod sis Sanctus Dei. „Et ne hoc præsumptio dæmonium ascribatur, (b) qui se iactant scire quod nesciunt, eorum notitia quam habebant de Christo, per ipsos Evangelistas asseritur. In Mar. 1. 34. quidem sic scribitur: „Non linebat ea loqui „(scilicet dæmonia) quoniam sciebant eum „Christum esse: & Luc. 11. 41. dicit: „In „crepans non linebat ea loqui quia sciebant „eum esse Christum.

Et ad hoc respondetur in Libro de Questionibus novi & veteris testamenti, quod dæmonia sciebant ipsum esse qui per legem fuit repromissus, quia omnia signa videbant in eo quæ dixerunt Prophetæ; mysterium autem divinitatis eius ignorabant. Sed contra hoc videtur esse quod Athanasius dicit, quod dæmonia dicebant Christum esse Sanctum Dei, quasi singulariter sanctum: ipse enim naturaliter est sanctus cuius participatione omnes alii sancti vocantur. Dicendum est autem, quod, sicut Chrysostomus dicit, non habebant adventus Dei firmam, & certam notitiam, sed qualdam coniecturas: unde Augustinus dicit in IX. de Civit. Dei (cap. xxi.) quod innotuit dæmonibus non per id quod est vita æterna, sed per quædam temporalia sua virtute effecta.

Deinde cum dicit, *Sed sicut scriptum est*, probat per auctoritatem quod principes huius sæculi Dei sapientiam non cognoverunt quantum ad hoc quod prædestinata est in gloriam fideliū, dicens: *Sed sicut scriptum est*, Esa. 1. 4. ubi littera nostra habet: „Oculus non vidit, Deus, absque te quæ „preparasti his qui diligunt te. „Ostenditur autem illa gloria visionis aperte ab hominibus ignorari dupliciter. Primo quidem quia non subiacet humanis sensibus, a quibus omnibus humana cognitio initium sumit. Et ponit duos sensus. Primo visionis, quæ deservit inventioni, cum dicit, *Quod oculus non vidit*, Job xxviii. 7. „Secundo „mitam eius ignoravit avis, nec intuitus „est eam oculus vultus. Et hoc ideo quia non est aliquid coloratum, & visibile. Secundo ponit sensum auditus, qui deservit disciplinæ, dicens: *Nec auris audivit*, scilicet ipsam gloriam, quia non est sonus, aut vox sensibilis. Ioan. v. 37. „Neque speciem eius vidistis, neque vocem „eius audistis. Deinde excludit notitiam eius intellectualem, cum dicit: *Negue*

H h in

(a) id. idest nec supponitur. (b) id. qui se iactabant scire quod nesciebant.

in cor hominis ascendit: quod quidem potest intelligi uno modo ut ascendere in cor hominis dicatur quidquid quocumque modo cognoscitur ab homine, secundum illud Hier. 17. 36. „Hierusalem ascendat super cor vestrum:“ & sic oportet quod cor hominis accipiatur pro corde hominis carnalis, secundum illud quod dicitur infra 131. 3. *Cum sit inter vos zelus, & contentio, nonne carnales estis, & secundum hominem ambulatis?* Est ergo sensus, quod illa gloria non solum sensu non percipitur, sed nec corde hominis carnalis, secundum illud Ioan. xiv. 17. „Quem mundus non potest accipere, quia non videt eum, nec scit eum.“ Alio modo potest exponi, secundum quod proprie dicitur in cor hominis ascendere id quod ab inferiori pervenit ad hominis intellectum, puta a sensibilibus, de quibus prius fecerat mentionem. Res enim sunt in intellectu secundum modum eius: res igitur inferiores sunt in intellectu altiori modo quam in seipsis; & ideo quando ab intellectu capiuntur, quodammodo in cor ascendunt: unde dicitur Esa. xiv. 17. „Non erunt in memoria priora, nec ascendent super cor.“ Illa vero quæ sunt in intellectu superiora, altiori modo sunt in seipsis quam in intellectu: & ideo quando ab intellectu capiuntur, quodammodo descendunt. Iacob. 1. 17. „Omne donum perfectum desursum est, descendens a Patre luminum.“ Quia igitur illius gloriæ notitia non accipitur a sensibilibus, sed ex revelatione divina, ideo signanter dicit: *Nec in cor hominis ascendit, sed descendit, id scilicet quod præparavit Deus*, id est prædestinavit, *diligentibus se*: quia essentiale præmium æternæ gloriæ caritati debetur, secundum illud Ioan. xiv. 21. „Si quis diligit me, diligetur a Patre meo; & ego diligam eum, & manifestabo ei meipsum:“ in quo perfectio æternæ gloriæ consistit: & Iob xxxv. 33. „Annuntiavit de ea (id est de luce gloriæ) amico suo, quod possessio eius sit.“ Ceteræ autem virtutes accipiunt efficaciam merendi vitam æternam, inquantum informant caritate.

Deinde cum dicit, *Nobis autem revelavit Deus*, probat prædictam expositionem de sapientia divina per comparationem ad fideles: & primo proponit quod intendit; secundo probat propositum, ibi, *Spiritus enim omnia scrutatur*. Dicit ergo primo: Dictum est, quod sapientiam Dei nemo principum huius sæculi cognovit. *Nobis autem Deus revelavit per Spiritum suum*, quem scilicet nobis misit, secundum illud Ioan.

xiv. 26. „Paraclytus autem Spiritus sanctus, quem mittet Pater in nomine meo, ille vos docebit omnia.“ Iob xxxi. 8. „Inspiratio Omnipotentis dat intelligentiam.“ Quia enim Spiritus sanctus est spiritus veritatis, utpote a Filio procedens, qui est veritas Patris, his quibus mittitur, inspirat veritatem; sicut & Filius a Patre missus notificat Patrem, secundum illud Matth. xi. 27. „Nemo novit Patrem nisi Filius, & cui voluerit Filius revelare.“

Deinde cum dicit, *Spiritus enim omnia scrutatur*, probat quod dixerat, scilicet quod per Spiritum sanctum sit sapientia fidelibus revelata: & primo ostendit quod Spiritus sanctus ad hoc sit efficax; secundo probat quod hoc in discipulis Christi fecerat, ibi, *Nos autem non spiritum huius mundi accepimus*. Circa primum duo facit. Primo proponit quod intendit; secundo manifestat propositum, ibi, *Quis enim scit hominum quæ sunt hominis, nisi spiritus hominis, qui in ipso est?* Dicit ergo primo: Dictum est, quod per Spiritum sanctum revelavit nobis Deus suam sapientiam; & hoc fieri potuit: *Spiritus enim sanctus omnia scrutatur*: quod non est sic intelligendum, quasi inquirendo quomodo fiant, led quasi perficere, & etiam intima quarumlibet rerum novit, sicut homo quod aliquando diligenter scrutatur. Unde dicitur Sap. vii. quod spiritus intelligentiæ sanctus est omnia prospiciens, & qui capiat omnes spiritus intelligibiles, mundos, subtiles; & non solum res creatas, sed etiam profunda Dei perfecte cognoscit. Dicuntur autem profunda ea quæ in ipso latent, & non ea quæ de ipso per creaturas cognoscuntur, quæ quasi superficie tenus videntur esse, secundum illud Sap. xxi. 5. „A magnitudine speciei, & creaturæ cognoscibiliter poterit creator horum videri.“ Deinde cum dicit, *Quis enim scit hominum?* probat quod dixerat de Spiritu Dei per similitudinem humani spiritus, dicens: *Quis enim scit hominum quæ sunt hominis*, id est ea quæ latent in corde, nisi spiritus hominis, qui in eo est? id est intellectus. Et ideo quæ interior latent, videri non possunt. Signanter autem dicit, *Quis hominum?* ne ab horum cognitione etiam Deus videatur excludi: dicitur enim Hierem. xvi. 9. „Pravum est cor hominis, & quis cognoscet illud? Ego Deus“ probans corda, & scrutans renes: „quia scilicet secretorum cordis solus Deus est cognitor. Manifesta autem est ratio quare homo ea quæ in corde alterius latent, scire non potest: quia cognitio hominis a sensu

ac-

accipitur, & ideo ea quæ sunt in corde alterius, homo cognoscere non potest, nisi quatenus per signa sensibilia manifestantur, secundum illud I. Reg. xvi. 7. „Homovideret quæ foris patent, Deus autem intuetur cor.“ Sed nec Angelus bonus, nec malus ea quæ in corde hominis latent, scire potest nisi in quantum per alios effectus manifestantur: cuius ratio accipi potest ex ipso verbo Apostoli, qui dicit ea ratione spiritum hominis cognoscere quæ in corde hominis latent, quia in ipso homine est. Angelus autem neque bonus, neque malus illabatur menti humanæ, ut in ipso corde hominis sit, & intrinsecus operetur; sed hoc solus Dei proprium est: unde solus Deus est conscius secretorum cordis hominis, secundum illud Iob xvi. 20. „Ecce in conspectu testis meus, & in excelsis conscius meus.“ Secundo similitudinem adaptat ad spiritum Dei, dicens: *haec & quæ Dei sunt*, id est quæ in ipso Deo latent, *nemo agnoscit nisi spiritus Dei*: secundum illud Iob xxvi. 26. „Ecce Deus magnus vincens, scientiam nostram.“ Sed sicut ea quæ sunt in corde unius hominis alteri manifestantur per sensibilia signa, ita ea quæ sunt Dei possunt esse nota homini per sensibiles effectus, secundum illud Sap. xxi. 5. „A magnitudine speciet, & creaturæ cognoscibiliter poterit creator horum videri.“ Sed spiritus sanctus, qui est in ipso Deo, utpote Patri, & Filio consubstantialis, secreta divinitatis per seipsum videt, secundum illud Sap. vii. 22. „Est enim in illis (scilicet Dei sapientia) spiritus intelligentiæ sanctus, omnem habens virtutem, omnia proficiens.“ Deinde cum dicit, *Nam autem non spiritum huius mundi accepimus*, ostendit quomodo cognitio spiritus sancti percipitur, dicens: Licet nullus hominum per se possit scire quæ sunt Dei; nos

autem, spiritu sancto scilicet repleti, non accepimus spiritum huius mundi, sed spiritum qui a Deo est. Nominem autem spiritus, vis quædam vitalis, & cognitiva, & motiva intelligitur. Spiritus ergo huius mundi potest dici sapientia huius mundi, & amor mundi, quo impellitur homo ad agendum ea quæ mundi sunt. Hunc autem spiritum sancti Apostoli non receperunt, mundum abicientes, & continentibus; sed receperunt spiritum sanctum, quo corda eorum illuminata sunt, & inflammata ad amorem Dei, secundum illud Ioan. xiv. 26. „Paracletus autem spiritus sanctus, quem mittet Pater in nomine meo, ille vos docebit omnia:“ & Num. xiv. 24. „Servum meum Caleph, qui plenus est alio spiritu, & secutus est me, introduceam in terram hanc.“ Spiritus autem huius mundi errare facit, secundum illud Ela. xix. 3. „Dirumperetur spiritus Aegypti in visceribus eius, & consilium eius præcipitabo.“ Ex divino autem spiritu eius consecuti fumus ut sciamus quæ a Deo data sunt nobis, ut sciamus de rebus divinis quantum unicuique Deus donavit: quia, sicut dicitur Ephes. iv. 7. „unicuique data est gratia secundum mensuram donationis Christi.“ Vel potest intelligi, spiritum Dei donatum sanctis, ut dona spiritualia cognoscant, quæ non habentes eundem spiritum ignorant, secundum illud Apoc. ii. 17. „Vincenti dabo manna absconditum, quod nemo scit nisi qui accipit.“ Ex hoc autem accipi potest quod sicut nemo novit Patrem nisi Filius, & cui voluerit Filius revelare, ut dicitur Matth. xi. ita nemo novit quæ sunt Dei Patris, & Filii, nisi spiritus sanctus, & qui ipsum acceperunt; & hoc ideo quia sicut Filius consubstantialis est Patri, ita spiritus sanctus Patri, & Filio.

L E C T I O III.

Quæ & loquimur, non in doctis humanæ sapientiæ verbis, sed in doctrina spiritus, spiritualibus spiritualia comparantes. Animalis autem homo non percipit ea quæ sunt spiritus Dei: stulticia enim est illi, & non potest intelligere, quia spiritualiter examinatur. Spiritualis autem iudicat omnia, & ipse a nemine iudicatur: sicut scriptum est: Quis enim cognovit sensum Domini, aut quis instruxit eum? Nos autem sensum Christi habemus.

Dixerat supra Apostolus: *Sapientiam loquimur inter perfectos*. Postquam ergo manifestavit qualis sit hæc sapientia, quia mundanis hominibus incognita, cognita au-

tem sanctis; hic manifestat quæ ratione hæc sapientiam sancti inter perfectos loquuntur: & primo proponit quod intendit, secundo assignat rationem, ibi, *Animalis*

H b 2 autem

autem homo non percipit ea quæ sunt Spiritus Dei. Circa primum primo proponit revelatorum manifestationem, dicens: Didum est, quod Spiritum Dei accepimus, ut sciamus quæ a Deo donata sunt nobis: quæ, scilicet nobis per Spiritum revelata sunt, sequimur: sunt enim eis revelata ad utilitatem: unde & A. 11. 4. dicitur: „Re-“ pleti sunt omnes Spiritu sancto, & co-“ perunt loqui, “ Secundo tangit modum enarrandi, excludens modum inconveni-entem, dicens: *Nam in doctis humana sapientia verbis*; idest, non nitimur ad probandam nostram doctrinam per verba composita ex humana sapientia, sive quantum ad orna-um verborum, sive quantum ad subtilita-tem rationum. Efa. xxxiii. 19. „Populum“, alti sermonis non videbis. „Astruit(a) autem modum convenientem, cum dicit: *Sed in doctrina Spiritus*; idest, prout Spiritus sanctus nos loquentes interius docet, & audi-
torum corda ad capiendum illustrat. Ioan. xvi. 13. „Cum venerit ille Spiritus veri-“ tatis, docebit vos omnem veritatem. “
Tercio determinat auditores, dicens: *Spi-ritualibus spiritualia comparantes*; quasi dicat: Recta comparatione spiritualia documenta tradimus spiritualibus viris, quibus sunt convenientia. Il. Tim. ii. 2. „Hæc com-“ menda fidelibus viris, qui idonei erunt & alios docere. “ Eosdem autem hic nominat spirituales quos supra perfectos: quia per Spiritum sanctum homines perficiuntur in virtute, secundum illud Psalm. xxxiii. 6. „In Spiritu oris eius omnis virtus“ eorum. “

Deinde cum dicit, *Animalis homo &c.*, assignat rationem dictorum: & primo ostendit quare spiritualia non sunt tradenda animalibus hominibus: secundo quare sunt tradenda spiritualibus, ibi, *Spiritualis autem iudicat omnia*. Circa primum duo facit. Primo ponit rationem; secundo manifestat eam, ibi, *Stultitia animi est illi*. Ratio ergo talis est. Nulli sunt tradenda documenta quæ capere non potest; sed homines ani-
males non possunt capere spiritualia docu-
menta: ergo non sunt eis tradenda. Hoc est ergo quod dicit: *Animalis homo non percipit ea quæ sunt Spiritus Dei*. Et ideo re-
cta ratione non possunt tradi eis.

Ubi primo considerandum est quis homo dicatur animalis. Est ergo considerandum, quod anima est forma corporis. Unde prop-
rie animæ intelliguntur illæ vires quæ sunt actus corporalium organorum, scilicet

vires sensitivæ. Dicuntur ergo homines animales qui huiusmodi vires sequuntur, inter quas est vis apprehensiva, & appeti-
tiva; & ideo potest dici homo dupliciter animalis. Uno modo quantum ad vim ap-
prehensivam, & hic dicitur animalis sen-
situs, qui, sicut dicitur in Glossa, de Deo
iuxta corporum phantasiam, vel legis litte-
ram, vel rationem philosophicam iudicat,
quæ secundum vires sensitivas accipiuntur.
Alio modo dicitur quis animalis quantum
ad vim appetitivam, quæ scilicet afficitur so-
lum ad ea quæ sunt secundum appetitum
sensitivum; & talis dicitur animalis vita,
qui, sicut dicitur in Glossa, sequitur disso-
lutam lasciviam animæ suæ, quam inter
naturalis ordinis metas spiritus rector non
continet. Unde dicitur in Canonica Iudæ
vers. 19. „Hi sunt qui sequebantur semetipsos“,
animales, spiritum non habentes. “

Secundo autem videndum quare tales
non possunt percipere ea quæ sunt Spiritus
Dei: quod quidem manifestum est & quan-
tum ad animalem sentium, & quantum ad
animalem vitam. Ea enim de quibus Spi-
ritus sanctus illustrat mentem, sunt supra
sensum, & rationem humanam, secundum
illud Ecclesi. iiii. 25. „Plura supra sensum“
hominis ostensa sunt tibi: “ & ideo ab
eo capi non possunt qui soli cognitioni
sensitivæ innititur. Spiritus etiam sanctus
accendit affectum ad diligendum spiritualia
bona, sensibilibus bonis contemptis; & ideo
ille qui est animalis vitæ, non potest ca-
pere huiusmodi spiritualia bona: quia
Philosophus dicit in IV. Ethic. (lect. xv.)
quod qualis unusquisque est, talis finis vi-
detur ei. Prov. xviii. 2. „Non recipit“
stultus verba prudentiæ, nisi ei dixeris
quæ versantur in corde eius. “ Ecclesi.
xiii. 9. „Cum dormiente loquitur qui nar-“
rat sapientiam stulto. “

Deinde cum dicit, *Stultitia enim est illi*,
manifestat quod dixerat per signum: cum
enim aliquis aliqua sapienter dicta repro-
bat quasi stulta, signum est quod ea non
capiat. Quia igitur animalis homo ea quæ
sunt Spiritus Dei reputat stulta, ex hoc
manifestatur quod ea non capit: & hoc est
quod dicit: *Stultitia animi est illi*, scilicet
animali: iudicat enim esse stulta quæ
secundum Spiritum Dei aguntur. Ecclesi. x. 3.
„In via stultus ambulans, cum ipse sit in-“
sapiens, omnes stultos estimat. “ Quod
autem homini animai, quæ secundum spi-
ritum sunt, videantur stulta, non procedit

ex rectitudine sensus; sicut sapientes aliqua indicant esse ita quæ ita videntur sapientia; (a) sed propter defectum intellectus: quia homo sensui deditus non potest intelligere ea quæ supra sensum sunt, & homo carnalibus affectibus non intelligit esse bonum nisi quod est delectabile, secundum carnem: & hoc est quod sequitur: *Et non potest intelligere*. Plal. lxxx. 5. "Nebris ambulat." Quare autem non possit intelligere, ostendit subdicens: *Quia spiritualiter examinatur*; id est, spiritualium examinatio fit spiritualiter: numquam enim inferior potest examinare, & iudicare ea quæ sunt superioris, sicut sensus non potest examinare ea quæ sunt intellectus; & similiter neque sensus, neque ratio humana potest iudicare ea quæ sunt Spiritus Dei: & ita relinquitur quod huiusmodi solo Spiritu sancto examinantur, secundum illud Plalm. xviii. 31. "Eloquia Domini igne examinata," probata scilicet a Spiritu sancto. Quia ergo animalis homo caret Spiritu sancto, non potest spiritualia examinare, & per consequens nec ea intelligere.

Deinde cum dicit, *Spiritualis autem indicat omnia*, assignat rationem quare spiritualibus spiritualia tradantur: & primo ponit rationem; secundo manifestat (b) eam, ibi, *Quis enim novit sensum Domini?* Assignat autem talem rationem. Illi tradenda sunt spiritualia qui potest iudicare, secundum illud Iob xii. 11. "Auris verba diu." dicat; "sed spiritualis est huiusmodi: ergo ei spiritualia sunt tradenda: & hoc est quod dicit: *Spiritualis autem indicat omnia, & ipse a nemine indicatur*."

Ubi primo videndum est quis homo dicitur spiritualis. Est autem notandum, quod spiritus nominare consuevimus substantias incorporeas: quia igitur aliqua pars animæ est quæ non est aliquis organice corporei actus, scilicet pars intellectiva comprehendens intellectum, & voluntatem; huiusmodi pars animæ spiritus hominis dicitur, quæ tamen a Spiritu Dei & illuminatur secundum intellectum, & inflammatur secundum affectum, & voluntatem. Dupliciter ergo dicitur homo spiritualis. Uno modo ex parte intellectus, Spiritu Dei illustrante; & secundum hoc in Glossa dicitur, quod homo spiritualis est qui Spiritui Dei subiectus certissime, ac fideliter spiritualia cognoscit. Alio modo ex parte

voluntatis, Spiritu Dei inflammante; & hoc modo dicitur in Glossa, quod spiritualis vita est quæ Spiritum Dei habens rectiorem, animam regit, id est animales vires. Galat. ult. 1. "Vos, qui spirituales," estis, instruite huiusmodi in spiritu lenitatis."

Secundo considerandum est quare spiritualis diiudicat omnia, & ipse a nemine iudicatur. Ubi notandum est, quod in omnibus ille qui recte se habet, rectum iudicium habet circa singula; ille autem qui in se rectitudinis defectum patitur, deficit etiam in iudicando: vigilans enim recte iudicat & se vigilare, & alium dormire; sed dormiens non habet rectum iudicium de se, nec de vigilante. Unde non sunt res tales quales videntur dormienti, sed quales videntur vigilant. Et eadem ratio est de sano, & infirmo circa iudicium sanorum; & de debili, & forti circa iudicium ponderum; & de virtuoso, & vitioso circa agibilia. Unde & Philosophus dicit in V. Ethic. (lect. 111.) quod virtuosus est regula, & mensura omnium humanorum, quia scilicet in rebus humanis talia sunt singularia, qualia virtuosus iudicat ea esse; & secundum hunc modum Apostolus hic dicit, quod *spiritualis indicat omnia*, quia scilicet homo habens intellectum illustratum, & affectum ordinatum per Spiritum sanctum, de singulis quæ pertinent ad salutem, rectum iudicium habet. Ille autem qui non est spiritualis, habet etiam intellectum obscuratum, & affectum inordinatum circa spiritualia bona; & ideo ab homine non spirituali spiritualis homo iudicari non potest, sicut nec vigilans a dormiente. Quantum ergo ad primum horum dicitur Sap. 111. quod iudicabunt iusti nationes; quantum ad secundum dicitur infra 14. 3. *Mihi proximis est ut a vobis iudicer, aut ab humano die*.

Deinde cum dicit, (c) *Quis enim novit sensum Domini?* manifestat rationem inducendam: ad primo inducit auctoritatem; secundo adaptat ad propositum, ibi, *Nos autem sensum Christi habemus*. Est autem considerandum, quod ad hoc quod aliquis possit de aliquo homine iudicare, duo requiruntur. Primo ut iudicans cognoscat ea quæ sunt iudicati: quia, ut dicitur I. Ethic. (cap. 111.) unusquisque bene iudicat quæ cognoscit, & horum est optimus index. Ex quo patet quod sensum, id est sapientiam Dei omnia iudicantem, nullus possit diiudicare: ideo dicit:

(a) In editis amittitur sed. (b) A. causam. (c) Omnia hic (Vulgata coherentius) sicut scriptum est, quod habetur in reza.

dicat : *Quis enim novit sensum Domini ?* quasi dicat, nullus : quia sapientia Dei excedit omnem (a) capacitatem hominis . Eccli. 1. 3. „ Sapientiam Dei præcedentem „ omnia quis investigavit ? „ Sap. 11. 17. „ Sensus autem tuum quis scire poterit „ nisi tu dederis sapientiam ? „ Secundo requiritur quod iudicans sit superior iudicatus : unde dominus habet iudicium de servo , magister de discipulo . Ex quo etiam patet quod nullus potest sensum Dei iudicare : propter quod sequitur : *Aut quis instruxit eum ?* quasi dicat, nullus . Non enim habet scientiam ab aliquo acceptam , sed potius fontem omnis scientiæ , Job xxvi. 3. „ Cui dedisti consilium ? Forsitan ei qui „ non habet sapientiam ? „ Videntur au-

tem verba hæc assumpta ex eo quod dicitur Esa. xl. 13. „ Quis adjuvit spiritum „ Domini , aut quis consiliarius eius fuit ? „ & ostendit illi cum quo inire consilium , „ & instruxit eum ? „ Deinde adaptat quod dixerat ad propositum , dicens : *Nos autem* , scilicet spirituales viri , *sensum Christi habemus* ; idest , recipimus in nobis sapientiam Christi ad iudicandum . Eccli. xvi. 6. „ Crea- „ vit illis scientiam spiritus , sensu adim- „ plevit corda illorum . „ Luc. ultim. 45. dicitur quod „ aperuit illis sensum ut in- „ telligerent Scripturas . „ (b) Et ita , quia sensus Christi diiudicari non potest , conveniens est quod spiritualis , qui sensum Christi habet , a nemine iudicetur .

C A P I T I S T E R T I I

L E C T I O L

ET ego , fratres , non potui vobis loqui quasi spiritualibus , sed quasi carnalibus : tamquam parvulis in Christo lac vobis potum dedi , non escam . Nondum enim poteratis ; sed nec nunc quidem potestis : adhuc enim carnales estis . Cum enim sit inter vos zelus , & contentio , nonne carnales estis , & secundum hominem ambulatis ? Cum enim quis dicat , Ego quidem sum Pauli ; alius autem , Ego Apollo ; nonne homines estis ? Quid igitur est Apollo ? Quid vero Paulus ? Ministri eius cui credidistis ; & unicuique sicut Dominus dedit . Ego plantavi , Apollo rigavit ; sed Deus incrementum dedit . Itaque neque qui plantat , est aliquid , neque qui rigat , sed qui incrementum dat Deus . Qui autem plantat , & qui rigat , unum sunt .

Supra Apostolus (a) ostenderat contentionem , & divisionem Corinthiorum , qui propter ministros Christi , a quibus baptizati , & docti erant , ad invicem disceptabant ; hic incipit eorum iudicium , quod habebant de ministris , improbare ; ex quo iudicio contentiones in eis procedebant : & circa hoc duo facit . Primo improbat eorum iudicium , quantum ad hoc quod quibusdam ministrorum , de quibus gloriabantur , plus attribuebant quam deberent ; secundo quantum ad hoc quod alios Christi ministros contemnebant , 1v. cap. ibi , *Sic vos existimatis homo* . Circa primum duo facit . Primo ostendit detrimentum quod patiebantur propter contentiones ex perverso iudicio provenientes ; secundo improbat eorum perversum iudicium , ibi , *Quid*

ignitur est Apollo ? Circa primum duo facit . Primo ponit detrimentum quod hæcenus passi erant propter eorum defectum ; secundo ostendit quod adhuc idem pariuntur , ibi , *Sed vos nunc quidem potestis* . Circa primum tria facit . Primo ponit detrimentum quod hæcenus passi erant propter eorum defectum . Dixerat enim supra , quod Apostoli quidem spiritualia documenta spiritualibus irradabant , quæ animales homines percipere non poterant ; quod eis adaptat dicens : *Et ego , fratres* , qui scilicet inter alios Apostolos spiritualibus spiritualia loquor , non potui , scilicet convenienter , vobis loqui quasi spiritualibus , ut scilicet traderem vobis spiritualia documenta , sed quasi carnalibus , scilicet locutus sum vobis : eisdem enim carnales dicit quos supra animales ,

(a) *M.* cupiditatem . (b) *M.* Et ita quia sicut sensus . (c) *M.* ostenderat errorem Corinthiorum .

males, quibus oportet tradi ea quæ sunt infirmitati eorum accommodata. *Ela. xxviii. 9.* „ Quem docebit scientiam, & quem intelligere faciet auditum? Abactatos a lacte, avulsos ab uberibus, „ idest a carnali conversatione, & sensu. Secundo adhibet similitudinem, dicens: *Tamquam parvulus in Christo*, idest parum adhuc introductus in perfectam doctrinam fidei, quæ spiritualibus debetur. *Hebr. v. 13.* „ Omnis „ qui lactis est particeps, expertus est sermone iustitiæ, parvulus enim est; „ perfectiorum autem est solidus cibus. „ Tertio rationem assignat, ne credatur ex invidia eis spirituales doctrinam subtrahisse; contra quod dicitur *Sap. vii. 13.* „ Quam sine fictione didici, & sine invidia „ communico. „ Unde subditur: *Nondum enim poteratis*; quasi dicat: Non subtraxi vobis eam propter meam (a) invidiam, sed propter vestram impotentiam: quia verba spiritualia *nondum* bene poteratis capere, secundum illud *Ioan. xvi. 12.* „ Adhuc „ multa habeo vobis dicere; sed non potestis portare modo. „ Deinde cum dicit, *Sed nec nunc quidem potestis*, ostendit quod adhuc idem detrimentum patiuntur: & primo quidem ponit impotentiam cui adhuc subiacebant, dicens: *Sed nec nunc quidem potestis*; quasi dicat: Quod a principio perfectam doctrinam capere non poteratis, non mirum fuit: (b) quia hoc vestræ novitati competeat, secundum illud *I. Petr. ii. 2.* „ Sicut modo geniti infantes lac „ concupiscite. „ Sed hoc videtur esse culpabile quod post tantum tempus in quo proficere debuistis, eandem impotentiam retinetis, secundum illud *Hebr. v. 12.* „ Cum „ deberetis magistri esse propter tempus, rursus indigetis doceri quæ sunt „ elementa sermonum Dei. „ Secundo assignat prædictæ impotentiae rationem, dicens: *Adhuc enim carnales estis*, scilicet vitia, & sensu; & ideo ea quæ sunt spiritus, capere non potestis; sed sapitis ea quæ sunt carnis, secundum illud *Rom. vii. 5.* „ Qui secundum carnem sunt, quæ carnis „ sunt sapient. „ Tertio ponit rationem probationis inducæ, dicens: *Cum enim initer vos sit zelus, & contentio, nonne carnales estis, & secundum hominem ambulatis?* „ Ubi considerandum est, quod recte coniungit zelum, & contentionem: quia zelus, idest invidia, est contentiois materia: invidius enim tristatur de bono alterius, quod

ille nititur promovere, & ex hoc sequitur contentio. Unde *Iacob. iii. 16.* „ Ubi zelus, & contentio, ibi inconstancia, & „ omne opus pravam. „ Et similiter e converso caritas, per quam quis diligit bonum alterius, est materia pacis. Secundo considerandum est, quod zelus, & contentio non habent locum nisi in carnalibus hominibus: quia ipsi (c) ad bona corporalia afficiuntur, quæ simul a pluribus integre possideri non possunt: & ideo propter hoc quod aliquis aliquid bonum corporale possidet, alius impeditur a plena possessione illius; & ex hoc sequitur invidia, & per consequens contentio. Sed spiritualia bona (d) quibus spirituales afficiuntur, simul a pluribus possideri possunt; & ideo bonum unius non est alterius impedimentum: & propter hoc in talibus nec invidia, nec contentio locum habet. Uode *Sap. vii. 13.* „ Sine invidia commuico. „ Tertio considerandum est, quare homines (e) carnales dicit secundum hominem ambulare, cum tamen homo est spiritus, & carne componatur. Quia naturæ humanæ consonum est ut spiritus cognitionem a sensibus carnis accipiat: unde consequenter affectus rationis humanæ secundum ea quæ sunt carnis, movetur, nisi spiritus hominis per Spiritum Dei supra hominem eleveetur. Unde dicitur *Ecclesi. xxxiv. 6.* „ Sicut parturientis cor tuum phantasias patitur, nisi „ ab Altissimo fuerit emissæ visitatio. „ Est ergo sensus. *Secundum hominem*, idest secundum naturam humanam sibi a Dei Spiritu derelictam; sicut & in *Psalm. xv. 3.* dicitur: „ Filii hominum usque quo gravi „ corde? Ut quid diligitis vanitatem, & „ queritis meodacium? „ Quarto manifestat probationem inducæ, dicens: *Cum enim quis, idest aliquis vestrum, dicit, Ego quidem sum Pauli*, quia a Paulo baptizatus, & doctus; *alius autem, Ego Apollo*, genitivi casus; per quod denotatur in vobis esse zelus, & contentio; *nonne homines estis*, scilicet carnales, & non spirituales, utpote zelum, & contentionem habentes pro rebus humanis? Qualis enim homo est, talibus rebus afficitur, & per affectum inhæret, secundum illud *Osæe ix. 10.* „ Fidei „ sunt abominabiles sicut ea quæ dilexe- „ runt. „

Deinde cum dicit, *Quid igitur est Apollo?* improbat eorum iudicium, quantum ad hoc quod plus ministris attribuebant quam deberent:

(a) *Id. idest invidiam.* (b) *Id. quia hoc necesse.* (c) *Id. circa bona.* (d) *Id. ad quæ.*
(e) *Id. omnitero carnales.*

berent : & primo offendit veritatem ; secundo excludit errorem , ibi , *Nemo vos seducat* ; tertio infert conclusionem intentam , ibi , *Itaque nemo gloriatur in hominibus*. Circa primum duo facit . Primo ostendit conditionem ministrorum ; secundo agit de eorum mercede , ibi , *Unusquisque propriam mercedem accipiet*. Circa primum tria facit . Primo ponit ministrorum conditionem ; secundo ponit similitudinem , ibi , *Ego plantavi* , *Apollo rigavit* ; tertio ostendit intentum , ibi , *Itaque neque qui plantat*. Circa conditionem autem ministrorum duo tangit . Primo quod non sunt domini , sed ministri , dicens : Vos de Paulo , & Apollo gloriamini . Igitur quero a vobis : *Quid est Apollo* , & *quid Paulus* , idest cuius dignitatis , vel potestatis , ut digne de eis gloriari possitis ? Et respondet : *Ministri eius* , scilicet Dei , sunt ; quasi dicat : Quod agunt in baptismo , & in doctrina , non principaliter agunt sicut domini , sed sicut ministri eius , secundum illud Esa. lx. 6. „ *Ministri Dei* , dicitur vobis .” Possent autem alicui videri magnam esse , ministrum Dei esse , & gloriandum esse in hominibus de ministeriis Dei . Et vere esset , si sine hominibus non pateret accessus ad Deum , sicut illi qui solent gloriari de ministeris Regis , sine quibus non patet aditus ad Regem . Sed hoc hic locum non habet , quia fideles Christi per fidem habent accessum ad Deum , secundum illud Rom. v. 2. „ Per quam accessum habemus ad Deum per fidem , & gratiam istam in qua stamus , & gloriamur in spe gloriæ filiorum Dei .” Ideo signanter addit , *Cui credidistis* ; quasi dicat : Per fidem iam estis coniuncti Deo , non hominibus . Unde supra 11. 5. dictum est : *Ut fides vestra non sit in sapientia hominum , sed in virtute Dei* . Et ideo primo de Deo est vobis gaudendum quam de hominibus . Conringit autem quod ministri hominum , vel dominorum , vel artificum primo habeant a seipsis aliquam dignitatem , vel virtutem , ex qua idonei ad ministerium sunt ; sed hoc non est de ministris Dei : & ideo secundo ostendit quod tota dignitas , & virtus ministrorum est a Deo , dicens : *Ita unicuique sicut Deus dixit* ; quasi dicat : Instantum aliquis , & unusquisque nostrum habet de virtute ministrandi , in quantum ei Deus dedit : unde nec sic nobis est gloriandum . II. Corinth. 11. 5. „ Sufficientia nostra a Deo est , qui idoneos nos fecit , cit ministris novi testamenti .”

Deinde cum dicit , *Ego plantavi* , ponit similitudinem ministrorum ex similitudine

agricolarum : ubi duplex differentia operationum intelligitur . Una operationis unus ministri ad operationem alterius ; & quantum ad hoc dicit : *Ego plantavi* ; idest in prædicatione ad modum plantantis me habui , quia scilicet primum vobis prædicavi fidem . Esa. 11. 16. „ *Posui verba mea in ore tuo , ut plantes cælos* .” *Apollo rigavit* ; idest , ad modum rigantis se habuit , qui aquam plantis exhibet ad hoc ut nutriantur , & crescant . Et similiter legitur Act. xviii. quod cum Paulus multos Corinthiorum convertisset , supervenit Apollo , qui multum contulit his qui crederent , publice ostendens per Scripturam esse Iesum Christum . Eccli. xxiv. 42. dicitur : „ *Rigabo hortum meum plantationum* .” Secunda differentia est operationis ministrorum , qui exterius operantur plantando , & rigando , ad operationem Dei , qui interius operatur : unde subdit : *Sed Deus incrementum dedit* , interius scilicet operando . II. Corinth. 12. 10. „ *Augebit incrementa frugum iustitiæ vestræ* .” Sic etiam in rebus corporalibus plantantes , & rigantes exterius operantur ; sed Deus operatur interius per operationem naturæ ad incrementa plantarum .

Deinde cum dicit , *Itaque neque qui plantat , neque qui rigat , est aliquid* , infert ex præmissis duas conclusiones : quarum prima infertur secundum comparisonem ministrorum ad Deum , dicens : Ex quo Paulus plantavit , & Apollo rigavit , non sunt nisi ministri Dei , & non habent aliquid nisi a Deo , & non operantur nisi exterius , Deo interius operante . *Itaque neque qui plantat est aliquid* , scilicet principaliter , & magnum , de quo sit gloriandum ; *neque qui rigat* ; sed qui incrementum dat Deus : ipse enim per se est aliquid principale , & magnum , de quo est gloriandum : actio enim non attribuitur instrumento , cui comparatur minister , sed principali agenti . Unde Esa. xl. 17. dicitur : „ *Omnes gentes quasi non sint* , sic sunt coram eo .” Secundam conclusionem infert pertinentem ad comparisonem ministrorum ad invicem , dicens : *Qui plantat autem , & qui rigat* , cum sint ministri Dei , & nihil nisi a Deo habentes , & solum exterius operantes , unum sunt , ex conditione naturæ , & ministerii ratione , quia scilicet non potest unus alteri præferri nisi secundum donum Dei ; & ita , quantum in se ipsis est , unum sunt . Et quia consequenter in intentione ministrandi Deo unum sunt per concordiam voluntatis , idco stultum est de his qui unum

unum sunt dissensu. Psal. cxxxix. 1. (a) „ Multi unum corpus sumus in Chri-
 „ Ecce quam bonum, & quam iucundum „ flo. “
 „ habitare fratres in unum. Rom. xii. 5.

LECTIO II.

Unusquisque propriam mercedem accipiet secundum suum laborem: Dei enim sumus adiutores, Dei agricultura estis, Dei ædificatio estis. Secundum gratiam Dei quæ data est mihi, ut sapiens architectus fundamentum posui; alius autem superædificat. Unusquisque autem videat quomodo superædificet: fundamentum enim aliud nemo potest ponere præter id quod positum est, quod est Christus Iesus. Si quis autem superædificat supra fundamentum hoc, aurum, argentum, lapides pretiosos, ligna, fenum, stipulam; unuscuiusque opus manifestum erit: dies enim Domini declarabit, quia in igne revolabitur; & unuscuiusque opus quale sit, ignis probabit. Si cuius opus manserit, quod superædificavit, mercedem accipiet: si cuius opus arserit, detrimentum patietur; ipse autem salvus erit, sic tamen quasi per ignem.

Supra Apostolos ostendit qualis sit conditio ministrorum; hic agit de remuneratione eorum: & primo (b) agit de mercede bonorum ministrorum; secundo agit de punitione malorum; ibi, *Nescitis quia templum Dei estis?* Circa primum tria facit. Primo promittit ministris mercedem propriam; secundo rationem assignat, ibi, *Dei enim sumus adiutores*; tertio agit de diversitate mercedis, ibi, *Secundum gratiam Dei*. Dicit ergo primo: Dictum est, quod neque qui plantat est aliquid, neque qui rigat; non tamen inutiliter plantat, vel rigat; sed unusquisque propriam mercedem accipiet (c) secundum suum laborem. Quamvis enim qui incrementum dat, sit Deus, & ipse solus interius mercedem tribuit, secundum illud Hierem. xxxi. 16. „ Quiescat vox „ tua a ploratu, & oculi tui a lacrymis, „ quia merces est operi tuo. “ Quæ quidem est ipse Deus, secundum illud Genes. xv. 1. „ Ego protector tuus sum, & merces tua multa nimis. “ Pro qua mercede laborantes mercenarii laudantur, secundum illud Luc. xv. 17. „ Quanti mercenarii in domo patris mei abundante panibus? “ Alioquin si pro alia mercede in opere Dei aliquis laborat, laudandus non est, secundum illud Ioan. x. 12. „ Mercenarius autem, cuius non sunt oves propriæ, videt lupum venientem, & fugit. “ Hæc autem merces & communis est omnibus, & propria singulorum: communis quidem, quia idem est quod omnes videntur, S. Tb. Oper. Tom. VI.

& quo omnes fruuntur, scilicet Deus, secundum illud Job xxii. 26. „ Super Omnem „ potentem deliciis affluens, & levabis ad „ Deum faciem tuam: “ Esa. xxviii. 5. „ In „ illa die erit Dominus exercituum coror „ na gloriæ, & solum exultationis popu „ lo suo: “ & ideo Matth. xx. omnibus laborantibus in vinea datur unus denarius: propria vero merces erit singulorum, quia unus alio clarius videbit, & plenius fruetur, secundum determinatam sibi mensuram. Unde & Daniel. xii. 3. illi qui docti sunt, comparantur splendori firmamenti: „ qui „ ad iustitiam erudiunt plurimos, quasi „ stellæ. “ Hinc est quod Ioan. xiv. 2. dicitur: „ In domo Patris mei mansiones „ multæ sunt: “ propter quod etiam hic dicitur: *Unusquisque propriam mercedem accipiet*. Ostendit autem secundum quid attendatur mensura propriæ mercedis, cum subdit, *Secundum suum laborem*. Unde & in Psal. cxxvi. 2. dicitur: „ Labores manuum „ tuarum quia manducabis, beatus es, & „ bene tibi erit. “ Non tamen per hoc designatur (d) æqualitas secundum quantitatem laboris ad mercedem: quia, ut dicitur II. Corinth. iv. 17. „ quod in præ „ senti est momentaneum, & leve tribu „ lationis nostræ, supra modum in subli „ mitate æternum gloriæ pondus operabi „ tur in nobis. “ Sed æqualitatem designat proportionis, ut scilicet ubi est potior labor, ibi sit potior merces. Potest autem intelligi labor esse potior tripliciter. Primo quidem secundum formam ca-

II ii.

(a) Ps. Ecce quam iucundum &c. (b) Ps. ponit. (c) Al. suam propriam. (d) Al. æqualit: laboris ad mercedem.

ritatis, cui respondet merces essentialis (a) præmii, scilicet fruitionis, & visionis divinæ: unde dicitur Ioan. xiv. 21. „Qui diligit me, diligitur a Patre meo; & ego diligam eum, & manifestabo ei me, ipsum.“ Unde qui ex maiori caritate laborat, licet minorem laborem patiat, plus de præmio essentiali accipiet. Secundo ex specie operis: sicut enim in rebus humanis ille magis præmiatur qui in digniori opere laborat, sicut architector, quam artifex manualis, licet minus laboret corporaliter; ita etiam in rebus divinis ille qui in nobiliori opere occupatur, maius præmium accipiet quantum ad aliquam prærogativam præmii accidentalis, licet forte minus corporaliter laboret: unde aureola datur doctoribus, virginibus, & martyribus. Tertio ex quantitate laboris: quod quidem contingit dupliciter. Nam quandoque maior labor maiorem mercedem meretur, præcipue quantum ad remissionem peccati, puta quod diutius ieiunat, vel longius peregrinatur; & etiam quantum ad gaudium quod percipiet de maiori labore: unde Sap. x. 17. dicitur: „Reddidit Deus (scilicet iustus) mercedem laborum suorum.“ Quandoque vero est maior labor ex defectu voluntatis: in his enim quæ propria voluntate faelms, minorem laborem sentimus. Et talis magnitudo laboris non augebit, sed minuet mercedem: unde dicitur Esa. xl. 31. „Assument pennas utaq; læ; current, & non laborabunt; volabunt, & non deficient:“ & ibi præmittitur: „Deficient pueri, & laborabunt.“

Deinde cum dicit, *Dei enim sumus*, assignat rationem eius quod dixerat: & primo ponit rationem; secundo adhibet similitudinem, ibi, *Dei agricultura offis*. Dicit ergo primo: Recte quilibet nostrum mercedem accipiet: *Dei enim sumus adiutores*, scilicet secundum nostros labores.

Contra quod videtur esse quod Iob xxv. 2. „Cuius adiutores? Numquid imbecillis?“ & Psalm. xl. 13. „Quis adiuvit Spiritum Do- mini?“

Dicendum est autem, quod dupliciter aliquis alium adiuvat. Uno modo augendo eius virtutem; & sic nullus potest esse Dei adiutor: unde & post præmissa verba Iob subditur: „Et sustentas brachium eius qui non est fortis?“ Alio modo obsequendo operationi alterius, sicut si minister dicatur domini adiutor, inquantum exequitur

opus eius, aut ministerium artificis; & hoc modo ministri Dei sunt eius adiutores, secundum illud II. Corinth. vi. 1. „Adiuvantes autem exhortamur.“ Sicut ergo ministri hominum exequentes eorum opera, mercedem ab eis accipiunt secundum suum laborem, ita & ministri Dei.

Secundo adhibet similitudinem simplicis operis, scilicet agriculturæ, & ædificationis. Populus quidem fidelis ager est, a Deo cultus, inquantum per operationem divinam fructum boni operis (b) Deo acceptum producit, secundum illud Rom. vii. 4. „Sitis alterius, qui ex mortuis resurrexit, ut fructificetis Deo:“ & Ioan. xvi. 1. dicitur: „Pater meus agricola est.“ Et hoc est quod primo dicitur: *Dei agricultura offis*, id est quasi ager a Deo cultus, & fructum ferens eius opere; & populus fidelis est quasi domus a Deo ædificata, inquantum scilicet Deus in eis habitat, secundum illud Ephes. ii. 22. „Et vos cœdificamini in habitaculo Dei:“ ideo secundo dicitur: *Dei ædificatio offis*, id est ædificium a Deo constructum, secundum illud Psal. cxxvi. 1. „Nisi Dominus ædificaverit domum, in vanum laboraverunt qui ædificant eam.“ Sic igitur ministri Dei sunt adiutores, inquantum laborant in agricultura, & ædificatione fidelis populi:

Deinde cum dicit, *Secundum gratiam Dei*, agit de diversitate mercedis: & quia merces distinguitur secundum distinctionem laboris, ut dictum est; ideo primo agit de diversitate laboris; secundo de diversitate mercedis, ibi, *Si quis superædificat*. Circa primum duo facit. Primo ponit distinctionem laborum; secundo subiungit admonitionem, ibi, *Ut quisque autem videat quomodo superædificet*. Circa primum duo facit. Primo, relicta similitudine agriculturæ, quam supra profecutus fuerat, sub similitudine ædificationis suum proprium laborem describit, dicens: *Secundum gratiam Dei, quæ data est mihi, ut sapiens architectus fundamentum posui*. Ubi considerandum est, quod architectus dicitur principalis artifex, & maxime ædifici, ad quem pertinet comprehendere summam dispositionem totius operis, quæ perficitur per operationem manualium artificum: & ideo dicitur sapiens in ædificio (c) qui simpliciter sapiens est, quia summam causam cognoscit, scilicet Deum, & alios secundum Deum or-

(a) *M. minister* præmii, scilicet fruitionis, & visionis divinæ. (b) *M. Deo producant*. (c) *Al. qui simpliciter sapiens est qui dec.*

ordinat. Ita sapiens in ædificio dicitur qui principalem causam ædificii, scilicet finem, considerat, & ordinat inferioribus artificibus quid sit propter finem agendum. Manifestum est autem quod tota (a) structura ædificii ex fundamento dependet; & ideo ad sapientem architectum pertinet idoneum fundamentum collocare. Ipse autem Paulus fundamentum spiritualis ædificii collocavit Corinthiis: unde supra dixit, *Ego plantavi*: sicut enim hic habet fundamentum in ædificio, sic plantatio in plantis: per utrumque enim significatur spiritualiter prima prædicationis fidei: unde & ipse dicit Rom. xv. 20. „Sic autem prædicavi Evangelium, non ubi nominatus est Christus, ne super alium, licet fundamentum ædificarem:“ & ideo se comparat sapienti architecto. Hoc autem non sive virtuti attribuit, sed gratie Dei; & hoc est quod dicit: *Secundum gratiam Dei qua data est mihi*, qui scilicet me aptum & idoneum ad hoc ministerium fecit. Infra xv. 10. *Abundantius omnibus laboravi; non autem ego, sed gratia Dei mecum*. Secundo describit laborem aliorum, dicens: *Alius autem*, id est quicumque inter vos laborat, *superædificat*, fundamento a me posito: quod quidem potest ad duo referri. Uno quidem modo inquantum aliquis superædificat fidei in seipso fundatæ profectum caritatis, & bonorum operum. I. Per. 11. 5. „Et ipsi tamquam lapides vivi superædificamini.“ Alio modo ad doctrinam, (b) qua quis fundatam fident in aliis periculis manifestat: unde Hier. 1. 10. dicitur: „Ut ædifices, & plantes:“ & secundum hoc idem significat hæc superædificatio quod supra rigatio. Deinde cum dicit, *Unusquisque autem videat quomodo superædificet*, subiungit monitionem, dicens: *Dictum est*, quod ad alios pertinet superædificare; *unusquisque autem videat*, id est diligenter attendat, *quomodo superædificet*, id est qualem doctrinam fidei fundatam in aliis superaddat, vel qualia opera fidei in se fundatæ (c) habeat. Prov. 11. 25. „Oculi tui videant rectas, & palpebræ tuæ præcedant gressus tuos.“ Secundo respondet tacitæ questionis, quare scilicet admoneat alios de superædificatione; & non de fundatione, vel potius assignat rationem quare dixerit, quod ad alios pertinet superædificare, dicens: *Fundamentum aliud nemo potest ponere præter id quod positum est*, scilicet a me, *quod est Iesus Christus*, qui habitat in cordibus vestris per fidem, ut dicitur Ephes. 111. Et

de fundamento dicitur *Esa. xxviii. 16.* „Ecce ego mittam in fundamentis Sion lapidem aequalarem, probatum, pretiosum, in fundamento fundatum.“

Sed contrarium videtur esse quod dicitur *Apo. xxi. 14.* „Murus civitatis habens fundamenta duodecim, & in ipsis duodecim nomina Apostolorum.“ Non ergo solus Christus est fundamentum.

Dicendum est autem, quod duplex est fundamentum. Unum quidem quod per se habet soliditatem, sicut rupe aliqua, supra quam ædificium construatur; & huic fundamento Christus comparatur: ipse enim est petra, de qua dicitur *Matth. xxi. 25.* „Fundamentum enim erat supra firmam petram.“ Aliud est fundamentum quod habet soliditatem non ex se, sed ex alio solido subiecto, sicut lapides qui primo superponuntur petrae solidæ; & hoc modo dicantur *Apo. xxi. 14.* „Soli esse fundamentum Ecclesiarum, quia ipsi primo superædificati sunt Christo per fidem, & caritatem:“ unde dicitur *Eph. 11. 20.* „Superædificati supra fundamentum Apostolorum.“

Deinde cum dicit, *Si quis superædificet &c.* agit de mercedis differentia quantum ad hoc quod quidam eam accipiunt sine detrimento, quidam cum detrimento: & circa hæc tria facit. Primo docet quod diversitas operationum manifestatur ex retributione; secundo ostendit quando maiestatur, ibi, *Dies enim Domini declarabitur*; tertio ostendit quomodo maiestatur, ibi, *Si cuius opus manserit, quod superædificavit, mercedem accipiet*.

Circa primum considerandum est, quod Apostolus intendens ostendere diversitatem superædificationis, sex ponit, videlicet tria contra tria: ex una quidem parte aurum, argentum, & lapides preciosi; & ex alia parte lignum, fenum, & stipulam: quorum tria, scilicet aurum, argentum, & lapides pretiosi, habent quandam ineluctabilem itatem, simul & inconsumptibilitatem, & pretiositatem; alia vero tria obscura sunt, & facile ab igne consumuntur, & vilis sunt. Unde per aurum, argentum, & lapides pretiosos intelligitur aliquid præclarum, & stabile; per lignum vero, fenum, & stipulam aliquid materiale, & transitorium. Dictum est autem supra, quod superædificatio potest intelligi & quantum ad opera quæ unusquisque superædificat fidei fundamento, & quantum ad doctrinam quam aliquis doctor, vel prædicator superædificat in sua-

li 2 da-

(a) *A.* substantia. (b) *M.* quam quis fundatam in aliis. (c) *M.* de se habens.

damento fidei ab Apostolo fundatæ. Unde illa diversitas quam hic Apostolus tangit, ad utramque superædificationem referri potest. Quidam ergo referentes hæc ad superædificationem operum, dixerunt, quod per aurum, & argentum, & lapides pretiosos intelliguntur bona quæ quis fidei superaddit; sed per lignum, fenum, & stipulam debent intelligi peccata mortalia, quæ quis facit post fidem susceptam. Sed illa expositio penitus stare non potest. Primo quidem quia peccata mortalia sunt opera mortua, secundum illud Hebr. ix. 14. „Mundabit conscientias nostras ab operibus mortuis.“ In hoc autem ædificio nihil ædificatur nisi vivum, secundum illud I. Petr. ii. 5. „Et ipsi tamquam lapides vivi superædificamini.“ Unde qui cum fide habet peccata mortalia, non superædificat, sed magis destruit, vel violat: contra quem dicitur infra eodem: *Si quis templum Dei violaverit, disperdet illum Deus.* Secundo quia peccata mortalia magis comparantur ferro, vel plumbo, vel lapidi, tum propter gravitatem, tum quia etiam non renovantur per ignem, sed semper in eo manent in quo sunt; peccata vero venialia comparantur ligno, feno, & stipulæ, tum propter levitatem, tum etiam quia ab eis aliquis de facili expurgatur per ignem. Tercio quia secundum hanc expositionem videtur sequi quod ille qui moritur in peccato mortali, dummodo fidem retineat, finaliter salutem consequatur, licet primo aliquas penas sustineat: sic enim sequitur: *Si cuius opus aversit, detrimentum patietur: ipsa autem salus erit, si tamen quasi per ignem:* quod quidem contrariatur manifeste sententiæ Apostoli, qua dicitur infra vii. 9. *Neque serventur, neque idolis servientes, neque adulteri, neque molles, neque masculorum concubitores, neque fures, neque avari, neque irascibiles, neque maledicti, neque rapaces regnum Dei possidebunt:* & Galat. v. 21. „Qui talia agunt, regnum Dei non possidebunt.“ Non est autem alicui salus nisi in regno Dei: nam qui ab eo excluduntur, mittuntur in ignem æternum, ut dicitur Matth. xxv. Quarto quia fides non potest dici fundamentum, (a) nisi quia per eam Christus habitat in nobis, eum supra dictum sit, quod fundamentum est ipse Christus Iesus: non enim habitat Christus in nobis per fidem informem; alioquin habitaret in dæmonibus, de quibus scriptum est Iacob. ii. 19. „Et dæmones credunt, & contremiscunt.“ Un-

de quod dicitur Ephes. iii. 17. „Habitate re Christum per fidem in cordibus nostris, oportet intelligi de fide per caritatem formata, cum scriptum sit I. Ioan. iv. 16. „Qui manet in caritate, in Deo manet, & Deus in eo.“ Hæc est fides quæ per dilectionem operatur, ut dicitur infra xiii. 4. *Caritas non agit perperam.* Unde manifestum est quod illi qui operantur peccata mortalia, non habent fidem formatam, & ita non habent fundamentum: Oportet ergo intelligere quod tamille qui superædificat iudamento auro, argentum, lapides pretiosos, quam etiam ille qui superædificat lignum, fenum, stipulam, vitet peccata mortalia.

Ad horum ergo distinctionem intelligendum est, quod actus humani ex obiectis speciem habent. Duplex est autem obiectum humani actus, scilicet res spiritualis, & res corporalis: quæ quidem obiecta differunt tripliciter. Primo quidem quantum ad hoc quod res spirituales sunt perpetuæ, res autem corporales sunt transitorie: unde II. Corinth. iv. 18. „Quæ videntur, temporalia sunt, quæ autem non videntur, æterna.“ Secundo quantum ad hoc quod res spirituales in seipsis claritatem habent, secundum illud Sap. vi. 13. „Clara est, & quæ nunquam marcescit, sapientia.“ Res corporales obscuritatem habent ex materia: unde dicitur Sap. ii. 3. *Umbra eratibus est tempus nostrum.* Tercio quantum ad hoc quod res spirituales sunt pretiosiores, & nobiliores rebus corporalibus: unde Prov. iii. 25. dicitur de sapientia: „Pretiosior est cunctis opibus.“ & Sap. vii. 9. „Omne aurum in comparatione illius, arena est exigua, & tamquam lutum æstimabitur argentum in conspectu illius.“ Et ideo opera quibus homo innititur rebus spiritualibus, & divinis, comparantur auro, argento, & lapidi pretioso, quæ sunt solida, clara, & pretiosa: ita tamen quod per aurum designentur ea quibus homo tendit in ipsum Deum per contemplationem, & amorem: unde dicitur Cant. v. 12. „Caput eius aurum optimum:“ caput enim Christi est Deus, ut dicitur infra xi. de quo auro dicitur Apoc. ii. 18. „Suadeo tibi emere a me aurum ignitum.“ id est sapientiam cum caritate. Per argentum significantur actus quibus homo adhæret spiritualibus credendis, & amandis, & contemplandis: unde in Glossa refertur argentum ad dilectionem proximi, propter quod

(a) Ad, nisi per quam Christus habitat &c.

quod & in Psalm. lxxvii. pennæ columbæ describuntur deargentatæ, cuius superior pars, idest posteriora, describuntur esse in pallore auri. Sed per lapides pretiosos designantur opera diversarum virtutum, quibus anima humana ornatur: unde dicitur Eccli. i. 10. „ Quasi vas auri solidum, ornatum omni lapide pretioso. “ Vel etiam mandata legis Dei, secundum illud Psalm. cxviii. 127. „ Dilexi mandata tua super aurum, & topazion. “ (a) Opera vero humana, quibus homo intendit rebus corporalibus procurandis, comparantur stipulis, quæ viles sunt, namque fulgent, & facile comburantur; habent tamen quoddam gradus, prout quædam sunt aliis fratribus, quædam vero facilius consumptibilia. Nam ipsi homines inter creaturas carnales (b) digniores sunt, & per successionem conservantur: unde comparantur lignis, secundum illud Iudic. ix. 6. „ Serunt ligna silvarum, ut eligeret super se regem. “ Caro autem hominis facilius corrumpitur per infirmitatem, & mortem: unde comparatur feno, secundum illud Esa. xl. 6. „ Omnis caro fenum. “ Ea vero quæ pertinent ad gloriam huius mundi, facillime transeunt, unde stipulæ comparantur: unde in Psalm. lxxxiii. 14. dicitur: „ Pone illos ut rotam, & ut stipulam ante faciem venti. “ Sic ergo superædificare aurum, & argentum, & lapides pretiosos, est superædificare fidei fundamento ea quæ pertinent ad contemplationem sapientiæ divinorum, & amorem Dei, & devotionem sanctorum, & obsequium proximorum, & ad exercitium virtutum; superædificare vero lignum, fenum, & stipulam, est superaddere fidei fundamento ea quæ pertinent ad dispositionem humanarum rerum, (c) & ad curam carnis, & ad exteriorum gloriam.

Sciendum tamen, quod contingit aliquem hominem id intendere tripliciter. Uno modo ita quod in his finem constituat; & cum hoc fit peccatum mortale, per hoc homo non superædificat, sed e converso, fundamento aliud fundamentum collocat: nam finis est fundamentum in rebus appetitibus, quæ queruntur propter finem. Alio modo aliquis intendit uti prædictis rebus, totaliter ordinans eas in Dei gloriam: & quia opera specificantur ex fine intento, hoc iam non erit ædificare lignum, fenum,

& stipulam; sed aurum, argentum, & lapides pretiosos. Tertio modo aliquis, licet in his finem non constituat, nec vellet propter ista contra Deum facere; afficitur tamen (d) istis magis quam deberet, ita quod per hæc retardetur ab his quæ Dei sunt; quod est peccare venialiter: & hoc proprie est superædificare lignum, fenum, stipulam: non quia ipsa superædificantur proprie loquendo, sed quia opera ad temporalium curam pertinentia habent venialia adiuncta propter vehementiorem affectum ad ipsa: quæ quidem affectio secundum quod magis & minus inhæret, ligno, feno, & stipulæ comparatur. Et dupliciter potest distingui. Uno modo secundum permanentiam rerum spiritualium, ut prius dictum est; alio modo secundum vehementiam adhesionis. Sciendum tamen, quod & illi qui spiritualibus rebus intendunt, non omnino possunt absolvi a cura rerum temporalium, nec etiam qui (e) in caritate rebus temporalibus intendunt, sunt omnino a rebus spiritualibus vacui; sed studio diversificantur: nam quidam studium vitæ suæ ordinant ad spiritualia; temporalibus vero non intendunt, nisi inquantum requirit necessitas corporalis vitæ: quidam vero studium vitæ suæ applicant ad temporalia procuranda; utuntur tamen spiritualibus rebus ad directionem vitæ suæ. Primi igitur superædificant aurum, argentum, & lapides pretiosos; secundi vero superædificant fenum, lignum, & stipulam. Ex quo patet quod illi qui superædificant aurum, argentum, & lapides pretiosos, habent aliquid de peccatis venialibus, sed non in quantitate notabili, propter hoc quod modicum attingunt de cura temporalium rerum; illi etiam qui superædificant lignum, fenum, stipulam, habent aliquid stabile pretiosum, & præclarum, sed in minori quantitate, scilicet inquantum diriguntur per bona spiritualia. Potest autem & hæc diversitas referri ad superædificationem doctrinæ. Nam illi qui fidei ab Apostolis fundatæ, per suam doctrinam superædificant solidam veritatem, & claram, sive manifestam, & ad ornamentum Ecclesiæ pertinentem, superædificant aurum, argentum, lapides pretiosos: unde Proverb. x. 20. „ Argentum electum, labia iusti: “ illi vero qui fidei ab Apostolis fundatæ superaddunt in doctrina sua aliqua (f) inutilia, & quæ non sunt maxime.

^a (a) *Al.* Opera vero humana quibus homo intendit rebus corporalibus, habent quoddam gradus & intermedii omnes. (b) *Al.* & digniores. (c) *Al.* & ad omnia carnis. (d) *Al.* ad illa. (e) *Al.* qui in caritate rerum temporalium intendunt. (f) *Al.* utilia.

nifesta, nec veritatis ratione firmantur, sed sunt vana, & inania; superædificant lignum, fenum, stipulam; unde dicitur Hier. xxi. 18. „ Qui habet somnium, „ narret somnium; & qui habet sermo- „ nem meum, loquatur sermonem meum „ vere. Quid paleis ad triticum? „ Qui vero falsitatem doceret, non superædifica- „ ret, sed magis subverteret fundamen- „ tum.

Dicit ergo: si quis superædificat, vel ope- „ rando, vel docendo, super fundamentum hoc, „ idest super fidem formatam in corde, vel „ super fidem fundatam ab Apostolis, & præ- „ dicatam, aurum, argentum, aut lapides pre- „ tiosos, id est spiritualia opera, vel præla- „ ram doctrinam, vel lignum, fenum, stipulam, „ idest corporalia opera, vel triviam doctri- „ nam; uniuscuiusque opus manifestum erit, scilicet „ in divino iudicio, quale sit: non enim „ latet per humanam ignorantiam. Nam qui- „ dam videntur superædificare aurum, argen- „ tum, lapidem pretiosum; qui tamen super- „ ædificant lignum, fenum, stipulam, in re- „ bus spiritualibus corporalia meditantes, „ puta lucrum, vel favorem humanum. Qui- „ dam vero videntur superædificare lignum, „ fenum, stipulam; qui tamen ædificant au- „ rum, argentum, & lapidem pretiosum, quia „ in administratione temporalium nihil nisi „ spiritualia cogitant. Unde & Sophon. 1. „ dicitur: „ Scrutator Hierusalem in lu- „ cernis: „ & Luc. xii. 2. „ Nihil oper- „ tum quod non reveletur.

Deinde cum dicit, *Dies enim Domini de- „ clarabit*, ostendit quando hæc manifestantur: „ & primo ponit tempus manifestationis, cum „ dicit: *Dies enim Domini declarabit*. Circa „ quod sciendum est, quod tunc dicitur esse „ tempus, & dies alicuius rei quando est in „ optimo statu, & maximo sui posse: unde „ Eccle. i. 1. dicitur: „ Omnia tempus ha- „ bent. „ Quando ergo homo suam volun- „ tatem implet, etiam contra Deum, tunc „ est dies hominis: unde dicitur Hier. xvii. „ 16. „ Diem hominis non desideravi, tu „ scis. „ Dies vero Domini dicitur quan- „ do voluntas Domini completur de homini- „ bus, qui per eius iustitiam vel præmiabun- „ tur, vel damnabuntur, secundum illud Plal. „ lxxiv. 3. „ Cum accipero tempus, ego „ iustitias iudicabo. „ Unde secundum „ triplex Dei iudicium tripliciter potest in- „ telligi dies Domini. Erit enim quoddam „ iudicium generale omnium, secundum il- „ lud Matth. xii. 41. „ Viri Ninivite „ surgent in iudicio: „ & secundum

hoc dies Domini dicitur novissimus dies iu- „ dicii, de quo II. Thess. xi. 2. „ Non ter- „ reamini, quasi insit dies Domini. „ Et „ secundum hoc intelligitur, *Dies Domini de- „ clarabit*: quia in die iudicii manifestabitur „ differentia humanorum meritorum. Rom. „ xi. 16. „ In die quando iudicabit Dominus „ occulta hominum. „ Aliud autem est par- „ ticulare iudicium, quod fit de unoquoque „ in morte ipsius, de quo habetur Luc. xvi. „ 22. „ Mortuus est dives, & sepultus est in „ interno; mortuus est autem mendicus, & „ portatus est ab Angelis in sinum Abra- „ hæ. „ Et secundum hoc dies Domini „ potest intelligi dies mortis, secundum illud „ I. Thess. v. 2. „ Dies Domini sicut fur in „ nocte (a) ita veniet. „ Sic ergo dies „ Domini declarabit, quia in morte uniuscu- „ iusque, eius merita parent: unde dicitur „ Prov. xi. 7. „ Mortuo homine impio nulla „ erit ultra spes: „ & ibidem xiv. 7. „ Sperat autem iustus in morte sua. „ Ter- „ tium autem est iudicium in hac vita, in- „ quantum Deus per tribulationes huius vi- „ tæ interdum homines probat: unde dicitur „ infra xi. 31: *Cum indicamur, a Domino cor- „ ripimur, ut non cum hoc mundo damnemur*. Et se- „ cundum hoc dicitur dies Domini, dies tem- „ poralis tribulationis, de quo dicitur Sophon. „ 1. 14. „ Vox diei Domini amara: „ tribulabitur ibi fortis. „ Dies ergo Do- „ mini declarabit, quia in tempore tribula- „ tionis affectus hominis probatur. Eccli. xxv. „ 6. „ Vasa figuli probat fornax, & homines „ iustos tentatio tribulationis. „ Secundo „ ostendit per quod fiet ista declaratio, quia „ per ignem: unde sequitur: *Quia in igne re- „ velabitur*, scilicet dies Domini: nam dies „ iudicii revelabitur in igne, qui præcedet „ faciem iudicis, exurens faciem mundi, & „ involvens reprobos, & iustos purgans: de „ quo dicitur in Plal. xcvi. 3. „ Ignis ante „ ipsum præcedet, & inflammabit in cir- „ cuitu inimicos eius. „ Dies autem Do- „ mini, qui est dies mortis, revelabitur in „ igne purgatorii, per quem purgabitur, si „ quid (b) in electis invenitur purgandum; „ de quo potest intelligi quod dicitur Iob „ xiii. 10. „ Probabit me quasi aurum quod „ per ignem tranſit. „ Dies vero qui est „ dies tribulationis divino iudicio permixtus, „ (c) revelabitur in igne tribulationis; de „ quo dicitur Eccli. ii. 5. „ In igne proba- „ tur aurum, & argentum; homines vero „ acceptabiles, in camino tribulationis. „ Tertio ponit effectum manifestationis, cum „ subdit: *Et uniuscuiusque opus quale sit, ignis*

(a) *Ad omnes* ita. (b) *Ad in clementis*. (c) *Ad revelatur*.

probabit: quia scilicet perquemlibet ignium prædictorum probantur merita hominis, vel demerita: unde in Psalm. xvi. 3. dicitur: „Igne me examinaſſi, & non eſt in-
„venta in me iniquitas.“ In his tribus, quæ hic Apoſtolus ponit, primum eſt con-
cluſio duorum ſequentium. Si enim dies Do-
mini revelatur in igne, & ignis probat qua-
le ſit uniſoſuiſque opus, conſequens eſt
quod dies Domini declaret differentiam o-
perum humanorum.

Deinde cum dicit, *Si cuius opus manſe-
rit*, offendit modum prædictæ manifella-
tionis; & primo quantum ad bona opera, cum
dicit: *Si cuius*, id eſt alicuius, opus, quod
ipſe ſuperædificavit, manſerit, ſcilicet in
igne; ille, ſcilicet qui ſuperædificavit, mer-
cedem accipiet. Hierem. xxxi. 16. „Eſt mer-
„ces operi tuo:“ & Eſai. xl. 10. „Ecce
„merces eius cum eo.“ Dicitur autem
aliquod opus in igne permanere illuſum du-
pliciter. Uno modo ex parte ipſius operan-
tis: quia ſcilicet ille qui hoc facit opus,
ſcilicet bonæ doctrinæ, vel quodcumque
bonorum operum, propter huiusmodi opus
non punitur, inquantum ſcilicet nec tor-
quetur igne purgatorii, nec igne qui præ-
cedet faciem iudicis, nec etiam æſtuat igne
tribulationis. Qui enim non immoderate
temporalia dilexit, conſequens eſt quod non
nimis doleat de eorum amiſſione: dolor e-
nim cauſatur ex amore rei quæ amittitur:
unde ſuperfluous amor ſuperfluum generat
dolorem. Alio modo poteſt intelligi ex par-
te ipſius operis: quolibet enim prædicto-
rum (a) ignium ſuperveniente homini, per-
manet opus bonæ doctrinæ, vel quod-
cumque aliud bonum opus: nam igne tri-
bulationis ſuperveniente, non ceſſat homo
neque a vera doctrina, neque a bono ope-
re virtutis: utrumque autem horum per-
manet homini quantum ad meritum & in
igne purgatorii, & in igne qui præcedit
faciem iudicis. Secundo offendit diem quan-
tum ad mala opera, dicens: *Si cuius*, id eſt
alicuius, opus arſerit, ſcilicet per aliquem
ignium prædictorum, detrimentum ſpatietur,

ſcilicet qui hoc operatus eſt, non tamen
uſque ad damnationem: unde ſubdit: *Ipſe
autem ſalvus erit*, ſcilicet ſalute æterna,
ſecundum illud Eſai. xlv. 17. „Salvatus eſt
„Iſrael in Domino ſalute æterna;“ ſic ſa-
men quaſi per ignem, quem ſcilicet priuſu-
ſtinuit vel in hac vita, vel in fine huius
vitæ, vel in fine mûndi: unde dicitur in
Pſal. lxx. 12. „Transivimus per ignem, &
„aquam, & edux illi nos in refrigerium:“
& Eſai. xlii. 2. „Cum tranſieris per
„ignem, non combureris, & flamma non
„comburet te, quia ego Dominus Deus
„ſalvator tuus.“ Dicitur autem opus alic-
uius ardere dupliciter. Uno modo ex par-
te operantis, inquantum ſcilicet aliquis af-
fligitur igne tribulationis propter immode-
ratum affectum, quo ſuperflue terrena di-
ligit, & punitur igne purgatorii, vel igne
qui præcedet faciem iudicis propter pec-
cata venialia, quæ circa curam tempora-
lium commiſit, ſive etiam per frivola, &
vana quæ docuit. Alio modo ardet opus in
igne ex parte ipſius operis, quia ſcilicet
tribulatione ſuperveniente, homo non pot-
eſt vacare nec doctrinæ vanæ, nec terrenis
operibus, ſecundum illud Pſal. cxlv. 4. „In
„illa die peribunt omnes cogitationes eo-
„rum.“ Nec etiam igne purgatorii, vel
præcedente faciem iudicis, remanebit ei
aliquid prædictorum vel ad remedium, vel
ad meritum. Et ſimiliter dupliciter pati-
tur detrimentum, vel inquantum ipſe pu-
nitur, (b) vel inquantum perdit id quod
fecit; & quantum ad hoc dicitur Eccli.
xlv. 20. „Omne opus corruptibile in fine
„deficiet, & qui operatur illud, ibit cum
„illo; & omne opus electum in fine in-
„ſiſcabitur, & qui operatur illud, hono-
„rificabitur in illo:“ quorum primum
pertinet ad eum qui ſuperædificat lignum,
tenuum, & ſtipulam, quod eſt opus in igne
ardens; ſecundum autem pertinet ad eum
qui ſuperædificat aurum, argentum, & la-
pides pretioſos, quod eſt opus manens in
igne abſque detrimento.

(a) *id. iudiciorum.* (b) *id. omittitur vel.*

LECTIO III.

Nescitis quia templum Dei estis, & Spiritus Dei habitat in vobis? Si quis autem templum Dei violaverit, disperdet illum Deus. Templum enim Dei sanctum est, quod estis vos. Nemo se seducat. Si quis videtur inter vos sapiens esse in hoc saeculo, stultus fiat, ut sit sapiens. Sapiencia enim huius mundi, stulticia est apud Deum: scriptum est enim: Comprehendam sapientes in altitia eorum: & iterum: Dominus novit cogitationes sapientium quoniam vanæ sunt. Nemo itaque gloriatur in hominibus. Omnia enim vestra sunt, sive Paulus, sive Apollo, sive Cephas, sive mundus, sive vita, sive mors, sive presentia, sive futura: omnia enim vestra sunt, vos autem Christi, Christus autem Dei.

Supra ostendit Apostolus quæ sit merces bene laborantium; hic agit de pœna male laborantium, sive destructivum: & circa hoc duo facit. Primo demonstrat pœnam; secundo excludit errorem contrarium, ibi, *Nemo vos seducat*. Ostendit autem pœnam operantium ad destructionem, prosequens similitudinem ædificii spiritualis: & circa hoc tria facit. Primo ostendit dignitatem spiritualis ædificii; secundo determinat pœnam destructivum, ibi, *Si quis autem templum Dei violaverit, disperdet illum Deus*; tertio assignat rationem pœnæ, ibi, *Templum enim Dei sanctum est*. Dicit ergo primo: Dictum est, quod ille qui superædificat, mercedem salutis accipiet vel sine detrimento, vel cum detrimento. Sed ut possitis agnoscere quæ sit pœna male in vobis laborantium, oportet vos vestram dignitatem agnoscere: quam primo ponit dicens: *An vos nescitis quia vos fideles Christi estis templum Dei?* Eph. 2. 21. „In quo omnis ædificatio constructa, „Qua crescit in templum sanctum in Domino, in quo & vos coædificamini in „habitaculum Dei.“ Secundo probat quod fideles sint templum Dei. Est enim de ratione templi quod sit habitaculum Dei, secundum illud Psal. x. 5. „Deus in templo sancto suo:“ unde omne illud in quo Deus habitat, potest dici templum. Habitat autem Deus principaliter in seipso, quia ipse solus se comprehendit: unde & ipse Deus templum Dei dicitur Apoc. 21. 22. „Dominus Deus omnipotens templum „illius est.“ Habitat etiam Deus in domo sacra per specialem cultum qui in ea sibi exhibetur; & ideo domus sacra dicitur templum, secundum illud Psalm. v. 8. „Adorabo ad templum sanctum tuum „in timore tuo.“ Habitat etiam Deus in hominibus per fidem, quæ per dilectionem

operatur, secundum illud Ephes. 1. 17. „Habitate Christum per fidem in cordibus vestris.“ Unde & ad probandum quod fideles sint templum Dei, subiungit quod inhabitant a Deo, cum dicit: *Et Spiritus Dei habitat in vobis*. Et Rom. vii. 11. dictum est: „Spiritus qui suscitavit „Iesum Christum, habitabit in vobis.“ Ezech. xxxvi. 27. „Spiritus meum ponam „in medio vestri.“ Ex quo patet quod Spiritus sanctus est Deus, per cuius inhabitationem fideles dicuntur templum Dei: sola enim inhabitatio Dei, templum Dei facit, ut dictum est.

Est autem considerandum, quod Deus est in omnibus creaturis, in quibus est perfectio, potentia, & presentia, implens omnia bonitatibus suis, secundum illud Hier. xxiii. 24. „Cælum, & terram „ego impleo.“ Sed spiritualiter dicitur Deus inhabitare, tamquam in familiari domo, in sanctis, quorum mens capax est Dei per cognitionem, & amorem, etiam si ipsi in actu non cognoscant, & diligant, dummodo habeant per gratiam habitum fidei, & caritatis; sicut patet de pueris baptizatis: & cognitio sine dilectione non sufficit ad inhabitationem Dei, secundum illud I. Ioan. iv. 16. „Qui manet in caritate, in Deo manet, & Deus in eo.“ Inde est quod multi cognoscunt Deum vel per naturalem cognitionem, vel per fidem informem; quos tamen non inhabitat Spiritus Dei.

Deinde cum dicit, *Si quis autem templum Dei violaverit*, subiungit pœnam male operantium secundum convenientiam prædictorum, dicens: *Si quis autem templum Dei violaverit, disperdet illum Deus*. Violatur autem templum Dei dupliciter. Uno modo per falsam doctrinam, quæ non superædificat.

discatur fundamento, sed magis subruit fundamentum, & destruit ædificium: unde dicitur Ezech. xxxi. 19. de falsis prophetis: (a) „Violabant me ad populum meum propter pugillum hordei, & fragmentum panis.“ Alio modo violat aliquis templum Dei per peccatum mortale, per quod aliquis vel seipsum corrumpit, vel alium opere, vel exemplo: unde dicitur Malach. ii. 11. „Contaminavit iudas sanctificationem Domini, quam dilexit.“ Sic autem dignum est ut disperdatur ille a Deo per damnationem æternam qui violat spirituale templum Dei, vel qualitercumque pollut: unde dicitur Malach. ii. 12. „Disperdet Dominus virum qui fecerit hoc, magistrum, & discipulum:“ & in Psalm. xi. 4. „Disperdet Dominus universa verba dolosa, & linguam magniloquam.“

Deinde cum dicit, *Templum enim Dei sanctum est*, assignat rationem eius quod dixerat de sanctitate templi. Qui enim aliquam rem sacram violat, sacrilegium committit: unde dignum est ut disperdatur. *Templum enim Dei sanctum est, quod estis vos*, sicut supra dictum est: & in Psalm. lxxv. 6. dicitur: „Sanctum est templum tuum, mirabile in æquitate:“ & alibi Psalm. xxxi. 5. „Domum tuam, Domine, ne, decet sanctitudo.“ Et quidem in materiali templo est quedam sacramentalis sanctitas, prout templum divino cultui dedicatur; sed in fidelibus Christi est sanctitas gratiæ, quam consecuti sunt per baptismum, secundum illud infra vi. 11. *Abiisti estis, sanctificati estis.*

Deinde cum dicit, *Nemo vos seducat*, excludit errorem contrarium: & primo monet fideles ut sibi caveant a seductione errorum; secundo docet (b) modum cavendi, ibi, *Si quis inter vos videtur sapiens esse in hoc saculo, stultus fuit*; tertio rationem assignat, ibi, *Sapientia enim huius mundi, stultitia est apud Deum*. Circa primum sciendum, quod quidam dixerunt, quod Deus neque punit, neque remunerat hominum facta, ex quorum persona dicitur Soph. i. 12. „Qui dicunt in cordibus suis: „Non faciet bene Dominus, & non faciet male:“ & Thren. iii. 37. „Quis est ille qui dixit ut fieret Domino non iubente? Ex ore Altissimi non egredietur bonum, neque malum?“ Ad hunc ergo errorem excludendum dicit: *Nemo vos seducat*, asserens scilicet, quod ille qui tem-

plum Dei violat, non disperdatur a Deo, sicut Ephes. v. 7. dicitur: „Nemo vos seducat inanimis verbis: propter hoc enim venit ira Dei in filios dissidentiae.“

Deinde cum dicit, *Si quis inter vos videtur sapiens esse in hoc saculo, stultus fuit*, docet modum cavendi huiusmodi seductionem. Ubi sciendum est, quod quidam dixerunt Deum non punire peccata hominum, innitentes rationibus humanæ sapientiæ; puta, quod Deus non cognoscat singularia quæ hunc hic: ex quorum persona dicitur Iob xxxi. 14. „Circa cardines cæli perambulat, nec nostra consistat.“ Ad hoc ergo vitandum dicit: *Si quis inter vos videtur esse sapiens in hoc saculo*, id est sapientia seculari, quæ in eo quod contrariatur veritati fidei, non est sapientia, licet videatur esse, *stultus fuit*, abiiciendo istam sapientiam apparentem, ut sit sapiens, scilicet secundum sapientiam divinam, quæ est vera sapientia. Et hoc etiam observandum est non solum in his in quibus secularis sapientia contrariatur veritati fidei, sed etiam in omnibus in quibus contrariatur honestati morum: unde Prov. xxv. 2. dicitur: „Deo secum morante confortatus est.“

Deinde cum dicit, *Sapientia huius mundi, stultitia est apud Deum*, assignat rationem eius quod dixerat: & primo ponit rationem. Videbatur enim ineptam monitionem fecisse, ut aliquis fieret stultus: & vere inepta esset, si stultitia illa de qua loquebatur, esset per abnegationem veræ sapientiæ; sed non est ita: *sapientia enim huius mundi, stultitia est apud Deum*. Dicitur autem sapientia huius mundi quæ principaliter mundo innititur: nam illa quæ per res huius mundi ad Deum attingit, non est sapientia mundi, sed sapientia Dei, secundum illud Rom. i. 19. „Deus enim illis revelavit: invisibilia enim ipsius a creatura mundi per ea quæ facta sunt, intellecta conspiciuntur.“ Sapientia ergo mundi, quæ sic rebus (c) mundi intendit ut ad divinam veritatem non pertingat, *stultitia est apud Deum*; id est, stultitia reputatur secundum divinum iudicium. Esa. xli. 11. „Stulti principes Thæneos, sapientes consiliarii Pharaonis dederunt consilium insipientes.“ Secundo probat quod dixerat per duas auctoritates; quarum prima scribitur Iob v. 13. unde dicit: *Scriptum est: Comprehendem sapientes in astutia eorum*. Comprehendit autem sapientes Dominus in

Kk astu-

(a) *M.* Violabant me, ac populum meum.

(b) *M.* medium.

(c) *M.* deus mundi.

astutia eorum, quia per hoc ipsum quod astute cogitant contra Deum, impedit Deus eorum conatum, & implet suum propositum; sicut per malitiam fratrum Ioseph volentium impedire eius principatum, impletum est per divinam ordinationem quod Ioseph in Aegypto venditus principaretur. Unde ante præmissa verba dicit Iob: „ Qui dissipat (a) cogitationes eorum „ (scilicet malignorum) ne possint imple- „ re manus eorum quod coperant: „ quia, ut dicitur Proverb. xxi. 30. „ non est sapientia, non est scientia, non est consilium contra Dominum. „ Secunda auctoritas sumitur ex Psalmis: unde dicit: *Et iterum scriptum est: Dominus novit cogitationes sapientium*, idest secundum sapientiam mundi, *quemiam vana sunt*, quia scilicet non pertingunt ad finem cognitionis humanæ, quæ est cognitio veritatis divinæ. Unde dicitur Sap. xiii. 1. „ Vani „ sunt homines in quibus non subest sapientia Dei. „

Deinde cum dicit, *Itaque nemo glorietur in hominibus*, infert conclusionem principaliter intentam, scilicet quod non debeant gloriarı de ministeriis Dei: & primo concludit propositum ex prædictis, dicens: *Itaque*, ex quo ministri nihil sunt, sed laborant pro mercede, *nemo glorietur in hominibus*; sicut & in Psalm. cxiv. 3. dicitur: „ Nolite confidere in principibus, neque „ in filiis hominum, in quibus non est salus: „ & Hier. xviii. 5. „ Maledictus „ vir qui confidit in homine, & ponit carnem brachium suum? „ Secundo rationem assignat ex dignitate fidelium Christi, assignans ordinem fidelium in rebus: & primo ponit ordinem rerum ad fideles Christi, dicens: *Omnia vestra sunt*; quasi dicat: Sicut homo non glorietur de rebus sibi subiectis, ita & vos gloriarı non debetis de rebus huius mundi, quæ omnia sunt vobis data a Deo, secundum illud Psalm. v. 8. „ Omnia subiecisti sub pedibus „ eius. „ Exponit autem quæ omnia; inter quæ primo ponit ministros Christi, qui sunt divinitus ordinati ad ministerium fidelium, secundum illud II. Corinth. iv. 5. „ Nos autem servos vestros per Iesum: „ & hoc est quod dicit: *Sive Paulus*, qui plantavit, *sive Apello*, qui rigavit, *sive Cephas*, idest Petrus, qui est universalis pastor ovium Christi, ut dicitur Ioan. ult. Post hæc ponit res exteriores, cum dicit,

Sive mundus, qui est continentia omnium creaturarum: qui quidem est fidelium Christi, eo quod homo per res huius mundi vivatur vel quantum ad necessitatem corporalem, vel quantum ad cognitionem Dei, secundum illud Sap. xiii. 5. „ A magnitudine speciei, & creaturæ cognoscibiliter „ poterit creator horum videri. „ Consequenter ponit ea quæ pertinent ad ipsam hominis dispositionem, dicens: *Sive vita, sive mors*: quia scilicet fidelibus Christi & vita est utilis, in qua merentur, & mors, per quam ad præmia perveniunt, secundum illud Rom. xiv. 8. „ Sive vivimus, sive morimur, Domini sumus: „ & Philip. i. 21. „ Mihi vivere Christus est, & mori „ lucrum. „ Ad hæc autem duo reducuntur omnia bona, vel mala huius mundi; quia per bona conservatur vita, per mala pervenitur ad mortem. Ultimo ponit quæ pertinent ad statum hominis præsentem, vel futurum, dicens: *Sive presentia*, idest res huius vitæ, quibus iuvamur ad mereendum, *sive futura*, quæ nobis reservantur ad præmium. „ Non enim habemus „ hic civitatem permanentem, sed futuram inquirimus: „ ut dicitur Heb. ult. 14. *Omnia, inquit, vestra sunt*, idest vestrę utilitati deservientia, secundum illud Rom. viii. 28. „ Diligentibus Deum omnia cooperantur in bonum. „ Sic ergo primus ordo est (b) rerum Christi ad fideles; secundus vero fidelium Christi ad Christum; quos ponit subdeos: *Vos autem Christi estis*, quia scilicet sua morte vos redemit: Rom. xiv. 8. „ Sive vivimus, sive morimur Domini sumus: „ tertius ordo est Christi, secundum quod homo, ad Deum; ideo addit: *Christus autem*, secundum quod homo, *Dei est*. Unde cum Deum, & Dominum in Psalm. vii. 1. nominat, dicens: „ Domine Deus meus, in te speravi: „ ut nomine Dei tota Trinitas intelligatur. Quia ergo nullus debet gloriarı de eo quod infra ipsum est, sed de eo quod est supra ipsum; ideo non debent fideles Christi gloriarı de ministris, sed magis ministri de ipsis. II. Corinth. vii. 4. „ Multa mihi fiducia est apud vos, multa mihi gloria, „ tio pro vobis. „ Sed fideles Christi debent gloriarı de Christo, secundum illud Galat. ult. 14. „ Mihi absit gloriarı nisi in „ cruce Domini nostri Iesu Christi; „ sicut Christus de Patre, secundum illud Sap. ii. 16. „ Glorietur se Patrem habere Deum. „

CA.

(a) Al. cogitationes malignorum, ne possint. (b) Al. deest rerum.

CAPITIS QUARTI

LECTIO I.

Sic nos existimet homo ut ministros Christi, & dispensatores mysteriorum Dei. Hic iam quaeritur inter dispensatores ut fidelis quis inveniat. Mihi autem pro minimo est ut a vobis iudicer, aut ab humano die; sed neque meipsum iudico. Nihil enim mihi conscius sum, sed non in hoc iustificatus sum. Qui autem iudicat me, Dominus est. Itaque nolite ante tempus iudicare, quoadusque veniat Dominus, qui & illuminabit abscondita tenebrarum, & manifestabit consilia cordium; & tunc laus erit unicuique a Deo.

Superius redarguit Apostolus Corinthios de hoc quod de quibusdam ministris gloriabantur; hic autem arguit eos, quod alios ministros contemnebant; & circa hoc duo facit. Primo arguit eorum culpam; secundo inflat ad eorum correctionem, ibi, *Non ut confundam vos, hac scribo*. Circa primum duo facit. Primo arguit eorum temeritatem, qua male de ministris iudicabant; secundo arguit eorum elationem, qua Christi ministros contemnebant, ibi, *Hic autem, fratres, transgrediar in me, & Apello propter vos*. Circa primum duo facit. Primo ostendit quid sit de ministris Christi firmiter sentiendum; secundo quod non sit de eis temere iudicandum, ibi, *Hic iam quaeritur inter dispensatores ut fidelis quis inveniat*. Dicit ergo primo: Dixi quod nollis vestrum debet gloriari de hominibus; tamen quilibet vestrum debet cognoscere auctoritatem officii nostri, ad quod pertinet quod sumus mediatores inter Christum cui servimus; (a) ad quos pertinet quod dicit: *Sic nos existimet homo ut ministros Christi*: Etsi. lxj. 6., Sacerdotes Dei, vocabimini; Ministri Dei nostri, dicitur vobis; (b) & inter membra eius, quae sunt fideles Ecclesiae, quibus dona Christi dispensant; (c) ad quos pertinet quod subditur: *Es dispensator mysteriorum Dei*, idest secretorum eius: quae quidem sunt spiritualia eius documenta, secundum illud infra xiv. 2. *Spiritus est qui loquitur mysteria*: vel etiam ecclesiastica sacramenta, in quibus divina virtus secretius operatur salutem; unde & in forma consecrationis eucharistiae dicitur, „Mysterium fidei.“ Pertinet ergo ad officium praetorum Ecclesiae, quod in gubernatione lub-

ditorum soli Christo servire desiderent, cuius amore oves eius pascant, secundum illud Ioan. ult. 17. „Si diligis me, pascere oves meas.“ Pertinet etiam ad eos ut divina populo dispensent, secundum illud infra 12. 17. *Dispensatio mihi credita est*: & secundum hoc sunt mediatores inter Christum & populum, secundum illud Deut. v. 5. „Ego sequester fui, & mecum illo tempore inter Deum & vos.“ Haec autem assimilatio de praetis Ecclesiae necessaria est ad salutem fidelium: nescient eos recognoscere ministros Christi, non eis obedirent tamquam Christo, secundum illud Galat. iv. 14. „Sicut Angelum Dei,“ excepistis me sicut Iesum Christum. Rursum si eos non cognoscerent dispensatores, reculerent ab eis dona recipere, contra illud quod idem Apostolus dicit II. Corinth. 11. 10. „Quod donavi (si quid donavi) propter vos in persona Christi“ (c) donavi.

Deinde cum dicit, *Hic iam quaeritur inter dispensatores ut fidelis quis inveniat*, ostendit circa ministros Christi temere iudicari non debere: & circa hoc tria facit. Primo ponit quoddam per quod iudicare satagunt de fidelitate ministrorum; secundo ostendit de hoc iudicio se non curare, sed Deo reservare, ibi, *Mihi autem pro minimo est ut a vobis iudicer*; tertio concludit prohibitionem temerarii iudicii, ibi, *Haec nollis ante tempus iudicare*. Circa primum considerandum est, quod ministri sunt fideles, quidam infideles. Infideles dispensatores sunt qui in dispensandis divinis (d) mysteriis non intendunt utilitatem populi, & honorem Christi, & utilitatem

Kk 2 mem-

(a) *Al.* ad quod. (b) *Al.* iterum ad quod. (c) *Al.* ministris donavi. (d) *Al.* ministeriis.

membrorum eius, secundum illud Luc. xvi. 11. „In iniquo mammona fideles non sunt.“ Fideles autem qui in omnibus intendunt honorem Dei, & utilitatem membrorum eius, secundum illud Luc. xii. 42. „Quis putas est fidelis servus, & prudens, quem constituit dominus super familiam suam? Qui autem sunt fideles, divino iudicio manifestabuntur in futuro. Sed Corinthii temere volebant discutere qui dispensatores essent fideles, vel infideles; & hoc est quod dicit: *Hic*, hoc est inter vos, iam, idest praesenti tempore, *quaritur*, idest discutitur, *ut quis*, idest aliquis, *inter dispensatores fidelis inveniat*. Iudicabant enim plures esse infideles, vix aliquem virum putantes esse fidelem, secundum illud Prov. xx. 6. „Multi viri misericordes vocantur; virum autem fidelem quis invenit?“ Deinde cum dicit, *Mihi autem pro minimo est*, ostendit se hoc iudicium reputare nihil: & circa hoc tria facit. Primo ponit quod non curat circa hoc ab aliis iudicari, dicens: *Mihi autem*, qui sum minimus inter dispensatores, *pro minimo est*, idest minima bona reputo, *ut a vobis iudicer*, scilicet esse fidelis, vel infidelis. Et ne putarent ab Apostolo haec dici in eorum contemptum, ac si eorum iudicium despiceret, quasi vilium personarum, subiungit: *Aut ab humano intellectu*, qui est dies hominis, secundum illud Ioan. xi. 9. „Qui ambulat in die, non offendit, quia lumen huius mundi videt: vel ad litteram, *aut ab humana die*, idest ab intellectu in hoc tempore (a) iudicantium; quasi dicat: Vestrum, vel quorumcumque hominum iudicium parum curo. Hierem. xvi. 16. „Diem hominis non desideravi, tu scis.“

Est autem sciendum, quod de iudicio hominum dupliciter debet curari. Uno modo quantum ad alios, qui ex eorum bono vel aedificantur, vel scandalizantur; & sic sancti non pro minimo, sed pro magno habent ab hominibus iudicari, cum Dominus dicat Matth. v. 16. „Videant opera vestra bona, & glorificent Patrem vestrum qui in caelis est.“ Alio modo quantum ad seipsum; & sic non curant multum, quia nec gloriam humanam concupiscunt, secundum illud I. Thess. ii. 6. „Neque gloriam ab hominibus quaerentes, neque aliquid a vobis, neque ab aliis: neque opprobrium hominis timeant, secundum illud Esa. li. 7. „Nolite

timere opprobrium hominum, & blasphemias eorum ne timeatis.“ Unde Apostolus signanter dicit, *Mihi autem*, idest quantum ad me pertinet. Non autem id pro nullo est, sed pro minimo: quia bona temporalia, inter quae bona fama computatur, non sunt nulla bona, sed minima, ut Augustinus dicit in Lib. (I. cap. xv. & xvi.) de libero Arbitrio. Unde Sap. vii. 9. „Omne aurum in comparatione illius arena est exigua.“

Secundo ostendit quod neque seipsum iudicare praesumit, dicens: *Sed neque me ipsum iudico*.

Videtur autem hoc esse contra id quod infra xi. 31. dicitur: *Si nescitis ipsi iudicare, non utique iudicaverunt*. Debet ergo quilibet iudicare seipsum.

Sed sciendum est, quod iudicio discussione, de quo Apostolus hic loquitur, quilibet debet iudicare seipsum, secundum illud Psalm. lxxvi. 7. „Exercitabar, & scopebam spiritum meum:“ & similiter iudicio condemnationis, & reprehensionis in manifestis malis, secundum illud Iob xiii. 15. „Arguam coram eo vias meas.“ Sed iudicio ablationis non debet aliquis praesumere se iudicare ut innocentem: unde dicitur Iob ix. 20. „Si iustificare me vovero, os meum condemnabit me: si in nocentem (b) offendero, pravum me comprobabit.“ Cuius rationem assignat, dicens: *Nihil mihi conscius sum*; idest, non habeo alicuius peccati mortalis conscientiam, secundum illud Iob xvi. 6. „Neque reprehendit me cor meum in omni vita mea;“ sed non in hoc iustificatus sum; idest, non sufficit ad hoc quod me iustum pronuntiem, quia possunt aliqua peccata in me latere, quae ignoreo, secundum illud Psalm. xvi. 13. „Delicta quis intelligit?“ & Iob ix. 21. dicitur: „Et si simplex fuero, hoc ipsum ignorabit anima mea.“

Tertio concludit cui hoc iudicium reservetur, dicens: *Qui autem iudicat me, Dominus est*; idest, ad solum Deum pertinet iudicare utrum sum fidelis minister, an non: hoc enim pertinet ad intentionem cordis, quam solus Deus ponderare potest, secundum illud Prov. xvi. 2. „Spiritus ponderator est Dominus:“ & Hierem. xviii. 9. „Pravum est cor hominis, & inferturabile: quis cognoscet illud? Ego Dominus, non probans renes, & scrutans corda.“

Dein.

(a) id. iudicantibus. (b) id. considero.

Deinde cum dicit, *neque nolite autem tem-
pus iudicare*, concludit prohibitionem tem-
merarii iudicii: & circa hoc tria facit.
Primo prohibet prævenire divinum iudi-
cium, dicens: *neque*, exemplo meo, qui
neque meipsum iudico, neque ab aliis iu-
dicari curo, sed iudicium meum Deo re-
servo, *nolite autem tempus iudicare*: quia, ut
dicitur Eccl. viii. 6. „omni negotio
„tempus est, & opportunitas: “ *quoad
usque veniat Dominus*, scilicet ad iudican-
dum, secundum illud Esa. xii. 14. „Do-
„minus ad iudicium veniet cum senatori-
„bus populi sui. “ Unde & Dominus dixit
Matth. vii. 1. „Nolite iudicare. “
Sed hoc intelligendum est de occultis; de
manifestis autem iudicare commissum est a
Deo hominibus, secundum illud Deut. 1.
16. „Audite illius, & quod iustum est iu-
„dicare. “ Sunt enim aliqua manifesta
non solum per evidentiam facti, sicut no-
toria, sed etiam propter confessinnem,
aut testium probationem. Occulta vern
Deus suo reservat iudicio. Sunt autem
occulta nobis quæ latent in corde, vel
etiam in absconditis hiant; & de his dicitur
in Psalm. xv. 5. „Quæ dicitis in cor-
„dibus vestris, in cubilibus vestris con-
„pungimini. “ Unde homo quidem de his
est temerarius iudex, sicut iudex delega-
tus, qui excedit firmam mandati (a) iu-
dicii, de causa non sibi commissa. Est er-
go temerarium iudicium, quando aliquis
de dubiis iudicat; perversum autem, quan-

do falsam iudicium profert: & quævis
non sit iudicandum circa personas, puta
ut aliquis iudicet malum hominem qui bo-
nus est; ramen multo gravius est ut iudi-
cium pervertatur de rebus ipsis; puta, si
quis diceret virginitatem esse malam, &
fornicationem bonam; contra quod dicitur
Esa. v. 20. „Væ qui dicitis bonum ma-
„lum, & malum bonum. “ Secundo de-
scribit perfectiorem futuri divini iudicii,
dicens: *Qui*, scilicet Dominus ad iudican-
dum veniens, *illuminabit abscondita tenebra-
rum*; id est, faciet esse lucida, & manife-
sta ea quæ occulte in tenebris facta sunt;
& manifestabit confilia cordium, (b) id est
omnia cordis occulta, secundum illud Job
xii. 22. „Qui revelat occulta de tenebris,
„& producit in lucem umbram mortis: “
& Sophon. i. 12. „Scrutabor Hierusalem
„in lucernis. “ Quod quidem est intelli-
gendum tam de bonis, quam de malis quæ
non sunt per prænitentiam testis, secun-
dum illud Psalm. xxxi. 1. „Beati quorum
„remissæ sunt iniquitates, & quorum te-
„sta sunt peccata. “ Tertio ponit fru-
ctum quem boni reportabunt de divino iu-
dicio, dicens: *Et tunc laus erit unicuique*,
scilicet bonorum, a Deo: quæ quidem laus
vera erit, quia Deus nec decipi, nec de-
cipere potest. Rom. xi. 29. „Cuius laus
„non ex hominibus, sed ex Deo est: “
& II. Corinth. x. 18. „Non enim qui seipsum
„commendat, ille probatus est, sed quem
„Deus commendat. “

LECTIO II.

HAEc autem, fratres, transfiguravi in me, & Apollo propter vos, ut in no-
bis discatis, ne supra quam scriptum est, unus adversus alterum insisteret pro
alio. Quis enim te discernit? Quid autem habes quod non accepisti? Si autem
accepisti, quid gloriaris, quasi non acceperis? Iam saturati estis, iam divites facti
estis: sine nobis regnatis; & utinam regnetis, ut & nos vobiscum regnemus. Puto
enim quod Deus nos Apostolos novissimos ostendit, tamquam morti destinatos: quia
spectaculum facti sumus mundo, & Angelis, & hominibus. Nos stulti propter Chri-
stum, vos autem prudentes in Christo; nos infirmi, vos autem fortes; vos nobi-
les, nos autem ignobiles. Usque in hanc horam & esurimus, & sitimus, & nudi
sumus, & colaphis cæduntur, & instabiles sumus, & laboramus operantes manibus
nostris. Maledicimus; & benedicimus; persecutionem patimur, & sustinemus;
blasphemamur, & obsecramus. Tamquam purgamenta huius mundi facti sumus
omnium pericula usque adhuc.

Postquam Apostolus reprehendit in Co-
rinthiis temeritatem, qua ministros Chri-
sti iudicabant, hic arguit eorum elatio-
nem, qua ministros Christi contemnebant:
& circa hoc tria facit, Primo proponit
quod intendit; secundo rationem assignat,
ibi,

(a) *M. iudicis.* (b) *M. id est omnia corda.*

ibi, *Quis enim te discernit?* tectio eorum contemptum ironice loquens irridet, ibi, *lam saturati estis*. Circa primum considerandum est, quod Apostolus supra volens reprimere contentiones Corinthiorum, quas habebant ratione ministrorum, usus fuerat nominibus bonorum ministrorum Christi; sicut supra 1. 12. dixit: *Unusquisque vestrum dicat, Ego quidem sum Pauli, ego autem Apollos, ego vero Cepha*; & supra 11. 22. ubi dixit: *Sive Paulus, sive Apollos, sive Cephas*; & tamen non gloriabantur de tonis ministris Christi, nec propter eos dissidebant, sed propter pseudopostolos: quos nominare noluit, ne videretur ex odio, vel invidia contra eos loqui; sed loco eorum posuerat nomen suum, & aliorum bonorum praeicatorum; & hoc est quod dicit: *Hac autem, fratres, scilicet quae dixi de ministris de quibus gloriamini, & pro quibus contenditis, transfiguravi*, id est figuratim loquens transuli, in me, & Apollos. Dicitur enim Proverb. 1. 6. „Animadvertet parabolam, & interpretationem, verba sapientum, & aenigmata eorum.“ Et hoc propter vos, id est vestram utilitatem; II. Corinth. iv. 15. „Omnia propter vos: ut in vobis discatis, ne unus vestrum inflatur, id est superbia adversus alium proximum suum, pro alio, scilicet pro quocumque ministro Christi, supra quam scriptum est, id est ultra formam vobis in praemissis descriptam. Dicitur enim Sap. iv. 19. „Disrumpet illos inflatos sine voce.“

Deinde cum dicit, *Quis enim te discernit?* assignat rationem quare unus non debeat contra alium inflari: & primo ponit rationem, dicens: *Quis enim te discernit?* Quod potest intelligi dupliciter. Uno modo sic. *Quis enim te discernit*, a massa perditorum? Tu reipsum discernere non potes: unde non habes in te unde contra alium superbias. Et de hac discretionem dicitur in Psalm. xlii. 1. „Iudica me Deus, & discerne causam meam de gente non sancta.“ Alio modo potest intelligi: *Quis te discernit?* scilicet superiorem faciens proximo tuo: hoc quod tu facere non potes: unde contra eum superbiere non debes. Et de hac discretionem dicitur Eccli. xxxi. 11. 2. „In multitudine disciplinae (a) Dominus separavit eos, & immutavit vias illorum.“ Sed inter homines, in quantum sunt fideles Christi, non est discretio: quia, ut dicitur Rom. xxi. 5. „Multi unum corpus sumus in Christo.“ & Act. xv.

9. dicit Petrus: „Nihil discrevit inter nos, & illos, fide purificans corda eorum.“ Secundo excludit quendam rationem. Possent enim aliqui dicere a bonis, vel a malis, melior eis existens propter bona quae habet, puta fidem, sapientiam, & huiusmodi. Sed hoc excludit Apollolus, dicens: *Quid autem habes quod non acceperis?* quali dicat, nihil: omnia enim bona sunt a Deo, secundum illud Psalm. cxi. 28. „Apertient te te manum tuam omnia implebuntur bonitate.“ & I. Paralip. xxix. 14. „Tua sunt omnia, & quae de manu tua accepimus, dedimus tibi. Et ex hoc concludit propositum, dicens: *Si autem acceperis, quid gloriaris, quasi non acceperis?* Ille igitur gloriatur quasi non accipiens qui de seipso gloriatur, & non de Deo, sicut de quibusdam dicitur in Psalm. xlv. 11. 7. „Qui confidunt in virtute sua, & in multitudine divitiarum suarum gloriantur.“ Et ad hoc pertinet prima species superbiae, quae scilicet aliquis superbiendo, quod habet, dicit a seipso habere: iuxta illud Psalm. xi. 5. „Labia nostra a nobis sunt: quis noster dominus est?“ Ille autem gloriatur quasi accipiens, qui omnia Deo attribens gloriatur de ipso, sicut supra 1. 31. dictum est: *Qui gloriatur, in Domino gloriatur*. Sic autem gloriari non est superbiere, sed humiliter sub Deo, cui homo dat gloriam, secundum illud Eccli. vii. 23. „Danti mihi sapientiam, dabo gloriam.“

Deinde cum dicit, *lam saturati estis*, irridet eorum superbiā: qui Apostolos Christi contemnebant: & primo in generali; secundo in speciali, ibi, *Nos sultis sumus propter Christum*. Circa primum duo tacit. Primo irridet in eis quod de se nimis praesumebant; secundo deridet in eis quod Apostolos contemnebant, ibi, *Puto enim quod Deus nos Apostolos novissimos ostendit tamquam morti destinatos*. Circa primum duo facit. Primo irridet eos de praesumptione qua sibi attribuebant quod non habebant; secundo irridet eos de hoc quod sibi singulariter attribuebant quod singulariter non habebant, ibi, *Sine nobis regnatis*. Attribuebant autem sibi abundantiam bonorum: quorum quaedam sunt interiora; & quantum ad hoc dicit: *lam saturati estis*, id est, vobis videtur quod saturati estis, id est abundanter repleti spirituali dulcedine, de qua dicitur in Psalm. xvi. 15. „Satiabor dum manifestabitur gloria tua.“

Poterat.

(a) scilicet Dominus.

Poterat autem eis secundum veritatem dici, quod iam saturati esset, non plenitudine, sed fastidio, secundum illud Proverb. xxvii. 7. „Anima satiata calebit favum.“ Quædam vero sunt bona exteriora; & quantum ad hoc dicit: *Iam divites facti esset*, sicut vobis videatur, scilicet divitiis spiritualibus, de quibus dicitur Ela. xxxiii. 6. „Divitiæ salutis, sapientia, & scientia.“ Simile est quod dicitur Apoc. xii. 17. „Dicis, quia dives sum, & locupletor valde, & nullus egro.“

Sed contra hoc videtur illud quod supra dixit in principio, dicens (cap. i. 5.) *Quia in omnibus divites facti esset in illo in omni verbo, & in omni scientia.*

Sed dicendum est, quod supra dixit quantum ab bonis qui inter eos erant; hic autem dicit quantum ad præsumptos qui superbiebant de eo quod non habebant. Potest & aliter distinguere satietas, & divitiæ, ut satietas referatur ad ulum gratiæ, quo quis spiritualibus fruitur; divitiæ autem ad ipsos habitus gratiarum.

Secundo, cum dicit, *Sine nobis regnatis*, irridet eos, quod sibi singulariter attribuebant quod non habebant: unde dicit: *Sine nobis regnatis*; id est, ita vobis videtur quod regnum ad vos pertineat, non ad nos. Sic enim erant decepti a pseudoapostolis ut crederent se solos habere fidei veritatem, quæ in regno Dei consistit; Apostolum autem, & sequaces eius errare: contra quos dicitur Ela. v. 8. „Numquid habitabitis vos soli in medio terræ? Et ne videatur Apostolus ex invidia hoc dicere, subiungit: *Utrum (a) regnatis.* Optat enim ut veram fidem habeant, secundum illud Act. xxvi. 29. „Opto omnes qui audiunt, tales fieri, qualis & ego sum, exceptis vinculis his.“ Et ut eis exemplum humilitatis præbeat, subiungit: *Ut & nos regnemus vobiscum*; quasi dicat: Si aliquam excellentiam habetis, non designatur vos sequi, sicut vos designamini sequi nos, contra illud quod dicitur Gal. xv. 18. „Quod bonum est æmulamini in bono semper.“

Et est advertendum, quod Apostolus hic quatuor species superbiæ tangit: quarum prima est quando aliquis reputat se non habere a Deo quod habet; quam tangit dicens: *Quid gloriaris, quasi non acceperis?* Et hoc etiam potest reduci ad secundam speciem, qua aliquis existimat propriis meritis accepisse. Tertia species est qua quis iactat se habere quod non habet; & quantum ad

hoc dicit: *Iam saturati esset, iam divites facti esset.* Quarta species, quando aliquis, despectis ceteris, singulariter vult videri; & ad hoc pertinet quod dicit: *Sine nobis regnatis.*

Deinde cum dicit, *Puto quod Deus nos Apostolos novissimos ostendit*, irridet eos de hoc quod Apostolos Christi contemnebant; & primo irrisorie ponit contemptum; secundo causam contemptus, ibi, *Quia spectaculum facti sumus.* Dicit ergo primo: Prius dixi, quod sine nobis regnatis: puto enim, id est vos putare videmini, quod Deus nos Apostolos ostendit novissimos, cum tamen infra xxi. dicatur, quod Deus in Ecclesia posuit primum Apostolos. Sic enim impletur quod dicitur Matth. xx. 16. „Erunt primi novissimi, & novissimi primi.“

Et ponit exemplum: *Tamquam morti destinatus*; illi enim qui sunt condemnati ad mortem, novissimi habentur inter homines, utpote quos indignum sit vivere; & tales, Apostoli reputantur a mundanis hominibus, secundum illud Psal. xlii. 12. „Æstimati sumus sicut oves occisionis.“ Deinde cum dicit, *Quia spectaculum facti sumus*, assignat causam contemptus. Circa quod considerandum est, quod quando aliqui sunt condemnati ad mortem, convocantur homines ad eorum occisionem, quasi ad spectaculum; & hoc maxime fiebat circa eos qui damnabantur ad bestias: & quia Apostoli erant quasi morti destinati, subiungit: *Quia spectaculum facti sumus mundo*; quasi totus mundus concurrat ad spectandum nostram occisionem, secundum illud Psal. xlii. 14. „Posuisti nos opprobrium vicinis nostris.“ Exponit autem quid nomine mundi intelligat, cum subdit: *Et Angelis, & hominibus*, scilicet bonis, & malis. Concurrant enim ad eorum spectaculum boni homines ad compatiendum, & exemplum patientiæ sumendum, mali homines ad persequendum, & irridendum.

Deinde cum dicit, *Nos stulti propter Christum*, irridet eos in speciali, quod Apostolos contemnebant: & circa hoc duo facit. Primo ponit contemptum; secundo causam contemptus, ibi, *Usque in hanc horam & esurimus, & sitimus &c.* Circa primum irridet eorum contemptum quantum ad hoc quod sibi excellentiam, Apostolis defectum attribuebant: & primo quantum ad perfectionem intellectus; & quantum ad hoc dicit: *Nos stulti sumus propter Christum*; id est, stulti reputamur, quia crucem Christi præ-

(a) Al. regnatis.

dicamus: supra 1. 18. *Verbum crucis persumptis fultitia est*: & etiam quia propter Christum opprobria, & contentiones sustinemus, secundum illud Sap. v. 4. „Nos in-
 „sensati vitam illorum aestimabamus insa-
 „niam: item ut legitur Act. xxvi. 24.
 „Festus dixit Paulo: Insanis Paule: mul-
 „tæ te litteræ ad insaniam adducunt. „
 „Vos, secundum vestram reputationem, estis
 „prudentes in Christo: quia scilicet nec cruce-
 „m eius publice confiteri audetis, nec persecutio-
 „nem (a) pro eo sustinetis. Prover. xxvi. 16. „Sapientior sibi videtur piger so-
 „ptem viris loquentibus sententias. „Se-
 „cundo quantum ad potestatem actionis, cum
 „dicit: *Nos infirmi reputamur*, scilicet in ex-
 „terioribus, propter afflictiones quas susti-
 „nemus. II. Corinth. xi. 9. „Libenter glo-
 „riabor in infirmitatibus meis. „*Vos au-*
 „*tem*, scilicet secundum vestram reputatio-
 „nem, estis fortes, scilicet in rebus corpo-
 „ralibus, quia secure vivitis sine tribulatione.
 „Esa. v. 22. „Væ qui potentes estis ad bi-
 „bendum vinum, & viri fortes ad mi-
 „scendam ebrietatem. „*Vos nobiles*, scilicet
 „estis secundum vestram estimationem, idest
 „honore digni, qui exteriori contumelias
 „non patimini: Esa. xix. 11. „Filius
 „sapientium ego, filius Regum antiquo-
 „rum: „*nos autem ignobiles sumus*, secun-
 „dum vestram, & aliorum reputationem, quia
 „contemptibiles habemur: supra 1. 28. *Quæ*
 „*contemptibilia sunt mundi, & ignobilia elegit*
 „*Deus*. Et tamen secundum rei veritatem
 „est & converso: soli enim contemptibiles il-
 „li sunt qui Deum contemnunt, secundum
 „illud I. Reg. 11. 30. „Qui autem conte-
 „mnuunt me, erunt ignobiles. „

Deinde cum dicit, *Usque in hanc horam*
esurimus, assignat causam contemptus: &
 „primo ponit per causam defectum bonorum
 „temporalium; secundo mala quæ in eis in-
 „telligebantur, ibi, *Maledicimur, & benedi-*
 „*cimur*; tertio concludit intentum, ibi, *Tam-*
 „*quam purgamenta huius mundi facti sumus*.
 „Circa primum duo facit. Primo ponit de-
 „fectum quem patiebantur in rebus necessa-
 „riis: unde quantum ad ea quæ pertinent
 „ad victum dicit: *Usque in hanc horam*, id-
 „est continue a conversione nostra usque in
 „præsens tempus, *esurimus*, & *sitimus*. II.
 „Corinth. xi. 17. „In fame, & siti. „Quan-
 „tum vero ad vestitum subdit: *Et nudi sumus*,
 „idest propter vestimentorum inopiam, quia
 „etiam interdum expoliabantur. Iob xxiv. 7.
 „Nudos dimittunt homines, vestimenta

tollebant, quibus non est operimentum
 „in frigore. „

Sed contra est quod dicitur in Psal. xxv.
 „24. „Non vidi iustum derelictum, nec se-
 „men eius querens pacem. „

Sed dicendum est, quod ita patiebantur
 „Apostoli quod non derelinquebantur, quia
 „divina providentia moderabatur in eis &
 „abundantiam, & inopiam quantum eis ex-
 „pediebat ad virtutis exercitium: unde &
 „Apostolus Philipp. iv. 12. „Ubiq; & in
 „omnibus institutus sum, & saturari, &
 „esurire, & abundare, & penuriam pa-
 „ti: omnia possum in eo qui me confor-
 „tat. „

Secundo ponit defectum eorum quæ per-
 „tinent ad bene esse humanæ vitæ: quorum
 „primum est reverentia ab hominibus exhi-
 „bita, contra quod dicit: *Et colaphis cadimur*:
 „quod quidem fit magis ad opprobrium,
 „quam ad penam: unde de Christo legitur
 „Matth. xxvi. quod expuerunt in faciem
 „suam, & colaphus cum ceciderunt. Secun-
 „do requiritur quies in loco, contra quod
 „dicitur: *Et instabiles sumus*: tum quia ex-
 „pellebantur a persecutoribus de loco in lo-
 „cum, secundum illud Matth. x. 23. „Si
 „vos persecuti fuerint in unacivitate, fu-
 „gite in aliam: tum etiam quia pro ex-
 „ecutione sui officii discurrabant ubiq; se-
 „cundum illud Ioan. xv. 16. „Posui vos ut
 „eat. „Tertio requiritur ministrantium
 „auxilium, contra quod dicitur: *Et laboramus*
 „*operantes manibus nostris*: tum quia ali-
 „quando nullus dabat eis unde possent vi-
 „sustentari; tum etiam quia labore manuum
 „suarum victum acquirebant, vel ad vitan-
 „dum fidelium gravamen, vel ad repellend-
 „um pseudoapostolos, qui propter questum
 „prædicabant, ut habetur II. Corinth. xii.
 „tum etiam ut darent otiosis laborandi ex-
 „emplum, ut habetur II. Thes. iii. unde
 „dicit Paulus Act. xx. 34. „Ad ea quæ mi-
 „hi opus erant, & his qui mecum sunt,
 „ministraverunt manus illæ. „

Deinde cum dicit, *Maledicimur &c.* ponit
 „mala quæ Apostoli patiebantur: & primo
 „in verbis, cum dicit: *Maledicimur*; id-
 „est, mala de nobis dicunt homines, vel ad
 „detrahendum, vel ad contumelias inferen-
 „dum, vel etiam mala imprecando: Hier.
 „xv. 10. „Omnes maledicunt mihi: „& *be-*
 „*nedicimur*; scilicet, reddimus bonum pro ma-
 „lo, secundum illud I. Pet. iii. 9. „Non
 „reddentes maledictum pro maledicto, sed
 „e contra benedictes. „ Secundo in fa-

ctis;

His; & quantum ad hoc dicit: *Persecutionem patimur*, non solum quantum ad hoc quod fugamur de loco ad locum, quod proprie persecutio dicitur, sed quantum ad hoc quod multipliciter tribulamur, secundum illud Psalm. cxviii. 157. „Multi qui „persequuntur me, & tribulant me: „*Et sustinamus*, in Christo scilicet omnia patienter. Eccli. 1. 29. „Ufque ad tempus „sustinebit patiens. „Tertio tangit causam utriusque, cum dicit: *Blasphemamur*; idest, blasphemiae imponuntur nobis, dum dicimur magi, vel malefici, & reputamur Dei inimici, secundum illud Ioan. xvi. 2. „Venit hora ut omnis qui interficit vos „arbitretur obsequium se praestare Deo: „& Rom. xii. 8. „Sicut blasphemamur, & „aiunt quidam nos dicere: Faciamus mala, ut veniant bona: „tamen *obsecramus* Deum pro his qui nos persequuntur, & blasphemant, secundum illud Matth. v.

44. „Orate pro persequentibus, & calumniantibus vos. „

Deinde cum dicit, *Tamquam purgamenta facti sumus*, concludit ex omnibus praemissis eorum contemptum, dicens: Et propter omnia praedicta *facti sumus tamquam purgamenta huius mundi*; idest, reputati sumus & a Iudeis, & a Gentilibus, ut per nos mundus inquinetur; & propter nostram operationem mundus purgetur, & tamquam si mus *periploma* omnium. Dicitur autem periploma, quodcumque purgamentum, puta vel pomi, vel ferri, vel cuiuscumque alterius rei. Et hoc *usque adhuc*, quia scilicet continue hoc patimur. Sed quandoque desiciet, secundum illud Sap. v. 3. ubi ex ore impiorum dicitur: „Hi sunt quos aliquando habuimus in derisum, & in similitudinem improperii: „& postea 5. subdit: „Quomodo ergo computati sunt inter filios Dei? „

L E C T I O III.

Non ut confundam vos, haec scribo, sed ut filios meos carissimos moneo. Nam si decem millia paedagogorum habeatis in Christo, sed non multos patres. Nam in Christo Iesu per Evangelium ego vos genui. Rogo ergo vos, imitatores mei estote, sicut & ego Christi. Ideo misi ad vos Timotheum, qui est filius meus carissimus, & fidelis in Domino, qui vos commonefaciat vias meas, quae sunt in Christo Iesu, sicut ubique in omni Ecclesia doceo. Tamquam non venturus sim ad vos, inflati sunt quidam. Veniam ad vos cito, si Dominus voluerit, & cognoscam, non sermonem eorum qui inflati sunt, sed virtutem: non enim in sermone est regnum Dei, sed in virtute. Quid vultis? In virga veniam ad vos, an in caritate, & in spiritu mansuetudinis?

Postquam Apostolus reprehendit Corinthios de hoc quod Apostolos temere iudicabant, & praesumptuose contemnebant, hic inflat ad eorum correctionem: & primo admonitionis verbo; secundo, exemplo, ibi, *Rogo ergo vos, fratres, imitatores mei estote*; tertio correctionis flagello, ibi, *Tamquam non venturus sim ad vos, inflati sunt quidam*. [Circa primum tria facit. Primo ponit admonitionis modum, dicens: *Haec*, scilicet quae in serie Epistolae buculae vobis dixi, *scribo, non ut confundam vos*, scilicet mala consilio, quae in desperationem mittit; quamvis velim vos confundi consilio quae peccatum vitat, secundum illud Eccli. iv. 25. „Est consilio adducens „peccatum, & est consilio adducens gratiam, & gloriam. „Sed praedicta moneo vos, ut filios. Eccli. vii. 25. „Filii tibi „S. Th. Oper. Tom. VI.

„funt? Erudi illos (a) & curva illos a „pueritia eorum. „Secundo ostendit debitum admonendi (b) modum, dicens: *Nam si decem millia paedagogorum habeatis in Christo, sed non multos patres*. Ubi considerandum est, quod pater est qui primo generat, paedagogus autem est qui iam natum nutrit, & erudit. Galat. iii. 24. „Lex paedagogus „noster fuit in Christo. „Dicit ergo Apostolus se patrem eorum in Christo, quia eis primo Evangelium praedicavit. Unde assignans rationem eius quod dixerat, subdit: *Nam in Christo Iesu per Evangelium vobis genui*. Est autem generatio processus ad vitam; homo autem vivit in Christo per fidem: Galat. ii. 20. „Quod autem nunc vivo in carne, in fide vivo Filii Dei: „fides autem (ut dicitur Rom. x. 17.) est, ex auditu, auditus autem per verbum. „Unde

Ll

de

(a) ad. & cura. (b) ad. amittitur modum.

de verbum Dei est semen quo 'Apostolus eos genuit in Christo: unde Iac. 1. 18. „Volutantur eis non genuit verbo veritatis. „ Alios autem dicit pædagogos, quia postquam fidem receperant, eos adiuvant; ut intelligatur esse eadem comparatio, quantum ad prædicationem Evangelii, pædagogis ad patrem, & quæ supra 111. posita est rigatoris ad plantatorem, & superædificatoris ad fundatorem.

Deinde cum dicit, *Rogo ergo vos*, fratres, inflat ad corrigendum eos suo exemplo: & primo hortatur eos ad imitandum suum exemplum, dicens: *Ergo ex quo estis filii, cum bonorum filiorum sit imitari patres, rogo vos, imitatores mei estote*, scilicet ut non temere iudicetis, sicut nec ego, quia neque me ipsum iudicare præsumo; & de vobis humilia sentiat, & de aliis maiora. Unde non sine causa tali modo loquendi usus est: *Nos infirmi, vos fortes*. II. Thes. 111. 9. „ Ut formam nosmetipsos daret, remus vobis ad imitandum. „ Advertendum est autem, quod eisdem quos supra filios nominavit, nunc nominat fratres. Dixerat autem suos filios in Christo, quia eos non sibi, sed Christo genuerat; & quia ipse genitus erat a Christo, ex consequenti eos habebat ut fratres, & filios. Intantum ergo debebant eum imitari ut patrem, in quantum & ipse Christum imitabatur, qui est omnium principalis pater. Et per hoc suberatur subditis occasio de ad hærendo malis exemplis prælatorum. Unde in hoc subditi solum prælatos imitari debent in quo ipsi Christum imitantur, qui est infallibilis regula veritatis: unde seipsum Apostolis in exemplum posuit Ioan. xiii. 15. „ Exemplum dedi vobis, ut quemadmodum ego feci, ita & vos faciatis. „ Quod quidem exemplum Paulus sequebatur, secundum illud Iob xxiii. 11. „ Vestigia eius secutus est pes meus; viam eius custodivi, & non declinavi ab ea. „ Secundo remouet excusationem ignorantie, dicens: *Ideo misi ad vos Timotheum, qui est filius meus carissimus, & fidelis in Domino*: secundum illud Phil. 11. 20. de Timotheo loquens: „ Neminem habeo ita unanimum, „ qui sincera affectione pro vobis sollicitus sit: „ qui vos commonefaciat vias meas; idest, qui vos doceat meos processus, idest omnia opera, & moneat vos ad ea sequendum, secundum illud Hier. vi. 26. „ Interrogate de semitis antiquis, quæ sit via bona, & ambulate in ea. „ Quæ quidem viæ sunt in Christo; & ideo non debetis de-

dignari eas sequi, secundum illud Psalm. xxiv. 4. „ Vias tuas, Domine, demonstra mihi. „ Et non videatur vobis hoc onerosum, quia hoc communiter omnibus impono. Unde subdit: *Sicut ubique in Ecclesia doceo*. Colos. 1. 5. „ Audistis veritatem Evangelii, quod pervenit ad vos, sicut, & in universo mundo. „ Vel hoc quod dicit, *Vias meas*, referendum est ad opera; quod vero dicit, *Sicut ubique*, ad documenta. Ad hoc enim missus erat Timotheus, ut induceret eos ad imitanda opera, & tenenda Apostoli documenta.

Deinde cum dicit, *Tamquam non venturus sim ad vos*, comminatur eis correctionis flagellum: & primo ostendit eos esse dignos correctionis flagello, dicens: *Tamquam non venturus sim ad vos, inflati sunt quidam*, scilicet vestrum, quasi non timentes per me de sua superbia convinci, & tamen digni sunt flagellis: nam humiles solis verbis corriguntur, superbi flagellis indigent, secundum illud Iob xl. 7. „ Recipite cunctos suos, perbos, & confunde eos. „ Secundo prænuuntiat eis suum adventum, quo veniet ad iudicandum: ubi primo prænuuntiat adventum, dicens: *Veniam autem cito ad vos*. Et quia dicitur Proverb. xvi. 9. „ Cor hominis disponit viam suam, sed Domini est dirigere gressus eius: „ ideo subdit: *Si Dominus voluerit*. Iac. iv. 15. „ Si Dominus voluerit, & si vixerimus, faciemus hoc, aut illud. „ Secundo prænuuntiat eis suam iudicariam cognitionem, cum dicit: *Et cognoscam*, scilicet ordine iudicario, secundum illud Iob xxix. 16. „ Cuius tamquam nesciebam, diligentissime inquiram: „ non sermone cornu qui inflati sunt, sed virtute; quasi dicat: Non propter hæc ex mea examinatione approbabitur qui abundat in verbis, sed stabundarent in virtute: quia, ut dicitur Prov. xiv. 23. „ ubi verba sunt plurima, ibi fretus, quenter egessas. „ Tercio rationem assignat, dicens: *Non enim in sermone est regnum Dei, sed in virtute*; idest, non ideo aliqui pertinent ad regnum Dei, quia abundant in sermone, secundum illud Matth. vii. 21. „ Non omnis qui dicit mihi, Domine, Domine, intrabit in regnum cælorum, sed „ qui facit voluntatem Patris mei. „ Ultimo comminatur eis correctionem, referens tamen correctionem arbitrio eorum, dicens: *Quid vultis? In virga*, scilicet discipline, *veniam ad vos*, scilicet castigandos, *an in caritate*, idest ostensione amoris, *& in spiritu mansuetudinis*? ut scilicet nihil

his durius vobiscum agam: hoc enim penderet (a) ex vobis. Nam si vos in via stultitiae permanetis, oportet me ad vos cum virga venire, secundum illud Proverb. xxix. 15. „Stulticia colligata est in corde pueri, & virga disciplinae fugabit eam.“ Si vero vos correxeritis, ostendam vobis caritatem, & mansuetudinem: Galat. ult. r. „Vos qui spirituales estis, instruite huius-

„modi in spiritu lenitatis.“ Hoc autem non dicit, quia si in virga veniens, non cum caritate veniret, cum scriptum sit Proverb. xiii. 24. „Qui parcat virgae, odit filium suum; qui autem diligit illum, instanter erudit:“ sed quia ille qui castigatur virga, non sentit interdum dulcedinem caritatis, sicut illi quos blande consolatur.

CAPITIS QUINTI LECTIO I.

Omnia auditur inter vos fornicatio, & talis fornicatio qualis nec inter Gentem, ita ut uxorem patris sui aliquis habeat. Et vos inflati estis, & non magis luctum habuistis, ut tollatur de medio vestrum qui hoc opus fecit. Ego quidem abiens corpore, praesens autem spiritu, iam iudicavi ut praesens eum qui sic operatus est, in nomine Domini nostri Iesu Christi congregatis vobis, & meo spiritu cum virtute Domini Iesu, tradere huiusmodi hominem latanæ in interitum carnis, ut spiritus salvus sit in die Domini nostri Iesu Christi.

Postquam Apostolos profecutus est ea quae pertinent ad baptismi sacramentum, hic incipit profequi ea quae pertinent ad matrimonium: & primo arguit peccatum contrarium matrimonio, scilicet fornicationem; secundo agit de ipso matrimonio capit. vii. ibi, *De quibus autem scripsistis mihi &c.* Circa primum duo facit. Primo ponit culpam; secundo redarguit eam, ibi, *Non est bona gloria vestra.* Circa primum duo facit. Primo ponit culpam cuiusdam fornicarii; secundo culpam aliorum qui peccatum fornicarii tolerabant, ibi, *Et vos inflati estis &c.* Circa primum primo ponit tria, quae pertinent ad culpae gravitatem. Primo namque ostendit peccatum esse notorium, dicens: Non sine causa quaesivi an velitis quod in virga veniam ad vos: est enim in vobis aliquid dignum virga disciplinae: quia fornicatio auditur inter vos omnia, secundum publicam (b) famam; contra quod dicitur Ephes. v. 3. „Fornicatio autem nec nominetur in vobis.“ Eia. iiii. 9. „Peccatum suum, quasi Sodoma, praedicaverunt, nec absconderunt.“ Secundo aggravat peccatum ex comparatione, cum dicit: *Et talis fornicatio qualis nec inter Gentes*, licita reputatur, vel invenitur. Apud Gentiles enim simplex

fornicatio non reputabatur peccatum: unde Apostoli Act. xv. ad hunc errorem excludendum, Gentilibus ad fidem conversis imposuerant quod abstineant se a fornicatione. Erat tamen quaedam fornicationis species quae & apud Gentiles illicita habebatur; & ideo dicit: *Ita ut uxorem patris sui aliquis habeat*; sicut dicitur Gen. xli. 4. „Effusus es sicut aqua: non crescas,“ quia ascendisti cubile patris tui, & masculi stratum eius. Hoc autem erat horribile etiam apud Gentiles, utpote contrarium naturali rationi existens. Per naturalem enim reverentiam filii ad parentes, secundum omnem statum, & legem, pater, & mater a matrimonio excluditur, ut sic etiam possit intelligi quod habetur Genes. ii. 24. „Propter hoc relinquet homo patrem, & matrem (scilicet in contrarium matrimonii) & adheret uxori suae.“ Sicut autem ibi subditur, vir, & mulier erunt duo in carne una. Et ideo uxor patris repellitur a matrimonio, sicut persona patris, vel matris, secundum illud Levit. xviii. 8. „Turpitudinem uxoris patris tui ne discoperias: turpido enim patris tui est.“ Deinde cum dicit, *Vos inflati estis*, ponit culpam eorum qui hoc peccatum tolerabant:

Li 2

(a) scilicet in vobis.

(b) scilicet formam.

bant : & primo reprehendit eorum tolerantiam ; secundo supplet quod illi negligebant , ibi , *Ego quidem absens corpore , praesens autem spiritu , iam iudicavi* . Circa primum notat in eis tria vitia . Primo superbiam , cum dicit : *Et vos inflati estis , scilicet vento superbiae , reputantes vos innocentiores ex comparatione peccatoris ; sicut Luc. xviii. 11. phariseus dicebat : „ Non sum sicut ceteri hominum . . . velut et. iam hic publicanus . „ Sap. xv. 19. „ Dirumpet illos inflatos sine voce . „* Secundo tangit eorum iniustitiam , cum dicit : *Et non magis iustum habuistis , scilicet patiendo causa peccatoris , sicut Hier. ix. 1. dicitur : „ Quis dabit capiti meo aquam , & oculis meis fontem lacrymarum , ut plorem die ac nocte interfectos filiae populi mei ? „* Vera enim iustitia , ut dicit Gregorius (hnm. xxiiv. super Evang.) compassionem habet , non designatinnem . Terrio tangit eorum iudicii negligentiam : *Ut solatur de medio vestrum qui hoc opus fecit* . Talis enim compassio viri insti ad peccatorem vulnerat , & liberat , secundum illud Proverb. xxi. 14. „ Tu virga (a) percuties eum , & animam eius de inferno liberabis . „ Per hoc etiam alii corriguntur , secundum illud Proverb. xix. 25. „ Pestilente flagellatu , stultus sapientior erit . „ Unde Eccle. viii. 11. „ Quia non profertur cito contra malos sententia , absque ullo timore filii hominum perpetrant mala . „ Debet autem ad correctionem aliorum interdum peccator separari , ubi de contagione timetur , secundum illud Proverb. x. 22. „ Elice derisorum , & exibat cum eo iurgium , cessabantque causae , & contumeliae . „ Deinde cum dicit , *Ego quidem absens corpore . . . iam iudicavi* , supplet eorum negligentiam , sententiam proferens contra peccatorem : & circa hoc tria facit . Primo ponit auctoritatem iudicantis ; secundo modum iudicandi , ibi , *Congregatis vobis , & meo spiritu cum virtute Domini Iesu* ; tertio sententiam iudicis , ibi , *Tradere huiusmodi hominem satana* . Circa primum duo facit . Primo ponit auctoritatem ministri , scilicet sui ipsius .

Videbatur autem contra iudicarium ordinem , ut condemnaret absentem , secundum illud Aq. xxv. 16. „ Non est consuetudo Romanis condemnare aliquem , priusquam is qui accusatur , praesentes habeat

accusatores . „ Sed hoc Apollolus excusat , dicens : *Ego quidem absens corpore , praesens autem spiritu* , idest affectu , & sollicitudine mentis , secundum illud Coloss. ii. 5. „ Et si corpore absens sum , sed spiritu vobiscum sum , gaudens , & videns ordinem vestrum . „ Vel *praesens spiritu* , quia per spiritum cognoscebat ea quae apud ipsos agebantur , ac si praesens esset , sicut & Eliens dixit IV. Reg. v. 26. „ Nonne cor meum in praesenti erat , quando reversus est homo de curru suo ? „ Et quia sum spiritu praesens , iam iudicavi : idest , sententiam condemnationis ordinavi in eum qui sic operatus est .

Secundo ponit auctoritatem principalis Domini , dicens : *In nomine Domini nostri Iesu Christi* , idest vice , & auctoritate , seu cum virtute , & invocatione nominis eius , secundum illud Coloss. ii. 17. „ Omnes quodcumque facitis in verbo , aut in opere , in nomine Domini nostri Iesu Christi facite . „ Deinde cum dicit , *Congregatis vobis in unum* , (b) ostendit modum iudicandi : ubi tria tangit . Primo fidelium congregationem , cum dicit : *Congregatis vobis* . Ea enim quae gravia sunt , multum consensu deliberatione puniendi sunt : unde & antiquitus iudices sedebant in portis , ubi populus congregabatur , secundum illud Deut. xvi. 18. „ Iudices constitues in omnibus portis tuis . „ Unde dicitur in Psal. cx. 1. „ In consilio iustorum , & congregatione , magna opera Domini : „ & Matth. xviii. 20. „ Ubi sunt duo vel tres congregati in nomine meo , ibi sum in medio . „ Secundo adhibet suum assensum , cum dicit , *Et meo spiritu* , idest mea voluntate , & auctoritate , secundum illud quod dixerat , *Praesens autem spiritu* . Tertio adhibet auctoritatem principalis Domini , scilicet Christi , dicens : *Cum virtute Domini nostri Iesu Christi* : ex qua iudicium Ecclesiae habet robur firmitatis , secundum illud Matth. xviii. 18. „ Quodcumque ligaveris super terram , erit ligatum & in caelis . „ Deinde cum dicit , *Tradere huiusmodi hominem satana* , ponit condemnationis sententiam : circa quam tria ponit . Primo poenam , cum dicit : *Tradere huiusmodi satana* : supple , iudicavi : quod potest dupliciter intelligi . Primo quod , (c) sicut Matth. x. Dominus dedit Apollolus potestatem spirituum immundorum , ut eiecissent eos , per eandem potestatem poterant

(a) Al. percutis . (b) Al. ostendit modum iudicandi : ea enim quae gravia sunt &c. intermodis iudicis . (c) Al. sicut dicitur .

erant imperare spiritibus immundis ut vexarent corporaliter quos hac pœna iudicabant dignos. Mandavit ergo Apostolus Corinthiis in eius auctoritate tradere prædium fornicarium satanæ corporaliter vendendum. Unde ponit secundum huius sententiæ effectum, cum dicit, *In interitum carnis*, idest ad vexationem carnis, & afflictionem, in qua peccavit, secundum illud Sap. xi. 17. „Per quæ peccat quis, per hæc & torquetur.“ Tertio ponit fructum, cum dicit: *Ut spiritus saluus sit in die Domini nostri Iesu Christi*; idest, ut salutem consequatur in die mortis, vel in die iudicii, sicut supra 111. expositum est: & sic impletur quod ibi 15. subditur: *Ipsi autem salvi eris, sic tamen quasi per ignem*, pœnæ scilicet temporalis. Non enim Apostolus satanæ tradidit peccatorem, ut eius potestati perpetuo subiaceret, sed ut carnis vexatione ad poenitentiam converteretur, secundum illud Esa. xxv. 1. 19. „Sola vextatio intellectum dat auditui.“ Est autem hæc sententia Apostoli, quam Dominus servavit Iob 11. 6. ubi satanæ dixit: „Ecce in manu tua est (scilicet caro eius), verumtamen animam illius serva, (scilicet illam).“ Alio modo intelligi potest quod dicitur, *Tradere huiusmodi satanæ*, scilicet per excommunicationis sententiam,

per quam aliquis separatur a communione fidelium, & a participatione sacramentorum, & privatur Ecclesiæ suffragiis, quibus homo munitur contra impugnationem satanæ; propter quod de Ecclesia dicitur Cant. vi. 9. „Terroribus ut calstrum acies ordinata, scilicet dæmonibus.“ Quod autem subditur, *In interitum carnis*, intelligitur, ut scilicet ab Ecclesia separatus, & tentationibus satanæ expositus, liberius ruat in peccatum, secundum illud Apoc. ult. 11. „Qui in sordibus est, sordescat adhuc.“ Vocat autem peccata mortalia carnis interitum: quia, ut dicitur Galat. ult. 8. „Qui seminat in carne, de carne & metet corruptionem.“ Subdit autem: *Ut spiritus saluus sit*; ut scilicet peccatorum turpitudinem cognoscens, confundatur, & poeniteat, & sic sanetur, secundum illud Hier. xxxi. 19. „Confusus sum, & erubui, quoniam sustinui opprobrium adolecentiæ meæ.“ Potest etiam intelligi, ut spiritus eius, scilicet Ecclesiæ, idest Spiritus sanctus Ecclesiæ, saluus sit, fidelibus, in die iudicii, ne scilicet perdant eum per contagium peccatoris: quia, ut dicitur Sap. i. 5. „Spiritus sanctus discipulæ effugiet fictum, & auferet se a cogitationibus quæ sunt sine intellectu.“

L E C T I O II.

Non est bona gloriatio vestra. Nescitis quia modicum fermentum totam massam corrumpit? Expurgate vetus fermentum, ut sitis nova conspersio, sicut estis azymi. Etenim pascha nostrum immolatus est Christus. Itaque epulamur, non in fermento veteri, neque in fermento malitiæ, & nequitiae, sed in azymis sinceritatis, & veritatis.

Supra Apostolus memoravit duplicem culpam, scilicet Corinthii fornicatoris, & aliorum qui eius peccatum tolerabant; hic utramque culpam redarguit. Primo culpam tolerantium eius peccatum; secundo culpam fornicatoris, ibi, *Corpus autem non fornicationi, sed Domino*. Circa primum duo facit. Primo redarguit in Corinthiis negligentiam iudicii; secundo redarguit in eis quædam alia vitia circa iudicium, vi. cap. *Andet aliquis vestrum... indicari apud iniquos, & non apud sanctos?* Circa primum duo facit. Primo redarguit eos qui fornicatorem a se non separaverant; secundo reprobat falsam intellectum quem ex verbis suis conceperant, ibi, *Scripti vo-*

bis in Epistola &c. Circa primum duo facit. Primo reprehendit quod fecerant; secundo ostendit quid faciendum sit, ibi, *Expurgate vetus fermentum*. Circa primum duo facit. Primo reprehendit culpam præteritam quantum ad suam radicem: dixerat enim supra, quod ex inflatione sequitur in eis incompassio, & ex incompassioe correctionis negligentia. Arguit ergo primo Corinthiorum elationem, dicens: *Non est bona gloriatio vestra*, qua scilicet de defectibus aliorum gloriamini, quasi vos sitis innocentes. Debet (a) enim unusquisque in Domino gloriari de bonis sibi divinitus datis, non de aliis, secundum illud Galat. vi. 4. „Opus autem suum unusquisque probet;“

„& sic

(a) *Id. autem.*

„ & sic in semetipso gloriam habebit, & non in alio. „ Præcipue autem malum est de malis aliorum gloriarī: dicitur enim in Psalm. 12. 3. „ Quid gloriaris in malitia? „ Secundo assignat rationem eius quod dixerat, dicens: *An nescitis quod modicum fermentum totam massam corrumpit?* quasi dicat: Hoc ignorare non potestis. „ Est autem sciendum, quod in fermento duo possunt considerari. Primo sapor quem tribuit panī; & secundum hoc per fermentum figi solet sapientia Dei, per quam omnia quæ sunt hominis, sapida redduntur, & secundum hoc dicitur Matth. 13. 33. „ Simile est regnum cælorum fermento, quod acceptum mulier abscondit in farinæ satis tribus donec fermeotatum est totum. „ Secundo in fermento potest considerari corruptio; & secundum hoc per fermentum potest intelligi homo peccator; & ad hoc inducitur hæc similitudo: sicut enim per modicum fermentum tota massa pastæ corrumpitur, ita per unum peccatorem tota societas inquiritur: unde Eccli. 11. 34. „ Ab una scintilla augetur ignis, & ab uno doloso augetur sanguis. „ Et hoc quidem contingit dum per peccatum unus alii provocantur qualiter ad peccandum; vel etiam dum peccanti consentiunt, saltem non corrigendo dum possunt corrigere, secundum illud Rom. 1. 32. „ Digni sunt morte non solum qui faciunt ea, sed etiam qui consentiunt facientibus. „ Et ideo Corinthiis nunc erat glorandum de peccato unius, sed magis cavendum ne peccato unus omnes inquinarentur ex eius consortio, secundum illud Cant. 11. 2. „ Sicut lilium inter spinas, sic amica mea inter filias: ubi dicit Glossa: „ Non sinit bonos quæ malos tolerare non potuit. „

Deinde cum dicit, *Expurgate vetus fermentum*, ostendit quid de cetero sit faciendum: & primo ponit documentum; secundum rationem assignat, ibi. *Pascha nostrum immolatus est Christus*. Dicit ergo primo: Quia modicum fermentum totam massam corrumpit, ideo expurgate vetus fermentum; id est, expurgate vos, abiciendo a vobis

vetus fermentum, id est fornicarium, quod peccando rediit in vetustatem corruptiois antiquæ, secundum illud Baruch 22. 11. „ Inveterasti in terra aliena, coinquinatus es cum mortuis. „ Quod quidem dicit, quia per separationem uoius peccatoris tota societas expurgatur: unde & egrediens Iuda Dominus dixit Ioan. 11. 31. „ Nunc clarificatus est Filius hominis. „ Potest etiam per vetus fermentum intelligi antiquus error, secundum illud Esa. xxvi. 3. „ Vetus error abiit: vel etiam corruptio originalis peccati, secundum illud Rom. vi. 6. „ Vetus homo noster simul crucifixus est: vel etiam quodcumque peccatum aequale, secundum illud Coloss. 1. 9. „ Expoliantes vos veterem hominem cum actibus suis: horum enim (a) amotione homo expurgatur. Ponit autem consequenter purgationis effectum, dicens: *Ut sitis nova conspersio*. Dicitur autem conspersio commixtio aquæ, & farinæ novæ, atqueam admisceatur fermentum. Remoto ergo fermento a fidelibus, id est peccatore, vel peccato, remanent sicut nova conspersio, id est in puritate suæ oo-viratis, secundum illud Psalm. 51. 3. „ Renovabitur ut aquilæ iuventus tua. „ Ephe. 1. 23. „ Renovamini spiritu meditis vestris. „ Deinde ponit modum debiti expurgationis, cum dicit: *Sicut estis azymi*, id est sine fermento peccati: dicitur enim ab a, quod est sine, & zima, quod est fermentum. Unde Dominus Matth. 26. 21. dixit discipulis: „ Cave te a fermento pharisæorum, & sadducæorum. „

Deinde cum dicit, *Etenim pascha nostrum immolatus est Christus*, assignat rationem eius quod dixerat, scilicet quare fideles debent esse azymi: quæ quidem ratio sumitur ex mysterio passionis Christi: unde primo proponit ipsam mysterium; secundo concludit propositum, ibi, *Inquit epulemur... in azymis sinceritatis, & veritatis*. Circa primum considerandum est, quod inter cetera sacramenta legalia celeberrimum erat agnus paschalis, qui, ut præcipitur Exod. 12. 1. immolabatur ab universa multitudine filiorum Israel, in memoriam illius beneficii quo Angelus percussit primogenita Egypti pertransiit domos Iudæorum, quorum fores linite effecit sanguine agni: unde nomen paschæ sumitur, secundum quod ibi dicitur vers. 11. „ Est enim pascha, id est transitus Domini: „ & ultimo virtute huius.

hnius beneficii transivit populus mare rubrum, ut dicitur Exod. xxiv. Ille enim agnus figura fuit Christi innocentis, de quo dicitur Ioan. 1. 3. „Ecce agnus Dei.“ Sicut ergo ille agnus figuralis immolabatur a filiis Israel, ut populus Dei liberaretur ab Angelo percutiente, & ut transirent mare rubrum liberati de servitute Aegypti; ita Christus est occisus a filiis Israel, per cuius sanguinem populus Dei liberatur a diaboli impugnatione, & servitute peccati per baptismum, quasi per mare rubrum. Ille autem agnus figuralis pascha ludæorum dicebatur, quia in signum transitus immolabatur: unde dicitur Matth. xxvi. 17. „Ubi vis paremus tibi comedere pascha?“ idest agnum paschalem. Dicit ergo Apostolus: Ideo debetis esse azymi: *veniam*, idest quia, sicut figurale pascha veteris populi est agnus immolatus, ita *pascha nostrum*, idest novi populi, est *Christus immolatus*: cuius etiam immolationi convenit nomen paschæ, tum significatione linguæ Hebrææ, quod significat transitum: Exod. xii. 11. „Est enim pascha, idest transitus:“ tum significatione linguæ Græcæ, prout nomen paschæ significat passionem: Christus enim per passionem, qua fuit immolatus, transivit ex hoc mundo ad Patrem, ut dicitur Ioan. xiii.

Deinde cum dicit, *Itaque epulemur*, concludit propositum. Ad cuius evidentiam considerandum est, quod, sicut legitur Exod. xii. agnus paschalis post immolationem manducabatur cum azymis panibus. Sicut ergo agnus figuralis fuit figura nostri paschæ immolati, ita figuralis observantia paschalis debet conformari observantiæ novi paschæ. Ergo quia Christus immolatus est pascha nostrum, *itaque epulemur*, scilicet manducantes Christum, non solum sacramentaliter, secundum illud Ioan. vi. 54. „Nisi manducaveritis carnem Filii hominis, & biberitis eius sanguinem, non habebitis vitam in vobis;“ sed spiritualiter, fruendo sapientia eius, secundum illud Eccli. xxiv. 29. „Qui edunt me, adhuc esurient, & qui bibunt me, adhuc sitient:“ & sic cum gaudio spirituali, secundum illud Psalm. xli. 5. „In voce exultationis, & confessionis, tonus epulandi, secundum conformitatem veritatis ad figuram, dicens: *Non in fermento veteri, na-*

que in fermento malitia, & nequitia. Manducabatur enim Exod. xii. quod omne fermentum non inveniretur in domibus manducantium agnum paschalem. Fermentum autem habet & vetustatem, & corruptionem: unde per remotionem fermenti primo quidem (a) potest intelligi amotio observantiæ præceptorum veteris legis, quæ per passionem Christi est mortificata, secundum illud Levit. xxvi. 10. „Vetera novis supervenientibus, proicietis.“ Secundo per remotionem fermenti potest intelligi remotio corruptionis peccati, sicut supra dictum est, quod modicum fermentum totam corruptum massam; & quantum ad hoc subdit: *Neque in fermento malitia, & nequitia*: ut malitia referatur ad perversitatem operis, secundum illud Iac. 1. 21. „Abicientes omnem immunditiam, & abundantiam malitiæ.“ Per nequitiam vero intelligitur fraudulenta machinatio: Proverb. xxvi. 25. „Quando sumplerit vocem suam, non credideris ei, quoniam septem nequitia sunt in corde eius.“ Vel secundum Glossam, cum dicit, *Non in fermento veteri*, removet vetustatem peccati in communi; quod autem subdit, *Neque in fermento malitia, & nequitia*, (b) explicat peccatum per partes; ut malitia dicatur peccatum quod committitur in seipsum, nequitia peccatum quod committitur in alium. Ex his ergo modo indebito epulandi, determinat modum convenientem, subdens: *Sed in azymis sinceritatis, & veritatis*; idest, in sinceritate, & veritate, quæ significantur per azyma. Ponitur autem sinceritas contra corruptionem peccati: quod significavit cum dixit: *Non in fermento malitia, & nequitia*: itam sincerum dicitur quod est sine corruptione: unde II. Corinth. 11. 17. dicitur: „Non sumus sicut plurimi adulterantes verbum Dei, sed ex sinceritate in Christo loquimur.“ Veritas vero ponitur contra figuras veteris legis, sicut Ioan. 1. 17. dicitur: „Veritas, & gratia per Iesum Christum facta est:“ quia scilicet verum pascha cum veritate, & non cum figuris, celebrare debemus. Unde, secundum Glossam, per sinceritatem intelligitur innocentia a vitiis, seu novitas vitæ; per veritatem autem iustitia bonorum operum, vel relictio, quæ fraudem excludit.

(a) *id.* potest intelligi observantia præceptorum &c. (b) *id.* applicat.

Scripsi vobis in Epistola, ne commisceamini fornicariis: non utique fornicariis huius mundi, aut avaris, aut rapacibus, aut idolis servientibus: aliqui debueratis de hoc mundo exisse. Nunc autem scripsi, vobis non commisceri. Si is qui frater nominatur inter vos, est fornicator, aut avarus, aut idolis serviens, aut male-dicus, aut ebriolus, aut rapax: cum huiusmodi nec cibum sumere. Quid enim mihi de his qui foris sunt iudicare? Nonne de his qui intus sunt, vos iudicatis? Nam eos qui foris sunt, Deus iudicabit. Auferte malum ex vobis ipsis.

Induxerat supra Apostolus Corinthios ad hoc quod a seipsis peccatorem separant; quod quidem prætermiserant propter falsum intellectum cuiusdam verbi quod continebatur in Epistola quadam quam eis prius miserat: & ideo pravum sensum quem ex verbis conceperant, nunc excludit: unde circa hoc tria facit. Primo resumptum verbum prioris Epistolæ: secundo excludit falsum intellectum, ibi, *Non utique fornicariis*; tertio exponit verum intellectum, ibi, *Nunc autem scripsi vobis*. Dicit ergo primo: Dixi vobis in Epistola quadam alia, quæ in canone non habetur, ne commisceamini fornicariis; id est, non habeatis cum eis societatem, vel communionem, secundum illud Prover. 2. 15. „Fili mi, ne ambules cum eis, prohibe pedem tuum a semitis eorum.“ Eccli. 12. 6. „Non des fornicariis animam tuam in ullo.“

Deinde cum dicit, *Non utique fornicariis*, excludit falsum intellectum prædicti verbi: & primo proponit quod intendit; secundo concludit propositum, ibi, *Alioquin debueratis de hoc mundo exisse*. Circa primum considerandum est, quod in prædicto verbo Apostoli dupliciter falsum intellectum conceperant Corinthii. Primo quantum ad hoc quod intelligebant illud esse dictum de fornicariis infidelibus; sed illud excludit Apostolus, dicens: *Non utique* intendo dicere, quod non commisceamini fornicariis huius mundi. Vocat autem infideles nomine mundi, secundum quod dicitur Ioan. 1. 10. „Mundus eum non cognovit.“ supra 1. 21. *Non cognovit mundus per sapientiam Deum*. Secundo conceperant falsum intellectum quantum ad hoc quod putabant prohibuisse Apostolum solum de fornicariis, non autem de aliis peccatoribus: & ideo ad hoc excludendum subdit, *Aut avaris*, qui scilicet iniuste detinent aliena: Ephes. 5. 3. „Avaritia, quæ est idolorum servitus, non habet hereditatem in regno Christi, & Dei.“ *Aut rapacibus*, qui scilicet violenter diripiunt a-

liena: infra eodem: „Neque rapaces regnum Dei possidebunt.“ *Aut idolis servientibus*; contra quos dicitur Sap. xiv. 27. „Nefandorum enim idolorum cultura omnis malitiæ causa est, & initium, & finis.“ Et est sensus. Non solum vobis prohibui societatem fornicatorum, sed etiam omnium aliorum peccatorum. Et est advertendum, quod per fornicationem quis peccat contra seipsum; per avaritiam autem, & rapacitatem contra proximum: per idolorum autem cultum contra Deum: & in his quæ ponit, omne peccati genus intelligitur. Deinde cum dicit, *Alioquin &c.* assignat rationem propositi, dicens: *Alioquin*, si scilicet sit intelligendum verbum prædictum de fornicariis huius mundi, debueratis de hoc mundo exisse: quia scilicet totus mundus talibus plenus est: unde non possitis tales fornicarios vitare, nisi de hoc mundo exeundo: dicitur enim I. Ioan. v. 19. „Totus mundus in maligno positus est.“ Vel aliter. *Debueratis de hoc mundo exisse*; quasi dicat: A tempore conversionis vestræ debueratis ab infidelibus mundi separari: unde non oportet vos super hoc moneri: dicitur enim Ioan. xv. 19. „Ego elegi vos de mundo.“ Vel aliter. *Debueratis de hoc mundo exisse*, scilicet per mortem: melius est enim hominibus mori, quam peccatoribus in peccatis consentire: unde dicitur infra 1x. 15. *Melius est enim mihi mori quam ut gloriam meam quis evacuet.*

Deinde cum dicit, *Nunc autem scripsi vobis*, exponit eis verum intellectum: & primo proponit quod intendit; secundo rationem assignat, ibi, *Quid enim mihi de his qui foris sunt?* tertio infert conclusionem intentam, ibi, *Auferte malum ex vobis ipsis*. Dicit ergo primo: Nunc autem sic expono quod olim scripsi vobis, *Non commisceamini*, scilicet fornicariis, & aliis peccatoribus. *Si is qui inter vos frater nominatur*, eo modo quo Dominus dicit Matth. xxiii. 8. „Omnes vos fratres estis.“ Non tamen dicit, *Si is* qui

qui frater est: sed si is qui frater nominatur: quia per peccatum mortale aliquis a caritate recedit, quæ est spiritualis fraternitatis causa: unde Heb. ult. x. dicitur. „Carnitas fraternitatis maneat in vobis:“ Nominatur ergo frater propter fidei veritatem; non autem est vere frater propter caritatis defectum, qui est ex peccato. Unde subditur: *Aut fornicator, aut avarus, aut idolis serviens, aut maledicus, aut rapax, aut ebrius, cum huiusmodi nec cibum sumere*, scilicet debetis, secundum illud Ioan. II. Canon. ver. 10. „Si quis venit ad vos, & hanc doctrinam non afferit, nolite eum recipere in domo vestra, nec alicuius verba dixeritis ei:“ quasi dicat: Per hoc quod dixi, non debere vos misceri peccatoribus, intellexi de fidelibus, qui nominantur fratres, & sunt inter vos. Non autem per hoc intelligendum est, sicut dicit Augustinus in Lib. (III. cap. 1.) contra Parmenianum, & habetur in Glossa hic, quod aliquis extraordinario iudicio debeat a communione aliorum separari: quia frequenter possit errare: sed potius hoc debet fieri secundum ordinem Ecclesiæ, quando aliquis a communione repellitur, ut convictus, vel sponte confessus: & ideo signanter dicit: *Si is qui nominatur*, ut eam nominationem intelligamus quæ sit per sententiam (a) Ecclesiæ ordine iudicario contra aliquem prolatam. Illi autem qui sic a communione pelluntur, sunt vitandi quantum ad mensam, sicut hic dicitur, & quantum ad salutationem, ut dicitur in prædicta auctoritate Ioannis, & ulterius quantum ad sacram communionem: unde in versu dicitur:

„Os, orare, vale, communio,
menſa negatur,“

scilicet excommunicato.

Sed notandum, quod Apostolus supra non numeravit nisi peccata mortalia, in signum quod pro solo peccato mortali debet aliquis excommunicari. Et de aliis quidem quæ ponit manifestum est: sed de ebrietate potest esse dubium, quæ non semper videtur esse peccatum mortale: dicit enim Augustinus in sermone de Purgatorio (inter serm. de sanct. serm. xli.) quod ebrietas nisi sit frequens, non est peccatum mortale. Quod credo ideo esse, quia ebrietas ex suo genere est peccatum mortale. Quod enim aliquis propter delectationem vini velit perdere usum rationis, exponens se periculo multa alia peccata perpetrandi, videtur esse contrarius caritati. Contingit tamen per

S. Th. Oper. Tom. VI.

accidens, ebrietatem non esse peccatum mortale propter ignorantiam vini fortitudinis, vel debilitatis proprii capitis; quæ tamen excusatio tollitur per frequentem experientiam: & ideo Apostolus signanter non dicit, Ebrius, sed *ebriosus*.

Addit autem duo peccata his quæ supra posuerat, scilicet ebriosum, & maledicum. Refertur autem ebrietas ad genus peccati quod committitur contra seipsum, sub quo continetur, non solum luxuria, sed etiam gula; maledicus autem refertur ad genus peccati quod committitur contra proximum, cui nocet aliquis non solum facto, sed etiam verbo, mala imprecando, vel male diffamando, quod pertinet ad detractiōnem; vel mala in faciem dicendo, quod pertinet ad contumeliam: & hoc totum pertinet ad rationem maledici, ut supra dictum est.

Deinde cum dicit, *Quid enim mihi est?* assignat rationem eius quod dixerat: & circa hoc tria facit. Primo assignat rationem, dicens: Dixi hoc esse intelligendum de fratribus, & non de infidelibus: *quid enim mihi est*, idest quid ad me pertinet, iudicare, idest sententiam condemnationis ferre, de his qui foris sunt, idest de infidelibus, qui sunt omnino extra Ecclesiam? Prælati enim Ecclesiarum accipiunt spirituales potestates super eos tantum qui se fidei subdiderunt, secundum illud II. Corinth. x. 7. „In promptu habentes ulcisci omnem inobedientiam, cum impleta fuerit vestra obedientia.“ Indirecte tamen prælati Ecclesiarum habent potestatem super eos qui foris sunt, in quantum (b) propter eorum culpam, prohibent fideles, ne illis communicent. Secundo adhibet similitudinem, dicens: *Namque de his qui intus sunt, vos iudicatis?* quasi dicat: Eadem auctoritate vos iudicatis quæ & ego: (c) unde sicut vos non iudicatis nisi de vestris; ita & ego. Dicitur Eccli. x. 1. „Iudex sapiens, iudicabit populum suum.“ Tertio respondet tacitæ dubitationi. Posset enim videri quod infideles essent meliores, qui propter peccata prædicta non condemnantur. Sed hoc excludit, dicens: Ideo nihil mihi de his qui foris sunt, iudicare: *nam eos qui foris sunt*, idest infideles, iudicabit Deus, scilicet iudicio condemnationis, non examinationis: quia, ut Gregorius dicit in Moralibus, infideles damnabuntur sine iudicio discussionis, & examinationis; & quantum

M m tum

(a) *Al. omittitur* Ecclesiæ. (b) *Al. dist.* propter eorum culpam. (c) *Al.* unde nec

etiam ad hoc dicitur Ioan. 111. 18. „ Qui „ non credit, iam iudicatus est; „ idest, manifestam in se habet causam condemnationis. Et hoc gravius reservatur Dei iudicio, secundum illud Heb. x. 31. „ Horrendum est incidere in manus Dei viventis. „

Deinde cum dicit, *Auferite malum ex vobis ipsis*, insert conclusionem principaliter intentam, dicens: Ex quo hoc quod dixi, *Non commiscetamini fornicariis*, intelligendum est de fidelibus, non de his qui foris sunt: ergo *auferite malum*, scilicet hominem, *ex vobis ipsis*, idest, de vestra societate eiciite, secundum illud Deut. x111. 5. „ Auferes malum de medio tui. „

Est ergo considerandum ex præmissis Apo-

stoli verbis, quod non prohibemur communicare infidelibus qui numquam fidem receperunt, propter eorum penam. Est tamen hoc cavendum aliquibus, scilicet infirmis, (1. 4), propter eorum cautelam, ne seducantur. Ili vero qui sunt firmi in fide, possunt eis licite communicare, & dare operam conversioni eorum, ut dicitur infra x. 27. *Si quis infidelium vocat vos ad cænam, & vultis ira; omne quod appositum fuerit manducate*. Infidelibus autem qui aliquando fideles fuerunt, vel sacramentum fidei receperunt, sicut hæreticis, & apostatantibus a fide, subtrahitur omnino communio fidelium; & hoc in eorum penam, sicut & ceteris peccatoribus, qui adhuc subduntur potestati Ecclesiæ.

CAPITIS SEXTI

L E C T I O I.

A Udet aliquis vestrum habens negotium adversus alterum, iudicari apud iniquos, & non apud sanctos? An nescitis quoniam sancti de hoc mundo iudicabunt; & si in vobis iudicabitur mundus, indigni estis qui de minimis iudicetis? Nescitis quoniam angelos iudicabimus? Sæcularia igitur iudicia si habueritis, contemptibiles qui sunt in Ecclesia, illos constituite ad iudicandum. Ad verecundiam vestram dico. Sic non est inter vos sapiens quisquam, qui possit iudicare inter fratrem suum? Sed frater cum fratre iudicio contendit, & hoc apud infideles?

S Upra Apostolus reprehenderat Corinthios de negligentia iudicii; hic reprehendit in eis quædam alia peccata circa iudicia: & primo quantum ad iudices eorum, coram quibus litigabant: secundo quantum ad ipsa iudicia, ibi, *Iam quidem omnino delictum est in vobis*. Circa primum tria facit. Primo arguit eos de inordinatione; secundo rationem reprehensionis assignat, ibi, *An nescitis quoniam sancti de hoc mundo iudicabunt?* tertio remedium adhibet, ibi, *Sæcularia igitur iudicia si habueritis, contemptibiles qui sunt in Ecclesia, illos constituite ad iudicandum*. Dicit ergo primo: Ita negligitis in iudicando vestros, sed tamen præsumptuosi estis subire infidelium iudicia; & hoc est quod dicit: *Audet*, idest præsumit, aliquis vestrum habens negotium, scilicet sæculare, adversus alium, indicari apud iniquos, idest subire iudicium infidelium, & non apud sanctos, idest apud fideles, qui sunt sa-

cramentis fidei sanctificati. Hoc enim est inordinatum multipliciter. Primo quidem quia per hoc derogatur auctoritati fidelium. Secundo quia derogatur dignitati fidelium quantum ad hoc quod infidelium iudicia subeunt. Tertio quia per hoc datur occasio infidelibus iudicibus contemnendi fideles, quos dissentire vident. Quarto quia per hoc datur occasio infidelibus iudicibus calumniandi, & opprimendi fideles, quos odio habent propter fidem, & ritus diversitatem. Ex ideo dicitur Deuter. 1. 15. „ Tuli de „ tribus vestris viros sapientes, & nobis „ les... præcepique eis, dicens: Audite illos, & quod iustum est, iudicate: „ & ibid. xvii. 15. „ Non poteris alterius gentis facere Regem qui non sit frater „ tuus. „

Sed videtur esse contra id quod dicitur I. Pet. 11. 13. „ Subditi estote omni humane creature propter Deum, sive Regi „ tam-

(1. 4) M. in cautelam.

„tamquam præcellenti, five ducibus tamquam ab eo missis: „pertinet enim ad auctoritatem Principis iudicare de subditis. Est ergo contra ius divinum prohibere quod eius iudicio non stetur, si sit infidelis.

Sed dicendum, quod Apostolus non prohibet quin fideles sub infidelibus Principibus constituti, eorum iudicio compareant, si vocentur: hoc enim esset contra subiectionem quæ debetur Principibus: sed prohibet quod fideles non eligant voluntarie infidelium iudicium.

Deinde cum dicit, *An nescitis quoniam sancti de hoc mundo iudicabunt?* assignat rationem contra id quod illi faciebant, sumptam ex hoc quod derogabant auctoritati sanctorum: & primo quantum ad auctoritatem quam habent super res mundanas; secundo quantum ad auctoritatem quam habent ad res supermundanas, idest super angelos, ibi, *An nescitis quoniam angelos iudicabunt?* Dicit ergo primo: Inordinatum est iudicium apud infideles, quia fideles habent auctoritatem iudicandi. *An nescitis quia sancti de hoc mundo iudicabunt?* idest de hominibus mundanis huius mundi: quod quidem impletur tripliciter. Primo quidem secundum comparisonem, scilicet secundum quod non solum boni iudicabunt malos, & sancti mundanos, sed etiam secundum quod boni iudicabunt a melioribus, & mali iudicabunt peiores, secundum illud Matth. xii. 41. „Viri Ninivite surgent in iudicio cum generatione ista, & condemnabunt eam. „Secundo iudicabunt approbando sententiam iudicis, scilicet Christi; & hoc erit proprie iustorum, secundum illud Psal. lvi. 11. „Lætabitur iustus cum viderit vindictam. „Unde Sap. xii. 8. dicitur: „Iudicabunt sancti nationes. „Tertio modo per sententiam prolationem; & hoc erit Apostolorum, & similium, qui contemptis rebus mundi, solis spiritualibus inhæserunt. *Spiritualis enim iudicat omnia*, ut dictum est supra ii. 15. unde & Matth. xix. 28. dicitur: „Vos qui secuti estis me, sedebitis super sedes, iudicantes duodecim tribus Israel: „& in Psal. cxlix. 6. dicitur: „Gladii accipietis in manibus eorum, ad faciendam vindictam in nationibus. „Intelligitur autem illa prolatio sententiæ non vocalis, sed spiritualis, inquantum per superiores sanctos, inferiores, vel etiam peccatores, spirituali quadam illuminatione illuminabuntur, quales pœnæ, & qualia præmia eis debeantur; sicut etiam

nunc homines illuminantur ab Angelis, vel etiam interiores Angeli a superioribus. Secundo ex hoc quod dictum est, argumentatur ad propositum, dicens: *Et si in vobis, idest per vos, iudicabitur mundus*, idest mundani homines, numquid indigni essis qui iudicetis de minimis? scilicet de negotiis secularibus. Luc. xvi. 10. „Qui in modico iniquus est, & in maiori iniquus erit. „Deinde cum dicit, *Nescitis quoniam angelos iudicabunt?* argumentatur ad idem ex auctoritate sanctorum super angelos: & primo ponit eam, dicens: *An nescitis quoniam nos, scilicet fideles Christi, iudicabimus angelos?* quod quidem potest intelligi de malis angelis, qui condemnabuntur a sanctis, quorum virtute sunt vincti. Unde Luc. x. 19. Dominus dicit: „Ecce dedi vobis potestatem calcandi super serpentes, & super omnem virtutem inimici: „& Psal. xc. 13. „Super aspidem, & basiliscum ambulabis. „Potest etiam hoc intelligi de bonis Angelis, quorum plurimi in comparatione quadam inveniuntur Paulo, & similibus sibi, inferiores. Unde signanter non dicit, iudicabitis, sed iudicabimus. Quamvis (a) etiam dici possit, quod ex consequenti, si sancti iudicabunt homines bonos, & malos, erit iudicium de bonis Angelis, quorum accidentale præmium augetur ex præmio sanctorum per Angelos illuminatorum; & etiam de malis angelis, quorum pœna augetur ex pœna hominum per eos seductorum. Secundo argumentatur ad propositum, dicens: *Quanto magis secularia, scilicet iudicia, idonei erimus iudicare?* Qui enim est idoneus ad maiora, multo magis est idoneus ad minora. Unde & Dominus, cui commiserat quinque talenta, postmodum commisit unum, ut habetur Matth. xxv.

Deinde cum dicit, *Secularia igitur iudicia*, adhibet remedium contra culpam eorum: & primo ponit remedium; secundo exponit, ibi, *Ad versecundiam vestram dico*. Dicit ergo primo: Ergo ex quo sancti de hoc mundo iudicabunt, *sineheritis inter vos secularia iudicia*, quæ tamen habere non debetis, *illos qui sunt contemptibiles in Ecclesia, constituite ad iudicandum*, potius scilicet quam iudicemini apud infideles. Unde & in Psal. cxi. 5. dicitur: „Corripiet me iustus in misericordia, & increpabit me; oleum autem peccatoris non impinguet caput meum: „& Eccl. ix. 4. dicitur: „Melius est canis vivus leone mortuo. „Deinde

M in 2

inde cum dicit, *Ad verecundiam vestram dico*, exponit quo sensu prædicta dixit. Post enim aliquis credere, quod ad litteram essent eligendi contemptibiles ad iudicandum; sed hoc excludit, dicens: *Ad verecundiam vestram dico*; quali dicat: Non hoc dixi, ut ita fiat, sed ut vos faciam verecundari, illa scilicet confusione quæ adducit gratiam, & gloriam, ut dicitur Eccli. 1v. Contemptibiles enim in Ecclesia essent eligendi ad iudicandum, si non invenirentur inter vos sapientes; quod esset vobis verecundum: unde subdit: *Sic non est inter vos sapiens quisquam qui possit iudicare inter fratrem & fratrem? Sed frater cum fratre in iudicio contendit, & hoc apud infideles?* Potius autem quam hoc faceretis, deberetis constituere contemptibiles qui sunt in Ecclesia, ad iudicandum, & supplendum defectum sapientium; qui tamen non est apud vos, secundum illud quod supra 1. 5. dixerat: *Divites facti estis in illo, in omni verbo, & in omni scientia.* Vel aliter ab illo loco *Secularia &c.* Dixerat enim, quod

sancti idonei sunt ad iudicandum sæcularia; & ideo vult offendere per quos iudicia sæcularia debeant exerceri scilicet per contemptibiles qui sunt in Ecclesia. Vocat autem contemptibiles illos qui sunt sapientes in rebus mundanis, per comparationem ad illos qui sunt sapientes in rebus divinis, quibus est reverentia exhibenda, quia in rebus temporalibus non occupantur, ut solis spiritualibus vacent; & hoc est quod subditur: *Ad verecundiam vestram dico*: secundum aliam litteram, *Ad reverentiam vestram.* Unde & Apostoli dixerunt Ad. vi. 2. „Non est æquum relinquere nos verbum Dei,“ & ministrare mensis. „Postmodum autem redit ad id quod supra reprehenderat, scilicet quod Corinthii sub infidelibus iudicibus litigabant, dicens: *Sic non est inter vos sapiens quisquam?* scilicet in rebus temporalibus, quem supra contemptibilem dixit. Unde alia non mutantur a prima expositione, quæ tamen videtur esse magis litteralis.

LECTIO II.

Iam quidem omnino delictum est in vobis, quod iudicia habetis inter vos. Quare non magis iniuriam accipitis? Quare non magis fraudem patimini? Sed vos iniuriam facitis, & fraudatis, & hoc fratribus. An nescitis quia iniqui regnum Dei non possidebunt? Nescite errare. Neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces regnum Dei possidebunt. Et hæc aliquando quidem fuistis; sed abluti estis, sed sanctificati estis, sed iustificati estis in nomine Domini nostri Iesu Christi, & in Spiritu Dei nostri. Omnia mihi licent, sed non omnia expediunt. Omnia mihi licent; sed ego sub nullius redigar potestatem. Ecce venter, & venter cæcis; Deus autem et hunc, et has destruet.

Postquam Apostolus reprehendit Corinthios de hoc quod coram infidelibus iudicibus litigabant, hic reprehendit eos quantum ad ipsa iudicia: & circa hoc duo facit. Primo ponit in quo peccabant circa iudicia; secundo manifestat quod dixerat, ibi, *An nescitis quoniam iniqui regnum Dei non possidebunt?* Circa primum duo facit. Primo reprehendit in eis circa iudicia id quod est licitum, sed non expediens; secundo id quod est penitus illicitum, ibi, *Sed vos iniuriam facitis, & fraudatis.* Circa primum duo facit. Primo ponit reprehensionem; secundo removet excusationem, ibi, *Quare non magis fraudamini?* Dicit ergo primo: Dictum est, quod frater cum fratre in iudicio contendit; quod non solum malum est, quod apud infideles con-

tenditis, sed iam quidem post conversionem vestram omnino delictum est in vobis; id est, ad delictum vobis reputatur quod iudicia habetis inter vos, inter quos scilicet debet esse pax: quia, ut dicitur II. Timoth. 11. 24. „Servus Domini non oportet litigare,“ sed mansuetum esse ad omnes. „

Apparet autem ex hoc, ut dicit hic Glossa Augustini (de Serm. Domini in mon. Lib. II. cap. xxi. & in Enchir. cap. lxxviii.) quod peccatum est iudicium habere contra aliquem. Sed hoc videtur esse falsum: quia si peccatum est iudicium habere, videtur sequi quod etiam peccatum sit iudices constituere, cum hoc sit occasionem dare iudicium habentibus; cum tamen dicatur Deuter. 1. 16. „Audite illos, & quod iudicatum est iudicate:“ & postea subditur: „quia

„Dei

„Dei iudicium est. “ Solvitur (a) autem in Glossa, quod iniuriis permittitur in iudicio sua repetere, non autem perfectis; quibus licet sua repetere, sed non in iudicio.

Est autem sciendum hic, quod aliquid est perfectius illicitum, aliquid autem omnibus. Perfectius quidem proprium non habent, secundum illud Matth. xxi. 21. „Si vis perfectus esse, vade, & vende omnia quæ habes, & da pauperibus; & veni, sequere me: “ & ideo non licet eis in iudicio repetere quasi propria, cum eis non liceat habere proprium; licet tamen eis in iudicio repetere ea quæ sunt communia: non enim hoc faciendo peccant, sed magis merentur: est enim opus caritatis, defendere, vel recuperare res pauperum, secundum illud Psal. lxxxi. 4. „Eripe pauperem, & egeum de manu peccatoris libera. “ Sed iudicium adversus aliquem est illicitum omnibus quantum ad quatuor. Primo quidem quantum ad causam ex qua aliquis iudicium habet, puta ex cupiditate, & avaritia. Unde Luc. xxi. 13. cum quidam de turba Domino disisset: „Dic fratri meo ut divadat mecum hereditatem: “ Dominus dixit: „Quis me constituit iudicem ad dividendum inter vos? “ postea subdit: „Videte, & cavete ab omni avaritia. “ Secundo quantum ad modum iudicii, quia scilicet cum contentione, & detrimento pacis, iudicium prosequuntur: ut enim dicitur Jac. iiii. 16. „ubi zelus, & contentio, ibi inconstantia, & omne opus prævium. “ Et hoc videtur Apollolus in eis reprehendere, ut patet ex hoc quod supra dixit: *Frater cum fratre in iudicio contendit*. Tercio ex perversitate iudicii, puta cum aliquis iniuste, & fraudulentè in iudicio procedit, secundum illud Esa. x. 2. „Ut opprimerent pauperem, & vim facerent causæ humilium populi mei. “ Et hoc etiam Apollolus in eis reprehendit, ut patet per id quod subdit: *Sed vos iniuriam facitis*. Quarto propter scandalum quod sequitur: unde & Dominus mandat Matth. v. 40. „Qui vult tecum in iudicio contendere, re, & tunicam tuam tollere, dimitte ei, & pallium. “ Ex caritate vero, sua in iudicio repetere licitum est: unde Gregorius dicit in Moralibus: „Cum curam rerum nobis necessitas imponit, quidam dum ea (b) rapiunt, solummodo sunt tolerandis quidam vero servata caritate sunt prohibendi, scilicet ne rapientes non sua, sed metipios perdant. “

Deinde cum dicit, *Quare non magis fraudem patimini?* tollit exultationem. Pollent enim dicere: Necessitas nos inducit ad iudicia habenda, ut scilicet resistamus iniuriis, & fraudibus aliorum. Sed hoc excludit subdicens quantum ad primum: *Quare non magis iniuriam, scilicet manifestam, accipitis?* scilicet patienter sustinendo, secundum illud quod Dominus dicit Matth. v. 39. „Si quis te percusserit in maxillam, præbe ei & alteram. “ Quantum vero ad secundum subdit: *Quare non magis fraudem patimini?* id est dolosam seductionem, secundum illud Matth. v. 41. „Si quis te angariaverit mille passus, vade cum illo, & alia duo. “ Sed, sicut Augustinus dicit in Libro de Sermone Domini in monte, hæc præcepta Domini, non sunt semper observanda in executione operis, sed semper sunt habenda in præparatione animi, ut scilicet sinus parati hoc facere, vel sustinere potius quam aliquid agere contra caritatem fraternam.

Deinde cum dicit, *Sed vos iniuriam facitis*, reprehendit in eis id quod est omnino illicitum: & primo arguit in eis manifestam iniustitiam, cum dicit: *Sed vos iniuriam facitis*, scilicet manifestè loquendo contra iustitiam aliorum vel in iudicio, vel extra iudicium: Eccli. iv. 17. „Non placeat tibi iniuria iniustorum: “ secundo dolosam deceptionem, cum subdit, *Et fraudatis*: Proverb. xii. 5. „Consilia impiorum fraudulenta: “ tertio aggravat utrumque, cum subdit, *Et hoc fratribus*, id est fidelibus, ad quos debemus bonam maxime operari, secundum illud Gal. ult. 10. „Dum tempus habemus, operemur bonum ad omnes, maxime autem ad domesticos fidei. “ Et ideo contra quosdam dicitur Hier. xi. 4. „Omnis frater supplantans supplantabit; & omnis amicus fraudulentè incedet. “

Deinde cum dicit, *An nescitis quia iniqui regnum Dei non possidebunt?* manifestat quod dixerat: & primo quantum ad id quod est omnino illicitum; secundo quantum ad id quod est licitum, sed non expediens, ibi, *Omnia mihi licent*. Circa primum duo facit. Primo movet questionem; secundo determinat eam, ibi, *Nolite errare*. Dicit ergo primo: Dixi, quod vos iniuriam facitis, & defraudatis, quod est iniquitatem committit.

(a) *Al.* enim. (b) *Al.* repetunt.

mittere; sed an nescitis quod iniqui regnum Dei non possidebunt? quali dicat: Videmini hæc nescire, dum ab iniquitate non receditis, cum tamen in Psalm. vi. 9. & Matth. vii. dicitur: „Discedite a me omnes, qui operamini iniquitatem.“ Deinde cum dicit, *Nolite errare*, determinat veritatem: & primo ostendit periculum quod imminet iniquis; secundo ostendit quomodo ipsi hoc periculum evaserunt, ut timeant iterum in ipsum incidere, ibi, *Et hæc quidem aliquando fuistis*. Dicit ergo primo: *Nolite errare*: quod signanter dicit, quia circa impunitatem peccatorum aliqui multipliciter errabant, secundum illud Sapient. xii. 21. „Et cogitaverunt, & erraverunt.“ Quidam enim Philosophi erraverunt credentes Deum non habere curam rerum humanarum, secundum illud Sophon. i. 12. „Non faciet Dominus bene, & non faciet Dominus male.“ Quidam vero credentes solam fidem sufficientem esse ad salutem, secundum illud Ioan. xi. 26. „Qui credit in me, non morietur in æternum.“ Quidam vero credentes per sola Christi sacramenta salvari, propter illud quod dicitur Matth. ult. 16. „Qui crediderit, & baptizatus fuerit, salvus erit.“ & Ioann. vi. 55. „Qui manducat meam carnem, & bibit meum sanguinem, habet vitam æternam.“ Quidam vero propter sola opera misericordiæ se impune peccare arbitrantur, propter illud quod dicitur Luc. xi. 41. „Date elemosynam, & ecce omnia munda sunt vobis.“ Nec intelligunt quod hæc omnia sine caritate non prodeunt, secundum illud quod dicitur infra xiiii. 2. *Si habueris omnem fidem, & distribuero in cibis pauperum omnes facultates meas, caritatem autem non habueris, nihil tibi prodest*: & ideo subdit, quod peccata contraria caritati a regno Dei excludunt, in quod sola caritas introducit, dicens: *Neque fornicarii, neque idolis servientes, neque adulteri, de quibus dicitur Hebr. ult. 4. „Fornicatores, & adulteros iudicabit Deus: neque molles, id est mares muliebria (a) patientes, neque masculorum concubitores, quantum ad agentes in illo vicio, de quibus dicitur Genes. xiiii. 13. „Homines Sodomitæ pessimi erant, & peccatores coram Domino nimis: neque avari, neque fures, de quibus dicitur Zach. v. 3. „Omnia fur, sicut scriptum est, iudicabitur*:

neque ebriosi, neque maledici, neque rapaces regnum Dei possidebunt: dicitur enim Elai. xxxv. 8. „Via sancta vocabitur: non transibit per eam pollutus.“ & Apocal. xxi. 27. „Non intrabit in illam aliquid coinquinatum, faciens abominationem.“ Et est advertendum, quod hic enumerat eadem vitia quæ in precedenti capitulo posuerat; addit autem quædam in genere luxuriæ, scilicet adulterium, & vitium contra naturam; in genere autem iniustitiæ, furtum.

Deinde cum dicit, *Et hæc quidem aliquando fuistis*, ostendit quomodo prædictum periculum evaserunt: & primo commemorat statum præteritum, dicens: *Et hæc quidem aliquando fuistis*, scilicet fornicarii, & idolis servientes &c. Et ideo specialiter hæc vitia commemorat, quia in eis abundaverant, secundum illud Ephes. v. 8. „Eritis enim aliquando tenebræ, nunc autem lux in Domino.“ Secundo ostendit quomodo (b) ab his vitiis fuerunt liberati, dicens: *Sed abluti estis*, scilicet virtute sanguinis Christi in baptismo, secundum illud Apoc. i. 5. „Lavisti nos a peccatis nostris in sanguine tuo.“ *Sed sanctificati estis*, virtute sanguinis Christi per gratiam consecrati, secundum illud Heb. ult. 12. „Iesus, (c) ut sanctificaret per suum sanguinem populum, extra portam passus est: sed iustificati estis, ad statum iustitiæ, & virtutis, secundum illud Rom. viii. 30. „Quos vocavit, hos & iustificavit.“ Subdit autem horum beneficiorum causa: & primo ex parte humanitatis Christi, cum dicit: *In nomine Domini nostri Iesu Christi*, id est in fide, & invocatione nominis Christi, secundum illud Act. iv. 12. „Non est aliud nomen datum sub cælis, lo hominibus, in quo oporteat nos salvi fieri:“ secundo ex parte divinitatis, cum subdit: *Et in spiritu Dei nostri*, secundum illud Ezech. xxxvii. 5. „Ecce ego mittam in vos spiritum, & vivetis.“ Quia igitur tam potenti virtute liberati estis, ad eadem redire non debetis.

Deinde cum dicit, *Omnia vobis licent &c.* manifestat id quod dixerat de prohibitione iudicii, ostendens quo sensu id reprehenderit, quia scilicet non reprehendit illud quasi omnino illicitum, sed quasi non expediens, & nocivum: & circa hoc duo facit. Primo proponit quod intendit; secundo

(a) *Al.* facientes. (b) *Al.* ab his intus fuerunt liberati. (c) *Al.* ut sanctificaret suum populum.

do rationem assignat, ibi, *Esca ventri, & venter escis*. Circa primum duo facit. Primo proponit, quod reprehenderat, esse licitum, sed non expediens, dicens: *Omnia mihi licent*. Dicuntur autem illa licita quæ homo facere non prohibetur. Est autem duplex prohibitio: una coactionis, alia precepti: & secundum hoc quidam intellexerunt illa licere a quibus non prohibentur aliqua necessitate cogente: & ideo quia arbitrium hominis naturaliter liberum est a coactione, intellexerunt Apostolum eo sensu dicere: *Omnia mihi licent*: quia scilicet libero arbitrio hominis subiacent, siue sint bona, siue sint mala, secundum illud Eccli. xv. 18. „Ante hominem bonum, & malum, vita, & mors: quodcumque voluerit, dabitur ei.“ Sed hic modus loquendi alienus est a Scriptura sacra, in qua dicitur, non licere ea quæ divina lege prohibentur, secundum illud Matth. xiv. 4. „Non licet tibi habere uxorem fratris tui.“ Et ideo quod hic Apostolus dicit, *Omnia mihi licent*, non potest absolute intelligi, sed ut sit accommodata distributio, sub hoc sensu: *Omnia mihi licent*, quæ scilicet divina lege non prohibentur. Et potest hoc ad tria referri. Primo quidem ad id quod dixerat de iudiciis, quia scilicet unicuique licet omnia sua iudicio petere, cum non sit lege divina prohibitum. Alio modo potest referri ad id quod infra vii. dicitur, de sensu est de indifferenti usu ciborum; ut sit sensus: Licetum est mihi omnes cibos comedere, secundum illud Tit. 1. 15. „Omnia munda mundis.“ Tertio potest referri ad id quod dicitur est infra xiv. de sumptibus accipiendis; ut sit sensus: *Omnia mihi licent*, scilicet accipere ad necessitatem vitæ, sicut coapollolis meis. Subdit autem: *Sed non omnia expediunt*. Dicitur autem illud expedire quod est sine impedimento finem consequendi. Contingit autem quod aliquid non totaliter excludit finem, sed impedimentum aliquod affert; sicut matrimonium non excludit hominem a regno Dei, impedimentum tamen affert, quia scilicet, ut infra vii. 34. dicit, *qua sub viro est mulier, cogitat quomodo placeat viro*. Unde Matth. xix. 10. discipuli dicunt: „Si ita est causa hominis cum uxore sua, non expedit nubere.“ Sic ergo fornicari non licet, nec expedit, quia totaliter excludit finem, qui est vita æterna; matrimonium autem est licitum, sed non expediens. Secundum igitur hunc modum sua in iudicio repetere, indifferenter omnibus cibis uti, sumptus accipere ab his quibus prædicatur,

est quidem licitum, quia non est contrarietas, nec aliqua prohibetur lege; non tamen est expediens: quia vel impeditur pax ad proximum, vel infirmis scandalum aliquod generatur, vel aliqua maledicendi occasio præbatur: unde Eccli. xxxvi. 37. „Non omnia omnibus expediunt.“ Alio modo potest intelligi non absolute, sed sub conditione; ut sit sensus: Dixi, quod neque fornicarii, neque idolis servientes &c. regnum Dei possidebunt: & ideo hæc non licent, quia finem excludunt. Sed si omnia licerent mihi, non omnia expediunt: quia per ea præstatur impedimentum vitæ humanæ. Unde in persona impiorum dicitur Sap. v. 7. „Lassati sumus in via iniquitatis, & perditionis, & ambulavimus vias difficiles.“ Secundo ostendit esse nocivum id quod supra reprehendit, dicens: *Omnia mihi licent*, ut supra expositum est; sed tamen ego sub nullius redigar potestate, scilicet hominis. Ille enim qui utitur eo quod non expedit, siue licitum, siue illicitum, quodammodo redigitur sub potestate rei alicuius, vel hominis. Rei quidem, quia qui nimis rem aliquam amat, quodammodo servus illius rei efficitur, secundum illud Rom. ult. 18. „Huiusmodi non Christo Domino, serviunt, sed suo ventri:“ hominis autem, quia dum aliquis facit quod non expedit, quodammodo subicitur iudicio aliorum, & specialiter ille qui sua in iudicio repetit, subicitur potestati iudicis. Infra x. 29. *Ut quid enim libertas mea iudicatur ab aliena conscientia?* Deinde cum dicit, *Esca ventri &c.* assignat rationem eius quod dixerat: & primo quare omnia licent, dicens: *Esca ventri, scilicet debetur*, ut scilicet in ventre decocta in nutrimentum totius corporis cedat: & venter escis, scilicet recipiendis, & decoquendis deservit. Quia igitur ex Dei ordinatione venter est sollicitus escas recipiendas, & escæ ad hoc deputatæ sunt quod in ventre ponantur, secundum illud Genes. 1. 29. „Ecce dedi vobis omnem escam ex cunctis animantibus, ut habeant ad vescendum:“ non est illicitum quod homo res suas repetat, vel prædicator stipendia accipiat propter necessitatem escarum, vel ut etiam homo omnibus escis utatur. Secundo ibi, *Deus autem & hæc, & hæc destruit*, assignat rationem quare omnia non expediunt. Non enim expedit quod homo patiarur aliquod detrimentum in eo quod nunquam corrumpitur, scilicet in regno cælesti, propter id quod corrumpitur. Et hoc accidit de esca, & de ventre.

tre. Cessabit enim post hanc vitam escarum usus, & ventris: quia corpora resurgendum conservabuntur absque cibo, Deo id faciente; & hoc est quod dicit: *Deus autem destruet*, id est cessare faciet, *hunc*, scilicet ventrem, non quidem quantum ad

essentiam, sed quantum ad effectum quem nunc habet; & *has*, scilicet escas, quantum pertinent ad usum hominis: quia in resurrectione homines erunt sicut Angeli in caelo, ut dicitur Matth. xxii.

LECTIO III.

Corpus autem non fornicationi, sed Domino, & Dominus corpori. Deus vero & Dominum suscitavit, & nos suscitabit per virtutem suam. Nescitis quoniam corpora vestra membra sunt Christi? Tollens ergo membra Christi, faciam membra meretricis? Absit. An nescitis quoniam qui adhæret meretrici, unum corpus efficitur? Erunt enim, inquit, duo in carne una. Qui autem adhæret Domino, unus spiritus est. Fugite fornicationem. Omne enim peccatum, quodcumque fecerit homo, extra corpus est; qui autem fornicatur, in corpus suum peccat. An nescitis quoniam membra vestra templum sunt Spiritus sancti, qui in vobis est, quem habetis a Deo, & non estis vestri? Empti enim estis pretio magno: gloriificate, & portate Deum in corpore vestro.

Supra Apostolus tripliciter reprehendit Corinthios circa iudicia; nunc autem redit ad reprehendendum peccatum fornicarii, cuius supra v. mentionem fecerat, & in cuius iudicio Corinthii negligentes erant. Improbatur autem fornicationem quatuor rationibus: quarum prima sumitur ex divina ordinatione; secunda ex unione ad Christum, ibi, *Nescitis quoniam corpora vestra membra sunt Christi?* tertia ex corporis iniquatione, ibi, *Fugite fornicationem*; quarta ex gratiæ dignitate, ibi, *An nescitis quoniam membra vestra templum sunt Spiritus sancti?* Circa primum duo facit. Primo ponit divinam ordinationem; secundo ordinationis finem, ibi, *Deus (a) vero & Dominum suscitavit, & nos suscitabit*. Circa primum considerandum est, quod aliqui argumentum suæ lasciviæ sumunt ex ordinatione Dei. Qui enim fornicantur, utuntur suo corpore ad usum a Deo institutum. Sed hoc excludit, dicens, quod efca est ordinata ad ventrem, & venter ad escas; *corpus autem hominis, non fornicationi*; id est, non est ordinatum ad fornicandum; sed *Domino*; id est, ad hoc est ordinatum, ut sit Domini nostri Iesu Christi; & Dominus corpori; id est, Dominus Iesus Christus ad hoc datus est hominibus, ut humana corpora suæ gloriæ conformet, secundum illud Philip. iii. 21. „Reformabit corpus humilitatis nostræ, configuratum corpori claritatis suæ.“

Sed contra hoc videtur esse quod sicut

venter ordinatus est a Deo ad usum ciborum; ita quædam membra humani corporis sunt ordinata a Deo ad usum generationis, quibus fornicatio exercetur.

Sed attendenda est differentia quantum ad duo. Primo quidem quod Apostolus supra locutus est de uno corporis membro, scilicet de ventre, hic autem loquitur de toto corpore, quod sicut non est ordinatum ad fornicandum, ita nec ad escas sumendum; sed potius usus escarum est propter corpus, corpus autem propter animam, a qua percipit vitam, secundum eius conditionem: & quia omnia ordinantur in Deum sicut in finem, ideo corpus debet esse subiectum Domino, & ei dedicatum. Et quia supra locutus est de usu escarum in communi abque inordinatione; fornicatio autem est usus inordinatus ex membro (b) fornicatoris. Unde nec ipsa membra sunt propter fornicationem, sed propter usum generationis ordinata ratione, cui omnia membra corporis deservire debent; sicut etiam venter non propter crapulam, & ebrietatem, sed propter convenientem usum ciborum.

Deinde cum dicit, *Deus vero & Christum suscitavit, & nos suscitabit*, ponit finem ordinationis prædictæ: & primo ponit quid Deus circa Dominum fecerit, dicens: *Deus vero & Dominum*, scilicet Dominum Iesum Christum, *suscitavit* a mortuis, a quo ipse Christus petit in Psalm. xl. 11. „Tu autem Domine miserere mei, & relu-“ scita me, „Deus autem est & Pater, &

Fi-

(a) Al. enim. (b) Al. fornicationis.

Filius, & Spiritus sanctus. Unde & ipse Christus, qui est Filius Dei, se suscitavit, & sua virtute resurrexit, secundum illud Psalm. 112. 6. „Ego dormivi, & soporatus sum, & exurrexi, quia Dominus suscepit me:“ & II. Corinth. ult. 4. „Si crucifixus est ex infirmitate, sed vivit ex virtute Dei.“ Secundo ponit quid circa nos futurus sit, dicens, quod nos suscitabit, Deus, per virtutem suam, per quam scilicet Christum suscitavit, secundum illud Rom. vii. 11. „Qui suscitavit Iesum Christum a mortuis, vivificabit & mortalia corpora vestra.“ Et est advertendum, quod supra de eis, & ventre loquens, quæ pertinent ad usum animalis vitæ, dixit eas a Deo destruendas; nunc autem loquens de corpore, & Domino, facit mentionem de resurrectione, quia scilicet animalis vita cessante, natura corporis in melius reformabitur. Unde patet quod non est utendum corpore ad fornicationem, quæ impedit futuram incorruptionem, secundum illud Galat. ult. 8. „Qui seminat in carne, de carne & metet corruptionem.“

Deinde cum dicit, *Nescitis quoniam corpora vestra membra sunt Christi?* ponit secundam rationem quæ sumitur ex affinitate humani corporis ad Christum, quæ talis est. Membra hominis fornicantis sunt membra meretricis; sed membra hominis sunt membra Christi: ergo per fornicationem sunt membra Christi membra meretricis, quod est inconveniens. Circa quod quatuor facit. Primo ponit maiorem, dicens: *An nescitis quoniam corpora vestra sunt membra Christi?* quasi dicat: Hoc non debetis nescire, quia quicumque eis regenerati in Christo, membra Christi estis effecti, secundum illud infra xxi. 27. *Vos estis corpus Christi, & membra de membris:* & hoc non solum quantum ad animas, quæ ab eo iustificantur, sed etiam quantum ad corpora, quæ ab eo resuscitantur, ut dictum est. Secundo ponit conclusionem dicens: *Tollens ergo membra Christi,* id est iniuste subtrahens servitio Christi, cui debent deputari, secundum illud Rom. vs. 13. „Exhibeatis membra vestra arma iustitiæ.“ Deo: „*faciam;* scilicet eadem, membra meretricis esse fornicando? *Alisu:* hoc enim est horrendum sacrilegium: unde dicitur Malach. 11. 11. „Contaminavit ludas sanctificationem Domini quam dilexit, & habuit filiam dei alieni.“ Tertio ponit minorem, dicens: *An nescitis quia quando accretis meretrici, scilicet fornicando, unum*

corpus efficiamur? scilicet per immodicam commixtionem. Et ad hoc probandum inducit auctoritatem Genes. dicens: *Inquit animi Scriptura,* scilicet Genes. 21. *Erunt duo,* scilicet vir, & mulier, *in carne una;* id est, per mixtionem carnalem una caro efficiantur, & sic membra unius sunt membra alterius. Sunt enim hæc verba Adæ de viro, & uxore loquentis, quæ Apostolus hic etiam ad fornicationem refert, quia secundum speciem naturæ non differunt utriusque actus. Est autem intelligendum, quod, sicut dicit Philo sophus in Lib. de Generatione animalium, in masculo est principium activum generationis, in femina est passivum. Et sicut in planta, cuius vita principaliter ordinatur ad generationem, semper est unum corpus, in quo utrumque principium unitur; ita in animalibus, quæ ordinantur ad altiores actus vitæ, non semper est unum corpus habens hæc duo principia, sed ex duobus fit unum in actu generationis: quod quidem non est tantum viri: quia, sicut infra vii. 4. dicitur, *vir non habet potestatem sui corporis, sed mulier.* Secundo probat minorem, dicens: *Qui autem adhæret Domino,* scilicet per fidem, & caritatem, *est unus spiritus,* cum illo, quia scilicet unitur ei unitate spirituali, non corporali. Unde & Rom. viii. 9. dicitur: „Si quis Spiritum Christi, si non habet, hic non est eius:“ & Ioan. xvii. 22. „Ut sint unum in nobis,“ sicut nos unum sumus; „scilicet per connexionem Spiritus: & quia corpus deservit spiritui, consequens est ut etiam corpora nostra membra eius sint cui per spiritum unum, non quidem carnali conjunctione, sed spirituali. Potest autem ex præmissis duabus rationibus una ratio consulari, ut scilicet quia corpus nostrum non est deputatum fornicationi, sed Domino, hoc scilicet modo quod membra nostra sunt membra Christi, ut postmodum exponit, non faciamus ea membra meretricis fornicando.

Deinde cum dicit, *Fugite fornicationem,* ponit tertiam rationem, quæ sumitur ex corporis iniquatione. Primo ponit conclusionem intentam, dicens: *Fugite fornicationem.* Ubi notandum, quod cetera vitia vincuntur resistendo: quia quanto magis homo particularia considerat, & tractat, tanto minus in eis invenit unde delectetur, sed magis anxietur: sed vitium fornicationis non vincitur resistendo: quia quanto magis ibi homo cogitat particulare, magis incenditur; sed vincitur fugiendo, id

N n est

est totaliter virando cogitationes immundas, & quaslibet occasiones, ut dicitur Zach. 11. 6. „Fugite de terra aquilonis, dicit Dominus, minus.“ Secundo assignat rationem, dicens: *Omne peccatum, quodcumque fecerit homo, extra corpus est.* Ad cuius evidentiam sciendum, quod quedam peccata non consummantur in carnali delectatione, sed in sola spirituali; ideo spiritualia vicia dicuntur, sicut superbia, avaritia, accidia: fornicatio autem completur maxime in carnali delectatione; & secundum hoc posset intelligi quod hic dicitur: *Omne peccatum, quodcumque fecerit homo, extra corpus est* quia scilicet completur præter sui corporis delectationem; *qui autem fornicatur, in corpus suum peccat*, quia scilicet eius peccatum in carne consummatur.

Sed huic expositioni contrarium videtur esse quod etiam peccatum gulae consummatur in delectatione corporis.

Ad quod posset dici, quod peccatum gulae sub luxuria continetur, inquantum ad ipsam ordinatur, secundum illud Ephes. v. 18. „Nolite inebriari vino, in quo est luxuria.“ Sed melius potest dici, quod Apostolus non dicit: *Qui fornicatur*, corpore suo peccat, quod congrueret primæ expositioni; sed *peccat in corpus suum*, idest contra corpus suum, corumpendo, & inquinando illud præter usum rationis. Unde & Apoc. 11. 4. „Habes pauca nomina in Sardis, qui non inquinaverunt vestimenta sua, idest corpus: & ibid. xiv. 4. „Hi sunt qui cum mulieribus non sunt coquinaati.“ Vel aliter secundum Augustinum hic in Glossa. *Qui fornicatur, in corpus suum peccat*, quia anima eius totaliter carni in illo actu subicitur, ita quod non possit aliud ibi cogitare: unde in Psalm. xxxi. 9. dicitur: „Nolite fieri sicut equus, & mulus, quibus non est intellectus.“ Vel aliter: *In corpus suum peccat*, idest contra uxorem suam, quæ dicitur corpus viri, contra quam non ita recte sunt alia peccata, sicut viri fornicatio: unde & I. Thessal. iv. 4. dicitur: „Ut sciat unusquisque vestrum possidere vas suum in sanctificatione, idest uxorem suam.“ Vel secundum Augustinum (Lib. I. Retract. cap. xix.) potest intelligi de fornicatione spirituali, per quam anima adhaeret per amorem mundo, & recedit a Deo, secundum illud Psalm. lxxxi. 26. „Perdes omnes qui fornicantur abs te.“ Est ergo sensus. *Qui fornicatur, recedens a Deo propter amorem mundi, in corpus suum peccat*, idest per corporalem

concupiscentiam. Omne autem aliud peccatum, puta quod homo committit ex oblivione, vel ex ignorantia, seu negligentia, est extra corpus, idest corporalem concupiscentiam.

Deinde cum dicit, *An nescitis quoniam membra vestra templum sunt Spiritus sancti* & ponit quartam rationem, quæ sumitur ex dignitate gratiæ: quæ quidem ex duobus confurgit, scilicet ex gratia Spiritus sancti, & ex redemptione sanguinis Christi. Circa hoc igitur tria facit. Primo proponit dignitatem corporis nostri, quam habet ex gratia Spiritus sancti, dicens: *An nescitis*, quasi dicat, ignorare non debetis, quoniam membra vestra, scilicet corporalia, templum sunt Spiritus sancti sicut supra 111. 18. dictum est: *Nescitis quia templum Dei estis?* Et huius rationem assignat, subdens, *Qui in vobis est.* Dicitur autem templum, domus Dei. Quia igitur Spiritus sanctus Deus est, conveniens est quod in quocumque est Spiritus sanctus, templum Dei dicatur. Est autem Spiritus sanctus principaliter quidem in cordibus hominum, in quibus caritas Dei diffunditur per Spiritum sanctum, ut dicitur Roman. v. sed secundario etiam est in membris corporalibus, inquantum exequantur opera caritatis. Unde in Psalm. lxxxxi. 3. dicitur: „Cor meum, & caro mea exultaverunt in Deum vivum.“ Et ne hanc dignitatem sibi ascriberent, subdit: *Quam habetis a Deo, non ex vobis.* Unde Ios. 11. 28. „Effundam de Spiritu meo super omnem carnem.“ & Act. v. 32. „Spiritum suum dedit obedientibus sibi.“ Secundo ponit dignitatem quam habent corpora nostra ex redemptione sanguinis Christi, dicens: *Et non estis vestri*, sed Iesu Christi, secundum illud Roman. xiv. 8. „Sive virimus, sive moritur, Domini sumus.“ I. Corinth. v. 15. „Qui vivit, iam non sibi vivit.“ Rationem huius assignat, dicens: *Empri estis pretio magno; & ideo servi estis eius qui vos redemit de servitute peccati:* unde infra v. 22. dicitur: *Qui liber vocatus est, servus est Christi: pretio enim empti estis; & in Psalm. xxi. 6. „Redemisti me Domine Deum veritatis.“* Dicitur autem pretium redemptionis magnum, quia non est corruptibile, sed æternam habens virtutem, cum sit sanguis ipsius Dei æterni: unde I. Petr. 1. 18. „Redempti estis de vana vestra conversatione, non corruptibilibus auro, vel argento, sed sanguine agni immaculati, & incontaminati, Iesu Christi.“ Tercio insert conch-

lusionem

finem intentam, dicens: *Glorificate ergo, & portate Deum in corpore vestro*. Quia enim membra vestra sunt templum Dei, in corpore vestro nihil debet apparere nisi quod ad gloriam Dei pertinet; & hoc est glorificare Deum in corpore vestro: quia in Psalm. xxviii. 9. dicitur: In templo eius, omnes dicent gloriam. "Exod. ult. 32. dicitur: Operuit nubes tabernaculum te-
stimonii, & gloria Domini implevit illud. "Quia vero non estis vestri, sed

estis servi Dei, debet corpus vestrum portare Deum, sicut equus, vel aliud animal portat dominum suum. Unde in Psalm. lxxii. 22. dicitur: "Ut iumentum factus sum apud te. "Portat autem corpus nostrum Dominum, in quantum divino ministerio deputatur. Sic ergo homo debet vitare ne in corpus suum peccet fornicando, quod est contra gloriam Dei, & contra ministerium quod corpus nostrum debet Deo.

CAPITIS SEPTIMI

LECTIO I.

DE quibus autem scripsistis mihi: bonum est homini mulierem non tangere; propter fornicationem autem unusquisque suam uxorem habeat, & unaquaeque virum suum habeat. Uxori vir debitum reddat, similiter autem & uxor viro. Mulier potestatem sui corporis non habet, sed vir; similiter autem & vir sui corporis potestatem non habet, sed mulier. Nolite fraudare invicem, nisi forte ex consensu ad tempus, ut vacetis orationi; & iterum revertimini in id ipsum, ne tentet vos satanas propter incontinentiam vestram. Hoc autem dico secundum indulgentiam, & non secundum imperium. Volo autem *omnes homines esse sicut meipsum. Sed unusquisque proprium donum habet ex Deo; alius quidem sic, alius vero sic. Dico autem non nuptis, & viduis: Bonum est illis, si sic permanferint, sicut & ego. Quod si non se continent, nubant; melius est enim nubere quam uri.

Postquam Apostolus reprehendit fornicarium, & sustinentes eum, hic accedit ad tractandum de matrimonio: & circa hoc tria facit. Primo determinat de coniugatis, & matrimonio iunctis; secundo de virginibus, ibi, *De virginibus autem praeceptum Domini non habeo*; tertio de viduis, ibi, *Mulier ulligata est legi quanto tempore vir eius vivit*. Circa primum duo facit. Primo instruit eos qui non sunt matrimonio iuncti, utrum scilicet debeant matrimonium contrahere; secundo manifestat quod dixerat, ibi, *Hoc autem dico secundum indulgentiam*. Circa primum duo facit. Primo manifestat quid circa hoc sit per se bonum; secundo quid necessarium. ibi, *Propter fornicationem autem unusquisque suam uxorem habeat*. Circa primum considerandum est, quod in derelictionem fornicationis, contra quam locutus iam fuerat, aliqui non habentes zelum Dei se-

cundum scientiam, in tantum procedebant quod etiam matrimonium condemnabant, secundum illud I. Timoth. iv. 2. "In hypocrisis loquentium mendacium, prohibentium nubere: " & quia hoc durum Corinthiis videbatur fidelibus, super hoc Apostolo scripserunt, eas sententiam requirentes; & ideo Apostolus eis respondet: Ita reprehendi ea quae facitis; de quibus autem scripsistis mihi, respondeo quantum ad matrimonium: *Bonum est homini mulierem non tangere*.

Circa quod notandum, quod mulier data est viro ad adiutorium generationis: & in hoc differt vis generativa a nutritiva: quia vis nutritiva deservit homini ad conservationem individui: unde bonum est homini nutrimento uti, quia per hoc eius vita conservatur: generativa autem non deservit homini ad conservationem individui, sed ad conservationem speciei: unde

N^o 2 non

* Al. omnes vos homines esse sicut meipsum; in Vulgata versione omittitur homines.

non potest dici, quod *bonum est homini*, ad suum individuum, *mulierem tangere*. Primo quidem quantum ad animam, quia, ut Augustinus dicit in Soliloquiis (Lib. 1. cap. 1.) Nihil sic deicit animam ab arce virtutis, suae, sicut contactus ille corporum, sine quo uxor haberi non potest. "Et ideo Exod. xix. 15. dicitur populo accepturo legem Dei: "Estate parati in diem tertium, & ne appropinquetis uxoribus vestris." I. Reg. xx. 4. dixit Abimelech ad David: "Si mundi sunt pueri, maxime a mulieribus, manducant panem san-ctum." "Secundo quantum ad corpus, quod vir subiicit per matrimonium potestati uxoris, se ex libero servum constituens. Servitus autem haec praeter omnibus aliis est amara: unde & Eccles. vii. 27. dicitur: "Inveni amariorum morte mulierem." "Tertio quantum ad res exteriores, quarum occupatione necesse est hominem implicari, qui habet uxorem, & filios nutriendos; cum tamen dicitur II. Timoth. ii. 4. "Nemo militans Deo, implicat se negotiis secularibus, ut ei placeat cui se probavit."

Deinde cum dicit, *Propter fornicationem autem unusquisque suam uxorem habeat*, ostendit quid circa hoc sit necessarium, primo quantum ad contractum matrimonii; secundo quantum ad actum matrimonii iam contracti, ibi, *Uxori vir debitum reddat*. Circa primum considerandum est, quod actus generativae virtutis ordinatur ad conservationem speciei per generationem filiorum: & quia mulier data est viro in adiutorium generationis, prima necessitas tangendi mulierem est propter procreationem filiorum: unde Genes. 1. 27. dicitur: "Masculum, & feminam creavit eos; & benedixit eis Deus, & ait: Crescite, & multiplicamini, & replete terram." Sed haec necessitas fuit circa institutionem humani generis, quamvis oportuit multiplicari populum Dei per successionem carnis. Sed Apostolus considerans humanum genus iam multiplicatum, & populum Dei iam esse augmentatum, non propagatione carnis, sed generatione quae est ex aqua, & Spiritu sancto, ut dicitur Ioan. 1. 1. praetermisit hanc necessitatem, quae scilicet primum institutum fuerat matrimonium in officium naturae; & proponit secundam necessitatem, secundum quam institutum est in remedium culpae. Quia enim carnalis concupiscentia adhuc post baptismum in fidelibus remanet, licet non dominetur, infligat homines maxime ad actus venereos;

propter vehementiam delectationis. Et quia maioris virtutis est, totaliter hanc concupiscentiam superare, quam possit hominibus convenire, secundum illud Matth. xix. 1. "Non omnes capiunt verbum hoc; necessarium est quod in parte concupiscentiae cedatur, & in parte superetur: quod quidem fit dum actus generationis ratione ordinatur, & non totaliter homo concupiscentia ducitur, sed magis concupiscentia subditur rationi. Habet autem hoc ratio naturalis, quod homo utatur generationis actu secundum quod convenit generationi, & educationi filiorum. Hoc autem in brutis animalibus invenitur, quod in quibuscumque speciebus animalium, sola femina non sufficit ad educationem proles, masculus si mul nutrit prolem cum femina; & ad hoc exigitur quod masculus cognoscat propriam prolem: & ideo in omnibus talibus animalibus, ut patet in columbis, turrituribus, & huiusmodi, naturaliter indita est sollicitudo de educatione proles; & propter hoc in huiusmodi non sunt vagi, & indifferentes concubitus, ex quibus sequeretur incertitudo proles; sed masculus determinatus determinatae feminae coniungitur, non indifferenter quolibet cuilibet; sicut accidit in canibus, & aliis huiusmodi animalibus, in quibus sola femina nutrit prolem. Maxime autem in specie humana masculus requiritur ad proles educationem, quae non solum attenditur secundum corporis nutrimentum, sed magis secundum nutrimentum animae, secundum illud Hebr. xii. 9. "Patres quidem carnis nostrae habuimus, eruditores, & reverebamur eos." Et ideo ratio naturalis dicit quod in specie humana non sint vagi, & incerti concubitus, quales sunt concubitus fornicarii; sed sint determinati viri ad determinatam feminam: quae quidem determinatio fit per legem matrimonii. Sic igitur triplex bonum habet matrimonium. Primum quidem quod est in officium naturae, prout scilicet ordinatur ad generationem, & educationem proles; & hoc bonum est bonum proles. Secundum bonum habet, prout est in remedium concupiscentiae, quae scilicet coarctatur ad determinatam personam; & hoc bonum dicitur fides, quam scilicet vir servat uxori suae, non accedens ad aliam, & similiter uxor viro. Tertium bonum habet, prout in fide contrahitur Christi; quod quidem bonum dicitur sacramentum, in quantum significat coniunctionem Christi, & Ecclesiae, secundum illud Ephes. v. 32. "Sacramentum hoc magnum est; ego autem dico"

"dico in Christo, & Ecclesia. "Hoc est ergo quod dicit: *Dictum est, quod bonum est homini mulierem non tangere*; sed quia ad hoc bonum non sunt omnes homines idonei, unusquisque vir, propter fornicationem, scilicet vitandam, suam uxorem habeat, id est sibi determinatam, ut tollantur vagi, & incerti concubitus, quod pertinet ad fornicationem. Unde & Prov. v. 18. *Lætare cum muliere adole- scentia tuæ.* "Et postea subditur vers. 20. *Quare seduceris, fili mi, ab alie-*

na? Deinde cum dicit, *Uxori vir debitum red-* dat, agit de usu matrimonii contracti: & primo agit de debito reddendo; secundo de debiti intermissione, ibi, *Nolite fraudare in-* vicem. Circa primum duo facit. Primo proponit quod intendit, dicens: *Dictum est, quod vir habeat uxorem, & uxor vi-* rum: habendi autem hæc est ratio, ut vir reddat debitum uxori, scilicet de suo corpore per carnalem commixtionem; si- militer autem & uxor viro, quia quan- tum ad hoc (a) pares iudicantur. Unde mulier non est formata de pedibus viri tamquam ancilla, nec de capite tamquam domina, sed de latere tamquam socia, ut legitur Genes. 21. Unde & mutuo debent sibi debitum reddere, secundum illud Rom. 12. 7. *Reddite omnibus debita.* "Secundo assignat debiti rationem, dicens: *Mulier non habet potestatem sui corporis, scilicet ad actum generationis, ut scilicet possit proprio arbitrio vel continere se, vel alteri se tradere; sed vir, scilicet habet potestatem sui corporis, quantum scilicet ad usum carnalis copulæ: & ideo uxor debet viro proprii corporis officium offerre. Similiter autem & vir sui corporis potestatem non habet, sed mulier: unde & ipse debet sui corporis officium offerre uxori, legitimo impedimento cessante. Unde & Genes. 11. 24. dicitur: "Adhærebit uxori suæ, & erunt duo in carne una."*

Deinde cum dicit, *Nolite fraudare in-* vicem, agit de intermissione debiti reddendi: & primo ostendit qualiter intermitteri debeat actus coniugalitatis: circa quod docet unum esse cavendum, ne scilicet hoc per fraudem fiat, dicens: *Nolite fraudare in-* vicem, ut scilicet velit vir continere invita uxore, aut etiam e converso: quod Apo- stolus fraudem nominat, quia unus subtra- hit alteri quod ei debetur; quod ad frau-

dem pertinet, non minus in actu matrimo- nii quam in aliis rebus. Unde & Prov. 11. 27. dicitur: "Non inveniet fraudan- tem lucrum: quia scilicet ille qui tali fraude continentiam Deo (b) offert, non lucratur meritum vitæ æternæ. Sicut enim dicit Augustinus (epist. cxcix.) non vult Deus tale lucrum tali damno compen- sari, ut dum unus coniugium continet al- tero invito, ille incidat in damnabiles cor- ruptelas. Tria autem docet observanda in tali intermissione: quorum primum est ut fiat ex communi consensu: unde dicit: *Nis- forte ex consensu.* Unde dicitur Eccli. xxv. 1. *In tribus beneplacitum est Spiritui meo, quæ sunt probata coram Deo, & hominibus: concordia fratrum, amor pro-* ximorum, & vir & mulier bene sibi con- sentientes. "Secundum est ut sit ad cer- tum tempus: unde subdit: *Nis forte ad tem-* pus: secundum illud Eccli. 11. 5. *Tem-* pus amplexandi, & tempus longe fieri ab amplexibus. "Tertium est ut hoc fiat propter debitum finem, scilicet: causa spiritualium actuum, ad quos continentia reddit magis aptos: unde subdit: *Ut vacetis orationi, secundum illud Joel. 11. 14.* "Sacrificium, & libamen Domino Deo no- stro: " & postea subdit 16. *Egredia-* tur sponsus de cubili suo, & sponsa de thalamo suo. "Secundo agit de reiterna- tione coniugalitatis actus: & primo ponit documentum, dicens: *Iterum revertimini in id-* ipsum, ut scilicet vobis invicem debitum reddatis, finito tempore orationis: unde & III. Reg. viii dicitur, quod celebratis de- dicationis solemnibus, profecti sunt in taber- nacula sua lætantes. Secundo assignat rationem documenti: non enim hoc dicit, quasi sit necessarium ad salutem, sed ad per- iculum vitandam: unde subdit: *Ne tentetis vos satanæ* id est, ne sua tentatione vos prosternat, sicut etiam dicitur I. Thessal. 11. 5. *Ne forte vos tentaverit is qui ten-* tat, & inanis sit labor voster. "Tenta- tio autem satanæ non est fortibus timenda, de quibus dicitur I. Ioan. 11. 14. *Scribo* vobis, iuvenes, quoniam fortes estis, & verbum Dei manet in vobis, & vicistis, malignum. "Est autem timenda debili- bus: unde subdit: *Propter incontinentiam vo-* stram, id est propter pronitatem ad inconti- nentiam, ex quo contingit quod diabolus hominem tentando prosternit, & provocat- ur ad tentandum, secundum illud I. Pet. ultim.

(a) *id. id. paria.* (b) *id. confers.*

ultim. 8. „ Circuit quærens quem devo-

ret. „

„ Deinde cum dicit, *Hoc autem dico &c.* manifestat quo sensu prædicta sunt accipienda; & primo facit quod dictum est; secundo rationem assignat, ibi, *Volo autem omnes homines esse sicut me ipsum*; tertio exponit quod dixerat, ibi, *Dico autem non nuptis, & viduis*. Dicit ergo primo: Dixi, quod unusquisque suam uxorem habeat, & unaquæque mulier virum suum; & iterum quod post continentiam determinati temporis, iterum revertamini in idipsum; *hoc autem dico secundum indulgentiam*, idest parcens infirmitati vestræ, non secundum imperium, quasi scilicet vobis necessarium ad salutem. Subditis enim sunt quædam eorum infirmitati indulgenda, & non ad bona imperio cogendi. Unde contra quosdam prælatos dicitur Ezech. xxxiv. 4. „ Cum austeritate „ imperabatis eis, & cum potentia & dis- „ pecti sunt greges mei.

Sed videtur Apostolus inconvenienter loqui. Indulgentia enim non est nisi de peccato. Per hoc ergo quod Apostolus secundum indulgentiam se dicit matrimonium concessisse, videtur exprimere quod matrimonium sit peccatum.

Sed ad hoc potest responderi dupliciter. Uno modo ut indulgentia sumatur hic pro permissione. Est autem duplex permissio. Una quidem de minus malo, sicut dicitur Matth. xix. quod Moyses permisit Iudæis dare libellum repudii propter duriciam cordis eorum, scilicet ad vitandum uxoricidium, ad quod erant proni. Talis autem permissio non fit in novo testamento propter sui perfectionem, secundum illud Heb. vi. 1. „ Ad perfectum feramur. „ Alia autem est permissio de minus bono, cum scilicet homo præcepto non cogitur ad maius bonum; & hoc modo Apostolus hic indulget, idest permittit, matrimonium, quod est minus bonum quam virginitas, quæ non præcipitur, & quæ est maius bonum. Alio modo potest accipi indulgentia prout respicit culpam, secundum illud Esai. xxvi. 13. „ In- „ dulisti Domine, indulisti genti: „ & secundum hoc indulgentia refertur ad actum coniugalem, secundum quod habet annexam culpam venialem, ramen propter bona matrimonii, sine quibus esset mortalis. Unde considerandum est, quod actus coniugalis quandoque quidem est meritorius, & absque omni culpa mortali, vel veniali, puta cum ordinatur ad bonum proles procreandæ, & educandæ; ad cultum Dei: sic enim est actus religionis: vel cum sit causa sed-

dendi debitum, sic enim est actus iustitiæ. Omnis autem actus virtutis est meritorius, si sit cum caritate. Quandoque vero est cum culpa veniali, scilicet cum quis ad actum matrimonialcm ex concupiscentia excitatur, quæ tamen infra limites matrimonii sistit, ut scilicet cum sola uxore sit contentus. Quandoque vero est culpa mortalis, puta cum concupiscentia ferretur extra limites matrimonii, scilicet cum aliquis accedit ad uxorem, &que libenter, vel libentius ad aliam accessurus. Primo ergo modo actus matrimonii non requirit indulgentiam; secundo modo habet indulgentiam, in quantum aliquis consentiens concupiscentiæ in uxorem, non sit reus peccati mortalis; tertio modo omnino indulgentiam non habet.

Deinde cum dicit, *Volo autem omnes homines esse sicut me ipsum*, assignat rationem eius quod dixerat: & primo quare non loquatur secundum imperium; secundo quare loquatur secundum indulgentiam, ibi, *Sed unusquisque proprium donum habet ex Deo*. Circa primum considerandum est, quod nullus sapiens præcipit illud cuius contrarium magis vult fieri. Ideo Apostolus non præcipit quod homines matrimonium contrahant, vel matrimonio contraquantur, quia magis vult quod homines continentur; & hoc est quod dicit: *Volo autem omnes homines esse sicut me ipsum*, ut scilicet contineant, sicut ego contineo: & similiter Idicte Ad. xxvi. 29. „ Opto apud Deum omnes quæ audiunt, „ fieri tales qualis ego sum. „

Sed contra hoc videtur esse, quia si omnes homines continerent, sicut Apostolus continebat, cessasset generatio; & sic non sufficeret impletus numerus electorum: quod erat contra dispositionem divinam.

Dicunt quidam, quod Apostolus revelatum erat, quod si omnes homines salvarentur in continentia viventes, sicut ipse vivebat, sufficiebat ad implendum numerum electorum. Sed hoc nulla auctoritate fulcitur; & ideo potest dici, quod Apostolus volebat omnes homines esse continentes, quia scilicet volebat hoc de singulis, non tamen volebat quod omnes simul continerent. Vel potest dici, & melius, quod volebat omnes homines esse continentes voluntate antecedente, sicut ipse dicit I. Timothei. ii. quod Deus vult omnes homines salvos fieri, non autem voluntate consequente, quia Deus vult quosdam salvare, scilicet prædestinatos, & quosdam damnare, scilicet reprobatos, secundum illud Malachi. 1. 2. „ E- „ cob dilexi, Esau autem odio habui. „ Est

au.

autem voluntas antecedens de eo quod absolute consideratum, est melius: sicut omnes homines esse salvos, vel continentes. Voluntas autem consequens est de eo quod est melius, consideratis circumstantiis personarum, & negotiorum; & secundum hoc Deus vult quosdam damnari, & Apostolus quosdam matrimonio iungi.

Deinde cum dicit, *Sed unusquisque proprium donum habet ex Deo*, assignat rationem quare secundum indulgentiam matrimonium permiserit, quia scilicet non quilibet tantæ virtutis donum accepit a Deo, ut scilicet possit totaliter continere, sicut & Dominus dixit Matth. xix. 11. „Non omnes capiunt verbum hoc; sed qui capere potest, capiat.“ & hoc est quod dicit: Vellem quidem omnes esse continentes; sed unusquisque proprium, id est secundum certam mensuram, habet donum ex Deo: alius quidem sic, puta ut in virginitate Deo serviat, alius vero sic, id est ut Deo serviat in matrimonio, secundum illud Match. xxv. 15. „Uni dedit quinque talenta, alii vero duo, alii vero unum, unicuique secundum propriam virtutem.“ & Sapient. viii. 21. „Scivi quoniam aliter non possum esse continens, nisi Deus det: & hoc ipsum erat sapientiæ, scire cuius esset hoc donum.“

Deinde cum dicit, *Dico autem non nuptis, & viduis*, exponit quod obscure dixerat: & primo quantum ad hoc quod dixerat, *Volo omnes homines esse sicut meipsum*, quia scilicet hoc est absolute melius: unde di-

cit: *Dico autem*, scilicet exponendo, non nuptis, id est virginibus, & viduis: *Bonum est illis, sicut permanserint*, scilicet continentes, sicut ego: secundum illud Sapient. xv. 1. „Quam pulchra est casta generatio cum claritate!“ Secundo quantum ad hoc quod dixerat, *Sed unusquisque proprium donum habet ex Deo*; quali dicat: Quia non quilibet hoc donum (a) accepit a Deo ut contineat. Unde dicit: *Quod si non continens, id est si donum continendi non acceperunt, nubens*, id est matrimonio iungantur, secundum illud I. Timoth. v. 14. „Vobis, lo iuvenes nubo:“ & assignat rationem subdens: *Melius est enim nubere quam uri*, id est concupiscentia superari. Concupiscentia enim est calor quidam noxius: qui ergo concupiscentia impugnetur, calefit quidem, sed non uritur, nisi hominem gratiæ perdat a concupiscentia superatus. Unde Iob xxxi. 12. dicitur: „Ignis est usque ad consummationem devorans, & universa eradicans germina.“ Est autem hic attendendum, quod Apostolus utitur abusiva comparatione. Nam nubere bonum est, licet minus, uri autem est malum. Melius est ergo, id est magis tolerandum, quod homo minus bonum habeat, quam quod incurrat incontinentiæ malum; & hoc est quod supra dixit: *Propter fornicationem, scilicet vitandam, unusquisque suam uxorem habeat*, & nunquam suum virum habeat: & postmodum: *Ne tentet vos satanas propter incontinentiam vestram*.

LECTIO III.

His autem qui matrimonio iuncti sunt, præcipio non ego, sed Dominus, uxorem a viro non discedere. Quod si discesserit, manere innuptam, aut viro suo reconciliari. Et vir uxorem non dimittat. Nam ceteris dico ego, non Dominus: Si quis frater uxorem habet infidelem, & hæc consentit habitare cum illo, non dimittat illam; & si qua mulier fidelis habet virum infidelem, & hic consentit habitare cum illa, non dimittat virum: sanctificatus est enim vir infidelis per mulierem fidelem, & sanctificata est mulier infidelis per virum fidelem. Alioquin filii vestri immundi essent; nunc autem sancti sunt.

Supra Apostolus posuit documenta de contractu matrimonii; hic instruit eos qui iam matrimonium contraxerunt, de matrimonio non dissolvendo: & primo docet eos qui sunt in matrimonio iuncti, ut in matrimonio maneant; secundo ponit utilem doctrinam quantum ad omnes status,

vel conditiones hominum, ibi, *Unusquisque sicut vocavit Deus, ita ambulet*. Circa primum duo facit. Primo agit de indissolubilitate matrimonii quantum ad eos qui sunt unius cultus; secundo quantum ad eos qui sunt in dispari cultu, ibi, *Nam ceteris ego dico, non Dominus*. Circa primum duo

(a) id. concepti.

facit. Primo ponit præceptum de indissolubilitate matrimonii; secundum docet quid sit servandum quando matrimonium quodammodo separatur, ibi, *Quod si discesserit, manere innuptam*. Dicit ergo primo: Dixi non nuptis, idest virginibus, & viduis; quod melius est eis si sic permanerint; *his autem qui matrimonio sunt iuncti non patet eadem conditio*: his enim *præcipio non ego*, scilicet indicta mihi auctoritate, sed *Dominus* hoc præcepit, dicens, Matth. xix. 6. „Quos Deus coniunxit, homo non separet: „*præcipio*, inquam, *uxorem a viro non discedero*, & subintelligendum est, excepta causa fornicationis, quam Christus excepit, & hic taceatur, quia notissima est. Hanc solum excepit Dominus, ceteras omnes molestias iubet pro fide coniugii fortiter sustineri. Matth. xix. 9. „Quicumque dimiserit uxorem suam, & aliam duxerit, excepta causa fornicationis, mactatur. „Hoc autem quod dicitur hic, secundum Glossam Augustini intelligitur de coniunctis matrimonialiter, quorum uterque fidelis est. *Quod si discesserit*, scilicet propter causam fornicationis, *præcipio*, inquam, *manere innuptam*, vivente marito: quia si solvit matrimonium quo ad torum, non tamen quo ad vinculum: *aut viro suo reconciliari*, scilicet si vir non continet. Et similiter *vir uxorem non dimittat*, nisi ob causam fornicationis. Similis forma in viro, & in muliere servatur: unde supplendum est quod de uxore præmissit, scilicet quod si omnino dimiserit, non ducat aliam, vel reconcilietur uxori.

Sed contrarium videtur dicere Ambrosius super hunc locum, ubi dicit: „Ideo non subdit de viro, sicut de muliere, „quia licet viro aliam ducere, quia inferior non omnino hac lege utitur quæ & superior. „Sed Magister dicit a salutaris esse appositum, & ideo nullatenus est tenendum.

Notandum est hic, quod septem sunt casus in quibus vir non potest ob causam fornicationis uxorem dimittere. Primus casus quando ipsemet eam prostituat; secundus quando ipse cum alia fornicatus fuerit; tertius quando ipse ei occasionem fornicandi dedit, ut quia non vult reddere debitum; quartus quando ipsa credens probabiliter virum mortuum, alteri nupit; quintus quando violenter ab aliquo oppressa fuit; sextus quando sub specie viri sui ab altero cognita fuit; septimus quando fuit a viro post adulterium manifeste deprehensum nihilominus retenta.

Deinde cum dicit, *Nam ceteris dico ego, non Dominus*, agit de inseparabilitate matrimonii personarum disparis cultus, cum alter est fidelis, alter non: ubi primo dicit, quod fidelis non dimittat infidelem, violentem sine contumelia Creatoris cohabitare; secundo quod si non vult fidelis, non tenetur eum sequi, sed potest alteri nubere, ibi, *Quod si infidelis discedit, discedat*; tertio quod nisi infidelis prior recedat, fidelis debet patienter commanere, ibi, *Unde enim mulier scit si virum salvum faciet?* In prima primo ponit admonitionem; secundo admonitionis rationem, ibi, *Sanctificatus est enim vir infidelis per mulierem fidem*. In prima primo loquitur generaliter tam viris quam feminis; secundo specialiter viris, ibi, *Si quis frater suum habet infidelem*. Or. tertio specialiter feminis, ibi, *Et si qua mulier fidelis virum habet infidelem*. Dicit ergo: *Nam ceteris*, idest ubi non uterque fidelis est, sed alter fidelis, alter infidelis, *dico ego*, consulendo, non præcipiendo, *non Dominus*, dixit hoc proprio ore; ac si dicat: Et hoc dico ex Deo, licet ipse non dicat hoc ore proprio: dico, inquam, hoc, *Si quis frater fidelis*, conversus scilicet ad fidem in coniugio. Intelligitur enim hoc de his qui in infidelitate contraxerunt, non de his qui in dispari cultu: tunc enim nullum esset matrimonium, sed essent separandi, sicut fecit Eldras I. Eldræ x. *Si quis, inquam, habet talem uxorem infidelem, & hac consensit habitare cum illo*, sine contumelia scilicet Creatoris, *non dimittat illam*: consilium est, non præceptum, ut qui contrarium agit, non sit transgressor, secundum Glossam. Deinde cum dicit, *Et si qua mulier*, hic loquitur specialiter feminis: ubi primo supponit fidem in aliquo, cum dixit, *Et si qua mulier*; secundo infidelitatem in altero, cum addit, *Virum infidelem*; tertio infidelis voluntatem cohabitandi, ibi, *Et hic consentit*; quarto consilium fideli commanere illi, ibi, *Non dimittat*. Dicit ergo: *Et similiter si qua mulier fidelis habet virum infidelem, & consensit habitare cum illo*, sine contumelia Creatoris: nam si nollit cohabitare sine contumelia nominis Christi, debet fidelis eum dimittere, quia contumelia Creatoris solvit matrimonium, secundum Glossam, & potest fidelis contrahere: si, inquam, ita est, *non dimittat virum*: consilium est, non præceptum: licet enim infidelem fidelis dimittere; sed tunc non expediebat.

Deinde cum dicit, *Sanctificatus est vir*, posita admonitione, hic ponit admonitionis

rationem: ubi (a) primo allegatum, secundo periculum, ibi, *Alioquin filii vestri immundi essent*; tertio fructum, ibi, *Nunc autem sancti sunt*. In prima primo exemplificat de viro infideli; secundo de muliere, ibi, *Et sanctificata est mulier infidelis per virum fidelem*. Dicit ergo: *Sanctificatus est*; quasi dicat: Fidelis infidelem volentem cohabitare, non dimittat: hoc ideo dicit: *sanctificatus est enim vir infidelis aliquando per mulierem fidelem*; idem, aliquando contingit quod unus per alium convertitur ad fidem, & sic sanctificatur; & hoc iam forte eontingerat, sicut Sifinnius per Theodoram Romæ, tempore Clementis conversus est: & similiter *sanctificata est mulier infidelis per virum fidelem*, scilicet per ipsius admonitionem, & doctrinam. Alio modo legitur sic. Ita fidelis infidelem non dimittat: *sanctificatus est enim vir infidelis per mulierem fidelem*; idem, nullam immunditiam contrahit fidelis ex cohabitatione, velex commixtione cum infideli, sed servat veram pudicitiam, secundum Augustinum. Deinde cum dicit, *Alioquin filii vestri immundi essent*, hoc legitur dupliciter: uno modo de filiis nascituris, alio modo de iam natis. Primo modo sic. *Alioquin*, scilicet si discitis, & vos alii copulatis, *filii vestri*, qui de hac copula nascerentur, *immundi essent*, scilicet spurii, quia non de legitimo matrimonio, Idem autem, si permanetis, *sancti sunt*, idest mundi, quia de legitimis coniugiis nati. Secundo modo legitur sic. *Alioquin*, scilicet si discideritis, *filii vestri*, iam nati, *immundi essent*, idem in infidelitate remanerent, sequentes scilicet maiorem partem, quæ tunc erat infidelium. *Nunc autem*, si permanetis, *sancti sunt*; idem, Christiani sunt.

Deinde cum dicit, *Sanctificatus est vir infidelis per mulierem fidelem*, (b) thema in scilicet beatæ Cecilie, quæ convertit virum suum ad fidem. Inter omnia quæ regunt hominem in via salutis, præcipuum est societas societatem sanctorum. Hoc ostendit Psalmista verbo, cum dicit Plal. xvi. 26. *Cum sancto sanctus eris, & cum viro innocente innocens eris*. Hoc ostendit Cecilia facta, secundum quod hic dicitur:

Sanctificatus est vir infidelis per mulierem fidelem. In quibus verbis tria commendat ipsam, scilicet natura, gratia, & doctrina. Natura humana, quæ notatur in muliere, gratia, quæ notatur in viri sanctificatione, ut sibi sit nobilis per naturam, Deo humilis per fidem, proximo utilis per doctrinam. Doctrina (c) autem redditur commendabilior consideranti actum, obiectum, & oppositum. Actus est sanctificare, obiectum est vir, oppositum est infidelitas. Infidelitas est culpa tenacior, virilitas sexus robustior, sanctificare actus difficilior. Et tamen cum esset mulier, per doctrinam suam convertit incredulum, emollivit robustum, mundavit immundum; & sic sanctificavit infidelem virum. Multæ vero sunt proprietates mulieris commendabiles, quæ huic conveniunt, ut sint tres proprietates quo ad actum cordis, tres quo ad adumorem, & tres quo ad actum operis. Tres primæ sunt sapientia ex paterationalis: Prover. xii. 1. *Sapiens mulier ædificat sibi domum*. *Munditia ex parte concupiscibilis*: Eccli. xi. 19. *Ædificatio civitatis confirmabit nomen, & super eam mulier immaculata computabitur*. *Constantia ex parte irascibilis*: Ruth. i. 17. *Scit omnis... populus de esse mulierem virtutis*. *Tres secundæ sunt modestia contra multiloquium*: Eccli. xxvi. 18. *Mulier sensata, & tacita, non est immuta*. *Tio animæ eruditæ*. *Veritas contra mendacium*: Iudith. vii. 28. *Omnia quæ locuta es, vera sunt*. *Discretio contra stultiloquium*: I. Reg. xxv. 3. *Erat mulier prudentissima, & speciosissima*: Iudith. xi. 19. *Non est talis mulier super terram in aspectu, & in pulchritudine, & in sensu verborum*. *Tres ultimæ sunt sanctimonia in facto*: Iudith. vii. 29. *Ora pro populo, quia mulier sancta es*. *Verecundia in signo*: Eccli. xxv. 19. *Gratia super gratiam mulier sancta, & pudentior*. *Gratia in convetando*: Prover. xi. 16. *Mulier gratiosa inveniet gloriam*. *Propter eminentiam horum dicitur de Beata Virgine Maria*, *Benedicta tu in mulieribus*.

(a) *M. omittitur primo.* (b) *F. Remigius Florentinus in editione Veneta apud Iunios an. 1562. quam ipse curavit, hinc loca frequentem notam apposuit.* *Adveras, candide Lector, quod in quodam manuscripto exemplari quod Venetis in Divi Dominici (a Castello, ut aiunt) bibliotheca extat, habebantur hæc verba.* *Nota quæ hinc usque ad xi. cap. exclusive non est expostum secundum Beatum Thomam, sed sumptum est de verbo ad verbum de expositione cuiusdam Fratris Nicolai Gallici, ordinis Predicatorum, qui tamen satis docte & lucide omnes Epistolas explanavit, quod verum esse, ex phrasibus, & modo exponendi patet.* *Ego nec labori, nec sumptui parcam, ut fragementum ipsum reperiam.* *Vide præviam Admonitionem num. 2.* (c) *M. enim.*

Quod si infidelis discedit, discedat: non enim servituti subiectus est frater, vel soror in eiusmodi. In pace autem vocavit nos Deus. Unde enim scis mulier si virum salvum facies? Aut unde scis vir si mulierem salvam facies? Nisi unicuique sicut divisit Dominus, unumquemque sicut vocavit Deus, ita ambulet, sicut in omnibus Ecclesiis doceo. Circumcisus aliquis vocatus est? Non adducat praprium. In praprio aliquis vocatus est? Circumcisio nihil est, & praprium nihil est: sed observatio mandatorum Dei. Unusquisque in qua vocatione vocatus est, in ea permaneat.

Superius ostendit quod fidelis non debet dimittere infidelem cohabitare volentem; hic autem dicit, quod si non vult cohabitare, non tenetur fidelis eum sequi, sed potest alteri nubere: ubi primo ponitur ipsa concessio; secundo concessionis ratio duplex. Prima est libertas, ibi, *Non est enim servituti subiectus frater*: secunda est pacis tranquillitas, ibi, *In pace autem vocavit nos Deus*. Dicit ergo: *Quod si infidelis, (a) vir, vel mulier, discedit, a fideli, odin fidei, discedat: & potest fidelis, qui dimittitur contrahere*: primum enim matrimonium dissolubile erat, quia nunquam fuit ratum. *Nam enim servituti, scilicet coniugali, subiectus est frater, aut soror, fidelis; idest, non cogitur sequi infidelem odio fidei discedentem, sicut dicit Glossa Ioan. viii. 36. „Si Filius vos liberaverit, vere liberi eritis.“ In pace autem; quasi dicat: Ideo discedat fidelis, quia in pace vocavit nos Deus; idest, ideo non debemus litigare cum eo qui odio (b) fidei discedit. Vel sic. Quamvis ita sit quod fidelis non est subiectus servituti, nihilominus tamen non debet occasionem discordiæ, & dissidii præbere, sed pacem servare: *In pace autem vocavit nos Deus*; „non est enim Deus dissensionis, sed pacis“: infra xiv. 33.*

Deinde cum dicit, *Unde enim scis mulier si virum salvum facies?* hic dicit, quod si infidelis non discedat, fidelis debet patienter commanere: ad quod allegat primo speciem alienæ conversionis; secundo permanentiam in statu propriæ vocationis, ibi, *Unumquemque sicut vocavit Deus, ita ambulet*; tertio exemplum in situ conversationis, ibi, *Circumcisus aliquis vocatus est? Non adducat praprium*; quarto exemplum in statu conditionis, ibi, *Servus vocatus es? Non sit tibi cura*. In prima primo innuit quod mulier fidelis commanendo, virum ad fidem potest

convertere; secundo quod similiter vir fidelis mulierem infidelem potest salvare, ibi, *Aut unde scis vir si mulierem salvam facies?* tertio quod ideo debent patienter commanere, ibi, *Nisi unicuique sicut divisit Dominus &c.* Dicit ergo: *Unde enim scis?* quasi dicat: Vere debet manere fidelis cum infideli, quia unde scis, id est scire potes, o tu mulier fidelis, si virum infidelem salvum facies, eum scilicet commanendo, & convertendo ad fidem? quasi dicat: Hoc potest contingere. Ambrosius (super hunc locum.) „Hoc ideo dicit, quia forsitan potest, est credere qui horret nomen Christi.“ *Aut unde scis*, id est scire potes, o tu vir fidelis, si mulierem infidelem salvam facies, eam ad fidem convertendo? qui hoc sperare debes. *Nisi unicuique*: hoc dupliciter legitur. Uno modo sic. Unde scis hoc, nisi ita habeas te, supple ad tuum comparem, sicut Dominus divisit unicuique, scilicet viro præfesse, & mulieri subesse. Secundo modo sic. Unde scis hoc, nisi, supple, patienter expectes fieri, sicut divisit Dominus unicuique, idest, ordinavit de unoquoque quando credat, & quando salvetur. Ergo tu debes expectare, & commanere. Rom. xii. 3. „Unicuique sicut divisit Dominus.“

Deinde cum dicit, *Unumquemque sicut vocavit Deus, ita ambulet*, hic ostendit quod fidelis debet manere cum infideli coniuge, allegans permanentiam in statu propriæ vocationis. Primo ergo allegat divinam vocationem; secundo suam auctoritatem, ibi, *Sicut in omnibus Ecclesiis doceo*. Dicit ergo: *Unumquemque*; quasi dicat: Et quomodo scis hoc, o vir, & mulier, nisi quilibet ambulet perseveranter, ita sicut Deus vocavit unumquemque, idest in eo statu in quo Deus vocavit unumquemque, non autem quomodo sunt; quasi dicat: Et hoc ita prædican in Ecclesiis vestra, sicut in omnibus Ecclesiis. Turpis enim

(a) In e'tis desideravit vir. (b) Ad. em'itur fidei.

enim est pars quæ suo toti non convenit. Est ergo illustratio talis. Unusquisque debet manere in eo statu in quem Deus vocavit: ergo si vocavit aliquos in coniugium, debent manere in ipso. Haymo: „Si habeas uxorem, maneat cum ea; & si non habeas, ducere non concupiscas.“

Deinde cum dicit, *Circumcisus aliquis vocatus est?* hic ponit exemplum: ubi primo ponit ipsum exemplum; secundo exempli rationem, ibi: *Circumcisio enim nihil est*; tertio regulam generalem, ibi, *Unusquisque in qua vocatione vocatus est*. Ponit autem exemplum in ritu vivendi, primo Iudeorum; secundo Gentilium, ibi, *In præputio aliquis vocatus est? Non circumcidatur*. Dicit ergo: *Circumcisus aliquis vocatus est?* quasi dicat: Unusquisque ambulet in eo statu in quo vocatus est; verbi gratia, *circumcisus quis vocatus est*, idest in ritu Iudaico? *Non adducat*, idest non cogatur adducere, *præputium*, idest ritum Gentilium. *In præputio*, idest in ritu Gentili, *quis vocatus est? Non circumcidatur*; idest, non cogatur ad ritus Iudaicos. Augustinus (de adult. coniug. Lib. II. cap. xi.) „Servat (a) ubique Apostolus quod congruit Ecclesiis, sive Iudeorum, sive Gentilium: numquam enim aufert consuetudinem, quæ servata, non impedit salutem.“ Ergo si coniugium non impedit, debent vocati in coniugio commanere.

Deinde cum dicit, *Circumcisio enim nihil est*, subdit rationem exempli, quæ talis est. Ritus non impediens salutem, non debet mutari propter vocationem ad fidem; sed ritus tam Iudaicus, quam Gentilis est huiusmodi: ergo &c. A simili ergo arguit in matrimonio. Primo ergo tangit quod est ad salutem indifferens; secundo quod est necessarium, & expediens, ibi, *Sed observatio mandatorum Dei*. Dicit igitur: *Circumcisio nihil est*, idest nihil prodest, & *præputium nihil est*, idest nihil prodest, vel obest: quasi dicat: Talis, vel talis ritus vivendi, nihil proficit ad salutem. Galat. ultim. 15. „In Christo Iesù nec circumcisio aliquid valet, nec præputium, sed nova creatura.“ Ambrosius (super hunc locum.) „Ad salutem nec prodest, nec obest Iudaicus, nec Gentilis ritus.“ *Sed observatio mandatorum Dei*, aliquid prodest. Sapient. vi. 19. „Custoditio legum, consummatio est incorruptionis.“

Deinde cum dicit, *Unusquisque in qua*

vocatione vocatus est, in ea permaneat, hic concludit regulam generalem, dicens, *Unusquisque* quasi dicat: Ita Gentilis non inducatur ad circumcilionem, nec conversio; sed potius *unusquisque in qua conditione vocatus est, in ea*, scilicet conditione, vocationi non repugnet, *permaneat*: & in qua, non a qua. In Glossa Augustini (epist. 119.) Hoc enim ad eis consuetudines vitæ reculit quæ nihil obstat fidei, bonisque moribus: sicut enim coniux, sic & latro ad fidem vocatur: sed ille in coniugio manet, non a coniugio revocatur; ille vero a latrocinio revocatur, & in latrocinio non manet. Non enim necesse est ut coniuges desinant esse coniuges propter Christi fidem, sicut necesse est ut latrones desinant esse latrones.

Hic queritur super illud, *Uxorem a viro non discedere*, quare solam causam fornicationis excipit, ceteras vero omnes molestias iubet fortiter sustineri. Contra Levit. xxi. præcipit lex leprosum extra castra eicere: ergo pro lepra debet uxor a viro discedere. Respondeo. Licet possit ob leprosum discedere a cohabitatione, non tamen a toro, quin aliquando teneatur reddere debitum, prope cum manendo.

Item. *Ant viro suo reconciliari*. Contra Deuter. xxi. dicitur, quod semel repudiata, non potest amplius reconciliari. Respondeo. Illud habebat locum in repudio legali, illud vero in divortio evangelico; lex enim erat severitatis, sed Evangelium pietatis.

Item super illud, *Vir uxorem non dimittat*, Glossa notabilis: „Non subdit de viro, sicut de muliere, quia licet viro aliam ducere.“ Contra Augustinus (de adult. coniug. Lib. II. cap. viii.) dicit, quod similis forma debet servari in viro, & muliere. Respondeo. Illud primum in Libris Ambrosii a falsariis creditur additum. Vel dicendum, quod illud Ambrosii intelligitur in repudio, hoc autem in divortio. Nam in repudio legali licebat viro contrahere, non uxori: quia licebat antiquitus uni viro habere plures uxores, non e converso: quia per repudium illud solvebatur matrimonium, non autem per divortium.

Item. *Nam ceteris ego dico, non Dominus*. Contra Luc. x. 16. „Qui vos audit, me audit.“ Respondeo. Non Dominus dicit ore proprio, sed inspirando.

O o 2

Item

(a) Ad. Servat ibi Apostolus &c. *non* Servat ubique Apostolus consuetudinem Ecclesiarum sive Iudeorum, sive Gentilium &c.

Item super illud, *Si quis frater habet uxorem*, Glossa: „Coniux fidelis licite potest est dimittere infidelem.“ Contra. Catholica non potest dimittere hæreticum. Glossa loquitur de infideli, qui caret sacramento fidei, non solum habitu.

Item ibidem Glossa: „Non est reputandum matrimonium quod extra decretum Dei factum est.“ Contra. Ergo matrimonium contrañum causa voluptatis non est matrimonium. Respondeo: Extra decretum Dei, matrimonium contrahi dicitur quando contrahitur inter personas lege prohibitas.

Item. *Si qua mulier habet virum infidelem non dimittat virum*. Contra. Ergo Iudæa conversâ non debet dimittere virum Iudæum, cohabitare volentem. Respondeo: Secus est hodie, quam tempore primitivæ Ecclesiæ: quia tunc erat spes conversionis, nunc autem potius est spes subversionis propter oblationem infidelium.

Item super illud, *Quod si infidelis discat*, Glossa: „Recte dimittitur mulier, si dicat viro, Non ero mulier tua, nisi de latrociniis divitiis mihi augeas.“ Con-

tra. Matth. xix. excipitur sola causa fornicationis. Respondeo: Tunc debet dimitti, ne scandalum ad tempus exortum, sit in perpetuum.

Item super illud, *Non est enim servitus subiectus frater*, Glossa: „Contumelia Creatoris solvit ius matrimonii in eo qui (a)“, relinquit. „Contra. Matrimonium semper est inter duos: ergo in utroque solvitur, vel in nullo. Respondeo: Matrimonium solvitur in utroque; sed impedimentum ex matrimonio resultans manet in discendente solum.

Item *Circumcisio nihil est*. Contra. Rom. xi. 25. „Circumcisio quidem prodest, si legem observas.“ Respondeo: Ante Christum proderat, sed post non prodest.

Item super illud, *Unusquisque in qua vocatione vocatus est, in ea permaneat*, Glossa: „Ad salutem nihil prodest, vel obest Iudaicus, vel Gentilis ritus.“ Contra. Gal. v. 2. „Si circumcidimini, Christus vobis nihil prodest.“ Respondeo: Glossa loquitur de ritu conversandi inter homines, non de ritu Deum colendi.

LECTIO IV.

Servus vocatus es? Non sit tibi curæ; sed, & si potes fieri liber, magis uteris: qui enim in Domino vocatus est servus, libertus est Domini. Similiter qui liber vocatus est, servus est Christi. Pretio empti estis: nolite fieri servi hominum. Unusquisque ergo in qua vocatus est frater, in hoc permaneat apud Deum.

Superius ostendit quod si infidelis coniux non discedat, fidelis debet patienter commanere, primo ad hoc allegando spem conversionis infidelis; secundo permanentiam in statu propriæ vocationis; tertio exemplum in ritu conversationis, hic. Quarto allegat exemplum in statu conditionis: ubi primo, ipsum exemplum ponit; secundo rationem exempli subdit, ibi, *Qui enim in Domino vocatus est servus, libertus est Domini*; tertio ex hoc regulam generalem concludit, ibi, *Unusquisque ergo in qua vocatus est frater, in hoc permaneat*. In prima primo proponit in aliquo statum servilem; secundo supponit libertatis possibilitatem, ibi, *Sed & si potes fieri liber*; tertio horum præ eminentiam ad salutem, ibi, *Magis mere*. Dicit ergo: *Servus vocatus es? Non sit tibi curæ*; quasi dicat: Unusquisque in qua vocatione vocatus est, in ea permaneat. Ver-

bi gratia, *servus vocatus es*, ad fidem scilicet Christi? *Non sit tibi curæ*, ut scilicet velis servitutem effugere. Unde Onesymum servum Philemonis, qui ad eum confugerat, cum precibus remittit ad dominum, ut pater in Epistola ad Philemonem. *Sed potius si potes fieri liber*, maneat in servitute, quia causa est humilitatis: &, sicut ait Ambrosius (in Psal. cxviii.) „quanto quis despicior est in hoc sæculo propter Dominum, tanto magis exaltabitur in futuro.“ Gregorius (ser. xiv.) „Quanto quis Deo pretiosior est, tanto propter eum vilior.“ Boetius: „Cum omnis fortuna timenda sit, v. magis tamen spera quam adversa.“

Deinde cum dicit, *Qui enim in Domino vocatus est*, hic subdit rationem exempli: & primo ponit rationem exempli ex parte servorum; secundo ex parte libe-

rum.

rum, ibi, *Similiter qui liber est*. Et est ratio talis in generali. Servitus, & libertas sunt in Domino ad salutem; sed solum debemus esse solliciti de pertinentibus ad salutem: ergo pro indifferenti debet esse nobis servitus, & libertas. Dicit ergo: *Qui enim in Domino* quasi dicat: Et vere non debes curare: etenim, pro qua, *qui in Domino*, idest in fide Domini, *vocatus est servus*, servitute corporali, *libertus est Domini*, quia scilicet a Domino manumissus, liber est libertate spirituali. Est autem libertas a servitute liberatus, & talis a servitute peccati a Domino est liberatus; ideo Domini liberus, Ioan. viii. 36. Si Filius vos liberaverit, servet liberi eritis.

Deinde cum dicit, *Similiter qui liber vocatus est, servus est Christi*, hic ponit rationem ex parte liberorum: ubi primo tangit in liberis eum servis (u) pro Christo debitam servitutem; secundo servitutis rationem, ibi, *Propter empti essis*; tertio servitutis obligationem, ibi, *Nolite fieri servi hominum*. Dicit ergo: *Similiter & qui liber vocatus est*, li-

bertate corporali, *servus est Christi*, servitute spirituali: Rom. 1. 1., Paulus servus Christi Iesu &c. quia sive servus, sive liber, omnes tamen servi; & hoc iustum est, quia *propter empti essis*. Hoc dicitur, quia pretio inestimabili sanguine Christi, I. Petr. 1. 18., Non corruptibilibus auro, vel argento redempti estis de vestra vana conversatione, sed pretioso sanguine quasi agni immaculati Christi, & incontaminati. Et quia tanto *propter empti essis*, nolite fieri servi hominum, postponendo servitium Dei, & vos humanis superstitionibus occupando: hoc enim faciebant isti. Supra 1. 12. Ego sum Pauli, ego autem Apollo. Unquamque ergo, & eireumcilius, & praeputiatus, servus, & liber, in quo statu vocatus est frater, idest fidelis, in hoc permuneat apud Deum, scilicet observando divina mandata: qui enim perseveraverit usque in finem, hic salvus erit: Matth. xxiv. 13. Ergo si coniugatus vocatus est ad fidem, maneat coniugatus servando fidem.

L E C T I O V.

DE virginibus autem praeceptum Domini non habeo; consilium autem do, tamquam misericordiam consecutus a Deo, ut sim fidelis. Exiitum enim hoc bonum esse propter instantem necessitatem: quoniam bonum est homini sic esse. Alligatus es uxori? Noli querere solutionem. Solutus es ab uxore? Noli querere uxorem. Si autem acceperis uxorem, non peccasti; & si nupserit virgo, non peccavit: tribulationem tamen carnis habebunt huiusmodi. Ego autem vobis parco.

A Principio huius capituli egit de matrimonio; hic incipit pars secunda, in qua agit de virginitate: ubi primo agit de virginibus; secundo de virginum custodiis, ibi, *Si quis autem turpem fornicari existimat super virgine sua ... quod vult faciat*. In prima primo (b) proponit virginibus permanendi in virginitate consilium; secundo nubentibus dat bene vivendi modum, ibi, *Hoc itaque dicit, fructus*; tertio ostendit quod magis expedit servare continentiae propositum, ibi, *Volo autem vos sine sollicitudine esse*. In prima parte virginitatem consulit, & laudat; secundum matrimonium iam contractum concedit, & approbat, ibi, *Alligatus es uxori? Noli querere solutionem*; tertio matrimonium contrahendum detendit, & a peccato excusat, ibi, *Si autem acceperis uxorem, non peccasti*. In prima dicit duo de virginitate: primo quod non est

servanda ex praecepto; secundo quod est servanda ex consilio, ibi, *Consilium autem do*. Ubi ponit duplicem rationem, quare istud consilium est servandum. Prima est consilii auctoritas; secunda rei consilii dignitas, ibi, *Existimo enim hoc bonum*. Dicit ergo: De virginibus autem praeceptum Domini non habeo; quasi dicat: De coniugatis non separandis praeceptum Dei est; de virginibus autem praeceptum Domini non habeo, ut scilicet contineant, vel ut nubant. Quod enim de hoc dixit Dominus Matth. xii. 12. dixit consulendo. Qui potest (inquit) capere capiat. Virginibus autem, secundum Augustinum, res est non praecepta: suaderi potest, imperari non potest. Consilium autem do, scilicet de continendo, consilium mihi a Spiritu sancto inspiratum. Tob. iv. 19. Consilium semper a sapientia te perquire. Consilium, inquam, do, & hoc

(a) *Al. emittitur pro Christo*; (b) *Al. ponit*.

hoc tamquam *consecutus a Domino misericordiam*, idest Apostolatum mihi misericorditer concessum. *Consecutus*, inquam, ad hoc ut *sim fidelis*, in dispensatione mihi credita. Unde credendum est mihi in consiliis. Luc. xii. 42. „Quisputas est fidelis servus? Hay'o: „Quia ei mandatum tuit ut esset fidelis consiliator, non debuit consilium indigentibus abscondere. Et est argumentum „quia est acquiescendum consilio prelati.“

Deinde cum dicit, *Existimo ergo hoc bonum esse*, hic tangitur dignitas eius quod consulitur; & hæc duplex: una, quia expediens bonum; secunda, quia honestum, ibi, *Quoniam bonum est homini sic esse*. Dicit ergo: *Quia fidelis consiliarius sum, existimo hoc bonum esse*, scilicet manere in virginitate, & hoc propter instantem necessitatem, coniugium scilicet vitandum, quia multæ necessitates instant: unde dicuntur esse in mole, Luc. xvii. Unde vulgariter dicitur, quod matrimonium habet magnum os. *Existimo*, inquam, & vere, quia *bonum est homini sic esse*, scilicet in virginitate. Bonum scilicet honestum propter puritatem, delectabile propter libertatem, utile propter mercedem: quia ei debetur aureola, & fructus centesimus, Luc. vii. Augustinus in Glossa: „Supergreditur virginitas conditionem humanæ naturæ, per quam homines Angelis assimilantur. Maior tamen victoria virginum quam Angelorum: Angeli enim sine carne vivunt, virgines autem in carne triumphant.“

Deinde cum dicit, *Alligatus es uxori?* hic matrimonium contractum concedit, & approbat: ubi primo dicit, quod coniugatus non debet querere divortium; secundo consulit quod solutus non querat coniugium, ibi, *Solutus es ab uxore? Noli querere uxorem*. Dicit ergo: *Alligatus es uxori?* quasi dicat: Licet continere sit bonum, tamen *alligatus es uxori? Noli querere solutionem*; maxime si bona est. Eccli. vii. 21. „Noli, discedere a muliere sensata.“ Et dicit, *Alligatus*, quasi duplici vinculo ligatus, scilicet consensu per matrimonium initiatum, & copula carnali per matrimonium consummatum. Si enim tantum uno vinculo, scilicet solo consensu, ligatus esset, posset querere solutionem, scilicet intrando religionem. *Solutus es ab uxore? Noli querere uxorem*, si potes continere: quia, sicut dicunt Apostoli, Matth. xix. 10. „si ita est „causa hominis cum uxore, non expedit „nubere.“

Deinde cum dicit, *Si autem acceperis uxorem, non peccasti*, hic exultat matrimonium contrahendum, a peccato: ubi primo ostendit quod matrimonium potest contrahi sine peccato; secundo quod levius est esse sine coniugio, ibi, *Tribulationem tamen carnis habebunt huiusmodi*. In prima primo proponit veritatem de non virgine; secundo de virgine, ibi, *Et si nupseris virgo, non peccabis*. Dicit ergo: Si autem solutus es, noli querere uxorem. Si autem acceperis uxorem, scilicet bono fine, non ad expletionem libidinis, non peccasti. Hic autem est argumentum evidens contra hæreticos, qui contemnant matrimonium, de quibus I. Timoth. iv. 3. „Prohibentes nubere.“ Et similiter si nupseris virgo, non virgo Deo dicata, quia, secundum Hieronymum, voventibus virginitatem non solum nubere, sed etiam velle nubere peccatum est; non peccavit, scilicet nubendo: alioquin peccasset Beata Virgo, cum desponsata esset Ioseph. *Tribulationem tamen carnis habebunt huiusmodi*, scilicet coniugati, idest afflictionem pro rebus necessariis procurandis & sibi, & filiis suis, & aliis. Unde levius est esse sine coniugio. *Ego autem vobis parco*; quasi dicat: Consulo evitare coniugium; quod tamen concedo parcendo inhieritati vestræ, Vel sic. *Ego autem vobis parco* in hoc quod consulo cavere tribulationes carnis.

Notandum est hic, quod sancta virginitas magnum bonum est propter multa. Primo quia carnis munditiam conservat: Apoc. xiv. 4. „Hi sunt qui cum mulieribus non sunt coquinaati, virgines enim sunt: hi sequuntur agnum, quocumque ierit:“ sicut bonum est sal, quia conservat carnem a corruptione. Secundo quia animam decorat, & ornat: unde frequenter in Scriptura iungitur virgo pulchra: Sap. iv. 1. „O quam pulchra est casta generatio cum claritate!“ Cant. iv. 7. „Tota pulchra es amica mea.“ Tertio quia Angelis cæli assimilatur, sicut dicit hic Glossa: & Matth. xxii. 30. „In resurrectione neque nubent, neque nubentur: sed erunt sicut Angeli Dei.“ Hieronymus: „In carne præter carnem virgines, ultra homines est.“ Quarto quia Christo desponsat: II. Corinth. xii. 2. „Desponsat enim vos uni viro virginem castam, exhibere Christo.“ Quinto quia iungit, & approximat Deo: Psalm. xlv. 15. „Adducentur Regi virgines post eam.“ Sap. vi. 20. „Incorruptio facit proximum Deo.“ Hierem. i. 4. „Dux virginum tatis

„tatis meæ tu es. “ Sento quia ceteris
 statibus præponderat: Eccli. xxvi. 20. „Non
 „est digna ponderatio animæ continentis: “
 infra eodem: *Qui matrimonio iungit virgi-*
nem, bene facit; & qui non iungit, melius
facit. Septimo quia odorem bonæ famæ spi-
 rat: Luc. i. 27. dicitur: „Et nomen vir-
 „ginis Maria: “ Cant. ii. 2. „Sicut li-
 „lium inter spinas, sic amica mea inter
 „filias Hierusalem. “ Octavo quia ad nu-

ptias æternas invitat: Matth. xxv. 10.
 „Quæ paratæ erant, intraverunt cum eo
 „ad nuptias. “ Sed heu, quia ad confer-
 vandum difficiles: ideo Eccli. xlii. 9. „Fi-
 „lia patris abscondita est vigilia, & soli-
 „tudo eius auferit somnum. “ Et hoc
 quia diabolus suggerit contrarium, corru-
 ptio inclinat ad actum, pulchritudo allicit
 ad consensum.

LECTIO VI.

HOc itaque dico, fratres: tempus breve est: reliquum est ut & qui habent
 uxores, tamquam non habentes sint; & qui sient, tamquam non sientes;
 & qui gaudent, tamquam non gaudentes; & qui emunt, tamquam non possi-
 dentes; & qui utuntur hoc mundo, tamquam non utantur: præterit enim figu-
 ra huius mundi.

HÆc est secunda pars, ubi nubentibus,
 siue nuptis ostendit bene vivendi mo-
 dum: docens primo qualiter utantur uxori-
 bus; secundo qualiter fortunæ casibus, siue
 eventibus, ibi, *Et qui sient, tamquam non*
sientes; tertio qualiter mundi rebus, siue
 possessionibus, ibi, *Et qui emunt, tamquam*
non possidentes; quarto subdit rationem in
 his admonitionibus, ibi, *Præterit enim figu-*
ra huius mundi. In prima implicat tria, scilicet
 auctoritatem consiliiarii, *Hoc itaque dico;*
 necessitatem consulendi, *Tempus breve est;* for-
 mam consilii, *Reliquum est ut & qui habent uxo-*
res, tamquam non habentes sint. Dicit ergo: *Hoc*
itaque dico; quasi dicat: Quia non est peccatum
 nubere, hoc itaque dico, fratres: si coniugii
 tempus breve est, quo scilicet non genera-
 tione carnali propagandus est populus Dei,
 sed generatione spirituali colligendus, se-
 cundum Glossam: & quia tempus breve est,
 reliquum est, idest hoc solum restat agen-
 dum, ut qui habent uxores, sint tamquam
 non habentes, studendo servitio Dei, non
 autem operi carnali, debitum scilicet exi-
 gendo: unde dicitur: *Sint tamquam non ha-*
bentes: (a) non dicit, Tamquam non ha-
 benti, sicut erant antiqui patres: pro-
 pter quod dicit Augustinus (de Bono coni-
 ugi. cap. xxi.) quod celibatus Ioannis non
 præfertur coniugio Abraham. Sed hodie fa-
 ciunt e converso: quia qui non habent, sunt
 tamquam habentes.

Est autem notandum, quod tamquam non
 habens uxorem est qui vel uxori debitum

reddit, nec exigit; vel propter infirmita-
 tem uxorem ducit, dolens quod sine ea ef-
 fectus nequit; vel pari affectu continentiam cu-
 stodit; vel causa generandæ prolis ad cul-
 tum Dei uxorem propriam cognoscit.

Et qui sient, pro casibus coniugii, vel pro
 aliqua tristitia sæculi, sint non sientes, con-
 solati scilicet spe appropinquantis boni fut-
 uri. Proverb. 12. 21. „Non contristabit
 „iustum quicquid ei acciderit. “ *Et qui*
gaudent, pro aliqua prosperitate sæculi,
 tamquam non gaudentes, sed tamquam in
 timore existentes imminentes mali pericu-
 li. Eccli. xi. 27. „In die bonorum ne im-
 „memor sis malorum. “

Deinde cum dicit, *Et qui emunt, tamquam*
non possidentes, hic ostendit qualiter utantur
 mundi rebus, siue possessionibus: & primo
 qualiter uti debeant acquirendis; secundo
 qualiter acquisitis, ibi, *Et qui utuntur hoc*
mundo, tamquam non utantur. Dicit ergo:
Qui emunt tamquam non possidentes, idest
 post hæc terrena non sedentes, scilicet
 supple non apponendo cor rebus perituris.
 Plalm. lxi. 11. „Divitiæ si affluant, no-
 „lite cor apponere. “ Ezech. vii. 12.
 „Qui emit non latetur, & qui vendit
 non lugeat. “ *Et, ut universaliter colligam,*
qui utuntur hoc mundo, idest rebus
 mundanis, non dico fruuntur, ut mali,
 qui de eis malum faciunt finem, qui di-
 cunt Sapient. 11. 6. „Fruamur bonis quæ
 „sunt, “ idest præsentibus; sed qui utun-
 tur eis ad finem debitum referendo, sint

TAM-

(a) Forte & non dicitur, Non habentes: sicut erant antiqui patres &c.

contingunt non utantur; id est, non adherent eis nimia delectatione. I. Timoth. vi. 8. "Habentes alimenta, & quibus egamur, his contenti sumus." Præter actum ergo coniugalem ponit quatuor differentias actuum circa sollicitudinem mundanorum, scilicet flere, gaudere, emere, uti. Duo primi pertinent ad affectum, duo alii ad effectum. Ex humana vero sollicitudine generatur duplex effectus, scilicet emendi respectu habendorum, & utendi respectu habitorum; & secundum hoc ponit Apostolus consilium temperantiæ in his quatuor actibus.

Deinde cum dicit, *Præterit enim figura huius mundi*, hic subdit rationem prædictarum admonitionum, quæ talis est. Transitoria sunt reputanda quasi non sint; sed talia sunt mundana peritura: ergo quasi non sint, sunt reputanda: & hoc est quod dicit, quod ideo mundana quasi non sint, existimanda sunt, quia *præterit figura*, id est exterior pulchritudo, vel quod est ibi (a) fragile conveniens statui fragilitatis. Transibunt enim qualitates mortales, & remanebunt immortales. Ideo transibit mundus, & concupiscentia eius. Omnia notanda, quia *figura*, non substantia, *mundi*, non paradisi, *præterit*, non sistit.

Hic quaeritur super illo, *si potes fieri liber*. Glossa: "Quanto quis propter Deum despectior est in hoc sæculo, tanto magis exaltabitur in futuro." Contra. Ergo magis exaltabitur bonus subditus, quam bonus prælatus. Respondeo: Glossa intelligenda est ceteris paribus.

Item super illud, *Unusquisque in quo vocatus est*, Glossa, "statu." Contra. Ergo qui vocatus est in statu sæculari, non de-

bet intrare religionem. Respondeo: Apostolus loquitur de statibus promoveoribus ad salutem, non de impediuntibus.

Item super illud, *Existimo hoc bonum esse*, Glossa: "Maior est victoria virginum quam Angelorum." Contra. Ergo maior corona: ergo homines erunt maiores Angelis, non solum æquales. Respondeo: Maior extensive, id est multiplicative, quia habent aureolam, non solum autem.

Item super illud, *Bonum est homini se esse*, Glossa, "in virginitate." Contra. Genes. i. 28. "Crescite, & multiplicamini." mini. "Virginitas autem contraria est huic præcepto. Respondeo: Illud præceptum non est perpetuum, sed datum utque ad tempus sufficientis multiplicationis humani generis.

Item super illud, *Qui habent uxores*, Glossa: "Beatiora coniugia iudicanda sunt," quæ, prole concepta, pari consensu continentiam servare poterunt. "Contra. Unumquodque tanto beatius est, quanto magis convenit fini suo; finis autem coniugii est generatio prolis. Respondeo: Exproce coniugia, id est coniuges. Vel dicendum est, quod ille non est ultimus finis coniugii, sed adimpletio numeri electorum, qui citius impleteretur, si omnes continerent.

Item super illud, *Præterit figura huius mundi*, Glossa: "In iudicio mundanorum," ignium flagratione huius mundi peribit, non substantia, sed figura. "Contra. II. Petr. iii. 10. "Per quem cæli magno impetu transibunt." Respondeo: Ille transibit, & illa solutio accidentaliter est, non substantialiter, id est secundum qualitatem, non secundum substantiam.

L E C T I O VII.

Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo; qui autem cum uxore est, sollicitus est quæ sunt mundi, quomodo placeat uxori, & divitis est. Et mulier innupta, & virgo cogitat quæ Domini sunt, ut sit sancta corpore, & spiritu; quæ autem nupta est, cogitat quæ sunt mundi, quomodo placeat viro. Porro hoc ad utilitatem vestram dico, non ut laqueum vobis iniciam; sed ad id quod honestum est, & quod salutarem præbeat sine impedimento Dominum obsecrandi.

Superius dedit primo virginibus consilium continentis; secundo nubentibus documentum bene vivendi: hic tertio offen-

dit quod magis expedit tempus continendi: & hoc ostendit primo ratione maioris tranquillitatis; secundo ratione maioris sanctitatis.

(a) *Ad. facile.*

citatis, ibi, *Et mulier innupta*, & *virgo cogitat qua Domini sunt*; tertio ratione maioris utilitatis, ibi, *Porro hoc ad utilitatem vestram dico*. Prima ratio talis est. Tranquillitas in amore solius Dei præferenda est solitudini mundanorum; sed continentes habent tranquillitatem, coniugati solitudinem mundi: ergo status continentium præferendus est statui coniugatorum. Primo ergo dehortatur solitudinem mundi; secundo subdit quod continentes non sunt solitici nisi in his quæ sunt Dei, ibi, *Quoniam qui sine uxore est, sollicitus est qua Domini sunt*; tertio ostendit quod coniugatus oportet esse sollicitus in his quæ sunt mundi, ibi, *Qui autem cum uxore, sollicitus est qua sunt mundi*. Dicit ergo: *Volo autem; quasi dicat*: Si nubitis, prædicta facere consulo; sed magis volo vos esse sine solitudine rei uxoriae. Philip. iv. 6. „Nihil solliciti sitis.“ Nota, quod dehortatur nos Scriptura a solitudine triplici, scilicet circa mulierem, ut hic, *Volo vos sine solitudine esse*, circa ventrem, Matth. vi. 25. „Ne solliciti sitis animæ vestræ, quid inducatis, neque corpori vestro quid induamini;“ circa bursum, Proverb. xi. 7. „Expectatio sollicitorum peribit.“ Et recte hoc volo, quia *qui sine uxore est, sollicitus est qua Domini sunt*, ut complacere ei. Non enim habet exultationem illorum qui dicunt Luc. xiv. 20. „Uxorem duxi, & non possum venire.“ Sollicitus, id est, scilicet quomodo placeat Deo, interiori scilicet pulchritudine sua. Felix cuius vorum est uxorem fugere, cuius solitudo est Domino servire, cuius intentio est Deo placere.

Deinde cum dicit, *Qui autem cum uxore est, sollicitus est qua sunt mundi*, hic ostendit quomodo coniugatus oportet esse sollicitus in his quæ sunt mundi; ubi implicatur quatuor gravia. Primo vinculum coniugale, ibi, *Qui cum uxore est*; studium mundiale, ibi, *Sollicitus est*; subiectio uxoris, ibi, *Quomodo placeat uxori*; operis divisio, ibi, *Et divisi sunt*. Dicit ergo: *Qui autem cum uxore est, sollicitus in matrimonio, sollicitus est qua sunt mundi*, id est de regimine familie, & huiusmodi: unde Iacob acceptis uxoribus ait Genes. xxx. 30. „Iustum est ut aliquando provideam domui meæ;“ id est, sollicitus sim quomodo placeam uxori. Et hoc sine potest se licite ornare: oam, secundum Glossam, magna amaritudo in domo est uxor tristis: & talis divisus est, non natura, sed actu, scilicet divisione officii, non intentionis pri-

ncipalis: unde Glossa, „Partim servit Deo, partim mundo.“

Deinde cum dicit, *Et mulier innupta, & virgo cogitat qua Domini sunt*, hic ponitur secunda ratio probans quod magis expedit servare propositum continentie quam nubere, ratione maioris sanctitatis: & est ratio sua talis. Continentes studet sanctitati, & divinitati, & amor Dei; nupta vero mundo: ergo illa præferenda est isti. Primo ergo tangit studium innuptæ, quia cogitat totaliter placere Deo; secundo studium nuptæ, quia cogitat partim placere mundo, ibi, *Qua autem nupta est, cogitat qua sunt mundi*. In prima implicat tria, scilicet contentium statum, cogitatum, & fructum. Statum honestum, quia innupta, & virgo; cogitatum rectum, quia cogitat qua Domini sunt; multiplicatum fructum, quia ut sit sancta &c. Dicit ergo: Ea similiter mulier innupta, id est vidua, & virgo cogitat, id est maiorem habet facultatem cogitandi, qua Domini sunt, id est spiritualia, & æterna. Cogitat, inquam, ut sit sancta, magis quam nupta. Multæ enim nuptæ sunt sanctæ. Augustinus de Bono coniug. (cap. xi.). „Ampliores oon nuptarum & io corpore, & io spirito“ sanctificationem intelligi voluit; non tamen ouptas omnio sanctificatione prævavit. „Sancta, inquam, corpore, id est corporalibus actionibus, & spiritu, id est spiritualibus actionibus. Vel sancta corpore contra vitia carnalia, & spiritus contra spiritualia.“

Deinde cum dicit, *Qua autem nupta est*, hic tangit solitudinem nuptarum, ubi implicat tria. Primo coniugium, & secundo solitudinem, ibi, *Cogitat qua sunt mundi*; tertio coniugii studium, ibi, *Quomodo placeat viro*. Dicit ergo: *Qua autem nupta est, cogitat qua mundi sunt*, scilicet de cura filiorum, de regimine domus, & huiusmodi. Unde parentes moneantur Saram honorare socrum, diligere maritum, gubernare domum, regere familiam, & se ipsam irreprehensibilem exhibere, Tob. x. Cogitat, inquam, quomodo placeat viro: unde hoc sine ornantes se non peccant: verumtamen magis debent studere ei placere ornatu morum quam vestimentorum. I. Timoth. ii. 9. „Mulieres in habitu ornato“ orantes se, non in tortis crinibus, aut „auro, aut margaritis, vel veste pretiosa.“

Deinde cum dicit, *Porro hoc ad utilitatem vestram dico*, hic allegat tertiam rationem, scilicet maiorem utilitatem: &

P p elt

est ratio talis. Illud quod est utile, magis expedit; sed continere est utilius quam nubere: ergo magis expedit eligere continentiam quam nuptias. Primo ergo ostendit quod utile est continere; secundo quod honestum est, ibi, *Sed id quod est honestum*; tertio quod facile, ibi, *Et quod facultatem praebeat sine impedimento Dominum observandi*. Dicit ergo: Porro hoc ad utilitatem vestram dico; quasi dicat: Coniungo non nubere. Porro hoc ad utilitatem vestram, maiorem scilicet, dico, ut expeditius Deo serviat: quia hic mortificatur caro, quae est inimica spiritus. Augustinus (serm. xlv.) „Sicut ioinicus occisus non facit tibi iniuriam; sic caro mortificata non turbat animam.“ Dico, inquam, *non ut laqueum fornicationis*, scilicet incontinentibus, *vobis iniciam*, aliquid difficile super hoc faciendo; immo potius laqueus poneretur, si conluleret nubere: quia de muliere dicitur Eccle. vii. quod laqueus venatorum est: sed potius iocundans inducere omnes ad id quod honestum est, scilicet ad sanctitatem corporis, & animae: non quia coniugal status non sit honestus, sed quia minus honestus: Augustinus de Bono vid. (cap. v.) „Non matrimonium turpe esse monstravit, sed quod honestus erat, generalis honesti nomine commendavit: & monens ad illud quod facultatem praebeat alicui observandi se in Domino, id est ad servitutem Domini; & hoc sine impedimento, quod est coniugio. II. Corinth. xi. 2. „Respondi vos uni viro virginem castam exhibere Christo.“ Vere eligendus est status continentiae; ubi maius commodum, quia hoc ad utilitatem; ubi minus periculum, quia

non ut laqueum; maior honestas, quia id quod honestum; liberior facultas serviendi Deo, quia facultatem praebeat sine impedimento Dominum observandi.

Notandum est hic, quod multiplex sollicitudo est bona. Prima praeratiōis, sicut nauta sollicitus est de regimine navis, pater de filiis: Rom. xii. 8. „Qui praestit, in sollicitudine.“ Secunda praedicationis, sicut paedagogus sollicitus est de puero, doctor de discipulis: I. Thess. ii. 2. „Fiduciam habuimus loqui ad vos verbum Dei in multa sollicitudine.“ Tertia dilectionis, sicut amicus verus sollicitus est de conservatione amoris: Ephes. iv. 3. „Solliciti servare unitatem spiritus in vinculo pacis.“ Quarta compassionis, sicut vir misericors sollicitus est de egenis, & afflicis: II. Timoth. ii. 17. „Cum venisset Remam, sollicitus me quaesivit, & invenit.“ Quinta devotionis, sicut servus sollicitus est de placendo domino, religiosus Deo: Mich. vi. 8. „Indicabo tibi, o homo, quid sit bonum: & post: sollicitus ambulare cum Deo tuo.“ Sexta circumspersionis, sicut speculator sollicitus est de castro custodiendo: Deut. iv. 15. „Custodite animas vestras solliciti: corpus enim cum organis, anima cum potentia, quoddam castrum est. Septima actionis, sicut agricola sollicitus est de opere perficiendo: Luc. x. 41. „Martha Martha sollicita es: II. Timoth. ii. 15. „Sollicitus cura te ipsum probabilem exhibere Deo.“ Octava provisionis, sicut dispensator de domo, mercator de computo, pauper de pane quaerendo: Rom. xii. 11. „Solitudine non pigri.“

L E C T I O VIII.

Si quis autem turpem se videri existimat super virgine sua, quod sit superadulta, & ita fieri oportet; quod vult faciat: non peccat, si nubat. Nam qui statuit in corde suo firmus, non habens necessitatem, potestatem autem habens suae voluntatis, & hoc iudicavit in corde suo servare virginem suam, bene facit. Igitur & qui matrimonio iungit virginem suam, bene facit; & qui non iungit, melius facit. Mulier alligata est legi quanto tempore vir eius vivit. Quod si dormierit vir eius, liberata est a lege. Cui autem vult nubat, tantum in Domino. Beatior autem erit, si sic permanierit secundum meum consilium. Puto autem quod & ego Spiritum Dei habeam.

Superius egit de virginibus; hic agit de virginum custodiendis: ostendens primo quod licet eis virgines suas coniugio copulare; secundo quod non similiter nuptis licet nisi post mortem viri contrahere, ibi,

Mulier alligata est legi quanto tempore vir eius vivit. In prima primo ostendit quod custos potest dare virginem suam in coniugio; secundo quod non peccat hoc faciendo, ibi, Nec peccat, si nubat; tertio quod etiam bene

ne

ne facit fervando, ibi, *Nam qui statuit &c.* *servare virginem suam, bene facit*; quarto quod licet utrumque sit bonum, tamen hoc est melius illo, ibi, *Igitur & qui matrimonio iungit virginem suam, bene facit*. In prima primo supponit in virgine ætatem nubilem; secundo voluntatem nubendi, ibi, *Et ita oportet fieri*; tertio dat nubendi licentiam, ibi, *Quod vult faciat*. Dicit ergo: *Si quis autem turpem se videri existimat*; quasi dicat: Esse sine coniugio, honestius est, & expeditius: sed tamen si quis turpem se videri existimat, apud iudicium hominum, super virgine sua, timens ne corrumpatur, eo quod sit supradulta, id est ultra pubertatem, & iam in nubilibus annis; *& ita oportet fieri ut nubat*, quia non vult continere: quod vult virgo, faciat cultus. Eccli. vii. 27. „Trade hanc tuam, & „grande opus fecisti; & homini sensato „da illam. „Nec peccat cultus, si nubat virgo. Hoc ideo dicit secundum Glossam, ne, etsi virgo non peccet, cultus videatur peccare. Augustinus de Bono (a) vid. (cap. viii.). Quæ si non continet, nu „bat; quæ non cepit, deliberet; quæ „egressa est, perseveret. Nulla adversario „detur occasio; sed falsa retrahatur obla „tio.

Deinde cum dicit, *Nam qui statuit &c.* hic ostendit quod cultus virginis bene facit, eam in statu virginali fervando: ubi implicatur quadruplex conditio ad hoc expediens. Prima quod cultus firmus sit in proposito eam virginem custodiendi; secunda quod non timeat de casu virginali, ibi, *Non habens necessitatem*; tertia quod cognoscat in virgine propositum continendi, ibi, *Potestatem autem si bene sua voluntatis*; quarta quod faciat ex deliberatione, ibi, *Et hoc indicavit*. Dicit ergo: *Nam qui statuit &c.* *servare virginem suam, bene facit*, quasi dicat: Ideo autem dico, quod non peccat qui tradit virginem: nam de alio qui servat eam, patet quod bene faciat: nam qui statuit in corde servare virginem suam, firmus in proposito suo, non curans sobolem, vel aliud huiusmodi, non habens necessitatem tradendi eam, cum virgo velit continere, potestatem autem habens, secundum alumnæ continentiam, voluntatis sua perficiendæ, & hoc indicavit in corde suo; id est, ex iudicio rationis, non ex levitate mentis, discernit esse bonum. I. Tim. v. 11. „Sine præiudicio „nilil facias. „Indicavit, inquam, servare virginem suam. Ambrosius super hunc lo-

cum: „Non ingerens ei fomitem nuptiarum. „Eccli. vii. 26. „Filie tibi sunt? „Serva corpus illarum. „Qui facit, inquam, sic, bene facit.

Deinde cum dicit, *Igitur & qui matrimonio iungit virginem suam, bene facit*, hic ostendit quod licet utrumque sit bonum, tamen virginitas est melior matrimonio: ubi primo approbat statum coniugalem; secundo præponit statum virginalem, ibi, *Qui non iungit, melius facit*. Dicit ergo: *Igitur & qui matrimonio iungit virginem suam, bene facit*; quasi dicat: Quia oportet fieri ut diximus: *igitur & qui matrimonio iungit virginem, bene facit*, quia licitum est quod facit; & qui non iungit, cum virgo acquiescat continere, melius facit. Glossa: „Melius facit qui a „pud Deum meritum suum collocat, & a „solicitudine liberat eam. „Melius est enim quod licet, & expedit, quam quod licet, & non expedit. Hic enim bene utitur malo, ibi vero bene utitur bono. Bone utitur quis bono, continentiam dedicans Deo; male utitur quis bono, continentiam dedicans idolo; male utitur quis malo, concupiscentiam relaxans adulterio; bene utitur malo, concupiscentiam restringens connubio. Bonum est pudicitia coniugalitatis, sed melius est continentia virginalis, vel vidualis, secundum Glossam.

Deinde cum dicit, *Mulier alligata est legi quanto tempore vir eius vivit*, hic ostendit quod non similiter coniugata, nisi viro mortuo, potest contrahere: ubi primo ostendit quod coniugata non potest nubere viro vivente; secundo quod viro mortuo potest alii nubere, ibi, *Quod si dormierit vir eius, liberata est a lege*; tertio quod melius est illi continere, ibi, *Beatior autem erit, si sic permanserit*; quarto quod debet consilio eius credere, ibi, *Puto autem quod & ego Spiritum Dei habeam*. Dicit ergo: *Mulier alligata est legi &c.* quasi dicat: Qui non iungit virginem suam, melius facit; & vere melius, quia mulier alligata est legi &c. Vel sic. Virgo quocumque tempore potest nubere, sed uxerata non, quia mulier alligata est legi, ita ut non possit nubere alteri, quanto tempore vir eius vivit. Rom. vii. 2. „Quæ „autem sub viro est mulier, vivente viro „est alligata legi viri. Deinde cum dicit, *Quod si dormierit, somno mortis de qua dormitione Ioann. xi. 11. „Lazarus „amicus noster dormit: „vir eius*. Augustinus (de Bono vid. cap. iv. & xi.) „Non „dicit primus, secundus, vel tertius, vel

P p 2 „quar-

(a) ad. coniug.

„quartus, vel quousque licet. Nec nobis
 „distingendum est quod non diffinit Apo-
 „stolus. Unde nec ulla nuptias debeat da-
 „mnare, nec eis verendum numerositatis
 „tis asserere. *Si dirimieris*, inquam, *libe-
 „rata est a lege viri*: unde permittitur ei nu-
 „bere. Hinc patet quod resurgenti non re-
 „tetur copulari; *sed cui vult nubat*. Invi-
 „tæ enim nuptiæ solent habere malos pro-
 „ventus; ideo dicitur Gen. xxiv. 57. „Vo-
 „cemus puellam, & queramus voluntatem
 „eius. *Nubat*, inquam, *tantum in*
Domino, idest viro sive religionis: nam in
 dispari cultu prohibitum est in lege matri-
 monium: Deuter. vii. Per hanc licentiam
 Apostoli, revocatæ sunt omnes prænæ, &
 infamiz, quæ secundum leges infligebantur
 olim mulieri secundo nubenti infra tem-
 pus luctus, scilicet intra annum. Ergo in
 nuptiis exigitur personarum legitimitas, unde
 dicitur, *Liberrata est*: consensus libertas,
 unde addit, *Cui vult nubat*: cultus paritas,
 unde lubdit, *Tantum in Domino*.

Deinde cum dicit, *Beatior autem eris*, si
sic permanferis, hic ostendit quod melius est
 illi continere quam nubere, dicens: Quam-
 vis liceat ei nubere, *tamen beatior eris, si*
sic permanferis, scilicet innupta: & hoc est
 consilium meum, supra eodem datum: ha-
 bebis enim meum exagelimum, qui debet
 viduis: Matth. xxi. Augustinus (de
 Bono vid. cap. xv.) „Satis ostendit beatam
 „esse post mortem viri & secundo nu-
 „bentem; sed beatior est non nubens.“
 Deinde cum dicit, *Puto autem quod & ego*
Spiritum Dei habeam, hic ultimo ostendit
 quod debent consilio eius credere, quia in-
 spirante Spiritu sancto hoc consulit: & hoc
 est quod dicit: *Puto autem quod & ego*
Spiritum Dei habeam; quasi dicat: Faciendum est
 secundum consilium meum, quia *puto quod*
& ego, sicut ceteri Apostoli, *Spiritum Dei*
habeam. Rom. viii. 23. „Sed & nos ipsi
 „primitias Spiritus habentes.“ Hoc ergo
 consilium debet impleri & propter fructum
 sequentem, quia *beatior eris*, & propter con-
 sulentis auctoritatem, quia *secundum consi-
 lium meum*, & propter Spiritum Dei in-
 spirantem, quia *puto quod & ego Spiritum Dei*
habeam.

Hic queritur super illo verbo, *Volo vos*
sine solitudine esse. Contra. Rom. xii. 11.
 „Solitudine non pigri.“ Responso. Ibi
 loquitur de solitudine spiritali, hic de
 temporali.

Item super illo, *Divisus est*. Contra. O-
 scæ x. 2. „Divisum est cor eorum, nunc
 „interibunt.“ Responso. Ibi loquitur
 de divisione intentionis principalis, hic
 de divisione actionis.

Item Glossa ibidem: „Partim servit Deo,
 „partim mundo.“ Contra. Matth. vi. 24.
 „Nemo potest duobus dominis servire.“
 Responso. Verum est, ita quod æqualiter
 serviat utrique in eo quod duo, idest con-
 trarii, sunt.

Item super illud, *Mulier innupta cogitat*
qua Domini sunt, Glossa: „Non cogitat,
 „ne damnetur a Deo.“ Contra. Damna-
 ri potest, ut patet in parabola de fatuis
 virginibus. Responso. Non cogitat hoc so-
 lum, sed cum hoc etiam ne offendant spon-
 sum.

Item super illud, *Ut sit sancta corpore, &*
spiritu, Glossa: „Non potest fieri ut non
 „sit sanctum corpus quo utitur sanctificator
 „Spiritus.“ Contra. Spiritus sanctus usus
 est lingua Caiphæ non sancta, Ioan. xi. Re-
 sponso. Utebatur ea ut Spiritus, non ut
 sanctificator.

Item. *Sed ad id quod honestum est*. Con-
 tra. Ergo matrimonium turpe. Responso,
 secundum Glossam. Positivum posuit pro com-
 parativo.

Item super illud, *Qui non iungit, melius*
facit, Glossa: „Hic (scilicet in coniugio)
 „bene utitur homo malo.“ Contra. Cu-
 ius usus bonus est, ipsum quoque bonum
 est. Responso. Illud intelligitur de usu rei
 per se, scilicet ad quem ordinata est, non
 per accidens, scilicet ad quem ex pruden-
 tia utentis ordinatur.

Item Glossa ibidem: „Melius est bene
 „uti bono, quam benemini malo.“ Contra.
 Hoc difficilius illo: Responso. Loquitur
 hic de malo vitii, non supplicii.

Item super illo verbo in Glossa, „Dux
 „permittit.“ Contra. Ergo dux nuptiæ non
 sunt a Deo. Responso. Non ex eo quod
 dux, nisi ex consequenti.

Item. *Si dormierit vir*: quid dicendum est,
 si reficitur? Responso. Requiritur con-
 sensus novus ad hoc quod sit matrimonium.

Item super illud, *Puto quod Spiritum Dei*
habeam. Contra. Rom. viii. 38. „Certus
 „sum quod neque mors, neque vita...
 „poterunt nos separare a caritate Dei.“
 Responso, secundum Glossam. Non dicit hoc
 dubitando, sed quasi increpando.

CAPITIS OCTAVI

LECTIO I.

DE his autem quæ idolis sacrificantur, scimus quia omnes scientiam habemus : Scientia inflat, caritas vero edificat. Si quis autem se existimat scire aliquid, nondum cognovit quemadmodum oporteat eum scire. Si quis autem diligit Deum, hic cognitus est ab eo. De eccis autem quæ idolis immolantur, scimus quia nihil est idolum in mundo, & quod nullus Deus nisi unus. Nam & si sunt qui dicantur dii sive in cælo, sive in terra (siquidem sunt dii multi, & domini multi) nobis tamen unus Deus Pater, ex quo omnia, & nos in illo; & unus Dominus Iesus Christus, per quem omnia, & nos per ipsum. Sed non in omnibus est scientia. Quidam autem cum conscientia usque nunc idoli, quasi idolothytum manducant; & conscientia ipsorum cum sit inirma, polluitur. Ecce autem nos non commendat Deo: neque enim si manducaverimus, abundabimus; neque si non manducaverimus, deficiemus.

EXcluso errore circa correctionem criminum, cap. v. & vi. item circa virginitatem, & matrimonium, cap. vii. hic excludit errorem circa etum, & abstinentiam ciborum cap. isto, & ix. & x. loquens de his quæ idolis immolabantur; a quibus, quamvis in se licitis, abstinere monet, primo allegando eis scandalum infirmorum cap. isto; secundo exemplum sui, qui propter alios abstinere a receptione sumptuum licitorum, cap. ix. tertio exemplum penæ ludæorum post tanta beneficia Dei in deserto prostratorum, cap. x. Ergo propter scandalum proximi, exemplo Apostoli, (a) non propter timorem supplicii, debemus abstinere a cibis aliquando licitis. In primo ostendit quod in se licita est comestio idolothytorum; secundo monet nihilominus abstinere propter scandalum fratrum infirmorum, ibi, *Videte ne forte hac licentia vestra offendiculum fiat infirmis*. In prima primo proponit quod maiores eorum habent scientiam de idolothytis; secundo ostendit qualem scientiam habent de eis, ibi, *De eccis autem quæ idolis immolantur, scimus quia nihil est idolum in mundo*; tertio quod quidam infirmi hac scientia carent, ibi, *Sed non in omnibus est scientia*; quarto quod alii coram eis idolothyta edere non debent, ibi, *Ecce autem nos non commendat Deo*. In prima primo dicit, quod de idolothytis scientiam habent; secundo quod eam sine caritate inutiliter habent, ibi, *Scientia inflat, caritas autem edificat*; tertio ostendit a quibus habeatur hæc scientia insufficienter, ibi, *Si quis autem*

existimat se scire aliquid, nondum cognovit quemadmodum oporteat eum scire; quarto a quibus sufficienter, ibi, *Si quis autem diligit Deum, hic cognitus est ab eo*. Dicit ergo: *De his autem quæ idolis sacrificantur, scimus quia omnes scientiam habemus*; quasi dicat: De prædictis quævisitis a me, scilicet de pertinentibus ad matrimonium: de aliis autem, ut de immolatis idolo, non fuit necesse quærere: quia omnes scitis super hoc veritatem: & hoc est quod dicit: *De his autem quæ idolis sacrificantur, an liceat edere, vel non, scimus, ego & vos, quod liceat ea comedere, secundum illud ad Titum 1.15.* „Omnia munda mundis: „*scimus quia omnes scientiam habemus, ego scilicet, & vos perfecti inter alios, scilicet scientiam de Creatore, & creaturis: & ideo minus excusabiles, si male facimus.*

Deinde cum dicit, *Scientia inflat*, hic ostendit quomodo sine caritate scientiam inutiliter habent; quasi dicat: Habetis quidem scientiam; sed non valet vobis, quia inde superbitis contra ignaros. *Scientia autem, si sola est, inflat.* Eccle. 1. 18. „In „multa sapientia, multa est indignatio. „*Ad. xxvi. 24.* „Multæ literæ te faciunt „insanire. „Hæc enim fuit plaga Aegyptiorum, idest sapientium huius mundi, vebæe turgentis: Exod. 1x. *Caritas vero edificat, infirmos; quæ quod eis obesse potest, dimittit, quia non quærit quæ sua sunt.* Unde addenda est scientiæ caritas. Augustinus (epist. cxix.) „Addite ergo scientiæ caritatem, & utilis erit scientia. „

(a) *Id. missive 202.*

„tia. „Per se quidem est inutilis, ex caritate vero utilis. Philoſophus (II. Ethic. cap. IV.) „Scire aut nihil, aut parum prod-
est ad virtutem.

„Deinde cum dicit, *Si quis autem existimat se scire aliquid* &c. hic ostendit a quibus hæc scientia habetur insufficienter, quia ab illis qui ea utuntur in nocumentum proximi: & est sua ratio talis. Quicumque habet scientiam, non modum utendi ea, habet scientiam insufficienter; sed qui habet scientiam sine caritate, est huiusmodi: ergo qui habet scientiam sine caritate, habet insufficienter scientiam. Primo ergo supponit scientiam sine caritate; secundo ostendit insufficientiam talis scientiæ, ibi, *Nondum cognovit*; tertio rationem insufficientiæ, ibi, *Quomodo modum oporteat eum scire*. Dicit ergo: *Si quis autem existimat se scire*, quia si dicat: Habetis scientiam, sed non sufficientem: quia si quis vestrum existimat se scire, habens scientiam sine caritate, aliquid scit, scilicet quod licet comedere idolothyta, *nondum tamen cognovit*: quia non te cognoscere factio ostendit, *quomodo oporteat eum scire*; idest, qualiter debeat uti scientia, quia in ædificationem, non in nocumentum aliorum. Scire autem contingit dupliciter, scilicet habere scientiam, & uti scientia; sicut videre, habere visum, & uti visu. Glossa Bernardi: „Hic non approbat Apo-
stolus multa scientem, si modum sciendi nescierit: Modus enim sciendi est ut scias quo ordine, quo studio, quo fine scire quæque oporteat: quo ordine, ut id prius quod maturius ad salutem; quo studio, ut id ardentius quod efficacius est ad amorem; quo fine, ut non ad inanem gloriam, vel curiositatem velle aliquid, sed ad ædificationem tui, & proximi. Sunt namque qui scire volunt eo fine tantum ut sciant, & curiositas est; quidam ut sciatur, & vanitas est; quidam ut scientiam vendant, & turpis quæstus est; quidam ut ædificentur, & prudentia est; quidam ut ædificent, & caritas est.

Deinde cum dicit, *Si quis autem diligit Deum, is cognitus est ab eo*, hic ostendit a quibus hæc scientia habetur sufficienter, quia ab illis qui utuntur ea ex caritate. Primo ergo supponit scientiam cum caritate; secundo ostendit sufficientiam talis scientiæ, ibi, *Hic cognitus est*. Dicit ergo: *Si quis autem diligit Deum, hic cognitus est ab eo*, quasi dicat: Ille perfecte non scit qui ne scit quemadmodum oporteat eum scire. Si quis autem diligit Deum, & ita cum scientia

habet caritatem, *hic cognitus*, idest approbatus, *est ab eo*: „novit enim Dominus, qui sunt eius: „II. Timoth. 11. 19. Unde talis vere scit Deo approbante, quia bene utitur scientia propter caritatem annexam.

Notandum est hic, quod ad hoc quod aliquis sciat quemadmodum oporteat scire, novem sunt necessaria. Primo humiliter sine inflatione: Philippens. 11. 12., „Scio humiliter: Psal. cxxx. 2., „Si non humili-
ter sentiebam. „Secundo sobrie sine presumptione: supra 11. 2. *Non indicavi me scire*: Rom. 11. 3. „Non plus saperequam oportet. „Tertio certitudiniter sine hesitatione: II. Timoth. 1. 13., „Scio cui credidi, & certus sum. „Quarto veraciter, & sine errore: II. Tim. 11. 7., „Semper discentes, & nunquam ad scientiam veritatis pervenientes. „Quinto simpliciter sine deceptione: I. Timoth. vi. 20., „Oppositiones talis nominis scientiæ. „Sexto salubriter cum caritate, & dilectione: infra 11. 2. *Si habueris omnem scientiam... caritatem autem non habueris, nihil sum*. „Septimo utiliter cum proximorum ædificatione: infra 11. 2. *Alii datur sermo scientia in eodem spiritu*. Octavo liberaliter cum gratuita communicatione: Sapient. vi. 24., „Posui nam in lucem sapientiam eius. „Nonne efficaciter cum bona operatione: „Scienti enim bonum, & non scienti, peccatum est illi: „Iac. 11. 17. Primum, scilicet humilitas scientiæ, arguit sapientes superbos; sobrietas curiosos; certitudo dubiosos; veritas hæreticos; simplicitas advocatos; salubritas magos; utilitas iniquos; liberalitas avaros; efficacitas otiosos.

Deinde cum dicit, *De eis autem qui idolis immolantur, sciatis quia nihil est idolum in mundo*, hic ostendit qualem scientiam habent de idolothytis, ostendens primo quod sciunt idolum nihil esse; secundo quod sciunt omnia a Deo esse, ibi, *Non estis qui dicuntur dei... nobis tamen unus Deus*. In prima primo dicit idolum nihil esse; secundo iuxta hoc ad declarationem ostendit Deum non nisi unum esse, ibi, *Et quod nolumus Deus nisi unus*. Dicit ergo: *De eis autem qui idolis immolantur, sciatis quia nihil est idolum in mundo*; quasi dicat: Prædictis modis non valet scientia; sed tamen de eis qui immolantur idolis, sciatis, scientia vera, scilicet quod in se sunt licita, nec propter idolum sunt immundæ: & hoc quia idolum nihil est in mundo. Hoc tripliciter exponitur. Primo modo sic, *Idolum nihil est in mundo*, idest inter creaturas mundi, quantum

ad formam idoli: licet enim materia idoli sit aliquid, scilicet aurum, vel argentum, vel huiusmodi; tamen nihil est forma, scilicet quæ creditor ibi esse ab idolatris, qui credunt idolum esse Deum. *Eccl. xi. 24.* „Ecce vos estis ex nihilo, & opus vestrum est eo quod non est.“ Secundo modo sic. *Idolum nihil est*, scilicet persona subsistens ex simulacro, & spiritu præsentente. Ex istis enim duobus nihil fit, sicut ab idolatris putatur. *Hier. x. 14.* „Confusus est omnis artifex in sculptili, quia saluta sum est quod conflagavit, & non est spiritus in eo.“ Tercio modo sic. *Idolum nihil est in mundo*; idest, nullius rei quæ sit in mundo (a) habet similitudinem. Est enim differentia inter idolum & simulacrum: quia simulacrum dicitur quod sit ad similitudinem rei alicuius naturalis; (b) idolum autem ad nullius rei est similitudinem; ut si corpori humano addatur caput equinum. *Eia. xl. 18.* „Cui similem fecisti Deus? Aut quam imaginem ponetis ei?“ *Et scimus etiam quod nullus Deus nisi unus.* *Deuter. vi. 4.* „Audi Israel: Dominus Deus tuus, Deus unus est.“ Deinde cum dicit, *Nam estis sunt qui dicuntur dii*, nobis tamen unus Deus, hic ostendit quod sciunt omnia a Deo esse, non a diis nuncupativis, vel adoptivis, ut sunt idola, vel sancti; sed ab uno summo. Primo ergo dicit quomodo potest intelligi deorum pluralitas, scilicet per adoptionem, vel nuncupationem; secundo quomodo est divinitatis unitas, scilicet per essentiam, ibi, *Nobis (c) tamen unus Deus Pater*: ubi primo tangit unitatem in Patre; secundo in Filio, ibi, *Et unus Dominus Iesus Christus*. In prima tangit tria, scilicet essentiam, quia unus Deus; personam, quia Pater; potentiam, ex quo omnia; clementiam, quia & nos in illo. Similiter ista tangit in Filio. Dicit ergo: *Nam estis sunt qui dicuntur dii*, nobis tamen unus Deus; quasi dicat: Et vere non est nisi unus Deus: nam estis sunt qui dicuntur dii vere participatione divinitatis, ut sancti: *Psal. lxxxix. 6.* „Ego dixi, Diis, estis: *sive in celo*, ut sancti comprehensores, *sive in terra*, ut sancti viatores (si quidem sunt dii multi vere, participatione divinitatis, ut sancti, & multi domini, ut Apostoli, & prælati) nobis tamen unus Deus. Alio modo legitur sic. *Nam & si sunt qui dicuntur dii a gentibus*, scilicet falsa nuncupatione, *sive in cale*, ut sol, & luna;

sive in terra, ut Mercurius, & Diana (si quidem sunt dii multi, sola scilicet nuncupatione, secundum gentiles: *Psal. xc. 5.* „Dii gentium dæmonia;“ & domini multi, qui aliis præsent; nobis tamen tantum unus est Deus essentialiter, scilicet Pater, ex quo omnia secundum naturam, & per paternam auctoritatem: *Rom. xi. 36.* „Ex quo omnia:“ & nos in illo, per gratiam: *Act. xvii. 28.* „In ipso vivimus, movemur, & sumus:“ & unus cum Patre Deus Dominus Iesus Christus: *Ioan. x. 30.* „Ego, & Pater unus sumus:“ per quem omnia, scilicet facta sunt secundum naturam: *Ioan. i. 3.* „Omnia per ipsum facta sunt:“ & nos per illum, scilicet sumus in Deo per gratiam: *Rom. i. 5.* „Per quem accepimus gratiam, & Apostolorum.“ Ergo unus est altissimus Creator omnium omnipotens. Ex his elicitur talis ratio. Non est pisonus Deus, qui fecit omnia; sed multa sunt idola: ergo non suot Deus, qui fecit omnia, nec creduntur aliquid: ergo nihil.

Sed non in omnibus est scientia. Habito quod maiores illorum habent scientiam de idolothytis, hic ostendit quod minores hæc scientia carent. Ubi primo ostendit quod in quibusdam desuit prædicta de idolothytis scientia; secundo quod propter hoc (d) est idolothytorum pollutio eorum conscientia. Ubi primo tangit pollutam conscientiam rationem; secundo ipsam pollutionem, ibi, *Et conscientia istorum*, pollutur. Dicit ergo: Sed non in omnibus est scientia; quasi dicat: Hoc scimus nos, scilicet quod idolum nihil est; sed non in omnibus, ut in infirmis, est scientia hæc: & vere non est in omnibus; quidam (e) tamen cum conscientia usque nunc idoli, quasi idolothytum manducant. Vel sic. Nos scimus, quod idolum nihil est in mundo: quidam tamen cum conscientia idoli, quia scilicet potant idolum aliquid divinum esse, usque nunc, idest post conversionem, sicut ante, manducant idolothytum, idest de sanctificatis idolis; & hoc non quasi cibum simpliciter, sed quasi idolothytum, scilicet ad reverentiam idoli. Et conscientia illorum, cum sit infirma, pollutur per illos, scilicet qui habent rectam scientiam, sed non cum caritate, per quos in hunc errorem infirmi inducuntur. *Deut. xxviii. 28.* „Maledictus, qui errare facit cæcum in itinere.“ Hic innuit, quod non cibum, sed conscientia pollutur per peccatum, comedendo ad exemplum malorum.

De-

(a) Al. habens. (b) Al. idolum ad nullius rei sit similitudinem. (c) Al. centum. (d) Al. est conscientia idolothytorum. (e) Al. enim.

Deinde cum dicit, *Esca autem non commendat nos Deo*, hic quarto offendit quod coram eis idolothyta comedere non debent. Ubi primo offendit quod huiusmodi comestio nihil prodest apud Deum; secundo probat quod non præstat aliquod bonum augmentum, ibi, *Neque enim si non manducaverimus, deficiemus*. Dicit ergo: *Esca autem nos non commendat Deo*; quasi dicat: Illis nocet vestra comestio, vobis autem non prodest: *esca enim nos non commendat Deo*, sed recta fides in edendo. Nam nec Elau esu lenticulæ iustificatus est, nec Elias esu carniū pollutus est. Rom. xiv. 17. „Non „ est regnum Dei esca, & potus. “ Heb.

ult. 9. „ Bonum est gratia stabilire cor, „ non esca. “

Deinde cum dicit, *Neque enim si non manducaverimus, deficiemus*, hoc probat quod propoluit; & est sua ratio talis. Non comedere idolothytum non diminuit bonum; comedere non augeat: ergo talis esca sumpta, vel non sumpta nihil prodest apud Deum; & hoc est quod dicit: *Neque enim si non manducaverimus, deficiemus*; id est, minus ab eo habebimus; neque si manducaverimus, abundabimus, in virtutibus: quia esca ventri, non menti proficit, & ita cum non sit de veritate vitæ, iustitiæ, & doctrinæ, dimittenda est propter scandalum.

LECTIO II

Videte autem ne forte hæc licentia vestra offendiculum fiat infirmis. Si quis enim viderit eum qui habet scientiam in idolo recubentem, nonne conscientia eius, cum sit infirma, ædificabitur ad manducandum idolothyta; & peribit infirmus in tua scientia frater, propter quem Christus mortuus est? Sic autem peccantes in fratres, & percutientes conscientiam eorum infirmam, in Christo peccatis. Quapropter si esca scandalizat fratrem meum, non manducabo carnem in æternum, ne fratrem meum scandalizem.

HÆc est secunda pars huius capituli: superius enim offendit quod in se licita est comestio idolothytorum; hic monet abstinere ab ea propter scandalum infirmorum. Ubi primo monet ne offendant fratres sua comestione; secundo quod potest offendere, ibi, *Si enim quis viderit eum qui habet scientiam in idolo recubentem &c.* tertio offendit malum quod inde potest accidere, ibi, *Et peribit infirmus in tua scientia frater*; quarto præbet se in exemplum conscientium, ibi, *Quapropter si esca scandalizat fratrem meum, non manducabo carnem in æternum*. Dicit ergo: Videte, quia quantum ad nos nihil prodest, vel obest esca ipsa; sed tamen videte ne forte hæc licentia vestra, qua scitis licere vobis comedere de idolothytis, offendiculum fiat infirmis in fide, qui nondum sciunt idolum nihil esse. Lev. xix. 14. „ Coram cæco non pones offendiculum. “ Deinde cum dicit, *Si quis viderit eum qui habet scientiam in idolo recubentem &c.* hic offendit quomodo possunt offendere, quia comedendo idolothytum coram infirmis: ubi implicatur (a) tria concurrentia ad scandalum. Primo (b) maior scientia; secundo comestio idolothyti publica, ibi, *In idolo recubentem*; tertio oc-

casio scandalii accepti, ibi, *Nonne conscientia eius ædificabitur ad manducandum?* Dicit ergo: *Si enim quis viderit eum qui habet scientiam in idolo recubentem &c.* quasi dicat: Et vere potest esse offendiculum: si enim quis infirmus viderit eum qui habet scientiam recubentem in idolo, id est in præsentia idoli, nonne conscientia eius, cum sit infirma, per te ædificabitur, id est per factum tuum, ad manducandum idolothyta, id est sacrificata in reverentiam idoli? quasi dicat sic. Videns enim quis fratrem peritum, in idolo sacrificata comedere, incipit ipse edere non illa conscientia quia ille, scilicet peritiæ causa; sed id putat esse numen, in cuius reverentia hoc fiat.

Deinde cum dicit, *Et peribit infirmus*, hic offendit malum quod inde potest accidere; & hoc duplex. Primo scandalum proximi; secundo offensam proximi, ibi, *Sic autem peccantes in fratres ... in Christo peccatis*. In prima implicatur tria. Peccantis conditio, quia infirmus; peccandi occasio, quia in tua conscientia; peccati exaggeratio, quia propter quem Christus mortuus est. Dicit ergo: Et ita peribit infirmus, in fide, (c) in tua scientia frater, id est occasione accepta a tua scientia: quia te sapientem videt com-

(a) *Id.* quatuor. (b) *Id.* maiorum scientia. (c) *Id.* id est in tua scientia.

medere, putans quod sub idoli veneratione comedas: *propter quem salvandum Christus mortuus est*: & ita graviter peccas. Rom. xiv. 15. „Noli cibo perdere illum pro quo mortuus est Christus.“ *Sic autem peccantes in fratres, peccato scandali, & percutientes conscientiam eorum infirmam, gladio mali exempli*: Amos ix. 1. „Percute carnem, id est conscientiam“ & commovebuntur superliminaria, „id est intellectus, & affectus: in Christo peccatis, cuius membra sunt. Non ait, In Christum, secundum Glossam: quia in Christum peccare, est Christum negare, id est peccare in fide; in Christo peccare est in his quæ Christi sunt peccare, scilicet in moribus; sicut ille qui in lege est, dicitur in lege peccare; qui autem in lege non est, dicitur peccare in legem.

Deinde cum dicit, *Quapropter si esca scandalizat fratrem meum, non manducabo carnem in aeternum*, hic ultimo proponit se in exemplum abstinencie: ubi primo implicat scandalum; secundo ex hoc explicat abstinencie propositum; ibi, *Non manducabo carnem in aeternum*; tertio prævenit dubium, ibi, *Ne fratrem meum scandalizem*. Dicit ergo: *Quapropter*, ne scilicet peccem in Christum, *si esca scandalizat fratrem meum, non manducabo carnem* aliquam, non solum idolochoyta, in aeternum. Si ergo propter scandalum fratrum abstinendum est quasi a necessariis vitæ, multo magis a superfluis: & hoc non ideo quod eia in se mala sit, sed ne scandalizet fratrem meum. Nam, qui scandalizaverit animum de pusillis istis, expedit ei ut suspendatur in collo eius mola alinaria, & demergatur in profundum maris: „Matth. xviii. 6. Rom. xiv. 20.“ Omnia munda mundis; sed malum est homini, qui per offendiculum manducat.

Hic quaeritur super illud, *Scientia inflat*. Glossa: „Scientia per se inutilis est.“ Contra. Scientia per se bona est: ergo & utilis. Responsio. Inutilis est ad salutem, utilis tamen ad multa alia.

Item. *Caritas adificat*. Contra. Sicut scientia inflat, non per causam, sed per occasionem; sic & caritas. Responsio. Non est simile: quia scientia habenti se manifestat; sed non sic caritas: quia nemo certus est de caritate.

Item super illud, *Idolum nihil est*, Glossa: „Naturam Deus formavit, sed stultitia hominum formam dedit.“ Contra. Omne

esse est a Deo: ergo omnis forma. Responsio. Glossa loquitur de forma putativa in natura, non de vera.

Item ibidem Glossa: „Forma hominis in idolo non est facta per Verbum.“ Contra. Ioan. 1. 3. „Omnia per ipsum facta sunt.“ Responsio. Quamvis forma hominis in illo sit facta per Verbum, non tamen in idolo, id est ad colendum.

Item ibidem Glossa: „Idolum nihil est, quia nullius rei quæ sit in mundo, similitudinem habet.“ Contra. Non potest artifex cogitare, vel formare nisi quæ vidit. Responsio. Non habet similitudinem in toto, sed in partibus.

Item super illud, *Nullus Deus nisi unus*. Glossa: „Hoc dicit, ne putetur esse Deus in idolo.“ Contra. Deus, licet sit unus, tamen est ubique. Responsio. In idolo est per potentiam, (a) non per præsentiam, vel unionem, ut putabant Gentiles.

Item ibidem Glossa: „Pars Trinitatis non potest esse quicumque unus in tribus.“ Contra. Cuiuslibet numeri pars est unitas. Responsio. Trinitas non est numerus simpliciter, sed numerus personarum.

Item super illud, *Et si sunt qui dicuntur dii*, Glossa: „Participatio divinitatis.“ Contra. Divinitas est imparticipabilis. Responsio. Participatio hæc per causam est, non per essentiam.

Item ibidem Glossa: „Quæritur utrum Angeli vocandi sint dii.“ Responsio. Quamvis participent divinitatem, tamen, secundum Glossam, non sunt dicendi dii propter periculum adorationis.

Item super illud, *Nobis tamen unus Pater*, Glossa: „Trinitas est nobis unus Pater, non tamen ille qui tertia in Trinitate, persona alius.“ Contra. Idem, & diversum dividunt ens. Respondeo, quod quamvis idem, & diversum dividant ens creatum, non tamen increatum: quia ibi est identitas in essentia cum diversitate in personis.

Item. *Non in omni bus est scientia*. Contra. Supra eodem, *Omnes scientiam habemus*. Responsio. Illud non intelligitur universaliter, sed de maioribus.

Item super illud, *Esca non commendat nos Deo*, dicit Glossa, „Sumpta, vel non sumpta.“ Contra. Ergo abstinencia nihil meretur. Responsio. Non virtus escae, sed virtus abstinencie prodest.

Item.

(1) Al. non per præsentiam.

Item. *Si esca scandalizat fratrem meum, non manducabo carnem in aeternum.* Contra. Ergo pro scandalo fratris, a pane, & vino abstinendum est in perpetuum. Responsio. Non est simile de necessariis, & superfluis: Vel loquitur hic de scandalo activo, non passivo. Vel perfectiois est hoc, non necessitatis.

Notandum est hic super illud, *Unus Deus*, quod Deus potest accipi multipliciter, scilicet falsa nuncupatione; & sic idola dicuntur dii, Psalm. xcv. 5. „Omnes dii gentium damnoia.“ Hierem. x. 11. „Dii, qui caelum, & terram non fecerunt, pereant de terra.“ Vera adoptio; & sic sancti dicuntur dii. Psalm. lxxxii. 6. „Ego dixi: Dii estis, & filii Excelsi omnes; vos autem sicut homines moriemini.“ Mundana praelatione; & sic praelati dicuntur dii. Exod. xxxii. 28. „Dii non detrahes.“ Ioan. x. 35. „Si illos dixit deos ad quos sermo Dei factus est.“ Essentiae proprietate; & sic Trinitas dicitur Deus. Deuteron. vi. 4. „Audi Israel: Dominus Deus tuus unus est.“

Item notandum, quod Christus unus sine pari multipliciter dicitur. Primo unus Deus

propter naturam divinitatis: unde sic nullus est Deus nisi unus. Secundo unus Creator propter infinitatem potestatis. Eccli. i. 8. „Unus est altissimus Creator omnium.“ Tercio unus homo propter singularem eminentiam sanctitatis. Psalm. xiiii. 1. „Non est qui faciat bonum, non est usque ad unum.“ Ioan. xi. 1. „Expediit ut unus moriatur homo.“ Quarto unus Dominus propter gubernatinnem praelationis. Ephes. iv. 5. „Unus Dominus, una fides, & unum baptisma.“ & hoc modo unus Dominus scilicet Christus. Qui totus unus magister propter infusionem cognitionis. Matth. xxiii. 10. „Non vocemini magistri, quia magister vester unus est Christus.“ Sexto unus pater propter productionem universalitatis. Matth. xxiii. 9. „Unus est enim Pater vester, qui in caelis est.“ Septimo unus pastor propter generalem refectionem populi fidelis. Ioan. x. 16. „Fiet unum ovile, & unus pastor.“ Octavo una hostia propter singulare pretium nostrae redemptionis. Hebr. x. 14. „Una enim oblatione consummavit in aeternum sanctificationem.“

C A P I T U L U M N O N I

L E C T I O I.

Non sum liber? Non sum Apostolus? Nonne Christum Iesum Dominum nostrum vidi? Nonne opus meum vos estis in Domino? Et si aliis non sum Apostolus, sed tamen vobis sum: nam signaculum Apostolatus mei vos estis in Domino. Mea defensio apud eos qui me interrogant, haec est. Numquid non habemus potestatem manducandi, & bibendi? Numquid non habemus potestatem fororem mulierculam circumducendi, sicut & ceteri Apostoli, & fratres Domini, & Cephas? Aut solus ego, & Barnabas non habemus potestatem hoc operandi? Quis militat suis stipendiis umquam? Quis plantat vineam, & de fructu eius non edit? Quis pascit gregem, & de lacte gregis non manducat? Numquid secundum hominem haec dico? An & lex haec non dicit? Scriptum est enim in lege Moysi: Non alligabis os bovi trituranti. Numquid de bobus cura est Deo? An propter nos utique haec dicit? Nam propter nos utique scripta sunt: quoniam debet in spe, qui arat, arare, & qui triturat, in spe fructus percipiendi.

Supra monuit cavere ab edendo idolothuta coram infirmis propter scandalum fratrum infirmorum; hic proponit se in exemplum, quia propter alios abstinere se a sibi licitis, scilicet ab acceptione sumptuum: ubi primo proponit multipliciter quia licitum est sumptus accipere; secundo quod nihilominus non vult accipere, ibi, *Ego autem nullo horum usus sum.* In prima parte, quod licitum sit sumptus accipere, prebat tri-

tripliciter. Primo per auctoritatem; (a) secundo per rationem, ibi, *Si nos vobis spiritualia seminavimus, magnum est, si nos carnalia vestra metamus*; tertio per exemplorum similitudinem, ibi, *Nescitis quod hi qui in sacrario operantur, quia de sacrario sunt edunt*? In prima primo probat per auctoritatem apostolicam dignitatis; secundo per auctoritatem humanam consuetudinis, ibi, *Quis militat suis stipendiis nunquam*? tertio per auctoritatem divinae legis, ibi, *Numquid secundum hominem hac dico*? In prima primo probat quod sit Apostolus generaliter; secundo quod sit Apostolus eorum specialiter, ibi, *Et si aliis non sum Apostolus, sed tamen vobis sum*; tertio quod potest accipere sumptus licite, ibi, *Numquid non habemus potestatem manducandi, & bibendi*? In prima primo quaerit an habeat libertatem accipiendi sumptus; secundo an sit Apostolus, ibi, *Non sum Apostolus*; tertio probat duplici ratione quod sit liber, & Apostolus, ibi, *Nonne Dominum Iesum Christum vidi*? Dicit ergo: *Non sum liber*? quasi dicat: Abstinet ab hoc licito, scilicet ab eis idolothytorum, quia ego etiam abstinere a stipendiis, cum tamen habeam libertatem accipiendi. Numquid enim non sum Apostolus? Immo vere sum Apostolus. Gal. 11. 8. » Qui operatus est Petto in Apostolatu circumcissionis, operatus est & mihi inter Gentes. « Est ergo ratio sua talis. Omnis Apostolus ratione sui Apostolatus habet libertatem accipiendi sumptus; sed ego sum Apostolus (utrumque probat postea) ergo &c.

Deinde cum dicit, *Nonne Dominum Iesum Christum vidi*? hic probat duplici ratione quod sit Apostolus. Primo per causam; secundo per effectum, ibi, *Nonne opus meum vos estis in Domino*? Prima ratio sumitur ex parte Christi mittentis; secunda ex parte Corinthiorum, quibus mittitur. Prima ratio talis est. Ego vidi Dominum, qui me misit ad praedicandum: ergo sum Apostolus: & hoc est quod dicit: *Nonne Dominum Iesum Christum vidi*? quasi dicat: Vere sum Apostolus. *Nonne Dominum Iesum Christum vidi*? Hoc dicit propter pseudoapostolos, qui dicebant ipsum non esse Apostolum, quia non fuerat in societate Domini, sicut ceteri Apostoli. Ipse autem vidit eum iam immortalem, secundum Glossam, vel in via, Act. ix vel in templo, Act. xxii. Unde Act. ix. 27. » Barnabas apprehendit illum, duxit ad Apostolos, & narravit quomodo in via vidisset Dominum. « Iosra xv.

8. » Novissime omnium tanquam abortivus visus est & mihi. *Nonne opus meum vos estis in Domino*? Ecce secunda ratio talis. Vos estis conversi ad fidem per me missum ad hoc: ergo sum Apostolus. *Nonne opus meum vos estis*, o Corinthii, sicut templum architecti? Sup. 11. 10. *Ut sapiens architectus fundamentum posui*. Item ut filius opus genitoris. Sup. xv. 15. *In Christo Iesu per Evangelium vos genui*. Opus, inquam, meum, & hoc in Domino, id est Domino cooperante. Vel in Domino, id est ad gloriam Domini; quasi dicat, Sic estis.

Deinde cum dicit, *Et si aliis Apostolus non sum, sed tamen vobis sum*, hic probat quod est Apostolus eorum specialiter. Ubi primo proponit quod est Apostolus eorum specialiter; secundo probat hoc per effectum, ibi, *Nam signaculum Apostolatus mei vos estis*; tertio ostendit quod per effectum illum descendit se esse Apostolum, ibi, *Mea defensio ad eos qui me interrogant, hac est*. Dicit ergo: *Et si aliis non sum Apostolus, vobis tamen sum*; quasi dicat: Vere opus meum estis, quia & si aliis, scilicet Iudeis, quorum legem evacuo, non sum, id est non videor esse, Apostolus; sed tamen vobis sum, qui per me conversi estis specialiter. Rom. xi. 13. » Quamdiu Gentium sum Apostolus, ministerium meum hooificabo. « Et vere vobis sum Apostolus: nam vos estis signaculum Apostolatus mei, id est forma, & sigillum: quia Apostolatus meus impressus est in vobis, sicut forma sigilli in cera. Glossa: » In vobis apparet quod sum Apostolus dum habetis per me quod etiam (b) per alios Apostolos. « II. Corinth. xii. 2. » Signa Apostolatus mei (c) facta sunt super vos. « Vos estis, inquam, in Domino, id est Domino principali actore. Et vere ita est, quia mea defensio ad eos qui me interrogant, utrum scilicet sum Apostolus, hac est, scilicet estis vos: per vos enim ostendo, me esse Apostolum.

Deinde cum dicit, *Numquid non habemus potestatem manducandi, & bibendi*? hic ostendit quod potest accipere sumptus licite: ubi primo quaerit an habeat hanc potestatem generaliter; secundo quantum ad personas determinatas specialiter, ibi, *Numquid non habemus potestatem forerem mulierum circumducendi*? tertio an ipse, & Barnabas sint hac potestate privati singulariter, ibi, *An ego solus, & Barnabas non habemus potestatem hoc operandi*? Dicit ergo: Numquid non habemus potestatem manducandi, & bibendi?

Q 2

(a) *Al.* secundo per rationem; tertio per exemplorum similitudinem, intermediis omisso. (b) *Al.* per me alios Apostolos. (c) *Al.* deus facta.

ferendi quasi dicat: Nam cum sim Apostolus, numquid non habemus, ego, & mei, potestatem manducandi, & bibendi nostra, id est vivendi stipendii nostris? Augustinus: „Per-
„misit Dominus, non iussit Apostolis acci-
„pere necessaria a subditis. „Numquid non
„habemus potestatem mulierem severam, scilicet
„fide, circumducendi nobiscum, propter sum-
„ptus ministrandos? Ambrosius in Glossa:
„Mulieres desiderio doctrinæ dominicæ
„& virtutum cupidæ, Apostolos sequen-
„tur, & ministrabant eis sumptus, & ser-
„vitia. „Et similitur Christum secuta
„sunt: Luc. viii. & xiiii. Sicut ceteri Apo-
„stoli, ut habetur Act. vi. & sicut fratres,
„id est cognati, Domini, qui maiores sunt:
„Galat. ii. 9. „Iacobus, & Ioannes, qui
„videbant columnæ esse, ceteras dede-
„runt mihi, & Barnabæ societatis: „&
„Cephas, qui maximus est inter Aposto-
„los: unde Cephas interpretatur caput. Am-
„brosius: „Non hos reprehendit Apostolus,
„sed eorum more sibi probat licere. „Idcirco
„autem (ut ait Augustinus) Dominus
„mulieres ministraturas sequi voluit, osten-
„dens quid deberet a plebibus Evangelistis.
„Vel ideo etiam, ne viderentur alienæ a sa-
„lute. Aut numquid ego solus, & Barnabæ:
„illi enim fuerunt coniuncti ad prædicandum
„Gentibus: Act. xiii. 2. „Segregate
„mihi Barnabam, & Paulum in opus ad
„quod assumpsi eos: „non habemus, secun-
„dum opinionem vestram, potestatem hoc ope-
„randi, scilicet mulieres circumducendi, &
„sumptus accipiendi? Quasi dicat: Immo ha-
„bemus sicut alii; sed omnes alii licite acci-
„piunt: ergo & nobis licet.

Deinde cum dicit, *Quis militat suis sti-
pendiis?* hic secundo probat quod licet acci-
pere sumptus per auctoritatem humanæ
consuetudinis: & primo in statu militis; se-
cundo agricolæ, ibi, *Quis plantat vineam,
& de fructu eius non edit?* tertio pastoris,
ibi, *Quis pascit gregem, & de lacte gregis non
manducat?* Militi comparatur prælatus propter
subsidium, agricolæ propter verbum,
pastori propter exemplum. Debet enim subdi-
tos defendere iussu, plantare verbo, pascere
exemplo. Primum respicit extra Ecclesiam
existentes, secundum Ecclesiam intrantes,
tertium in Ecclesia commorantes. Dicit ergo:
Quis militat suis stipendiis unquam? quasi
dicat: Utrique habemus potestatem accipien-
di sumptus, & merito. *Quis militat suis
stipendiis unquam?* quasi dicat, nullus. Da-
bantur enim militibus stipendia de republi-

ca: unde Ioannes dicit Luc. xii. 14. „Con-
„tenti estote super hiis vestris. „Sic præ-
„dicatores, & prælati accipere possunt sum-
„ptus a subditis. 1. Timoth. i. 18. „Ut mi-
„lites in illis militiam bonam. „*Quis
„plantat vineam, & de fructu eius non edit?*
Vinea Domini est Ecclesia: Esai. vi. 7.
„Vinea Domini babor, domus Israel est.“
Apostoli autem fuerunt plantatores huius vi-
næ: supra xii. „Ego plantavi, Apollo
„rigavit.“ *Quis etiam pascit gregem, & de
„lacte eius non manducat?* quasi dicat, nullus.
Grex Domini sunt fideles: Ezech. xxxiv. 31.
„Vos greges pascite me.“ Huius gregis
pastores sunt prælati, & prædicatores. Unde
primo prælato dictum est, Ioan. xxi. 17. „Pascite
„oves meas.“ Tales possunt pasci de lacte gre-
gis, quia possunt accipere sumptus a subditis.
Si ergo descendimus, plantamus, & pascimus,
more boni militis, boni agricolæ, boni pa-
storis, licet nobis sumptus accipere. (a)
Sed hodie multi sunt qui stipendia acci-
piunt, & non militant; edunt fructum vi-
næ, & non plantant; lac comedunt, &
gregem non pascunt. Ezech. xxxiv. 3. „Lac
„comedeatis, gregem autem meum non
„pascetis.“

Notandum super illud, *Nonne Dominum
Iesum vidi?* quod multiplicem Domini legi-
onis visionem. Unam corporalem, quæ præ-
terit, de qua Baruch 121. 38. „Post hæc
„in terris visus est, & cum hominibus
„conversatus est.“ Secundam spiritua-
lem, quæ præsens est. Psalm. xlv. 11.
„Vacate, & videte quoniam ego sum
„Deus.“ Tertiā æternalem, quæ futu-
ra est, de qua Ioann. xviii. 24. „Volo ut
„ubi ego sum, & illi sint mecum, ut vi-
„deant claritatem meam.“ Job xix. 26.
„In carne mea videbo Deum.“ Quar-
tam momentaneam, quæ etiam futura est,
de qua Lucæ xxi. 27. „Tunc videbitur Fi-
„lius hominis venientem in nubem po-
„tente magna.“ Prima sicut in mundo,
secunda est in animo, tertia in cælo erit,
quarta erit in iudicio. Prima visio dat
exemplum vivendi, secunda adiutorium pro-
ficiendi, tertia desiderium perveniendi,
quarta odium peccandi. Prima dat exem-
plum vivendi tripliciter. Quia visus est pau-
per, (b) & pauper, ut refrenetur cupidi-
tas divitiarum: Psalm. lxxviii. 30. „Ego
„sum pauper, & dolens: salus tua, Deus,
„suscepit me: & ibid. 33. „Videant pau-
„peres, & latentur.“ Sic videntur pa-
tores, Lucæ xi. Vilis, & abiectus, ut

re-

(a) *Al.* Sed omnia. (b) *Al.* & pauperus.

refrenetur ambitio honorum . Esa. 111. 2. „ Vidimus eum, & non erat aspectus : „ & desideravimus eum virum despectum . „ Ideo dicitur Matth. 11. 29. „ Discite a „ me, quia miris, & humilis sum . „ Afflictus, & passus, ut refrenetur concupiscentia voluptatum . Thren. 1. 12 „ Ovos „ omnes qui transitis per viam, videte si „ est dolor sicut dolor meus . „ Secunda visio dat adiutorium proficiendi tripliciter : quia dat robur poenitentibus, culpas, & poenas ostendendo, sicut solatomos, Daniel. v. 5. „ Vidit Balthassar manum scribentis . „ Job 11. 5. „ Nunc oculus meus videt te, „ idcirco ipse me reprehendo, & ago poenitentiam in favilla & cinere . „ Spem certantibus, mercedem manifestando, sicut dominus operanti . Act. vii. 35. „ Ecce „ video caelos apertos . „ Lætitiam contemplantibus, præglustationes ostendendo, sicut tabernarius iudicum vini, Psalm. xxxiii. 9. „ Gustate, & videte quoniam suavis est „ Dominus . „ Gen. xxxiii. 30. „ Vidi „ Dominum facie ad faciem : „ sicut Paulus hic . Tertia visio æternalis dat desiderium perveniendi propter tria : videlicet propter veram iucunditatem . Esa. ultim. 14. „ Videbitis, & gaudebit cor vestrum... „ quia dulce lumen, & delectabile est oculis videre solem : „ Eccl. xi. 7. Hoc significatum est Ioan. xx. 20. „ Gavisii sunt „ discipuli viso Domino . „ Propter iucunditatis multipliciter, sive pluralitatem . Esa. lx. 5. „ Tunc videbis, & affluēs, mihi, „ rabiur, & dilatabitur cor tuum . „ Quippe quia videbimus eum sicuti est, & ipse erit omnia in omnibus : erit enim rationi plenitudo lucis, voluntati multitudo pacis, memoris continuatio æternitatis . Propter puritatis æternitatem, Apocal. ult. 3. „ Servi eius servient illi, & videbunt „ (a) faciem eius, & regnabunt in sæcula sæculorum . „ Psalm. xv. 11. „ Adimplebis me læticia cum vultu tuo . „ Quarta visio dat odium, sive ternempeccandi, propter tria : videlicet propter surtum propalandum coram iudice vidente . Malach. 111. 2. „ Ecce venit, & quis stabit ad videndum eum ? Ipse enim quasi „ ignis confans, & quasi herba fulionum . „ Propter malefactorum severam ultionem : latro enim videns socium suum suspendi, plus timet furari . Hierem. vii. 12. „ Ite „ ad locum meum in Silo, & videte quid „ fecerim ibi . „ Silo interpretatur avulsus.

Apocal. 1. 13. „ Vidi similem Filio hominis : „ nis : „ & infra 16. „ Ex ore eius quæ „ si gladius ex utraque parte autem exibat, & facies eius sicut sol lucet in virtute sua . „ Propter vitam bonorum præmiationem : videns enim clericus alium præbendari, quia bonus, caver a malo . Psalm. cvi. 42. „ Videbunt iusti, & lætabuntur, „ & omnis iniquitas oppilabit os suum . „

Deinde cum dicit, *Numquid secundum hominem hæc dico?* hic probat tertio quod licet sumptus accipere per auctoritatem divinæ legis : ubi primo proponit quod lex hæc dicitur : secundo verbum legis ponit, ibi, *Scriptum est enim in lege Moysi &c.* tertio qualiter intelligendum sit, ostendit, ibi, *Numquid de bobus cura est Deus?* Dicit ergo : *Numquid secundum hominem hæc dico?* quasi dicat : Probavi ratione humanæ consuetudinis, quod licet nobis sumptus accipere : sed *numquid secundum hominem*, id est secundum humanam consuetudinem, vel similitudinem tantum, *dico hoc, an non lex, Moysi divinitus promulgata, hoc dicit?* Quasi dicat : Immo dicit : *scriptum est enim in lege Moysi, Deuter. xxv. 4. & habetur idem I. Timoth. v. 18. Non alligabis os bovi trituranti*, ut possit vivere de labore suo ; id est, non prohibebis prædicatorem vivere de Evangelio . Triturans enim est separare granum a paleis : quod facit prædicator abiterahendo animas a terrenis, discernendo virtutes a vitiis, separando utilia a vanis . Hierem. xv. 19. „ Si separaveris pretiosum „ a vili, quatuor meum eris . „ Deinde cum dicit, *Numquid de bobus cura est Deus?* hic ostendit qualiter dicta auctoritas intelligenda sit : & primo quod intelligenda sit literaliter de bobus ; secundo quod non tantum literaliter de bobus, sed spiritualiter de prædicatoribus ; ibi, *An propter nos utique hæc dicit?* (b) tertio replicat, quod licet accipere sumptus, ibi, *Nam propter nos utique scripta sunt* . Dicit ergo : *Numquid de bobus cura est Deus?* quasi dicat : Hæc auctoritas de bobus spiritualibus, id est prædicatoribus, intelligitur : *numquid enim de bobus materialibus cura est Deus?* ut de eis lege præcipiat ? *An propter nos hæc utique dicit?* quasi dicat : Hoc utique propter nos dicit : *nam propter nos scripta sunt hæc*, & similia . Roman. xv. 4. „ Quæcumque scripta sunt, ad nostram doctrinam scripta „ sunt . Propter nos, inquam, idcirco quæcumque prædicator, qui corda appetit ad fidem

(a) *Al.* patrem eius . (b) *Al.* omittitur tertio replicat &c. usque ad illud, Dicit ergo.

dem, *debet arare in spe*, stipendiorum temporalium, non tamen propter spem hanc: debet enim primum querere regnum Dei: *qui triturat*, idest bonos a malis, quasi grana (a) a paleis, discernit, prædicando scilicet ad mores, debet hoc facere *in spe*

fructus percipiendi. II. Timoth. 11. „Laborantem agricolam oportet primum de fructibus percipere.“ Eccli. vi. 19. „Is qui arat, & qui seminat, accedit ad illam, & sustinet bonos fructus illius.“

L E C T I O II.

SI nos vobis spiritualia seminavimus, magnum est si nos carnalia vestra metamus? Si alii potestatis vestrae participes sunt, quare non potius nos? Sed non usi sumus hac potestate; sed omnia sustinemus, ne quod offendiculum demus Evangelio Christi. Nescitis quoniam qui in sacrario operantur, quæ de sacrario sunt eaunt? Et qui altari deserviunt, cum altari participant? Ita & Dominus ordinavit his qui Evangelium annuntiant, de Evangelio vivere.

Superius probavit per auctoritatem quod licet accipere sumptus; hic probat idem per rationem: & primo probat hoc ex eorum obligatione; secundo ex pseudoapostolorum accipitum ab eis (b) comparatione, ibi, *Si alii potestatis vestra participes sunt, quare non potius nos?* tertio dicit, quod nihilominus noluit uti hac potestate, ibi, *Sed non usi sumus hac potestate*. Prima ratio talis est. Maius est dare spiritualia quam accipere temporalia: ergo si Apostolus dat spiritualia, licet ei accipere temporalia. Primo ergo explicat beneficium impensum; secundo explicat stipendium exhibendum, ibi, *Magnum est, si nos carnalia vestra metamus?* Dicit ergo: *Si nos vobis spiritualia seminavimus*; quasi dicat: Vere habemus potestatem accipiendi sumptus a vobis: si enim nos seminavimus vobis spiritualia, fidem scilicet, & sacramenta spiritum alentia, a Spiritu sancto ministrata; *magnum est, si nos metamus*, ad sustentationem nostram, carnalia, idest ad carnis sustentationem concessa? Quasi dicat: Non est magnum. Rom. xv. 27. „Si spiritualium eorum nam participes facti sunt Georgies, debent in carnalibus ministrare.“

Deinde cum dicit, *Si autem alii potestatis vestra participes sunt*, ecce secunda ratio ad idem talis. Veri Apostoli licentiam participant bona subditorum, quam pseudo: sed pseudoapostoli participant: ergo multo plus veri Apostoli participare debent. Primo ergo ponit antecedens; secundo consequens, ibi, *Quare non potius nos?* Dicit ergo: *Si autem alii*, scilicet pseudo, quos non exprimit ex nomine, ne confundantur. Vo-

cat eos alios, quasi à consortio alienos Ecclesiæ: omnes enim catholici unum sunt. Ioan. xvii. 22. „Ut sint unum, sicut & nos unum sumus.“ Si, inquam, alii potestatis vestra participes sunt, idest tam potenter uruntur bonis vestris, quare non potius nos, Apostoli, qui causa salutis vestrae laboramus? Eccli. xxi. 5. „Da bono, & ne receperis peccatorem.“

Deinde cum dicit, *Sed non usi sumus hac potestate*, hic ostendit quod noluit uti hac potestate: ubi dicit primo se sumptus non accepisse; secundo dicit, se nihilominus indiguisse, ibi, *Sed omnia sustinemus*; tertio rationem utriusque assignat, ibi, *Ne quod offendiculum demus Evangelio Christi*. Dicit ergo: *Sed non usi sumus*; quasi dicat: Ecce patet quod licet nobis sumptus accipere; sed tamen usi non sumus hac potestate. Supra vi. 12. „Omnia mihi licent, sed non omnia expediunt.“ Non sumus, inquam, usi, non quia non indigeamus; sed omnia sustinemus: quia etsi penuriam patiamur, tamen patienter sustinemus. II. Corinth. xi. 9. „Cum essem apud vos, & egerem, nulli onerosus fui.“ Et hoc feci ideo, ne quod offendiculum demus Evangelio Christi. Hoc autem posset accidere, vel quia pseudoapostolis daret exemplum accipiendi; vel quia Corinthii avari erant, & scandalizarentur, si ab eis acciperet. Vel forte putarent se emississe licentiam peccandi, & diminueretur in Apostolo auctoritas arguendi; & his modis daret offendiculum Evangelio Christi. Proverb. xv. 19. „Via iustorum abique offendiculo.“

Deinde cum dicit, *Nescitis quoniam quæ*

(a) Al. a malis. (b) Al. operatione.

in sacratio operantur, quia de sacratio sunt educti : probat quod licet sumptus accipere, primo per auctoritatem; secundo per rationem; tertio idem probat hic per exemplorum multitudinem. Ubi primo inducit similitudinem eorum qui templa reparant; secundo eorum qui templo ministrant, ibi, *Et qui altari deferunt, cum altari participant* : tertio adaptat similitudinem his qui prædicant, ibi, *Et Dominus ordinavit his qui Evangelium annuntiant, de Evangelio vivere*; quasi dicat: Et vere licet mihi sumptus accipere. *Nescitis quoniam qui in sacratio, idest in templo Iudeorum, vel Gentilium, operantur, ut artifices, quia de sacratio sunt educti* : Sustentabantur enim artifices de denariis qui in gazophylacio templi offerbantur, ut patet tempore Iosias, IV. Reg. xii. *Et qui altari templi Hierosolymitani, vel etiam ipsi templo, ut sacerdotes, deferunt, idest devote serviant* (una enim de duodecim abusionibus est irreverentia coram altari) *cum altari participant, quia partem habent de his quæ offeruntur in altari, ut patet per totum Leviticum, & maxime vi. & vii. cap.* Et sicut fit hic, *ita & Dominus ordinavit, idest rationabiliter disposuit, his qui Evangelium annuntiant, de Evangelio vivere*. Hoc ordinavit, dicens Matth. x. & Luc. x. 7. "Dignus est enim operarius mercede sua."

Notandum est hic, quod Apostolus nominibus multorum officiorum prædicatorem hic designat: quia vocat eum primo militem, propter officium Ecclesiam contra adversarios defendendi. II. Corinth. 10. 4. "Arma militiæ nostræ non carnalia sunt, sed potentia Dei ad destructionem munitionum." II. Timoth. 11. 3. "Labora sicut bonus miles Christi." Secundo vinatorem, propter officium palmites superfluos, idest malos, refecandi. Osee 11. 15. "Dabo ei vinatores eius ex eodem loco." Sed heu! Cant. 1. 5. dicitur: "Vincam meam non custodivi." Tertio pastorem, propter officium subditos bono exemplo pascendi. I. Petr. 7. 2. "Pascite qui in vobis est grex." Sed heu! quia hodie impletur illud Zach. 11. 17. "O pastor, & idolum, derelinquens gregem." Quarto bovem, propter officium maturitatis in omnibus procedendi. Proverb. xiv. 4. "Ubi non sunt boves, præsepe vacuum est." Iob 1. 14. "Boves arabant, & asinæ pasciebantur iuxta eos." Quinto aratorem, propter officium corda

ad fidem, & poenitentiam aperiendi. Osee 11. 11. "Arabie Iudas, confringet sibi sulcos, eos Iacob." Sexto trituratorem, propter officium malos a bonis discernendi. Esa. xli. 15. "Ego posui te quasi plaustrum triturans novum, habens rostra ferrantia; & triturabis montes, & comminues." Septimo seminatorem, propter officium frequenter, & utiliter prædicandi. Luc. vii. 5. "Exiit qui seminat seminare semen suum." Psal. cxxv. 6. "Euntes ibant, & habebant mittentes semina sua." Octavo templi architectum, propter officium Ecclesiam construendi, & reparandi. Sup. 111. 10. *Ut sapiens architectus fundamentum posui.* Nono altaris ministrum, propter officium Deo devotum (a) impendendum: supra 11. 1. *Sic nos existimet homo ut ministros Christi.*

Quæritur hic super illud, *Non sum liber & Glossa*: "Iple enim apostolica dignitate potestatem habet, non operari manibus, sed de Evangelio vivere." Contra. Ergo qui prædicant, non habentes apostolicam dignitatem, non possunt sine opere manuum de Evangelio vivere. Responsio. Glossa loquitur de potestate qui potest invitos ad hoc cogere, non de spontanea, qua potest a voluntarie dantibus petere, & accipere.

Item ex dicta Glossa videtur quod prælati non teneantur manibus operari. Contra Genes. 111. 19. "In sudore vultus tui, velceris pane tuo." Ipsi non sunt exempti ab hac maledictione: ergo &c. Responsio. Tenentur ad laborem spirituales, non corporalem. Tamen bene facerent, si occuparent se in honestis, antequam vacarent.

Item super illud, *Nonne opus meum vobis est?* Glossa, "Perfectum." Contra. Ipsi erant imperfecti. Responsio. Opus perfectum dicebantur, quia eis Apostolus prædicaverat, vel quia eos perfecte docuerat quantum in se erat.

Item super illud, *Numquid non habemus potestatem manducandi?* Contra. Marth. x. 8. "Gratis accepistis, gratis date." Responsio. "Gratis," idest sine pretio, sed non sine stipendio.

Item super illud, *quis pascit gregem, & de isto grege non manducavit?* Glossa: "Ex Evangelio viventes panem gratuitum manducabant." Contra. Subditi tenebantur dare. Responsio. Gratuitus erat ex parte recipientium, quia humiliter, non potestative

(a) Al. impendendi.

tive recipiebant, licet debitus ex parte dantium.

Item. *Numquid de bobus cura est Deo?* Quasi dicat, non. Contra. Sapient. vi. 8.

Cura est illi de omnibus. Respondeo. Ibi loquitur de cura generali, scilicet providentiæ; hic de speciali, scilicet disciplinæ.

Item. *Debet in spe, qui arat, arare.* Contra. Spes non est de visibilibus, sed æternis. Responso. Spes accipitur æquivoce.

Item. *In spe fructus percipiendi.* Contra. Non debet poni lucerna prædicationis sub

modio rei temporalis. Respondeo. Prædicare in spe rei temporalis, non est ponere lucernam sub modio, sed prædicare propter spem.

Item. *Si nos vobis seminavimus spiritualia, magnum est, si nos carnalia vestra metamus?*

Contra. Galat. vi. 8. Quæ seminaverit homo, hæc & metet. Ergo qui seminat spiritualia, debet metere spiritualia, (a) non carnalia. Respondeo. (b) Ibi loquitur de mercede mercedis, hic de mercede stipendii.

LECTIO III.

EGo autem nullo horum usus sum. Non autem scripsi hæc, ut ita fiat in me. Bonum est enim mihi magis mori quam ut gloriam meam quis evacuet. Nam & si evangelizavero, non est mihi gloria; necessitas enim mihi incumbit, vix enim mihi est, si non evangelizavero. Si enim volens hæc ago, mercedem habeo; si autem invitatus, dispensatio mihi credita est. Quæ est ergo merces mea? Ut Evangelium prædicans sine sumptu, ponam Evangelium, ut non abutar potestate mea in Evangelio.

Superius multipliciter probavit quod si mihi licet accipere sumptus; hic offendit quod nihilominus non vult accipere, sed abstinere tribus rationibus. Primo propter intentionem præmi; secundo propter dilectionem Evangelii, ibi, *Nam cum liber essem ex omnibus, omnium me servum feci*; tertio propter expeditionem cursus sui, ibi, *Nescitis quod hi qui in studio currunt, omnes quidem currunt, sed unus accipit præmiu?* In prima primo dicit quare non vult accipere, scilicet ne gloria sua evacuetur; secundo ostendit quod accipiendo evacuaretur, ibi, *Nam si evangelizavero, non est mihi gloria*; tertio quod non accipiendo conservabitur, ibi, *Qua est ergo merces mea?* In prima primo ostendit quod potestate accipiendi uti noluit; secundo quod uti non intendit, ibi, *Non autem scripsi hæc, ut ita fiat in me*. Dicit ergo: Ego autem nullo horum usus sum; quasi dicat: Tot modis constat quod licet mihi sumptus accipere; sed tamen ego nulla horum auctoritate, ratione, exemplo, ad accipiendum, usus sum. Ipse enim vel ab aliis Ecclesiis accipiebat, ut II. Corinth. xi. 8. Alias Ecclesiis spoliavi, accipiens stipendium ad ministerium vestrum: vel manibus operabatur. Act. xx. *Non autem scripsi hæc, ut ita fiat in*

me; quasi dicat: *Non sum usus*, sed nec uti volo: non enim scripsi hæc, scilicet quod licet mihi accipere, ut ita fiat in me, sicut scripsi, idest ut ego accipiam, quia non quæro datum, sed fructum.

Deinde cum dicit, *Bonum est mihi magis mori quam ut gloriam meam quis evacuet*, hic ostendit quare hoc fecit, scilicet ne gloria sua evacuetur. Ubi primo multiplicat afflictionem corporalem; secundo supponit ei gloriæ diminutionem, ibi, *Quam ut gloriam meam quis evacuet*. Dicit ergo: *Bonum est mihi magis mori* &c. quasi diceret: Non accipiam: nam si acciperem, gloriam meam evacuarem: quod nullatenus facerem. Bonum est enim mihi mori, non solum sumptuum egestate affligi, magis quam ut gloriam meam, quam habeo de gratuita sinceritate prædicationis, de præmio supererogationis, abstinendo (c) a licitis, quis evacuet, ab aliquo importune accipiendo, vel propter sumptus evangelicos. Multi tamen moderni doctores gloriam istam evacuant vel propter intentionem sumptuum, vel propter favorem humanum, dicente Iob xi. 19. Ducit sacerdotes in gloriosos, & optimates supplantat.

Notandum est hic, quod gloria amittitur septempler propter septem vitia.

Nam

(a) Al. omittitur non carnalia. (b) Al. Ibi loquitur de mercede stipendii, intermediis omittit. (c) Al. a vitis.

Nam gloria gulosorum evacuat: unde hic dicitur: *Bennum est enim mihi magis mori quam ut gloriam meam quis evacuet*: Eccli. xlvii. 21. „Inclinasti temora tua mulieribus, dedisti maculam in gloria tua. „Gloria superbiorum captivatur: I. Machab. xi. 9. „Vasa gloriæ eius captiva ducta sunt. „Gloria iracundorum intermittitur: „Psal. vii. 5. „Si reddidi retribuentibus mihi mala, decidam merito ab inimicis meis inanis: „& post: „Persequatur inimicus animam meam, & comprehendat, & conculcet in terra vitam meam: „& post: „Et gloriam meam in pulverem deducat. „Gloria invidiorum excluditur: Rom. xii. 27. „Ubi est gloriatio tua? „Gloria avarorum annihilatur: Psal. xlviii. 17. „Ne timueris dum dives factus fuerit homo, & cum multiplicata fuerit gloria domus eius. „Gloria accidioforum culpatur: I. Machab. ix. 10. „Moriarum in virtute propter fratres nostros, & non inferamus crimen gloriæ nostræ. „Eccli. xxxiii. 23. „Præcellens esto in operibus tuis, & nederis maculam in gloria tua: „Ergo per gulam evacuat gloria sobrietatis: per luxuriam maculatur gloria castitatis; per superbiam captivatur gloria humilitatis: per iracundiam intermittitur gloria mansuetudinis: per invidiam excluditur gloria caritatis: per avaritiam annihilatur gloria liberalitatis: per accidiam culpatur gloria strenuitatis. De istis dicitur Osee xiv. 7. „Gloriam eorum in ignominiam commutabo. „De primo exemplum in Esau, Gen. xxv. in Holoterne, Iudith xiii. De secundo in Salomone, III. Reg. xi. De tertio in Lucifero, Esa. xiv. De quarto in Achitophel, II. Reg. xvi. De quinto in Cain, Genes. iv. De sexto in Giezi, IV. Reg. 5. De septimo in exploratoribus, Num. xiii. & xiv.

Nam si evangelizavero, non est mihi gloria. Hic ostendit quod accipiendo sumptus, evacuetur gloria eius, quia non supererogaret. Ex est sua ratio talis. Gloria quæ est præmium supererogationis, non debetur operibus necessitatis, ad quæ tenemur ex præcepto; ergo evangelizare tenebatur ex præcepto: sed ex hoc non habebat gloriam supererogationis; sed potius ex hoc quod non accipiebat sumptus. Primo ergo tangit gloriæ evacuationem; secundo evacuationis rationem, ibi, *Necessitas enim mihi est*; tertio, *Th. Oper. Tom. VI.*

tio rationis declarationem, ibi, *Va enim mihi est, si non evangelizavero*; quarto recte evangelizantium mercedem, ibi, *Si volens hoc ego, mercedem habeo*. Dicit ergo: *Nam si evangelizavero, non est mihi gloria*; quasi diceret: Vere evacuetur gloria mea: *nam si evangelizavero*, ita quod sumptus accipiam, *non est mihi gloria*, idest supererogationis præmium: *necessitas enim (a) mihi incumbit*. Ad. xxi. 21. „Vade, quoniam ad nationes longe mittam te. „Et vere necessitas: *va enim mihi est*, idest poena transgressionis in me manet, *si non evangelizavero*. El. vi. 5. „Væ mihi, quia tacui. „Aliter legitur secundum Glossam; & hoc dupliciter. Primo modo sic. *Nam si evangelizavero, non est mihi gloria*; quasi dicat: Uti que evacuetur gloria mea, celestis scilicet, si ideo prædicarem ut sumptus acciperem: *nam si evangelizavero* tantum, ita quod non ex dilectione Dei & proximi hoc faciam, nec libera voluntate, *non est mihi gloria* apud Deum: *necessitas enim præcepti*, quod non audeo omittere, *mihi incumbit*. Unde si solo timore servili prædico, (b) *va*, idest æterna damnatio, *mihi est*, *si non evangelizavero*, sicut mihi iniunctum est. *Si autem volens hoc ego, mercedem habeo*; quasi dicat: Si necessitate hoc facio, non est mihi gloria; *si autem volens hoc ego*, idest si voluntatem adiungo necessitati, *mercedem æternam habeo*: idem Psal. lxx. 8. dicitur. „Voluntarie sacrificabo tibi, & confitebor nomini tuo, Domine. „*Si autem invitus*, idest solo præcepto coactus, evangelizo, *dispensatio mihi creata est*, sicut servo, ut scilicet dispensem ad aliorum utilitatem, non meam; quasi dicat: Aliis proficio, non mihi. Intelligit enim hoc de dispensatione servili, non filiali, secundum Glossam Augustini (serm. xxxiv. ad Fratres in erem.) „Nemo invitus bene facit, & „si bonum est quod facit: „infra xiii. 1. *Si caritatem non habuero, factus sum velut as sonans, aut cymbalum tintiens*. Secundo modo legitur sic. *Nam si evangelizavero, pro sumptibus accipiendo, non est mihi gloria*, de supererogatione in prædicando. Petoe enim contra me. Matth. x. 8. „Gratis accepistis, gratis date. „*Necessitas enim vitæ sustentandæ mihi incumbit*, quia pro necessitate vitæ prædico: *va enim mihi est* idest famis (c) cruciatio, si non evangelizavero. *Si autem volens*, idest si non pro viduus necessitate, sed pro caritate, *hoc ego*, *R r* *mer-*

(a) Al. *premiu incumbit*. (b) Al. *va enias*, idest &c. (c) Al. *tributio*.

mercedem æternam habes; si autem invitus, idest pro necessitate coactus, dispensatio mihi credita est, sicut servo.

Deinde cum dicit, *Qua est ergo merces mea?* hic ostendit quia non capiendo sumptus, gloria eius conservatur: ubi primo querit; secundo solvit, ibi, *Ut Evangelium prædicans sine sumptu, ponam Evangelium.* Dicit ergo: *Qua est merces mea?* idest, quid faciendo mercedem accipiam, quia hoc est meritum mercedis? *Ut scilicet ego prædicans Evangelium sine sumptu, ponam, idest stabilitatem, Evangelium.* Esa. xlviii. 25. „Potest nec triticum per ordinem, & hordeum, milium, & viciam in sinibus suis.“ Hoc autem faciebat secundum Glossam, ne Evangelium venale putaretur. *Sine sumptu, inquam, & hoc ut non abutar potestate mea, idest mihi commissa, in Evangelio prædicando; quod esset si acciperem indistincte: quia perderem auctoritatem libere arguendi: quia Eccli. xx. 31. „Exenia, & dona exerceant oculos iudicum, & quasi mutus in ore avertet correptionem.“ Ecclesiastica*

ergo utilitas implicatur in hac solutione, scilicet confirmatio boni, quia *ut Evangelium prædicans; & declinatio mali, quia ne abutar potestate.*

Et notandum, quod quatuor tetigit differentias eorum qui tenentur prædicare. Quidam enim tenentur, sed non evangelizant: hi merentur pœnam. Quidam tenentur, & evangelizant, sed coacti: hi non merentur mercedem, sed vitant pœnam. Quidam tenentur, & evangelizant voluntarie, sed accipiunt sumptus: & hi merentur mercedem, & vitant pœnam, sed non habent supererogationis gloriam. Quidam tenentur, & evangelizant voluntarie, nec accipiunt sumptus: & hi mercedem merentur, & vitant pœnam, & habent supererogationis gloriam. Primum statum tangit ibi, *Va mihi est, si non evangelizare;* secundum ibi, *Nam si invitus, dispensatio mihi credita est;* tertium ibi, *Si autem volens hoc ago, mercedem habeo;* quartum ibi, *Qua est ergo merces mea?*

LECTIO IV.

NAm cum liber essem ex omnibus, omnium me servum feci, ut plures lucrificarem: & factus sum Iudæis tamquam Iudæus, ut Iudæos lucrarer; his qui sub lege sunt, quasi sub lege essem, cum ipse non essem sub lege, ut eos qui sub lege erant, lucrificarem; his qui sine lege erant, tamquam sine lege essem, cum sine lege Dei non essem, sed in lege essem Christi, ut lucrificarem eos qui sine lege erant. Factus sum infirmis infirmus, ut infirmos lucrificarem. Omnibus omnia factus sum, ut omnes facerem salvos. Omnia autem facio propter Evangelium, ut particeps eius efficiar.

Superius ostendit quod non vult sumptus accipere, & hoc (a) propter intentionem præmii; hic ostendit quod idem fecit propter amorem Evangelii: ubi primo dicit, quod omnium se servum fecit; secundo quod omnibus se contemperare studuit, ibi, *Et factus sum Iudæis tamquam Iudæus;* tertio subdit causam quare non fecit, ibi, *Omnia autem facio propter Evangelium.* In prima implicat triplicem conditionem commendabilem in servitio; quæ sunt generalitas, liberalitas, utilitas. Servit ergo gratis, sive liberaliter, ibi, *Cum essem liber ex omnibus;* generaliter, ibi, *Omnium me servum feci;* utiliter, ibi, *Ut plures lucrificarem.* Dicit ergo: *Nam cum essem liber ex omnibus, omnium me servum feci;* quasi di-

cat: *Sine sumptu ponam Evangelium: nam & maius feci; scilicet, cum liber essem ex omnibus, id est nullius meritis obnoxius, omnium me servum feci, omnibus me contemperando (b) per utilitatem, & quasi debitorem constituendo.* II. Corinth. iv. 5. „Nos autem servos vestros per Iesum.“ & hoc ut plures lucrificarem; idest, lucrum meæ prædicationis, & servitutis facerem. Querere enim non res, sed animas. II. Corinth. xii. 14. „Non quero vestra, sed vos.“ Si enim commendabile est servire in temporalibus propter lucrum temporale, quanto plus in spiritualibus propter lucrum spirituale?

Deinde cum dicit, *Et factus sum Iudæis tamquam Iudæus,* hic ostendit quod omnibus se contemperare studuit: & primo dicit,

(a) scilicet propter infectionem. (b) Forte per utilitatem.

cit, quod contemperavit se nondum converſis; ſecundo quod etiam iam converſis, ibi, *Factus ſum inferius inferius*; tertio quod generaliter univerſis, ibi, *Omnia omnia factus ſum*. In prima primo dicit, quod contemperavit ſe Iudeis; ſecundo quod Samaritanis, ibi, *Et his qui ſub lege ſunt, quaſi ſub lege eſſem*; tertio quod Gentilibus, ibi, *His qui ſine lege erant, tamquam ſine lege eſſem*. In prima primo tangit contemperationem; ſecundo contemperationis rationem, ibi, *Ut Iudeos lucrarer*. Dicit ergo: *Et factus ſum Iudeis tamquam Iudeus*, ſcilicet aliqua legalia ſervando, ſicut in diſcretione ciborum, in circumſiſione Timothei, Aſ. xvi. in purificatione legali, Aſ. xxi. Poſſe autem hoc intelligi dupliciter. Uno modo ſecundum Hieronymum (ad Auguſt. epiſt. xi.) *Factus ſum Iudeis tamquam Iudeus*, per (a) ſimulationis diſpenſationem. Simulabat enim ſe ſervare legalia aliqua, quæ ramen non ſervabat. Alio modo ſecundum Auguſtinum (epiſt. xix.) *Factus ſum Iudeis tamquam Iudeus*. Vere enim condeſcendebat eis in obſervatione aliquorum legalium propter piam compaſſionem; & hoc fecit, ut Iudeos lucraretur Chriſto, ideſt eos ad fidem Chriſti converteret.

Deinde cum dicit, *Et his qui ſub lege ſunt, quaſi ſub lege eſſem*, hic dicit, quod contemperabat ſe Samaritanis: ubi notantur tria de ipſo. Primo eius ſigacitas in hoc quod ſe contemperabat; ſecundo eius libertas in hoc quod ſub lege non erat; tertio eius utilitas in hoc quod lucrificiebat. Dicit ergo: Sum etiam his qui ſub lege Moyſi ſunt, ideſt Samaritanis, qui non ſunt Iudei, ſed Aſſyrii, qui fuerunt adducti ad inhabitandum terram Iſrael, IV. Reg. xvii. Iſti etiam erant ſub lege Moyſi, quia tantum quinque libros Moyſi recipiebant. His ergo *factus ſum quaſi ſub lege eſſem*, approbando ſcilicet legem, & ex ea docendo Chriſtum; cum tamen ipſe *ſub lege non eſſem*, ſecundum litteralem obſervantiam, vel ſerviliter: quia, iuſto non eſt lex poſita: I. Timoth. 1. 9. Et hoc ideo feci, ut eos qui ſub lege erant, ſcilicet ipſos Samaritanos, lucrificarem, eos ad fidem Chriſti convertendo.

Deinde cum dicit, *His qui ſine lege erant, tamquam ſine lege eſſem*, hic dicit, quod contemperavit ſe Gentilibus: ubi primo tangit ſuam conſortitatem; ſecundo ſuæ fidei veritatem, ibi, *Cum tamen ſine lege Dei non eſſem*, tertio ſuæ intentionis rectitudinem, ibi,

Ut lucrificarem eos qui ſine lege erant. Et hoc eſt *Et factus ſum his qui ſine lege erant*, ideſt Gentibus: Rom. 11. „Cum enim „Gentes, quæ legem non habent: „tamquam ſine lege eſſem, ideſt aſſentiendo rationibus eorum, & bonis poſitionibus Philoſophorum, ut patet Aſ. xvii. cum tamen *ſine lege Dei non eſſem*: Rom. vii. 25. „Mentem ſervio legi Dei: „ſed in lege eſſem, non Iudaica, ſed Chriſti, qui eſt Deus; non autem Moyſes: de qua Gal. vi. 2. „Alter „alterius onera portate, & fic adimplebitis legem Chriſti. „Et hoc ideo feci, ut lucrificarem eos qui ſine lege erant, Gentiles ad fidem convertendo. Gregorius: „O felix zelator! Nullum tale ſacriſcium, quale zelus animarum.

Deinde cum dicit, *Factus ſum inferius inferius*, hic offendit quod ſe contemperavit iam converſis. Ubi primo ponit modum bonum; ſecundo finem debitum, ibi, *Ut inferius lucrificarem*. Dicit ergo: *Factus ſum etiam inferius in fide, inferius*, a licitis abſtinendo. II. Corinth. 11. 29. „Quis inferius, matur, & ego non inferius? „Sic ſicut bonus medicus, qui comedit cibum inferius, ut eum provocet ad comedendum, & fic ſanet. Et hoc feci, ut inferius lucrificarem, eos in fide roborando. Et breviter omnibus omnia factus ſum, quaſi eſſem omnium ſervus. Ideo dicitur infra x. 33. *Sicut & ego per omnia omnibus placeo*. Et hoc ut omnes facerem ſalvos. Sap. xviii. 24. „Inventum poteris (quod habebat Aaton) „totus orbis terrarum erat deſcriptus. „Et IV. Reg. xv. Eliſeus contraxit ſe ad modum pueri, & fic ſuſcitavit illum. Et quia, (b) ſecundum Boetium, omnis alteritas diſcors, ſimilitudo vero appetenda eſt; ideo viri ſpirituales ſalva vitæ, & religionis ſuæ obſervantia, omnibus ſe debent conformare. Deinde (c) dicit: *Omnia facio propter Evangelium*. Superius oſtendit quod omnibus ſe contemperare ſtudeat; hic ſubdit rationem quare hoc facit: & hanc duplicem: unam ex parte Evangelii, ſcilicet ut cuſum liberum habeat: aliam ex parte ſui, ſcilicet ut promiſſum præmium obtineat, ibi, *Ut particeps eius efficiar*. Et hoc eſt quod dicit: *Omnia autem facio propter Evangelium*, ſine impedimento prædicandum: ut particeps eius, ideſt promiſſionum quæ in eo continentur, efficiar. Matth. v. 19. „Qui „fecerit, & docuerit, hic magnus vocabitur in regno cælorum.

R r 2 L E-

(a) *M.* ſimulationis. (b) *M.* ſecundum Homerum. (c) *M.* cum dicit.

L E C T I O V.

Nescitis quoniam hi qui in stadio currunt, omnes quidem currunt, sed unus accipit bravium? Sic currite ut comprehendatis. Omnis enim qui in agone contendit, ab omnibus se abstinere: & illi quidem ut corruptibilem coronam accipiant, nos autem incorruptam. Ego igitur sic curro non quasi in incertum, sic pugno non quasi aerem verberans; sed castigo corpus meum, & in servitutem redigo, ne forte cum aliis predicaverim, ipse reprobus efficiar.

Superius ostendit quod proposuit a sumptibus abstinere, primo propter intentionem praeonii; secundo propter amorem Evangelii; hic tertio propter expeditionem cursus, & agonis sui. Primo quidem ostendit quod oportet in stadio expedite currere; secundo quod similiter oportet in agone expedite certare, ibi, *Omnis enim qui in agone contendit, ab omnibus se abstinere*; tertio quod ipse facit utrumque, ibi, *Ego igitur sic curro non quasi in incertum*. In prima primo ponit exemplum expedite currentium; secundo monet eos ad similiter currendum, ibi, *Sic currite ut comprehendatis*. In prima primo tangit currendi exercitium; secundo convenientiam currentium, ibi, *Omnis quidem currunt*; tertio differentiam perveniendum, ibi, *Sed unus accipit bravium*. In primo notatur conditio viatorum; in secundo multitudo vocatorum; in tertio paucitas electorum. Matth. xx. 16. „Multi sunt vocati, pauci vero electi.“ Conditionem vero viatorum describit a tribus: a certitudine, cum quaerit, *Nescitis*; a brevitate, cum addit, *In stadio*; a labore, cum subdit, *currunt*. Dicit ergo, *Nescitis* quod tripliciter continuatur. Primo modo sic qualidicat: Recte abstinere a sumptibus sumendis, ut particeps efficias: nam si non abstinerem a contrariis Evangelio, non essem eius particeps. *Nescitis* enim quod hi qui in stadio currunt, omnes quidem currunt, sed unus accipit bravium? Vel sic. *Nescitis* quod hoc facio ut particeps Evangelii efficiar, & utique possum esse particeps? Nam non sic est de Evangelii praemio ut de curius bratio: quia hic unus accipit bravium, ibi vero omnes accipere possunt. Tertio modo sic. *Nescitis*; quasi diceret: Ideo autem sic curro, quia licet multi currentes sint, pauci tamen sunt pervenientes. *Nescitis* enim quod hi qui in stadio currunt, omnes quidem currunt, in labore pares sunt, sed unus tantum accipit bravium? id est praemium cursus. Stadium enim est spatium in quo pedites currunt, quod Hercules dicitur statuisse. Perficiunt autem stadium, centum viginti

quinque passus. Et dicitur stadium a stando, quia Hercules tot passus currebat, & postea stabat, & respicebat. In fine huius spatii ponebatur aliquid quod erat praemium cursus, ut equus, aut pannus porpureus; & hoc dicitur bravium. Et licet in hoc stadio omnes currebant, unus tamen solus accipiebat bravium, scilicet qui citius perveniebat. Sic in cursu spirituali unus tantum, scilicet perseverans, accipit bravium: quia „qui perseveraverit usque in finem, hic salvus erit.“ Matth. xxiv. 13.

Deinde cum dicit, *Sic currite ut comprehendatis*, monet eos ad currendum. Ubi implicat tria: actum strenuum, *Currite*; modum debitum, *Sic*; finem optimum, *Ut comprehendatis*. Dicit ergo: *Sic currite ut comprehendatis*; quasi diceret: Quia unus accipit bravium, sic currite, per viam veritatis perseverantes, ut comprehendatis bravium vitae aeternae. Hebr. xii. 1. „Per patientiam curramus ad propositum nobis certamen.“

Deinde cum dicit, *Omnis autem qui in agone contendit, ab omnibus se abstinere*, ostendit quod in agone oportet expedite certare. Ubi primo tangit agonizantium pugnam; secundo pugnae formam firmam, ibi, *Ab omnibus se abstinere*; tertio sic pugnantium mercedem debitam, ibi, *Et illi quidem ut corruptibilem coronam accipiant*. Primum est necessitatis, scilicet pugnare; secundum virtutis, scilicet abstinere; tertium felicitatis, scilicet coronam accipere. Dicit ergo: *Omnis qui in agone contendit, ab omnibus se abstinere*; quasi diceret: Vere sic agendum est, quod patet exemplo, quia omnis qui in agone contendit, ab omnibus impediuntibus se abstinere. Unde & nudi agonizabant in palaestra. Attende, ut Augustinus ait (in Psalm. li.) quod de rebus non laudandis multae trahuntur similitudines.

Deinde cum dicit, *Et illi quidem ut corruptibilem coronam accipiant, tangit pugnantium mercedem: & primo pugnantium materialiter; secundo pugnantium spiritualiter; ibi, Nos autem incorruptam*. Dicit ergo:

Et

Et illi quidem abstinent, ut corruptibilem coronam accipiant, quod modicum est: nos autem abstinere debemus, ut accipiamus incorruptam, scilicet coronam vitæ, de qua Iacob, 1. 12. „Beatus vir qui fuffert tentationem: quoniam cum probatus fuerit, accipiet coronam vitæ.“

Deinde cum dicit, *Ego igitur sic curro non quasi in incertum*, ponit exemplum utriusque, scilicet currendi, & pugnandi. Ubi primo tangit cursum suum in profectu boni; secundo pugnam suam in victoria mali, ibi, *Sic pugno non quasi aerem verberans*; tertio rationem utriusque facti, ibi, *Sed castigo corpus meum*. Dicit ergo: *Ego igitur sic curro non quasi in incertum*; quasi dicat: Quia talis corona servatur, igitur ego sic curro, bonum operando, non quasi in incertum, id est ut sim incertus de præmio. In incertum enim currit qui talia facit ut de quibusdam sperare, ex aliis vero possit desperare. Omnia instrunt ad bonum, & persona apostolica, quæ notatur ibi, *Ego*, & forma implicita, quæ notatur ibi, *Sic*, & aglio strenua, quæ notatur ibi, *Curro*, & merces sperata, quæ notatur ibi, *Nunquasi in incertum*, Phil. 11. 16. „Non in vacuum, cucurri, nec in vacuum laboravi.“ *Sic pugno*, contra hostes, decertando contra malum, non quasi aerem verberans, id est non verbis tantum, sed factis. Non enim in sermone est regnum Dei, sed in virtute: supra 1v. 20. *Vel non quasi aerem verberans*, id est non inaniter me fatigando, adversarium non lædendo. Sic erit perfectus homo, si sic se habeat ut sit intentus in confessione: Esa. xxxviii. 15. „Recogitabo tibi omnes annos meos in amaritudine animæ meæ: devotus in oratione: Matth. vi. 9. „Sic ergo orabit: Pater noster quies in cælis &c.“ efficac in prædicatione: Iacob. 11. 12. „Sic loquimini, & sic facite.“ Hæc tria pertinent ad actum oris recti; ita tamen quod confessio dirigatur Deo, & proximo, oratio soli Deo, prædicationi soli proximo. Fortis in pugnando: unde sic pugno non quasi aerem verberans: Apocal. 11. 5. „Qui vicerit sic, vestietur veste alba: patiens in sustinendo: Iudith vii. 23. „Sic Isaac, sic Iacob, sic Moyses, & omnes qui placuerunt Deo, per multas tribulationes transierunt fideles: cautos in servando: Ios. 11. 16. „Ad montana ascendite, ne forte occurrant vobis revertentes: ibique latitate tribus diebus, donec redeant; & sic ibitis viam vestram.“ Primum propter malum culpæ, scilicet pu-

gnæ; secundum contra malum pœnæ, scilicet patientia; tertium contra malum tentationis, scilicet cautela. Benignus in condonando: Matth. xviii. 14. „Sic non est voluntas ante Patrem vestrum, qui in cælis est, ut pereat unus de pusillis istis:“ (a) inutilem se reputando: Luc. xvi. 10. „Sic & vos cum feceritis omnia, quæ præcepta sunt vobis, dicite: Servi inutilis, les sumus:“ sollicitus se discutendo: infra xi. 28. *Probat autem seipsum homo, & sic de pane illo edat, & de calice bibat*. Primum reprobatur malitiam proximi; secundum probatur bonitatem Dei; tertium dubietatem status proprii. Humilis in obsequendo: Matth. 11. 15. „Sic decet nos implere omnem iustitiam: agilis in proficiendo: unde hic, *Sic currito*, id est proficite in bono, ut comprehendatis: constans in perseverando: unde hic, *Sic currite*: Phil. iv. 1. „Sic stete in Domino, carissimi: famulus in conversando: supra iv. 1. *Sic vos existimet homo ut ministros Christi*. Primum respicit incipientes, secundum proficientes, tertium perleverantes, quantum perfectos.

Deinde cum dicit, *Sed castigo corpus meum*, tangit rationem prædicatorum utriusque. Ubi primo tangit austeritatem vitæ; secundo commendationem doctrinæ, ibi, *Ne forte cum aliis prædicaverim*; tertio rationem concordie utriusque, ibi, *Ipse reprobus efficiar*. Ergo implet factio quod docet verbo, ne se damnet ore proprio: & hoc est quod dicit: *Sed castigo corpus meum*, per declinationem mali, motus carnis illicitos reprimendo. *Castigo* ergo, non occido, corpus meum, non tantum alienum: Rom. xii. 2. „Exhibeatis corpora vestra hostiam viventem, sanctam, Deo placentem, rationabile obsequium vestrum: & in servitutem redige, per operationem boni, corpus scilicet spiritui servire cogendo, & sensualitatem rationi subiciendo; sicut de beato Martino legitur: „Carnem spiritui servire congebatur:“ & hoc facio, ne forte cum aliis prædicaverim, ipse reprobus efficiar. Augustinus (de Verb. Apost. serm. xxi.). „Suo timore nos regebat Apostolus: quid enim faciet agnus, ubi aries timet, & tremet? Ipse reprobus, id est a Deo reprobatus, efficiar, quod turpe esset. Rom. 11. 21. „Qui prædicat non furandum, furatur.“ De humilissimo posset vere dici Iob iv. 3. „Ecce docuisti plurimos, & manus lassas roborasti. . . . Nunc autem venit super te plaga, & defecisti.“

Hic

(a) Forte suppletum modestus.

Hic quaeritur ibi, *Molius est mihi mori quam ut gloriam meam quis evacuet.* Contra. Gloria non evacuatur nisi per peccatum: ergo accipere esset ei peccatum: non ergo licitum. Respondeo. Gloria essentialis per hoc non evacueretur, sed gloria accidentalit (a) de hoc opere supererogationis.

Item. *Si evangelizavero, non est mihi gloria.* Contra. Evangelizanti, & sumptus accipienti debetur & aurea, & auteola. Sed Glossa exponit, quando evangelizatur ex necessitate timoris, vel ex cupiditate mercedis temporalis.

Item super illud, *Dispensatio mihi credita est.* Glossa: „Non debemus evangelizare, ut manducemus.“ Contra. Ergo praedicatores quaesarii peccant mortaliter, quia faciunt quod non debent. Respondeo. Si propter quaesum principaliter faciunt, peccant; sed si propter fructum spiritualem inde proveniente, bene faciunt.

Item ibidem Glossa: „Propter regnum Dei debemus operari omnia, non solum, sed cum regno Dei mercedem temporalem meditari.“ Contra. Ergo qui vadunt ad Ecclesiam pro distributionibus, peccant. Respondeo. Verum est si solum, vel principaliter propter hoc vadant.

Item super hoc, *Ut non abutar potestate.* Glossa: „Quod esset si acciperet quod probavit supra eodem quod ei licet accipere.“ Respondeo. Intelligendum est, si acciperetur indiscrete, & iordinate, & immoderate.

Item. *Omnium servum me feci.* Contra. Supra vii. 23. *Nolite servi fieri hominum.* Respondeo. Hic loquitur de servitute ca-

ritatis, scilicet in bono, ibi de servitute iniquitatis, scilicet in malo.

Item. *Falsus sum Iudaeis Iudanis.* Glossa: „In cibis accipiendis, vel oon accipiendis.“ Contra. Glossa: „Iniuste ergo reprehendit Petrum de discretionem ciborum.“ Galat. 2. Immo bene: quia Petrus discernerebat cum scandalo Gentium, scilicet in locis Gentilium, Paulus autem non.

Item ibidem Glossa: „Propter scandalum Iudaeorum circumcidit Timotheum.“ Ad. xvi. Contra. Veritas doctrinae, vitae, & iustitiae non debet dimitti propter scandalum. Respondeo. Usque ad divulgationem Evangelii non erat de veritate doctrinae, sive vitae, ne homines circumciderentur, sed ne spem ponerent in circumcissione.

Item. *Ut omnes facerem salvos.* Contra. Sciebar non omnes salvandos. Respondeo. Volebat omnes in particulari, idest quemlibet per se, non omnes simul.

Item super illud, *Omnis quidem currunt.* Glossa: „In spirituali agone, quotquot quidem currunt, si spiritualiter currunt, accipiunt, & qui prior venerit expectat, ut coronetur cum posteriori.“ Contra. Unusquisque in morte coronatur. Respondeo. Hoc intelligitur de gloria corporis, non animae.

Item super illud, *Ne forte cum aliis prae-dicaverim, ipse reprobus efficiar.* Glossa: „Suo timore oos terret Apostolus.“ Contra. I. Ioan. iv. 18. „Perfecta caritas foras mittit timorem.“ Respondeo. Verum est timorem poenae, sed non timorem separationis, sive offensae.

C A P I T I S D E C I M I

L E C T I O I.

NOlo enim vos ignorare, fratres, quoniam patres nostri omnes sub nube fuerunt, & omnes mare transierunt, & omnes in Moyle baptizati sunt in nube, & in mari, & omnes eandem escam spiritalem manducaverunt, & omnes eundem potum spiritalem biberunt (bibebant autem de spiritali consequente eos petra; petra autem erat Christus) sed non in pluribus eorum beneplacitum est Deo: nam prostrati sunt in deserto.

Su-

(a) *Id. additur est.*

Superius monuit abstinere ab idolothytis, primo propter vitandum scandalum fratrum infirmorum, cap. viii. secundo propter exemplum suum, qui abstinet propter alios ab acceptance inemptum, cap. ix. hic tertio monet ad idem ex consideratione (a) poenae Iudaeorum in deserto idola venerantium: ubi exemplo poenae istorum, primo monet abstinere a perpetratione peccatorum similium; secundo specialiter a comelione idolis immolatorum, ibi. *Propter quod, carissimi, fugite ab idolorum cultura*. In prima primo ostendit quod antiquitus Iudaeis contigit; secundo propter quod, quia non propter se tantum, sed propter nos corrigendosita evenit: *Hac autem in figura facta sunt nostri*; tertio ut exemplum eorum caveant, concludit, ibi, *Itaque qui se existimat stare, vident ne cadat*. Ergo poena tirrenda, (b) causa memoranda, cautela adhibenda. In prima primo ponit beneficia gratiae eis impena existentibus in Aegypto; secundo praetita in deserto, ibi, *Et omnes eandem escam spiritalem manducaverunt*; tertio flagella propter ingratitude in inflicta, ibi, *Sed non in pluribus eorum beneficium est Deus*. In prima tangit tria beneficia. Primum in protectione nubis; secundum in transitu maris rubri, ibi, *Et omnes mare transierunt*; tertium in purgatione ba, ismat, ibi, *Et omnes in Moysi baptizati sunt in nube*. Dicit ergo: *Nolo vos ignorare*; quasi dicat: Sic agendum est sicut monui. Non enim sufficiunt sacramenta Ecclesiae suscepta, vobis postea peccantibus, sicut nec Iudaeis Dei beneficia, quin postea punirentur. *Nolo enim vos ignorare* &c. Hoc dupliciter legitur. Uno modo de bonis, & malis communiter; alio modo de malis specialiter. Primo modo sic. *Nolo vos ignorare, fratres, quoniam patres nostri*, institutores huius nostrae, omnes, tam boni, quam mali, *sub nube* protegente fuerunt. Exod. xiii. 21. „ Dominus praetercedebat eos ad ostendendum viam, per diem in columna nubis, & per noctem in columna ignis. “ Vel *sub nube*, idest sub figura, & umbra. Hebr. x. 1. „ Umbram habens lex futurorum bonorum. “ & *omnes mare rubrum* submersis hostibus *transierunt*: non de una ripa ad ripam oppositam, sed ad eandem: unde transierunt quendam sinum maris: & *omnes in Moysi*, idest in ducatu Moysi, *baptizati sunt in nube*, & in mari, idest per vasa signa illa purgati ab ignorantia, vel a vitiis per fidem,

scilicet submersis Aegyptiis. Exod. xiv. 31. „ Timuit populus Dominum, & crediderunt Domino, & servo suo Moysi. “ Vel *baptizati sunt*, idest, signum baptismi receperunt. Nam baptismus constat ex aqua, & Spiritu. Ioan. i. 5. „ Nisi quis renatus fuerit ex aqua, & Spiritu. “ Nubes autem symbolum erat Spiritus, mare vero aquae, ut dicit Damascenus. Deinde cum dicit, *Et omnes eandem escam spiritalem manducaverunt*, post beneficia exhibita Israel de Aegypto exeunti, hic tangit beneficia exhibita in deserto: & primo beneficium mannae, secundo beneficium aquae, ibi, *Et omnes eandem petum spiritalem biberunt*; tertio potus originem mirabilem, ibi, *Bibebant autem de spiritali confluence eius petra*; quarto originis significationem, ibi, *Petra autem erat Christus*. Dicit ergo: *Et omnes eandem escam spiritalem manducaverunt*, manna scilicet de caelo. Vocat autem eam spiritalem, cum esset corporalis, quia miraculose fuit data. De hoc habetur Sap. xvi. 20. „ Panem de caelo praestitisti eis. “ *Et omnes eandem petum spiritalem biberunt*, idest aquam de petra. Num. xx. 11. „ Loquimini ad petram, & ipsa dabit vobis aquam. “ Psalm. lxxvii. 20. „ Percussit petram, & fluxerunt aquae. “ *Bibebant autem de petra spiritali*: quae dicitur spiritalis propter effectum miraculosum, & propter futuri signum. *Petra confluence eius*. Dupliciter intelligitur. *Confluence*, idest satisfaciente voluntati eorum. Psalm. lxxvii. 29. „ Desiderium eorum attulit eis. “ Aquae enim ubique sequebantur eos. Ela. xlviii. 21. „ Aquam de petra produxit eis, & scidit petram, & fluxerunt aquae. “ Vel *confluence eius*, idest veritatem sequentem significantem. *Petra autem erat Christus*, non per substantiam, sed per significationem. Hic est lapis, quem reproba verunt edificantes. Alio modo legitur de bonis breviter sic. *Nolo vos ignorare, fratres, quoniam patres nostri*, institutores huius nostrae, omnes boni, spiritualiter (unde dicit patres nostri, non illorum) *sub nube fuerunt*, sicut prius; & *omnes eandem escam manducaverunt spiritalem*, idest corpus Christi, in signo spiritualiter intelligendo. Unde *eandem escam spiritalem manducaverunt*, idem scilicet quod nos; sed aliam escam corporalem quam nos; & hoc quantum ad maiores in Christum credentes. Manducabant Christum spiritualiter, secundum illud (Augustini super Ioan. tract. xxv.) „ Crede, „ &

(a) Al. omittitur poena. (b) Al. omittitur causa memoranda.

„ & manducasti. “ *Et omnes eundem potum biberunt, scilicet Christi sanguinem in signo. Sic loquitur de signo, & potu spirituali per fidem, non de corporali. Biberant autem de spiritali consequente eos petra; sicut prius. Appetendus cibus, & potus, quia sufficiens: undedicir, Omnes manducaverunt, indeficiens, quia eundem; utilis, quia potus, & cibus spiritalis: quod notatur in ipso nomine spiritualis.*

Deinde cum dicit, *Sed non in pluribus eorum beneplacitum est Deo*, post beneficia tan-

git flagella: & primo offensam; secundo poenam, ibi, *Nam prostrati sunt*. Dicit ergo: *Sed non in pluribus eorum beneplacitum est Deo*; quasi dicat: His omnibus beneficiis usi sunt Iudæi; *sed non in pluribus eorum beneplacitum est Deo*, in illis scilicet qui Deum offenderunt, sed tantum in duobus, scilicet Caleph, & Iosue, quibus solis concessum est terram promissionis obtinere, Num. xiv. Malach. i. 10., *Non est mihi voluntas in vobis.* “

L E C T I O II.

INAEC autem in figura facta sunt nostri, ut non simus concupiscentes malorum, sicut & illi concupierunt. Neque idolatræ efficiamini, sicut quidam ex ipsis; quemadmodum scriptum est: Sedit populus manducare, & bibere, & surrexerunt ludere. Neque fornicemur, sicut quidam ex ipsis fornicati sunt, & ceciderunt una die viginti tria millia. Neque tentemus Christum, sicut quidam eorum tentaverunt, & a serpentibus perierunt. Neque murmuraveritis, sicut quidam eorum murmuraverunt, & perierunt ab exterminatore. Hæc autem omnia in signa continebant illis; scripta sunt autem ad correptionem nostram, in quos fines sæculorum deveniunt.

SUPERIUS ostendit quid antiquis Iudæis contigit; hic ostendit quod non propter se tantum, sed propter nos corrigendos, ita evenit. Ubi primo ostendit quod propter nos corrigendos a peccato, prædicta facta sunt; secundo quod propter hoc etiam scripta sunt, ibi, *Hæc autem omnia in figura contingebant illis; scripta sunt autem ad correptionem nostram*. In prima ostendit quod ideo facta sunt ut cohibeamur a peccato: & primo a peccato cordis; secundo a peccato operis, ibi, *Neque idolatræ efficiamini; tertio a peccato oris, ibi, Neque murmuraveritis, sicut quidam ex ipsis*. In prima primo deterret per poenam; secundo ex hoc dehortatur culpam, ibi, *Ut non simus concupiscentes malorum*; tertio malos reducit ad memoriam, ibi, *Sicut & illi concupierunt*. Dicit ergo: *Hæc autem in figura facta sunt nostri*, non ficta, sed vere facta. *In figura*, inquam, ideo scilicet ut nos considerantes illorum supplicia, non simus concupiscentes malorum, sicut & illi concupierunt, de quibus Plal. cv. 14., *Concupierunt concupiscentiam in deserto*. “ Num. xi. dicitur, quod vulgus promiscuum flagravat desiderio carnis. Et notandum, quod sicut in bonis longe melius est quod figuratur quam ipsa figura, ut regnum celorum quam terra promissionis; ita in malis longe peius est quod figuratur quam figura significans. Se-

cundum autem Augustinum (in Plal. lxxvii.) illa supplicia quæ sustinuerunt, figura gehennæ fuerunt, quæ omni poena maior est. Hæc autem pertinent ad sapientes inter Corinthios, qui desiderio carnes comedebant in idolo, & scandalizabant infirmos. Unde similes erant Iudæis, carnes desiderantibus in deserto: unde digni erant etiam simili poena.

Deinde cum dicit, *Neque idolatræ efficiamini*, dehortatur peccatum operis. Ubi tangit tria peccata. Primo idolatriæ; secundo fornicationis, ibi, *Neque fornicemur*; tertio divinæ temptationis, ibi, *Neque tentemus Christum*. In prima primo dissuadet idolatriæ vitium; secundo deterret per exemplum, ibi, *Sicut quidam ex ipsis*; tertio explicat exemplum impliciter, ibi, *Quemadmodum scriptum est &c.* Dicit ergo: *Neque idolatræ efficiamini*, idolothytis vitando in venerationem idoli, vel scandalum infirmorum; sicut quidam illorum; supple, idolatræ fuerunt, Exod. xxxii. & Plal. cv. 19., *Ecce fecerunt vitulum in Horeb, & adoraverunt sculptile*. “ *Quemadmodum scriptum est*, Exod. xxxiii. 6. *Sedit populus, id est quidam de populo, manducare, & bibere, coram idolo (quibus similes sunt qui cedunt idolothyta, idola venerando) & uraxerunt ludere; id est, ludos facere, sicut choreas, & huiusmodi in venerationem idoli,*

idoli. Vel *sarraxerunt ludere*; id est, idolom adorare; quod est simile ludo puerorum, qui faciunt imagines luteas. Deinde cum dicit, *Neque fornicemur*, tangit peccatum fornicationis. Ubi primo dissuadet tale peccatum; secundo deterret per exemplum culpæ, ibi, *Sicut quidam ex ipsi fornicati sunt*; tertio pœnæ, ibi, *Et ceciderunt anna die*. Dicit ergo: *Neque fornicemur*, ut quidam ex vobis: supra v. 1. „Ommino autem“, dicitur fornicatio inter vos: „*sicut quidam ex ipsi fornicati sunt*, cum Madianitis scilicet, Num. xxv. & ideo ceciderunt anna die viginti tria, immo viginti quatuor, millia: sed maior numerus non excludit minorem: unde non dicitur hic cum præcisione: vel forte vitium scriptorum est. Deinde cum dicit, *Neque tentemus Christum*, tangit peccatum divinæ tentationis: quod dissuadet primo, verbo; secundo, exemplo, ibi, *Sicut quidam eorum tentaverunt*; tertio, supplicio, ibi, *Et a serpentibus perierunt*. Dicit ergo: *Neque tentemus Christum*, dissidendo de eius potentia, sicut illi qui in vobis desperant de resurrectione; *sicut quidam eorum tentaverunt*, Deum, vel Christum in Moyse, dicentes (Plal. lxxvii. 19.), „Num“, quid poterit parare mecum in deserto?“ & ideo a serpentibus perierunt, donec scilicet serpens æneus erectus esset, ad cuius aspectum sanabantur. De hoc habetur Num. xxi. & Deut. vi. 16. „Non tentabis Dominum Deum tuum.“

Deinde cum dicit, *Neque marmuraveritis*, post peccatum cordis, & operis, dehortatur peccatum oris. Ubi primo dissuadet murmuracionis vitium; secundo adducit quoddam in exemplum; & primo culpæ, ibi, *Sicut quidam eorum marmuraverunt*; secundo pœnæ, ibi, *Et perierunt (a) ab exterminatore*. Dicit ergo: *Neque marmuraveritis*, contra me, vel minores contra maiores: Sap. 1. 11. „Cultodite vos a murmuraverunt“, contra Moysen: Num. xvi. 41. „Murmuravit omnis congregatio filiorum Israel contra Moysen:“ & ideo perierunt ab exterminatore, ab Angelo scilicet, qui extra terminos terræ eos percussit. Bruch 111. 19. „Exterminati sunt, & ad ioseph nos descenderunt.“

Notandum super illud, *In Moyse baptizati sunt*, quod Damascenus Lib. IV. cap. de Baptismo distinguit noveni genera baptismatum, accipiendo baptismata large. Primum est aqua diluvii, de quo habetur Gen.

8. Th. Oper. Tem. VI.

vi. Secundum, mare rubrum, de quo Exod. xiv. Tertium aqua expiationis, de qua Num. xix. Quartum baptismus Ioannis, de quo Matth. 111. Quintum baptismus quo Christus baptizatus fuit, de quo Luc. 111. Sextum baptismus Spiritus sancti super discipulos: Act. 1. 5. „Vos autem baptizabimini Spiritu sancto.“ Septimum baptismus pœnitentiæ, & coitionis, de quo Eccl. xxxiv. 30. „Qui baptizatur a mortuo, & iterum tangit eum, quid proficit lavatio illius?“ Octavum baptismus sanguinis, de quo Luc. xxi. 50. „Baptisma habebat“, ptizari, & quomodo coarctor usque dum perficiatur. „Nonum baptismus aquæ, & Spiritus, de quo Ioan. 111. 5. „Nisi quis renatus fuerit ex aqua, & Spiritu sancto, non potest introire in regnum Dei.“ Matth. ult. 19. „Baptizantes eos in nomine Patris, & Filii, & Spiritus sancti.“

Deinde cum dicit, *Hac autem omnia in figura contingebant illis*, habito quod propter nos prædicta facta sunt, hic ostendit quod propter nos etiam scripta sunt: & primo quod in significacione; secundo quod in correctione, ibi, *Scripta sunt autem ad correctionem nostram*. Dicit ergo: *Hac autem omnia in figura contingebant illis*; quasi dicat: Illa cootigerunt illis, & hoc non tantum propter sua peccata, (b) aut pro se, sed omnia in figura, nostri scilicet, contingebant illis: erat enim tempus figurarum. Deinde cum dicit, *Scripta sunt autem ad correctionem nostram*, tangit quod scripta sunt ad correctionem nostram. Ubi implicantur tria incitantia ad correctionem nostram. Primo antiquorum exempla, quæ notantur in Scripturis; secundo exemplorum causa, quæ est correctio nostra; tertio ætas novissima, quæ est finis sæculorum. Dicit ergo: *Scripta sunt autem ad correctionem nostram*: quia, quæcumque scripta sunt, ad nostram doctrinam scripta sunt: „Rom. xv. 4. Nos, dico, in quæ finis sæculorum devenerat; id est sexta ætas, quæ est ultima ætas laborantium. I. Ioan. 11. 18. „Filioli mei, novissima hora est.“ Quia ergo in ultima sæculi ætate sumus, tot exemplis priorum corrigi debemus. Vel in quæ finis sæculum devenimus; id est, in quibus per fidem, & amorem Christi finitæ est sæcularitas: quia Phil. 111. 20. dicitur: „Conversatio nostra in cælis est.“ Unde temporalia non promittuntur tempore gratiæ, sicut tempore legis: unde nec in pactum

S f de-

(a) A. a serpentibus. (b) A. non autem pro se.

deducuntur, sed adiciuntur. Matth. vi. 33. „Primum querite regnum Dei, & iustitiam eius, & hæc omnia adiciuntur vobis.“ Sed antiquitus erant in pactum: Efa. 1. 19. „Si volueritis, & audieritis

me, bona terræ comedetis.“ Ecce ergo exempla certa, quia scripta sunt; utilia, quia ad correptionem nostram; durabilia, quia in quos fines seculorum deveniunt.

LECTIO III.

Itaque qui se existimat stare, videat ne cadat. Tentatio vos non apprehendat, nisi humana. Fidelis autem Deus est, qui non patietur vos tentari supra id quod potestis; sed faciet etiam cum tentatione proventum, ut possitis sustinere.

Habita in primo ludæorum punitione, secundo punitionis ratione, hic tertio concludit quod exemplo eorum debeat a malo cavere: ubi primo monet ut caveant eorum; secundo cavendi docet modum, ibi, *Tentatio vos non apprehendat*. Tertio promittit firmum adiutorium, ibi, *Fidelis autem Deus est*. In primo implicat quatuor sollicitantia sapientem; scilicet multitudinem cadentium, cum dicit, *Itaque*; incertitudinem stantium, cum subdit, *Qui se existimat stare*; necessitatem cautelæ, cum addit, *Videat*; facilitatem ruinæ, cum dicit, *Ne cadat*. Dicit ergo: *Itaque qui se existimat stare, videat ne cadat*; quasi dicat: Illi, etiam beneficiis Dei usi sunt, nihilominus propter peccata perierunt. *Itaque*, ex eorum consideratione, *qui existimat*, aliqua coniecturatione, *se stare*, id est quod sit in gratia, & caritate, *videat*, diligenti attentione, *ne cadat*, peccando, vel alios faciendo peccare. Efa. xiv. 12. „Quomodo cecidisti Lucifer? “ Psalm. xc. 7. „Cadent a latere tuo mille, & decem millia a dextris tuis.“ Ideo Ephes. v. 15. „Videte quomodo caute ambuletis.“

Deinde cum dicit, *Tentatio vos non apprehendat*, docet modum cavendi (a) casum, scilicet cavendo tentationem: ubi primo docet aliquam tentationem fugiendam; secundo aliquam sustinendam, ibi, *Nisi humana*. Primo notificat quia pulsat ut introcat: unde dicitur, *Tentatio*, secundo quia impugnat ut prævaleat: unde subditur, *Nem vos apprehendat*. Dicit ergo: *Tentatio vos nem apprehendat*; quasi diceret: Ne cadatis, tentatio, scilicet peccati, non vos apprehendat, trahendo in consensum peccati. *Nisi humana*. Hoc dupliciter exponitur. Uno modo de tentatione interiori mala;

& tunc est permissio; quasi dicat: Nulla peccati dilectio vos apprehendat, (b) nisi forte de malis, sine qua vita humana non ducitur. Non enim est homo qui semper faciat bonum, & non peccet: III. Reg. vii. & II. Paralip. vi. Alio modo exponitur de tentatione exterioris boni; & tunc est exhortatio, sic, *Tentatio vos nem apprehendat, nisi humana*, scilicet tribulationum præsentium propter Christum tolerantia. Augustinus (in Quest. nov. & vet. testam. quest. xcix.) „Propter Christum patitur, humana tentatio est,“ Tob. xii. 13. „Quia acceptus eras Deo, necesse fuit, ut tentatio probaret te.“

Deinde cum dicit, *Fidelis Deus*, ostendit paratum adiutorium in tentatione. Ubi commendat Deum adiutorem, quidam nobis resistendi potentiam, quod notatur ibi, *Sed faciet cum tentatione proventum*; perseverantiam, quod notatur ibi, *Ut possitis sustinere*. Vere fidelis Deus, qui dat potentiam ne vincamur, gratiam ut mereamur, constantiam ut vincamus. Dicit ergo: *Fidelis Deus*; quasi diceret: Vos ad hoc hortor, & moneo quod potestis. „Fidelis“, Domini in omnibus verbis suis: „Psalm. cxli. 13. Quinon patietur vos tentari supra id quod potestis: quod utique possit diabolus, si permitteretur:“ quia non est potestas super terram quæ ei comparetur: „Iob xli. 24. & Efa. xl. 29. „Dar lassio virtutem.“ Ideo Iacob. 1. 2. „Omne gaudium existimate, fratres, cum in varias tentationes incideritis.“ Augustinus (in Psalm. lxx. cir. fin.) „Qui dat diabolo tentandi licentiam, ipse dat tamen tantis misericordiam.“ *Proventum*, inquam, ita ut possitis sustinere, ne deficiatis in lucra, sed vincatis: quod fit per humilitatem, ut dicit Augustinus. Illi enim non cre-

(a) *Al.* causam. (b) *Al.* nisi forte humana, sine qua vita de malis non ducitur.

erepant in fornace, qui noo habent ventum superbie.

Notandum est super illud, *Qui se existimat flare, videat ne cadas*, quod ad calum impellunt nos primo debilitas virium, sicut cadunt pueri, decrepiti, infirmi: Eia. xl. 30. „ In infirmitate cadent: „ quod contingit per repiditatem bene operandi, & inlabilitatem. Secundo onus peccatorum, sicut cadunt alii sub onere nimio: Psalm. xxxv. 13. „ Ceciderunt qui operantur iniquitatem: „ quod contingit per negligentiam poenitendi: quia peccatum quod per poenitentiam non deletur, suo pondere ad aliud trahit. Tercio multitudine trahentium, sicut arbor, vel domus multis trahentibus deorsum cadit: supra eodem: *Nique fornicemur, sicut quidam ex istis fornicati sunt*: quod contingit per impulsu hostium. Quarto lubricitas viarum, sicut incauti cadunt in lubrico: Eccli. xxxviii. 30. „ Attende ne forte labaris in lingua, & cadas in conspectu inimicorum insidiantium tibi: „ quod contin-

git per incautam custodiam sensuum. Quinto varietas offendiculorum, sicut avis capta in medio laqueorum: Psalm. xix. 8. „ Hi in curribus, & hi in equis: „ Prov. xxiv. 16. „ Septies in die cadit iustus: „ quod contingit per corruptionem creaturarum. Sexto ignorantia agendorum, sicut caeci cadunt de facili: Matth. xv. 14. „ Si caecus caeco ducatum praestet, „ ambo io foveam caduot: „ quod contingit per negligentiam addiscendi necessaria. Septimo exempla cadentium, sicut angeli ad exemplum Luciferi: Psalm. xc. 7. „ Cadent a latere tuo mille, & decem „ millia a dextris tuis: „ Prov. xxv. 26. „ Fons turbatus pede, & vena corrupta, „ iustus cadens coram impio: „ quod contingit per imitationem malorum. Octavo ponderositas corporum: corpus enim, quod corrumpitur, aggravat animam, sicut lapis in collo natantis: Job xiv. 18. „ Mons caecus dens defluit: „ quod contingit per carnis tomentum superfluum.

L E C T I O IV.

Propter quod, carissimi mei, fugite ab idolorum cultura. Ut prudentibus loquor: vos ipsi iudicate quod dico. Calix benedictionis cui benedicimus, nonne communicatio sanguinis Christi est; & panis quem frangimus, nonne participatio corporis Domini est? Quoniam unus panis, & unum corpus multi sumus, omnes qui de uno pane, & de uno calice participamus.

Superius ex consideratione Iudeorum poenae, monuit abstinere a perpetratione peccatorum similium; hic specialiter monet cavere a comestione idolis immolatorum. Ubi primo ponit communionem cavendi ab idolothytis; secundo subdit causam communionis, ibi, *Quid ergo? Dice, quod idolis immolatum sit aliquid?* tertio docet modum cavendi a dictis, ibi, *Omne quod in macello venit, manducate*. In prima cavere ab idolothytorum comestione monet primo ex timore poenae consimilis; secundo ex communione sancti altaris, ibi, *Ut prudentibus loquor*; tertio ex similitudine sacrificii legalis, ibi, *Videte Israel secundum carnem*. In prima, ut eius obediant dictis, primo arguit inferendo, cum dicit, *Propter quod*; secundo allicie blandiendo, cum subdit, *Carissimi mei*; tertio instruit exhortando, cum addit, *Fugite ab idolorum cultura*. Dicit ergo: *Propter quod, carissimi mei, fugite ab idolorum cultura*; quasi diceret: Quia sacramenta sola non salvant, &

qui cadit punitur, & auxilium Dei non deest: *propter quod, carissimi mei, fugite ab idolorum cultura*, id est ab omni idoli veneratione. Glossa: „ Ideo hos Apostolus „ hortatur fugere ab idolatriae superstitio- „ ne, vel ne sapientes comedant idolothyt- „ ta cum offendiculo infirmorum, quibus „ idolatrare viderentur: vel ne ipsi infir- „ mi idolatrare sint, edendo in idoli vene- „ rationem. *Fugite ergo ab idolorum cultura*, „ vel putativa quo ad esum sapientium, „ vel vera quo ad esum infirmorum. „ Deinde cum dicit, *Ut prudentibus loquor*, monet cavere ab idolothytorum comestione ex communione sacramenti altaris. Ubi primo quod dicturus est supponit eorum iudicio; secundo ostendit quid est illud, scilicet quod per communionem eucharistiae efficiunt unum cum Christo, ibi, *Calix benedictionis cui benedicimus, nonne communicatio sanguinis Christi est?* &c. tertio probat quod ita est, quod omnes sumus unum in corpore eius mystico, ibi, *Quoniam unus*
SI 2

panis, & unum corpus multi sumus. Dicit ergo: *Ut prudentius loquar vobis ut prudentibus.* Vel sic. *Loquor vobis alium quid, scilicet quod sequitur, imprudentius.* Vel sic. *Loquor infirmis, scilicet qui sunt inter vos, ut supra locutus sum prudentius.* Et ideo *vos ipsi maiores indicat quod dico.* Iob xxxi. 23. „ Si contempni subire iudicium cum „ servo meo. „ *Judicate, inquam, hoc quod sequitur. Calix benedictionis, id est potus calicis, per quem participantes benedicuntur:* Luc. xxii. 20. „ Similiter & calicem postquam cenavit, dicens: Hic calix est novum testamentum in sanguine meo, qui „ pro vobis fundetur: „ *cui benedicimus, id est quod nos fideles exaltamus credendo, & gratias agendo: vel cui benedicimus, id est quem nos sacerdotes consecramus: nonne communicatio sanguinis Christi est? faciens nos unum cum ipso, secundum illud Augustini: „ Nec tu me mutabis in te, (a) „ sicut cibum carnis tuæ, sed tu mutaberis in me. „ Est ergo sua ratio talis. Sicut participans calicem Domini fit unum cum eo, sic participans calicem demoniorum fit unum cum eis; sed demonum unitas est maxime fugienda: ergo & participatio idolothorum in eorum venerationem. Et ideo fugite ab idolorum cultura. Et panis quem frangimus, id est sumptio panistracti in altari, nonne participatio corporis Domini est? faciens nos unum cum Christo: quia sub specie panis sumitur corpus Christi.*

Deinde cum dicit, *Quoniam unus panis, & unum corpus multi sumus*, ostendit quod omnes sumus unum in corpore eius mystico. Ubi proponit primo unitatem; secundo subdit unitatis rationem, ibi, *Omnes qui de uno pane, & de uno calice participamus.* In prima tangit duplicem unitatem. Primam incorporationis, qua in Christum transformamur, cum dicit, *Unus panis*; aliam vitæ, & sensus, quam a Christo capite accipimus, cum addit, *Et unum corpus multi sumus.* Dicit ergo: *Quoniam unus panis, & unum corpus multi sumus*; quasi dicat: Per hoc patet quod unum sumus cum Christo, quoniam unus panis, unione fidei, spei, & caritatis, & unum corpus multi sumus, per subordinationem operum caritatis: corpus scilicet illius capitis, qui est Christus. Multi, dico, scilicet omnes qui de uno pane, id est corporis Christi, & de uno calice,

id est sanguine, participamus digna participatione, scilicet spirituali, non tantum sacramentali. Augustinus (super Ioh. tract. xxv.) „ Accipite, quia unus panis, & unum corpus Ecclesia Christi dicitur, pro eo „ quod sicut unus panis ex multis granis, „ & unum corpus ex multis membris componitur; sic Ecclesia Christi ex multis „ fidelibus (b) caritate copulatis conne- „ citur. „ De ista unitate infra xii. dicitur.

Hic quaeritur super illo, *Omnes in Moyse baptizati.* Glossa: „ Per visa illa legalia „ purgati. „ Contra. Legalia non iustificabant. Respondeo. Iustificabant dispositive a remotis, (c) non causative: quia per modum signi, non causæ.

Item super illud, *Petra autem erat Christus.* Glossa: „ Non petra dedit aquas, sed „ Christus. „ Contra. Num. xx. 8. „ Loquimini ad petram, & ipsa dabit vobis „ aquas. „ Respondeo. Petra dabat originaliter, non effective.

Item super illud, *Omnes eandem escam spiritalem manducaverunt.* Glossa: „ Si quis „ manducaverit ex hoc pane, non morietur in æternum (Ioh. vi. 32.) scilicet, „ qui manducat corde, non qui premit ore. „ Contra. Ergo non oportet sacramentaliter manducare. Respondeo. Non qui premit ore, solum scilicet.

Item super illud, *Eandem potum spiritalem biberunt.* Glossa: „ Idem est effectus „ in illis sacramentis, sed non tantum „ quantum in nostris. „ Contra. Sacramenta vetera non efficiebant quod figurabant. Respondeo. Idem est effectus, sed aliter: nam illorum per modum signi, nostrorum per modum causæ.

Item super illud, *Hoc autem in figura facta sunt.* Glossa: „ Omnes pæne minores „ sunt gehenna. „ Contra. Carentia visionis Dei maior est quam gehenna, secundum Chrysostomum. Respondeo. Loquitur de pænis temporalibus.

Item super illud, *Qui stat, videat ne cadat.* Glossa: „ Non quod sit aliquis sine „ casu. „ Contra. Multi sunt sine mortali. Respondeo. Duplex est casus: unus a Domino per mortale, alter in Domino per veniale.

Item super illud, *Fidelis Deus.* Glossa: „ Qui dat tentanti diabolo licentiam, dat „ tentatis misericordiam. „ Contra. Quod sit de licentia, licite fit: ergo licet diabolo tentare. Respondeo. Licentia accipitur

(a) *Id est, inveniuntur sequentia Augustini verba.* (b) *Id est, capite.* (c) *Id est, non copulative.*

tar hic pro permissione, non pro concessione.

Item. *Vos ipsi indicatē.* Contra. Non est inferiorem iudicare de factis superiorum. Respondeo. Non debent iudicare iudicio superordinationis; sed licet iudicio discretioneis.

Item super illud, *Benedicimus*, Glossa: „Nos sacerdotes.“ Contra. Quod minus est, a maiori benedicitur. Respondeo. In sacramento altaris, benedictio sacerdotis fertur super terminum a quo, idest super panem, non super terminum ad quem, idest corpus Christi.

Item. *Panis quem frangimus.* Contra. Iam tunc non est ibi panis. Respondeo.

Ponitur significatum pro signo, idest panis pro specie panis.

Item super illud, *Nonne participatio corporis Domini est?* Glossa: „Per partes manducatur in sacramento, & manet integer in cælo.“ Contra. Christus sub sacramento est impartibilis. Respondeo. Manducatur per partes sacramenti, non sui.

Item ibidem Glossa: „In illo sacramento, to corpus suum, & sanguinem commendat: quod est, fecit nos ipsos.“ Contra. (a) Non fecit nos corpus Christi verum. Respondeo. Quod, idest cuius significatum: unde relatio est simplex.

L E C T I O V.

Videte Israel secundum carnem. Nonne qui edunt hostias, participes sunt altaris? Quid ergo? Dico, quod idolis immolatum sit aliquid, aut quod idolum sit aliquid? Sed quæ immolant Gentes, dæmoniis immolant, & non Deo. Nolo autem vos socios fieri dæmoniorum. Non potestis calicem Domini bibere, & calicem dæmoniorum; non potestis mensæ Domini participes esse, & mensæ dæmoniorum. An æmulamur Dominum? Numquid fortiores illo sumus? Omnia mihi licent, sed non omnia expediunt: omnia mihi licent, sed non omnia ædificant. Nemo quod suum est quærat, sed quod alterius.

Superius monuit abstinere a comestione idolorum, primo ex timore peccatæ consimilis; secundo ex communione altaris; hic tertio monet ad idem ex similitudine sacrificii legalis: ubi primo excitat attentionem; secundo ostendit propositum, ibi, *Nonne qui edunt hostias, participes sunt altaris?* Dicit ergo, *Videte.* Hoc dupliciter legitur. Uno modo de sacrificiis Iudæorum, alio modo de ritu Gentilium. Primo modo hoc quod dico *Israel*, est accusativi casus; alio modo vocativi. Primo modo sic quasi dicat: *Multi unum corpus sumus, qui de uno pane, & de uno calice participamus.* & hoc patet per hanc similitudinem. *Videte Israel secundum carnem;* supple, ambulantes, idest carnalibus sacrificiis deferrentem. Hoc dicit ad discretiorem Israel secundum spiritum. De utroque Rom. 11. 28. „Non enim qui, in manifesto, Iudæus est.“ *Nonne qui edunt hostias legales, participes sunt altaris legalis?* sicut qui edunt carnem Christi, & sanguinem, participes sunt corporis eius. Secundo modo legitur sic. *Videte, o Israel,* o vos qui estis Israel spiritualis, videns scilicet Deum: *videte, inquam, ea quæ sunt*

secundum carnem, idest in idolatriæ ritu carnali. *Nonne qui edunt hostias*, idolis scilicet immolatas, *participes sunt altaris*, dæmonum, & idolorum? Quasi dicat, sic. Est ergo sua ratio talis. *Qui edunt hostias oblatas altari, participes sunt altaris:* a simili, qui edunt hostias immolatas idolis, participes sunt idolorum, sive dæmoniorum.

Deinde cum dicit, *Quid ergo? &c.* superius posuit monitionem cavendi ab idolorum comestione, hic ponit causam admonitionis. Ponit autem quatuor causas quare debent ab idolothytis abstinere. Primo propter vitandam dæmonis societatem; secundo propter vitandam sacræ communionis exclusionem, ibi, *Quia non potestis calicem Domini bibere, & calicem dæmoniorum;* tertio propter vitandam Dei indignationem, ibi, *An æmulamur Dominum?* quarto propter fratrum læsionem, ibi, *Omnia mihi licent &c.* In prima primo ostendit per hoc, quod non dicit hoc, eo quod alicuius virtutis reputet idolum, vel idolorum; secundo quod porius ideo quia dæmonibus est immolatum, ibi, *Sed quæ immolant Gentes, dæmoniis immolant;* tertio quod

(a) *Al. amittit* Non.

quod non vult eos esse socios dæmonum, ibi, *Nolo autem vos socios esse dæmonum*. Dicit ergo: *Quid ergo?* Quasi dicat: Moneo cavere ab idololatriis. *Quid ergo dico?* idest, quid dicere videor hoc monendo? Numquid hoc, fupples quod illud *quod idolis est immolatum*, sit aliquid, vel alicuius virtutis, ut noceat; aut quod *idolum* sit aliquid veneratione dignum? Quasi dicat, non. Psalm. cxxxiv. 17. „Neque enim est spiritus in ore ipsorum.“ Sed hoc potius dico, quod *qua immolantur Gentis idolo, dæmoniis immolantur, & non Deo*. Psalm. xc. 5. „Omnes dii Gentium dæmonia.“ Deut. „xxxii. 17. Immolaverunt dæmonibus, & non Deo.“

Deinde cum dicit, *Nolo autem vos fieri socios dæmoniorum*, ostendit quod non vult eos fieri socios dæmonum; quod sciret si communicarent mensæ idolorum: & hoc est quod dicit: *Nolo autem vos, qui fideles estis, socios fieri dæmonum*, edendo scilicet de his quæ idolis immolantur. II. Corinth. vi. 14. „Quæ societas lucis ad tenebras, aut quæ conventio Christi ad Belial?“

Deinde cum dicit, *Non potestis calicem Domini bibere, & calicem dæmoniorum*, ecce secunda ratio quare abstinendum est ab idololatriis; quæ est talis. Omne quod excludit a communione corporis, & sanguinis Christi, vitandum est; comestio idololatriarum est huiusmodi: ergo vitanda est. Primo ergo ostendit quod huiusmodi comestio excludit a communione sanguinis Christi; secundo quod & a communione corporis Christi, ibi, *Non potestis mensa Domini participes esse, & mensa dæmoniorum*. Dicit ergo: *Non potestis calicem Domini bibere, & calicem dæmoniorum*; quasi dicat: *Nolo vos fieri socios dæmoniorum*. Hoc autem ideo dico, quia *non potestis calicem Domini bibere*, potu spirituali, non sacramentali tantum: Psalm. cxv. 13. „Calicem salutaris accipiam:“ & *calicem dæmoniorum simul*, & hoc quo ad sacramentum sanguinis: *non potestis mensa Domini participes esse*, quo ad sacramentum corporis, & *mensa dæmoniorum*. Matth. vi. 24. „Nemo potest duobus dominis servire.“ Ecce ergo calix fructuosus, quia ad bibendum; spiritualiter pretiosus, quia Domini; specialiter purus, & mundus, quia non datur immundis utiliter. Similiter potest dici de mensa.

Deinde cum dicit, *An amulamur Dominum?* ecce tertia ratio talis. Omne illud quod provocat

iram Dei, vitandum est; comestio idololatriarum est huiusmodi: ergo vitanda est. Primo ergo ostendit quod Deus provocatur ex tali comestione; secundo quod stultum est eum provocare, ibi, *Numquid fortiores illo sumus?* Dicit ergo: *An amulamur*, idest ad iram provocare volumus, Dominum, comedendo idololatrias? Vel sic. *An amulamur Dominum*; idest, invidemus ei, ut quasi in contemptum eius hoc faciamus? Deut. xxxii. 16. „Provocaverunt eum in diis.“ *Numquid?* quasi dicat: Non debemus eum provocare: *numquid illo fortiores sumus?* quasi dicat, non. Iob ix. 19. „Si fortitudo quæritur, robustissimus est.“ Fatuum est enim provocare fortiores se.

Noiandum super illud, *Nolo autem vos fieri socii*, quod est societas bona, & mala; & utraque quadruplex. Est ergo societas bona, prima personarum divinarum, de qua I. Ioan. 1. 3. „Ut societatem habeamus cum Deo, & societas nostra sit cum Patre, & cum Filio eius Iesu Christo.“ Et hoc exigit summa iucunditas, quia nullius rei sine socio iucunda est possessio. Secunda Angelorum sanctorum, de qua Tobie v. 27. „Credo enim quod Angelus Dei bonus comitetur ei.“ Et hoc exigit hominis dignitas. Hieronymus: „Magna est dignitas animarum.“ Tertia virorum iustorum, de qua Galat. iii. 9. „Iacobus, & Ioannes dexteræ dederunt mihi, & Barnabæ societatis.“ Et hoc exigit nostra utilitas: Eccle. iv. 9. „Melius est duos esse simul: habent enim emolumentum societatis suæ.“ Quarta beatorum, de qua Apocal. i. 9. „Ego Ioannes socius vester, & frater in tribulatione, & regno.“ Et hoc exigit communis felicitas: quia „si socii (a). sumus passionis, erimus & consolati.“ II. Corinth. 1. 7. Societas mala similiter quadruplex. Prima a parte malorum, de qua Esa. i. 23. „Principes tui infideles, socii furum.“ Hæc est societas Herodis, & Pilati: in crucifixione Christi. Secunda hypocritarum, de qua Iob xxx. 29. „Frater fui draconum, & socios struthionum, quæ alas habere videtur, & volare non potest. Hæc est societas vulpis, & lupi. Tertia dæmonum, de qua Iob xviii. 15. „Habitent in rabeo, naculo eius socii eius qui non est.“ Hæc est societas cattis & muris, carnificis & bovis. Quarta dæmoniorum, de qua II. Corinth. vi. 14. „Quæ societas lucis ad tenebras?“

(a) Si eris, & eris.

„nebras? “Hæc est societas incarcerationum in igne.

Deinde cum dicit, *Omnia mihi licent* &c. ponitur quarta rationalis. Omne illud quod lædit proximorum salutem, vitandum est; sed comestio idolothytorum est huiusmodi: ergo vitanda est. Primo ostendit quod talis comestio comedenti non proficit; secundo quod alterum lædit, ibi, *Omnia mihi licent, sed vana expeditur*. Dicit ergo: *Omnia mihi licent*; quasi dicat: Si illos peccare dicam qui comedunt idolothyta, non tamen dico cibos in se illicitos: quia omnia quæ ad escam pertinent, *mihi licent*. Vel & si *omnia mihi licent, sed non omnia expeditur*; idest, adiuvant me in cursu meo. Simile supra vi. *Omnia mihi licent*; idest, & si omnia mihi licerent, *sed non omnia*

adificans proximos, sed ea quæ caritatis sunt. Supra viii. 1. *Scientia inflat, caritas adificat*. Et quia non omnia ædificant, nemo quod suum est querat tantum: caritas enim non qua sua querit: infra xiii. 5. *sed quod alterius*, idest quod alteri proficit. Sed heu! Philip. ii. 21. dicitur: „Omnes quæ sunt sua quærunt.“ Audiendus est ergo Apostolus, qui & docet verum, & monet bonum. Docet verum duplex, scilicet expeditiæ sibi, quia *omnia licent, sed non expeditur*; & ædificationis aliis, quia *omnia licent, sed non omnia adificat*. Monet bonum duplex; scilicet expeditiæ sibi, *Nemo quod suum est querat*; & ædificationis aliis, *sed quod alterius*.

L E C T I O VI.

O mne quod in macello venit, manducate, nihil interrogantes propter conscientiam. Domini est terra, & plenitudo eius. Si quis vocat vos infidelium ad cœnam, & vultis ire; omne quod vobis apponitur manducate, nihil interrogantes propter conscientiam. Si quis autem dixerit, Hoc immolatum est idolis, nolite manducare propter illum qui indicavit, & propter conscientiam: conscientiam autem dico, non tuam, sed alterius. Ut quid enim libertas mea iudicatur ab aliena conscientia? Si ego cum gratia participo, quid blasphemor pro eo quod gratias ago?

S uperius monuit cavere ab idolothytis, & posuit rationem quadruplicem suæ monitionis; hic tertio docet modum cavendi a prædictis, ostendendo quomodo liceat edere, & quomodo non. Primo ergo ostendit an liceat edere; secundo quando non licet, ibi, *Si quis autem dixerit, Hoc immolatum est idolis, nolite manducare*; tertio quid in utrisque debent attendere, ibi, *Sive ergo manducatis, sive bibitis . . . omnia in gloriam Dei facite*. In prima primo ponit duos casus in quibus licet idolothyta comedere. Primus quando comedit per se, secundus quando cum aliis, ibi, *Si quis autem infidelium vocat vos ad cœnam, & vultis ire; omne quod vobis apponitur manducate*. Vel primus quando nescit idolis immolatum; secundus quando non in proximi scandalum. In primo casu primo tangit comedendi licentiam; secundo comedendi præstat cautelam, ibi, *Nihil interrogantes*. Dicit ergo: *Omne quod in macello venit, idest venditur, manducate*; quasi dicat: Quia licet edere, sed non expedit aliquando, ideo sic edite. *Omne quod in macello venit, idest venditur, manducate*, si

vultis. „Omnis enim creatura Dei bona, & nihil reiiciendum quod cum gratiarum actione percipitur.“ I. Timoth. iv. 4. Vos, dico, nihil interrogantes, scilicet an sit idolis immolatum, vel non; & hoc propter conscientiam, adstantis infirmi, Domini est terra, & plenitudo eius; quasi dicat: Hoc secure potestis facere, quia Domini est terra, & plenitudo eius, idest omnia quibus terra impletur. Psalm. xlix. 10. „Quoniam meæ sunt omnes feræ silvarum.“ Ambrosius hoc in loco: „Non potest esse immundum quod Domini est;“ sed omnes carnes sunt Domini: ergo de se mundæ sunt, & licitæ.

Deinde cum dicit, *Si quis autem vocat vos infidelium ad cœnam, ostendit quando licet comedere idolothyta cum aliis, quando scilicet dantur in convivio, & ignoratur ab infirmis, quod sint idolis immolata*. Ubi implicantur quatuor expeditiæ cuilibet convivæ: scilicet ne sit impudens se ingerendo, quod notatur, ibi, *Si quis vocat vos*; quod non sit offendens in respiciendo, quod notatur ibi, *Et vultis ire*; quod non sit onerosus (a) in petendo, quod

(a) Al. impediendo.

quod notatur ibi, *Omne quod vobis apponitur manducate*; quod non sit indilicretus in loquendo, ibi, *Nihil interrogantes*. Dicit ergo: *Si quis infidelium*, idest Gentilium: nam cum Iudeis comedere prohibitum est XXVIII. quæst. 1. cap. Omnes, ubi sic dicitur: „Omnes deinceps sive clerici, sive „laici, Iudeorum convivia vitent, neceos „ad convivium quisquam recipiat: quia „cum Iudei apud Christianos cibis communibus non utantur, indignum atque facrilegum est, eorum cibos a Christianis sumi.“ *Si quis ergo infidelium*, idest Gentilium, vocat vos ad cenam, & vultis ire, idest placet vobis invitatio, omne comestibile, quod vobis apponitur, manducate. Concessio est, non iussio. Luc. x. 8. „Manducate, te quæ vobis apponuntur.“ Vos, dico, nihil interrogantes an sit immolatum idolis, vel non: & hoc propter conscientiam infirmorum.

Deinde cum dicit, *Si quis autem dixerit, Hoc immolatum est idolis, nolite manducare*, ostendit quando non licet comedere. Ubi assignat triplicem causam quare non licet comedere. Primo propter alterius conscientiam; secundo propter damnationem propriam, ibi, *Ut quid enim libertas mea indicatur ab aliena conscientia?* tertio propter imperitiorum blasphemiam, ibi, *Si cum gratia participo, quid blasphemor?* Prima ratio talis est. Nihil faciendum est scienter, quod lædat conscientiam eius qui facit: sed comestio idolothyti est huiusmodi: ergo nihil tale est faciendum. Primo ergo proponit idolothyti cognitionem; secundo dissuadet eius comestionem, ibi, *Nolite manducare*; tertio subdit huius rationem, ibi, *Propter illum qui indicavit*. Dicit ergo: *Si quis autem dixerit*, etiam non interrogatus, *Hoc est immolatum idolis, nolite manducare*: & hoc propter illum qui indicavit hoc esse immolatum idolis, ne scilicet credat te manducare sub veneratione idoli, non quod ci- bus de se sit immundus. Rom. xiv. 14.

„Scio, & confido in Domino quod nihil „commune est per ipsum, nisi illi qui exi- „stimat aliquid commune esse.“ Sed etiam propter conscientiam aliorum infirmorum. *Conscientiam autem, non tuam*, quæ firma est, sed alterius, scilicet infirmi. II. Corinth. vi. 3. „Nemini dantes ullam offensionem.“ Deinde cum dicit, *Ut quid enim libertas mea indicatur ab aliena conscientia?* ecce iam secunda ratio, quæ est talis. Quod facit ad iudicium damnationis propriæ, vitandum est; sed comestio idolothyti cum scandalo proximi est huiusmodi: ergo talis comestio vitanda est: & hoc est quod dicit: *Ut quid enim libertas mea indicatur ab aliena conscientia?* quasi dicat: Nolite manducare propter conscientiam infirmi: ut quid enim libertas mea, idest quod liberum mihi est, indicatur ab aliena conscientia? idest, mihi sit damnabile propter conscientiam (a) alienam ratione scandali; quasi dicat: Si comedo cum alterius scandalo, sic ago ut reddam me damnabilem. Matth. xv. 12. 6. „Qui scandalizaverit unum „de pusillis istis, expedit ei ut suspenda- „tur mola asinaria in collo eius, & demer- „gatur in profundum maris.“ Ut quid ergo sic ago? quasi dicat, Male ago. Deinde cum dicit, *Si ego cum gratia participo, quid blasphemor?* ecce ratio tertia talis. Cavendus est calus in blasphemiam, & vituperium aliorum; sed comedendo idolothytum cum scandalo, comedo sic: ergo &c. Ubi primo tangit modum edendi debitum; secundo nihilominus blasphemiam insipientium, ibi, *Quid blasphemor?* Dicit ergo: *Si ego cum gratia, idest cum gratiarum actione, partici- „pato, idest comedo*: sic enim semper sumendus est cibus: Ioan. vi. 11. „Gratias „agens benedixit, & fregit:“ quid blasphemor ab imperitis dicentibus idolatrare? Blasphemor, inquam, pro eo quod gratias ago, idest quod gratias agendo participo. Rom. xiv. 16. „Non ergo blasphemetur bonum „nomen vestrum.“

(a) Ali. deest alienam.

L E C T I O VII.

Solve ergo manducatis, sive bibitis, vel aliud quid facitis, omnia in gloriam Dei facite. Sine offensione estote Iudæis, & Gentibus, & Ecclesie Dei, sicut & ego per omnia omnibus placeo, non querens quod mihi utile est, sed quod multis, ut salvi fiant.

Habito quando licet de idolothytis comedere, & quando non, hic ostendit quid in utroque debent intendere: & primo respectu Dei, quia debent querere eius gloriam; secundo quod respectu proximi, quia debent cavere eius offensam, ibi, *Sine offensione estote*. In prima primo inducit actum multiplicem; secundo persuadet actum intentionem debitam, ibi, *Omnia in gloriam Dei facite*. Dicit ergo: Sive ergo manducatis, sive bibitis... omnia in gloriam Dei facite; quasi dicat: Quia hæc mala contingunt: ergo sive manducatis, sive bibitis, quæ sunt opera necessitatis, vel aliud quid facitis, omnia in gloriam Dei facite, & cum invocatione Creatoris, ea intentione ut Deus laudetur, & glorificetur. Matth. v. 16. „ Sic luceat lux vestra coram hominibus, „ ut videant opera vestra bona, & glorificent Patrem vestrum, qui in cælis est. Coloss. 111. 17. „ Omne quodcumque facitis in verbo, aut in opere, omnia in gloriam Dei facite. „ Augustinus in Psalm. xxxiv. concione 2. in fine. „ Hæc „ si recte sunt, laudes Dei sunt. Non er- „ go solum vox tua sonet laudes Dei, sed „ etiam opera tua concordent cum voce „ tua. Cum enim Deus laudatur de bono „ opere, Deum laudas; & cum blasphematur Deus de malo opere tuo, Deum „ blasphemas.

Deinde cum dicit, *Sine offensione estote*, monet ut caveant ab offensa aliorum: & persuadet hoc primo, verbo; secundo, exemplo, ibi, *Sicut & ego per omnia omnibus placeo*. Ubi ponit se in exemplum primæ paciæ conversationis; secundo seu- etuolæ operationis, ibi, *Non querens quod mihi utile est, sed quod multis*; tertio rectæ intentionis, ibi, *Ut salvi fiant*. Felix cuius conversatio amabilis, operatio utilis, intentio salubris. Dicit ergo: *Sine offensione estote*; quasi dicat: Ut omnia in gloriam Dei fiant, *sine offensione estote Iudæis*, qui non adorant idola, & ideo in tali comestione scandalizantur; & *Gentibus*, qui adorant idola,

S. Th. Oper. Tom. VI.

& ideo per huiusmodi comestionem in errore confirmantur, & Ecclesie Dei, quantum ad infirmos in fide, qui inde offenduntur. Iudæi sunt sub lege, sed non sunt sub fide; Gentes nec sub lege, nec in fide; Ecclesia Dei & sub lege, & in fide. Roman. xii. 18. „ Si fieri potest, quod ex vobis „ est, cum omnibus hominibus pacem habentes. „ Sicut & ego per omnia omnibus placeo, tamquam (a) conversans sine scandalo. Ego, inquam, non querens quod mihi utile est tantum, sed quod multis. Ecce optimus modus placendi omnibus, si omnium utilitas, non privatum commodum procuratur. Caritas, inquam, non querit quæ sua sunt. Qued est utile, inquam, multis: & non hoc ad aliquod commodum temporale, sed ad hoc ut salvi fiant. Philip. ult. 17. „ Non quero datum, sed fructum.

Notandum, quod multa sunt quæ merito placere faciunt hominibus. Primum prudentia in consiliis, sicut advocatus clienti, dispensator Principi placet. Genes. xli. 37. „ Placuit Pharaoni consilium, & omnibus servis eius. „ Eccli. xx. 29. „ Vir prudens placebit magnatis. „ Secundum munditia In factis, sicut coniux coniugi, instrumentum utenti placet. I. Reg. 11. 26. „ Puer autem Samuel crescebat, & „ proficiebat, placens tam Deo, quam hominibus. „ Non sic filii Heli. Tertium pietas In suffragiis; sicut medicus infirmanti, baculus seni placet. Unde de sepultura Abner dicitur II. Reg. 111. 36. „ Placuerunt eis omnia quæ fecit David in conspectu totius populi. „ Quartum sapientia in verbis; sicut lumen viatori, viror visui placet. Iosue xxi. 33. „ Placuit sermo cunctis audientibus. „ Eccli. xx. 29. „ Sapiens in verbis producet seipsum, „ & homo prudens placebit magnatis. „ Quintum clementia in responsis; sicut sapor gustui, melodia auri placet. II. Paralip. x. 7. „ Si placueris populo huic, & lenieris eos verbis clementibus, servient tibi omni tempore. „ Sextum fortitudo

T t in

(a) id. conversus.

in bellis; sicut pugil conductori, miles Principi placet. I. Reg. xviii. 23. „Dixerunt „servi Saul ad David: Ecce places Regi; „& omnes servi eius diligunt te.“ „Septimum largitis in beneficiis; sicut pluvia terræ arenti, sicut fons sitienti placet. I. Machab. xiv. 4. de Simone: „Quæsit „bona gentis suæ, & placuit illis potestas „eius.“

Hic quæritur super illud, *Nolo vos esse facies demoniorum*. Glossa: „Ad hoc genus „pertinent quæ sunt in quibusdam re- „bus suspendendis, vel alligandis.“ Contra. Ergo suspensio herbarum ad collum, vel cathularum, quæ fieri solet, ad idolatriam pertinet. Responsio. Aut herbæ habent a natura vim naturalem ad effectum illum, aut non. In primo casu non pertinet ad idolatriam, sed in secundo. Similiter schedulæ aut continent solum verba sacra, & ex hoc creduntur habere vim, aut non. In primo casu non pertinet ad idolatriam, sed in secundo.

Item super illud, *Omnia mihi licent*. Glossa: „Potestate liberi arbitrii, & doctrina legis naturalis.“ Contra. Secundum legem naturalem multa sunt illicita. Respondeo. Hic loquitur de cibis specialiter.

Item ibidem Glossa: „Præcepto Domi-

„ni illa prohibentur.“ Respondeo. Illa præcepta ad tempus fuerunt, & revocata sunt.

Item. *Nihil interregantes*. Contra. Tob. 11. 21. „Videte ne forte furtivus sit.“ Respondeo. Non est simile, quia cibum furtivum non est licitum in se comedere; sed idolo immolatum licet edere, nisi propter scandalum alterius.

Item. *Omnia in gloriam Dei facite*. Contra. Ergo nullus actus est indifferens. Respondeo. Relatio hæc in gloriam Dei intelligitur vel in actu, vel in aptitudine referendi, quæ non est solum in bonis, sed etiam in indifferentibus.

Item. *Domini est terra, & plenitudo eius*. Contra. Eadem ratio fuit sub lege: ergo si omnia sunt modo munda, quia Domini sunt, & tunc fuerunt. Respondeo. Reputazione legis immunda dicta sunt, sed non sui natura.

Item. *Sicut ego per omnia omnihus placeo*. Contra. Galat. 1. 10. „Si hominibus placeo, Christi servus non essem.“ Item quomodo placebat persecutoribus suis? Respondeo ad primum. Placere volebat hominibus propter Deum, non propter se. Ad argumentum secundum, intelligitur hoc non de omnibus generaliter, sed de ecclesiasticis viris secundum Glossam.

CAPITIS UNDECIMI

LECTIO I.

Imitatores mei estote, sicut & ego Christi. Laudo autem vos, fratres, quod per omnia mei memores estis, & sicut tradidi vobis, præcepta mea tenetis. Volo autem vos scire quod omnis viri caput Christus est; caput autem mulieris vir; caput vero Christi Deus.

Supra Apostolus removit a fidelibus id quod est contrarium eucharistiæ sacramento, scilicet participationem mensæ idolorum; nunc autem instruit fideles de ipso eucharistiæ sacramento: & primo præmittit quamdam admonitionem generalem; secundo accedit ad propositum, ibi, *Volo autem vos scire*. Circa primum duo facit. Primo proponit admonitionem; secundo significat quomodo Corinthii ad prædictam admonitionem se habebant, ibi, *Laudo autem vos, fratres*. Circa primum considerandum est, quod ita se habet naturalis ordo

rerum, quod ea quæ sunt inferiora inentibus imitantur ea quæ sunt superiora secundum suum posse: unde etiam naturale agens tamquam supetius, assimilât sibi patiens. Primordiale autem principium totius processionis rerum est Filius Dei, secundum illud Ioan. 1. 3. „Omnia per „ipsum facta sunt.“ Et ideo ipse est primordiale exemplar, quod omnes creaturæ imitantur tamquam veram & perfectam imaginem Patris: unde dicitur Coloss. 1. 15. „Qui est imago Dei invisibilis, primogenitus omnis creaturæ, quia in ipso „con-

condita sunt universa. " Speciali tamen quodam modo exemplar est spiritualium gratiarum, quibus spirituales creaturæ illustrantur, secundum illud quod in Psalm. cix. 3. dicitur ad Filium: „ In splendorebus sanctorum, ex utero ante luciferum genui te: „ quia scilicet genitus est ante omnem creaturam per gratiam lucentem, habens exemplariter in se splendores omnium sanctorum. Hoc autem exemplar Dei prius erat a nobis valde remotum, secundum illud Eccle. 12. 12. „ Quid est homini ut sequi possit Regem factorem suum? Et ideo homo fieri voluit, ut hominibus humanum exemplar præberet: unde Augustinus dicit in Libro de Agone christiano (cap. 11.) „ Qua perversitate non careat qui dicta, & facta illius hominis intueri diligit, & sectatur, in quo fe nobis ad exemplum vitæ præbuit Filius Dei? „ Et sicut divinitatis eius exemplar primo quidem imitantur Angeli, secundario vero reliquæ creaturæ, ut Dionysius dicit 2. cap. angelicæ Hierarchiæ: ita humanitatis exemplar principaliter quidem imitandum proponitur prælati Ecclesiæ tamquam superioribus: unde & Dominus Apostolis dicit Ioan. xiii. 15. „ Exemplum enim dedi vobis, ut quemadmodum ego feci, „ ita & vos faciatis. „ Secundario vero ipsi prælati informati exemplo Christi, proponuntur exemplar vitæ subditis, secundum illud I. Petr. ult. 3. „ Forma facti gregis ex animo: „ & II. Thesal. 111. 9. „ Ut nosmetipsos formam daremus vobis ad imitandum nos. „ Et ideo Apostolus signanter dicit: Dixi ut sine offensione omnibus sitis; & hoc quidem facere poteritis, si hoc quod dico servetis. *Imitatores mei estote, sicut & ego Christi*, scilicet sum imitator. Imitabatur enim eum primo quidem in mentis devotione: Galat. 11. 20. „ Vivo ego, iam non ego, vivit vero in me Christus. „ Secundo in subditorum sollicitudine: unde dicebat Philip. 11. 17. „ Si immolor supra sacrificium, & obsequium fidei vestræ; gaudeo, & congratulor omnibus vobis... sicut & Christus obtulit semetipsum pro nobis; „ ut dicitur Ephes. v. 2. Tercio quantum ad passionis tolerantiam: II. Corinth. xv. 10. „ Semper mortificationem Iesu in corpore circumferentes: „ & Galat. ult. 17. „ Ego stigmata Domini Iesu in corpore meo porto. „ Est autem notandum, quod non simpliciter dicit, *Imitatores mei estote*; sed addit, *sicut & ego Christi*: quia scilicet subditi prælatos suos imitari non

debent in omnibus, sed in quibus illi Christus imitantur, qui est indeficiens sanctitatis exemplar.

Deinde cum dicit, *Laudo autem vos, fratres*, ostendit qualiter Corinthii se habebant ad admonitionem prædictam. Circa quod considerandum est, quod subditi suos prælatos sequuntur dupliciter, scilicet quantum ad facta, & dicta. Quantum quidem ad facta, dum subditi prælatorum exempla imitantur: unde dicitur Iacob. v. 10. „ Exemplum accipite, fratres mei, Prophetarum, qui locuti sunt in nomine Domini. „ Quantum vero ad dicta, dum eorum præceptis obediunt: Proverb. 111. 21. „ Custodi præcepta mea, & vives. „ In his autem Corinthii deficiebant, & maxime quantum ad maiorem multitudine; & ideo Apostolus alloquens eos, dicit: *Laudo autem vos, fratres*; quasi dicat: Super hoc laudandos vos præbere debetis, sed non facitis, quod per omnia memoravi vobis, quasi ad imitandum mea exempla: non enim possumus illorum exempla imitari quorum memoriam non habemus: unde dicitur Hebr. xiii. 7. „ Mementote præpositorum vestrorum... quorum imitantes exitum conversationis, imitamini fidem. „ Quantum vero ad dicta subdit: *Et sicut tradidi vobis, præcepta meo tenetis* quasi dicat: Eodem tenore observatis quo ego tradidi: hoc enim dicit, quia ab observantia præceptorum eius recesserant. Ioan. xv. 20. „ Si sermonem meum servaverunt, & vestrum servabunt. „

Sed videtur hic modus loquendi non esse conveniens veritati sacræ Scripturæ, quæ nihil patitur falsitatis, secundum illud Proverb. viii. 8. „ Iusti sunt omnes sermones mei, & non est in eis pravam quid, neque perversum. „

Sed dicendum, quod ironica locutio est una de locutionibus figurativis, in quibus veritas non attenditur secundum sensum quem verba faciunt, sed secundum id quod loquens exprimere intendit per simile, vel contrarium, vel quocumque alio modo. Et ideo in ironica locutione veritas attenditur secundum contrarium eius quod verba sonant, sicut in metaphorica secundum simile.

Deinde cum dicit, *Vale autem vos scire, fratres*, accedit ad propositum, instruens scilicet fideles de eucharistiæ sacramento: & circa hoc tria facit. Primo redarguit eorum errores circa ritum huius sacramenti; secundo ostendit huius sacramenti dignitatem, ibi, *Ego enim accepi a Domino*;

T t 2 ter-

tertio docet convenientem ritum, ibi, *Itaque fratres mei*. Circa primum tria facit. Primo redarguit errorem, quo scilicet errabant in habitu, quia scilicet mulieres ad sacra mysteria conveniebant capite non velato; secundo arguit errorem in conventu, quia scilicet dum convenirent ad sacra mysteria, contentionibus vacabant, ibi, *Hac autem præcipio vobis laudans*; tertio quantum ad certum cibum, quia scilicet pransi ad sacra mysteria sumenda accedebant, ibi, *Convenientibus autem vobis &c.* Circa primum duo facit. Primo præmittit quoddam documentum, ex quo sumitur ratio subsequens monitionis; secundo ponit monitionem, ibi, *Omnis autem vir crans, aut prophetans velato capite, deturpat caput suum*. Circa primum ponit triplicem comparisonem: quarum prima est Dei ad hominem, dicens: Dixi, quod præcepta mea tenetis per contrarium; sed ut appareat vos irrationabiliter agere, *volo vos scire*, tamquam rem necessariam, secundum illud Eia. v. 13. „Ca-
pitivus ductus est populus meus, quia non habuit scientiam: „ *quod omnis viri caput Christus est*: quod quidem dicitur secundum similitudinem capitis naturalis, in quo quatuor considerantur. Primo quidem perfectio, quia cum cetera membra unum solum sensum habeant, scilicet tactum, in capite vigent omnes sensus: & similiter in a-
liis viris inveniantur singulæ gratiæ, secundum illud quod dicitur infra xii. 8. *Alii datur per Spiritum sermo sapientia, alii sermo scientia &c.* sed in homine Christo est plenitudo omnium gratiarum: non enim ad mensuram dat ei Deus spiritum, ut dicitur Ios. 111. Secundo in capite invenitur sublimitas: quia ut scilicet in homine est superius omnibus membris, ita etiam Christus supereminet non solum omnibus hominibus, sed etiam omnibus Angelis, secundum illud Ephes. 1. 20. „Constituens illum „ ad dexteram suam in cælestibus super om-
nem Principatum, & Potestatem: „ & infra hoc cap. *Et ipsum dedit caput super e-
mnem Ecclesiam*. Tercio in capite invenitur influentia, quia scilicet quodam modo in-
fluit ceteris membris sensum, & motum. Ita a capite Christo in cetera membra Ec-
clesiæ, motus, & sensus spiritualis deriva-
tur, secundum illud Colos. 11. 19. „Non te-
nus caput, ex quo totum corpus per
nexus, & conjunctiones subministratum,
& constrictum crescit in augmentum Dei.“
Quarto in capite invenitur conformitas na-

turæ ad cetera membra, & similiter in
Christo ad alios homines, secundum illud
Philip. 21. 7. „In similitudinem hominum
„ factus, & habitu inventus ut homo.“
Secundam comparisonem ponit hominis ad
hominem, cum dicit: *Caput autem mulieris
vir*: quod etiam secundum prædicta quatuor
verificatur. Nam primo quidem vir est per-
fectior muliere, non solum quantum ad cor-
pus, quia, ut Philosophus dicit in Libro de
Generatione animalium (Lib. I. Phys. text.
lxxx1.) femina est masculus occasione-
tus; sed etiam quantum ad animæ vigorem,
secundum illud Eccle. vii. 29. „Virum ex
„ mille reperi unum, mulierem ex omni-
„ bus non inveni.“ Secundo quia vir na-
turaliter superminet femine, secundum il-
lud Ephes. v. 22. „Mulieres viris suis sub-
„ iectæ sint sicut Domino, quoniam vir ca-
„ put est mulieris.“ Tercio quia vir in-
fluit gubernando mulierem, secundum illud
Gen. 111. 16. „Sub viri potestate eris, &
„ ipse dominabitur tui.“ Quarto vir &
femina conformes sunt in natura, secun-
dum illud Gen. 11. 18. „Faciamus ei ad-
„ iutorium simile sibi.“ Tertiā comparationem
ponit Dei ad Dominum, cum di-
cit: *Caput vero Christi Deus*. Est autem con-
siderandum, quod hoc nomen *Christus* si-
gnificat personam prædictam ratione hu-
manæ naturæ; & sic hoc nomen *Deus* non
supponit solum personam Patris, sed totam
Trinitatem, a qua in humanitatem Christi,
sicut a perfectiori, omnia bona derivantur,
& coi humanitas Christi subicitur. Alio
modo potest intelligi, secundum quod hoc
nomen *Christus* supponit dictam personam
ratione divinæ naturæ: & sic hoc nomen
Deus supponit solum personam Patris; quæ
dicitur caput Filii, non quidem secundum
maiorem perfectionem, vel secundum ali-
quam suppositionem, (1.) sed secundum ori-
ginem, & secundum conformitatem natu-
ræ, sicut in Phil. 11. 7. dicitur: „Domini-
„ nus dixit ad me: Filius meus es tu, ego
„ hodie geoui te.“ Possunt tamen hæc my-
stice accipi, prout in anima est quoddam
spirituale coniugium. Nam sensualitas fe-
minæ comparatur; ratio vero viro, per
quem sensualitas regi debet: unde & ca-
put eius dicitur. Vel potius ratio inferior,
quæ inhæret temporalibus disponendis, mu-
lieri comparatur: viro autem ratio super-
ior, quæ vacat contemplationi æternorum:
quæ caput inferioris dicitur, quia secun-
dum rationes æternas sunt temporalia dis-
ponen-

(1.) *Id.* sed solum originem.

ponenda, secundum illud Exod. xxv. 40. autem caput viri Christus, quia sola ratio
 „ Inspice, & fac secundum exemplar quod
 „ tibi in monte monstratum est. “ Dicitur hæret.

LECTIO II.

Omnis autem vir orans, aut prophetans velato capite, deturpat caput suum; omnis autem mulier orans, aut prophetans non velato capite, deturpat caput suum: unum est enim ac si decalvetur. Nam & si non velatur mulier, condecoratur. Si vero turpe est mulieri tonderi, aut decalvari, velat caput suum. Vir quidem non debet velare caput suum, quoniam imago, & gloria Dei est; mulier autem gloria viri est.

Præmissis documentis subiungit admonitionem, cuius ratio sumitur ex documento prædicto: & circa hoc duo facit. Primo ponit admonitionem ex parte viri; secundo ex parte mulieris, ibi, *Omnis autem mulier orans, aut prophetans non velato capite, deturpat caput suum.* Dicit ergo primo: *Dictum est, quod caput mulieris est vir; omnis autem vir orans, aut prophetans velato capite, deturpat caput suum.* Circa quod considerandum est, quod quilibet homo iudici assilens, suam conditionem, vel dignitatem debet proferri, & præcipue assilens Deo, qui est omnium iudex: & ideo qui Deo assilunt, ordinatissime, & convenientissime se gerere debent, secundum illud Eccle. iv. 17. „ Custodi pedem tuum in „ grediens domum Dei. “ Dupliciter autem homo Deo assiluit. Uno modo humana ad Deum referens, quod quidem fit orando, secundum illud Eccle. xxxix. 6. „ In „ conspectu Altissimi deprecabitur, aperiet „ os suum in oratione, & pro delictis suis „ deprecabitur. “ Alio modo divina ad homines deferens, quod quidem fit prophetando, secundum illud Joel. ii. 28. „ Effundam spiritum meum super omnem carnem, & prophetabunt filii vestri. “ Unde signanter Apostolus dicit: *Viri orans, aut prophetans:* his enim duobus modis vir Deo tanquam iudici, vel domino assiluit. Dicitur autem prophetans dupliciter. Uno modo in quantum homo aliis annuntiat quæ ei divinitus revelantur, secundum illud Luc. i. 67. „ Zacharias pater eius impletus est „ Spiritu sancto, & prophetavit, dicens: „ Benedictus Dominus Deus Israel &c. “ Alio modo dicitur homo prophetans, in quantum profert ea quæ sunt aliis revelata: unde illi qui in Ecclesia dicunt prophetias, vel alias sacras Scripturas legunt, dicuntur prophetantes: & sic accipitur infra xiv. 4. *Qui prophetas, & Ecclesiam edificas:*

& ita etiam hic accipitur. Pertinet autem ad dignitatem viri (ut infra patebit) credere velamine capitis; & ideo dicit, quod *omnis vir orans, aut prophetans velato capite, deturpat caput suum;* id est, rem inconvenientem sibi agit. Sicut enim in corpore pulchritudo dicitur ex debita proportionem membrorum in convenienti claritate, vel colore; ita in actibus humanis dicitur pulchritudo ex debita proportionem verborum, vel factorum, in quibus lumen rationis resplendet. Unde & per oppositum turpitudine intelligitur, quando contra rationem aliquid agitur, & non observatur debita proportio in verbis, & factis: unde supra vii. 36. dictum est: *Si quis turpem se videri existimat super virgine sua, quod fit superadulta.*

Sed contra hoc obijciunt: nam multi velato capite in Ecclesia orant absque omni turpitudine, secretius orare volentes.

Dicendum est autem, quod duplex est oratio: una privata, quam scilicet quis Deo offert in propria persona; alia publica, quam quis offert Deo in persona totius Ecclesie, ut patet in orationibus quæ in Ecclesia per sacerdotes dicuntur: & de talibus orationibus Apostolus hic intelligit.

Item obijciunt de hoc quod dicit Glossa, quod prophetans dicitur Scripturas referans, & secundum hoc ille qui prædicat, prophetat. Episcopi autem prædicant capite tecto mitra.

Sed dicendum est, quod ille qui prædicat, vel docet in scholis, ex propria persona loquitur: unde & Apostolus Rom. ii. nominat Evangelium suum, scilicet propter industriam quæ utebatur in præcatione Evangelii: sed ille qui sacram Scripturam in Ecclesia recitat, puta legendo lectionem, vel epistolam, vel Evangelium, ex persona totius Ecclesie loquitur: & de tali prophetante intelligitur quod hic Apostolus dicit.

Sed

Sed tunc remanet obiectio de his qui cantant Psalmos in choro capite tecto. Sed dicendum, quod Psalmi non cantantur quasi ab uno singulariter se Deo præstante, sed quasi a tota multitudine.

Deinde cum dicit, *Omnis autem mulier etc.* ponit admonitionem quantum ad mulieres, dicens: *Omnis autem mulier orans, aut prophetans, ut supra, non velato capite, quod repugnat propter conditionem eius, deturpat caput suum*; idest, rem inconvenientem facit circa sui capitis detectionem.

Sed contra hoc obicitur, quia Apostolus dicit I. Tim. 11. 12. „Docere in Ecclesia, mulieri non permitto.“ Quomodo ergo competit mulieri ut oret, aut propheteret publica oratione, aut doctrina?

Sed dicendum est, hoc intelligendum esse de orationibus, ac lectionibus quas mulieres in suis collegiis proferunt.

Deinde cum dicit, *Unum est enim ac si decalvetur*, probat admonitionem prædictam: & primo inducit probationem; secundo probationis iudicium auditoribus committit, ibi, *Vos ipsi iudicate*. Circa primum duo facit. Primo inducit probationem; secundo excludit obiectionem, ibi, *Verumtamen neque vir sine muliere, neque mulier sine viro in Domino*. Circa primum ponit triplicem probationem: quarum prima sumitur per comparisonem ad humanam naturam; secunda per comparisonem ad Deum, ibi, *Vir quidem non debet velare caput suum*; tertia per comparisonem ad Angelos. Circa primum considerandum est, quod natura quæ ceteris animalibus providit auxilia sufficientia vitæ, hominibus præbuit ea imperfecta, ut per rationem arte, usu, manu sibi ea perficerent: sicut tauris dedit cornua ad defensionem; homines autem arma defensionis sibi præparant manuali artificio rationis: & inde est quod ars imitatur naturam, & perficit ea quæ natura facere non potest. Sic igitur ad tegumentum capitis natura homini dedit capillos; sed quia hoc tegumentum sufficiens non est, per artem præparat homo sibi aliud velamen. Eadem igitur ratio est de velamine naturali capillorum, & de velamine artificiali. Naturale autem est mulieri quod comam nutriat: habet enim ad hoc dispositionem naturalem, & ulterius inclinatio quædam inest mulieribus ad comam nutriendam. In pluribus enim hoc accidit quod mulieres magis student ad nu-

triendam comam quam viri. Videtur ergo conditioni mulierum conveniens esse quod magis utantur (a) artificiali velamine capitis quam viri. Circa hoc ergo tria facit. Primo ponit convenientiam velaminis naturalis, & artificialis, dicens: Didum est: *Mulier non velans caput, deturpat caput suum*; unum est enim, scilicet unius rationis, privari scilicet velamine artificiali, ac si decalvetur; idest, ac si privetur naturali velamine capillorum, quod in poenam quibuldam prædicitur Esa. 111. 17. „Decalvabit Dominus verticem filiarum Sion, & crinem earum nudabit.“ Secundo ducit ad inconvenientem, dicens: *Nam & si non velatur mulier, tondetur*; quasi dicat: Si abiicit velamen artificiale, abiiciat pari ratione etiam naturale; quod est inconveniens.

Sed contra hoc videtur esse quod sanctionales tondentur. Ad quod dupliciter potest responderi. Primo quidem quia ex hoc ipso quod votum viduitatis, vel virginittis assumunt, Christo desponsante, promoveantur in dignitatem virilem, utpote liberatæ a subiectione virorum, & immediate Christo coniunctæ. Secundo quia assumunt poenitentia lamentum religionem intrantes. Est autem consuetudo viris quod tempore ludus comam nutriant, quasi hoc sit suæ conditioni conveniens; mulieres autem e contrario tempore ludus comam deponunt: unde dicitur Hierem. vii. 29. „Capillum tuum tonde, & proice, & sime in directum plantum.“ Tertio concludit propositum, dicens: *Si viro tupto, idest indecens, est mulieri tonderi, aut decalvari*, idest privari naturali velamine arte, vel natura, *vel caput suum* s. utens scilicet velamine artificiali.

Deinde cum dicit, *Vir quidem non debet velare caput suum*, ponit secundam probationem, quæ accipitur per comparisonem ad Deum: & primo inducit (b) probationem; secundo probat quod supposuerat, ibi, *Non enim est vir ex muliere, sed mulier ex viro*. (c) Circa primum duo facit. Primo ponit rationem eius quod est ex parte viri; secundo illud quod est ex parte mulieris, ibi, *Mulier autem gloria viri est*. Dicit ergo primo: Didum est quod turpe est mulieri tonderi, sicut & non velari; viro autem non est turpe: cuius ratio est hæc. *Vir quidem non debet velare caput suum, quia est imago, & gloria Dei*.

Per hoc autem quod dicit, *Est imago Dei*, exclu-

(a) *Al.* deest artificiali. (b) *Al.* ad probationem. (c) *Al.* omittuntur sequentia usque ad illud. Dicit ergo primo.

excludit quorundam error, dicentium, quod homo solum est ad imaginem Dei, non autem est imago; cuius contrarium hic Apostolus dicit. Dicebant autem, quod solus Filius est imago, secundum illud Coloss. 1. 15. „Qui est imago invisibilis Dei.“ Est ergo dicendum, quod homo imago Dei dicitur, & ad imaginem: est enim imago imperfecta: Filius autem dicitur imago, non ad imaginem, quia est imago perfecta.

Ad cuius evidentiā considerandum est, quod de ratione imaginis in communi duo sunt. Primo quidem similitudo, non inquit, bulcumque, sed vel (a) in ipsa specie rei, sicut homo filius assimilatur patri suo; vel in aliquo quod sit signum speciei, sicut figura in rebus corporalibus. Unde qui figuram equi describunt, dicuntur imaginem eius depingere. Et hoc est quod dicit Hilarius in Lib. de Synodis, quod imago est speciei indifferens. Secundo requiritur origo. Non enim duorum hominum, qui sunt similes specie, unus imago alterius dicitur, nisi ex eo oriatur, sicut filius a patre: nam imago dicitur ad exemplari. Tercio ad rationem perfectæ imaginis requiritur æqualitas. Quia igitur homo similatur Deo secundum memoriam, intelligentiam, & voluntatem mentis, quod pertinet ad speciem intellectus naturalis naturæ, & hoc habet a Deo, dicitur esse Dei imago: quia tamen deest æqualitas, est Dei imago imperfecta: & ideo dicitur ad imaginem, secundum illud Gen. 1. 26. „Faciamus hominem ad imaginem & similitudinem nostram.“ Sed Filius, qui est æqualis Patri, est imago perfecta, non autem ad imaginem.

Considerandum est etiam, quod gloria Dei dupliciter dicitur. Uno modo quia Deus in se gloriosus est; & sic homo non est gloria Dei, sed potius Deus est gloria hominis, secundum illud Psal. 111. 4. „Tu, Domine, ne, susceptor meus es, & gloria mea.“ Alio modo dicitur gloria Dei, claritas eius ab eo derivata, secundum illud Exod. ult. 32. „Gloria Domini implevit illud.“ Et hoc modo hic dicitur, quod vir est gloria Dei, inquantum claritas Dei immediate super virum resurget, secundum illud Psal. 118. 7. „Signatum est super nos lumen vultus tui, Domine.“

(a) Ad deest propositio in.

Deinde cum dicit, *Mulier autem &c. po.* nit id quod est ex parte mulieris, dicens: *Mulier autem est gloria viri:* quia claritas mulieris derivatur a viro, secundum illud Genes. 11. 23. „Hæc vocabitur virago, quoniam de viro sumpta est.“

Sed contra hoc obicitur, quia imago Dei attenditur in homine secundum spiritum, in quo non est differentia maris, & feminae, ut dicitur Coloss. 111. non ergo magis debet dici, quod vir dicitur imago Dei quam mulier.

Dicendum est autem, quod vir dicitur hic specialiter imago Dei secundum quendam exteriora, scilicet quia vir est principium totius viri generis, sicut Deus est principium totius universi, & quia de latere Christi dormientis in cruce, fluxerunt sacramenta sanguinis & aquæ, a quibus fabricata est Ecclesia. Potest etiam quantum ad interiora dici, quod vir specialius dicitur imago Dei secundum mentem, inquantum in eo ratio magis viget. Sed melius dicendum est, quod Apostolus signanter loquitur: nam de viro dixit, quod vir imago, & gloria Dei est; de muliere autem non dixit, quod esset imago, & gloria viri, sed solum quod est gloria viri: ut detur intelligi quod esse imaginem Dei, commune est viro, & mulieri; esse autem gloriam Dei, immediate proprium est viri.

Restat autem considerandum, propter quid vir non debeat velare caput, sed mulier. Quod quidem dupliciter accipi potest. Primo quidem quia velamen quod capiti superponitur, designat potestatem alterius super caput existentis ordine naturæ; & ideo vir sub Deo existens, non debet velamen habere super caput, ut ostendat se immediate Deo subesse; mulier autem debet velamen habere, ut ostendat se præter Deum alteri naturaliter subesse. Unde cessat obiectio de servo, & subdito, quia hæc subiectio non est naturalis. Secundo ad ostendendum quod gloria Dei non est occultanda, sed revelanda; gloria autem hominis est occultanda: unde in Psal. cxiii. 1. dicitur: „Non nobis, Domine, non nobis, sed nomini tuo da gloriam.“

LECTIO III.

Non enim vir ex muliere est, sed mulier ex viro : etenim non est creatus vir propter mulierem, sed mulier propter virum : ideo debet mulier velamen ; habere super caput suum & propter Angelos . Verumtamen neque vir sine muliere, neque mulier sine viro in Domino . Nam sicut mulier de viro , ita & vir per mulierem : omnia autem ex Deo . Vos ipsi iudicate . Decet mulierem non velatam orare Deum ? Nec ipsa natura docet vos . Quod vir quidem si comam nutriat, ignominia est illi ; mulier veto si comam nutriat , gloria est illi, quoniam capilli pro velamine ei dati sunt . Si quis autem videtur contentiosus esse ; nos talem consuetudinem non habemus, neque Ecclesia Dei .

Premiserat Apostolus quod mulier est gloria viri, quod hic probare intendit : & circa hoc tria facit . Primo ponit probationem ; secundo assignat rationem eius quod dixerat, ibi, *Etenim non est creatus vir propter mulierem* ; tertio infert conclusionem intentam, ibi, *Idco debet mulier velamen habere super caput suum* . Circa primum considerandum est, quod, sicut supra dictum est, mulier dicitur gloria viri per quamdam derivationem : & ideo ad hoc probandum subdit : *Non enim, prima scilicet rerum conditione, vir est ex muliere, scilicet formatus, sed mulier ex viro* : dicitur enim Gen. 11. 22. quod „ ædificavit Dominus Deus coelam, quam tulerat de Adam, in muliere rem : “ de viro autem dicitur ibid. 7. „ Formavit Dominus Deus hominem de limbo terræ . “

Deinde cum dicit, *Etenim non est creatus vir propter mulierem*, assignat rationem eius quod dixerat . Ad cuius evidentiam considerandus est talis ordo perfecti, & imperfecti, quod imperfectum in uno & eodem subiecto prius est tempore quam perfectum : prius enim aliquis homo est puer quam vir : simpliciter tamen perfectum (a) est prius imperfecto, tempore, & natura : nam puer producitur ex viro . Hæc igitur est ratio quare mulier producta est ex viro, quia perfectior est muliere : quod ex hoc probat Apostolus, quia finis est perfectior eo quod est ad finem ; vir autem est finis mulieris : & hoc est quod dicit : *Etenim non est creatus vir propter mulierem, sed mulier propter virum*, in adiutorium scilicet generationis ; sicut patiens est propter agens, & materia propter formam . Unde dicitur Gen. 11. 18. „ Non est bonum hominem esse solum : faciamus ei adiutorium simile sibi . “

Deinde cum dicit, *Idco debet mulier velamen habere*, infert conclusionem intentam dicens : *Idco*, scilicet quia vir est imago, & gloria Dei, mulier autem est gloria viri, mulier debet habere velamen super caput suum, quando scilicet Deo assistit orando, vel propheterando ; ut per hoc ostenditur quod non immediate subest Deo, sed subicitur etiam viro sub Deo : hoc enim significat velamen quod capiti superponitur : unde alia littera habet, quod *mulier debet habere potestatem super caput suum* : & idem est sensus : nam velamen est signum potestatis, secundum quod in Psalm lxx. 11. dicitur : „ Impoluiisti homines super capita nostra . “

Deinde cum dicit, *Et propter Angelos*, assignat tertiam rationem, quæ sumitur ex parte Angelorum, dicens : *Et etiam mulier debet habere velamen super caput suum propter Angelos* : quod quidem dupliciter intelligi potest . Uno modo de ipsis Angelis celestibus, qui conventus fidelium visitare creduntur, præcipue quando sacra mysteria celebrantur . Et ideo tunc tam mulieres quam viri ad reverentiam eorum honeste, & ordinate se debent habere, secundum illud Psalm. cxxxvvi. 2. „ In conspectu Angelorum psallam tibi . “ Alio modo potest intelligi, secundum quod Angeli dicuntur sacerdotes, in quantum divina populo annuntiant, secundum illud Malach. 11. 7. „ Labia sacerdotis custodiant scientiam, & legem requirant ex ore eius, quia Angelus Domini exercituum est . “ Debet ergo mulier velamen habere semper in Ecclesia propter Angelos, id est propter sacerdotes duplici ratione . Primo quidem propter eorum reverentiam, ad quam pertinet quod mulieres coram eis honeste se habeant : unde dicitur Eccli. vii. 33. „ Honora Deum ex tota anima tua, & sacerdotes illius . “

Secun-

(a) . id est prius imperfecto etiam tempore, et natura.

Secundo propter eorum cantelam, ne scilicet ex conspectu mulierum non velatarum ad concupiscentiam provocentur: unde dicitur Eccli. 11. 5. „ Virginem ne aspicias, „ ne forte scandalizeris in decore illius. “

Augustinus autem (Lib. XII. de Trinit. cap. vii.) aliter exponit prædicta: ostendit enim quod tam mulier quam vir est ad imaginem per hoc quod dicitur Ephes. 19. 23. „ Renovamini spiritu mentis vestræ, „ & induite novam hominem, qui renovatur in agnitione Dei secundum imaginem „ eius qui creavit eum, ubi non est masculus, & femina. “ Et sic patet quod imago Dei attenditur in homine secundum spiritum, in quo non est differentia masculi, & femine; & ideo mulier est imago Dei sicut & vir. Expresse enim dicitur Genes. 1. quod creavit Deus hominem ad imaginem suam, masculum, & feminam creavit eos. Et ideo Augustinus dicit hoc esse intelligendum in spirituali coniugio, quod est in anima nostra, in qua, sicut supra dictum est, sensualitas, vel etiam inferior ratio, se habet per modum mulieris; ratio autem superior per modum viri, in qua attenditur imago Dei: & secundum hoc mulier est ex viro, & propter virum: quia administratio rerum temporalium, vel sensibilibus, (a) cui intendit inferior ratio, vel etiam sensualitas, debent deduci ex contemplatione æternorum, quæ pertinent ad superiorem rationem, & ad eam ordinari. Et ideo mulier dicitur habere velamen, vel potestatem super caput suum, ad significandum quod circa temporalia dispensanda debet homo cohibitionem quamdam, & refectionem habere, ne ultra modum homo progrediatur in eis diligendis: quæ quidem cohibitio circa amorem Dei adhiberi non debet, cum præceptum sit Deut. 10. 5. „ Diliges Deum, „ minus Deum tuum ex toto corde tuo. “ Nam circa desiderium finis non apponitur mensura, quam necesse est apponi circa ea quæ sunt ad finem. Medicus enim sanitatem inducit quanto perfectiorem potest, non tamen dat medicinam quanto maiorem potest, sed secundum determinatam mensuram. Sic vir non debet habere velamen super caput; & hoc debet propter Angelos sanctos: quia, sicut in Glossa dicitur, gratuita est sanctis Angelis sacra & pia significatio. Unde & Augustinus dicit de Civitate Dei (Lib. XXI. cap. vi.) quod demones alliciuntur quibusdam sensibilibus rebus, non sicut anima-

S. Tb. Oper. Tom. VI.

lis cibus, sed sicut spiritus signis.

Deinde cum dicit, *Verumtamen neque vir sine muliere* &c. excludit dubitationem quæ posset ex dictis oriri. Quia enim dixerat, quod vir est gloria Dei, mulier autem est gloria viri; posset aliquis credere vel quod mulier non esset ex Deo, vel quod non haberet potestatem in gratia. Unde primo hoc excludit dicens: Licet mulier sit gloria viri, qui est gloria Dei, *verumtamen neque vir est in Domino*, id est a Domino productus, *sine muliere*, neque mulier sine viro: utrumque enim Deus fecit, secundum illud Gen. 1. 27. „ Masculum, & feminam creavit eos. “ Vel aliter. *Neque vir est sine muliere in Domino*, scilicet in gratia Domini nostri Iesu Christi, *neque mulier sine viro*: quia uterque per gratiam Dei salvatur, secundum illud Galat. 3. 11. 27. „ Quicumque in Christo baptizati estis, Christum induistis: “ & postea subdit: „ Non est masculus, neque femina, “ scilicet differens in gratia Christi. Secundo assignat rationem dicens: *Nam sicut in prima rerum institutione mulier est de viro formata*, ita & in subsequentibus generationibus *vir per mulierem productus est*, secundum illud Iob 31. 1. „ Homo, natus de muliere, “ Nam prima productio hominis fuit sine viro, & muliere, quando Deus formavit hominem de limo terræ, ut dicitur Genes. 1. Secunda autem fuit de viro sine muliere, quando formavit Evam de costa viri, ut ibidem legitur. Tertia autem est ex viro, & muliere, sicut Abel natus est ex Adam, & Eva, ut legitur Genes. 4. Quarta autem est ex muliere sine viro, ut Christus ex virgine, secundum illud Galat. 4. 1. „ Misit Deus Filium suum factum ex muliere. “ Tertio ostendit rationem esse convenientem, dicens: *Omnia autem ex Deo*: quia scilicet & hoc ipsum quod mulier primo fuit ex viro, & hoc quod postmodum vir est ex muliere, est ex operatione divina: unde ad Deum pertinent tam vir quam mulier. Unde dicitur Rom. 11. 36. „ Ex ipso, „ & per ipsum, & in ipso sunt omnia.

Deinde cum dicit, *Ver ipsi indicant*, committit iudicium eius quod dixerat, auditibus; & circa hoc duo facit. Primo committit iudicium rationalibus auditoribus; secundo comprimit protervos auditores; ibi, *Si quis autem videtur contentiosus esse; nos talem consuetudinem non habemus*. Circa primum quatuor facit. Primo committit au-

V u di-

(a) M. cal terdit.

dicoribus iudicium eius quod dixerat, more eius qui confidit se sufficienter probasse, dicens: *Vos ipsi indicat*. Pertinet ad bonum audiremore iudicare de auditis: unde dicitur Iob vi. 29. „Loquentes id quod iustum est indicat:“ & xii. 21. „Non, ne auris verba diiudicat?“ Secundo proponit sub quaestione id de quo debet esse iudicium, dicens: *Docet mulierem non velatam orare Deum?* Hoc prohibetur I. Petr. iii. 3. ubi dicitur: „Quarum sit non ex, terius capillatura.“ Tertio ostendit unde debeant sumere suum iudicium, quia ab ipsa natura; & hoc est quod dicit: *Nec ipsa natura docet vos.* Et vocat hic naturam, ipsam inclinationem naturalem quæ inest mulieribus ad nutriendum comam, quæ est naturale velamen, non autem viris. Quæ quidem inclinatio naturalis esse ostenditur, quia in ploribus invenitur. Oportet autem ab ipsa natura doceri, quia est Dei opus; sicut in pictura instruitur aliquis artificio pictoris: & ideo contra quosdam dicitur Esa. xxiv. 5. „Transgressi sunt leges, mutaverunt ius, dissipaverunt sœdus sempiternum,“ idest ius naturale. Quarto autem a natura sumit rationem, & primo ponit id quod est ex parte viri, dicens: *Quod vir quidem si comam nutrit, more mulieris, ignominia est illi;* idest, ad ignominiam ei reputatur apud plures homines, quia per hoc videtur muliebrius esse. Et (a) ideo Ezech. xlv. 20. dicitur: „Sacerdotes comam non nutriant.“ Nec est infantia de quibusdam qui in veteri lege comam (b) nutriebant: quia hoc erat signum (c) quod tunc erat positum in lectione veteris testa-

menti, ut dicitur II. Corinth. xii. Secundo ponit id quod est ex parte mulieris, dicens: *Mulier & si comam nutrit, gloria est illi:* quia videtur ad ornatum eius pertinere: unde dicitur Cantic. vii. 5. „Comæ capitis eius sicut purpura Regis.“ Et assignat consequenter rationem, cum dicit: *Quoniam capilli dati sunt ei, scilicet mulieri, pro velamina:* & ideo eadem ratio est de capillis nutriendis, & de velamine artificiali apponendo. Cantic. xv. 1. „Capilli tui sicut grex caprarum.“

Deinde cum dicit, *Si quis autem videtur contentiosus esse etc.* comprimit protervos audientes, dicens: *Si quis autem videtur contentiosus esse, ut scilicet rationibus prædictis non acquiescat, sed confidentia clamoris veritatem impugnet, quod pertinet ad contentionem, ut Ambrosius dicit, contra id quod dicitur Iob vi. 29. „Respondete, obsecro, absque contentione:“ & Prov. xx. 3. „Honor est ei qui separat se a contentionibus:“ hoc sufficit ad comprimentum talem, quod nos, Iudei in Christum credentes, talem consuetudinem non habemus, scilicet quod mulieres orent non velato capite, neque etiam tota Ecclesia Dei, per Gentes diffusa. Unde si nulla esset ratio, hoc solum deberet sufficere, ne aliquis ageret contra communem Ecclesiæ consuetudinem. Dicitur enim in Psal. lxxvii. 7. „Qui habitare facit unius moris in domo.“ Unde Augustinus dicit in epistola ad Casulanum, quod in omnibus in quibus nihil certi diffinit sacra Scriptura, mos populi Dei, atque instituta maiorum pro lege habenda sunt.*

LECTIO IV.

Hoc autem præcipio, non laudans quod non in melius, sed in deterius convenitis. Primum quidem convenientibus vobis in Ecclesiam, audio scissuras esse inter vos, & ex parte credo. Nam oportet & hæreses esse, ut qui probati sunt, manifesti fiant in vobis. Convenientibus ergo vobis in unum, iam non est dominicam cœnam manducare. Unusquisque enim suam cœnam præsumit ad manducandum; & alius quidem esurit, alius autem ebrius est. Numquid domos non habetis ad manducandum, & bibendum? An Ecclesiam Dei contemnitis, & confunditis eos qui non habent? Quid dicam vobis? Laudo vos! In hoc non laudo.

Postquam Apostolus redarguit Corinthios de eorum errore in habitu, quia scilicet mulieres ad sacra mysteria conveniebant capite non velato, consequenter arguit eo-

rum errorem de scissuris in conventu, quia scilicet dum convenirent ad sacra mysteria, contentionibus vacabant: & primo tangit eorum defectum in generali, secundo in specialia.

(a) *Id.* deest ideo. (b) *Id.* nutrierunt. (c) *Supple* velaminis.

ciali, ibi, *Primum quidem conventibus vobis in Ecclesiam, audio scissuras esse inter vos.* Dicit ergo primo: *Hec autem*, quod dictum est supra, quod mulieres velatae sint in Ecclesiis, *præcipio*: ut sic tripliciter eos induceret ad huiusmodi obervantiam: primo quidem ratione; secundo consuetudine; tertio præcepto, quod solum sine aliis necessitatem induceret: Proverb. 11. 21. „Custodi præcepta mea, & vives:“ & Eccl. 15. 12. dicitur: „Funiculus triplex difficile rampitur:“ non laudans, sed magis vituperans, quod convenitis in Ecclesiam, non in melius, sicut deberet esse, sed in deterius, ex culpa vestra. Omnia enim animalia gregalia, puta columbae, grues, oves, naturali instinctu in unum conveniunt, ut sit eis corporaliter melius: unde & homo, eum sit animal gregale, vel sociale, ut Philosophus probat l. Lib. Politic. secundum rationem agere debet, ut multi in unum conveniant propter aliquod melius, sicut in rebus secularibus multi in unitatem civitatis conveniunt, ut sit eis melius seculariter, scilicet propter securitatem, & sufficientiam vitae. Et ideo fideles in unum convenire debent propter aliquod melius spirituale, secundum illud Psal. c1. 23. „In conventu populus in unum, & Reges uterviant Domino:“ & alibi Psal. ex. 1. „In consilio iustorum, & congregatione, magna opera Domini.“ Sed isti in deterius conveniebant propter culpas quas committebant dum convenirent. Esa. 1. 13. „Initium qui sunt cectus vestri.“ Eccl. xxi. 11. „Stuppa collecta synagoga peccantium.“ Deinde cum dicit, *Primum quidem* Cr. ponit in speciali quomodo in deterius convenirent: & primo ponit indicium culpæ, dicens: *Primum quidem*, inter cetera scilicet quod in deterius convenitis, *conventibus vobis in Ecclesiam, audio scissuras esse inter vos*, scilicet per contentiones quas exercebant: quod quidem Ecclesiae non convenit, quæ in unitate constituitur, secundum illud Ephes. 15. 4. „Unum corpus, & unus spiritus, sicut vocati estis in una spe vocationis vestrae.“ Hoc tamen prædicitur Esa. xxi. 9. „Scissuras civitatis David videtis, quia multiplicatae sunt.“ Dicit autem Glossa, quod dicendo, *Primum* ostendit quod primum malum est dissensio, unde cetera oriuntur: ubi enim est dissensio, nihil rectum est.

Sed contra videtur esse quod dicitur Eccl. x. 15. „Initium omnis peccati superbia:“ & l. Timoth. ult. 16. „Radix omnium malorum cupiditas.“

Dicendum est autem, quod hæc auctoritates loquuntur quantum ad peccata personalia singularium hominum, quorum primum est superbia ex parte averisionis, & cupiditas ex parte conversionis. Sed Glossa hic loquitur de peccatis multitudinis, inter quæ primum est dissensio, per quam solvitur rigor disciplinæ. Unde dicitur Iacob. 11. 16. „Ubi est zelus, & contentio, ibi inconstantia, & omne opus pravum.“

Secundo ponit eruditatem auditorum, cum dicit: *Et ex parte credo*, id est quantum ad aliquos vestrum, qui erant ad contentionem proni, secundum illud quod dixerat supra 1. 11. *Contentiones sunt inter vos. Hoc autem dico, quod unusquisque vestrum dicit, Ego quidem sum Pauli, ego Apollos, ego vero Cephas.* Alii vero non erant contentiosi, ex quorum persona ibi subditur: *Ego autem Christi.* Unde & Cant. 11. 2. dicitur: „Sicut lilium inter spinas, sic amica mea inter filias,“ id est boni inter malos.

Tertio assignat rationem fæ credulitatis, dicens: *Nam oportet*, non solum quicumque scissuras, sed etiam hæreses esse. Ubi duo considerata sunt. Primum quid sit hæresis; secundo quomodo oportet hæreses esse. Circa primum sciendum, quod, sicut Hieronymus dicit super Epistolam ad Galatas, hæresis Græce ab electione dicitur, quia scilicet eam sibi unusquisque eligat disciplinam quam putat esse meliorem: ex quo duocipi possunt. Primum quidem quod de ratione hæresis est quod aliquis privatam disciplinam sequatur, quasi per electionem propriam, non autem disciplinam publicam, quæ divinitus traditur; secundo quod huic disciplinæ aliquis pertinaciter inhæreat: nam electio firmam importat inhaesionem; & ideo hæreticus dicitur qui spernens disciplinam fidei, quæ divinitus traditur, pertinaciter proprium errorem sectatur. Pertinet autem aliquid ad disciplinam fidei dupliciter. Uno modo directe, sicut articuli fidei, qui per se credendi proponuntur: unde error circa eos secundum se facit hæreticum, si pertinacia addit. Non possunt autem a tali errore propter simplicitatem aliquam excusari, præcepit quantum ad ea de quibus Ecclesia solemnizat, & quæ communiter verantur in ore fidelium, sicut mysterium Trinitatis, nativitatis Christi, & alia huiusmodi. Quædam vero indirecte pertinent ad fidei disciplinam, in quantum scilicet ipsa non proponuntur ut prout se credenda, sed ex negatione eorum sequitur aliquid contrarium fidei; sicut si negetur Isaac fuisse filius Abraham, se-

quitur aliquid contrarium fidei, scilicet sacram Scripturam continere aliquid falsi. Ex talibus autem non indicatur aliquis hæreticus, nisi adeo pertinaciter perseveret quod ab errore non recedat, etiam viso quid ex hoc sequatur. Sic igitur pertinacia qua aliquis contemnit in his quæ sunt fidei directe, vel indirecte, subire iudicium Ecclesiæ, facit hominem hæreticum. Talis autem pertinacia procedit ex radice superbiæ, qua aliquis præfert sensum suum toti Ecclesiæ. Unde Apostolus dicit I. ad Tim. vi. 3. „Si quis aliter docet, & non acquiescit sanis sermonibus Domini nostri Iesu Christi, & ei quæ secundum pietatem est, doctrinæ, superbus est, nihil sciens, sed languens circa quæstiones, & pugnas verborum.“

Secundo considerandum est, quomodo oportet hæreses esse. Si enim opportunum est hæreticos esse, videtur quod sint commendabiles, & non sint extirpandi. Sed dicendum est, quod dupliciter de aliquo dicitur, quod oportet illud esse. Uno modo ex intentione illius qui hoc agit; puta si dicamus, quod oportet iudicia esse, quia scilicet iudices iudicia exercentes intendunt iustitiam, & pacem in rebus humanis constituere. Alio modo ex intentione Dei, qui etiam mala ordinat in bonum, sicut persecutionem tyrannorum ordinavit in gloriam martyrum. Unde Augustinus dicit in Enchyridion (cap. 11.) quod „Deus est adeo bonus quod nullo modo permetteret fieri aliquod malum, nisi esset adeo potens quod de quolibet malo posset elicere bonum;“ & secundum hoc dicitur Matth. xxi. 7. „Necesse est ut veniant scandalum, & verumtamen vae homini illi per quem scandalum venit.“ & secundum hoc hic dicit Apostolus, quod oportet hæreses esse, ex eo quod Deus malitiam hæreticorum ordinavit in bonum fidelium. Et hoc dicit primo quidem ad maiorem declarationem veritatis: unde dicit Augustinus de Civ. Dei Lib. XVI. in Glossa: „Ab adversario mota quæstio, discendi existit occasio. Multa quippe ad fidem catholicam pertinentia, dum hæreticorum callida iniquitate excogitantur, ut adversus eos defendi possint, & considerantur diligentius, & intelliguntur clarius, & prædicantur instantius.“ Unde & Prov. xxvii. 17. „Ferrum ferro acuitur, & homo exacuit faciem amici sui.“ Secundo ad manifestandam infirmitatem fidei in his qui recte credunt; & hoc est quod hic iubdit Apostolus: *Ut qui probati, idest approbati sunt a Deo, manifesti fiant in vo-*

his, idest inter vos. Sap. 11. 6. „Tamquam aurum in fornace probavit illos.“

Deinde cum dicit, *Convenientibus ergo vobis &c.* redarguit eos de tertio delicto, quia scilicet peccabant in modo, & ordine sumendi corpus Christi. Et potest totum quod sequitur, dupliciter exponi. Secundum autem primam expositionem redarguuntur de hoc quod corpus Christi pransi accipiebant. Circa hoc ergo quatuor facit. Primo ponit detrimentum quod incurrerant; secundo ponit culpam, ibi, *Unusquisque enim suam cenam præsumit*; tertio inquit de causa culpæ, ibi, *Numquid domus non habetis ad manducandum, & bibendum?* quarto concludit eorum vituperationem, ibi, *Quid dicam vobis?* Dicit ergo primo ita. *Convenientibus vobis, scilicet sunt inter vos.* Ergo convenientibus vobis in unum, corpore, non animo, iam ad hoc adventis quod non est, idest non licet, vel non competit vobis, *dominicum cenam manducare*, idest sumere eucharistie sacramentum, quod Dominus in cena discipulis dedit. Hoc enim sacramentum, ut Augustinus dicit super Ioan. (tract. xxvi.) est sacramentum unitatis, & caritatis; & ideo non competit dissidentibus. Cant. v. 1. „Comedite amici, & bibite, & inebriamini carissimi.“ Vel melius potest referri ad ea quæ sequuntur, ut sit sensus. Non solum convenientibus vobis scilicet sunt inter vos, sed vobis convenientibus, iam, idest in præsentem, hoc determinatum habetis, quod non est, idest non licet vobis, *dominicum cenam manducare*, ad quam pransi acceditis. Quia enim Dominus discipulis suis post cenam hoc sacramentum tradidit, ut legitur Matth. xxvi. volebant etiam Corinthii post communem cenam sumere corpus Christi. Sed Dominus hoc rationabiliter fecit propter tria. Primo quidem quia ordine congruo figura præcedit veritatem. Agnus autem paschalis erat figura, sive umbra huius sacramenti; & ideo post cenam agni paschalis, Christus hoc sacramentum dedit. Dicitur enim Coloss. 11. 17. de omnibus legalibus, quod „sunt umbra futurorum, corpus autem Christi.“ Secundo ut ex hoc sacramento sciatim ad passionem transferret, cuius hoc sacramentum est memoriale; & ideo dixit discipulis, Ioan. xiv. 31. „Surgite, eamus hinc,“ scilicet ad passionem. Tercio ut artius imprimeretur hoc sacramentum cordibus discipulorum, quibus ipsum tradidit in ultimo suo recessu. Sed in reverentiam tanti sacramenti postmodum Ecclesia intravit, quod non nisi a ieiun-

nis

nis fumator; a quo excipiuntur infirmi, qui in necessitate, quæ legem non habet, possunt non ieiunium sumere corpus Christi. Quia vero aqua non solvit ieiunium, existimaverunt quidam quod post potum aquæ, posset aliquis sumere hoc sacramentum, præsertim quia, ut dicunt, aqua non nutrit, sicut nec aliud aliud simplex elementum. Quamvis autem aqua secundum se non nutriat, & ob hoc non solvat ieiunium Ecclesiæ, secundum quod dicuntur aliqui ieiunantes; nutrit tamen aliis admixta, & ideo solvit ieiunium naturæ; & secundum hoc dicuntur aliqui ieiunium qui scilicet eadem die nihil sumperunt nec cibi, nec potus. Et quia reliquæ cibi, quæ in ore remanent, sumuntur per modum salivæ, hoc non impedit aliquos esse ieiunos; similiter & non impedit aliquos esse ieiunos, si tota nocte nihil dormierint, vel si etiam non sint plece digesti, dummodo eadem die omnino cibi, vel potus nihil sumperint. Unde quia pricipium diei est sumendum secundum usum Ecclesiæ a media nocte, ideo quicumque post mediam noctem aliquid sumperit, quantumcumque modicum cibi, vel potus, non potest eadem die sumere hoc sacramentum.

Deinde cum dicit, *Unusquisque enim suam cenam præsinit*, ponit culpam: & primo secundum quod peccabant in Deum; secundo prout peccabant in proximum, ibi, *Et alius quidem esurit, alius autem ebrius est*. Dicit ergo primo: Ideo dico, quod non licet vobis dominicam cenam manducare, quia *unusquisque vestrum præsinit*, id est ante sumit, *suam cenam*, scilicet ciborum commuolum, *ad manducandum*. Quilibet enim eorum portabat ad Ecclesiam Yercula præparata, & comedebat quilibet seorsum, aotequam sumeret sacra mysteria. *Osæ iv. 18.* „Separatim est convivium eorum; nonne interibunt.“ *Eccli. xi. 19.* dicitur in persona parci: „Inveni re, quem mihi, & comedebam de bonis meis solos.“ Deinde cum dicit, *Et alius quidem esurit* &c. arguit culpam eorum in quantum erat contra proximum. Divites enim laute comedebant in Ecclesia, & bibebant usque ad ebrietatem; pauperibus autem nihil dabant, ita quod remanebant esurientes: & hoc est quod dicitur: *Et alius quidem esurit*, scilicet pauper, (a) qui non habebat unde sibi præpararet, *alii autem ebrius est*, scilicet dives, qui su-

perflue comedebat, & bibebat, contra id quod dicitur *Nehem. xiii. 10.* „Comedite pinguis, & bibite mullum, & mittite partes eis qui non præparaverunt sibi.“ *Iob xxxi. 17.* „Si comedi bucellam meam solus, & non comedi pupillum ex ea.“

Deinde cum dicit, *Numquid domus non habetis?* inquit de causa huius culpæ: & primo excludit causam per quam poterant excusari: non enim est licitum domum Dei, quæ est depotata sacris usibus, communibus usibus applicare: unde & Dominus efficiens ementes, & vendentes de templo, dixit, *Matth. xxi. 13.* „Domus mea domus orationis vocabitur; vos autem tem fecistis eam domum negotiationis.“ Et Augustinus dicit in Regula: „In oratorio nemo aliquid faciat nisi ad quod facit, cum est, unde & nomeo accepit.“ Tamen propter necessitatem, quando scilicet aliquis aliam domum non inveniret, licite posset Ecclesia uti ad manducandum, vel ad alios huiusmodi licitos usus. Hanc ergo exculationem excludit Apostolus, dicens: *Numquid non habetis domos*, scilicet proprias, *ad manducandum, & bibendum?* ut propter hoc exculemini, si in Ecclesia convivium celebratis, quæ debetis in propriis domibus facere. Unde & *Luc. v. dicitur*, quod Levi fecit Christo convivium magnum in domo sua. Secundo cum dicit, *Aut Ecclesiam Dei contemnitis?* assert causas quæ eos inexcusabiles reddit: quarum prima est contemptus Ecclesiæ Dei; & hanc ponit dicens: *Aut Ecclesiam Dei contemnitis?* Et ideo in Ecclesia præsumitis cenam vestram ad manducandum. Et potest hic sumi Ecclesia tam pro congregatione fidelium quam pro domo sacra, quæ non est contemnenda, secundum illud *Psalm. xciii. 5.* „Domum tuam decet sanctitudo.“ & *Hierem. xxi. 11.* „Numquid spelunca latrocinum sancta est domus ista, in qua invocatum est nomen meum in oculis vestris?“ Illi autem otrumque contemnebant, dum præfente conventu fidelium, in loco sacro convivium celebrabant. Secundo ponit contemptum proximorum in hoc quod subditur: *Et confunditis eos qui non habent?* In hoc enim pauperes erubescere, quod ipsi esuriebant in conspectu totius multitudinis, alii laute comedentibus, & bibentibus. Dicitur autem *Prov. xxi. 5.* „Qui despiciat pauperem, exprobrat factori eius.“ & *Eccli. xiv. 2.* „Animam esurientem ne despexeris.“

Dein-

(a) al. qui non habuit.

Deinde cum dicit, *Quid dicam vobis?* concludit eorum vituperationem, dicens: *Quid dicam vobis?* ex consideratione prædictorum. Numquid laudo vos? Et respondet: Et si in aliis factis laudo vos, in hoc tamen factio non laudo. Et est advertendum, quod supra (hoc cap.) dum de habitu mulierum loqueretur, scilicet ironice laudavit eos, dicens: *Laudo vos, quod per omnia mei memores estis*. Hic vero nec ironice vult eos laudare: quia in gravioribus delictis nullo modo sunt peccatores palpandi: unde & in Psalm. ix. 24. dicitur: „Quoniam laudatur peccator in desiderii animæ suæ, & iniquus benedicitur, exacerbat Dominum peccator:“ & Esai. 117. 12. „Popule meus, qui beatum te dicunt, ipsi te decipiunt.“

Secundum aliam vero expositionem, arguuntur de alia culpa. In primitiva enim Ecclesia fideles panem, & vinum offerbant, quæ consecrabantur in sanguinem, & corpus Christi; quibus iam consecratis, divites, qui multa obtulerant, eadem sibi repetebant; & sic ipsi abundanter sumebant, pauperibus nihil sumentibus, qui nihil obtulerant. De hac ergo culpa Apostolus eos hic reprehendit, dicens: *Conveneritis enim vobis in unum, iam non est, id est non contingit inter vos, dominicam cenam manducare*. Cæna enim Domini est communis toti familiæ. Unusquisque autem vestrum sumit eam, non quasi commune, sed quasi propriam, dum sibi vult vendicare quod Deo obtulit: & hoc est quod subdit: *Unusquisque præsumit, id est præsumptuose attentat, ad manducandum cenam, scilicet Domini, id est panem, & vinum consecratum, quasi suam, id est quasi propriam, vendicans scilicet ea quæ consecrata sunt Domino, in suos usus; & ita sequitur quod alius, scilicet pauper, qui nihil obtulit, esurit, nihil scilicet sumens de consecratis, alius autem, scilicet dives, qui multa obtulit, ebrius est, ad litteram, propter hoc quod nimium sumpsit de vino consecrato, quod scilicet quasi proprium reposcit.*

Sed videtur hoc esse impossibile, quod de vino consecrato aliquis inebrietur, vel etiam nutriatur de pane: quoniam post consecrationem sub speciebus panis, & vini nihil remanet nisi substantia corporis Christi, & sanguinis, quæ non possunt converti in corpus hominis ad hoc quod ex eis nutriatur, aut inebrietur.

Dicunt ergo quidam, quod hoc non fit per aliquam conversionem, sed per solam

immutationem sensuum hominis ab accidentibus panis, & vini, quæ remanent post consecrationem. Confluxerunt enim homines ex solo ciborum odore confortari, & ex multo odore vini stupefieri, & quasi inebriari. Sed confortatio, vel stupefactio, quæ provenit ex sola immutatione sensuum, parvo tempore durat; cum tamen post consecrationem panis, aut vini, si vinum in magna quantitate sumeretur, aut panis, diu sustentaretur homo propter panem, aut stupeficeretur propter vinum. Et præterea manifestum est quod panis consecratus in aliam substantiam converti potest, ex hoc quod per putrefactionem resolvitur in pulveres, aut per combustionem in cineres. Unde nulla ratio est quare nequeat posse nutrire, cum ad nutriendum nihil aliud requiratur quam quod cibum convertatur in substantiam nutriti. Quidam ergo posuerunt, quod panis, aut vinum consecratum possunt converti in aliud, & sic nutrire, quia remanet ibi substantia panis, aut vini cum substantia corporis Christi, & sanguinis. Sed hoc repugnat verbis Scripturæ: non enim verum esset quod Dominus dicit Matth. xxvi. 26. „Hoc est enim corpus meum:“ quia hoc demonstratum, est panis; sed potius esset dicendum, Hic (id est in hoc loco) est corpus meum. Et præterea corpus Christi non incipit esse in hoc sacramento per loci mutationem, quia iam desineret esse in cælo. Unde relinquitur quod ibi incipiat esse per conversionem alterius, scilicet panis, in ipsum: unde non potest esse quod remaneat substantia panis. Et ideo alii dixerunt, quod remanet ibi forma substantialis panis, ad quam pertinet operatio rei; & ideo nutrit, sicut & panis nutritur. Sed hoc non potest esse, quia nutrire est converti in substantiam nutriti, quod non competit nutrimento ratione formæ, cuius est agere, sed magis ratione materiæ, cuius est pati. Unde si esset ibi forma substantialis, panis nutrire non posset. Alii vero dixerunt, quod aer circumflans, convertitur vel in substantiam nutriti, vel in quodcumque aliud huiusmodi. Sed hoc non posset fieri abique multa condensatione aeris, quæ sensui latere non posset. Et ideo alii dixerunt, quod divina virtute ad hoc quod sacramentum non deprehendatur in huiusmodi conversionibus, redit substantia panis, & vini. Sed hoc videtur esse impossibile: quia cum substantia panis convertitur in corpus Christi, non videtur quod possit substantia panis redire, nisi econverti cor-

pus Christi converteretur in panem. Et præterea, si substantia panis redit, aut hoc est manentibus accidentibus panis; & sic simul erit ibi substantia panis, & substantia corporis Christi, quod supra improbatum est: nam tamdiu est ibi substantia corporis Christi, quamdiu species remanent: aut redit species non manentibus; quod etiam est impossibile, quia sic esset substantia panis absque propriis accidentibus: nisi forte intelligatur quod Deus in termino conversionis causaret ibi quamdam materiam, quæ sit subiectum huius conversionis.

Sed melius est ut dicatur, quod sicut virtute consecrationis miraculose confertur species panis, & vini, ut substantia sine subiecto ad modum substantiæ; ita etiam eis miraculose confertur ex consequenti, quod agant, & patiantur quicquid agere, aut pati posset substantia panis, aut vini, si adesset. Et hac ratione species illæ panis, & vini possunt nutrire, & inebriare; sicut si esset ibi substantia panis, & vini. Cetera non mutantur a prima expositione.

LECTIO V.

EGo enim accepi a Domino, quod & tradidi vobis, quoniam Dominus Iesus in qua nocte tradebatur, accepit panem, & gratias agens fregit, & dixit: Accipite, & manducate: hoc est corpus meum, quod pro vobis tradetur. Hoc facite in meam commemorationem.

Postquam Apostolus redarguit Corinthiorum inordinationes, quas committebant conveniendo ad eucharistiæ sacramentum sumendum, hic agit de ipso sacramento: & primo agit de dignitate huius sacramenti; secundo inducit fideles ad reverenter sumendum; ibi, *Itaque quicumque manducaverit panem hunc, vel biberit calicem Domini indigne, reus erit corporis, & sanguinis Domini*. Circa primum duo facit. Primo commendat auctoritatem doctrinæ quam daturus est; secundo ponit doctrinam de dignitate huius sacramenti, ibi, *Quoniam Dominus noster... accepit panem &c.* Circa primum duo facit. Primo commendat auctoritatem doctrinæ ex parte auctoris, qui est Christus, dicens: Dixi, quod iam non est vobis dominicam cenam manducare, sacramentum eucharistiæ dominicam cenam vocans: *ego enim accepi a Domino*, scilicet Christo, qui est auctor huius doctrinæ, non ab aliquo puro homine: Galat. 2. 1. „Paulus Apostolus, non ab hominibus, neque per hominem, sed per Iesum Christum.“ Heb. 2. 3. „Quæ cum initium accepisset enarrari per Dominum, ab eis qui audierunt, in nos confirmata est.“ Secundo commendat auctoritatem doctrinæ ex parte ministrorum, qui est ipse Paulus, cum subdit, *Quod & tradidi vobis*. Esa. 55. 10. „Quæ audivi a Domino exercituum, Deo Israel, annuntiavi vobis.“ Sap. 11. 12. „Quam sine fictione didici, & sine invidia communico.“

Deinde cum dicit, *Quoniam Dominus Iesus*, commendat dignitatem huius sacramenti, tradens institutionem ipsius: & primo ponit institutionem; secundo tempus institutionis, cum dicit, *In qua nocte tradebatur*; tertio modum instituendi, ibi, *Accipite panem, & gratias agens fregit &c.* Institutum autem sacramenti est ipse Christus; unde dicit: *Quoniam Dominus noster Iesus Christus &c.* Dicitur enim supra, eum de baptismo ageretur, quod Christus in sacramenti habet excellentiæ potestatem, ad quam quatuor pertinent: primo quidem quod virtus, & meritum eius operetur in sacramenti; secundo quod in nomine eius sanctificetur sacramentum; tertio quod effectum sacramenti sine sacramento præbere potest; quarto institutio novi sacramenti. Specialiter tamen congruebat ut hoc sacramentum ipse in sua persona institueret, in quo corpus, & sanguis eius communicatur: unde & ipse dicit Ioan. 6. 52. „Panis quem ego dabo vobis, caro mea est pro mundi vita.“

Deinde cum dicit, *In qua nocte tradebatur*, describit tempus institutionis huius Sacramenti, quod quidem congruum fuit. Primo quidem quantum ad qualitatem temporis: fuit enim in nocte: per virtutem enim huius sacramenti anima illuminatur: unde 1. Reg. xiv. dicitur, quod Ionathas intinxit virgam in solum mellis, & convertit manum suam ad os suum, & illuminati sunt oculi eius: propter quod &

in Psalm. cxxxviii. 11. dicitur : „ Nox „ illuminatio mea in deliciis meis. “ Secundo quantum ad negotium quod in illo tempore gerebatur, quia scilicet quando tradebatur ad passionem, per quam transiit ad Patrem, hoc sacramentum, quod est memoriale passionis, instituit. Unde dicitur Eccli. xxx. 31. „ Transi hospes, & „ orna mensam, & quæ in manu habes, „ ciba ceteros. “

Deinde cum dicit, *Accipite panem &c.* ostendit modum institutionis : & primo ponit ea quæ fecit, & dixit Christus instituendo hoc sacramentum ; secundo exponit, ibi, *Quotiescumque enim manducabitis panem hunc, & calicem bibetis, mortem Domini annuntiabitis donec veniat.* Circa primum duo facit. Primo agit de institutione sacramenti huius quantum ad corpus Christi ; secundo quantum ad eius sanguinem, ibi, *Similiter & calicem &c.*

Circa primum, autem expositionem litteræ, oportet primo considerare necessitatem institutionis huius sacramenti. Est autem sciendum, quod sacramenta instituta sunt propter necessitatem vitæ spiritualis. Et quia corporalia sunt quædam similitudines spiritualium, oportet sacramenta proportionari eis quæ sunt necessaria ad vitam corporalem : in qua primo invenitur generatio cui proportionatur baptisumus, per quem regeneratur aliquis in vitam spiritualem. Secundo ad vitam corporalem requiritur augmentum, per quod aliquis perducitur ad quantitatem, & virtutem perfectam ; & huic proportionatur sacramentum confirmationis, in quo Spiritus sanctus datur ad robur. Tercio ad vitam corporalem requiritur alimentum, per quod corpus hominis sustentatur ; & similiter vita spiritualis per sacramentum eucharistiæ rehitur, secundum illud Psal. xxi. 2. „ In loco pascuæ ibi me colloca- „ vit : super aquam refectionis educavit „ me. “ Est autem notandum, quod generans non coniungitur genito secundum substantiam, sed solum secundum virtutem ; sed cibus coniungitur nutritio secundum substantiam : unde in sacramento baptismi, quo Christus regenerat ad salutem, non est ipse Christus secundum suam substantiam, sed solum secundum suam virtutem. Sed in sacramento eucharistiæ, quod est spirituale alimentum, Christus est secundum suam substantiam. Continetur autem sub alia specie propter tria. Primo quidem ne esset horribile fidelibus sumentibus hoc sacramentum, si in propria specie car-

nem hominis eederent, & sanguinem biberent ; secundo ne hoc ipsum esset derisibile infidelibus ; tertio ut cresceret meritum fidei, quæ consistit in hoc quod creduntur ea quæ non videntur. Traditur autem hoc sacramentum sub duplici specie propter tria. Primo quidem propter eius perfectionem, quia, cum sit spiritualis refectionis, debet habere spirituales cibum, & spirituales potum : nam & corporalis refectionis non perficitur sine potu, & cibo : unde & supra x. 3. dictum est, quod omnes eandem escam spirituales manducaverunt, & omnes eundem potum spirituales biberunt. Secundo propter eius significationem : est enim memoriale dominicæ passionis, per quam sanguis Christi fuit separatus a corpore ; & ideo in hoc sacramento seorsum offertur sanguis a corpore. Tercio propter huius sacramenti effectum salutarem : valet enim ad salutem corporis, & ideo offertur corpus ; & valet ad salutem animæ, & ideo offertur sanguis : nam anima in sanguine est, ut dicitur Genes. ix. Offertur autem specialiter hoc sacramentum sub specie panis, & vini. Primo quidem quia panem, & vinum communis utuntur homines ad suam refectionem ; & ideo assumuntur in sacramento hæc, sicut aqua ad ablutionem in baptismo, & oleum ad unctionem. Secundo propter virtutem huius sacramenti : nam panis confirmat cor hominis, vinum vero lætificat. Tercio quia panis, qui ex multis granis fit, & vinum ex multis uvis, significant Ecclesiæ unitatem, quæ constituitur ex multis fidelibus. Fit autem hæc eucharistia specialiter sacramentum unitatis, & caritatis, ut dicit Augustinus super Ioan. (tract. xxvi.)

His autem visis, circa litteræ expositionem primo considerandum est quid Christus fecerit ; secundo quid dixerit, ibi, *Et dixit : Accipite, & manducate : hoc est corpus meum.* Tria autem fecit. Primum quidem designatur cum dicit, *Accipite panem* ; per quod duo significari possunt. Primo quidem quod ipse voluntarie passionem accepit, cuius hoc sacramentum est memoriale, secundum illud Esa. lii. 7. „ Oblatus est, quia ipse voluit. “ Secundo potest significari quod ipse accepit a Patre potestatem perficiendi hoc sacramentum, secundum illud Matth. xi. 27. „ Omnia „ tradita sunt mihi a Patre meo. “ Secundo tangit cum dicit, *Et gratias agens* : in quo datur nobis exemplum gratias agendi de omnibus quæ nobis divinitus dantur, secun-

secundum illud I. Thess. ult. 18. „In omni-
bus gratias agite. Tertium tangit cum
dicit, *Fregit*. Eia. lviii. 7. „Frangere esu-
m rieri panem tuum.”

Sed videtur hoc esse contrarium usus Ec-
clesiæ, secundum quam prius consecratur
corpus Christi, & postea frangitur; hic
autem dicitur quod prius fregit, postea
protulit verba consecrationis.

Et ideo quidam dixerunt, quod Christus
consecravit prius verbis aliis, & postea
protulit verba, quibus nos consecramus.
Sed hoc non potest esse, quia sacerdos dum
consecrat, non profert ista verba quasi ex
persona sua, sed quasi ex persona Christi
consecrans; unde manifestum est quod
eisdem verbis quibus nos consecramus, &
Christus consecravit. Et ideo dicendum est,
quod hoc quod hic dicitur, *Et dixit*, non
est iudicandum consequenter, quasi Christus
accepit panem, & gratias agens frega-
rit, & postea dixerit verba quæ sequun-
tur; sed concomitanter, quod dum acce-
pit per se panem, gratias agens fregit,
& dixit. Et ideo cum Matth. xvi. dica-
tur, quod Iesus accepit panem, & bene-
dixit, ac fregit, Apostolus non curavit
hic de benedictione tacere mentionem, in-
telligens nihil aliud esse illam benedictio-
nem quam hoc quod Dominus dixit, *Hoc
est corpus meum*.

Deinde cum dicit, *Et dixit*, ostendit
quid Christus dixerit instituendo hoc sa-
cramentum. In verbis autem primo qui-
dem iniunxit sacramenti usum; secundo
expresit sacramenti veritatem; tertio do-
cuit mysterium. Usum quidem sacramen-
ti iniunxit dicens, *Accipite*, quasi diceret:
Non ex potestate, vel merito humano com-
petit vobis usus huius sacramenti, sed ex
eminenti Dei beneficio. Sap. xvi. 20.
„Angelorum esca nutritivisti populum tuum,
Domine.” Supra xv. 7. *Quid habes
quod non accipisti?* Et determinat speciem
usui cum dicit, *Et manducate*. Ioan. vi.
54. „Nisi manducaveritis carnem Filii ho-
minis,” Tob. xxi. 31. „Si non dixerunt
„viri tabernaculi mei: Quis det de carni-
bus eius, ut saturemur?” Sciendum est
tamen, quod hæc verba non sunt de forma
consecrationis. Est enim hæc differentia in-
ter hæc & alia sacramenta, quod alia sa-
cramenta perficiuntur, non quidem in con-
secratione materię, sed in usu materię
consecratę, sicut in ablutione aquę, aut
in unctione olei, seu chrismatis; & hoc ideo,
quia in materiis aliorum sacramentorum
non est aliqua natura rationalis, quæ sit

gratię sanctificantis susceptiva; & ideo in
forma aliorum sacramentorum sit mentio
de usu sacramenti, sicut cum dicitur, „Ego
te baptizo,” vel „Confirmo te chrisma-
te salutis &c.” Sed hoc sacramentum
perficitur in ipsa consecratione materię,
in qua continetur ipse Christus, qui est fi-
nis totius gratię sanctificantis; & ideo ver-
ba quæ pertinent ad usum sacramenti, non
sunt de substantia formę, sed solum illa
quæ continent veritatem, & consequentiam
sacramenti; quæ consequenter ponit, sub-
dens: *Hoc est corpus meum*: circa quæ ver-
ba, tria oportet considerare. Primo qui-
dem de re significata per hæc verba, quod
scilicet sit ibi corpus Christi; secundo de
veritate huius locutionis; tertio utrum hæc
sit convenientis forma huius sacramenti.

Circa primum considerandum est, quod
quidam dixerunt, corpus Christi non esse
in hoc sacramento secundum veritatem,
sed solum sicut in signo, sicut exponentes quod
hic dicitur, *Hoc est corpus meum*; id est, hoc
est signum, & figura corporis mei; sicut
& supra x. 4. dictum est: *Petra autem erat Chri-
stus*, id est figura Christi. Sed hoc est hære-
ticum, cum expresse Dominus dicat Ioan.
vi. 56. „Caro mea vere est cibus, & san-
guis meus vere est potus.” Unde alii di-
xerunt, quod est ibi vere corpus Christi,
sed simul cum substantia panis: quod est im-
possibile, ut supra ostensum est. Unde alii
dixerunt, quod est ibi solum corpus Chri-
sti, substantia panis non remanens, quæ
annihilatur, vel in præiacentem materiam
resolvitur. Sed hoc non potest esse, quia,
sicut Augustinus dicit in Lib. xxxiii. Quæst.
(cap. xxi.) Deus non est auctor tendendi
in non esse. Secundo quia etiam per hanc
positionem tollitur hoc quod substantia pa-
nis convertatur in corpus Christi; & sic cum
corpus Christi non incipiat esse in hoc sa-
cramento per conversionem alterius in ip-
sum, relinquatur quod incipiat ibi esse
per motum localem: quod est impossibile,
ut supra dictum est.

Oportet igitur dicere, quod corpus Chri-
sti vere sit in hoc sacramento per conver-
sionem panis in ipsum. Considerandum ta-
men, quod hæc conversio differat ab omni-
bus conversionibus quæ sunt in natura. Ac-
tio enim naturę præsupponit materiam
& ideo eius actio non se extendit nisi ad
immutandum aliquid, secundum formam vel
substantialem, vel accidentalem: unde om-
nis conversio naturalis dicitur esse forma-
lis. Sed Deus, qui facit hanc conversionem,
est auctor materię, & formę; & ideo to-
ta

ta substantia panis, materia non remanente, potest converti in totam substantiam corporis Christi. Et quia materia est individuationis principium, totum hoc individuum signatum, quod est substantia particularis, convertitur in aliam substantiam particularem: propter quod dicitur illa conversio substantialis, seu transsubstantiatio. Contingit igitur in hac conversione contrarium eius quod accidit in conversionibus naturalibus, in quibus manente subiecto fit transmutatio interdum circa accidentia: hic autem, transmutata substantia, manent accidentia sine subiecto virtute divina, quæ sicut causa prima sustentat ea sine causa materiali, quæ est substantia causata, ad hoc quod corpus Christi, & sanguis sumatur in specie aliena rationibus supradictis. Et quia ordine quodam accidentia referuntur ad substantiam, ideo dimensiones sine subiecto remanent, & alia accidentia remanent in ipsis dimensionibus, sicut in subiecto.

Si autem sub illis dimensionibus nulla substantia remaneat nisi corpus Christi, dubium potest esse de fractionibus hostiæ consecratæ, cum corpus Christi glorificatum sit, & per consequens intransigibile: unde non potest huic fractioni lubrile. Sed nec etiam aliud potest fingi quod subsistat, quia sacramentum veritatis non decet aliqua fictio: unde nihil sensu percipitur in hoc sacramento quod non sit ibi secundum veritatem. Sensibilia enim per se sunt qualitates, quæ quidem remanent sicut prius fuerant in hoc sacramento, ut dictum est. Et ideo alii dixerunt, quod est quædam ibi vere fractio sine subiecto, unde nihil ibi frangitur. Sed nec hoc dici potest, quia cum fractio sit in genere passionis, quæ habet debilius esse quam qualitas, non potest esse in hoc sacramento sine subiecto, sicut nec qualitas. Unde restat dicendum, quod fractio illa fundatur sicut in subiecto in dimensionibus panis, & vini remanentibus: corpus autem Christi non attingitur ab huiusmodi fractione, quia totum remanet sub qualibet parte dimensionum dimissarum. Quod quidem hoc modo considerari potest. Nam corpus Christi est in hoc sacramento ex conversione substantiæ panis in ipsum. Non autem fit conversio ratione dimensionum (nam dimensiones panis remanent) sed solum ratione substantiæ. Unde & corpus Christi est ibi ratio-
nis suæ substantiæ, non autem ratione suarum dimensionum; licet dimensiones eius sint ibi ex consequenti, in quantum non separantur a substantia ipsius. Quantum autem ad naturam substantiæ pertinet, tota est

sub qualibet parte dimensionum. Unde sicut ante consecrationem tota veritas substantiæ, & natura panis erat sub qualibet parte dimensionum; ita post consecrationem, totum corpus Christi est sub qualibet parte panis divisi. Significat autem hostiæ consecratæ divisio primo quidem passionem Christi, per quam corpus eius fuit vulneribus fractum, secundum illud Psalm. xxi. 18. „Foderunt manus meas, & pedes meos.“ Secundo distributionem donorum Christi ex ipso progredientium, secundum illud infra xxi. 4. *Divisioes gratiarum sunt.* Tercio diversas partes Ecclesiæ: nam eorum qui sunt membra Christi, quidam adhuc in hoc mundo peregrinantur; quidam vivunt in gloria cum Christo, & quantum ad animam, & quantum ad corpus; quidam autem expectant finalem resurrectionem in fine mundi; & hoc significat divisio hostiæ in tres partes.

Secundo considerandum est de veritate huius locutionis: videtur enim hæc locutio esse falsa, *hoc est corpus meum*: conversio enim panis in corpus Christi, fit in termino prolationis horum verborum, tunc enim completur significatio huius locutionis. Fugiat enim sacramentorum significatio efficiunt; & ideo sequitur quod in principio locutionis, quando dicitur, hoc, non sit ibi corpus Christi, sed sola substantia panis, quæ demonstratur per hoc pronomen *hoc*, quod est demonstrativum substantiæ. Idem est ergo *hoc*, cum dicitur, *hoc est corpus meum*; ac si diceret, Substantia panis est corpus meum; quod manifeste fallum est.

Dixerunt ergo quidam, quod sacerdos hæc verba materialiter, & recitative profert ex persona Christi; & ideo demonstratio huius pronominis non refertur ad præsentem materiam, ut ex hoc locutio falsa reddatur, secundum quod obiectum quodebat. Sed hoc non potest stare. Primo quidem quia si hæc locutio non applicetur ad præsentem materiam, nihil faciet circa eam, quod est fallum. Dicit enim Augustinus super Ioan. (tract. lxx.) „Accedit verbum ad elementum, & fit sacramentum.“ Unde necesse est dicere, quod verba ista formaliter accipiantur, referendo ea ad præsentem materiam. Profert autem ea sacerdos ex persona Christi, a quo virtutem sumpturunt, ad ostendendum quod eandem efficaciam nunc habent, sicut quando Christus ea protulit. Non enim virtus his verbis collata evanescit neque temporis diversitate, neque minorum varietate. Secundo quia eadem difficultas remanet de pri-

ma prolatione qua Christus ea protulit. Ideo alii dicunt, quod sensus huius est: *Hic est corpus meum*; idest, hic panis designat corpus meum, ut ly *hoc* designet id quod est in principio locutionis. Sed hoc etiam esse non potest, quia cum sacramenta efficiant quod figurant, hæc verba nihil efficiunt, nisi quod significant. Secundo quia ex hoc sequeretur quod per hæc verba nihil efficeretur quam quod corpus Christi esset ibi sicut sub signo, quod supra improbatum est. Et ideo alii dicunt quod ly *hoc* facit demonstrationem ad intellectum, & demonstrat id quod erit in fine locutionis, scilicet corpus Christi. Sed nec hoc videtur convenienter dici, quia secundum hoc sensus esset, Corpus meum est corpus meum; quod non fit per hæc verba, cum hoc ante verba consecrationis fuerit verum.

Et ideo aliter dicendum est, quod formæ sacramentorum non solum sunt significativæ, sed etiam factivæ, (a) significando enim efficiunt. In omni autem actione oportet subiecti aliquid commune tamquam principium. Commune autem in hac conversione non est aliqua substantia, sed accidentia, quæ & prius fuerunt, & postea manentes & ideo ex parte subiecti in hac locutione non ponitur nomen, quod significat certam speciem substantiæ, sed ponitur pronome, quod significat substantiam sine determinata specie. Est ergo sensus: *Hic*, idest contentum sub his accidentibus, *est corpus meum*; & hoc est quod fit per verba consecrationis: nam ante consecra-

tionem id quod erat contentum sub his accidentibus, non erat corpus Christi, quod tamen fit corpus Christi per consecrationem.

Tertio autem oportet considerare quomodo est hæc conveniens forma huius sacramenti. Nam hoc sacramentum, ut dictum est, non consistit in usu materiæ, sed in consecratione ipsius. Consecratio autem non fit per hoc quod materia consecrata solum suscipiat aliquam virtutem spirituales, sed per hoc quod transubstantiatur secundum esse in corpus Christi; & ideo nullo alio verbo utendum fuit nisi verbo substantivo, ut dicatur: *Hic est corpus meum*: per hoc enim significatur id quod est finis quod significando efficitur.

Deinde cum dicit, *Quod pro vobis traditur*, tangit mysterium huius sacramenti: est enim (b) hoc sacramentum representativum divinæ passionis, per quam corpus suum tradidit in mortem pro nobis, secundum illud *Esa. l. 6.* „Corpus meum dedi „percutientibus:“ & *Ephes. v. 2.* „Tra- „didit semetipsum pro nobis.“ Et ut ostendat rationem frequentandi hoc mysterium, subiungit: *Hoc facite in meam commemorationem*, hoc recolendo, scilicet tam magnum beneficium, quo pro vobis me tradidit in mortem. Unde & *Thren. iii. 19.* dicitur: „Recordare paupertatis meæ; „abstinui, & felle:“ & in *Psal. cx. 4.* „Memoriam fecit mirabilium suorum mihi, „sericors, & miserator Dominus, escam „dedit timentibus se.“

L E C T I O VI.

Similiter & calicem, postquam cenavit, dicens: *Hic calix novum testamentum est in meo sanguine*; hoc facite, quotiescumque biberis, in meam commemorationem. Quotiescumque enim manducabitis panem hunc, & calicem bibetis mortem Domini annuntiabitis donec veniat.

Postquam Apostolus posuit institutionem huius sacramenti quantum ad consecrationem corporis, hic ponit institutionem eius quantum ad sanguinis consecrationem: & primo ponit ordinem institutionis; secundo verba, cum dicit: *Hic calix novum testamentum est in meo sanguine*. Ordo autem attenditur quantum ad duo. Primo quantum ad concomitantiam utriusque speciei, cum dicit, *Similiter & calicem*: utrumque enim est de perfectione huius sacramenti, tum propter perfectionem refectionis, tum propter re-

presentationem passionis, tum propter efficientiam salutis animæ, & corporis, ut supra dictum est.

Sed si prius consecratur in hoc sacramento corpus Christi, & postea sanguis, videtur sequi quod ante consecrationem sanguinis, corpus Christi in hoc sacramento sit exanguis; quod quidam inconveniens reputantes, dicunt, quod duæ formæ se expeccant in efficiendo, ita scilicet quod prima forma consecrationis corporis non consequitur suum effectum antequam perficiatur

X x 2

(a) *M.* faciendo. (b) *M.* desit hoc.

tur forma consecrationis sanguinis : sicut etiam dictum est, quod verba quæ proficiuntur in consecratione corporis, non consequuntur suum effectum usque ad finem prolationis verborum. Sed hoc non est simile . Nam significatio verborum quibus consecratur corpus Christi, non completur nisi in termino prolationis eorum. Et quia verba sacramentalia significando efficiunt, ideo non possunt habere effectum ante terminum prolationis. Tunc (a) autem habent plenam significationem, etiam antequam proferantur verba consecrationis sanguinis : & ideo necesse est quod etiam tunc habeant suum effectum : alioquin sacerdos peccaret, statim post verba consecrationis, proponens hostiam non consecratam populo adorandam, nisi iam esset corpus Christi : quia induceret populum ad idolatriam.

Est ergo dicendum, quod ante consecrationem sanguinis, est in hoc sacramento corpus Christi non sine sanguine. Sciendum est enim, quod in hoc sacramento dupliciter aliquid est. Uno modo ex vi consecrationis, illud scilicet in quod terminatur conversio panis, & vini, sicut per formam consecrationis significatur : & sic sub specie panis, est corpus Christi. Alio modo est aliquid in hoc sacramento ex reali concomitantia, sicut divinitas Verbi est in hoc sacramento propter indissolubilem unionem ipsius ad corpus Christi, licet nullo modo substantia panis in divinitatem convertatur. Et similiter est ibi anima, quæ coniuncta est realiter ipsi corpori. Si vero in triduo mortis Christi fuisset corpus Christi ab aliquo Apostolorum consecratum, non fuisset ibi anima, quæ tunc realiter erat a corpore separata. Et idem dicendum est de sanguine : nam sub speciebus panis ex vi consecrationis est corpus Christi, in quod substantia panis convertitur ; sanguis autem est ibi ex reali concomitantia, quia (b) nunc realiter sanguis Christi non est ab eius corpore separatus : & eadem ratione sub specie vini est sanguis Christi ex vi consecrationis ; corpus autem ex reali concomitantia, ita quod sub utraque specie est totus Christus. Si vero tempore passionis, quando sanguis Christi erat ex corpore effusus, fuisset hoc sacramento ab aliquo Apostolorum perfectum, sub panis specie fuisset solum corpus Christi ex sanguine, sub speciebus autem vini fuisset solus sanguis Christi.

Secundo attenditur ordo per comparatio-

nem ad cibos materiales, (c) qui præcesserant, ubi subdit, *postquam cenavit*, quod videtur significare addidisse : nam Christus corpus suum tradidit inter cenam : unde Matth. xxvi. 26. dicitur, quod, „ cœnantes illis, accepit Iesus panem, & benedixit, ac fregit, deditque discipulis suis. “ Sed sanguinem dedit expresse post cenam : unde & Luc. xxii. 20. dicitur : „ Similiter & calicem, postquam cenavit, “ dicens : Hic est calix novum testamentum in sanguine meo, qui pro vobis sum, “ datur. “ Cuius ratio est, quia corpus Christi repræsentat mysterium incarnationis, quæ facta est adhuc legalibus observationibus statum habentibus, inter quas præcipua erat cœna agni paschalis ; sed sanguis Christi in sacramento, directe repræsentat passionem, per quam est effusus, & per quam sunt terminata omnia legalia. Unde Hebr. ix. 12. dicitur, quod „ per proprium sanguinem introivit semel in sancta, æterna, “ redemptione inventa. “

Deinde ponit verba, dicens : *Hic calix novum testamentum est in meo sanguine* : & primo demonstrat veritatem huius sacramenti ; secundo iniungit usum, ibi, *Hoc facite in meam commemorationem*. Quantum ergo ad primum dicit : *Hic calix novum testamentum est in meo sanguine* : quod quidem dupliciter sumi potest. Uno modo metaphorice, ut scilicet ponatur continens pro contento ; quasi dicat, Contentum in hoc calice ; quod convenientius ponitur in consecratione vini, quod ratione suæ humiditatis indiget aliis terminis contineri, quam in consecratione panis, qui ratione suæ siccitatis propriis terminis continetur. Alio modo potest accipi metaphorice, ut sit sensus : Sicut calix inebriat, & perturbat, ita & passio. Unde Matth. xx. 22. dicit : „ Porestis bibere calicem quem ego bibiturus sum ? “ & ibid. xxvi. 39. „ Transeat a me calix, “ iste. “ Est ergo sensus, *Hic calix*, id est contentum in hoc calice, vel hæc mea passio, est novum testamentum in meo sanguine. Unde considerandum est, quod testamentum dupliciter sumitur in Scripturis. Uno modo communiter pro quolibet pacto quod quidem testibus confirmatur ; & sic considerandum est, quod Deus dupliciter pactum iniit cum humano genere. Uno modo promittendo bona temporalia, & a malis temporalibus liberando ; & hoc vocatur verus testamentum, vel pactum. Alio modo promittendo bona spiritualia, & a malis op-

(a) scilicet etiam. (b) scilicet tunc, immo realiter pro realiter. (c) scilicet quoniam.

positis liberando; & hoc vocatur testamentum novum. Unde dicitur Hierem. xxxi. 31. „ Feriam domui Israel, & domui Iuda fœdus novum, non secundum pactum quod pepigi cum patribus vestris, ut educerem eos de terra Aegypti; sed hoc erit pactum: dabo legem meam in visceribus eorum, & ero eis in Deum. “ Est autem considerandum, quod apud antiquos erat consuetudo ut alicuius victimæ sanguinem funderent ad confirmationem pacti: unde Gen. xxx. legitur, quod postquam inierunt fœdus Laban, & Jacob, immolatis victimis in monte, vocavit fratres suos. Unde & Exod. xxiv. legitur, quod Moyses sumptum sanguinem respersit in populum, & ait (vers. viii.). „ Hic est sanguis fœderis, quod pepigit Dominus vobiscum. “ Sicut ergo vetus testamentum, seu pactum confirmatum est sanguine figuræ taurorum, ita novum testamentum, seu pactum confirmatum est in sanguine Christi, qui per passionem est effusus. Et in hoc calice sacramentum taliter continetur. Alio modo testamentum accipitur magis stricte pro dispositione hereditatis percipiendæ, quam necesse est secundum leges certo numero testium confirmare. Non autem testamentum sic acceptum confirmatur nisi per mortem: quia, ut Apostolus dicit Heb. ix. 17. „ testamentum in mortuis confirmatum est; alioquin nondum valet, dum vivit qui testatus est. “ Deus autem primo quidem dispositionem fecerat de æterna hereditate percipiendâ, sed sub figura temporalium bonorum, quod pertinet ad vetus testamentum; sed postmodum fecit novum testamentum, expresse promittens hereditatem æternam, quod quidem confirmatum est per sanguinem mortis Christi. Et ideo Dominus de hoc dicit: *Hic calix novum testamentum est in meo sanguine*; quasi dicat: Per id quod in hoc calice continetur, commemoratur novum testamentum per Christi sanguinem confirmatum.

Est autem advertendum, quod eadem verba quæ hic Apostolus ponit, habentur Lucæ xxi. 22. nisi quod ibi additur, „ Qui pro vobis effundetur. “ Lucas enim discipulus fuit Pauli, & cum in conscriptione Evangelii fecutus. Sed Matth. xxvi. 28. dicitur: „ Hic est enim sanguis meus novi testamenti, qui pro multis effundetur in remissionem peccatorum. “ Eadem verba ponuntur in Marc. xiv. Dicunt ergo quidam, quod quæcumque formæ horum verborum proferantur, quæ sunt scripta in canone, sufficiunt ad consecrationem. Proba-

bilius autem dici videtur, quod illis solis verbis perficitur consecratio quibus Ecclesia utitur ex traditione Apostolorum structa. Evangelistæ enim verba Domini recitare intenderunt quantum pertinet ad rationem historiæ, non autem secundum quod ordinantur ad consecrationem sacramentorum, quæ in occulto habebant in primitiva Ecclesia propter infideles. Unde Dionysius dicit in ult. cap. ecclesiasticæ Hierarchy: „ Perfectivas invocationes non est fas in scripturis exponere, neque mysticum id plarum, ante factas in ipsis ex Deo virtutes, ex occulto in communi adducere. “ Sed circa ista verba quibus Ecclesia utitur in consecratione sanguinis, quidam opinantur, quod non omnia sint de necessitate formæ, sed solum quod dicitur, „ Hic est calix sanguinis mei; “ non autem residuum quod sequitur, „ Novi, & æterni testamenti, mysterium fidei, qui pro vobis, “ & pro multis effundetur in remissionem peccatorum. “ Sed hoc non videtur convenienter dici: nam totum illud quod sequitur, est quædam determinatio prædicati: unde & ad eiusdem locutionis sententiam, seu significationem pertinet. Et quia, ut sæpe dictum est, formæ sacramentorum significando efficiunt, totum pertinet ad vim effectivam formæ. Nec obstat ratio quam inducunt, quia in consecratione corporis sufficit quod dicitur, „ Hoc est corpus meum: “ quia sanguis seorsum consecratus, specialiter repræsentat passionem Christi, per quam eius sanguis separatus est a corpore; & ideo in consecratione sanguinis oportuit exprimere Christi passionis virtutem: quæ attenditur primo quidem respectu nostræ culpæ, quam Christi passio abolet, secundum illud Apoc. i. 5. „ Lavit nos a peccatis nostris in sanguine suo: “ & quantum ad hoc dicit: „ Qui pro vobis, & pro multis effundetur in remissionem peccatorum: “ effusus est siquidem sanguis in remissionem peccatorum, non solum pro multis, sed etiam pro omnibus, secundum illud I. Ioan. ii. 2. „ Ipse est propitiatio pro peccatis nostris, non pro nostris autem tantum, sed etiam pro totius mundi. “ Sed quia quidam se reddunt indignos ad recipiendum talem effectum, quantum ad efficaciam dicitur esse effusus pro multis, in quibus habet effectum passio Christi. Dicit autem signanter, „ Pro vobis, & pro multis: “ quia hoc sacramentum valet in remissionem peccatorum summentibus per modum sacramenti: quod notatur gravanter, cum dicit, „ Pro vobis, “ quibus dixit.

dixerat, *accipite*. Valet etiam per modum sacrificii multis non lumentibus, pro quibus offertur; quod significatur, cum dicitur, „Et pro multis.“ Secundo virtus eius consideratur per comparisonem ad vitam iustitiæ, quam facit per fidem, secundum illud Rom. 111. 24. „Iustificati gratia per gratiam ipsius, per redemptionem, quæ est in Christo Iesu, quem proposuit“ (4) propitiationem per fidem in sanguine ipsius: „& quantum ad hoc dicit, Mysterium, idest occultum, fidei: quia scilicet fides passionis Christi erat occulta in omnibus sacrificiis veteris testamenti, sicut veritas in signo. Hoc autem Ecclesia habet ex traditione Apostolorum, cum in canone Scripturæ non invenitur. Tercio virtus eius attenditur quantum ad vitam gloriæ, in quam per passionem Christi introducit, secundum illud Hebr. x. 19. „Habentes fiduciam in introitu sanctorum in sanguine Christi!“ & quantum ad hoc dicit, „Novi, & æterni testamenti.“ Æterni liquidem, quia est dispositio de hereditate æternæ; novi autem ad differentiam veteris, qui temporalia promittebat. Unde Hebr. ix. 15. dicitur: „Ideo novi testamenti mediator est, ut morte intercedente . . . repromissionem accipiant qui vocati sunt æternæ hereditatis.“

Deinde cum dicit, *Hoc facite*, iniungit usum huius sacramenti, dicens: *Hoc facite, quotiescumque sumitis, in meam commemorationem*, scilicet in memoriam mæ passionis. Unde & Thren. 111. 20. dicit Propheta: „Memoria memor ero, & tabernaculum in me anima mea:“ & Esa. 1211. 7. „Miserationum Domini recordabor.“

Est autem notandum, quod in calice principaliter quidem debet poni vinum rationalibus supradictis; debet autem apponi & aqua. Probabile enim est quod Christus in cœna vinum mixtum discipulis dederit propter consuetudinem terræ illius, in qua, ut temperetur fortitudo vini, ab omnibus vinum bibitur aqua mixtum. Unde & Prov. 12. 5. Sapientia dicit: „Bibite vinum quod miscui vobis.“ Nihilominus tamen aqua vino mixta significat populum Christianum Christo per passionem coniunctum, secundum illud Apoc. xvii. 15. „Aquæ, populi sunt, & gentes:“ & participatio sanguinis Christi a fidelibus pertinet ad usum

sacramenti, qui non est de necessitate huius sacramenti. Sed potest vinum consecrari absque aqua; licet peccet qui sic consecrat, non servans ritum Ecclesiæ. Et ideo, si sacerdos ante consecrationem vini advertat quod aqua non fuerit appolita calici, debet apponere; si vero post consecrationem advertat, non debet apponere, sed debet perficere sacramentum. Nihil enim post consecrationem est sanguini Christi miscendum, quia talis permixtio non posset esse sine qualicumque corruptione vini consecrati, quod pertinet ad crimen sacrilegii.

Dicunt autem quidam, quod cum de latere Christi penditis in cruce fluxerit sanguis, & aqua, ut legitur Ioann. xix. sicut vinum convertitur in sanguinem, ita aqua in aquam.

Sed hoc non competit, quia in illa aqua figuratus ablucio quæ est per baptismum. Et ideo alii dicunt, quod facta conversione vini in sanguinem, aqua remanet in sua substantia, & circumtegitur accidentibus vini. Sed (6) neque hoc competit, quia aqua admiscetur vino ante consecrationem, quando non differt ab alio vino: unde non seorsum manet, sed permiscetur.

Et ideo dicendum est, quod aqua convertitur in vinum, & sic totum convertitur in sanguinem Christi. Propter quod mos est modicum de aqua apponere, & præcipue si sit vinum debile, quod non potest nisi modicum aquæ in seipsum convertere.

Deinde cum dicit, *Quotiescumque enim manducabitis panem hunc*, etc. exponit verba Domini, quæ dixerat, *Hoc facite in meam commemorationem*, dicens: *Quotiescumque enim manducabitis panem hunc*. Et dicit, *Panem*, propter species remanentes; dicit autem, *Hunc*, propter idem numero corpus significatum, & contentum. Et calicem, scilicet hunc, *bibetis*, mortem Domini annuntiabitis, representando scilicet eam per hoc sacramentum; & hoc donec veniat, idest usque ad ultimum eius adventum: in quo datur intelligi quod hic ritus Ecclesiæ non cessabit usque ad finem mundi, secundum illud Matth. ult. 20. „Ecce ego vobiscum, sum usque ad consummationem sæculi:“ & Luc. xxi. 23. „Non præteribit generatio hæc (scilicet Ecclesiæ) donec omnia fiant.“

(4) *id. Ispiratorem.* (6) *id. Sed hoc non competit.*

ITaque quicumque manducaverit panem hunc, vel biberit calicem Domini indigne, reus erit corporis, & sanguinis Domini. Probet autem seipsum homo, & sic de pane illo edat, & de calice bibat. Qui enim manducat, & bibit indigne, iudicium sibi manducat, & bibit, non diiudicans corpus Domini. Ideo inter vos multi infirmi, & imbecilles, & dormiunt multi. Quod si nosmetipsos diiudicemus, non utique iudicemur. Dum iudicamur autem, a Domino corripimur, ut non cum hoc mundo damnemur. Itaque, fratres mei, cum convenitis ad manducandum, invicem expectate. Si quis esurit, domi manducet, ut non in iudicium conveniatis. Cetera autem, cum venero, disponam.

Postquam Apostolus ostendit dignitatem huius sacramenti, hic excitat fideles ad sumendum illud reverenter: & primo ponit periculum quod imminet indigne summentibus; secundo adhibet salutare remedium, ibi, *Probet autem seipsum homo*. Dicit ergo primo: *Itaque*, ex quo hoc quod sacramentaliter manducatur, est corpus Christi, & quod bibitur, est sanguis Christi, *quicumque manducaverit hunc panem, vel biberit calicem Domini indigne, reus erit corporis, & sanguinis Domini*. lo quibus verbis primo considerandum est, qualiter aliquis indigne manducat, & bibit: quod quidem secundum Glossam contingit tripliciter. Primo quidem quantum ad celebrationem huius sacramenti, quia scilicet aliquis aliter celebrat sacramentum eucharistiæ quam a Christo traditum est; puta, si offerat in hoc sacramento alium panem quam triticeum, vel alium liquorem quam vinum de vite. Unde Levit. x. dicitur, quod Nadab, & Abiu, filii Aaton, obsecrunt coram Domino ignem alienum, quod eis præceptum non erat; egressusque ignis a Domino, devoravit eos. Secundo ex hoc quod aliquis non devota mente accedit ad eucharistiam: quæ quidem indevotio quandoque est veniale; puta cum aliquis distracta mente ad secularia negotia, accedit ad hoc sacramentum, habitualiter retinens debitam reverentiam ad ipsum: & talis indevotio licet impedit fructum huius sacramenti, qui est spiritualis refectio, non tamen facit reum corporis, & sanguinis Domini, sicut hic Apostolus loquitur. Quædam vero indevotio est peccatum mortale, quæ scilicet est cum contemptu huius sacramenti, prout dicitur Malach. i. 12. „ Vos poluistis nomen meum in eo quod dicitis: Mens Domini, ni contaminata est, & quod superponitur,

„ contemptibile. “ Et de tali indevotione loquitur Glossa. Tercio modo dicitur aliquis indignus ex eo quod cum voluntate peccandi mortaliter, accedit ad eucharistiam. Dicitur enim Levit. xxi. 23. „ Non accedat ad altare qui maculam habet. “ Intelligitur aliquis maculam peccati habere, quando est in voluntate peccandi, quæ tamen tollitur per poenitentiam. Per contritionem quidem, quæ tollit voluntatem peccandi, cum proposito confitendi, & satisfaciendi, quantum ad remissionem culpæ, & pænæ æternæ; per confessionem autem, & satisfactionem quantum ad totalem remissionem pænæ, & reconciliationem ad membra Ecclesiæ. Et ideo in necessitate quidem, puta quando aliquis copiam (a) confessionis habere non potest, sufficit contritio ad summptionem huius sacramenti. Regulariter autem debet confessio præcedere cum aliqua satisfactione. Unde in Lib. de eccl. Dogmatibus (cap. lxxi.) dicitur: „ Communicaturus satisfaciatur lacrymis, & orationibus, & confidens (b) de Domino, mundus accedat ad eucharistiam intrepidus & securus. Sed hoc de illo dico quem capitalia peccata, & mortalia non gravant. Namque quem mortalia crimina post baptismum commissa premunt, hortor prius publica poenitentia satisfacere, & ita sacerdotis iudicio reconciliationem communioni sociari, si non vult ad condemnationem eucharistiam perire. “

Sed videtur quod peccatores non indigne accedant ad hoc sacramentum: nam in hoc sacramento sumitur Christus, qui est spiritualis medicus, qui de se dicit Matth. ix. 12. „ Non est opus valentibus medicus, sed male habentibus. “

Sed dicendum, quod hoc sacramentum est spirit-

(a) *M.* confessoris. (b) *M.* de Domino mundi.

spirituale nutrimentum, sicut baptismus est spiritualis nativitas. Nascitur autem aliquis ad hoc ut vivat, sed non nutritur nisi iam vivus; & ideo hoc sacramentum non competit peccatoribus, qui nondum vivunt per gratiam; competit eis tamen baptismus. Et præterea eucharistia est sacramentum caritatis & ecclesiasticæ unitatis, ut dicit Augustinus super Ioan. (tract. xxvi.) Cum igitur peccator careat caritate, & sit separatus merito ab Ecclesiæ unitate, ut accedat ad hoc sacramentum, falsitatem committit, dum significat se habere caritatem quam non habet. Quia tamen peccator quandoque habet fidem huius sacramenti, licitum est ei hoc sacramentum inspicere, quod omnino infidelibus denegatur, ut Dionysius dicit 11. cap. ecclesiasticæ Hierarchiæ.

Secundo considerandum est quomodo ille qui indigne sumit hoc sacramentum, sit reus corporis, & sanguinis Domini: quod quidem in Glossa tripliciter exponitur. Uno modo materialiter. Incurrit enim reatum ex peccato commissio circa corpus, & sanguinem Domini, prout in hoc sacramento continetur, quod indigne sumit, & ex hoc eius culpa aggravatur: tanto enim (a) culpa gravior, quanto maior est contra quem peccatur: Hebr. x. 29. „Quanto magis putatis deteriora mereri supplicia eum qui Filium Dei conculcaverit, & sanguinem testamenti pollutum duxerit?“ Secundo exponitur per similitudinem, ut sit sensus: *Reus erit corporis, & sanguinis Domini, & mortis Domini pœnas dabit*; hoc est, ac si Christum occiderit, punietur, secundum illud Heb. vi. 6. „Rursum crucifigentes sibi metipsum Filium Dei, & ostentant habentes.“

Sed secundum hoc videtur gravissimum esse peccatum eorum qui indigne sumunt corpus Christi.

Sed dicendum, quod peccatum aliquod habet gravitatem dupliciter. Uno modo ex ipsa specie peccati, quæ sumitur ex obiecto; & secundum hoc gravior est peccatum quod contra divinitatem committitur, puta infidelitas, blasphemia, vel aliquid huiusmodi, quam quod committitur contra humanitatem Christi: unde & ipse Dominus Matth. xxi. dicit, quod qui dixerit verbum contra Filium hominis, remittetur ei; qui autem dixerit contra Spiritum sanctum, non remittetur ei. Et iterum gravior est peccatum quod committitur contra humanitatem

in propria specie quam sub specie sacramenti. Alio modo gravitas peccati attenditur ex parte peccantis. Magis autem peccat qui ex odio, aut invidia, vel ex quacunque malitia peccat, sicut peccaverunt illi qui Christum crucifixerunt, quam qui peccat ex infirmitate, sicut interdum peccant illi qui indigne sumunt hoc sacramentum. Non ergo per hoc intelligitur quod peccatum indigne sumentium hoc sacramentum comparetur peccato occidentium Christum secundum æqualitatem, sed secundum similitudinem speciei, quia utrumque est circa eundem Christum.

Tertio modo exponitur: *Reus erit corporis, & sanguinis Domini*; id est corpus, & sanguis Domini facient eum reum: ita enim bonum male sumptum nocet, sicut prodest malum, quo quis bene utitur, sicut stimulus satanæ Paulo.

Per hæc autem verba excluditur error quorundam dicentium, quod quam statim hoc sacramentum tangitur a labiis peccatoris, definit sub eo esse corpus Christi: contra quod est quod Apostolus dicit: *Quicumque manducaverit panem hunc, vel biberit calicem Domini indigne*. Secundum enim prædictam opinionem nullus indignus manducaret, vel biberet. Contrariatur autem prædicta opinio veritati huiusmodi sacramenti, secundum quam tamdiu corpus, & sanguis Christi manent in Sacramento, quamdiu remanent species, in quocunque loco existant.

Deinde cum dicit, *Probet autem seipsum homo*, adhibet remedium contra prædictum periculum: & primo ponit remedium; secundo assignat rationem, ibi, *Qui enim manducat, & bibit indigne, iudicium sibi manducat, & bibit*; tertio rationem manifestat per signum, ibi, *Ideo inter vos multi infirmi, & imbecilles, & derisunt multi*. Dicit ergo, primo: Quia tantum reatum incurrit qui indigne sumit hoc sacramentum, ideo necesse est ut primo homo seipsum probeat, id est diligenter examinet suam conscientiam, ne sit in eo voluntas peccandi mortaliter, vel aliquod peccatum præteritum, de quo non sufficienter pœnituerit; & sic, post diligentem examinationem, (b) securus, *de pane illo edat, & de calice bibat*: quia digne sumentibus non est venenum, sed medicina. Galat. ult. 4. „Opus autem suum probeat, unusquisque.“ II. Corinth. xiii. 5. „Si estis in fide Christi, vos probate.“

Deinde cum dicit, *Quicumque enim manducaverit panem hunc &c.* assignat rationem præ-

(a) A. eius culpa. (b) A. disp. securus.

prediſti medii, dicens: Ideo probatio præ-
exigitur: *qui enim indigne manducat, & bibit,
iudicium, idest condemnationem, sibi man-
ducat, & bibit*: sicut dicitur Ioan. v. 29.
„Relurgent qui male egerunt in resurre-
ctionem iudicii: „*non diiudicans corpus
Domini*; idest, ex eo quod non discernit cor-
pus Domini ab aliis, indifferenter ipsum as-
sumens, sicut alios cibos. Levit. xxii. 3.
„Omnis homo qui acceſſerit ad ea quæ
„consecrata sunt, io quo est immunditia,
„peribit coram Domino.“

Sed contra videtur esse quod dicit Ioan.
vi. 58. „Qui manducat me, vivit propter
me.“

Sed dicendum est, quod duplex est mo-
dus manducandi hoc sacramentum, scilicet
spiritualis, & sacramentalis. Quidam ergo
manducant sacramentaliter, & spiritua-
liter, qui scilicet ita sumunt hoc sacra-
mentum quod etiam rem sacramenti parti-
cipant, scilicet caritatem, per quam est
ecclesiastica unitas: & de talibus intelli-
gitur verbum Domini inductum, „Qui
„manducat me, vivit propter me.“ Quid-
dam vero manducant sacramentaliter tan-
tum, qui scilicet ita hoc sacramentum per-
cipiunt quod rem sacramenti, idest carita-
tem, non habent; & de talibus intelli-
gitur quod hic dicitur: *Qui manducat, & bi-
bit indigne, iudicium sibi manducat, & bibit.*
Est autem præter duos modos quibus su-
mitur sacramentum hoc, tertius modus su-
mendi, quo manducatur per accidens, dum
scilicet sumitur non ut sacramentum: quod
quidem contingit tripliciter. Uno modo
sicut quando aliquis fidelis sumit hostiam
consecratam, quam non credit esse conse-
cratam: talis enim habet habitum utendi
hoc sacramento, (a) sed non utitur eo ac-
tu ut sacramento. Alio modo, sicut quan-
do hostiam consecratam sumit aliquis infi-
delis, qui nullam fidem habet huius sacra-
menti: talis enim non habet habitum utendi
hoc sacramento, sed solum potentiam.
Tertio modo, sicut quando hostiam sacra-
tam comedit mus, vel quodlibet animal
brutum, quod etiam non habet potentiam
utendi hoc sacramento. Ex hoc igitur quod
spiritualiter sumentes hoc sacramentum ac-
quirunt vitam, alliciuntur quidam ad hoc
quod frequenter hoc sacramentum assument;
ex hoc autem quod indigne sumentes ac-
quirunt sibi iudicium, plures deterrentur,
ut rarius sumant; & utrumque commeu-
dandum videtur. Legimus enim Luc. xix.

S. Th. Oper. Tom. VI.

quod Zachæus recepit Christum dans
in domum suam, in quo eius caritas commenda-
tur: legitur etiam ibidem vii. 6.
quod Centurio dixit Christo: „Non sum
„dignus ut intres sub tectum meum, “
in quo commendatur honor, & reverentia
eius ad Christum. Quia tamen amor præferat
timori, per se loquendo commendabilius
esse videtur quod aliquis frequenter sumat
quam quod rarius. Quia tamen quod est
in se eligibilis, potest esse minus eligibi-
le quantum ad hunc vel illum; considera-
re quilibet in seipso debet quem effectum
in se habeat frequens susceptio huius sacra-
menti. Nam si aliquis sentiat se profice-
re in fervore dilectionis ad Christum, &
in fortitudine resistendi peccatis, quæ plu-
rimum consequuntur homines, debet fre-
quenter sumere; si vero ex frequenti sum-
ptione sentiat aliquis in se nulla reveren-
tiam huius sacramenti, monendus est ut
rarius sumat. Unde & in Lib. de eccle-
siasticis Dogmatibus dicitur: „Quotidie eu-
„charistiam sumere nec laudo, nec vitu-
„pero.“

Deinde cum dicit, *Ideo inter vos multi
infirmi &c.* manifestat prædictum rationem
per signum: & primo ponit signum; secun-
do assignat causam illius signi, ibi, *Quod si
non matrisas diiudicaverimus, non utique iudica-
remur.* Circa primum considerandum est,
quod, sicut Augustinus dicit in l. de Civit.
Dei cap. viii. si omne peccatum nunc ma-
nifeste Deus plecteret poena, nihil ultimo
iudicio reservari putaretur. Rursus si nul-
lum peccatum nunc puniret, nulla esse di-
vina providentia crederetur. In signum ergo
futuri iudicii, Deus etiam in hoc mun-
do pro peccato quoddam temporaliter pun-
it; quod maxime observatum videtur in
principio legislationis nunc novæ quam ve-
teris. Legimus enim Exod. xxxii. propter
peccatum vituli aurei adorati, multa mil-
lia hominum perempta. Rursus legitur
Act. v. propter peccatum mendacii, & sur-
ti, Ananiam, & Saphiram interisse. Un-
de & propter peccatum huius sacramenti
indigne sumpti, aliqui in primitiva Eccle-
sia puniebantur a Deo infirmis: mittite corpora-
li, vel etiam morte: undec dicit: *Ideo*, scilicet
in signum futuri iudicii, *inter vos multi
indigne sumentes corpus Christi, sunt in-
firmi corporaliter*: Psal. xv. 2. „Multipli-
„catæ sunt infirmitates: “ & *imbecilles*,
idest longa invaliditudine laborantes: & *dor-
miant multi*, scilicet morte corporali, se-
cun-

Y y cun-

(a) *Id.* emittuntur illa verba sed non utitur eo actu ut sacramento.

cundum quod sumitur dormitio I. ad Thess. iv. 12. „ Nolumus vos ignorare de dormitibus. „ Deinde cum dicit, *Quod si nosmetipsos diiudicavimus, non utique iudicamur*, assignat duplicem rationem prædicti signi: quarum prima sumitur ex parte nostri; secunda ex parte Dei, ibi, *Cum iudicamur autem a Domino, corripimur*. Ex parte autem nostra, causa divinæ punitionis est a negligentia, quia in nobis ipsis peccata commissa punire negligimus. Unde dicit: *Quod si nosmetipsos diiudicavimus*, redarguendo, & puniendo peccata nostra, *non utique iudicamur*; idest, non puniremur a Domino neque postmodum in futuro, neque etiam in præsentia.

Sed contra est quod supra iv. 3. dictum est: *Sed neque metipsum iudico*: & Rom. xiv. 22. dicitur: „ Beatus qui non iudicat se-
metipsum.

Sed dicendum est, quod aliquis potest seipsum iudicare tripliciter. Uno modo, discutendo; & sic aliquis debet iudicare seipsum & quantum ad opera præterita, & quantum ad futura, secundum illud Galat. ultim. 4. „ Opus suum probet unusquisque. „ Alio modo sententialiter, seipsum absolvendo, quasi iudicando se innocentem quantum ad præterita; & secundum hoc nullus debet iudicare seipsum, ut scilicet se innocentem iudicet, secundum illud Iob ix. 20. „ Si iustificare me voluero, os meum condemnabit me; si innocentem me offendero, pravum me comprobabit. „ Tertio modo reprehendendo, ut scilicet faciat aliquid quod ipse iudicat esse malum; & hoc modo intelligitur quod inductum est, „ Beatus est qui non iudicat semetipsum in eo quod probat. „ Sed quantum ad ea quæ iam fecit, debet quilibet seipsum iudicare, reprehendendo, & puniendo pro maleficiis. Unde dicitur Iob xiii. 25. „ Vias meas in conspectu eius arguam: „ & xxiii. 4. „ Ponam coram eo iudicium, & os meum replebo increpationibus: „ & de hoc iudicio Augustinus dicit in Lib. de Penitentia, & inducitur hic in Glossa: „ Versetur ante oculos nostros imago futuri iudicii, & ascendat homo adversum se ante faciem suam; atque constituto in corde iudicio, adit accusans cogitatio, & testis conscientia, & carnis ex cor. In de quidem sanguis animi confitentis per

„ lacrymas profluat, postremo ab ipsa mente talis sententia proferatur, ut le indignum homo iudicet participem corporis „ & sanguinis Domini.

Deinde cum dicit, *Cum iudicamur autem*, ponit causam quæ est ex parte Dei, dicens: *Cum iudicamur autem a Domino*, idest in hoc mundo punimur, *corripimur*; idest, hoc fit ad correctionem nostram, ut scilicet quilibet propter poenam quam sustinuit, a peccato recedat. Unde & Iob v. 17. dicitur: „ Beatus vir qui corripitur a Domino: „ & Proverb. xii. 12. „ Quem diligit Dominus, corripit. „ Vel etiam dum per poenam unius, alius peccare desistit. Proverb. xix. 25. „ Pestilente flagellato, stultus sapientior erit. „ Et hoc ideo ut non damnemur, æterna damnatione in futuro, *cum hoc mundo*, idest cum hominibus mundanis.

Deinde cum dicit, *Itaque fratres mei etc.*, reducit eos ad debitam observantiam: & primo ponitur id quod nunc ordinat; secundo ponitur promissio de ordinatione futura, ibi, *Cetera autem, cum venero, disponam*. Circa primum tria facit. Primo ponit ordinationem suam, dicens: *Itaque fratres mei*, ne unusquisque cœnam suam præsumat ad manducandum, *cum convenitis*, scilicet in Ecclesiam, *ad manducandum*, scilicet corpus Christi, *invicem expellatis*, ut scilicet simul omnes sumatis. Unde Exod. xii. 6. „ Immobilabit hæc multitudo filiorum Israel. „ Secundo excludit excusationem, dicens: *Si quis autem esurit*, & non potest tantum expectare, *domi manducet*, scilicet communes cibos, postmodum eucharistiam non sumpturus. Eccli. xxxvi. 20. „ Omnem escam manducabit venter. „ Tertio rationem assignat, dicens: *Ut non conveniatis*, scilicet ad sumendum corpus Christi, *in iudicium*, idest in vestram condemnationem. Deinde ponitur promissio, cum dicit: *Cetera*, scilicet quæ non sunt tanti periculi, *cum venero*, præsentialiter disponam, qualiter scilicet ea conservare debeatis. Ex quo patet quod Ecclesia multa habet ex dispositione Apostolorum quæ in sacra Scriptura non continentur. Eccli. x. 3. „ Civitates inhabitabuntur (idest Ecclesiæ disponantur) per sensum prudentium, scilicet Apostolorum.

CAPITIS DECIMISECUNDI

LECTIO I

DE spiritualibus autem nolo nos ignorare, fratres. Scitis autem quoniam cum Gentes essetis, ad simulacra muta, prout ducebamini, euntes. Ideo notum vobis facio quod nemo in Spiritu Dei loquens dicit, Anathema Iesu. Et nemo potest dicere, Dominus Iesus, nisi in Spiritu sancto. Divisiones vero gratiarum sunt, idem autem Spiritus; & divisiones ministrarionum sunt, idem autem Dominus; & divisiones operationum sunt, idem vero Deus, qui operatur omnia in omnibus.

Postquam Apostolus persecutus est de tribus sacramentis, scilicet baptismo, matrimonio, & eucharistia hic incipit de terminare de his quæ pertinent ad rem sacramentorum. Est autem duplex res sacramenti: una significata, & contenta, scilicet gratia, quæ statim cum sacramento confertur; alia significata, & non contenta, scilicet gloria resurrectionis, quæ in fine expectatur. Primo ergo agit de donis gratiarum; secundo de gloria resurrectionis, xv. cap. ibi. *Notum autem vobis facio*. Circa primum (a) primo agit de gratis gratis datis; secundo præsert omnibus his caritatem, quæ pertinet ad gratiam gratum facientem, xiii. cap. ibi, *Si linguis hominum loquar, & Angelorum*; tertio comparat gratias datas ad invicem, xiv. cap. ibi, *Sectamini caritatem*. Circa primum duo facit. Primo (b) principaliter exponit quid intendat, dicens: Dixi, quod cetera quæ pertinent ad usum sacramentorum, cum venero, disponam; sed quædam statim vobis tradere oportet; & hoc est quod dicit: *De spiritualibus autem*, idest de donis gratiarum, quæ sunt a Spiritu sancto, o fratres, nolo vos ignorare. Est enim maximum genus ingratitudinis ignorare beneficia accepta, ut Seneca dicit in Lib. de Beneficiis; & ideo ut homo non sit Deo ingratus, non debet spiritualia gratias ignorare. Supra ii. 12. *Spiritus accipimus qui ex Deo est, ut sciamus quæ a Deo donata sunt nobis*. Etsi v. 13. *Propterea captivus ductus est, populus meus, quia non habuit scientiam*, scilicet spiritualium. Secundo ibi, *Scitis quoniam cum Gentes essetis &c.* prosequitur suam intentionem: & primo ostendit spiritualium gratiarum necessita-

tem; secundo ponit gratiarum distributionem, ibi, *Divisiones vero gratiarum sunt*. Necessitas autem alicuius rei maxime cognoscitur ex defectu ipsius. Unde circa primum duo facit. Primo ponit defectum quem patiebantur ante susceptam gratiam; secundo concludit gratiæ necessitatem, ibi, *Ideo notum vobis facio*. Dicit ergo primo: *Scitis*, quasi experti, *quoniam cum Gentes essetis*, idest gentiliter viventes, nondum suscepta gratia per baptismum: Galat. ii. 15. *Nos enim natura Iudæi, non ex Gentibus peccatores*: Ephes. iv. 17. *Gentes ambulantes in vanitate sensus sui: eratis santes, quasi prompta mente, & assidua*, secundum illud Hierem. viii. 6. *Omnes conversi sunt ad cursum suum, quasi equus impetu vadens in prælium*: Proverb. i. 16. *Pedes eorum ad malum currunt*: *ad simulacra muta*, scilicet adoranda & colenda, secundum illud Psalm. cxiii. 5. *Os habent, & non loquentur*. Et ponit specialiter in eis defectum locutionis, quia locutio est proprius effectus cognitionis: unde ostenditur non intelligere simulacra, & per consequens nihil divinitatis habere, si sunt muta. Et hoc, *prout ducebamini*, idest sine aliqua resistentia. Ducebantur autem vel allekti ex pulchritudine simulacrorum: unde dicitur in Epistola Hieremæ: (c) *Vi debitis in Babylonia deos aureos, & gentes*... Videte ne merus vos capiat, in ipsis. Aut etiam ex imperio alicuius Principis, sicut legitur Dan. ii. quod Nabuchodonosor coegit homines adorare statuam auream: & II. Machab. vi. dicitur de quibusdam, quod ducebantur cum amara necessitate in die natalis Regis ad sacrificia. Vel etiam insinuat de-

Yy 2 mo-

(a) *Al. omittitur primo.* (b) *Al. principaliter.* (c) *Nempe Baruch vi. 1.*

monum, qui ad hoc præcipue anhelant ut divinus cultus eis exhiberetur, secundum illud Matth. xv. 9. „Hæc omnia tibi dabo, si cadens adoraveris me.“ Ibant ergo ad idola colenda prout ducebantur, idest sine aliqua resistentia, sicut de juvene etiam vecorde dicitur Proverb. vii. 22. „Statim eam sequitur, quasi bos ducens ad victimam.“ Per hoc ergo apparet quod homo ante susceptam gratiam promptè currit in peccatum sine resistentia. Specialiter autem facit mentionem de peccato idolatriæ propter tria. Primo quidem quia hoc est peccatum gravissimum, introducere alium Deum; sicut gravissime peccaret contra Regem qui alium Regem in regnum eius introduceret. Unde dicitur Job xxxi. 26. „Si vidi solem cum fulgeret, & lunam incedentem cælum, & oculus meus sum manum meam, (scilicet quasi cultor solis, & lunæ), quæ est iniquitas maxima, & negatio contra Deum altissimum.“ Secundo quia a peccato idolatriæ omnia alia peccata oriebantur, secundum illud Sap. xiv. 27. „Nefandorum idolorum cultura, omnis mali causa est.“ Tercio quia hoc peccatum apud Gentiles commune erat, & non reputabatur. Unde in Psalm. xcvi. 5. dicitur: „Omnes dii gentium dæmonia.“

Est autem considerandum, quod quidam dixerunt hominem in peccato mortali existentem, sine gratia (a) quidem non posse a peccato cui subiaceret, liberari: quia remissio peccatorum non fit nisi per gratiam, secundum illud Rom. iii. 24. „Iustificati per gratiam eius.“ posse autem se præservare a peccato mortali sine gratia per liberum arbitrium. Sed hæc positio non videtur vera. Primo quidem quia non potest aliquis se a peccato mortali præservare, nisi omnia legis præcepta servando; cum nullus mortaliter peccet, nisi transgrediendo aliquod legis præceptum; & ita posset aliquis observare omnia legis præcepta sine gratia, quod est hæresis Pelagiana. Secundo quia caritatem, per quam Deus diligitur super omnia, nullus potest habere sine gratia, secundum illud Rom. v. 5. „Caritas Dei diffusa est in cordibus nostris per Spiritum sanctum, qui datus est nobis.“ Non potest autem esse quod homo omnia peccata declinet, nisi Deum super omnia diligat; sicut illud magis contemnitur quod minus diligitur. Poterit er-

go esse per aliquod tempus quod ille qui caret gratia, a peccato abstinere; quousque occurrat illud propter quod Dei præceptum contemnet, a quo ducitur ad peccandum. Signanter autem Apostolus dicit, *Prout ducebamini.*

Deinde cum dicit, *Ideo notum vobis facio &c.* concludit duos effectus gratiæ: quorum primus est quod facit abstinere a peccato; secundus est quod facit operari bonum; & hoc ponit ibi, *Ex nemo potest dicere, Dominus Iesus, nisi in Spiritu sancto.* Dicit ergo primo: Ex quo quando sine gratia eratis, promptè ad peccandum currebatis, ideo notum vobis facio, quod si gratiam habuissetis, hoc vobis non contigisset: *nemo enim in Spiritu Dei, idest per Spiritum Dei, loquens dicit, Anathema Iesu,* idest blasphemiam contra Iesum, secundum illud I. Ioan. rv. 3. „Omnis spiritus qui solvit Iesum, ex Deo non est.“ Notandum quod supra posuit gravissimum peccatum, quod est blasphemiam, quod per gratiam declinatur, ut de aliis minoribus peccatis intelligatur. Potest autem per hoc quod dicitur, *Anathema Iesu,* intelligi quodlibet peccatum mortale. Anathema enim separationem significat: dicitur enim ab ana, quod est sursum, & thesis, quod est positio, quasi sursum positum: quia olim res quæ ab usu hominum separabantur, suspendebantur in templis, vel in locis publicis. Omne autem peccatum mortale separat a Iesu, secundum illud Esa. lix. 2. „Iniquitates vestræ dividerunt inter vos & Deum vestrum.“ Quicumque ergo mortaliter peccat, dicit corde, vel ore, *Anathema*, idest separationem a Iesu. *Nemo ergo in Spiritu Dei loquens dicit, Anathema Iesu:* quia nullus per Spiritum Dei peccat mortaliter: quia, ut dicitur Sap. i. 5. „Spiritus sanctus disciplinæ effugiet finem.“

Sed secundum hoc videtur quod quicumque habet Spiritum sanctum, non possit peccare mortaliter: quia etiam dicitur I. Ioan. xii. 9. „Omnis qui natus est ex Deo, peccatum non facit, quoniam semen ipsius in eo manet.“

Sed dicendum est, quod quantum est ex Spiritu Dei, homo non facit peccatum, sed magis a peccato retrahitur: potest tamen peccatum facere ex defectu voluntatis humanæ, quæ Spiritui sancto resistit, secundum illud Act. v. 31. „Vos autem, semper Spiritui sancto (b) resististis.“

Non

(a) *id est* quidam. (b) *id est* modo in Vulgata.

Non enim per Spiritum sanctum inhabitantem tollitur facultas peccandi a libero arbitrio totaliter in vita praesenti; & ideo signanter Apollolus non dixit, Nemo Spiritum Dei habens, sed, *Nemo in Spiritu Dei loquens*.

Deinde cum dicit, *Et nemo potest dicere, Dominus Iesus &c.* ponit secundum effectum gratiae, scilicet quod sine ea homo non potest bonum operari. Dicit ergo: *Et nemo potest dicere, quod Iesus est Dominus, nisi in Spiritu sancto.*

Contra quod videtur esse, quia per Spiritum sanctum homo introducit in regnum caelorum, secundum illud Psalm. cxlii. 10. „ Spiritus tuus bonus deducet me in terram rectam. „ Dominus autem dicit Math. vii. 21. „ Non omnis qui dicit „ Domine, Domine, intrabit in regnum caelorum. „ Non omnis ergo qui dicit Dominum Iesum, dicit hoc in Spiritu sancto.

Dicendum est autem, quod dicere aliquid in Spiritu sancto potest intelligi dupliciter. Uno modo in Spiritu sancto movente, sed non habito. Movet enim Spiritus sanctus (*) corda aliquorum ad loquendum quos non inhabitat; sicut legitur Ioan. xi. quod Caiphas hic quod de utilitate mortis Christi praedixerat, & semetipso non dixit, sed per spiritum prophetiae. Balaam etiam multa vera praedixit motus a Spiritu sancto, ut legitur Num. xxiii. & xxiv. licet eum non haberet. Secundum hoc ergo intelligendum est, quod nullus potest dicere quodcumque verum, nisi a Spiritu sancto motus, qui est Spiritus veritatis, de quo dicitur Ioan. xvi. 13. „ Cum autem venerit ille Spiritus veritatis, docebit vos „ omnem veritatem. „ Unde & in Glossa Ambrosius hoc in loco dicit: „ Omne verum, & quocumque dicitur, a Spiritu sancto est. „ Et specialiter in illis quae sunt fidei, quae per specialem revelationem Spiritus sancti sunt habita, inter quae est quod Iesus sit omnium Dominus: unde Ad. ii. 36. dicitur: „ Certissime sciat „ omnis domus Israel quia Deus fecit hunc „ Dominum Iesum, quem vos crucifixistis. „ Alio modo loquitur aliquis in Spiritu sancto movente, & habito; & secundum hoc etiam potest verificari quod hic dicitur, ita tamen quod dicere accipiat non solum ore, sed etiam corde, & opere. Dicitur enim aliquid corde, secundum illud Psalm. xlii. 1. „ Dixit inincipiens in

corde suo: Non est Deus. „ Dicitur etiam aliquid opere, inquantum exteriori opere aliquis suum conceptum manifestat. Nemo ergo nisi habendo Spiritum sanctum potest dicere Iesum Dominum, ita scilicet quod non solum hoc ore confiteatur, sed etiam corde reveretur ipsi ut Domino, & opere obediat ipsi quasi Domino. Sic igitur ex verbis praemissis tria circa gratiam considerare possumus. Primo quod sine ea peccatum homo vitare non potest, secundum illud Psalm. xciii. 17. „ Nisi „ quia Dominus adiuvit me, paulo minus „ in inferno habitasset anima mea. „ Secundo quod per eam vitatur peccatum, secundum illud I. Ioan. iiii. 9. „ Qui natus „ est ex Deo, non peccat. „ Tertio quod sine ea non potest homo bonum facere, secundum illud Ioan. xv. 5. „ Sine me nihil potestis facere. „

Deinde cum dicit, *Divisiones vero gratiarum sunt*, incipit distinguere gratias gratias datas: & primo distinguit eas in generali; secundo manifestat in speciali, ibi, *Unicuique autem datur manifestatio Spiritus ad utilitatem*. In his autem quae per gratiam Spiritus sancti conferuntur, tria oportet considerare. Primo quidem facultatem hominum ad operandum; secundo auctoritatem; tertio executionem utriusque. Facultas quidem habetur per donum gratiae, puta per prophetiam, vel potestatem faciendi miracula, aut per aliquid huiusmodi. Auctoritas autem habetur per aliquid ministerium, puta per Apostolatum, vel aliquid huiusmodi. Executio autem pertinet ad operationem. Primo ergo distinguit gratias; secundo ministeria; tertio operationes. Quantum ergo ad primum, ostendit necessitatem gratiae, quae tamen non totaliter advenit omnibus, nisi Christo, cui datus est Spiritus non ad mensuram, ut dicitur Ioan. iiii. sed quantum ad alios sunt divisiones gratiarum: quia quidam abundant in una, quidam in alia. Sicut enim in corpore rurali caput habet omnes lentus, non autem alia membra; ita in Ecclesia solus Christus habet omnes gratias, quae in aliis membris dividuntur, quod significatur Gen. ii. ubi dicitur, quod fluvius, scilicet gratiarum, egrediebatur ad irrigandum paradisum, qui inde dividitur in quatuor capita: & Matth. xxv. dicitur, quod uni dedit quodque talenta, alii duo, alii unum. Et quamvis dona gratiarum sint diversa, quae a diversis habentur,

(*) Alii cor. cor. 2.

tur, non tamen procedunt a diversis auctoribus, sicut ponebant Gentiles, qui sapientiam attribuebant Minervæ, locutionem Mercurio, & sic de aliis. Ad quod excludendum subdit: *Idem autem Spiritus*, scilicet sanctus, qui est auctor omnium gratiarum. Ephes. iv. 4. „Unum corpus, & unus Spiritus:“ & Sapient. vii. 22. „Est spiritus unus & multiplex:“ unus in substantia, multiplex in gratiis. Deinde ponit distinctiones. ministratorum, dicens: *Et divisiones ministratorum sunt*; idest, diversa ministeria, & officia requiruntur ad gubernationem Ecclesiæ. Prælati enim Ecclesiæ ministri dicuntur: sup. iv. 1. *Sic nos existimet homo ut ministros Christi*. Pertinet autem ad decorem, & perfectionem Ecclesiæ: ut in ea diversa ministeria sint, quæ significantur per ordines ministrantium: quod mirabatur regina Saba in domo Salomonis, ut legitur III. Reg. x. Omnes tamen uni Domino serviunt: unde subditur: *Idem autem Dominus*. Supra viii. 6. *Nobis unus Dominus Iesus Christus, per quem omnia*. Deinde ponit distinctionem operationum, dicens: *Et divisiones operationum*

sunt, quibus aliquis in se ipso bonum operatur, sicut per ministraciones ad proximum. Psalm. ciii. 23. „Exibit homo ad opus suum.“ scilicet sibi proprium. Eccli. xxxiii. 11. „Immutavit (idest dixit) stinxit) vias (idest operationes) eorum;“ quæ tamen omnes procedunt ab uno principio: unde subdit: *Idem vero Deus, qui operatur omnia*, sicut prima causa creans omnes operationes. Ne tamen aliæ causæ videantur. esse superflue, subdit, *In omnibus*, quia in causis secundariis prima causa operatur. „Ela. xxvi. 12. „Omnia opera nostra operatus es in nobis.“ Et notandum, quod Apostolus valde congrue gratias attribuit Spiritui, qui est amor, quia ex amore procedit quod aliquid gratis datur (a) ministris a domino cui ministratur; operationes Deo sicut primæ causæ momenti. Et quod dicit, *Spiritus*, potest referri ad personam Spiritus sancti; quod dicit, *Dominus*, ad personam Filii; quod dicit, *Deus*, ad personam Patris. Vel hæc tria possunt attribui Spiritui sancto, qui est Dominus Deus..

L E C T I O II.

Vnicuique autem datur manifestatio Spiritus ad utilitatem. Alii quidem per Spiritum datur sermo sapientiæ; alii autem sermo scientiæ, secundum eundem Spiritum; alteri vero fides in eodem Spiritu; alii gratia sanctorum in uno Spiritu; alii operatio virtutum; alii prophetia; alii secretum spirituum; alii genera linguarum; alii interpretatio sermonum. Hæc autem omnia operatur unus atque idem Spiritus, dividens singulis prout vult.

Posita in generali distinctione gratiarum, & ministratorum, & operationum, hic manifestat ea quæ dixerat, in speciali: & primo quantum ad divisionem gratiarum; secundo quantum ad divisionem ministratorum, ibi, *Et quosdam quidem posuit Deus in Ecclesia primum Apostolos, secundo Prophetas &c.* Circa primum duo facit. Primo ponit distinctionem gratiarum in speciali; secundo addibet similitudinem, ibi, *Sicut enim corpus unum est, & multa habet membra*. Circa primum tria facit. Primo ponit conditionem gratiarum gratisdatarum; secundo ponit earum distinctionem, ibi, *Alii quidem datur per Spiritum sermo sapientiæ &c.* tertio describit earum (b) auctorem, ibi, *Hæc autem omnia operatur unus atque idem Spiritus*. Dicit ergo primo: Di-

ctum est, quod sunt divisiones gratiarum. *Unicuique autem datur*, in quo designatur earum subiectum: sicut enim nullum membrum est in corpore: quod non participet aliquo modo sensum, vel motum acapite; ita nullus est in Ecclesia qui non aliquid de gratiis Spiritus sancti participet, secundum illud Matth. xxv. 15. „Dedit unicuique secundum propriam virtutem:“ & Ephes. iv. 7. „Unicuique nostrum data est gratia:“ manifestatio Spiritus, in quo designatur officium gratiæ gratis datæ. Pertinet autem ad gratiam gratum facientem, quod per eam Spiritus sanctus inhabitet; quod quidem non pertinet ad gratiam gratis datam, sed solum ut per eam Spiritus sanctus manifestetur, sicut interior motus cordis per vocem. Unde Ioan. iii. 8.

(a) M. ministris. (b) M. actionem.

dicatur : „ Vocem eius audis : „ & in Psal. cxviii. 2. dicitur : „ Notum fecit „ Dominus salutare suum. „ Manifestatur autem per huiusmodi gratias Spiritus sanctus dupliciter . Uno modo ut inhabitans Ecclesiam , & docens , & sanctificans eam ; puta , cum aliquis peccator , quem non inhabitat Spiritus sanctus , facit miracula ad ostendendum quod fides Ecclesie , quam ipse predicat , sit vera : unde dicitur Hebr. 11. 4. „ Contestante Deo signis , & „ prodigiis , & variis Spiritus sancti distributionibus . „ Alio modo manifestatur per huiusmodi gratias Spiritus sanctus ut inhabitans eum cui tales gratie conceduntur : unde dicitur Act. vi. quod Stephanus plenus gratia faciebat prodigia , & signa multa , quem Spiritu sancto plenum elegerunt . Sic autem non conceduntur huiusmodi gratie nisi sanctis . Et ne huiusmodi manifestatio vana videatur , subdit , *Ad utilitatem* , scilicet communem : in quo designatur finis harum : & hoc vel dum probatur vera doctrina Ecclesie , & sic fideles confirmantur , & infideles convertuntur ; vel dum sanctitas alicuius proponitur aliis in exemplum : unde & infra xiv. 22. *Ad adificationem Ecclesie quarite ut abundetis* : & supra x. 33. Non quaerens quod mihi utile est , sed quod multis ut salvi fiant .

Deinde cum dicit , *Alii quidem per Spiritum datur sermo sapientia* , ponit distinctionem gratiarum ; quae quidem , ut dictum est , dantur ad utilitatem communem . Et ideo oportet earum distinctionem accipere , secundum quod per unum potest aliorum salus procurari . Quod quidem homo non potest facere interius operando , hoc enim solius Dei est , sed solum exterius persuadendo . Ad quod quidem tria requiruntur . Primo quidem facultas persuadendi ; secundo facultas persuasionem confirmandi ; tertio persuasionem intelligibiliter proponendi . Ad facultatem autem persuadendi requiritur quod homo habeat peritiame conclusionum , & certitudinem principiorum circa ea in quibus debemus persuadere . Conclusiones autem in his quae pertinent ad salutem , quaedam sunt principales , scilicet res divinae , & ad hoc pertinet sapientia , quae est cognitio divinarum rerum , ut Augustinus dicit Lib. XIII. de Trin. (cap. 1.) & quantum ad hoc dicitur : *Alii quidem per Spiritum* , scilicet sanctum , *datur sermo sapientia* , ut possit persuadere ea quae ad cognitionem divinarum pertinent . Luc. xxi. 15. „ Ego dabo vo-

„ bis os , & sapientiam , cui non poterunt „ resistere , & contradicere omnes adversarii vestri . „ Supra 17. 6. *Sapientiam loquimur inter perfectos* . Secundariae conclusiones sunt quae pertinent ad notitiam creaturarum , quarum cognitio dicitur scientia , secundum Augustinum ibidem : & quantum ad hoc subdit : *Alii autem* , scilicet datur , *sermo scientia* , secundum eundem Spiritum , ut scilicet per creaturas ea quae sunt Dei manifestare possit . Huic enim scientiae attribuitur illud quo pia fides deiciuntur , & roboratur ; non autem quidquid curiositatis in humanis scientiis invenitur , ut Augustinus ibidem dicit . Sap. x. 10. „ Dedit illi scientiam sanctorum . „ Ela. xxxiii. 6. „ Divitiae salutis , sapientia , „ & scientia . „ Est tamen notandum , quod sapientia , & scientia inter septem dona Spiritus sancti computantur , sicut habetur Ela. xi. unde Apollolus signanter inter gratias gratis datas non ponit sapientiam , & scientiam , sed sermonem sapientiae , & scientiae , quae pertinent ad hoc ut homo aliis persuadere valeat per sermonem ea quae sunt sapientiae , & scientiae . Principia autem doctrinae salutis sunt articuli fidei ; & ideo quantum ad hoc subditur : *Alteri* , scilicet datur , *fides in eodem Spiritu* . Non autem hic accipitur pro fidei virtute , quia hoc commune est omnibus membris Christi , secundum illud Hebr. xi. 6. „ Sine fide impossibile est placere Deo ; „ sed accipitur pro sermone fidei , prout scilicet homo potest recte proponere ea quae fidei sunt , vel pro certitudine fidei , quam aliquis habet excellenter , secundum illud Matth. xv. 22. „ Mulier , „ magna est fides tua . „ Ea vero quae pertinent ad salutarem doctrinam , non possunt confirmari , seu probari ratione , quia rationem humanam excedunt , secundum illud Eccli. 111. 25. „ Plurima supra sensum „ hominis offensiva sunt tibi : „ confirmantur autem , seu probantur signo divino : unde & Moyses mittendus ad populum Israel , signum accepit a Deo , per quod confirmaret ea quae ex parte Dei dicebat , ut patet Exod. iv. sicut & signo regio confirmatur quod aliquid sit de mandato Regis . Signum autem Dei sumitur uno quidem modo ab eo quod solus Deus facere potest : sicut sunt miracula , quae Apostolus hic in dunt distinguit : nam primo dicit : *Alii* , scilicet datur , *gratia sanitatum* , id est per quam alicuius possit sanare infirmitatem , in uno , scilicet & eodem , *Spiritu* . Hier. xvii. 14. „ Sana me Domine , & sana „ bor . „

„bor. “ Ex his enim persuadetur aliquis, non solum propter magnitudinem facti, sed etiam propter beneficium. Secundo autem dicit: *Alii datur operatio virtutum*, ex quibus aliquis persuadetur solum propter magnitudinem facti; puta, cum mare dividitur, ut legitur Exod. xiv. vel quod sol, & luna stetit in cælo, sicut legitur Iosue x. Gal. iiii. 5. „ Quis tribuit nobis spiritum, tum, & operatur virtutes in nobis? Alio autem modo accipitur signum divinum ab eo quod solus Deus cognoscere potest. Hoc autem est vel futurum contingens, secundum illud Esa. xli. 23. „ Annuntiate, quæ ventura sunt, & sciemus quia dei „ estis vos: “ & quantum ad hoc dicit: *Alii, scilicet datur, prophetia*, quæ est divina revelatio (a) rerum eventus immobili veritate denuntiatis. Joel. ii. 28. „ Effundam de Spiritu meo super omnem „ carnem, & prophetabunt filii vestri. “ Aliud autem est cognitio humani cordis, secundum illud Hierem. xviii. 9. „ Præsum est cor hominis, & inscrutabile: „ quis cognosceret illud? Ego Dominus scrutans corda, & probans renes: “ & quantum ad hoc subdit: *Alii discretio spirituum*, ut scilicet homo discernere possit quo spiritu aliquis moveatur ad loquendum, vel operandum; puta, utrum spiritu caritatis, vel spiritu invidiæ. I. Ioan. iv. „ Nolite „ credere omni spiritui; sed probate spiritus, „ tus & ex Deo sunt. “ Facultas autem persuasionem pronuntiandi consistit in hoc quod homo possit loqui intelligibiliter aliis: quod quidem impeditur dupliciter. Uno modo per diversitatem idiomatum; contra

quod remedium adhibetur per hoc quod dicit. *Alii, scilicet (b)* dantur *genera linguarum*, ut scilicet possit loqui diversis linguis, ut intelligatur ab omnibus; sicut de Apostolis legitur Act. ii. quod loquebantur variis linguis. Alio modo per obscuritatem Scripturæ inducendæ; contra quod remedium datur per id quod subditur: *Alii interpretatio sermonum*, id est discipulum Scripturarum. Dan. v. 16. „ Audivi de te „ quod possis obscura interpretari. “ Gen. xl. 8. „ Numquid non Dei est interpretatio? “

Deinde cum dicit, *Hæc autem omnia operatur unus atque idem Spiritus*, determinat auctorem prædictarum gratiarum: circa quod tres errores excludit. Primo quidem Gentilium attribuentium diversa dona diversis diis; contra quod dicit: *Hæc autem omnia operatur unus atque idem Spiritus*. Eph. iv. 4. „ Unum corpus, & unus spiritus. “ Secundo errorem eorum qui per Deo attribuebant solum universalem providentiam rerum, ponentes quod distinctiones particularium sunt solum per causas secundas; contra quod subditur: *Dividens singulis prout vult*. Eccli. xxxiii. 11. „ In multitudine disciplinae (c) Dominus sepavit eos. “ Tertio excludit errorem eorum qui diversitatem gratiarum attribuebant vel facti, vel humano merito, & non solum voluntati divinæ; sicut Macedoniani, qui dicebant Spiritum sanctum esse ministrum Patris, & Filii: & hoc excludit per hoc quod subdit, *Prout vult*. Ioan. iii. 2. „ Spiritus ubi vult spirat. “

L E C T I O III.

Sicut enim unum corpus est, & membra habet multa, omnia autem membra corporis, cum sint multa, unum tamen corpus sunt; ita & Christus. Etenim in uno Spiritu omnes nos in unum corpus baptizati sumus, sive Iudei, sive Gentiles, sive servi, sive liberi, & omnes in uno Spiritu potati sumus. Nam & corpus non est unum membrum, sed multa. Si dixerit pes, Quoniam non sum manus, non sum de corpore; non ideo non est de corpore. Et si dixerit auris, Quoniam non sum oculus, non sum de corpore, non ideo non est de corpore. Si totum corpus oculus, ubi auditus? Si totum auditus, ubi odoratus? Nunc autem posuit Deus membra, unumquodque eorum in corpore, sicut voluit. Quod si essent omnia unum membrum, ubi corpus? Nunc autem multa quidem membra, unum autem corpus. Non potest autem oculus dicere manui, Opera tua non indigeo; aut iterum caput pedibus, Non estis mihi necessarii. Sed multo magis quæ videntur membra corporis infirmiora esse, necessaria sunt; & quæ putamus

(a) *scilicet* inter eventus. (b) *scilicet* dantur gratia linguarum. (c) *scilicet* Domini.

tamque ignobiliora membra esse corporis, his honorem abundantiorum circumdamus; & quæ inhonestæ sunt nostræ, abundantiorum honestatem habent. Honestæ autem nostræ nullius egent. Sed Deus temperavit corpus ei cui deerat, abundantiorum tribuendo honorem, ut non sit schisma in corpore, sed in idipsum pro invicem sollicita sint membra. Et si quid patitur unum membrum, compatiuntur omnia membra: five gloriatur unum membrum, congaudent omnia membra. Vos autem estis corpus Christi, & membra de membro. Et quosdam quidem posuit Deus in Ecclesia, primum Apostolos, secundo Prophetas, tertio Doctores, deinde virtutes, exinde gratias curationum, opitulationes, gubernationes, genera linguarum, interpretationes sermonum. Numquid omnes Apostoli? Numquid omnes Prophetæ? Numquid omnes Doctores? Numquid omnes virtutes? Numquid omnes gratiam habent curationem? Numquid omnes linguis loquuntur? Numquid omnes interpretantur? AEmulamini autem charismata meliora. Et adhuc excellentiorem viam vobis demonstro.

Posita distinctione gratiarum, hic manifestat eam per similitudinem corporis naturalis: & primo ponit similitudinem in generali; secundo explicat eam in speciali, ibi, *Nam & corpus non est unum membrum, sed multa*. Circa primum duo facit. Primo ponitur similitudo; secundo similitudinis adaptatio, ibi, *Ita & Christus*. Circa primum considerandum est, quod sicut dicitur in V. Metaphys. tripliciter dicitur aliquid unum per se. Uno modo indivisibilitate, ut unitas, & punctum; secundum quem modum unitas excludit totaliter multitudinem, non solum actualem, sed etiam potentialem. Alio modo dicitur unum continuitate, ut linea, & superficies; quæ quidem unitas excludit multitudinem actualem, sed non potentialem. Tertio modo integritate; quæ non excludit multitudinem neque potentialem, neque actualem, sicut domus est una, quæ constituitur ex diversis lapidibus, & lignis; & eodem modo corpus hominis, aut cuiuslibet animalis est unum, quia eius perfectio integratur ex diversis membris, sicut ex diversis animæ instrumentis: unde & anima dicitur esse actus corporis organici, idest ex diversis organis constituitur. Proponit ergo primo Apostolus quod unitas corporis, membrorum multitudinem non excludit, dicens, quod sicut corpus unum est, & multa membra habet: unde & Rom. xii. 4. dicitur: „In uno corpore multa membra habemus.“ Item proponit quod multitudo membrorum non tollit corporis unitatem: unde subdit: *Omnia autem membra corporis, cum sint multa, nihilominus unum corpus sunt*, quod ex omnibus perficitur. Unde & Iob x. 11. dicitur: „Pelle, & carne vestisti me, ossibus, & nervis compegisti me.“

Deinde cum dicit, *Ita & Christus*, ponit, *S. Th. Oper. Tom. VI.*

tur adaptatio similitudinis: & primo adaptat similitudinem, dicens: *Ita & Christus*, scilicet est unus, secundum illud supra vii. 6. *Unus Dominus noster Iesus, per quem omnia*: & tamen multa, & diversa habet membra, scilicet omnes fideles, secundum illud Rom. xii. 5. „Multi unum corpus sumus in Christo.“ Secundo ponitur ratio adaptationis: ubi ponitur duplex ratio distinctionis. Una quidem ratio unitatis est Spiritus sanctus, secundum illud Ephes. iv. 4. „Unus corpus, & unus spiritus.“ Sed per virtutem Spiritus sancti duplex beneficium consequimur. Primo quidem quia per ipsum regeneramur, secundum illud Ioan. iii. 5. „Nisi quis renatus fuerit ex aqua, & Spiritu sancto.“ Unde dicit: *Etenim in uno Spiritu*, scilicet per virtutem unius Spiritus sancti, omnes nos, qui sumus membra Christi, sumus baptizati in unum corpus, idest in unitatem Ecclesiæ, quæ est corpus Christi, secundum illud Ephes. i. 22. „Ipsam dedit caput super omnem Ecclesiam, quæ est corpus eius.“ Gal. iii. 27. „Omnes qui in Christo baptizati estis, Christum induistis.“ Secundo per Spiritum sanctum reficimur ad salutem: unde subdit: *Et omnes potius sumus in uno Spiritu*, idest per virtutem unius Spiritus sancti. Potest autem hic potius intelligi dupliciter. Uno modo de interno refrigerio, quod Spiritus sanctus cordi humano præbet, extinguendo sitim carnalium desideriorum, & concupiscentiarum: unde Ecclesi. xv. 3. „Aqua salutari sapientiæ potavit eum.“ Ioan. vii. 38. „Flumina de ventre eius fluent aquæ vivæ.“ Alio modo potest intelligi de potu sacramentali, qui per Spiritum sanctum. Supra x. 4. *Omnes undem potum spiritalem biberunt*. Interponitur autem duplex ratio diversitatis. Una ex par-

Z z

te ri-

te ritus, cum dicit: *Sive Iudai, sive Gentiles*: alia ex parte conditionis, cum dicit: *Sive servi, sive liberi*. Nulla enim huiusmodi diversitas impedit unitatem corporis Christi. Unde Galat. xii. 28. dicitur: „Non est Iudæus, neque Græcus; non est Ieruus, neque liber: unum enim (a) est in Christo Iesu.“

Deinde cum dicit, *Nam & corpus non est unum membrum, sed multa*, explicat similitudinem in speciali: & primo describit conditionem corporis naturalis, & membrorum ipsius; secundo adaptat ad corpus mysticum Christi, ibi, *Vos autem estis corpus Christi*. Circa primum duo facit. Primo describit integritatem corporis naturalis; secundo habitudinem membrorum ad invicem, ibi, *Non potest autem oculus dicere manus, Opera tua non indiget*. Circa primum tria facit. Primo proponit quod intendit; secundo manifestat exemplificando, ibi, *Si dixerit pes, Quoniam non sum manus, non sum de corpore, non ideo non est de corpore*; tertio probat ducendo ad inconveniens, ibi, *Si totum corpus oculus, ubi auditus?* Dicit ergo primo: Dicitur est, quod omnes nos in unum corpus mysticum baptizati sumus: quod repræsentat similitudo corporis naturalis: nam corpus, naturale hominis, non est unum membrum, sed multa: quia scilicet eius perfectio non salvari in uno membro, sed integratur ex multis, quæ necesse habent deservire diversis potentiis, & adibus animæ. Unde & Rom. xii. 4. dicitur: „Sicut in uno corpore multa membra habemus, omnia autem membra corporis non eundem adum habent; ita multi unum corpus sumus in Christo.“

Deinde cum dicit, *Si dixerit pes &c.* manifestat quod dixerat exemplificando in membris quibusdam: & primo membris deservientibus motui: & ponit duo membra: pedem tamquam ignobilius membrum, eo quod calcatur terram; & portat totius corporis pondus; manum autem tamquam membrum nobilius, eo quod ipsa est organum organorum: & hoc est quod dicit: *Si dixerit pes, Non sum de corpore, quoniam non sum manus, non ideo non est de corpore*; quasi dicat: Perfectio corporis non tota consistit in uno membro, quamvis nobiliori; sed ad eius perfectionem requiruntur etiam ignobiliora. Per membra autem deservientia motui, designantur in Ecclesia homines dediti vitæ activæ, ita quod pedes sunt subditi, de quibus dicitur Ezech. i. 7., Pe-

des eorum pedes recti: „per manus autem figurantur prælati, per quos alii disponuntur: unde & Cant. v. 14. dicitur: „Manus illius tornatiles, auræ, plenæ hyacinthis.“ Sunt autem in Ecclesia necessaria non solum manus, idest prælati, sed etiam pedes, idest subditi: unde Prov. xiv. 28. dicitur: „In multitudine populi, dignitas Regis.“ Secundo exemplificat de membris ferventibus virtuti apprehensivæ; & ponit oculum, qui deservit visui, & aurem, quæ deservit auditui: nam isti duo sensus præcipue deserviunt humanæ sapientiæ: visus quidem quantum ad inventionem, eo quod plures rerum differentias offendit; auditus autem quantum ad disciplinam, quæ fit per sermonem. Rerum tamen sensuum dignior est visus quam auditus: quia & spiritualior est, & plura demonstrat, ac per hoc oculus est dignior aure. Dicit ergo: *Et si dixerit auris, quæ est ignobilius membrum, Non sum de corpore, quia non sum oculus*, qui est membrum nobilius, non ideo non est de corpore. Per membra ergo deservientia virtuti apprehensivæ, designantur in Ecclesia illi qui student vitæ contemplativæ: inter quos sunt sicut oculi, doctores, qui per seiplos veritatem inspicunt: unde dicitur Cant. v. 12. „Oculi eius sicut columbæ super rivos“, aquarum, quæ resident iuxta fluentia plenissima. „Per aures autem significantur discipuli, qui a magistris veritatem audiendo recipiunt: unde & (b) Dominus Matth. xii. 9. dicit: „Qui habet aures audiendi, audiat.“ Sunt enim in Ecclesia necessaria non solum doctores, sed etiam discipuli: unde & Iob xxix. 12. dicitur: „Auris audiens beatificavit me.“

Deinde cum dicit, *Si totum corpus oculus, ubi auditus?* probat ducendo ad inconveniens duplex: quorum primum est subterfugio necessarium a corpore; secundum est remotio integritatis corporis, ibi, *Quod si esset omnia unum membrum, ubi corpus?* Circa primum duo facit. Primo ponit inconveniens quod sequitur, dicens: *Si totum corpus esset oculus, quod est membrum nobilius, ubi esset auditus?* idest instrumentum audiendi quasi dicat, Si in Ecclesia essent omnes magistri. Unde dicitur Iac. iii. 1. „Nolite plures magistri fieri, fratres mei.“ Et iterum *si totum corpus esset auditus, idest instrumentum audiendi, ubi esset odoratus?* per quem possunt in Ecclesia intelligi illi qui etsi non sunt capaces verbo-

(a) ad. oñis. (b) ad. emittitur Dominus.

rum sapientiæ, percipiunt tamen quædam eius indicia a remotis, quasi odorem: unde & Cant. 1. 3. dicitur: „In odorem „unguentorum tuorum currimus.“ Secundo asserit contrariam veritatem, scilicet quod nec visus, nec auditus corpori debent desse, dicens: *Nunc autem Deus posuit*, idest ordinate disposuit, *membra diversa*. Nam etsi membrorum distinctio sit opus naturæ, hoc tamen agit natura ut instrumentum divinæ providentiæ. Et ideo primam causam dispositionis membrorum assignans, subdit: *Unumquodque eorum in corpore*; quasi dicat: Non sic posuit membra diversa ut unumquodque eorum secundum se separatim existeret, sed ut omnia convenirent in uno corpore; & sicut voluit. Nam prima causa institutionis rerum est voluntas divina, secundum illud Psal. cxiii. 3. „Omnia quæcumque voluit fecit.“ Sic autem & in Ecclesia disposuit diversa officia, & diversos status, secundum suam voluntatem: unde & Ephel. 1. 11. dicitur: „Prædestinati secundum propòsitum eius qui „operatur omnia secundum consilium voluntatis suæ.“

Deinde cum dicit, *Quod si essent omnia unum membrum, ubi corpus?* ducit ad aliud inconveniens, quod est defectus integritatis corporis. Unde primo ponit hoc inconveniens, dicens: *Quod si essent omnia unum membrum, ubi esset corpus?* idest, ubi esset integritas corporalis? quasi dicat, non esset. Ita si omnes in Ecclesia unius conditionis, & gradus essent, tolleretur perfectio, & decor Ecclesiæ, quæ in Psalm. xlv. 14. describitur circumamicta varietate. Secundo asserit veritatem contrariam, dicens: *Nunc autem multa quidem sunt membra, sed unum corpus*, quod ex omnibus integratur. Sic Ecclesia ex diversis ordinibus constituitur: unde & Cant. vi. 3. describitur „terribilis ut castrorum acies ordinata.“

Deinde cum dicit, *Non potest autem oculus dicere manui, Opera tua non indigeo*, ponit comparisonem membrorum ad invicem: & primo quantum ad necessitatem; secundo quantum ad cultum membris adhibitum, ibi, *Et quæ putamus ignobiliora membra esse corporis, his honorem abundantiorum circumdamus*; tertio quantum ad mutuam sollicitudinem, ibi, *Sed in idipsum pro invicem sollicita sunt membra*. Circa primum duo facit. Primo proponit omnia membra corporis esse necessaria, quamvis quædam ignobilia; secundo ponit necessitatis comparisonem, ibi, *Sed multo magis quæ videntur membra*

corporis inferiora esse, necessaria sunt. Ostendit autem primo rationem necessitatis membrorum; secundum duplicem differentiam. Primo quidem secundum differentiam membrorum deservientium motui: unde dicit: *Non potest autem oculus, qui deservit cognitioni, & significat contemplativos, dicere manui, quæ deservit motui, & significat activos: Opera tua non indigeo*: indigent enim contemplativi per opera activorum sustentari: unde & Luc. x. dicitur, quod cum Maria secus pedes Domini sederet audiens verba eius, Martha satagebat circa frequens ministerium. Secundo ostendit idem secundum differentiam prælatorum, qui significantur per caput, & subditorum, qui significantur per pedes: & hoc est quod subdit: *Aut iterum caput, idest prælati, secundum illud I. Reg. xv. 17.* „Caput in tribubus „Israel factus es,“ non potest dicere *prohibens*, idest subditis: *Non essis mihi necessarii*: quia, ut dicitur Prov. xiv. 28. „in multitudinem populi dignitas Regis.“

Deinde cum dicit, *Sed multo magis quæ videntur membra corporis inferiora esse, necessaria sunt*, comparat diversa membra ad invicem, quo ad necessitatem eorum, dicens, quod membra corporis, quæ videntur esse inferiora, sunt magis necessaria, sicut intestina. Ita etiam in Ecclesia sine officio aliquarum abiectionum personarum, puta agricultorum, & aliorum huiusmodi, præiens vita transiri non posset; quæ tamen posset duci sine aliquibus excellentioribus personis contemplationi, & sapientiæ deputatis, quæ Ecclesiæ deserviunt, ad hoc quod sit ornatior, & melius se habens. Ex hoc enim aliquid dicitur necessarium, quod est utile ad finem. Illa vero quæ sunt nobilissima, non se habent in ratione utilium, sed sunt per se ipsa appetenda ut fines: & ideo dicitur Iob xxxi. 39. „Si „fructus terræ comedi absque pecunia, & „animam agricolarum eius afflixi.“

Deinde cum dicit, *Et quæ putamus ignobiliora membra esse corporis, his abundantiorum honorem abundantiorum circumdamus*, comparat membra quantum ad texteriorem cultum: & primo ponit diversitatem quæ diversis membris adhibetur; secundo causam diversitatis assignat, ibi, *Deus temperavit corpus ei cui decet*. Cultus autem exterior membris adhibitus ad duo pertinet, scilicet ad honorem, sicut ea quæ apponuntur ad ornatum, ut monilia, & inanes; & ad honestatem, sicut quæ apponuntur ad tegumentum, ut brachæ, & alia huiusmodi. Quantum ergo ad primum cultum dicit primo: *Et quæ*

*putamus esse ignobiliora membra corporis, his circumdamus abundantius honorem, id est maiorem ornatum; sicut auribus alicubi suspenduntur in aures, oculis autem nihil apponitur; & pedibus apponuntur calceamenta depicta, & gemmata, secundum illud Cant. vii. 1. „Quam pulchri sunt gressus tui in calceamentis, filia principis. „Manus autem nudae habentur. Et similiter in Ecclesia imperfectioribus sunt magis consolationes adhibendae, quibus perfectiores non egent. Unde dicitur Esa. xl. 12. „In brachio suo congregabit agnos, & in sinu suo levabit, fetas ipse portabit: „& I. Petr. i. 7. dicitur: „Viri quasi inhmieri vasculo muliebri impartientes honorem. „Secundo prosequitur quantum ad cultum honestatis, dicens: *Et quae inhonestae sunt, abundantius honestatem habent, id est per studium humanum.* Dicuntur autem membra aliqua inhonestae in sanctis non propter aliquam peccati turpitudinem, sed propter inobedientiam membrorum genitalium subsecutam ex peccato originali: vel etiam quia sunt ignobili usui deputata, sicut omnia membra quae deserviunt emissioni superfluitatum, quibus abundantior honestas adhibetur dum studiosius teguntur, quo non indigent membra nobilibus usibus deputata: unde subdit: *Honestae autem nostrae nullius egent, scilicet exterioris honestatis: unde nec faciei velamen apponitur.* Et similiter in Ecclesia illi qui sunt in aliquo culpabiles, sunt admonendi, & custodiendi, secundum illud Eccli. xlii. 11. „Super filiam luxuriosam confirma custodiam: „& Gal. vi. 1. dicitur: „Si praecupatus quis fuerit in aliquo delicto, vos qui spirituales estis, huicmodi instruite in spiritu lenitatis. „Illi autem qui sunt absque culpa, his non egent.*

Et est notandum, quod triplicem defectum circa membra notavit, scilicet inhonestatis, ignobilitatis, & inhemitatis: quorum primum, in membris Ecclesiae pertinet ad culpam; secundum ad conditionem servilem; tertium ad statum imperfectioris.

Deinde cum dicit, (a) *Sed Deus temperavit corpus ei cui dedit, ponit causam praedicti cultus: & primo assignat causam efficientem primam: licet enim homines taliter se habeant ad cultum membrorum, hoc tamen procedit ex ordinatione divina: unde dicit: Sed Deus temperavit corpus, abundantius honorem tribuendo ei membro*

*eius dedit: nam homines hoc faciunt ex quodam divino (b) instinctu, secundum illud Iob xxxii. 16. „Aperit aures vi-
rorum, & erudiens eos instruit discipli-
na. „Secundo ponit causam finalem, dicens: Ut non sit schisma in corpore: quod quidem sequeretur, si defectui membrorum non subveniretur. Hoc autem schisma, quantum ad membra corporis mystici, manifeste vitatur, dum pax Ecclesiae custoditur per hoc quod singulis ea quae sunt necessaria attribuantur: unde & supra dictum est cap. 1. 10. *Idipsum dicatis omnes, & non sint in vobis schismata.* Sed quantum ad membra corporis naturalis, schisma esset in corpore, si debita proportio membrorum tolleretur.*

Deinde cum dicit, *Sed in idipsum pro invicem solliciti sunt membra*, ponit comparationem membrorum ad invicem quantum ad mutuum sollicitudinem: & primo proponit eam, dicens: Non solum praedicta membra operantur ad invicem, sed etiam pro se invicem sunt solliciti in idipsum, id est in unitatem corporis conservandi. Et hoc quidem manifeste in corpore naturali apparet: nam quodlibet membrum naturalem quandam inclinationem habet ad iuvamentum aliorum membrorum: unde & naturaliter homo opponit manum ad protegendum alia membra ab ictibus. Et similiter fideles, qui sunt membra corporis mystici, pro se invicem sollicitudinem gerunt, secundum illud Eccli. xvi. 12. „Unicuique mandavit Deus de proximo suo: „& Galat. vi. 2. „Alter alterius onera portate. „Secundo specificat hanc sollicitudinem: & primo in malis, in quibus magis est manifestum: unde dicit: *Et si quid, scilicet mali, patitur unum membrum, compatiuntur omnia membra.* Quod quidem manifestum est in corpore naturali: nam uno membro languente, totum corpus quasi languescit, & ad locum languoris confluit spiritus, & humores quasi ad subveniendum. Et similiter debet esse in fidelibus Christi, ut unus malo alterius compatiatur, secundum illud Iob xxx. 25. „Flebam quondam super eo qui afflictus erat, & anima mea compatiabatur. „Secundo in bonis: unde subdit: *Sive gloriatur unum membrum, congaudent omnia membra.* Quod etiam manifestum est in corpore naturali, in quo vigor unus membri, in iuvamentum cedit (c) aliis membris. Sic debet

(a) *Al. Et Deus.* (b) *Al. instinctu.* (c) *Al. aliorum membrorum.*

debet etiam esse in membris Ecclesiae, ut noulquique bonis alterius congaudeat. Phil. 11. 17. „Gaudeo, & congratulor „omnibus vobis.“ Rom. xii. 15. (a) „Gaudere cum gaudentibus, & flere cum „flentibus.“

Deinde cum dicit, *Vos autem estis corpus Christi*, adaptat similitudinem ad propositum: & primo quantum ad corporis unitatem, dicens: *Vos autem*, scilicet qui estis in unitate fidei congregati, *estis corpus Christi*, secundum illud Ephes. 1. 22. „Ipsam „dedit caput super omnem Ecclesiam, „quæ est corpus eius.“ Secundo quantum ad membrorum distinctionem, cum subdit: *Et estis membra de membris*: quod potest intelligi tripliciter. Uno modo sic. *Estis membra* dependentia de Christo *membra*; qui quidem dicitur membrum secundum humanitatem, secundum quam præcipue dicitur Ecclesiae caput: nam secundum divinitatem non habet rationem membri, aut partis, cum sit commune bonum totius universi. Alio modo sic. *Vos estis membra* dependentia de membris, inquantum per me, Christo acquisiti estis, secundum illud supra 14. 15. *In Christo Iesu per Evangelium ego vos genui*. Tertio modo posset exponi ut designaretur distinctio, & series membrorum, ut sit sensus: *Vos estis membra de membris*; idest, ita distinguimini, & ordinamini ad invicem, sicut unum membrum ad aliud.

Deinde cum dicit, *Et quosdam quidem posuit Deus in Ecclesia*, prolequitur de distinctione ministrorum: circa quod tria facit. Primo assignat ordinem ministrationum; secundo manifestat eorum distinctionem, ibi, *Numquid omnes Apostoli?* tertio ordinat eorum affectionem circa diversas administrationes, & gratias, ibi, *Æmulamini autem charismata meliora*. Circa primum duo facit. Primo ponit majores, seu principales administrationes; secundo ministrationes secundarias, ibi, *Opinationes &c.* Majores autem ministri in Ecclesia sunt Apostoli, ad quorum officium tria pertinent: quorum primum est auctoritas gubernandi fidelem populum, quæ proprie pertinet ad officium Apostolatus; secundum facultas docendi; tertio potestas miracula faciendi ad confirmationem doctrinæ: & de his tribus habetur Luc. 10. 1. ubi dicitur: „Convocatis Iesus duodecim Apostolis, dedit illis virtutem, & potestatem super omnia dæmonia, & ut lan-

„guores curarent, & misit illos prædi- „care regnum Dei.“ In omnibus autem potestatibus, seu virtutibus ordinatis, illud quod est principale, reservatur supremæ potestati. Alia vero etiam inferioribus communicantur. Potestas autem faciendi miracula ordinatur ad doctrinam sicut ad finem, secundum illud Marc. ult. 20. „Sermonem confirmante sequenti- „bus signis.“ Doctrina autem ordinatur ad gubernationem populi sicut ad finem, secundum illud Hierem. 11. 15. „Dabo „vobis pastores secundum cor meum, & „pascunt vos scientia, & doctrina.“ Et ideo primus gradus inter ecclesiastica ministeria est Apostolorum, quibus specialiter competit Ecclesiae regimen: & propter hoc dicit: *Et Deus posuit*, idest ordinate collocavit in Ecclesia, *quosdam*, scilicet in determinatis ministeriis, secundum illud Ioan. xv. 16. „Posui vos ut „eatis“, „primum quidam Apostoli“, quorum regimini commisit Ecclesiam, secundum illud Luc. xxii. 29. „Ego dispono „vobis, sicut disposuit mihi Pater meus, „regnum.“ Unde & Apoc. xxi. super duodecim fundamenta civitatis describuntur duodecim Apostolorum nomina: propter quod & ipsi inter ceteros fideles primum in spiritualibus gratis obtinuerunt, secundum illud Rom. viii. 23. „Nos ipsi primitias „Spiritus habentes.“ Et quamvis ad Apostolos præcipue pertineat doctrinæ officium, quibus dictum est Matth. ult. 19. „Euntes „docete omnes gentes;“ tamen alii in communionem huius officii assumuntur: quorum quidam per seipsos revelationes a Deo accipiunt, qui dicuntur Prophetæ; quidam vero de his quæ sunt aliis revelata, populum instruunt, qui dicuntur Doctores. Unde subdit, *Secundo Prophetas*, qui etiam in novo testamento fuerunt: quod enim dicitur Matth. 21. 13. „Lex „& Prophetæ usque ad Ioannem“, intelligitur de Prophetis qui futurum Christi adventum prænuntiaverunt: *tertio Doctores*: unde & A. 1. xiii. 1. dicitur: „Erant „in Ecclesia quæ erat Antiochiæ, Prophetæ, & Doctores.“ Similiter etiam & gratia miraculorum fuit aliis communicata, quæ primitus a Christo data fuit Apostolis: unde subdit, *Deinde viros*, qui scilicet miracula sciunt circa ipsa elementa mundi. Galat. 1. 5. „Operator virtutis in nobis.“ Quantum autem ad miracula quæ sunt in corporibus huma-

(a) id. Gaudete, & flere.

nis, subdit: *Exinde gratias curatum*: secundum illud Luc. ix. 1. „ Ut languores „ curarent. „

Deinde cum dicit, *Opitulaciones &c.* ponit minores, sive secundarias administrationes: quarum quædam ordinantur ad regimen Ecclesiæ, quod ad Apostolatus dignitatem pertinere diximus; quædam vero ad doctrinam. Ad regimen Ecclesiæ pertinent in generali quædam *opitulaciones*, idest illi qui opem ferunt maioribus prælati in universali regimine, sicut archidiaconi Episcopis, secundum illud Philip. xv. 3. „ Adiuva illas quæ mecum labora- „ verunt in Evangelio cum Clemente, & „ ceteris adiutoribus meis. „ In speciali autem ponit *gubernaciones*, sicut sunt parochiales sacerdotes, quibus committitur gubernatio aliquarum particularium plebium. Prov. xi. 14. „ Ubi non est gubernator, corrumpet populus. „ Ad doctrinam autem pertinet secundario quod subdit, *Linguarum genera*, quantum ad illos qui variis linguis loquuntur magnalia, ut dicitur Act. ii. ne scilicet propter varietatem idiomatum evangelica doctrina impediatur. Quantum vero ad amovendum impedimentum doctrinæ, quod posset provenire ex obscuritate sermonum, subdit,

Interpretaciones sermonum. Infra xiv. 13. *Qui loquitur lingua, utet ut interprete-*

Deinde cum dicit, *Numquid omnes Apostoli?* manifestat distinctionem prædictarum ministracionum, dicens: *Numquid omnes in Ecclesia sunt Apostoli?* quasi dicat, non. *Numquid omnes Prophetæ?* &c. Ex quo patet diversitas harum ministracionum. Eccli. xxxiii. 11. „ In multitudine discipulorum Dominus separavit eos: „ & xxxvii. 31. „ Non omnia omnibus expediunt. „

Deinde cum dicit, *Amulamini autem charismata meliora*, ordinat eorum affectum circa prædicta spiritalia dona, dicens: Cum multa sint dona Spiritus sancti, ut dictum est, *amulamini*, idest desiderate, *charismata meliora*, idest gratias potiores, ut scilicet magis desideretis ea quæ sunt meliora, puta prophetiam quam donum linguarum, ut infra xiii. dicitur. I. ad Thess. ult. 21. „ Omnia probate: quod „ bonum est tenere. „ Et ne in præmissis donis eorum affectus quiesceret, subdit: *Et adhuc excellentiorem viam vobis demonstrat, scilicet caritatem, qua directius in Deum itur.* Psalm. cxviii. 32. „ Viam mandatorum tuorum excurre. „ Esa. xxx. 31. „ Hæc est via, ambulate in ea. „

CAPITIS DECIMITERTII

LECTIO I.

SI linguis hominum loquar, & Angelorum, caritatem autem non habeam; factus sum velut æs sonans, aut cymbalum tinniens. Et si habuero prophetiam, & noverim mysteria omnia, & omnem scientiam; & si habuero omnem fidem, ita ut montes transferam, caritatem autem non habuero; nihil sum. Et si distribuero in cibos pauperum omnes facultates meas, & si tradidero corpus meum, ita ut ardeam, caritatem autem non habuero; nihil mihi prodest.

Apostolus gratiarum gratis datarum distinctionem assignavit, & ministracionum in quibus membra Ecclesiæ distinguuntur; hic agit de caritate quæ inseparabiliter concomitatur gratiam gratum facientem: & quia promiserat eis se demonstraturum viam excellentiorem, ostendit præminentiam caritatis ad cetera gratuita dona: & primo quantum ad necessitatem, quia scilicet sine caritate alia dona gratuita non sufficiunt; secundo quantum ad utilitatem, quia scilicet per caritatem

omnia mala vitantur, & omnia bona zguntur, ibi, *Caritas patientia est &c.* tertio quantum ad permanentiam, ibi, *Caritas nunquam excidit*. Omnia autem dona gratuita reducere videtur Apostolus ad tria. Nam primo ostendit quod donum linguarum, quod pertinet ad locutionem, sine caritate non valet; secundo quod etiam non valent ea quæ pertinent ad cognitionem, ibi, *Et si habuero prophetiam*; tertio ostendit idem de his quæ pertinent ad operationem, ibi, *Et si distribuero in cibos pauperum*

omnes facultates meas. Erat autem apud Corinthios multum desiderabile donum linguarum, ut infra xiv. patebit; & ideo ab eo incipiens, dicit: Promissi me demonstraturum excellentiorem viam; & hoc primo patet in dono linguarum: quia *si linguis hominum*, scilicet omnium, loquar; id est, si habuero donum gratiæ, per quod loqui possim linguis omnium hominum; & ad maiorem abundantiam, subdit, & *Angelorum*, caritatem autem non habeam; factus sum velut as sonans, aut cymbalum tinniens. Recte comparatione utitur. Anima enim per caritatem vivit, quæ vivit Deo, qui est animæ vita, secundum illud Deut. xxx. 20. „Ipse est vita tua.“ Unde & I. Ioan. 112. 14. dicitur: „Translati sumus de morte ad vitam, quoniam diligimus fratres.“ Qui non diligit, manet in morte. Recte ergo comparat loquelam caritate carentem, sono rei mortuæ, scilicet æris, aut cymbali, qui licet clarum sonum reddat, non tamen est vivus, sed mortuus; ita etiam locutio hominis caritate carentis, quantumcumque sit diserta, tamen habetur pro mortua, quia non proficit ad meritum vitæ æternæ. Est autem differentia inter æs sonans & cymbalum tinniens: quia æs cum fit planum, ex percussione simplicem sonum emittit; cymbalum autem cum sit concavum, ex una percussione sonum multiplicat, quod pertinet ad tinnitum. Aeri ergo comparantur qui veritatem simpliciter pronuntiant; cymbalo vero qui veritatem multipliciter pronuntiant, multas rationes, & similitudines apponendo, & conclusiones plurimas eliciendo, quæ tamen omnia sine caritate habentur ut mortua. Considerandum est autem, quæ linguæ Angelorum dicantur. Nam cum lingua sit membrum corporeum, & ad eius usum pertineat donum linguarum, quod interdum lingua dicitur, ut patet infra xiv. neutrum videtur Angelis competere, qui membra non habent. Potest ergo dici, quod per Angelos intelliguntur homines Angelorum officium habentes, qui scilicet aliis hominibus divina annuntiant, secundum illud Matth. 11. 7. „Laba sacerdotis custodiunt scientiam, & legem requirunt ex ore eius, quia Angelus Domini exercituum est.“ Sub hoc ergo sensu dicitur: *Si linguis hominum loquar, & Angelorum*, id est non solum minorum, sed etiam maiorum, qui alios docent. Potest etiam intelligi de ipsis incorporeis Angelis, prout in Psalm. cxi. 4. dicitur: „Qui facit Angelos suos spiritus.“

Et quamvis non habeant linguam corpoream, per similitudinem tamen lingua in eis dici potest vis qua manifestant aliis quod habent in mente. Est autem sciendum, quod in cognitione mentis angelicæ aliquid est de quo superiores Angeli non loquuntur inferioribus, neque e converso, scilicet ipsa divina essentia, quam omnes immediate vident, Deo se omnibus monstrante, secundum illud Hierem. xxxi. 34. „Non docebit ultra vir proximum suum; & vir fratrem suum, dicens, Cognosce Dominum: omnes enim cognoscent me a minimo usque ad maximum eorum.“ aliquid autem est in cognitione mentis angelicæ de quo superiores loquuntur inferioribus, sed non e converso; & huiusmodi sunt divinæ providentiæ mysteria, quorum plura cognoscunt in ipso Deo superiores, qui clarius eum vident quam inferiores: unde superiores de huiusmodi inferiores instruunt, vel illuminant; quod locutio potest dici. Aliquid vero est in cognitione mentis angelicæ de quo superiores loquuntur inferioribus, & e converso; & huiusmodi sunt occulta cordium, quæ ex libero arbitrio dependent, quæ soli Deo patent, & his quorum sunt, secundum illud supra 11. 11. *Qua sunt hominis, nemo novit nisi spiritus hominis qui in ipso est:* quæ in notitiam alterius deveniunt, eo cuius sunt, manifestante, sive sit inferior, sive superior. Fit autem huiusmodi manifestatio dum inferior Angelus superiori loquitur, non per illuminationem, sed per quemdam significationis modum. Est enim in quolibet Angelo aliquid quod naturaliter ab altero Angelo cognoscitur. Dum ergo id quod est naturaliter notum, proponitur ut signum eius quod est ignotum, manifestatur occultum; & talis manifestatio dicitur locutio, ad similitudinem hominum, qui occulta cordium manifestant aliis per voces sensibiles, aut per quodcumque aliud corporale exterius apparens. Unde & ea quæ sunt in Angelis naturaliter nota, inquantum assumuntur ad manifestationem occultorum, dicuntur signa, vel nuntus. Potestas autem manifestandi conceptum suum hoc modo, metaphorice lingua nominatur.

Deinde cum dicit, *Et si habuero prophetiam*, ostendit idem de his quæ pertinent ad cognitionem. Est autem attendendum, quod supra proposuit quatuor dona gratuita ad cognitionem pertinentia, scilicet sapientiam, scientiam, fidem, & prophetiam. Incipit ergo hic a prophetia, dicens:

Et si

Et si habuerit prophetiam, per quam divinitus occulta revelantur, secundum illud II. Petr. 1. 21. „Non enim voluntate humana allata est aliquando prophetia, sed Spiritu sancto inspirati, locuti sunt sancti Dei homines. “Secundo quantum ad sapientiam subdit: *Et novimus omnia mysteria*, id est occulta divinitatis, quod pertinet ad sapientiam, secundum illud supra 11. 7. *Loquimur Dei sapientiam in mysterio absconditam*. Tertio quantum ad scientiam dicit, *Et omnem scientiam*, sive humanitus acquisitam, sicut habuerunt Philosophi; sive divinitus infusam, sicut habuerunt eam Apostoli. Sap. vii. 17. „Dedit mihi eorum quæ sunt veram scientiam. “Quarto quantum ad fidem subdit: *Et si habuerit omnem fidem, ita ut montes transferam*. Potest autem exponi id quod dicit, *Omnem fidem*, id est omnium articularum; sed melius est ut exponatur, *Omnem*, id est perfectam fidem, propter illud quod subditur, *Ita ut montes transferam*: dicitur enim Matth. xvi. 19. „Si habueritis fidem sicut granum sinapis, diceritis monti huic, Transi hinc, & transibit. “Et quamvis granum sinapis sit minimum quantitate, non tamen intelligitur parva, sed perfecta fides grano sinapis comparari. Dicitur enim Matth. xxi. 21. „Si habueritis fidem, & non hæsitaveritis, non solum de siculnea facietis, sed etiam si monti huic dixeritis, Tolle, & iacta te in mari, fiet. “Fides ergo quæ non hædit, grano sinapis comparatur, quod quanto magis atteritur, tanto magis eius fortitudo sentitur.

Obiciunt autem aliqui, quod cum multi sancti perfectam fidem habuerunt, nullus legitur montes transulisse.

Quod quidem solvitur per id quod supra xii. 7. dictum est: *Unicuique datur manifestatio Spiritus ad utilitatem*. Illo enim modo, loco, & tempore miracula per gratiam Spiritus sancti sunt quo Ecclesie (a) requirit utilitas. Fecerunt autem sancti multa maiora quam translationem montium, prout erat fidelibus utile; puta suscitando mortuos, dividendo mare, & alia huiusmodi opera faciendo: & hoc etiam fecissent, si necessitas affuisset. Potest etiam hoc transferri ad expulsiorem dæmonum de humanis corporibus, qui montes dicuntur propter superbiam. Hier. xiii. 16. „Antequam offendant pedes vestri ad montes caliginosos: “ & 11. 25. „Ecce ego ad te, mons pessifer, qui corrumpis universam terram. “

Attribuitur autem operatio miraculorum fidei non hæsitanti, quia fides innititur omnipotentiae, per quam prædicta sunt. Si, inquam, habuerit omnia prædicta ad perfectionem intellectus pertinentia, *caritatem autem non habuerit*, per quam perficitur voluntas, nihil sum, scilicet secundum esse gratiae, de quo dicitur Ephes. 1. 10. „Ipsi sumus factura, creati in Christo Iesu in operibus bonis. “ Unde & contra quemdam dicitur Ezech. xvi. 19. „Nihil factus es, & non eris in perpetuum. “ Quod quidem hic propter defectum caritatis, per quam homo bene utitur intellectu perfecto. Sine caritate autem eius usus bonus non est. Unde & supra viii. dicitur quod scientia inflat, caritas autem ædificat. Est autem (b) notandum, quod Apostolus hic loquitur de sapientia, & scientia, secundum quod pertinent ad dona gratiae gratis datae, quæ sine caritate esse possunt: nam secundum quod computantur inter septem dona Spiritus sancti, numquam sine caritate habentur. Unde & Sap. 1. 4. dicitur: „In malevolam animam non intrabit sapientia: “ & ibid. x. 10. dicitur: „Dedit illi scientiam sanctorum. “ De prophetia autem, & fide manifestum est quod sine caritate haberi possunt.

Sed notandum est hic, quod fides firma, etiam sine caritate miracula facit. Unde Matth. vii. 22. dicentibus: „Nonne in nomine tuo prophetavimus, & multas virtutes fecimus? “ dicitur: „Numquam novi vos. “ Spiritus enim sanctus operatur virtutes etiam per malos, sicut & per eos loquitur veritatem.

Deinde cum dicit, *Et si distribuere in cibis pauperum omnes facultates meas*, ostendit idem in his quæ pertinent ad opera, quæ consistunt in hoc quod homo faciat bona, secundum illud Galat. vi. 9. „Bonum facientes, non deficiamus; “ & in hoc quod patienter sustineat mala, secundum illud Psal. xci. 15. „Bene patientes erunt, ut annuntient. “ Inter cetera vero bona opera, magis commendantur opera pietatis, secundum illud I. ad Timoth. iv. 18. „Pietas ad omnia utilis est. “ Circa quod opus quatuor condiciones designat: quarum prima est quod opus pietatis non totum congregetur in unum, sed dividatur in plures, secundum illud Psal. cxi. 9. „Dispersit, dedit pauperibus: “ & hoc designatur cum dicitur, *Si distribuere*. Secundo ut opus pietatis fiat ad subveniendum necessitati, non ad serviendum superfluitati, se-

cun-

(a) *M. requiritur.* (b) *M. attendendum.*

condum illud Esa. lvi. 7. „Frangere esurienti panem tuum:“ & hoc designatur cum dicitur, *In cibis*. Tertio ut opus pietatis exhibeat indigentibus, secundum illud Luc. xiv. 13. „Cum facis convivium, voca pauperes:“ & hoc designatur cum dicitur, *Panperum*. Quarto ad perfectionem pertinet ut homo omnia bona sua in opera pietatis expendat, secundum illud Matth. xix. 21. „Si vis perfectus esse, vade, & vende omnia quæ habes, & da pauperibus:“ & hoc designatur cum dicitur, *Omnes facultates meas*. Inter mala vero quæ quis sustinet patienter, potissimum est martyrium: unde dicitur Mathe. v. 10. „Beati qui persecutionem patientur propter iustitiam.“ Quod etiam quadrupliciter commendat. Primo quidem quia laudabilius est quod necessitate imminente, puta propter defensionem fidei, seipsum offerat passioni, quam si deprehenus patiat: & ideo dicit, *Sitradidit*: sicut & de Christo dicitur Ephes. v. 2. „Tradidit semetipsum pro nobis.“ Secundo quia gravior est corporis humani iactura quam rerum, de quo tamen quidam commendantur Hebr. x. 34. „Rapiamus bonorum vestrorum cum gaudio sustinui-“
 „stis.“ Et ideo dicit, *Corpus*. Esa. l. 6. „Dedit corpus meum percutientibus.“ Tertio lau-

dabilius est quod aliquis exponat corpus suum in supplicio, quam corpus filii, vel cuiuscunque propinqui, de quo tamen commendatur quædam mulier II. Machab. vii. 20. „Supra modum videtur mirabilis, & bonorum memoria digna, quæ percutens septem filios sub unius diei tempore con-“
 „spiciens, bono animo ferebat.“ Et ideo dicit, *Mens*. Iudic. v. 9. „Qui propria voluntate obtulistis vos discrimini pro Domino.“ Quarto redditur martyrium laudabilius ex acerbitate pœnæ, de quo subditur, *Ita ut ardeam*, sicut Laurentius. Eccli. l. 9. „Quasi ignis effulgens, & thus ardens in igne.“ Si, inquam, prædicta opera tam excellentia fecero, *caritatem autem non habuero*, vel quia simul cum prædictis operibus adeit voluntas peccandi mortaliter, vel quia sunt propter inanem gloriam; *nihil mihi prodest*, scilicet quantum ad meritum vitæ æternæ, quæ solis diligentibus Deum repromittitur, secundum illud Job xxxvi. 33. „Annuntiat de ea amico suo, quod possessio eius sit.“ Et notandum, quod locutionem, quæ est vox animalis, si sit sine caritate, comparat non existentem; opera autem quæ sunt propter fidem, si sint sine caritate, dicit esse infructuosa. Sap. iiii. 11. Vacua est spes eorum, & labores sine fructu.

LECTIO II

Caritas patiens est, benigna est; caritas non æmulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, congaudet autem veritati. Omnia suffert, omnia credit, omnia sperat, omnia sustinet.

Postquam Apostolus ostendit caritatem esse adeo necessariam quod sine ea nullum spirituale donum sufficiat ad salutem; hic ostendit eam adeo esse utilem, & efficacis virtutis quod per eam cuncta opera virtutis implentur: & primo præmittit duo quasi generalia; secundo subiungit in speciali virtutum opera quæ per caritatem complentur, ibi, *Caritas non æmulatur*. Circa primum duo facit. Nam omnis virtus consistit in hoc quod aliqui in operando bene se habeant in sustinendo mala, vel in operando bona. Quantum ergo ad tolerantiam malorum dicit: *Caritas patiens est*; id est, facit patienter tolerari mala. Cum enim homo diligit aliquem propter eius amorem, de facili tolerat quæcumque difficultia; & similiter qui diligit Deum, propter eius amorem patienter tolerat quæ-

cumque adversa. Unde & Cantic. vii. 7. dicitur: „Aque multæ non poterunt extinguere caritatem, nec flumina obruent eam.“ Iac. i. 5. „Patientia opus perfectum habet.“ Quantum autem ad operationem bonorum subdit, *Benigna est*. Benignitas autem dicitur quasi bona ignetas, ut scilicet sicut ignis liquefaciendo effluere facit, ita caritas hoc efficit ut bona quæ homo habet, non sibi soli retineat, sed ad alios derivet, secundum illud Prov. v. 16. „Deriventur fontes tui foras, & in plateis aquas tuas divide:“ quod quidem caritas facit: unde I. Ioan. iii. 17. dicitur: „Qui habuerit substantiam huius mundi, & viderit fratrem suum necesse habere, & clausit viceria sua ab eo; quomodo caritas Dei manet in eo?“ Unde & Ephes. iv. 32. dicitur: „Estate in-

vicem benigni, & misericordes: " & Sap. 1. 6. dicitur: " Benignus est spiritus sapientie. "

Deinde cum dicit, *Caritas non emulatur* &c. proponit in speciali virtutum opera quæ caritas efficit: & quia ad virtutem duæ pertinent, scilicet abstinere a malo, & facere bonum, secundum illud Psalm. xxxiii. 15. " Declina a malo, & fac bonum: " & Esa. 1. 16. " Quiescite a re perverse, discite bene facere: " primo ostendit quomodo caritas facit omnia mala vitare; secundo quomodo facit omnia bona efficere, ibi, *Congaudet autem veritati*. Malum autem efficaciter non potest homo Deo facere, sed solum sibi, & proximo, secundum illud Iob xxxv. 6. " Si peccaveris, quid ei nocebis? " & postea subditur vers. 8. " Homini qui similis tui est, nocebit impietas tua. " Primo ergo ostendit quomodo per caritatem vitantur mala quæ sunt contra proximum; secundo quomodo vitantur mala quibus aliquis deordinatur in seipso, ibi, *Non inflatur* &c. Malum autem quod est contra proximum, potest esse in affectu, & in effectu. In affectu autem precipue est cum per invidiam quis dolet de bonis proximi; quod directe contrariatur caritati, ad quam pertinet quod homo diligat proximum suum sicut seipsum, ut habetur Levit. xix. Et ideo ad caritatem pertinet ut sicut homo gaudet de bonis propriis, ita gaudeat de bonis proximi. Ex quo sequitur quod caritas excludat invidiam: & hoc est quod dicit: *Caritas non emulatur*; id est, non invidet, quia scilicet facit cavere invidiam. Unde & in Psalm. xxxv. 1. dicitur: " Noli emulari in malignanti-bus: " & Proverb. xxiii. 17. " Non emuletur cor tuum peccatores. " Quantum ad effectum subdit: *Non agit perperam*, id est, perverse contra aliquem. Nullus enim iniuste agit contra illum quem diligit sicut seipsum. Esa. 1. 16. " Quiescite agere per-

Deinde cum dicit, *Non inflatur* &c. ostendit quomodo caritas facit vitare mala quibus aliquis deordinatur in seipso: & primo quantum ad passionem; secundo quantum ad electionem, ibi, *Non cogitat malum*. Ostendit ergo primo quod caritas repellit inordinatam passionem quantum ad tria. Primo quidem quantum ad superbiam, quæ est inordinatus appetitus propriæ excellentiæ. Tunc autem inordinate suam excellentiam quis appetit quando non sufficit ei contineri in eo gradu qui sibi est a Deo præstitus. Et ideo dicitur Eccli. x.

14. " Initium superbiæ hominis apostatare " a Deo. " Quod quidem fit dum homo non vult contineri sub regula ordinationis divinæ; & hoc repugnat caritati, qua quis super omnia Deum diligit. Colos. 1. 18. " Inflatus sensu carnis suæ, & non tenens " caput, ex quo totum corpus per nexus, " & coniunctiones subministratur, " & constructum, crescit in augmentum Dei. " Recte autem superbia inflationi comparatur. Nam id quod inflatur, non habet solidam magnitudinem, sed apparentem; ita superbi videntur quidem esse sibi magni, cum tamen vera magnitudine careant, quæ non potest esse absque ordine divino. Sap. 14. 19. " Dirumpet illos inflatos sine voce. " Et autem principalis superbiæ filia, ambitio, per quam aliquis querit præsele; quam etiam caritas excludit, quæ potius proximis eligit ministrare, secundum illud Galat. v. 13. " Per caritatem spiritus ser-vite invicem. " Et ideo subdit: *Non est ambitiosa*; id est, facit hominem ambitionem vitare. Eccli. vii. 4. " Noli querere ab homine ducatum, neque a Rege cathedram honoris. " Secundo ostendit quomodo caritas excludit inordinationem cupiditatis, cum dicit: *Non querit quæ suæ sunt*: ut intelligatur cum præcensione, id est, neglectis bonis aliorum: nam qui diligit alios sicut seipsum, bona aliorum querit, sicut & sui ipsius. Unde & supra x. 33. Apostolus dixit: *Non querens quod mihi utile est, sed quod multis, ut salvi fiant*: contra quod de quibusdam dicitur Philip. 11. 21. " Omnes quæ suæ sunt querunt, non quæ Iesu Christi. " Potest & aliter intelligi. *Non querit quæ suæ sunt*; id est, non repetit ea quæ sunt sibi ablata, scilicet in iudicio cum scandalo: quia magis amat salutem proximi quam pecuniam, secundum illud Philip. vii. 17. " Non quæro datum, sed requiro fructum abundantem in iustitia vestra. " Quod tamen qualiter intelligendum sit, supra vi. dictum est. Tertio ostendit quomodo caritas excludat inordinationem iræ, dicens: *Non irascitur*; id est, non provocatur ad iram. Est enim ira inordinatus appetitus vindictæ. Ad caritatem autem pertinet magis remittere offensas quam supra modum, aut inordinare vindictam, secundum illud Colos. 11. 13. " Donantes vobismetipsis, si quis adversus aliquem habet querelam. " Jac. 1. 20. " Ira viri iustitiam Dei non operatur. "

Deinde cum dicit, *Non cogitat malum*, ostendit quomodo per caritatem excluditur

tur inordinatio electionis. Est autem electio, ut dicitur in III. Ethic. (cap. v.) appetitus præconferri. Tunc ergo homo peccat ex electione, & non ex passione, quando ex consilio rationis affectus eius provocatur ad malum. Caritas ergo primo quidem excludit perversitatem consilii: & ideo dicit: *Non cogitat malum*; id est, non permittit excogitare quomodo aliquis perferat malum. Mich. 1. 2. „Væ qui cogitatis inutile, & operamini malum in cubilibus vestris.“ Eia. 1. 16. „Auferre malum cogitationum vestrarum ab oculis meis.“ Vel *caritas non cogitat malum*, quia non permittit hominem per varias suspiciones, & temeraria iudicia cogitare malum de proximo. Matth. 12. 4. „Ut quid cogitatis mala in cordibus vestris?“ Secundo caritas excludit inordinatum affectum malorum, cum dicit: *Non gaudet super iniquitate*. Ille enim qui ex passione peccat, cum quodam remorsu, & dolore peccatum committit; sed ille qui peccat ex electione, gaudet ex hoc ipso quod peccatum committit, secundum illud Prov. 14. 10. „Qui lætatur cum malo fecerint, & exultat in rebus pessimis.“ Hoc autem caritas impedit, inquantum est amor summi boni, cui repugnat omne peccatum. Vel dicit, quod caritas *non gaudet super iniquitate*, scilicet a proximo commissam; quinimmo de ea luget, inquantum contrariatur proximorum salutem, quam cupit. II. Corinth. 12. 21. „Ne iterum cum venero, humiliet me Deus apud vos, & luceam multos ex his qui ante peccaverunt.“ Deinde cum dicit, *Congaudet autem veritati*, ostendit quomodo caritas facit operari bonum: & primo quantum ad proximum; secundo quantum ad Deum, ibi, *Omnia credit*. Quantum ad proximum autem homo operatur bonum dupliciter, Pri-

mo quidem gaudendo de bonis eius; & quantum ad hoc dicit: *Congaudet autem veritati*, scilicet proximi, vel vite, vel doctrinae, vel iustitiæ, ex eo quod proximum diligat sicut seipsum. III. Ioan. 11. „Gavisus sum valde de venientibus fratribus, & testimonioque perhibentibus veritati tue, sicut in caritate ambulamus.“ Secundo in hoc quod homo mala proximi sustinet prout decet; & quantum ad hoc dicit: *Omnia suffert*; id est, absque turbatione sustinet omnes defectus proximorum, vel quæcumque adversa. Rom. xv. 1. „Debemus nos firmiores, imbecillitates infirmorum sustinere.“ Galat. vi. 2. „Alter alterius onera portate, & sic adimplebitis legem Christi, scilicet caritatem. Deinde cum dicit, *Omnia credit*, ostendit quomodo caritas faciat operari bonum in comparatione ad Deum: quod quidem fit præcipue per virtutes theologicas, quæ habent Deum pro obiecto. Sunt autem præter caritatem duæ virtutes theologicae, ut infra dicitur, scilicet fides, & spes. Quantum ergo ad fidem dicit: *Omnia credit*, scilicet quæ divinitus traduntur. Gen. xv. 6. „Credidit Abraham Deo, & reputatum est ei ad iustitiam.“ Credere vero omnia quæ ab homine dicuntur, est levitatis, secundum illud Eccli. 11. 4. „Qui cito credit, levis est corde.“ Quantum autem ad spem dicit: *Omnia sperat*, quæ scilicet promittuntur a Deo. Eccli. 11. 9. „Qui timetis Deum, sperate in eum.“ Et ne spes frangatur per dilationem, subdit: *Omnia sustinet*; id est, patienter expectat quæ promittuntur a Deo, quamvis dilata, secundum illud Habac. 1. 3. „Si moram fecerit, expecta eum.“ Psal. xxvi. 14. „Confortetur cor tuum, & sustine Domine, num.“

L E C T I O III.

Caritas numquam excidit; sive prophetiæ evacuabuntur, sive linguæ cessabunt, sive scientia destruetur. Ex parte enim cognoscimus, & ex parte prophetamus. Cum autem venerit quod perfectum est, evacuabitur quod ex parte est. Cum essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli.

Postquam Apostolus ostendit quod caritas excellit alia dona Spiritus sancti necessitate, & fructuositate, hic ostendit excellentiam caritatis ad alia dona quantum ad permanentiam; ibi, *Nunc autem manent fides, spes, caritas*. Circa primum duo fa-

cit. Primo proponit permanentiam caritatis; secundo cessationem aliorum donorum, ibi, *Sive prophetia evanescuntur*. Dicit ergo primo: *Caritas nunquam excidit*: quod quidam male intelligentes, (a) in errorem ceciderant, dicentes, quod caritas semel habita, nunquam potest amitti; cui videtur consonare quod dicitur I. Ioan. xii. 9. „ Omnis qui natus est ex Deo, peccatum non facit, quoniam semen ipsius in eo manet. „ Sed huius dicti primo quidem sententia falsa est: potest enim aliquis caritatem habens, a caritate excidere per peccatum, secundum illud Apocal. xi. 4. „ Caritatem tuam primam reliquisti. Meum esto itaque unde excideris, & age penitentiam. „ Et hoc ideo est quia caritas recipitur in anima hominis secundum modum ipsius, ut scilicet possit ea uti, vel non uti. Dum vero ea utitur homo, peccare non potest, quia usus caritatis est dilectio Dei super omnia: & ideo nihil restat propter quod homo Deum offendar; & per hunc modum intelligitur verbum Iohannis inductum. Secundo prædicta sententia non est secundum intentionem Apostoli: quia non loquitur hic de cessatione donorum spiritualium per peccatum mortale, sed potius de cessatione donorum spiritualium quæ pertinent ad hanc vitam, per gloriam supervenientem: unde sensus Apostoli est: *Caritas nunquam excidit*, quia scilicet sicut est in statu viæ, ita permanebit in statu patriæ, & cum augmento, secundum illud Esa. xxxi. 9. „ Dixit Dominus cuius ignis est in Sion (scilicet in Ecclesia militante) & caminus eius in Hierusalem, „ idest in pace cælestis patriæ.

Deinde cum dicit, *Sive prophetia evanescuntur*, proponit cessationem aliorum donorum spiritualium, & specialiter eorum quæ præcipua videntur. Primo quantum ad prophetiam dicit: *Sive prophetia evanescuntur*, idest cessabunt, quia scilicet in futura gloria, prophetia locum non habebit propter duo. Primo quidem quia prophetia respicit futurum; status autem ille non expectabit aliquid in futurum, sed erit finale complementum omnium eorum quæ ante fuerant prophetata. Unde in Psal. xlvii. 9. dicitur: „ Sicut audivimus (scilicet per Prophetas) et vidimus (præsentia) ter in civitate Domini virtutum. „ Secundo quia prophetia est cum cognitione figurati, & ænigmatica, quæ cessabit in

patria: unde dicitur Num. xii. 6. „ Si quis fuerit inter vos Propheta Domini, per somnium, aut in visione apparebo ei, „ vel per somnium loquar ad illum: „ & Oleez xii. 10. In manibus Prophetarum alius similitas sum. „ Secundo quantum ad donum linguarum dicit: *Sive lingua cessabunt*. Quod quidem non est intelligendum quantum ad ipsa membra corporea, quæ linguæ dicuntur, ut dicitur infra xv. 52. *Mortui resurgent incorrupti*, idest absque diminutione membrorum; neque etiam intelligendum est quantum ad usum linguæ corporeæ: est enim futura in patria laus vocalis, secundum illud Psalm. cxlix. 6. „ Exaltationes Dei in gutture eorum: „ ut Glossa ibidem exponit. Est ergo intelligendum quantum ad donum linguarum, quo scilicet aliqui in primitiva Ecclesia linguis variis loquebantur, ut dicitur Act. ii. in futura enim gloria quilibet quamlibet linguam intelligit: unde non erit necessarium variis linguis loqui. Nam etiam a primordio generis humani, ut dicitur Gen. xi. unus erat sermo, & unum labium omnibus; quod multo magis erit in ultimo statu, in quo erit unitas consummata. Tercio quantum ad scientiam subdit: *Sive scientia destruetur*.

Ex quo quidam accipere voluerunt, quod scientia acquisita, totaliter perditur cum corpore. Ad cuius veritatis inquisitionem considerare oportet, quod duplex est vis cognitiva, scilicet vis sensitiva, & vis intellectiva: inter quas est differentia: quia vis sensitiva est actus organi corporalis, & ideo necesse est quod desinat corpore corrupto; vis autem intellectiva non est actus organi corporei, ut probatur in III. de Anima, & ideo necesse est quod maneat corpore corrupto. Si ergo aliquid scientiæ acquisitæ conservetur in parte animæ intellectivæ, necesse est quod id permaneat post mortem. Quidam ergo posuerunt quod species intelligibiles non conservantur in intellectu possibili nisi quoadvis intelligit. Conservantur autem species phantasmatum in potentiis animæ sensitivæ, puta in memorativa, & imaginativa, ita scilicet quod semper intellectus possibilis quando de novo vult intelligere etiam quæ prius intellexit, indigeat abstrahere a phantasmatibus per lumen intellectus agentis; & secundum hoc consequens est quod scientia hic acquisita non remaneat post mortem. Sed hæc propositio est primo quidem contra

EA-

(a) *Id.* in errorem ceciderunt.

rationem. Manifestum est enim quod species intelligibiles in intellectu possibili recipiuntur ad minus dum actu intelligit. Quod autem recipitur in aliquo, est in eo per modum recipientis. Cum ergo substantia intellectus possibilis sit immutabilis, & fixa, consequens est quod species intelligibiles remaneant in eo immobiliter. Secundo est contra auctoritatem Aristotelis in III. de Anima, qui dicit, quod cum intellectu possibili est scies unumquodque, tunc etiam est intelligens in potentia. Et sic patet quod habet species intelligibiles, per quas dicitur sciens, & tamen adhuc est in potentia ad intelligendum in actu: & ita species intelligibiles sunt in intellectu possibili etiam quando non intelligit actu. Unde etiam ibidem Philosophus dicit, quod anima intellectiva est locus specierum, quia scilicet in ea conservantur species intelligibiles. Indiget tamen in hac vita converti se ad phantasmata, ad hoc quod actu intelligat, non solum ut abstrahat species a phantasmatibus, sed etiam ut species habitas phantasmatibus applicet: cuius signum est quod laeso organo virtutis imaginativæ, vel etiam memorativæ, non solum impeditur homo ab acquisitione novæ scientiæ, sed etiam ab usu scientiæ prius habitæ. Sic ergo remanet scientia in anima post corporis mortem quantum ad species intelligibiles, non autem quantum ad inspectionem phantasmatum; quibus anima separata non indigebit, habens esse, & operationem absque corporis communione. Et secundum hoc Apostolus hic dicit, quod scientia destruetur, scilicet secundum conversionem ad phantasmata. Unde & *Ela.* xxix. 14. dicitur: „Peribit sapientia a pientibus, & intellectus prudentium eius abscondetur.“

Deinde cum dicit, *Ex parte enim cognoscimus*, probat quod dixerat: & primo inducit probationem; secundo manifestat ea quæ in probatione continentur, ibi, *Cum assem parvulus, loquebar ut parvulus &c.* Inducit ergo primo ad probandum propositum, talem rationem. Adveniente perfectio cessat imperfectum; sed dona alia præter caritatem habent imperfectionem: ergo cessabunt superveniente perfectione gloriæ. Primo ergo proponit minorem propositionem quo ad imperfectionem scientiæ, cum dicit: *Ex parte enim cognoscimus*, id est imperfecte: nam pars habet rationem imperfecti. Et hoc præcipue verificatur quo-

tum ad cognitionem Dei, secundum illud *Iob* xxxvi. 26. „Ecce Deus magnus vinctus scientiam nostram:“ & *xxvi. 14.* „Ecce hæc ex parte didici sunt viarum eius.“ Proponit etiam imperfectionem prophetiæ, cum subdit: *Et ex parte*, id est imperfecte, *prophetamus*: est enim prophetia cognitio cum imperfectione, ut dictum est. Tacet autem de dono linguarum, quod est imperfectius his duobus, ut infra xiv. patebit. Secundo ponit maiorem, dicens: *Cum autem venerit quod perfectum est*, id est perfectio gloriæ, *evacuabitur quod ex parte est*; id est, omnis imperfectio tollitur: de qua perfectione dicitur I. Pet. ult. 10. „Morum passio ipse perficiet.“ Sed secundum hoc videtur quod etiam caritas evacuatur per futuram gloriam, quia ipsi est imperfecta in statu viæ per comparationem ad statum patriæ. Dicendum ergo, quod imperfectio dupliciter se habet ad id quod dicitur imperfectum. Quandoque enim est de ratione eius, quandoque vero non, sed accidit ei; sicut imperfectio est de ratione pueri, non autem de ratione hominis; & ideo adveniente perfecta ætate, cessat quidem pueritia, sed humanitas sit perfecta. Imperfectio est ergo de ratione scientiæ, prout hic de Deo habetur, inquantum scilicet cognoscitur ex sensibilibus; & similiter de ratione prophetiæ, inquantum est cognitio figuralis, & in futurum tendens: non est autem de ratione caritatis, ad quam cognitum bonum diligere pertinet; & ideo superveniente perfectione gloriæ cessat prophetia, & scientia; caritas autem non cessat, sed magis perficitur: quia quanto perfectius cognoscitur (a) Deus, tanto etiam perfectius amabitur.

Deinde cum dicit, *Cum assem parvulus &c.* manifestat ea quæ præmissa sunt: & primo manifestat maiorem, scilicet quod veniente perfecto, cessat imperfectum; secundo manifestat minorem, scilicet quod scientia, & prophetia sunt imperfecta, ibi, *Videmus nunc per speculum in enigmate.* Ostendit autem primum per similitudinem perfecti, & imperfecti, quod invenitur in ætate corporali: unde & primo describit imperfectum ætatis corporalis, dicens: *Cum assem parvulus*, scilicet ætate, *loquebar ut parvulus*, id est prout congruit parvulo, scilicet balbutiendo: unde propter naturalem defectum locutionis qui est in parvulis, commendatur sapientia Sap. x. quod linguas infantium facit disertas: & ut parvulus loquitur qui vana loquitur: *Plal.*

(a) Ad. amicitur Deus.

Psal. xl. 3. „Vana locuti sunt unusquisque ad proximum suum. „Quantum vero ad iudicium subdit: *Sapientiam ut parvulus*; idest, approbavam, vel reprobavam aliqua stulte, ut faciant parvuli, qui quandoque pretiosa contemnant, & vilia appetunt, ut dicitur Prov. 1. 22. „Usquequo parvuli diligitis infantiam, & stulti ea quæ sunt sibi noxia cipient? „Sapiunt ergo ut parvuli qui spiritualibus contemptis, terrenis inhaerent: de quibus dicitur Phil. 111. 19. „Gloria in confusione eorum qui terrena sapiunt. „Quantum autem ad rationis discursum dicit: *Cogitabam ut parvulus*, idest aliqua vana: unde & in Psalm. xc111. 12. dicitur: „Dominus scit cogitationes hominum quoniam vanae sunt.“ Et videtur Apostolus ordine præpoltero hæc tria ponere: nam locutio præsigit iudicium sapientiæ; iudicium vero præsupponit

cogitationes rationis. Et hoc satis congrue imperfectioni puerili, in qua est locutio sine iudicio, & iudicium sine deliberatione. Potest autem referri quod dicit, *Leguebar ut parvulus*, ad donum linguarum; cum dicit, *Sapientiam ut parvulus*, ad donum prophetiæ; quod autem subdit, *Cogitabam ut parvulus*, ad donum scientiæ. Secundo ponit id quod pertinet ad perfectionem ætatis, dicens: *Quando autem factus sum vir*, idest quando perveni ad perfectam, & virilem ætatem, *evacuavi*, idest abiici, *quæ erant parvuli*: quia, ut dicitur Esa. lxx. 20. „puer centum annorum morietur, & peccator centum annorum maledictus erit.“ Et est attendendum, quod Apostolus hic comparat statum præsentem pueritiæ propter imperfectionem, statum autem futuræ gloriæ propter perfectionem virili ætate.

LECTIO IV.

Videmus nunc per speculum in ænigmate, tunc autem facie ad faciem. Nunc cognosco ex parte, tunc autem cognoscam sicut & cognitus sum. Nunc autem manent fides, spes, caritas, tria hæc; maior autem horum est caritas.

Hic loquitur de visione quæ est cognitio Dei. Unde omnia præcedentia dona evacuanda, sunt intelligenda secundum quod ordinantur ad cognitionem Dei. Circa hoc duo facit. Primo enim probat id quod intendit in generali; secundo in speciali de seipso, ibi, *Nunc cognosco ex parte*. Dicit ergo: Dixi, quod ex parte cognoscimus, quia nunc videmus per speculum in ænigmate; sed tunc, scilicet in patria, videbimus facie ad faciem.

Ubi primo considerandum est, quid sit videre per speculum in ænigmate; secundum quid sit videre facie ad faciem. Sciendum est ergo, quod sensibile aliquid potest tripliciter videri, scilicet aut per sui præsentiam in re evidente, sicut ipsa lux quæ præfens est oculis; aut per præsentiam suæ similitudinis in sensu immediate derivatam ab ipsa re; sicut albedo quæ est in pariete, videtur, non existente (a) ipsa albedine præsentialiter in oculo, sed eius similitudine, licet ipsa similitudo non videatur ab eo: aut per præsentiam similitudinis non immediate derivatæ ab ipsa re, sed derivatæ a similitudine rei in aliquid aliud; sicut cum videtur aliquis homo per speculum: non enim similitudo hominis imme-

diata est in oculo, sed similitudo hominis resultantis in speculo. Per hunc ergo modum loquendo de visione Dei, dico, quod naturali cognitione solus Deus videt seipsum: quia in Deo idem est sua essentia, & suus intellectus; & ideo ipsa essentia est præfens suo intellectui. Sed secundo modo forte Angeli naturali cognitione Deum vident, in quantum similitudo diviniæ essentiae relucet immediate in eos. Tertio vero modo cognoscimus nos Deum in vita ista, in quantum invisibilia Dei per creaturas cognoscimus, ut dicitur Rom. 1. & ita tota creatura est nobis sicut speculum quoddam: quia ex ordine, & bonitate, & magnitudine, quæ in rebus a Deo causata sunt, venimus in cognitionem sapientiæ, bonitatis, & eminentiæ divini; & hæc cognitio dicitur visio in speculo. Ulterius autem sciendum est, quod huiusmodi similitudo, quæ est similitudinis in alio relucens, est duplex: quia aliquando est clara, & aperta, sicut illa quæ est in speculo; aliquando obscura, & occulta, & tunc illa visio dicitur ænigmatica: sicut dum dico: Me mater genuit, & eadem pignitur ex me: istud est per simile occultum; & dicitur de glacie, quæ pignitur ex aqua

con-

(a) Al. in ipsa.

compelata, & aqua gignitur ex glacie resoluta. Sic ergo patet quod visio per similitudinem similitudinis est in speculo per simile occultum in ænigmate; sed per simile clarum, & apertum facit aliam speciem allegoricæ visionis. In quantum ergo invisibilia Dei per creaturas cognoscimus, dicimur videre per speculum; in quantum vero illa invisibilia sunt nobis occulta, videmus in ænigmate. Vel aliter. *Videmus nunc per speculum*, idest per rationem nostram; & tunc ly per designat virtutem tantum; quasi dicat: *Videmus per speculum*, idest virtute animæ nostræ. Circa secundum vero sciendum est, quod Deus, secundum quod Deus, non habet faciem; & ideo hoc quod dicit, *Facie ad faciem*, metaphorice dicitur. Cum enim videmus aliquid in speculo, non videmus ipsam rem, sed similitudinem eius; sed quando videmus aliquid secundum faciem, tunc videmus ipsam rem sicut est. Ideo nihil aliud vult dicere Apostolus, cum dicit: *Videbimus in patria facie ad faciem*, quam quod videbimus ipsam Dei essentiam. I. Ioan. 111. 2. „Videbimus eum sicuti est.“

Sed contra est, quia Gen. xxxiii. 30. dicitur: „Vidi Dominum facie ad faciem.“ Sed constat quod tunc non vidit essentiam Dei. Ergo videre facie ad faciem, non est videre essentiam Dei.

Responsio. Dicendum est, quod illa visio fuit imaginaria. (a) Visionis autem imaginariæ est quidam gradus altior, scilicet videre illud quod apparet in ipsa imagine in qua apparet; & alius gradus inferior, scilicet audire tantum verba. Unde Iacob, ut infinuaret excellentiam visionis imaginariæ sibi ostensæ, dicit: „Vidi Dominum facie ad faciem;“ idest, vidi Dominum imaginariæ apparentem in sua imagine, & non per essentiam suam. Sic enim non fuisset visio imaginaria. Sed tamen quidam dicunt, quod in patria ipsa divina essentia videbitur per similitudinem creatam. Sed hoc est omnino falsum, & impossibile: quia nunquam potest aliquid per essentiam cognosci per similitudinem quæ non conveniat cum re illa in specie. Lapis enim non potest cognosci secundum illud quod est nisi per speciem lapidis quæ est in anima. Nulla enim similitudo ducit in cognitionem essentiae alicuius rei, si differat a re illa secundum speciem, & multo minus si differat secundum genus. Non enim per speciem equi, vel albedinis

potest cognosci essentia hominis, & multo minus essentia Angeli. Multo ergo minus per aliquam speciem creatam, quæcumque sit illa, potest videri divina essentia, cum ab essentia divina plus distet quæcumque species creata in anima, quam species equi, vel albedinis ab essentia Angeli. Unde ponere, quod Deus videatur solum per similitudinem, seu per quandam resurgentiam claritatis suæ, est ponere, divinam essentiam non videri. Et præterea, cum anima sit quædam similitudo Dei, visio illa non magis esset specularis, & ænigmatica, quæ est in via, quam visio clara, & aperta, quæ reprobmittitur sanctis in gloria, & in qua erit beatitudo nostra. Unde Augustinus (& habetur Lib. XV. de Trinit. cap. ix.) dicit hic in Glossa quod visio Dei, quæ est per similitudinem, pertinet ad visionem speculi, & ænigmati. Sequeretur etiam quod beatitudo hominis ultima esset in alio quam in ipso Deo; quod est alienum a fide. Naturale etiam hominis desiderium, quod est perveniendi ad primam rerum causam, & cognoscendi ipsam per seipsam, esset inane.

Sequitur: *Nunc cognosco ex parte*. Hic illud quod probavit in generali, probat in speciali de cognitione sui ipsius, dicens: *Nunc*, idest in presenti vita, ego Paulus *cognosco ex parte*, idest obscure, & imperfecte; *nunc autem*, scilicet in patria, *cognoscam sicut & cognitus sum*; idest, sicut Deus cognovit essentiam meam, ita Deum cognoscam per essentiam; ita quod ly *sicut* non importat hic æqualitatem cognitionis, sed similitudinem tantum.

Consequenter inserit principalem conclusionem, cum dicit: *Nunc autem manent fides, spes, caritas*. Causa autem quare non facit mentionem de omnibus donis, sed de istis tribus tantum, est quia hæc tria coniungunt Deo; alia autem non coniungunt Deo, nisi mediantibus istis. Alia etiam dona sunt quædam disponentia ad gignendum ista tria in cordibus hominum; unde & solum ista tria, scilicet fides, spes, & caritas, dicuntur virtutes theologice, quia habent immediate Deum pro obiecto.

Sed cum dona sint ad perficiendum vel affectum, vel intellectum; & caritas perficiat affectum, fides intellectum; non videtur quod spes sit necessaria, sed superflua.

Ad hoc sciendum est, quod amor est quædam vis unitiva, & omnis amor in quodam modo consistit. Unde & secundum divers.

(a) Al. Visio autem imaginaria est quidam gradus altior &c.

diversas uniones, diversæ species amicitie a Philosopho distinguuntur. Nos autem habemus duplicem coniunctionem cum Deo. Una est quantum ad bona naturæ, quæ hic participamus ab ipso; alia quantum ad beatitudinem, in quantum nos hic sumus participes per gratiam supernæ felicitatis, secundum quod hic est possibile: speramus etiam ad perfectam consecutionem illius æternæ beatitudinis pervenire, & fieri civēs cælestis Hierusalem. Et secundum primam communicationem ad Deum, est amicitia naturalis, secundum quam unumquodque, secundum quod est, Deum ut causam primam, & summum bonum appetit, & desiderat ut finem suum. Secundum vero communicationem secundam est amor

caritatis, quæ solum creatura intellectus æqualis Deum diligit. Quia vero nihil potest amari nisi sit cognitum, ideo ad amorem caritatis exigitur primo cognitio Dei. Et quia hoc est supra naturam, primo exigitur fides, quæ est non apparentium; secundo, ne homodeficiat, vel aberraret, exigitur spes, per quam tendat in illum finem sicut ad le perlineatam: & de his tribus dicitur Eccli. 12. 8. „ Qui timetis Deum, credite in illum, „ quantum ad illum: „ qui timetis Deum, sperate in illum: „ quantum ad spem: „ qui timetis Deum, diligite eum, „ quantum ad caritatem. Ista ergo tria manent nunc; sed caritas maior est omnibus, propter ea quæ dicta sunt supra.

CAPITIS DECIMIQUARTI

LECTIO I.

Sectamini caritatem, æmulamini spiritualia, magis autem ut prophetetis. Qui enim loquitur lingua, non hominibus loquitur, sed Deo: nemo enim audit, Spiritus autem loquitur mysteria. Nam qui prophetat, hominibus loquitur ad ædificationem, & exhortationem, & consolationem. Qui loquitur lingua, semetipsum ædificat; qui autem prophetat, Ecclesiam Dei ædificat.

Posita excellentia caritatis ad alia dona, hic consequenter Apostolus comparat alia dona ad invicem, ostendens excellentiam prophetiæ ad donum linguarum; & circa hoc duo facit. Primo ostendit excellentiam prophetiæ ad donum linguarum; secundo quomodo sit utendum dono linguarum, & prophetiæ, ibi, *Quid est ergo fratres? &c.* Circa primum duo facit. Primo ostendit quod donum prophetiæ est excellentius quam donum linguarum, rationibus sumptis ex parte infidelium; secundo ex parte fidelium, ibi, *Fratres mei, nolite pueri effici sensibus.* Prima pars dividitur in duas. Primo ostendit quod donum prophetiæ est excellentius dono linguarum quantum ad usum earum in exhortationibus, seu prædicationibus; secundo quantum ad usum linguarum, qui est in orando: ad hæc enim duo est usus linguæ, ibi, *Et ideo qui loquitur lingua, orat ut interpretetur.* Circa primum duo facit. Primo enim præmittit unum, per quod continuat se ad sequentia; & hoc est quod dicit: *Disium est, quod caritas omnia dona*

excellit. Si ergo ita est, *sectamini*, scilicet totis viribus, *caritatem*, quæ est dulce, & salubre vinculum mentium. I. Petr. 14. 8. „ Ante omnia caritatem mutuam in vobis: „ metipsum continuam habentes. „ Coloss. 111. 14. „ Super omnia autem caritatem „ habete, quod est vinculum perfectioris „ nis. „ Secundo subdit illud per quod continuat se ad sequentia: & hoc est quod dicit: *Æmulamini spiritualia*; quasi dicat: Licet caritas sit maior omnibus donis, tamen alia non sunt contemnenda, sed æmulamini, id est ferventer amatis, *spiritualia* dona Spiritus sancti. I. Petr. 111. 13. „ Quid „ est quod vobis noceat, si boni æmulatores „ res fueritis? „ Licet autem æmulatio quandoque sumatur pro ferventi dilectione, quandoque pro invidia; tamen non est æquivocatio, immo unum procedit ab alio: zelari enim, & æmulari designat ferventem amorem alicuius rei. Contingit autem quod res amata ita diligatur ferventer ab aliquo quod non patitur ibi consortem, sed ipse vult eam solus, & singulariter; & ille est zelus qui secundum quoddam est amor

mor intensus, non patiens confortium in amato. Hoc tamen non contingit in spiritualibus, quæ possunt perfectissime a multis participari; sed solum in illis quæ non possunt a multis participari. Unde in caritate non est huiusmodi zelus, non patiens confortium in amato; sed tantum in corporalibus; in quibus provenit quod, si aliquis habet illud quod ipse zelat, doleat; & ex hoc confluit æmulationis, quæ est invidia: sicut si ego amo dignitatem, seu divitias, doleo quod aliquis habet eas, unde & ei invidio. Et sic patet quod ex zelo surgit invidia. Cum ergo dicitur, *Æmulamini spiritualia*, non intelligitur de invidia, quia spiritualia possunt a multis haberi; sed dicit, *Æmulamini*, ut inducat ad ferventer amandum Deum. Et quia inter spiritualia est gradus quidam, quia prophetia excedit donum linguarum; ideo dicit: *Magis autem ut prophetetis*; quasi dicat: Inter spiritualia magis æmulamini donum prophetiæ. I. Thessal. v. 19. „ Spiritum non lite spernare. „

Ad explanationem autem totius capituli prænotanda sunt tria, scilicet quid sit prophetia, quot modis dicatur in Scriptura sancta prophetia, & quid sit loqui linguis.

Circa primum sciendum est, quod Prophetia dicitur quasi procul videns, & secundum quiddam dicitur a for fariis, sed melius dicitur a pharos, quod est videre. Unde I. Reg. ix. dicitur, quod qui nunc dicitur Prophetia, olim videns dicebatur. Unde visio eorum quæ sunt procul, sive sint futura contingentia, sive supra rationem nostram, dicitur prophetia. Est igitur prophetia visio, seu manifestatio futurorum contingentium, seu intellectum humanum excedentium. Ad huiusmodi autem visionem quatuor requiruntur. Cum enim cognitio nostra sit per corporalia, & per phantasmata a sensibilibus accepta, primo exigitur quod in imaginatione formetur similitudines corporales eorum quæ ostenduntur; ut Dionysius dicit, quod impossibile est aliter lucere nobis divinum radium, nisi varietate sacrorum (a) velaminum circumvelatum. Secundum quod exigitur est lumen intellectuale, illuminans intellectum ad ea quæ supra naturalem cognitionem nostram ostenduntur cognoscenda. Nisi enim ad similitudines sensibiles in imaginatione formatas intelligendas addit lumen intellectuale, ille cui similitudines huiusmodi osten-

duntur, non dicitur Prophetia, sed potius somniator; sicut Pharo, qui licet videret spicas, & vaccas, quæ erant indicativa futurorum quorundam; quia tamen non intellexit quod vidit, non dicitur Prophetia, sed potius ille, scilicet Ioseph, qui interpretatus est: & similiter est de Nabuchodonosor, qui vidit statuum, & non intellexit: unde nec Prophetia dicitur, sed Daniel. Et propter hoc dicitur Dan. x. 1. „ Intelligentia opus est in visione. „ Tertium quod exigitur est audacia ad annuntiandum ea quæ revelantur: ad hoc enim Deus revelat, ut aliis denuntientur. Hier. i. 9. „ Ecce dedi verba mea in ore tuo. „ Quartum est operatio miraculorum, quæ sunt ad certitudinem prophetiæ. Nisi enim facerent aliqua quæ excedunt operationem naturæ, non crederetur eis in his quæ naturalem cognitionem transcendunt.

Secundum ergo hos modos prophetiæ, dicuntur aliqui diversis modis Prophetæ. Aliquando enim aliquis dicitur Prophetia qui habet omnia ista quatuor, scilicet quod videt imaginarias visiones, & habet intelligentiam de eis, & audacter annuntiat aliis, & operatur miracula: & de hoc dicitur Num. xii. 6. „ Si quis fuerit inter vos Prophetia Domini, per somnium, aut „ in visione apparebo ei, vel per somnium „ loquar ad illum. „ Aliquando autem dicitur Prophetia ille qui habet solas imaginarias visiones; sed tamen improprie, & valde remote. Aliquando etiam dicitur Prophetia qui habet intellectualem lumen ad explanandum etiam visiones imaginarias, sive sibi, sive alteri factas; vel ad exponendum dicta Prophetarum, vel Scripturas Apostolorum. Et sic dicitur Prophetia omnis qui discernit doctorum scripturas: quia eodem spiritu interpretatæ sunt, quo editæ sunt. Et sic Salomou, & David possunt dici Prophetæ, inquantum habuerunt lumen intellectualem ad clare, & subtiliter intueendum. Nam visio David intellectualis tantum fuit. Dicitur etiam Prophetia aliquis solum ex hoc quod Prophetarum dicta denuntiat, seu exponit, ut cantat in Ecclesia; & hoc modo dicitur I. Reg. xix. quod Saul erat inter Prophetas, id est inter cautes dicta Prophetarum. Dicitur etiam aliquis Prophetia ex miraculorum operatione, secundum illud Eccl. xiv. quod corpus Eliæ mortuum prophetavit, id est miraculum fecit. Quod ergo dicit hic Apostolus per totum capitulum de Prophetis, intelligendum est

Bbb de

S. Th. Oper. Tom. VI.

(a) Ad voluminum.

de secundo modo, scilicet quod ille dicitur prophetare qui per lumen intellectuale divinas visiones sibi, & aliis factas, exponit. Et secundum hoc planum erit quod hic dicitur de Prophetis.

Circa secundum sciendum est, quod quia in Ecclesia primitiva pauci erant quibus imminabat fides Christi prædicare per mundum, ideo Dominus, ut commodius, & pluribus verbum Dei annuntiarent, dedit eis donum linguarum, quibus omnibus prædicarent, non quod una lingua loquentes ab omnibus intelligerentur, ut quidam dicunt; sed ad litteram, quod linguis diversarum gentium, immo omnium, loquerentur. Unde dicit Apostolus hoc cap. *Gratias ago Deo, quod omnium vestrum lingua loquor*: & *Ad. 11. 4.* dicitur: „Loquebantur variis linguis Apostoli.“ Et hoc donum multi adepti sunt a Deo in Ecclesia primitiva. Corinthii autem, quia curiosi erant, ideo libentius volebant illud donum quam donum prophetiæ. Quod ergo dicitur hic loqui lingua, vult Apostolus intelligi lingua ignota, (a) & non explanata; sicut si lingua Theutonice loquatur quis alicui Gallico, & non exponat, hic loquitur lingua. Vel etiam si loquatur visiones tantum, & non exponat, loquitur lingua. Unde omnis locutio non intellecta, nec explanata, quæcumque sit illa, est proprie loqui lingua.

His ergo visis, ad expositionem litteræ accedamus, quæ plana est. Circa hoc ergo duo facit. Primo probat quod donum prophetiæ excellentius est donum linguarum; secundo excludit quendam obiectionem, ibi, *Vult autem vos omnes loqui linguis*. Quod autem donum prophetiæ excedat donum linguarum, probat duabus rationibus: quarum prima sumitur ex comparatione Dei ad Ecclesiam; secunda ratio sumitur ex comparatione hominum ad Ecclesiam. Prima autem ratio talis est. Illud per quod facit homo ea non solum quæ sunt ad honorem Dei, sed etiam ad utilitatem proximorum, est melius quam illud quod fit tantum ad honorem Dei; sed prophetia est non tantum ad honorem Dei, sed etiam ad proximi utilitatem; per donum vero linguarum solum illud fit quod est ad honorem Dei: ergo &c. Huius autem rationis ponit medium, & primo quantum ad hoc quod dicit, quod qui loquitur lingua, honorat tantum Deum: & hoc est quod dicit: *Qui loquitur lingua*, scilicet

ignota, non loquitur hominibus, idest ad intellectum hominum, sed Deo, idest ad honorem Dei tantum: vel Deo, quia ipsa Deus solus intelligit: Sap. 1. 10. „Auris zeli Dei audit omnia, & tumultus murmurationum non abscondetur.“ Et quod non loquatur homini, subdit: *Nemo enim audit*, idest intelligit. Sic enim frequenter accipitur non audire pro non intelligere. Matth. 23. 9. „Qui habet aures audiendi, audiat.“ Quare autem soli Deo loquatur, subdit, quod ipse Deus loquitur: unde dicit: *Spiritus autem Dei loquitur mysteria*, idest occulta. Matth. 13. 35. „Noa enim vos estis qui loquimini, sed Spiritus Patris vestri qui loquitur in vobis.“ Supra 21. 11. *Nemo novit (b) quæ sunt Dei, nisi Spiritus Dei*. Secundo probat id quod dicit, quod prophetia est ad honorem Dei, & utilitatem proximorum: unde dicit: *Nam qui prophetat*, idest explanat visiones, seu scripturas, loquitur hominibus, idest ad intellectum hominum; & hoc ad edificationem incipientium, & ad exhortationem proficientium, & ad consolationem desolatorum. I. Thess. v. 14. „Consolamini pusillanimes.“ Tit. 11. 15. „Loquere, & exhortare.“ Vel ædificatio pertinet ad spirituale affectionem: quia ibi primo incipit ædificium spirituale: Ephes. 11. 22. „In quo & vos coædificamini in habitaculum Dei in Spiritu“: ritum vero ad inductionem ad bonos actus: quia si affectus est bonus, tunc actus est bonus. Tit. 11. 15. „Hæc loquere, & exhortare.“ Consolatio vero inducit ad tolerantiam malorum. Rom. xv. 4. „Quæcumque scripta sunt, ad nostram doctrinam scripta sunt.“ Ad hæc enim tria inducunt prædicantes divinam Scripturam. Secunda ratio talis est. Illud quod est utile soli facienti, est minus quam illud quod prodest etiam aliis; loqui autem linguis est utile soli ei qui loquitur, prophetare vero aliis prodest: igitur &c. Huius autem rationis ponit medium, & primo quantum ad primam partem medi; & hoc est quod dicit: *Qui loquitur lingua, semetipsum ædificat*. Psal. xxxviii. 4. „Conatus caluit cor meum intra me, & in meditatione mea exardescet ignis.“ Secundo quantum ad secundam partem; & hoc est quod dicit: *Qui autem prophetat, Ecclesiam*, idest fideles, ædificat, instruendo. Ephes. 11. 20. „Superædificati supra fundamentum Apostolorum, & Prophetarum.“

L E-

(a) *Ad.* & non explanare. (b) *Ad.* quæ sunt Spiritus Dei &c.

LECTIO II.

Volo autem vos omnes loqui linguis, magis autem prophetare. Nam maior est qui prophetat quam qui loquitur linguis; nisi forte interpretetur, ut Ecclesia ædificationem accipiat. Nunc autem, fratres, si venero ad vos linguis loquens, quid vobis prodero, nisi vobis loquar aut in revelatione, aut in scientia, aut in prophetia, aut in doctrina? Tamen quæ sine anima sunt vocem dantia, sive tibia, sive cithara, nisi distinctionem sonituum dederint, quomodo scietur id quod canitur, aut quod citharizatur? Etenim si incertam vocem det tuba, quis parabit se ad bellum? Ita & vos per linguam nisi manifestum sermonem dederitis, quomodo scietur quod dicitur? Eritis enim in aera loquentes. Tam multa, ut puta, genera linguarum sunt in hoc mundo, & nihil sine voce est. Si ergo nesciero virtutem vocis, ero ei cui loquor, barbarus; & qui loquitur, mihi barbarus. Sic & vos, quoniam æmulatores estis spirituum, ad ædificationem Ecclesie querite ut abundetis.

Hæc Apostolus excludit obiectionem, seu fallum intellectum qui posset esse circa præmissa: possent enim aliqui credere, quod ex quo Apostolus præterit prophetiam donum linguarum, quod donum linguarum esset contemnendum: unde ut hoc excludat, dicit: *Volo autem vos omnes loqui linguis*. Ubi primo ostendit quid intendit insinuare; secundo rationem horum assignat, ibi, *Nam maior est qui prophetat*. Dicit ergo: Licet hæc quæ dicta sunt, supra dixerim, non tamen volo vos donum linguarum spernere, sed volo vos omnes loqui linguis; tamen magis volo ut prophetetis. Num. xi. 29. „Quid tribuat ut omnis populus prophetet? „Cuius rationem assignat cum dicit: *Nam maior est qui prophetat*; quasi dicat: Ideo volo ut magis prophetetis, quia maior est qui prophetat. Et huius ratio est, quia aliquando aliqui moventur a Spiritu sancto loqui aliquid mysticum, quod ipsi non intelligunt: unde isti habent donum linguarum. Aliquando autem non solum loquuntur linguis, sed etiam ea quæ dicunt interpretantur: & ideo dicit: *Nisi forte interpretetur*. Nam donum linguarum cum interpretatione est melius quam prophetia: quia, sicut dictum est, interpretatio cuiuscumque ardui pertinet ad prophetiam. Unde qui loquitur, & qui interpretatur, Prophetæ est, & donum linguarum habet, & interpretatur, ut Ecclesiam Dei ædificet: ideo dicit: *Ut Ecclesia ædificationem accipiat*; id est, non solum intelligat se, sed etiam ut Ecclesia ædificetur. Rom. xiv. 19. „Quæ ædificationis sunt, invicem custodiamus:“ &

Rom. xv. 2. „Unusquisque proximo suo placeat in bonum ad ædificationem.“

Nunc autem, fratres, si venero ad vos linguis loquens, quid vobis prodero? Hic probat donum prophetiæ esse excellentius quam donum linguarum per exempla; & hoc tripliciter. Primo per exemplum a seipso sumptum; secundo per exemplum sumptum a rebus inanimatis, ibi, *Tamen quæ sine anima sunt vocem dantia, sive tibia, sive cithara, nisi distinctionem sonituum dederint, quomodo scietur id quod canitur*; tertio per exemplum sumptum ab hominibus diversimode loquentibus, ibi, *Tam multa, ut puta, genera linguarum sunt in hoc mundo*. Ex seipso autem argumentatur sic. Constat ergo quod ego non minus habeo donum linguarum quam vos; sed si loquerer vobis solum linguis, & non interpretarer, nihil vobis prodessem: ergo nec vos ad invicem: & hoc est quod dicit: *Nunc autem, fratres, si venero ad vos linguis loquens* (hoc dupliciter potest intelligi, scilicet vel linguis ignotis; vel ad litteram, quibuscumque signis non intellectis) *quid vobis prodero, nisi loquar vobis aut in revelatione, aut in scientia, aut in prophetia, aut in doctrina*? Ubi notandum, quod ista quatuor, scilicet aut in revelatione &c. possunt dupliciter distingui. Uno modo penes ea de quibus sunt; & sic sciendum est, quod illustratio mentis ad cognoscendum est de quatuor. Quia vel est de divinis; & hæc illustratio pertinet ad donum sapientiæ. Divinorum enim, ut supra dictum est, est revelatio: quia *quæ sunt Dei, nemo novit nisi Spiritus Dei*; supra 11. 17. Et ideo di-

Bbb 2 cit,

cit, *In revelatione*, quia scilicet illuminator mens ad cognoscendum divina. Vel est de terrenis, & non de quibuscunque, sed de illis tantum quæ sunt ad ædificationem fidei; & hoc pertinet ad donum scientiæ; & ideo dicit, *In scientia*, non Geometriæ, nec Astrologiæ, quia hæc non pertinent ad ædificationem fidei; sed *in scientia*, quæ est sanctorum. Sap. x. 10. „Dedit illi „scientiam sanctorum.“ Vel est de eventibus futurorum; & hoc pertinet ad donum prophetiæ; & ideo dicit, *Aut in prophetia*. Sap. xviii. 8. „Signa, & mon- „stra fecit antequam fiant, & eventus „temporum, & sæculorum.“ Notandum autem, quod prophetia non accipitur hic communiter, scilicet secundum quod supra dictum est; sed accipitur hic particulariter, prout est manifestatio futurorum tantum; & secundum hoc diffinitur a Caliodoro: „Prophetia est divina inspiratio „rerum, futura immobili veritate denan- „tians.“ Eccli. xxiv. 46. „Adhuc do- „ctrinam quasi prophetiam effundam, & „relinquam illam querentibus sapientiam.“ Vel est de agendis moralibus, & hoc pertinet ad doctrinam; & ideo dicit, *Aut in doctrina*. Rom. xii. 7. „Qui docet, in „doctrina.“ Proverb. xiii. 15. „Do- „ctrina bona dabit gratiam.“ Alio modo possunt hæc distingui penes (a) diversos modos acquirendi cognitionem; & sic sciendum est, quod omnis cognitio aut est a supernaturali principio, scilicet Deo, aut naturali, scilicet lumine naturali intellectus nostri. Si autem a supernaturali principio, scilicet lumine divino infuso, hoc potest esse dupliciter: quia (b) aut infunditur subito cognitio, & sic est revelatio; aut infunditur successive, & sic est prophetia; quæ non subito habuerunt Prophetæ, sed successive, & per partes, ut eorum prophetiæ ostendunt. Si vero cognitio acquiratur a naturali principio, hoc est aut per studium proprium, & sic pertinet ad scientiam; aut traditur ab alio, & sic pertinet ad doctrinam.

Tamen quæ sine anima suas vocem dantia, sive cythara, nisi distinctionem sonituum dederint, quomodo sciatur id quod canitur, aut quod cytharizatur? Hic ostendit idem per exempla sumpta ex rebus inanimatis, scilicet per instrumenta, quæ videntur vocem habere: & primo per instrumenta gaudii; secundo per instrumen-

ta pugnæ, ibi, *Etenim si incertam vocem det tuba, quis parabit se ad bellum?* Dicit ergo: Hoc non solum patet per ea quæ supra dicta sunt, sed etiam quantum ad ea quæ sine anima vocem dant, quod loqui linguis (c) solum, non prodest aliis.

Et quæ sine anima sunt vocem dantia. Contra. Vox est sonus ab ore animalis prolatus naturalibus instrumentis formatus. Non ergo ea quæ sunt sine anima, dant vocem.

Dicendum est, quod licet vox non sit nisi animalium, tamen potest dici per quamdam similitudinem, scilicet secundum quod quædam, sicut instrumenta, habent quamdam consonantiam, & melodiam; & ideo de illis (d) hic facit mentionem, scilicet de cythara, quæ dat vocem tactu, & tibia, quæ flatu. Si ergo hæc dant vocem sine distinctione, quomodo sciatur id quod canitur? Cum enim homo per instrumenta aliquid intendat exprimere, scilicet aliquos cantus, qui ordinantur vel ad flatum, vel ad gaudium: Esa. xxx. 29. „Canticum erit „vobis, sicut vox sanctificatæ solemnita- „tis, & lætitiæ cordis; sicut qui pergit „cum tibia, ut intret in montem Domi- „ni:“ vel etiam ad læsivum: non poterit diiudicari ad quid canitur tibia, aut ad quid cythara, si sonus sit confusus, & indistinctus. Ita si homo loquitur linguis, & non interpretatur, non poterit sciri quid velit dicere.

Etenim si incertam vocem dederit tuba, quis parabit se ad bellum? Hic ostendit idem per exempla inanimatorum, scilicet per instrumenta ad pugnam ordinata: & sumitur hæc similitudo ex Libro Num. x. Ibi enim legitur, quod Dominus præcepit Moysi ut faceret duas tubas argenteas, quæ essent ad conveniendum populum, ad movendum castra, & ad pugnandum. Et pro quolibet istorum habebant certum modum tubandi: quia aliter dabant vocem quando debebant convenire ad concilium, aliter quando movebant castra, & aliter quando pugnabant; & ideo arguit Apostolus, quod sicut si tuba det incertam vocem, id est indistinctam, nescitur utrum se debeant parare ad bellum, ita & vos si loquimini tantum linguis, nisi distinctum sermonem dicatis interpretando, vel exponendo, non poterit quis scire quid loquamini. Per tubam potest intelligi prædicator. Esa. lviii. 1. „Quali tuba exalta vocem tuam, & an- „nun-

(a) *Al. deest* directos.

(b) *Al. amittitur* aux-

(c) *Al. non solum* prodest.

(d) *Al. deside-*

nuntia populo meo scelera eorum. " Ratio autem quare non potest sciri quid loquamini, est quia *eritis in aera loquentes*, idest inutiliter. Supra ix. 26. *Sic pugno non quasi aera verberans.*

Tam multa, ut puta, genera linguarum sunt in hoc mundo. Hic sumit exemplum a diversis linguis loquentium; & circa hoc tria facit. Primo ostendit diversitatem linguarum; secundo inutilitatem loquentium sibi ad invicem in linguis extraneis, ibi; *Si ergo nesciero virtutem vocis, ero ei cui loquor, barbarus*; tertio concludit quod intendit, ibi; *Sic & vos quoniam amulatores estis spirituum, ad adificationem Ecclesiae quare ut abundetis.* Dicit ergo primo: Multae, & diversae linguae in mundo sunt, & quilibet potest loqui quaecumque vult; si tamen non loquatur determinate, non intelligitur: & hoc est quod dicit: *Tam multa, ut puta, genera linguarum sunt in hoc mundo.* Hoc potest dupliciter exponi: quia potest continuari eum praecedentibus, ut dicatur: *Eratis in aera loquentes, & tam multa, ut puta, sunt genera linguarum*; quasi dicat: Ideo in aera, idest inutiliter, loquimini omnibus linguis, quia loquimini sine intellectu; quae tamen proprias significationes vocum ad hoc habent ut intelligantur: nihil enim sine voce est. Vel potest sic punctari. *Eratis in aera loquentes*; idest singulis linguis. *Tam multa, ut puta, sunt genera linguarum.*

Si ergo nesciero virtutem vocis, ero ei cui loquor, barbarus. Hic ostendit horum inutilitatem; & hoc est quod dicit: Si loquar omnibus linguis, sed *nesciero virtutem vocis*, idest significationem vocis, *ero ei cui lo-*

quor, barbarus. Hierem. v. 17. " Adducam super te gentem de longinquo, gentem cuius ignoras linguam.

Nota, quod barbari secundum quosdam dicuntur illi quorum idioma discordat omnino a Latino. Alii vero dicunt, quod quilibet extraneus est barbarus omni alii extraneo, quando scilicet non intelligitur ab eo. Sed hoc non est verum: quia secundum Isidorum, Barbaria est specialis natio. Coloss. 111. 11. " In Christo Iesu non est barbarus, & Scitha &c. " Sed secundum quod verius dicitur, barbari proprie dicuntur illi qui in virtute corporis vigent, in virtute rationis deficiunt, & sunt quasi extra leges, & sine regimine iuris. Et huic videtur consonare Aristoteles in Politicis suis.

Consequenter cum dicit, *Sic & vos quare ut abundetis*, concludit quod intendit. Et hoc potest dupliciter construi. Primo ut punctetur hoc modo, quasi dicat: Sic ego ero barbarus vobis, si loquar, sine significatione, & interpretatione, sicut & vos eritis barbari ad invicem: & ideo quare ut abundetis; & hoc, quoniam estis amulatores spirituum. Vel alio modo, ut totum ponatur sub distinctione, quasi diceret: Ne ergo sitis barbari, sic scilicet sicut ego facio, quoniam estis amulatores spirituum, idest donorum Spiritus sancti, quare, a Deo, ut abundetis. Proverb. xv. 5. " In abundantia iustitia virtus maxima est: " quae quidem iustitia est aedificare alios. Matth. vii. 7. " Petite, & dabitur vobis; quare, & invenietis; pulsate, & aperietur vobis. "

L E C T I O III

ET ideo qui loquitur lingua, oret ut interpretetur. Nam si orem lingua, spiritus meus orat, mens autem mea sine fructu est. Quid ergo est? Orabo spiritu, orabo & mente; psallam spiritu, psallam & mente. Ceterum si benedixeris spiritu, qui supplet locum idiotae, quomodo dicet Amen super tuam benedictionem? Quoniam quid dicas, nescit. Nam tu quidem bene gratias agis, sed alter non aedificatur.

Supra ostendit Apostolus excellentiam doni prophetiae ad donum linguarum, rationibus sumptis ex parte exhortationis; hic vero ostendit idem rationibus sumptis ex parte orationis: haec enim duo per linguam exercemus, orationem scilicet, & exhortationem: & circa hoc duo facit: primo enim probat excellentiam prophetiae ad donum linguarum rationibus; secundo exemplis, ibi, *Gratias ago Deo meo, quod omnium vestrum lingua loquor*. Circa primum duo facit. Primo ponit necessitatem orationis; secundo ostendit quomodo in oratione plus valet donum prophetiae quam

quam donum linguarum, ibi, *Nam si oram lingua, spiritus meus orat*. Dicit ergo primo: Dixi, quod donum linguarum sine dono prophetiæ non valet; & ideo quia interpretari est actus prophetiæ, quæ est excellentior illo, qui loquitur lingua ignota, vel extranea, vel aliqua mysteria occulta, orat, scilicet Deum, ut interpretetur, id est ut interpretandi gratia decur sibi. Coloss. iv. 3. „Orantes ut Deus aperiat os tuum.“ Glossa aliter exponit *Orat*: orare enim dicitur dupliciter, scilicet vel deprecari Deum, vel persuadere: quasi dicat: *Qui loquitur lingua, orat*, id est ita persuadeat, ut interpretetur. Et sic accipit orare hic Glossa per totum capitulum. Sed non est hæc intentio Apostoli, sed pro deprecatione ad Deum.

Nam si oram lingua, spiritus meus orat. Hic ostendit quod in orando plus valet prophetia quam donum linguarum; & hoc dupliciter. Primo ratione sumpta ex parte ipsius orantis; secundo ratione sumpta ex parte audientis, ibi, *Ceterum si benedixeris spiritum, qui supplet locum idiotæ, quemodo dicet Amos super tua benedictione*? Circa primum duo facit. Primo ponit rationem ad propositum ostendendum; secundo removet obiectionem, ibi, *Quid ergo est*? Circa primum sciendum est, quod duplex est oratio. Una est privata, quando scilicet quis orat in seipso, & pro se; alia publica, quando quis orat coram populo, & pro aliis: & in utraque contingit uti & dono linguarum, & dono prophetiæ. Et ideo vult ostendere quod in utraque plus valet donum prophetiæ quam donum linguarum. Et primo in oratione privata, dicens, quod si sit aliquis idiota, qui faciat orationem suam, dicens Psalmum, vel Pater noster, & non intelligat ea quæ dicit, iste orat lingua, & non refert utrum orat verbis sibi a Spiritu sancto concessis, sive verbis aliorum. Et si sit alius qui orat, & intelligit quæ dicit, hic quidem orat, & prophetat. Constat autem quod plus lucratur qui orat, & intelligit, quam qui tantum lingua orat, qui scilicet non intelligit quæ dicit. Nam ille qui intelligit, reficitur & quantum ad intellectum, & quantum ad affectum; sed mens eius qui non intelligit, est sine fructu refectionis. Unde cum melius sit refici quantum ad affectum, & intellectum, quam quantum ad affectum solum; constat quod in oratione plus valet prophetiæ do-

num quam solum donum linguarum: & hoc est quod dicit: Dico, quod orat ut interpretetur. *Nam si oram lingua*, id est orando ut or donum linguarum, ita quod proferam aliqua quæ non intelligi; tunc *Spiritus meus*, id est Spiritus sanctus mihi datus, orat, qui inclinatur, & movet me ad orandum. Et nihilominus mereor in ipsa oratione: quia hoc ipsum quod moveor a Spiritu sancto, est mihi meritum. Rom. viii. 26. „Nam quid oremus, sicut oportet, nescimus; sed ipse Spiritus sanctus postulare nos facit.“ Vel *Spiritus meus*, id est ratio mea, orat, id est dicat mihi quod ego loquar ea quæ ad bonum sunt, sive verbis propriis, sive aliorum sanctorum. Vel *Spiritus meus*, id est virtus imaginativa, orat, inquantum voces, seu similitudines corporalium sunt tantum in imaginatione, absque hoc quod intelligantur ab intellectu: & ideo subdit: *Mens autem mea*, id est intellectus meus, sine fructu est, quia non intelligit. Et ideo melius est in oratione prophetia, seu interpretatio, quam donum linguarum.

Sed numquid quodcumque quis orat, & non intelligit quid dicit, (a) est sine fructu orationis? Dicendum, quod duplex est fructus orationis. Unus fructus est meritum, quod homini provenit; alius fructus est spiritualis consolatio, & devotio concepta ex oratione. Et quantum ad fructum devotionis spiritualis, privatur qui non attendit ad ea quæ orat, seu non intelligit; sed quantum ad fructum meriti, non est dicendum, quod (b) privetur: quia sic multæ orationes essent sine merito, cum vix unum Pater noster posset homo dicere quin mens ad alia feratur. Et ideo dicendum est, quod quando orans aliquando divertit ab his quæ dicit, seu quando quis in uno opere meritorio non continue cogitat in quolibet actu, quod facit hoc propter Deum, non perdit rationem meriti. Cuius ratio est, quia in omnibus actibus meritoriis qui ordinantur ad finem rectum non requiruntur. quod intentionis agentis coniungatur fini secundum quemlibet actum; sed vis prima, quæ movec intentionem, manet in eo opere, etiam si aliquando in aliquo particulari divertat: & hæc prima vis facit totum opus meritorium, nisi interrumpatur per contrariam affectionem, quæ divertat a fine prædicto ad finem contrarium.

Sed sciendum est, quod triplex est attentio.

(a) *M. sit.* (b) *M. evacuetur.*

rio. Una est ad verba, quæ homo dicit; & hæc aliquando nocet, inquantum impedit devotionem; alia est ad sensum verborum; & hæc nocet, non tamen est multum nociva: tertia est ad finem; & hæc est melior, & quasi necessaria. Tamen id quod dicit Apostolus, *Mens est sine fructu*, intelligitur de fructu refectionis.

Quid ergo est? Quia posset aliquis dicere: Ex quo orare lingua est sine fructu mentis, sed tamen spiritus orat, namquid ergo non est orandum spiritu? ideo Apostolus hoc removet dicens, quod utroque modo orandum est, & spiritu, & mente: quia homo debet servire Deo de omnibus quæ habet a Deo; sed a Deo habet spiritum, & mentem; & ideo debet de utroque orare. Eccli. xlviii. 10. „De omni corde suo laudavit Dominum, & dilexit Deum qui fecit illum.“ Et ideo dicit: *Orabo spiritu, orabo & mente; psallam spiritu, psallam & mente*. Et sic dicit, *Orabo, & psallam*: quia oratio vel est ad deprecandum Deum, & sic dicit, *Orabo*; vel ad laudandum, & sic dicit, *psallam*. De istis duobus Iac. v. 13. „Tristatur quis in vobis? Oret æquo animo, & psallat.“ Psal. xcvi. 6. „Psallite Domino in cithara.“ *Orabo ergo spiritu*, idest imaginatione, & mente, idest voluntate.

Ceterum si benedixeris spiritu, quemodo qui supplet locum idiotæ, dicit Amen super tuam benedictionem? Hic secundo ostendit quod donum prophetiæ plus valet quam donum linguarum, etiam in oratione publica, quæ est quando sacerdos publice orat; ubi aliquando dicit quædam quæ non intelligit, aliquando aliqua quæ intelligit. Et circa hoc tria facit. Primo ponit rationem; secundo exponit eam, ibi, *Quomodo dicit Amen?* tertio probat quod supposuerat, ibi, *Quoniam quid dicas nescis*. Dicit ergo: Dixi, quod donum proph-

etiæ in oratione privata plus valet; *ceterum*, pro sed, & in publica: quia *si benedixeris*, idest si benedictionem dederis, *spiritu*, idest in lingua quæ non intelligatur, seu imaginatione, & motus a Spiritu sancto; *quis supplet locum idiotæ?* (idiotæ proprie dicitur qui scit tantum linguam in qua natus est) quasi diceret: Quis dicit illud quod debet dicere ibi idiotæ? quod est dicere, *Amen*. Et ideo dicit: (a) *Quomodo dicit Amen super tuam benedictionem?* ubi Glossa exponit: „Idest, quomodo consentiet benedictioni a te factæ in persona Ecclesiæ? “ *Ela. lxx. 16.* „Qui benedictus est super terram, benedicetur (b) in Deo, amen.“ *Amen* idem est quod fiat, vel verum est; quasi dicat: Si non intelligit quæ dicis, quomodo conformabit se dictis tuis? Potest quidem se conformare etiam si non intelligat; sed in generali tantum, non in speciali: quia non potest intelligere quid boni dicas, nisi quod benedicas tantum.

Sed quare non docuit benedictiones in vulgari, ut intelligantur a populo, & conforment se magis eis? Dicendum est, quod hoc forte fuit in Ecclesia primitiva, sed postquam fideles instructi sunt, & sciunt quæ audiant in communi officio, sunt benedictiones in Latino.

Consequenter probat quare non potest dicere, *Amen*, cum dicit: *Nam tu quidem bene gratias agis*; idest, licet tu gratias agas bene Deo, inquantum intelligis; *sed alter*, qui audit, & non intelligit, *non ædificatur*, inquantum non intelligit in speciali, etiam in generali intelligat, & ædificetur. Ephes. iv. 29. „Omnis sermo malus ex ore vestro non procedat, sed si quis bonus est, est ad ædificationem fidei.“ Et ideo melius est ut non solum lingua benedicat, sed etiam ut interpretetur, & exponat; licet tu qui gratias agis, bene agas.

L E C T I O IV.

Gratias ago Deo meo, quod omnium vestram lingua loquor. Sed in Ecclesia volo quinque verba sensu meo loqui, ut alios instruam, quam decem milia verborum in lingua. Fratres, nolite pueri effici sensibus, sed malitia parvuli estote, sensibus autem perfecti estote. In lege enim scriptum est: Quoniam in aliis linguis, & in labiis aliis loquar populo huic; & nec sic exaudient me: dicit Dominus. Itaque linguæ in signum sunt, non fidelibus, sed infidelibus; prophetiæ autem, non infidelibus, sed fidelibus.

Hic

(a) Al. *Quomodo dicit super (licet supplet) tuam benedictionem.* (b) Al. in eo.

Hic ostendit Apostolus excellentiam doni prophetie ad donum linguarum per rationes sumptas ex parte sui ipsius: & circa hoc duo facit. Primo agit gratias de dono linguarum sibi a Deo dato; secundo se eis in exemplum proponit, ibi, *Sed in Ecclesia volo quinque verba sensu meo loqui.* Dicit ergo: *Gratias ago Deo meo, quod omnium vestrum lingua loquor;* quali dicat: Non ideo vilipendo donum linguarum, quia ego dico quod donum prophetie sit excellentius; sed debet carum haberi: unde & ego gratias ago Deo meo, quod omnium vestrum lingua loquor. Est ergo de omnibus gratias agendum. I. Thess. v. 18. „In omnibus gratias agite: hæc est enim voluntas Dei in Christo Iesu.“ Vel gratias ago; quali dicat: Non ideo vilipendo donum linguarum, quasi eo carens; immo etiam ego habeo; & ideo dicit: *Gratias ago &c.* Et ne intelligatur quod omnes loquerentur una lingua, dicit: *Quod omnium vestrum lingua loquor.* Act. 11. 4. „Loquebantur variis linguis Apostoli magnalia Dei.“

Sed in Ecclesia volo quinque verba sensu meo loqui. Hic ponit se in exemplum; quasi dicat: Si ego habeo donum linguarum sicut & vos, debetis facere illud quod facio. *Sed ego volo, idest magis volo, loqui in Ecclesia quinque, idest pauca verba, sensu meo, idest intellectu, ut scilicet ego intelligam, & intelligar, & ex hoc instrum alios, quam decem millia, idest quancumque multitudinem, verborum in lingua, quod est loqui non ad intellectum, quocumque modofiat, ut supra expositum est. Dicunt quidam, quod ideo dicit, *Quinque*, quia Apostolus videtur velle quod magis velit dicere solum unam orationem ad intellectum quam multas sine intellectu. Oratio autem secundum grammaticos ad hoc quod debeat facere perfectum sensum, debet habere quinque, scilicet subiectum, prædicatum, copulam verbalem, determinationem subiecti, & determinationem prædicati. Aliis videtur melius quod, quia ad hoc loquendum est cum intellectu ut alii doceantur, ideo ponit quinque: quia doctor debet quinque docere: scilicet credenda: ad Titum 11. 15. „Hæc loquere, & exhortare: agenda: Marc. ult. 15. „Euntes in mundum universum, prædicate Evangelium omni creaturæ: vitanda, scilicet peccata: Eccli. xxi. 2. „Quasi a facie colubri fuge peccata.“ Esa. lvi. 1. „Annuntia populo meo scelera eorum: speranda,*

scilicet mercedem æternam: I. Pet. 1. 10. „De qua salute exquisierunt, atque scrutati sunt Prophetæ: timenda, scilicet pœnas æternas: Matth. xxv. 41. „Ite maledicti in ignem æternum.“

Fratres mei, nolite pueri effici sensibus. Hic ostendit excellentiam doni prophetie ad donum linguarum, rationibus sumptis ex parte infidelium: & circa hoc duo facit. Primo excitat attentionem, & reddit attentos; secundo arguit ad propositum, ibi, *In lege quid scriptum est?* Circa primum videtur Apostolus excludere pallium excusationis aliquorum, qui ideo docent quædam rudia, & superficialia, quasi ostendant se volentes vivere in simplicitate, & ideo non curantes de subtilitatibus, ad quas secundum rei veritatem non attingunt: habentes verbum Domini ad hoc Matth. xxi. 3. „Nisi conversi fueritis, & efficiamini sicut pueri, non intrabitis in regnum celorum.“ Sed hoc Apostolus excludit cum dicit: *Nolite pueri effici sensu;* idest, nolite puerilia, & inutilia, & stulta loqui, & docere. Supra xxi. 11. *Cum affum parvulus, loquebar ut parvulus.* Sed quomodo debetis effici pueri? Affectu, non intellectu: & ideo dicit: *Sed malitia parvuli estote.* Ubi sciendum est, quod parvuli deficiunt in cogitando mala; & sic debemus effici parvuli: & ideo dicit: *Sed malitia parvuli estote:* & deficiant in cogitando bona, & sic non debemus esse parvuli, immo viri perfecti: & ideo dicit: *Sensibus autem perfecti estote;* idest, ad discretionem boni & mali, perfecti sitis. Unde Heb. x. 14. „Perfectorum est solidus cibus, eorumque pro consuetudine exercitatos habent sensus ad discretionem boni, ac mali.“ Non ergo landatur in vobis simplicitas quæ opponitur prudentiæ, sed simplicitas quæ astutiæ. Et ideo Dominus dicit Matth. x. 19. „Estate prudentes sicut serpentes.“ Rom. xvi. 19. „Volo vos sapientes esse in bono, simplices in malo.“

Consequenter cum dicit, *In lege quid scriptum est?* arguit ad propositum. Ubi sciendum est, quod hoc argumentum, sicut patet per Glossam, distinguitur per multa; sed, secundum intentionem Apostoli, non videtur quod attendatur (a) in loco hoc nisi una ratio: & ratio sua ad probandum quod donum prophetie est excellentius quam donum linguarum, est talis. Omne quod plus valet ad illud ad quod alterum principaliter ordinatur, est melius illo altero

OT-

ordinato ad hoc: sed tam donum prophetiæ, quam donum linguarum ordinatur ad conversionem infidelium; sed prophetiæ plus valent ad hoc quam donum linguarum: ergo prophetia est melior. Circa hanc ergo rationem duo facit. Primo ostendit ad quid ordinatur donum linguarum, & ad quid ordinatur donum prophetiæ; secundo quod plus valet donum prophetiæ, ibi, *Si ergo conveniat universa Ecclesia in unum, & omnes linguis loquantur; intrent autem idiotæ, aut infideles: nonne dicent, quod infantis?* Circa primum duo facit. Primo inducit auctoritatem; secundo ex auctoritate arguit ad propositum, ibi, *Itaque lingua in signum sunt, non fidelibus, sed infidelibus.* Circa primum sciendum est, quod hoc quod dicit, *In lege quid scriptum est?* potest legi vel interrogative; quasi dicat: Non debetis effici pueri sensibus, sed perfecti; & hoc est videre, & scire legem. Unde si estis perfecti sensibus, sciatis scilicet legem: & in lege quid scriptum est de linguis, quæ sunt inutiles aliquando ad id ad quod ordinatæ sunt? Quia licet in diversis linguis loquar, scilicet populo Iudæorum; tamen homo non exaudit &c. Potest etiam legi remissive. *In lege quid scriptum est?* quasi dicat: Nolite moveri sicut pueri ad aliquid appetendum, non discernentes utrum bonum, vel minus bonum sit quod affectatis, & præponatis meliori bono; sed affectati sensibus, idest discernatis inter bona & magis bona, & sic affectetis. Et hoc fit, si cogitatis quid scriptum est in lege: *Quoniam in aliis linguis, & labiis aliis loquar populo huic; & nos sic exaudiant me: dicit Dominus.* Sapient. vi. 16. „Cogitare ergo de illa, sensus est consummatus.“ Et dicit, *In lege*, non accipiendo legem stricte pro quinque Libris Moysitantum, sicut accipitur Lucæ ult. 44. „Necesse est impleri omnia quæ scripta sunt de me in lege Moysi, & Prophetis, & Psalmis;“ sed pro toto veteri testamento, sicut accipitur Ioan. xv. „Ut impletur sermo qui in lege eorum scriptus est, quia odio habuerunt me gratis:“ quod tamen in Psal. cxix. scriptum est. Accipitur tamen hæc auctoritas ex Esa. xxviii. 11. ubi littera nostra habet: „In loquela labii, & lingua altera loquetur ad populum istum.“ Hoc igitur scriptum est: *Quoniam in aliis linguis*, idest in diversis generibus linguarum, & labiis, idest in diversis idiomatibus, & modis pronuntiandi, loquar populo huic.

scilicet Iudaico: quia hoc signum specialiter fuit datum ad conversionem populi Iudæorum: *nos sic exaudiant*, quia scilicet signis visis non crediderunt. Esa. vi. 10. Excæca cor populi huius, & aures eius „aggrava, & oculos eius clauda; ne forte videat oculis suis, & auribus suis au-“ diat, & corde suo intelligat, & convertatur, & sanem eum.

Sed quare Deus dedit eis signa, si non debebant converti? Ad hoc sunt duæ rationes. Una ratio est, quia licet non omnes conversi fuerint, tamen aliqui sunt conversi, eo quod non (a) repulit Dominus plebem suam. Alia ratio est, ut iustior appareat eorum damatio, dum manifestius apparet eorum nequitia. Ioan. xv. 22. „Si non venissem, & locutus eis non fuisset, peccatum non haberent; nunc autem exultationem non habent de peccato suo.“

Consequenter cum dicit, *Itaque lingua in signum sunt, non fidelibus, sed infidelibus*, ex inducta auctoritate argumentatur ad propositum; quasi dicat: Ex hoc manifeste apparet quod donum linguarum datum est, non fidelibus, sed credendum, quia iam credunt: Ioan. iv. 42. „Non propter tuam loquelam credimus, ipsi enim audivimus, & scimus:“ sed infidelibus, ut convertantur.

In Glossa autem ponuntur duæ expositiones Ambrosii (b) hoc in loco, quod non sunt literales: quarum una est, ut dicatur: Sicut in veteri testamento locutus sum populo Iudæorum per linguas, idest per figuras, & per labia, idest promittendo bona temporalia, sic adhuc in novo testamento loquar huic populo in aliis linguis, idest aperte, & clare, & aliis labiis, idest spiritualibus; nos tamen sic exaudiant me, scilicet quantum ad eorum multitudinem. Itaque lingua data sunt, non fidelibus, sed infidelibus, ad manifestandum scilicet eorum infidelitatem. Alia est. *In aliis linguis*, idest obscure, & parabolice loquar: (c) & quia sunt indigni, non exaudiant, idest non intelligunt.

Consequenter ostendit ad quid ordinatur prophetia, scilicet ad instructionem fidelium qui iam credunt: & ideo (d) dicit, quod prophetia data sunt, non infidelibus, qui non credunt: Esa. lxxi. 1. „Domine, mine quis credidit auditui nostro?“ sed fidelibus, ut credant, & instruantur. Ezech. iii. 17. „Fili hominis, speculatorem dedi te domui Israel.“ Prov. xxix. 18. „Cum defecerit prophetia, dissipabitur populus.“

C c c

L E

(a) Al. repellit (b) Al. omittitur hoc in loco. (c) Al. ut quis. (d) Al. desideratur dicitur.

LECTIO V.

SI ergo conveniat universa Ecclesia in unum, & omnes linguis loquantur; intrent autem idiotæ, & infideles: nonne dicent, Quid insanitis? Si autem omnes prophetent; intret autem quis infidelis, vel idiota: convincitur ab omnibus, diiudicatur ab omnibus: occulta enim cordis eius manifesta fiunt: & ita cadens in faciem adorabit Deum, pronuntians quod vere Deus in vobis sit. Quid ergo est, fratres? Cum convenitis unusquisque vestrum psalmum habet, doctrinam habet, apocalypsim habet, linguam habet, interpretationem habet; omnia ad ædificationem fiant.

Glossa vult, quod hic incipiat alia ratio ad propositum ostendendum. Sed, secundum quod dictum est, non est nisi unum cum posita ratione, & est quasi manifestatio mediæ ipsius rationis, scilicet quod prophetia plus valet ad illud ad quod specialiter ordinatur donum linguarum. Unde circa hoc duo facit. Primo ostendit inconveniens quod sequitur quantum ad infideles ex dono linguarum, ibi, *Si autem omnes linguis loquantur: intrent autem idiotæ, & infideles: nonne dicent, Quid insanitis?* secundo ostendit bonum quod sequitur ex dono prophetiæ, etiam ad infideles, ibi, *Si autem omnes prophetent; intret autem quis infidelis, vel idiota: convincitur ab omnibus.* Inconveniens quod sequitur ex dono linguarum sine prophetia, etiam quantum ad infideles, est, quia reputantur infani qui sic loquantur solis linguis; cum tamen donum linguarum ordinetur ad conversionem infidelium, ut iam patet: & hoc est quod dicit: *Si autem omnes linguis loquantur; intrent autem idiotæ, & infideles;* quasi dicat: Ex hoc patet, quod linguæ non sunt præferendæ prophetiis, quia, si conveniant, scilicet omnes fideles, in unum, non solum corpore, sed etiam mente: Ad. iv. 32. „Multitudinis credentium erat eorumque, „& anima una: „& omnes, qui iam convenerunt, loquantur linguis, ad litteram erraneis, vel loquantur ignota, & obscura; & dum sic confuse loquantur, intret aliquis idiota, id est qui non intelligit nisi linguam suam, vel infidelis, propter quem datur sunt linguæ: nonne dicent, his qui sic loquantur, Quid insanitis? Quod enim non intelligitur, reputatur insanitio. Quod si intelligatur lingua, nihilominus quæ loquantur sunt occulta; tamen malum est si non exponatur: quia pterunt credere de vobis, si occulta loquimini, quæ creduntur de Gentilibus, qui occultabant ea quæ faciebant in rituum, propter eorum tur-

pitudinem. Et hæc etiam insanitio quædam est.

Contra. Idem est loqui linguis, & loqui litteraliter quantum ad idiotas: cum ergo omnes loquantur litteraliter in Ecclesia, quia omnia dicuntur in Latino, videtur quod similiter sit insania.

Dicendum est ad hoc, quod ideo erat insania in primitiva Ecclesia, quia erant rudēs in ritu ecclesiastico: unde nesciebant quæ fiebant ibi, nisi exponeretur eis. Modo vero omnes sunt instructi: unde licet in Latino omnia dicantur, sciunt tamen illud quod fit in Ecclesia.

Consequenter autem cum dicit, *Si autem omnes prophetent &c.* ostendit quod bonum sequitur ex dono prophetiæ, & circa hoc tria facit. Primo ostendit quid per bonum prophetiæ sequatur quantum ad infideles; secundo ostendit quomodo hoc sequatur, ibi, *Occulta enim cordis eius manifesta fiunt;* tertio subintert quis effectus inde proveniat, ibi, *Et ita cadens in faciem adorabit Deum.* Dicit ergo: Constat quod ex dono linguarum non convincuntur infideles. Autem, pro sed, si hi qui convenerunt, prophetent, id est omnes ad intellectum loquantur, vel exponant Scripturas, vel etiam revelationes eis factas interpretentur: omnes, dico, non simul, sed unus post alium, sic prophetent; intret autem, scilicet Ecclesiam, idiota aliquis, scilicet non habens nisi linguam matrem, hoc est bonum quod inde sequitur, quia convincitur de aliquo errore, qui ostenditur sibi: Hierem. xxxi. 19. „Postquam ostendisti mihi, confusus sum: „ab omnibus, qui prophetant, diiudicatur; quasi dicat: Damnabilis ostenditur de malis moribus, & vitiis tuis. Supra 11. 15. *Spiritualis*, id est doctor, omnia diiudicat. Ad hæc enim duo valet prophetia, scilicet ad confirmationem fidei, & instructionem morum. Quomodo autem hoc bonum sequatur ex prophetiæ dono, subdit cum dicit:

cit: *Occulta enim cordis eius manifesta sunt*: quod potest intelligi tripliciter. Uno modo ex hoc ad litteram quod aliqui in primitiva Ecclesia gratiam habuerunt, ut secreta cordium, & peccata hominum scirent. Unde legitur de Petro Act. v. quod damnavit Ananiam de fraudato pretio agri: & secundum hoc legitur: *Occulta enim cordis eius manifesta sunt*; quasi dicat: Ideo convincitur, quia *occulta*, idest secreta peccata sua, *manifesta sunt*, ab illis qui ea revelant. Alio modo ex hoc quod aliquando quis in prædicatione tangit multa quæ homines gerunt in corde, sicut patet in Libris beati Gregorii, ubi quilibet invenire potest fere omnes motus cordis sui: & secundum hoc legitur: *Occulta cordis*; quasi dicat: Ideo convincuntur, quia *occulta cordis sui*, idest ea quæ gerunt in corde: Prov. xxv. 19. „ Quomodo in aquis „ recipiendat vultus aspicientium, sic corda „ hominum manifesta sunt prudentibus: „ *manifestantur*, idest tanguntur ab eis. Alio modo quia aliquando occultum cordis dicitur illud quod est alicui dubium, & non potest per se certificari: & secundum hoc legitur: *Occulta cordis sui*, idest ea de quibus in corde suo dubitabat, & quæ non credebatur, manifestantur, dum scilicet vadens ad Ecclesiam frequenter, sunt sibi manifesta, sicut de seipso dicit Augustinus (Lib. X. Conf. cap. xxxiii.) quod ipse ibat ad Ecclesiam solum pro cantu, & tamen ibi multa de quibus dubitabat, & propter quæ non iverat, manifestabantur sibi. Ex hoc enim sequebatur reverentia, quia convictus reverebatur Deum. Et hoc est quod dicit: *Et ita*, idest ex quo ita convincebatur, & manifestabantur occulta cordis sui, *cadens in faciem adorabit Deum*. Matth. 11. 11. „ Proci dentes adoraverunt „ eum: „ quod signum est reverentiæ. De reprobis autem legitur, quod cadunt retrorsum: Prov. 14. 19. „ Via impiorum te- „ nebrosa: nesciunt ubi currunt. „ Ele- „ gus vero in faciem cadit, quia videt ubi prosternitur: quod signum est reverentiæ. Lev. 12. 24. „ Laudaverunt Deum ruentes „ in facies suas. „ Psalm. lxxi. 9. „ Coram „ illo procident Aethiopes. „ Et non solum exhibet reverentiam Deo, sed etiam Ecclesie, quia pronuntians dicit, *quod vere Deus est in vobis*, qui prophetatis in Ecclesia. Zach. viii. 23. „ Ibis vobiscum: „ audivimus enim quod Deus est vobiscum.

Apparet igitur quod donum prophetiæ est utilis, quantum ad infideles.

Quid ergo est, fratres? Hic ordinat eos ad ulum donorum dictorum: & circa hoc duo facit. Primo ostendit qualiter se debeant habere ad ulum horum donorum; secundo concludit principale intentum, ibi, *Itaque, fratres, amulamini prophetam, & loqui linguis nolite prohibere*. Circa primum duo facit. Primo ostendit quomodo ordinate se debeant habere in usu dictorum donorum; secundo exprimit eorum præsumptionem, ibi, *An a vobis sermo Dei processit?* Circa primum tria facit. Primo ostendit in generali quomodo se debent habere in omnibus donis; secundo quomodo se habeant quantum ad donum linguarum, ibi, *Sive lingua quis loquatur &c.* tertio ostendit quomodo se habeant quantum ad donum prophetiæ, ibi, *Prophetant duo aut tres &c.* Dicit ergo: Prophetare est melius quam loqui linguis. *Quid ergo, fratres, agendum est?* Hoc scilicet agendum est. Nam cum convenitis, constat quod unus non habet omnia dona; & ideo non debet uti aliquis vestrum omnibus donis, sed eo dono quod specialius accepit a Deo, & quod melius sit ad ædificationem. Nam nunquidque vestrum habet aliquod donum speciale. Alius habet *psalmum*; idest, (*α*) habet canticum ad laudandum nomen Dei, vel psalmos exponit: Habac. xii. 19. „ Super excelsa mea „ deducet me victor in psalmis canentem. „ Alius vero *doctrinam*; idest, habet prædicationem ad instructionem morum, vel expositionem, & spiritualem sensum. Prov. xii. 8. „ Doctrina sua cognoscitur vir. „ Alius *apocalypsim* habet, idest revelationem vel in somnis, vel in visione aliqua. Daniel. 11. 28. „ Est Deus in celo revelans „ mysteria. „ Alius *linguam* habet, idest donum linguarum, vel legendi prophetias. Act. 11. 4. „ Et cœperunt loqui variis linguis. prout Spiritus sanctus dabat eloqui illis. „ Alius *interpretationem*. Supra xii. 10. *Alii interpretatio sermonum*. Hæc autem sic ordinantur, quia vel sunt ex ingenio naturali, vel ex solo Deo. Si sunt ex solo ingenio naturali, vel sunt ad laudem Dei; & sic dicit, *Psalmum habet*; vel ad instructionem proximi, & sic dicit, *Doctrinam habet*. Si sunt a solo Deo, sic dupliciter. Vel sunt aliqua occulta interioris, & sic dicit, *Apocalypsim habet*; vel occulta exterioris, & sic dicit, *Linguam habet*. Ec

Ccc 2 ad

(*α*) *α*. de *α* habet.

ad horum manifestationem est tertium, scilicet interpretatio. Et debet fieri, ut omnia ad edificationem fiant. Rom. xv. 2. „Unus-

„quique vestrum proximo suo placeat in bonum ad edificationem.“

LECTIO VI.

Sive lingua quis loquatur, secundum duos, aut ut multum tres, & per partes, & unus interpretetur. Si autem non fuerit interpret, taceat in Ecclesia: sibi autem loquatur, & Deo. Prophetæ autem duo aut tres dicant, & ceteri diiudicent. Quod si alii revelatum fuerit sedenti, prior taceat. Potestis enim omnes per singulos prophetare, ut omnes discant, & omnes exhortentur. Et spiritus prophetarum Prophetis subiectus est. Non enim dissensionis est Deus, sed pacis, sicut & in omnibus Ecclesiis sanctorum doceo.

Hic Apostolus ordinat eos quomodo se habeant ad usum doni linguarum; & circa hoc duo facit. Primo ostendit qualiter debent uti dono linguarum; secundo quando debent cessare ab usu, ibi, *Si autem non fuerit interpret, taceat in Ecclesia*. Dicit ergo primo, quod modus utendi dono linguarum talis sit inter vos, ut *sive quis, idest si aliquis, loquatur lingua, idest dicat visiones, vel somnia, huiusmodi locutio non fiat a multis propter occupationem temporis in linguis, & non reslet locus prophetiis, & consulationem generet; sed secundum duos, idest duobus, & si necesse fuerit, secundum multum tres, ut sit satis a tribus*. Deut. xviii. 6. „In ore duorum, vel trium testimonium peribit qui interficietur.“

Sed notandum, quod hæc consuetudo adhuc partim servatur in Ecclesia. Nam lectiones, & Epistolæ, & Evangelia habemus loco linguarum; & ideo in Missa secundum duos servatur: quia solum duo dicuntur, quæ pertinent ad donum linguarum, scilicet Epistola, & Evangelium. In matutinis secundum multa fit, scilicet tribus lectionibus dictis in uno nocturno. Antiquitus enim dicebantur nocturna divinum secundum tres vigilias noctis; nunc vero dicuntur simul. Non solum autem debet servari ordo quantum ad numerum loquentium, sed etiam quantum ad modum; & hoc est quod dicit, *Et per partes*; idest, ut illi qui loquuntur, succedant sibi ad invicem, scilicet quod unus post alium loquatur. Vel *per partes*, (a) idest intercise, ut scilicet loquatur unam partem visionis, seu instructionis, & eam exponat, & post aliam, & ipsam exponat, & sic deinceps: quem modum consueverunt servare prædicatores, quando prædicant per interpretationem

hominibus ignotæ linguæ: & ideo dicit: *Et unus interpretetur*.

Consequenter cum dicit, *Si autem non fuerit interpret, taceat in Ecclesia*, ostendit quando non est utendum linguis, dicens, quod loquendum est per partes, & unus debet interpretari; sed si non fuerit aliquis interpret, idest qui interpretetur, ille qui donum habet linguarum, taceat in Ecclesia; idest, non loquatur, seu prædicet multitudini in lingua ignota, quia non intelligitur ab eis; sed sibi loquatur, quia ipse se intelligit; & hoc tacite orando, vel meditando. Job. x. 2. „Loquar in amaritudine animæ meæ, dicam Deo: Noli me condemnare.“ *Propheta autem duo aut tres dicant, & ceteri diiudicent*. Hic Apostolus ordinat eos quomodo se habeant ad usum prophetiæ: & circa hoc duo facit. Primo ostendit qualiter utendum est dono prophetiæ, & quantum ad numerum, (b) & quantum ad ordinem; secundo ostendit quibus usum prophetiæ interdicitur, ibi, *Mulieres in Ecclesia taceant*. Circa primum tria facit. Primo docet ordinem utendi dono prophetiæ; secundo huius rationem assignat, ibi, *Potestis enim omnes per singulos prophetare*; tertio obiedionem excludit, ibi, *Spiritus prophetarum Prophetis subiectus est*. Circa primum duo facit. Primo determinat ad numerum utendum dono dicto; secundo docet modum, seu ordinem utendi, ibi, *Quod si alii revelatum fuerit sedenti, prior taceat*. Circa primum sciendum est, quod usus prophetiæ, secundum quod hic videtur accipere Apostolus, est proponere verbum exhortationis ad plebem, exponendo Scripturas sacras: & quia erant in primitiva Ecclesia plures qui a Deo hoc donum habebant, & fideles non erant adhuc multipli-

(a) *id est intercise*. (b) *id est ad ordinem*.

tiplicati; ideo neeſet conſuſio, & tædium, vult Apoſtolus quod non omnes qui ſciunt exponere prophetias, & ſacram Scripturam, prophetent, ſed aliqui, & determinati; & hoc eſt quod dicit: *Propheta autem duo aut tres dicant*; quaſi dicat: Nolo quod omnes qui conveniunt, ſed duo tantum, aut ad plus tres, prout hoc loquendi neceſſitas exigit, dicant, id eſt exhortentur. Et hoc etiam conſonat Scripturæ Deut. XVII. & Matth. XVIII. 16. „ In ore duorum, vel trium ſtat omne verbum. „ Ceteri vero, ſcilicet illi qui non dicunt, diiudicant ea quæ ab his proponuntur, utrum ſcilicet bene, vel male diſta ſint, bene diſta approbando, & male diſta retractari faciendo. Supra 11. 15. *Spiritualis homo omnia diiudicat*. Eſt etiam ſervandus ordo in utendo diſto dono, ut ſi alteri illorum qui ſedebant, & tacebant, & diiudicabant, ſuit aliquid melius revelatum quam illi qui exhortatur, & ſtat prior; tunc ille qui ſtat, debet ſedere; & ille cui melius revelatum eſt, debet ſurgere, & exhortari: & hoc eſt quod dicit: *Quod ſi alii ſedentes revelatum fuerit, ſcilicet per Spiritum ſanctum, prior (a) ſans taceat, & cedat ei*. Rom. XII. 10. „ Honore invicem, prævenientes. „ Et ratio huius eſt, quia ſecundum hunc modum poſſis ſucceſſive prophetare per ſingulos, id eſt omnes, ſcilicet ut ſic omnes, id eſt maiores, diſcant, & omnes, id eſt minores, exhortentur. Prover. 1. 5. „ Audiens ſapiens, ſapientior erit. „ Et ſi aliquis dicat: O Apoſtole, ego non poſſum tacere dum alius prophetat, vel cedere ſedenti ex quo incepi: quia non poſſum retinere ſpiritum, qui in me loquitur, ſecundum illud Job 11. 22. „ Conceptionem ſermonem tenere quis poteſt? „ ideo Apoſtolus hoc removet cum dicit: *Et ſpiritus prophetarum prophetis ſubiectus eſt*; quaſi dicat: Immo bene poteſt tacere, vel ſedere, quia ſpiritus prophetarum, id eſt ſpi-

ritus qui dat prophetias (& ponit in plurali numero propter multas revelationes eis inſinctas) *Prophetis ſubiecti ſunt*, (b) quidem quantum ad cognitionem, quia, ſicut dicit Gregorius (Lib. II. Moral. cap. XI.) non ſemper ſpiritus prophetiæ adeſt Prophetis: unde non eſt habitus, ſicut ſcientia (ſic enim ſequeretur quod etiam quantum ad cognitionem eis ſubiectus eſſet, & poſſent uti eo quando vellent, & non uti) ſed eſt quædam vis aut impreſſio a Deo, illuminans, & tangens corda Prophetarum, & tunc ſolum quando ſic tanguntur, cognoscunt. Unde non eſt ſic eis ſubiectus, nec ſecundum hoc intelligitur verbum Apoſtoli; ſed ſpiritus Prophetarum ſunt ſubiecti Prophetis quantum ad pronuntiationem, quia ſcilicet in eorum poteſtate eſt pronuntiare ea quæ revelantur eis quando volunt, & non pronuntiare. Et ſic nihil valet excuſatio, quia non cogit te ſpiritus quin tacere poſſis. Et quod hoc ſit verum, probat cum dicit: *Non enim diſſenſionis eſt Deus, ſed pacis*. Et facit talem rationem. Deus numquam cogit ad unde oriatur rixa, vel diſſenſio: quia *Deus non eſt diſſenſionis, ſed pacis*; ſed ſi cogeret homines ſpiritus prophetiæ ad loquendum, tunc eſſet cauſa diſſenſionis: quia ſic vellet ſemper loqui, vel docere, vel non tacere alio loquente, de quo alii turbarentur. Ergo ſpiritus ſanctus non cogit homines ad loquendum. II. Corinth. ult. 11. „ Deus „ pacis, & dilectionis erit vobiſcum. „ Verumtamen quia adhuc poſſet obicere, quod hoc non faceret, quia ſolum eis iſta mandabat, & non aliis Eccleſiis, unde & in gravamen poſſet videri; ideo Apoſtolus ſubdit, hoc non ſolum in eis, ſed etiam in omnibus Eccleſiis docere: & hoc eſt quod dicit: *Sicut in omnibus Eccleſiis ſanctorum docetis, ſcilicet de uſu linguarum, & prophetiæ*. Supra 1. 10. *Idiſum dicatis omnes*.

L E C T I O VII.

Mulieres in Eccleſiis taceant, Non enim permittitur eis loqui, ſed ſubditas eſſe, ſicut & lex dicit. Si quid autem volunt diſcere, domi viros ſuos interrogent. Turpe eſt enim mulieri loqui in Eccleſia. An a vobis verbum Dei proceſſit; aut in vos ſolos pervenit? Si quis videtur Propheta eſſe, aut ſpiritualis, cognoscat quæ ſcribo vobis quia Domini ſunt mandata. Si quis autem ignorat, ignorabitur. Itaque, fratres, æmulamini prophetæ, & loqui linguis nolite prohibere. Omnia autem omnia honeſte, & ſecundum ordinem ſicut in vobis.

Hic

(a) *Id.* exhortans. (b) *Id.* non quidem.

Hic Apostolus ponit personas quibus interdicitur ulum prophetiæ: & circa hoc duo facit. Primo ostendit quibus prophetiæ ulus interdicitur; secundo remouet obiectionem, ibi, *Si quid autem uolunt discernere, domi viros suos interrogent*. Circa primum duo facit. Primo ponit mandatum de interdicto; secundo huius rationem assignat; ibi, *Non enim permittitur eis loqui*. Dicit ergo: Volo ut viri hoc modo utantur dono prophetiæ; sed mulieres in Ecclesia nolo loqui, sed taceant in Ecclesia, I. Tim. 12. 12. „Mulierem docere in Ecclesia non „permitto. “ Et rationem huius assignat Chrysostomus dicens (hom. 12. in I. ad Tim. cap. 12.) quod semel est locuta mulier, & totum mundum subvertit.

Sed contra hoc uidetur, quia de multis mulieribus legitur, quod prophetarunt, sicut de Samaritana, Ioan. 19. & de Anna uxore Phanuel, Luc. 11. & de Debora, Iudic. 19. & de Hoidam propheten uxore Sellum, IV. Regum 22.13. & de filiabus Philippi, Act. 21. Supra 12. 5. etiam dicitur: *Omnes mulier orant, vel prophetant non uelato capite, deturpat caput suum*.

Responsio. Dicendum, quod in prophetia sunt duo, scilicet reuelatio, & manifestatio reuelationis; sed a reuelatione non excluduntur mulieres, sed multa reuelantur eis, sicut & uiris. Sed annuntiatio est duplex. Una publica, & ab hac excluduntur; alia est privata, & hæc permittitur eis: quia non est prædicatio, sed annuntiatio.

Huius autem rationem assignat, dicens: *Non enim permittitur eis loqui*, scilicet ab Ecclesiæ auctoritate; sed hoc est officium earum, ut sint subditæ uiris. Unde cum docere dicat prædicationem, & prædiciantiam, non decet eas quæ subditæ sunt. Ratio autem quare subditæ sunt, & non præstaut, est quia deficiunt ratione, quæ est maxime necessaria prædiciant. Et ideo dicit Philosophus in Politica sua (Lib. IV. cap. 11.) quod corruptio regiminis est, quando regimen pervenit ad mulieres.

Consequenter cum dicit, *Si quid uolunt discernere, domi viros suos interrogent*, quia possent aliqui dicere, quod ad minus de dubiis possunt quærere in Ecclesia; ideo Apostolus hoc excludit: & circa hoc duo facit. Primo enim remouet obiectionem; secundo rationem assignat, ibi, *Turpe est enim mulieri loqui in Ecclesia*. Dicit ergo: Dico, quod mulieres taceant in Ecclesia; sed si

aliqua de quibus dubitant, addiscere uolunt, interrogent viros suos domi. I. Timoth. 12. 12. „Mulier in silentio discat cum omni subiectione. “ Huius autem ratio est, quia turpe est, non solum indecens: in mulieribus enim commendatur verecundia. Eccli. xxvi. 19. „Gratia super gratiam mulier „sancta, & pudorata. “ Si ergo in publico quæreret, & disputaret, signum esset inuerecundia; & hoc est ei turpe: & inde est etiam quod iniure interdicitur mulieribus officium advocandi.

Consequenter cum dicit, *An a uobis sermo Dei processit?* confutat omnes contradicentes. Et quia possent omnes simul contradicere, vel ad minus sapientes inter eos, ideo circa hoc duo facit: primo enim confutat eos quantum ad totam eorum Ecclesiam; secundo quantum ad sapientes tantum, ibi, *Si quis autem uidetur Prophetam esse, aut spiritum habere, cognoscat quæ scribit uobis quia Domini sunt mandata*. Circa primum sciendum est, quod causa quare populus consuevit contradicere domino, vel rectori, est singularitas. Singularitas (a) autem potest causari vel ex prioritate in aliquo bono, vel excellentia. Et ideo Apostolus uolens contradicentes Corinthios confutare, excludit primo ab eis prioritatem, cum dicit: *An a uobis sermo Dei processit?* quasi dicat: Non, sed a Iudeis. Esa. 11. 3. „De Sion exiit lex, & uerbum Domini „de Hierusalem. “ Quasi dicat: Si in Ecclesia Iudæorum facerem aliquas ordinationes contra ordinationes suas, possent contradicere, quia ipsi prius habuerunt uerbum Dei; sed vos non, quia non processit a uobis sermo Dei. Secundo excludit ab eis excellentiam: *An in uos solos peruenit* quasi dicat: Non solum vos credidistis, sed etiam alii: unde vos non excellitis eos: Psalm. xvi. 5. „In omnem „terram exiit sonus eorum, & in fines „orbis terræ uerba eorum: “ & ideo debetis facere, ut alii faciant.

Consequenter cum dicit, *Si quis autem uidetur Prophetam esse* &c. in speciali confutat maiores; & circa hoc duo facit. Primo confutat eos; secundo respondet cuiusdam tacitæ obiectioni, ibi, *Si quis autem ignorat, ignorabitur*. Dicit ergo: Esto quod tota Ecclesia non contradicat: sed aliquis qui uidetur esse Prophetam. Et dicit, *Uidetur*, quia si contradicit, non uere est Prophetam, vel sapientem seu spirituales. quia non contradiceret. Dicit etiam, *Propheta, & spiritus*.

(a) scilicet enim.

spiritualls: quia multi sunt spirituales qui non sunt Prophetæ, licet omnes Prophetæ sint spirituales. Ille, inquam, qui sic videtur Prophetæ, & spiritualis, non contradicat, sed *cognoscat*, idest sciat, quia ea quæ scribo vobis, sunt mandata Dei, & non tantum mea; quasi dicat: Ex quo nullus autem est mandatis Domini contradicere, & ea quæ scribo, sunt mandata Dei, non audeat aliquis contradicere. II. Corinrh. ult. 3. „An experimentum quæritis eius qui in me loquitur Christus? „Et ex hoc possumus colligere, quod verba Apostolorum sunt ex tamiliari revelatione Spiritus sancti, & Christi; & ideo servanda sunt sicut præcepta Christi. Unde & signanter Apostolus distinguit illa quæ ex se mandat, cum dicit supra VII. 25. *De virginibus autem mandatum Domini non habeo.*

Sed posset dicere: O Apostole, quomodo ego cognoscam quod hæc sint mandata Dei? Non possum hoc scire. Hoc Apostolus excludit, dicens: Non valet tibi hoc, quia non debes ignorare. Quare? Quia omnis ignorans ignorabitur. Matth. xxv. 12. „Amen „dico vobis, nescio vos. „Ex quo patet quod omnes tenentur scire ea quæ sunt de necessitate salutis, quæ ipse prius mandat, & Apostoli, & Prophetæ. Vel aliter. *Si quis videtur Prophetæ esse, aut spiritualis, cognoscat quia scribo quia Domini sunt mandata*: ut sit confirmatio præcedentium; quasi dicat: Ita scribo, sed vos non potestis ea agnoscere propter eorum difficultatem, & quia simplices estis; sed ut sciatis, quod ea quæ scribo, iusta sunt, & honesta, volo adducere testimonium Prophetarum, & spiritualium virorum, qui sunt inter vos; & ideo dicit: *si quis autem videtur Prophetæ esse, aut spiritualis, cognoscat*. Supra 21. 15. *Spiritualis indicat omnia.* Et ne aliquis dicat, Non curamus scire ista, subdit quod tenentur scire: quia omnis ignorans ignorabitur. Esa. v. 13. „Propter ea captivus ductus est populus meus, „quia non habuit scientiam. „Psal. lxxxv. 5. „Nescierunt, neque intellexerunt, in tenebris ambulavit. „

Itaque fratres mei emulamini prophetare. Apostolus hic concludit generalem admonitionem; & circa hoc tria facit. Primo monet eos ad appetitum omnium donorum, dicens: Itaque & loqui linguis, & prophetare est bonum. *Emulamini*, idest desideretis, *prophetare*: cuius causa est, quia, sicut dicitur Prover. xxxix. 18. „deficient te prophetia dissipabitur populus. „Et accipitur prophetare hic, secundum quod per totum capitulum expositum est. Et tamen, licet desideretis prophetare, *molite prohibere loqui linguis, ne fiat dissensio.* Secundo inducit ad modum debitum, cum dicit: *Omnia autem honeste, & secundum ordinem sunt in vobis*: ut scilicet uno loquente alii taceant, & mulieres in Ecclesia non loquantur, & similia. Rom. xii. 13. „Sic, „ut in die honeste ambulemus. „Tertio inducit eos ad congruum ordinem, cum dicit, *Et secundum ordinem*, ut scilicet primo unus, & postea alius loquatur, & per partes, & similia quæ dicta sunt. Iudic. v. 20. „Stellæ manentes (a) in ordine, „& cursu suo, adversus Sitarum pugnaverunt. „

CAPITIS DECIMIQUINTI

LECTIO I.

Notum vobis facio, fratres, Evangelium, quod prædicavi vobis, quod & accepistis, in quo & statis, per quod & salvamini; quia ratione prædicaverim vobis si tenetis, nili frustra credidistis. Tradidi enim vobis in primis quod & accepi: quoniam Christus mortuus est pro peccatis nostris secundum Scripturas; & quia sepultus; & quia resurrexit tertia die secundum Scripturas; & quia visus est Cephæ, & postea undecim; deinde visus est plusquam quingentis fratribus simul, ex quibus multi manent usque adhuc, quidam autem dormierunt; deinde visus est Iacobo, deinde Apostolis omnibus; novissime autem omnium, tamquam abortivo, visus est & mihi. Ego enim sum minimus Apostolorum, qui non sum dignus

(a) etc. in cursu suo.

gnus vocari Alostolus, quoniam persecutus sum Ecclesiam Dei. Gratia autem Dei sum id quod sum: & gratia eius in me vacua non fuit; sed abundantius illis omnibus laboravi: non ego autem, sed gratia Dei mecum. Sive enim ego, sive illi, sic prædicavimus, & sic credidistis.

Postquam Apostolus intruxit Corinthios de ipsis sacramentis, & de re contenta, & significata in sacramentis, scilicet de gratia, & eius effectibus; hic consequenter intruit eos de re non contenta, sed significata in sacramentis, scilicet de gloria resurrectionis; quæ non est contenta in sacramento, cum non statim habeat eam qui suscipit sacramenta; sed significatur gloria resurrectionis in ipsis, in quantum confertur in eis gratia, per quam ad beatitudinem pervenitur. Circa hoc autem duo facit. Primo præmittit tractatum de resurrectione; secundo per hoc probat resurrectionem communem omnium hominum, ibi, *Si autem Christus prædicatur quod resurrexit a mortuis, quomodo quidam dicunt in vobis, quia resurrectio mortuorum non est?* Circa primum duo facit. Primo commendat evangelicam doctrinam; secundo annuntiat quæ oportet scire circa resurrectionem Christi, ibi, *Tradidi enim vobis in primis quod & accepit*. Commendat enim eminentiam evangelicæ doctrinæ quantum ad quatuor. Primo quantum ad prædicantium auctoritatem, quia ipsi Apostoli; & hoc est quod dicit: *O fratres*, continuando se ad præcedentia, *facio vobis notum Evangelium*, quod idem est quod bona annuntiatio, quæ incipit a Christo: unde quidquid pertinet ad Christum, vel est de ipso Christo, dicitur Evangelium. *Quod (a) prædicavi vobis* quasi dicat: Illud quod prædicavi vobis de Christo, *notum facio vobis*; id est, reduco vobis ad memoriam, quasi non sint nova ea quæ scribo. Philip. 111. 1. „Eadem scribere vobis mihi quidem non pigrum, vobis autem necessarium.“ *Prædicavi*, ego scilicet vobis, & alii Apostoli aliis. Et in hoc apparet auctoritas huius doctrinæ, quia a Christo, a Paulo, & ab aliis Apostolis. Hebr. 11. 3. „Quæ cum initium accepisset (b) enarrari per Dominum, ab eis qui audierunt, in nos confirmata est.“ Secundo quantum ad communem fidem omnium populorum; & ideo dicit: *Quod & accepistis*, omnes. Sed hoc Augustinus (Lib. XXII. de Civit. Dei cap. v.) dicit pertinere ad evidentiam huius fidei, faciens tale argumen-

tum. Ad credenda ea quæ sunt fidei, aut sunt miracula facta, aut non. Si sunt facta miracula, habeo propitium, quod dignissima, & certissima est. Si non sunt facta, hoc est maximum omnium miraculorum, quod per quosdam paucos conversi sunt ad fidem infinita multitudo hominum; per pauperes prædicantes paupertatem, divites; per idiotas prædicantes ea quæ rationem excedunt, conversi sunt sapientes, & Philosophi. Psalm. xlviii. 5. „In omnem terram exivit tonus eorum, & in fines orbis terræ verba eorum.“

Sed si obiciatur, quod etiam lex Machometi recepta est a multis; dicendum est, quod non est simile: quia ille opprimendo, & vi armorum subiugavit eos; sed isti Apostoli moriendo ipsi alios ad fidem duxerunt, & faciendo signa, & prodigia. Ille etiam proponebat quædam quæ ad delicias, & lascivias pertinent; sed Christus, & Apostoli terrenorum contemptum. I. Thess. 11. 13. „Cum accepissetis a nobis verbum Dei, accepistis illud non ut verbum hominum, sed (sicut est vere) verbum Dei.“

Tertio quantum ad virtutem: quia confirmat, & elevat ad cælestia: ideo dicit: *In quo statis*, scilicet elevati ad cælestia. Ille enim dicitur stare qui rectus est, & hoc sola lex Christi facit. Rom. v. 2. „Iustificati ergo per fidem... habemus accessum in gratiam istam, in qua stamus.“ Lex enim vetus (c) non faciebat stare, sed curvabat ad terrena. Deut. xxx. 11. 28. „Oculus Iacob in terra frumenti, & vini.“ Quarto quantum ad utilitatem: quia sola nova lex perducit ad finem salutis, vetus autem non. Hebr. vii. 19. „Neminem ad perfectum adduxit lex.“ Et ideo dicit: *Per quod & salvamini*. Hic iam ex certitudine spei per inchoationem, quæ est per fidem, salvamini, & in futuro in veritate rei, (d) & speciei. Iacob. 1. 21. „In mansuetudine suscipite insumum verbum, quod potest salvare animas vestras.“ Ioan. xx. 31. „Hæc autem scripta sunt, ut credatis, & ut credentes vitam habeatis in nomine eius.“ Et apponit hic duas conditiones. Primam, cum dicit, *Si tenetis*. Glos-

(a) *Al. prædico.* (b) *Al. enarrandi.* (c) *Al. desit non.* (d) *Al. & spei.*

Glossa sic exponit. „*Si tenetis quæ ratione prædicavi vobis illud Evangelium, idest resurrectionem mortuorum, ea ratione quæ confirmavi vobis, idest per resurrectionem Christi.*“ Vel aliter. *Salvaminus*, ita tamen, *si tenetis*, idest si servatis, ea ratione quæ prædicavi vobis Evangelium Christi. Secundam conditionem ponit, cum dicit, *Nisi frustra credidistis*; quasi dicat: Salvamini per fidem, si non frustra credidistis; idest, si fidei adduntur bona opera, quia fides sine operibus mortua est, Iacob. 11. Illud enim dicitur esse frustra quod est ad finem quem non consequitur. Finis autem fidei est visio Dei. Unde si non salvamini, frustra credidistis, non simpliciter, sed inquantum non (a) pervenitis ad finem. Vel aliter. *Si tenetis*; quasi dicat, teneatis; nisi frustra credidistis.

Tradidi enim vobis in primis quod & accepistis. Hic ostendit propositum. Circa hoc tria facit. Primo ostendit originem doctrinæ de resurrectione Christi, s. secundo ostendit ea quæ in doctrina huiusmodi continentur, ibi, *Quoniam Christus mortuus est pro peccatis nostris*; tertio consonantiam, seu convenientiam prædicantium (b) ad hanc doctrinam, ibi, *Sive enim ego, sive illi, sic prædicavimus, & sic credidistis.* Dicit ergo primo: Illud debetis tenere, idest (c) in memoria habere, quod tradidi vobis in primis, & adhuc trado. Et dicit, *in primis*, idest inter prima credenda. Credenda enim vel pertinent ad Trinitatem, vel ad fidem Incarnationis. Et primo debet homo credere ea quæ ad fidem Incarnationis pertinent, & postea quæ ad Trinitatem pertinent. Unde quod tradidi vobis in primis, scilicet de Incarnatione, & non a me, vel ex mea auctoritate tradidi, sed quod accepit a Christo, vel a Spiritu sancto. Galat. 1. 1. „Paulus Apostolus non ab hominibus, neque per hominem, sed per Iesum Christum.“ Supra xi. 23. *Ego accepit a Domino quod & tradidi vobis.* Esa. xxi. 10. „Quæ audivi a Domino exercituum Deo Israel, annuntiavi vobis.“ Ea autem quæ accepit, & tradidit, sunt quatuor, scilicet mors, sepultura, resurrectio, & apparitio Christi. Dicit ergo primo: Tradidi vobis primo mortem Christi; & ideo dicit: *Quoniam Christus mortuus est*: in quo remover duplicem suspicionem, quæ suboriri posset circa mortem Christi. Prima est quod mortuus esset pro peccatis suis a quilibet, vel originali: & hoc excludit cum

dicit, *Pro peccatis nostris*, non suis. Esa. liii. 8. „Propter scelus populi mei percussit eum.“ I. Petr. 3. 1. „Christus semel pro peccatis nostris mortuus est, iustus pro iniustus.“ Alia suspicio est quod mors Christi esset casualis, vel violentia Iudæorum: & hoc excludit cum dicit, *Secundum Scripturas*, scilicet veteris, & novi testamenti; & ideo signanter specialiter dicit, *Secundum Scripturas.* Esa. liii. 7. „Sicut ovis ad occisionem ductus est.“ Hierem. xi. 19. „Ego quasi agnus, mansuetus qui portatur ad victimam.“ Matth. xx. 28. „Ecce ascendimus Hierosolimam, & Filius hominis tradetur principibus sacerdotum, & scribis, & condemnabunt eum morte.“ Tradidi (d) etiam vobis secundo sepulcrum Christi; & ideo dicit, *Et quia sepultus est.*

Sed numquid sepultura est articulus fidei specialiter, quia facit hic mentionem specialiter de ea? Dicendum, quod secundum illos qui numerant articulos secundum credenda, non est specialis articulus fidei, sed includitur cum articulo passionis, & mortis Christi. Cuius ratio est, quia fides est eorum quæ sunt suprarationem: unde ibi incipit articulus fidei ubi deficit ratio. Hoc autem primum est quod Dominus sit conceptus, & ideo conceptio est articulus fidei; secundum quod Deus est natus de virgine, & ideo hic est alius; tertium quod impassibilis Deus patiatur, & moriatur, & hic est alius, & cum hoc intelligitur etiam de sepultura: unde non est specialis articulus. Facit autem Apostolus hic mentionem de sepultura propter tria. Primo ut ostendat veritatem mortis Christi: evidens enim mortis signum aliquis est quod sepeliatur. Secundo ad ostendendum veritatem resurrectionis: quia si non fuisset sepultus, nec custodes fuissent iuxta sepulcrum illis diebus; possent dicere, quod discipuli fuissent eum furati. Tertio quia Apostolus vult eos inducere ad fidem resurrectionis; & hoc videtur magis difficile quod sepultus resurgat. Et de hoc dicitur Esa. xi. 10. „Et erit sepulcrum eius gloriosum.“ Esa. liii. 9. „Dabit impios pro sepultura.“

Tradidi etiam vobis resurrectionem: quia resurrexit tertia die. Osee vi. 3. „Visificabit nos post duos dies, in die tertia suscitabit nos.“ Et etiam dicit, *Tertia die*, non quod fuerint tres dies integri, sed duæ noctes, & una dies, per

D d d s y n e-

(a) Al. pervenit. (b) Al. mittitur ad hanc doctrinam. (c) Al. desideratur in. (d) Al. enim.

synecdochen. Et huius causa fuit, sicut dicit Augustinus (Lib. IV. de Trin. cap. 111.) quia Deus per luum simplum, idest per malum pœnæ, quod significatur per unum diem, destruxit nostrum duplum, idest pœnam, & culpam, quod significatur per duas noctes. Tradidi etiam vobis quarto Christi apparitiones: quia *visus est Cepha*. Et ponit primo apparitiones factas aliis; secundo apparitiones factas sibi soli, ibi, *Novissimus autem omnium tamquam abortivus visus est & mihi*. Sciendum est autem circa primum, quod apparitiones Christi non sunt factæ omoibus communiter, sed aliquibus specialibus personis. Act. x. 40. „Dedit „eum manifestum fieri non omni populo, „sed testibus præordinatis a Deo. „ Et huius ratio fuit, ut servaretur ordo in Ecclesia, ut per quosdam speciales fides resurrectionis deveniret ad alios. Notandum autem est, quod apparitiones Christi non ponuntur hic omnes, nec illæ quæ factæ sunt mulieribus; ponuntur autem hic quædam quæ non leguntur in Evangelis. Et horum ratio fuit, quia Apostolus vult ex ratione confutare infideles; & ideo noluit ponere testimonia nisi authentica; & ideo tacuit apparitiones mulieribus factas, & posuit quasdam quæ non inveniantur, ut ostendat, quod etiam aliis pluribus apparuit. Sed facit mentionem specialem de Petro, & Iacobo, quia erant quasi columnæ, ut dicitur Galat. 2. Dicit ergo: *Tradidi vobis, quia visus est Cepha*, idest Petro. Luc. ult. 34. „Surrexit „Dominus vere, & apparuit Simoni. „ Et creditur quod inter viros primo apparuit Petro, quia erat in maxima tristitia: unde & Angelus dixit Marc. ult. 7. „Ite, „dicite discipulis eius, & Petro, quia „præcedet vos in Galilæam. „ *Pescem*, idest in alia vice, *visus est undecim Apostolis*. Semel quidem visus est decem tantum, quando Thomas erat absens, & post octo dies, undecim, quando Thomas erat cum eis. Augustinus (Lib. II de Conf. Evang. cap. xxv.) dicit, quod debet dicere duodecim, sed corruptum est vitio scriptorum: & dicit quod non refert quod Iudas iam obierat, & Mathias nondum erat electus: quia consuetum est quod quando maior pars collegii facit aliquid, dicitur quod totum collegium hoc facit. Unde quia Dominus elegerat duodecim, ideo potest dici, quod visus est duodecim, idest toti collegio Apostolorum. Sed non est (a) vis,

sive dicatur duodecim, sive undecim. *Deinde iterum visus est plusquam quingentis fratribus*. Sed de hoc nihil legitimus in sacra Scriptura, nisi hoc quod hic dicitur. Potest tamen dici, quod hæc apparitio fuit de qua loquitur Dionysius in III. de divinis Nominibus, quando omnes discipuli conveniunt ad videandum corpus quod ferebat principem vitæ.

Sed contra hoc videtur esse, quia hoc fuit ante ascensionem, quando scilicet Christus apparuit Iacobo. Sed congregatio discipulorum ad videandum Beatam Virginem, de qua videtur loqui Dionysius, fuit multum post.

Et ideo melius videtur dicendum, quod apparuit quingentis fratribus simul ante ascensionem suam, & non refert quod dicitur, Discipuli erant centum viginti: quia licet illi qui erant in Hierusalem, essent centum viginti, tamen in Galilæa erant multi discipuli, & forte omnes congregati fuerunt simul cum apparuit. Et ut huius testimonium sit magis certum, dicit, quod ex eis *adhuc multi manent*, idest vivunt, *quidam autem ex eis dormierunt*, idest mortui sunt in spe resurrectionis. Et vocat sanctorum mortem, dormitionem: quia moriuntur carne corruptibili, ut resurgant incorruptibiles. Rom. vi. 9. „Christus „resurgens ex mortuis iam non moritur, „mors illi ultra non dominabitur. „

Deinde, idest post, *visus est Iacobo*, scilicet Alphæi. Et ratio huius potest assignari, quia, ut legitur, Iacobus vovit se non sumpturum cibum, nisi prius videret Christum.

Sed secundum hoc non servaretur ordo apparitionis: quia si post omnes numeratas apparitiones apparuisset Iacobo, oimis fuisset sine cibo, & hoc est difficile. Et ideo dicendum est, quod ideo singulariter Christus apparuit Iacobo, quia specialem devotionem Iacobus ad Christum habuit. Et de ista etiam apparitione nihil habetur in Evangelio.

Deinde, post hoc scilicet visus est, *omnibus Apostolis*, in ascensione, ut legitur Matth. ult. & Act. 1. *Novissimus autem omnium tamquam abortivus visus est & mihi*. Hic Apostolus commemorat apparitionem factam sibi soli; & circa hoc duo facit. Primo ostendit ordinem apparitionis; secundo rationem eius assignat, ibi, *Ego enim summimus Apostolorum*. Dicit ergo ita. Dixi, quod omnibus manifestatus est Christus: *novissimus*.

(a) Al. visum.

novissime, idest ultimo, & post ascensionem, *visus est* & *mibi*, tamquam abortivo, & ideo novissime. Dicit autem, *Tamquam abortivo*, propter tria. Abortivus dicitur aliquis fetus, vel quia nascitur extra tempus debitum, vel quia cum violentia educitur, vel quia non perducitur ad debitam quantitatem. Et quia hæc tria videbat in se Apostolos, ideo dicit, *Tamquam abortivo*. Primo enim ipse extra tempus aliorum Apostolorum renatus est Christo: oam alii Apostoli renati sunt Christo ante adventum Spiritus sancti, Paulus vero post. Secundo quia alii Apostoli spontanee conversi sunt ad Christum, sed Paulus coactus. Ad. ix. (a), *Prostravit eum ad terram* &c. Et hoc multum valet contra hæreticos, qui dicunt, quod nullus debet cogi ad fidem, quia Paulus coactus fuit. Et, sicut dicit Augustinus (epist. l. post med.) plus profecit in fide Paulus cum coacte conversus est, quam multi qui spontanee venerunt. Tercio quia reputat se aliis minore, & non pervenisse ad virtutem aliorum Apostolorum; & ideo quasi rationem assignans, dicit: *Ego enim sum minimus Apostolorum*. Circa hoc duo facit: primo enim ostendit suam parvitatem; secundo rationem huius exponit, ibi, *Quoniam persecutus sum Ecclesiam Dei*. Parvitatem autem suam manifestat primo in comparatione ad Apostolos, cum dicit: *Ego enim sum minimus Apostolorum*. Esa. lx. 22., *Minimus erit in mille, & parvulus in gentem fortissimam*. Eccli. xii. 20., *Quanto maior es, humilia te in omnibus, & coram Deo invenies gratiam*. Et licet sit minimus in comparatione ad Apostolos, posset tamen dici, quod est magnus in comparatione ad alios, quia est Apostolus; & ideo secundo ostendit suam parvitatem in comparatione ad alios, cum dicit: *Qui non sum dignus*, non solum esse, sed *vocari Apostolum*; licet vocer. II. Corinth. xii. 5., *Non quod sufficientes simus cogitare aliquid a nobis, quasi ex nobis, sed sufficientia nostra ex Deo est*. Sed posset dicere: O Apostole, propter humilitatem nullus debet dicere falsum: cum ergo tu sis magnus, quare vocas te minimum? & ideo cum dicit, *Quoniam persecutus sum Ecclesiam Dei*, ostendit quomodo sit minimus, & quomodo non minimus. Minimum autem dicit te, considerando præterita facta sua, & dicit: *Non sum di-*

gnus vocari Apostolus. Quare? *Quia persecutus sum Ecclesiam Dei*, quod alii Apostoli non fecerunt. Gal. i. 13., *Supra modum persequabar Ecclesiam Dei, & ex-*
pugnabam illam. I. Timoth. i. 13., *Qui tui blasphemus, & persecutor, & contumeliosus*. Et licet ex me sim minimus, tamen ex Deo non sum minimus; & ideo dicit: *Gratia Dei sum id quod sum*. Et circa hoc duo facit. Primo commendat conditionem suam quantum ad statum; secundo quantum ad executionem status, ibi, *Et gratia eius in me vacua non fuit*. Dicit ergo primo: Ex me nihil sum, sed id quod sum, gratia Dei sum, idest ex Deo, non ex me. Ephes. i. 7., *Cuius factus sum minister secundum donum, gratiæ Dei quæ data est mihi*. Et dicit, *Id quod sum*, quia hominè gratia nihil est. Supra xii. 2. *Si habuerim omnem prophetiam, & novarum mysteria omnia... caritatem autem non habuero, nihil sum*. Sed qualiter usus sit, & executus statum suum, ostendit dicens: *Et gratia eius in me vacua non fuit*. Ubi primo ostendit quomodo usus sit gratia ista, quia ad bonum; & ideo dicit: *In me vacua non fuit*, idest otiosa, quia ea usus est ad id quod data est sibi. Phil. ii. 16., *Non in vacuum curri, neque in vacuum laboravi*. Secundo manifestat quomodo alios excessit; & ideo subdit: *Sed abundantius illis omnibus*, idest Apostolis sigillatim, *laboravi*, prædicando: quia nullus per tot loca prædicavit, & annuntiavit Christum: unde dicit Rom. xv. 19., *Ita quod a Hierusalem usque ad Illyricum per circuitum repleverim Evangelium Christi*: & etiam usque ad Hispaniam: operando: quia licet ipse, sicut alii Apostoli, posset exigere sumptus sibi necessarios, tamen specialiter voluit de labore manuum quærere sumptus suos, ut ipse dicit II. Thess. ii. 8., *Nolle, & die manibus nostris operantes, ne quem vestrum gravaremus*: *tribulationes sustinendo*: nullus enim Apostolorum tot persecutiones, & tribulationes sustinuit, ut ipse enumerat II. Corinth. xi. 23., *In laboribus plurimis, & carceribus* &c. Tercio ostendit usum efficaciam, quia hoc non a se solo, sed ex instinctu, & adiutorio Spiritus sancti; & ideo dicit: *Non autem ego solus operor, sed gratia Dei mecum, quæ movet voluntatem ad hoc*. Efa. xlv. 12., *Omnia opera nostra operatus es nobis*.

D d d 2

(a) Act. ix. 3. Sic legitur: „Et subito circumfusus cum lux de caelo; & cadens in terram, audivit vocem dicentem sibi: Saul, Saul, quid me persequeris?“

„bis, Domine. “ Philip. 11. 13. „ Qui „ operatur in nobis velle, & pericere pro „ bona voluntate. “ Deus enim non solum infundit gratiam, qua nostra opera grata sunt, & meritoria; sed etiam movet ad bene utendum gratia infusa; & hæc vocatur gratia conperans.

Sive ego enim, sive illi, sive prædicavimus. Hic ostendit concordiam prædicantium; & hoc potest dupliciter legi. Primo ut sit confirmatio dictorum, quasi dicat aliquis: Tu ita prædicas, sed tamen non credimus tibi soli, quia tu minimus es inter Apostolos. Ideo respondens Apostolus ait: Immo debetis mihi credere, quia ego non prædico alia. *Sive ego, sive alii Apostoli,*

sive prædicamus, scilicet Christum resurrexisse, & visum fuisse &c. & vos etiam credidistis, sicut ego, & illi prædicaverunt, scilicet quod Christus resurrexit, & visus est &c. II. Corinth. 13. 3. „ Habentes eum, „ dem spiritum fidei... „ & nos credimus, „ propter quod & loquimur. “ Secundo potest legi, ut efficacia prædicationis sit omnibus Apostolis ex uno, idest a gratia Dei, quasi dicat: *Sive ego, prædicem, sive illi, idest Apostoli, sicut prædicamus; hoc fecimus adiuti, & firmati per gratiam Dei; & etiam vos ipsi credidistis, scilicet inspirati Spiritu sancto, & gratia Dei, sine qua nihil facere possumus.* Ioh. xv. 5. „ Sine „ me nihil potestis facere. “

L E C T I O II

SI autem Christus prædicatur quod resurrexit a mortuis, quomodo quidam dicunt in vobis, quoniam resurrectio mortuorum non est? Si autem resurrectio mortuorum non est, neque Christus resurrexit. Si autem Christus non resurrexit, inanis est prædicatio nostra, inanis est & fides vestra. Invenimur autem & falsi testes Dei, quoniam testimonium diximus adversus Deum, quod suscitaverit Christum; quem non suscitavit, si mortui non resurgunt. Nam si mortui non resurgunt, neque Christus resurrexit. Quod si Christus non resurrexit, vana est fides vestra: adhuc enim estis in peccatis vestris. Ergo & qui dormierunt in Christo, perierunt. Si in hac vita tantum in Christo sperantes sumus, miserabiles sumus omnibus hominibus.

SUPRA Apostolus asstruxit fidem per resurrectionem Christi; hic vero probat per resurrectionem Christi, resurrectionem mortuorum futuram: & primo probat futuram resurrectionem; secundo ostendit qualitatem resurrectionis, ibi, *Sed dicat aliquis: Quomodo resurgunt mortui? tertio vero describit ordinem resurrectionis, ibi, Ecce mysterium vobis dico.* Circa primum duo facit. Primo probat resurrectionem mortuorum futuram ratione sumpta ex resurrectione Christi; secundo ratione sumpta ex vita sanctorum, ibi, *Alioquin quid facient qui baptizantur pro mortuis, si omnino mortui non resurgunt?* Probat autem mortuorum resurrectionem ex resurrectione Christi tali ratione. Si Christus resurrexit, ergo & mortui resurgent. Circa ergo hanc rationem tria facit. Primo ponit conditionalem, scilicet si Christus resurrexit, & mortui resurgent; secundo vero probat antecedens ipsius conditionalis, ibi, *Si autem resurrectio mortuorum non est, neque Christus resurrexit;* tertio probat conditionalem esse veram, ibi, *Nunc autem Christus resur-*

renit. Dicit ergo primo: Dixi, quod sive ego prædicaverim, sive illi, scilicet alii Apostoli, sic credidistis; sed si prædicatur a nobis, quod Christus resurrexit a mortuis, quomodo quidam in vobis, idest inter vos, dicunt, quoniam resurrectio mortuorum non est? quasi dicat: Si Christus resurrexit a mortuis secundum quod nos prædicamus: I. The. 11. 13. „ Si credimus quod Christus mortuus est, & resurrexit; ita & Deus eos „ qui dormierunt per Iesum, adducet „ cum eo: “ nullus debet dubitare resurrectionem mortuorum futuram. Unde Rom. 11. 11. „ Qui suscitavit Iesum Christum „ a mortuis, vivificabit & mortalia cor- „ pora vestra. “

Sed videtur quod hæc argumentatio non valeat, cum sit locus a maiori, affirmando: quia licet Christus resurrexit specialiter ex virtute divinitatis suæ, non sequitur quod alii homines resurgant.

Sed ad hoc dicunt aliqui, quod non est locus a maiori, sed a simili. Mortui enim, & resurgere competit Christo secundum humanam naturam; & dicunt, quod est simile.

mile argumentum, sicut si dicerem, Anima Sortis est immortalis: ergo omnes, scilicet animæ hominum, sunt immortales. Videtur autem quod sit melius dicendum, quod sit locus a causa: quia resurrectio Christi est causa resurrectionis nostræ. Et ideo, secundum Glossam, dicendum est. *Si Christus, qui est causa efficiens nostræ resurrectionis, resurrexit, quomodo dicunt, quoniam resurrectio mortuorum non est?* Sed tamen non est dicendum, quod sit causa efficiens tantum per modum meriti, quia resurgendo non meruit eam, cum iam esset comprehensor, & viveret vita gloriosa; nisi forte meritum resurrectionis mortuorum referatur ad passionem Christi. Nec est causa exemplaris tantum, ut quidam dicunt; sed est causa efficiens, & exemplaris. Unde Augustinus dicit super Ioan. (trac. xix.) quod Verbum caro factum vivificat animas, & resuscitat mortuos. Sic ergo patet quod si Christus resurrexit, & mortui resurgent.

Sed contra. Resurgere a mortuis est supernaturalis; hoc autem non est nisi virtutis infinitæ, quæ Deus est: non ergo resurrectio corporis Christi est causa efficiens resurrectionis mortuorum; cum humanitas Christi, seu corpus sit creatura; licet de Christo, vel de homine non possit dici, quod est creatura.

Responsio. Dicendum, quod inquantum Deus, sive inquantum divinitas est in Christo, Christus est & exemplar, & causa efficiens resurrectionis mortuorum per humanitatem suam, sicut per instrumentum divinitatis suæ. Ad illud quod obicitur, dicendum, quod caro Christi, seu humanitas, non dicitur facere effectum virtutis infinitæ, inquantum caro, vel humanitas, sed inquantum caro Christi, vel humanitas Christi.

Sed quaeritur adhuc. Nani posita causa sufficienti, statim ponitur effectus: si ergo resurrectio Christi est sufficiens causa resurrectionis mortuorum, statim deberent mortui resurgere, & non tantum differre.

Responsio. Dicendum, quod effectus sequitur ex causis instrumentalibus secundum conditionem causæ principalis: & ideo, cum Deus sit principalis causa nostræ resurrectionis, resurrectio vero Christi sit instrumentalis; resurrectio nostra sequitur resurrectionem Christi secundum dispositionem divinam, quæ ordinavit ut tali tempore fieret.

Sed numquid si Deus non fuisset incarnatus, homines resurrexissent? Dicendum

videtur quod non: quia Christus non fuisset passus, nec resurrexisset. Dicendum est autem ad hoc, quod hæc obiectio nulla est: quia quando aliquid ordinatur ab aliqua causa, debet argumentari ad illud, servato ordine illius causæ. Et ideo dicendum est, quod Deus ordinavit resurrectionem mortuorum fore per istum modum. Potuisset tamen & alius modus adhuc inveniri a Deo, si voluisset.

Deinde cum dicit, *Si autem resurrectio mortuorum non est, neque Christus resurrexit*, probat antecedens, scilicet quod Christus resurrexit; & hoc ducendo ad inconvenientiam: & circa hoc duo facit. Primo dicit ad inconvenientiam, secundo ostendit illa esse inconvenientia, ibi, *Invenimus autem & falsi testes Dei*. Circa primum facit deductionem suam, supponendo quod si Christus non resurrexit, neque mortui resurgent: quod si ita est, sequuntur duo inconvenientia. Unum est quod inanis est prædicatio Apostoli, & inutilis; aliud est quod inanis est fides Corinthiorum. Unde dicit: *Si autem Christus non resurrexit, inanis est ergo prædicatio nostra*. Et hoc est quod dicit: Ex hoc quod sive ego, sive illi sic prædicant &c. Dicit ergo: *Si autem Christus non resurrexit, inanis est*, id est falsa, *prædicatio nostra*, quia sic credidistis; & hoc magnum est inconveniens, quod prædicationem eorum non fuisset veritas, cum Apostolus dicat Philipp. 11. 16. „Non in vacuum cucurri, neque laboravi.“

Invenimus autem & falsi testes Dei. Hic ostendit illa duo esse inconvenientia: & primo ostendit quod sit inconveniens, si prædicatio Apostolorum esset inanis, seu falsa; secundo ostendit quod sit inconveniens, si fides illorum esset inanis, ibi, *Quod si Christus non resurrexit, vana est fides vestra*. Ostenditur autem primum esse inconveniens: quia essent falsi testes non solum dicendo aliqua vana, vel aliqua contra aliquem hominem falsæ, quod est mortale peccatum; sed falsi testes adversus Deum, quod est sacrilegium: quia si Deus non suscitavit Christum a mortuis, secundum quod nos prædicamus, *invenimus falsi testes*; & si mortui non resurgunt, Deus non resuscitavit Christum a mortuis. Iob xiii. 7. „Numquid Deus indiget vestro mendacio, ut pro illo loquamini dolos?“ Et hoc est pessimum, scilicet quod aliquid attribuitur Deo quod non facit; & laudare in eo quod non est. Unde dicit Augustinus (epist. viii.) „Non minori, sed maiori fortasse scelere in Deo laudatur, fal-

„ falsitas, quam vituperetur veritas. „ Cuius ratio est, quia intellectus noster nunquam potest tantum laudare Deum quin deficiat a perfectione eius; & ideo si non totaliter intellectus omnem veritatem possit de Deo intelligere, hoc est ad excellentiam Dei. Sed si attribuitur aliquid Deo quod non habet, vel non facit, videtur quod intellectus noster est maior Deo, & intelligat aliquid maius eo quod sibi false attribuit: & hoc contra illud I. Ioan. 11. 20. „ Deus maior est corde nostro. „

Quid si Christus non resurrexit, vana esset fides vestra. Hic ostendit quod inconueniens sit, si fides illorum esset inanis; & hoc ostendit per tria inconuenientia, quæ sequuntur inde. Primum est, quia constat quod falsitas non habet virtutem purgandi; sed constat quod fides purgat peccata: Act. xv. „ Fide purificans corda eorum. „ Si ergo fides nostra sit inanis, quod esset si Christus non resurrexit, quia sic credidistis, scilicet quod resurrexit; peccata vestra non sunt vobis dimissa; & hoc est quod dicit: *Adhuc essis in peccatis vestris.* Sed quia posset aliquis dicere: Licet fides non purget peccata, possunt tamen purgari ab eis per bona opera; ideo addit secundum inconueniens, scilicet quod mortui, qui non possunt purgari in alia vita, perierunt abique spe salutis; & ideo quasi concludens dicit: *Ergo qui in Christo*, id est in fide Christi, *dormierunt*, id est mortui sunt in spe salutis, *perierunt*; quia in alia vita nulla sunt opera meritoria. Sed quia posset adhuc dicere: Non curo de peccatis, non curo de mortuis, dummodo habeam in vita ista quietem, & tranquillitatem: ideo addit tertium inconueniens, cum dicit: *Si in hac tantum vita in Christo sperantes sumus, miserabiliores sumus omnibus hominibus.* Et ininitur tali argumento. Si resurrectio mortuorum non est, sequitur quod nihil boni habeatur ab hominibus, nisi solum in vita ista: & si hoc est, tunc illi sunt miserabiliores qui in vita ista multa mala, & tribulationes patiuntur. Cum ergo plures tribulationes Apostoli, & Christiani patientur, sequitur quod sint miserabiliores ceteris hominibus, qui ad minus perfruuntur huius mundi bonis.

Sed circa hanc rationem videntur duo dubitanda. Unum, quia non videtur quod sit verum universaliter quod Apostolus dicit, scilicet quod Christiani sunt confidentes in hac vita tantum: quia possent dicere illi, quod licet corpora non habeant

bona nisi in vita ista, quæ est mortalis, tamen secundum animam habent multa bona in alia vita.

Ad hoc obviatur dupliciter. Uno modo quia si negetur resurrectio corporis, non de facili, immo difficile est sustinere immortalitatem animæ. Constat enim quod anima naturaliter unitur corpori; separatur autem ab eo contra suam naturam, & per accidens. Unde anima exuta corpore, quamdiu est sine corpore, est imperfecta. Impossibile autem est illud quod quod est naturale, & per se, sit finitum, & quasi nihil; & illud, quod est contra naturam, & per accidens, sit infinitum, si anima semper duret sine corpore. Et ideo Platonici ponentes immortalitatem, posuerunt reincorporationem; licet hoc sit hæreticum. Et ideo si mortui non resurgunt, solum in hac vita confidentes erimus. Alio modo quia constat quod homo naturaliter desiderat salutem sui ipsius; anima autem cum sit pars corporis hominis, non est totus homo, & anima mea non est ego: unde licet anima consequatur salutem in alia vita, non tamen ego, vel quilibet homo. Et præterea cum homo naturaliter desideret salutem etiam corporis, frustraretur naturale desiderium.

Secundum dubium est, quia videtur quod dato quod corpora non resurgant, non essent nos Christiani miserabiliores ceteris hominibus: quia illi qui sunt in peccatis, sustinent maximos labores. Hier. 12. 5. „ Ut inique agerent, laboraverunt. „ & Sap. v. 7. dicunt impii: „ Ambulavimus vias difficiles. „ At vero de bonis & iustis dicitur Galat. v. 22. „ Fructus autem spiritus est caritas, gaudium, pax &c. „

Ad hoc dicendum, quod mala quæ sunt in hoc mundo, non sunt secundum se appetenda, sed secundum quod ordinantur ad aliquod bonum. Apostoli autem, & Christiani multa mala passi sunt in hoc mundo. Nisi ergo ordinarentur ad aliquod bonum, essent miserabiliores ceteris hominibus. Aut ergo ordinantur ad bonum futurum, aut ad bonum præsens. Sed ad bonum futurum non ordinantur, si non est resurrectio mortuorum. Si autem ordinantur ad bonum præsens, hoc vel est bonum intellectus, sicut Philosophi naturales paupertates, & alia multa mala passi sunt, ut pervenirent (a) ad veritatem. Sed ad hoc non possunt ordinari, si non est resurrectio mortuorum: quia sic fides eorum est

(a) Ad veram veritatem.

set falsa, quia ipsi prædicaverunt resurrectionem futuram. Falsitas autem non est bonum intellectus. Vel est bonum moris, sicut morales Philosophi multa mala passi sunt, ut pervenirent ad virtutes, & salutem. Sed nec ad hoc ordinati possunt:

quia si resurrectio mortuorum non sit, non reputatur virtus, & gloria velle omnia delectabilia dimittere, & sustinere pœnas mortis, & contemptus; sed potius reputatur stulticia. Et sic patet quod miserabiles essent ceteris hominibus.

L E C T I O III.

Nunc autem Christus resurrexit a mortuis primitiæ dormientium: quoniam quidem per hominem mors, & per hominem resurrectio mortuorum; & sicut in Adam omnes moriuntur, ita & in Christo omnes vivificabuntur. Unusquisque autem in suo ordine, primitiæ Christus; deinde ii qui sunt Christi, qui in adventum eius crediderunt. Deinde finis, cum tradiderit regnum Deo & Patri, cum evacuaverit omnem principatum, & potestatem, & virtutem. Oportet autem illum regnare donec ponat omnes inimicos sub pedibus eius. Novissime autem inimica destruetur mors. Omnia enim subiecit sub pedibus eius. Cum autem dicat, Omnia subiecta sunt ei, sine dubio prætet eum qui subiecit ei omnia. Cum autem subiecta fuerint illi omnia, tunc & ipse Filius subiectus erit ei qui subiecit sibi omnia, ut sit Deus omnia in omnibus.

Hic probat positam superius conditionalem esse veram, scilicet si Christus resurrexit, mortui resurgunt; & circa hoc tria facit. Primo ostendit quomodo se habeat resurrectio Christi ad resurrectionem aliorum; secundo ostendit ordinem resurrectionis, ibi, *Unusquisque autem in suo ordine, primitiæ Christus*; tertio ostendit finem resurrectionis, ibi, *Deinde finis, cum tradiderit regnum Deo & Patri*. Circa primum duo facit. Primo ostendit habitudinem resurrectionis Christi ad resurrectionem aliorum, per conditionalem prædictam probans hoc; secundo probat ipsam habitudinem, ibi, *Quoniam quidem per hominem mors, & per hominem resurrectio mortuorum*. Dicit ergo: Nunc, id est ex quo dicta inconvenientia sequuntur, si Christus non resurrexit, ideo ad ipsa vitanda dicamus, quod *Christus resurrexit*. Hoc autem verum est secundum quod Matth. ult. dicitur, & aliis locis Evangeliorum. Sed resurrectionis Christi habitudo ita se habet ad resurrectionem aliorum, sicut primitiæ fructum ad sequentes fructus, quæ excedunt alios fructus tempore, & melioritate, seu dignitate; & ideo dicit, quod resurrexit, sicut alii, sed *primitiæ*, id est primo tempore, & dignitate. Apoc. 1. 5., *Primogenitus mortuorum*. Primitiæ, dico, dormientium, id est mortuorum, qui in ipse resurrectionis quiesceant. Ex hoc potest inferri conditionalis posita:

quia, sicut dicimus, & verum est, si Christus, qui est primitiæ dormientium, resurrexit, ergo & alii dormientes.

Sed contrarium videtur, scilicet quod Christus non resurrexit primitiæ dormientium: quia Lazarus fuit resuscitatus a Christo nondum passo, & aliqui Prophetæ suscitaverunt alios a mortuis, ut habetur in veteri testamento.

Ad hoc dicendum, quod duplex est resurrectio. Una est ad vitam mortalem; & ad istam Lazarus, & alii qui suscitati fuerunt, resurrexerunt ante Christum. Alia ad vitam immortalem; & de hac loquitur hic Apostolus.

Sed contra. Matth. xxv. dicitur, quod multa corpora sanctorum surrexerunt. Cum ergo hoc legatur ante Christi resurrectionem, & constet quod non resurrexerunt ad vitam (a) mortalem; videtur quod adhuc tesseret quæstio prima.

Responsio. Dicendum, quod hoc quod Matthæus dicit de resurrectione illorum, dicit per anticipationem: quia licet dicatur in tractatu de passione, non tunc resurrexerunt, sed postquam Christus resurrexit.

Quoniam quidem per hominem mors, & per hominem resurrectio mortuorum. Hic probat habitudinem positam, scilicet quod Christus sit primitiæ dormientium; & primo probat in generali; secundo in speciali, ibi, *Et sicut in Adam omnes moriuntur, ita & in Christo omnes vivificabuntur*. Probat in generali

ta.

(a) Ad. in mortalem.

tali ratione. Deus voluit reintegrare humanam naturam; sed humana natura corrupta est per hominem, quia mors intavit per hominem: pertinebat ergo ad dignitatem humanæ naturæ ut reintegraretur per hominem: hoc autem est ut reducat ad vitam: conveniens ergo fuit (a) ut sicut mors intravit per hominem, scilicet per Adam, ita resurrectio mortuorum fieret per hominem, scilicet per Christum. Rom. v. 17. „ Si enim unius delicto mors regnavit per unum, multo magis abundantiam gratiæ, & donationis, & iustitiæ accipientes, in vitam regnabunt per unum Iesum Christum. „ *Et sicut in Adam omnes moriuntur, ita & in Christo omnes vivificabuntur.* Hic probat idem in speciali, dicens, quod sicut in Adam omnes morimur morte corporali, ita & omnes vivificamur in Christo. Rom. v. 12. „ Per unum hominem peccatum in hunc mundum intravit, & per peccatum mors. „

Et non dicit per Evam, quod videtur contra illud Eccli. xiv. 33. „ Per illam omnes morimur. „ Dicendum, quod hoc est per illam, Evam scilicet suggerentem, sed per Adam sicut causantem. Nam si solum Eva peccasset, peccatum originale non fuisset traditum in posterum.

Vivificabuntur, inquam, in Christo, scilicet boni, & mali vita naturæ; sed vita gratiæ non nisi boni: sed tamen Apostolus loquitur hic de resurrectione ad vitam naturæ, ad quam omnes vivificabuntur. Ioan. v. 26. „ Sicut Pater habet vitam in semetipso, ita & Filio dedit vitam habere, id est vivificandi virtutem. Ibidem 28. „ Omnes qui in monumentis sunt audient vocem Filii Dei, & procedent qui bona fecerunt, in resurrectionem vitæ, qui vero mala egerunt, in resurrectionem iudicii. „

Unusquisque autem in suo ordine. Hic ostendit ordinem resurrectionis: & primo insinuat ipsum ordinem; secundo manifestat id quod dixerat, ibi, *Primitia Christus.* Dicit ergo, quod verum est quod omnes in Christo vivificabuntur, sed tamen differenter: quia differentia erit inter caput & membra; & differentia (b) erit quantum ad bonos, & malos: & ideo dicit, quod *unusquisque resurget in suo ordine, scilicet dignitatis.* Rom. xii. 1. „ Quæ autem sunt, a Deo ordinata sunt. „ Sed hunc ordinem consequenter manifestat: quia pri-

mitia Christus: quia ipse est prior tempore, & dignitate, quia plus habet de gloria. Ioan. i. 14. „ Vidimus eum quasi unigenitum a Patre, plenum gratiæ, & veritatis. „ Deinde resurgent omnes qui sunt Christi, posteriores tempore, & dignitate: isti sunt qui carnem suam crucifixerunt cum vitiis, & concupiscentiis. Galat. iv. 4. „ At ubi venit plenitudo temporis, misit Deus Filium suum. „ I. Tim. vi. 14. „ Serves mandatum sine macula irreprehensibile usque in adventum Domini nostri. „ Qui autem sint Christi, exponit dicens: *Qui crediderunt per fidem per dilectionem operantem.* Heb. xi. 6. „ Accedentem ad Deum oportet credere quia est, & inquirentibus se remuneratorem sit. „ *In adventum eius, primo, & secundo.*

Sed sciendum, quod inter alios sanctos non erit ordo temporis, quia omnes resurgent in istu oculi; sed bene secundum dignitates, quia Martyr resurget ut Martyr, Apostolus ut Apostolus, & sic de aliis.

Deinde finis. Hic ostendit finem resurrectionis, & hunc duplicem: unum quantum ad adaptionem boni; alium quantum ad remotionem mali, ibi, *Oportet autem illum regnare.* Circa primum duo facit. Primo ostendit quod adeptio ipsius boni consistit in inhærentia ad Deum; secundo ostendit quod in immediata inhærentia, ibi, *Cum evacueris omnem principatum, & potestatem, & virtutem.* Dicit ergo, quod deinde, id est post hoc, erit finis resurrectionis: & finis huiusmodi non erit ut vivant vita corporis, & voluptatibus, ut ludæi, & Sarraceni fingunt; sed quod inhæreant Deo per immediatam visionem, & beatam fructualem: & hoc est tradere regnum Deo & Patri. Et ideo dicit: *Cum tradideris, id est perduxerit, regnum, id est fideles suos, quos proptio sanguine acquisivit:* Apocal. v. 9. (c) „ Redemisti nos Deo in sanguine tuo: „ *Deo & Patri, id est ante conspectum Dei, id est Creatoris sui in quantum est homo, & Patri in quantum est Deus.* Et hoc est quod petebat Philippus Ioan. xiv. 8. „ Domine, ostende nobis Patrem, & sufficit nobis. „ Sed sic tradet, ut sibi non adimat; immo ipse unus Deus cum Patre, & sancto Spiritu regnabit. Vel cum tradideris regnum Deo & Patri; id est, cum ostenderit Deum Patrem regnare. In Scriptura enim tunc dicuntur aliqua fieri quando primo innotescunt; & huiusmodi innotescunt.

(a) *Id est ut.* (b) *Id est ut erit.* (c) *Id est Redemisti nos in sanguine Deo*

scientia sit per Christum. Matth. xi. 27. „Nemo novit Patrem nisi Filius, & cui „voluerit Filius revelare.“

Cum evacuaverit. Ille ostendit immediatorem dicitur inherere. Sicut enim dicitur Galat. iv. 1. „quanto tempore heres parvulus est... est sub tutoribus, & adlocutionibus usque ad praevenit tempus a patre.“ Sed quando iam est magnus, & perfectus, tunc immediate absque paedagogis, & tutore sub patre est in domo. Status autem huius vitæ præsentis assimilatur pueritiæ; & ideo in vita ista sumus sub Angelis, sicut sub tutoribus, in quantum profunt nobis, & dirigunt nos; sed quando tradetur regnum Deo & Patri, tunc immediate erimus sub Deo, & cessabunt omnia alia dominia: & hoc est quod dicit: *Et cum evacuaverit omnem principatum, & potestatem, & virtutem;* idest, cum cessaverit omne dominium tam humanum, quam angelicum, tunc immediate erimus sub Deo. Eia. ii. 11. „Exaltabitur Dominus solus in die illa.“ Hierem. xxxi. 34. „Non docebit ultra vir proximum suum, & vir fratrem suum.“

Sed numquid non remanebunt ordines Angelorum distincti? Dicendum, quod sic quantum ad eminentiam gloriæ, qua unus alteri præeminet, sed non quantum ad efficaciam executionis ad nos; & ideo illos dicit evacuati quorum nomina pertinent ad executionem, scilicet principatus, potestates, & virtutes. Illos autem qui sunt de superiori hierarchia, non nominat, quia non sunt exequentes, nec Angelos, quia est nomen commune. Dominationes autem non dicit evacuati, quia licet sint de exequentibus non tamen ipsi exequantur, sed dirigunt, & imperant: dominorum enim est dirigere, & imperare, non exequi. Archangeli vero intelliguntur cum principatibus; archos enim idem est quod princeps. Hi tres ordines, secundum Gregorium (hom. xxxiv. super Evang.) leguntur descendendo: quia, secundum ipsum, principatus sunt super potestates, & potestates super virtutes; sed secundum Dionysium, ascendendo: quia vult quod virtutes sint super potestates, & potestates super principatus.

Vel aliter. *Cum evacuaverit omnem principatum, & potestatem, & virtutem;* idest, tunc erit notum quod principatus, & potestates, & dominationes nihil potestatis habuerunt ex seipsis, sed a Deo, ex quo sunt omnia.

Deinde cum dicit, *Operatur autem illum* S. Th. Oper. Tertia, vl.

regnare, ostendit Apostolus finem resurrexionis, quo ad remotionem mali: quod quidem ostendit per destructionem omnium inimicorum ad Christum: & primo ponit ipsorum destructionem; secundo subiectionis perfectionem, ibi, *Movissime autem inimica destruetur mors;* tertio subiectionis finem, ibi, *Cum autem subiecta fuerint illi omnia.* Dicit ergo primo: Dixi, quod finis erit, cum tradiderit regnum Deo & Patri. Sed numquid Christus habet regnum, ita quod oportet illum regnare? Sic enim dicitur Matth. ult. 18. „Data est mihi omnis potestas in cælo, & in terra.“ Luc. i. 32. „Et regnabit in domo Iacob.“ Oportet, inquam, donec ponat inimicos suos sub pedibus eius.

Sed numquid modo non sunt inimici eius sub pedibus eius, idest sub potestate Christi? Dicendum, quod modo inimici Christi sunt sub potestate eius, sed dupliciter. Vel in quantum per ipsum convertebantur, sicut Paulus, quem prostravit, Act. ix. vel in quantum Christus facit voluntatem suam etiam de his qui faciunt hic contra voluntatem Christi. Sic ponit inimicos suos sub pedibus suis, puniendo eos; sed in futuro ponet sub pedibus, idest sub humanitate Christi. Sicut enim per caput deitas Christi intelligitur, quia caput Christi Deus, supra 24. 3. ita per pedem humanitas: Psalm. cxxxv. 7. „Adorabimus in loco ubi steterunt pedes eius.“ Sic ergo inimici erunt non solum sub deitate, sed etiam sub humanitate Christi. Phil. ii. 10. „In nomine Iesu omne genua flectatur, cælestium, terrestrium, & infernorum.“

Sed quid est quod dicit, *Donec ponat omnes inimicos sub pedibus eius?* Numquid non regnabit priusquam posuerit inimicos sub pedibus? Dicendum, quod hoc potest intelligi dupliciter. Nam ly *donec* quandoque determinat tempus, & ponitur pro finito; sicut si dicerem: Non videbo Deum donec moriar: quia usque tunc non videbo, sed postea videbo: quandoque ponitur pro infinito sicut cum dicitur Matth. 1. 25. „Non cognovit eam donec peperit filium suum.“ „non quod velit dicere, quod non cognovit eam solum usque ad partum filii, sed nec etiam postea nunquam cognovit, sicut dicit Hieronymus. Ille modus servatur quando aliqui intendunt excludere illa solum de quibus est dubium. Unde Evangelium excludit illud solum, quod videtur esse dubium, scilicet quod Ioseph cognovisset beatam Virginem ante partum. Hoc vero quod post partum non co-

Ecc gno-

gnovit eam, nulli est dubium, cum tot mysteria pueri viderit, & toties ab Angelis monitus sit, & adoratus etiam a Magis Iesus fuisset: & unde poterat eam iam Dei matrem cognoscere: & ideo non curavit hoc excludere. Sic etiam loquitur hic Apostolus. Quod enim aliquis regnet adhuc inimicis non subiugatis, videtur esse dubium; sed quod regnet postquam inimici subiugati sunt, nulli est dubium: & ideo illud excludit principaliter, dicens: *Donec ponat omnes inimicos sub pedibus eius*; quasi dicat: Verum est quod Christus habet regnum: & licet sint aliqui inimici, dum non faciunt voluntatem suam, tamen regnat donec ponat illos sub pedibus. Potest etiam alio modo intelligi *Donec ponat* &c. ut ly *donec* determinet tempus, & ponatur pro futuro; ut dicatur sic. *Oportet illum regnare*. Sed quando? *Donec ponat omnes inimicos sub pedibus eius*; quasi dicat: Usque tunc regnabit, quousque ponat inimicos sub pedibus; postea vero non regnabit. Sed secundum hanc expositionem, regnare non importat regnum habere, sed in regnando proficere, & regnum augeri; & hoc quantum ad manifestationem perfectam regni Christi; quasi dicat: Regnum Christi paulatim proficit, inquantum scilicet manifestatur, & innorescit, *donec ponat inimicos sub pedibus*; idest, quousque omnes inimici regnare eum satentur: boni quidem cum gaudio beatitudinis, mali vero cum confusione; & postea non regnat; idest, regnum suum non proficit, & non amplius manifestatur, quia iam plene manifestum erit.

Sic ergo patet omnium adversantium subiectio: quæ quidem subiectio perfectissima erit, quia etiam illud quod maxime inimicatur, subicietur sibi. Hoc autem est mors, quæ maxime contrariatur vitæ; & ideo dicit: *Novissima autem inimica destruetur mors*: ubi tria facit. Primo ponit subiectionem mortis; secundo probat hoc per auctoritatem, ibi, *Omnia enim subiecit sub pedibus eius*; tertio ex ipsa auctoritate arguit, ibi, *Cum autem dicat* &c. Dicit ergo: Dixi, quod omnes inimicos subiecit sub pedibus eius. Sed qualiter? Perfectissime, inquam, quia *novissima inimica mors destruetur*, scilicet in fine, quia non poterit esse cum vita, ubi omnes per resurrectionem vivent. Olee. xiii. 14. „Ero mors tua, o mors.“ Esa. xxv. 8. „Præcipitabit mortem in sempiternum.“

Sciendum est autem, quod Origenes ex hoc verbo sumpsit occasionem erroris sui,

quem ponit in Periarchon: ipse enim voluit quod poenæ damnatorum essent purgatoriae, & non æternæ; & voluit quod omnes qui sunt in inferno, quandoque converterentur ad Christum, & salvarentur, & etiam diaboli: & hoc confirmat per ista verba, *Donec ponat inimicos sub pedibus eius*; & intelligit quod hoc quod dicitur, *inimicos sub pedibus*, solum intelligatur de subiectione quæ fit per conversionem peccatorum ad Deum, non de subiectione quæ sunt subiecti Christo etiam illi qui nunquam convertuntur ad Christum, inquantum punit eos in inferno. Et ideo dicit: *Oportet illum regnare donec ponat inimicos sub pedibus*: quia tunc omnes damnati, & qui sunt in inferno, salvabuntur, inquantum scilicet converterentur ad ipsum, & servient ei, & non solum ipsi homines damnati; autem, pro sed, *novissime ipsa mors*, idest diabolus, *destruetur*, non quod non sit omnino, sed quod non sit mors, quia etiam ipse diabolus in fine salvabitur. Sed hoc est hæreticum, & damnatum in Concilio.

Iterum sciendum est, quod Apostolus signanter posuit hoc quod dicitur, *Novissime autem inimica destruetur mors*, ad removendum duas quæstiones, quæ possent fieri circa prædicta de resurrectione: scilicet utrum Christus posset vivificare mortuos; & hoc solvitur, quia omnes inimicos posuit sub pedibus eius, & etiam ipsam mortem: & quare non statim omnes resuscitavit; ad quod respondetur, quod oportet quod primo subiciat inimicos sub pedibus, & novissime cum destruetur ipsa mors, tunc resurgent omnes ad vitam. Non ergo dissent, quia non potest, sed ut servet ordinem: quia quæ a Deo sunt, ordinata sunt. Quod autem ipsa mors subiciatur Christo, probat per auctoritatem Psalm. vii. 8. „Omnia subieciisti sub pedibus (idest sub humanitate) eius,“ scilicet Christi. Philip. ii. 11. „Omnia lingua consecretur, quia Dominus Iesus Christus in gloria est Dei Patris.“ Esa. xlv. 24. „Mihi curvabitur omne genu, & iurabit omnis lingua.“ Ex hac autem auctoritate argumentatur, dicens: *Cum autem dicat, Omnia subiecta sunt ei, sine dubio prater eum qui subiecit ei omnia*. Et est ratio via talis. Propheta dicit: „Omnia subieciisti:“ sed dicendo *omnia*, constat quod nihil exclusit nisi illum qui subiecit: ergo subiecta sunt Christo omnia, & ipsa mors. Dicit ergo: *Cum autem dicat, Psalmista scilicet: Omnia subiecta sunt ei, scilicet Christo, inquantum homini,*

præter omnia, scilicet Patrem, qui subiecit ei omnia. Hebr. 11. 3. „ In eo quod omnia tibi subiecit nihil dimisit non subiectum ei. „ Matth. ult. 18. „ Data est mihi omnis potestas in cælo, & in terra. „

Sed contra. Si Pater subiecit omnia Filio, ergo Filius est minor Patre. Responsio. Dicendum est, quod Pater subiecit omnia Filio inquantum est homo, ut dictum est: & sic Pater est maior Filio: est enim minor Patre secundum humanitatem, æqualis vero secundum divinitatem. Vel dicendum, quod etiam ipse Filius inquantum Deus subiecit sibi omnia: quia sic potest omnia quæ Pater potest. Philip. 2. 11. 30.

Salvatore expectamus Dominum nostrum Iesum Christum, qui reformabit corpus humanitatis nostræ, configuratum corpori clarissimis secundum operationem qua potens est subicere omnia. „

Consequenter cum dicitur, *Cum autem subiecta fuerint, ostendit finem huius resurrectionis non esse in humanitate Christi; sed ulterius*

perducetur rationalis creatura ad contemplationem divinitatis: & in ea est beatitudo nostra, & finis noster ipse Deus est: & ideo dicit: *Cum autem subiecta fuerint illi omnia, tunc & ipse Filius subiectus erit ei qui subiecit sibi omnia*; quasi dicat: Nondum Deus subiecit omnia Christo; sed cum omnia fuerint ei subiecta, scilicet Christo, tunc ipse Filius, secundum humanitatem, subiectus erit illi, scilicet Patri. Ioan. xiv. 28. „ Pater, ter maior me est. „ Et subiectus est nunc etiam Christus secundum quod homo Patri; sed hoc tunc manifestius erit. Et ratio huius subiectionis est, *ut sit Deus omnia in omnibus*; id est, ut anima hominis totaliter requiescat in Deo, & solus Deus sit beatitudo. Modo enim in uno est vita, & virtus in alio, & gloria in alio; sed tunc Deus erit vita, & salus, & virtus, & gloria, & omnia. Vel aliter ita. *Ut sit Deus omnia in omnibus*: quia tunc manifestabitur quod quicquid boni habemus, est a Deo.

L E C T I O IV.

Alioquin quid facient qui baptizantur pro mortuis, si omnino mortui non resurgunt? Ut quid & baptizantur pro illis? Ut quid & nos periclitamur omni hora? Quotidie morior propter vestram gloriam, fratres, quam habeo in Christo Iesu Domino nostro. Si (secundum hominem) ad bestias pugnavi Ephesi, quid mihi prodest, si mortui non resurgunt? Manducemus, & bibamus: cras enim moriemur. Nolite seduci. Corruptunt mores bonos colloquia mala. Evigilate iusti, & nolite peccare. Ignorantiam enim Dei quidam habent. Ad reverentiam vobis loquor.

Ostenso resurrectione mortuorum ex resurrectione Christi, hic consequenter ostendit resurrectionem mortuorum ex vita sanctorum; & circa hoc duo facit. Primo probat propositum; secundo subiungit admonitionem, ibi, *Nolite seduci*. Probat autem propositum, ducendo ad tria inconvenientia. Primum inconveniens est quod frustraretur devotio hominum ad baptismum. Secundum est quod frustraretur labor sanctorum; & hoc ponit ibi, *Ut quid & nos periclitamur?* Tertium est quod daretur occasio fruendi voluptatibus; & hoc ponit ibi, *Manducemus, & bibamus etc.* Circa primum duo facit. Primo ponit primum inconveniens; secundo explicat illud, ibi, *Si omnino mortui non resurgunt*. Dicit ergo primo: Dixi quod mortui resurgunt: alioquin, scilicet si non est resurrectio mortuorum futura, ut nos prædicamus, quid facient qui baptizantur pro mortuis? Hoc potest du-

pliciter intelligi. Uno modo ut per hoc quod dicit, *Mortuis*, intelligantur opera peccati, quæ sunt mortua, quia carent vita gratiæ, & ducunt ad mortem: Hebr. 13. 14. „ Sanguis Christi emundabit conscientiam nostram ab operibus mortuis: „ & secundum hoc plana est littera. Quid scilicet facient illi qui baptizantur pro mortuis, id est pro peccatis ablendis, si non sint vitam gratiæ habituri? Alio modo, quia quidam tunc temporis volebant quod homines possent primo baptizari, ut sibi ipsi remissionem peccatorum consequerentur, & iterum baptizabatur pro aliquo consanguineo suo defuncto, ut etiam post mortem dimitterentur ei peccata: & secundum hoc fit littera. Quid facient qui baptizantur pro mortuis, scilicet consanguineis, pro quorum salute baptizantur, si non sit resurrectio mortuorum? Sed isti in aliquo commendari possunt, scilicet in hoc quod

Eccē 2 fidei

fidem resurrectionis videbantur habere; sed in aliquo possunt reprehendi, in hoc scilicet quod unum credebant posse pro alio baptizari.

Sed tunc est questio. Si oratio unus prodest alteri, quare non etiam baptismus? Ad hoc est duplex responsio. Una est, quod opera quæ faciunt vivi, profunt mortuis propter unionem caritatis, & fidei: & ideo non profunt nisi illis qui decedunt cum caritate, & fide: unde infidelibus nec oratio, nec baptismus vivum profunt; tamen oratio prodest illis qui sunt in purgatorio. Alia responsio, & melior, quia bona opera valent mortuis, non solum ex vi caritatis, sed etiam ex intentione facientis. Sicut si ego dicerem psalterium pro aliquo qui est in purgatorio, qui tenebatur dicere, ut satisfaciam pro eo; valet quidem quantum ad satisfactionem solum illi pro quo dico. Dicendum est ergo secundum hoc, quod baptismus non habet virtutem ex intentione nostra, sed ex intentione Christi. Intentio autem Christi est ut baptismus illis proficiat qui in Christi fide baptizantur?

Consequenter istud inconveniens explicat, dicens: *Si omnino mortui non resurgunt. Et ista explicatio videtur magis convenire secundæ expositioni supra posite; quasi dicat: Ut quid baptizantur pro illis, id est pro mortuis, si non resurgunt? Sed si secundum primam expositionem exponatur, tunc sic potest dici. Si omnino mortui non resurgunt, ut quid etiam baptizantur pro illis, id est pro peccatis, cum ipsa non dimittantur?*

Ut quid periclitamur omni hora? Hic ponit secundum inconveniens; & circa hoc duo facit. Primo ponit inconveniens in communi; secundo in speciali, ibi, Quotidie morior propter vestram gloriam, fratres. Dicit ergo: Non solum frustra baptizantur aliqui pro remissione peccatorum, sed nos etiam frustra attingimus, si resurrectio mortuorum non est; & hoc est quod dicit: Ut quid, & nos sancti Apostoli, periclitamur, id est pericula patimur, omni hora? II. Corinth. xi. 26. Periculis fluminum, & periculis latronum, &c. Consilium enim quod sancti exponunt se tribulationibus, & affligunt seipsos propter spem vitæ æternæ, secundum illud Rom. v. 12. Non solum autem, sed & gloriamur in Deo per Dominum nostrum: & ibid. 9. Spes autem non confundit. Si ergo resurrectio mortuorum non sit, totaliter spes frustretur. Frustra ergo affligenter se, si mortui non resurgunt. Nec obstat si dicatur, quod anima separata præmiatur: quia, ut

probatum est supra, non posset probari quod anima esset immortalis. Consequenter quod dicit, *Quotidie morior propter vestram gloriam, fratres*, enumerat pericula in speciali: & primo quantum ad personam; secundo quantum ad locum, ibi, *Si (secundum hominem) ad bestias pugnavi Ephesi, quid mihi prodest? Manifestat ergo in speciali pericula quantum ad personam suam; unde dicit: Quotidie morior propter vestram gloriam; quasi dicat: Non quæcumque pericula patimur, sed etiam mortis: quia quotidie morior; id est, sum in periculis mortis. Psalm. xlii. 22. Propter te mortificamur tota die. Et hoc ostendit Apostolus Roman. viii. in persona Apostolorum esse dictum. II. Corinth. 4. 22. Semper mortificationem Iesu in corpore nostro circumferentes. Propter gloriam vestram; id est, ut ego acquiram gloriam, quam expecto ex vestra conversione ad fidem. I. Thess. ii. 20. Vos estis gloria nostra, & gaudium habeo; id est, spero me habiturum in Christo Iesu Domino nostro, id est per caritatem Christi. Alia littera habet, *Per gloriam vestram; & tunc ly per gloriam est verbum iurantis; quasi dicat: Per gloriam vestram, quem scilicet expectatis, quæ est Deus; ac si diceret: Iuro pro Deum, quem habeo in spe in Christo Iesu, id est per passionem &c. Ex quo apparet quod etiam Apostolus iuravit, & quod in viris perfectis iurare non est peccatum. Si (secundum hominem) ad bestias pugnavi Ephesi, quid mihi prodest? Hic specificat pericula quantum ad locum. Ubi sciendum est, quod hoc legitur Act. xix. ubi dicitur, quod cum Paulus apud Ephesum multos converteret ad fidem, quidam concitaverunt contra eum populum, intantura quod non esset ausus exire in theatrum, & quod multa pericula sit ibi passus. Ergo forte facit hic de hoc mentionem, quia e vicino passus hoc fuerat. Dicit ergo: Si secundum hominem, id est secundum rationem, ex qua homo est, hoc disputando de resurrectione concludas, quod homo non moritur sicut bestia, pugnavi ad bestias, id est ad homines bestialiter viventes apud Ephesum. Vel si pugnavi ad bestias Ephesi; & hoc dico non ex revelatione divina, sed secundum hominem, id est ex instinctu humano, si tot pericula passus sum &c.**

Deinde eum dicit, *Manducamus, & bibimus*, ponit tertium inconveniens; quod est, si resurrectio mortuorum non esset, daretur occasio fruendi voluptatibus; quasi dicit:

est: Si non est alia vita, stulti sumus si as-
 fligimus nos; sed *manducemus, & bibamus*;
 idest, utamur deliciis, & fruamur volupta-
 tibus. Sap. 11. 1. „Non est qui sit agnitus
 „reveris ab inferis:“ & 6. „Venite,
 „fruamur bonis quæ sunt, & utamur
 „creatura tamquam in juventute celeri-
 „ter.“ *Cras enim*, idest in proximo, *mo-
 riemur*: totaliter enim deficiemus in ani-
 ma, & corpore, si mortui non resur-
 gunt.

Deinde cum dicit, *Nolite seduci*, ex præ-
 dictis concludit admonitionem: & primo
 quantum ad infirmos; secundo vero quan-
 tum ad perfectos, & iustos, ibi, *Vigilate
 inhi*. Circa primum duo facit. Primo red-
 dit eos attentos, dicens: *Nolite seduci*; quasi
 dicat: Distum est, quod resurrectio mortu-
 orum non sit, istum esset non uti la-
 scivis, & voluptatibus. Ne ergo ad la-
 scivias inducamini, nolite seduci ab his qui
 negant resurrectionem. Coloss. 11. 8. „Vi-
 „dete ne quis vos seducat per philoso-
 „phiam, & inanem fallaciam.“ Secun-
 do rationem attentionis assignat, dicens:
Corrumpunt mores bonos colloquia prava; quasi
 dicat: Ideo nolite seduci, quia *colloquia
 mala*, illorum scilicet qui negant resurre-
 ctionem, *corrumpunt bonos mores*. I. Timoth.
 11. 17. „Sermo eorum ferpit ut cancer.“
 Hieronymus dicit, quod hoc est sumptum
 ex dictis gentiliis, & est versus cuiusdam
 Menandri. Et ex hoc, ut ipse dicit, ar-
 gumentum habemus quod licet nobis quan-
 doque in sacra Scriptura uti auctoritatibus
 gentiliis. Deinde cum dicit, *Vigilate in-
 hi*, & *nolite peccare*, ponit admonitionem

quantum ad perfectos. Possent enim dico-
 re, quod a colloquiis illorum debent ca-
 vere infirmi, qui de facili seducuntur;
 perfecti autem non sic seduci possunt. A-
 postolus autem vult quod etiam perfecti
 sint cauti. Unde circa hoc duo facit. Pri-
 mo reddit eos attentos, dicens: *Vigilate in-
 hi*; idest, vos qui reputamini iusti, *vigila-
 te*, idest solliciti sitis. Matth. xxiv. 42.
 „Vigilate, quia nescitis qua hora Domi-
 „nus vester venturus sit.“ Apoc. xvi. 15.
 „Beatus qui vigilat, & custodit vestimen-
 „ta sua.“ Secundo rationem assignat, di-
 cens: *Nolite peccare*: & hanc duplicem:
 quarum unam propter seipsos. Nullus enim
 est adeo perfectus quin debeat sibi cavere a
 peccatis. Inertia autem, & torpor frequen-
 ter inducit ad peccatum. Unde ne peccent,
 inducit eos ad vigiliam: & ideo dicit: *Et
 nolite peccare*; idest, ne peccetis. Job iv. 6.
 „In mentem habeto Deum, & cave ne ali-
 „quando peccato consentias.“ Aliam ratio-
 nem inducit propter alios: quia non so-
 lum propter seipsos sine solliciti, sed pro-
 pter alios ne illi seducantur; & hoc est
 quod dicit: *Quidam enim habent ignorantiam
 Dei*, idest non rectam fidem. Rom. x. 3.
 „Ignorantes Dei iustitiam, & suam quæ-
 „rentes statuere, iustitiæ Dei non sunt
 „subiecti.“ *Et hoc loquitur vobis ad reveren-
 tiam vestram*, ut sitis cauti; vel ad vere-
 cundiam vestram, quia verecundum est vo-
 bis, qui reputamini sapientes, & instructi
 in fide, quod sint aliqui inter vos ignoran-
 tiam Dei habentes, idest non rectam fi-
 dem.

L E C T I O V.

Sed dicit aliquis: Quomodo resurgunt mortui? Quali autem corpore venient?
 Insuper, tu quod seminas non vivificatur nisi prius moriatur. Et quod se-
 minas? Non corpus quod futurum est seminas, sed nudum granum, ut puta tri-
 tici, aut alius ceterorum. Deus autem dat illi corpus sicut vult, & unicuique
 seminum proprium corpus.

Superius Apostolus probavit resurrectio-
 nem mortuorum; hic ostendit qualita-
 tem, & modum resurgentium; & circa
 hoc duo facit. Primo movet questionem
 circa qualitatem resurgentium; secundo sol-
 vit, ibi, *Insuper, tu quod seminas non vivi-
 ficatur nisi prius moriatur*. Circa resurrectio-
 nem fuerunt duo errores. Quidam enim
 totaliter negabant resurrectionem mortuo-
 rum futuram. Cum enim non considera-
 rent nisi principia naturæ, & posse; &

viderent quod secundum principia natu-
 re, & posse nullus de morte potest red-
 ire ad vitam, nec cæcus potest recu-
 perare visum; ideo totaliter negave-
 runt resurrectionem; ex quorum perso-
 na dicitur Sap. 11. 5. „Umbra transiit est
 „tempus nostrum, & non est reversio finis
 „nostri:“ & ibid. 1. „De nihilo nati
 „sumus, & post hoc erimus tamquam non
 „fuerimus.“ Job xiv. 14. „Putasne mor-
 „tuus homo rursus vivat?“ Alii autem di-
 xerunt,

serunt, resurrectionem mortuorum futuram esse; sed dicebant quod resurgebant ad eundem modum vivendi, & ad eodem alius: & hoc etiam posuerunt quidam Philosophi, qui dicunt: Post multa annorum curricula, Plato adhuc resurget, & habebit eisdem scholaris Athenis, quos aliquando habuit. Hoc etiam asserunt Pharisei, Matth. xxii. 28. de muliere septem virorum: unde dicebant: „In resurrectione cuius erit?“ Saraceni etiam fingunt quod habebunt post resurrectionem uxores, & voluptates, & delicias corporales: Iob xi. 27. „Non videtur rivulus fluminis torrentis, mellis, & butyri:“ contra quos dicitur Matth. xxii. quod erunt sicut Angeli Dei in cælo. Has ergo duas quæstiones movet hic Apostolus. Primam cum dicit: *Quomodo resurgent mortui?* quomodo est possibile quod mortui, qui sunt cinis, possint resurgere? Secundam, cum dicit: *Quali autem corpora venient?* quasi dicat: Numquid cum tali corpore resurgent cum quali sumus modo?

Has duas quæstiones solvit cum dicit: *Inspiciens, tu quod seminas non vivificatur nisi prius moriatur &c.* Primo solvit secundam; secundo vero solvit primam, ibi, *Ecco mysterium vobis dico.*

Ad intellectum autem eorum quæ Apostolus ponit in prima parte, oportet investigare quid Apostolus intendat. Intendit autem in ista parte Apostolus ostendere quod mortui resurgent, & quod erit eadem substantia. Ubi primo ponit similitudines; secundo adaptat, ibi, *Sic etiam resurrectionis mortuorum*; tertio probat, ibi, *Si est corpus animale, est & spiritale*. Circa primum duo facit. Primo proponit similitudines in una specie; secundo in diversis speciebus, ibi, *Non omnis caro, eadem caro*. Circa primum sciendum est, quod videmus in una & eadem specie quod una res in via generationis habet diversas qualitates, & formas: sicut granum aliam formam, & qualitatem habet quando seminatur, aliam quando pullulat, aliam quando iam est in herba. Et ideo ex hac similitudine Apostolus intendit ostendere qualitatem resurgentium. Unde circa hec tria facit. Primo comparat ordinem generationis ad pullulationem; secundo differentiam qualitatis in semine, & in pullulatione, ibi, *Tu quod seminas non vivificatur nisi prius moriatur*; tertio causam qualitatis in pullulatione, ibi, *Deus autem dat illi corpus sicut vult*. Dicit ergo, *Inspiciens*.

Sed contra. Matth. v. 22. „Qui dixerit fratri suo, Racha, reus erit concilio.“ Dicendum, quod Dominus prohibet dici fratri, Racha, seu satue, ex ira, non ex correctione. Causa autem quare dicit, *Inspiciens*, est quia hæc obiectio contra resurrectionem, procedit ex principiis humanæ sapientie; quæ tamdiu est sapientia quamdiu est subiecta sapientie divinæ; sed quando recedit a Deo, tunc vertitur in insipientiam: unde cum contradicit sapientie divinæ, vocat eam insipientem; quasi dicat: *Inspiciens*, nonne quotidie experiris *tu* quia quod seminas in terra, non vivificatur, idest vegetatur, nisi prius moriatur, idest putrescat? Ioan. xii. 24. „Nisi granum frumenti cadens in terram mortuum fuerit, ipsum solum manet; sicut enim mortuum fuerit, multum fructum afferet.“

Ex hoc (a) autem videtur Apostolus facere comparisonem, quod quando corpus hominis ponitur in sepulchro in terra, tunc est quædam seminatio; quando vero resurgit, tunc est quædam vivificatio. Unde ex hoc opinantur aliqui, resurrectionem mortuorum esse naturalem, propter hoc quod Apostolus hic resurrectionem comparat pullulationi feminis, quæ est naturalis. Opinatur enim in pulveribus resolutis, in quos resolvuntur humana corpora, esse quasdam virtutes seminales activas ad corporum resurrectionem. Sed istud non videtur esse verum: sit enim resolutio corporis humani in elementa, sicut & aliorum mixtorum corporum. Unde pulveres in quos humana corpora resolvuntur, nullam aliam habent virtutem activam quam alii pulveres, in quibus constat non esse aliam virtutem activam ad corporis humani constitutionem, sed solum in semine hominis. Diferunt autem pulveres in quos humana corpora resolvuntur, ab aliis pulveribus solum secundum ordinationem divinam, prout huiusmodi pulveres sunt ex divina sapientia ordinati ut iterum ex eis humana corpora reintegrentur. Unde resurrectionis activa causa solus Deus erit, etiam ad hoc utatur ministerio Angelorum quantum ad pulverum collectionem. Propter quod Apostolus infra modum resurrectionis exponens, attribuit sono tubæ, & supra attribuit Christi resurgenti, non autem alicui virtuti activæ in pulveribus. Non ergo intendit hic probare Apostolus quod resurrectio sit naturalis, per hoc quod semen naturaliter pullulat; sed intendit hic manifestare per

causa-

(a) *Id. similiter autem.*

exempla quædam quod non sit eadem qualitas corporum resurgentium, & corporum morientium: & primo per hoc quod non est eadem qualitas feminis, & pullulationis, ut ex sequentibus manifeste ostendetur. Nam consequenter enim dicit, *Et quod feminas, non corpus quod futurum est feminas, sed nudum granum*, ostendit qualitatem feminis differentem esse a qualitate pullulationis, cum dicit: *Et quod feminas, non corpus quod futurum est feminas*; idest, non quale futurum est feminas: quod exponens subdit: *Sed nudum granum, puta tritici, vel alienius ceterorum*, scilicet seminum: quia feminatur nudum semen, pullulat autem ornatum herba, & arillis, & huiusmodi. Et similiter corpus humanum aliam qualitatem habebit in resurrectione quam nunc habet, ut infra exponetur. Est tamen differentia inter resurrectionem humani corporis & pullulationem feminis: nam surget idem corpus numero, sed habebit aliam qualitatem, sicut infra (hoc cap.) dicit Apostolus, quod oportet corruptionibus hoc induere incorruptionem: & Iob xix. 27. dicitur: „Quem virusum sum ego ipse, & non alius.“ Sed in pullulatione nec est eadem qualitas, nec idem corpus numero, sed solum idem specie: & ideo similiter Apostolus de pullulatione loquens dicit: *Nun corpus quod futurum est feminas*: dans intelligere quod non sit idem numero. Et in hoc opus naturæ deficit ab opere Dei: nam virtus naturæ reparat idem specie, sed non idem numero; virtus autem Dei reparare potest etiam idem numero. Et sic etiam ex hoc quod dicitur, potest sumi probatio ad hoc quod resurrectionem futuram fieri non est impossibile, sicut insipiens obiebat: quia si natura ex eo quod mortuum est potest reparare idem specie, multo magis Deus potest reparare idem numero: quia & hoc ipsum quod natura facit, opus Dei est. Habet enim hoc natura a Deo quod hoc facere possit. Et id-

eo consequenter describens qualitatem pullulationis, attribuit eam primum quidem Deo, secundo proportioni naturæ. Dicit autem primo: *Deus autem dat illi corpus sicut vult*: quia scilicet ex ordinatione divinæ voluntatis procedit quod ex tali semine talis planta producatur; quæ quidem planta est quasi corpus feminis: ultimus enim fructus plantæ, est semen. Et hoc ideo attribuit operationi divinæ, quia omnis operatio naturæ est operatio Dei, secundum illud supra xii. 6. *Idem autem Deus, qui operatur omnia in omnibus*. Et hoc sic potest considerari. Manifestum est enim quod res naturales absque cognitione operantur ad finem determinatum; alioquin non semper, vel in maiori parte eundem finem consequerentur. Manifestum est etiam quod nulla res cognitiua carens in certum finem tendit, nisi directæ ab aliquo cognoscente; sicut sagitta tendit ad certum signum ex directione sagittantis. Sicut ergo si aliquis videret sagittam directæ tendere ad certum signum, quamvis sagittantem non videret, cognosceret statim quod dirigeretur a sagittante; ita cum videamus res naturales absque cognitione tendere ad certos fines, possumus pro certo cognoscere quod operantur ex voluntate alicuius dirigentis, quem dicimus Deum. Et sic dicit Apostolus, quod Deus dat femini corpus; idest, ex semine producit plantam sicut vult. Sed rursus ne aliquis crederet huiusmodi naturales effectus ex sola Dei voluntate provenire absque operatione, & proportionem naturæ, subiungit: *Et unicuique seminum proprium corpus*: puta, ex semine olivæ generatur oliva, & ex semine tritici generatur triticum. Unde & Gen. i. 11. „Germinet terra herbas virentem, & facientem semen iuxta genus suum.“ Sic ergo & in resurrectione erit alia qualitas corporis resurgentis, quæ tamen proportionabitur meritis morientis.

LECTIO VI.

NON omnis caro, eadem caro; sed alia hominum, alia pecorum, alia volucrum, alia autem piscium. Et corpora cælestia, & corpora terrestria; sed alia quidem cælestium gloria, alia autem terrestrium. Alia claritas solis, alia claritas lunæ, & alia claritas stellarum. Stella enim a stella differt in claritate. Sic & resurrectio mortuorum; Seminatur in corruptione, surget in incorruptione; feminatur in ignobilitate, surget in gloria; feminatur in infirmitate, surget in virtute; feminatur corpus animale, surget corpus spiritale.

Hic

Hic Apollolus ponit exemplum de divinitate qualitatis corporis resurgentis in diversis speciebus: & primo comparando cælestia ad terrestria; secundo terrestria ad cælestia, ibi, *Sunt corpora cælestia, & corpora terrestria*; tertio corpora cælestia ad invicem, ibi, *Alia claritas solis, alia claritas lune, & alia claritas stellarum*. Quia posset aliquis dicere: Quomodo est possibile quod mortui resurgent corpus, & carnem, si non sint habituri eandem corporis qualitatem? ideo ad hoc excludendum, introducit diversas qualitates corporis, & carnis, ut sic manifestum sit quod non oportet, si non erit eadem qualitas, quod non resurgetur idem corpus, vel eadem caro. Dicit ergo primo, quod non omnis caro est eadem caro, secundum formam; sed alia est caro hominum, alia piscium, alia pecorum, alia volucrum. Et similiter est alia morientis, & alia resurgentis. Sicut autem exemplum superius introductum de semine, & pullulatione debuit in hoc quod in seminatione, & pullulatione non est idem numero, nec eadem qualitates; ita hæc exempla debuerunt, quia in his exemplis nec est eadem species, nec eadem qualitas; sed caro hominis resurgentis est eadem secundum speciem cum carne morientis, sed tamen erit alia secundum qualitatem: erit enim eiusdem naturæ, sed alterius gloriæ, ut Gregorius (hom. xxvi. super Evang.) de corpore Christi dicit. Si quis autem hæc quæ dicta sunt, ad diversum statum resurgentium referre vellet, posset dici, quod per homines intelliguntur boni secundum rationem viventes, secundum illud Ezech. xxxiv. 31. „Vos autem greges mei, greges pastus, quæ meæ homines estis.“ Per pecora vero intelliguntur luxuriosi, secundum illud II. Petr. 11. 12. „Hi vero velut irrationalia pecora... in corruptione sua peribunt.“ Per volucres superbi, per pilces cupidi, secundum illud Psal. vii. 9. „Volucres cæli, & pilces maris qui perambulantes semitas maris.“ Ad idem autem introducit diversitatem cælestium, & terrestrium corporum, cum subdit: *Sunt corpora cælestia, ut sol, & luna, & huiusmodi; & sunt corpora terrestria, ut ignis, aqua, &c. Sed alia quidem est gloria, id est pulchritudo, & decor, cælestium corporum, alia autem terrestrium*. Eccli. xlii. 10. „Species cæli, gloria stellarum.“ Et posuit per cælestia corpora intelligi contemplati: Phil. 11. 20. „Nostra conversatio in cælis est:“ per terrestria activi,

qui circa terrena occupantur: unde Martialis dictum est: „Turbaris erga plurima.“ Luc. x. 41. Et ad idem ulterius introducit diversam qualitatem cælestium corporum, cum dicit: *Alia claritas solis, alia claritas lune, & alia claritas stellarum*. Similiter inter stellas est differentia: *Stella enim differt a stella in claritate*. Et potest intelligi per solem Christum: Malach. ult. 2. Orietur vobis timentibus nomen meum, sol iustitiæ. „Per lunam Beata Virgo, de qua Cant. vi. 9. „Pulchra ut luna.“ Per stellas ad invicem ordinatas ceteri sancti: Iudic. v. 20. „Stellæ manentes in ordine tuo adversus Sisaram pugnaverunt.“

Consequenter cum dicit, *Sic erit resurrectio mortuorum*, adaptat prædicta exempla ad resurrectionem mortuorum. Nec intelligendum est quantum ad litteralem expositionem, quod Apostolus hoc dicat ad designandum in resurgentibus generis diversitatem, propter id quod præmiserat, *Stella differt a stella in claritate*; sed hoc refert ad omnia præcedentia, ut ostendatur ex omnibus præmissis, quod sicut in rebus inveniuntur diversæ qualitates corporum; ita erit diversa qualitas resurgentium a qualitate morientium: unde sequitur: *Seminatur corpus animale, surgat corpus spiritale*. Ubi Apostolus maxime ostendit aliam esse qualitatem corporis morientis, & corporis resurgentis. Et agit hic de corpore resurgente glorioso, cuius propriæ qualitates, dotes corporis gloriosi dicuntur. Quæ quidem sunt quatuor, quas hic Apostolus tangit. Primo enim tangit dotem impassibilitatis, cum dicit: *Seminatur in corruptione, surgat in incorruptione*. Et quamvis seminatio accipi posset pro prima corporis origine, secundum quod generatur ex semine; tamen convenientius est, secundum intellectum Apostoli, ut seminatio referatur ad mortem, & sepulcrum, ut respondeat ei quod supra dictum est: *Quod seminatur vivificatur, nisi prius moriatur*. Dicitur autem mors, & resolutio, seminatio: non quod in corpore mortuo, vel in cineribus ex eo resolutis sit aliqua virtus ad resurrectionem, sicut est virtus activa in semine ad generationem; sed quia a Deo talis ordinatio est deputata ut ex eo iterato reformetur corpus humanum. Sic igitur corpus humanum quando seminatur, id est quando moritur, est in corruptione, id est secundum suam proprietatem est corruptio-nis subiectum, secundum illud Rom. vii. 10. „Corpus quidem mortuum est propter peccatum;“ sed resurget in incorruptione.

Dicit,

Dicitur autem hic incorruptio, non solum ad excludendum separationem animæ a corpore (quia hanc incorruptionem & corpora damnatorum habebunt) sed ad excludendum ram mortem quam quamlibet noxiam passionem, sive ab interiori, sive ab exteriori: & quantum ad hoc intelligitur impassibilitas corporis gloriosi, secundum illud Apoc. vii. 16. „ Non esurient, neque sitient amplius, neque cadet super illos sol, neque ullus æstus. “ Secundo tangit dotem claritatis, cum dicit: *Seminatur in igne*, idest corpus quod ante mortem, & in morte est deformitatis, & miseris multis subiectum, secundum illud Iob xiv. 1. „ Homo natus de muliere, brevi vivens tempore, replerur multis miseriis: “ *sed resurget in gloria*, quæ claritatem significat, ut Augustinus dicit super Iob. (tract. cix.) Erunt enim corpora sanctorum clara, & fulgentia, secundum illud Matth. xiii. 43. „ Fulgebunt iusti sicut sol in regno Patris æterni. “ Tertio tangit dotem agilitatis, cum dicit: *Seminatur in infirmitate*; idest, corpus animale, quod ante mortem est infirmum, & tardum, & ab anima non facile mobile, secundum illud Sap. ix. 25. „ Corpus quod corrumpitur aggravat animam; “ *sed surgit in virtute*, qua scilicet fiet ut ex tanta virtute ab anima moveri possit ut in nullo difficultatem ad motum exhibeat, quod ad dotem agilitatis pertinet: tanta enim erit ibi facilitas, quanta felicitas, ut Augustinus dicit. Unde dicitur Sap. xii. 7. de iustis: „ Fulgebunt iusti, & tamquam scintillæ in arundineto discurrunt: “ & Esa. xl. 31. „ Qui sperant in Domino (a) habebunt fortitudinem, assument pennas sicut aquila; current, & non laborabunt; ambulabunt, & non deficient. “ Quarto tangit dotem subtilitatis, cum dicit: *Seminatur corpus animale &c.* quam quidam ad hoc referre volunt quod corpori glorioso secundum hanc dotem competat ut possit simul esse cum corpore non glorioso in eodem loco. Quod quidem sustineri posset, si corpori secundum itatum præsentem compereretur quod (b) posset simul cum alio corpore esse in eodem loco secundum aliquid, quod a corpore removeri posset. Nunc autem, si diligenter consideremus, (c) secundum nihil aliud hoc corpori competit, nisi secundum quod habet dimensiones corporales. Unde videmus cor-

S. Th. Oper. Tom. VII.

pora quantumcumque subtilia, non compati secum alia corpora, ut patet in aere, & in igne: & ulterius, si essent corpora separata omnino absque materia, sicut quidam posuerunt, non possent simul cum corporibus naturalibus esse in eisdem locis, ut Philosophus dicit. Remanentibus igitur dimensionibus in quocumque corpore, est contra suam naturam quod sit cum alio corpore in eodem loco. Unde si hoc aliquando contingit, erit ex miraculo. Propter quod Gregorius (hom. xxvi. super Evang.) & Augustinus miraculo ascribunt quod corpus Christi ad discipulos ianuæ clausis intravit. Nulla enim virtus terminata potest facere miraculum: hoc enim solius Dei est. Relinquitur ergo quod esse simul cum alio corpore in eodem loco, non possit esse ex dote, seu ex qualitate corporis gloriosi; non tamen negandum est quin corpus gloriosum possit esse simul cum alio corpore in eodem loco: quia corpus Christi post resurrectionem intravit ad discipulos ianuæ clausis, cui corpus nostrum in resurrectione conformandum speramus. Sed sicut corpus Christi hoc habuit, non ex proprietate corporis, sed ex virtute divinitatis unitæ, ita corpus cuiuslibet alterius sancti hoc habebit, non ex dote, sed ex virtute divinitatis existentis in eo. Per quem modum corpus Petri habuit quod ad urabram eius sanarentur infirmi, non per aliquam proprietatem ipsius. Est ergo dicendum, quod ad dotem subtilitatis pertinet quod hic Apostolus tangit dicens: *Seminatur corpus animale, surgit spirituale*. Quod quidam male intelligentes dixerunt, quod corpus in resurrectione vertetur in spiritum, & erit simile aeri, aut vento, qui spiritus dicitur: quod maxime excluditur per illud quod ad Apostolos dicitur Luc. ult. 39. „ Palpate, & videte, “ quia spiritus carnem, & ossa non habet, sicut me videtis habere. “ Unde & hic Apostolus non dicit, quod resurgat spiritus, sed spirituale corpus. Ergo in resurrectione spirituale erit, non spiritus; sicut nunc est animale, non anima.

Ad horum autem differentiam cognoscendam considerandum est, quod unum & idem in nobis est quod dicitur & anima, & spiritus; sed anima dicitur secundum quod perficit corpus, spiritus autem proprie secundum mentem, secundum quam spiritibus substantiis assimilatur, secundum illud Ephes. iv. 23. „ Renovamini spiritu

¶ ¶

„ men-

(a) *al.* mutabunt. (b) *al.* non posset. (c) *al.* secundum hoc nihil aliud corpori competit.

„mentis vestrae. “ Item considerandum est, quod triplex est differentia potentiarum in anima: quaedam enim potentiae sunt quarum operationes ad bonum corporis ordinantur, sicut generativa, nutritiva, & augmentativa; quaedam vero sunt quae quidem corporeis organis utuntur, ut omnes potentiae sensitivae partis, sed earum actus ad corpus non ordinantur directe, sed magis ad perfectionem animae; quaedam vero sunt potentiae quae neque utuntur corporeis organis, neque directe ad bonum corporis ordinantur, sed magis ad bonum animae, sicut quae pertinent ad intellectivam partem. Primae ergo potentiae pertinent ad animam, inquantum animat corpus; (a) tertiae vero maxime pertinent ad animam, inquantum est spiritus; (b) secundae vero medio modo se habent inter utraque. Quia tamen iudicium de potentia aliqua magis debet sumi ex obiecto, & fine, quam ex instrumento, ideo secundae potentiae magis se tenent cum tertiis, quam cum primis. Item considerandum est, quod cum unaquaeque res sit propter suam operationem, corpus ad hoc perficitur ab anima ut sit subiectum operationibus animae. Nunc autem in statu isto corpus nostrum est subiectum operationibus quae pertinent ad animam inquantum est anima, prout generatur, & generat, nutritur, crescit, & decrescit. Quantum autem ad spirituales animae operationes, corpus, licet aliquo modo subserviat, tamen multum impedimentum affert: „ quia corpus quod corrumpitur ag- „ gravat animam, “ ut dicitur Sap. ix. 15. Sed in statu resurrectionis cessabunt operationes animales a corpore: quia non erit generatio, nec augmentum, aut nutrimentum; sed corpus absque aliquo impedimen-

to, & fatigatione, incessanter serviet animae ad spirituales operationes eius, secundum illud Psal. lxxxiii. 5. „ Beati qui ha- „ bitant in domo tua, Domine: in saecula „ saeculorum laudabunt te. “ Sicut ergo nunc est corpus nostrum animale, tunc vero erit spirituale. Causam autem harum proprietatum quidam attribuunt luci, quam dicunt esse de natura quintae essentiae, & venire in compositionem humani corporis: quod, quia frivolum est, & fabulosum, sequentes Augustinum, dicimus, quod procedunt ex virtute animae glorificatae. Dicit enim Augustinus in epistola (lvi.) ad Dioscorum: „ Tam potenti natura Deus „ fecit animam, ut eius plenissima beati- „ tudine, quae in fine temporum promit- „ titur sanctis, abundet etiam in inferio- „ rem naturam, quae est corpus; non bea- „ titudo, quae fruenter est propria, sed „ plenitudo sanitatis, idest incorruptionis „ vigor. “ Videmus autem ex anima quan- „ tum corpori provenire, & tanto perfe- „ ctius, quanto anima fuerit virtuosior. Primo quidem dat esse: unde quando erit in summo perfectionis, dabit esse spirituale. Secundo conservat a corruptione: unde videmus homines, quanto sunt fortioris naturae, minus a calore, & frigore pati. Cum ergo anima fuerit perfectissima, conservabit corpus omnino impassibile. Tertio dat pulchritudinem, & claritatem: infirmi enim, & mortui propter debilitatem operationis animae in corpus, efficiuntur discolorati: & quando erit in summa perfectione, faciet corpus clarum, & fulgidum. Quarto dat motum, & tanto facilius quanto virtus animae fuerit fortior supra corpus; & ideo quando erit in ultimo suae perfectionis, dabit corpori agilitatem.

L E C T I O VII.

SI est corpus animale, est & spirituale; sicut scriptum est: Factus est primus homo Adam in animam viventem, novissimus homo Adam in spiritum vivificantem. Sed non prius quod spirituale est, sed quod animale, deinde quod spirituale. Primus homo de terra terrenus, secundus homo de caelo caelestis. Quasi terrenus, tales & terreni; & qualis caelestis, tales & caelestes. Igitur sicut portavimus imaginem terreni, portemus & imaginem caelestis. Hoc autem dico, fratres, quia caro, & sanguis regnum Dei possidere non possunt, neque corruptio incorruptelam possidebit.

(a) *id.* secundae. (b) *id.* tertiae.

Hic

Hic Apostolus differentiam qualitatis corporum morientium ad corpora resurgentium supra exemplis ostensam, ostendit ratione. Circa autem hoc duo facit: primo enim præmittit quod probare intendit; secundo præmissum probat, ibi, *Sicut scriptum est &c.* Dicit ergo primo: Dixi, quod id quod seminatur animale, surget spirituale; & quod hoc sit verum, scilicet quod sit aliquid corpus spirituale, ostendo; quia si est corpus animale, est & spirituale. Et non intendit Apostolus ex hoc arguere ad propositum; sed hoc supponit, intendens probare ipsum quod dicit: *Si est corpus animale, est & spirituale.* Eccli. xxxiii. 15. „In- tuere in omnia opera Altissimi, duo con- tra duo, & unum contra unum.“

Sicut scriptum est &c. Hic probat propositum. Est autem sua probatio talis. Duo sunt principia humani generis. Unum, secundum vitam naturæ, scilicet Adam; aliud, secundum vitam gratiæ, scilicet Christus. Sed animalitas est (a) derivata in omnes homines a primo principio, scilicet Adam. Ergo constat quod multo amplius a secundo principio, scilicet Christo, spiritalitas derivabitur in omnes homines. Huius rationis primo probat primam diversitatem principiorum; secundo mediam, scilicet determinationem similitudinis ex utroque principiorum, ibi, *Qualis terrenus, talis & terreni.* Circa primum tria facit. Primo ostendit principiorum differentiam; secundo principiorum ordinem ad invicem, ibi, *Sed non prius quod spirituale est, sed quod animale;* tertio rationis ordinem assignat, ibi, *Primus homo de terra terrenus, secundus homo de calo celestis.* Ponit ergo primo conditionem primi principii, secundum vitam naturæ, sumens auctoritatem Gen. 1. Unde dicit: *Sicut scriptum est: Factus est a Deo primus homo Adam in animam viventem,* vita scilicet animalis, qualem anima potest dare, cum scilicet spiravit Dominus in faciem eius spiraculum vitæ, Gen. 2. (b) forma enim humana, & anima dicitur, & spiritus: inquantum enim intendit curæ corporis, scilicet vegetando, nutriendo, & generando, sic dicitur anima; inquantum autem intendit cognitioni, scilicet intelligendo, volendo, & huiusmodi, sic dicitur spiritus. Unde cum dicit, *Factus est primus homo Adam in animam viventem,* intendit hic Apostolus de vita qua anima deservit

circa corpus, non de Spiritu sancto, sicut quidam fingunt, propter hoc quod præcedit Gen. 1. 7. „Et inspiravit in faciem eius spiraculum vitæ,“ dicentes hoc esse Spiritum sanctum. Secundo ponit conditionem secundi principii, dicens: *Novissimus vero Adam,* idest Christus: & dicitur novissimus, quia Adam induxit unum statum, scilicet culpæ, Christus vero gloriæ, & vitæ. Unde cum post statum istum, nullus alius sequatur in vita ista, ideo dicitur novissimus. Etsi. 1.111. 2. „Desideramus cum despectum, & novissimum virorum:“ & alibi, scilicet Apoc. 1. 17. „Ego primus, & novissimus:“ & alibi (ibid. xxi. 13.) „Ego sum alpha, & omega, principium, & finis.“ Dicit autem, *Adam,* quia de natura Adæ factus, in spiritum vivificantem. Et ex hoc, conditionibus principiorum visus, apparet eorum diversitas: quia primus homo factus est in animam, novissimus in spiritum; ille autem in animam viventem solum, iste vero in spiritum & viventem, & vivificantem. Cuius ratio est, quia sicut Adam consecutus est perfectionem sui esse per animam; ita & Christus perfectionem sui esse inquantum homo per Spiritum sanctum. Et ideo, cum anima non possit nisi proprium corpus vivificare, ideo Adam factus est in animam, non vivificantem, sed viventem tantum; sed Christus factus est in spiritum viventem, & vivificantem; & ideo Christus habuit potestatem vivificandi. Ioan. 1. 16. „De plenitudine eius nos omnes accepimus:“ & ibid. x. 10. „Veni ut vitam habeat, & abundantius habeant:“ & in symbolo: „Et in Spiritum sanctum vivificantem.“ Sed ne aliquis diceret: Si Christus factus est in spiritum vivificantem, quare dicitur novissimus? ideo consequenter cum dicit, *Sed non prius quod spirituale est, sed quod animale,* ostendit ordinem principiorum. Videmus enim in natura, quod in uno & eodem prius est imperfectum quam perfectum. Unde cum spiritalitas se habeat ad animalitatem sicut perfectum ad imperfectum; ideo in humana natura non prius debet esse spirituale, quod est perfectum; sed, ut servetur ordo, prius debet esse imperfectum, scilicet quod animale est, deinde perfectum, scilicet quod spirituale est: supra xiii. 10. *Cum venerit quod perfectum est, evacuabitur quod ex parte est.* Sicut dicit Augustinus, huius signum est, quod primo-

Fff 2

ge-

(a) M. derivativa. (b) M. anima calim & anima dicitur, & spiritus.

genici antiquitus confueverunt esse animales, sicut Cain ante Abel natus, Ismael ante Isaac, & Esau ante Jacob. Rationem autem dicte diversitatis assignat, dicens: *Primus homo de terra terrenus, secundus homo de calo celestis*; quasi dicat: Vere primus homo factus est in animam viventem, quia de terra: Gen. 11. 7. Formavit Dominus hominem de limo terræ; & ideo dicitur esse terrenus, idest animalis: secundus homo, scilicet Christus, factus est in spiritum vivificantem, quia de calo: quia divina natura, quæ fuit huic naturæ unita, de calo est: & ideo debet esse celestis; idest, talem perfectionem debet habere qualem decet de calo venire, scilicet perfectionem spirituale. Joan. 111. 31. Qui de calo venit, super omnes est. Dicit autem primum hominem de terra, secundum modum loquendi, quo res de illo esse dicuntur quod prima pars est in eorum fieri; sicut cultellus dicitur de ferro, quia prima pars unde est cultellus, est ferrum: & quia prima pars unde Adam factus est, terra est, ideo dicitur de terra. Secundus homo dicitur de calo, non quod attulerit corpus de calo, cum de terra assumeret, scilicet de corpore Beatæ Virginis; sed quia divinitas, quæ naturæ humanæ unita est, de calo venit, quæ fuit prior quam corpus Christi. Sic ergo patet principiorum diversitas, quæ erat maior proposito rationis principalis.

Consequenter cum dicit, *Qualis terrenus, tales & terreni*, ostendit derivationem similitudinis horum principiorum ex utroque: & primo in communi; secundo dividit eam per partes, ibi, *Igitur sicut portavimus imaginem terreni, portamus & imaginem celestis*. Dicit ergo: *Qualis terrenus, tales & terreni*; quasi dicat: Primus homo, quia terrenus fuit, & mortalis, ideo derivatum est ut omnes essent & terreni, & mortales. Supra eodem: *Et sicut in Adam omnes moriuntur, ita & in Christo omnes vivificabuntur*. Zach. 1111. 5. Adam exemplum meum ab adolescentia mea. Quia vero fuit secundus homo celestis, idest spiritualis, & immortalis; ideo omnes & immortales, & spirituales erimus. Rom. vi. 5. Si complantati facti sumus similitudini mortis eius, simul & resurrectionis erimus. *Igitur sicut portavimus imaginem terreni, portamus & imaginem celestis*. Hic concludit qualiter in speciali debeamus conformari homini, scilicet celesti. Possumus autem dupliciter conformari cæ-

lesti, in vita scilicet gratiæ, & gloriæ; & una est via ad aliam: quia sine vita gratiæ non pervenitur ad vitam gloriæ: & ideo dicit: *Sicut portavimus imaginem terreni*; idest, quomodo peccatores fuimus, in nobis fuit similitudo Adæ. II. Reg. vii. 29. *Ista est lex Adam, Domine Deus*. Ut ergo possimus esse celestes, idest pervenire ad vitam gloriæ, *portemus imaginem celestis*, per vitam gratiæ. Coloss. 111. 9. *Exuentes veterem hominem, induite novum hominem*, scilicet Christum. Rom. vii. 29. Quos præcivit, & prædestinavit conformes fieri imaginis Filii sui. Sic ergo debemus conformari celesti in vita gratiæ, quia alias non pervenimus ad vitam gloriæ: & hoc est quod dicit: *Hoc autem dico, fratres*; quasi dicat: Nisi vivatis, scilicet vita gratiæ, non poteritis pervenire ad regnum Dei, scilicet ad vitam gloriæ: *quia caro, & sanguis regnum Dei non possidebunt*. Quod quidem non est intelligendum, sicut quidam hæretici dicunt, quod non resurget caro, & sanguis secundum substantiam; sed quod totum corpus vel vertetur in spiritum, vel in aërem; quod est hæreticum, & falsum: nam Apostolus dicit, quod conformabit corpus nostrum corpori claritatis suæ. Unde cum Christus post resurrectionem haberet carnem, & sanguinem, sicut dicitur Lucæ ult. 39. *Palpate, & videte*, quia spiritus carnem, & ossa non habet, sicut me vivis detis habere; constat quod & nos in resurrectione carnem, & sanguinem habebimus. Nec est intelligendum: *Caro, & sanguis*, idest substantia carnis, & sanguinis, *regnum Dei non possidebunt*; sed *caro, & sanguis*, idest carni, & sanguini operam dantes, scilicet homines dediti vitiis, & voluptatibus, *regnum Dei non possidebunt*. Et sic accipitur caro, idest homo carnaliter vivens. Rom. vii. 9. Vos autem non in carne estis, sed in spiritu. Vel *caro, & sanguis*, idest opera carnis, & sanguinis, *regnum Dei non possidebunt*; quod est contra Iudas, & Saracenos, qui fingunt se habituros post resurrectionem uxores, furvos mellis, & lactis. Vel *caro, & sanguis*, idest corruptio carnis, & sanguinis, *regnum Dei non possidebunt*; idest, post resurrectionem corpus non subiicitur corruptioni carnis, & sanguinis, secundum quam vivit homo. Unde & secundum hoc subdit: *Neque corruptio-incorruptionem possidebit*; idest, neque corruptio mortalitatis, quæ nomine carnis hic exprimitur,

tur, possidebit incorruptionem, idest in- „ liberabitur a servitute corruptionis in
corruptibile regnom Dei, quia resurgemus „ libertatem gloriæ filiorum Dei.“
jo gloria. Rom. viii. 21. „ Ipsa creatura

L E C T I O VIII.

Ecce mysterium vobis dico: omnes quidem resurgemus, sed non omnes immutabimur. In momento, in istu oculi, in novissima tuba: canet enim tuba, & mortui resurgent incorrupti: & nos immutabimur.

Hic Apostolus, postquam respondit questioni de qualitate resurgentium, respondet consequenter questioni qua quærebatur de modo, & ordine resurgendi; & circa hoc duo facit. Primo ostendit modum, & ordinem resurrectionis; secundo confirmat per auctoritatem; ibi, *Cum autem mortale hoc induerit immortalitatem, tunc fiet sermo qui scriptus est*. Circa primum duo facit: primo enim proponit intentum, secundo ostendit quo ordine fiat, ibi, *In momento, in istu oculi &c.* Primo igitur reddit eos attentos, ostendens id quod proponit, esse arduum, & occultum, dicens: *Ecce mysterium*, idest occultum quoddam, *dico vobis*, idest aperio vobis, fratres, quod debet vobis aperiri, & omnibus credentibus. Luc. viii. 10. „ Vobis „ datum est nosse mysterium regni Dei.“ Supra ii. 6. *Sapientiam loquimur inter perfectos*; & post: *Sed loquimur Dei sapientiam, qua abscondita est in mysterio*. Quid autem sit istud mysterium, subdit: *Omnes quidem resurgemus, sed non omnes immutabimur*.

Circa primum sciendum est, quod, sicut Hieronymus dicit in quadam epistola ad Minervium, & Alexandrum monachos, hoc quod hic dicitur, *Omnes quidem resurgemus &c.* in nullo Libro Græcorum habetur, sed in quibusdam habetur, *Omnes quidem dormiemus*; idest, omnes moriemur. Et dicitur mors somnus propter spem resurrectionis: unde item est ac si diceret: *Omnes quidem resurgemus*: quia nullos resurget nisi moriatur; *sed non omnes immutabimur*. Hoc non mutatur in Libris Græcis; & hoc est verum, quia ista mutatio de qua hic loquitur, non erit nisi secundum corpora beatorum; quia immutabuntur ad illa quatuor quæ supra posita sunt, quæ dicuntur dotes corporum gloriosorum: & hanc desiderabat Iob xiv. 14. „ Cunctis diebus quibus nobis milito, expecto „ donec veniat immutatio mea.“ In qui-

busdam vero Libris invenitur, (a) *Non omnes quidem dormiemus, idem moriemur, sed omnes immutabimur*. Et hoc intelligitur dupliciter. Primo ad litteram: quia quorundam opinio fuit quod non omnes homines morientur, sed quod aliqui in adventu Christi ad iudicium veniet vivi, & isti non morientur, sed isti mutabuntur in statum incorruptionis: & propter hoc dicunt: *Non omnes quidem dormiemus*, idest moriemur, *sed omnes immutabimur*, tam boni quam mali, & tam vivi quam mortui. Unde secundum hoc immutatio non intelligitur de statu animalitatis ad statum spiritualitatis: quia secundum hanc soli boni immutabuntur, sed de statu corruptionis ad statum incorruptionis. Alio modo exponitur mystice ab Origene; & dicit, quod hoc non dicitur de somno mortis, quia omnes morientur: Ps. lxxxviii. 41. „ Quis „ est homo qui vivet, & non videbit mortem: „ sed de somno peccati, de quo in Psal. xxi. 3. „ Illumina oculos meos, ne „ umquam obdormiam: „ ut sic dicatur: *Non omnes moriemur*; idest, non omnes peccabimus mortaliter; *sed omnes immutabimur*, sicut supra de statu corruptionis ad incorruptionem. Et licet hæc littera, scilicet *Non omnes moriemur &c.* non sic contra fidem; tamen Ecclesia magis acceptæ primam, scilicet quod *omnes moriemur, sive resurgemus &c.* quia omnes morientur, etiam si sint tunc aliqui vivi. Ordinem autem, & modum resurrectionis manifestat consequenter, cum dicit: *In momento, in istu oculi*; & hoc quantum ad tria: primo enim manifestat ordinem quantum ad tempus; secundo quantum ad causam resurrectionis, ibi, *In novissima tuba*; tertio quantum ad progressum effectus a causa, ibi, *Canet enim tuba, & mortui resurgent incorrupti*. Dicit ergo quod omnes resurgemus; sed quomodo? *In momento*: per quod excludit errorem dicentium, resurre-

ctio-

(a) Alii Nō omnes quidem moriemur sed omnes &c.

ditionem non esse futuram omnium simul ; sed dicunt quod martyres resurgent ante alios per mille annos ; & tunc Christus descendet cum illis , & possidebit regnum corporale Hierusalem mille annis cum eis . Et hæc fuit opinio Lactantii . Sed hoc patet esse falsum , quia omnes in momento resurgemus , & in iudicio oculi . Excluditur etiam per hoc alius error eiusdem , qui dicebat , quod iudicium duraturum erat per spatium mille annorum . Sed hoc est falsum , quia non erit ibi aliquod perceptibile tempus , sed in momento .

Secundum est autem , quod momentum potest accipi vel pro ipso instanti temporis , quod dicitur nunc ; vel pro aliquo tempore (a) perceptibili ; tamen utroque modo potest accipi hoc , referendo illud ad diversa . Quia si nos referimus hoc ad collectionem pulverum , quæ fiet ministerio Angelorum ; tunc momentum accipitur pro tempore perceptibili . Cum enim in collectione illorum pulverum sit mutatio de loco ad locum , oportet quod sit ibi tempus aliquod . Si autem referamus ad reunionem corporum , & pro unionem animarum , quæ omnia fiunt a Deo ; tunc momentum accipitur pro instanti temporis : quia Deus in instanti unit animam corpori , & vivificat corpus . Potest etiam hoc quod dicitur , *In iudicio oculi* , ad utrumque referri : quia si in iudicio oculi intelligitur tantum aperiens palpebrarum , quæ fit in tempore perceptibili ; tunc refertur ad collectionem pulverum . Si vero in iudicio oculi intelligitur ipse subitus contuitus oculi , & qui fit in instanti ; tunc refertur ad unionem (b) animarum ad corpus .

Consequenter cum dicitur , *In novissima tuba* , ostendit ordinem resurrectionis quantum ad causam immediatam : & ista tuba est vox illa Christi de qua Matth. xxv. 6. dicitur : „ Media nocte clamor factus est : „ Joann. v. 25. „ Audient vocem Filii Dei , & qui audierint , vivent : „ vel ipsa præsentia Christi manifestata mundo , secundum quod dicit Gregorius : „ Tuba nihil aliud esse designat quam præsentiam Christi mundo manifestatam , quæ dicitur tuba „ propter manifestationem , quia omnibus „ erit manifesta . “ Et hoc modo accipitur tuba Matth. vi. 2. „ Cum facis eleemosynam , noli tuba canere ante te . “ Item dicitur tuba propter officium tubæ , quod erat ad quatuor , ut dicitur Num. x. scilicet ad vocandum consilium ; & hoc

erit in resurrectione , quia tunc convocabit ad consilium , idest ad iudicium . Esa. 111. 14. „ Dominus ad iudicium veniet „ cum senibus populi sui . “ Ad solemnizandum festum : Psal. lxxx. 4. „ Buccinatum te in neomeia tuba : „ sic & in resurrectione . Esa. xxxiii. 20. „ Respice Sion „ civitatem sollicitatam nostram . “ Ad pugnam ; & hoc in resurrectione . Sap. v. 21. „ Pugnabit pro illo orbis terrarum contra „ insensatos . “ Esa. xxx. 32. „ In cytharis , & tympanis , & in bellis præcipuis „ expugnabit eos . “ (r) Ad movendum castra ; sic & in resurrectione ; quidam cundo ad paradisi , quidam cundo ad infernum . Matth. xxv. 46. „ Ibo ut qui bonam fecerunt in vitam æternam , qui vero mala in ignem æterum . “

Consequenter cum dicitur , *Canet enim tuba , & mortui resurgent incorrupti* , ponit progressum effectus a causa prædicta ; & circa hoc duo facit : primo enim ponit progressum effectus ; secundo occurrat huius assignat , ibi , *Oportet enim mortale hoc induere incorruptionem* . Progressus effectus est , quia statim ad sonitum tubæ sequetur effectus : quia *mortui resurgent incorrupti* . Psal. lxxv. 34. „ Dabit voci suæ virtutem „ virtutis . “ Ponit autem duplicem effectum . Unus est communis : quia *mortui resurgent incorrupti* , idest integri sine aliqua diminutione membrorum : quod quidem est commune omnibus , quia in resurrectione est commune omne quod pertinet ad reparationem naturæ , quia omnes habent communem cum Christo in natura . Et licet Augustinus (Ench. cap. xc.) relinquat sub dubio utrum deformitates remaneant in damnatis ; ego tamen credo quod quidquid pertinet ad reparationem naturæ , totum confertur eis ; sed quod pertinet ad gratiam , solum electis confertur . Et ideo omnes resurgent incorrupti , idest integri , etiam damnati . Hieronymus autem exponit : *Incorrupti* , idest in statu incorruptionis , ut scilicet ulterius post resurrectionem non corrumpantur : quia iusti ad beatitudinem æternam ibunt ; mali vero ad poenam æternam . Dan. xii. 2. „ Multi de terræ pulvere evigilabunt ; alii in vitam æternam , & alii in opprobrium . “ Alius effectus est proprius , idest Apostolorum tantum : quia *nos immutabimur* , scilicet Apostoli , & non solum erimus incorrupti , sed etiam immutabimur , scilicet de statu miseræ ad statum gloriæ : quia *seminatur animæ* .

(a) Al. im perceptibili , & sic infra . (b) Al. omittitur animæ . (c) Al. Ad movendum castra scilicet , quidam cundo &c .

male, surget autem spiritalia. Et secundum hunc modum exponendi apparet quod melior est littera illa quæ dicit: *Omnes quidem resurgemus, sed non omnes immutabimur*: quam illa quæ habet: *Omnes immutabimur*: quia licet omnes resurgant, tamen soli sancti, & electi immutabuntur. Posset tamen etiam secundum illos qui habent: *Non omnes quidem moriemur, sed omnes immutabimur* legi sic: *Mortui resurgent in-*

corrupti, idest ad statum incorruptionis; & nos qui vivimus, licet non resurgamus, quia non morimur, tamen immutabimur de statu corruptionis ad incorruptionem. Et videtur consonare iis quæ dicit I. Thessal. iv. 16. „Nos qui vivimus, qui relinquitur, simul rapiemur cum illis in nubibus obviam Christo in aera;“ ut sicut ibi, & hic consumeret se vivis.

LECTIO IX.

OPortet enim corruptibile hoc induere incorruptionem, & mortale hoc induere immortalitatem. Cum autem mortale hoc induerit immortalitatem, tunc fiet sermo qui scriptus est: Absorpta est mors in victoria. Ubi est, mors, victoria tua? Ubi est, mors, stimulus tuus? Stimulus autem mortis, peccatum est; virtus vero peccati, lex. Deo autem gratias, qui dedit nobis victoriam per Dominum nostrum Iesum Christum. Itaque, fratres mei dilecti, stabiles estote, & immobiles, abundantes in omni opere Domini semper, scientes quod labor vestester non est inanis in Domino.

Hic Apostolus ponit necessitatem effectus resurrectionis, ab ipsa causa procedentis; & circa hoc duo ponit, correspondentia duobus quæ posuerat in progressu effectuum ab ipsa causa. Primum fuit generale omnium, scilicet quod mortui resurgent incorrupti: & ideo primo quantum ad hoc dicit: *Oportet corruptibile hoc induere incorruptionem*. Secundum fuit speciale Apostolis, & bonis, scilicet *& nos immutabimur*; & ideo secundo quantum ad hoc dicit: *Et mortale hoc induere immortalitatem*: quia enim corruptibile opponitur incorruptibili, & in statu præsentis vitæ subicitur corruptioni; ideo dicit, quod cum resurgemus, *oportet hoc corruptibile induere incorruptionem*, necessitate scilicet congruentiæ. Et hoc propter tria. Primo propter completionem humanæ naturæ: nam, sicut etiam dicit Augustinus (Lib. II. de Gen. ad litt. cap. xxv.) anima quamdiu est separata a corpore, est imperfecta, non habens perfectionem suæ naturæ; & ideo non est in tanta beatitudine separata existens, in quanta erit corpori unita in resurrectione. Ut ergo perfruat beatitudine perfecta, *oportet corruptibile hoc*, idest corpus, *inducere*, ut ornamentum, *in incorruptionem*, ut ulterius aliquatenus non lædatur mortale. Secundo propter exigentiam divinæ iustitiæ, ut scilicet illi qui bona fecerunt, seu mala in corpore, præmientur, vel puniantur etiam in ipsis corporibus. Tercio propter con-

formitatem membrorum ad caput, ut sicut Christus resurrexit a mortuis per gloriam Patris, ita & nos in novitate vitæ ambulemus: Rom. vi.

Notandum autem, quod ipsam incorruptionem, seu immortalitatem assimilat vestimento, cum dicit, *Inducere*: vestimentum enim adest vestito, & abest, manente eadem numero substantia vestiti; ut per hoc ostendat quod corpora eadem numero resurgant: & iidem homines iidem numero erunt in statu corruptionis, & immortalitatis, in quo sunt modo. Unde ex hoc excluditur error dicentium, quod corpora non resurgent eadem numero. Unde signanter dicit: *Oportet corruptibile hoc*, scilicet corpus: nam anima non est corruptibilis. Excluditur etiam error dicentium, quod corpora glorificata non erunt eadem cum istis, sed cælestia; & de isto modo simile habetur II. Corinth. v. 2. „Nam in hoc ingenitum, miscimus, habitationem nostram, quæ de cælo est, superindui cupientes.“ *Elia. iii. 1.* „Induere vestimentis gloriæ tuæ.“ *Iob xl. 5.* „Circumda tibi decorem, & in sublime erigere, & esto gloriosus, & speciosis induere vestibus.“

Sed contra hoc est, quia videtur impossibile quod corruptibile hoc induat incorruptionem; idest, quod corpora resurgant eadem numero: quia impossibile est ea quæ differunt genere, vel specie, esse eadem numero; sed corruptibile, & incorruptibile non solum differunt specie, sed genere: er-

ergo impossibile est quod corpora resurgantur sint incorruptibilia, & remaneant eadem numero. Præterea. Philosophus dicit, quod impossibile est quod illa quorum substantia corruptibilis mota est, reintegrentur eadem numero, sed eadem specie; substantia autem corporum humanorum est corruptibilis: ergo impossibile est reintegrari eadem numero.

Respondeo. Dicendum est ad primum, quod unumquodque consequitur genus, & speciem ex sua natura, & non ex aliquo extrinseco suæ naturæ; & ideo dico, quod si resurrectio corporum futura esset ex principiis naturæ eorum, impossibile esset quod corpora resurgerent eadem numero; sed dico, quod incorruptio eorum resurgentium dabitur ab alio principio quam a natura ipsorum corporum, scilicet a gloria animæ, ex cuius beatitudine, & incorruptione tota beatitudo, & incorruptio corporum derivabitur. Sicut ergo eisdem naturæ, & idem numero est liberum arbitrium modo, dum est volubile ad utramque partem, & cum erit firmatum in fine ultimo; ita & eiusdem naturæ, & idem numero erit corpus, quod do est corruptibile, & tunc quando firmatum erit per gloriam animæ, erit incorruptibile. Ad secundum dicendum, quod ratio Philosophi procedit contra illos qui ponebant omnia in istis inferioribus causari ex motu corporum cælestium, & quod revolutis eisdem revolutionibus corporum superiorum, sequerentur iidem effectus numero qui aliquando fuerant. Unde dicebant, quod adhuc Plato idem numero leget Athenis, & quod habebit eisdem scholas, & eisdem auditores, quos habuit. Et ideo Philosophus contra eosdem arguit, quod licet idem cælum numero, & idem sol sit in eisdem revolutionibus; tamen effectus qui inde proveniunt non consequuntur identitatem numero, sed specie, & hoc secundum viam naturæ. Similiter dico, quod si corpora induerent incorruptionem, & surgerent secundum viam naturæ, quod non resurgerent eadem numero, sed eadem specie. Sed cum reintegratio, & resurrectio, sicut dictum est, hant virtute divina, dicimus, quod corpora erunt eadem numero; cum neque principia individuancia huius hominis sint aliud quam hæc anima, & hoc corpus. In resurrectione autem redibit & anima eadem numero, cum sit incorruptibilis, & hoc corpus idem numero ex eisdem pulveribus in quibus resolutum

fuit, ex virtute divina reparatum, & sic erit idem homo numero resurgens. Nec facio vim in formis intermediis, quia non pono esse aliquam aliam formam substantialem in homine nisi animam rationalem, a qua habet corpus humanum quod sit animatum natura sensibili, & vegetabili, & quod sit rationale. Formæ vero accidentales nihil impediunt identitatem numeralem quam ponimus.

Consequenter cum dicit, *Cum autem corruptibile hoc induerit immortalitatem, tunc fiet sermo qui scriptus est*, confirmat quod dixerat per auctoritatem; & circa hoc duo facit. Primo ponit auctoritatem; secundo ex ea concludit tria, ibi, *Ubi enim est, mors, victoria tua?* Dicit ergo primo: Dixi, quod oportet corruptibile hoc induere incorruptionem; sed cum mortale hoc induerit immortalitatem, tunc, scilicet in futuro (quod est contra illos qui dicunt iam resurrectionem factam) fiet sermo qui scriptus est, scilicet, *Absepia est mors in victoria*. Hoc secundum translationem nostram non invenitur in aliquo Libro Biblicæ. Si tamen invenitur in translatione LXX. non est certum unde sumptum sit. Potest tamen dici hoc esse sumptum ex Esa. xxvi. 19. „Vivent mortui tui, interfici mei resur- gent.“ & xv. 8. „Præcipitabit mortem in sempiternum.“ Osee xiii. 14. ubi nos habemus, „Ero mors tua, o mors.“ LXX. habent, *Absepia est mors in victoria*, idest propter victoriam Christi. Et ponit præteritum pro futuro propter certitudinem prophetiæ. I. Pet. i. 22. „Degluties mortem, ut vitæ æternæ heredes efficiemur.“

Consequenter cum dicit, *Ubi est, mors, victoria tua?* concludit tria ex præmissa auctoritate: insulationem sanctorum contra mortem; gratiarum actiones ad Deum, ibi, *Deo autem gratias*; & admonitionem suam Corinthiis, ibi, *Inquit, fratres mei dilecti, stabiles estote*. Circa primum duo facit. Primo ponit insulationem; secundo exponit, ibi, *Stimulus autem mortis peccatum est*. Loquens ergo Apostolus de victoria Christi contra mortem, quasi in quodam speciali gaudio positus, assumit personam victorum resurgentium, dicens: *Ubi est, mors, victoria tua?* Hoc non invenitur in aliquo loco sacræ Scripturæ: utrum autem ex se, vel aliunde habuerit hoc Apostolus, incertum est. Si tamen aliunde accepisset, videtur accepisse de Esa. xiv. 4. „Quomodo cessavit exactor, quievit tributum!“ *Ubi est, mors, scilicet corruptionis, victoria tua?*

tuus ? idest potentia qua totum humanum genus prosternebas, de omnibus triumphabas. II. Reg. xiv. 14. „ Omnes morimur, & „ quasi aquæ dilabimur super terram. „ Iob xviii. 14. „ Calcet super eum quasi „ Rex interitus. „ *Ubi est, mors, stimulus tuus?* Quid autem hic stimulus, consequter expoio, dicens: *Stimulus autem mortis peccatum est*. Uode duo ponit. Unum per quod exponit quod dixit; aliud per quod obiectionem excludit, ibi, *Virtus peccati lux*. Sciendum est autem, quod stimulus mortis potest dici vel stimulus ad mortem, vel quo utitur, seu quem facit mors. Sed litteralis sensus est. *Stimulus mortis*, idest stimulus ad mortem, quia homo per peccatum est impulsus, & dicitur ad mortem. Rom. vi. 23. „ Stipendia peccati „ mors. „ Sed quia aliquis posset obicere quod iste stimulus est remotus per legem; ideo consequenter hoc Apostolus excludit, subdens: *Virtus vero*, idest augmentum, *peccati, lux*; quasi dicat: Non est remotus peccatum per legem, immo *virtus peccati, lux*, idest augmentum occasionaliter, scilicet non quod induceret ad peccatum, sed inquantum dabat occasionem peccati, & non conferbat gratiam; ex quo magis accendebat concupiscentia ad peccandum. Rom. vi. 10. „ Lex subintravit „ ut abundaret delictum. „ Rom. vii. 8. „ Occasione accepta, peccatum per mandatum operatum est in me omnem concupiscentiam. „ Est autem alius sensus, sed non litteralis, ut stimulus mortis dicatur quo utitur mors; & sic per mortem intelligitur diabolus. Apocal. vi. 8. „ Nomen illi mors. „ Et sic stimulus mortis est teotatio diaboli; & sic torum quod dicitur de morte, exponitur de diabolo, ut in Glossa habetur. Vel *stimulus mortis*, idest a morte factus, idest a carnali concupiscentia. Iacob. i. 15. „ Concupiscentia cum ceperit, parit peccatum; peccatum vero „ cum consummatum fuerit, generat mortem. „ Concupiscentia enim primo volentes allicit, sicut in temperatis; secundo repugnantes trahit, ut in incontinentibus; postea contendit, sed non vincit, ut in continentibus; postea debilitatur eius contentio, sicut in temperatis; & ultimo totaliter deficit, sicut in beatis, quibus di-

cere competit: *Ubi est, mors, contentio, vel victoria tua?*

Quia ergo stimulus mortis destructus est non per legem, sed per victoriam Christi, ideo Deo sunt reddendæ gratiarum actiones; & hoc est quod dicit: *Deo autem gratias*, scilicet ago, seu agamus, qui dedit nobis victoriam, mortis, & peccati, per Iesum Christum, non per legem. I. Ioan. v. 4. „ Hæc est victoria quæ viciit mundum, „ fides nostra. „ Rom. vii. 24. „ Quis „ me liberabit de corpore mortis huius? „ Gratia Dei per Iesum Christum Dominum nostrum. „ Nam quod impossibile erat legi, in quo infirmabatur per carnem, Deus Filium suum mittens in similitudinem carnis peccati, de peccato damnavit peccatum in carne: „ Ibid. vii. 14. 3.

Consequenter cum dicit, *Itaque fratres mei &c.* subdit adnotationem: sicut enim dictum est, pseudoapostoli corrumpebant Corinthios, negando resurrectionem: & ideo postquam iam astruxit fidem resurrectionis, & per exempla ostendit admonet eos quod bene se habeant, ne seducantur a pseudoapostolis; & circa hoc tria facit. Primo enim eos in fide confirmat, dicens: *Itaque*, scilicet iam ostensa resurrectione, *fratres mei* per fidem, per quam omnes sumus filii Dei: Ioan. i. 12. „ De „ dit eis potestatem filios Dei fieri: „ dilectissimi per caritatem, qua debemus nos invicem diligere: I. Ioan. iv. 12. „ Hoc „ mandatum habemus a Deo, ut qui diligunt Deum, diligant & fratrem suum: „ *stabilis estque*, scilicet in fide resurrectionis, ne recedatis a fide: Ephes. iv. 14. „ Non „ sumus sicut parvuli fluctuantes, & circumferamur omni vento doctrinæ: „ & immobilis, ne scilicet ab aliis seducamini: Col. i. 23. „ In fide fundati, stabiles, & „ immobiles a spe Evangelii. „ Secundo inducit ad bona opera, dicens: „ *Abundantes in omni opere bono semper*. Gal. ult. 10. „ Dum tempus habemus, operemur bonum ad omnes. „ Prov. xv. 3. „ Io abundanti iustitia virtus maxima est. „ Tertio roborat eos per spem, dicens: *Scientes quod labor vester non est inanis in Domino*. Sap. iii. 15. „ Bonorum enim laborum gloriosus est fructus, „

CAPITIS DECIMISEXTI.

LECTIO I.

DE collectis autem quæ sunt in sanctos, sicut ordinavi in Ecclesiis Galatiæ, ita & vos facite per unam sabbati. Unusquisque vestrum apud se reponat recordens quod ei beneplacuerit, ut non cum venero tunc collectæ fiant. Cum autem præsens fuero, quos approbaveritis per epistolas, hos mittam perferre gratiam vestram in Hierusalem. Quod si dignum fuerit ut ego eam, mecum ibunt. Veniam autem ad vos cum Macedoniâ pertransiero: nam Macedoniâ pertransibo; & apud vos autem forsitan manebo, vel etiam hiemabo, ut vos me deducatis quocumque iero: nolo enim vos irrodo in transitu videre. Spero enim me aliquantulum temporis manere apud vos, si Dominus permiserit; permanebo autem Ephesi usque ad pentecosten. Ostitium enim mihi apertum est magnum, & evidens, & adve-farfi multi.

Supra per totam seriem Epistolæ proposuit Apostolus Corinthiis quamdam doctrinam generalem; in hoc ultimo capitulo proponit eis quædam specialia, & familiaria: & circa hoc duo facit. Primo monet eos quid ipsi debeant aliis facere; secundo ostendit quid alii faciant ipsis, ibi, *Salutat vos Ecclesia Asia*. Circa primum duo facit. Primo instruit eos de his quæ debent facere ad absentes; secundo vero de his quæ debent facere ad præsentes, ibi, *Vigilate, & stete in fide*. Circa primum tria facit. Primo instruit eos de his quæ pertinent ad absentes pauperes sanctos, qui sunt in Hierusalem; secundo de his quæ pertinent ad Apostolum, ibi, *Veniam ad vos cum Macedoniâ pertransiero*; tertio de his quæ pertinent ad discipulos, ibi, *Si autem venerit Timotheus, videte ut sine timore sit apud vos*. Circa ea quæ debent fieri sanctis qui erant in Hierusalem, de tribus instruit eos Apostolus. Primo qualiter eleemolynâ sanctis faciendâ, sit colligendâ; secundo qualiter sit conservandâ, ibi, *Unusquisque autem vestrum apud se reponat, recordens quod ei beneplacuerit*; tertio qualiter sit in Hierusalem transmittendâ, ibi, *Cum autem præsens fuero, quos approbaveritis per epistolas, hos mittam perferre gratiam vestram in Hierusalem*. Circa primum sciendum est, quod sicut legitur Act. iv. mos erat in primitiva Ecclesia ut conversi ad fidem venderent possessiones, & omnia quæ habebant, & pretium ponerent ad pedes Apostolorum, & de eis unicuique, prout erat opus, provideretur; ut sic nullus haberet proprium,

sed essent (a) illis omnia communia. Et sicut dicitur in Collationibus Patrum, omnis religio ab illa sancta societate sumplit exordium. Contigit autem ut fame pervalida exorta, pauperes sancti, qui erant in Hierusalem, inopia maxima laborarent: unde factum est ut Apostoli ordinarent ad ipsorum subventionem quod per alias Ecclesias Christi collectæ fierent; & hæc commissio facta est Paulo, & Barnabæ Gal. iii. 9. „Dederunt mihi, & Barnabæ dexteram societatis.“ Et quia Apostolus super hoc sollicitus erat, monebat illos quos convenerat ut eis subvenirent: quia, sicut ipse ad Rom. dicit, iustum est ut a quibus spiritualia receperant, temporalia ministrarent. Et hoc est quod dicit: *De collectis autem quæ sunt, per Ecclesias, in sanctos*, id est in usum sanctorum, non quorumlibet: Eccli. xii. 5. „Da iusto, & ne recipias peccatorem:“ non quod peccatoribus non sit aliquid dandum, sed quia magis debet quis dare eleemolynam iusto indigentique peccatori: sicut ordinavi in Ecclesia Galatiæ, ita & vos facite, id est colligite, per unam, scilicet diem, sabbati, id est septimanæ. Et hoc ideo ordinatum est, ut paulatim quolibet hebdomadâ aliquid parvum solverent, ne simul totum solvisset, gravarentur. Et licet eis paululum videretur, & quasi intensibile paulatim: dare, tamen completo anno, eleemolynæ in simul collectæ, magnæ erant. Vel per unam sabbati intelligitur prima dies post sabbatum, scilicet dies dominicus. Et hoc ideo illo die fieri voluit Apostolus, quia iam inoleverat consue-

(a) *id est illa*

suetudo ut populus in dominiis diebus ad Ecclesiam conveniret. Levit. xxiii. 35. „Dies primus celeberrimus erit, atque „sanctissimus: omne opus servile non facietis in eo:“ & post 36. „Est enim „cætes, atque collectæ.“ De huiusmodi elemosyna dicitur Dan. iv. 24. „Pecunia tua elemosynis redime:“ & Eccli. xvii. 18. „Elemosyna viri quasi sacculus, cum ipso.“ Quia vero non solum debet apponi modus in colligendo, sed etiam in conservando; ideo consequenter instruit qualiter collectæ conserventur, cum dicit: *Unusquisque autem vestrum apud se reputat recordens quod ei beneplacuerit*: in quo ostenditur maxima industria Apostoli. Et ne aliqui crederent quod Apostolus faceret collectas istas magis causa questus proprii, quam propter necessitatem sanctorum; ideo suspicionem hanc vitans, & quantum ad se, & quantum ad suos ministros, noluit dictam pecuniam a se, seu a suis ministris custodiri; sed ordinavit quod quilibet illud quod sibi placebat elargiri, reportaret domi, & conservaret securum, faciens sic per totum annum. Et huius ratio erat, quia Apostolus volebat quod quando veniret Corinthum, vacarent collectis, sed doctrinæ, & rebus spiritualibus. Et ideo dicit: *Ut non cum venero, tunc collecta fiant.* Añ. vi. 2. „Non est æquum nos relinquere verbum Dei, & ministrare mensis.“

† Notandum (a) est ergo, quod quilibet debet cavere sibi, ne videatur aliquid spirituale facere propter questum: & inde est quod Dominus Matth. x. voluit prædicatores nihil habere. Romanis etiam mos erat ut nullus assumeretur ad Senatus officium, nisi prius probatus fuisset in officio Quaestoris, quia virtutis est magnæ, res temporales custodire. †

Qualiter autem debeant mitti in Hierusalem, subdit dicens: *Cum autem praesens fuero, quæ probaveritis per epistolas, hos mittam &c.* quasi dicat: Nec in hoc volo aliquos specialiter onerare, cum praesens fuero, scilicet ad portandum pecuniam; sed mittam illos quæ probaveritis, idest approbaveritis mittendos: *mittam*, inquam, *per epistolas*, idest cum epistolis missis a vobis, & a nobis, laudatoriis, & commendatoriis, scilicet in quibus contineatur quantitas pecuniae, commendatum studium nostrum, & caritas. *Mittam*, inquam, *per*

ferre gratiam vestram, idest quod gratis dabitis sanctis pauperibus, in *Hierusalem*. II. Cor. viii. 7. „Notam facimus vobis gratiam Dei, quæ data est in Ecclesiis Macedoniae.“ In *Hierusalem*, idest sanctis qui sunt in Hierusalem. Et non solum mittam illos quos probaveritis; sed si dignum fuerit ut ego eam, idest si magna quantitas fuerit, mecum ibunt: in quo inducit eos ad bene, & liberaliter solvendum. Rom. xv. 25. „Nunc igitur proficiat Hierusalem ministrare sanctis.“

Consequenter Apostolus instruit eos de his quæ pertinent ad seipsum; & circa hoc tria facit. Primo promittit eis suam praesentiam, dicens: *Veniam ad vos cum Macedonia pertransiero*; (b) secundo dicit se facturum apud eos diutinam moram; tertio excusat suæ praesentiae dilationem. Circa primum sciendum est, quod, sicut dicitur Act. xvi. 9. vir Macedo apparuit Apostolo cum esset in Troade, deprecans eum, & dicens ei: „Transiens in Macedonia libera nos.“ Ut ergo Apostolus iussa impleret, disposuit se Macedoniam iturum: & quia Macedonia erat media inter Asiam & Achaïam, in qua est Corinthus; ideo dicit: *Cum pertransiero Macedonia, veniam ad vos*; Immo veniam ad vos inde, scilicet quia tunc ero vobis propior. Secundo promittit se facturum apud eos diutinam moram, dicens: *Apud vos forsitan manebo*, idest moram contraham, vel *gratiam hiemabo*; idest, per totam hiemam permanebo vobiscum, quia multa corrigenda sunt in vobis. Vel causam quare ad eos vadit, subdit cum dicit: *Ut vos me deducatis quocumque iero.* Et dicit, *Quocumque*, quia nesciebat determinate quo iret, nisi secundum quod Spiritus sanctus inspiraret sibi. *Deducatis*, inquam, non defendatis me, sed ut doceatis vias. Tertio cum dicit, *Nolo enim vos modo in transitu videre*, excusat dilationem suæ praesentiae dupliciter. Uno modo quia Corinthii possent dicere: Non est necesse quod tantum differas venire, & quod primo vadas in Macedonia: quia tu potes venire in Achaïam, & permanere, ita quod non transies per Macedonia. Et ad hoc dicit: Licet se possem venire ad iuvos, tamen non diu possem manere vobiscum: quia statim oportet me esse in Macedonia, vel redire in Asiam. Unde quia nolo vos modo in transitu videre, ideo

G g g 2 methu.

(a) Quod spiritus universalis conclusum non invenitur in exemplo iam citato anni 1498. in editione autem Veneta apud Iuntas an. 1562, curante Fr. Romulo Florentino (ex qua in Romanam, & Venetam posteriusque, ut credimus, omnes hac verba manarunt) hac notatur ad marginem. In manuscripto exemplari hoc addebatur notandum. (b) Al. subditur statim. Circa quod sciendum est &c. intermedium omitti.

modo non venio primo ad vos : nam ego spero aliquam moram contrahere vobiscum, si Dominus permiserit. Dicit, si Dominus permiserit, quia forte vel antequam esset ibi, vel postquam iam esset ibi, Dominus inspiraret ei quod iret ad alium locum, ubi faceret maius bonum. Alio modo excusat se, & hoc videtur magis litterale, quia oportebat eum diu manere apud Ephelum, quæ est in Asia; & ideo dicit: *Permanebo autem Ephesi usque ad pentecosten*. Forte hæc Epistola missa fuit in hieme, seu in vere, & tunc post pentecosten debebat ire in Macedoniam, & morari ibi usque ad hiemem, & tunc : Corinthum, & hiemare. Rationem autem quare volebat morari

ri Ephesi usque ad pentecosten, subdit cum dicit: *Ostium autem mihi apertum est magnum*; idest, magnum fructum facio in Epheso. Et dicit ostium esse apertum magnum, idest multa corda hominum ad credendum parata, & evidens, quia sine contradictione. Coloss. 1v. 3. „Orantes simul & pro nobis, ut Deus aperiat nobis ostium sermonis ad loquendum mysterium Christi.“ Sed quia sunt multi adversarii, qui conantur impedire, vel subintrare; si ego absentarem me, tantus fructus posset de facili impediri; ideo nolo recedere quousque sitis bene firmati. Apoc. 111. 8. „Ecco dedi coram te ostium apertum.“

L E C T I O II.

SI autem venerit Timotheus, videte ut sine timore sit apud vos : opus enim Domini operatur, sicut & ego. Ne quis ergo illum spernat. Deducite autem illum in pace, ut veniat ad me : exspecto enim illum cum fratribus. De Apollo autem fratre vobis notum facio, quoniam multum rogavi eum ut veniret ad vos cum fratribus : & utique non fuit voluntas eius ut nunc veniret; veniet autem cum ei vacuum fuerit. Vigilate, stete in fide, viriliter agite, & confortamini : omnia vestra in caritate fiant. Obsecro autem vos, fratres : nolitis domum Stephanæ, & Fortunati, & Achaici, quoniam sunt primitiæ Achaizæ, & in ministerium sanctorum ordinaverunt seipsos : ut & vos subditi sitis eiusmodi, & omni cooperanti, & laboranti. Gaudeo autem in præsentia Stephanæ, & Fortunati, & Achaici : quoniam id quod vobis deerat, ipsi suppleverunt. Refecerunt enim & meum spiritum, & vestram. Cognoscite ergo qui eiusmodi sunt. Salutant vos omnes Ecclesiæ Asiæ. Salutant vos in Domino multum Aquila, & Prisca, cum domestica sua ecclesia, apud quos & hospitor. Salutant vos omnes fratres. Salutate invicem in osculo sancto. Salutatio mea manu Pauli. Si quis non amat Dominum nostrum Iesum Christum, sit anathema maranatha. Gratia Domini nostri Iesu Christi vobiscum. Caritas mea cum omnibus vobis in Christo Iesu. Amen.

He instruit eos de his quæ pertinent ad discipulos suos : & primo de his quæ pertinent ad Timotheum; secundo de his quæ pertinent ad Apollo, ibi, *De Apollo autem fratre vobis notum facio*. De Timotheo tria mandat. Primo ut secure custodiatur : unde dicit : *Si autem venerit ad vos Timotheus, videte, studeatis, ut sine timore sit apud vos*. Forte aliqua commotio fuerat ibi propter pseudopostolos. II. Corinth. 111. 5. „Foris pugna, intus timores.“ Et hoc debetis facere, quia opus Domini operatur, sicut & ego, prædicando. II. Timoth. 1v. 5. „Tu vero vigila, in omnibus labora.“ Secundo ut in honore habeatur; & ideo dicit : *Ne quis ergo illum spernat*. Et ratio huius est forte, quia juvenis

erat. I. Timoth. 1v. 12. „Nemo adolescentiam tuam spernat.“ Luc. 1. 16. „Qui vos spernit, me spernit.“ Tercio ut pacifice deducatur; & hoc est quod dicit : *Deducite autem illum in pace*. Et ratio huius est, quia exspecto illum cum fratribus qui sunt cum eo.

De Apollo autem fratre vobis notum facio &c. Ille est ille Apollo de quo habetur Act. xv. 12. quod „Iudæus quidam, Apollo nomine, Alexandrinus genere, vir eloquens deventus“ Ephelem potens in Scripturis : „& ille ivit in Achaia, & fuit quasi specialis doctor eorum post Apostolum : supra 111. 6. Ego plantavi, Apollo rigavit, sed Deus incrementum dedit : & ut Glossa dicit, Episcopus erat; & quia Corinthii male se habuerant,

rant, recofferat ab eis, & iverat ad Apostolum. Postmodum vero Corinthii rogaverunt Apostolum, ut remitteret illuc ipsum; ad quod respondet eis, dicens: *De Apollō autem fratre*, quem rogastis remitti ad vos, *notum vobis facio* tria. Primo (a) peccata meas sibi factas, quoniam multum rogatus sum ut veniret ad vos cum fratribus. Et dicit, *Rogatus enim*, scilicet posset precipere: quia magnis viris non de facili debet fieri praeceptum. I. Timoth. v. 2. „Senior, rem obsecra ut patrem.“ Eccli. xxxi. 1. „Rectorem te poluerunt? Noli extolli.“

Sed numquid licuit sibi relinquere populum suum? Ad hoc dicendum, quod sicut Gregorius dicit, quando omnes subditi male se habeant, & nolunt corrigi, licet Episcopo recedere ab eis. Unde, quia isti erant tales, licuit ei. Vel dicendum est, quod forte non erat Episcopus eorum, sed specialiter praedicaverat eis.

Secundo responsum Apollinis, quia reuinit venire ad eos, ibi, *Et utique non fuit voluntas eius ut nunc veniret*. Et ratio huius est, quia forte nondum erant bene correcti; vel quia ipse erat in aliis arduis occupatus. Tercio promittit eum aliquid ad eos iturum: unde dicit: *Veniet autem cum ei vacuum*, idest opportunum, fuerit, scilicet quando vos eritis correcti.

Consequenter postquam instruxit eos quid debeant facere absentibus, hic instruit eos qualiter se habeant ad praesentes. Circa hoc duo facit. Primo ostendit qualiter se habeant quantum ad omnes in communi; secundo quantum ad quosdam in speciali, ibi, *Obsecro autem vos fratres*. Instruit autem eos Apostolus in communi de tribus; scilicet de fide, de bona operatione, & de modo bene operandi. Sed tamen istis tribus praemittit unum quod est omnibus necessarium, idest sollicitudo: unde dicit: *Vigilate, & orate*. (b) Luc. xii. 37. „Beati servi illi quos cum venerit dominus inveni-erint vigilantes.“ & Matth. xxvi. 41. „Vigilate, & orate, ut non intretis in tentationem.“ De fide ergo instruit cum dicit: *Stare, scilicet infide*. Ephes. vi. 14. „Stare succindite lumbos vestros in veritate.“ De bona operatione, cum dicit: *Vigiliter*, idest fortiter, *agite*; quia fides sine operibus mortua est: „Iacob. ii. 26. Sed quia bona operatio non est attribuenda nobis, sed Deo; ideo subdit: *Et confortamini in Domino*: Psal. xxi. 25. „Vi-

„giliter agite, & confortetur cor vestrum, „omnes qui speratis in Domino.“ De modo agendi, cum dicit: *Omnia vestra in caritate fiant*; idest, omnia debent referri ad finem caritatis, scilicet ut fiant propter Deum, & proximum. Coloss. iii. 14. „Super omnia caritatem habete, quod est vinculum perfectionis.“

Consequenter cum dicit, *Obsecro autem vos fratres*, instruit eos quomodo se habeant ad quosdam in speciali: & primo quantum ad illos qui videntur habere aliquam praerogativam in spiritualibus; secundo quantum ad illos qui in corporalibus operibus, ibi, *Gaudete autem in praesentia Stephana*. Dicit ergo: *Obsecro autem vos, fratres; nescitis*, idest approbastis, domum Stephana; & Fortunati, & Achaici. Approbastis, inquam, propter duo, & quia sunt primitiae, idest primo conversi, quia ab ipso Apostolo in primis baptizati: supra i. 16. *Baptizavi autem & Stephanum domum*; & quia magis devoti, & prompti ad ministeria sanctorum: unde dicit: *Et in ministeria sanctorum ordinaverunt seipsos*. Rom. xii. 13. „Nec cessatibus sanctorum communicantes.“ Et ideo obsecro ut vos subditi sitis eiusmodi. Hebr. xxi. 17. „Obedite praepositis vestris, & subiaccite eis:“ & omni cooperanti: Phil. iv. 3. „Adiuva eos qui mecum laboraverunt.“ Sap. xii. 25. „Bonorum laborum gloriosus est fructus.“

Gaudete autem in praesentia Stephana. Hic instruit eos quantum ad illos qui praeminent in ministeriis; & potest dupliciter exponi. Uno modo ut dicatur: *Gaudete autem in praesentia Stephana, Fortunati, & Achaici*, qui sunt praesentes vobis, quorum praesentia est vobis proficua: quoniam ipsi id quod vobis deerat, suppleverunt, docendo vos. Et in hoc quidem recesserunt spiritum meum, inquantum gaudio de bono vestro, & spiritum vestrum, inquantum instructi estis. Phil. iv. 30. „Gavisus sum valde, quia inveni tandem aliquid pro me sentire, sicut & sentiebatis.“ Et ideo quia sic se habuerunt, ergo agnoscite, idest honorate, eos qui huiusmodi sunt. Alio modo ut dicatur: *Gaudete in praesentia Stephana, Fortunati, & Achaici*; quia scilicet personaliter mecum sunt, & servant michi, in quo suppleat quod deerat vobis, idest quod vos non poteratis mihi corporaliter exhibere. In quo quidem recesserunt spiritum meum, inquantum mihi servierunt, & pa-

(a) Al. peccata in eo sibi factas. (b) Al. omittuntur duae sequentes sententiae, Lucae, & Matthaei.

verunt me; & *vestrum*, inquantum de bono meo gaudetis; & ideo *agnoscite qui huiusmodi sunt*.

Salutant vos omnes Ecclesia Asia. Hic Apostolus insinuat quid alii faciant Corinthiis; & circa hoc duo facit. Primo insinuat quomodo salutentur ab aliis; secundo subdit suam salutationem, ibi, *Salutatio mea manu Pauli*. Circa primum tria facit. Primo insinuat quomodo salutatur eos tota Ecclesia Asia in communi: unde dicit: *Salutant vos omnes Ecclesia Asia*. Rom. ult., Sa-

lutant vos omnes Ecclesie Christi.¹⁵ Secundo quomodo salutant eos specialiter hospites Pauli: unde dicit: *Salutant vos in Domino multum Aquila, & Prisca, cum domestica sua ecclesia*. Isti erant hospites Apostoli, & de his habetur Rom. xvi. & Act. xviii. Tertio quomodo salutant eos Apostoli, & familiares sui: unde dicit: *Salutant vos omnes fratres*, qui scilicet tecum sunt. Phil. ult. 22. "Salutant vos qui mecum sunt fratres". Ex quo ergo omnes salutant vos, & vos etiam *salutate invicem in osculo sancto*, non libidinoso, quo mulier apprehensum deosculatur iuvenem, Prov. vii, non fraudulento, quo iudas osculatus est Christum, Matth. xxvi. & Marc. xiv.

Salutatio mea manu Pauli. Hic suam salutationem subdit; & circa hoc duo facit. Primo ponit titulum salutationis, dicens, *Salutatio mea*, scilicet scripta est manu mea Pauli. Et hoc faciebat in Epistolis suis, propter quosdam qui sub specie Apostoli

scribebant falsas litteras: unde ut non deciperentur, postquam scripta erat Epistola per aliquem, in fine consequenter scribebat Apostolus manu sua. Secundo ponit ipsam salutationem, in qua primo maledicit malis, dicens: *Si quis non amat Dominum nostrum Iesum Christum, sit anathema*, idest separatus, vel excommunicatus, *maranatha*, idest Dominus veniet; quasi dicat: *Qui non amat Dominum nostrum Iesum Christum, sit anathema in adventu Domini*.

Sed numquid sunt excommunicandi omnes qui non sunt in caritate? Respondeo. Dicendum, quod hoc intelligitur, si quis non amat Dominum Iesum Christum, idest fidem Christi; & isti sunt heretici, & sunt excommunicati. Vel si quis usque ad finem mortis non perseverat in amore Domini Iesu Christi, in adventu erit separatus a bonis.

Secundo benedicit bonis, bene optans eis, scilicet gratiam Christi, cum dicit: *Gratia Domini nostri Iesu Christi*. Et hoc optans, optat eis omne bonum: quia in gratia Domini nostri Iesu Christi continetur omne bonum. Optat etiam eis caritatem suam, dicens: *Caritas mea cum omnibus vobis*, ut vos invicem, & Deum diligatis ea caritate qua ego vos diligo; & non propter aliquod aliud, nisi *in Christo Iesu*, idest propter amorem Christi. Amen, idest fiat.



D I V I
T H O M A E
A Q U I N A T I S
D O C T O R I S A N G E L I C I
I N E P I S T O L A M
D. PAULI APOSTOLI
A D C O R I N T H I O S I I.
E X P O S I T I O.

P R O L O G U S.

Ministri Dei nostri, dicitur vobis. Esa. lx. 6.



IN his verbis congrue tangitur materia hujus secundæ Epistolæ ad Corinthios. Nam in prima Epistola agit Apostolus de ipsis sacramentis, sed in hac secunda agit de ministris ipsorum sacramentorum, tam bonis, quam malis. Ratio autem hanc Epistolam scribendi fuit, quod Corinthii post prædicationem eius admiserant pseudoapostolos, quos Apostolo præferebant. Propter hoc scribit eis hanc Epistolam, in qua commendat Apostolos, & ostendit verorum Apostolorum dignitatem; ostendit etiam, & vituperat falsorum Apostolorum falsitatem. Commendat autem verorum Apostolorum dignitatem ex hoc quod sunt ministri Dei. *Ministri* (inquit) *Dei, dicitur vobis*, scilicet Apostolis: qui quidem dicuntur ministri quantum ad tria. Primo quantum ad dispensationem sacramentorum. I. Corinth. iv. 1. „ Sic nos existimet homo, ut ministros Christi. “ Christus enim institutor est sacramentorum; sed Apostoli, & eorum successores ea dispensant: & ideo subditur in prædicta auctoritate, „ Et dispensatores mysteriorum Dei. “ Secundo quantum ad gubernationem, scilicet in quantum gubernant populum Dei. Sap. vi. 5. „ Cum essetis ministri, non recte iudicatis, nec custoditis legem iustitiæ. “ Deus enim gubernat omnia per prudentiam. Unde quicumque aliquid gubernat, dicitur minister Dei. Tercio quantum ad humanæ salutis operationem, in quantum scilicet eorum ministerio, & prædicatione homines ad salutem conversi sunt: cuius salutis solus Deus est auctor, quia ipse est qui venit salvum facere quod perierat; Apostoli vero ministri. I. Corinth. xii. 4. „ Quid ergo est Apollo, quid Paulus? Ministri eius, cui credidistis. “

CA-

CAPITIS PRIMII

LECTIO I.

PAULUS Apostolus Iesu Christi per voluntatem Dei, & Timotheus frater, Ecclesiae Dei quae est Corinthi cum omnibus sanctis qui sunt in universa Achaia. Gratia vobis, & pax a Deo patre nostro, & Domino Iesu Christo.

DE istis ergo ministris tractat hic Apostolus: ostendens in hac Epistola eorum dignitatem, etiam scribens Corinthiis: in qua quidem praemittit primo salutationem; secundo prosequitur Epistolam, ibi, *Benedictus Deus, & Pater Domini nostri Iesu Christi*. In salutatione autem tria ponit: primo enim describit personas salutantes; secundo personas salutatas, ibi, *Ecclesiae quae est Corinthi*; tertio bona optata, ibi, *Gratia vobis, & pax*. Circa primum primo describitur persona salutans principalis, quia *Paulus*; secundo persona adiuncta, quia *Timotheus*. Persona salutans describitur ab humilitate, quia *Paulus*, qui Latine dicitur modicus. Iste est ille medicus de quo Esa. lx. 22. "Minimus erit in mille, & parvulus in gentem fortissimi, mam." Vel a doctrina, quia *Paulus* dicitur os tubae. Ista est illa tuba de qua Zach. ix. 24. "Dominus in tuba canet, & vadet in turbine austru." Et competit quod dicitur Esa. lviii. 2. "Quasi tuba exalta vocem tuam, & annuntia populo meo scelera eorum." A dignitatis auctoritate, quia *Apostolus Iesu Christi*. Ubi tria ponuntur. Primo quod sit legatus: unde dicitur Apostolus, id est principaliter missus: soli enim duodecim Apostoli electi missi sunt a Christo. Luc. vi. 13. "Electi, sit duodecim, quos & Apostolos nominavit." Alii autem discipuli non missi sunt principaliter, sed secundario: & inde est quod Apostolis succedunt Episcopi, qui habent specialem curam gregis Domini; alii autem sacerdotes succedunt septuaginta duobus discipulis, qui gerunt vices commissas sibi ab Episcopis. Est ergo eius dignitas, quia *Apostolus*. I. Corinth. ix. 2. "Si alius non sum Apostolus, sed tamen vobis sum." Galat. i. 8. "Qui operatus est Petro in Apostolum circumcissionis, operatus est & mihi inter Gentem."

Sed quare vocat se hic Apostolum dicens,

Paulus Apostolus, cum in Epistola ad Romanos scribat se servum? Ratio huius est, quia Romanos reprehendit de dissensione, & superbia, quae est mater dissensionis, quia inter superbos semperurgia sunt. Unde ut eos revocet a dissensione, inducit eos ad humilitatem vocando se servum. Corinthii vero erant peccatores, & rebelles; & ideo ut reprimaturorum protervium, ulus est hic nomine dignitatis, dicens se Apostolum.

Secundo ponitur cuius sit legatus, quia *Iesu Christi*. Infra v. 30. *Pro Christo legato, us fungimur*. Tertio ponitur modus quo adeptus est legationem: quia non iniectis se ut pseudo: Hierem. xxiii. 21. "Non mittam eos, & ipsi curabant: non est datus populo ex divino furore, iuxta illud Job xxxiv. 30. "Qui facit regnare hypochritam propter peccata populi." Osee xiii. 22. "Dabo tibi Regem, sed in furore meo." Est adeptus Apostolatum ex voluntate Dei, & beneplacito. Act. ix. 15. "Vas electionis est mihi iste." Et ideo dicit, *Per voluntatem Dei*.

Persona autem adiuncta, est Timotheus: unde dicit, *Et Timotheus frater*. Frater, inquam, propter fidem: Matth. xxiii. 2. "Omnes vos fratres estis." & propter dignitatem, quia Episcopus: & inde est quod Papa vocat omnes Episcopos fratres. Connumerat autem sibi Timotheum, quia cum ipse transisset per eos, sicut dixit in prima Epistola ult. cap. possent credere quod malitiose retulisset Apostolo ea de quibus ipse scribit ad eos.

Consequenter ponuntur personae salutatae: & primo principales; secundo adiunctae principalibus, in hoc quod dicit, *Ecclesiae Dei*, quae est totus populus fidelis tam (a) clerici, quam laici. I. Timoth. iii. 15. "Ut scias quomodo oporteat te conservari." *Qua est Corinthi*: quia Corinthus erat metropolis Achaiae. Sed adiunctae personae sunt omnes sancti, qui sunt unius

(a) cl. clero.

unius Spiritus sancti gratia renati . 1. Corinth. vi. 11. „ Sed abluti estis , sed sanctificati estis in Spiritu Dei nostri . “
Qui sunt in Achata , cuius metropolis est Corinthus . Istis autem personis salutatis optat Apostolus bona : unde dicit : *Gratia vobis , & pax* : & circa hoc duo facit . Primo ponit ipsa bona ; secundo ipsorum auctorem ibi , *A Deo Patre nostro , & Domino Iesu Christo* . Ponit autem ista duo extrema bona , ut in eis intelligantur media . Primum enim bonum est gratia , quæ est principium omnium bonorum : nam ante gratiam nihil est nisi diminutum in nobis . Ultimum autem omnium bonorum est pax , quia pax est generalis finis mentis : nam qualitercumque pax accipitur , habet rationem finis , & in gloria æterna , & in regimine , & in conversatione finis est pax . Psalm. cxlvi. 14. „ Qui posuit fines tuos pacem . “ Quis autem sit auctor horum bonorum , ostendit subdens : *A Deo Patre nostro , & Domino Iesu Christo* . Et hæc duo possunt dupliciter distingui : quia cum dicit , *A Deo Patre* , potest intelligi pro tota Trinitate : nam licet persona Patris dicatur Pater Christi per naturam , tamen tota Trinitas est Pater noster per creationem , & gubernationem . Esa. lxiii. 16. „ Et nunc Domine , pater noster es tu . “ Hier. lvi. 19. „ Patrem vocabis me . “
A Deo ergo Patre nostro , idest a tota Tri-

nitate proveniunt bona . Matth. vii. 11. „ Si vos cum sitis mali , nobis bona data dare filii vestri ; quanto magis Pater vester qui in cælis est , dabit bona petentibus se ? “

Sed si Deus Pater noster accipitur pro tota Trinitate , quare additur persona Filii , cum dicit , *Et Domino Iesu Christo* ? Numquid est alia persona a Trinitate ?

Dicendum , quod additur non propter aliam personam , sed propter aliam naturam , scilicet humanitatis assumptæ a Filio in personam divinam ; quam quidem Trinitati connumerat , quia omnia bona proveniunt nobis a Trinitate per incarnationem Christi . Et primo *gratia* . Ioan. 1. 17. „ Gratia , & veritas per Iesum Christum facta est . “ Secundo *pax* . Ephes. 1. 14. „ Ipse est pax nostra qui fecit utraque unum . “

Item cum dicit , *A Deo Patre nostro* , potest intelligi persona Patris solum ; & licet tota Trinitas sit Pater noster , ut dictum est , tamen persona Patris est Pater noster per appropriationem ; & sic hoc quod dicit , *Et Domino Iesu Christo* , intelligitur de persona Filii . De persona autem Spiritus sancti non fit hic mentio , quia , sicut dicit Augustinus , cum sit nexus Patris , & Filii , ubicumque ponitur persona Patris , & persona Filii , intelligitur persona Spiritus sancti .

L E C T I O II.

Benedictus Deus & Pater Domini nostri Iesu Christi , Pater misericordiarum , & Deus totius consolationis , qui consolatur nos in omni tribulatione nostra ; ut possimus & ipsi consolari eos qui in omni pressura sunt per exhortationem , qua exhortamur & ipsi a Deo : quoniam sicut abundant passionem Christi in nobis ; ita & per Christum abundat consolatio nostra .

Hic incipit Epistola , in qua Apostolus duo facit : primo enim excusat se de eo quod non ierit ad eos , sicut promiserat ; secundo prosequitur intentionem suam , cap. iiii. ibi , *discipulis iterum nosmetipsos commendare* ? Circa primum duo facit . Primo ponit excusationem de mora ; secundo moræ assignat causam , 11. cap. ibi , *Statui autem hoc ipsum apud me* . Circa primum duo facit : primo enim reddit eos benevolos ; secundo , excusationem ponit ibi , *Et hac confidentia volui prius venire ad vos* . Circa primum duo facit . Primo capit eorum benevolentiam recitando *S. Th. Oper. Tom VI.*

quedam in generali ; secundo quedam in speciali , ibi , *Non enim volumus ignorare vos , fratres , de tribulatione nostra quia facta est in Asia* . Benevolentiam autem eorum capit Apostolus ostendendo quod quidquid facit , totum facit ad eorum utilitatem ; & circa hoc duo facit . Primo præmittit utilitatem quæ ex ipso aliis provenit ; secundo rationem dictorum assignat , ibi , *Quoniam sicut abundans passio Christi in vobis , ita & per Christum abundat consolatio nostra* . Circa primum tria facit : primo enim ponitur gratiarum actio ; secundo actionis gratiarum modus , ibi , *Qui consolatur nos in*

Hhh omni

omni tribulatione nostra; tertio causa, ibi, *Ut possimus & ipsi consolari eos qui in omni pressura sunt*. Agit ergo gratias toti Trinitati, a qua provenit omne bonum; & ideo dicit, *Benedictus Deus*, id est tota Trinitas. Item personæ Patris, cum dicit, *Et Pater Domini nostri Jesu Christi*, per quem scilicet Christus Pater nobis omnia donavit.

Sed sciendum, quod nos benedicimus Deum, & Deus benedicit nobis; sed aliter, & aliter: nam dicere Dei, est facere. Psalm. cxlviii. 5. „Dixit, & facta sunt.“ Unde benedicere Dei est bonum facere, & bonum infundere; & sic habet rationem causalitatis. Genes. xxii. 17. „Benedicens benedicam tibi, & multiplicabo semen tuum.“ Dicere autem nostrum non est causale, sed recognoscitivum, seu expressivum: unde benedicere nostrum, idem est quod bonum recognoscere. Cum ergo gratias agimus Deo, benedicimus sibi, id est, recognoscimus eum bonum, & datorem omnium bonorum. Tob. xii. 20. „Benedicite Deum cæli, & narrate omnia mirabilia eius.“ Dan. xii. 57. „Benedicite omnia opera Domini Domino, laudate, & superexaltate eum in sæcula.“

Recte ergo gratias agit Patri, quia misericors est; unde dicit, *Pater misericordiarum*; & quia consolator, unde dicit, *Et Deus totius consolationis*. Et agit gratias de duobus, quibus homines maxime indigent. Primo enim indigent ut auferantur ab eis malis & hoc facit misericordia, quæ auferat miseriam; & misereri est proprium patri. Psalm. cxi. 13. „Quomodo miseretur pater filiorum, miseretur est Domini iustis mentibus se.“ Secundo indigent ut sustententur in malis quæ adveniunt; & illud est proprie consolari: quia nisi homo haberet aliquid in quo quiesceret cor eius, quando superveniunt mala, non subsisteret. Tunc ergo aliquis consolatur aliquem, quando offert ei aliquid refrigerium, in quo quiescat in malis. Et licet in aliquibus malis homo possit in aliquo consolari, & quiescere, & sustentari; tamen solus Deus est qui nos consolatur in omnibus malis: & ideo dicit, *Deus totius consolationis*: quia si peccas, consolatur te Deus, quia ipse misericors est; si affligeris, consolatur te, vel erucendo ab afflictione per potentiam suam, vel iudicando per iustitiam; si laboras, consolatur te remunerando. Genes. xv. 1. „Ego, merces tua magna nimis.“ Et ideo dicitur Matth. v. 5. „Beati qui lugent, quoniam ipsi consolabuntur.“ Materiam au-

tem gratiarum actionis subdit, dicens: *Qui consolatur nos in omni tribulatione nostra*; quæ si dicat: Ideo benedicimus, quia consolatur nos in omni tribulatione. Infra vii. 6. *Qui consolatur humiles*. Causam autem huius ponit cum dicit: *Ut possimus & ipsi consolari*. Ubi notandum est, quod in donis divinis est ordo. Ad hoc enim Deus dat aliquibus specialia dona, ut ipsi effundant illa in utilitatem aliorum: nos enim dat lumen soli ut sibi soli luceat, sed ut toti mundo. Unde vult quod de omnibus bonis nostris, si ve sit divitiæ, si ve potentia, si ve scientia, si ve sapientia, accreseat aliqua utilitas aliis. I. Pet. iv. 10. „Ut quisque gratiam quam accepit, in alterum illam administret.“ Hoc est ergo quod Apostolus dicit *Consolatur nos in omni tribulatione*. Sed quare? Non ut solum nobis hoc sit ad bonum, sed ut etiam aliis prodest: unde dicit: *Ut possimus & ipsi consolari eos*: possumus enim consolari alios per exemplum consolationis nostræ: qui enim non est consolatus, nescit consolari: Eccli. xxxiv. 11. „Qui non est tentatus, qualis scit?“ *Qui sunt in omni*, id est in qualibet, *pressura*. Esa. lxi. 1. „Spiritus Domini misit me... ut consolarem omnes lugentes.“ Eccli. xlviii. „Consolatur est lugentes in Sion.“ Possumus, dico, consolari per exhortationem ad tolerantiam passionum, promittendo præmia æterna: quia scilicet exhortamur vos per Scripturas, & internas inspirationes, ut patienter sustineamus, & alios exhortemur exemplo nostro, & per ipsas Scripturas. I. Corinth. xi. 23. „Ego enim accipi a Domino quod & tradidi vobis.“ Esa. xxi. 10. „Quæ audivi a Domino exercituum Deo Israel, annuntiavi vobis.“

Posita utilitate quæ ex Apostolis aliis provenit, dictorum consequenter rationem assignat, dicens: *Quoniam sicut abundant passionem Christi in nobis, ita & per Christum abundas consolatio nostra*. Et quia duo dixerat, scilicet quod Deus consolatur nos in omni tribulatione, & quod possumus & ipsi consolari alios; hic rationem horum duorum exponit: & primo ostendit quomodo Deus consolatur nos in omni tribulatione; secundo quomodo consolatio nostra convertitur in consolationem aliorum, ibi, *Sive autem tribulamur, pro vestra exhortatione, & salute*. Dicit ergo: Recte dico, quod consolatur nos in omni tribulatione nostra: quia secundum quod abundas passionem Christi in nobis, ita & per Christum abundas consolatio nostra. Dicit, *Christi*, id est inchoat a Chri-

a Chri-

2 Christo. Ezechiel. ix. 6. „A sancluario
meo incipite. “ In Christo inceperunt
passiones pro peccatis nostris: quia „ ipse
„ peccata nostra pertulit in corpore suo
„ super lignum: “ I. Petri 21. 24. „ De-
„ inde per Apostolos, qui dicebant, „ Mor-
„ tificamur tota die, “ Plal. xliii. 22.
Deinde per Martyres, qui secuti sunt, ten-
tati sunt &c. Heb. xi. Ultimo ipsi pecca-
tores pro suis peccatis patienter iram Do-
mini portabant, (a) quia peccaverunt.
Vel *passiones Christi*, idest quas sustinemus

propter Christum. Act. v. 41. „ Ibant A-
„ postoli gaudentes a conspectu concilii,
„ quoniam iam digoi habiti sunt pro nomine
„ Iesu contumeliam pati: “ & Plal. xliiii.
22. „ Propter te mortificamur tota die,
„ ætternitati sumus sicut oves occisionis. “
Sicut, inquam, huiusmodi *passiones abundans*,
sic *abundans per Christum consolatio nostra*.
Plal. xciiii. 19. „ Secundum multitudinem
„ dolorum meorum in corde meo, conso-
„ lationes tuæ lætificaverunt animam
„ meam, “

L E C T I O III.

Sive autem tribulamur, pro vestra exhortatione, & salute; sive consolamur, pro
vestra consolatione; sive exhortamur, pro vestra exhortatione, & salute: quæ
operatur tolerantiam earumdem passionum quas & nos patimur; ut spes nostra fir-
ma sit pro vobis: scientes quoniam sicut socii passionum estis, sic eritis & conso-
lationis. Non enim volumus ignorare vos, fratres, de tribulatione nostra quæ fa-
cta est in Asia, quoniam supra modum gravati sumus supra virtutem, ita ut tæ-
deret nos etiam vivere. Sed ipsi in nobis ipsi responsum mortis habuimus, ut
non simus fidentes in nobis, sed in Deo, qui suscitavit mortuos; qui de tantis per-
iculis nos eripuit, & eruit; in quem speramus quoniam] & adhuc eripiet, audiu-
rantibus vobis in oratione pro nobis; * ut ex multarum personarum facierum, eius
quæ in nobis est donationis, per multos gratiæ agantur pro nobis.

Postquam Apostolus ostendit quod Deus
consolatur servos suos in tribulationi-
bus, scilicet ministros fidei, & prædica-
tores hic consequenter manifestat quod eo-
rum consolatio cedit ad bonum aliorum:
& circa hoc duo facit. Primo manifestat
qualiter eorum consolatio sit ad aliorum u-
tilitatem, & salutem; secundo ordinem hu-
ius consolationis, & salutis insinuat, ibi,
Qua operatur tolerantiam earumdem passionum.
Circæ primum advertendum est, quod tria
dicit. Apostolus se recepisse: tribulationem,
cum dicit, *In omni tribulatione nostra*; con-
solationem, cum dicit, *Qui consolatur nos*;
exhortationem, cum subdit, *Ut possimus &*
ipse consolari eos qui in omni pressura sunt.
Accipiendo ergo hæc tria passive, dicimus,
quod Apostoli consolantur, tribulantur, &
exhortantur. Unde & tria ostendit Apo-
stolus cedere ad consolationem aliorum; &
hoc in quodam ordine. Et primo eorum
tribulationem, cum dicit: (b) *Sive tribu-*
lamur pro vestra exhortatione, & salute; qua-
si dicit: Vere quidquam recipimus, est in
bonum vestrum: quia *sive tribulamur pro ve-*
stra exhortatione, & salute, quia scilicet no-

stro exemplo monet vos Deus ad passionum
tolerantiam, unde provenit vobis salus æ-
terna. Unde I. Mach. vi. legitur, quod o-
stenderunt elephantis sanguinem uræ; &
mororum, ut acuerent eos ad bellum: quod
fit quando tepidis, & pigris adhibentur
passiones sanctorum in exemplum. Secun-
do ostendit quod eorum consolatio in alio-
rum utilitatem cedit, cum dicit, *Sive con-*
solamur; quasi dicat: Ipsa nostra consolatio
qua nos spe præmii consolamur, est ad con-
solationem vestram, inquantum exem-
plo nostro vos etiam earumdem spem præ-
mii habentes, gaudetis. Tertio ostendit
quod eorum exhortatio passiva est ad
bonum aliorum, dicens: *Sive exhorta-*
mur, per internam inspirationem, vel per
flagella, hoc est *pro vestra exhortatione*, scilicet
ut vos ad maiora animemini, & sa-
lutem speretis: unde dicitur II. Mach. ult.
quod exhortati sermonibus Iudæ statuerunt
dimicare, & configere fortiter. Infra (hoc
cap.) *Adjuvantibus* (c) *vobis in oratione*
pro nobis.

Huius autem consolationis, & salutis or-
dinem insinuat, cum subdit: *Qua operatur*
Hhh 2 *sol-*

* Vulgata, ut ex multorum personarum.

(a) Al. quia peccaverunt ei. (b) Al. Sive inquit. (c) Al. Adjuvantibus autem &c.

tolerantiam eorumdem passionum quas & nos patimur; & circa hoc duo facit. Primo ostendit patientiam habitam in adversis; secundo manifestat fructum qui ex patientia provenit, ibi, *ut spes nostra firma sit pro vobis*. Dicit ergo: Dico, quod hæc ad vestram salutem cedunt; quæ salus est vobis in hoc, inquantum exemplo nostri estis fortes ad tolerantiam passionum, & ut patienter sustineatis passionem quas & oos patimur. Luc. 22. 19., In patientia vestra possidebitis animas vestras. "Iacob. v. 16. Exemplum accipite, fratres mei, exitus mali, laboris, & patientiæ, Prophetas." Ex qua quidem patientia provenit vobis fructus: quia ex hoc spes nostra firma est pro vobis, quod efficiamini heredes vitæ æternæ. Rom. v. 3., Tribulatio patientiam operatur, patientia vero spem. "Gregorius: "Taoto spes in Deum solidior surgit, quanto quis graviora proi nominis eius pertulerit. "Nam ex passionibus quas sustinent sancti Dei pro Christo, concurrit eis spes vitæ æternæ: & causa spei huius est, quia sumus scientes, quia sicut esset socii nostri in passionibus, ita socii & consolationis, idest vitæ æternæ. Il. Timoth. 11. 12., Fidelis sermo: nam si commotui sumus, & convivemus; si sustinebimus, & conregnabimus." I. Petr. 1v. 13., Communicantes Christi passionibus, gaude, ut & in revelatione gloriæ eius gaudeatis exultantes."

Consequenter cum dicit, *Non enim volumus vos ignorare de tribulatione nostra quæ facta est in Asia*, capeat eorum benevolentiam, recitanda quædam in speciali; & circa hoc tria facit: primo enim describit persecutionem quam passus est in Asia; secundo specialem ei consolationem collatam, ibi, *Qui de tantis periculis nos eripuit*; tertio subdit consolationis causam, ibi, *Nam gloria nostra hæc est, testimonium conscientia nostra*. Dicit ergo primum: Non solum ea quæ dicta sunt de tribulationibus in generali, bonum est vos scire; sed non volumus vos ignorare, quia scire est utile vobis, inquantum exemplo nostri patientiores estis. *Belimus*, inquam, *vos ignorare de tribulatione nostra*. Thien. 111. 19., Recordare paupertatis meæ, & transgressionis, abusus, thii, & fellis. "Hæc est illa persecutio de qua legitur Act. xix. quæ facta est Apostolo ab Asia quodam argentario, concitante plebem contra eum: quam quidem Apostolus exaggerat a tribus, Ex loco, quia

in Asia; & hoc est quod dicit: *Quæ, scilicet tribulatio, facta est in Asia*, idest apud Ephesum, quæ est in Asia; ubi debuisset magis honorari, & consolari. Ex acerbitate, quia supra consuetudinem humanarum passionum; & ideo dicit: *Quoniam supra modum sumus gravati*. Item supra posse; & ideo dicit, *Supra virtutem*.

Sed contra. I. Corioth. x. 23., Fidelis Deus, qui non patietur vos tentari supra id quod potestis. "Respondeo. Dicendum, quod pati supra virtutem potest intelligi dupliciter: vel supra virtutem naturalem, & de hac loquitur hic, supra quam Deus aliquando permittit sanctos tentari; vel supra virtutem gratiæ, & de hac intelligitur illud I. Corioth. x. 13., Fidelis Deus, qui non patietur vos tentari supra id quod potestis: "supra quam non permittit aliquem Deus tentari. Et quod Apostolus loquitur hic de virtute naturali, ostendit consequenter cum dicit: *Ita ut tædior nos vitæ*. Constat enim quod inter alia, vivere magis desideratur. Quando ergo est tanta persecutio ut & ipsa vita reddatur tædiola, manifestum est quod est supra virtutem naturæ: & hoc est quod dicit: *Ita ut tædior nos vitæ*; quasi dicat: Sic erat gravis persecutio ut vita esset nobis tædiola. Job x. 1., Tædet animam meam vitæ meæ."

Contra. Iacob. 1. 2., Omne gaudium existimate, fratres mei, cum in sententias varias incideritis. "Respondeo. Dicendum, quod tribulatio potest considerari dupliciter: vel secundum se, & sic est tædiola; vel in comparatione ad finem, (a) & sic est iucunda, inquantum propter Deum, & spem vitæ æternæ sustinemur.

Et non solum erat nobis tædiola vitæ, sed oramus certi de morte: unde dicit: *Sed ipsi in nobis responsum mortis*, idest certitudinem mortis, habuimus; quasi dicat: Opinio mea dictabat mihi hoc quod deberem mori. Vel aliter. *Responsum mortis*, idest ipsa ratio diceret, & eligeret mori propter tedium vitæ. Exaggerat etiam tribulationem ex causa: unde dicit: *Et non sumus in nobis fidentes*, scilicet ut reprimatur humana superbia: Hierem. xvi., Domine, fortitudo mea, & robur meum: "sed in omnibus confidamus de Deo: Hierem. xxi. 7., Benedictus qui confidit in Domino, & erit Dominus fiducia eius."

Et ideo dicit: *Sed in Deo qui suscitavit mor-*

1863.

(a) id. & est.

rom. I. Reg. 11. 6. „Dominus mortificat, & vivificat.“ Sed quia Dominus non derelinquit sperantes in se, ideo subdit Apostolus consolationem ei factam a Domino, dicens: *Qui de tantis periculis nos eripuit.* Et circa hoc tria facit. Primo describit consolationem presentem, contra mala præterita; secundo consolationem futuram; tertio causam spei (a). Dicit ergo: Consolati sumus a Deo, *qui eripuit nos in præterito de tantis periculis*, (b) *et eruit in presenti*, quia non cessat liberare. Ela. xlii. 2. „Cum transferis per a. quas tecum ero, & flumina non operient te.“ *In quem speramus quoniam eripiet; & adiecit, in futuro.* Eccli. 11. 9. „Qui timebit Dominum, sperate in illum.“ Huius autem spei causam nobis præbent orationes vestræ: unde dicit: *Adiuvantibus vobis nos in orationibus*, quas pro nobis facitis. Prov. xviii. 19. „Frater qui iuvatur a fratre, quasi civitas firmata.“ Rom. xv. 30. „Obsecro vos, fratres, per Dominum Iesum Christum, & per caritatem sancti Spiritus, ut adiuventis me in orationibus vestris pro me ad Deum.“ Quæ quidem orationes necessariæ sunt, quia Deus multa bona confert uni ad preces multorum: cuius ratio est, quia Deus de bonis quæ confert vult ex-

hiberi sibi gratias, & quod multi ex hoc teneantur ad gratiarum actiones. Hoc autem fit quando ex eo quod dat uni ad preces multorum, obligat sibi omnes ad quorum preces confert bonum aliquod; ut sic non solum ille cui confert; sed etiam ipsi rogantes gratias referant Deo. Et hoc est quod dicit: *Ut ex multarum personis facierum, eius qua in nobis est donationis per multas gratias agantur pro nobis.* Et dicit, *Ex multarum personis facierum*, vel quantum ad ætatem, vel quantum ad conditionem, vel quantum ad diversitatem gentium, vel morum. *Eius qua in nobis est donationis*, idest pro illa donatione, scilicet fidei, quæ in nobis est, per multos agantur gratia Deo pro nobis. Ephes. v. 20. „Gratias agentes Deo, & Patri.“ Vel aliter. *Ut ex multarum personis facierum*, idest conditionum personis, dico, *eius donationis qua est in nobis*, idest quæ habent idem donum, scilicet fidei, vel caritatis, idest ex multis personis illorum qui sunt in fide Christi, agantur gratia pro nobis. Et sic secundum hanc expositionem per diversas facies intelliguntur diversæ virtutes, ut facies unius dicatur illa virtus in qua præminet; sicut facies Iob, patientia; facies David, humilitas; & sic de aliis.

LECTIO IV.

Nam gloria nostra hæc est, testimonium conscientiæ nostræ, quod in simplicitate cordis, & in sinceritate Dei; & non in sapientia carnali, sed in gratia Dei conversati sumus in hoc mundo; abundantius autem ad vos. Non enim alia scribimus vobis quam quæ legistis, & cognovistis. Spero autem quod usque in finem cognoscetis, sicut & cognovistis nos ex parte: quia gloria vestra sumus, sicut & vos nostra in die Domini nostri Iesu Christi.

Post consolationem Apostolo a Deo facta post persecutionem, hic consequenter consolationis causam assignat, quæ est de spe divini auxilii; & circa hoc duo facit. Primo proponit causam spei; secundo adducit ad hoc testimonium eorum quibus scribit, ibi, *Non enim alia scribimus vobis quam quæ legistis.* Dicit ergo: Dico, quod speramus adhuc eripi a Domino, & consolari: nam gloria nostra hæc est, testimonium conscientiæ nostræ, quæ dicitur: Causa huius est bona conscientia nostra: spes enim est expectatio futurorum ex gratia, & meritis proveniens. Unde & circa hoc tria facit.

Primo ostendit gloriam quam habet de testimonio puræ conscientiæ; secundo causam huius gloriæ insinuat, ibi, *Quod in simplicitate cordis conversati sumus*; tertio manifestat unde proveniat hæc causa, ibi, *Et non in sapientia carnali.* Dicit ergo: Ideo spero, & confido de Deo: quia gloria nostra hæc est, testimonium conscientiæ nostræ; idest, gloriæ ex testimonio, & puritate conscientiæ nostræ: ex quibus secure potest considerare de Deo. I. Ioan. 111. 21. „Si cor nostrum non reprehenderit nos, fiduciam habemus ad Deum.“ Rom. vii. 16. „Ipsæ Spiritus testimonium reddit spi-

ritui

(a) Ad. hic additur dicit. (b) Ad. de eripuit.

„ritui nostro, quod sumus filii Dei.“ Notandum autem, quod conscientia testimonium verum est, quia non decipit: multi enim exterius videntur boni, qui in conscientia sua non sunt boni: & semper durat. Sed non dicit, *Conscientia* aliorum, sed *nostra*: quia semper homo plus debet stare testimonio conscientiae suae de se, quam testimonio aliorum: quod non faciunt illi qui reputant se bonos ex hoc quod alii sunt mali, non ex hoc quod ipsi in veritate boni sint: & illi qui gloriantur de bonitate alicuius boni viri, qui eis aliqua affinitate coniungitur. Causam autem huius gloriæ insinuat, dicens: *Quod in simplicitate cordis ... conversati sumus*: quæ consistit in duobus: in duobus enim consistit puritas conscientiae, ut scilicet ea quæ facit, sint bona, & quod intentio facientis sit recta; & ista dicit Apostolus de se. Primo quod habet intentionem rectam ad Deum in operibus suis; & ideo dicit: *Quod in simplicitate cordis*, id est in reſtitutione intentionis. Sap. 1. 1. „In simplicitate cor., disquerite Deum.“ Proverb. xi. 3. „Sim., plicitas iustorum dirigit eos.“ Secundo quod ea quæ facit sunt bona; & ideo dicit, *Et sinceritate operationis*. Philip. 1. 10. „Ut sitis sinceri, & sine offensa.“ Unde autem proveniat huius gloriæ causa, manifestat subdus: *Sed non in sapientia carnalis*. Hoc potest dupliciter legi. Primo ut referatur ad hoc quod immediate præcedit, scilicet *Dei*; & tunc est insinuatium, unde veniat ei sinceritas, & simplicitas; quasi dicat: Multi antiqui fuerunt sapientes in sapientia terrena, sicut Philosophi, & multi Iudæi pure vixerunt confidentes in iustitia legis; sed nos non in sapientia carnali, quæ secundum naturas rerum, vel desideria carnis est, sed in gratia Dei conversati sumus in hoc mundo. Rom. viii. 6. „Prudentia carnis mors est; prudentia autem „spiritus, vita, & pax.“ I. Corinth. 1. 4. „Non in persuasibilibus humanæ sapientiae verbis, sed in offensione spiritus, & virtutis.“ Ibidem xv. 10. „Gratia Dei sum id quod sum.“ Vel etiam secundum hunc modum, non in sapientia carnali, id est quasi innixis humanæ sapientiæ; sed gratiæ Dei. Proverb. 1. 5. „Ne innotatis prudentiæ tuæ.“ Alio modo potest exponi, ut hoc quod dicit, *in simplicitate cordis, & sinceritate Dei*, referatur ad puritatem vitæ; hoc vero quod dicit, *Non*

in sapientia carnali, sed in gratia Dei, referatur ad veritatem doctrinæ; quasi dicat: Sicut vita nostra est in simplicitate, & sinceritate Dei: sic doctrina non est in sapientia carnali, sed in gratia Dei. Sed tamen duæ primæ magis valent. Et licet sic bene conversati sumus in mundo isto, tamen abundantius quantum ad vos: quia scilicet ab aliis Ecclesiis receperat sumptus, ab eis non. Infra xi. 8. *Alias Ecclesias expoliavi*. Et ratio huius potest esse, quia avari erant unde ne contristeret eos, noluit ab eis recipere sumptus.

Consequenter huius sanctæ suæ conversationis testimonium eorum invocatur, dicens: *Non enim alia scribimus vobis quam quæ legistis, & cognovistis*; quasi dicat: Hæc quæ scribimus vobis, non sunt vobis incognita, quia iam legistis ea in prima Epistola, & cognovistis per experientiam operum. I. Ioan. 1. 7. „Non mandatum novum scribo vobis, sed mandatum vetus.“ Et licet non perfecte cognoveritis, quia comparastis vobis pseudoapostolos; *spero tamen quod usque in finem*, scilicet vitæ, cognovistis, scilicet perfecte, sicut usque modo cognovistis nos ex parte. Cuius ratio est, quia cum quis videt aliquem aliquid bene incipere, debet sperare quod semper bene proficiat. Et quare? „Quia qui cepit in vobis opus bonum, perhiet usque in diem Christi Iesu;“ ut dicitur Phil. 1. 6. *Et cognoscitis quia nos sumus gloria vestra*; id est, per nos debetis consequi gloriam æternam, ad quam homo pervenit per fidem Christi, quam prædicamus vobis. Prov. xvii. 6. „Gloria filiorum sunt patres eorum.“ Ita, dico, sumus gloria vestra, sicut & vos gloria nostra estis: quia per vos a nobis instructos habere speramus præmium æternæ gloriæ. I. Thess. 1. 19. „Quæ est spes nostra, aut corona gloriæ nostræ? „Nonne vos? Et hæc gloria erit nobis ex vobis in die Domini nostri Iesu Christi, id est (a) in die iudicii; qui dicitur Christus, quia tunc faciet voluntatem suam cum peccatoribus, ponendo eos qui in hoc mundo fecerunt voluntatem suam, (b) contra Christi Domini voluntatem peccando. Psalm. lxxiv. 3. „Cum accepero tempus, ego iustitias iudicabo.“ Apocal. xx. 12. „Libri aperti sunt, & iudicati sunt mortui ex his quæ scripta erant in libris, secundum opera ipsorum.“

LE-

(a) *Ad emendationem* in die. (b) *Ad despectum* contra Christi Domini voluntatem.

LECTIO V.

ET hac confidentia volui prius venire ad vos, ut secundam gratiam haberetis; & per vos transire in Macedoniam, & iterum a Macedonia venire ad vos, & a vobis deduci in Iudæam. Cum ergo hoc voluissim, numquid levitate usus sum? Aut quæ cogito, secundum carnem cogito, ut sit apud me Est, & Non? Fidelis autem Deus, quia sermo noster qui fuit apud vos, non est in illo Est, & Non, sed est in illo Est. Dei enim filius Iesus Christus, qui in vobis per nos prædicatus est, per me, & Silvanum, & Timotheum, non fuit in illo Est, & Non, sed Est in illo fuit. Quotquot enim promissiones Dei sunt in illo Est; idcirco & per ipsum amen Deo ad gloriam vestram. Qui autem confirmat nos vobiscum in Christo, & qui unxit nos, Deus, qui & signavit nos, & dedit pignus Spiritus in cordibus nostris. Ego autem testem Deum invoco in animam meam, quod parens vobis non veni ultra Corinthum: non quia dominamur fidei vestræ, sed adiutores sumus gaudii vestri: nam fide statis.

Apostolus capata benevolentia Corinthiorum, consequenter exultationem suam addit; & circa hoc tria facit: primo enim ponit intentum; secundo sub questione accusationem contra eum ab eis factam exponit, ibi, *Cum ergo hoc voluissim, numquid levitate usus sum?* tertio excusat se, ibi, *Fidelis autem Deus*. Circa primum sciendum est, quod Apostolus in prima Epistola (quam nos non habemus) missa ab eo Corinthiis, vel per nuntium promiserat eis quod primo iret ad eos antequam iret in Macedoniam, & per eos iret in Macedoniam, & iterum inde rediret in Achaïam, in qua est Corinthus, & de Achaïa in Iudæam; postmodum in secunda Epistola, quam nos habemus primam, scribit eis quod primo iret in Macedoniam, & postmodum iret in Corinthum. Quia ergo videtur secundum hoc contrarium primæ promissioni, Apostolus excusat se modo de hoc, ponens primo ipsam promissionem primo factam; & ideo dicit: *Et hac confidentia*; quasi dicat: Vos scitis puritatem, & sinceritatem meam; & esis testes mei, & gloria mea; ideo in hac confidentia, id est in hoc confusus, quia per alterutrum glorificari speramus, volui primo venire ad vos, ut secundam gratiam haberetis: quia secunda visitatio, & confirmatio in fide, dicitur secunda gratia respectu conversionis quam primo habuerunt ministerio, & prædicatione ipsius: & per vos transire in Macedoniam, & iterum a Macedonia venire ad vos, & a vobis deduci in Iudæam. Ille est ordo primæ promissionis: sed in præcedenti Epistola est ordo contrarius, sicut dictum est.

Consequenter huius mutationis accusa-

tionem, qua accusabant eum Corinthii, ponit sub questione, dicens: *Cum ergo hoc voluissim, numquid levitate usus sum?* Duo imponebant ei ex hoc: levitatem, quia mutaverat propositum: Eccl. xxv. 12. „Stultus ut luna mutatur.“ & carnalitatem, quia visum erat eis quod ex levitate carnali, & humano affectu hoc fecisset. Unde hæc duo tangit: & primo levitatem, unde dicit: *Numquid levitate usus sum, si non teci quod aliquando volui? Abiit.* Esther xvi. 9. „Nec putare debetis, si diversa iubeamus, ex animi levitate venire.“ Psal. xxxiv. 18. „In populo gravi laudabo te.“ Secundo tangit carnalitatem, cum dicit: *Aur numquid ea qua cogito, facienda, vel dimittenda, secundum carnem cogito?* id est secundum aliquem carnalem affectum; ut sit apud me Est, & Non, id est affirmatio, & negatio. Infra x. 2. *Arbitrantur nos tamquam secundum carnem ambulamus.* Iacob. 1. 8. „Vir duplex animo, inconstans est in omnibus viis suis.“

Explicata eorum accusatione, consequenter exultat se, dicens: *Fidelis autem Deus, quia sermo noster qui fuit apud vos, non est in illo Est, & Non:* & circa hoc duo facit. Primo insinuat se non fuisse mentitum; secundo ostendit quomodo non fuit mentitus, ibi, *Qui autem confirmat nos vobiscum in Christo, & qui unxit nos, Deus.* Quod autem non fuerit mentitus, excusat se dupliciter, scilicet ex consuetudine, & ex causa. Ex consuetudine quidem, quia non debet credi quod aliquis de facili mentiar qui numquam inventus est mendax: secundum hanc expositionem, *Fidelis Deus* accipitur (a) in vi iuramenti; quasi testis sit

* Sic scribitur in Vulgata, utitur autem D. Thomas. ** Vulgata, non fuit Est. (a) A. in via.

fit mihi Deus, quod sermo meus, scilicet prædicationis, qui fuit apud vos, non est in illa Est, & Non; idest, non est in illo falsitas. Deut. xxxiii. 4. „Deus fidelis, & absque ulla iniquitate, iustus, & rectus.“ Si autem famatur *Fidelis Deus* &c. pro veritate divinæ promissionis, tunc est lenius. *Fidelis est Deus*; idest, servat promissa sua. Promiserat autem mittere ad vos prædicatorum veritatis. Hier. lxxv. 15. „Dabovobis pastores iuxta cor meum.“ Et ideo cum sum missus ab eo, sermo noster qui fuit apud vos, non est in illo Est, & Non: sicut supra. Ex causa excusati se, cum dicit: *Dei enim Filius Iesus Christus* &c. & hoc dupliciter, scilicet motiva, & efficiente, ibi, *Qui autem confirmat nos vobiscum in Christo, & qui unxit nos, Deus*. Causa autem motiva ad non mentiendum est, quia qui assumit aliquod officium, naturaliter moveatur ad ea quæ congruunt illi officio, & non ad contraria; sed constat quod officium apostolicum est prædicare veritatem: non ergo moveatur ad contrarium veritatis, quod est mentiri. Et circa hoc tria facit. Primo probat veritatem dicti sui per dictum Christum; secundo veritatem Christi per dictum Dei, ibi, *Quæque (a) enim promissiones Dei sunt in illo Est*; tertio concludit suum propositum, ibi, *Ideo & per ipsum Amen Deo ad gloriam nostram*. Dicit ergo primo: Dico, quod dicta nostra debent reputari vera, & vera sunt: quia prædicavimus Christum, in quo non fuit aliqua falsitas; & hoc est quod dicit: *Dei enim Filius Christus, qui est prædicatus per nos in vobis, per me, scilicet principaliter, & Silvanum secundario*. Ille est Silas, de quo habetur Ador. xviii. & Timotheum de quo supra: isti enim duo fuerunt cum Apostolo, quando primo convertit eos. In illo, scilicet Filio Dei, non fuit Est, & Non, idest falsitas; vel non fecit quod non convenit; sed fuit in illo Est, idest veritas: nam verum, & ens convertuntur. Ioan. xiv. 6. „Ego sum via, veritas, & vita.“ Sed quia posset videri dubium hoc quod dicit, quod in Christo non fuit falsitas, ideo statim hoc probat, subdens: *Quæque enim promissiones Dei sunt in illo Est*: & probat hoc modo. Constat quod in illo quod est manifestativum divinæ veritatis, non potest esse falsitas; Filius Dei venit ad manifestandum divinam veritatem in promissionibus a Deo factis complendis per ipsum: ergo in ipso non est falsitas. Et hoc est

quod dicit: *Non est in Filio Dei Est, & Non, sed Est*: quia quæque promissiones Dei, scilicet sunt factæ hominibus, in illo, idest in Christo, Est; idest, in Christo verificantur, & complentur. Rom. xv. 8. „Dico Iesum Christum ministrum fuisse circumcisionis propter veritatem Dei, ad confirmandas promissiones patrum.“ Ex his ergo concludit, quod postquam dicta sua vera sunt, quia prædicat Filium Dei, in quo est veritas; ideo & per ipsum, scilicet Christum, dicimus, Amen Deo, idest verum. Apocal. xii. 14. „Hæc dicit: Amen testis fidelis, & verus.“ Esa. lxxv. 16. „Qui benedictus est in terra, benedictus in Deo, amen.“ Et istam veritatem dicimus Deo, idest ad honorem Dei, scilicet manifestantes eius veritatem, & gloriam nostram: quia gloria nostra est conversio vestra. Vel gloria nostra: quia gloria nostra est ostendere, & prædicare verbum Dei.

Consequenter cum dicit, *Qui autem confirmat nos vobiscum in Christo, & qui unxit nos, Deus*, probat Apostolus quod non est mentitus, per causam efficientem. Licet enim homo ex libero arbitrio possit uti lingua sua ad verum, vel ad falsum loquendum; nihilominus tamen Deus potest confirmare hominem sic in vero ut non nisi vera loquatur. Si ergo Deus aliquem confirmaret in vero, manifestum est quod non diceret falsum; sed Deus confirmat nos in veritate: ergo &c. Et ideo dicit, quod Deus est qui confirmat vos vobiscum in Christo, idest in vera prædicatione Christi; quasi dicat: Si Christus esset extra nos, possemus mentiri; sed quia est nobiscum, & nos sumus in Christo, non mentimur. Psal. lxxiv. 4. „Ego confirmavi columbas eius.“ Sumus ergo in Christo dupliciter, scilicet per gratiam, & per gloriam. Per gratiam quidem sumus, in quantum uncti sumus Spiritu sancti gratia, & effectus sumus membra Christi, & iuncti sibi; quæ etiam gratia Christus unctus est secundum quod homo. Psal. xlv. 8. „Unxit te Deus Deus tuus oleo lætitiæ præ consoloribus tuis.“ Et ex plenitudine illius unctionis redundavit in omnes suos, „sicut unguentum in capite (scilicet Christo) quod descendit in barbam, barbam Aaron.“ Psal. cxxxii. 2. Et ideo dicit, quod unxit nos Deus. Unxit, inquam, in Reges, & Sacerdotes. Apocal. v. 10. „Fecisti nos Deo nostro regnum, & sacerdotes.“ I. Petr. ii. 9. „Vos autem genus (b) electum,

(a) Al. autem, & sic infra. (b) Al. electorum.

„Nam, regale sacerdotium, gens sancta.“ Unionem autem quæ est per gloriam non habemus in re, sed in spe certa, inquam habemus firmam spem vitæ æternæ. Et habemus duplicem certitudinem spei (a) huius unionis consequendæ. Una est per signum, alia per pignus. Per signum evidens, quia fidei: undedicat: *Qui signavit nos signo fidei Christi*. Item signum crucis. (b) Ezech. 1. 4. „Signa thau,“ idest signum crucis. Apocal. 1. 11. „Quoadusque signemus servos Dei nostri in frontibus eorum.“ Et hoc per Spiritum sanctum. Rom. 1. 11. 9. „Si quis Spiritum Christi non habet, hic non est eius.“ Et ideo speciale, & certum signum est vitæ æternæ consequendæ configurari Christo. Cantic. 1. 11. 6. „Pone me ut signaculum suum, per cor tuum.“ Vel signavit signo vitæ per pignus vere maximum, quia Spiritus sancti; & ideo dicit: *Dedit pignus Spiritus in cordibus nostris*; de quo certum est quod nullus potest eum accipere a nobis.

Sed nota. In pignore duo sunt consideranda, scilicet quod faciat spem habendæ rei, & quod valeat tantum quantum valet res, vel plus: & hæc duo sunt in Spiritu sancto: quia si consideremus substantiam Spiritus sancti, sic valet tantum Spiritus sanctus quantum vita æterna, quæ est ipse Deus: quia scilicet valet quantum omnes tres personæ. Si vero consideretur modus habendi, sic facit spem, & non possessionem vitæ æternæ: quia nondum perfecte habemus ipsum in vita ista. Et ideo non perfecte beati sumus, nisi quando perfecte (c) habebimus

in patria. Ephes. 1. 13. „Signati estis Spiritu.“ Consequenter cum dicit, *Ego autem testem Deum invoco*, exultat se de eo quod non venit; & hoc per iuramentum, quod maius est: & circa hoc tria facit. Primo ponit suam excusationem. Secundo respondet tacite quæstioni, ibi, *Non quia dominamur*; tertio exponit quod dicit, ibi, *Nam fide statis*. Excusat se autem per iuramentum duplex: unum attestationis, cum dicit, *Ego autem testem Deum invoco*; aliud execrationis, cum dicit, *In animam meam*, idest contra animam meam. Rom. 1. 9. „Testis est mihi Deus, cui servo in Spiritu meo in Evangelio Filii eius.“ Testem, inquam, invoco Deum, quia non veni ultra, idest post primam vicem, vel postquam discessi a vobis; & hoc feci parces vobis, scilicet quia ipse sciebat eos incorrigibiles. Unde si invisset tunc, aut punivisset, & sic forte recessissent totaliter a fide; aut non punivisset, & sic dedisset occasionem migis peccandi. Sed quia aliquis posset dicere: Quare dicis, *Parces vobis*? numquid Dominus noster es? ideo consequenter hoc removet, dicens: *Non dico quia dominamur fidei vestrae, sed adiutores sumus gaudii vestri*; quasi dicat: Non dico hoc ut dominus, sed ut coadiutor. I. Petr. 5. 3. „Non enim dominales in clericis, sed forma facti gregis, ex animo.“ Adjutor, inquam, *gaudii vestri*, vel emendationis vestrae. Quare autem dicat, *Fidei vestrae*, exponit consequenter, dicens: *Nam fide statis*; idest, in gratia ista Christi per fidem.

CAPITIS SECUNDI

LECTIO I.

Statui autem hoc ipsum apud me, ne iterum in tristitia venirem ad vos. Si enim ego contristo vos, & quis est qui me lætificet, nisi qui contristatur ex me? Et hoc ipsum scripsi vobis, ut non cum venero, tristitiam super tristitiam habeam, de quibus oportuerat me gaudere, confidens in omnibus vobis, quia gaudium meum omnium vestrum est. Nam ex multa tribulatione & angustia cordis scripsi vobis per multas lacrymas, non ut contristemini, sed ut sciatis quam caritatem habeam abundantius in vobis.

Apollolus supra posuit excusationem in hoc vero insinuat causam tantæ moræ, & generali de mora eandem Corinthios; quomodo eis peperit. Circa hoc autem duo s. Th. Oper. Tom. VI.

Iii

facit

(a) d. unus unionis. (b) *Id* „Ex dicit Dominus ad eum: Transi per mediam civitatem in medio Hierusalem; & signa thau super frontes virorum cententium, & dolentium super cunctis abominacionibus quæ sunt in medio eius.“ (c) d. habuimus.

facit: primo enim inſinuat unam cauſam dilationis fuiſſe, ne in aduentu ſuo, triſtiti- am inferret eis; ſecundo offendit aliam cauſam fuiſſe, ne fructus quem apud alios ſperabat, & inceperat facere, impedire- tur, ibi, *Cum uniſſim autem Troadem pro- pter Evangelium Chriſti . . . non habui requiem ſpiritus meo, eo quod non invenimus Ti- tum*. Circa primum duo facit. Primo offen- dit cauſam dilationis eſſe in communi, ne triſtiti- am inferret; ſecundo loquitur in ſpeci- ali de quodam qui eum contriſtaverat, ibi, *Si quis autem contriſtavit me, non me contriſta- vit &c.* Circa primum tria facit. Primo assignat rationem quare venire diſtulit; ſe- cundo cauſam diſti (a) assignat, ibi, *Si enim ego contriſto vos, & quis eſt qui me la- tiſcit?* tertio maniſteſtat quare dixit, ibi, *Nam ex multa tribulatione, & anguſtia cor- dis ſcripſi vobis*. Dicit ergo: Dixi, quod non veni ad vos, parcens vobis, in hoc ſcilicet qua nolui vos contriſtari; & ideo ſtatu, id eſt firmiter diſpoſui, hoc ipſum apud me, quod propoſui, cum aliam Epiſtolam miſi. Eccli. xxxvii. 20. „Ante omnia ver- bum verum præcedat te, & ante omnem actum conſilium ſtabile.“ Næterum, id eſt alia vice, in triſtiti- am venire ad vos; id eſt, vos contriſtare. Et ratio quare no- luit eos contriſtare, eſt illa qua Dominus noluit ieiunare diſcipulos ſuos, ſcilicet ad hoc ut amore, & non timore afficerentur ad Chriſtum, & iungerentur ſibi. Voluit enim eſe Dominus firmare, & nutrire in fide in omni dulcedine, & deſiderio cor- dis, (b) & ſic firmari ex amore, ne de facili avellerentur propter tribulationes, quia „aqua multæ non potuerunt extin- guere caritatem.“ Cantic. viii. 7. Si- militer Apoſtolus non vult eos propter hoc contriſtare. Rationem huius diſti, ſcilicet quod non vult eos contriſtare, assignat cum dicit: *Si enim ego contriſto vos, & quis eſt qui me latifcet, niſi qui contriſtatur ex me?* & circa hoc duo facit. Primo assignat cau- ſam quare noluit eos contriſtare; ſecundo maniſteſtat quare hoc (c) ſignificet eis, ibi, *Et hoc ipſum ſcripſi vobis &c.* Dicit ergo: Ratio quare nolui in triſtiti- am venire, eſt, quia triſtiti- a veſtra redundat in triſtiti- am meam, & de conſolatione veſtra gaudeo; & ſolum vos conſolamini me cum ſum apud vos: undò ſi venirem, & contriſtarem vos, ego ex triſtiti- a veſtra triſtarer; & ſic nul- lus eſſet qui lætiſicaret me inter vos, qui

contriſtaminus ex me: quia contriſtatus non de facili alium conſolatur. Prover. x. 1. „Filius ſapiens lætiſcat patrem; filius ve- ro ſtultus mæſtitia eſt matris ſuæ.“ Prov. xxix. 3. „Vir qui amat ſapientiam, læ- tiſcat patrem ſuum.“ Vel aliter. Eſt duplex triſtiti- a: una ſecundum modum; alia ſecundum Deum, quæ poenitentiam in ſalutem operatur. Apoſtolus non lo- quitur de prima, ſed de ſecunda. Et di- cit: Ex hoc ipſo ego conſolabor, ſi contri- ſto vos, id eſt, ſi increpando reduco ad po- nentiam; ſed ſi venirem, & viderem vos non poenitere de peccatis, tunc nullam conſolationem haberem, quia nullus contriſtatur, & poenitere ex me, id eſt mea correptione, & increpatione. Cauſa autem quare hoc ſcribo vobis, eſt, ut ita diſpo- natis vos quod quando venero, non habeam triſtiti- am de eo quod viderim vos incorrec- tos ſuper triſtiti- am quam habui, quando audivi vos peccaſſe. Et circa hoc duo fa- cit. Primo ponit admonitionem; ſecundo ſpem de impletione admonitionis offendit, ibi, *Conſidens in omnibus vobis &c.* Admo- nitionis eſt illa. Ideo ſcripſi vobis hoc, ſcilicet quod triſtor de peccato veſtro commiſ- ſo: II. Petr. ii. 2. „Iniquis operibus ani- mam iuſti cruciabatur: ut pareatis, & diſponatis vos corrigendo; ut cum venero ad vos, non habeam triſtiti- am de peccatis de quibus, ſcilicet, vobis oportuerat me gau- dere; id eſt, debebam lætari, (d) & con- gratulari, ſcilicet de præſentia veſtra. Lucæ xv. 7. „Gaudium eſt Angelis Dei ſu- per uno peccatore poenitentiam agente.“ Qualem autem ſpem habeat de impletione ſuæ admonitionis, ſubdit dicens: *Conſidens de omnibus vobis*; qualiſ dicat: Hanc fiduciam habeo de vobis, taliter diſponi vos, ut cum venero, omnes deſiti mihi materiam gaudi- i: & hoc deberis libenter facere; quia gaudium meum omnium veſtrum eſt; id eſt, addit ad gaudium veſtrum; vel eſt propter gaudium veſtrum, quod habetis de recuperatione gratiæ. I. Tim. ii. (e) „Quod eſt gaudium meum &c.“ Rom. xii. 15. „Gaudere cum gaudentibus.“ Sed quia poſſet aliquis dubitare de hoc quod dicit, *Ne cum venero, triſtiti- am ſuper triſtiti- am ha- beam*; & quætere quam triſtiti- am habuit de eis: ideo conſequenter hoc exponit, di- cens: *Nam ex multa tribulatione, & anguſtia cordis ſcripſi vobis*: & circa hoc duo la- cit. Primo maniſteſtat triſtiti- am iamdudum

(a) Ad assignat, si enim ego contristatus &c. (b) Ad, & sic firmari ex amore, non de facili avellitur. (c) Ad, significavi, ibi. (d) Ad, & non contristari. (e) Nulli ibi tale, sed tantum I. Tim. ii. 4. laborat æquivalenter: „Ut gaudium impleat, recordationem accipiens eius fidelis quæ in se est non ficta.“

habitam; secundo respondet euidam tacitæ quæstioni, ibi, *Nam ut contristemini*. Dicit ergo primo, quia haberem tristitiam si non invenirem vos correctos, super tristitiam quam habui, quando peccastis, & oportuit me contristare vos redarguendo dure: *non ex multa tribulatione, & angustia cordis scripsi*, primam Epistolam, *per multas lacrymas*, quas fudi pro vobis iam mortuis per peccatum. Hierem. ix. 1. „Quis dabit capiti meo aquam, & oculis meis fontes lacrymarum?“ Eccli. xxii. 3. „Confusio est patri de filio indisciplinato.“ Esa. lvi. 2. „Iustus perit, & non est qui recogitet“, in corde suo. „Sciendum est autem, quod duo ponit ad exaggerationem tristitiæ, tribulationem scilicet, & angustiam: quia unum additum alteri, aggravat tristitiam. Nam aliquando quis tribulatur, sed sine angustia, tunc scilicet quando aliqua

adversitate quasi acutissimo tribulo pungitur; & tamen videt sibi patere vias evadendi: quia si non pateat, tribulationi angustia iungitur. Dicit ergo: *Ex multa tribulatione*, qua pungebatur (a) de facto, & malo vestri, & *angustia cordis*, quia non videbam unde de facili posset poni remedium, *scripsi vobis*. Plal. cxviii. 143. „Tribulatio, & angustia invenerunt me.“ Sed quia posset dicere: O Apostole, etiam hæc scribis nobis, ut tristemur: ideo hoc removet dicens: *Nam ut contristemini*, scilicet scribo vobis ista, *sed ut sciatis quam caritatem habeam in vobis*. Duo enim sunt signa dilectionis, scilicet quod gaudeat quis de bono alterius, & tristetur de malo eius: & hæc ego habeo ad vos. Infra v. 14. „Caritas Christi urget nos.“ *Abundantius* quam credatis; vel *abundantius* quam ad alios.

LECTIO II.

SI quis autem contristavit me, non me contristavit, sed ex parte, ut non one-rem omnes vos. Sufficit illi qui eiusmodi est, obiurgatio hæc quæ sit a pluribus; ita ut e contrario magis donetis, & consolemini, ne forte abundantiori tristitia absorbeat qui eiusmodi est. Propter quod obsecro vos ut confructis in illum caritatem. Ideo enim & scripsi vobis, ut cognoscam experimentum vestrum, an in omnibus obedientes sitis. Cui autem aliquid donastis, & ego: nam & ego quod donavi (si quid donavi) propter vos in persona Christi, ut non circumveniamur a satana: non enim ignoramus cogitationes eius.

Postquam Apostolus insinuavit causam dilationis, ne scilicet tristitiam inferret, & de eius contristatione tractavit; hic consequenter tractat de contristante: & circa hoc tria facit: primo enim exaggerat culpam contristantis; secundo prænam eius pro culpa inflicta, ibi, *Sufficit illi qui eiusmodi est, obiurgatio hæc quæ sit a pluribus*; tertio hortatur eos habere misericordiam ad contristantem, ibi, *ita ut e contrario magis donetis*. Dicit ergo primo: *Scripsi vobis per multas lacrymas*, quas fudi propter tristitiam concepam, & propter prænam investigandam peccanti; *sed si quis contristavit me*, ille scilicet fornicarius (b) enormis, de quo dicitur I. Corinth. v. 1. „Omnia auditur inter vos fornicatio, & talis fornicatio, qualis nec inter Gentes.“ Me, inquam, & si contristavit, non contristavit me, sed ex parte; idest, non contristavit me, scilicet solum, sed vos, & nos; non omnes, sed ex parte. Et hoc dico, ut non one-rem vos omnes; idest, ut vobis hoc

(c) onus omnibus non imponam, derisorie loquendo; quasi dicat: Non ita estis boni, & diligitis me, quod pro tristitia mea, & pro peccato fratris omnes doleatis. Vel ut non one-rem omnes vos, non tantum illos qui non doluerunt de peccato. Vel aliter dicendum, & melius. *Nam me contristavit sed ex parte* &c. Sciendum est enim, quod aliquis aliquando tristatur totaliter, & aliquando non totaliter. Totaliter quidem tristatur quis, quando præ tristitia absorbetur a dolore; & hæc tristitia est quæ mortem operatur, ut dicitur infra vii. quæ quidem secundum Philosophum (X. Ethic. cap. 1.) non cadit in sapientem. Non totaliter autem tristatur quis, quando licet ex aliquo (d) malo quod patitur, seu videt fieri, tristatur, tamen ex aliis causis bonis gaudet; & ista tristitia est secundum Deum, & cadit in sapientem. Quia ergo Apostolos dicit se contristatum, ne credatur totaliter a tristitia absorptus, quod non est sapientis, dicit se contristatum ex parte.

lii 2 te,

(a) Al. de malo vestri. (b) Al. deest enormis. (c) Al. emittitur onus. (d) Al. modo quid.

te, quasi non totaliter. Et secundum hoc legitur sic. *Contristavit me*, scilicet socrarius propter peccatum suum; sed *non me contristavit totaliter*: quia licet in ipso propter peccatum haberim tristitiam, tamen in vobis propter multa bona quæ facitis, & in ipso propter penitentiam quam fecit, habeo gaudium. Et dico, *Ex parte*, ut non onerem omnes vos; idest, ut non imponam vobis hoc onus, quod scilicet contristaveritis me.

Sed ne isti propter tristitiam Apostoli adhuc vellent cum magis punire, ostendit eis, penam sufficientem fuisse, dicens: *Sufficit illi qui eiusmodi est*, qui scilicet contristavit me, tam graviter peccando; *oburgatio qua fit a pluribus*, idest tam manifeste. (a) & dura correctio, quæ fuit quod separatus fuit ab omni communione, idest excommunicatus ab Ecclesia, & traditus satanæ, ut habetur I. Corinth. v. Est ergo sufficiens hæc pena propter dictas causas. Vel potest dici sufficiens, non quantum ad Dei iudicium, sed quantum expediebat temporis, & personæ. Melius enim est sic servare lenitatis spiritum in corrigendo, ut per penitentiam correctionis fructus sequatur, quam si durius corrigatur, ut desperet peccans, & maioribus peccatis immergatur. Et ideo dicitur Eccles. xxi. 5. „O iurgatio, & iniuriæ annullabunt substantiam.“

Quia ergo pena sufficiens fuit, & penitentiam egit; ideo consequenter inducit eos ad miserendum, dicens: *Ita ut e contrario magis donetis*. Ubi tria facit. Primo mandat ut ei, scilicet peccanti, parcant; secundo huius rationem assignat, ibi, *Ne forte abundantiori tristitia absorbeatur qui eiusmodi est*; tertio inducit eos ad observantiam huius monitionis, ibi, *Propter quod obsecro vos ut confirmetis in illum caritatem*. Dicit ergo primo: Dico, quod sufficiens pena est illi, & intantum ut velim ut e contrario magis donetis, idest remittatis. Luc. vi. 37. „Dimittite, & dimittetur vobis.“ Ephes. iv. 32. „Donantes invicem“, sicut & Deus in Christo donavit vobis. „Et non solum donetis, sed, quod plus est, *consolamini*: & hoc proponendo sibi exempla peccantium, qui relicturi sunt ad statum gratiæ, sicut dicitur de David, Petro, Paulo, & Magdalena; & per verba Dei, Ezech. xviii. 32. „Nonne mortem peccatoris, dicit Dominus Deus: revocamini, & vivite.“ I. Theti.

ult. 14. „Corripite inquietos, consolamini, ni pusillanimes, suscipite infirmos, patientes estote ad omnes.“ Rationem autem huius admonitionis subdit: *Ne forte abundantiori tristitia absorbeatur qui eiusmodi est*. Aliquis enim propter peccatum, & penam peccati, aliquando sic mergitur tristitia quod absorbetur, dum nullum habet consolatorem; & hoc est malum: quia non sequitur ex hoc penitentiarum fructus, qui speratur, scilicet correctio; sed potius desperans tradit se omnibus peccatis, sicut Cain, cum dixit Gen. iv. 13. „Miserere mei, iniquitas mea, quam ut veniam merear.“ Ephes. iv. 19. „Qui desperantes, tradiderunt se impudicitiae, in operationem immunditiae omnis.“ Et propter hoc dicitur II. Reg. 12. quod periculosa res est desperatio. Et ideo dicebat David in Psalm. lxxviii. 16. „Neque absorbeat me profundum, neque urgeat super me puteus os suum.“ Et ideo ne hoc contingat, dicit, *Consolamini*, ut scilicet cesset a peccato. Ela. xxviii. 9. „Hic est omnis fructus, ut auferatur peccatum.“ Contra Apostolus non solum per rationem, sed ex aliis causis inducit eos ad hoc, cum dicit: *Propter quod obsecro vos ut confirmetis in illum caritatem*. Et inducit eos (b) tribus modis. Primo precibus, dicens: *Propter quod, scilicet ne absorbeatur, obsecro*, qui possum præcipere. Philem. 8. „Multam fiduciam habens in Christo Iesu imperanditibi, quod ad rem pertinet, magis obsecro.“ Contrarium faciunt mali Prælati. Ezech. xxxiv. 4. „Cum auferitate imperabatis eis, & cum potentia.“ Ut confirmetis in illum caritatem: quod fit si ostenditis caritatem vestram ad eum, & non abominamini eum propter peccata, nec contemnitis; sed propter consolationem vestram facitis cum habere odio peccatum suum, & diligere iustitiam. Lucæ xxii. 32. „Et tu conversus confiteberis, ma frater tuos.“ Secundo (c) inducit eos præcepto, dicens: *Ideo enim scripsi hoc, scilicet ut cognoscam experimentum vestrum, an in omnibus obedientes sitis*. Et dicit, *In omnibus*, scilicet sive in his quæ placent vobis, sive in his quæ displicent. Primo enim mandaverat eis quod excommunicarent eum; (d) & ideo fecerunt mandatum Apostoli. Nunc vero secundo mandat eis quod parcant; & ideo dicit: *An in omnibus obedientes sitis*. Tertio ex commemoratione beneficii, cum dicit: *Qui autem ali-*

(a) *Al. & publica*. (b) *Al. a tribus, amplexu modis*. (c) *Al. invitatur inducit eos*. (d) *Al. & sic*.

quid donastis, & ego; quasi dicat: Vos debetis hoc facere, quia etiam ego feci: si enim vos remisistis alicui, & rogatis me quod ego remitterem, & ego remis: & hoc est quod dicit: *Cui autem aliquid donastis vos, & ego, scilicet donavi. Et hoc patet: nam & ego quod donavi (si quid donavi) propter vos in persona Christi. Ubi quatuor tanguntur ad huiusmodi donationem, seu remissionem necessaria. Primum est discretio, ut scilicet non passim, & temere remittatur: & ideo dicit, si quid, scilicet debito modo, Proverb. xv. 25. „Palpebræ tuæ præcedant gressus tuos.“ Secundum est hinc: quia non propter amorem, vel odium debet fieri, sed propter utilitatem aliquam Ecclesiæ, vel aliorum: & ideo dicit, propter vos. Tertium est auctoritas, quia non debet fieri auctoritate propria, sed Christi, qui remittit peccata auctoritative; alii vero quibus commissum est, ministerio, & sicut membra Christi: & ideo dicit, in persona Christi, scilicet non mea auctoritate. Et tamen quodcumque remittitur, Christus remittit. Ioan. xx. 23. „Quorum remisistis*

peccata, remittuntur eis.“ Quorum est necessitas: unde dicit: *Ut non circumveniamus a satana.* Diabolus enim multos decepit, quosdam scilicet trahendo ad peccatorum perpetrationem, quosdam vero ad nimiam rigiditatem contra peccantes; ut si non potest eos habere per perpetrationem facinororum, saltem perdat quos iam habet per prælatorum austeritatem, qui eos non misericorditer corrigentes in desperationem inducunt; & sic & hos perdit, & illos diaboli laqueus includit. Eccles. vii. 17. „Noli esse nimis iustus.“ I. Petr. v. 8. „Adversarius vester diabolus, tamquam leo rugiens circuit, quærens quem devoret.“ Et hoc continget nobis, si non remittamus peccantibus. Et ideo ut non circumveniamur a satana, ego donavi, si quid donavi. *Non enim ignoramus cogitationes eius,* scilicet satanæ: verum est in generali; sed in speciali nullus potest scire eius cogitationes nisi solus Deus. Iob xli. 4. „Quis revelabit scienciam inducmenti eius, & in medium oris eius quis intrabit?“

L E C T I O III.

Cum venissem autem Troadem propter Evangelium Christi, & ostium mihi apertum esset in Domino, non habui requiem spiritui meo, eo quod non invenerim Titum fratrem meum; sed valesaciens eis, profectus sum in Macedoniam. Deo autem gratias, qui semper triumphat nos in Christo Iesu, & odorem notitiæ suæ manifestat per nos in omni loco: quia Christi bonus odor sumus Deo in iis qui salvi sunt, & in iis qui pereunt: aliis quidem odor mortis in mortem, aliis autem odor vitæ in vitam. Et ad hæc quis tam idoneus? Non enim sumus sicut plurimi adulterantes verbum Dei, sed ex sinceritate, sicut ex Deo, coram Deo in Christo loquimur.

Postea prima causa suæ dilationis, ne scilicet cum trisittitia iret ad eos; hic ponit causam secundam, quæ est ex fructu quem alicubi faciebat: & circa hoc duo facit. Primo ponit sui itineris processum; secundo ipsius processus effectum, ibi, *Deo autem gratias &c.* Circa primum duo facit. Primo ostendit impedimentum fructificandi, quod habuit in Troade; secundo subiungit processum suum in Macedoniam, ibi, *Sed valesaciens eis, profectus sum in Macedoniam.* Dicit ergo: Cum venissem Troadem propter Evangelium, id est ad prædicandum Christum. Ioan. xv. 16. „Poliui vos, ut eam, eis, & fructum afferatis.“ & ostium mihi apertum esset; id est, mentes hominum

paratæ, & dispositæ essent ad recipiendum prædicationis verba, & Christum. I. Corinth. xvi. 9. „Ostium mihi apertum est“ magnum, & evidens. „Apoc. xii. 20. „Ecce ito ad ostium, & pulio.“ Sed non in quocumque, immo in Domino: quia ipsa præparatio mentis humanæ est ex virtute divina. Nam licet facilitas quæ mentes præparantur, sit causa conversionis; tamen ipsius facilitatis & præparationis causa est Deus. Threnuit. 21. „Converte nos Domine, mine ad te, & convertemur.“ Cum, inquam, ita esset apertum mihi ostium in Domino, non habui requiem spiritui meo; id est, non potui facere quod spiritus meus volebat, id est discabat. Tunc enim dicitur habebat.

habere spiritus requiem quando efficit quod vult; sicut tunc dicitur caro requiescere quando habet quod concupiscit. Luc. xii. 19.

„ Anima mea habes multa bona posita in „ annos plurimos: requiesce. “ Apostolus non dicit: *Non habui requiem carni meae*, vel corpori, sed *spiritui meo*, idest voluntati meae spirituali, quae est ut Christum firmem in cordibus hominum. (a) Et impediēbar, quia videbam corda parata, & disposita, & non poteram predicare. Sed quare non habuit requiem spiritui suo, subdit: *Eo quod non inveni Titum fratrem meum*, idest propter absentiam Titi; & hoc duplici de causa. Una causa est quod licet Apostolus sciret omnes linguas, ita ut diceret I. Corinth. xiv. 18. „ Gratias ago „ Deo meo, quod omnium vestrum lingua „ loquor; „ tamen magis expeditus, & edoctus erat in lingua Hebraea quam in Graeca; Titus autem magis in Graeca: & ideo volebat eum habere praesentem, ut predicaret in Troade. Et quia erat absens, nam Corinthii detinuerant eum, dicit: *Non habui requiem spiritui meo*. Sed quia dona Dei non sunt imperfecta, & donum linguarum fuit specialiter Apostolis collatum ad praedicandum per totum mundum: Psalm. xvi. 5. „ In omnem terram ex- „ ivit sonus eorum, & in fines orbis ter- „ rae verba eorum: „ ideo alia causa est melior, quae est, quia Apostolo imminuebant in Troade multa facienda. Nam ex una parte imminēbat ei predicare his qui parati erant recipere Christum per fidem; ex alia parte imminēbat ei resistere adversariis, qui impediēbant; & ideo quia ipse non poterat solus ista facere, angustiaēbatur de absentia Titi, qui institisset praedicationi, & convergioni bonorum, & Apostolus resistisset adversariis. Et specialiter etiam hoc scribit eis, ut innuat quod non solum prima causa dilationis suae fuit ex eis, sed etiam secunda: nam ipsi propter duritiam, & diffensionem eorum, detinuerant tanto tempore Titum: & ideo dicit: *Eo quod non inveni Titum fratrem*, vel in Christo, vel coadiutorem. Proverb. xviii. 19. „ Frater „ qui iuvator a fratre quasi civitas firma. “ Et quia non inveni Titum in Troade, non remansit ibi, sed *valefaciens eis*, qui erant conversi, & in quibus ostium apertum erat, processit suum in Macedonia, ubi credebam eum invenire. Causa autem (b) cundi in Macedonia, legitur Act. xvi. 9. ubi di-

citur, quod „ vir Macedo quidam erat „ stans, & deprecans eum, & dicens: „ Transiens in Macedonia, adjuva nos. “

Consequenter cum dicit, *Gratias autem Deo &c.* ponit processum sui processum; & circa hoc duo facit: primo enim describit ordinem sui processum; secundo excludit ab isto processu pseudoapostolos, ibi, *Ad hoc quistam idoneus?* Circa primum duo facit. Primo insinuat processum quem faciebat; & secundo exponit quoddam quod dixerat, ibi, *Christi bonus odor sumus Deo*. Circa primum sciendum, quod Apostolus processum, & fructum quem faciebat, non attribuit sibi, neque propriae virtuti, sed Deo. I. Corinth. xv. 10. „ Abundantius omnibus la- „ boravi: non ego, sed gratia Dei mecum. “ Et ideo dicit: *Gratias autem Deo*, scilicet ago: I. Thessal. v. 18. „ In omnibus gra- „ tias agite: “ Ephes. v. 20. „ Gratias a- „ gentes semper pro omnibus: „ *qui semper triumphat nos in Christo Iesu*; idest, triumphare nos facit in praedicatione Christi contra adversarios. Ubi sciendum est, quod praedicatores veritatis duo debent facere: scilicet exhortari in doctrina sacra, & contradicentem devincere: & hoc dupliciter: disputatione haereticos, patientia veropersecutores. Unde per ordinem ista tangit hic Apostolus; & ideo dicit: *Qui triumphat nos*, quantum ad contradicentes: Rom. vi. 37. „ In his omnibus superamus: “ & I. Machab. xii. 19. „ Non in fortitudine ex- „ ercitus victoria belli, sed de caelo for- „ titudo est: “ & *odorem notitiae suae manifestat per nos in omni loco*, quantum ad exhortationem sacrae doctrinae. Sed *odorem notitiae suae* exponit Glossa, „ Idest Filium suum. “ Sed melius est ut hoc dicatur ad differentiam notitiae de Deo, quam faciunt aliae scientiae, & quam facit fides. Nam notitia de Deo quae habetur per alias scientias, illuminat intellectum solum, ostendens quod Deus est causa prima, quod est unus, & sapiens &c. sed notitia de Deo quae habetur per fidem, & illuminat intellectum, & delectat affectum: quia non solum dicit quod Deus est prima causa, sed quod est salvator noster, quod est redemptor, quod diligit nos, & quod est incarnatus pro nobis: quae omnia affectum inflammant. Et ideo dicendum, quod *odorem notitiae suae*, idest notitiam suae suavitatis, credenti per nos in omni loco manifestat: quia iste odor longe lateque diffunditur. Eccli.

(a) *Id.* Et impeditur, quia videbat corda parata, & disposita, & non poterat predicare.

(b) *Id.* cessandi in Macedonia.

Eccli. xxiv. 23. „Ego quasi vitis fructificavi suavitatem odoris.“ Gen. xxvii. 27. „Ecce odor filii mei sicut odor agri pleni.“ Quia vero aliqui possent dicere: Quid est odor Dei in omni loco? nam multa loca sunt in quibus non recipitur prædicatio ostra: ideo Apostolus exponit, dicens: Non curo: quia live recipiant prædicationem, live non; tamen notitia Dei manifestatur ubique per nos: *quia sumus bonus odor Christi Deo*, idest ad honorem Dei: & loquitur ad similitudinem legis, ubi dicitur quod sacrificium fiat in odorem suavitatis suavissimum Deo; quasi dicat: Nos sumus holocaustum, quod offertur Deo in odorem suavitatis: & tam in his qui salvi sunt, ut scilicet non pereant, quod est eis a Deo, quam in his qui perierunt, quod est eis ex seipsis. Unde Osæ xxi. 9. „Perditio tua, Israel, ex te: tantummodo in me auxilium tuum.“ Sed est ne odor bonus, & malis eodem modo? Non; sed *aliis quidem est odor mortis in mortem*, idest invidiæ, & malitiæ, occasionaliter ducentis eos in mortem æternam, illis scilicet qui invadebant bonæ fæmæ Apostoli, & impugnabant prædicationem Christi, & conversionem fidelium: Luc. xi. 34. „Positus est hic in ruinam, & in resurrectionem multorum in Israel, & in signum cui contradicetur.“ *aliis autem odor vitæ*, dilectionis, & bonæ opinionis, ducentis eos in vitam æternam, scilicet illis qui gaudent, & convertuntur ad prædicationem Apostoli. I. Corinth. i. 18. „Verbum crucis pereuntibus quidem stultitia est; his autem qui salvi sunt, idest nobis, Dei virtus est.“ Sic ergo ex odore Apostoli, boni vivunt, mali moriuntur; sicut legitur quod ad odorem vinearum florentium moriuntur serpentes.

Consequenter cum dicit, *Sed ad hæc quis iam idoneus?* excludit ab isto profectu pseudoapostolos, dicens: Quis, (a) illorum pseudoapostolorum, est iam idoneus ad ista, scilicet quæ nos Apostoli veri facimus? quasi dicat, nullus. Psalm. cxxxviii. 17. „Nimis honorati sunt amici tui Deus.“

Sed contra. Prov. xxvii. 2. „Laudet te alienus, & non os tuum; extraneus, & non labia tua.“ Ad hoc respondet Gregorius super Ezech. quod sancti duplici ex causa seipso laudant, & non propter gloriam suam, & vanitatem. Prima causa est ut non desperent in tribulationibus; sicut Iob, quando amici mitebantur cum ad de-

sperationem inducere, reduxit ad memoriam suam bona quæ fecerat, ut confortatus non desperaret: undedicebat cap. xxxi. 1. „Pepigi sordus cum oculis meis ut non cogitarem quidem de virgine.“ Legitur etiam de quodam sancto patre, quod quando tentabatur de desperatione, reducebat ad memoriam bona quæ fecerat, ut confortaretur; quando tentabatur de superbia, reducebat ad memoriam mala, ut humiliaretur. Secunda causa est propter utilitatem, ut scilicet haberetur in maiori fama, & citius erederetur doctrinæ suæ. Et propter hanc causam hic Apostolus laudat se. Nam Corinthii præferebant sibi pseudoapostolos, & condemnabant eum; & ideo non sic obediebant sibi. Ut ergo non vilipenderent eum, sed obedirent sibi, præfert se eis, & laudat se, & dicit: *Sed ad hæc quis iam idoneus*, sicut nos? Non (b) pseudoapostoli: quia licet ipsi prædicent, tamen adulterant verbum Dei, quod nos non facimus; unde dicit: *Non sumus sicut plurimi*, scilicet pseudoapostoli, adulterantes verbum Dei, admiscendo contraria; sicut hæretici, qui licet constentur Christum, tamen non dicunt eum esse verum Deum: sic faciunt pseudoapostoli, qui dicunt, cum Evangelio debere observari legalia. Item *non adulterantes verbum Dei*, idest prædicantes vel propter quæsum, vel propter favorem laudis. Sic enim mulieres adulteræ dicuntur, quando recipiunt semen ex alio viro ad propagationem proles. In prædicatione autem semen nihil aliud est quam finis, seu intentio tua, vel favor gloriæ propriæ. Si ergo finis tuus est quæsum, si intentio tua est favor gloriæ propriæ; adulteras verbum Dei. Hoc faciebant pseudoapostoli, qui propter quæsum prædicabant. Infra xv. 2. *Neque adulterantes verbum Dei, sed in manifestatione veritatis commendantes nosmetipsos ad omnem conscientiam hominum coram Deo*. Apostoli autem prædicabant neque propter quæsum, neque propter gloriam propriam, sed propter laudem Dei, & salutem proximi: & ideo subiungit, *Sed ex sinceritate*, idest sincera intentione; non pro quæsum, & sine admixtione corruptionis. Supra i. 12. *Ex sinceritate Dei... conversati sumus in hoc mundo*. Ponit autem triplicem rationem huius sinceritatis. Prima ratio sumitur ex dignitate mittentis. Nuntium enim veritatis decet vera loqui; & ideo dicit, *Ex Deo*, idest illa sinceritate, quæ est digna nuntio Dei.

(a) *Al. omittitur illorum pseudoapostolorum.* (b) *Al. pseudo sanctum; & sic per reliquum testis.*

Dei. I. Petr. xv. 11. „Siquis loquitur, quasi sermones Dei. “ Secunda sumitur ex auditorare presidentis, cui astat: ideo dicitur, *Coram Deo*, coram quo ex sinceritate loqui debemus. III. Reg. xviii. 1. „Vivit Dominus, in cuius conspectu isto. “ Tertia sumitur ex dignitate materię de qua loquitur. Nam prędicatio Apostolorum est de

Christo; & ideo debet esse sincera, sicut & ipse Deus, & Christus: & ideo dicitur, *In Christo* solum, non de legalibus, ut pseudoapostoli faciunt. I. Corinth. xi. 2. „Neque existimavi me scire aliquid inter vos nisi Christum, & hunc crucifixum. “

CAPITIS TERTII

LECTIO I.

Incipimus iterum nosmetipsos commendare? Aut numquid egemus, sicut quidam, commendatitiis epistolis ad vos, aut ex vobis? Epistola nostra vos estis scripta in cordibus nostris; quę scitur, & legitur ab omnibus hominibus; manifestati quod epistola estis Christi ministrata a nobis, & scripta non aramento, sed spiritu Dei vivi; non in tabulis lapideis, sed in tabulis cordis carnalibus. Fiduciam autem talem habemus per Christum ad Deum, non quod sufficientes simus cogitare aliquid a nobis, quasi ex nobis, sed sufficientia nostra ex Deo est.

Postquam Apostolus suam excusationem posuit, in qua benevolentiam capravit auditorum, hic consequenter persequitur suam intentionem, scilicet tractans de ministris novi testamenti; & circa hoc duo facit: primo enim commendat dignitatem bonorum ministrorum; secundo vero exaggerat malitiam ministrorum; & hoc a x. cap. & deinceps. Circa primum duo facit: primo enim commendat ministerium novi testamenti; secundo commendat usum huius ministerii in aliis, exhortando eos ad hoc, ibi vi. cap. *Adiuventes autem exhortamur ne in vacuum gratiam Dei recipiatis.* (a) Circa primum commendat huiusmodi ministerium novi testamenti ex tribus. Primo ex dignitate in isto cap. (b) secundo ex usu, cap. xv. ibi, *Ideo habentes administrationem ... non desicimus;* (c) tertio ex pręmio, v. cap. ibi, *Scimus autem quoniam si vergetis domus nostra huius habitationis dissolvatur, quę adificationem ex Deo habemus.* Circa primum duo facit. Primo removet quamdam obiectionem; secundo commendat ministros novi testamenti, ibi, *Qui & idcirco non fecit ministros novi testamenti.* Circa primum sciendum est, quod Apostolus intendit commendare ministros novi testamenti, quorum ipse erat u-

nus: & ideo ne Corinthii obliicerent sibi, quod in hoc veller commendare seipsum, statim excludit, dicens: *Incipimus iterum nosmetipsos commendare?* ubi duo facit. Primo movet quęstionem; secundo respondet, ibi, (d) *Aut numquid egemus ... commendatitiis epistolis ad vos?* Quęstio sua talis est. Dico, quod non sumus adulterantes verbum Dei, sicut pseudo, sed ex sinceritate, sicut ex Deo. Sed numquid hoc dicendo, *incipimus iterum nos commendare?* id est, dicimus ista, ut velimus nostram gloriam quęrere, & non Dei? Et dicit, *iterum*, quia in Epistola prima commendaverat se satis, cum dixit cap. iiii. 10. „Ut sapiens archirectus fundamentum posui. “ Non ergo hoc dicimus, ut quęramus gloriam nostram, sed Dei. Proverb. xxviii. 2. „Lauder re alienus, & non ostium; extraneus, & non labia tua. “ Huius autem quęstioni responder, cum dicit: *Aut numquid egemus ... commendatitiis epistolis ad vos?* & ostendit quod non libenter commendat se; & circa hoc duo facit. Primo ostendit quod non indiget commendatione hominum; secundo quod neque etiam hoc requirit ipse ab eis, ibi, *Fiduciam autem talem habemus per Christum ad Deum.* Circa primum duo facit. Primo ostendit quod non indiget commen-

(a) *Id est* primo commendat. (b) *Id est* secundo. (c) *Id est* ex pręmio. (d) *Id est* scilicet autem.

datione eorum ad gloriam propriam; secundo huius causam assignat, ibi, *Epistola nostra vos estis*. Dicit ergo: Dico, quod non incipimus commendare nosmetipsos, quia non indigemus commendatione; & hoc est quod dicit: *Aut numquid egemus nos, veri ministri, sicut quidam, scilicet pendo, commendatitius epistolis*, idest laudibus missis, ad vos, ab aliis, aut ex vobis, aliis missis?

Sed contra. Coloss. 14. 10. dicitur: „Mar-
„cus consobrinus Barnabae, de quo acce-
„pistis mandatum, salutet vos.“ Etiam
legati Papae semper portant litteras com-
mendatitias. Non est ergo malum.

Respondeo dicendum, quod accipere litem huiusmodi a personis famolis, ut so-
lum per illas commendentur, & honoren-
tur, quotique ipsi ex bonis operibus suis
veniant in notitiam; hoc non est malum:
hoc faciunt legati Papae. Apostolus vero
ita iam erat notus, & commendatus apud
illos per opera sua, quod non indigebat
litteris commendatitiis.

Et ideo statim causam huius assignans,
subdit: *Epistola nostra vos estis*; quasi dicat:
Ego habeo bonas litteras, non indigeo al-
liis. Et ideo circa hoc duo facit: primo
enim ostendit quae sit ista littera quam ha-
bet; secundo exponit hoc idem, ibi, *Ma-
nifestati quod Epistola estis Christi*. Circa pri-
mum duo facit. Primo ostendit quae sit il-
la littera; secundo ostendit eam esse suffi-
cientem ad commendationem propriam,
ibi, *Scripta in cordibus nostris*. Dicit ergo
sic: *Epistola nostra vos estis*, idest epistola per
quam manifestatur dignitas nostra, qua nos
commendamur, ita ut epistolis aliis non in-
digeamus. Supra. 14. *Gloria nostra vos estis*.
Galat. 11. 14. „Filioli mei, quos iterum
„parturio donec formetur Christus in vo-
„bis.“ Sed haec epistola est ne sufficiens?
Ita, quia *scripta in cordibus nostris*: ubi duo
tangit, sufficientiam litterarum huiusmodi
causantia. Unum est quod intelligatur, &
sciatur ab eo pro quo mittitur; alias adhuc
quereret, nisi sciret se eam habere: &
quantum ad hoc dicit: *Scripta in cordibus
nostris*: quia semper vos habemus in me-
moria, habentes de vobis specialem cu-
ram. Philip. 1. 7. „Eo quod habeam vos
„in corde.“ Secundum est quod ille cui
mittitur, legat, & sciat eam; alias non
curaret de commendatione eius: & quan-
tum ad hoc dicit: *Qua scitur, & legitur ab
omnibus hominibus*. Scitur, inquam, quia per
nos instituti estis, & conversi; legitur autem,
quia exemplo nostri etiam alii imi-
tantur vos. Habac. 11. 2. „Scribe vili-
um,

„& explana eum super tabulas, ut per-
„currat qui legerit eum.“ Quomodo au-
tem scitur haec epistola, exponit dicens:
Manifestati quod Epistola estis Christi: & cir-
ca hoc tria facit. Primo exponit cuius sit
haec littera; secundo quomodo sit scripta;
& tertio in quo. Cuius autem sit, sic o-
stendit, quia Christi; & ideo dicit: *Ma-
nifestati quoniam estis Christi*, idest a Christo
informati, & inducti, scilicet principaliter,
& auctoritative: Marth. 23. 11. 8. „Unus est magister vester:“ sed a nobis
secundario, & instrumentaliter: & ideo
dicit: *Ministrata a nobis*. I. Corinth. 14. 1.
„Sic nos exalimet homo ut ministris Chri-
„sti.“ Ibid. 111. 4. „Quid igitur Ce-
„phas, quid vero Paulus? Ministri eius cui
„credidistis.“ Quomodo autem sit scri-
pta, ostendit, quia *non atramento*, idest non
admixta erroribus, sicut pseudoapostolorum;
non mutabilis, & imperfecta, sicut vetus
lex, quae neminem ad perfectum adduxit,
Heb. 111. nam atramentum nigrum est,
per quod intelligitur error; & deilebile,
per quod intelligitur mutabilitas. Non, in-
quam, atramento est scripta, sed Spiritu Dei
vivi, idest Spiritu sancto, quo vivitis, &
quo docente instructi estis. Ephes. 1. 13.
„In quo signati estis Spiritu promissionis
„sancto.“ Ubi autem sit scripta, insinuat
subdens: *Non in tabulis lapideis*, sicut lex
vetus, ut excludat duritiam; quasi dicat:
Non in lapideis cordibus habentibus duri-
tiam, sicut Iudaei: Act. 111. „Dura cer-
„vice, & incircumcisi cordibus, & au-
„ribus, vos semper Spiritui sancto resisti-
„tis:“ sed *in tabulis cordis carnalibus*, id-
est in cordibus latis ex caritate, & carna-
libus, idest mollibus ex affectu implendi,
& intelligendi. Ezech. 111. 26. „Au-
„feram a vobis cor lapideum, & dabo vo-
„bis cor carneum.“

Fiduciam autem talem habemus per Chri-
stum ad Deum. Apostolus supra exculavit
se, quod non quaerebat gloriam suam, quia
non indigebat ea; hic vero probat quia im-
ple non quaerit gloriam propriam; immo
omnia bona quae facit, non attribuit sibi,
sed Deo: & circa hoc duo facit: primo
enim attribuit omnia bona quae habet, &
facit, Deo; secundo causam huius assignat,
ibi, *Non quod sufficientes sumus cogitare ali-
quid a nobis quasi ex nobis*. Dicit ergo pri-
mo: Dico, quod non egemus epistolis com-
mendatitiis, & quod vos estis epistola no-
stra ministrata a nobis. Nec etiam quaeri-
mus gloriam nostram, sed Christi, & fidu-
ciam talem, idest dicendi talia, habemus ad
Deum,

K k k

Deum,

S. Th. Oper. Tom. 14.

Deum; idest, referimus in Deum: vel fiduciam tendentem in Deum, ex cuius viribus hoc dico, quia ipse in me operatur: quam quidem fiduciam habemus *per Christum*, per quem accessum habemus ad Patrem, ut dicitur Roman. v. qui univit nos Deo. Hier. xvii. 7. „Benedictus vir qui „confidit in Domino, & erit Dominus fiducia eius.“ Et quia unitus Deo per Christum, habeo hanc fiduciam. Psal. xi. 6. „Fiducialiter agam in eo.“ Causa autem huius fiduciae est, quia quicquid ego facio, etiam ipsum principium operis Deo attribuo. Et ideo dicit: *Nam quod simus sufficientes cogitans* saltem, non dicere, vel implere. Nam in quolibet processu operis, primo est assensus, qui fit cogitando, deinde collatio per verbum, & postmodum impletio per opus: unde (a) si nec cogitare quis a se habet, sed a Deo; non est dubium quod non solum perfectio operis boni est a Deo, sed etiam inchoatio. Philip. i. 6. „Qui cepit in vobis opus bonum, perficiet usque in diem Christi lesu.“ Et hoc est contra Pelagianos dicentes, quod inchoatio boni operis est ex nobis, sed perfectio est a Deo. Esa. xxv. 12. „Omnia opera nostra operatus es nobis, Domine.“ Sed ex hoc ne videatur tollere libertatem arbitrii, dicit: *A nobis, quasi ex nobis*; quasi dicat: Possum quidem aliquid facere, quod est liberi arbitrii; sed hoc quod facio, non est ex me, sed a Deo, qui hoc ipsum posse confert; ut sic & li-

bertatem hominis defendat, cum dicit, *A nobis*, idest a nostra parte; & divinam gratiam commendat, cum dicit, *Quasi ex nobis*, scilicet procedat, sed a Deo. Hoc etiam Philosophus vult, quod numquam homo per liberum arbitrium potest quoddam bonum facere sine adiutorio Dei. Et ratio sua est, quia in his quae facimus quaerendum est illud propter quod facimus. Non est autem procedere in infinitum, sed est devenire ad aliquid (b): primum, puta ad consilium. Sic ergo (c) bonum facio, quia consilium mihi inest ad hoc: & hoc est a Deo. Unde dicit, quod consilium boni est ab aliquo quod est supra hominem, movens eum ad bene operandum; & hoc est Deus, qui & homines movet, & omnia quae agunt, ad actiones suas; sed aliter, & aliter. Cum enim huiusmodi motus sit quoddam receptum in moto, oportet quod hoc fiat secundum modum suae naturae, (d) idest rei motus. Ea ergo quorum natura est ut sint liberae voluntatis, dominium suarum actionum habentia, movet libere ad operationes suas; sicut creaturas rationales, & intellectuales: alia autem non libere, sed secundum modum suae naturae. Licet autem non simus sufficientes cogitare aliquid a nobis, tamquam ex nobis; tamen habemus aliquam sufficientiam, quae scilicet bonum possumus velle, & credere incipimus; & hoc a Deo est. I. Corinth. xv. 7. „Quid habes, quod non accepisti?“

L E C T I O II.

Qui & idoneos nos fecit ministros novi testamenti, non littera, sed spiritu. Littera enim occidit, spiritus autem vivificat. Quod si ministratio mortis litteris deformata in lapidibus, fuit in gloria, ita ut non possent intendere filii Israel in faciem Moysi propter gloriam vultus eius, quae evacuatur; quomodo non magis ministratio spiritus erit in gloria? Nam si ministratio damnationis in gloria est, multo magis abundat ministerium iustitiae in gloria. Nam nec glorificatum est quod claruit in hac parte propter excellentem gloriam. Si enim quod evacuatur, per gloriam est, multo magis quod manet, in gloria est.

Commemorato ministerio novi testamenti, hic consequenter commendat ministros eius: & primo ponit duo, quae respondent verbis praemissis. Praemisera enim donum a Deo acceptum, cum dixit, *Sufficientia nostra ex Deo est*, & fiduciam ex dono conceptam, cum dixit, *Fiduciam talem habemus per Christum ad Deum*. Primo ergo de-

terminat ea quae pertinent ad donum perceptum; secundo ea quae ad fiduciam conceptam, ibi, *habentes igitur talem spem, multa fiducia urimur*. Circa primum tria facit. Primo ostendit donum a Deo perceptum, scilicet ministerium novi testamenti secundum.

(a) *Al.* unde fit ut sic nec cogitare quis a se habeat &c. (b) *Al.* deest primum. (c) *Al.* hoc bonum. (d) *Al.* omittitur idest rei motus.

secundo describit novum testamentum, ibi, *Non littera, sed spiritus*; tertio ex dignitate novi testamenti ostendit dignitatem ministrorum eius, ibi, *Si ministratio mortis . . . fuit in gloria . . . quomodo non magis ministratio spiritus erit in gloria*? Dicit ergo: Dico, quod sufficientia nostra ex Deo est; qui fecit nos idoneos ministris novi testamenti. Eia. lxi. 6. „Ministri Dei nostri, dicitur vobis. „Et in hoc tenemus locum Angelorum. Psal. ciii. 4. „Qui Angelos facis tuos spiritus, & ministros tuos ignem urentem. „Sed non solum fecit nos ministros, sed idoneos. Deus enim cuilibet rei dat ea per quæ possit consequi perfectionem suæ naturæ. Unde, quia Deus constituit ministros novi testamenti, dedit etiam eis idoneitatem ad hoc officium exercendum, nisi sit impeditum ex parte recipientium. Supra xi. 16. *Et ad hac quis iam idoneus?* scilicet sicut Apostoli a Deo instituti. Hoc autem novum testamentum quid sit, describit subdus: *Non littera, sed spiritus*: & describit ipsum quantum ad duo, scilicet quantum ad illud in quo consistit, & quantum ad causam propter quam datum est, ibi, *Littera enim occidit, spiritus autem vivificat*. Circa primum sciendum est, quod Apostolus loquitur profunde: dicitur enim Hier. xxxi. 31. „Feriam domui Israel, & domui Iuda fœdus novum, non secundum pactum quod pepigi cum patribus vestris: & post: „Dabo legem meam in visceribus eorum, & in corde eorum superscribam eam, & ero eis in Deum, & ipsi erunt mihi in populum. Vetus ergo testamentum scribitur in libro, postmodum sanguine aspergendo, ut dicitur Hebr. ix. 19. „Accipit sanguinem, & asperit librum, & omnem populum, dicens: Hic est sanguis testamenti quod mandavit ad vos Deus. Et sic patet quod vetus lex est testamentum litteræ, sed novum testamentum est testamentum Spiritus sancti, quæ caritas Dei diffunditur in cordibus nostris, ut dicitur Roman. v. Et sic dum Spiritus sanctus facit in nobis caritatem, quæ est plenitudo legis, est testamentum novum, non littera, id est per litteram scribendum, sed spiritum, id est per spiritum, qui vivificat. Roman. viii. 2. „Lex spiritus vitæ: id est vivificantis. Causa autem quare datum sit novum testamentum per spiritum subditur: *quia littera occidit, occasionaliter*: nam littera legis dat solam cognitionem peccati. Rom. iii. 20. „Per legem (a) enim cognitio pec-

cati. Ex hoc autem quod cognoscitur peccatum solum, duo sequuntur. Nam lex, dum per eam cognoscitur, non reprimat concupiscentiam, sed magis occasionaliter augeat, in quantum concupiscentia serventius fertur in rem prohibitam. Unde huiusmodi cognitio, nondum destructa causa concupiscentiæ, occidit; hinc vero addit prævaricationem. Nam gravius est peccare contra legem scriptam, & naturalem simul, quam contra legem naturalem solum. Rom. vii. 8. „Occasione accepta (non data) peccatum per mandatum operatum est in me omnem concupiscentiam. Licet autem occasionaliter occidat, in quantum scilicet augeat concupiscentiam, & addit prævaricationem; non tamen est mala lex vetus, quia ad minus prohibet mala; est tamen imperfecta, in quantum non removet causam. Est ergo lex sine spiritu interiori imprimente legem in corde, occasio mortis; & ideo necessarium fuit dare legem spiritus, qui caritatem in corde faciens vivificet. Ioan. vi. 64. „Spiritus est, qui vivificat.

Consequenter ex his ostendit dignitatem sui ministerii; & circa hoc duo facit. Primo ostendit quod ministerium novi testamenti præfertur ministerio veteris testamenti; secundo quod non solum præfertur, sed quod ministerium veteris testamenti quasi nihil habet de gloria in comparatione ad novum, ibi, *Nam nec glorificationem est quod claruit in hac parte propter excellentem gloriam*. Circa primum duo facit. Primo ostendit quod ministerium novi testamenti præfertur veteri; secundo rationem huius assignat, ibi, *Nam si ministratio damnationis in gloria est, multo magis abundat ministerium iustitiae in gloria*. Circa primum sciendum est, quod Apostolus argumentatur ex hoc quod habetur Exod. xxxiv. ubi littera nostra habet, quod Moyses habebat faciem cornutam, ita quod non possent filii Israel prope accedere. Alia littera habet, faciem splendidam, quod melius dicitur. Non enim intelligendum est, eum habuisse cornua ad litteram, sicut quidam eum pingunt; sed dicitur cornuta propter radios, qui videbantur esse quasi quadam cornua. Arguitur autem ex hoc sic; & primo per unum simile, & est locus a minori. Constat enim quod si aliquid quod minus est, habet aliquid de gloria, quod multo magis illud quod est maius; sed vetus testamentum est minus quam novum: cum ergo illud fuerit in gloria, ita ut non pos-

K k k 2

sent

(a) Al. autem.

sent filii Israel prope accedere, videtur quod multo magis novum est in gloria. Quod autem vetus testamentum minus sit novo, probat tripliciter. Primo quantum ad effectum: quia illud est testamentum mortis, istud vitæ, ut dictum est: & quantum ad hoc dicit, *Si ministratio mortis, id est vetus, quæ est occasio mortis; & hoc respondet ei quod dicitur: Littera occidit, spiritus autem vivificat.* Secundo quantum ad modum tradendi: quia vetus fuit tradita litteris in tabulis lapideis, nova vero fuit impressa spiritum in cordibus carnalibus: & hoc innuit cum dicit: *Litteris deformata, id est perfecte formata, in lapidibus, id est in tabulis lapideis.* Ex hoc respondet ei quod dicitur: *Non littera, sed spiritus.* Tertio quantum ad perfectionem: quia gloria veteris testamenti sine fiducia est, quia neminem ad perfectum adduxit: lex in novo vero est gloria cum spe melioris gloriæ, scilicet sempiternæ. Eia. 1. 6. „Salus mea in sempernum erit.“ Ex hoc innuit cum dicit, *Quæ evacuatur.* Galat. v. 2. „Quod si circumcidimini, Christus nihil vobis proderit.“ Conclusio ponitur cum dicit: *Quomodo non magis ministratio spiritus erit in gloria? quod planum est.*

Horum autem rationem assignat consequenter, cum dicit: *Nam si ministratio damnationis in gloria est, multo magis abundas ministratio iustitiæ in gloria.* Et est ratio sua talis. Gloria magis debetur iustitiæ quam damnationi. Sed ministerium novi testamenti est ministerium iustitiæ, quia iustificat interius vivificando; ministerium autem veteris testamenti, est ministerium damnationis occasionaliter: supra eodem: *Littera occidit, spiritus autem vivificat.* Cum ergo ministratio damnationis, id est ministratio veteris testamenti, quæ occasionaliter est causa damnationis, ut dictum est, est in gloria, quæ apparuit in facie Moysi; constat quod multo magis abundat in gloria, id est dat abundantem gloriam ministris eius, ministrum iustitiæ, id est novi testamenti, per quod datur Spiritus, per quem est iustitia, & consummatio virtutum. Proverb. 11. „Sapientes gloriam possidebunt.“

Conseverunt hoc in loco fieri questiones de comparatione Moysi & Pauli; sed si recte considerentur verba Apostoli, non sunt necessarie: quia hic non fit comparatio personæ ad personam, sed ministerii ad ministerium.

Sed quia possent pseudoapostoli dicere, quod licet maius ministerium sit novi tes-

tamenti quam ministerium veteris testamenti, non tamen est multo maius; & ideo bonum est, quod illi ministerio & illi intendamus; quod & faciebant, quia simul servabant legalia cum Evangelio: ideo hic consequenter Apostolus hoc improbat, cum dicit: *Nam nec glorificatum est quod claruit in hac parte propter excellentem gloriam; & circa hoc duo facit: primo enim ostendit quod ministerium novi testamenti abique aliqua comparatione excedit ministerium veteris; secundo causam huius assignat, ibi, Si enim quod evacuatur, per gloriam est, multo magis quod manet, in gloria est.* Dicit ergo: Dixi, quod ministerium iustitiæ abundat in gloria, & intantum quod gloria veteris ministerii non est dicenda gloria: quia nec glorificatum est quod claruit in hac parte: quod dupliciter exponitur. Primo modo sic, *Quia nec glorificatum est quod claruit in hac parte propter excellentem gloriam; id est, illa gloria nihil est in comparatione ad istam novi testamenti: quia illa gloria non est omnibus ministris collata, sed solum Moysi, & non claruit in toto Moysi, sed in parte, id est in facie solum particulariter; & ideo nec glorificatum est, id est nec glorificari debet, propter excellentem gloriam, id est comparatione excellentis gloriæ novi testamenti, quæ abundat gratia, ut per eam purificati homines possint videre non gloriam hominis, sed Dei.* Secundo modo, ut punctetur sic, *Nec glorificatum est quod claruit; quasi dicat: Nam in hac parte, id est in respectu huius naturæ particularis, quod sumus servi, non est glorificatum, id est non gloriosum, illud quod claruit in veteri testamento; & hoc propter excellentem gloriam, quæ est in novo, quia illa est gloria Dei Patris.*

Huius autem causam assignat consequenter, cum dicit: *Si enim quod evacuatur, per gloriam est, multo magis quod manet, in gloria est.* Et est ratio sua talis. Illud quod datur ut transeat, nihil est in respectu ad illud quod datur ut semper maneat. Si ergo testamentum vetus, quod evacuatur, id est tollitur: I. Corinth. 11. „Cum venerit“, quod perfectum est, evacuabitur quod ex parte est: „per gloriam est Moysi ministerium, saltem per particularem gloriam: & constat quod testamentum novum manet, quia hic inchoatur, & perficitur in patria: Luc. 21. 33. „Cælum, & terra transibunt, verba autem mea non transibunt:“ erit multo magis in gloria æterna, in qua perficitur: erit, inquam, nobis qui sumus eius ministri.

LECTIO III.

Habentes igitur talem spem, multa fiducia utimur; & non sicut Moyses ponebat velamen super faciem suam, ut non intenderent filii Israel in faciem eius, quod evacuat. Sed obtusi sunt sensus eorum. Usque in hodiernum enim diem idipsum velamen in lectione veteris testamenti manet non revelatum (quoniam in Christo evacuat) sed usque in hodiernum diem, cum legitur Moyses, velamen positum est super cor eorum. Cum autem conversus fuerit ad Dominum, auferetur velamen. Dominus autem Spiritus est. Ubi autem Spiritus Domini, ibi libertas. Nos vero omnes revelata facie gloriam Domini speculantes, in eandem imaginem transformamur a claritate in claritatem, tamquam a Domini Spiritu.

Postis his quæ pertinent ad commendationem doni percepti a Deo, hic consequenter ponit ea quæ pertinent ad commendationem fiduciæ ab ipso dono conceptæ. Circa hoc autem duo facit. Primo ponit fiduciam ex dono conceptam; secundo vero comparat fiduciam veteris, & novi testamenti, ibi, *Et non sicut Moyses*. Dicit ergo primo: *Habentes igitur talem spem, ex hoc scilicet quod nobis dictum est, scilicet videndi gloriam Dei: Rom. viii. 24. „Spe enim salvi facti sumus: „ multa fiducia utimur; id est, confidenter operamur ea quæ pertinent ad usum huius ministerii; ex quo crescit nobis spes. Prov. xxv. 11. 1. „ iustus, quasi leo confidens, absque terrore erit. „ Hier. xvii. 7. „ Benedictus vir qui confidit in Domino. „*

Consequenter, sicut prætulit donum dono, ita præfert fiduciam novi testamenti fiduciæ veteris testamenti, cum dicit: *Et non sicut Moyses ponebat velamen super faciem suam; & circa hoc duo facit. Primo proponit factum in veteri testamento; secundo exponit, ibi, Quod evacuat. Factum autem quod proponit, legitur Exod. xxxiv. ubi dicitur, quod Moyses quando loquebatur ad populum, velabat faciem suam, quia propter claritatem vultus eius, non poterant respicere in eum filii Israel: & ideo dicit: Et non sicut Moyses ponebat velamen super faciem suam; quasi dicat: Dico, quod utimur multa fiducia, & tanta quod non accidit nobis, sicut Moyses faciebat eis, scilicet non revelando faciem suam populo, quia nondum venerat tempus revelandi claritatem veritatis. Habemus ergo nos fiduciam absque velamine. Consequenter exponit hoc quod dixerat de velamine, dicens, *Quod evacuat*: velamen*

enim illud erat obscuritas figurarum, quæ per Christum evacuata est: & circa hoc tria facit: primo enim ponit evacuationem huius velaminis; secundo quomodo hæc evacuatio habet locum in Iudeis, ibi, *Sed obtusi sunt sensus eorum*; tertio quomodo hæc evacuatio habet locum in ministris novi testamenti, ibi, *Nos vero revelata facie gloriam Domini speculantes, in eandem imaginem transformamur*. Dicit ergo, quod *Moyses ponebat velamen*, scilicet figuræ, *super faciem suam, quod, scilicet velamen, evacuat*, id est tollitur per Christum, scilicet implendo in veritate quod Moyses tradidit in figura: quia omnia in figura contingebant illis. Sic enim Christus per mortem suam removit velamen de occasione agni paschalis. Et ideo statim cum emisit spiritum, velum templi scissum est. Item in mittendo Spiritum sanctum in corda credentium, ut intelligerent spiritualiter quod Iudei carnaliter intelligunt. Et hoc velamen removit cum aperuit eis sensum ut intelligerent Scripturas, Luc. ult. Qualem autem effectum habeat in Iudeis hæc evacuatio, ostendit dicens: *Sed obtusi sunt sensus eorum*: & circa hoc duo facit. Primo ostendit quod remorum ab illis non fuit in statu infidelitatis; secundo ostendit quod removebatur in eorum conversione, ibi, *Cum autem conversus fuerit ad Dominum, auferetur velamen*. Circa primum duo facit. Primo ostendit rationem quare hæc evacuatio non habet (a) locum in Iudeis; secundo ex hoc ostendit eos adhuc habere velamen, ibi, *Sed usque in hodiernum diem idipsum velamen in lectione veteris testamenti manet non revelatum*. Dicit ergo, quod evacuat in his qui credunt, sed non quantum ad Iudeos infideles: & ratio

(a) id. effectum,

ratio huius est, quia *obtus* sunt sensus eorum; idest, ratio eorum hebes est, & sensus eorum imbecilles, & obtusi sunt, nec possunt videre claritatem divini luminis, idest divinæ veritatis, absque velamine figurarum. Et huius ratio est, quia claudunt oculos, ut non videant, quia velum templi scissum est. Et ideo est ex eorum culpa infidelitatis, non ex defectu veritatis, quia remoto velamine omnibus aperientibus oculos mentis, per fidem clarissime (a) veritas manifestatur. Rom. x. 25. "Cæcitas ex parte contigit in Israel." Ioan. ix. 39. "In iudicium veni in hunc mundum, ut qui non vident videant, & qui vident cæci fiant." Sic enim prophetaverat Esa. vi. 10. "Excæcavit cor populi huius, & aures eius aggravavit, & oculos eius claudivit, ne forte videat oculis suis, & auribus suis audiat, & corde suo intelligat, & convertatur, & sanetur." Et vere intantum obtusi sunt sensus eorum, ut veritatem nobis manifestatam, usque in hodiernum diem non intelligant; sed id ipsum velamen, quod erat in veteri testamento, antequam velum templi scissum esset, in *lectione veteri testamenti* (b) manet, quia non aliter intelligunt illud quam ante, quia adhuc innituntur figuris, ut veritatem non revelent, idest non intelligant. Sic velamen Dei, non figuram, sed veritatem credunt; quæ scilicet *evacuatur* quantum ad fideles, & quantum in se est, omnibus per Christum, idest in fide Christi; sed in eis (c) manet, quia non credunt venisse Christum.

Consequenter cum dicit, *Sed usque in hodiernum diem id ipsum velamen in lectione veteri testamenti manet*, ostendit quomodo adhuc apud Iudeos est velamen quantum ad infideles, licet remotum sit per Christum. Circa quod sciendum est, quod velamen dicitur apponi alicui dupliciter: aut quia apponitur rei visæ, ne possit videri; aut quia apponitur videnti ne videat. Sed Iudeis in veteri lege utroque modo appositum erat velamen. Nam & corda eorum excæcata erant, ne cognoscerent veritatem propter eorum duriciem, & vetus testamentum nondum completum erat, quia nondum veritas venerat. Unde in signum huius, velamen erat in facie Moysi, & non in faciebus eorum. Sed veniente Christo, velamen remotum est a facie Moysi, idest veteri testamento, quia iam impletum est; sed tamen non est remotum a cordibus eo-

rum: & hoc est quod dicit: *Sed usque in hodiernum diem...manet*; quæ dicitur: Amotum est a fidelibus veteris testamenti velamen; sed adhuc, cum legitur Moyses, idest cum exponitur eis vetus testamentum: Act. xv. 21. "Moyses a temporibus antiquis habet in singulis civitatibus qui eum prædicant in synagogis, ubi per omne sabbatum legitur: velamen, idest cæcitas, est positum super eorum." Rom. xi. 25. "Cæcitas ex parte contigit in Israel."

Quando autem, & quomodo removeatur ab eis illud velamen, ostendit consequenter, cum dicit: *Cum autem conversus fuerit ad Dominum, auferetur velamen*: & primo describit modum removendi hoc velamen; secundo rationem huius reddit, ibi, *Dominus autem Spiritus est*. Dicit ergo, quod illud velamen adhuc est in eis; sed non quod vetus testamentum sit velatum, sed quia corda eorum velata sunt. Et ideo ad hoc ut removeatur, nihil restat nisi quod convertantur; & hoc est quod dicit: *Cum autem conversus fuerit*, scilicet aliquis eorum ad Deum per fidem in Christum, ex ipsa conversione auferetur velamen. Esa. x. 22. "Reliquiæ convertentur ad Deum fortem." Et hoc idem habetur Rom. xi. Et nota, quod cum ageret de cæcitate, loquitur in plurali: unde dicit, *Super corda eorum*: cum vero loquitur de conversione, loquitur in singulari, dicens, *Cum autem conversus*: ut ostendat eorum facilitatem ad malum, & difficultatem ad bonum, quasi pauci convertantur. Ratio autem quare convertantur, & velamen removeatur hoc modo, est, quia Deus vult. Possent enim dicere, quod velamen illud appositum est ex præcepto Domini, & ideo non potest removeri. Sed Apostolus ostendit quod non solum potest removeri, immo quia removeatur per eum, qui est Dominus: & hoc est quod dicit: *Dominus autem Spiritus est*: quod potest dupliciter legi. Uno modo ut Spiritus teneatur ex parte subiecti, ut dicatur: *Spiritus*, idest Spiritus sanctus, scilicet qui est auctor legis, est Dominus; idest, operatur ex proprio libertatis arbitrio. Ioan. iii. 8. "Spiritus ubi vult spirat." I. Corinth. xii. 11. "Dividens singulis prout vult." Ubi autem Spiritus Domini, ibi libertas; quasi dicat: Quia Spiritus est Dominus, potest dare libertatem, ut possimus libere uti scriptura veteris testamenti absque velamine. Et ideo qui non habent Spiritum sanctum, non possunt libere uti.

Ga-

(a) *ad. omittitur veritas.* (b) *ad. omittitur manet.* (c) *ad. non manet.*

Galat. v. 13. „Vos in libertatem vocati estis.“ I. Petr. 1. 16. „Quasi liberi, & oon quasi velamen habentes malitiæ in libertatem.“ Alio modo ut per Dominum intelligatur Christus; & tunc legitur sic. *Dominus*, idest Christus, *est Spiritus*, idest spiritualis potestatis; & ideo ubi *est Spiritus Domini*, idest lex Christi spiritualiter intellecta, non scripta litteris, sed per fidem cordibus impressa, *ibi est libertas*, ab omni impedimento velaminis.

Sciendum est autem, quod occasione istorum verborum, scilicet *Ubi Spiritus Domini, ibi libertas*; & illorum (I. Timoth. 1. 9.) scilicet, „iusto lex noo est posita“, aliqui erronee dixerunt, quod viri spirituales non obligantur præceptis legis divinæ. Sed hoc est falsum: nam præcepta Dei sunt regula voluntatis humanæ. Nullus autem homo est, nec etiam Angelus, cuius voluntatem noo oportet regulari & dirigi lege divina. Unde impossibile est aliquem hominem præceptis Dei non subdi. Hoc autem quod dicitur, „iusto lex non est posita“, exponitur; idest, propter iustos, qui interiori habitu moveantur ad ea quæ lex Dei præcipit, lex non est posita; sed propter iniustos, non quin etiam iusti ad eam teneantur. Et similiter *Ubi Spiritus Domini, ibi libertas*, intelligitur: quia liber est qui est causa sui servus autem est causa domini. Quicumque ergo agit ex seiplo, libere agit; qui vero ex alio motus, non agit libere. Ille ergo qui vitat mala, non quia mala, sed propter mandatum Domini, noo est liber; sed qui vitat mala, quia mala, est liber. Hoc autem facit Spiritus sanctus, qui mentem interioris perficit per bonum habitum, ut sic ex amore caveat, ac si præciperet lex divina; & ideo dicitur liber, non quin subdatur legi divinæ, sed quia ex bono habitu inclinatur ad hoc faciendum quod lex divina ordinat.

Deinde cum dicit, *Nos vero omnes revelata facie gloriam Domini speculantes in eadem imaginem transformamur*, ostendit quomodo Christi fideles sunt omnino liberi ab hoc velamine. Dicit ergo: Dico, quod ab illis auferetur velamen hoc, cum aliquis conversus fuerit sicut nos; non aliquis, sed omnes qui sumus Christi fideles. Luc. vii. 10. „Vobis datum est nosse mysterium regni Dei, ceteris autem in parabolis.“

Revelata facie, noo habentes velamen supra cor, sicut illi: & intelligitur per faciem cor, seu mens: quia sicut per faciem videt quis corporaliter, ita per mentem spiritualiter. Psal. cxviii. „Revela oculos meos, & considerabo mirabilia de lege tua.“ *Gloriam Domini*, non Moyfi: gloria enim significat claritatem, ut dicit Augustinus. Iudei autem videbant quendam gloriam in facie Moyfi ex hoc quod locutus est cum Deo; sed hæc gloria est imperfecta, quia oon est claritas ex qua ipse Deus est gloriosus: & hoc est cognoscere ipsum Deum. Vel *gloriam Domini*, idest Filium Dei. Proverb. x. 1. (a) „Gloria patris, filius sapiens.“ *Speculantes* oon sumitur hic a specula, sed a speculo; idest, ipsum Deum gloriosum cognoscentes per speculum rationis, in qua est quædam imago ipsius. (b) Hunc speculamur quando homo ex consideratione sui ipsius allurgit in cognitionem aliquam de Deo, & transformatur. Cum enim omnis cognitio sic per assimilationem cognoscentis ad cognitum, oportet quod qui vident, aliquo modo transformantur in Deum. Et si quidem perfecte vident, perfecte transformantur, sicut beati in patria per fruitionis unionem. I. Ioan. xii. 2. „Cum autem apparuerit, similes ei erimus.“ Si vero imperfecte, imperfecte, sicut hic per fidem. I. Corinth. xiii. 12. „Videmus nunc per speculum in ænigmate.“ Et ideo dicit, *in eadem imaginem*, idest sicut videmus. *Transformamur*, inquam, *a claritate in claritatem*: in quo distinguit triplicem gradum cognitionis in discipulis Christi. Primus est a claritate cognitionis naturalis in claritatem cognitionis fidei. Secundus est a claritate cognitionis veteris testamenti in claritatem cognitionis gratiæ novi testamenti. Tertius est a claritate cognitionis naturalis, & veteris, & novi testamenti, in claritatem visionis æternæ. Iosua. iv. 16. *Liget is qui foris est, renovatur de die in diem*. Sed unde est hoc? Non ex littera legis, sed *samquam a Spiritu Domini*. Rom. vii. 14. „Quicumque Spiritu Dei aguntur, ii sunt filii Dei.“ Psal. cxli. 10. „Spiritus tuus bonus deducet me in terram rectam.“

(a) *Id. ibi* „Filius sapiens iustificat patrem.“

(b) *Id.* Et hoc speculamur.

IDeo habentes hanc administrationem, iuxta quod misericordiam consecuti sumus, non deficiamus, sed abdicamus occulta dedecoris: non ambulantes in astutia, neque adulterantes verbum Dei; sed in manifestatione veritatis, commendantes nosmetipsos ad omnem conscientiam hominum coram Deo.

Ostenfa dignitate ministerii novi testamenti, hic consequenter Apostolus determinat de usu ministerii; & circa hoc duo facit: primo enim ostendit usum huius ministerii, qui debet esse in agendis bonis; secundo illum qui debet esse in malis patienter tolerandis; ibi, *Habemus autem thesaurum istum in vasis fictilibus*. Circa primum duo facit. Primo ponit huius ministerii usum; secundo obiectionem excludit, ibi, *Quod si etiam opertum est Evangelium nostrum, in his qui parent est opertum*. Dicit ergo: Quia igitur huiusmodi ministerium est tantæ dignitatis in se, & in ministris, ideo habentes hanc administrationem, ideo hanc dignitatem administrandi spiritalia. I. Corinth. iv. 1. „Sic nos existit, ut homo ut ministros Christi, & dispersatores mysteriorum Dei.“ Rom. xii. 13. „Quamdiu sum Gentium Apostolus, ministerium meum honorificabo.“ *Habentes*, inquam, non ex nobis, seu ex meritis nostris, sed iuxta quod misericordiam consecuti sumus a Deo, id est ex misericordia Dei, quam in hoc consecuti sumus a Deo. I. Timoth. i. 13. „Misericordiam consecutus sum.“

Consequenter cum dicit, *Non deficiamus*, describit usum huius ministerii qui debet esse circa bona agenda; & hoc quantum ad duo: primo quantum ad vitiationem malorum; secundo quantum ad operationem bonorum, ibi, *In manifestatione veritatis*. Docet autem vitari mala in usu huius ministerii & quantum ad vitam, & quantum ad doctrinam. Sed quantum ad vitam dupliciter, scilicet quantum ad operationem, & quantum ad intentionem. Nam si quis vitat mala operari, & bona intentione, perfecte vitat mala. In operatione autem vitatur malum, in adverteat patienter mala sustinendo; & ideo dicit, *Non deficiamus, per impatientiam*. Galat. vi. 9. „Bonum autem facientes non deficiamus.“ In-

fra xii. 18. *Cum inferor, tunc fervor sum, & potens*: Vitatur etiam in prosperitate, temperate utendo eis quæ prospere succedunt; & ideo dicit: *Sed abdicamus occulta dedecoris*; id est, amovemus a nobis quæ hominem torpescunt, & dedecorolum faciunt, scilicet immunda, & turpia, & etiam occulta, non solum manifesta. Luc. i. 21. (a) „Abdicamus omnem immunditiam.“ Ephes. v. 12. „Quæ in occulto ab eis sunt, turpe est & dicere.“ In intentione autem vitatur malum vitæ, (b) si est intentio recta; & quantum ad hoc dicit: *Non ambulantes in astutia*, id est in astutia, & simulatione, & hypocrisis; quod faciunt pseudo, qui aliud præcedunt exterius, & aliud gerunt interius in corde. Job xxxvi. 13. „Simulatores, & calidi, ludi provocant iram Dei.“ In doctrina autem vitatur malum, quando verbum Domini debito modo proponitur; & quantum ad hoc dicit: *Non adulterantes verbum*: quod dupliciter exponitur, ut patet supra ii. Et primo non permittentes doctrinæ Christi falsam doctrinam; quod faciebant pseudo, dicentes legalia debere servari cum Evangelio: secundo non prædicantes propter lucrum, vel gloriam propriam: & istorum primus, est lupus, secundus, mercenarius; sed qui vera prædicat, & propter gloriam Dei, est pastor. Unde Augustinus: „Pastor est amandus; lupus vitandus; sed mercenarius ad tempus tolerandus.“ Sed quia non sufficit ad perfectam iusticiam solum vitare mala, sed requiritur operatio bona; ideo consequenter subiungit de operatione bonorum in ipso usu huius ministerii. Et ponitur triplex bonum, quod facit contra triplex malum. Primum bonum (c) est contra malum doctrinæ; secundum contra malum operationis; tertium contra malum intentionis. Contra malum doctrinæ, quod debet vitari, facit bonum manifestæ veritatis; & quantum ad hoc dicit: *In ma-*

(a) Al. Abdicantes. (b) Al. sicut in intentione recta. (c) Al. omittitur est.

manifestatione veritatis; quasi dicat: Non deficiamus, sed vitantes mala ambulamus, & proficimus in manifestatione veritatis; id est, veritatem puram manifestamus. Ioan. xviii. 37. „Ad hoc natus sum ut testimonium perhibeam veritati.“ Eccli. xxiv. 31. „Qui elucidant me, vitam æternam habebunt.“ Contra malum operationis faciunt bona opera; & quantum ad hoc dicit: *Commendantes nosmetipsos ad omnem conscientiam hominum coram Deo.* Et hoc non facimus, dicendo de nobis bona (quia nos de facili creditur ei qui seipsum commendat) sed operando bona: quia talia opera facimus ut ex ipsis operibus reddamus nosmetipsos commendabiles ad omnem conscientiam hominum. I. Petr. ii. 12. „Conversationem vestram inter Gentes habentes bonam.“ Contra malum intentionis facimus bonum, reddendo nos commendabiles, non solum ad omnem conscientiam hominum, sed etiam coram Deo, qui intuetur corda. Infra x. 18. *Non enim qui seipsum commendat, ille probatus est, sed quem Deus commendat.* Rom.

xii. 17. „Providentes bona, non solum coram Deo, sed etiam coram omnibus hominibus.“ Et secundum Augustinum in Glossa, Apostolus implet in hoc mandatum Domini, Matth. v. 16. „Sic luceat lux vestra coram hominibus, ut videant opera vestra bona, & glorificent Patrem vestrum qui in caelis est.“ Item vi. 1. „Attendite ne iustitiam vestram faciatis coram hominibus.“ Primum in hoc quod dicit, *Commendantes nosmetipsos ad omnem conscientiam hominum*; secundum vero in hoc quod dicit, *Coram Deo*. Rom. 11. 28. „Non enim qui in manifesto, lucet, deus est,“ Vel potest totum hoc magis secundum continuationem litteræ legi sic, ut dicatur: *Ideo habentes hanc administrationem, iuxta quod misericordiam consecuti sumus, non deficiamus, supple, bene operando, sed abdicamus occultata dederis.* Et iterum non deficiamus in manifestatione veritatis; servato tamen eodem modo exponendi, sicut in prima lectura.

LECTIO II.

Quod si etiam opertum est Evangelium nostrum, in his qui pereunt est opertum; in quibus Deus huius sæculi excæcavit mentes infidelium, ut non fulgeat illis illuminatio Evangelii gloriæ Christi, qui est imago Dei. Non enim nosmetipsos prædicamus, sed Iesum Christum Dominum nostrum; nos autem servos vestros per Iesum: quoniam Deus, qui dixit de tenebris lucem splendescere, ipse illuxit in cordibus nostris ad illuminationem scientiæ claritatis Dei in facie Christi Iesæ.

Hic consequenter Apostolus respondet euidam tacitæ obiectioni. Posset enim dici sibi ab aliquo: Tu dicis, quod non deficiis in manifestatione veritatis Christi; sed hoc non videtur, quia multi contradicunt tibi. Huic ergo questioni respondet, & circa hoc duo facit: primo enim respondet questioni prædictæ; secundo excludit quoddam dubium, quod videtur ex responsione sua sequi, ibi, *Non enim nosmetipsos prædicamus.* Circa primum tria facit. Primo offendit quibus occultatur veritas Christi; secundo occultationis causam assignat, ibi, *In quibus Deus huius sæculi excæcavit mentes infidelium*; tertio offendit quod hoc non est ex defectu veritatis Evangelii, ut occultetur, illa, *Ut non fulgeat illis illuminatio Evangelii*. Dicit ergo: Dixi, quod non deficiamus in manifestatione. Quod, id est, si Evangelium nostrum, quod scilicet nos prædicamus, est opertum, id est occultum, non est opertum omnibus, sed illis

tantum qui perierunt, scilicet præbendo impedimentum, ne eis manifestetur. I. Cor. 1. 18. „Verbum crucis pereuntibus stultitia est; iis autem qui salvi sunt, id est nobis, Dei virtus est.“ Causa ergo huius occultationis est, non ex parte Evangelii, sed propter eorum culpam; & malitiam: & hoc est quod subdit: *In quibus Deus huius sæculi excæcavit mentes infidelium.* Et hoc potest exponi tribus modis. Primo modo sic. *Deus huius sæculi*; id est, Deus qui est Dominus huius sæculi, & omnium rerum, creatioe, & natura, iuxta illud Psal. xxi. 1. „Domini est terra, & pleritudo eius, orbis terrarum, & universi qui habitant in eo.“ *excæcavit mentem infidelium*, non iuducendo malitiam, sed merito, immo demerito præcedentium peccatorum, subtrahendo gratiam. Esa. vi. 10. „Excæca cor populi huius; & aures eius aggrava, & oculos eius claudes, ne forte videat oculis suis, & auribus suis

„audiat, & corde suo intelligat, & convertatur, & sanem eum. “ Unde & precedencia peccata insinuat: cum dicit, *Infidelium*, quasi infidelitas eorum fuerit causa huius execrationis. Secundo modo sic. *Deus huius saeculi*, idest diabolus, qui dicitur Deus huius saeculi, idest saeculariter viventium, non creatione, sed imitatione, quia saeculatus eum imitantur. Sapient. 11. 25. „Imitantur eum qui sunt „ex parte illius. “ Et hic exacerbat suggerendo, trahendo, & inclinando ad peccata. Et sic quando iam sunt in peccatis, operiuntur in tenebris peccatorum, ne videant. Ephes. xiv. 18. „Tenebris obsecratur, tum habentes intellectum, alienati a vita Dei. “ Terrio modofic. Deus habet rationem ultimi finis, (a) & complementi desideriorum totius creaturae. Unde quidquid aliquis sibi pro fine ultimo constituit, in quo eius desiderium quiescit, potest dici Deus illius. Unde cum habes pro fine delicias, tunc deliciae dicuntur Deus tuus. Similiter etiam si voluptates carnis, vel honores. Et tunc exponitur sic. *Deus huius saeculi*, idest illud quod homines saeculariter viventes sibi pro fine constituunt, ut puta voluptates, vel divitiae, & huiusmodi. Et hic Deus exacerbat mentes, inquantum impedit ne homines lumen gratiae hic, & gloriae in futuro videre possint. Psalm. lxxi. 9. „Supercecidit ignis „(scilicet concupiscentiae) (b) & non viderant solem. “ Si ergo execratio infidelium non est ex parte Evangelii, sed ex culpa infidelium; & ideo subdit: *Ut non fulgeat illis illuminatio Evangelii gloria Christi*. Ubi sciendum est, quod Deus Pater est fons totius luminis. I. Ioan. 1. 5. „Deus „lux est, & tenebrae in eo non sunt ullae. “ Ex hoc autem fontanoso lumine derivatur imago huius luminis, scilicet Filii Verbum Dei. Hebr. 1. 3. „Qui cum „sit splendor gloriae, & figura substantiae eius. “ Hic ergo splendor gloriae, imago fontanosa: lucis, carnem nostram accepit, & multa gloriosa, & divina in hoc mundo opera fecit. Declaratio igitur huius lucis est Evangelium: unde & Evangelium dicitur noticia claritatis Christi, quae quidem noticia virtutem habet illuminativam. Sapient. vi. 13. „Clara est, & quae numquam marcescit sapientia. “ Et quidem quantum est de se, in omnibus resurgit, & omnes illuminat; sed illi qui praebent impedimentum, non illuminantur: & hoc

est quod dicitur: *Idcirco exacerbat mentes infidelium, ut scilicet non assueant in eis*, scilicet in mentibus infidelium, licet in se effulgens sit, *illuminatio Evangelii* illuminantis: quod quidem est illuminans, quia est gloria Christi, idest claritas. Ioan. 1. 14. „Vidimus gloriam eius, gloriam quasi Unigeniti a Patre. “ Quae quidem gloria provenit Christo ex eo quod *est imago Dei*. Coloss. 1. 15. „Qui est imago invisibilis Dei. “

Nota secundum Glossam, quod Christus perfectissima imago Dei est. Nam ad hoc quod aliquid perfecte sit imago alicuius, tria requiruntur; & haec tria perfecte sunt in Christo. Primum est similitudo, secundum est origo; tertium est perfecta aequalitas. Si enim inter imaginem & eum cuius est imago, esset dissimilitudo, & unum non oriretur ex alio; similiter etiam si non sit aequalitas perfecta, quae est secundum eandem naturam; non esset ibi perfecta ratio imaginis. Nam similitudo Regis in denario non perfecte dicitur imago Regis, quia deest ibi aequalitas secundum eandem naturam; sed similitudo Regis in filio dicitur perfecta imago Regis; quia sunt ibi illa tria quae dicta sunt. Cum ergo ista tria sint in Christo Filio Dei, quia scilicet est similis Patri, oritur a Patre, & aequalis est Patri, maxime, & perfecte dicitur imago Dei.

Consequenter cum dicit, *Non enim nosmetipsos praedicamus*, remouet Apostolus quoddam dubium. Posset enim aliquis contra praedicta dicere Apostolo: Supra dixisti, Evangelium vestrum esse opertum; modo dicis, Evangelium Christi illuminare. Si ergo datur quod Evangelium Christi sit illuminans, non potest hinc sequi quod opertum sit Evangelium vestrum. Et ideo ad hoc removendam, duo facit. Primo ostendit quod idem est Evangelium suum & Christi; secundo ostendit unde sit quod Evangelium suum sit illuminativum, ibi, *Quoniam Deus, qui dixit de tenebris lucem splendescere, ipse illuxit in cordibus nostris*. Dicit ergo primo: Dico, quod manifestatio claritatis Christi est Evangelium Christi, & nostrum: nostrum quidem, tamquam per nos praedicatum; Christi vero, tamquam in ipso Evangelio praedicati. Et hoc est quod *non praedicamus nosmetipsos*, idest, non commendamus nos, nec ad nos, idest ad laudem, vel lucrum nostrum, convertimus praedicationem nostram, sed ad Christum totum referimus, & laudem eius. I. Corinth. 1.

(a) A. & complementum. (b) A. ut non viderent solem.

27. Nos autem predicamus Christum cruciatum. Psal. lxxxi. 28. Ut annuntiem omnes predicationes tuas (nos meas) in portis filiae Sion. Sed Iesum Dominum nostrum; nos autem servos vestros per Iesum; quasi dicat: Iesum predicamus ut Dominum; nos autem ut servos. Et huius ratio est quia principaliter querimus laudem Christi, & non nostram. Nam servus est qui est propter utilitatem domini. Et inde est quod minister Ecclesiae, qui non querit honorem Dei, & utilitatem subditorum, non dicitur verus rector, sed tyrannus. Nam quicumque bene regit, debet esse sicut servus quareus honorem, & utilitatem subditorum. Gen. xxi. 23. Malior serviet minori. I. Corin. x. 19. Cum essent liberi, omnium vestram me servum feci.

Consequenter cum dicit, Quoniam Deus, qui dixit de tenebris lucem splendescere, Iste illuxit in cordibus nostris, ostendit unde Evangelium suum habet virtutem illuminativam ab Apostolo, qui talis est. Nos aliquando, scilicet antequam conversi essemus ad Christum, eramus tenebrosi sicut & vos, & alii in quibus non fulget claritas gloriae Christi. Nunc vero, postquam Christus vocavit nos per gratiam suam ad se, tenebrae huius remotae sunt a nobis, & iam fulget in nobis virtus gloriae claritatis Christi; & in tantum resurget in nobis quod non solum illuminamur ad hoc quod videre possumus, sed etiam quod alios illuminemus, & spirituali ergo gratia, & abundanti re-

fulgentia claritatis gloriae Christi in nos, habet Evangelium nostrum virtutem illuminativam; & hoc est quod dicit: Dico, quod ideo illuminat Evangelium nostrum, quoniam Deus, qui dixit, id est praepotens solo fecit, lucem splendescere, quod iuit in separatione elementorum, quando chaos tenebrosum illuminavit per lucem quam fecit: Genes. 1. 3. Dixit, Fiat lux: Eccles. xxi. 6. Ego feci ut in caelis oriretur lux indeficiens. Iste, inquam, Deus illuxit in cordibus, id est in mentibus, nostris prius tenebrosis per ablationem luminis gratiae, & obfuscitatem peccati: Luc. 1. 7. 9. Illi luminare his qui in tenebris, & in umbra mortis sedent. Illuxit, inquam, non solum ut nos illuminaremur, sed ad illuminationem, id est ut & alios illuminemus. Ephes. 3. 8. Mihi omnium sanctorum minimo data est gratia haec... illuminare omnes. Matth. v. 14. Vos estis lux mundi. Ad illuminationem, dico, scientia, id est ut faciamus alios scire. Dico, Claritatis Dei, id est clarae divinae visionis, in facie Iesu Christi. Glossa: Id est, per Iesum Christum, qui est facies Patris, quia sine ipso non cognoscitur Pater. Sed melius dicitur sic, Ad illuminationem (a) scientia claritatis Dei, quae quidem claritas fulget in facie Christi Iesu; id est, ut per ipsum gloriam, & claritatem cognoscatur Christus Iesus; quasi dicat: Io summa ad hoc Deus illuxit nobis ad illuminationem, ut ex hoc Iesus Christus cognoscatur, & predicetur (b) in gentibus.

LECTIO III.

Habemus autem thesaurum istum in vasculis fictilibus; ut sublimitas sit virtutis Dei, & non ex nobis. In omnibus tribulationem patimur, sed non angustiamur; aporiamur, sed non destituimur; persecutionem patimur, sed non derelinquimur; humiliamur, sed non confundimur; decimur, sed non perimus: semper mortificationem Iesu Christi in corpore nostro circumferentes, ut & vita Iesu manifestetur in corporibus nostris.

Supra tractavit de usu ministerii novi testamenti quantum ad bona agenda; hic consequenter tractat de usu eius quantum ad tolerantiam malorum: & circa hoc duo facit: primo enim ostendit tolerantiam malorum quae patiebantur; secundo vero hoc manifestat, ibi, Semper enim nos qui vivimus, in morte tradimur. Circa primum tria facit. Primo ponit causam quare tribulationibus exponamur a Deo; secundo ostendit quod in istis tribulationibus patienter se habeant, ibi, & omnibus tribulationum patimur, sed non angustiamur; tertio vero rationem huius patientiae assignat, ibi,

Lil 2 ibi,

(a) Al. sancta claritas. (b) Al. omittitur propositio in.

ibi, *Semper mortificationem lesu in corpore nostro circumferentes*. Dicit ergo: Deus illuxit mentibus nostris ad illuminationem aliorum; quæ quidem lux est maximus thesaurus. Sap. vii. 14. "Infinitus enim thesaurus est hominibus." Esa. xxxiii. 6. "Divitiæ salutis sapientia, & scientia." Iustum autem maximum thesaurum non habemus in pretioso loco, sed in re vili, & scilicet: & ratio huius est, ut scilicet Deo efficacia eius tribuatur: & hoc est quod dicit: *Habemus thesaurum istum*, idest lucem illam quæ alios illuminamus, in vasis fictilibus, idest in corpore fragili, & vili. Psal. cxii. 7. "Ipse cognovit signum nostrum." Hieron. xlviii. 6. "Sicut lutum, in manu figuli, sic & vos in manu mea, domus Israel." Esa. lxi. 8. "Et nunc, Domine, Patet noster es tu, nos vero lutum." Ideo habemus in vasis fictilibus, ut *sublimitas*, istius lucis, *seu virtutis Dei*, idest Deo attribuat, & non ex nobis credatur esse. Nam si essemus divites, si potentes, si nobiles secundum carnem; quidquid magnum faceremus, non Deo, sed nobis ipsis attribueretur. Nunc vero quia pauperes, & contemptibiles sumus; humilissimi sublimitas Deo, & non nobis attribuitur. Et ideo vult nos Deus contemptui haberi, & tribulationibus exponi. Deut. xxxii. 27. "Ne dicerent: Manus nostra excelsa, & non Dominus fecit hæc omnia." & I. Corinth. i. 29. "Ut non gloriatur omnis caro in conspectu eius." Sap. xii. 8. (A) "Nulli antecessores tuos, ne dicerent &c.

Consequenter cum dicit, *In omnibus tribulationem patimur, sed non angustiamur*, ostendit eorum patientiam in his quæ patiuntur: & circa hoc duo facit. Primo ostendit mala quæ patiuntur in generali; secundo enumerat ea in speciali, ibi, *Aporiamur, sed non desistimus*. Dicit ergo: Vere habemus huic thesaurum in vasis fictilibus: quia in omnibus tribulationem patimur; quasi dicat: Nullus modus tribulationis deest nobis. Act. xiv. 21. "Per multas tribulationes oportet nos intrare in regnum Dei." Nec mirum, quia, ut dicitur Luc. ult. 26. "oportuit Christum pati, & sic intrare in gloriam suam." Et licet sic tribuemur, non tamen angustiamur. Et loquitur ad similitudinem viatoris, qui quando non patet ei via quæ exeat de aliquo arcto loco, angustiat; quasi dicat: Homines qui solum in mundo confidunt, angustiantur, si undique a mundo tribulantur: quia non patet eis via remedia, cum non sperent nisi de mundo. Sed nos, licet tribuemur in mundo, quia tamen confidimus de Deo, & speramus in Christo, patet nobis via evasione, & auxilii a Deo, & ideo non angustiamur.

Consequenter cum dicit, *Aporiamur, sed non desistimus*; enumerat tribulationes in speciali. Sunt autem quatuor in quibus homines consueverunt tribulari; & io illis tribulati sunt Apostoli, scilicet in rebus exterioribus, in inquietudine status, in læsione fame, & in afflictione propriæ corporis. Quotum ergo ad primum dicitur: *Aporiamur*, idest depauperamur: apores enim Græce, Latine dicitur pauper; quasi dicat: Adeo pauperes sumus ut necessaria desint. I. Corinth. xiv. 21. "Uique in hanc horam elurimus, & sitimus." Sed non desistimus, a Deo, qui est thesaurus noster: Divitiæ enim non queruntur propter se, sed propter sufficientiam vitæ. Unde homines qui sine Dei auxilio, & sperant, sic careant divitiis, desistunt; sed qui solum de Deo confidunt, & sperant, quantumcumque aporiantur, non desistunt.

Infra vi. 10. *Tantum nihil habentes, & omnia possidentes*. Sed nec fuisse, immo cum hoc inquietamur: *Perfectionem patimur*, scilicet de loco ad locum: Matth. x. 23. "Persequentur vos: sed non derelinquemur a Deo, quin præbeat auxilium." Hebr. ult. 5. "Non te derelinquam, neque derelinquam." Psal. ix. 11. "Speret in te qui noverunt te, quoniam non dereliquisti querentes te, Domine." Sed & cum hoc lædimur in fama, quia humiliamur, idest contemnimur, & pro nihilo reputamur. Ioan. xvi. 2. "Venit hora ut omnis qui interficit vos, arbitretur obsequium se præstare Deo." Luc. vi. 22. "Beati eritis cum vos oderint homines." Sed quia quando quis contemnitur, & causa contemptus subest, ille qui contemnitur, consuevit confundi; quando vero causa non subest, non confunditur; & illis non suberat causa contemptus: ideo dicit: *Non confundimur*; quasi dicat: Quia non subest causa, non curamus. Psal. xxx. 2. "In te Domine speravi, non confundar in æternum." Sed quali hæc pauca sint, addit ad tribulationis exaggerationem, dicens: *Delitimus*, ad mortis pericula; sed

non

(A) Hi sunt MIGRI antecessores exercitus tui vestros, ut illos paulatim exterminarent.

non perimus, idest a bono non cessamus : vel non perimus, quia Deus sublestat nos. Iob x. 17. „ Cum te consumptum putaveris, orieris ut lucifer. “ I. Corinth. xv. 13. „ Tamquam purgamenta huius mundi facti sumus. “ Psal. xlii. 22. „ Aestimati sumus sicut oves occisionis. “

Consequenter cum dicit, *Semper mortificationem Iesu Christi in corpore nostro circumferentes*, subdit rationem huius patientiae. Circa quod sciendum est, quod in Christo talis fuit processus. Nam a principio suae conceptionis carnem habens passibilem, & passus, & mortuus fuit; sed tamen interius vivebat spiritali vita. Post resurrectionem vero illa spiritalis, & gloriosa vita ulque ad corpus derivata est, & factum est ipsum corpus gloriosum, & immortale : quia „ Christus relurgens ex mortuis, iam non „ moriturus, mors illi ultra non dominabitur : “ Rom. vi. 9. Unde ex hoc accipitur duplex status in corpore Christi, scilicet mortis, & gloriae. Et ideo dicit, quod ideo pericula mortis, & passiones patienter sustinemus, ut perveniamus ad gloriosam vitam : & hoc est quod dicit : Ita sustinemus *semper*, idest in omnibus, & ubique, *mortificationem* (a) *Iesu*, idest propter Iesum, vel ad similitudinem mortis Iesu. Galat. ult. 17. „ Stigmata Domini le-

„ su in corpore meo porto. “ Quia propter veritatem passi sumus, sicut & Iesus. *In corpore nostro*, non solum in mente : Psal. xlii. 22. „ Propter te mortificamur tota die. “ *Ut vita Iesu*, idest vita gratiae, quam Iesus dat ; vel vita gloriae, ad quam Iesus per passiones pervenit : Luc. xxiv. 26. „ Nonne oportuit Christum pati, „ & ita intrare in gloriam ? “ (b) *manifestetur*, idest manifeste appareat etiam inimicis. Dicit ergo : *Manifestetur*, in futura scilicet resurrectione, vel etiam nunc, vita gloriae, in *corporibus nostris*, non solum in animabus. Iud. vii. fractis sagunculis, apparuerunt lucernae. Et ideo dicit Ambrosius : „ Non timebat mori propter „ resurrectionem promissam. “ *Circumferentes*, idest ubique portantes, & sustinentes : quia quocunque eamus, patimur, & non cedimus. Et hoc ideo, *ut vita Iesu*, quae latet nunc in corde nostro, in *corporibus nostris* manifestetur, quando scilicet „ reformabit corpus humilitatis nostrae, „ configuratum corpori claritatis suae : “ Phil. i. 21. Colos. i. 3. „ Mortui estis, & vita „ vestra abscondita est cum Christo in Deo. “ Cum Christus apparuerit vita vestra, „ tunc & vos apparebitis cum ipso in gloria. “ II. Timoth. ii. 12. „ Si commortui sumus, & convivemus. “

L E C T I O IV.

Semper enim nos qui vivimus, in mortem tradimur propter Iesum ; ut & vita Iesu manifestetur in carne nostra mortali. Ergo mors in nobis operatur, vita autem in vobis. Habentes autem eundem spiritum fidei, sicut scriptum est : Credidi, propter quod locutus sum : & nos credimus, propter quod & loquimur ; scientes quoniam qui suscitavit Iesum, & nos cum Iesu suscitabit, & constituet vobiscum. Omnia enim propter vos, ut gratia abundans per multos in gratiarum actione, abundet in gloriam Dei.

Postea patientia Apostolorum in malis, & causa patientiae offensae, hic Apostolus consequenter manifestat ea : & primo manifestat id quod dixit de spe gloriae ; secundo vero id quod dixit de sua (c) patientia, ibi, *Propter quod non desicimus*. Circa primum duo facit. Primo manifestat spem gloriae quam habet, secundo ostendit unde haec spes sibi proveniat, ibi, *Habentes autem eundem spiritum fidei*... & nos credimus. Circa primum tria facit. Primo ostendit quomodo mortificationem Iesu in

corpore suo portet ; secundo vero manifestat quomodo portet vitam Iesu, ibi, *Ut & vita Iesu manifestetur in carne nostra mortali* ; tertio manifestat quid ex hoc sibi, & aliis proveniat, ibi, *Ergo mors in vobis operatur, vita autem in vobis*. Dicit ergo primo : Dico, quod portamus mortificationem in corporibus nostris, non quod moriamur, sed quia nos qui vivimus corporali vita, vel virtutibus, semper tradimur in mortem, vel in pericula mortis ; & hoc quidem propter Iesum. Psal. xlii. 22. „ Aestimati su-

mus

(a) *Al. deest Iesu*. (b) *Al. omittitur hic, & infra manifestetur*. (c) *Al. sapientia*.

„mus sicut oves occisionis. “ Qualiter autem vitam lesu potestem in corpore, exponit subdicens: Ita scilicet *ut vita lesu*, immortalis, & impassibilis, *manifestetur in carne nostra*, nunc mortali; ita ut caro nostra mortalis recipiat immortalitatem in resurrectione. I. Corinth. xv. 53. „Oportet autem tem mortale hoc induere immortalitatem. “ Sed ex hoc quid proveniat, subdit dicens: *Ergo mors operatur*, idest exercet dominium suum, *in nos*; *vita autem*, scilicet præstans, operatur *in vobis*, quia estis in prosperitate, iuxta illud I. Corinth. iv. 10. „Nos stulti propter Christum, vos autem prudentes in Christo; nos infirmi, vos autem fortes. “ (a) Et mors operatur in nobis magnum bonum, scilicet consecutionem vitæ spiritualis: (b) Psalm. cxv. 15. „Preciosa est in conspectu Domini, ni mors sanctorum eius: “ sed vita terrena quam amatis, operatur in vobis magnum malum, scilicet mortem æternam. Proverb. x. 16. „Opus iusti ad vitam; “ fructus autem impii ad peccatum. „Ioan. xii. 25. „Qui amat animam suam in hoc mundo, perdet eam. “ Vel aliter. Duo fuerunt in Christo, mors corporalis, & vita spiritualis. Dicit itaque: *Ergo mors in nobis operatur*; quasi dicat: In nobis non solum vita spiritualis operatur, inquantum imitatur spiritum sanctum, sed etiam mors operatur; idest, propter spem resurrectionis, & propter amorem Christi, vestigia mortis Christi in nobis apparent, inquantum passionibus mortis exponimur. Psalm. xlii. 22. „Propter te mortificamur tota die. “ Sed in vobis operatur solum vita Christi, per quam (c) vitam fides plantatur in vobis, & vita spiritualis.

Unde autem proveniat Apostolo hæc spes certitudinis, subdit dicens: *Habentes autem eundem spiritum fidei* & nos credimus: & circa hoc duo facit. Primo ponit causam certitudinis; secundo concludit ipsam certitudinem, ibi, *Scient quoniam qui suscitavit Iesum, & nos cum Iesu suscitabit*. Causa autem huius certitudinis est Spiritus infundens fidem in cordibus eorum: unde primo ponit causam hanc; secundo vero manifestat eam per exemplum, ibi, *Sicut scriptum est &c.* Dicit ergo: Ex hoc speramus, & non desicimus, quia sumus habentes eundem spiritum fidei, quem antiqui habuerunt: quia licet tempora mutata sint, spiritus tamen, & fides non est mutata;

nisi quod illi credebant Christum venturum, & passurum, nos autem credimus ipsum ventile, & passum fuisse. Et hic Spiritus est Spiritus sanctus, qui est Spiritus fidei. I. Corinth. xii. 11. „Hæc autem omnia operatur unus atque idem Spiritus, divinus, videns singulis prout vult. “ Et ibidem: „Alteri fides in eodem Spiritu. “ Hunc ergo Spiritum habentes, quem antiqui habuerunt, facimus eadem quæ illi, & credimus. Illi autem quid fecerint, dicit Psalm. cxv. 1. *Credidi*, scilicet Deo, & perieci; & hoc omnes antiqui fecerunt: Hebr. xii. 39. „Hi omnes testimonio fidei probati, “ non acceperunt reprobationem: „propter quod, scilicet credidi, locutus sum, idest confessus sum fidem. Roman. x. 10. „Cor de creditur ad iustitiam, ore autem confessio sit ad salutem. “ Quod etiam nos facimus, quia propter hoc quod credimus, loquimur, & confitemur fidem, & prædicamus. Act. iv. 20. „Non enim possumus: “ quæ vidimus, & audivimus non loqui. „Spiritus ergo sanctus est causa huius certitudinis. Ultimo ergo concludit conclusionem intentam, scilicet ipsam certitudinem: & primo de salute propria: secundo de salute aliorum, ibi, *Et constituet vobiscum*. Dicit ergo: *Scient*, idest certam scientiam habentes, quoniam qui suscitavit Iesum, idest Deus Pater, vel tota Trinitas, & nos cum Iesu suscitabit, ut scilicet sumamus eandem gloriam cum Iesu: quia cum simus membra eius, debemus esse cum capite. Ioan. xii. 26. „Volo, Pater, ut ubi ego sum, illic sit & minister meus. “ Roman. viii. 11. „Qui suscitavit Dominum Iesum a mortuis, suscitabit & mortua, talia corpora vestra, propter inhabitantem Spiritum eius in vobis. “ Et non solum sum certus de salute nostra, sed etiam de vestra: quia constituet vobiscum; idest, simul erimus: quia sicut nos sumus membra Christi, ita & vos per nos. I. Thessal. iv. 16. „Et sic semper cum Domino erimus. “ Matth. xxiv. 28. „Ubi cumque fuerit corpus, illuc congregabuntur & æquiles. “ Et ideo dicit, *Vobiscum*, ut amet eos ad bonum, inquantum ostendit eos non esse inferiores, sed pares. Et bene hoc possumus certe dicere, quia omnia sunt propter utilitatem vestram. Nam omnia quæ suscitamus, omnes gratias quas recipimus a Deo, sunt propter vos, scilicet instruendos non solum exemplo; & hoc ideo, ut gratia abundet.

(a) *Al.* Ut mors operetur. (b) *Al.* amittitur hæc Psalmorum sententia. (c) *Al.* deservit vitam.

dant a nobis in vos abundet per multos (a) tanto. Ephes. v. 10. „Gratias agentes Deo in gratiarum actione in gloriam Dei; idest, „ & Patri semper pro omnibus. „ multi agant gratiam Deo super beneficio

L E C T I O V.

Propter quod non deficimus; sed licet is qui foris est noster homo corrumpatur, tamen is qui intus est renovatur de die in diem. Id enim quod in presenti est momentaneum, & leve tribulationis nostrae, supra modum in sublimitate æternæ gloriæ pondus operatur in nobis, non contemplantibus nobis quæ videntur, sed quæ non videntur: quæ enim videntur, temporalia sunt; quæ autem non videntur, æterna sunt.

Posita patientia quam Apostoli habebant in tribulationibus, & præmio quod expectabant manifestato, hic consequenter agit de patientiæ causa, & patientiæ modo, seu ratione: & circa hoc tria facit: primo enim insinuat sanctorum patientiam: secundo patientiæ causam, ibi, (b) *Sed licet is qui foris est homo noster corrumpatur, tamen is qui intus est renovatur de die in diem*; tertio patientiæ remunerationem, ibi, *Id enim quod in presenti est momentaneum... æternæ gloriæ pondus operatur in nobis*. Circa primam intendit ostendere quod sanctorum patientia est invincibilis; & hoc est quod dicit: *Propter quod, scilicet quia sumus scientes quod suscitavit Jesum a mortuis, & suscitabit nos, & constituet nobiscum, ideo non deficimus, scilicet in tribulationibus; idest, non deducimur ad hoc quod non possumus propter Christum amplius ferre, & sustinere. Nam deficere idem est quod ferre non posse. Hier. xx. 9. „Defeci, ferre (v) non sustinui. „ Causa autem quare non deficimus, est, quia licet quantum ad aliquid deficiamus, scilicet quantum ad exteriorem hominem; tamen quantum ad aliquid semper renovamur, scilicet quantum ad interiorem hominem: & hoc est quod dicit: *Sed licet is qui foris est noster homo corrumpatur, tamen is qui intus est renovatur de die in diem*.*

Ubi sciendum est, quod occasione istorum verborum hæreticus, Tertullianus nomine, dixit, quod anima rationalis, quæ est in hominis corpore, habet corpoream figuram, & membra corporea, sicut & corpus habet; & hoc dicitur homo interior. Quod quidem falsum est. Unde ad intellectum huius verbi, sciendum est, quod etiam secundum Philosophum in Ethic. & secundum

consuetudinem loquendi, unamquodque dicitur, esse illud quod est principalius in ipso; puta, quia in civitate principalis est potestas, & concilium, id quod facit potestas, & concilium, dicitur tota civitas facere. Principalis autem in homine potest aliquid iudicari & secundam veritatem, & secundam apparentiam. Secundam veritatem quidem principalis in homine est ipsa mens: unde secundum iudicium spiritualium virorum, mens dicitur homo interior: secundum apparentiam vero principalis in homine est corpus exterius cum sensibus suis: unde secundum iudicium illorum qui tantum corporalia, & sensibilia considerant, & terrena sapient, quorum Deus venter est, corpus cum sensibus dicitur homo exterior. Et ideo secundum hunc modum loquitur hic Apostolus, dicens: *Licet homo noster, scilicet corpus cum natura sensitiva, corrumpatur, in tribulationibus, ieiuniis, & abstinentiis, & vigiliis: Rom. vi. 6. „Vetus homo noster simul crucifixus est: „ Habac. iii. 16. „Ingredietur „putredo in ossibus meis, & subter me „scateat: „tamen is homo qui intus est, scilicet mens, seu ratio, munita spe futuri præmii, & firmata munimine fidei, renovatur. Quod sic intelligendum est. Vetus enim est via ad corruptionem: Hebr. vii. 13. „Quod antiquatur, & senescit, „prope interitum est. „Natura autem humana fuit in integritate condita: & si in illa integritate permansisset, semper esset nova; sed per peccatum incepit corrumpi: quo fit quod quicquid consecutum est, sicut ignorantia, difficultas ad bonum, & pronitas ad malum, pœnalitas, & alia huiusmodi, totum pertinet ad vetustatem. Cum ergo natura humana huiusmodi peccatum*

(a) Al. omittitur in gratiarum actione. (b) Al. Non contemplantibus nobis dea. (c) Ibi non sustinens.

catum sequentia deponit, tunc dicitur renovari. Quæ quidem depositio hic incipit in sanctis, sed perfecte consummabitur in patria. Hic enim deponitur vetustas culpæ: nam spiritus deponit vetustatem peccati, & subicitur novitati iustitiæ: hic intellectus deponit errores, & assumit novitatem veritatis: & secundum hoc *is qui intus est homo*, scilicet anima, *renovatur*. Ephel. iv. 23. „Renovamini spiritu mentis vestræ.“ Sed in patria tollitur etiam vetustas pœnæ: unde ibi erit consummata renovatio. Psalm. cii. 5. „Renovabitur ut aquilæ juvenis tua.“ Sed quia sancti quotidie proficiunt in puritate conscientiæ, & in cognitione divinarum, ideo dicit, *De die in diem*. Psalm. lxxxiii. 7. „Ascensiones in corde suo disposuit.“ Sic ergo patientia est invincibilis, quia renovatur de die in diem.

Tertium principale, scilicet huius patientiæ causa, est recogitatio præmii, quæ est efficacissima: quia, secundum Gregorium, recogitatio præmii diminuit vim flagelli: & hoc est quod dicit: *Id enim quod in presenti est momentaneum, & leve: tribulationis nostra, supra modum in sublimitate æternæ gloriæ pondus operatur in nobis*; quasi dicat: Nihil sunt tribulationes quas hic patimur, si respiciatur ad gloriam quam ex eis consequimur. Unde comparat statum sanctorum qui sunt in vita ista, ad statum eorum qui sunt in patria, & ponit quoque in utroque statu correspondentiâ sibi invicem. Nam primo status istius vitæ in sanctis est status, quantum in seest, parvus, & quasi imperceptibilis: unde dicit, *Id*, idest minimum. Esa. liv. 7. „Ad punctum, in modico dereliqui te.“ Item transitorium: unde dicit, *in presenti*, idest in vita ista, quæ est in afflictionibus, & ærumnis. Job vii. 1. „Militia est vita hominis super terram.“ Item temporis brevis: unde dicit, *Momentaneum*. Esa. liv. „In momento indignationis abscondi faciem meam parumper a te.“ Nam totum tempus huius vitæ comparatum ad æternitatem, non est (a) nisi momentaneum. Item est levis: unde dicit, *Leve*. Nam licet supra. i. 8. dicatur, *Gravati sumus supra modum*, quia scilicet grave est corpori, tamen spiritui caritate ferventi levissimum est. Augustinus: „Omnia gravia & immania, facilia & prope nulla facit amor.“ Item est pœnulosus; & ideo dicit, *Tribulationis*. Mich. vii. 9. „Iram Do-

mini portabo, quoniam peccavi ei.“ Sed quantum ad statum beatitudinis ponit quoque: quia contra hoc quod dicit *id*, ponit *supra modum*, idest supra mensuram. (b) Rom. viii. 18. „Exitimo quod non sunt condignæ passionibus huius temporis ad futuram gloriam.“

Sed contra. Matth. xvi. 27. „Reddet unicuique iuxta opera sua.“ Non ergo supra mensuram. Respondet: Dicendum est, quod ly (c) *iuxta* non designat æqualitatem quantitatis, ut scilicet quantum quis meruit, tantum præmiatur; sed designat æqualitatem proportionis, ut scilicet qui plus meruit, plus præmii accipiat.

Item contra id quod dicit, *in presenti*, ponit, *in sublimitate*, idest in statu sublimi abique perturbatione. Esa. lviii. 14. „Sustollam te super altitudinem nubium.“ Contra id quod dicit *momentaneum*, ponit *æternum*. Esa. xxxv. 10. „Lætitia sempiterna super capita eorum.“ Contra id quod dicit *leve*, ponit *pondus*. Et dicit *pondus* propter duo. Pondus enim inclinat, & trahit ad motum suum quæ subleunt ubi. Sic gloria æterna erit tanta quod totum hominem faciet gloriosum, & in anima, & in corpore: nihil erit in homine quod non sequatur impetum gloriæ. Vel dicitur *pondus* propter pretiositatem. Nam pretiosa solum ponderari consueverunt. Contra hoc quod dicit *tribulationis*, ponit *gloria*. Vel hoc quod dicit *gloria*, potest esse commune ad alia quatuor quæ de statu patriæ dicuntur; hoc vero quod dicit *tribulationis*, ad quatuor quæ de statu præsentis vitæ dicta sunt. *Operator*, supra id scilicet quod tribulationes patimur: nam hæc sunt causa, & meritum quare Deus istam gloriam nobis conferat. Est ergo sanctorum patientia invincibilis, eorum remuneratio ineffabilis; sed remunerationis eorum recompensatio recta, & delectabilis: unde dicit: *Non contemplantibus nobis quæ videntur, sed quæ non videntur*; quasi dicat: Licet hæc quæ speramus sint futura, & interim corpus nostrum corrumpatur; nihilominus tamen renovamur, quia non attendimus ad ista temporalia, sed ad cælestia: & hoc est quod dicit: *Operator in nobis pondus gloriæ*: nobis, dico, *non contemplantibus*; idest non attendentibus ad ea quæ videntur, idest ad terrena, sed ad ea quæ non videntur, scilicet cælestia. Philip. iii. 13. „Quæ retro sunt obliviscens, ad ea vero quæ sunt priora, extendens meipsum.“ I. Corinth. ii. 9.

„Occu-

(a) *Id* sicut momentum. (b) *Id* emittitur sequens apostoli sententia. (c) *Id* scilicet.

„Oculus non vidit, nec auris audivit, nec
 „in cor hominis ascendit, quæ præparavit
 „Deus iis qui diligunt illum. “ Et quare
 cælestia contemplamur? Quia ea qua vi-
 dentur, idest terrena, sunt temporalia, &
 transitoria; ea autem qua non videntur,
 scilicet cælestia, sunt æterna. Esa. li. 6.
 „Salus autem mea in sempiternum erit.“

CAPITULUM QUINTUM

LECTIO I

Sciamus autem quoniam si terrestris domus nostra huius habitationis dissolvatur, quod ædificationem ex Deo habemus, domum non manufactam, sed æternam in cælis. Nam & in hoc ingemiscimus, habitationem nostram, quæ de cælo est, superindui cupientes; si tamen vestiti, & non nudi inveniamur. Nam & qui sumus in hoc tabernaculo, ingemiscimus gravati, eo quod nolumus expoliari, sed supervestiri, ut absorbeat quod mortale est a vita.

Postquam Apostolus commendavit (a) misterium novi testamenti & quantum ad dignitatem, & quantum ad usum, consequenter hic commendat illud quantum ad præmium; licet de præmio quantum ad aliquid aliquammodo, & incomplete supra tractavit; hic tamen de hoc complete tractat: circa quod tria facit: primo enim agit de præmio; secundo vero de præparatione, & præmii susceptione, ibi, *Et ideo contendimus, sive absentes, sive presentes, placere illi*; tertio vero de causa utriusque, scilicet præparationis, & præmii, quod expectatur, ibi, *Omnia autem ex Deo qui nos reconciliavit sibi per Christum*. Circa primum duo facit. Primo ponit præmium quod expectatur, secundo exprimit desiderium præmii expectati, ibi, *Nam in hoc ingemiscimus, habitationem nostram quæ de cælo est, superindui cupientes*. Sed quia præmium quod expectatur est inæstimabile, scilicet gloriæ cælestis, ideo dicit: *Sciatis quoniam* &c. quasi dicat, secundum Glossam: Vere operatur in nobis pondus gloriæ, quia in corporibus erit hæc gloria, non tantum in animabus: enim, idest quia, *sciatis*, idest certi sumus, quia iam habemus in spe, *quoniam si terrestris domus nostra*, idest corpus. Homo enim, ut dictum est, dicitur mens, cum sit principaliter in homine: quæ quidem mens se habet ad corpus, sicut homo ad domum: sicut enim destructa domo non destruitur homo eam inhabitans, sed maior; sic destructo corpore, non destruitur mens, seu anima rationalis, sed manet.

S. Th. Oper. Tom. VI.

Corpus ergo terrestre dicitur domus habitationis, idest in qua habitamus. Job xv. 19. „Qui habitant domos luteas, & renum habent fundamentum, consumuntur velut a tineæ.“ Dissolvatur, idest destruat. Sciatis, inquam, quod habemus ædificationem, idest ædificium, ex Deo, idest paratum a Deo. Aedificium dico domum non manufactam, idest non opere hominis, nec opere naturæ; sed corpus incorruptibile, quod assumemus: quod quidem non est manufactum, quia incorruptibilitas in corporibus nostris provenit solum ex operatione divina. Philip. iii. 21. „Reformabit corpus humilitatis nostræ conformatum corpori claritatis suæ. Domum æternam, idest domum ab æterno (b) nobis præparatam. Esa. xxxiii. 20. „Tabernaculum quod nequaquam destruetur in cælis.“ Matth. v. 12. „Merces vestra copiosa est in cælis.“ Hanc autem commutationem, ut scilicet pro terrestri domo habeant cælestem desiderabat Job, dicens xiv. 14. „Cum diebus quibus nunc milito expedio donec veniat immutatio mea.“

Expolitio est secundum Glossam: sed tamen non est secundum intellectum apostolicum, nec præcedentibus, nec sequentibus concordat. Nam ipse cum habeat unam materiam continuum, de qua loquitur, non interponit aliam. Et ideo videamus quid intendat Apostolus dicere. Sciendum est autem, quod Apostolus vult hic ostendere quod sancti rationabiliter susti-

M m m nent

(a) M. mysterium. (b) M. emittitur nobis.

nent tribulationes, ex quibus vita præsens corruptitur, quia ex hoc statim perveniunt ad gloriam, non ad gloriosum corpus, ut dicitur in Glossa. Et ideo dicit: Ideo iustitiamus, enim, idest quia, *scimus*, idest pro certo habemus, *quoniam si terrestris domus nostra huius habitationis*, idest corpus, *dissolvatur*, idest corrumpatur per mortem, *habetur*, statim non in spe, sed in re, meliorem domum, scilicet *edificationem, domum non manufactam*, idest gloriam cælestem, non corpus gloriosum. De hac autem domo dicitur Ioan. xiv. 2. „In domo Patris mei mansiones multæ sunt. Quæ quidem est ex Deo non manufacta, quia gloria æterna est ipse Deus. Psal. xxx. 3. „Ego mihi in Deum protectorem, & in domum refugii. Et æternam: ad litteram, quia ipse Deus æternus. In calis, idest in excessis: quia statim corrupto corpore, anima sancta consequitur hanc gloriam, non in spe, sed in re. (a) Nam & antequam corpus dissolvatur, habemus hanc domum in spe.

Sic ergo præmium sanctorum est admirabile, & desiderabile, quia gloria cælestis est: ideo consequenter subiungit desiderium sanctorum ad ipsum præmium, dicens: *Nam in hoc ingemiscimus, habitationem nostram, quæ de calo est, superindui cupientes.* Ubi tria facit. Primo exprimit desiderium gratiæ ad præmium ipsum; secundo ostendit quod desiderium gratiæ retardatur ex desiderio naturæ, ibi, *Nam & qui sumus in hoc tabernaculo, ingemiscimus gravati*; tertio ostendit quod desiderium gratiæ vincit desiderium naturæ, ibi, (b) *Audentes igitur semper, & scientes quoniam dum sumus in corpore, peregrinamur a Domino.* Sed desiderium gratiæ est (c) cum fervore: *nam in hoc ingemiscimus, habitationem nostram, quæ de calo est, superindui cupientes*; quasi dicat: Hæc est vera probatio quod habemus domum non manufactam: quia si desiderium naturæ non est frustra, multo minus desiderium gratiæ frustra est. Cum igitur nos habeamus ferventissimum desiderium gratiæ de gloria cælesti, impossibile est quod sit frustra: & hoc est quod dicit: *ingemiscimus, idest ingemendo desideramus, in hoc, scilicet animæ desiderio, retardati.* Psal. cxix. 5. „Heu mihi, quia incolatus meus prolongatus est. In hoc, inquam, quod cupientes sumus, idest cupimus, *superindui habitationem nostram, idest fruitionem gloriæ*

quæ de calo est, idest cælestis; quæ dicitur habitatio, quia in ipsa gloria sancti habitant sicut in suo consolatatorio. Matth. xxv. 21. „Intra in gaudium Domini tui. Per hoc autem quod dicit, *Superindui*, dat intelligere quod illa domus cælestis de qua supra dixerat, non est aliquid ab homine separatam, sed aliquid homini inhærens. Non enim dicitur homo induere domum, sed vestimentum; domum autem dicitur aliquis inhabitare. Hæc ergo duo coniungit, dicens: *Superindui habitationem*: per quod ostendit quod illud desiderium est aliquid inhærens, quia induitur; & aliquid continens, & excedens, quia inhabitatur. Sed quia non simpliciter dicit, *Indui*, sed *superindui*, rationem sui dicti subdit, dicens: *Si tamen vestiti, & non nudi inveniamur*; quasi dicat: Si anima indueretur habitatione cælesti, quod non exueretur habitatione terrena, idest non corrumpetur corpus nostrum per mortem, (d) cælestis adeptio illius habitationis esset superinductio. Sed quia oportet quod evacuetur habitatione terrena ad hoc quod induatur cælesti, non potest dici superinductio, sed inductio simplex: & ideo dicit: *Si tamen vestiti, & non nudi inveniamur*, quasi dicat: Superindueremur quidem, si inveniremur induti, & non nudi. Nudus enim non dicitur superindui, sed indui tantum. Glossa vero aliter exponit de vestimento spirituali, dicens: „Copimus superindui, quod utique fiet, tamen hac conditione, si nos inveniamur vestiti, scilicet virtutibus, & non nudi, scilicet virtutibus. De istis vestibus dicitur Coloss. iii. 12. „Induite vos, sicut electi Dei, sancti, & dilecti, viscera misericordiæ, benignitatem, humilitatem, modestiam, patientiam. Quasi dicat: Nullus ad illam gloriam perveniet, nisi habeat virtutes. Quæ quidem expositio non videtur concordare intentioni Apostoli. Sic ergo desiderium gratiæ fervet ad præmium, sed tamen retardatur a desiderio naturæ; quod ostendit cum dicit: *Nam dum sumus in tabernaculo isto, ingemiscimus gravati.* Ubi primo ponit conditionem desiderii naturalis; secundo ostendit quod etiam hic status desiderii naturalis est a Deo, ibi, *Qui autem efficit nos in hoc ipsum, Deus.* Condicio autem desiderii est naturalis, retardans desiderium gratiæ: quia vellemus inveniri vestiti, & non nudi; idest, ita vellemus quod anima perveniret.

(a) Al. omittuntur frequenter usque ad illa verba Sic ergo. (b) Al. Audentes igitur &c. (c) Al. cum fervore. (d) Al. sed cælestis.

set ad gloriam, quod corpus non corrumpetur per mortem. Cuius ratio est, quia naturale desiderium inest animæ, esse unitam corpori; alias mors non esset pœnalis: & hoc est quod dicit: *Nam nos qui sumus in hoc tabernaculo*, idest qui habitamus in isto mortali corpore: II. Petr. 1. 14. Scio quod velox sit depositio tabernaculi mei: "*ingemiscimus*, idest, intus in corde, non solum extra in voce gemimus: Esa. lix. 11. " Ut columbæ meditantes, gememus: " quia durum est cogitare mortem; & tamen *gravari*, qualilicet existeret contra desiderium nostrum, eo quod non possumus pervenire ad gloriam, nisi deponamus corpus; quod est ita contra naturale desiderium, ut dicit Augustinus, quod nec ipsa senectus a Petro timorem

mortis auferre potuit. Ex ideo dicit: *Et quod nolumus spoliari*, scilicet tabernaculo terreno, *sed supervestiri*, gloria supercælesti; vel, secundum Glossam, corpore glorioso. Sed quia postea videri indecens quod corpus ex una parte esset corruptibile ex sui natura, si non fuisset ante dissolutum, & ex parte gloriæ esset gloriosum; subdit modum quomodo fieri vellet, dicens: *Et absorbeatur quod mortale est a vita*; quasi dicat: Non sic supervestiri volumus quod corpus remaneat mortale, sed ita quod gloria auferat ex toto corruptionem corporis absque corporali dissolutione; & ideo dicit: *Absorbeatur quod mortale est, idest ipsa corruptio corporis, a vita*, scilicet gloriæ. I. Corinth. xv. 54. " Absorpta est mors in victoriam. "

L E C T I O II.

Qui autem efficit nos in hoc ipsum, Deus, qui dedit nobis pignus Spiritus. Audentes igitur semper, & scientes quoniam dum sumus in hoc corpore, peregrinamur a Domino (per fidem enim ambulamus, & non per speciem) audemus autem, & bonam voluntatem habemus magis peregrinari a corpore, & præsentem esse ad Dominum. Et ideo contendimus, sive absentes, sive præsentem, placere illi. Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum.

Hic ostendit auctorem supernaturalis desiderii de habitatione cælesti. Causa enim naturalis desiderii quod nolumus expoliari, est quia scilicet anima naturaliter unitur corpori, & e converso. Sed hoc quod cælestem inhabitationem superindui cupiamus, non est ex natura, sed ex Deo; & ideo dicit: *Qui autem efficit nos in hoc ipsum, Deus*; quasi dicat: Volumus superinduere cælestem habitationem, ita tamen quod non spoliemur terrena; & tamen hoc ipsum quod volumus sic supervestiri, efficit in nobis Deus, Philip. 1. 13. " Deus est qui operatur in nobis & velle, & perficere, pro bona voluntate. " Cuius ratio est, quia quamlibet naturam consequitur appetitus conveniens sui lux naturæ, sicut grave naturaliter tendit deorsum, & appetit ibi quiescere. Si autem sit appetitus alicuius rei supra naturam suam, illa res non movetur ad illud finem naturaliter, sed ab alio quod est supra naturam suam. Constat autem quod perfrui cælesti gloria, & videre Deum per essentiam, licet sit rationalis creaturæ, est tamen supra naturam ipsius. Non ergo movetur rationalis creatura ad

hoc desiderandum a natura, sed ab ipso Deo, qui in hoc ipsum efficit nos.

Sed quomodo hoc efficit, subdit dicens: *Qui dedit nobis pignus Spiritus*. Circa quod sciendum est, quod Deus efficit in nobis naturalia desideria, & supernaturalia. Naturalia quidem, quando dat nobis spiritum naturalem convenientem naturæ humanæ: Genes. 1. 7. " Inspiravit in faciem eius, spiritum vitæ: " supernaturalia vero dat, quando infundit in nobis supernaturalem spiritum, scilicet spiritum sanctum; & ideo dicit: *Dedit nobis pignus Spiritus*, idest spiritum sanctum causantem in nobis certitudinem huius rei, qua desideramus impleri. Ephes. 1. 13. " Signati estis spiritu promissionis sancto, qui est pignus hereditatis nostræ. " Dicit autem *pignus*, quia pignus debet tantum valere quantum valet res pro qua ponitur; sed in hoc differt a re pro qua ponitur, quia pleniori iure possidetur res quando iam habetur quam pignus: quia res possidetur ut quid suum, pignus vero servatur, & retinetur, quasi pro certitudine rei habenda. Ita est de Spiritu sancto: quia spiritus sanctus tantum valet quantum gloria

Mmm 2

cæle-

cogitatis; sed differt in modo habendi, quia nunc habemus eum quasi ad certitudinem consequendi illam gloriam, in patria vero habebimus ut rem iam nostram, & a nobis possidemus: tunc enim habebimus perfecte, (a) modo imperfecte. Sic ergo retardatur desiderium gratiæ a desiderio naturæ. Sed numquid impeditur? Non; sed desiderium gratiæ vincit: & hoc est quoddicit: *Audentes igitur semper, & scientes quoniam dum sumus in corpore, peregrinamur a Domino*; quasi dicat: Duo desideria sunt in sanctis: unum quo desiderant celsiorem habitationem; aliud quo nolunt expoliari. Et si hæc duo essent compossibilia, non essent contraria, & unum non retardaretur ab alio. Sed Apostolus offendit ea esse incompossibilia, & quod oportet quod unum vincat alterum. Unde circa hoc tria facit: primo enim offendit incompossibilitatem ditorum desideriorum; secundo interponit quamdam probationem, ibi, *Per fidem enim ambulamus, & non per speciem*; tertio offendit quod horum vincat, ibi, *Audemus autem, & bonam voluntatem habemus magis peregrinari a corpore*. Incompossibilitatem offendit cum dicit: *Audentes igitur semper, & scientes quoniam dum sumus in corpore, peregrinamur a Domino*. Audere, proprie est immittere se in pericula mortis, & non cedere propter timorem. Licet autem sancti naturaliter timeant mortem, tamen audent ad pericula mortis, & non cedunt timore mortis. Proverb. xxviii. 1. „Iustus quasi leo confidens.“ Eccli. xlviii. 13. „In diebus suis non pertimuit principem.“ Et scientes, scilicet lumen hoc, quod confirmat in nobis audaciam, ut pro Christo mori non timeamus, quoniam dum sumus in hoc corpore mortali, peregrinamur, idest elongamur, a Deo. Plal. cxix. 5. „Heu mihi, quia incolatus meus prolongatus est.“ Peregrinamur, inquam, quia sumus extra patriam nostram, qui Deus est: alias non diceremur peregrinari ab eo. Et hoc non est ex natura nostra, sed ex eius gratia. Quod autem peregrinamur a Domino, probat cum dicit: *Per fidem enim ambulamus, idest procedimus in vita ista per fidem, & non per speciem*, idest non per perfectam visionem. Fidei enim verbum est sicut lucerna a qua illuminamur ad ambulandum in vita ista. Plal. cxviii. 109. „Lucerna pedibus meis verbum tuum, & lumen semitis meis.“ In patria autem non erit huiusmodi lucerna, quia „ipsa claritas Dei

„(idest ipse Deus) illuminabit illam.“ Apoc. xxi. 13. Et ideo tunc per speciem, idest per essentiam, videbimus eum. Dicit autem: *Per fidem ambulamus*; quia fides est de non visis. „Eit enim fides substantia spei, randarum rerum, argumentum non apparentium.“ Hebr. xi. 1. Quamdiu autem anima corpori mortali unitur, non videt Deum per essentiam. Exod. xxxiii. 20. „Non videbit me homo, & viver.“ Unde inquantum assentimus, credendo his quæ non videmus, dicimus ambulare per fidem, & non per speciem. Sic ergo patet duorum desideriorum incompossibilitas, quia non possumus cum hoc corpore superindui celsiorem habitationem; & probatio huius, quia per fidem ambulamus.

Sequitur consequenter victoria unius desiderii de duobus, scilicet desiderii gratiæ, cum dicit: *Audemus autem, & bonam voluntatem habemus magis peregrinari a corpore*; & debet restumi *Scientes* supra positum, quia lettera suspensiva est; ut dicitur sic. Hoc, inquam, scientes, quia dum sumus in hoc corpore, peregrinamur a Domino audemus, & bonam voluntatem habemus. Duo dicit, quorum unum importat repugnantiam quam habet in volendo, quæ sit per timorem mortis. Ubi enim non est timor, non est audacia. Nam ex appetitu naturæ surgit timor mortis, ex appetitu gratiæ surgit audacia: ideo dicit, *Audemus*. Aliud importat imperfectionem animi in desiderando, quia nisi bene desideraretur, non vinceretur timor mortis, cum sit valde naturalis. Et ideo non solum oportet audere, sed bonam voluntatem habere, idest cum gaudio velle. Licet enim secundum Philosophum in actu fortitudinis non requiratur gaudium ad perfectionem virtutis, sicut in aliis virtutibus, sed solum non tristari; tamen quia fortitudo sanctorum perfectior est, non solum non tristatur in periculis mortis, sed etiam gaudent. Philipp. i. 23. „Habens desiderium dissolvi, & esse cum Christo.“ Sed quid audemus? *Magis peregrinari a corpore*, idest removeri a corpore per corporis dissolutionem, quod est contra desiderium naturæ; & *presentes esse ad Dominum*, idest ambulare per speciem, quod est desiderium gratiæ. Hoc desiderabat qui dicebat Plalm. xli. 3. „Sicut vivam, ma mea ad Deum (b) fontem vivum.“ Et nota, quod hic concludit eadem duorum propositum (c) supra in principio, scilicet quod *si terrestris domus nostra huius habitata*.

(a) *Al. emittitur modo imperfecte.* (b) *Al. deus fontem.* (c) *Al. in principia supra secundo i. hanc autem verba habentur in initio huius capituli.*

bitationis dissolvatur; quod idem est quod hic dicit *peregrinari a corpore*; & quod habemus *denum in calce non manufactam*; (a) & hoc idem est quod *presentes esse ad Deum*.

Confutatur per hæc verba error dicentium, animas sanctorum decedentium non statim post mortem deduci ad visionem Dei, & eius præsentiam, sed morari in quibusdam mansionibus usque ad diem iudicii. Nam frustra sancti auerent, & desiderarent peregrinari corpore, si (b) separati a corpore non essent præsentia ad Deum. Et ideo dicendum est, quod sancti statim post mortem vident Deum per essentiam, & sunt in cælesti mansionem.

Sic ergo pater quod præmium quod sancti expectant, est inæstimabile. Sequitur de præparatione ad præmium, quæ sit per pugnam contra tentationes, & per exercitium honorum operum; & hoc est quod dicit: *Ideo contendimus, sive absentes, sive præsentia, placere illi*. Præparantur autem sancti ad hoc præmium tripliciter, scilicet placendo Deo; secundo, proficiendo proximo, ibi, *Scientes autem timorem Dei, hominibus suademus*; tertio, abdicando a se carnales affectus, ibi, *Itaque nos ex hoc nomen novimus secundum carnem*. Deo autem placent, resistendo malis; & ideo dicit: *Ideo*, quia scilicet totum desiderium nostrum est quod sumus præsentia Deo, *contendimus*, id est cum conatu nitimur, seu studemus cum pugna, & luda, contra tentationes diaboli, carnis, & mundi. Luc. xiii. 24. „Contendite intrare per angustam portam: „*placere illi*, scilicet Deo, ad quem desideramus esse præsentia: & hoc, *sive absentes, sive præsentia* illi sumus: quia nisi studeamus ei placere in vita ista, dum sumus absentes, non poterimus ei placere, nec esse ei præsentia in alia vita. Sap. iv. 10. „Placens Deo factus est dilectus.“

Consequenter cum dicit, *Omnes enim nos manifestari oportet ante tribunal Christi*, subdit causam quare sancti contendunt placere Deo: quæ quidem causa sumitur ex consideratione futuri iudicii, ubi nos omnes manifestari oportet. Ponit autem Apostolus quinque condiciones futuri iudicii. Primo enim ponit ipsius universalitatem, quia nullus excipietur ab illo iudicio; & ideo dicit: *Omnes nos*, id est omnes homines, bonos, & malos, magnos, & parvos. Rom. xiv. 10. „Omnes stabimus ante tribunal Christi.“ Apocal. xx. 12. „Vidi mor-

„tuos, pusillos, & magnos, stantes in conspectu agni, & libri aperti sunt.“

Sed contra hoc obicitur dupliciter. Primo quia videtur quod infideles non veniunt ad iudicium: nam qui non credit, iam iudicatus est, ut dicitur Ioan. 11. Secundo quia quidam erunt ibi iudices, Matth. xix. 28. „Sedebitis super sedes duodecim, iudicantes duodecim tribus Israël.“ Non ergo omnes erunt ante tribunal, ut iudicentur.

Responsio. Dicendum, quod in iudicio duo erunt: (c) scilicet discussio meritorum; & quantum ad hoc non omnes indicabuntur: quia illi qui totaliter abrenuntiaverunt satanae, & pompis eius, & per omnia adhæserunt Christo, non discrucientur, quia iam dii sunt; illi vero qui in nullo adhæserunt Christo nec per fidem, nec per opera, similiter non indigent discussione, quia nihil habent cum Christo; sed illi qui cum Christo aliquid habent, scilicet fidem, & in aliquo recesserunt a Christo, scilicet per mala opera, & prava desideria, discrucientur de his quæ contra Christum commiserunt: unde quantum ad hoc soli Christiani peccatores manifestabuntur ante tribunal Christi. Item erit in iudicio prolatio sententia; & quantum ad hoc omnes manifestabuntur.

Sed de pueris non videtur, quia dicitur: *De referat unusquisque propria corporis prout gesserit*: sed pueri nihil gesserunt in corpore: ergo &c.

Sed hoc solvit Glossa: quia non iudicabuntur pro his quæ ipsi gesserunt per se, sed de his quæ gesserunt per alios, dum per eos crediderunt, vel non crediderunt; baptizati, vel non baptizati fuerunt. Vel damnabuntur pro peccato primi parentis.

Secundo vero ponit iudicii certitudinem. In iudicio hominum multi decipi possunt, dum quidam iudicantur mali, qui tamen sunt boni, & e converso. Et huius ratio est, quia non manifestantur corda. Sed in illo iudicio perfectissima certitudo erit, quia erit ibi manifestatio cordium: unde dicit, *Manifestari*, I. Corinth. 14. 5. „Nolite ante tempus iudicare, quoadusque veniat Dominus; qui & illuminabit abscondita tenebrarum, & manifestabit con-

„silia cordium.“
Tertio ponit iudicii necessitatem, quia nec per interpositam personam, nec per contumaciam poterit quis effugere iudicium il-

(a) *Id.* & hoc quod idem est. (b) *Id.* omittitur separati a corpore. (c) *Idem* Regum, & duo Vetera præteritis, iam citata: scilicet prolatio sententia, & discussio meritorum.

illud: undedit, *Opertes*, idest necessarium est. Iob xix. 29. „ Scitote esse iudicium. „ Eccli. ult. 14. „ Cuncta quæ sunt adducet „ Deus in iudicium pro omni errato, sive „ bonum, sive malum. illud sit.

Quarto ponit iudicis auctoritatem: unde dicit, *Ante tribunal Christi*, ut scilicet veniat ad iudicandum homines in eadem forma in qua iudicatus est ab hominibus, ut exiit in forma humana videatur a bonis, & malis: mali enim non possunt videre gloriam Dei. Iohan. v. 27. „ Potestas „ tem dedit ei iudicium facere, quia Fi- „ lius hominis est. „ Tribunal autem dicitur iudiciariam potestatem, & sumptum est ab antiqua consuetudine Romanorum, qui

elegerunt tres tribunos plebis, ad quorum officium pertinebat diiudicare excessus consulum, & senatorum: & loca istorum vocabantur tribunalia.

Quinto ponit iudicis æquitatem: quia secundum merita propria, erunt præmia vel poenæ: unde dicit: *Ut referat unusquisque propria corporis, prout gessit*. Rom. ii. 6. „ Reddet unicuique secundum opera sua. „ Et dicit, *Corporis*, non solum pro his quæ fecit motu corporis, sed pro his quæ mente gessit; alias infideles non puoierunt. Et ideo cum dicit, *Corporis*, intelligendum est, idest pro his quæ gessit dum vixit in corpore.

L E C T I O III.

SCientes ergo timorem Domini, hominibus suademus. Deo autem manifesti sumus. Spero autem & in conscientiis vestris manifestos nos esse. Non enim iterum commendamus nos vobis, sed occasionem damus vobis gloriandi pro nobis; ut habeatis ad eos qui in facie gloriantur, & non in corde. Sive enim mente excedimus, Deo; sive sobrii sumus, vobis. Caritas enim Christi urget nos, æstimantes hoc, quoniam si unus pro omnibus mortuus est, ergo omnes mortui sunt, & pro omnibus mortuus est Christus; ut & qui vivunt, iam non sibi vivant, sed ei qui pro ipsis mortuus est, & resurrexit.

Ostenso qualiter sancti se præparant ad præmium æternæ gloriæ placendo Deo, hic ostendit consequenter quomodo præparant se ad hoc proficiendo proximo; & circa hoc duo facit. Primo ostendit sollicitudinem suam quam habet de salute proximorum; secundo vero huius sollicitudinis causam assignat, ibi, *Caritas Christi urget nos*. Circa primum tria facit. Primo ponit curam quam habet de salute proximorum, persuadendo eis; secundo excludit quamdam falsam suspensionem, ibi, *Non iterum nos vobis commendamus*; tertio ostendit quod etiam in modo docendi proximorum utilitatem intendat, ibi, *Sive enim mente excedimus, Deo; sive sobrii sumus, vobis*. Circa primum duo facit. Primo ponit studium suum de utilitate proximorum; secundo manifestat hoc, ibi, *Deo autem manifestati sumus*. Dicit ergo: Dico, quod oportet nos manifestari ante tribunal Christi; & hæc consideratio inducit homines ad timendum iudicium: & ideo dicit: *Scienter ergo timemus Domini*, idest quam pure, & caste: timendus sit Dominus Iesus Christus, suademus hominibus, ut timeant, & credant. Iob xxi. 16. „ Considerans eum timore sollicitor. „ Hier. x. 7. „ Quis non time-

bit te, o Rex gentium? „ Ega. viii. 13. „ Dominum exercituum ipsam sanctificate: „ ipse pavor vester, & ipse terror vester. „ Sed quia aliquis posset dicere, quod non ex conscientia bona, sed ex commodo suo suadebat hominibus; ideo manifestat hoc esse falsum duplici testimonio: scilicet Dei: unde dicit: *Deo autem manifesti sumus*, quod scilicet ex timore Dei loquimur: Deus enim videt intentionem cordis nostri. Hierem. xxi. 9. „ Pravum est cor hominis, & in- „ scrutabile; & quis cognoscat illud? Ego „ Dominus scrutans cor. „ Iohan. ii. 25. „ Ipse sciebat quid esset in homine. „ Item testimonio conscientiarum ipsorum: unde dicit: *Spero autem & in conscientiis vestris manifestos nos esse*: & vere spero, quia sic me exhibui ut vos scire possitis nos esse probatos; & firmiter hoc tenere, etiam non confiteamini ore. Supra iv. 2. *Commendantes nosmetipsos ad omnem conscientiam hominum coram Deo*.

Consequenter, quia possent credere quod hoc dixerit Apostolus ad commendationem propriam, remouet hanc suspensionem: taliter, dicens: *Non iterum nos commendamus vobis*; idest, non dicimus hoc ad commendationem nostram, ut quasi iterum velimus

nos commendare: supra enim 111. & etiam I. Corinth. 111. aliqua dixerat ad commendationem suam: & ideo dicit, *Item*. Infra x. 18. *Non enim qui seipsum commendat, ille probatus est*. Sed hoc dicimus propter utilitatem vestram; quasi dicat: *Damus vobis occasionem gloriandi*, idest materiam gloriandi. Pseudopostoli enim per elationem gloriabantur, dicentes se fuisse (a) doctos ab Apostolis qui fuerunt a Domino, scilicet a Petro, & Iacobo, qui erant columnæ fidei; detrahentes in hoc Apostolo, quasi non fuerit cum Domino Iesu, & volentes eius doctrinam destruere. Ut ergo & Corinthii haberent in quo gloriarentur contra ipsos pseudopostolos de gratia Apostolo data, ut eos & resellant, & non seducantur ab eis, ideo dicit hoc: unde subdit: *Ut habeatis ad eos, idest contra eos, vel ad eos reprimendos, quid possitis dicere*. Ad eos, dico, qui in facie gloriantur, & non in corde. Quod tripliciter exponitur sic. In facie gloriantur, idest (b) in exterioribus observantibus legalibus, quia ad litteram docebant servare legalia; & non in corde, idest in virtute Christi, quæ est in corde, quia in spiritualibus; sicut Apostolus, qui in virtute crucis Christi dicebat Galat. vi. 14. „Mihi autem abest gloriari nisi in cruce Domini nostri Iesu Christi.“ Item in facie (c) gloriantur, idest in conspectu hominum, sicut hypocritæ faciunt: & non in corde, idest in testimonio conscientie, sicut Apostolos: unde dicit supra 1. 12. *Gloriamus hæc est testimonium conscientie nostræ*. Vel in facie gloriantur, quia aliqua prætendebant exterius, quæ tamen non ita sentiebant interius in corde, scilicet quod dicebant se doctos ab Apostolis, & quod sequerentur eorum doctrinam, quam (d) tamen nitebantur destruere. Patet ergo qualiter Apostolus in docendo, proximorum salutem procurabat.

Sequitur videre quomodo ipsorum salutem procurabat etiam in modo docendi: unde dicit: *Sive enim mente excedimus, Deo, sive sobrii sumus, vobis*. Quod exponitur dupliciter. Uno modo sic, ut Apostolus dicat se excedere quando loquitur eis commendando se; fobrium esse quando non loquitur de commendatione propria. Secundum hoc dicit: Quocumque modo doceamus, vel est honor Dei, vel utilitas proximi: quia si excedimus mente, idest commendamus nos, Deo scilicet est, idest ad honorem Dei, vel de servando iudicio Dei; sive sobrii su-

mus, idest non alta dicamus de nobis, hoc est vobis, idest ad utilitatem vestram. Sed aliter, & est magis literalis sensus. Dico, quod damus vobis occasionem gloriandi pro nobis: quia nos in omnibus quæ facimus, & etiam in modo faciendi, intendimus bonum vestrum. Unde sciendum, quod Apostoli sunt medii inter Deum & populum. Denter. v. 5. „Ego sequester & medius“, sui inter Dominum & vos. „Oportebat ergo quod haurirent a Deo quod effunderent populo; & ideo necessarium erat quod quandoque elearent se per contemplationem in Deum ad percipiendum celestia, quandoque conformarent se populo ad tradendum quæ a Deo perceperant; & hoc totum in eorum utilitatem cedebat; & ideo dicit: *Sive enim excedimus mente*, idest elevamur ad hoc quod percipiamus dona gratiarum, & hoc ut Deo scilicet uniamur, quod fit per excessum rerum temporalium. Psalm. cxv. 11. „Ego dixi in excessu meo.“ Dionysius: „Est enim ex-“, tasim faciens divinus amor. „*Sive sobrii sumus*, idest commensuremus nos vobis tradendo divina præcepta, hoc est vobis, idest ad utilitatem vestram. Sobrietas enim idem est quod commensuratio: bria enim in Græco idem est quod mensura. Hæc sobrietas non opponitur ebrietati quæ est de vino, quæ ad bella trahit in terrâ; sed opponitur ebrietati quæ est a Spiritu sancto, quæ rapit hominem ad divina, de qua dicitur Cant. v. 1. „Bibite amici, & inebriamini“, ni carissimi. „Nam illa, scilicet sobrietas, est propter utilitatem proximi; sed hæc ebrietas est propter amorem Dei. Huiusmodi autem descensus signatus est per descensum Angelorum per scalam quam vidit Iacob Genes. xxviii. Ioan. 1. 51. „Videte, bitis cælum apertum, & Angelos Dei“, ascendentes, & descendentes supra Filium hominis.“

Consequenter cum dicit, *Caritas autem Christi urget nos*, subiungit Apostolus causam præmissæ sollicitudinis, quæ quidem est caritas Christi. Circa hoc autem duo facit. Primo ostendit se urgeri a caritate Christi ad procurandam salutem proximorum; secundo ostendit unde provocetur caritas Christi in ipso, ibi, *Assimilantes hoc, quoniam si unus pro omnibus mortuus est, ergo omnes mortui sumus*. Dicit ergo: Dico, quod sive excedimus, Deo; sive sobrii sumus, vobis, idest ad utilitatem vestram. Et huius causa est, quia

cari.

(a) Al. doctos. (b) Al. deß propo'sito in: Item legitur interioribus. (c) Al. gloriatur. (d) Al. emittitur tamen.

caritas Christi urget nos ad hoc. Et dicit, *Urget*, quia urgere idem est quod stimulare; quasi dicat: Caritas Christi quasi stimulus stimulat nos ad faciendum ea quæ caritas imperat, ut scilicet procuremus salutem proximorum. Hic est effectus caritatis. Rom. viii. 14. „Qui spiritu Dei „agitur (ideſt agitantur) ii ſunt filii „Dei.“ Cantic. viii. 6. „Lampades eius „ut lampades ignis atque flammarum.“

Uode autem proveiat iſte ſtimulus caritatis, oſtendit conſequenter ſubdens: *Aſſimilantes hoc, quoniam ſi unus pro omnibus mortuus eſt, urge omnes mortui ſunt: & primo aſſignat rationem huius; ſecundo exponit, ibi, Et pro omnibus mortuus eſt Chriſtus.* Dicit ergo: Dico, quod omnia pro vobis facimus, quia urget nos caritas Chriſti: quia aſſimilamus quod ſi unus, ſcilicet Chriſtus, pro omnibus mortuus eſt, quod etiam nos ita vivamus, ideſt ad utilitatem veſtram, quod etiam vobis mortui ſimus, ideſt nihil curemus de nobis, ſed de Chriſto, & de his quæ Chriſti ſunt. Et hoc eſt quod dicit, *ſi unus.* Rom. v. 8. „Commendat Deus „ſuam caritatem in nobis.“ I. Petr. iv. 21. „Chriſtus paſſus eſt pro nobis, vobis „relinquens exemplum, ut ſequamini veſtigia eius.“ Quod ergo inferitur, *Urge omnes mortui ſunt*, exponitur tribus modis. Primo ut dicatur. *Omnes mortui ſunt*, morte peccati io Adam. Non enim eſſet neceſſarium quod Chriſtus pro omnibus moreretur, niſi omnes mortui fuiſſent morte peccati in Adam. I. Corinth. xv. 22. „Sic „ut in Adam omnes moriuntur, ita & in „Chriſto omnes vivificabuntur.“ Secundo ut dicatur: *Omnes mortui ſunt*, ſcilicet veteri vitæ. Chriſtus enim mortuus eſt ad delenda peccata: ergo omnes debent mori veteri vitæ, ſcilicet peccati, & vivere vita iuſtitie. Rom. vi. 10. „Quod enim mortuus „eſt peccato, mortuus eſt ſemel: quod autem vivit, vivit Deo.“ Ita & vos aſſimilates vos mortuos eſſe peccato, viventes autem Deo in Chriſto Jeſu Domino „noſtro.“ Tercio, & magis literaliter. *Ergo mortui ſunt omnes*; ideſt, ita debet ſe quilibet reputare ac ſi eſſet mortuus ſibi

ipſi. Coloff. iii. 3. „Mortui eſtis, & vitæ veſtra eſt abſcondita cum Chriſto in „Deo.“ Et hunc modum exponit conſequenter cum dicit: *Et pro omnibus mortuus eſt Chriſtus.* I. Ioan. ii. (a) „Mortuus „eſt, ut vivamus Chriſto.“ Unde ſubdit: *Ut & qui vivit, ſcilicet vita naturali, iam non ſibi vivat*, ideſt non propter ſeipſum, & propter bonum ſuum tantum, ſed ei qui pro ipſis mortuus eſt, & reſurrexit, ſcilicet Chriſto; ideſt, totam vitam ſuam ordinet ad ſervitium, & honorem Chriſti. Galat. ii. 20. „Vivo ego iam non ego; „vivit vero in me Chriſtus.“ Eccli. xii. 19. „Gratiam fideiſuſoris tui ne oblivſcaris: dedit enim pro te animam ſuam.“ Et horum ratio eſt, quia unuſquique operas lumen regulam operis ſui a ſine. Unde ſi Chriſtus eſt ſinis vitæ noſtræ, vitam noſtram debemus regulare, non ſecundum voluntatem noſtram, ſed ſecundum voluntatem Chriſti. Sic enim & Chriſtus dicebat, Ioan. vi. 38. „Deſcendi de cælo „non ut facerem voluntatem meam, ſed „voluntatem eius qui miſit me.“

Nota autem, quod duo dicit, ſcilicet quod mortuus eſt Chriſtus, & quod reſurrexit pro nobis; ubi duo exiguntur a nobis. Quia eoim mortuus eſt pro nobis, & nos debemus mori nobis ipſis, ideſt pro ipſo abnegare nos ipſos. Unde dicebat Luc. ix. 23. „Qui vult venire poſt me, abneget ſemetipſum, & tollat crucem ſuam quoti- „die, & ſequatur me.“ (b) quod idem eſt ac ſi diceret: Moriatur ſibi ipſi. Quia vero Chriſtus reſurrexit pro nobis, & nos debemus ita mori peccato, & veteri vitæ, & nobis ipſis, quod tamen reſurgamus ad novam vitam Chriſti. Rom. vi. 4. „Quomodo Chriſtus reſurrexit „a mortuis per gloriam Patris, ita & „vos in novitate vitæ ambulemus.“ Et propter hoc Dominus non dixit ſolum, „Abneget ſemetipſum, & tollat crucem „ſuam;“ ſed addidit, „Et ſequatur me,“ ſcilicet in novitate vitæ, proſcendendo in virtutibus. Pſalm. lxxxi. 8. „Abiit de „virtute in virtutem.“

(a) *Al. Nihil tale ibi; ſed hoc ſanctum cap. xv. verſ. 9. „Filium ſuum unigenitum miſit Deus in mundum, ut vivamus per eum.“ Simile quid etiam habetur I. Petr. ii. 24. his verbis: „Quia & Chriſtus ſemel pro peccatis noſtris mortuus eſt, inſuſus pro iuſtiſſis, ut nos oſſecret Deo.“ (b) *Al. deſi quod idem eſt ac ſi diceret: Moriatur ſibi ipſi.**

L E C T I O IV.

I Taque nos ex hoc neminem novimus secundum carnem : & si cognovimus secundum carnem Christum ; sed nunc iam non novimus . Si qua ergo in Christo nova creatura, vetera transierunt , ecce facta sunt omnia nova.

Posito quomodo sancti præparant se ad susceptionem gloriæ cælestis , placendo Deo , & proficiendo proximo ; hic consequenter ostendit quomodo præparant se ad hoc idem , abdicando a se carnalem affectum ; & circa hoc tria facit . Primo ponit abdicacionem carnalis affectus ; secundo excludit instantiam , ibi , *Et si cognovimus secundum carnem Christum ; sed nunc iam non novimus* ; tertio concludit intentum , ibi , *Si quis ergo in Christo nova creatura, vetera transierunt* . Dicit ergo primo : Ex quo ergo adeo certi sumus de gloria æterna , (a) Itaque nos ex hoc neminem secundum carnem novimus . Ubi nota , quod secundum carnem est quædam determinatio ; & potest dupliciter exponi , secundum quod dupliciter constructio fieri potest . Uno modo ut ly *secundum carnem* construatur cum hoc accusativo neminem ; & sic exponit Glossa : Neminem secundum carnem , idest carnaliter viventem , novimus , idest approbamus . Ex quo enim quilibet debet mori , ooo approbamus eum qui carnaliter vivit . Et hoc modo accipitur caro Roman. viii. 9. „ Vos „ autem in carne non estis , sed in spiri- „ tu . “ Alio modo . Neminem secundum carnem , idest secundum carnales legis observantias viventem , novimus , idest approbamus . Et hoc modo accipitur caro Phil. iii. (b) „ Qui confidunt in carne , “ idest in carnalibus legis observantiis &c. Tertio . Neminem secundum carnem , idest secundum carnis corruptionem , novimus , idest reputamus . Licet enim fideles adhuc carnoem corruptibilem gerant , tamen in spe iam habent corpus incorruptibile . Unde non reputant se secundum quod modo carnem corruptibilem habent , sed secundum quod habituri sunt corpus incorruptibile . Hoc modo accipitur caro I. Corinth. xv. 50. „ Caro , & sanguis regnum Dei non possi- „ debant . “ Alio modo potest construi ut ly *secundum carnem* construatur cum hoc

S. Th. Oper. Tem. VI.

verbo novimus , & sic est sensus . Dico , quod ex quo non debemus nobis vivere , sed ei qui pro nobis mortuus est : Itaque nos ex hoc neminem secundum carnem novimus ; idest , non sequimur in aliquo carnalem affectum , nec aliquem hoc modo reputamus . Et hoc modo accipitur illud Deuter. xxxiii. 9. „ Qui dixerit patri suo , & matri , Nescio „ vos ; & fratribus suis , Ignoro vos ; & „ oeciderunt filios suos : hi custodierunt „ eloquium tuum , & pactum tuum serva- „ verunt . “ Et sic ly *secundum carnem* relatur ad cognoscentem ; sed in prima expositione referebatur ad cognitum .

Quia vero aliquis posset dare instantiam de Christo , quod saltem cognovisset eum secundum carnem ; ideo consequenter hoc removet , dicens : Quod si cognovimus secundum carnem Christum ; sed nunc iam non novimus .

Circa hoc sciendum est , quod Manichæus adducebat verba ista pro se in suscipiendum tui erroris . Ipse enim dicebat , Christum non habuisse verum corpus , nec fuisse ex semine David ortam . Et sic Augustinus dicit in Lib. contra Faustum . Si quis contra eum allegaret verbum Apostoli ad Roman. i. 3. „ Qui factus est ei ex semine David secundum carnem : “ & istud I. Timoth. iii. 16. „ Et manifeste magnus “ est pietatis sacramentum , quod manifestum est in caroe : “ & II. Timoth. ii. 8. „ Memor esto Dominum Iesum Christum “ resurrexisse a mortuis ex semine David , „ secundum Evangelium meum : “ respondebat , quod Apostolus aliquando fuerat huius opinionis , scilicet quod fuisset ex semine David , & quod verum corpus habuisset ; sed postea hanc opinionem mutavit , & correxit se hic : unde dicebat : *Et si cognovimus secundum carnem Christum ; idest , si fuerimus aliquando huius opinionis , quod Christus habuisset veram carnem ; sed nunc iam non novimus ; idest , modo mu-*

Nnn ravi-

(a) Ad. ita quod ait &c. (b) Hæc ibi leguntur vers. 3. & 4. „ Nos enim sumus circumcisio , qui „ spiritu servimus Deo , & gloriæ amur in Christo Iesu , & non in carne fiduciam habentes : quam- „ quam ego habeam conciliolum & in carne . Si quis alius videtur considerare in carne , ego „ magis . “

tavimus istam opinionem, & non credimus ita. Quod quidem dupliciter improbat Augustinus. Primo quia de eo quod falso putamus, nullus dicit, Novimus, sed opinamur. Cum ergo Apostolus utatur hic hoc verbo *cognovimus*, videtur quod non aliquando falso putaverit. Secundo quia supra Apostolus dicit: *Neminem novimus secundum carnem*. Si ergo verum esset quod dicit Manichæus, Apostolus nullum cognosceret habere verum corpus, quod est salustum.

Est ergo falsum quod Manichæus dicit; & ideo aliter exponendum secundum veritatem, & dupliciter. Uno modo ut sumatur hic caro pro corruptione carnis. I. Corin. xv. 50. „Caro, & sanguis regnum Dei non possidebunt; neque corruptio incorruptelam possidebit:“ & tunc est sensus: *Et si cognovimus aliquando Christum secundum carnem*, id est habere eum carnem corruptibilem ante passionem; *sed nunc iam non novimus*, scilicet eum habere carnem corruptibilem: quia Rom. vi. 9. dicitur: „Christus resurgens ex mortuis iam non moritur; mors illi ultra non dominabitur. Alio modo secundum Glossam, ut ly Si aliquando secundum carnem Christum cognovimus, referatur ad statum Pauli ante conversionem ad Christum; quod vero sequitur, *Sed nunc iam non novimus*, referatur ad statum eius post conversionem. Et sic est sensus. Et ego, & alii Iudæi infideles aliquando, id est ante conversionem meam, cognovimus Christum secundum carnem, id est secundum quod carnaliter opinati sumus de Christo, scilicet eum esse tantum hominem, & quod venit tantum ad carnales observantias legis: *sed iam*, id est postquam conversus sum, *non novimus*; id est, hæc opinio cessavit: immo credo quod sit verus Deus, & quod non sit colendus per carnales observantias. Unde dicebat Galat. v. 2. „Si circumcidimini, nihil Christus nihil vobis proderit.“ Potest & aliter exponi, ut hoc quod dicit, *Et si cognovimus secundum carnem Christum*, dicat Apostolus in persona omnium Apostolorum Christi; & sic videtur respondere ultimæ expositioni huius quod dicitur, *Neminem cognovimus secundum carnem*. Unde sciendum est, quod Augustinus exponens illud Ioan. xvi. 7. „Expedi vobis ut ego vadam:“ ubi ratio Domioi ad hoc subditur: „Si enim non ahiero, Paraclytus non veniet ad vos:“ dicit, quod hoc ideo erat, quia discipuli carnaliter amantes

Christum, afficiebantur ad ipsum, sicut carnalis homo ad carnalem amicum; & sic non poterant elevari ad spirituale dilectionem, quæ etiam pro absente multa facit pati. Ut ergo radicaretur in eis affectus spiritualis, qui est a Spiritu sancto, & cessaret carnalis; dixit eis Dominus (Ioan. xx. 21.) „Pax vobis.“ Hoc ergo Apostolus in persona omnium discipulorum commemorans dicit: *Et si cognovimus*, id est si adhucimus Christo aliquando, scilicet quando nobiscum erat præsentia corporali, *secundum carnem*, id est secundum carnalem affectum; *sed iam non novimus*; id est, iam iste affectus cessavit a nobis per Spiritum sanctum, qui datus est nobis.

Consequenter cum dicit, *Si qua igitur in Christo nova creatura, vetera transierunt*, ex præmissis concludit quendam effectum esse consecutum, scilicet novitatis in mundo; & ideo dicit: *Si qua igitur*, id est si aliqua, *in Christo*, id est in fide Christi, vel per Christum, *nova creatura est facta*. Galat. v. 6. „In Christo Iesu neque præputium, neque circumcisio aliquid valet, sed fides, quæ per caritatem operatur.“ Ubi notandum, quod innovatio per gratiam dicitur creatura. Creatio enim est motus ex nihilo ad esse. Est autem duplex esse, scilicet esse naturæ, & esse gratiæ. Prima creatio facta fuit quando creaturæ ex nihilo productæ sunt a Deo in esse naturæ; & tunc creatura erat nova, sed tamen per peccatum inveterata est. Thren. iiii. 4. „Vetustam fecit pellem meam, & carnem meam.“ Oportuit ergo esse novam creationem, per quam produceretur in esse gratiæ: quæ quidem creatio est ex nihilo, quia qui gratia carent, nihil sunt. I. Corin. xiii. 2. „Si novierim mysteria omnia, & omnem scientiam... caritatem autem non habeam, oihil sum.“ Iob xvi. 12. „Habite in tabernaculo illius socii eius qui non est,“ id est peccati. Augustinus dicit: „Peccatum enim oihil est, & nihil sunt homines cum peccant.“ Et sic patet quod infusio gratiæ est quædam creatio. *Si ergo aliqua creatura facta est nova per ipsum, vetera transierunt ei*. Hoc quidem sumptum est Levit. xxvi. 10. ubi dicitur: „Novis supervenientibus, vetera proicietis:“ ex quo sic argumentatur. Si omnia nova facta sunt, & secundum legem novis supervenientibus vetera sunt proicienda: ergo si qua creatura est, *vetera transierunt ei*, id est transire debent ab eo. Vetera autem, quæ transire debent, sunt

sunt legalia . Rom. vii. vi. „ Serviamus „ in novitate Spiritus , & non in vetusta- „ te litterarum . „ Item errores Gentilium „ Efa. xvi. 3. „ Vetus error abiit . „ Item „ corruptiones peccati . Rom. vi. 6. „ Vetus „ homo noster simul crucifixus est , ut de- „ struatur corpus peccati , & ultra non ser- „ viamus peccato . „ Quibus quidem in no- „ bis transeuntibus , virtutes contrariarum his „ vitis debent in nobis innovari . Apoc. xxi. „ 5. „ Et dixit qui sedebat in throno : Ecce no- „ va facio omnia . „

LECTIO V.

Omnia autem ex Deo , qui nos reconciliavit sibi per Christum , & dedit no- „ bis ministerium reconciliationis . Quoniam quidem Deus erat in Christo , mundum reconcilians sibi , non reputans illis delicta ipsorum ; & posuit in nobis verbum reconciliationis . Pro Christo ergo legatione fungimur , tamquam Deo exhortante per nos . Obsecramus pro Christo , reconciliamini Deo . Eum qui non noverat peccatum , pro nobis peccatum fecit , ut nos efficeremur iustitia Dei in ipso .

Postquam Apostolus in superioribus tra- „ clavit de premio sanctorum , & de „ præparatione ad susceptionem eius ; hic „ consequenter agit de causa utriusque ; „ & circa hoc tria facit : quia primo ostendit „ auctorem omnium prædictorum esse Deum ; „ secundo commemorat beneficium a Christo „ collatum , ibi , *Qui reconciliavit nos sibi per „ Christum* ; tertio beneficii usum , ibi , *Pro „ Christo ergo legatione fungimur* . Dicit ergo : „ Dixi , quod intendimus salutem proximo- „ rum , & vetera transferunt ; sed hæc omnia „ sunt nobis ex Deo Patre , vel ex Deo au- „ ctore . Rom. xi. 36. „ Ex ipso , & in ipso , „ & per ipsum sunt omnia . „ Iacob. i. 17. „ Omne datum optimum , & omne donum „ perfectum delusum est , descendens a Pa- „ tre luminum . „

Sequitur beneficium susceptum a Deo , „ ibi , *Qui reconciliavit nos sibi per Christum* . „ Ubi primo ponit ipsum beneficium colla- „ tum ; secundo exponit , ibi , *Quoniam qui- „ dem Deus erat in Christo , mundum reconcilians „ sibi* . Commemorat autem duplex benefi- „ cium per Christum collatum . Unum com- „ mune , aliud speciale . Commune quidem „ toti mundo , scilicet reconciliationis ad „ Deum : & hoc est quod dicit : *Qui* , scili- „ cet Deus Pater , *reconciliavit* , idest paci- „ ficavit , *nos sibi* ; & hoc *per Christum* , idest per „ incarnatum Verbum . Homines enim erant „ inimici Dei propter peccatum ; Christus au- „ tem hanc inimicitiam abstrulit de medio , sa- „ tisfaciens pro peccato , & fecit concordi- „ am . Coloss. i. 20. „ Pacificans per san- „ guinem crucis eius sive quæ in terris , „ sive quæ in cælis sunt . „ Et ideo di- „ cit , *Per Christum* . Rom. v. 10. „ Reconci-

„ liati sumus Deo per mortem Filii eius . „ Speciale autem beneficium est Apostolis col- „ latum , scilicet quod ipsi sunt ministri huius „ reconciliationis : unde dicit : *Et dedit nobis , „ Apostolis vicariis Christi , ministerium huius „ reconciliationis* . Supra xxi. 6. *Ministros nos „ elegit novi testamenti* . Plalm. lxxxi. 3. „ Su- „ scipiant montes (idest Apostoli) pacem „ populo , „ scilicet a Domino .

Consequenter cum dicit , *Quoniam quidem „ Deus erat in Christo , mundum reconcilians sibi* , „ exponit quæ dixit . Primo primum ; secun- „ do secundum , ibi , *Posuit in nobis verbum re- „ conciliationis* . Dicit ergo : Dico , quod Deus „ reconciliavit nos sibi hoc modo . Inimicitia „ enim inter Deum & hominem erant propter „ peccatum , ut dictum est , secundum „ illud Efa. lxx. 2. „ Peccata vestra divise- „ runt inter vos & Deum vestrum . „ Destruo ergo peccato per mortem Chri- „ sti , inimicitia iam soluta sunt ; & hoc est „ quod dicit : *Quoniam quidem Deus erat in „ Christo , per unitatem essentia . Ioan. xiv. „ 11. „ Ego in Patre , & Pater in me est . „ Vel Deus erat in Christo , per Christum „ mundum sibi reconcilians* . Rom. v. 10. „ Re- „ conciliati sumus Deo per mortem Filii „ eius . „ Et hoc non reputans illis delicta „ ipsorum , idest non habens in memoria illor- „ um delicta tam actualia , quam originalia „ ad puniendum , pro quibus Christus plene „ satisfecit . Et secundum hoc dicitur nos re- „ conciliasse sibi , inquantum non imputat de- „ licta nostra nobis . Plalm. xxxi. 2. „ Beatus „ vir cui non imputavit Dominus pecca- „ tum . „ Consequenter cum dicit , *Et posuit „ in nobis verbum reconciliationis* , exponit sec- „ undum , scilicet de beneficio Apostolis col-

Nnn 2 lato ;

lato; quasi dicat: Hoc modo dedit nobis ministerium reconciliationis, quia posuit in nobis verbum reconciliationis; id est, dedit virtutem, & inspiravit in cordibus nostris, ut annuntiemus mundo, hanc reconciliationem esse factam per Christum. Et hoc faciendo inducimus homines ut conforment se Christo per baptismum. Hierem. 1. 9. „Ecce dedi verba mea in ore tuo.“

Consequenter cum dicit, *Pro Christo ergo legatione fungimur*, ostendit usum beneficii: & primo quantum ad secundum beneficium collatum Apostolis; secundo quantum ad primum collatum omnibus, ibi, *Obsecramus pro Christo, reconciliamini Deo*. Dicit ergo: Ex quo Deus posuit verbum reconciliationis, debemus eo uti. (a) Hoc est ergo quod fungimur legatione pro Christo; id est, lumen legati Christi. Ephes. vs. 20. „Pro quo legatione fungimur in catena“ ista, ita ut in ipso audeam, prout oportet me loqui. „Et idoneitas ad hanc legationem est nobis ex virtute Dei, quæ est in me; & ideo dicit: *Tamquam Deo exhortante per nos*: quia Deus qui in nobis loquitur, dat nobis idoneitatem ad hanc legationem. Matth. 10. 20. „Non vos estis qui loquimini, sed Spiritus Patris vestri qui loquitur in vobis.“ Infra 1117. 3. *An experimentum quaritis eius qui in me loquitur, Christus?*

Consequenter cum dicit, *Obsecramus pro Christo, reconciliamini Deo*, subdit quantum ad usum primi beneficii: & primo inducit ad usum; secundo ostendit unde adit nobis facilitas ad ipsum usum, ibi, *Enim qui non novaverat peccatum, pro nobis peccatum fecit*. Dicit ergo: Ex quo Deus fecit reconciliationem, & nos sumus legati Dei in hoc, *obsecramus pro Christo*. Blande alloquitur, cum posset imperare. II. Timoth. ult. 2. „Argue, obsecra, increpa in omni patientia.“ Ad Philem. 8. „Potestatem habens impera additi-“ bi quod ad rem pertinet... magis obsecro. „Obsecramus, inquam, pro Christo, id est propter amorem Christi, reconciliamini Deo.“

Videtur autem hoc esse contrarium ei quod dicit, quod Deus reconciliavit oos sibi. Si ergo ipse reconciliavit, quid necesse est ut oos reconciliemur? Iam enim reconciliati sumus.

Ad hoc dicendum, quod Deus reconciliavit nos sibi, ut causa efficiens, scilicet ex parte sua: sed ut sit oobis meritoria, oportet etiam quod fiat reconciliatio ex parte nostra; & hoc quidem in baptismo,

& in poenitentia; & tunc cessamus a peccatis.

Unde autem adit nobis huiusmodi facultas reconciliandi Deo, ostendit ex hoc, scilicet quod dedit oobis potestatem iuste vivere, qua possumus abstinere a peccatis; & hoc faciendo, reconciliamur Deo: & ideo dicit: *Enim qui non novaverat peccatum, pro nobis peccatum fecit*; quasi dicat: Beo potestis reconciliari, quia Deus, scilicet Pater, enim, scilicet Christum, qui non novaverat peccatum. I. Petr. 11. 22. „Qui peccatum non fecit, nec inventus est dolus in ore eius.“ Ioan. viii. 46. „Quis ex vobis arguit me de peccato?“ *pro nobis fecit peccatum*. Quod tripliciter exponitur. Uno modo quia consuetudo veteris legis est ut sacrificium pro peccato peccatum nominetur. Oleez 17. 8. „Peccata populi mei comedit, id est oblata pro peccato. Tunc est sensus: *Fecit peccatum*, id est hostiam, vel sacrificium pro peccato. Alio modo quia peccatum aliquando sumitur pro similitudine peccati, vel pro poena peccati. Rom. viii. „Miserere Deus Filium suum in similitudinem peccati, & de peccato (id est de similitudine peccati) damnavit peccatum.“ Et tunc est sensus: *Fecit peccatum*, id est, fecit eum assumere carnem mortalem, & passibilem. Tertio modo quia aliquando dicitur hoc esse hoc, vel illud, non quia sit, sed quia opinantur homines ita esse; & tunc est sensus: *Fecit peccatum*, id est, fecit eum reputari peccatorem. Ela. 111. 12. „Cum iociquis reputatus es.“ Et hoc quidem fecit, ut nos efficeremur iustitia; id est, ut oos qui peccatores sumus, efficeremur non solum iusti, immo ipsa iustitia, id est iustificaremur a Deo. Vel iustitia, quia non solum nos iustificavit, sed etiam voluit quod per nos alii iustificarentur. Iustitia, dico, Dei, non nostra; & (b) in Christo, id est per Christum. Vel aliter, ut ipse Christus dicatur iustitia; & tunc est sensus: *Ut nos efficeremur iustitia*, id est inhaereremus Christo per amorem, & fidem, quia Christus est ipsa iustitia. Dicit autem, *Dei*, ut excludat iustitiam hominis, quæ est quæ homo confidit de propriis meritis. Rom. 3. 3. „Ignorantes Dei iustitiam, & suam querentes statueræ, iustitiæ Dei non sunt subiecti.“ In ipso, scilicet Christo, id est per Christum, quia ipse factus est nobis iustitia: I. Corinth. 1.

CA-

(a) Al. Et hoc ergo. (b) Pro ipso, quod est in textu.

CAPITULI SEPTIMI LECTIO I.

Adiuvantes autem exhortamur, ne in vacuum gratiam Dei recipiatis. Ait enim: Tempore accepto exaudivi te, & in die salutis adiuvi te. Ecce nunc tempus acceptabile, ecce nunc dies salutis. Nemini dantes ullam offensivam, ut non vituperetur ministerium nostrum; sed in omnibus exhibeamus nosmetipsos, sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in ieiuniis.

Supra Apostolus commendavit ministerium Apostolorum: hic consequenter ipsum ministerium sibi commissum ad utilitatem subditorum exequitur; & circa hoc duo facit. Primo hortatur eos in generali ad omnia quae communiter sunt necessaria ad bonam vitam; secundo hortatur eos de quodam speciali suffragio habendo sanctis in Hierusalem, & hoc vii. cap. ibi, *Notam autem vobis facimus, fratres, gratiam Dei. Circa primum autem duo facit. Primo hortatur eos ad bona praesentia; secundo commendat eos de bonis in praeterito factis, & hoc vii. cap. ibi, Illas igitur habentes promissiones, carissimi, mundemus nos ab omni inquinamento carnis, & spiritus. Circa primum tria facit. Primo hortatur in generali, quod gratia Dei non utantur in vanum; secundo ostendit gratiam Dei eis esse collatam, ibi, *Ait enim: Tempore accepto exaudivi te*; tertio docet eos in speciali modum utendi ista gratia, ibi, *Nemini dantes ullam offensionem &c.* Dicit ergo primo: Ex quo facultas adest nobis ad bene operandum, & haec est gratia Dei, nos autem ad hoc pro Christo legatione fungimur; ideo adiuvantes, nos scilicet praedicationibus, exemplis, & exhortationibus. Prov. xviii. 19. *Frater qui adiuvatur a fratre, quasi civitas firma.* Vel *adiuvantes*, scilicet Deum. I. Corinth. iiii. 9. *Adiutores Dei sumus.**

Sed contra. Esa. xl. 9. *Quis adiuvit Spiritum Domini?* Non ergo bene dicitur, *Adiuvantes Deum.* (a) Respondeo, quod iuvare Deum potest intelligi vel ei vires ministrare ad aliquid agendum; & sic nullus iuvat Deum, nec iuvare potest vel eius mandatum exequi; & sic sancti

homines Deum iuvare dicuntur, exequendo eius mandata.

Nos, inquam, sic iuvantes, *hortamur vos*: Rom. xii. 8. *Qui exhortatur, in exhortando*: hoc scilicet exhortamur, ne in vacuum gratiam Dei recipiatis; quasi dicat: Ne receptio gratiae sit vobis inutilis, & vacua: quod tunc contingit quando ex perceptione gratiae quis non sentit fructum. Qui quidem duplex est, scilicet remissio peccatorum: Esa. xxvii. 9. *Hic est omnis fructus, ut auferatur peccatum*: & ut homo iuste vivendo perveniat ad gloriam caelestem: Rom. vi. 22. *Habebis fructum vestrum in sanctificationem.* Quicumque ergo gratia percepta non utitur ad vitandam peccata, & consequendum vitam aeternam, hic gratiam Dei in vanum recipit. Philip. ii. 16. *Non in vacuum cucurri, neque in vacuum laboravi.* Et ne aliquis dubitaret de perceptione huius gratiae a Deo, ideo consequenter Apostolus probat eos iam recepisse gratiam hanc, vel paratam habere ad recipiendum, dicens: *Ait enim: Tempore accepto exaudivi te*: & circa hoc duo facit. Primo inducit auctoritatem Prophetarum; secundo inductam adaptat ad propositum, ibi, *Ecce nunc tempus acceptabile.* Dicit ergo primo: Dico, quod paretis vos ad fructuose percipiendum gratiam, quae vobis est collata, vel parata: ait enim Dominus per Esa. xlix. 8. *Tempore accepto exaudivi te.*

Circa quod sciendum est, quod Dominus dicitur facere nobis gratiam, vel exaudiendo nos in petitionibus nostris, vel iuvando in operationibus nostris. Sed exaudit, ut percipiamus quod petimus: Iac. i. 5.

Si

(a) Ad. Responsio.

„ Si quis indiget sapientia, postulet a Deo, „ qui dat omnibus affluenter: „ adiuvat, „ ut perficiamus quod operamur: Psal. xciii. 17. „ Nisi quia Dominus adiuvit me, pau- „ lo minus habitasset in inferno anima „ mea. „ Et hæc duplex est gratia, præ- „ veniens scilicet, & cooperans, vel suble- „ quens, quæ quidem necessaria est nobis „ ad obtinendum.

Et primo gratiam prævenientem, quam „ optare debemus, ut simus accepti Deo. „ Psal. xxi. 6. „ Pro hac orabit ad te omnis „ sanctus. „ Et quantum ad hoc dicit: „ *In tempore accepto*, idest acceptionis, & gra- „ tificationis, hoc enim tempore accepto fit „ quod gratis fit: Rom. iv. 6. „ Beatitudi- „ nem hominis, cui Deus accepto fert iu- „ stitiam sine operibus: „ *exaudi te*, „ idest acceptavi te. Vel *tempore accepto*, „ idest in tempore gratiæ; & hoc modo gra- „ tia præveniens dicitur illa per quam libe- „ ramur a peccatis; gratia vera suble- „ quens dicitur per quam virtutes nobis, „ (a) & perseverantia in bono conferuntur. Se- „ cundo necessaria est nobis gratia cooperans, „ & hanc petebat Psal. xvi. 6. „ Et mi- „ sericordia eius subsequatur me omnibus „ diebus vite mee. „ Et quantum ad hoc „ dicit: *In die salutis adiuvi te*: tempus enim „ ante Christum non fuit dies, sed nox. „ Rom. xiii. 12. „ Nox præcessit, dies an- „ tem appropinquavit. „ Sed tempus Chri- „ sti dicitur dies, & non solum dies, sed dies „ salutis. Ante enim non erat salus, quia „ nullus ad finem salutis perveniebat, scilicet „ ad visionem Dei; sed modo, quando „ iam nata est salus in mundo, homines sal- „ utem consequuntur: Matth. 1. 21. „ Voca- „ bis nomen eius Iesum: ipse enim salvum „ faciet populum suum a peccatis eorum. „ Philip. 11. 12. „ Operamini vestram salu- „ tem. „ Et hoc fit auxilio gratiæ coope- „ rantis, qua per nostra opera pervenimus „ ad vitam æternam. Philip. 11. 13. „ Deus „ est qui operatur in nobis & velle, & „ perficere pro bona voluntate.

Consequenter auctoritatem inductam ad- „ aptat ad propositum, dicens: *Eccenunc tem- „ pus acceptabile*; quasi dicat: Hæc quæ di- „ cit Dominus de tempore gratiæ per Pro- „ phetam, implentur modo: quia *ecce nunc „ tempus acceptabile*, idest gratificationis, per „ quam exaudimur a Deo: quia iam venit „ plenitudo temporis, scilicet incarnationis „ Christi, Galat. 1v. & hoc quantum ad pri- „ mam partem auctoritatis. Psal. lxxviii. 14.

„ Tempus beneplaciti, Deus. „ *Eccenunc „ dies salutis*, in quo scilicet adiuti gratia „ cooperante possumus operari ad conse- „ quendum salutem æternam. Ioan. ix. 4. „ Me oportet operari opera eius qui mi- „ sit me. „ Galat. vi. 10. „ Dum tempus „ habemus, operemur bonum ad omnes.

Consequenter cum dicit, *Nemini dantes „ ullam offensum*, docet modum utendi gra- „ tia eis collata: & primo in generali, qua- „ liter scilicet in vacuum non recipiatur; „ secundo in speciali, ibi, *In multa patientia „ &c.* Dicit ergo: Sic utendum est gratia, „ ut dantes nemini ullam offensum. Nam gra- „ tia ad duo datur, scilicet ad vitandum ma- „ la, & ad operandum bona. Et ideo duo „ docet, ut scilicet vitemus mala, & quan- „ tum ad hoc dicit: *Nemini dantes ullam of- „ fensionem*: quod potest dupliciter exponi. „ Uno modo ut referatur ad Apostolos; qua- „ si dicat: Nos adiuvantes vos exhortamur. „ Nos, dico, nemini ullam dantes offensio- „ nem: quia si per malam vitam aliquos of- „ fenderemus, vituperaretur ministerium (b) „ nostrum, & contemneretur prædicatio no- „ stra. Roman. 11. 24. „ Nomen Dei per „ vos blasphematur. „ Gregorius: „ Cuius „ vita despiciatur, restat ut eius prædica- „ tio contemnatur. „ Unde publicus, & „ famosus peccator cavere debet sibi ne præ- „ dicet; alias peccat. Psal. xli. 16. „ Pec- „ catori autem dixit Deus: Quare tu enar- „ ras iustitias meas, & assumis testamen- „ tum meum per os tuum? „ Alio modo „ ut referatur ad subditos; quasi dicat: Hor- „ tamur vos, ne in vacuum gratiam Dei reci- „ piatis: vos dico, nemini dantes ullam offe- „ nsionem, idest non facientes aliquid, unde „ alii scandalizentur. I. Corinth. x. 32. „ Si- „ ne offensione estote Iudeis, & Gentibus, „ & Ecclesiæ Dei. „ Rom. xiv. 13. „ Non „ ponatis offendiculum fratri. „ Et ratio „ huius est, ut non vituperetur ministerium no- „ strum; idest, ita irreprehensibiliter vos ha- „ beat, ut ministerium nostrum, idest Aposto- „ latus noster, non vituperetur. Quando e- „ nim subditi male se habent, vituperium est „ prælati. I. Petr. 11. 12. „ Conversatio- „ nem vestram inter Gentem habentes bo- „ nam. „ Vel ut non vituperetur commune „ ministerium, quo ad vos, & nos, qui sumus „ ministri Dei. Nos, dico, sumus ministri „ Dei ad exequendum voluntatem eius in vo- „ bis, & in aliis; sed vos ad exequendum „ voluntatem eius in vobis tantum. Eia. lxi. „ Vos sacerdotes Domini vocabimini „ „ Mi-

(a) *Al.* ex perseverantia. (b) *Al.* imitatur nostrum.

„Ministri Dei nostri, dicitur vobis.“

Consequenter cum dicit, *Sed in omnibus exhibeamus nosmetipsos sicut Dei ministros*, docet eos modum utendi percepta gratia quantum ad bona operanda. Dicit ergo: Nemini demus ullam offensionem; *sed exhibeamus nos*, & vos opere, & sermone in omnibus quæ ad virtutes pertinent, tales quales debent esse ministri Dei, ut scilicet conformemur nos Deo, faciendo eius voluntatem. Eccli. x. 2. „Secundum iudicium“ populi, sic & ministri eius. „I. Corinth. xv. 2. „Sic nos existimet homo ut ministros Christi, & dispensatores mysteriorum Dei.“

Consequenter cum dicit, *In multa patientia* &c. ostendit in speciali quomodo nos debemus exhibere sicut Dei ministros in usu gratiæ collatæ; & hoc quantum ad tria. Primo quantum ad exteriorem operationem; secundo quantum ad maiorem devotionem, ibi, *Or nostrum patet ad vos, o Corinthii*; tertio quantum ad infidelium vitætionem, ibi, *Nolite in iugum ducere eum infidelibus*. Circa primum tria facit, secundo tria in quibus consistit operatio exterior. Primo enim consistit in sufferentia malorum; & quantum ad hoc dicit, *In multa patientia* &c. secundo in operatione bonorum; & quantum ad hoc dicit, *In castitate* &c. tertio in mutua cooperatione bonorum ad mala; & quantum ad hoc dicit: *Per arma iustitiæ a dextris, & a sinistris*. Est ergo necessaria in malis sustinendis virtus patientiæ: unde dicit, *In multa patientia* &c. Ubi tria facit. Primo inducit ad patientiam; & hoc quia in Psal. xci. 15. legitur: „Bene patientes erunt,“ ut annuntient: & quantum ad hoc dicit, *In multa patientia*. Prov. xix. 12. „Doctrina viri per patientiam nescitur.“ Luc. xxi. 19. „In patientia vestra possidebitis,“ animas vestras. „Dicit, *In multa*, id est propter multas tribulationes quæ occurrunt. Secundo ostendit (a) materiam patientiæ in generali; & hoc dupliciter: scilicet in subvertitione malorum, unde dicit, *In tribulationibus*: Rom. xii. 12. „In tribula-

„tione patientes:“ Act. xiv. 21. „Per multas tribulationes oportet nos intrare in regnum Dei:“ & in defectu necessariorum, unde dicit, *In necessitatibus*, scilicet eorum quæ sunt necessaria ad vitam: Psal. xxi. 17. „De necessitatibus meis,“ etue me.

„Tertio ostendit materiam patientiæ in speciali: & primo in his quæ pertinent ad tribulationes quæ sunt voluntariæ, & hoc quantum ad tribulationes quæ pertinent ad animam; & sic dicit, *In angustiis*, scilicet cordis, quando scilicet sic ardamur adversis ut non pateat via evadendi. Hebr. xi. 37. „Angustiat,“ afflicti &c. Item inquantum ad tribulationes quæ sunt in corpore; & sic dicit, *In plagis*, scilicet illatis ab aliis, & *carceribus*. Act. xvi. 23. „Cum multas plagas,“ eis intulissent miserunt eos in carcerem.“ Infra xi. 23. „In carceribus,“ abundantius, in plagis supra modum.“

„In seditionibus,“ scilicet totius populi commoti: Act. xix. 40. „Periclitamur argui seditionis hodiernæ; cum nullus obnoxius sit... concursus istius.“ Secundo in his quæ pertinent ad necessitates. Necessitas autem aliquando est voluntaria; & sic dicit, *In laboribus*, propria manu operando apud Corinthios, quia avari erant, ne eos gravaret sumptibus; & apud Thessalonicenses, quia erant otiosi, ut daret exemplum exercitii. Act. xx. 34. „Ad ea quæ mihi,“ opus erant, & his qui mecum sunt, ministraverunt manus illæ.“ *In vigiliis*, propter prædicationes: infra xi. 27. *In vigiliis, in ieiuniis*: aliquando voluntariis, aliquando involuntariis propter penuriam. I. Corinth. ix. 27. „Castigo corpus meum,“ & in servitutem redigo.“

Sed contra est quod dicitur Matth. xi. 30. „Iugum meum suave est.“ Hic vero dicitur, *In tribulationibus multis* &c. Non ergo suave, sed gravissimum.

Respondeo: Hæc sunt in seipsis aspera, sed propter amorem, & interiorum fervorem spiritus dulcorantur. Unde Augustinus: „Omnia grandia, & immania, facilia, & prope nulla facit amor.“

(a) *Id. viam patientiæ.*

LECTIO II.

IN castitate, in scientia, in longanimitate, in suavitate, in Spiritu sancto, in caritate non ficta, in verbo veritatis, in virtute Dei, per arma iustitiae a dextris, & a sinistris, per gloriam, & ignobilitatem, per intiamiam, & bonam famam; ut seductores, & veraces; sicut qui ignoti, & cogniti; quasi morientes, & ecce vivimus; ut castigati, & non mortificati; quasi tristes, semper autem gaudentes; sicut egentes, multos autem locupletantes; tamquam nihil habentes, & omnia possidentes.

POSITIS his quæ pertinent ad tolerantiam malorum, ponit consequenter ea quæ pertinent ad observantiam bonorum. Bonitas autem operis consistit in tribus: in perfectione virtutum, & hoc pertinet ad cor; in veritate locutionis, & hoc pertinet ad os; in virtute operis, & hoc pertinet ad opus. Primo ergo ostendit Apostolus qualiter se habeant in his quæ pertinent ad perfectionem virtutum quæ consistunt in corde; secundo in his quæ ad virtutem oris, ibi, *In verbo veritatis*; tertio in his quæ pertinent ad perfectionem operis, ibi, *In virtute Dei*. Circa primum ponit quatuor virtutes, & primo virtutem castitatis, quæ maximum locum tenet in virtute temperantiae; & quantum ad hoc dicit, *In castitate*, scilicet mentis, & corporis. Ubi notandum est, quod immediate post multos labores, vigilias, & ieiunia subdit de castitate: quia qui vult habere virtutem castitatis, necesse habet laboribus dari, vigiliis insistere, & macerari ieiuniis. I. Corinth. 11. 27. „Castigo corpus meum, & in servitutem redigo, ne forte cum aliis prædicaverim, ipse reprobos efficiar.“ Heb. 12. 14. „Pacem sequimini cum omnibus, & sanctimoniam, sine qua nemo videbit Deum.“

Si autem queratur quare non facit mentionem de aliis virtutibus, nisi solum de temperantia, dicendum est, quod sic facit, sed implicite: quia hoc quod dicit, *In multa patientia, in tribulationibus* &c. pertinet ad virtutem fortitudinis; hoc vero quod dicit, *Per arma iustitiae*, pertinet ad virtutem iustitiae.

Secundo ponit virtutem scientiæ: unde dicit, *In scientia*. Et si quidem scientia refertur ad scientiam qua aliquis scit bene conversari in medio nationis prave, & perversæ; sic refertur ad virtutem prudentiæ. Si vero scientia refertur ad certitudinem, qua fideles certi sunt de his quæ

pertinent ad cognitionem Dei; sic pertinet ad virtutem fidei. Et utraque necessaria est Christianis: quia sine scientia primo modo, sive secundo modo accepta, homines de facili ruunt in peccatis. Eia. v. 13. „Propterea captivus ductus est populus meus, quia non habuit scientiam.“ Hierem. 13. 15. „Dabo vobis pastores iuxta cor meum.“ Tertio ponit virtutem spei: unde dicit, *In longanimitate*, quæ pertinet ad perfectionem spei. Nihil autem aliud est longanimitas quam qui arduum aliquid ex spe semper, ac diu dilatumpatienter expectat, & hoc a Spiritu sancto. Galat. v. 22. „Fruitus autem Spiritus caritas, gaudium, pax, patientia, benignitas, bonitas, longanimitas &c.“ Coloss. 3. 12. „In omni patientia, & longanimitate.“ Quarto ponit virtutem caritatis. Caritas autem duo habet, scilicet effectum exteriorem, & interiorem. Sed in effectu exteriori habet suavitatem ad proximum: non enim convenit quod aliquis non sit suavis ad eos quos diligit: & ideo dicit, *In suavitate*, id est dulci conversatione ad proximos, ut scilicet blandi simus. Prover. 11. 14. „Qui suavis est, vivit in moderationibus, & in suis monitionibus relinquit contumeliam.“ Eccli. vi. 5. „Verbum dulce multiplicat amicos, & mitigat inimicos.“ Sed non in suavitate mundi, sed in ea quæ cauatur ex amore Dei, scilicet ex Spiritu sancto; & ideo dicit, *In Spiritu sancto*, id est quam Spiritus sanctus causat in nobis. Sap. 11. 1. „O quam bonus, & suavis est, Domine, Spiritus tuus in omnibus!“ In effectu autem interiori habet veritatem ablique fictione, ut scilicet non prætendat exterius contrarium eiusquod habet interius: & ideo dicit, *In caritate non ficta*. 1. Ioan. 12. 18. „Non diligamus verbo, neque lingua, sed opere, & veritate.“ Coloss. 3. 14. „Super omnia caritatem habentes.“ Et huius ratio est, quia, ut dicitur

tur Sap. 1. 5. „ Spiritus sanctus discipline
„ effugiet fūmum. “

Consequenter ostendit quomodo se habeant in his quæ pertinent ad veritatem oris, ut scilicet sint veraces, & ideo dicit, *In verbo veritatis*, scilicet vera loquendo, & prædicando. Quomodo autem se habeant in perfectione operis, subdit dicens, *In virtute*; idest, non in operibus nostris confidamus, sed solum in virtute Dei, & non in propria. I. Corinth. 14. „ Regnum Dei non est in sermone, sed in virtute. “

Consequenter cum dicit, *Per arma iustitia a dextris, & a sinistris*, ostendit qualiter se habeant in operatione bonorum & malorum, inter bona & mala, prospera & adversa; & hoc pertinet ad virtutem iustitiæ: & primo ostendit hoc in generali; secundo exponit in speciali. Dicit ergo primo, quod exhibeamus nos sicut Dei ministros in multa patientia, & quod plus est, *per arma iustitia*. Ubi sciendum est, quod iustitia ordinat, & facit hominem tenere locum suum, *a dextris*, idest in prosperis, ut scilicet non eleveatur, & *a sinistris*, idest in adversis, ut scilicet non deiciatur. Phil. 14. 12. „ Ubique, & in omnibus institutus sum... scio abundare, & penuriam pati. “

Consequenter hoc exponit per partes prosperorum, & adversorum, dicens: *Per gloriam, & ignobilitatem*. Ubi sciendum est, quod in rebus temporalibus prosperitas, vel adversitas in tribus consistit: in superbia vitæ, in concupiscentia carnis, in concupiscentia oculorum: iuxta illud I. Ioan. 11. 16. „ Omne quod est in mundo, aut est concupiscentia carnis, aut concupiscentia oculorum, aut superbia vitæ. “ Et hæc prosequitur ordine suo: quia primo dicit quomodo se habeant in adversis & prosperis, quæ pertinent ad superbiam vitæ, dicens: *Per gloriam, & ignobilitatem*; secundo quomodo se habeant in his quæ pertinent ad concupiscentiam carnis, ibi, *Quasi morientes, & ecce vivimus*; tertio quomodo se habeant in his quæ pertinent ad concupiscentiam oculorum, ibi, *Sicut egentes, multi autem locupletantur*. Sunt autem duæ quæ ad superbiam pertinent, scilicet sublimitas status, & operum: & ideo dicit, *Per gloriam*, idest per statum excellentiæ; quasi dicat: Exhibeamus nos Dei ministros, scilicet per (a) Dei gloriam, idest in prosperitate. Ela. xxxiii. 9. „ Dominus exer-

S. Th. Oper. Tom. VI.

„ citum cogitavit hoc, ut detraheret superbiam omnis gloriæ, & ad ignominiam deduceret universos inclytos terræ. “ Et quod Apostoli gloriosi appareant, patet Act. xiv. quod Paulus, & Barnabas credebantur esse dii. Et ignobilitatem, quæ est in sinistris; quasi dicat: Nec in gloria elevemur, nec hi contemptibiles sumus, deiciamur. I. Corinth. 1. 28. „ Ignobilia huius mundi elegit Deus, & contemptibilia. “ Quantum ad famam operum dicit: *Per infamiam, & bonam famam*. Ubi sciendum est, quod, sicut Gregorius dicit, homo non debet ex se dare causam infamiae suæ, sed potius debet procurare bonam famam, iuxta illud Eccli. xii. 15. „ Curam habet de bono nomine: “ & hoc propter alios: quia oportet nos bonum testimonium habere ad eos quid foris sunt: I. Timoth. 11. Si vero contingat aliquem incurere in infamiam iniuste, non debet esse ita pusillanimis ut propter hoc derelinquat iustitiam. Si vero sit in bona fama apud infideles, non debet tamen superbire; sed debet inter utrumque medio modo incedere. Consequenter exponit ista duo quæ posuit; & primum quam infamiam haberent, & ostendit quod magnam, quia *seductores, & veraces*; quasi dicat: A quibusdam habemur ut seductores, a quibusdam vero habemur ut veraces. Nec mirum, quia etiam de Christo alii dixerunt, quia bonus est, alii vero quod non, sed seducit turbas, ut dicitur Ioan. vii. Secundo ostendit quomodo fuerunt gloriosi, & ignobiles, quia *sicut ignoti, & cogniti*, idest approbati a bonis, & incogniti, idest despecti a malis. I. Corinth. 14. 13. „ Tamquam purgamenta huius mundi facti sumus. “

Consequenter prosequitur ea quæ pertinent ad concupiscentiam carnis; & ponit tria quæ concupiscit caro. Primo enim concupiscit longam vitam; & quantum ad hoc dicit, *Quasi morientes*; idest, licet exponamur periculis mortis, infra 21. 23. *In mortibus frequenter*, tamen ecce vivimus, virtute, & fide. Et ideo Habac. 11. 4. „ Iustus ex fide vivit. “ Psal. cxvii. 17. „ Non moriar, sed vivam, & narrabo opera Domini. “ Secundo concupiscit incolumitatem, & quietem; & quantum ad hoc dicit: *Ut castigati, & non mortificati*; quasi dicat: Licet diversis flagellis castigemur a Domino, non tamen tradit nos morti. Psal. cxvii. 18. „ Castigans castigati sumus. “

O O O

„ vit

(a) A. amittitur Dei.

„vit me Dominus, & morti non tradidit me.“ II. Timoth. 111. 12. Omnes qui pie volunt vivere in Christo Iesu, perfectionem patientur. „Tertio concupiscit gaudium, & incunditatem; & quantum ad hoc dicit: *Quasi tristes, semper autem gaudentes*: quia licet in exterioribus, & quæ ad carnem sunt, patiamur tristitiam, & amaritudinem; interius tamen continuum gaudium habemus, quod crescit in nobis ex consolationibus Spiritus sancti, & spe remunerationis æternæ. Jacob. 1. 2. „Omne gaudium exultimate, fratres mei, cum in tentationes varias incideritis.“ Ioan. xvi. 20. „Tristitia vestra vertetur in gaudium.“

Consequenter prosequitur de his quæ pertinent ad concupiscentiam oculorum; & circa hoc ponit duo: quorum unum est in comparatione ad alios; & secundum hoc prosperum in divitiis est quod homo abundet, ita quod possit aliis ministrare de divitiis suis; sinistram tamen in hoc est quod homo sit ita pauper quod oporteat eum ab aliis mendicare. Et ideo dicit, quod in his temporalibus sumus *sicut egentes*, id est ab aliis accipientes; sed tamen quantum ad spiritualia sumus *multos locupletantes*. Et non dicit omnes, quia non sunt omnes locupletari parati. Prover. xiii. 7. „Est quasi si pauper, cum in multis divitiis sit.“ Secundum est in comparatione ad seipsum, & secundum hoc prosperum in divitiis est multa possidere, sinistram autem ut nihil

penitus habeat; & quantum ad hoc dicit, quod in exterioribus sunt *tamquam nihil habentes*, scilicet in temporalibus, quia omnia dimiserunt propter Christum: Matth. xix. 21. „Si vis perfectus esse, vade, & vende omnia quæ habes, & da pauperibus, & habebis thesaurum in cælo; & veni, sequere me.“ Sed interius, & in spiritualibus *omnia possidentes*, scilicet per interiorem magnitudinem cordis. Et hoc ideo est, quia ipsi vivebant non sibi, sed Christo; & ideo omnia quæ sunt Christi, reputabant ut sua. Unde cum Christo omnia sint subiecta, omnia possidebant, & omnia tendebant in eorum gloriam. (a) Deut. xi. 24. „Et omnis locus quem calaverit pes vester, vester erit.“

Nota autem circa præmissa, quod Apostolus utitur in præmissis miro modo loquendi. Nam ipse quasi semper ponit unum contra unum, & temporale contra spirituale; sed tamen in temporalibus semper addit quamdam conditionem; puta *ut, sicut, quasi, tamquam*; sed in opposito spirituali nihil addit. Cuius ratio est, quia temporalia sive sint mala, sive bona, (b) sunt transmutabilia, & apparentia, & habent tantum similitudinem vel boni, vel mali: & ideo dicit, *ut sedulo*, & quasi ignoti: quia non erant in rei veritate sic, sed in opinione hominum, & sic erant transitoria bona, aut mala. Bona autem spiritualia, existentia sunt, & vera; & ideo non addit eis conditionem aliquam.

L E C T I O III.

OS nostrum patet ad vos, o Corinthii; cor nostrum dilatatum est. Non angustiamini in nobis, angustiamini autem in visceribus vestris. Eandem autem habentes remunerationem (tamquam filiis dico) dilatamini & vos. Nolite iugum ducere cum infidelibus. Quæ enim participatio iustitiæ cum iniquitate; aut quæ societas lucis ad tenebras? Quæ autem conventio Christi ad Belial; aut quæ pars fidelis cum infideli? Quis autem consensus templo Dei cum idolis? Vos enim estis templum Dei vivi; sicut dicit Deus: Quoniam inhabitabo in illis, & inambulabo inter eos, & ero illorum Deus, & ipsi erunt mihi populus. Propter quod exite de medio eorum, & separamini, dicit Dominus, & immundum ne tetigeritis; & ego recipiam vos, & ero vobis in patrem, & vos eritis mihi in filios & filias, dicit Dominus omnipotens.

Postquam Apostolus docuerat usum gratiæ collatæ quantum ad bonas operationes exteriores, hic consequenter instruit eos circa usum prædictum quantum ad interiorum devotionem, quæ consistit in lætitia cordis, quæ latitudinem cordis causat; & cir-

(a) *Al.* Iosue 1. „Et omnem locum quem calcaverit pes vester, vester erit.“ Sed sensus non confert, & ibi sensu integro legitur vobis tradim, pro eo quod hic est vester erit. (b) *Al.* live.

& circa hoc tria facit: primo eorum exhibit se eis in exemplum latitudinis; secundo ostendit quod ab ipso non habent contrarium exemplum, nec possunt accipere, ibi, *Non angustiamini in nobis*, tertio exhortatur eos ad cordis latitudinem, ibi, *Eandem autem habentes remunerationem (tamquam filii dico) dilatamini & vos*. Circa primum duo facit. Primo ponit signum latitudinis cordis; secundo ponit ipsam latitudinem: quoniam quam habebat Apostolus, ibi, *Cor nostrum dilatatum est*. Signum autem latitudinis est os latum, quia os immediate adhæret cordi. Unde quæ per os exprimimus, sunt expressa signa conceptionum cordis. Matth. xxi. 34. "Ex abundantia cordis os loquitur." Et hoc est quod dicit: *Os nostrum patet ad vos*. Os enim clausum est aliquando, tunc scilicet quando ea quæ sunt in corde, non patent exteriori; sed apertum, & patens est, quando ea quæ in corde sunt, manifestantur. Job 11. 1. "Post hæc aperuit Iob os suum." Matth. v. 2. "Aperiens os suum, docebat eos." Et ne hoc videatur pertinere ad vitium vanitatis, quia manifestat se, subdit rationem, dicens, *Ad vos*, idest, propter utilitatem vestram manifestamus vobis secreta cordis nostri. I. Corinth. x. 33. "Non querens quod mihi utile sit, sed quod multis, ut salvi fiant." Causa autem hominis dilatationis procedit ex dilatatione, & latitudine cordis: & ideo dicit: *Cor nostrum dilatatum est*. Prov. xxi. 4. "Exaltatio oculorum dilatatio est cordis." Cor autem aliquando est strictum, tunc scilicet quando comprimitur, & concluditur in modico; sicut cum quis non curat nisi de terrenis, & contemnit cælestia, non valens ea intellectu capere. Aliquando autem est latum, tunc scilicet quando quis magna appetit, & desiderat: & talis erat Apostolus, qui non reputans ea quæ videntur, desiderabat cælestia: & ideo dicit: *Cor nostrum dilatatum est*, idest ampliatum ad magna appetenda.

Consequenter ostendit quod non habent ab Apostolo contrarium exemplum, dicens: *Nem angustiamini in nobis*; quasi dicat: Ex quo ostendimus vobis latitudinem cordis nostri, non habetis a nobis exemplum, nec causam unde angustiamini. Sed si hoc facitis, tunc quidem angustiamini, sed non in nobis, immo ex visceribus vestris, idest ex vobis. Ubi sciendum est, quod angustiamini idem est quod includi in aliquo, unde non patet (*) aditus evadendi. Ilii autem erant seducti adeo a pseudo quod non credebant posse saltem consequi nisi in observantiis legalibus: & ideo efficiebantur servi, cum essent liberi secundum fidem Christi. Unde angustia huius servitutis non proveniebat eis ab Apostolo, sed ex visceribus eorum, idest ex duritia cordium ipsorum. Luc. xxiii. 28. "Non litere flere super me, sed super vos ipsas flete."

Consequenter hortatur eos ad latitudinem cordis, dicens: *Eandem autem habentes remunerationem dilatamini & vos*; quasi dicat: Si aliquando decepti a pseudo angustia estis, non omnino remaneatis in angustiatione, immo studeatis habere latum cor, sicut nos habemus: quia eandem habebitis remunerationem quam nos habemus. Et ideo dicit: *Eandem remunerationem habentes*, scilicet sicut & nos: supra 1. 7. "Sicut estis socii passionum, sic eritis & consolationis." Tamquam filiis, non inimicis, dicit vobis; vel tamquam filiis Dei; quasi dicat: *Eandem remunerationem habentes* quam filii Dei, scilicet heredes vitæ æternæ: Rom. viii. 17. "Si filii, & heredes: eandem, inquam, habentes remunerationem, dilatamini & vos; idest, habeatis cor magnum, & liberum libertate spiritus, quæ est in fide Christi, & non coangustiamini in servitute observantiæ legalis.

Consequenter cum dicit, *Nolite iugum ducere cum infidelibus*, docet eos usum collatæ gratiæ quantum ad infidelium vitiationem; & circa hoc duo facit. Primo ponitur Apostoli exhortatio; secundo exhortationis ratio, ibi, *Quia enim participatio infidelitatis cum iniquitate*; tertio rationem huius auctoritate confirmat, ibi, *Vos enim estis templum Dei*. Dicit ergo: *Nolite iugum ducere cum infidelibus*. Ubi est sciendum, quod iugum dicitur omne illud quod ligat plures ad aliquid faciendum. Unde quia aliquando aliqui conveniunt ad faciendum aliquid boni, quod est ex Deo, & aliqui ad faciendum aliquid mali, quod est ex diabolo; ideo dicitur iugum Dei, & iugum diaboli. Iugum quidem Dei est ipsa caritas, quæ ligat hominem ad serviendum Deo. Matth. xi. 29. "Tollite iugum meum super vos." Iugum vero diaboli est ipsa iniquitas, quæ ligat ad malum, & ad male faciendum. Esa. ix. 4. "Iugum

000 2 "onc-

(*) ad. alius aditus.

eneris eius. "Hoc ergo dicit: *Nolite ingum ducere*; idest, nolite communicare in operibus infidelitatis, cum infidelibus: & hoc propter duo. Primo quia aliqui erant inter eos qui reputabantur sapientiores, non abstinentes ab idololatriis, & ex hoc scandalizabant infiores. Alii autem erant qui communicabant cum ludæis in traditionibus soniorum. Unde Apostolus hortatur eos cum dicit: *Nolite ingum ducere cum infidelibus*: ut non communicent cum ludæis in traditionibus legis, neque cum Gentibus in cultu idolorum: utrique enim infideles sunt.

Rationem autem huius assignat dicens: *Qua enim participatio iustitiae cum iniquitate?* quæ sumitur ex distinctione duplici. Una distinctio est quantum ad causam, sed alia est quantum ad statum. Distinctio quantum ad causam duplex est, scilicet quantum ad causam habitualem, & quantum ad causam efficientem. Causa autem habitualis est duplex. Una quantum ad effectum; & hoc est quod dicit: *Qua enim participatio iustitiae cum iniquitate?* quasi dicat: Non debetis iugum ducere cum infidelibus, quia alius habitus est in vobis, alius in illis: in vobis quidem est habitus iustitiæ, in illis vero est habitus iniquitatis. Maxima autem iustitia est reddere Deo quod suum est, & hoc est colere ipsum. Unde cum vos colatis Deum, est in vobis habitus iustitiæ. Summa autem iniquitas est auferre a Deo quod suum est, & dare diabolo. Esa. i. 13. „Iniqui sunt cœtus vestri. Hierem. xxxiii. 28. „Quid paleis ad triticum? „Alia causa habitualis est quantum ad intellectum; & hæc distinctio est, quia fideles sunt illuminati lumine fidei, sed infideles sunt in tenebris (a) errorum; & quantum ad hoc dicit: *Aut qua societas luci ad tenebras?* quasi dicat: Non est conveniens quod eis communicetur, quia non est aliqua societas conveniens: quia vos estis lux per scientiam fidei: Ephes. v. 8. „Eratis aliquando tenebræ, nunc autem lux in Domino: „illi vero tenebræ sunt per ignorantiam. Proverb. xv. 19. „Via impiorum tenebrosa; nesciunt ubi eorruant. „Unde Dominus a principio divisit lucem a tenebris, ut dicitur Genes. i. Quantum vero ad causam efficientem dicit: *Qua autem conversio Christi ad Belial?* quasi dicat: Vos estis servi Christi, & membra eius: I. Corinth. xii. 27. „Vos estis corpus Christi: „illi autem sunt

membra diaboli. Et dicitur diabolus Belial, abique iugo, quia noluit subici iugo Dei. Hierem. xii. 20. „A sæculo fregisti iugum meum, rupisti vincula mea, & dixisti, Non serviam. „Quod autem non possit esse conventio Christi ad Belial, patet ex verbis Christi, Ioan. xiv. 30. „Veni princeps mundi huius, & in me non habet quidquam: „et etiam ex verbis diaboli, Matth. vii. 29. „Quid nobis, & tibi Iesu Fili Dei? „Alia distinctio est quantum ad statum fidei, & hoc quantum ad duo: scilicet quantum ad statum fidei, & secundum hoc dicit: *Aut qua pars est fidelis cum infidelis?* quasi dicat: Non eadem est pars utriusque: quia pars fidelis est ipse Deus, quem habet ut præmium, & ut finem suæ beatitudinis: Psalm. xv. 3. „Dominus pars hereditatis meæ, & calicis mei: „sed pars infidelis sunt bona terrena: Sap. xi. 9. „Hæc est fors nostra, & pars nostra: „Matth. xxiv. 51. „Diligit eum, & partem eius ponet cum hypocritis. „Item quantum ad statum gratiæ; & secundum hoc dicit: *Quis autem consensus templo Dei cum idolis?* quasi dicat: Non est aliqua convenientia templo Dei, & idolis. Unde vos estis templum Dei per gratiam: I. Corinth. xii. 16. „Nescitis quoniam membra vestra (b) templum sunt Spiritus sancti? „Non debetis ergo communicare cum infidelibus, qui sunt templa idolorum. Sed notandum, quod Dominus prohibet per Ezechielem, quod in templo Dei non colantur idola, Ezech. xxvi. Multo ergo magis prohibentur homines, quorum animæ sunt templum Dei, ne violent illa per participationem idolorum. I. Corinth. xii. 17. „Si quis templum Dei violaverit, disperdet illum Deus.

Consequenter cum dicit, *Vos estis templum Dei vivi*, confirmat rationem propositam per auctoritatem; & circa hoc duo facit: primo enim confirmat quod induxit ratione admonitionis; secundo vero confirmat ipsam admonitionem, ibi, *Propter quod exite de medio eorum*. Circa primum duo facit. Primo refutit quod probare intendit; secundo vero inducit auctoritatem ad propositum, ibi, *Sicut dicit Dominus: Quoniam inhabitabo in illis, & inambulabo inter eos*. Dicit ergo: Recte dico, quod non est consensus templo Dei cum idolis; idest, non debetis cum eis participare: quia vos estis templum Dei vivi, & non mortui sicut ido-

(a) *Al. errorum.* (b) *Al. templa.*

latræ. Ad hoc probandum adducit auctoritatem, probans hoc ipsum per usum templi: ulus enim templi est ut Deus habitet in eo: nam templum est locus Dei ad inhabitandum sibi consecratus. Psal. x. 5. „Dominus in templo sancto suo.“ Quæ quidem auctoritas lumitur ex Levit. xxvi. 11. quæ talis est. „Ponam tabernaculum meum in medio vestri, & non abiiciet vos anima mea.“ In qua auctoritate quatuor tangit, quantum ad hunc ulum pertinet. Primum pertinet ad gratiam operationum; quod est Deum esse in aliquo per gratiam: & hoc est quod dicit: *Inhabitabo in eis*, scilicet in sanctis, per gratiam excolens eos. Licet autem Deus in omnibus rebus dicatur esse per præsentiam, potentiam, & essentiam; non tamen dicitur in eis inhabitare, sed in solis sanctis per gratiam. Cuius ratio est, quia Deus est in omnibus rebus per suam actionem, in quantum coniungit se eis, ut dans esse, & conservans in esse; in sanctis autem est per ipsum sanctorum operationem, quæ attingunt ad Deum, & quodammodo comprehendunt ipsum, quæ est diligere, & cognoscere: nam diligens, & cognoscens dicitur in se habere cognita, & dilecta. Secundum pertinet ad gratiam cooperationem, quo scilicet proficiunt sancti auxilio Dei; & quantum ad hoc dicit: *Inhabitabo in eis*; idest, promovebo eos de virtute in virtutem: nam hic profectus sine gratia Dei esse non potest. I. Corinth. xv. 10. „Gratia Dei sum id quod sum.“ Nam sicut gratia operans facit nos esse aliquid in esse iustitiæ, ita & gratia cooperans facit nos in ipso esse progredi. Tertium pertinet ad Dei beneficium: & hoc vel protectionis per providentiam; & hoc tangit dicens: *Ego ero illorum Deus*; idest, providentia mea protegam eos: Psal. cxlii. 15. „Beatus populus cuius Dominus Deus eius.“ Vel beneficium remunerationis, ut sic dicatur: *Ero illorum Deus*; idest, dabo eis me ipsum in mercedem. Genes. xv. 1. „Ego ero merces tua magna nimis.“ & Hebr. xi. 16. „Non confunditur Deus eorum vocem cari Deus.“ Quartum pertinet ad debium cultum, & servitium sanctorum; & quantum ad hoc dicit: *Et ipsi erunt mihi in populum*; idest, me colent, & mihi obediunt ut mei, & non alterius. Psal. xciv. xcix. 4. „Nos autem populus eius, & oves pascuæ eius.“ Vel possunt ad præ-

sentiam corporalem referri; & tunc exponitur sic. *Quoniam inhabitabo in illis*, per carnis assumptionem: Ioan. i. 14. „Verbum caro factum est, & habitavit in nobis.“ & *ambulabo inter illos*, corporaliter cum eis conversando: Baruch ii. 38. „Post hæc in terris vilius est, & cum hominibus conversatus est.“ & *Ero illorum Deus*, per gloriam: Deut. iv. 7. „Non est alia natio tam grandis, quæ habeat deos appropinquantibus sibi, sicut Deus, noster adest cunctis obsecrationibus nostris.“ *Et ipsi erunt mihi populus*; idest, per fidem me colent.

Consequenter cum dicit, *Propter quod exiit de medio eorum*, confirmat ipsam admonitionem per aliam auctoritatem; & circa hoc duo facit. Primo confirmat admonitionem per auctoritatem; secundo ostendit præmium promissum servantibus monitionem, ibi, *Ego recipiam vos*. Dicit ergo: *Propter quod*, idest quia estis templum Dei, *exiit de medio eorum*: & sumitur de Mal. i. 11. „Recedite, recedite, (a) exiit inde, & pollutum nolite tangere.“ Ubi tria dicit, *Exiit, separamini, & immundum nolite tangere*: quia tripliciter debemus nos habere ad infideles. Primo ut exeamus ab eis, relinquendo peccata. Zach. ii. 6. „O, o, o, fugite de terra Aquilonis, dicit Dominus.“ Sed Donatistæ dicunt, quod debemus corporaliter deserere malam societatem, quod non est verum. Unde quod Apostolus dicit, intelligendum est de separatione spirituali; & ideo sic exponit: *Exiit spiritualiter*, non sequendo vitam eorum. Cant. ii. 2. „Sicut lilium inter spinas, sic amica mea inter filias.“ Et hoc ideo ut vitemus ipsas peccatorum occasiones ab eis datas: & ideo dicit: *Separamini*; idest, longe ab eorum consensu sitis. Matth. x. 35. „Veni enim separare hominem, nem adversus patrem suum.“ Numer. xvi. 16. „Recedite a tabernaculis hominum impiorum, & nolite tangere quæ ad eos pertinent, ne involvami in peccatis eorum.“ Tertio ut arguamus eos, cum male agunt; & ideo dicit: *Immundum ne tetigeritis*, scilicet consentientes eis in malis. Roman. i. 31. „Non solum qui faciunt ea, sed & qui consentiunt facientibus.“ Ephes. v. 11. „Nolite communicare operibus infructuosus.“ Et hoc quia qui tangit picem, inquinatur ab ea, Eccli. xii. Præmium autem repromissum

ser-

(a) *N. deß exiit.*

servantibus monitionem est duplex, scilicet divina familiaritas, & divina adoptio. Divina familiaritas, quia *ego recipiam vos*; quasi dicat: Secure exeat, quia *ego recipiam vos* in mens. Psal. xxv. 10. Quoniam pater meus, & mater mea dereliquerunt me; Dominus autem assumpsit me. Psal. lxxv. 3. Beatus quem elegisti, & assumpsisti. Esa. xlii. 1. Ecce servus meus, suscipiam eum. Sed divina adoptio, quia adnptat nos in filios

quia dicit: *Et ero vobis in patrem, & vos eritis mihi in filios*. Rom. viii. 15. Non accepistis spiritum servitutis iterum in timore, sed accepistis spiritum adoptionis filiorum, in quo clamamus: Abba, Pater. Et dicit *filius* quantum ad perfectos, & *filias* quantum ad imperfectos; & hoc sumitur ex II. Reg. vii. 14. ubi dicitur de Salomone: Ego ero ei in patrem, & ipse erit mihi in filium.

CAPITIS SEPTIMI

LECTIO I

HAs igitur habentes promissiones, carissimi, mundemus nos ab omni inquinamento carnis, & spiritus, perfectentes sanctificationem in timore Dei. Capite nos. Neminem lesimus, neminem corrupimus, neminem circumvenimus. Non ad condemnationem vestram dico. Prædiximus enim quod in cordibus nostris esset ad commoriendum, & ad convivendum.

Monuit Apostolus Corinthios qualiter se in futuro debeant habere; hic commendat eos de bonis præteritis. Sed ut fiat quædam continuatio præteritorum ad futura, primo concludit admonitionem; secundo vero commendat eos, ibi, *Multa mihi fiducia est apud vos*. Circa primum tria facit. Primo ponit admonitionem; secundum inducit exemplum sui ipsius ad admonitionem servandam, ibi, *Capite nos*; tertium ponit admonentis intentionem, ibi, *Non ad condemnationem vestram dico*. Circa primum tria facit. Primum ponit motivum ad observantiam admonitionis; & hoc est promissio eis facta: & ideo dicit: *Has igitur habentes promissiones, carissimi*, scilicet quod Deus habet in nobis, & recipiat nos &c. Secundum ponit admonitionem, cum dicit: *Mundemus nos ab omni inquinamento carnis, & spiritus*; & hoc ideo, quia promissiones istæ non dantur nisi mundis; & ideo *mundemus nos ab omni inquinamento carnis, & spiritus*, idest carnalium, & spiritualium vitiorum. Esa. lii. 1. Munda mini qui fertis vasa Domini.

Ubi sciendum est, quod omne peccatum quod consummatur in delectatione carnis, est carnale; illud vero quod consummatur in delectatione spiritus, est spirituale. Et inde est quod peccata carnalia, si confide-

rentur quantum ad sui consummationem, sunt duo tantum, scilicet gula, & luxuria; cetera vero peccata sunt spiritualia. Si vero considerentur quantum ad sui originem, sic omnia peccata possunt dici carnalia, quia omnia ex conceptione carnis originem habent; & hoc modo loquitur ad Galat. v. 19. Manifesta sunt autem opera carnis; quæ sunt fornicatio, immunditia, impudicitia, luxuria, idolorum servitus, veneficia, inimicitie, contentiones, emulationes, ira, rixæ, dissensiones, sectæ, invidia, homicidia, ebrietas, comestiones, & his similia.

Tertio ponit modum implendi admonitionem, ibi, *Perfectentes sanctificationem in timore Dei*. Posset enim aliquis dicere: Numquid non sumus mandati in baptismo? Et ideo addit: *Perfectentes sanctificationem*, idest, perficiamus emundationem inchoatam in baptismo. Sanctus enim idem est quod mundus. Levit. xi. & xix. 2. Sancti estote, quoniam ego sanctus sum Dominus Deus vester. Perficiamus, inquam, quia Philosophi cuncti sunt perficere, & non potuerunt, quia non posuerunt omnia peccata vitare: quantumcumque enim aliqua peccata vitarent, & exercerent actus virtutum, adhuc tamen remanebant

(a) *Ecce ex concupiscentia.*

in eis peccatum infidelitatis. Et ideo in vero cultu Dei solum perhicitur emundatio; & hoc est quod dicit: *In timore*, idest in cultu, Dei. Eccli. xxv. 14. „Timor Domini super omnia se superposuit.“

Sed contra, Coloss. i. 14. „Super omnia caritatem habentes, quæ est vinculum perfectionis.“ Non igitur perhicitur satisfactio in timore Dei, sed in caritate Dei.

Respondet: Dicendum est, quod hic loquitur de timore filiali, qui est caritatis effectus, & non de servili, qui contrariatur caritati. Dicit autem, *In timore*, ut doceat nos habere affectum ad Deum cum quadam reverentia, & sollicitudine. Amor enim causat securitatem, quæ quandoque negligentiam parit; sed qui timet, semper est sollicitus.

Consequenter cum dicit, *Capite nos*, in exemplum se præbet; quasi diceret: Accipite nos in exemplum. I. Corinth. xi. 2. „Imitatores mei estote, sicut & ego Christi.“ Ego enim mihi cavi ab immunditia per sanctificationem, quia neminem læsi. Ubi notandum, quod tripliciter potest aliquis lædere proximum; & nullo istorum modorum læsit aliquem. Primo in persona; & quantum ad hoc dicit: *Neminem læsumus*, scilicet in persona, sicut faciunt mali domini: Mich. i. 2. „Vio, lenter tollitis pellem eorum desuper eis.“ Secundo quantum ad famam, inducendo eos vel exemplo, vel persuasibus ad malum; & quantum ad hoc dicit: *Neminem corrumimus*: I. Corinth. xv. 33. „Corrumpunt bonos mores colloquia prava.“ Tertio quantum ad subtractionem bonorum; & quantum ad hoc dicit: *Neminem circumvenimus*; idest, in bonis fraudavimus: I. Thess. iv. 6. „Ne quis circumveniat in negotio fratrem suum.“

Consequenter cum dicit, *Non ad condemnandum vestram dico*, aperit suam intentionem; quasi dicat: Non dico hoc condemnando vos, sed ut emendemini. Mala enim præterita propter duo consueverunt commemorari: aliquando ad condemnationem; & hoc quando non est ultra spes correctionis; aliquando autem ad emendationem, ut scilicet corrigatur, & hoc modo loquitur hic: *Non ad condemnandum vestram dico*. I. Corinth. vii. 35. „Hæc ad utilitatem vestram dico, non ut laqueum vobis iniciam.“ Et ratio huius est, quia gaudeo de bono vestro: *prædictum enim quod vos estis in cordibus nostris*. Supra xii. 2. „Epistola nostra vos estis scripta in cordibus nostris“. Philip. i. 7. „Eo quod habeam vos in corde, & in vinculis meis, & in defensione, & confirmatione, ne Evangelii, locios gaudii mei omnes vos esse.“ *Estis*, inquam, in cordibus nostris, scilicet ad commemorandum, & ad convivendum. Quod potest intelligi de morte culpæ, & de morte naturali. De morte culpæ, ut non intelligatur quod nos sumus parati ad commoriendum vobiscum; idest, quando vos peccatis, nos velimus peccare; sed quod mortem culpæ vestram eo dolore accipimus quo nostram. Infra xi. 29. *Quis infirmatur, & ego non infirmor*: I. Corinth. xv. 31. „Quotidie morior per vestram gloriam, fratres.“ *Et ad convivendum*, quia ita gaudeo de bona vita vestra in gratia, sicut & de nostra. De morte vero naturali, ut intelligatur: *Ad commoriendum*; idest, paratus sum mori pro vobis. Infra xii. 15. „Libentius impendar, & superimpendar pro animabus vestris.“ *Et ad convivendum*, idest ut desiderem vos esse socios in vita æterna. II. Timoth. ii. 11. „Si commortui sumus, & convivemus.“

L E C T I O II.

Multa mihi fiducia est apud vos, multa mihi gloriatio pro vobis: repletus sum consolatione, superabando gaudio in omni tribulatione nostra. Nam & cum venissemus in Macedoniam, nullam requiem habuit caro nostra, sed omnem tribulationem passi sumus. Foris pugnae, intus timores. Sed qui consolatur humiles, consolatus est nos Deus in adventu Titi. Non solum autem in adventu eius, sed etiam in consolatione in qua consolatus est in vobis, referens nobis vestrum desiderium, vestram æmulationem pro me, ita ut magis gauderem. Quoniam, etsi contristavi vos in Epistola, non me poenitet.

tet. Et si periret, videns quod Epistola ista, per vos in nos contri-
vit, nunc gaudeo: non quia contristati estis, sed quia contriti estis ad poe-
nitentiam.

A Postolus posuit supra admonitionem ex
præmissis concludam; hic subdit suam
commendationem; & circa hoc duo facit.
Primo ponit eorum commendationem; se-
cundo ipsam exponit, ibi, *Nam & cum*
venissem in Macedoniam, nullam requiem ha-
buit caro nostra. Commendationem autem
ipsorum ponit ostendendo affectum suum,
qui confurgit ex bonis operibus, quæ Co-
rinthii faciebant. Consequitur enim quadru-
plex affectus in cordibus diligentium con-
furgere ex bonis quæ dilecti operantur;
& hys quatuor se Apostolus concepisse de
eis ostendit. Et primo affectum fiduciæ:
unde dicit: *Multa mihi fiducia est apud vos,*
inquantum scilicet confido quod qui bene
cepistis, semper proficietis in melius: unde
ex bonis auditis de vobis spero maiora
in futurum. Philip. 1. 6. „Confido de vo-
bis, quod qui cepit in vobis opus bo-
num, perficiet usque in diem Christi Je-
su.“ Hebr. vi. 9. „Confidimus de vo-
bis, carissimi, meliora, & vicina sa-
luri.“ Et hæc fiducia bona est, & fa-
lubris. Hebr. x. 35. „Nolite amittere re-
diciam vestram, quæ magnam habet re-
munerationem.“ Secundo ex hoc con-
cipit affectum gloriationis. Ex quo enim
quis bona amici sicut sua diligit, conse-
quens est ut de bonis amici sicut de pro-
priis gloriatur. Et hoc specialiter, quo-
dum ipse est causa illorum bonorum, sicut
magister est causa doctrinæ discipuli.
Et ideo dicit: *Multa mihi gloriatio pro vo-*
bis est. Egor. x. 1. „Gloria Patris Filius
sapiens.“ Terrio ex prædictis concipit
affectum consolationis, quando is qui læta-
tur, & gloriatur de bonis suis, vel ami-
ci, habet remedium contra tristitias. Con-
solatio enim est remedium contra tristitias.
Naturale autem est quod semper delecta-
tio, & gaudium, tristitias opponitur;
& secundum Philosophum omnis delectatio
debilitat, vel totaliter tollit tristitiam.
Si delectatio sit contraria tristitiae, tota-
liter absorbet tristitiam; si autem non sit
contraria, debilitat, & diminuit eam.
Et inde est quod quando quis est in tri-
stitia, quodcumque nuntiantur sibi ali-
qua læta, diminuitur tristitia. Et ideo
quia audir læta de Corinthiis, dicit:
Repletus sum consolatione, audita scilicet cor-

rectione vestra. Supra 1. 5. *Sicut abundans*
Christi passiones in nobis, ita & per Christum
abundans consolatio nostra. Philip. 11. 1. „Si
qua consolatio in Christo, si quod sola-
tium civitatis, si qua societas spiritualis,
si qua viscera miserationis: implete gau-
dium meum, ut idem sapiatis, eandem
caritatem habentes, unanimis, id ipsum sen-
tientes.“ Quarto confurgit ex prædi-
ctis affectus exuberantis gaudii: licet enim
ex aliquibus delectationibus diminuatur tri-
stitia, non tamen totaliter tollitur, nisi
gaudium sit magnum. Quamvis autem A-
postolus multas tribulationes sustineret, quia
ramen multum gaudebat de bonis Corin-
thiorum, ideo non solum non ablorbeba-
tur tristitia totaliter, sed etiam super-
abundabat gaudio; & ideo dicit: *superab-*
undo gaudio in omni tribulatione nostra; id est
gaudium meum superat omnem tribulationem,
quæ erat in animo meo. I. Thessal.
11. 19. „Quæ est enim spes nostra, aut
gaudium, aut corona gloriæ? Rom. x11.
12. „In tribulatione patientes.“

Consequenter cum dicit, *Nam & cum venis-*
sem in Macedoniam, nullam requiem habuit
caro nostra, exponit suam commendationem.
Duo autem dixerat, scilicet se accepisse gau-
dium, & habuisse tribulationem. Primo ergo
manifestat suam tribulationem; secundo vero
suam consolationem, ibi, *Sed qui consolatur*
humiles, consolatus est nos Deus in adventu
Titi. Tribulationem autem aggravat ex duobus,
scilicet ex subtractione remedii, & ex
tribulationis multiplicitate. Ex subtra-
ctione remedii, cum dicit: *Nam & cum*
venissem in Macedoniam, nullam requiem ha-
buit caro nostra; quasi dicit: Vere tribula-
tionem habeo, quia in nullo consolor: *nam*
cum venissem in Macedoniam, nullam requiem
habuit caro nostra. Hic facit mentionem de
persecutione quam passus est in Macedonia,
quando liberavit ancillam Pythonissam, ut
legitur Act. xvi. Dicit autem: *Nullam re-*
quiem habuit caro nostra; & non dicit, Spi-
ritus noster: quia sancti semper habent pa-
cem spiritus; cum etiam in adversis ani-
ma, quæ in corpore patitur, spe futuri præ-
mii quiescat, quamquam multa sustineat af-
fectui carnis contraria. Ex multiplicitate
vero tribulationum aggravat, cum dicit:
Omni tribulationem passi sumus, id est omne
genus

genus tribulationis secundum corpus, & secundum animam. Supra iv. 8. *In omni hac tribulatione patientur*. Ioan. xvi. 33. „In mundo pressuram habebitis.“ Et quod omnem tribulationem passus fuerit, exponit consequenter cum dicit: *Foris pugna, intus timor*. *Foris*, idest extra meipsum, pugna persecutionum; sed tamen *intus*, idest in corde, est timor de malo, timens persecutionem in futuro. Deuter. xxxii. 25. „Foris vastabit eos gladius, & intus pavor.“ Sed contra. Prov. xxviii. 1. „Iustus quasi leo condens absque timore erit.“ Respondeo. Est sine timore quantum ad spiritum, non tamen quantum ad carnem.

Vel *foris*, idest extra Ecclesiam, pugna, illata ab infidelibus sed *intus timor*, ne scilicet illi qui intra Ecclesiam sunt, excident a fide propter persecutores. Vel *foris*, idest in manifesto, pugna, quibus impugnamur a manifestis inimicis; *intus timor*, qui iniungitur nobis ab illis qui dicunt se amicos, & non sunt: quia, ut dicit Boetius de Consolatione, „nulla pestis efficacior ad nocendum quam familiaris ioinicus.“ Matth. x. 36. „Inimici hominis domestici eius.“

Consequenter cum dicit, *Sed qui consolatur humiles, consolatus est nos Deus in adventu Titi*, ponit materiam suæ consolationis; quam extollit ex duobus, scilicet ex grata præsencia Titi, & ex consolatione Titi, ibi, *Non solum autem in adventu eius, sed etiam in consolatione qua consolatus est in vobis*. Dicit ergo: Licet hic graviter affligi fuerimus, *sed qui*, scilicet Deus, consolatur humiles, *consolatus est nos in adventu Titi*: cuius præsencia (a) utique mihi gratissima est, & in adiutorium. Supra i. 4. *Qui consolatur nos in omni tribulatione nostra*. Dicit autem, *Qui consolatur humiles*, quia superbos non consolatur, sed eis resistit, ut dicitur Iac. iv. & I. Petr. v. Consolatur autem humiles dando eis gratiam, quæ est consolatio Spiritus sancti. Esa. lxi. 2. „Ut consolaret omnes lugentes.“

Non solum autem in adventu eius, sed etiam in consolatione qua consolatus est in vobis. Hic ponitur alia materia consolationis Apostoli, scilicet consolatio Titi. Et materia huius consolationis est duplex. Prima, emendatio Corinthiorum, quam habuerunt in præsencia Titi; secunda est devotio Corinthiorum, quam offenderunt ad Titum, ibi, *In consolatione autem nostra abundantis gavisus sumus super gaudio Titi*. Circa primum

duo facit. Primo ponit consolationem de penitentia Corinthiorum; secundo exponit quædam quæ dixit, ibi, *Contristati enim estis secundum Deum*. Circa primum tria facit. Primo ponit consolationem Titi; secundo materiam consolationis, ibi, *Referens nobis vestrum desiderium &c.* tertio effectum consolationis in mente Apostoli, ibi, *Ita ut magis gauderem*. Dicit ergo: Non solum consolatur nos Deus in adventu Titi, sed etiam in consolatione qua ipse Titus consolatus est de vobis, & in vobis. Et huius consolationis materia est, quia ipse Titus consolatus est, referens nobis vestrum desiderium, vestrum statum, vestram amulationem pro me. Ubi tria ponit laudabilia propter tria reprehensibilia quæ fuerunt in eis. Fuerunt enim pigri ad bonum; & contra hoc dicit: *Referens nobis vestrum desiderium*, de proficiendo in melius. Item erant proni ad malum; & contra hoc dicit, *Vestrum statum*, scilicet de peccatis commissis. Hier. vi. 26. „Luctum unigeniti fac tibi.“ Item erant faciles deceptioni pseudoram; & contra hoc dicit, *Vestram amulationem*, contra pseudos habitam pro amore mei. Nam ante æmulabamini contra me pro eis.

Consequenter cum dicit, *Ita ut magis gauderem*, ponit affectum conceptum ex consolatione Titi; qui quidem affectus est gaudium. Unde circa hoc tria facit. Primo ponit conceptum gaudium; secundo ostendit suæ æstimationis imitationem; tertio subdit rationem gaudii. Dicit ergo: Intantum gavisus sum de his quæ Titus retulit mihi, ita ut magis gauderem de hoc quam de tribulatione mea doluerim. Nam spiritualia præferenda sunt temporalibus. Vel ut magis gauderem de hoc quod contristavi vos, quam doluerim olim. Peccaverant enim faciendo fornicationem, & Apostolus increpaverat eos, ut patet in prima Epistola v. & vi. capp. Tunc autem incertus erat Apostolus quem eventum deberet habere eorum tristitia, bonum scilicet, an malum. & ideo dubitans penituit. Sed videns postmodum quod bonum inde provenerat, gaudebat: ideo dicit: *Quoniam ut contristavi vos*, increpando in prima Epistola, *non me penituit modo*, quia correcti estis: *Et si olim penituerat*, quando scilicet eram incertus utrum tristitia induceret vos ad correctionem, vel desperationem, *videns quod epistola illa, utsi ad horam, vos contristavit, nunc gaudeo*, quia estis conversi.

Ppp

(a) scilicet utpote.

fi. Et rationem gaudii assignat: quia non gaudeo de hoc quia *contristati estis*; sed de effectu, scilicet de correctione, quia scilicet *contristati estis*, non ad desperationem, sed ad *penitentiam*: sicut medicus non gaudet de amaritudine (a) medicinae, sed de effectu, scilicet de sanitate. Supra va. 10. *Quasi tristes, semper autem gaudentes.*

LECTIO III

Contristati enim estis secundum Deum, ut in nullo detrimentum patiamini ex nobis. Quæ enim secundum Deum tristitia est, penitentiam in salutem stabilem operatur; sæculi autem tristitia mortem operatur. Ecce enim hoc ipsum, secundum Deum contristati vos, quantum in vobis operatur sollicitudinem, sed desensionem, sed indignationem, sed timorem, sed desiderium, sed æmulationem, sed vindictam. In omnibus exhibuistis vos incontaminatos esse negotio.

Posita consolatione Apostoli, & Titi de tristitia Corinthiorum, eo quod fuerit ad penitentiam, & non ad desperationem; hic consequenter huius consolationis ratio assignatur, eorum tristitiam commendando: & circa hoc duo facit: primo enim commendat eorum tristitiam; secundo ex hoc concludit propositum, ibi, *Et si scripsi vobis, non propter eum qui fecit iniuriam sed ad manifestandum sollicitudinem vestram.* Commendat autem Corinthiorum tristitiam ex duobus. Primo ex causa; secundo ex effectu, ibi, *Quia enim tristitia est secundum Deum, penitentiam in salutem stabilem operatur.* Causa autem ex qua commendatur eorum tristitia, hæc est, quia est secundum Deum; & ideo dicit: Licet ad horam contristaverim vos per Epistolam, tamen nunc gaudeo, idest quia *contristati estis secundum Deum.* Ubi sciendum est, quod tristitia, & gaudium, & communiter omnis affectio ex amore causatur. Tristatur enim quis, quia caret eo quod amat. Qualis autem est amor, talis est tristitia ex amore causata. Est autem duplex amor: unus quo diligitur Deus, & ex hoc causatur tristitia quæ est secundum Deum; (b) alius est quo amatur sæculum, & ex hoc causatur tristitia sæculi. Amor quo diligimus Deum, facit nos libenter servire Deo, (c) sollicite quærere honorem Dei, & vacare Deo dulciter. Et quia peccando impedimur a servitio Dei, & ideo ei non vacamus, nec eius honorem quærimus; ideo amor Dei causat tristitiam de peccato; & hæc est tristitia secundum Deum: quæ quidem tristitia non fuit vobis ad malum, nec detrimentum, sed potius ad fructum, & meritum. Et ideo dicit: *Ut in nullo detrimentum patiamini ex nobis: quia non solum bona, & grata quæ*

vobis impendimus, vobis profunt; sed etiam hoc ipsum quod vos corrigimus, & contristamus. Hebr. xii. 11., *Omnis disciplina in presenti quidem videtur non esse gaudii, sed meroris; postea autem fructum pacatissimum exercitatis per eam reddet iustitiæ.*

Consequenter cum dicit, *Quia enim tristitia secundum Deum est, penitentiam in salutem stabilem operatur*, commendat eorum tristitiam ex effectu; qui quidem est præmium vitæ æternæ: & circa hoc duo facit: primo enim ponit effectum in generali; secundo experimentum specialiter in eis consecutum, ibi, *Ecce enim hoc ipsum, secundum Deum contristati vos, quantum in vobis operatur sollicitudinem.* Circa primum duo facit: primo enim ponit effectum tristitiæ quæ est secundum Deum; secundo ponit effectum tristitiæ quæ est secundum mundum, ibi, *Sæculi autem tristitia mortem operatur.* Dicit ergo primo: Dico quod tristitia nostra non fuit vobis detrimentum: enim, idest quia, *tristitia quæ est secundum Deum, operatur penitentiam*, penitentiam autem, dico, *in salutem stabilem*, idest sempiternam, quæ est salus stabilis, & est beatorum; de qua Esa. li. 6., *Salus autem mea in sempiternum erit: & hanc operatur penitentia.* Matth. xii. 2., *Agite penitentiam, appropinquabit enim regnum cælorum.* Et dicit *stabilem*, ut excludat salutem temporalem, quæ est transitoria, & communis ipsis hominibus, & iumentis; de qua in Psal. xxxv. 8., *Hominibus, & iumenta salvabis Domine.*

Sed contra hoc quod dicit, quod tristitia quæ est secundum Deum, penitentiam operatur, videtur esse, quia ipsa tristitia secundum Deum est penitentia.

Pæ-

(a) *Medicinis medicinae.* (b) *Amor quo amatur deus.* (c) *Id est scilicet quærens.*

Pœnitere enim est trīstari de malo, & secundum Deum. Non ergo operatur pœnitentiam.

Respondeo: Dicendum est, quod pœnitentia habet tres partes: quatum pars prima est tristitia, scilicet dolor, & compunctio de peccatis; alia duæ sunt confessio, & satisfactio. Cum ergo dicit, quod tristitia operatur pœnitentiam, intelligendum est, quod compunctio, seu dolor de peccato operetur in nobis pœnitentiam, id est alias partes pœnitentiae, scilicet confessionem, & satisfactionem. Vel dicendum est, quod tristitia secundum Deum est communior quam pœnitentia: quia pœnitentia est de proprio peccato; sed tristatur quis secundum Deum & de peccatis propriis, & de alienis. Sic ergo effectus tristitiæ quæ est secundum Deum, est salus æterna; effectus vero tristitiæ quæ est secundum mundum, est mors. Quia enim qui diligit sæculum, inimicus Dei constituitur, ut dicitur Iacob. iv. ideo ex amore sæculi mors causatur. Tristatur enim secundum sæculum quis, non quia peccans Deum offendit; sed quia deprehensus in peccato, punitur de eo, & detegitur: & hæc tristitia est vitanda in peccatis. Eccli. xxx. 24. „Tristitia longe fac a te: multos enim occidit tristitia, & non est utilis in illa.“

Consequenter manifestat effectum prædictum per experimentum sumptum in ipsis, cum dicit: *Ecce enim hoc ipsum, secundum Deum contristari vos, quantum in vobis operatur solitudinem*; quasi dicat: Vere salutem stabilem, quia experimento patet quod in nobis multa quæ ad salutemducunt, operatur. Ponit autem sex ad hoc pertinentia; quorum unum est generale, scilicet sollicitudo: quando enim homo est in lætitia, de facili committit aliquas negligentias; sed quando est tristis, & intimore, sollicitatur: & ideo dicit: *Ecce enim, scilicet in vobis experti estis, hoc ipsum, scilicet secundum Deum contristari vos, quantum in vobis operatur solitudinem*, ad vitandum mala, & ad faciendum bona. Mich. vi. 8. „Indicabo tibi, o homo, quid sit bonum, & quid Dominus requirat a te:“ & infra: „Sollicitum ambulare cum Deo tuo.“ Alia vero sunt specialia, quorum quedam pertinent ad affectum interiorem, quedam ad actum exteriorem. Eorum vero quæ pertinent ad affectum interiorem quedam sunt ad peccati remotionem, quedam vero ad boni adptionem. Nam verus pœnitens debet recedere a malo, & facere bonum. Quantum autem ad remotionem

mali ponit tria. Primum est ut desistat facere malum; & quantum ad hoc dicit, *Sed defensionem*, contra illos qui nos ad malum inducunt. I. Petr. v. 9. „Cui testificet, fortes in fide.“ Vel, secundum Glossam, ut contra plebudo me defendatis. Ephes. ult. 13. „Accipite armaturam Dei, ut possitis resistere in die malo.“ Secundum est quod homo indigneatur contra se pro peccatis quæ fecit; & quantum ad hoc dicit, *Sed indignationem*. Indignatio autem sui operatur tristitiam secundum Deum. Esa. lxxv. 5. „Indignatio mea auxiliata est mihi.“ Tertium est quod sit in continuo timore de futuro, ut caveat; & quantum ad hoc dicit, *Sed timorem*, de recidivo, ne scilicet in futuro similiter contingat. Eccli. xxv. 14. „Timor Domini super omnia se superposuit:“ Quantum autem ad hanc boni adptionem, duo ponit. Primo desiderium, quo ad bonum afficitur; & quantum ad hoc dicit, *Sed desiderium*, quo bonum facere affectus. Proverb. x. 23. „Desiderium iustorum, o mne bonum.“ Secundo æmulationem bonam, qua bonos imitari conatur; & quantum ad hoc dicit: *Sed æmulationem*, ut scilicet me, & alios bonos imitemini. I. Corinth. xiv. 1. „Seclimini caritatem...“ æmulamini charitatem meliorem: „xv. 31. Eorum vero quæ pertinent ad exteriorem actum, duo ponit. Primum est ut vindicent in seipsis quod peccaverunt; & hoc utile est. Cum enim omne malum necessarium sit puniri vel ab homine, vel a Deo; si hic non punit, melius est quod homo malum in se puniat quod fecit, quam quod Deus: quia, ut dicitur Hebr. x. 31. „horrendum est incidere in manus Dei viventis:“ & quantum ad hoc dicit, *Sed vindictam*; id est, quia peccantes punitis, & etiam vos ipsos. I. Corinth. ix. 27. „Castigo corpus meum, & in servitutem redigo.“ Esa. xvi. 18. „Iustitiam non fecimus in terra.“ Secundum est quod totaliter abstineat a malo; & ideo dicit: *In omnibus exhibuistis vos, duce scilicet fide, incontinentes esse negotio*, scilicet Christiano. Supra vi. 4. *In omnibus exhibeamus nosmetipsos sicut Dei ministros*. Ephes. i. 4. „Elegit nos ante mundi constitutionem,“ ut essemus sancti. Psal. c. 6. „Ambulans in via immaculata, hic mihi ministrabat.“ Vel negotio, de quo scilicet correcti estis, puta de favore quem dedistis fornicatori; sed postmodum puniendo, & condemnando ipsum, ostendistis vos in hoc incontaminatos esse.

LECTIO IV

Igitur & si scripsi vobis, non propter eum qui fecit iniuriam, nec propter eum qui passus est; sed ad manifestandam sollicitudinem nostram, quam habemus pro vobis coram Deo: ideo consolati sumus. In consolatione autem nostra abundantius magis gavisi sumus super gaudio Titī, quia relictus est spiritus eius ab omnibus vobis. Et si quid apud illum de vobis gloriatum sum, non sum confusus; sed sicut omnia vobis in veritate locuti sumus, ita & gloriatio nostra quæ fuit ad Titum, veritas facta est; & viscera eius abundantius in vobis sunt, reminiscens omnium vestrum obedientiam, quomodo cum timore, & tremore exceperitis illum. Gaudeo quod in omnibus confido in vobis.

Hic assignata ratione quare gaudet Apostolus de ipsorum tristitia, consequenter inducit conclusionem suam, in qua duo facit: primo enim ostendit intentionem suam quam habuit in scribendo; secundo manifestat gaudium quod habuit de ipsorum correctione, ibi, *ideo consolati sumus*. Dicit ergo primo: Ex quo incontinenti estis, igitur apparet quod, *et si scripsi vobis*, per Epistolam increpando, non scripsi propter eum tantum qui fecit iniuriam, incesu maculando cubile patris sui, ut dicitur I. Corinth. v. *nec propter eum tantum qui passus est*, scilicet propter patrem; quasi non propter zelum viudicæ solum, sed hoc feci ad manifestandam sollicitudinem nostram quam pro vobis habemus; id est, ut sciretis quam solliciti simus pro vobis: & hoc dico coram Deo, ut sit iuramentum, id est Deo teste. Vel ad manifestandam (a) coram Deo, scilicet de vobis omnibus sollicitudinem nostram. Coloss. 11. 1. „Volo vos scire „quam sollicitudinem habeam pro vobis, „& pro his qui sunt Laodicæ, & qui „cumque non viderunt faciem meam in „carne.“ Vel aliter. Non scripsi tantum propter eum qui fecit iniuriam, ut scilicet corrigeretur; vel propter eum qui passus est, ut placaretur; sed ad manifestandam sollicitudinem nostram, ut scilicet vos qui indigni fuistis pro contumelia, & pœna inflicta fornicatori, reconciliaremini Deo.

Consequenter concludit gaudium quod habuit de eorum correctione, cum dicit: *ideo consolati sumus*, quasi dicat: Quia hoc consecutus sum ex eo quod scripsi, scilicet quod estis correcti; *ideo consolati sumus*; id est, consolationem accepimus. Gaudium enim hominis est cum consequitur quod cum desiderio intendit. Supra 1. 12. *Abundantius autem ad vos conversati sumus*.

Consequenter cum dicit, *in consolatione*

autem nostra abundantius magis gavisi sumus, ponit secundam causam suæ consolationis, quæ sumitur ex devotione quam ostenderunt ad Titum: & circa hoc tria facit. Primo ponit gaudium suum de gaudio Titī conceptum; secundo gaudii rationem assignat, ibi, *Et si quid apud illum de vobis gloriatum sum, non sum confusus*; tertio materiam gaudii Titī assignat, ibi, *Reminiscens omnium vestrum obedientiam*. Dicit ergo primo: *Gavisi sumus* de correctione vestra, autem, id est sed, in consolatione nostra abundantius magis gavisi sumus, quam turbati fuimus de tribulatione, super gaudio Titī. Vel magis gavisi sumus; id est, magis gaudium attulit consolationi nostræ gaudium Titī; & hoc quia relictus est spiritus eius. Tunc enim reficitur animus prælati, quando subditi eius sunt obedientes ei, & eum reverentur. Ad Philem. 20. „Refrice viscera mea in „Domino.“ Relectus, inquam, ab omnibus vobis: quia omnes vel correcti estis, vel est spes correctionis. Rationem autem huius gaudii assignat quantum ad deo. Unum est ex parte Apostoli, quia scilicet ipse inventus est verax. Nam Apostolus commendaverat Corinthios Titō, antequam iret ad eos. Quia vero nunc ita invenit Titos fecit Apostolus dixit, gaudet Apostolus verba sua vera fuisse; & hoc est quod dicit: *Et si quid apud illum de vobis gloriatum sum*, commendando vos (dicit autem, *Gloriatum sum*, quia gloria Apostoli erat bonum illorum) non sum confusus; id est, non erubescere me falsa dixisse: quando enim aliquis invenitur mendax, confunditur. Eccli. xxxv. 12. „Ante omnia sermo verax præceperat te.“ Sed sicut omnia in veritate vobis locutus sum, id est sicut prædicavi vobis veritatem, ita gloriatio nostra quæ fuit ad Titum de vobis, veritas facta est; id est, inventa est vera. Alia ratio est ex parte Cor-

(a) -scilicet coram vobis, Deo scilicet de omnibus.

rinthiorum. Nam amici desiderant ut illi quos diligunt, ab omnibus diligantur. Quia ergo Titus diligebat Corinthios propter eorum devotionem, ideo de hoc Apostolus gaudebat; & ideo dicit Apostolus: *Et viscera eius abundantius in vobis sunt*; quasi dicat: Non solum gaudeo quia inventus sum verax, sed etiam quia *viscera eius*, id est viscerosa caritas eius, & nimis amor, est abundantius quam antea in vobis esset, ex quo vidit profectum vestrum: vel abundantius quam in aliis. Coloss. 111. 12. „ In-
„ duite vos sicut electi Dei, sancti, & di-
„ lecti, viscera misericordiae. „ Materiam autem gaudii manifestat ex duobus, scilicet ex obedientia, & reverentia. Ex obedientia quidem, cum dicit: *Reminiscens omnium vestrum obedientiam*, qua obedi-

ter sibi obtemperastis: in quo etiam & laudavit vos. I. Reg. xv. 22. „ Melior est obedientia quam victimæ. „ Eccli. 113. 1. „ Filii sapientiæ, Ecclesia iustorum. „ Ex reverentia autem, cum dicit: *Quomodo cum timore*, scilicet filiali, non servili, cum timore animi, & tremore corporis excipitis eum. Galat. 19. 13. „ Testimonium enim vobis perhibeo, quia si fieri posset, oculis vestros eruissem, & dedissemus mihi. „ Et quia ita habuistis vos ad eum, gavissus sum, quia verax inventus sum, & ipse diligit vos. Unde gaudes quod in omnibus confido de vobis: non solum in bona voluntate, sed etiam in bonis operibus in futuro quod bene vos habeatis. Hebr. vi. 9. „ Confidimus de vobis meliora, & viciniore salutis. „

CAPITULUS OCTAVUS

LECTIO I.

Notam autem vobis facimus, fratres, gratiam Dei quæ data est in Ecclesiis Macedoniae, & quod in multo experimento tribulationis abundantia gaudii ipsorum fuit, & altissima paupertas eorum abundavit in divitiis simplicitatis eorum. Quia secundum virtutem (testimonium illis reddo) & supra virtutem voluntarii fuerunt, cum multa exhortatione obsecrantes nos gratiam, & communicationem ministerii quod sit in sanctos. Et non solum speravimus, sed semetipsos dederunt primum Domino, deinde nobis per voluntatem Dei; ita ut rogaremus Titum ut quemadmodum cepit, ita & perficiat in vobis etiam gratiam istam: sed sicut in omnibus abundatis fide, & sermone, & scientia, & omni sollicitudine, insuper & caritate vestra in nos, ut & in hac gratia abundetis. Non quasi imperans dico, sed per aliorum sollicitudinem, etiam vestrae caritatis ingenium bonum comprobans.

Posita iam exhortatione ad bonum in generali, hic consequenter exhortatur eos ad quoddam bonum particulare, scilicet ad largitionem collectarum pro sanctis qui erant in Hierusalem. Nam, sicut Act. xv. dicitur, & Apostolus tangit ad Galat. 11. Apostoli impulerunt Paulo, & Barnabæ ut proponerent verbum salutis Gentibus, exhortando eos ad subveniendum sanctis qui erant in Hierusalem, qui, venditis omnibus, & positis ad pedes Apostolorum, in maxima erant paupertate: & ad hoc inducit eos ad præsens: ubi duo facit. Primo inducit eos ad dandum; secundo monet ad modum dandi, ut scilicet cito, & abundanter dent; & hoc 12. cap. ibi, Nam de ministerio quod sit in sanctos, ut abundan-

ti est mihi scribere vobis. Circa primum duo facit. Primo tractat de collectis dandis; secundo de ministris per quos huiusmodi collectæ fiant, ibi, *Gratias autem Deo qui dedit eandem sollicitudinem pro vobis in corde Thi*. Circa primum duo facit. Primo inducit eos ad dandum; secundo excludit excusationem, ibi, *Si enim voluntas prompta est, secundum id quod habet, accepta est*. Inducit autem eos ad dandum tripliciter. Primo, exemplo aliorum qui dederunt; secundo, exemplo Christi, ibi, *Scitis enim gratiam Domini nostri Iesu Christi*; tertio ex ipsorum propria utilitate, ibi, *Hoc enim vobis utile est*. Circa primum tria facit. Primo ponit exemplum; secundo ostendit per motum ab hoc exemplo, ibi, *ita vero*.
garr-

gavimus Titum ut quemadmodum cepit, ita & perficiat in vobis etiam gratiam istam; tertio movet ut ipsi hoc exemplum sequantur, ibi, *Sed sicut in omnibus abundavit ... & in hac gratia abundavit*. Circa primum sciendum est, quod Apostolus ad hoc ut Corinthii liberaliter tribuant, proponit eis Macedones in exemplum, & commendat eos quantum ad duo, scilicet quantum ad patientiam in adversis; secundo quantum ad liberalitatem in donis, ibi, *Et altissima paupertas eorum abundavit in divitiis simplicitatis eorum*. Circa primum sciendum est, quod Apostolus inducit eos ad eleemosynas, ut merita ipsorum crescant; & ideo in illo tempore hoc fecit quando possunt mereri, scilicet tempore gratiae: tunc enim eleemosynae meritoriae sunt: & hoc est quod dicit: *Notam vobis facimus gratiam*, id est gratitudo deum, Dei, scilicet eleemosynarum largitionem. Et dicit hoc esse gratiam, quia quicquid boni facimus, est ex gratia Dei, *Qua quidem gratia non est data illis, sed mihi*, inquantum scilicet ex mea procuratore, & sollicitudine, & monitione Macedones ad hoc moti sunt. Ephes. 11. 8. „Mihi autem omnium sanctorum, „minimo data est gratia haec. „Data est, inquam, mihi in Ecclesiis Macedonia, id est apud fideles Macedoniarum: quae quidem gratia est quantum ad duo, scilicet quantum ad patientiam, quia in multo experimento tribulationis abundantia gaudii ipsorum fuit. Ubi ponit conditiones patientiae perfectae. Una est quod homo sit constans, ita quod nec timore tribulationis deiciatur, sed nec etiam in ipso tribulationis experimento: & (a) ideo dicit, quod in multo experimento tribulationis, scilicet constantes fuerunt. Alia est quod in ipsis tribulationibus gaudeant; sicut legitur de beato Laurentio: & quantum ad hoc dicit: *Abundantia gaudii ipsorum*, id est Macedonum, fuit. Iacob. 1. 2. „Omne gaudium existimate, fratres „mei, cum in tentationes varias incidetis. „Rom. 12. 12. „In tribulatione, „ne gaudentes. „Vel in multo experimento tribulationis, non quam ipsi passi fuerunt, sed quam viderunt pati in Macedonia, *abundantia gaudii ipsorum fuit*. Item secundo gratia est quantum ad liberalitatem in eleemosynis; & quantum ad hoc dicit: *Et altissima paupertas eorum abundavit in divitiis simplicitatis eorum*. Ubi duo facit. Primo ponit eorum liberalitatem; secundo exponit quod dixerat, ibi, *Quia secundum*

virtutem ... & supra virtutem voluntarii fuerunt. Dicit ergo primo: Non solum fuerunt patientes in tribulationibus, scilicet Macedones, sed etiam fuerunt liberales: quia altissima, id est maxima, paupertas eorum, vel nobilissima. Secundum Glossam: facit paupertatem altam elevatio spiritus supra res temporales, & contemptus earum. Et sic illorum paupertas altissima erat, quia non habebat divitias, & contemnebant eas. Iacob. 11. 5. „Nonne Deus „elegit pauperes in mundo, divites in fine, „de, & heredes regni, quod repromisit „diligentibus? „Hae, inquam, paupertas abundavit, id est excrevit (b) in divitiis, copiose dando.

Sed haec expostio Glossae non videtur esse secundum intentionem Apostoli; & ideo aliter dicendum est. Altissima paupertas eorum abundavit in divitiis simplicitatis eorum. Ubi sciendum est, quod homo ex duabus causis habet promptum animum ad dandum satis, scilicet ex abundantia divitiarum, (c) sicut divites, vel ex contemptu divitiarum; & sic idem facit in paupere contemptus quod facit in divite abundantia: & ideo dicit: *Altissima paupertas sic supra abundavit*, id est effectum abundantiae fecit, in divitiis simplicitatis eorum: quia cor eorum erat solum ad Deum; & ex hoc provenit contemptus divitiarum. Prov. 21. 3. „Simplicitas iustorum dirigit „eos.

Consequenter cum dicit, *Quia secundum virtutem ... & supra virtutem voluntarii fuerunt*, exponit quod dixit, commendando ipsorum liberalitatem quantum ad tria; scilicet quantum ad quantitatem dati, quantum ad voluntatem dandi, & quantum ad ordinem dationis. Quantum ad quantitatem dati, quia dederunt supra virtutem; & ideo dicit: Vere abundavit in divitiis: quia ego reddo illis testimonium, quod fuerunt voluntarii ad dandum secundum virtutem rerum suarum, & supra virtutem: quia intantum dederunt quod post eguerunt. Vel dicendum est, & melius, quod est virtus interior animi, & virtus exterior, scilicet facultas rerum temporalium. Virtus interior est promptitudo animi ad dandum; & ideo dicit: *Testimonium illis reddo, quod fuerunt voluntarii*, ad dandum secundum virtutem animi interioris, & supra virtutem exterioris, scilicet divitiarum. Tob. 14. 9. „Si multum tibi fuerit, „abundanter tribue.

Con-

(a) Al. desit ideo. (b) Al. in divitiis. (c) Al. sicut in divites.

Contra. Quicumque dat supra virtutem, dat immoderate: (a) non ergo ex hoc est dignus laude. Respondeo: Dicendum est, quod virtus in dando potest considerari dupliciter, scilicet simpliciter, seu absolute, & secundum proportionem aliorum. Quando ergo quis dat plus quam alii suae proportionis, non peccat; sed simpliciter dat supra virtutem, tunc immoderate dat.

Sic ergo commendat eorum liberalitatem quantum ad quantitatem dati; commendat autem eam quantum ad voluntatem dandi, cum dicit: *Quia voluntarii fuerunt*. Exod. v. 2. „Ab omni qui ultroneus offert accipietis eas.“ In hoc autem fuerunt voluntarii, quia rogaverunt nos, cum multa exhortatione observantes, id est rogantes; quasi dicat: Non solum rogaverunt, sed etiam per rationes nos induxerunt: ut habeant gratiam, & communicationem ministerii quod sit in sanctos; id est, ut liceret eis dare sua pauperibus sanctis qui sunt in Hierusalem, non reputantes se facere gratiam nobis, sed quod eis gratia fiat. Hebr. ult. 16. „Beneficentiae autem, & communionis nomine oblitisci.“ Commendat etiam eorum liberalitatem quantum ad ordinem dandi: quia non solum sua dederunt, sed primo seipsos: quia talis debet esse ordo in dando, ut primo homo sit acceptus Deo (b) quia nisi homo sit Deo gratus, non sunt accepta munera eius. Genes. xv. 4. „Respectu Dominus ad Abel (scilicet primo) & ad munera eius,“ consequenter. Eccli. xxx. 24. „Miserere animae tuae placens Deo, & contine.“ Et ideo dicit: *Non sicut speravimus*; quasi dicat: Vere voluntarii fuerunt: quia non sicut speravimus, id est non ea intentione qua putabamus, ut scilicet darent proculpis redimendis; sed semetipsos dederunt primum Domino, emendando vitam suam, & deinde nobis, obediendo per omnia, per voluntatem Dei, quae est ut subdantur homines vicariis suis. Hebr. ult. 17. „Obedite praepositis vestris, & subiacete eis.“

Glossa dicit, quod non aliter erat ab eis recipiendum, nisi scilicet prius seipsos dedissent Deo. Ergo videtur quod non sint recipiendae elemosynae peccatoribus. Sed dicendum est, quod non est ab eis recipiendum, quando dant ea intentione ut foveantur in peccatis.

Sic ergo posito exemplo Macedonum, ostendit se consequenter permotum esse hoc

exemplo, cum dicit: *Ita ut rogavimus Titum*; quasi diceret: Intantum nos permoti fuimus hoc exemplo de liberalitate Macedonum, ut scilicet rogavimus Titum, ut etiam vos sitis participes ipsius gratiae, ut scilicet Titus quomodocumque capis vos monere ad benefaciendum, postquam vidit vos correctos, & inducere vos ad communionem; ita persuevit in vobis, (c) & specialiter gratiam istam de largitione elemosynarum, ut non desistat vobis. Phil. i. 6. „Qui“ „cepit in vobis opus bonum, perficiet“ „usque in diem Christi Iesu.“

Consequenter admonet eos, ut hoc exemplo ipsi inducantur, cum dicit: *Sed sicut in omnibus abundatis*.... ut & in hac gratia abundetis. Ubi duo dicit. Primo monet ut ipsi exemplo Macedonum sint prompti ad elemosynas faciendum; secundo quendam suspicionem auferat ibi, *Et non quasi imperans dico*. Dicit ergo: *Sed sicut in omnibus abundatis*.... ut & in hac gratia abundetis; quasi dicat: Sicut vos superatis Macedones in omnibus aliis gratiis, ita debetis eos superare etiam in ista, scilicet elemosynis faciendis. Et hoc est quod dicit: *Sicut in omnibus aliis abundatis*; & primo in his quae pertinent ad intellectum; & quantum ad hoc dicit, *In fide*, quae creditur, & *sermone*, quo confitemur. Rom. x. 10. „Corde creditur ad iustitiam (quantum ad fidem) ore autem confessio fit“ „ad salutem,“ quantum ad sermonem. In scientia Scripturarum. I. Corinthe. i. 5. „In omnibus divites facti estis in Christo,“ in omni verbo, & in omni scientia. „Secundo in his quae pertinent ad opus; & quantum ad hoc dicit, *Et in omni sollicitudine*, scilicet bene operandi. Rom. xii. 17. „Sollicitudine non pigri.“ Tercio in his quae pertinent ad affectum; & quantum ad hoc dicit, *In caritate vestra* spirituali habita in nos superabundantius. Colossi. iii. 14. „Super omnia caritatem habentes, quae“ „est vinculum perfectionis.“ Sicut, inquam, in omnibus istis abundatis, ita, scilicet rogavi Titum, ut in hac gratia, scilicet elemosynarum, abundetis. Et quia posset haberi suspicio quod quasi ex imperio mandaret, ut darent elemosynas: contra quod est quod dicitur Ezech. xxxiv. 4. „Vos“ „autem cum austeritate imperabatis eis,“ & cum potentia: ideo contra removere dicens: *Non quasi imperans dico*; hoc est, quod rogavi Titum, vel quod ego ipse hoc dico

(a) *Al. omittitur* non ergo ex hoc est dignus laude. (b) *Al. omittitur* separatis usque ad Gressifentiam. (c) *Al. & spiritualiter*.

dico vobis, (a) non feci quasi imperans. I. Petr. ult. 3. „ Non ut dominantes in „ cleris. „ Sed dico hoc, *comprobans*, id est volens comprobare, *per aliorum sollicitudinem*, scilicet Macedonum, *vestra caritatis ingenium*. Ubi sciendum est, quod ingenium bonum sumitur non solum pro aptitudine ad sciendum faciliter, sed etiam ad bene operandum. Cuius ratio est, quia ad hoc quod aliquis bene operetur, exigitur scientia dirigens. Et ideo sicut in addiscendo

dicatur boni ingenii esse qui cito capie verba magistri, ita in operando boni ingenii dicitur qui exemplo aliorum cito movetur ad bene operandum; & ideo dicit Apostolus: *Comprobans*, id est probare volens, *bonum ingenium vestrum*, id est quam promptam voluntatem habeatis ad dandum, mori exemplo Macedonum. I. Corinth. iv. 14. „ Non ut confundam vos *hæc scribo*, „ bo.”

LECTIO II.

SCitis enim gratiam Domini nostri Iesu Christi, quoniam propter vos egenus factus est, cum esset dives, ut illius inopia vos divites essetis; & consilium, in hoc do, hoc enim vobis utile est, qui non solum facere, sed & velle coepistis ab anno priore. Nunc vero & facto perficite, ut quemadmodum promptus est animus voluntatis, ita sit & perficiendi, ex eo quod habetis. Si enim voluntas prompta est secundum id quod habet, accepta est, non secundum id quod non habet. Non enim ut aliis sit remissio, vobis autem tribulatio; sed ex æqualitate in presenti tempore vestra abundantia illorum inopiam suppleat, ut & illorum abundantia vestra inopie sit supplementum, ut fiat æqualitas, sicut scriptum est: Qui multum habuit, non abundavit, & qui modicum, non minoravit.

Hic inducit Corinthios ad dandum eleemosynas exemplo Christi, dicen: Volo comprobare ingenium vestrum bonum, ad dandum scilicet pauperibus; & hoc facere debetis exemplo Christi: *enim*, id est quia, *scitis gratiam Domini nostri Iesu Christi*, quam quidem humano generi contulit. Ioan. 1. 17. „ Gratia, & veritas per Iesum Christum facta est. „ Et hæc dicitur gratia: quia quidquid Filius Dei pœnalitatem nostrarum assumpsit, totum gratia est impurandum: quia nec præventus alicuius bonitate, nec alicuius virtute coactus, nec inductus sua necessitate. Est autem gratia ista, quoniam propter nos egenus factus est. Et dicit, *Egenus*, quod plus est quam pauper: nam egenus dicitur ille qui non solum parum habet, sed qui indiget, seu eget; pauper vero ille qui parum habet. Ad significandum ergo maiorem paupertatem dicitur: *Egenus factus est*, scilicet in temporalibus. Luc. 12. 58. „ Filius hominis non habet ubi caput reclinet. „ Hierem. 31. 19. „ Recordare paupertatis meæ. „ Est autem factus egenus, non ex necessitate, sed ex voluntate, quia gratia ista iam non esset gratia; & ideo dicit: *Cum dives esset*, scilicet in bonis spi-

ritualibus. Rom. 8. 12. „ Idem Deus divites in omnes qui invocant illum. „ Prov. v. 11. 12. „ Mecum sunt divitiae, & gloria, opes superbae, & iustitia. „ Dicit autem, *Esset*, non fuisset, ne videretur Christus amisisse divitias spirituales, cum assumpsit paupertatem. Sic enim assumpsit hanc paupertatem quod illas æstimabiles divitias non amisit. Psal. xlv. 12. 3. „ Simul in unum dives & pauper: „ dives in spiritualibus, pauper in temporalibus. Causam autem quare voluit fieri egenus, subdit cum dicit: *Ut illius inopia divites (b) essetis*; id est, ut illius paupertate in temporalibus, vos essetis divites in spiritualibus. Et hoc est propter duo, scilicet propter exemplum, & propter sacramentum. Propter exemplum quidem, quia si Christus dilexit paupertatem, & nos in exemplo suo debemus diligere eam. Diligendo autem paupertatem in temporalibus, efficiamur divites in spiritualibus. Iacob 12. 5. „ Nonne Deus elegit „ pauperes in mundo, divites in fide, & „ heredes regni quod reprobis diligerentibus se? „ Et ideo dicit: *Ut illius inopia vos divites essetis*. Propter sacramentum autem, quia omnia quæ Christus egit, vel

(a) scilicet. id est non feci. (b) Al. essetis.

insinuat, fuit propter eos. Unde sicut per hoc quod sustinuit mortem, liberati sumus a morte æterna, & restituti vitæ; ita per hoc quod sustinuit inopiam in temporalibus, liberati sumus ab inopia in spiritalibus, & facti divites in spiritalibus. I. Corinth. 1. 3. „ Divites facti estis in illo „ in omni scientia, & in omni verbo. “

Consequenter cum dicit, *Consilium in hoc do*, inducit eos ad dandum ex parte eorum; & circa hoc duo facit. Primo ponit ipsorum utilitatem, quæ ex hoc provenit; secundo ostendit quod hoc etiam ab ipsis volutum est, scilicet ut darent eleemosynas, ibi, *Qui non solum facere, sed & velle capitis ab anno priore*. Dicit ergo: Considerans hoc beneficium, *consilium vobis do*, idest hortor vos ad hoc, scilicet ad dandum eleemosynas, scilicet non solum propter utilitatem sanctorum qui sunt in Hierusalem, sed & propter utilitatem vestram. Proverb. xxvii. 9. „ Boni amici consilium „ anima dulcoratur. Et hoc quia *utile est vobis*. Bonum enim pietatis, plus est utile facienti quam illi cui fit: quia faciens reportat inde commodum spirituale, recipiens vero temporale: (A) † & sicut spirituale præferri debet temporali, sic in operibus pietatis, utilitas dantis præfertur utilitati accipientis. † I. Timoth. iv. 8. „ Pietas ad „ omnia valet. Hoc autem non solum est eis utile, sed etiam ipsi hoc voluerunt; & ideo dicit: *Qui non solum facere, sed & velle capitis ab anno priore*. Ubi tria facit. Primo commemorat bonum principium in eis; secundo hortatur eos ad debitum finem, ibi, *Nunc vero & facta perficite*; tertio exponit quoddam quod dixerat, ibi, *Si enim voluntas prompta est secundum id quod habet, accepta est*. Dicit ergo: Vere debetis libenter dare eleemosynas, quia non solum est vobis utile, sed etiam hoc ipsum velle sponte capitis, scilicet dare eleemosynas, a priori anno, quo scilicet veni ad vos. Vel a priori anno, idest præcedenti; quasi dicat: Plus est velle quam facere, iuxta illud Ecclesi. xviii. 16. „ Verbum melius est quam datum. “ & ideo debetis esse prompti ad dandum. Et quia estis prompti ad dandum, ideo nunc quod habuistis in animo, *perficite facta*: alioquin illa voluntas esset frustra. I. Ioh. xxi. 18. „ Non diligamus verbo, neque lingua, sed opere, & veritate. “ Phil. 2. 13. „ Qui cepit in vobis opus bonum, perficiet usque in diem Christi Iesu. “ Et huius S. Th. Oper. Tom. VI.

ratio est, ut *quemadmodum promptus est animus voluntatis*, idest discretio voluntatis, secundum Glossam, prompta est; ita sit prompta discretio *perficiendi*. Vel aliter, ut animus sumatur pro voluntate; & tunc dicitur: *Quemadmodum prompti fuistis ad volendum, ita prompti sitis ad perficiendum*; & hoc ex eo quod habetis, idest secundo facultatem vestram. Consequenter exponit hoc quod dicit, *Ex eo quod habetis*, dicens: *Si enim voluntas prompta est secundum id quod habet, accepta est*; quasi dicat: Dico, quod debetis esse prompti ad dandum; & in hoc non intendo vos gravare, ut scilicet detis supra facultates vestras: quia forte voluntas prompta ad hoc inducit vos; sed in hoc, opus non potest imitari voluntatem; & ideo dicit: *Ex eo quod habetis*. Enim, pro quia, *si voluntas prompta est secundum id quod habet, accepta est*. Et huius ratio est, quia voluntas acceptatur in perfectione operationis; opus autem non perficitur nisi ex eo quod habetur; & ideo dicit: *Secundum quod habet, accepta est*. Tob. iv. 9. „ Si multum tibi fuerit, abunda „ ter tribue; si exiguum tibi fuerit, et „ iam exiguum libenter impetiri stu „ de. “

Consequenter cum dicit, *Nam enim ut aliis sit remissio, vobis autem tribulatio*, removel suspicionem quamdam. Possent enim dicere isti: Si damus eleemosynas pauperibus sanctis qui sunt in Hierusalem, ipsi otiosi vivent, & nos damna patiemur, & sic efficiemur miseri. Ideo Apostolus primo hanc suspicionem excludit; secundo suam intentionem manifestat; tertio vero confirmat per auctoritatem, & removel suspicionem, cum dicit: *Non enim ut aliis sit remissio, vobis autem tribulatio*; quasi dicat: Non enim ita moneo vos eleemosynas dare, ut aliis sit refrigerium, dum otiosius viverent de eleemosynis vestris; vobis autem sit tribulatio, idest paupertas, quia vos affligeremini.

Sed numquid peccant illi qui dant omnia aliis, & ipsi postea paupertate affliguntur? Et videtur quod sic per hæc verba Apostoli. Respondeo: Dicendum est, secundum Glossam, quod melius esset totum dare pauperibus, & assigi pro Christo. Illud autem quod dicit hic, coadescendo fecit: quia infirmi erant, & forte deficerent, si egestate premerentur.

Intentionem suam manifestat cum dicit: *Sed ex æqualitate in presenti tempore vestra abun-*

abundantia illorum inopiam suppleat; quasi dicat: Non intendo tribulationem vestram, sed quamdam æqualitatem, ut scilicet *vestra abundantia illorum inopiam suppleat*: quod potest exponi tripliciter. Primo de æqualitate quantitatis; secundo de æqualitate proportionis; tertio de æqualitate voluntatis. De æqualitate quantitatis, quia isti, scilicet Corinthii, abundabant in temporalibus, & deficiebant in spiritualibus; sancti vero qui erant in Hierusalem, abundabant in spiritualibus, & deficiebant in temporalibus. Vult ergo ut fiat inter eos æqualitas quantitatis, ut scilicet illi qui abundant in temporalibus, dent medietatem omnium illis qui deficiunt in eis, & isti dent medietatem spiritualium eis, ut sic sint æquales divites. Et ideo hoc potius dicit, ut scilicet *ex æqualitate quantitatis*, id est dimidia parte bonorum vestrorum, in *presenti tempore*, quod breve est, *vestra abundantia terrenorum, suppleat illorum inopiam* qui deseruerunt omnia mundi, & ut *illorum abundantia*, scilicet in spiritualibus, sit *supplementum vestra inopia* in spiritualibus; id est, ut sitis participes vitæ æternæ. Luc. xvi. 9. „Facite vobis „amicos de mammona iniquitatis, ut cum „deseceritis, recipiat vos in æterna tabernacula.“ Eccli. xiv. 15. „In divitiis, siene fortis da, & accipe:“ da temporalia, & accipe spiritualia. De æqualitate autem proportionis exponitur sic, & melius. Vos Corinthii habetis abundantiam temporalium, sancti qui sunt in Hierusalem, abundantiam spiritualium.

Volo ergo ex quadam æqualitate, non quæ sit secundum quantitatem, sed secundum proportionem, ut scilicet *sic*, ut illi sustentantur elemosynis vestris ita vos ditementi precibus illorum apud Deum. Sicut enim illi non ira dirantur de bonis vestris temporalibus, sicut vos estis divites, ita nec vos bonis illorum spiritualibus ditamini sicut illi. Et ideo dicit: *Sed ex æqualitate in presenti tempore prædicta vestra abundantia terrenorum, illorum, scilicet sanctorum, inopiam in temporalibus suppleat, ut & illorum abundantia in spiritualibus, vestra inopia sit supplementum.* I. Corinth. ix. 11. „Si nos vobis spiritualia, ista seminavimus, magnum est si nos carnalia vestra metamus?“ De æqualitate autem voluntatis exponitur sic. *Sed ex æqualitate in presenti tempore vestra abundantia illorum inopiam suppleat &c.* id est, volo quod sit in vobis æqualitas voluntatis, ut scilicet sicut illi habent voluntatem communicandi vobis ea in quibus abundant; ita vos habeatis voluntatem communicandi illis ea in quibus abundatis.

Consequenter confirmat hoc per auctoritatem: unde dicit: *Sicut scriptum est*, scilicet Exod. xvi. 18. *Quimultum*, scilicet collegerat de manna, id est qui amplius habuit quam gomor, non abundavit, id est non habuit ultra sufficientiam suam; & qui modicum, non minavit; id est, non defecit ei: quia omnes æqualiter abundabant, ut dicitur Exod. xvi. & sic nec qui plus collegerat, plus habuit, nec qui minus paraverat, reperit minus.

L E C T I O III.

Cratias autem ago Deo, qui dedit eandem sollicitudinem pro vobis in corde Titi: quoniam exhortationem quidem suscepit, sed cum sollicitior esset, sua voluntate profectus est ad vos. Misimus autem cum illo fratrem nostrum, cuius laus est in Evangelio per omnes Ecclesias: non solum autem, sed & ordinatus est ab Ecclesiis comes peregrinationis nostræ, in hanc gratiam quæ ministratur a vobis ad Domini gloriam, & destinaram voluntatem nostram. Devitantes hoc, ne quis nos vituperet in hac plenitudine, quæ ministratur a nobis in Domini gloriam. Providemus enim bona non solum coram Deo, sed etiam coram hominibus. Misimus autem cum illis & fratrem nostrum, quem probavimus in multis sæpe sollicitum esse; nunc autem multo sollicitiorem, confidentia multa in vos, sive pro Tito qui est socius meus, & in vobis adiutor, sive fratres nostri Apostoli Ecclesiarum, gloriæ Christi. Ostensionem ergo quæ est caritatis vestræ, & nostræ gloriæ pro vobis, in illos ostendite in faciem Ecclesiarum.

Iostequam traxit de collectis dandis, hic consequenter tractat de ministris per quos collectæ fiant; & circa hoc duo

facit. Primo commendat eos; secundo commendat eos Corinthiis, ibi, *Ostensionem ergo quæ est caritatis vestrae ... in illos ostendite in faciem*

faciem omnium Ecclesiarum. Circa primum tria facit: primo enim nominat Titum; secundo Barnabam, ibi, *Misimus etiam cum illo fratrem nostrum, cuius laus est in Evangelio*; tertio Apollo, ibi, *Misimus autem cum illis & fratrem nostrum, quem probavimus in multis sepe sollicitum esse*. Circa Titum duo commendat, scilicet eius sollicitudinem, & sollicitudinis signum, ibi, *Quoniam exhortationem quidem suscepit &c.* Dicit ergo primo: Dixi supra, quod rogavi Titum ut perfeceret gratiam istam de elemosynis colligendis, quod imminet sollicitudini meae ex ordinatione Apostolorum: de quo inveni etiam ipsum sollicitum. Et ideo ego gratias Deo, qui dedit eandem sollicitudinem, quam ego habeo, pro vobis exhortandis, & promovendis ad opera misericordiae, in cordo Titus: quia ipse etiam sollicitus est, sicut & ego, ut perficiat in vobis hanc gratiam. Hebr. vi. 11. „Cupimus unumquemque vestrum eandem ostentare sollicitudinem ad „expletionem ipsi usque in finem.“ Rom. xii. 8. „Qui praesit, in sollicitudine.“ Signum autem huius sollicitudinis est, quia quando rogavi eum, ipse consensit exhortationi meae; & ideo dicit: *Quoniam exhortationem quidem suscepit*; & quia praefectus est quod petii: unde dicit: *Sed cum sollicitior esset sua voluntate, quam mea exhortatione, profectus est ad nos*; tamen primo recitabat venire propter peccata vestra. Rom. xii. 11. „Sollicitudine non pigri.“

Consequenter cum dicit, *Misimus autem cum illo fratrem nostrum*, tractat de secundo ministro; & circa hoc duo facit. Primo commendat ipsum; secundo subdit rationem quare mittit tam solemnes nuntios, ibi, *Devitantes hoc, ne quis nos vituperet &c.* Prater iste secundum quoddam est Lucas, vel secundum alios. Barnabas: quem quidem commendat ex tribus, scilicet ex fama, quia laus eius, scilicet Lucae, est in Evangelio, ab eo scripta, per omnes Ecclesias, quia est approbatus per Apostolos. Vel cuius laus, scilicet Barnabae, est in Evangelio, praedicato ab ipso, per omnes Ecclesias, quia Iudaeis, & Gentibus. Unde dicitur de Barnaba Act. xi. quod erat vir bonus, plenus fide, & Spiritu sancto. Item commendat ipsum ex societate sua: quia non solum est famulus, sed & ordinatus est ab Ecclesiis, Iudaeis, comes peregrinationis meae, idest praedicationis meae, qua ut peregrin-

ni mundum circumas. Sup. v. 6. *Quandiu sumus in corpore, peregrinamur a Deo*. Ec hoc est verum de Luca, quia ipse fuit unus de septuaginta duobus discipulis, & socius Pauli. De Barnaba similiter, quia per Spiritum sanctum dicitur Act. xii. 2. „Se- „gregate mihi Barnabam, & Paulum in „opus ad quod assumpsi eos.“ Et factus est comes in hanc gratiam, scilicet collectionis elemosynarum, vel in hanc gratiam, scilicet praedicationis, de qua dicitur Ephef. iii. 8. „Mihi autem omnium sanctorum „minimo data est gratia haec, in Gentibus „evangelizare intelligibiles divitias Christi.“ Item commendat eum ex officio, quia est minister gratiae qua ministratur a nobis: I. Corinb. iv. 1. „Sic nos exillimit „homo ut ministros Christi.“ Supra xii. 6. *Qui & idoneos nos fecit ministros novi testamenti*. Ministratur autem gratia ista ad Domini gloriam, ut scilicet Dominus noster glorificetur, scilicet de elemosynis factis (a) de conversione plurimorum populorum praedicationis nostrae: quia, ut dicitur Prov. xiv. 28. „in multitudine populi dignitas Regis.“ Item ministratur, ut voluntas nostra impleatur, quia nos hoc volumus fieri: & ideo dicit: *Et voluntatem nostram destinatum, idest praedestinatum a Deo, qui praedestinavit ab aeterno nos talem voluntatem habere*.

Consequenter cum dicit, *Devitantes hoc, ne quis nos vituperet &c.* assignat causam quare mittit tam solemnes nuntios: & primo huius rationem assignat; secundo probat, ibi, *Providemus (b) enim bona non solum coram Deo, sed etiam coram hominibus*. Dicit ergo: Causa quare tam solemnes nuntios mittimus, est ista, ut sciatis, negotium (c) huiusmodi inesse cordi nostro: & ideo dicit: *Devitantes hoc, scilicet ne quis nos vituperet*; quasi dicat: Ut vitemus vituperium quod posset mihi impingi ab aliquibus vel negligentiae, si non mitterem strenuos; vel fraudis, si non mitterem securos. Et isti strenui erant, & prompti, & securi, quia dati ab Ecclesiis, & electi per Spiritum sanctum. Supra vi. 3. *Nemini dantes ullam offensionem, ut non vituperetur ministerium nostrum*. Dicit autem, in hac plenitudine, scilicet elemosynarum, vel conversionis Gentium. I. Petr. iv. 10. „Unusquisque sicut accepit gratiam, in „alterutrum illam administrantes.“ Et hoc probat dicens: *Providemus enim bona non*

Qq9 2 solum

(a) Al. de conversione Apostolorum praedicationis nostrae. (b) Al. ergo. (c) Al. huius mundi.

solum coram Deo, sed etiam coram hominibus; quasi dicat: Bene dico, Devotanter, quia providemus, idest providere debemus, bona, idest ut opera nostra bona sint, non solum coram Deo, ut ei placeamus, sed etiam coram hominibus, ut scilicet eis bona videantur. Et hoc facit sollicitè procurando, & bonos imitando. Roman. xii. 9. „ Adhærentes bono, odientes malum. “

Consequenter cum dicit, *Misimus autem cum illis & fratrem nostrum &c.* tractat de tertio nuntio, scilicet de Apollo: ubi duo facit. Primo (a) commendat eum de solitudine, cum dicit: *Quem, scilicet Apollos, probavimus sape solitum esse, de salute vestra, nunc autem multo sollicitorem.* Nam, sicut supra apparet, Apollos fuit primus qui post Apostolum prædicavit apud Corinthum. I. Corinth. xii. 6. „ Ego plantavi, Apollos, irrigavit. “ Hic autem turbatus de peccato ipsorum recessit, & solitudinem quam ante pro ipsis habebat, postposuit. Nunc vero, audita conversione eorum, factus est de salute ipsorum sollicitior quam antea esset. Ephesi. iv. „ Solliciti servare unitatem, spiritus in vinculo pacis. “ Rom. xii. 8. „ Qui præest, in solitudine. “ Secun-

do subdit causam solitudinis quam assumpsit, quia Apollos confidit de vobis ex his quæ Titus dixit de vobis, commendans vos: unde dicit: *Multa confidencia in vobis, sive pro Tito, qui est socius meus: & quia libenter venit in societatem Titi, & Lucæ, seu Barnabæ; & quia ad hoc inductus fuit ab Apostolis Ecclesiarum quæ sunt in Iudæa.* Et ideo dicit: *Sive fratres nostri Apostoli Ecclesiarum, Iudææ, scilicet induxerunt eum ad solitudinem habendam pro vobis: quæ quidem Ecclesiæ sunt gloria Christi, idest ad gloriam Christi.*

Consequenter cum dicit, *Offensionem ergo qua est caritatis vestra...* in illos offendit, commendat illos nuntios Corinthiis, dicens: *Quia tales misimus ad vos, ergo offensionem qua est caritatis vestra, & nostra gloria pro vobis, in illos offendit; idest, offendatis opere quod caritatem habetis ad eos, & quod vere commendavi vos, & quod ego vere gloriarus sum de vobis, in faciem Ecclesiarum, ad quas perveni, & quibus prædicavi: vel in faciem omnium Ecclesiarum: quia quod facitis eis, innotescet omnibus Ecclesiis.*

C A P I T U L U M N O N I

L E C T I O I

NAm de ministerio quod sit in sanctos, ex abundanti est mihi scribere vobis. Nunc scio enim promptum animum vestrum, pro quo de vobis glorior apud Macedones: quoniam & Achaia parata est ab anno præterito, & vestra æmulatione provocavit plurimos. Misimus autem fratres, ut ne quod gloriamur de vobis, eva- cuetur in hac parte; ut, quemadmodum dixi, parati sitis, ne cum venerint Macedones necuni, & invenerint vos imparatos, erubescamus nos (ut non dicamus vos) in hac substantia. Necessarium ergo existimavi rogare fratres ut præveniant ad vos, & præparent reprimissam benedictionem hanc paratam esse sic quasi benedictionem, non quasi avaritiam. Hoc autem dico: qui parce seminat, parce & metet; & qui seminat in benedictionibus, de benedictionibus & metet. Unusquisque prout destinavit in corde suo, non ex tristitia, aut ex necessitate: hilareque enim dationem diligit Deus.

Supra Apostolus induxit Corinthios ad dandum eleemosynas sanctis qui sunt in Hierusalem: hic vero inducit eos quantum ad modum dandi, ut scilicet hilariter, & abundanter deum: unde ad hoc quod bene-

darent misit tam solemnes nuntios. Circa hoc autem duo facit. Primo excludit opinatam causam de missione nuntiorum; secundo vero asseruit veram, ibi, *Misimus autem fratres, ut ne quod gloriamur de vobis,*

(a) id. quia commendat.

evanescitur in hac parte. Circa primum tria facit. Primo excludit suspicionem, secundo ad hoc causam assignat, ibi, *Scio enim promptum animum vestrum*; tertio causam probat, ibi, *Pro quo de vobis glorior apud Macedones.* Quantum ad primum, quia posset aliquis dicere Apostolo: Tu mones nos quod bene recipiamus nuntios quos mittis; sed quare non potius mones quod bene largiamur elemosynas? (a) Ideo hoc removens dicit: Non est necessarium quod hoc moneam: nam, idest quia, *de ministerio quod sit in sanctos ex abundanti est*, idest superfluum est, *mibi scribere vobis*; & huius causae est, quia *scio promptum animum vestrum*, ad subveniendum eis. Plal. cvii. 2. „Paratum cor meum, Deus, paratum cor meum.“ Quod autem sit promptus animus vester, probo ex duobus. Primo ex gloriatione nostra de vobis: nam nisi scirem, vos esse promptos ad hoc, non fuisset gloriatius de vobis apud alios. Et ideo dicit: *Pro quo*, scilicet promptitudine animi vestri: supra 1. 12. „Gloria nostra hæc est, testimonium conscientiarum nostrarum:“ & supra vii. 4. „Multa mihi fiducia est apud vos, multa mihi gloriatio pro vobis:“ *glorior apud Macedones*, de hoc scilicet quoniam & Achæa, in qua Corinthus metropolis est, parata est ab anno præterito, ad largiendum. Secundo ex effectu: quia vos provocastis exemplo vestro multos ad hoc. Et ideo dicit: *Et vestra emulatio*, idest amor, & studium imitandi vos, *provocavit plurimos*: quia enim audierunt vos bene correctos proficere, provocantur plurimi, scilicet ad proficiendum, Proverb. xxv. 17. „Ferrum ferro acuitur, & homo ex acuit faciem amici sui.“ Galat. iv. 18. „Bonum autem emulamini in bono semper.“ I. Corinth. xii. 31. „Emulamini charismata meliora.“

Consequenter cum dicit, *Misimus autem fratres*, ponit veram causam quare miserit tam solemnes nuntios: & primo ponit in generali; secundo in speciali, ibi, *Ut, quemadmodum dixi parati sitis.* Circa primum duo facit. Primo assignat veram causam, dicens: Causa autem quare istos misi, est non quod credam vos nolle subvenire pauperibus, sed *ne ne quod gloriamur de vobis*, idest ne gloria nostra quam habemus de vobis, evanescatur, si scilicet deficeretis. I. Corinth. ix. 15. „Bonum est mihi mori, quam ut gloriam meam quis evacuet.“

Evanescentur, inquam, *in hac parte*: quia bene constat mihi quod in aliis virtutibus, & bonis non evacuabitis gloriam meam. Secundo cum dicit, *Ut, quemadmodum dixi parati sitis*, hortatur eos ad debitum modum dandi: & primo hortatur ut dent prompte; secundo ut dent abundanter, ibi, *Necessarium ergo existimavi rogare fratres ut praeveniant ad vos*; tertio ut dent hilariter, ibi, *Unusquisque prout destinavit in corde suo.* Circa primum duo facit. Primo ponit modum dandi; secundo rationem assignat, ibi, *Ne cum venerint Macedones mecum, & invenerint vos imparatos, erubescamus nos.* Modus dandi est, ut scilicet prompte dentur; & ideo dicit: Ideo misi ministros, ut sitis parati ad dandum, quemadmodum dixi, scilicet exemplo Macedonum. Matth. xxv. 10. „Quæ paratæ erant, intraverunt cum eo ad nuptias.“ Prov. xii. 28. „Ne dicas amico tuo: Vade, & revertere; & cras dabo tibi: cum statim possis dare.“ Ratio autem huius est, *ne cum venerint mecum*, scilicet ad vos, *Macedones, & invenerint vos imparatos, erubescamus nos*; quasi dicat: Vobis erit confusio, si promissis, & non solvisti. Sed esto quod sustineatis, & non curetis de confusione vestra, ad minus caveatis erubescere nostræ, qui dicimus vos esse paratos.

Consequenter cum dicit, *Necessarium ergo existimavi rogare fratres ut praeveniant ad vos*, &c. hortatur eos quod dent abundanter; & circa hoc duo facit. Primo ponit admonitionem; secundo admonitionis rationem assignat, ibi, *Hoc autem dico*, &c. Dicit ergo: Ne ergo evacuetur gloria nostra, & vos non erubescatis, *necessarium existimavi rogare fratres*, scilicet Lucam, Titum, & Apollos, ut praeveniant ad vos, & præparent repositam benedictionem hanc, scilicet elemosynam, quæ dicitur benedictio, quia est causa æternæ benedictionis: nam per actionem dandi, homo benedicitur a Deo. Plal. xxi. 3. „Hic accipiet benedictionem, nem a Domino:“ & ab hominibus: Eccli. xxxi. 28. „Splendidum in panibus benedictio labia multorum:“ Proverb. xxii. 9. „Qui pronus est ad misericordiam, benedicetur.“ Ex dicit hæc benedictionem paratam esse quasi benedictionem, idest abundanter, & non quasi avaritiam, idest parce. Ratio autem quare debeant abundanter dare, est quia ego dico, quod qui parce seminat, idest qui parum dat in mun-

(a) Al. Et ideo.

mundo isto, *parce & metet*, idest parum recipiet in alio saeculo. Et dicit, *Seminat*, quia semina nostra sunt quidquid boni fecerimus. Et iterum quia parum seminatur, non multum colligitur. Galat. vi. 8. „Quae seminaverit homo, haec & metet, sed multiplicata. Et qui seminat in benedictionibus, idest abundanter, metet & de benedictionibus, scilicet Dei largam retributionem.

Sed numquid non metent omnes abundanter? Dicendum est sic, quantum ad quantitatem praemii, quia omnes affluent, & nullus ibi parce metet. Sed dicit abundanter, quasi ad proportionem bene seminantium: I. Corinth. xv. 41. „Stella a „stella differt. „Abundanter omnes quantum ad praemium substantiale, sed parce in comparatione ad praemium accidentale, in quo est sanctorum differentia. Supra viii. 25. *Qui multum, non abundavit; & qui modicum, non minoratur*. Quia aliquando aliquis parce dat, & cum magna caritate, & abundanter metet.

Consequenter cum dicit, *Unusquisque enim prout destinavit in corde suo*, hortatur eos ut dent hilariter, & gaudenter; & circa haec duo facit: primo enim monet eos ad gaudenter dandum; secundo rationem assignat, ibi, *Hilarem enim daterem diligit Deus*. Dicit ergo: Dico, quod paretis illud quod vultis dare, quasi benedictionem, idest abundanter, & dignum benedictione, non quasi avaritiam, idest non parce. Et hoc dicit, quia illud quod sponte fit, non potest avari fieri; & ideo subdit: *Unusquisque enim prout destinavit in corde suo*, quali non avari: quia unusquisque, scilicet vestrum, det elemosynas, prout destinavit, idest praediliberavit, in corde suo, scilicet secum conferens, non ex tristitia, aut ex necessitate; quasi dicat: Unusquisque voluntarie det, non coacte. Ponit autem duo opposita voluntario, scilicet tristitiam, & necessitatem. Voluntarium enim tollitur per violentum. Est autem duplex violentum, scilicet simplex, & mixtum. Simplex, quando absolute quis cogit ad aliquid contra voluntatem suam faciendum. Ad removendum ergo illud violentum dicit, *Non ex*

necessitate; quod fieret, si darent consilii mandato Apostoli; quasi dicat: Non cogat vos ad dandum mandatum nostrum, sed moveat vos ad hoc prompta voluntas vestra. Exod. xxxv. 5. „Omnes voluntarii, & prono animo offerat primitias Domini, non. „Violentum mixtum est quando quis non absolute cogit ad faciendum aliquid contra voluntatem suam, sed secundum quid, scilicet quod nisi faciat, incurrit maius damnum; sicut si non proiciantur merces in mari, navis submergitur. Et ideo aliquo modo fit sponte, & aliquo modo violento, inquantum scilicet coguntur timore maioris damni. Ut ergo hoc removeat, dicit: *Non ex tristitia*, idest non ita quod sit violentum mixtum; quasi dicat: Non ex timore confusionis, ne scilicet erubescatis, sed ex gaudio quod concepistis propter amorem quem habetis ad sanctos. Psalm. lxxv. 8. „Voluntarie sacrificabo tibi.

Consequenter cum dicit, *Hilarem enim daterem diligit Deus*, rationem assignat; & est talis. Omnis remunerator remunerat ea quae sunt remuneratione digna: haec autem sunt solum actus virtutum. In actibus autem virtutum duo sunt, scilicet species actus, & modus agendi, qui est ex parte agentis. Unde nisi in actu virtutis utrumque istorum concurrat, non dicitur actus ille simpliciter virtuosus, sicut nondicitur perfecte iustus secundum virtutem qui operatur opera iustitiae, nisi delectabiliter, & cum gaudio operetur. Et licet apud homines, qui non vident nisi ea quae patent, sufficiat quod quis operetur actum virtutis secundum ipsam speciem actus, puta actum iustitiae; tamen apud Deum, qui intuetur cor, non sufficit quod solum operetur actum virtutis secundum speciem, nisi etiam secundum debitum modum operetur, scilicet delectabiliter, & cum gaudio. Et ideo non daterem tantum, sed *hilarem daterem diligit Deus*; idest approbat, & remunerat; & non tristem, & remurmurantem. Psalm. cxix. 2. „Serve Domino in letitia. „Ecclesi. xxxv. 11. „In omni dato hilarem fac vultum tuum. „Rom. xi. 8. „Qui miseretur, in hilaritate.

LECTIO II.

Potens est enim Deus omnem gratiam abundare facere in vobis, ut in omnibus semper omnem sufficientiam habentes, abundetis in omne opus bonum; sicut scriptum est: Dispersit, dedit pauperibus: iustitia eius manet in seculum sequenti. Qui autem administrat semen seminanti, & panem ad manducandum præstabit, & multiplicabit semen vestrum, & augebit incrementa frugum iustitiæ vestræ; ut in omnibus locupletati, abundetis in omnem simplicitatem, quæ operatur per nos gratiarum actionem Deo. Quoniam ministerium huius officii non solum supplet ea quæ desunt sanctis, sed etiam abundat per multas gratiarum actiones in Domino per probationem ministerii huius, glorificantes Deum in obedientia confessionis vestræ in Evangelium Christi, & simplicitate communicationis vestræ in illos, & in omnes; & in ipsorum obsecratione pro vobis desiderantium vos propter eminentem gratiam Dei in vobis. Gratias ago Deo super inenarrabili dono eius.

Hic rationem trium modorum assignat; & circa hoc duo facit. Primo assignat rationem sumptam ex parte ipsorum; secundo rationem sumptam ex parte Dei, ibi, *Ut in omnibus locupletati abundetis in omnem simplicitatem*. Circa primum duo facit. Primo ponit rationem; secundo ipsam confirmat, ibi, *Sicut scriptum est &c.* Ratio est talis. Quicumque dat aliquid quod multiplicatur sibi, debet prompte, abundanter, & hilariter dare: sicut videmus quod homines abundant, & prompte, & cum gaudio seminant semen, quia multiplicatum illud recolligunt. Cum ergo eleemosynæ multiplicentur dantibus, debetis illas prompte, gaudentes, & abundanter facere. Et quod multiplicemur, patet, quia *Deus potens est omnem gratiam abundare facere in vobis*; quasi dicat: Non timeatis dare, ne indigentia gravatos, poeniteat aliquando vos dedisse: quia *potens est Deus facere abundare omnem gratiam Spiritus sancti*, quia scilicet semper gaudeatis de bono opere quod fecistis. Et ideo dicit: *Abundetis in omne opus bonum*; idest, abundantem affectum habeatis ad dandum eleemosynam, sicut habeatis ad alia opera virtutum; & tamen habeatis plenam sufficientiam bonorum exteriorum. Et ideo dicit: *Semper omnem sufficientiam habentes*; idest, vos reputantes laborem. Iacob. 1. 5. „Qui dat omnibus affluentem“ & I. Timoth. vi. 8. „Habentes alimenta, & quibus tegamur, his contenti sumus.“ De ista sufficientia dicitur infra xii. 9. *Sufficit tibi gratia mea*. De multiplicatione vero dicitur Esa. xxx. 23. „Dabitur pluvia semini tuo.“ Matth. xix. 29. „Omnis qui reliquerit domum,

„aut matrem, aut uxorem, aut filios, aut agros, propter nomen meum, centuplum accipiet, & vitam æternam possidebit.“

Consequenter cum dicit, *Sicut scriptum est &c.* probat positam rationem dupliciter, scilicet auctoritate, & experimento, ibi, *Qui autem administrat semen seminanti, & panem ad manducandum præstabit*. Probat autem auctoritate, dicens: Recte debet vos movere prædicta ratio: quia, *sicut scriptum est, dispersit, dedit pauperibus: iustitia eius manet in seculum seculi*. Sed Glossa 10 alio sensu adducit hanc auctoritatem, quam sit intentio Apostoli: nam Glossa hic adducit. Dico, quod abundetis in omne opus bonum, scilicet largitione eleemosynarum: quia scriptum est: *Dispersit, dedit pauperibus*. Sed Apostolus videtur hoc velle referre ad illud quod dicit abundare facere omnem gratiam. Et hoc, quia ille qui dispersit, dedit pauperibus, iustitia eius manet in æternum. Eccli. xii. 2. „Bene fac in flo, & invenies retributionem magnam; & si non ab ipso, certe a Domino.“

In auctoritate autem proposita notatur quibus sit dandum, quia pauperibus, idest indigentibus. Lucæ xiv. 12. „Cum facis prandium, aut cœnam, voca pauperes.“ Quomodo dandum, quia dispersit: quia non totum uni, sed divisum multis. I. Corinth. xiii. 3. „Si distribuero in cibos pauperum omnes facultates meas.“ Esa. lviii. 7. „Frangite esurienti panem tuum.“ Iustitia eius, idest virtus iustitiæ, manet in æternum: quia ex quo dat, augeatur voluntas ad dandum: vel iustitia eius, idest merces iustitiæ eius, manet in æternum. Proverb.

verb. xi. 18. „Seminanti iustitiam merces
parabitur, fidelis.“

Experimento autem confirmat rationem
prædictam, dicens: *Qui autem administrat
semen seminanti, & panem ad manducandum
præstabit; quasi dicat: Experti estis quia hoc
ipsum quod datis in elemosynas, habetis
a Deo; & ideo debetis libenter dare amo-
re Dei.* I. Paral. ult. 14. „Tua sunt
omnia: quæ de manu tua accepimus, de-
dimus tibi.“ Et insinuat tria circa
hoc. Primum est quod aliquis posset dice-
re: Si nos damus modo quod habemus, de-
ficient nobis necessaria ad quotidianum vi-
ctum. Et hoc removet: quia non solum
semen ministrat seminanti, sed panem, idest ne-
cessaria vitæ, præstabit ad manducandum.
Psal. cxxiv. 25. „Qui dat escam omni car-
ni.“ Secundum est, quia (a) posset dice-
re, quod si multum daremus, deficient
nobis quæ habemus ad dandum iterum. Et
hoc Apostolus removet dicens, quod non
deficiet, sed multiplicabitur semen vestrum: unde
scilicet plures elemosynas faciatis. Terti-
um est, quia posset aliquis dicere, quod si
modo damus, deficient nobis voluntas ad
dandum, & penitebit nos dedisse; (b) & sic
totum amitteamus. Et hoc removet dicens:
Et augebit incrementa frugum iustitia vestra;
idest, intantum augebit facultatem, & vo-
luntatem dandi elemosynas, ex quibus pro-
cedit iustitia vestra, quod semper parati &
prompti eritis ad dandum elemosynas, &
quod fruges maximæ erunt in comparatione
ad parvum semen. Proverb. 112. 9. „De
primitiis frugum tuarum da pauperibus.“
Levit. xxv. 21. „Dabo benedictionem meam
vobis, & faciet fructus trium annorum.“
I. Timoth. iv. 2. „Pietas ad omnia va-
let.“

Deinde cum dicit, *Ut in omnibus lecuple-
tati abundetis in omnem simplicitatem*, (c)
postquam assignavit rationem, quare prom-
pte, abundanter, & hilariter dare debeant,
ex parte ipsorum dantium, hic assignat ra-
tionem ex parte ipsius Dei, pro quo dare
debent: & primo assignat rationem; secun-
do manifestat eam, ibi, *Quoniam ministerium
huius officii non solum supplet ea qua defunt
sanctis, sed etiam abundat per multas gratia-
rum actiones in Domino.* In ratione autem
assignanda, tria considerantur: quorum pri-
mum est ipsum lecupletatio, quod respon-
det præmissis. Dixerat enim supra: *Multiplicabit
semen vestrum, & augebit incrementa
frugum iustitia vestra;* & hoc primo resumit,

dicens: (d) *Ut in omnibus lecupletati*, idest tam
in corporalibus, quam in spiritualibus bonis.
I. Corinth. 1. 5. „Divites facti estis in
Christo in omni verbo, & in omni scientia.“
Sed ne aliquis crederet, quod si-
nis ponendus sit in abundantia divitiarum
temporalium; aut quod divitias spirituales
aliquis otiose abique usu possidere deberet:
refert hoc primum ad aliud secundum, di-
cens: *Abundetis in omnem*, idest perfectam,
simplicitatem, idest largitatem simplici ani-
mo iactam; ut largitio procedat ex divitiis
temporalibus, simplicitas autem ex spiri-
tualibus. Proverb. 21. 3. „Simplicitas in-
florum dirigit eos.“ Sed & hoc ipsum
ad alium finem referendum est, scilicet ad
Deum; & ideo tertio subdit: *Qua*, scilicet
largitio simplex, operatur per nos, idest
mediantibus nobis, gratiarum actionem Deo.
I. Thesal. v. 18. „In omnibus gratias agi-
te: hæc est enim voluntas Dei in Christo
Iesu in omnibus vobis.“

Deinde cum dicit, *Quoniam ministerium
huius officii non solum supplet ea qua defunt
sanctis, sed etiam abundat per multas gratia-
rum actiones in Domino*, manifestat rationem
supra positam, scilicet quomodo eorum lar-
gitio operetur gratiarum actionem Deo: &
primo hoc ostendit; secundo ponit gratia-
rum actionis materiam, ibi, *Glorificantes
Deum in obedientia confessiois vestra in Evan-
gelium Christi*; tertio ipse prorumpit in gra-
tiarum actionem, ibi, *Gratias ago Deo super
innumerabili dono eius.* Dicit ergo: Dico,
quod largitio vestra operatur gratiarum ac-
tiones Deo: quia ministerium huius officii
vestri, quo subvenitis sanctis, multa bona
habet: quia non solum supplet ea qua defunt
sanctis, quantum ad temporalia. Supra vii. 14.
Vestra abundantia illorum inopiam supplet.
Non solum ergo hoc bonum sequitur inde,
sed etiam quod ipsi orant pro vobis. & ag-
unt gratias Deo, probantes & approban-
tes ministracionem vestram. Et hoc est quod
dicit: *Sed etiam abundat*, idest excrecit,
in actione gratiarum, quæ sit per multos,
non solum perfectos, sed per alios fideles
pauperes, qui inde agunt gratias Deo in
Domino, qui eos ad hoc movet, videntes
& probantes ministerium vestrum. Supra
1. 21. *Ut ex multarum personarum facerem eius
qua in vobis est donatio, per multos gratia
agantur pro nobis.* Huius quidem gratiarum
actionis materia est propter tria. Primo
propter eorum fidem quam acceperunt, &
ideo dicit: Dico, quod abundat in gratia-
rum

(a) Al. posses. (b) Al. emittitur & sic totum amitteamus. (c) Al. assignat rationem, & primum
est rationis punitur post rationem dantium. (d) Al. E. & ar.

rum actione: glorificantes, scilicet fideles, Deum in obedientia confessionis vestra, idest de confessione fidei vestra, qua confitemini, & creditis in Christum. *Match. v. 16.* Sic luceat lux vestra coram hominibus, ut v. ceant opera vestra bona, & glorificent Patrem vestrum, qui in cælis est. *Proverb. xi. 28.* Vir obediens loqueretur victorias: Secundo propter eorum largitionem; & ideo dicit: *Glorificantes & in simplicitate communicationis vestra*, idest pro largitione vestra in illos, scilicet sanctos pauperes, & in omnes, scilicet fideles qui indigent, simplici, & puro animo facta. *Galat. vi. 6.* Communicet is qui catechizatur verbo, ei qui se catechizat in omnibus bonis: & iterum ibid. *10.* Operemur bonum ad omnes, maxime autem ad domesticos fidei. Tercio propter hoc quod ipsi viri sancti habent a Deo, ut pro

eis agant gratias Deo; & ideo dicit: *Glorificantes etiam Deum in ipsorum obsecratione pro vobis*; idest, glorificant Deum de hoc quod ipsi viri sancti obsecrant pro vobis. Ipsum, dico, desiderantium vos videre in æterna beatitudine; & hoc propter eminentem gratiam Dei in vobis. Ex his ergo Apostolus prorumpit in gratiarum actionem Deo, dicens: *Gratias ago Deo super inenarrabili dono eius*; idest, quia tot bona inde proveniunt de ministerio vestro, ego agor gratias Deo super inenarrabili dono eius, scilicet caritatis, quæ maxime videtur vigere in vobis, qui subvenitis etiam illis qui sic agunt gratias Deo, & orant pro vobis. Et hoc donum est inenarrabile, quia non potest dici quantum utile sit: quia, oculus non vidit, nec auris audivit, nec in cor hominis ascendit quæ præparavit Deus iis qui diligunt illum: *I. Corin. 11. 9.*

CAPITIS DECIMI

LECTIO I.

Ipsæ autem ego Paulus obsecro vos per mansuetudinem, & modestiam Christi, qui in facie quidem humilis sum inter vos, absens autem confido in vobis. Rogo autem vos, ne præsens audeam per eam confidentiam qua existimor audere in quodam qui arbitrantur nos tamquam secundum carnem ambulemus. In carne enim ambulantes, non secundum carnem militamus. Nam arma militiæ nostræ non carnalia sunt, sed potentia Deo ad destructionem munitionum, consilia destruentes, & omnem altitudinem extollentem se adversus scientiam Dei, & in captivitatem redigentes omnem intellectum in obsequium Christi, & in promptu habentes ulcisci omnem inobedientiam, cum impleta fuerit vestra obedientia.

Postquam tractavit de bonis ministris Christi, & fidei, consequenter Apostolus invehitur contra falsos ministros, & pseudoprophetas: & primo invehitur contra eos; secundo vero contra illos qui decepti ab eis adhærebant eis, in *xiii. cap. ibi*, *Ecco terro hoc venio ad vos*. Circa primum duo facit. Primo excusat se de eis quæ imponuntur sibi, per rationem; secundo vero per facti evidentiam, ibi, *na autem secundum faciem sunt, videtis*. Circa primum duo facit. Primo recusat se excusare per experimentum, cum tamen posset; secundo vero excusat per rationem, ibi, *Qui arbitrantur nos tamquam secundum carnem ambulemus*. Circa primum tria facit. Primo præmittit obsecrationem; secundo interponit illud quod imponitur sibi a pseudo, ibi, *Qui in facie quidem humilis sum inter vos, absens autem confido in vobis*; tertio recusat experimentum, ibi, *Rogo autem vos, ne præsens audeam per eam confidentiam qua existimor audere*. Dicit ergo: *Ipsæ ego autem Paulus*, qui vos, & alios ad eleemosynas exhortor: ego, inquam, ipse obsecro vos per mansuetudinem, & modestiam Christi. De mansuetudine Christi habetur *Match. 21. 29.* Discite a me, quia mitis sum, & humilis corde. De modestia *Sap. 11. 21.* Omnia in numero, pondere, & mensura disposuisti. Modestia enim nihil aliud est quam modum servare in agendis. Facit autem specialiter hic mentionem de mansuetudine, & modestia Christi, quia pseudo, & Corinthii specialiter, imponebant Paulo, quod dum effect præsens apud

S. Th. Oper. 7. am. 24.

R r r eos

eos converteretur humiliter, & cum esset
 abfens scriberet eis valde dure. Et ideo
 posuit illa duo, quæ Christus habuit, ut
 sciant quod Apostolus hæc etiam ostendit,
 & servavit exemplo Christi. Et ideo conse-
 quenter interponit vitium sibiimpositum,
 dicens: *Ego ipse Paulus*, idest vere humilis:
 quia Paulus humilis, & quietus interpretatur:
 I. Corinth. xv. 9. Ego sum minimus
 „ Apostolorum. „ Unde *ego ipse*, idest vere
 „ *Paulus*. Psal. ci. 28. Tu quidem ipse
 „ es. „ Eccles. xix. 23. „ Est qui nequiter
 „ humiliat se, & interiora eius plena sunt
 „ dolo; & est qui se nimium submittit a
 „ multa humilitate: „ & Iac. iij. 16.
 „ Ubi zelus, & contentio, ibi inconstan-
 „ tia, & omne opus prævum. „ Ego, in-
 „ quam, obsecro, qui in facie, idest exteriori,
 „ ut dicitis, *humilis sum inter vos*, idest hu-
 „ militer conversatus, cum sum vobis præ-
 „ sens; *abfens autem*, idest cum sum abfens a
 „ vobis, quando scilicet non timeo lædi ab
 „ aliquo vestrum, *confido in vobis*; idest, con-
 „ fidenter ago, asperere vobis per epistolam
 „ scribens. Proverb. xxviii. 4. „ Iustus quasi
 „ leo confidens, absque terrore erit.
 „ Consequenter cum dicit, *Rogo autem vos*,
 „ *ne præsens audeam*, resecat (a) sumere ex-
 „ perimentum. Isti enim credebant quod A-
 „ postolus ex timore ductus converteretur hu-
 „ militer inter eos; & ideo dicit: Vos ita
 „ creditis, sed ego *rogo vos*, qui & ipse ob-
 „ secro, ut velitis experiri, utrum ego, si
 „ necesse sit, faciam in præsentia quomodo
 „ facio in absentia. Et ideo dicit: *Ne præsens*,
 „ idest cum fuero apud vos, *audeam* face-
 „ re in vobis, si necesse sit, *per eam confi-*
 „ *dentiam*, idest ita confidenter, sicut *exis-*
 „ *timo* a vobis *audere*, idest audacter, & con-
 „ fidenter agere, in quosdam incorrectos, du-
 „ re reprehendendo, per litteras etiam cor-
 „ rigendo. Iob xxxix. 21. „ Exultat auda-
 „ cter, in occursum pergit armatus. „
 „ Deinde excusat se per rationem, dicens:
 „ *Qui arbitrantur nos tamquam secundum car-*
 „ *nem ambulamus*; quasi dicat: Et licet nolim
 „ experimento me excusare propter vos; ta-
 „ men ratio in promptu est ad excusandum
 „ me sufficienter. Circa hoc ergo tria facit.
 „ Primo ponit causam quare imponunt ei quod
 „ diximus est; secundo destruit causam illam;
 „ tertio confirmat per rationem. Causa au-
 „ tem quare hoc sibi imponitur, scilicet quod
 „ præfens sit humilis, abfens autem severus
 „ & austerus, est, quia isti arbitrabantur A-

postolum secundum carnem ambulare. Et
 quia unusquisque secundum regulam operis
 operatur; finis autem habet rationem re-
 gulæ; (b) ideo quilibet dirigit opus suum
 ad finem quem intendit. Qui ergo ponunt
 finem suum in bonis carnalibus, dicuntur
 ambulare secundum carnem. Et inde est
 quod ita regulant opera sua ut consequan-
 tur ea quæ sunt carnis: quæ quidem, quia
 possunt iustitiam ab hominibus, ideo homi-
 nes (c) qui in carnalia tendunt, blande se
 habent ad homines, & humiliter. Et ideo
 quia credebant Apostolum ambulare secun-
 dum carnem, ideo credebant quod propter
 hoc humiliter conversatus sit inter eos.
 Sed hæc ratio nulla est, & vana; & ideo
 destruit eam, dicens: *In carne enim ambu-*
 „ *lantes, non secundum carnem militamus*; quasi
 „ dicat: Quod nos simus in carne, non pos-
 „ sumus negare, quia Roman. vii. 12. di-
 „ citur: „ Debitorum sumus non carni, ut le-
 „ gendum carnem vivamus: „ sed quod non
 „ regulemur secundum carnem, ponendo in
 „ bonis carnalibus finem, sive intentionem no-
 „ stram, hoc est falsum: quia *non secundum*
 „ *carnem militamus*; idest, vitam nostram,
 „ quæ est quædam militia, ut dicitur Iob
 „ vii. non regulamus secundum carnem. Et
 „ quod non militemus secundum carnem,
 „ probat cum dicit: *Nam arma nostra non car-*
 „ *nalialia sunt*: & primo ex militaribus armis,
 „ sicut unusquisque pugnator habet arma ac-
 „ commodata militiæ, & pugne suæ. Sed con-
 „ stat quod arma eorum qui pugnant secun-
 „ dum carnem, seu militant, sunt divitiæ,
 „ voluptates, honores, & potentie munda-
 „ næ, & temporales. Cum ergo arma no-
 „ stra non sint huiusmodi: quia *arma militum*
 „ (d) *nostra non sunt carnalia, sed potentia*
 „ *Dei*, idest secundum Deum, vel ad hono-
 „ rem Dei: ergo nos non militamus secun-
 „ dum carnem. Secundo vero cum dicit, *Ad*
 „ *destructionem munitionum*, ponit virtutem ar-
 „ morum spiritualium: quorum quidem vir-
 „ tus patet ex triplici effectu eorum. Pri-
 „ mus effectus est quod per ipsa arma con-
 „ funduntur rebelles; & quantum ad hoc
 „ dicit, *Ad destructionem munitionum*; qua-
 „ si dicat: Bene sunt potentia Deo, ut
 „ destruant rebelles. Infra ad Titum
 „ i. 9. „ Ut sit potens exhortari in do-
 „ ctina sana, & eos qui contradicunt ar-
 „ guere. „ Hierem. i. 10. „ Ut evellas,
 „ & destruas, & disperdas, & disipes,
 „ & ædifices, & plantes. „ Muniant au-
 „ tem

(a) *M. semper experimentum.* (b) *M. quia quilibet.* (c) *M. qui carnalia intendunt.*
 (d) *M. destr. nostra.*

tem se aliqui contra Deum dupliciter. Aliqui astutus consiliis, sicut sunt tyranni, qui machinantur pravis consiliis suis destruere quæ Deisunt, ut ipsi tyrannizent; & quantum ad hoc dicit, *Consilia destruentes*, scilicet tyrannorum. Iob v. 13. „Qui apprehendit sapientes in astutia eorum, & consilium pravorum dissipat.“ Aliqui vero per superbiam, vel altitudinem ingenii proprii; & quantum ad hoc dicit, *Et omnem altitudinem*, scilicet suæ superbiæ. Rom. xii. 16. „Non alta sapientes,“ idest superba. Sive profunditatem intellectus, tam Legis peritorum, quam Philosophorum. Rom. vii. 39. „Neque altitudo, neque profundum.“ Eia. v. 21. „Væ qui sapientes,“ estis in oculis vestris. „*Altitudinem*,“ dico, *excellentem se adversus scientiam Dei*, idest fidem, quæ est scientia Dei: quia quæ de Deo dicuntur, impugnant, scilicet parum Virginis, & alia Dei mirabilia. Eia. xi. 9. „Repleta est terra scientia Dei.“ Quam dicunt altitudinem fatanæ. Apocal. xii. 24. „Qui non cognoverunt altitudinem fatanæ.“ Rom. xi. 20. „Noli altum sapere, sed time.“ Secundus effectus est

conversio infidelium ad fidem; & quantum ad hoc dicit: *Et in captivitatem redigentes omnem intellectum in obsequium Christi*: quod quidem fit quando id quod homo icit, totum supponit ministerio Christi, & fidei. Psalm. cxlix. 2. „Ad alligandos Reges eorum in compedibus, & nobiles eorum in manicis ferreis.“ Eccli. vi. 25. „Iocice,“ pedem tuum in compedes illius, „idest in documenta fidei. Tercius effectus est correctio peccantium; & quantum ad hoc dicit: *Et in promptum habentes*, idest promptum, & liberum animum habentes ad puniendum omnem inobedientiam. Psalm cxli. 6. „Gladii accipies in manibus eorum ad faciendam vindictam in nationibus, in crepationes in populis.“ Et hoc erit: *impleta fuerit vestra obedientia*; idest, cum vos perfecte obedientes eritis: quia si vos velitis obedire, non erit locus puniendi inobedientiam aliorum, & vestram. Vel tunc ulciscemur nos de inobedientia *quando impleta fuerit obedientia vestra*, idest quando destruetur inobedientia vestra: contraria enim contrariis curantur.

L E C T I O II.

Quæ secundum faciem sunt videte. Si quis confidit sibi Christi se esse, hoc cogitet iterum apud se, quia sicut & ipse Christi est, ita & nos. Nam & si amplius aliquid gloriatur fuero de potestate nostra, quam dedit nobis Dominus in ædificationem, & non in destructionem vestram, non erubescam. Ut autem non existimet tamquam terrere vos per epistolas (quoniam quidem epistolæ, inquit, graves sunt, & fortes; præsentia autem corporis infirma, & sermo contempnibilis) hoc cogitet qui eiusmodi est, quia quales sumus verbo per epistolas absentes, tales & præsentem in facto. Non enim audemus inferere, aut comparare nos quibusdam qui seipsos commendant; sed ipsi in nobis nosmetipsos metientes, & comparantes nosmetipsos nobis.

Supra exculavit se Apostolus per rationem; hic excusat se per facti evidentiam: & circa hoc duo facit: primo enim committit auditoribus iudicium suæ excusationis; secundo prolequitur suam causam, ibi, *Si quis confidit sibi Christi se esse, hoc cogitet iterum apud se*. Dicit ergo primo: Licet appareat per rationem, falsum esse quod imponat mihi pseudo; tamen si aliqui sint inter vos qui ratione non vincantur, & noluerint rationi acquiescere, saltem videte, idest considerate, ea quæ sunt secundum faciem; idest, in manifesto appa-

rent de me evidenter. Committit autem eis iudicium causæ suæ, ad ostendendam securitatem cordis sui. Iob vi. 19. „Responde,“ obsecro, absque contradictione,“ ne.

Sed contra. Ioan. vii. 34. „Nolite secundum faciem iudicare.“ Non ergo bene dicitur hic: *Quæ secundum faciem sunt videte*.

Respondeo: Dicendum est, quod ibi accipitur *secundum faciem* pro his quæ exterius apparent in homine, (a) scilicet pro sola veritatis apparentia; secundum quæ non debet.

R r r 2

(a) *Id est* scilicet pro sola veritatis apparentia; hic vero pro ipsa veritate evangelicæ & apertæ veritatis, secundum quæ non debet homo iudicare, quia aliquando contrarium latet in corde: unde dicitur. Matth. vii. „Veniat ad vos hoc.“ Hic vero accipitur *secundum faciem* pro facti evidentia. &c.

debet homo iudicare, quia aliquando contrarium latet in corde: unde dicitur Matth. vii. 15. „Veniunt ad vos in vestimentis ovium, intrinsecus autem sunt lupi rapaces.“ Hic vero accipitur secundum faciem pro ipsa veritate evangelica, & facti evidenter, secundum quam potest fieri iudicium. Glossa aliter exponit; scilicet secundum faciem, idest pseudo, videte, idest attendite; quasi dicat: Considerate facta eorum, quia impossibile est quin inter multa bona quæ præterdunt, non faciant aliqua ex quibus poteritis cognoscere intentionem ipsorum pravam. Matth. vii. 16. „Ex fructibus eorum cognoscetis eos.“

Consequenter cum dicit, *Si quis autem confidit sibi Christi se esse, hoc cogitat iterum apud se*, prosequitur causam suam. Contingit autem quod aliquis moveatur contra aliquem, deceptus auctoritate alicuius qui se magnum facit; & sic Corinthi commoti erant contra Apostolum, decepti a pseudo, qui se dicebant maioris auctoritatis quam Paulus: quia venerant a Iudæa, & quia erant primo conversi. Et ideo Apostolus duo facit. Primo evacuat auctoritatem illorum pseudorum; secundum prosequitur causam suam, ibi, *Ut autem non existimet tamquam terrere vos per epistolas*. Circa primum duo facit. Primo ostendit quod pseudo non sint sibi præferendi; secundum quod ipse est præterendus eis, ibi, *Nam & si amplius aliquid glorioris suero de potestate nostra*. . . non erubescam. Dicit ergo: inquam, secundum faciem videte, quod si quis de pseudo confidit se Christi esse, propter aliquod magnum quod fecerit, vel propter aliquod donum spirituale quod a Christo receperit, hoc cogitat apud se; idest, consideret diligenter in corde tuo, quia sicut ipse Christi est, ita & nos; quasi dicat: Quidquid invenitur in eis, totum invenitur in nobis, unde debeamus dici, & esse Christi. I. Corinth. vii. 40. „Puto quod & ego spiritum Christi habeam.“ Rom. vii. 9. „Si quis spiritum Christi non habet, hic non est eius.“ Non solum autem nos sumus Christi, sicut & ipsi; sed multo plus possumus gloriari quod sumus Christi quam ipsi: & hoc est quod dicit: *Nam & si amplius aliquid glorioris suero de potestate nostra, quam, scilicet potestatem, dedit nobis Dominus*. Act. ix. 15. „Vas electionis es mihi iste. Galat. iii. 8. „Qui operatus est Petro in Apostolatu circumfessionis,

operatus est & mihi inter Gentes.“ Dedit, inquam, mihi potestatem hanc specialem ad convertendum Gentes in doctrinam; scilicet Ecclesiæ, & non in doctrinam; sicut faciunt pseudo, abutentes potestate eis data in contrarium ad quod data est. Nam licet potestas detur in ædificationem Ecclesiæ in fide, & caritate; isti tamen querunt gloriam suam, & non Christi, & ideo destruunt. Et hoc faciebant prædicando debere observari legalia, & faciendo quæsum. Si ergo amplius glorior de hac potestate quam habeo, & in qua gloriam Christi quero, & non meam, non erubescam, scilicet de huiusmodi commendatione mea: quia non facio (a) ad ostendendum me, sed causa necessitatis, scilicet ut ostendens auctoritatem meam esse magnam, & pseudo nullam, non decipiamini ab eis de cetero.

Ubi nota, quod, secundum Gregorium, duabus de causis potest se aliquis commendare absque peccato: scilicet quando aliquis provocatur opprobriis, & conculcatur, & hoc ut non desperet videns se conculari; & ut confutet adversarios. Sic Iob commendavit se multum, sicut patet xxvi. cap. vers. 6. ubi dicit: „Neque enim reprehendit me cor meum in omni vita mea.“ Item quando aliquis prædicans veritatem, & alius adversarius veritatis contradicit sibi, & impedit manifestationem veritatis; tunc huiusmodi prædicator debet se commendare, & ostendere auctoritatem suam, ut confutet illum, & ut trahat auditores ad veritatem. Et hoc facit Apostolus in multis locis, & hic etiam.

Consequenter cum dicit, *Ut autem non existimet tamquam terrere vos per epistolas*, prosequitur causam suam ex facti evidenter: & circa hoc tria facit. Primo ostendit falsum esse quod sibi imponentur; secundum rationem dicti assignat, ibi, *Non enim audeamus inferere, aut comparare nos quibusdam*; tertio exponit rationem ipsam, ibi, *Nos autem non in immensum gloriamur*. Circa primum sciendum est, quod, sicut dictum est, imponebatur Apostolo quod in præsentia esset humilis propter timorem, vel propter gratiam, & favorem captandum, & in absentia dure scriberet eis. Et ideo dicit Apostolus, quod non est ita; sed si bene volunt considerare quæ apparent, ita invenient eum factio qualem habuerunt scripto; & hoc possunt experiri, si volunt. Et hoc est quod dicit: *Ut autem*

800

(a) Ferte ad ostendendum..

non existimare a pseudo, seu a vobis tamquam terrere vos, vel timorem vobis incutere, per epistolas nostras, quas vobis mittimus; quem quidem timorem non incutiam vobis in præsentia. Et hoc ideo est, quoniam ipsi, scilicet pseudo, inquit: Epistola, scilicet Pauli, gravis sunt, idest dure, & graviter punientes, & fortes, idest abique timore; sed præsentia non talis, immo infirma, idest debilis & humilis: quod respondet ei quod dicit, fortes; & sermo, scilicet prædicatio sua, & collocutio, & exhortatio, (a) contemptibilis, quod respondet ei quod dicitur, graves. Sed qui est huiusmodi, idest qui talia dicit de nobis, cogitat, idest sciat certe, quia quales sumus verbo per epistolas absentes, tales & præsentes in factis; idest, tales erimus præsentes cum veniemus ad vos, quales sumus per epistolas absentes, si necesse fuerit. Cautam autem quare Apostolus se habuit humiliter ad eos, manifestat Apostolus I. Corinth. 11. 3. Et ego, fratres, cum timore multo & tremore sui apud vos: "quod faciebat, quia non erant firmi in fide; & voluit eos per dulcedinem suæ conversationis firmare. Quare autem locutus fuerit sibi plana, & prædicaverit eis non subtilia, insinuat I. Corinth. 11. 1. diceos: "Tamquam parvulus in Christo lac potum dedi vobis, non escam. "Noodum enim erant capaces altioris doctrinæ.

Consequenter cum dicit, *Nem enim audent nos inferre, aut comparare nos quibus-*

dam, ostendit rationem dicti sui, dicens: Dico quod non sumus similes pseudo; nec etiam est verum quod imponitur nobis: quia ego non dico alia quam facere est necesse. Et ideo dicit: *Nem enim audent nos inferre*, idest dicere, nos esse unum ex eis; *aut comparare*, idest similem facere, quibusdam, scilicet pseudo, qui seipso, vobis tantum, commendant, & tamen ab aliis, & a factis suis non commendantur: contra illud Proverb. xxvii. 2, "laudet te alienus, & non os tuum; extraneus, & non labia tua. "Sed ipsi nobis nosmetipsos metientes; idest, secundum ea quæ sunt in nobis, commendamus facta nostra, & dicta nostra; quasi dicat: Illa dicimus de vobis quæ sunt proportionata nobis, idest commendurata factis nostris. Galat. ult. 4. "Unusquisque opus suum probet, & sic in semetipso tantum gloriam habebit, & non in altero."

Sed contra. Supra xv. 2. dicitur: *Commendantes nosmetipsos ad omnem conscientiam hominum coram Deo*. Ergo non bene dixit. Respondeo: Dicendum est, quod aliud est commendare seipsum ad conscientiam, & aliud ad aures. Nam ad conscientias hominum commendamus nos ipsos cum bene agimus; & hoc est bonum: ad aures autem commendamus nosmetipsos verbis tantum; & hoc est (a) malum. Primo modo commendant se iusti, & Apostolus; secundo modo pseudo, & hypocritæ.

L E C T I O III.

NOs autem non in immensum gloriabimur, sed secundum mensuram regulæ, qua mensus est nobis Deus, mensuram pertingendi utque ad vos. Non enim quasi non pertingentes ad vos, superextendimus nos. Usque ad vos enim pervenimus in Evangelio Christi: non in immensum gloriantes in alienis laboribus; spem autem habentes crescentis fidei vestræ, in vobis magnificari, secundam regulam nostram in abundantia, etiam in illa, quæ ultra vos sunt evangelizare, non in aliena regula in his quæ preparata sunt gloriari. Qui autem gloriatur, in Domino gloriatur. Non enim qui seipsum commendat, ille probatus est, sed quem Deus commendat.

Supra Apostolus ostendit rationem eorum quæ dixerat; hic consequenter ipsam rationem manifestat. Dixerat enim quod commendurabat se sibi, & non excedebat mensuram suam. Potest autem aliquis gloriando, & commendando se ex-

dere dupliciter. Primo quantum ad id de quo gloriatur; puta, si quis gloriatur de eo quod non habet: secundo quantum ad id in quo gloriatur; puta, si quis habens aliquid ex alio, gloriatur in ipso tamquam a se haberet. Et ideo Apostolus ostendit quod

(a) Al. *concupiscibilis*. (b) Al. *ad malum*.

quod neutro istorum modorum excedit mensuram, gloriando, vel laudando se: & primo, quantum ad primum; secundo quantum ad secundum, ibi, *Qui autem gloriatur, in Domino gloriatur.* Circa primum duo facit. Primo probat, quod non excedit mensuram suam, quantum ad gloriam de futuris; secundo, quantum ad gloriam de futuris, ibi, *Spem autem habentes crescentis fidei vestra in vobis magnificari.* Circa primum tria facit. Primo proponit intentum; secundo propositum probat, ibi, *Non enim quasi non pertingentes ad vos, superextendimus nos; tertio concludit, ibi, Nec in immensum gloriamur in alienis laboribus.* Dicit ergo primo: Dico, quod metimur, & comparamus. nolentibus nobis, facientes. scilicet secundum quod officium nostrum exigit. Hoc autem nos agentes, non in immensum gloriamur; idest, non excedimus mensuram nostram, exercendo potestatem nostram, & commendando nos. Levit. xix. 35. „Nolite „facere iniquum aliquid in iudicio, in „regula, in pondere, in mensura. „Sed gloriamur secundum mensuram (a) regula, qua mensus est nobis Deus. Glossa hic exponit de mensura praeationis. Apostoli, & dicit: *Secundum mensuram*, idest secundum mensuratum mihi a Deo populum, cuius ego sum praelatus, & regula ad dirigendum. Sed hoc idem potest universalius accipi, ut mensura regulae dicatur quantitas gratiae; & tunc est sensus: *Sed gloriamur secundum mensuram, qua mensus est nobis Deus*, idest secundum quantitatem gratiae quam dedit nobis Deus. Ephes. iv. 7. „Unicuique data est gratia secundum mensuram donationis Christi. Quae quidem gratia est nobis regula, ne extollamur, & deviemus a Deo. *Qua mensus est nobis Deus*: quia quidquid boni facimus in evangelizando, (b) & in conversatione vestra, & aliorum, totum est ex Deo mihi in vobis, & aliis concessum. I. Corinth. xii. 6. „Ego plantavi; Apollo rigavit; sed Deus incrementum dedit. „Mensuram, dico, pertingendi usque ad vos: quia vos estis sub mensura gratiae mihi datae, per quam conversi estis ad Christum, & obeditis Evangelio. Hoc est ergo quod proponit, scilicet quod non excedit mensuram suam gloriando (c) & laudando se, quod sit eorum praelatus, & quod per eum conversi sunt. Ex quod ita sit, scilicet quod pertingat usque ad eos, probat consequenter, cum dicit: *Non enim quasi non pertin-*

*gentes ad vos, superextendimus nos; quasi dicat: Vere gloriamur: non enim superextendimus nos in gratia, vel gloria, vel in potestate nostra, quasi non sumus pertingentes usque ad vos potestate nostra, & ministerio: nam usque ad vos pervenimus in Evangelio Christi, idest in praedicatione Evangelii Christi. I. Corinth. xv. 15. „In Christo Iesu per Evangelium ego vos genui: „& ibid. ix. 1. „Nonne opus meum vos „estis in Domino? „Galat. ii. 8. „Qui „operatus est Petro in Apostolatum circumcisionis, operatus est & mihi inter Gentiles. „Et ideo concludit dicens: Igitur cum glorior de vobis, non glorior in immensum: unde dicit: *Non in immensum gloriamur in alienis laboribus* ubi alius fundamentum fidei posuisset.*

Consequenter cum dicit, *Spem autem habentes crescentis fidei vestra, in vobis magnificari*, ostendit quod non excedit mensuram suam quantum ad gloriam de futuro. Sciendum est autem, quod praedicator potest habere duplex argumentum gloriae de praedicatione sua. Unum est ut conversi ad praedicationem suam proficiant in melius; aliud, ut per ipsos conversos alii convertantur: quia, ut dicitur Exod. xxxvi. cortina cortinam trahit: & Apoc. ult. 17. „Qui audit, dicat, Veni. „Nam quando quis videt alios converti, facilius convertitur. Et quantum ad ista duo Apostolus sperat augeri gloriam suam de Corinthis: primo scilicet de profectu eorum in melius; & ideo dicit: Dico, quod nec in immensum gloriamur de conversione vestra per nos causata olim; sed adhuc habentes, scilicet sumus, *spem magnificari* in futuro, idest augeri gloriam nostram, *crescentis fidei vestra in vobis*, idest de fide vestra crescente, & proficiente in melius per bona opera. I. Petri ii. 2. „Lac concupiscite, „ut in eo crescat in salutem. „Et iterum secundo speramus magnificari in conversione aliorum per vos. Et ideo dicit: *In abundantia*, idest in abundantia praedicationis; non solum in vobis, sed etiam in illa loca quae ultra vos sunt; & hoc secundum regulam nostram, idest secundum quod iniunctum est nobis a Christo, non solum evangelizare vobis, sed omnibus gentibus. Marc. ult. 15. „Euntes in mundum „universum, praedicate Evangelium omni creaturae. „Nec tamen sumus habentes spem in aliena regula; idest, non speramus gloriam, nec gloriamur in aliqua aliena

regu-

(a) Al. omittitur regula. (b) Erro & in constructione. (c) Al. dicit & laudando.

regula; quasi dicat: Non in illis quæ præparata sunt ab aliis, idest quos alii duxerunt ad fidem, sed faciam fructum in illis in quibus ab aliis non est prædicatum. Rom. xv. 20. „Prædicavi Evangelium hoc non ubi nominatus est Christus.“

Contra est quod Petrus prædicavit Romæ antequam prædicaret ibi Paulus. Respondet: Dicendum est, quod non dicit hoc, recusans prædicare ubi alius prædicasset; sed dicit, quod intendit prædicare etiam ubi non prædicasset aliquis.

Consequenter cum dicit, *Qui autem gloriatur, in Domino gloriatur*, ostendit quod non excedit mensuram suam, quantum ad id in quo gloriatur, dicens: Quia si ego glorior in eo in quo gloriandum est, non excedo. Cum autem gloriandum sit in Deo, qui gloriatur, in Domino gloriatur. Hierem. 12. 24. „In hoc gloriatur qui gloriatur, scire, & nosse me.“ Potest autem hoc exponi tripliciter. Uno modo, *in Domino gloriatur*, ut ly in Domino denotet obiectum gloriandi; quasi dicat: Ex hoc gloriatur, quod habet Dominum amando, & cognoscendo. Hierem. 12. 24. „In hoc gloriatur qui gloriatur, scire, & nosse me.“

Alio modo, *Gloriatur in Domino*, idest secundum Deum; & hoc modo gloriatur qui gloriatur de his quæ Dei sunt, & non de humanis, sicut ille de quo dicitur in Psalm. 121. 3. „Quid gloriaris in malitia?“ Alio modo, *in Domino gloriatur*, idest, ut gloriam suam reputet se habere a Deo, totum quod cedit ad gloriam suam referens in Deum. I. Corinth. 17. 7. „Quid habes quod non accepisti? Si autem accepisti, quid gloriaris, quasi non accepisti?“ Et sic accipitur hic cum dicitur: *Qui gloriatur, in Domino gloriatur*, quasi dicat: Glorior de prædictis, sed non quasi hoc a me habeam, sed a Deo. Et hoc etiam est mensura vestra: quia totum bonum vestrum habet ortum a nobis. Et vere in Domino debemus gloriari, non nobis imputantes gloriam nostram, sed Deo. Nam non est probatus, idest comprobatus a Deo, vel hominibus, ille qui seipsum commendat: Prov. xxvii. Laudet te alienus, & non os tuum; extraneus, & non labia tua. „sed ille quem Deus commendat; idest, commendabilem facit bonis operibus, & miraculis. Nam Deus est causa totius boni operis per homines facti.“

CAPITIS UNDECIMI

LECTIO I.

Utinam sustineretis modicum quid insipientiæ meæ; sed & & supportate me. AEmulor enim vos Dei æmulatione. Despondi enim vos uni viro virginem castam exhibere Christo. Timeo autem ne sicut serpens seduxit Evam astutia sua, ita corrumpantur sensus vestri, & excidant a simplicitate quæ est in Christo Iesu.

Postquam Apostolus excusavit se de his quæ falso imponebantur sibi a pseudo, hic consequenter, ut confutet eos, scilicet pseudo, & reddat auctoritatem suam honorabilem, commendat se Corinthiis. Circa hoc autem duo facit. Primo rationem suæ commendationis assignat; secundo ponit suam commendationem, ibi, *in quo quis audat (in insipientia dico) andes & ego*. Circa primum tria facit. Primo petit ut eius insipientia supportetur; secundo subdit necessitatem suæ commendationis, ut non inhiens videatur, ibi, *AEmulor enim vos Dei æmulatione*; tertio innuit quod dato quod sit insipiens, suppor-

tare debent, ibi, *Iterum dico, ne quis me putet insipientem esse*. Circa primum duo facit. Primo præmittit suum desiderium, ut petitio sua facilius exaudiatur; secundo ponit suam petitionem, ibi, *Sed & supportate me*. Desiderium autem Apostoli est ut Corinthii iustineant Apostolum commendantem se. Et ideo per adverbium optandi incipit, dicens: *Utinam sustineretis modicum quid insipientia mea*. Circa quod sciendum est, quod præcepta moralia sunt de agendis, quæ cum sint particularia, & variabilia, non possunt determinari una communi ratione, & regula indefinite; sed oportet quandoque præter regulam communem

munem aliquid facere in aliquo casu emergente. Quando autem hoc modo fir aliquid præter communem regulam, sapientes, qui causam huius considerant, non turbantur, nec reputant insipienter factum esse. Indiscreti vero, & minus sapientes, non considerantes ex qua causa hoc ita fiat, turbantur, & reputant stulte factum fore: sicut patet quia præceptum morale est, Non occides: aliquando tamen necesse est malos occidere. Et quando hoc fit, sapientes commendant, vel non reputant male factum; stulti autem, & hæretici damnant, dicentes hoc esse male factum. Quia ergo communis lex moralis est quod homo non commendat seipsum, secundum quod dicitur Proverb. xxvii. 2. „Laudet te alienus, & non os tuum;“ potest fieri in aliquo casu præter hanc communem regulam, ut homo commendet se, & laudabiliter hoc facit; & tamen indiscreti hoc reputant insipientiam. Unde cum immineret casus quo Apostolus deberet se commendare, hortatur eos ad hoc quod i. stud non reputent ei ad insipientiam, dicens: *Ultimam sustineretis, scilicet patienter, medicum insipientia mea, supportando me.* Et dicit medicum, quia si commendaret se sine causa, esset maxima insipientia. Et iterum, si commendaret se ex causa omnino urgente, tunc nihil esset ibi insipientiæ. Sed quia commendat se, licet ex causa, non tamen omnino urgente, cum alio modo posset confutare pseudo; & quia commendat se multum; videtur ibi esse aliquid insipientiæ, & hoc est quod dicit, *Medicum insipientia mea.* Infra xii. 11. *Factus sum insipiens, vos me cogitis.* Et licet sic sim insipiens, tamen supportate me. Et hoc debent facere, quia subditi debent supportare prælatos, & e converso. Galat. vi. 2. „Alter alterius onera portate.“ Ephes. iv. 2. „Supportantes invicem in caritate.“ Necesse autem commendationis ostendit, dicens: *Æmulor enim vos Dei amulatione;* & circa hoc tria facit. Primo ostendit huiusmodi commendationem provenire ex zelo, ut excludat insipientiam; secundo dicit hunc zelum non esse inordinatum, ut vitet indiscretionem, ibi, *Timor autem meus, sicut serpens seduxit Evam, assuetudine sua, ita corruptantur sensus vestri;* tertio excludit eorum execrationem, ibi, *Nam si is qui venit, alium Christum prædicat velle paterebimini.* Circa primum duo facit. Primo ponit zelum quem habet ad eos san-

ctum, quia Dei; secundo ostendit causam huius zeli, quia incumbat sibi ex officio, ibi, *Respondi vos uni viro virginem castam exhibere Christo.* Est ergo zelus sanctus, quia *amulor vos*, idest diligo vos serventer *Dei amulatione*, idest ad honorem Dei, non meum.

Circa quod nota, quod æmulatio, pro-ut est idem quod zelus, non aliud est quam quidam motus animi bonus, vel malus, tendentis (a) in statum proximi, & importat fervorem amoris; & ideo consuevit sic definiri: Zelus est amor intensus, non patiens consortium in amato. Et si quidem non patiarur consortium in aliquo bono, puta vitii, vel alicuius imperfectis, sed singulariter illud solus vult habere; tunc zelus est bonus, & æmulatio bona, de qua dicitur I. Corinth. xii. 31. „Æmulamini charismata meliora.“ Galat. iv. 18. „Æmulamini bonum in bono femper.“ Ill. Regum xix. 10. „Zelo zelatus sum pro Domino.“ Psalm. lxxviii. 10. „Zelus domus tuę comedit me.“ Si vero non patiarur consortium in aliqua excellentia, vel in aliqua prosperitate mundi, (b) quia aliquis singulariter vult eam sibi; tunc zelus est malus, & æmulatio mala. Hoc autem bono zelo, seu æmulatione, aliquando quis æmulatur alios pro se, sicut vir zelatur pro uxore sua, quam sibi soli vult servare; aliquando vero zelatur aliquis pro alio; sicut eunuchus zelatur uxorem domini sui, ut custodiat eam sibi. Sic Apostolus populum suum, quem videbat paratum ad præstitium, & cum sponte Christo velle propositum diabolo; æmulabatur, ne Christus sponsus verus in eis aliquid diaboli consortium pateretur; & ideo dicit, *Dei amulatione*; quasi dicat: Non pro me, sed pro Christo, qui est sponsus. Ioan. xii. 29. „Qui habet sponfam, sponsus est.“ Ill. Reg. xix. 10. „Zelo zelatus sum pro Domino Deo exercitus tuum.“

Unde autem Apostolo incumbat huiusmodi æmulatio, ostendit dicens: *Respondi enim vos uni viro virginem castam exhibere Christo;* quasi diceret: Merito vos æmulor Dei æmulatione, quia ego sum paronymus huius matrimonii quod est inter vos & Christum; quia ego respondi vos, idest feci sponsalia, quæ sunt per fidem, & caritatem. Oleez. ii. 10. „Sponsabo te mihi in fide.“ Et ideo pertinet ad me custodire vos. Quicumque ergo convertit popu-

(a) Al. in statum proximi. (b) Al. amulatur quia aliquis singulariter vult eam sibi.

populum ad fidem, & ad iustitiam, despondet eos Christo. *Despondi*, inquam, non multis, quia quæ multis adhaeret, polluitur: Hierem. xxi. 1. „Tu autem polluta es cum amatoribus multis:“ sed *uni Christo*, scilicet viro perfecto virtutis plenitudine. Zachar. vi. 12. „Oriens nomen eius.“ Hierem. xxxi. 22. „Novum faciet Dominus super terram: semina circumdabit virum.“ Et dicitur Christus vir unus, quia singularis & quantum ad modum conceptionis, & quantum ad modum nascendi, & quantum ad gratiæ plenitudinem. Eccl. vii. 29. „Unum de milibus leperi.“ Illi, inquam, viro despondi vos exhibere virginem. Nota, quod a plurali ad singulare descendit, dicens: *Desponsavi vos* in plurali, & *exhibere virginem* in singulari: volens ostendere quod ex omnibus fidelibus sit unum corpus, & una Ecclesia, quæ debet esse virgo in omnibus membris suis: & ideo dicit, *Virginem castam*. In omnibus (a) enim accipitur virginitas pro integritate corporis, castitas pro integritate mentis: nam aliquando aliqua est virgo corpore quæ non est casta mente. Sic Ecclesia exhibet se Christo virginem, quando perseverat in fide, & infra sacramenta, absque corruptione alienius idolatriæ, & infidelitatis. Ezech. xvi. 25. „Ad omne casum putæ edificasti signum prostitutionis tuæ.“ Castam exhibet se, quando existens infra sacramenta, & in fide Christi, exhibet puritatem corporis, & operis. Ephes. v. 27. „Ut exhiberet sibi gloriosam Ecclesiam, non habentem maculam, neque rugam, aut aliquid huiusmodi; sed ut sit sancta, & immaculata.“

Sed quia Corinthii possent dicere: Non necesse est quod custodias nos, & zelus tuus non est rationalis, quia nos bene servabimus nosmetipsos: ideo consequenter causam huius actus ostendit, dicens: *Timoo au-tem ne sicut serpens seduxit Evam astutia sua, ita corrumperetur sensus vestri*. Ubi sciendum est, quod in paradiso fuit coniugium Adam

& Evæ. Sed Eva corrupta fuit per serpentem, non violenter, sed astute, inquantum promisit saltem, & suavit iniquum: saltem quidem, cum dixit (Genes. iii.) „Eritis sicut dii;“ & „Nequaquam morietimini;“ cum tamen ex hoc ipsi incurrerent necessitatem mortis: iniquum vero, ut transgrediretur, & præteriret mandatum Dei. Et secundum hanc similitudinem Apostolus loquens, dicit, Ecclesiam esse sicut Evam, quam diabolo aliquando persecutus est, mansisse per tyrannos, & potestates; & tunc sicut leo rugiens, circumquærens quem devoret, ut dicitur 1. Petr. v. aliquando molestat Ecclesiam haecenter per hæreticos, qui promittunt veritatem, & simulat se bonos; & tunc sicut serpens seducit astutia sua promittendo falsa. Et ideo dicit: *Timoo ne sicut serpens Evam seduxit, a paradiso eamiciens, astutia sua, promittendo falsa: 1. Timoth. ii. 14.* „Adam non est seductus, sed mulier:“ ita, idest per similes deceptiones hæreticorum, *corrumperetur sensus vestri*. Et dicit, *Sensus vestri*, quia sicut in matrimonio carnali cavet sponsus ne coniux corrumperetur carnaliter, ita Apostolus in hoc matrimonio spirituali timet ne corrumperetur spiritualiter sensus cordis. 1. Corinth. xv. 33. „Corrumpunt bonos mores colloquia mala.“ Vel sensus spirituales, de quibus Sap. i. 2. „Sentite de Domino in bonitate.“ 1. Corinth. xiv. 20. „Noli te pueri effici sensibus.“ Et excidant a simplicitate qua est in Christo Iesu. Simplex enim est illud quod (b) compositione caret. Pseudo ergo componebant unam sectam ex Iudaismo & Evangelio, mandantes simul cum Evangelio servari legalia. Illi ergo excidant a simplicitate Christi qui seducti a pseudo, simul cum Evangelio servant legalia: & hoc timebat Apostolus de Corinthiis. Eccli. ii. 14. „Væ peccatori ingredienti terram duabus viis:“ & contra Prov. xi. 3. „Simplicitas iustorum dirigit eos.“

(a) *Al. omittitur calix.* (b) *Al. corruptione.*

LECTIO II.

Nam si is qui venit, alium Christum prædicat, quem non prædicavimus; aut alium spiritum accipitis, quem non accepistis; aut aliud Evangelium, quod non recepistis: recte pateremini. Existimo enim nihil me minus fecisse a magnis Apostolis. Nam & si imperitus sermone, sed non scientia; in omnibus autem manifestatus sum vobis. Aut numquid peccatum feci, me ipsum humilians, ut vos exaltemini? Quoniam gratis Evangelium Dei evangelizavi vobis? Alias Ecclesias expoliavi, accipiens stipendia ad ministerium vestrum.

Posito zelo quem ad Corinthios habebat

Apostolus, & ostendo zelum esse rationabilem; hic consequenter removet eorum excusationem: & circa hoc duo facit. Primo proponit eorum excusationem; secundo vero removet eam, ibi, *Existimo enim nihil me minus fecisse a magnis Apostolis*. Circa primum sciendum est, quod Corinthii possent suspicari quod ideo zelum haberet de eis, quia timet ne dimittant doctrinam suam propter doctrinam pseudo: unde possent dicere: Constat quod minus bona sunt dimittenda propter magis bona: ergo si pseudo meliora doceant, non debes turbari, si acquiescimus eis. Et ideo hanc excusationem ponit ostendendo quod nihil maius quam Apostolus docent, & prædicant. Nam Apostolus tria prædicavit eis, & docuit eos. Primo quod essent Christi: supra 12. 5. *Non enim prædicavimus nosmetipsos, sed Christum Iesum*. Secundo quod haberent spiritum Christi: Rom. 8. 12. 9. „ Si quis spiritum Christi non habet, hic non est eius. „ Tertio ut reciperent Evangelium Christi. Rom. 1. 16. „ Non enim erubescio Evangelium. Virtus enim Dei est in salutem omni credenti, Iudæo primum, & Græco. „ Si ergo pseudo meliora vobis prædicarent, & vos docerent, recte faceretis, & excusabiles essetis; sed hoc non faciunt: & hoc est quod dicit: *Nam si is qui venit, alium Christum prædicat... recte pateremini*; quasi dicat: Timeo ne pseudo veniat ad vos non missus, sed ex se, sicut fur, & latro. Ioan. 8. 8. „ Quotquot venerunt, fures sunt, & latrones. „ Hier. 23. 11. 21. „ Non mittebam eos, & ipsi currebant. „ Rom. 10. 15. „ Quomodo prædicabunt, nisi mittantur? „ Si, inquam, talis prædicator prædicat vobis alium Christum, scilicet excellentiorem quam illum quem nos prædicavimus, quod non

potest esse, quia, ut dicitur I. Corinth. 1. 11.

6. „ Unus Dominus noster Iesus Christus, „ per quem omnia, & nos per ipsum. „ Et hoc quantum ad primum. *Aut alium spiritum, scilicet meliorem, (a) accipitis*, scilicet per talem, quam accepistis, scilicet per nos, idest ministerio nostro: quod non potest esse, quia, ut dicitur I. Corinth. 12. 11. „ hac omnia operatur unus „ atque idem spiritus, dividens singulis „ prout vult. „ Et hoc quantum ad secundum. *Aut prædicat vobis aliud Evangelium, idest aliam prædicationem, vel doctrinam, quam per nos non recepistis*. Galat. 1. 6. „ Miror quod sic tam cito transferimini ab eo qui vos vocavit in gratiam Christi, in aliud Evangelium. „ Si, inquam, alia & meliora facerent vobis, recte pateremini, idest taceretis excusando vos. Et quia non potest eis aliud Evangelium, idest melius, tradi; ideo Apostolus excommunicat Galatas, si aliud Evangelium recipiant. Galat. 1. 29. „ Si quis aliud vobis evangelizaverit præter id quod accepistis, anathema sit. „

Consequenter cum dicit, *Existimo enim nihil me minus fecisse a magnis Apostolis*, removet hanc excusationem; & circa hoc duo facit. Primo ostendit quod ipse non minus fecit eis quam alii: secundo quod plus, ibi, *Aut numquid peccatum feci?* Circa primum tria facit. Primo ostendit quod nihil minus fecit factio quam alii Apostoli: secundo innuit quod non desuit ei facultas ad hoc faciendum, ibi, *Nam & si imperitus sermone, sed non scientia*; tertio ostendit evidentiam utriusque, ibi, *In omnibus autem manifestatus sum vobis*. Dicit ergo: Recte pateremini vos seduci ab eis, si melius prædicarent vobis; sed hoc non est verum: enim, idest quia, *existimo enim nihil minus fecisse* ea his a magnis Apostolis, idest

(a) Alii accepistis.

ideſt quam Petrus, & Ioannes, quos iſti habebant magnos. Et comparat ſe magnis Apoſtoliſ, tum quia Paulus videbatur, & reputabatur ab eis minor quam illi, eo quod illi fuerant cum Jeſu, & Paulus non; tum etiam quia pseudo dicebant ſe millos ab eis: & ideo offendendo ſe parem magnis Apoſtoliſ, iſtorum errorem removet, & pseudo conſutat. Et non ſolum nihil minus fecit, ſed plus. I. Corinth. x. 15. „Plus omnibus laboravi.“ Et ne forte diceret ei: Unde tibi eſt facultas ad hoc faciendum, cum ſis imperitæ linguæ? offendit quod ei facultas aſſuit ex magnitudine ſcientiæ, dicens: *Licet ſim imperitus ſermone, tamen non ſim imperitus ſcientia.* II. Petr. ult. 15. „Sicut & cariffimus fra- ter noſter Paulus ſecundum ſapientiam, ſcripſit vobis.“ Sed hoc ſciendum eſt, quod pseudo quærentes gloriam propriam, & lucra ſeſtantes, nitebantur attrahere populum per ornata, & ſubtilia, & exquiliſta verba, non attendentes niſi ſolum aures permulcere. Apoſtolus vero, quia non quærebat utilitatem propriam, ſed ſolum dilatationem fidei Chriſti, & profeſſum eius, ita proponebat verbum fidei ut omnes poſſent capere, conformans ſe conditioni audientium, & capacitati. Unde, quia iſti in principio non erant capaces altae doctrinæ, propoſuit eis fidem, non in ſubtilitate ſermonis, ſed eo modo quo capere poſſent, ſcilicet plane, & aperte. Et ideo iſti dicebant eum eſſe imperitum ſermone. I. Corinth. 1. 17. „Non in ſapientia verbi, ut non evacuetur crux Chriſti.“ Et propter hoc dicit Apoſtolus: *Licet ſim imperitus ſermone, ut vobis videtur, hoc non ſuit ex defectu ſcientiæ, ſed propter vos ex quadam diſpenſatione: quia „tamquam parvulus in Chriſto, lac „potum dedi vobis, non eſcam.“* I. Corinth. 1. 1. Veſ dicendum ad litteram, quod Apoſtolus fuit balbus, & ex hoc pseudo deridebant eum, Et ideo dicit: *Et ſi imperitus ſermone, ideſt impeditæ linguæ, non tamen ſim imperitus ſcientia.* Exod. 14. 10. „Impedioris, & tardioris linguæ „ſum.“ Quod autem nihil minus fecerim a magnis Apoſtoliſ, evidenter apparet per ea quæ ſeci vobis; & ideo dicit: *In omnibus prædicis manifeſtatus ſum vobis, qui experti eſtis quæ per me hunt.* I. Corinth. 1. 2. „Signaculum Apoſtolatus mei „vos eſtis in Domino: & infra 11. 12.

Signa tamen Apoſtolatus mei facta ſunt ſuper vos, in omni patientia, in ſignis, & prodigiis, & virtutibus.

Conſequenter cum dicit, *Aut numquid peccatum feci?* offendit quod plus fecit quam omnes alii, & hoc quia prædicavit ſine ſumptibus. Circa hoc duo facit. Primo ponit factum; ſecundo cauſam facti aſſignat, ibi, *Quare? quia non diligo vos? Deus ſcit.* Circa primum duo facit. Primo offendit factum quantum ad præteritum; ſecundo quantum ad tuturum, ibi, *Et in omnibus ſine onere me vobis ſervavi.* Factum autem præteritum offendit dupliciter. Primo in generali; ſecundo in ſpeciali, ibi, *Quoniam gratis Evangelium Dei evangelizavi vobis?* Dicit ergo: Recte dico, quod nihil minus feci ab illis, niſi forte hoc reputetis male, & minus factum, quia dimiſi de auctoritate mea non accipiens ſumptus a vobis; ſed ſi hoc eſſet malum, (a) feciſſem. Et ideo offendit quod non eſt malum: & hoc eſt quod dicit: *Aut numquid peccatum fui, ideſt numquid peccavi humaniſans meipſum, & diminuens de auctoritate mea? quali dicat, non.* Eccl. 1. 11. 20. „Quanto maior es, humilia te in omnibus, „& coram Deo invenies gratiam.“ I. Corinth. 1. 19. „Cum eſſem liber ex omnibus, omnium me ſervum feci, ut plures „lucrificarem.“ Matth. 23. 11. 4. „Qui „humiliaverit ſe ſicut parvulus iſte, hic „eſt maior in regno cælorum.“ Ratio autem humiliationis meæ eſt, non propter lucrum proprium, ſed propter promotionem veſtram: unde dicit: *Ut vos exaltemini;* ideſt, in fide confirmemini. Corinthii autem avari erant; & ideo ſi a principio accepiſſet ſumptus, forte deſiſſent a fide. Item pseudo prædicabant propter quæſtum. Ut ergo Corinthii reciperent Apoſtolum, & pseudo auferret occaſionem quæſtus, gratis prædicavit eis ſine ſumptibus propriis. Hoc autem quod dixerat in generali, manifeſtat in ſpeciali, ibi, *Quoniam gratis Evangelium Dei evangelizavi vobis?* & facit duo. Primo offendit quomodo ſine ſumptibus prædicavit eis in primo adventu ad eos; ſecundo offendit quod idem fecit in mora quam apud eos contraxit, ibi, *Et cum eſſem apud vos, & egerem, nulli oneratus fui.* Circa primum duo facit. Primo proponit quod intendit, ſcilicet humiliationem, dicens: In hoc (b) humiliavi meipſum, *quoniam evangelizavi vo-*

(a) *Al.* minus ſeciſſem. (b) *Al.* humilians.

his gratis, idest sine sumptu; (a) non autem pro mercede, quia hoc non est laudis: licet enim omnes possint capere sumptus personæ ab eis quibus proponunt verbum Dei; nullus tamen prædicare debet pro mercede, & quæstu. Secundo, quia possent dicere isti, Unde ergo accepisti sumptus? respondet, quod ab aliis Ecclesiis, dicens: *Ecclesias alias expoliavi accipiens ab eis stipendium ad ministerium* (b) vestrum. Ex hoc convincit eos, quod non possint dicere Apostolo, quod non liceret ei accipere ab eis. Si enim accipitur ab aliis ad servitium

eorum, multo magis liceret ei accipere ab ipsis. Ex hoc etiam apparet quod legatus Papæ visitans unam partem legationis, potest accipere stipendia; & quod dominus Papa pro necessitate unius patriæ, potest accipere subsidium ab aliis partibus mundi. Ratio est, quia Ecclesia est sicut unum corpus. Videmus autem in corpore naturali, quod natura, quando deficit virtus in uno membro, subministrat humores, & virtutem, accipiens ab aliis membris.

L E C T I O III.

ET cum essem apud vos, & egerem, nulli onerosus fui. Nam quod mihi deerat, suppleverunt fratres qui venerant a Macedonia, & in omnibus sine onere me vobis servavi, & servabo. Est veritas Christi in me, quoniam hæc gloriatio non infingetur in me in regionibus Achaïæ. Quare? Quia non diligo vos? Deus scit. Quod autem facio, & faciam, ut anputem occasionem eorum qui volunt occasionem; ut in quo gloriantur, inveniantur sicut & nos. Nam eiusmodi pseudoapostoli sunt operarii subdoli, transfigurantes se in Apostolos Christi. Et non mirum: ipse enim satanas transfigurat se in Angelum lucis. Non est ergo magnum, si ministri eius transfigurentur velut ministri iustitiæ; quorum finis erit secundum opera ipsorum.

Ostenso quod quando primo eis prædicavit in ipso adventu, evangelizavit eis gratis, hic ostendit quod nec etiam contrahendo moram apud eos, accepit ab eis sumptus: & primo hoc ostendit; secundo vero respondet cuidam tacitæ quæstioni, ibi, *Nam quod mihi deerat, suppleverunt fratres*. Dicit ergo: Non solum quando primo veni ad vos, non accepi a vobis sumptus; sed etiam *cum essam apud vos diu, & etiam egerem*: ut ostendat quod non dimisit eis sumptus propter divitias: nulli onerosus fui, aliquid ab aliquo accipiendo. In quo apparet causa quare dimisit: quia Corinthii propter avaritiam eis innatam, reputabant sibi onus ministrare sumptus. I. Corinth. ix. 12. „Non sumus usi hac potestate; sed omnia sustinemus, nequod ostendiculum demus Evangelio Christi.“ Sed possent isti dicere: Unde ergo habuisti necessaria? Et ideo respondet dicens, quod ab aliis Ecclesiis. Ideo scilicet nihil accepi, quia illud quod mihi deerat, scilicet a pretio quod lucrabatur nocte laborando manibus suis apud Aquilam & Priscam: erat

enim scænofactoriæ artis, per quam lucrabatur sibi necessaria. Act. 20. 34. „Ad ea quæ mihi opus erant, & his qui mecum sunt, ministraverunt manus istæ.“ Illud ergo quod (c) deerat, non dedistis vos, sed suppleverunt fratres qui venerant a Macedonia, scilicet Philippenses, qui erant valde liberales. Unde de hoc in Epistola ad Philippenses commendat eos. Philip. ult. 15. „Nulla Ecclesia communicavit mihi in ratione dati, & accepti, nisi vos.“ Sed Corinthii erant avari.

Consequenter cum dicit, *Et in omnibus sine onere me vobis servavi, & servabo*, ostendit quomodo se habebit in hoc ad eos in futurum, dicens, quod etiam sine onere vult se habere ad eos: & circa hoc duo facit. Primo ponit suam rationem communem; secundo confert eam, ibi, *Est veritas Christi in me*. Dicit ergo: Non solum feci hoc, scilicet quod gratis vobis evangelizavi, & nulli onerosus fui; sed etiam in omnibus servabo me vobis sine onere, sicut ulque modo servavi, non dure reprehendendo, non severe corrigendo, nec vestra acci-

(a) *Al.* non autem sine mercede: forte sine mercedis. (b) *Al.* vestrum. (c) *Al.* dixerat.

accipiendo. Añ. xx. 33. „ Argentum, & aurum, aut vellem nullius concupivi. „ Num. xvi. 35. „ Tu scis quod nec asellum quidem acceperim ab eis: „ dicit Moyses ad Dominum. Samuel dicit, I. Reg. xxi. 3. „ Loquimini de me . . . si oppressi „ aliquem, si de manu cuiusquam munus „ accepi. „ Et quod ita facturus sit, confirmat ex duobus. Primo ex eo qui loquitur in ipso, scilicet Christo, qui est veritas, a qua non potest esse falsum: & ideo dicit: *Est veritas Christi in me*: quasi dicat: Hoc quod dixi, verum est, quia veritas Christi loquitur in me. Infra ult. 3. *An experimentum quartis eius qui in me loquitur Christus?* Vel hoc potest accipi per modum iurantis; quasi dicat: Deus, qui est veritas, & est in me scrutans corda, sit mihi testis, quod ita servabo me. Rom. x. 9. „ Testis est mihi Deus, cui servio „ in spiritu meo, in Evangelio Filii eius. „ Secundo ex eo quod non intendit minuere gloriam suam, sed augere. Apostolus enim attribuebat sibi apud Christum ad magnam gloriam, quod ipse solus inter Apostolos sine sumptu prædicabat Corinthiis; & ideo dicit: *Ideo servabo me sine opere, quoniam non infringatur*, id est non minuetur in hac gloria, quod scilicet gratis prædico vobis, & quod a licitis abstineo propter salutem vestram, quæ quidem est gloria Christi: quia ipse glorificatur per hoc in me, vel quia ego hanc gloriam habeo specialiter apud Christum: quæ quidem refringeretur in regionibus Achaia, ubi Corinthus erat metropolis, si receperit ab eis: quia avari erant: habitabant enim in maritimis, & erant intenti mercationibus, & tales consequerentur esse avari. I. Corinth. ix. 15. „ Bonum est mihi magis mori quam „ ut gloriam meam quis evacuet. „

Consequenter cum dicit, *Quare? Quia non diligo vos? Deus scit*, ponit causam quare non accipit sumptus ab eis: & circa hoc duo facit. Primo excludit falsam causam; secundo asstruit veram, ibi, *Quod autem facio, & faciam*. Circa primum sciendum est, quod pseudo imponebant Apostolo, quod ideo non recipiebat a Corinthiis sumptus, quia non diligebat eos, & quia non intendebat eis benefacere, & servire. Dicit ergo: *Quare scilicet hoc facio? Quia non diligo vos?* id est, pro odio quod habeo ad vos, sicut dicunt pseudo? *Deus scit*, quod diligo vos, & quod non pro odio hoc facio. Ioan. ult. 15. „ Domine tu scis „ quia amo te. „ Sic ergo exclusa cau-

sa falsa, sequitur vera, ibi, *Quod autem facio, & faciam*. Et circa hoc duo facit. Primo ponit veram causam; secundo rationem huius assignat, ibi, *Nam eiusmodi pseudopostoli sunt operarii subdoli*. Circa primum sciendum est, quod pseudo, ut dictum est, quærebant lucra, & gloriam propriam; & ideo, ut in reverentia haberentur, nitebantur exteriori sequi vestigia Apostoli, vel etiam si potuissent, excellerent ipsam. Dicit ergo Apostolus: Si ergo volunt me imitari, in hoc imitentur, ut nihil accipiant. Et quia sciebat, quod pseudo prædicabant ut acciperent, & per consequens quod non prædicarent, si desiceret eis lucrum; dicit: *Quod facio, ideo facio: & faciam hoc*, non propter odium, sed ut amputem occasum eorum, scilicet pseudo, accipiendo vestra, eorum scilicet pseudo quæ volunt, supple, meo exemplo, habere occasum accipiendo vestra. Sciebat enim, secundum Ambrosium, quod si non acciperent, non diu prædicarent. E contrario dicitur Proverb. ix. 9. „ Da occasionem sapienti, „ & addetur ei sapientia. Doce iustum, „ & festinabit accipere. „ Et hoc, ut tales inveniantur, scilicet pseudo, sicut & nos, scilicet non accipientes pecunias, sicut & nos non accipimus. In quo quidem ipsi gloriantur, scilicet quod imitantur nos; & ego nolo, si perfecte volunt nos imitari, quod accipiant. I. Corinth. vii. 7. „ Volo „ omnes homines esse sicut & me, „ scilicet non accipientes: ut in quo gloriantur, inveniantur sicut & nos. Hoc legitur tripliciter. Uno modo sic. Ut inveniantur tales, supple sicut & nos, non accipiendo, sicut nec nos accipimus, & per consequens a prædicatione cessando; in quo, scilicet esse tales sicut & nos, gloriantur: contendebant enim esse similes veris Apostolis. Secundo modo sic. Ut in eo in quo gloriantur, scilicet accipiendo, quia hoc solum quærebant, inveniantur sicut & nos, id est similes nobis, cessando scilicet, & desistendo ab acceptione, ut nobis assimilentur. Tercio modo sic. Ut in eo in quo gloriantur, scilicet in non accipiendo, dicunt enim se nihil accipere, inveniantur sicut & nos, id est non meliores nobis, ne scilicet possint se in hoc nobis præferre. Nam eiusmodi pseudopostoli sunt operarii subdoli. Hoc continuatur tripliciter. Primo modo sic. Ita gloriantur, & contendunt, non sicut nos: nam eiusmodi pseudopostoli sunt operarii subdoli. Secundo modo sic. Et vere desistunt accipere, ut nobis assimilentur: nam eiusmodi

Iterum dico (ne quis me putet insipientem esse: alioquin veluti insipientem accipite me, ut & ego modicum quid glorier) quod loquor, non loquor secundum Deum, sed quasi in insipientia, in hac substantia gloriæ. Quoniam multi gloriantur secundum carnem, & ego gloriabor. Libenter enim suffertis insipientes, cum sitis ipsi sapientes. Sustinetis enim si quis vos in servitute redigit, si quis devorat, si quis accipit, si quis extollitur, si quis in faciem vos cædit. Secundum ignobilitatem dico, quasi non infirmi fuerimus in hac parte.

Supra Apostolus induxit Corinthios ut patienter sustinerent suam commendationem, ostendens quod hoc faciebat ex zelo quem habebat ad eos, quia zelus ille erat rationalis, & ordinatus; hic autem consequenter ponit aliam rationem, per quam ostendat, quod dato quod insipienter ageret, nihilominus tamen deberent eum supportare. Unde in ista ratione procedit ex suppositione stultitiæ. In hac autem parte duo facit: primo enim proponit suam petitionem; secundo rationem dictorum assignat, ibi, *Quod loquor, non loquor secundum Deum*. In petitione autem sua duo facit: primo enim petit quod non reputent eum insipientem, quod pertinet ad præmissam rationem; & ideo dicit: *Iterum dico*, quod ex quo zelus meus est rationalis, & ego rationaliter commendo me, *ne quis*, scilicet vestrum, *me reputet insipientem*. Secundo petit, quod dato quod insipienter agat, tamen supportent eum, & hoc pertinet ad rationem hanc: & ideo dicit: *Alioquin*, idest si non rationaliter commendo me, & penitus velitis me ex hoc insipientem reputare, tamen accipite, idest supportate me, *velut insipientem*. Et dicit *velut*: quia licet ipsi reputent eum insipientem, in hoc tamen in rei veritate non est insipiens. *Accipite me*, inquam, *velut insipientem, ut & ego modicum quid glorier*. Et dicit *modicum*, quia infra commendabit se de gloria quæ est secundum carnem, quæ valde modica est. Job xiv. 6. „Homo putredo, & filius hominis vermis.“ Eccli. x. 9. „Quid superbis terra, & cinis? Rationem autem dictorum assignat, dicens: *Quod loquor, non loquor secundum Deum*. Dixerat autem tria. Primo quia (a) supposuit insipienter commendare seipsum; secundo quod vult gloriarī; tertio quod sustineant eum. Et horum trium rationem assignat: & primo de hoc quod supposuit insipienter commendare se; secundo quare vult gloriarī, ibi,

Quoniam multi gloriantur secundum carnem, & ego gloriabor; tertio quod debeant eum supportare, ibi, *Libenter enim suffertis insipientes, cum sitis ipsi sapientes*. Dicit ergo primo: Ratio quare debetis insipientem accipere me, est quia illud quod loquor in hac substantia gloria, idest in commendatione carnis, quæ a quibudam appetitur, ac si per eam debeant subsistere, non loquor secundum Deum, sed quasi in insipientia. Et dicit (b) ex hypocheli, sicut illud quod supra dixit, *Velut insipientem*: unde ibi posuit *velut*, hic ponit *quasi*; ac si diceret: Si non rationaliter commendarem me, tunc illud quod loquor in commendatione mea, non est secundum Deum, idest secundum rationem divinæ sapientiæ. Et tunc merito acciperetis me non secundum Deum loqui, sed insipienter. Supra x. 18. *Non enim qui se ipsum commendat, ille probatus est, sed quem Deus commendat*. Proverb. xxvi. 2. „Lau-“, det te alienus, & non os tuum; ex-“, traneus, & non labia tua. “ Rationem autem suæ commendationis, & gloriæ ostendit subdicens: *Quoniam multi gloriantur secundum carnem, & ego gloriabor*. Ubi sciendum est, quod pseudo, quia ex ludæis erant, gloriabantur secundum carnem, dicentes se esse filios Abraham, & ex hoc volebant haberi in reverentia a Corinthiis, & auctoritate. Dicit ergo Apostolus: Dato quod sit insipientia quod glorier secundum carnem, tamen quoniam multi, scilicet pseudo, gloriantur secundum carnem, & ego etiam gloriabor secundum carnem. Proverb. xxvi. 3. „Responde stulto secundum stultitiam suam, ne tibi sapiens videatur. “

Sed contra est, quia Seneca dicit: „Summa malorum est, quod ad exemplum (c) vivitur malorum:“ & Exod. xxxiii. 2. „Non sequaris turbam ad faciendum malum.“ Non ergo Apostolus debet gloriarī secundum carnem, eo quod pseudo gloriantur.

Re-

(a) *id.* supponit. (b) *id.* ex hypocheli. (c) *id.* auctoritate.

Respondeo: Dicendum est, quod licet sit eadem materia gloriatiois, non tamen est eadem intentio, & idem finis: quia pseudo commendabant se propter gloriam propriam, & ut ipsi haberentur in auctoritate, & possent lucrari; Apostolus autem gloriam haurit, ut verbum Dei per eum prædicatum, esset maioris auctoritatis, & ponderis, & fructum faceret Christo.

Rationem autem quare debeant eum supportare, subdit dicens: *Libenter enim suffertis insipientes, cum suis ipsi sapientes.* Et primo ponit rationem hanc, quod scilicet debeant eum supportare. Possent enim dicere: Quare debemus te supportare, si es insipiens? Et dicit Apostolus, quod ideo quia cum vos ipsi sitis sapientes in oculis vestris, & in vestra reputatione, *libenter suffertis*, id est etiam consuevit supportare, *insipientes*, pseudo scilicet. Secundo ostendit in quo supportent insipientes: & ponit quinque gravia quæ sustinebant a pseudo. Primum est iugum servitutis; & quantum ad hoc dicit: *Sustinetis enim, si quis, id est aliquis pseudo, redigit vos in servitutem*; quasi dicat: Per Christum liberati fuistis a servitute legis, quæ est in timore, & reduci etiam in libertatem filiorum Dei, quæ est in caritate. Galat. iv. 31. „Non sumus ancillæ filii, sed liberæ:“ & tamen vos sustinetis pseudo, qui ex huiusmodi libertate redigunt vos in servitutem legis: quia cogunt vos servare legalia. Galat. v. „Nolite iugo servitutis iterum contineri.“ Multo ergo magis deberis sustinere me, qui volo vos præservare in libertate Christi, quam pseudo, qui vult vos reducere in servitutem legis. Secundum est grave valde, scilicet quod pseudo vivunt de bonis vestris laute, nos vero non. Supra

viii. 13. *Non ut aliis sit remissio, vobis autem tribulatio; sed ex æqualitate.* Et ideo dicit: *Si quis devorat.* Matth. xxiii. 14. „Væ qui comeditis domos viduarum, orationes longas orantes: propter hoc amplius accipietis iudicium.“ Tertium grave est depredatio, & expoliatio: quia isti ad litteram blandis verbis, & prætextu pietatis accipiebant eis omnia: & quantum ad hoc dicit: *Si quis accipit*, id est, blande decipit subtrahendo vestra. Rom. xvi. 18. „Per blandos sermones seducunt corda insipientium.“ Quartum grave est nimia insolentia super eos cum Corinthiorum contemptu: ideo dicit: *Si quis extollitur*, insatando se importune. Eccli. vi. 2. „Non te extollas in cogitatione animæ tuæ velut taurus.“ Quintum grave est illatio opprobriorum: nam pseudo non solum tam gravia eis inferebant, sed super hoc addebant impropria, dicentes eis iniurias, & maxime de ignobilitate. Nam quia ipsi erant Iudæi, & cultores unius Dei, dicebant se nobiles esse, & Corinthios ignobiles: quia non erant de semine Abraham, nec circumcisi, & quod de idolatris: & quantum ad hoc dicit: *Si quis in faciem vos cadit*, id est, coram vobis inserti contumelias, & dicit iniurias. Et huiusmodi iniuriæ sunt secundum ignobilitatem, quam vobis obiciunt, (a) vel ignominiam quam inserunt; & tamen illos sustinetis, & nos non; quasi nos fuerimus infirmi in hac parte gloriæ, quam attribulistis eis, præferendo eos nobis; præsertim cum pseudo dicant, quod ideo nos non dicimus, nec facimus vobis ista, quia nos sumus infirmi in hac parte; id est, quia sumus ignobiles. I. Corinth. iv. 10. „Nos infirmi, vos autem fortes, vos nobiles, nos autem ignobiles.“

L E C T I O V.

IN quo quis audeat (in insipientia dico) audeo & ego. Hebræi sunt, & ego: Israelitæ sunt, & ego: semen Abraham sunt, & ego: ministri Christi sunt, & ego: ut mirus sapiens dico, plus ego: in laboribus plurimis, in carceribus abundantius, in plagis supra modum, in mortibus frequenter. A Iudæis quinquies quadragenas, una minus, accepi. Ter virgis cæsus sum, semel lapidatus sum, ter naufragium feci, nocte, & die in profundo maris fui, in ximeribus sæpe, periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis in falsis fratribus.

Postis rationibus suæ commendationis, circa hoc duo facit: primo enim adæquat se pseudo, & aliis qui commendabant se; consequenter incipit se commendare; & secundo præfert se eis, ibi, *Ut minus sapiens*.

(a) *Al. emittit vel ignominiam quam inserunt.*

piens dico. Adæquat autem se Apostolus eis in gloria. Est autem gloria duplex. Una secundum carnem, quæ modica est, & commendanda: unde ipse dicit Philip. 111. 7. „Sed quæ mihi fuerunt luera, arbitratus sum propter Christum detrimenta.“ Alia est secundum Christum: quia „magna gloria“ est sequi Dominum, „Eccli. 11. 38. & hæc est querenda. Galat. ult. 14. „Mihi“ abest gloriari nisi in cruce Domini nostri „Iesu Christi.“ Et ideo Apostolus adæquat se eis quantum ad utramque gloriam: & primo quantum ad primam; secundo quantum ad secundam, ibi, *Ministri Christi sunt (ut minus sapiens dico) plus ego.* Et primo adæquat se eis in generali, dicens: Recipiatis me insipientem, si tamen insipientia est: ex hypothesi enim loquitur: quia si quis ansus est præsumere de se, & commendare se, & ego possum audere, & commendare me in eodem in quo ipse commendat se, quia non subest eis maior causa suæ commendationis quam mihi. Et hoc dico in insipientia; idest, dico, quod insipienter agam; cum tamen ipse sapienter ageret, cum hoc non faceret pro sui iactantia, sed ut pseudo humiliaret. Supra eodem: *Existimo me non minus fecisse a magnis Apostolis: nam utsi imperitus sermo, sed non scientia.* Secundo cum dicit, *Hebræi sunt, & ego,* adæquat se eis in speciali, ostendens per singula se parem eis esse, in quibus pseudo gloriabantur. Commendatio autem illorum, & gloria erat de tribus. Primo de natione, & lingua, quia dicebant se Hebræos; secundo de genere, quia dicebant se esse de genere Israel; tertio de promissione, quia dicebant se esse participes promissionis Abraham, cum essent de semine eius: & quantum ad hæc tria adæquat se eis. Primo quantum ad nationem, & linguam, dicens: *Hebræi sunt, & ego,* scilicet lingua, & natione, quasi dicat, ita sicut & illi. Et notandum est, quod, secundum quod quidam dicunt, Hebræi dicuntur ab Abraham, quia ante eum de facili non invenitur illud nomen. Potest tamen dici, & forte melius, quod dicuntur a quodam Heber, de quo habetur Gen. 11. 14. „Vixit Sale triginta annis, & genuit Heber:“ & sequitur: „Vixit Heber triginta tribus annis, & genuit Phalech.“ Et tempore eius fuerunt divisæ linguæ; & lingua Hebræorum remansit in familia sua. Secundo adæquat se eis quantum ad genus, dicens: *Israelita sunt, & ego,* scilicet secundum ritus. Tertio quantum ad tertium, dicens: *Semen Abraham sunt, & ego.* Et de istis tribus dicitur

Philip. 111. 4. „Si quis alius sibi con-“ fidere videtur, ego magis circumcissus o-“ navo die, „quantum ad tertium;“ ex „genere Israel de tribu Benjamin,“ quan-“ tum ad secundum; „Hebræus ex Hebræis,“ quantum ad primum. Rom. 11. 1. „Nam“ ego Israelita sum ex semine Abraham, de „tribu Benjamin.“ Sic ergo patet quod non sum minor eis quantum ad gloriam quæ est secundum carnem; sed nec etiam quan-“ tum ad gloriam quæ est secundum Christum: quia *ministri Christi sunt;* idest, dicunt se sic, ut decipiant vos; & ego sum mini-“ ster Christi. I. Corinth. 14. 1. „Sic nos“ existimet homo ut ministros Christi. „Su-“ pra 111. 6. *Qui & nos idcirco fecit ministros novi testamenti.*

Consequenter cum dicit, *Ut minus sapiens dico, plus ego,* præfert se omnibus Apostolis, & pseudo: & primo quantum ad mala perpeffa; secundo quantum ad beneficia recepta, & hoc 111. cap. ibi, *Si gloriari oportet (non expedit quidem) veniam autem ad visum, & revelationis Domini.* Circa primum duo facit. Primo præfert se quantum ad mala quæ pertulit; secundo quantum ad modum quo mala vitavit, ibi, *Damasci præpositus Gentis Aretæ Regis, custodi-“ bat civitatem Damascus, ut me compre-“ henderet.* Circa primum tria facit. Primo proponit se aliis præferendum; secundo ostendit in quo sit præferendus, ibi, *quia in laboribus plurimis.* Et, tertio confirmat quædam dictorum, ibi, *Si gloriari oportet, quia infirmitatis nota sunt gloriabor.* Dicit ergo: Si videor insipiens vobis, quia commendo me, & adæquo me aliis, quanto magis videbor vobis minus sapiens, si præferam me eis? Et ideo dicit: Non solum sum minister Christi, sicut & illi, sed ut minus sapiens, secundum vestrum iudicium, dico, quod ego sum plus minister Christi quam illi, & quantum ad hoc dicit se præferendum esse. Rom. 11. 13. „Ministerium meum honorificabo,“ præponendo scilicet illud ministerio aliorum. In quo autem sit præferendus, ostendit dicens, quia *in laboribus plurimis.* Et, quasi dicat: In hoc plus ego, quia sum magis offensus minister Christi: & hoc primo quantum ad mala illata; secundo quantum ad mala sponte assumpta, ibi, *in itineribus sape.* Mala autem illata primo ponit in generali, dicens: *Plus ego,* sum scilicet offensus minister, *in laboribus plurimis,* quam illi, etsi aliquos labores pertulerint. I. Corinth. 14. 10. „Ab-“ undantius omnibus illis laboravi.“ Secundo enumerat ista mala in speciali; &

T t t hoc

S. Th. Oper. Tom. VI.

hoc primo quantum ad carceris squalores, quia in *carceribus abundantius*, scilicet quam illi. *Act. xvi. 23.* „Cum multas plagas illis intulissent (scilicet Paulo, & sociis) „miserunt in carcerem.“ Secundo quantum ad flagellorum dolores, quia in *plagis*, scilicet offensum sum, *supra modum* aliorum, scilicet modum humanæ virtutis; vel *supra modum* humanæ consuetudinis. *Supra vi. 5.* „In plagis, in carceribus, in seditionibus, in laboribus, in vigiliis, in ieiuniis &c.“

Sed contra. I. Corinth. x. 13. „Fidelis „Deus, qui non permittit vos tentari supra id quod potestis.“ Non ergo supra modum humanæ virtutis. Respondeo: Dicendum est, quod Deus non permittit nos tentari sine adiutorio gratiæ divinæ; & ideo dicebat Apostolus I. Corinth. xv. 10. „Non autem ego, sed gratia Dei mecum.“

Et quantum ad mortis terrorem: unde dicit, *In mortibus frequenter*, idest in periculis, & terroribus mortis: unde dicebat ipse Rom. viii. 36. „Mortificamur tota „die.“ I. Corinth. xv. 31. „Quotidie „morior propter gloriam vestram.“

Sed consequenter cum dicit, *A Iudæis quinquies quadragenas, una minus accepi.* Manifestat duo ultima pericula quæ perpessus est: & primo periculum plagarum; secundo periculum mortis. Plagarum autem periculum manifestat per ipsa perpeffa a Iudæis, scilicet Iudæis; & ideo dicit: *A Iudæis quinquies quadragenas, una minus, accepi.* Notandum est autem, quod, sicut dicitur Deut. xxv. 1. „pro mensura delicti „erit plagarum modus, ita dumtaxat „ut quadragenarium numerum non excedant; ne scæde laceratus ante oculos tuos „abeat frater tuus.“ Ex quo habetur quod homines pro minoribus peccatis debent flagellari, ita tamen quod flagellatus non reciperet ultra quadraginta plagas. Iudæi autem, ut viderentur misericordes, semper faciebant citra mandatum legis, dantes pauciores quam quadraginta, secundum quod eis videbatur. Quia ergo odio habebant Paulum, quando flagellabant eum, dimittebant sibi de numero prædicto, quantum minus poterant, scilicet unam tantum minus, dantes sibi trigintanovem. Et hoc est quod quinque vicibus accepit, idest recepit, quadraginta plagas, minus una plaga, idest trigintanovem. Secundo manifestat pericula perpeffa ab extraneis, scilicet a Gentibus, dicens: *Tor virginis casus sum.*

Act. xvi. 23. „Magistratus, scissis eorum „tunicis, iussit eos virginis cædi.“ Item *xxii. 24.* „Iussit eum tribunus duci in castra, & flagellis cædi, & torqueri eum „&c.“ Pericula vero mortis illata, & primo pericula mortis illata ab hominibus, ostendit dicens: *Semel lapidatus sum.* Hoc fuit in civitate Licaoniæ, ubi obrutus lapidibus, fuit quasi mortuus. *Act. xiv. 18.* „Lapidantes Paulum eiecerunt eum extra „civitatem, credentes eum mortuum.“ Secundo pericula mortis illata a periculis naturæ, & hæc sunt specialiter maris: & aggravat ea primo ex numero, quia *tor naufragium feci*, idest perituli; secundo ex continuitate, quia *noctæ & die in profundo maris fui*, quod est gravius, quia ad litteram dicit, quod cum pluries passus sit naufragium, tamen semel stetit sub aqua per diem & noctem, divina eum virtute protegente. Unde poterat dicere illud *Iona ii. 4. (a)* „Et proiecisti me in profundum in corde maris, & flumen circumdedit me.“

Enumeratis autem malis illatis, enumerat consequenter etiam mala assumpta, cum dicit, *In itineribus*: & primo, exteriora; secundo interiora, ibi, *Præter illa quæ extrinsecus sunt, instantia mea quotidiana, sollicitudo omnium Ecclesiarum.* Mala exteriora exprimit (b) primo quantum ad mala quæ contingant in itineribus; secundo quantum ad ea quæ eveniunt in domibus. Quantum ad primum primum ponit multipliciter itinerem, dicens, *In itineribus sape*, scilicet offensum sum ministro Christi, sustinendo multa dura, & gravia patienter. Rom. xv. 19. „Ab Hierusalem usque „in Illyricum per circuitum replevi Evangelium Christi.“ Et cum hoc multas alias vias fecit, & Romam, & in Hispaniam vadens. Psalm. xvi. 4. „Propter verum „ba labiorum tuorum ego custodivi vias „duras.“ Secundo enumerat periculum itinerum: & primo præmittit minora; secundo subdit gravius periculum, quod est in falsis tractibus. Præmittit autem tria, secundum quæ multa pericula passus est. Primo pericula secundum causas: & hoc vel ex causa naturali; & ideo dicit, *Periculis fluminum*: naturaliter enim flumina hieme excrefcent, & sunt rapida, & valde periculosa: vel ex malitia violentia; & quantum ad hoc dicit, *Periculis latronum*, quos excitabat ei diabolus, ut vel vestes ei auferrent. Job xix. 12. „Simul vene-

„ruut

(a) *Al.* Et proiecit. (b) *Al.* & quantum.

„runt latrones, & fecerunt sibi viam per
 „me, & obfederunt in gyro tabernacu-
 „lum meum. “Secundo enumerat pericu-
 „la merum inferentia; & hoc vel ex suis,
 unde dicit, *Periculis ex genere*, idest a lu-
 daeis procuratis: vel ab extraneis, & id-
 eo dicit, *Periculis ex Gentibus*, propter u-
 niuersi Dei prædicationem, qui eum capere
 volebant: & sic in suis, & in aliis non
 habebat requiem. Hierem. xv. 10. „Ut
 „quid me geouisti, mater mea, virum do-
 „loris, virum discordiæ in uniuersa ter-
 „ra? “Tertio enumerat pericula quan-
 „tum ad loca; & hoc vel quantum ad ci-
 „uitates, unde dicit, *Periculis in ciuitate*,
 idest in conuersionibus ciuitatum contra
 me; sicut fuit Ephesi, & apud Corinthum,

ut patet Act. xv. 21. & xix. vel quantum
 ad solitudines, & quantum ad hoc dicit,
Periculis in solitudine, quæ erant vel a
 bestiis malis, sicut quando vipera momor-
 dit maoum suum, Act. ult. quando congre-
 gavit sarmenta, vel ex penuria ciborum;
 vel quantum ad maria, & ideo dicit, *Peri-
 culis in mari*: non ex mari, sicut supra,
 (a) sed in mari, ut pericula quæ pro-
 ueniunt ex prædonibus, & pyratibus. Eccli.
 xlii. 26. „Qui navigant mare, enarrent per-
 „icula eius. “Sed grauius periculum sub-
 dit diceos, *Periculis in falsis fratribus*, id-
 est in falsis Christianis, & hæreticis, & in
 pseudo. Hierem. ix. 4. „Unusquisque
 „fratre suo se custodiat.”

L E C T I O VI.

IN labore, & ærumna, in vigiliis multis, in fame, in siti, in ieiuniis multis,
 in frigore, & nuditate: præter illa quæ extrinsecus sunt, instantia mea quoti-
 diana, sollicitudo omnium Ecclesiarum. Quis infirmatur, & ego non infirmor?
 Quis scandalizatur, & ego non uror? Si gloriari oportet, quæ infirmitatis meæ
 sunt, gloriabor. Deus & Pater Domini nostri Iesu Christi, qui est benedictus in
 sæcula, scit quod non mentior. Damasci præpositus gentis Aræthæ Regis custo-
 diebat civitatem Damascenorum, ut me comprehenderet; & per fenestram in
 sporta dimissus sum per murum; & sic effugi manus eius.

Hic consequenter enumerat mala spon-
 te assumpta, quæ sustinentur in do-
 mibus; & enumerat tria mala opposita tri-
 bus bonis quæ sunt necessaria ad vitam do-
 mesticam. Primum bonum est requies so-
 mni; secundum est sustentatio cibi; ter-
 tium est sumentum vestis. Requiæ ergo
 somni opponit laborem, & vigilias. Quan-
 tum ad laborem dicit, *In labore*, scilicet
 manuum. Act. xx. 34. „Ad ea quæ mihi
 „opus erant, & his qui mecum sunt, mi-
 „nistrauerunt manus istæ. “Ex ideo di-
 cit supra vi. 5. *In laboribus*, quia ad litte-
 ram, ut dictum est supra, manu sua victum
 quærebat. Et II. Thessal. iii. 8. „Nocte
 „& die laborantes, nequem vestrum gra-
 „varemus. “Quantum ad laboris dese-
 ctum dicit, *Et ærumna*, quæ est defectus,
 & languor consequens ex labore, vel ex
 morbo naturali. Psal. xxxi. 4. „Con-
 „uersus sum in ærumna mea. “Quan-
 tum vero ad vigilias dicit, *In vigiliis mul-
 tis*, vel in vacando prædicationibus de no-
 cte, vel operi manuali. Act. xx. dicitur,
 quod protraxit sermonem usque ad mediam

noctem. Sustentationi vero cibi opponit du-
 plicem subtractionem cibi: unam quæ est
 ex necessitate, unde dicit, *In fame*, & *si-
 ri*, quia scilicet ad litteram deficiebat li-
 bi aliquando cibus, & potus. I. Corinth.
 xv. 21. „Usque in hanc horam & esuri-
 „mus, & sitimus. “Aliam quæ est ex
 voluntate, unde dicit, *In ieiuniis multis*,
 scilicet voluntarie assumptis, & propter
 exemplum bonum, & propter maceratio-
 nem carnis. I. Corinth. ix. 27. „Castigo
 „corpus meum, & in servitutem redi-
 „go.”

Sed contra. Matth. vi. 33. „Hæc o-
 „mnia adiciuntur vobis, “scilicet tem-
 poralia. Quare ergo *in fame*, & *siti*? Re-
 spondeo: Dicendum est, quod quando ex-
 pediat, adiciuntur nobis, scilicet tempora-
 lia, & propter utilitatem nostram; sed
 aliquando expedit carere eis.

Fomento vero vestis opponit (b) duo:
 unum ex parte naturæ, undec dicit, *In fri-
 gore*; aliud ex parte inopiæ, unde dicit,
Et nuditate, scilicet ostensus sum, scilicet
 minister Christi. I. Corinth. ix. 21. „Na-

T t t 2 „di,

(a) Al. amittuntur sequentia usque ad sententiam Eccli. (b) Al. des. duo.

„ di, & instabiles sumus. “ Supra vi. 4. *In necessitatibus, in angustiis.*

Consequenter cum dicit, *Præter illa quæ extrinsecus sunt, instantia mea quotidiana, sollicitudo omnium Ecclesiarum*, enumerat mala assumpta interiora, quæ causantur ex sollicitudine cordis pro plebe. Bonus autem prælatus dupliciter affigitur pro subditis: & primo sollicitudine conservationis subditorum; secundo pro defectu ipsorum. Et istam duplicem afflictionem passus est Apostolus. Primam cum dicit: *Præter illa quæ extrinsecus sunt, instantia mea quotidiana, sollicitudo omnium Ecclesiarum*; quasi dicat: Præter omnia quæ exterius patior, & passus sum, angit me gravior interior afflictio, scilicet sollicitudo subditorum; & ideo dicit, *Instantia*. Omnium Ecclesiarum magna est, & multum gravat, quia multum sollicitat. Luc. x. 41. „Martha, Martha sollicita es, & turbaris erga plurima.“ Rom. xii. 8. „Qui præcellit, in sollicitudine.“ Secundam afflictionem passus est pro defectu subditorum; & hoc dupliciter, scilicet pro defectu spiritualium: unde dicit: *Quis infirmatur*, scilicet in fide, & bono, *& ego non infirmus?* in corde dolens de eo, sicut de me. I. Corinth. xii. 22. „Factus sum infirmis infirmus, ut infirmos lucrificarem.“ Micrem. ix. 1. „Quis dabit capiti meo aquam, & oculis meis fontes lacrymarum? & plorabo die, ac nocte interfectos filios populi mei.“ Item pro defectu corporalium: unde dicit: *Quis scandalizatur*, malo pœnæ, idest quis patitur tribulationes, *& ego non uxor?* igne compassionis. Ille est ignis quem Dominus venit mittere in terram, Luc. xxi. Et attende, quod congrue utitur hoc verbo *uxor*: quia compassio procedit ex amore Dei, & proximi, qui est ignis consumens, dum movet ad sublevandas miseras proximorum, & purgat ac affectu compassionis, & per quem nobis peccata relaxantur; caritas autem illius compassionis operit multitudinem peccatorum. Vel aliter. Aliquando enim labitur homo in peccatum ex seipso, & tunc infirmatur; aliquando autem ex malo exemplo aliorum, & tunc scandalizatur. Luc. xvii. & Matth. xviii. 7. „Vae homini illi per quem scandalum venit.“

Deinde cum dicit, *Si gloriari oportet, quia infirmitas mea sunt gloriabor*, confirmat quædam dictorum superius. Vel dic quod super loquitur quantum ad mala quæ pertulit

commendabiliter, hic autem quantum ad mala quæ vitavit prudenter. Sed quia vitare pericula quæ surgunt propter fidem, videtur pertinere ad infirmitatem; ideo primo præmittit, quod in illis quæ infirmitatis sunt vult gloriari; secundo proponit iuramentum ad confirmationem dicendorum, ibi, *Deus & Pater Domini nostri Iesu Christi* ... *scit quod non mentior*; tertio ostendit modum vitandi, ibi, *Damasci præpositus Gentis Areta Regis custodiebat civitatem Damascenorum, in me comprehenderat*. Proponit ergo primo de quibus gloriatur, si debet gloriari, dicens: *Si, pro quia oportet gloriari, quia sum infirmitatis mea gloriabor*; quasi dicat: Alii gloriantur in genere, & in aliis mundanis rebus: Philip. xii. 19. „Gloria in consensu ipsorum qui terrena“ sapiunt: „& ego etiam coactus, gloriantur in eis. Tamen si gloriari oportet, gloriabor in infirmitatibus meis: intraxi. 9. *Libenter gloriabor in infirmitatibus meis, ut inhabitet in me virtus Christi*. Secundo subdit quod non mentitur, invocans testimonium divinum per modum iuramenti, ut credatur sibi, dicens: *Deus & Pater Domini nostri Iesu Christi* ... *scit quod non mentior*. Ubi tria ponit. Unum, per quod inducit (a) ad timorem, unde dicit, *Deus*: Hicrem. x. 7. „Quis non timebit te, o Rex Gentium?“ aliud, per quod excitat ad amorem, unde dicit, *Pater*. Jacob. 1. 17. „Omne datum optimum, & omne donum perfectum desursum est, descendens“ a Patre luminum. „Malach. 1. 6.“ Si ego pater, ubi est amor meus? „vel secundum aliam litteram,“ honor meus. „Tertium, per quod movet ad reverentiam, & laudem, unde dicit, *Qui est benedictus Deus in sæcula*. Supra 1. 3. *Benedictus Deus & Pater Domini nostri Iesu Christi*. Ille ergo tam reverendus, tam diligendus, tam timendus, scit quod non mentior, scilicet in his quæ dixi, & dicturus sum. Supra i. 13. *Non enim est apud nos Est, & Non in illo*.

Consequenter cum dicit, *Damasci præpositus Gentis Areta Regis custodiebat civitatem Damascenorum, ut me comprehenderet*, ostendit quanta mala vitavit, & hoc in quodam particulari periculo. Ubi sciendum est, quod Apostolus primo cepit prædicare Christum in Damasco, ubi dum pergeret Christianos capere, prostratus est, & ad fidem conversus. Et ideo ludæi ad præpositum illius civitatis, qui erat ibi pro Areta

ta Rege, confugerunt, ut Paulum caperent, & occiderent. Et ideo ille faciebat custodiri nocte & die portas civitatis, ut dicitur Act. ix. Christiani autem qui erant ibi, volentes servare Paulum, eum submiserunt in sporta per murum, & sic evasit. Hunc ergo modum evadendi, tangit Apostolus dicens: Vere non mentior de hoc quod dico etiam modo: nam *Damasci prappositus gentis Areta Regis*, idest prappositus, qui sub Areta Rege, genti Damascenorum præerat, custodiri faciebat, inductus a ludæis, civitatem Damascenorum, ad hoc scilicet ut me comprehenderet, & comprehensum assignaret ludæis, ne amplius prædicarem; sed ego per fenestram submissus sum per murum, & sic effugi manus eius, scilicet prappositi. Et hoc fuit de mandato Domini dicentis, Matth. x. 23. „ Si vos „ persecuti fuerint in civitate ista, fugi- „ te in aliam. „ Sic Michol David depo- suit per fenestram, ne caperetur a Saule, I. Reg. xix. Sic Rahab exploratores dimisit cum sune per fenestram, Iosue 11.

Sed hic obicitur contra Apostolum, primo quia videtur quod non fuerit sufficienter confisus in Domino, sed fugit. Respon- deo: Dicendum est, quod quamdiu adest humanum auxilium, homo non debet con- fugere ad auxilium divinum, quia hoc ef-

set tentare Deum; sed debet illo uti au- xilio, quantum potest. Apostolo autem nondum deerat humanum auxilium.

Secundo obicitur, quia Ioan. x. 11. di- citur: „ Mercenarius autem, & qui non „ est pastor, videt lupum venientem, & „ fugit. „ Unde videtur quod non fu- erit bonus pastor. Respondeo: Dicendum est, quod aliquando queritur persona præ- lati tantum, aliquando cum prælato to- tus populus. Quando ergo queritur præ- latus solus, tunc debet committere curam alteri, & absentare se: & sic fecit (a) hic Paulus. Et ideo dicit Glossa quod licet fu- gerit, ramen fuit ei cura de ovibus, bono pastori in cælo sedenti eas commendando, & utilitati eorum se per sugam præser- vando. Quando vero queritur totus grex, tunc debet præponere utilitatem, & sal- utem gregis salutis corporis sui.

Nota autem, quod est quedam fuga hu- militatis, quando quis fugit honores, sicut Christus fugit (Ioan. vi.) cum vidisset quod vellent eum eligere in Regem (b). Sic Saul, cum electus fuit in Regem, abs- condit se domi, I. Reg. x. Quidam vero fuga est cautela, quando scilicet quis fugit periculum, ut præservetur ad maiora. Sic Elias fugit propter Iezabel, III. Reg. xix. & sic Apostolus hic fugit manus prappositi.

CAPITIS DUODECIMI

LECTIO I.

SI gloriari oportet (non expedit quidem) veniam autem ad visiones, & re- velationes Domini. Scio hominem in Christo ante annos quatuordecim (sive in corpore, sive extra corpus, nescio, Deus scit) raptum huiusmodi usque ad tertium cælum.

Posita sua commendatione quantum ad mala perpeffa, hic consequenter Apo- stolus commendans se, ostendit præemi- nentiam suæ dignitatis quantum ad bona divinitus recepta. Prima autem gloriatio fuit de infirmitatibus, ista vero de bonis eius: unde circa hoc duo facit. Primo com- mendat se de bonis iticeptis divinitus; se- cundo excusat se de hac commendatione, quod hoc fecerit quasi coactus, ibi, *Factus sum insipiens, vos me coegistis*. Circa primum

duo facit. Primo extollit magnitudinem eo- rum quæ sunt sibi collata a Deo; secundo manifestat remedium infirmitatis sibi adhi- bitum contra periculum superbix, ibi, *Et ne magnitudo revelationum extollar me, datus est mihi stimulus carnis mea*. Circa pri- mum duo facit. Primo ponit bonum sibi divinitus collatum; secundo ostendit quo- modo se habuit in gloriando de huiusmodi bono, ibi, *Pro huiusmodi gloriabor*. Circa primum duo facit. Primo ostendit quod hoc

fit

(a) Al. deest hic. (b) Al. repetitur hic superflue fugit.

fit sibi collatum divinitus, in generali; secundo vero in speciali, ibi, *Scio hominem in Christo ante annos quatuordecim ... raptum usque ad tertium caelum*. Bonum autem Apostolo collatum divinitus, sunt revelationes sibi divinitus factae, & de istis vult hic gloriari: unde dicit: *Si gloriari oportet*, id est quia gloriari oportet propter vos, tamen secundum se non expedit: quia qui gloriatur de bono recepto, incidit in periculum amittendi quod habet. Eccli. xlii. 15. „Aperti sunt thesauri (scilicet virtutum) „per gloriationem inanem, & evanuerunt „nebulae sicut aves. “ Et hoc significatur in Ezechia, Esa. xxxix. quando ostendit thesauros domus Domini nuntiis Regis Babylonis. Et licet simpliciter non expediat gloriari, tamen aliquando propter aliquam specialem causam potest homo gloriari, sicut ex praemissis manifestum est. Et ideo dicit: Quia gloriari oportet, id est dimissis commendationibus de infirmitatibus, vnam commendando me, ad visiones, & revelationes Domini. Ubi notandum est, quod differentia est inter visionem & revelationem. Nam revelatio includit visionem, & non e converso. Nam aliquando videntur aliqua quorum intellectus, & significatio est occulta videnti; & tunc est visio solum, sicut fuit visio Pharaonis, & Nabuchodonosor: Dan. ii. & Genes. xli. Sed quando cum visione habetur significatio intellectus eorum quae videntur, tunc est revelatio. Unde quantum ad Pharaonem, & Nabuchodonosor, visio de spicis, & de statua, fuit solum visio; sed quantum ad Ioseph, & Daniele, qui significationem visorum habuerunt, fuit revelatio, & prophetia. Utrumque tamen, scilicet visio, & revelatio, quandoque quidem fit a Deo. Dan. ii. 28. „Est Deus in caelo revelans „mytheria. “ Osee xii. 10. „Ego visiones multiplicavi eis. “ Psal. cxviii. 18. „Revela oculos meos, & considerabo mirabilia de lege tua. “ Quandoque vero a malo spiritu. Hierem. xxiii. 13. „Prophetæ prophetabant in Baal. “ Apostolo autem facta est & visio, & revelatio, quia secreta quae vidit, plene intellexit, a Domino, non a malo spiritu: (a) unde dicit: *Veniavi autem ad visiones, & revelationes Domini*. Est autem revelatio, amotio velamenti. Potest autem esse duplex velamen. Unum ex parte videntis; & hoc est infidelitas, vel peccatum, vel duritia cordis; & de hoc supra xli. 15. *Usque in he-*

diernum diem velamen positum est super caput eorum: aliud ex parte rei visae, quando scilicet res spiritualis proponitur alicui sub figuris rerum sensibilibus; & de hoc dicitur Num. xv. quod sacerdotibus tradebant levitis vasa sanctuarii, velata, quia scilicet debiliores non possunt spiritualia capere, secundum quod in seipis sunt. Et ideo Dominus loquebatur turbis in parabolis, Matth. xiii.

Consequenter visiones, & revelationes huiusmodi manifestat Apostolus in speciali, loquens de se tamquam de alio: unde dicit: *Scio hominem in Christo ante annos quatuordecim ... raptum usque ad tertium caelum*: & ponit duas visiones. Prima incipit hic; secunda vero incipit ibi, *Et scio huiusmodi hominem in Christo ... quoniam raptus est in paradisum*. Circa primam autem visionem utitur Apostolus quadam distinctione. Dicit enim se circa huiusmodi revelationem scire quaedam, & quaedam nescire. Dicit autem se scire (b) tria: scilicet videntis conditionem, unde, *Scio hominem in Christo*; visionis tempus, quia *ante annos quatuordecim*; & visionis salugium, quia *raptus usque ad tertium caelum*. Dicit autem se nescire videntis dispositionem, quia *in corpore, seu extra corpus, nescio*. Videamus ergo ea quae scivit, ut per nota ad ignota facilius pervenire possimus. Et primo videntis conditionem, quae est laudabilis, quia *in Christo*, id est conformem Christo.

Sed contra. In Christo nullus est nisi qui habet caritatem, quia I. Ioan. iv. 16. dicitur: „Qui manet in caritate, in Deo „manet. “ Ergo (c) scivit se habere caritatem, quod est contra illud Eccli. ix. 1. „Nescit homo utrum odio, vel amore „dignus sit. “

Respondeo, quod esse in Christo, potest intelligi dupliciter. Uno modo per fidem, & fidei sacramentum, secundum illud Apostoli Galat. iii. 27. „Quotquot baptizati estis, Christum induistis, “ scilicet per fidem, & fidei sacramentum; & hoc modo scivit se Apostolus in Christo esse. Alio modo dicitur aliquis esse in Christo per caritatem; & hoc modo nullus scit se esse in Christo certitudinaliter, nisi per quaedam experimenta, & signa, inquantum sentit se dispositum, & coniunctum (d) Christo, ita quod nullo modo etiam propter mortem permetteret se separari ab eo: & hoc de se expertus erat Apostolus, cum

(a) Al. unde dicit, Domini. (b) Al. certe, ism certa. (c) Al. sciat. (d) Al. in Christo.

cum dicebat Rem. viii. 38. „Certus enim sum quod neque mors, neque vita, neque Angeli, neque Principatus, neque Virtutes, neque instantia, neque furor, neque fortitudo, neque altitudo, neque profundum, neque creatura alia, separabit nos a caritate Dei. “ Unde potuit habere huiusmodi signa, quod esset in caritate Christi.

Secundo visionis tempus, quod fuit conveniens, quia, ante annos quatuordecim: quia quatuordecim anni transacti erant ab eo tempore quo viderat visionem usque ad tempus quo scripsit hanc Epistolam: quando enim hanc Epistolam scripsit, nondum Apostolus erat positus in carcerem: & sic videtur quod fuit circa principium imperii Neronis, a quo post multum tempus occisus fuit. Unde si computemus annos descendentes a principio imperii Neronis, usque ad quatuordecim annos, manifeste apparet quod Apostolus habuit has visiones in principio sue conversionis. Ipse enim conversus fuit ad Christum anno quo Christus passus est. Christus autem passus est circa finem Tiberii Cæsaris, quo mortuo successit Caius Imperator, qui vixit quatuor annis; post quem (a) Nero factus est Imperator. Et sic inter Tiberium & Neronem fluxerunt quatuor anni. Et sic ad dictis duobus annis de tempore Tiberii, quia nondum mortuus erat quando Paulus fuit conversus, & octo de tempore Neronis, quod fluxerat usque ad tempus quando scripsit hanc Epistolam; relinquatur quod a tempore sue conversionis usque ad tempus quo hanc Epistolam scripsit, fuerunt anni quatuordecim. Et ideo quidam dicunt satis probabiliter, quod Apostolus has visiones habuit in illo triduo, quo post prostrationem suam a Domino stetit neque videns, neque manducans, neque bibens: Act. ix. Commemorat autem tempus sue conversionis Apostolus, ut ostendat quod si a tempore sue conversionis tantum erat gratus Christo, ut talia sibi ostenderet; quanto magis post quatuordecim annos, cum profecerit & in auctoritate apud Deum, & in virtutibus, & gratia.

Tertio videamus fastidium visionis, quod quidem est excellens, quia raptus usque ad raptum calum. Sed sciendum, quod aliud est furari, & aliud rapi. Furari quidem proprie est, cum res alicui latenter auferatur: unde Genes. xl. 13. dicebat Ioseph: „Furtim sublatum sum. “ Sed rapi pro-

prie dicitur quod subito, & per violentiam auferatur. Job vi. 15. „Sicut torrens, qui raptim (id est subito, & rapide) transit in convallibus. “ Inde est quod prædones, qui violententer expoliant, dicuntur raptores. Sed attende, quod aliquis homo dicitur rapi ab hominibus, sicut Enoch: Sap. xv. 11. „Raptus est ne malitia mutaret intellectum eius. “ Aliquando rapitur anima a corpore: Luc. xii. 20. „Stulte, hac nocte animam tuam repetent a te. “ Aliquando aliquis dicitur rapi a se ipso, quando propter aliquid homo efficitur extra seipsum, & hoc est idem quod extasis. Sed extra seipsum efficitur homo & per appetitivam virtutem, (b) & per cognitivam. Per appetitivam enim virtutem homo est solum in seipso quando curat quæ sunt sua tantum; efficitur vero extra seipsum quando non curat quæ sunt sua, sed quæ perveniunt ad bona aliorum; & hoc facit caritas. I. Corinth. xiii. 5. „Caritas non querit quæ sua sunt. “ Et de hac extasi dicit Dionysius xv. cap. de divin. Nomin. „Est autem extasis faciens divinus amor, non sine amatores sui ipsius esse, sed amatores, “ scilicet rerum amatarum. Secundum cognitivam vero aliquis efficitur extra se quando aliquis extra naturalem modum hominis elevatur ad aliquid videndum; & de isto raptu loquitur (c) hic Apostolus. Sed sciendum, quod modus naturalis humanæ cognitionis est ut cognoscat simul per vim mentalem, quæ est intellectus, & corporealem, quæ est sensus. Et inde est quod homo non habet in cognoscendo liberum iudicium intellectus, nisi quando sensus fuerint in suo vigore bene dispositi, absque aliquo ligationis impedimento; alias cum impediuntur, etiam iudicium intellectus impeditur, sicut in dormientibus patet. Tunc ergo homo efficitur extra se secundum cognitivam, quando removetur ab hac naturali dispositione cognitionis, quæ est ut intellectus ab usu sensuum, & sensibilibus rerum abstractus ad aliqua videnda moveatur. Quod quidem contingit dupliciter. Uno modo per defectum virtutis, undecumque talis defectus contingat; sicut accidit in freneticis, & aliis mente captis; & hæc quidem abstractio a sensibus non est elevatio hominis, sed potius depressio, quia virtus eorum debilitatur. Alio vero modo per virtutem divinam, & tunc proprie dicitur elevatio: quia cum agens assimilet si-

(a) Id est Claudius Nero, seu filius Neronis Claudii Drusi. (b) Affectus & cognitivam. (c) Affectus, emittitur hic

bi patiens, abstrahio quæ fit virtute divina, & est supra hominem, est aliquid altius quam sit hominis natura. Et ideo raptus sic acceptus, definitur sic: Raptus est ab eo quod est secundum naturam in id quod est supra naturam, in vi superioris naturæ, elevatio. In qua quidem definitione tangitur eius genus, dum dicitur elevatio; causa efficiens, quia vi superioris naturæ; & duo termini motus, scilicet a quo, & in quem, cum dicitur ab eo quod est secundum naturam in id quod est supra naturam.

Sic ergo patet de raptu; sequitur de termino raptus, scilicet ad quem, cum dicitur, *Uquo in tertium cælum*. Notandum est autem, quod tertium cælum tripliciter accipitur. Uno modo secundum ea quæ sunt infra animam; alio modo secundum ea quæ sunt in anima; tertio modo secundum ea quæ sunt supra animam. Infra animam sunt omnia corpora, ut dicit Augustinus in Lib. de vera Religione. Et sic possumus accipere triplex cælum corporeum, scilicet æthereum, sidereum, & empyreum. Et hoc modo dicitur, quod Apostolus erat raptus usque ad tertium cælum, id est usque ad videndum ea quæ sunt in cælo empyreo, non ut existeret ibi, quia sic sciret si fuisset sive in corpore, sive extra corpus. Vel secundum Damascenum, qui non ponit cælum empyreum, possumus dicere, quod tertium cælum, ad quod raptus est Apostolus, est supra octavam spheram, ut scilicet evidenter videret ea quæ sunt supra totam naturam corporalem. Si autem accipiamus cælum secundum ea quæ sunt in ipsa anima, sic cælum debemus dicere aliquam altitudinem cognitionis quæ excedit naturalem cognitionem humanam. Est autem triplex visio: scilicet corporalis per quam videmus, & cognoscimus (a) corpora: spiritualis, sive imaginaria, qua videmus similitudines corporum; & intellectualis, qua cognoscimus naturas rerum in seipsis. Nam proprie obiectum intellectus est quod quid est. Huiusmodi autem visiones, si sunt secundum naturalem modum (puta si video aliquid sensibile, si imaginor aliquid prius visum, si intelligo per phantasmata) non possunt dici cælum. Sed tunc quælibet istorum dicitur cælum quando est supra naturalem facultatem humanæ cognitionis: puta, si aliquid vides oculis corporalibus supra facultatem naturæ, sic est raptus ad primum cælum. Sicut Balthasar

raptus est videns manum scribentis in pariete, ut dicitur Dan. v. Si vero eleveris per imaginationem, vel per spiritum ad aliquid supernaturaliter cognoscendum, sic es raptus ad secundum cælum. Sic raptus fuit Petrus, quando vidit lineum immixtum de cælo, ut dicitur Act. x. Sed si aliquis videret ipsa intelligibilia, & naturas ipsorum non per sensibilia, nec per phantasmata, sic esset raptus usque ad tertium cælum.

Sed sciendum est, quod rapti ad primum cælum est alienari a sensibus corporalibus. Unde cum nullus possit abstrahi totaliter a sensibus corporeis, manifestum est quod nullus potest dici simpliciter raptus in primum cælum, sed secundum quod, inquantum contingit aliquando aliquem fuisse intentum ad unum sensum quod abstrahitur ab actu aliorum. Rapti ad secundum cælum est quando aliquis alienatur a sensu ad videndum quædam imaginabilia: unde tales semper contueverunt fieri in extasi: & ideo Act. x. quando Petrus vidit lineum, dicitur, quod factus fuit in extasi. Paulus vero dicitur raptus ad tertium cælum, quia sic fuit alienatus a sensibus, & sublimatus ab omnibus corporalibus, ut videret intelligibilia nuda & pura eo modo quo vident Angeli, & anima separata; & quod plus est, etiam ipsum Deum per essentiam, ut Augustinus expresse dicit xii. super Gen. ad litteram, & in Glossa, & ad Paulinum in Lib. de videndo Deum. Nec etiam est probabile ut Moyses minister veteris testamenti ad Iudæos viderit Deum, & minister novi testamenti ad Gentes, & doctor Gentium, hoc dono fuerit privatus. Unde dicit ipse supra xii. 9. *Si ministratio damnationis fuit in gloria, multo magis abundat ministrum iustitia in gloria*. De Moysse autem, quod viderit Deum per essentiam, patet: nam ipse a Domino petivit Exod. xxxii. 13. *Ostende mihi faciem tuam*. "Et licet tunc negatum fuerit sibi, non tamen dicitur, quod Dominus finaliter negaverit ei. Unde dicit Augustinus, quod concessum fuit ei, per hoc quod dicitur Num. xii. 6. *Si quis fuerit inter vos, Propheta Domini, in visione apparebo ei, vel per somnium loquar ad illum*. "At vero non talis servus meus Moyses, qui in omni domo mea fidelissimus est: Palam enim, & non per æigmata vidit Deum.

Sed numquid fieri potuisset Paulo, ut non

(a) *Id.* corporalia, sive imaginaria: *Idem* corpora spiritualia, sive imaginaria.

non raptus videret Deum? Dicendum, quod non. Nam impossibile est quod Deus videatur in vita ista ab homine non alienato a sensibus: quia nulla imago, nullumphantasma est sufficiens medium ad Dei essentiam ostendendam; ideo oportet quod abstrahatur, & alienetur a sensibus.

Tertio modo accipiendo cælum secundum ea quæ sunt supra animam; & sic triplex cælum est triplex hierarchia Angelorum; & secundum hoc Apostolus raptus fuit usque ad tertium cælum, idest ad hoc ut videret essentiam Dei ita clare sicut vident cum Angelis superiores, & primæ hierarchiæ, qui sic vident Deum quod immediate in ipso Deo recipiunt illuminationes, & cognoscunt divina mysteria: & sic vidit Paulus.

Si ergo sic vidit Dei essentiam, sicut Angeli superioris hierarchiæ; ergo bene videtur quod Apostolus fuerit beatus, & per consequens fuerit immortalis. Respondetur, quod licet viderit Deum per essentiam, non tamen fuit beatus simpliciter, sed solum secundum quid.

Sciendum est autem, quod visio Dei per essentiam fit per lumen aliquod, scilicet per lumen gloriæ, de quo dicitur in Psal. xxxv. 10. "In lumine tuo videbimus lumen." Sed aliquod lumen communicatur alicui per modum passionis, alicui vero per modum formæ inherens; sicut lumen solis invenitur in carbunculo, & in stellis, ut forma inherens, idest connaturalis effecta; sed in aere invenitur ut forma transiens, & non permanens, quia transit abeunte sole. Similiter & lumen gloriæ dupliciter menti infunditur. Uno modo per modum formæ connaturalis factæ, & permanentis, & sic facit mentem simpliciter beatam; & hoc modo infunditur beatis in patria, & idem dicuntur comprehensores, & ut ita dicam, visores. Alio modo contingit lumen gloriæ (a) mentem humanam, sicut quædam passio transiens; & sic mens Pauli fuit in raptu, lumine gloriæ illustrata: unde etiam ipsum nomen raptus ostendit, transiendo hoc esse factum: & idem non fuit simpliciter glorificatus, nec habuit dotem gloriæ, cum illa claritas non fuerit effecta proprietas. Et propter hoc non fuit derivata ab anima in corpus, nec in hoc statu perpetuo permansit. Unde solum actum beati habuit in ipso raptu, sed non fuit beatus.

S. Th. Oper. Tom. VI.

Sic per hoc patet quid Apostolus scivit in suo raptu, scilicet videntis conditionem, univisum tempus, & visum istigium. Sequitur quid nescivit, scilicet utrum esset in corpore, vel extra corpus; quod tamen dicit Deum scire: unde dicit: *Sive in corpore, sive extra corpus, nescio: Deus scit*: quid quidam intelligere voluerunt, ut raptus referatur ad corpus, dicentes, Apostolum dixisse se nescire, non quidem an anima esset coniuncta corpori in illo raptu, an non; sed an esset raptus secundum animam, & corpus simul, ut simul corporaliter portaretur in cælum, sicut Habacuc portatus fuit, Dan. ult. an secundum animam tantum esset in visionibus Dei, ut dicitur Ezech. viii. 3. "In visione adduxit me (b) in terram Israel." Et iste fuit intellectus cuiusdam Iudei, quem exprimit Hieronymus in prologo super Danielem, ubi dicit: "Denique & Apostolum nostrum dicit non fuisse autem affirmare se raptum in corpore, id dixisse: *Sive in corpore, sive extra corpus, nescio: Deus scit*." Sed hunc intellectum Augustinus maxime improbat XII. super Genes. ad litteram, quia non convenit cum aliis verbis Apostoli. Apostolus enim dicit se raptum usque in tertium cælum: unde scivit pro certo illud fuisse vetum cælum. Scivit ergo an illud cælum esset corporeum, an incorporeum, idest res incorporea. Sed si fuit incorporeum, scivit quod corporaliter ibi rapti non potuit: quia in re incorporea non potest esse corpus. Si vero incorporeum fuerat, scivit quod non fuit ibi anima sine corpore: quia anima coniuncta corpori non potest esse in loco ubi non est corpus; nisi cælum (c) corporeum dicatur similitudo cæli corporei. Sed sic, Apostolus non dixisset se scire quid esset raptus in tertium cælum, idest in similitudinem cæli, quia pari ratione dicere potuisset, quod fuisset raptus in corpore, idest in similitudine corporis. Dicendum est ergo, secundum Augustinum, quod divinam essentiam nullus in hac vita posuit, (d) & hac mortali vita vivens, videte potest: unde dicit Dominus Exod. xxxiii. 20. "Non videbit me homo, & vivet;" idest, non videbit me homo nisi totaliter separaretur a corpore, ita scilicet quod anima eius non inisset corpori ut forma, vel si inest ut forma, tamen mens eius omnino in huiusmodi visione totaliter alienetur

V u u

a sen-

(a) Al. in mentem humanam. (b) In Hierusalem. (c) Al. incorporeum. (d) Al. & in hac.

a sensibus. Et ideo dicendum est, quod hoc (a) est quod Apostolus dicit se nescire, utrum scilicet in illa visione anima eius fuerit totaliter separata a corpore, unde dicit, *Sive extra corpus; vel utrum anima eius* extiterit in corpore ut forma, tamen mens eius fuerit a sensibus corporeis alienata, unde dicit, *Sive in corpore*. Et hoc etiam alii concedunt.

LECTIO II.

ET scio huiusmodi hominem (sive in corpore, sive extra corpus, nescio: Deus scit) quoniam raptus est in paradysum, & audivit arcana verba, quæ non licet homini loqui. Pro huiusmodi gloriabor, pro me autem nihil, nisi in imitatoribus meis. Nam & si voluero gloriari, non ero insipiens: veritatem enim dicam. Parco autem, ne quis me existimet supra id quod videt in me, aut aliquid audit ex me.

Posito primo rapto ponitur consequenter secundus raptus; & duo facit. Primo ponitur raptus; secundo raptus excellentia, ibi, *Audivit arcana verba*. Sed notandum, quod Glossa dicit istum raptum esse alium a primo. Et si bene consideretur, his legitur aliquid de Apostolo, ad quod possunt isti duo raptus referri. Nam Ad. ix. legitur de eo, quod stetit tribus diebus non videns, & nihil manducans, neque bibens; & ad hoc potest referri primus raptus, ut scilicet tunc fuerit raptus usque ad tertium cælum. Sed Ad. xxii. legitur, quod factus est in templo in stupore mentis; & ad hoc refertur iste secundus raptus. Sed hoc non videtur verisimile: quia quando in stupore mentis factus fuit, missus iam fuerat in carcerem Apostolus; sed hanc Epistolam scripsit Apostolus diu ante: unde prius scripta fuit hæc Epistola quam Apostolus fuisset in stupore. Et ideo dicendum est, quod differt iste raptus a primo quantum ad id quod raptus est. Nam in primo raptus est in tertium cælum, in secundo vero in paradysum Dei. Si vero aliquis tertium cælum acciperet corporaliter, secundum primam acceptionem cælorum superius positam, vel si fuerit visio imaginaria; posset similiter dicere paradysum corporalem, ut diceretur, quod fuerit raptus in paradysum terrestrem. Sed hoc est contra intentionem Augustini, secundum quem dicimus, quod fuit raptus in tertium cælum, id est in visionem intelligibilem, secundum quod in seipso, & in propriis naturis videntur, ut supra dictum est. Unde secundum hoc oportet (b) non aliud intelligere per cælum, & aliud per

paradysum, sed unum & idem per utrumque, scilicet gloriam sanctorum, sed secundum aliud & aliud. Cælum enim dicit altitudinem: quamdam cum claritate, paradysus vero quamdam iucundam suavitatem. In sanctis autem beatis, & Angelis Deum videntibus sunt excellenter hæc duo: quia est in eis excellentissima claritas, qua Deum vident, & summa suavitatis, qua Deo fruuntur. Et ideo dicuntur esse in cælo quantum ad claritatem, & in paradiso quantum ad suavitatem. Esa. lxxvi. 14. „Videbitis, & gaudebitis.“ Fuit ergo utrumque collatum Apostolo, ut scilicet sublimaretur ad illam altissimam claritatem cognitionis, & hoc significat cum dicit, *Ad tertium cælum*; & ut sentiret suavitatem divinæ dulcedinis, unde dicit, *In paradysum*. Psalm. xxx. 20. „Magna multitudo dulcedinis tuæ, Domine.“ Apoc. ii. 17. „Vincenti dabo manna absconditum.“ Et ita dulcedo est gaudium de divina fructione, de qua Matth. xxv. 23. dicitur: „Intra in gaudium domini tui.“

Sic ergo patet terminus raptus, quia in paradysum, id est in eam dulcedinem qua indeficienter reficiuntur illi qui sunt in cælesti Hierusalem. Sequitur consequenter ipse raptus excellentia, quia *audivit arcana verba, quæ non licet homini loqui*. Et hoc potest dupliciter exponi. Uno modo ut ly *homini* construat cum licet, & loqui; & sensus est: *Audivit arcana verba*; id est, percepit intimam cognitionem de secreta Dei essentia, quasi per verba, quæ scilicet verba non est licitum ut homini dicantur. Alio modo ut ly *homini* construat

solum

(a) *Al. misistur* est. (b) *Al. non* non aliud.

solum cum non licet; & tunc est sensus: *Audivit verba*, quæ verba non licet homini legi, homini scilicet imperfecto. Sciendum autem, quod, secundum Augustinum, Paulus est raptus (a) ad videndum divinam essentiam; quæ quidem non potest videri per aliquam similitudinem creatam: unde manifestum est quod illud quod Paulus vidit de essentia divina, nulla lingua humana potest dici: alias Deus non esset incomprehensibilis. Et ideo secundum primam expositionem dicendum est: *Audivit*, idest consideravit, *arcana verba*, idest magnificentiam Divinitatis, quam nullus homo potest loqui. Dicit autem, *Audivit*, pro vidit, quia illa consideratio fuit secundum interiorem actum animæ, in quo idem est auditus, & visus, secundum quod dicitur Nam. xii. 3. „Ore ad os loquitur ei, & palam, & non per ænigmata, & figuræ Dominum vidit.“ Dicitur autem illa consideratio visio, inquantum Deus videtur in hoc; & locutio, inquantum homo in ipsa insuitur de divinis. Et quia huiusmodi spiritalia non sunt pandenda simplicibus, & imperfectis, sed perfectis, secundum quod dicitur I. Corinth. xi. 6. „Sapientiam loquimur inter perfectos:“ ideo secundo modo exponitur, quod secreta quæ ibi auditur, non licet mihi loqui homini, idest imperfectis, sed spiritalibus, inter quos loquitur sapientiam. Proverb. xxv. 2. „Gloria Dei est celare verbum;“ idest, hoc ipsum quod necesse est celare magna Dei, pertinet ad gloriam Dei. Psalm. lxi. 2. secundum translationem Hieronymi: (b) „Tibi sit laus, Deus,“ idest quod incomprehensibilis est verbis nostris.

Deinde eum dicit, *Pro huiusmodi gloriabor*, ostendit quomodo se habet ad gloriam: & circa hoc tria facit. Primo ostendit se non gloriari de huiusmodi revelationibus; secundo insinuat se habere aliquid præter illud, unde gloriari possit, ibi, *Nam & si voluero gloriari, non ero insipiens*; tertio assignat causam quare non gloriatur de omnibus, ibi, *Parco autem, ne quis me existimet supra id quod videt in me, aut aliquid audiat ex me*. Circa primum sciendum est, quod hoc quod dicit, *Pro huiusmodi autem gloriabor*, pro me autem nihil, potest dupliciter legi. Uno modo ut Apostolus ostendat se esse ipsum pro quo gloriatur, ut scilicet ipse sit qui vidit has

visiones; alio modo ut ostendat quod alius sit qui vidit has visiones. Sciendum est enim, quod in homine duo possunt considerari, scilicet donum Dei, & humana conditio. Si ergo aliquis gloriatur in aliquo dono Dei ut a Deo accepto, illa est bona gloria: quia sic in Domino gloriatur, ut dictum est supra x. Sed si gloriatur de illo dono sicut a se habito, tunc mala est gloriatio huiusmodi. I. Corinth. iv. 7. „Quid habes quod non accepisti? Si autem accepisti, quid gloriaris quasi non accepisti?“ Dicit ergo Apostolus secundum hoc: *Pro huiusmodi*, scilicet visionibus, & donis Dei mihi collatis, *gloriabor*; *pro me autem non*; idest, non gloriabor inde quasi a me acceperim, quia a Deo habui. Sed si pro me oportet gloriari, nihil gloriabor, nisi in infirmitatibus meis; idest, non habeo unde possim gloriari nisi de infirma conditione mea. Si autem exponatur ut ostendat alium esse qui vidit, etiam ipse sit; tunc est sensus, ut quasi loquatur de quadam alio, dicens: *Pro huiusmodi gloriabor*, idest, pro illo homine qui hoc vidit, & qui hæc dona recepit, gloriabor; *sed pro me*, quasi velim manifestare me esse talem, nihil gloriabor, nisi in infirmitatibus meis; idest de tribulationibus quas patior. Sed quia isti possent sibi dicere: O Apostole, non est mirum si non gloriaris, quia non habes unde gloriaris: ideo Apostolus ostendit quod etiam præter illas visiones habet aliquid unde possit gloriari, dicens: Licet pro huiusmodi homine gloriari, & non pro me; tamen etiam bene pro me possim gloriari: nam si voluero gloriari, vel pro huiusmodi tribulationibus, vel pro aliis mihi a Deo collatis, vel etiam pro infirmitatibus, non ero insipiens; idest, non insipienter agam. Et quare? *Veritatem enim dicam* de aliis de quibus præter dictas visiones gloriari possum. Dicit autem: *Non ero insipiens*: quia gloriabatur de his quæ habebat: quando enim gloriatur quis de his quæ non habet, stulte gloriatur: Apoc. xii. 17. „Dicis, quia dives sum, & nullus ego, & nescis quia tu es miser, & miserrimus!“ & quia gloriabatur ex causa sufficienti, ut ex prædictis est manifestum.

Consequenter autem eum dicit, *Parco autem*. Ostendit rationem quare non gloriatur de omnibus, si potest gloriari: quæ quidem ratio est, ut eis parco: unde

V u u 2 de

(a) *Ad. ad divinam essentiam.* (b) *Ubi vulgata legit: „Te decet hymnus, Deus, in Sion.“ Apud Hieron. „Tibi sicutum laus.“*

de dicit : *Parce autem ne quis me existimet supra id quod videt in me* ; quasi dicat : Possem de pluribus aliis gloriari , sed *parce* , idest parce glorior ; vel *parce* vobis commendando me , nolens esse onerosus vobis . Nam talia mihi Deus concessit , quæ si sciretis , reputaretis me multo maiorem ; & hæc sunt dona gratuita multa , quæ habebat Apostolus , ex quibus homines huius mundi consueverunt plus commendare homines , & maiores eos reputare , quam ex gratum facientibus . Et ideo dicit : *Nolo ex gratis commendari* ; & ideo *parce* , idest non glorior . Et quare ? *Ne quis existimet me commendare* , vel gloriarī , *supra id quod videt in me , aut aliquid audit ex me* . Vel aliter . Homo dupliciter cognoscitur : per conversationem , & doctrinam suam . Apostolus autem volebat aliqua de se dicere , licet posset , quæ excedebant & vitam , & doctrinam suam . Et ideo *parce autem , ne quis existimet me esse supra id*

quod videt , de conversatione mea exteriori , *aut audit aliquid ex me* , idest ex doctrina prædicationis , & exhortationis , & instructionis meæ : quia forte crederent eum esse vel immortalem , vel Angelum . Prov. x. 12. „ Vir prudens tacebit . “ Ibid. xxix. 17. „ Totum spiritum suum , proferet stultus ; sapiens differt , & reservat in posterum . “ Vel dicit , *Parce autem* &c. pro detractoribus , scilicet pseudo , qui dicebant eum gloriari ex elatione , & non ex causa , neque de his quæ in ipso erant . Et ideo dicit : *Parce autem* , idest parce glorior , *ne quis pseudo existimet me excedere elationis spiritu supra id* , idest in aliquid , *quod videt in me , vel audit ex me* , idest supra posse meritorum . Psalm. cxxx. 1. „ Domine , non est exaltatum cor meum , neque elati sunt oculi mei . “ Eccli. 12. 20. „ Quanto magnus es , humilia te in omnibus . “

L E C T I O III

ET ne magnitudo revelationum extollat me , datus est mihi stimulus carnis meæ , angelus satanæ qui me colaphizat . Propter quod ter Dominum rogavi , ut discederet a me : & dixit mihi : Sufficit tibi gratia mea : nam virtus in infirmitate perficitur . Libenter igitur gloriabor in infirmitatibus meis , ut inhabitet in me virtus Christi . Propter quod placeo mihi in infirmitatibus meis , in contumeliis , in necessitatibus , in persecutionibus , in angustiis pro Christo . Cum enim infirmor , tunc potens sum .

Hic agit de remedio adhibito contra superbiam ; & circa hoc tria facit : primo enim ponit remedium adhibitum ; secundo manifestat suam orationem de remedio removendo , ibi , *Propter quod ter Dominum rogavi , ut discederet a me* ; tertio insinuat Domini responsum assignantis rationem de adhibito remedio , ibi , *Et dixit mihi Dominus : Sufficit tibi gratia mea* . Circa primum sciendum est , quod plerumque sapienter medicus procurat , & permittit supervenire infirmo minorem morbum , ut maiorem curet , vel vitet ; sicut ut curet psalmum , procurat febrem . Hoc evidenter in se beatus Apostolus a medico animarum Domino nostro Iesu Christo factum ostendit . Christus enim , velut medicus animarum summus , ad curandum graves animæ morbos , permittit plurimos electos suos , &

magnum in morbis corporum graviter affligi ; & , quod plus est , ad curandum maiora crimina , permittit incidere in minora , etiam mortalia . Inter omnia vero peccata gravius peccatum est superbia : nam sicut caritas est radix , & initium virtutum ; sic superbia est radix , & initium omnium vitiatorum . Eccli. 1. 15. „ Initium omnis peccati superbia . “ Quod sic patet . Caritas enim ideo dicitur radix omnium virtutum , quia coniungit Deo , qui est ultimus finis : unde sicut finis est principium omnium operabilium , ita caritas est principium omnium virtutum . Superbia autem avertit a Deo : superbia enim est appetitus inordinatus (a) propriæ excellentiæ . Si enim aliquis appetit aliquam excellentiam sub Deo , si moderate quidem appetit , & propter bonum , iustitiam potest ; si vero non debito ordine ,

(a) vel deest proprietas.

ne, potest quidem alia vitia incurrere, scilicet ambitionis, (a) avaritiæ, seu inanis gloriæ, & huiusmodi; tamen non est proprie superbia, nisi quando quis appetit excellentiam non ordinando illam ad Deum. Et ideo superbia proprie dicta separat a Deo, & est radix omnium vitiorum, & pessimum omnium: propter quod Deus resistit superbis, ut dicitur Iacob. xv. Quia ergo in bonis est maxime materia huius vitii, scilicet superbia, quia eius materia est bonum; permittit aliquando electos suos impediri ex aliqua sui parte, ut per infirmitatem, vel per aliquem defectum, & aliquid quando etiam per peccatum mortale, ab huiusmodi bono, ut sic ex hac parte humilientur, quod ex illa non superbiunt; & homo sic humiliatus recognoscat se suis viribus stare non posse. Unde dicitur Rom. viii. 28. „Diligentibus Deum omnia cooperantur in bonum:“ non quidem ex eorum peccato, sed ex ordinatione Dei. Quia igitur Apostolus magnam habebat superbiendi materiam & quantum ad spiritalium electionem, qua a Domino electus est: Ador. ix. 15. „Vas electio- nis est mihi iste:“ & quantum ad secretorum Dei cognitionem, quia hic dicit se raptum in tertium cælum, & in paradysum, ubi audivit arcana verba, quæ non licet homini loqui: & quantum ad malorum perfectionem, quia supra xv. 23. (b) *In carceribus plurimis, in infirmitatibus...* ter virgis caesus sum &c. & quantum ad virginealem integritatem: quia „volo omnes esse sicut & ego:“ I. Corinth. vii. 7. & quantum ad bonorum operationem, quia supra (I. Corinth. xv. 10.) „Plus omnibus laboravi:“ & specialiter quantum ad maximam scientiam qua emicuit, quæ specialiter inflat: ideo Dominus adhibuit ei remedium, ne in superbiam extolleretur: & hoc est quod dicit: *Et ne magnitudo revelationis mihi factæ extollat me in superbiam*, Eccli. vi. 2. „Non te extollas in cogitatione animæ tuæ, velut taurus, ne forte elidatur virtus tua per stultitiam.“ Psalm. lxxxviii. 16. „Exaltatus, autem humiliatus sum, & conturbatus.“ Et dicit, ut ostendat sibi factas fore revelationes prædictas: *Datus est mihi*, idest ad meam utilitatem, & humilitationem. Iob xix. 22. „Elevasti me, & quasi super ven-

tum ponens elidisti me valide.“ *Datus est*, inquam, *mihi stimulus*, crucias corpus meum per infirmitatem corporis, ut anima faveatur: quia ad litteram dicitur, quod fuit vehementer afflictus dolore yliaco. Vel *stimulus carnis meæ*, idest concupiscentiæ surgentis ex carne mea, a qua multum infestabatur. Rom. vii. 19. „Non enim quod volo bonum, hoc facio; sed quod nolo malum, hoc ago. Igitur ego ipse menti, te servo legi Dei, carne autem legi peccati.“ Unde Augustinus dicit, quod inerant ei motus concupiscentiæ; quæ tamen divina gratia refrenabat. Ille, inquam, stimulus est *angelus satanæ*, idest angelus malignus. Est autem angelus a Deo missus, seu permissus, sed *satanæ*: quia *satanæ* intentio est ut subvertat; Dei vero, ut humiliet, & probatum reddat. Timeat peccator, si Apostolus, & vas electionis securus non erat.

De (c) ratione autem huius stimuli removendi, sollicitus erat Apostolus: unde propter hoc orabat; & hoc est quod subdit: *Propter quod ter Dominum rogavi ut discederet a me*. Ubi sciendum est, quod infirmus nesciens processum medici apponentis mordax emplastrum, rogat medicum ut removeat; quod tamen sciens medicus causam quare faciat, scilicet propter sanitatem, non exaudit eum, quantum ad voluntatem petentis, magis curans de eius utilitate. Sic Apostolus sentiens stimulum sibi gravem esse, ad singularis medici confugit auxilium, ut eum removeat. Ter enim expresse, & devote rogavit ut Deus tolleretur ab eo, scilicet stimulum. II. Paralip. xx. 12. „Cum ignoremus quod agere debeamus, hoc solum habemus restitui, ut oculos nostros dirigamus ad te.“ Forte pluries hoc petiit; sed expresse, & instanter ter eum petiit: vel ter, idest multoties: ternarius enim est numerus perfectus. Et vere ipse rogandus est, quia, ipse vulnerat, & medetur: Iob v. 18. & Luc. xxi. 46. „Ora te ne intretis in tentationem.“

Sequitur responsio Domini: *Et dixit mihi Dominus: Sufficit tibi gratia mea*. Ubiduo facit. Primo ponit Domini responsionem; secundo responsionis rationem assignat, ibi, *Nam virtus in infirmitate perficitur*. Dicit ergo: Ego rogavi, sed Dominus dixit mihi:

Suffi-

(a) *Potest instantia.* (b) *Ibi sic.* In *lateralibus plurimis, in carceribus abundantius, in plagis supra modum, in mortibus frequenter.* A *Iudæis* quinquies quadrageas, una minus, accepi. ter virgis caesus sum, semel lapidatus sum &c. (c) *A.* De remotione.

Sufficit tibi gratia mea; quasi dicat: Non est tibi necessarium quod infirmitas corporis recedat a te, quia non est periculosa, quia non ducis ad impatientiam, cum gratia mea confortet te; nec infirmitas concupiscentiæ, quia non protrahet te ad peccatum, quia gratia mea proteget te. Rom. 11. 24. „Lusificati gratis per gratiam ipsius. Et vere sufficit gratia Dei ad mala vitanda, ad bona facienda, & ad vitam consequendam æternam. I. Corinth. xv. 10. „Gratia Dei sum id quod sum.“ Rom. vi. 23. „Gratia Dei vita æterna.“

Sed contra Ioan. xv. 16. „Quidquid petieritis Patrem in nomine meo, dabit vobis.“ „Aut ergo Paulus discrete petiit, & tunc debuit exaudiri; aut indifcrete, & tunc peccavit.“

Respondet: Dicendum est, quod de nra & eadem re potest homodupliciter loqui: uno modo secundum se, & naturam illius rei; alio modo secundum ordinem ad aliud. Et sic contingit quod illud quod est malum secundum se, & vitandum, secundum ordinem ad aliud est appetendum; sicut potio inquantum secundum se est anara, est vitanda; tamen qui considerat eam secundum ordinem ad sanitatem, appetit eam. Ergo & stimulus carnis secundum se est vitandus ut affligens; inquantum vero est via ad virtutem, & exercitium virtutis, est appetendus. Apostolus autem quia nondum revelatum ei erat illud secretum divinæ providentiæ, ut ad utilitatem suam (a) cederet, considerabat sibi malum quantum in se est; & ideo petierat suam amotionem; nec in eo peccavit. Sed Deus, qui ordinat verarum hoc ad bonum humilitatis suæ, non exaudivit eum quantum ad eius voluntatem; quod tamen sciens postmodum Apostolus gloriabatur cum diceret infra: *Liberior igitur gloriabor in infirmitatibus meis, ut inhabites in me virtus Christi*. Et licet non exaudivit eum quantum ad voluntatem, exaudivit tamen eum, & exaudivit sanctos suos quantum ad eius utilitatem. Unde dicit Hieronymus in epistola ad Paulinum: „Bonus Dominus, qui sæpe non tribuit quod volumus, ut tribuat quod mallemus.“

Rationem autem suæ responsionis subdit consequenter cum dicit, *Nam virtus in infirmitate perficitur*. Mirus modus loquendi. *Virtus in infirmitate perficitur*. Ignis in aqua

crescit. Intelligi vero potest hoc quod dicitur, *Virtus perficitur in infirmitate*, dupliciter, scilicet materialiter, & occasionaliter. Si accipiatur materialiter, tunc est sensus: *Virtus in infirmitate perficitur*; id est, infirmitas est materia exercendæ virtutis: & primo humilitatis, ut supra dictum est: secundo patientiæ: lac. 1. 3. „Tribulatio patientiam operatur:“ tertio temperantiæ: quia ex infirmitate debilitatur sones, & temperatus efficitur quis. Si vero accipiatur occasionaliter, tunc *virtus in infirmitate perficitur*; id est, occasio (b) est perveniendi ad perfectam virtutem: quia homo sciens se infirmum, magis sollicitatur ad resistendum; & ex hoc quod magis resistit, & pugnat, efficitur exercitior, & per consequens fortior: & ideo in Levit. legitur, & Iudic. 11. quod Dominus noluit destruere omnes habitatores terræ; sed aliquos reservavit, ut scilicet filii Israel exercitarentur pugnando cum eis. Sic etiam Scipio volebat destructionem civitatis Carthagenensis, ut scilicet dum Romani haberent hostes externos, non sentirent hostes interiores; contra quos durius bellum esset, quam contra exteriores, ut ipse dicebat.

Consequenter ponit Apostolus effectum huius responsionis dominicæ, dicens: *Liberior gloriabor in infirmitatibus meis, ut inhabites in me virtus Christi*. Ponit autem duplicem effectum. Unus est gloriacionis: unde dicit: Quia virtus mea perficitur in infirmitatibus, igitur liberior gloriabor in infirmitatibus meis, id est mihi ad utilitatem meam datis: & hoc quia magis coniungitur Christo. „Mihi autem absque gloriari, nisi in cruce Domini nostri Iesu Christi.“ Galat. ult. 14. Eccli. x. 34. „Qui in pau-“
„perate gloriatur, quanto magis in sub-“
„stantia? Et ratio quod liberior gloriabor, est, ut habites in me virtus Christi, ut scilicet per infirmitates inhabites, & consummetur in me gratia Christi. Efa. xl. 29. „Qui dat (c) lapso virtutem, & his qui“
„non sunt, fortitudinem, & robur multi-“
„plicat.“ Alius effectus est gaudii: unde dicit: *Propter quod complacet mihi in infirmitatibus meis*; & circa hoc duo facit. Primo ponit huiusmodi effectum; secundo huius effectus rationem assignat, ibi: *Cum enim infirmus, tunc potens sum*. Ponit autem effectum gaudii, & materiam gaudii. Dicit ergo: Propter quod „quia virtus“
Christi-

(a) *Al.* crederet. (b) *Al.* emittitur est. (c) *ibi* lasso.

Christi habitat in me in infirmitatibus, & in tribulationibus omnibus, ideo *complaceo mihi*; idest, multum delector, & gaudeo dictis infirmitatibus meis. Iacob. 1. 2. „Omne gaudium existimate, fratres mei, cum in tentationes varias incideritis.“ Defectus autem in quibus propter gratiam Christi abundanter delectatur, enumerat: & primo illos qui sunt a causa interiori; & huiusmodi sunt infirmitates; & ideo dicit, *In infirmitatibus*. Psal. xv. 4. „Multiplicatæ sunt infirmitates eorum, postea acceleraverunt,“ scilicet ad gratiam. Secundo illos qui sunt a causa exteriori; & hos quidem quantum ad verbum, cum dicit, *In contumeliis*, scilicet mihi illatis. Act. v. 41. „Ibant Apostoli gaudentes a conspectu concilii, quoniam digni habiti“ sunt pro nomine Iesu contumeliam pati: & quantum ad factum: & hoc vel quantum ad defectum bonorum, cum dicit, *In necessariis*, idest in penuriis necessariorum, & in paupertate qua premebatur: & hoc modo accipitur necessitas, cum dicitur Rom. xii. 13. „Necessitatibus, sanctorum communicantes:“ vel quantum ad experimentum malorum illatorum; & hoc quantum ad exteriora: Matth. v.

10. „Beati qui persecutionem patiuntur, propter iustitiam:“ cum dicit, *In persecutionibus*, scilicet corporis, quas de loco ad locum, & ubique (a) experimur: & quantum ad interiora, dicens, *In angustiis*, idest in anxietatibus animi. Dan. xii. 22. „Angustia sunt mihi undique.“ Sed materia omnium horum quæ faciunt ad gaudium, est, quia pro Christo; quasi dicit: Ideo complaceo, quia propter Christum patior. I. Petr. iv. 15. „Nemo vestrum patitur quasi homicida, vel fur.“ Et huius gaudii rationem assignat, dicens: *Cum enim infirmor, tunc potens sum*; quasi dicit: Merito complaceo mihi in illis, quia quando infirmor, tunc potens sum; idest, quando ex his quæ in me sunt, vel ex persecutione aliorum, incido in aliquid prædictorum, adhibetur mihi auxilium divinum, per quod confirmor. Psal. xciii. 19. „Consolationes tuæ lætificaverunt animam meam.“ Ioc. xii. 10. „Infirmus dicat, quia ego fortis sum.“ Supra iv. 16. *Licet is qui foris est, noster homo corrumpatur; tamen is qui intus est, renovatur de die in diem*. Exod. 1. legitur, quod quanto plus premebantur filii Israel, tanto plus multiplicabantur.

LECTIO IV.

Factus sum insipiens, vos me coegistis. Ego enim a vobis debui commendari: nihil enim minus feci ab his qui sunt supra modum Apostoli. Tametsi nihil sum, signa tamen Apostolatus mei facta sunt super vos in omni patientia, in signis, & prodigiis, & virtutibus. Quid est enim quod minus habuistis præ ceteris Ecclesiis, nisi quod ipse non gravavi vos? Donate mihi hanc iniuriam.

Posita commendatione sua, consequenter Apostolus excusat se de his quæ dixit, ostendens se coactum hæc dixisse quæ ad gloriam suam pertinent: & circa hoc duo facit. Primo imponit Corinthiis causam eiusmodi gloriationis; secundo exponit, & manifestat hanc causam, ibi, *Ego enim debui a vobis commendari*. Dicit ergo: Confiteor quod in his omnibus commendationibus meis factus sum insipiens; idest, videtur vobis quod opus insipientis fecerim; sed hoc non ex me, nec sponte, immo coactus feci, & vestra culpa fuit, quia vos me coegistis; idest, dedistis mihi occasionem. Frequenter enim subditi cogunt prælatos

aliqua facere quæ quæ insipienter facta esse iudicari possunt; sed tamen pro loco, & tempore sapienter facta sunt. Hoc autem quod dixerat in communi, scilicet quod ipsi fuerunt causa suæ commendationis, exponit consequenter, cum dicit: *Ego enim debui a vobis commendari*. Ubi dicit, quod ipsi fuerunt causa suæ commendationis, primo omittendo bona quæ facere debuissent, in quo exaggerat eorum ingratitude; secundo committendo mala, in quo detestatur eorum malitiam, ibi, *Times enim ne forte cum venero, non quales volo inveniam vos*. Circa primum duo facit. Primo commemorat quid facere debuissent, ostendens

CAU-

(a) Forte experiebatur, ut omnia de Apostolo intelligantur.

causam, ibi, *Nihil enim minus feci vobis quam sunt supra modum Apostoli*; secundum remouet ipsorum excusationem, ibi, *Quid est enim quod minus habuistis praeter ceteris Ecclesiis?* Dicit ergo: Vere vos me cogistis, quia vos debuissetis facere illud quod ego feci: unde dicit: *Ego debui commendari a vobis*: quod non fecistis quando necesse erat, scilicet quando pseudo vilipendendo me, & praetercendo se, reddebant vilem doctrinam, & Evangelium Christi a me praedicatum. Unde quia vos non commendastis me, ne deperiret fides Christi in vobis, prorsum in commendationem propriam.

Sed contra. Supra 111. 1. dicit: *Non quid egimus commendatitius epistolis ad vos, aut ex vobis?* Quare ergo voluit commendari ab istis? Respondeo: Dicendum est, quod Apostolus propter se non egebat commendationibus, sed propter alios, ut scilicet dum commendaretur, doctrina sua esset in maiori auctoritate, & pseudo confutaretur.

Sed quia possent isti dicere: Ideo non commendavimus te, quia non est in te aliud commendatione dignum: propter hoc Apostolus probat eis quod bene poterant eum commendare, cum dicit: *Nihil enim minus feci ab iis qui sunt supra modum Apostoli*: ostendens esse in se multa commendatione digna: & primo quantum ad praeterita bona quae fecit; secundo quantum ad futura quae facere intendit, ibi, *Eccē tertio hoc paratus sum venire ad vos*. Ostendit autem praeterita commendabilia quae fecit, primo in generali quantum ad omnes Ecclesias: secundo in speciali quantum ad ea quae egit apud eos, ibi, *Tametsi nihil sum*; tertio excludit obiectionem, ibi, *Quid est enim quod minus habuistis praeter ceteris Ecclesiis?* Dicit ergo: Merito debui commendari a vobis, quia multa sunt in me commendatione digna: nam *nihil minus feci ab iis*, scilicet Petro, & Iacobo, & Iohanne, qui sunt supra modum Apostoli; id est, qui videntur a quibusdam digniores Apostoli quam ego sum. Pseudo enim dicebant, quod erant docti a Petro, & Iohanne, qui fuerunt docti a Christo; & quod Petrus, & Iohannes servabant legalia: unde & ipsi debebant fervare. Sed quia nihil minus feci ab eis, nec quantum ad praedicationem, nec quantum ad conversionem fidelium, ostensiones miraculorum, & perfectionem laborum, immo plus: quia, ut

supra 11. plus omnibus laboravi: I. Corinth. xv. 20. „Abundantius omnibus illis laboravi:“ ideo magis sum commendandus. Vel (a) illi dicuntur supra modum Apostoli, scilicet Petrus, Iohannes, & Iacobus, quia fuerunt primo conversi ad Christum. I. Corinth. xv. 8. „Novissime autem visus est & mihi tamquam omnium laborativo.“ Si secundum hoc accipiat, nihil tamen minus fecit eis, quia in modico tempore, & postquam conversus fuit, plus laboravit. Sed esto quod nihil fecerim quantum ad Ecclesias (b) alias, per quod possem commendari, multa tamen specialia egi apud vos, de quibus potuissetis me commendare; & ideo dicit: *Tametsi nihil sum*; id est, dato quod nihil fecerim in comparatione ad eos, tamen effectus meae virtutis manifeste apparent in vobis: & primo quantum ad praedicationem nostram, qua conversi estis ad fidem, & sum Apostolus vester; & ideo dicit: *Signa Apostolatus mei*, id est meae praedicationis, *facta sunt super vos*, a Deo, inquantum credentes, conversi estis. I. Corinth. ix. 2. „Signaculum Apostolatus mei vos estis.“ Ibid. xv. 15. „In Christo Iesu per Evangelium ego vos genui.“ Secundo per conversationem per quam confirmatur fides: quia quando vita concordat doctrinae, maioris auctoritatis est doctrina: & virtus praedicatoris magis apparet per patientiam. Proverb. xix. 11. „Doctrina viri per patientiam noscitur.“ „Et ideo dicit: *In omni patientia*. Tertio quantum ad operationem miraculorum; & ideo dicit: *In signis, & prodigiis, & virtutibus*. Marc. ult. 20. „Illi autem profecti praedicaverunt ubique, Domino cooperante, & sermone nem confirmante sequentibus signis.“ Et haec tria distinguunt, quia virtus est commune ad omnia miracula: nam virtus est ultimum de potentia; & ideo aliquid dicitur virtuosum, quia ex magna virtute. Quia ergo miracula sunt ex magna virtute, scilicet divina, ideo dicantur virtutes. Signum vero refertur ad minus miracula; prodigium autem ad maximum. Vel dicit signa quantum ad miracula facta de praesenti, prodigia quantum ad miracula de futuris. Vel signa, & prodigia dicit miracula quae sunt contra naturam, sicut illuminatio caeci, suscitatio mortui &c. virtutes vero dicit quae sunt secundum naturam, sed non eo modo quo natura facit; sicut quod

(a) *Al. amittitur illi.* (b) *Al. desit alias.*

quod ad impositionem manus statim sanetur infirmi; quod etiam natura facit, sed successe. Vel virtutes dicit virtutes mentis, sicut est castitas, & huiusmodi.

Consequenter excludit obiectionem, cum dicit: *Quid enim est quod minus habuistis praeter ceteris Ecclesiis?* Pollent enim Corinthii respondere ad praedicta, & dicere: Verum est quod multa bona fecisti, & magna; & tamen alii fecerunt plura, & maiora quam tu; & ideo apud eos, & in eorum comparatione nolumus te commendare. Et ideo hoc excludit, ostendens quod nihil minus fecit quam illi, sed plus; & ideo dicit: *Quid est enim quod minus habuistis a me praeter ceteris Ecclesiis?* id est quod aliae Ecclesiae Christi habuerunt per illos, quantum ad spiritualia? quasi dicat, nihil: quia ipsi praedicaverunt fidem, & Apostolus praedicavit; illi ostenderunt signa, & virtutes, & Apostolus similiter. Et non solum non minus habuistis, sed plus: quia alii Apo-

stoli vivebant de sumptibus illorum quibus praedicabant; sed Apostolus non, quia nihil accepit a Corinthiis: & ideo dicit: *Nisi quod ego ipse non gravavi vos*, accipiendo vestra, quasi dicat: Nihil habuistis minus, nisi hoc forte reputetis minus, quia nihil accepi a vobis; quod tamen plus est. Act. xx. 34. „Ad ea quae mihi opus erant, „& bis qui mecum sunt, necessaria mihi „ministraverunt manus istae.“ II. Thessal. 111. 8. „Noctis ac die laborantes, ne quem „vestrum gravaremus.“ Eia. xxxxi. 15. „Qui excutit manus suas ab omni munere.“ „Quod si hoc ipsum reputatis iniuriam, scilicet quod nolui vestra recipere (quod feci) quia non dilexi vos, & videtur vobis quod male fecerim, parcatis mihi; & ideo dicit ironice loquendo: *Donare, id est parcite, mihi hanc iniuriam.* Hoc modo accipitur donare Ephes. iv. 32. „Donantes invicem, sicut & Christus vobis donavit.“

LECTIO V.

Ecce tertio hoc paratus sum venire ad vos; & non ero gravis vobis. Non enim quero quae vestra sunt, sed vos. Nec enim debent filii parentibus thesaurizare, sed parentes filiis. Ego autem libentissime impendam, & superimpendam ego ipse pro animabus vestris; licet plus vos diligens, minus diligar. Sed esto. Ego vos non gravavi; sed cum essem astutus, dolo vos cepi. Numquid per aliquem eorum quos misi ad vos, circumveni vos? Rogavi Titum, & misi cum illo fratrem. Numquid Titus vos circumvenit? Nonne eodem spiritu ambulavimus; nonne eisdem vestigiis? Olim putatis quod excusamus nos apud vos. Coram Deo in Christo loquimur: omnia enim, carissimi, propter aedificationem vestram.

Hic ostendit se esse commendabilem quantum ad bona futura quae facere intendit; & tria facit. Primo ostendit suum propositum de futuro bono quod intendit; secundo propositi huius rationem assignat, ibi, *Non enim quero quae vestra sunt, sed vos*; tertio ad rationem similitudinem adhibet, ibi, *Nec enim debent filii parentibus thesaurizare, sed parentes filiis*. Sciendum est circa primum, quod aliquando contingit quod ideo aliqui non accipiant uno tempore, ut referent se ad aliud tempus, in quo possint & plus recipere, & audacius. Ne ergo isti simile crederent de Apostolo, ut ideo noluisse prima vice recipere ab eis, ut postmodum reciperet plus, dicit, quod non solum hoc fecit olim, sed etiam paratus est facere in futurum: unde dicit: *Ecce iam tertio, id est tertia vice, paratus sum venire ad vos, & non ero vobis gravis*; qua-

si dicat: Nec etiam tunc gravabo vos, accipiendo vestra. Supra xi. 9. *In omnibus sine onere me servavi, & servabo.* Iob xxvii. 6. „Iustificacionem quam cepi tenere, non „deseram.“ Dicit autem, *Tertio paratus sum venire*; & non dicit, *Tertio venio*: quia bene ter paratus fuit ire ad eos; sed tamen non ivit nisi bis. Paratus enim fuit ire prima vice, & tunc ivit, & conversi sunt. Secunda vice fuit paratus, & fuit impeditus propter peccatum eorum; & tunc non ivit, de quo excusat se in principio huius Epistolae. Modo est paratus ire tertio, & ivit. Unde bis ivit, & ter fuit paratus ire.

Rationem autem huius boni propositi subdit dicens: *Non enim quero quae vestra sunt, sed vos*. Quae talis est. Constat quod artifex disponit opus suum secundum finem quem intendit: praedicatores autem in pra-

X x x

dicau-

S. Th. Oper. Tom. VI.

dicando, aliqui intendunt quæstum, & bona temporalia, & ideo totam prædicationem ad hoc ordiunt, & disponunt, aliqui vero intendunt salutem animarum, & ideo hoc modo disponunt prædicationem suam, secundum quod vident expedire saluti illorum quibus prædicant. Quia ergo Apostolus intendebat in prædicatione sua salutem Corinthiorum, & videbat quod non expediebat quod reciperet ab eis sumptus, tum ut confutaret pleudo, tum etiam quia avari erant; ideo noluit accipere sumptus. Et ideo huius rationem assignat, dicens: ideo non gravabo vos, sumptus accipiendi: quia non quero qua vestra sunt in prædicatione mea, sed vos, & vestram salutem procurare intendo. Philip. iv. 17. „Non quero datum, sed fructum.“ Et ideo Dominus dixit Apostolis (Matth. xv. 19.) „Faciatis vos heri piscatores hominum,“ non pecuniæ. Hoc etiam figuratur Genes. xlv. ubi legitur, quod Ioseph emit Aegyptios in servitutem Regis: quia bonus prædicator debet ad hoc studere ut infideles convertat ad servitium Christi.

Sed huiusmodi rationi adaptat similitudinem, cum dicit: *Nec enim debent filii parentibus thesaurizare, sed parentes filiis:* & primo ponit similitudinem; secundo adaptat eam, ibi, *Ego autem libentissime impendam, & superimpendam ego ipse pro animabus vestris;* tertio arguit eorum ingratitudinem, ibi, *Licet plus vos diligens minus diligat.* Dicit ergo: Quod autem non queram vestra, patet per simile. Videmus enim quod parentes carnales debent thesaurizare filiis carnalibus: quia filii non debent thesaurizare parentibus, sed parentes filiis. Cum ergo ego sim pater vester spiritualis, & vos sitis filii mei, nolo quod vos thesaurizetis mihi, sed ego vobis.

Sed hic est quæstio de patribus carnalibus: nam Exod. xx. 12. dicitur, „Honora patrem tuum, & matrem tuam:“ in quo etiam præcipitur nobis quod ministrum eis necessaria. Ergo filii tenentur thesaurizare parentibus.

Respondeo: Dicendum est, quod ex præcepto tenentur filii ministrare, & subvenire parentibus in necessariis, non autem congregare, & thesaurizare eis. Nam thesaurizatio, & congregatio fit in posterum. Sed nos videmus quod secundum naturam filii succedunt parentibus, & non e converso, nisi in aliquo tristi eventus; & ideo naturaliter amor parentum

est ad hoc ut congregent filios. Et hoc modo loquitur Apostolus. Exod. autem x. loquitur Dominus de subventionem in necessariis.

Item quæstio oritur de hoc quod dicit: (a) *Non enim debent filii parentibus thesaurizare, sed parentes filiis.* Ergo cum prælati sint parentes nostri spirituales, videtur quod male fecerint principes, & alii, dando divitias prælati.

Responsio. Dicendum est, quod non dederunt prælati propter se, sed propter pauperes. Et ideo non dederunt eis, sed pauperibus. Et hoc Dominus monet Matth. vi. 20. „Thesaurizate vobis thesauros in cælis, ubi neque erugo, neque tinea deest, molitur, & ubi fures non effodiunt, neque furantur.“ Prælati autem dantur tamquam pauperum dispensatores.

Consequenter positam similitudinem adaptat. In similitudine autem duo proposuit. Unum est quod filii non debent thesaurizare parentibus, & hoc iam patet; & aliud est quod parentes debent thesaurizare filiis, & dare; & quantum ad hoc dicit: Quia ergo ego sum pater vester, ideo paratus sum dare vobis, & hoc est quod dicit: *Ego libentissime impendam vobis bona;* (b) non solum bona spiritualia prædicando, & exempla monstrando, sed etiam temporalia: quod & faciebat, in quantum prædicabat, & serviebat eis cum sumptibus aliarum Ecclesiarum. Hæc tria ministrare debet quilibet prælatus suis subditis: unde Dominus dixit ter Petro, Ioan. xxi. „Pasce oves meas;“ idest, pasce verbo, pasce exemplo, pasce temporalis subsidio. Et non solum ista impendam vobis, sed paratus sum mori pro salute animarum vestrarum: unde dicit: *Et superimpendam pro animabus vestris.* Ioan. xv. 13. „Maiorem caritatem nemo habet, ut animam suam ponat quis pro amicis suis.“ Ioan. xii. 16. „Si Christus animam suam pro nobis posuit, & vos debetis pro fratribus animas ponere.“ Ioan. x. 11. „Bonus pastor animam suam dat pro ovibus suis.“

Ingratitudinem istorum increpat consequenter dicens: *Licet plus vos diligens minus diligat;* quasi dicat: Libenter impendam pro vobis, licet sitis ingrati: quia licet plus vos diligens, minus diligat: & hæc comparatio potest exponi dupliciter. Uno modo sic. *Licet plus diligam vos quam pleudo, tamen minus diligat,* scilicet a vobis, quam diligantur pleudo; quos plus diligitis quam me.

Et

(a) Al. Parentes filii etc. (b) Al. amittitur non solum bona.

Et sic patet quod egoplus vos diligo quam illi: quia ego quero salutem vestram tantum, illi vero bona vestra solum. Alio modo sic *Licet plus diligam*, scilicet vos quam alias Ecclesias, tamen minus diligo a vobis quam ab aliis Ecclesiis. Philip. 1. 9. „*Testis est mihi Deus quomodo cupiam omnines vos in visceribus Iesu Christi.*“ Et quod plus dilexerit Corinthienses quam alias Ecclesias, patet, quia plus pro eis laboravit. Illud autem in quo plus laboramus, magis consuevimus diligere.

Consequenter cum dicit, *Esse, ego vos non gravavi; sed cum esset astutus, dolo vos cepi*, removel suspicionem: & primo ponit suspicionem ipsam; secundo excludit eam, ibi, *Numquid per aliquem eorum quos misi ad vos, circumveni vos?* tertio rationem exclusionis assignat, ibi, *Olum putatis quod excusamus nos apud vos*. Posset autem esse istorum suspicio talis, quod ideo ipse ab eis per seipsum non acceperit, ut per alios dolo ab eis plus accipiat. Et ideo dicit, hoc ponens: *Esse*, idest dato, & concessio quod ego in persona mea, & eorum qui mecum sunt, aliquid accipiendo non gravavi vos, sed, sicut credidistis, cum esset astutus, dolo vos cepi; idest, per alios detraxi vobis bona vestra plurima. Sed hoc est falsum, quia nihil ex dolo feci. I. Thessal. 11. 9. „*Exhortatio nostra non de errore, neque de immunditia, neque in dolo.*“ Nam ipse erat vere Israelita, in quo dolo non fuit: Ioan. 1. Hanc ergo suspicionem excludit consequenter, cum dicit: *Numquid per aliquem eorum quos misi ad vos, circumveni vos?* & primo in generali; secundo in speciali. In generali sic. Si per alios voluissem surripere vestra, misissem aliquos qui hoc procurarent apud vos. Sed numquid per aliquem quem misi ad vos, circumveni vos? extorquendo per eos vestra; quasi dicat, non. Supra vii. 2. *Neminem circumvenimus.* I. Thessal. 1v. 6. „*Ne quis circumveniat, in negotio fratrem suum.*“ In speciali vero excludit suspicionem prædictam, cum dicit: *Rogavi Titum, & misi cum illo fratrem;* quasi dicat: Nullis eorum. In speciali quem misi ad vos, circumvenit vos. Titum enim cum precibus misi ad vos, & hoc est quod dicit: *Rogavi Titum, & misi cum illo fratrem.* De isto habetur supra viii. 18. (a) quod misit etiam cum illo fratrem, scilicet Barnabam, vel Lucam. *Misimus cum illo, scilicet Tito, fratrem, scilicet alterum discipulorum, cuius laus est in Evangelio.* Sed num-

quid Titus circumvenierit vos? quasi dicat, non. Supra viii. 16. *Gratias ago Deo meo, qui dedit eandem soliditatem pro vobis in corde Titus.* Et quod Titus non circumvenierit eos, probat per conformitatem Titus (b) ad seipsum Apostolum: & ponit duplicem conformitatem, scilicet cordis; & ideo dicit: *Nonne eodem spiritu ambulavimus?* idest, eandem voluntatem habemus; vel eodem spiritu instigamur ad bene & recte agendum. Supra 1v. 13. *Habentes autem eundem spiritum fidei & nos credimus.* Item conformitatem operis; & ideo dicit: *Nonne eisdem vestigiis*, idest operibus, intendimus? scilicet vestigiis Christi: nam ego sequor vestigia Christi. Iob xiii. 11. „*Vestigia eius (scilicet Christi) secutus*, est pes meus: viam eius custodivi, & non declinavi ex ea.“ I. Petr. 11. 21. „*Christus passus est pro nobis, vobis re;* linquens exemplum, ut sequamini vestigia eius.“ Et Titus sequitur vestigia mea. I. Corinth. xi. 1. „*Imitatores mei estote, sicut & ego Christi.*“ Et sic patet quod si conformis est mihi in voluntate, & opere, & ego non circumveni vos, nec intendo circumvenire. Quod autem nec ipse circumvenierit vos, patet per illud Matth. vii. 16. „*A fructibus eorum cognoscetis eos.*“

Rationem autem exclusionis subdit dicens: *Olum (c) seu rursus putatis quod excusamus nos apud vos:* & primo ponit eorum opinionem; secundo excludit eam. Opinio autem istorum erat quod Apostolus, quasi reus, & culpabilis, omnia verba istius Epistolæ diceret ad exculationem suam; & quod non essent vera, sed ad excusandum tantum inventa: & ideo ponens hanc opinionem ipsorum, dicit: *Vos putatis olum*, idest a principio huius Epistolæ, quod excusamus nos apud vos; idest, quod hæc verba non sint vera, sed sint ad excusandum conficta. Hoc autem excludit sic. Qui enim sic excusat se, duo habet. Unum est quod non utitur verbis veris, sed confictis; aliud est quia non vult pati detrimentum famæ suæ, & gloriæ: unde specialiter propter dispendium famæ, aliqui excusant se. Sed neutrum istorum est in nobis. Non ergo vera est opinio vestra. Quod autem neutrum istorum fit in nobis, patet: non enim dicimus verba falsa, quod probō primo per testimonium Dei, qui coram Deo loquimur; quasi dicat: Teste Deo, hoc in veritate dico. Iob xvi. 10. „*Ecce in*

Xxx 2

„*est*

(a) *Id. deest quod.* (b) *Id. ad Apostolum.* (c) *Id. desideratur seu rursus.*

„casto testis meus, & conficius meus in
„excelsis.“ Secundo per testimonium
Christi, quia in Christo loquimur, idest per
Christum, in quo nulla est falsitas. Supra
xv. 17. *Ex sinceritate, sicut ex Deo... in
Christo loquimur.* Item non querimus glo-
riam nostram, nec timeamus infamiam, quia
omnia, quae dixi & de revelationibus, &
de tribulationibus, facio, seu dico, *propter
vestram edificationem*, ut scilicet permanea-
tis in virtute, & expellatis pseudo. Rom.
xiv. 19. „Quae edificationes sunt invicem
„custodiamus.“ I. Corinth. xiv. 26. „O-
„mnia ad edificationem faciunt.“ Ioan. xiv.
30. „Non propter me haec vox venit sed
„propter vos.“

LECTIO VI.

Timeo enim ne forte cum venero, non quales volo inveniam vos; & ego in-
veniar a vobis, qualem non vultis: ne forte contentiones, amulationes,
animositates, dissensiones, detractiones, susurraciones, inflationes, seditiones sint
inter vos: ne iterum cum venero, humiliet me Deus apud vos; & lugeam mul-
tos ex his qui ante peccaverunt, & non egerunt penitentiam super immunditia,
& fornicatione, & impudicitia quam gesserunt.

Posita una causa commendationis, quae
provenit ex omissione Corinthiorum,
quantum ad ea (a) bona quae facere de-
buissent, in qua detestatur eorum ingra-
titudinem; hic consequenter ponit aliam cau-
sam, quae provenit ex eorum commissio-
ne, quantum ad mala quae debuissent vita-
re, in qua exaggerat eorum malitiam; &
circa hoc duo facit. Primo ponit eorum
culpam in generali; secundo explanat eam
in speciali, ibi, *Ne forte contentiones, amu-
lationes, animositates... sint inter vos.* Dicit
ergo: Non solum laudavi me propter hoc
quod vos omisistis me laudare, sed etiam
propter periculum vestrum, quod est in
hoc quod vos adheretis pseudo: quia dum
fovent vos in peccatis, exponunt vos (b)
magno periculo: & ideo dicit: *Timeo*, sci-
licet *ne forte cum venere ad vos*, personali-
ter, *non inveniam vos quales vos volo*, scilicet
iustos, sed peccatores, & incorre-
ctos; & displiceatis mihi, & ego vobis:
quia iusto non placent peccatores, inquan-
tum peccatores: & inveniar talis a vobis,
scilicet contristatus, & puniens, qualem
me non vultis habere. Mali enim odiunt
correctionem, & veritatem. Galat. iv. 16.
„Ergo inimicus factus sum vobis, verum
„dicens vobis?“

Sic patet eorum malitia in generali, sci-
licet quod timebat ne nondum plene poe-
nituerint: in speciali etiam manifestat eor-
um malitiam, cum dicit: *Ne forte conten-
tiones, amulationes, animositates... sint inter
vos*: & circa hoc duo facit: primo enim
enumerat eorum mala praesentia; secundo

commemorat praeterita mala, de quibus
nondum poenituerunt, ibi, *Ne iterum cum
venero, humiliet me Deus apud vos*. Scien-
dum est autem circa primum, quod Co-
rinthienses post conversionem inciderunt in
peccatum carnale, (c) ut patet de illo
qui uxorem patris habuit: & de hoc in hac
parte correcti sunt per primam Epistolam;
non tamen plene, sed adhuc aliquid in eis
remanet; & supra hoc remanserunt in eis
multa peccata spiritualia, quae proprie op-
ponuntur caritati. Caritas vero duo facit:
primo enim facit: corda hominum ad in-
vicem consentientia; secundo inducit ho-
mines ad mutuam profectum. Et ideo pec-
cata spiritualia & contrario primo faciunt
homines ad invicem dissidentibus; secundo
faciunt eos invicem offendentes. Et ideo
primo enumerat peccata spiritualia quae
pertinent ad dissensionem; secundo ea quae
faciunt ad offensionem, ibi, *Detractiones,
susurraciones, &c.* In dissensionibus autem
procedit ordine retrogrado. Nam secundum
rectum ordinem homines primo dissentiunt,
inquantum unus vult upum, alius vult con-
trarium; secundo ex hoc procedunt ad in-
terendum documenta, inquantum quilibet
vellet obtinere in proposito suo; tertio
quando non potest obtinere in proposito
suo, sed succumbit, accenditur zelo invidiae;
quarto ex hoc prorumpit ad conten-
tiones verborum: & ab isto ultimo incipit
Apostolus dicens, *Ne forte contentiones*; quae
dicat: Non solum timeo mala vestra in
generali, sed in speciali, ne forte sint in
vobis contentiones de meritis praedicatorum,
& de

(a) *Amittitur* bona. (b) *M.* in magno periculo. (c) *M.* propter illum qui &c.

& de baptis. &c. Proverb. xx. 3. „Hoc
 „nor est homini qui separat se a conten-
 „tionibus.“ Ambrosius: „Contentio est
 „impugnatio veritatis cum confidentia cla-
 „moris.“ Et hæc contentio venit ab æmu-
 „latione: & ideo dicit, *Et æmulationes*,
 „idest invidia, in his qui minores sunt, &
 „minus habent: Iacob. xxi. 16. „Ubi ze-
 „lus, & contentio, ibi inconstantia, & o-
 „mne opus pravam.“ Iob v. 2. „Par-
 „vulum occidit invidia:“ Sapient. xi. 24.
 „Invidia diaboli mors introivit in orbem
 „terrarum.“ Et æmulatione venit ab ani-
 „mositate: unde dicit, *Animositates*, in ul-
 „tione, & illatione nocuentis. Eccli. vii. 18.
 „Cum audace ne eas in via, ne forte
 „gravet mala sua in te.“ Et animositas
 „venit ex disensionibus; & ideo dicit, *Dis-*
 „*ensiones*, idest odia, & contrarietas ani-
 „morum. Rom. ult. 17. „Oblervetis eos
 „qui disensiones, & offendicula præter
 „doctrinam quam didicistis, faciunt.“ I.
 „Corinth. i. 10. „Idipsum dicatis omnes,
 „& non sint in vobis schismata.“ Con-
 „sequenter enumerat eorum mala præsentia
 „quantum ad offensionem. Et quia ista spe-
 „cialiter sunt mala in nocuentis verborum,
 „& non factorum; ideo dimissis nocuentis
 „factorum, enumerat nocumenta verborum,
 „in quibus etiam procedit ordine retrogra-
 „do, incipiens a posteriore; & hoc est cum
 „quis expresse malum dicit de aliquo: & si
 „quidem in manifesto, sic est detractor: &
 „ideo dicit, *Detractiones*: Rom. i. 30. „Do-
 „tractores, Deo odibiles.“ Si vero in oc-
 „culto, tunc est (a) susurro; & ideo di-
 „cit, *Susurrones*. Sunt enim susurrones qui
 „latenter ferment discordias. Eccli. xxviii.
 „15. „Susurro, & bilinguis, maledictus
 „erit.“ Et hæc duo procedunt ex super-

bia, quæ animum inflatum contra aliquos
 prorumpere facit in mala verba; & ideo
 dicit, *Inflationes*. I. Corinth. xv. 18. „Tam-
 „quam non sum venturus ad vos, sic in-
 „flati sunt quidam.“ Et hæc inflationes
 veniunt ex seditionibus, quæ sunt præpa-
 rationes partium ad pugnam: quia inter
 superbos semperurgia sunt: Prover. xxi.
 „& ideo dicit, *Seditiones*, idest tumultus ad
 pugnam. Proverb. xviii. 11. „Semper iur-
 „gia querit malus.“ Sic ergo patet eo-
 rum malitia quantum ad mala præsentia,
 quæ multa sunt & in disensionibus, & in
 nocuentis. Manifestat autem eorum ma-
 liciam quantum ad mala præterita, de qui-
 bus non poenituerunt, cum dicit: (b) Timeo
 „ne iterum cum venero, humiliet me
 „Deus, idest affligat apud vos; ita quod
 „& luceam multos vestrum ex his qui ante
 „peccaverunt, idest ante primam Epistolam,
 „& non egerunt poenitentiam, plene post pri-
 „mam Epistolam. Et merito luceam, quia
 „sicut gloria patris est gloria filiorum, ita
 „confusio patris est confusio filiorum. Sic
 „Samuel lugebat Saul. I. Reg. xvi. 1. „Vi-
 „queo lugens Saul, cum ego proiecerim
 „eum ne regnet super Israel?“ Et hoc
 quia non poenituerunt, nec egerunt poeni-
 tentiam de peccatis carnalibus prædictis,
 quorum quædam sunt contra naturam; &
 ideo dicit, *Super immunditia*, idest luxuria
 contra naturam. Quædam sunt quæ com-
 mittuntur cum mulieribus corruptis, sci-
 licet viduis, sen coniugatis; & ideo dicit,
 „*Et fornicatione*. Quædam sunt quæ sunt in
 corruptione virginum; & ideo dicit, *Et*
 „*impudicitia quam gesserunt* assidue. Galat. v.
 „19. „Manifesta sunt opera carnis, quæ
 „sunt fornicatio, immunditia, impudici-
 „tia, luxuria, &c.“

CAPITIS DECIMITERTII

LECTIO L

Ecce tercio hoc venio ad vos. In ore duorum, vel trium testium stabit omne
 verbum. Prædixi enim, & prædico, ut præsens vobis, & nunc abens, his
 qui ante peccaverunt, & ceteris omnibus, quoniam si venero iterum, non
 parcam. An experimentum queritis eius qui in me loquitur Christus? Qui in vo-
 bis non infirmatur, sed potens est in vobis. Nam & si crucifixus est ex infirmi-
 tate, sed vivit ex virtute Dei. Nam & nos infirmi sumus in illo; sed vivemus
 cum eo ex virtute Dei in vobis.

XXX 3

16

(a) *M. susurratio*; & ideo dicit *susurrones*, qui latenter &c. (b) *M. amittitur* Timeo.

IN præcedentibus Apostolus multa locutus est ad detestationem pleudo; hic consequenter loquitur contra illos qui a pleudo sunt seducti: & circa hoc duo facit. Primo increpat seductos; secundo consolatur persistentes, ibi, *De cetero, fratres, gandate*. Circa primum primo comminatur sententiæ severitatem; secundo ostendit suam iudiciariam potestatem, ibi, *An experimentum quaritis eius qui in me loquitur Christus?* tertio monet ad correctionem, ibi, *Vosmetipsos tentate si essis in fide*. Circa primum primo promittit suam præsentiam; secundo prædeterminat sui iudicii formam, ibi, *In ore duorum, vel trium testium stabit omne verbum*; tertio comminatur severam sententiam, ibi, *Prædiximus, & prædicamus*. Promittit ergo primo suum adventum, dicens: *Ecco ego venio*; quasi dicat: Certum sit vobis quod venio ad vos; & ideo cavete vobis ne inveniam vos imparatos. Et dicit tertio, non quod tertio iverit, sed quia tertio iam paraverat ire; etsi non iverat nisi semel, in secundo apparatu impeditus. I. Corinth. xv. 19. „Veniam ad vos cito, si Dominus voluerit.“ „Veniam, inquam, & iudicabo malos secundum ordinem tamen, ita scilicet quod in ore duorum, vel trium testium accusantium, seu testantium contra aliquem, sit omne verbum accusatorum: quod quidem dicitur Deuter. xxi. 6. „Nemo occiditur uno teste dicente testimonium:“ & eiusdem xix. 15. „Non stabit testis unus contra aliquem.“ Vel aliter. In ore duorum, vel trium testium stabit omne verbum; quasi dicat: Hoc quod dico de adventu meo ad vos, ita est certum, sicut testimonium duorum vel trium.

Sic ergo ordo iudicii erit; sed severitatem sententiæ comminatur, dicens: *Prædiximus enim, & prædicamus &c.* Ubi primo insinuat ordinem iudicium quo est procedendum, in quo exigitur ut præcedat trina admonitio; & quantum ad hoc dicit: *Prædiximus vobis*, ut prælens, bis, quando scilicet eram vobiscum; & nunc aliens prædico; ut sic ter admoneat: *prædicamus*, inquam, *his qui ante peccaverunt, & omnibus aliis*; quasi dicat, Omnes moneo. Secundo præmissa monitione, comminatur sententiam: unde dicit: *Quoniam si venero, non parcam iterum*; quasi dicat: Illis qui peccaverunt peperciprin a vice; sed si iterum peccaverint, vel si non egerint penitentiam, non parcam eis iterum. Et hoc iuste fit: quia ille cui semel remittitur, & iterum peccat; si remitteretur sibi, cresceret in malitia; & efficeretur insolens. Et ideo dicit Sapiens

Proverb. xiii. 24. „Qui parcat virgæ, odit filium suum.“ Ex hoc ergo ordinatum est in Ecclesia ut præcedat trina monitio antequam quis sententia excommunicationis fulminetur: quia contingit quod aliqui, licet sint in peccatis, & offendant, tamen ex solo verbo admonitionis corriguntur, & satisfaciunt: & etiam a levioribus semper incipiendum est. Quod si admonitione non ducitur, ne magis insolens, adhibenda est severitas sententiæ. Eccli. viii. 21. „Ex eo quod non profertur cito contra malos sententia, absque timore ullo filii hominum perpetrant mala.“

Consequenter, ne possent calumniari de potestate Apostoli, ostendit Apostolus suam iudiciariam potestatem, dicens: *An experimentum quaritis eius qui in me loquitur Christus?* Ubi tria facit. Primo ostendit se habere legationem, & potestatem iudicandi a Christo; secundo ostendit virtutem Christi, ibi, *Qui in vobis non infirmatur, sed potens est in vobis*; tertio ostendit quod virtus Christi etiam ad alios derivatur, ibi, *Nam & nos infirmi sumus in illo; sed vivemus cum eo ex virtute Dei in vobis*. Dicit ergo: Si venero non parcam, immo severissime iudicabo: & hoc bene possum, quia habeo auctoritatem Christi in puniendo, & remittendo. Supra xi. 10. *Nam siquid denavi vobis, propter vos in persona Christi*. Supra v. 2. *Pro Christo legationem fungimur, tamquam Deo exhortante per nos*. Et ideo dicit: *An experimentum quaritis eius qui in me loquitur Christus?* quasi dicat: Non est dubitandum de potestate mea: quia quicquid ego loquor vel proferendo sententias, vel remittendo, vel prædicando, loquor a Christo. Exod. xv. 12. „Perge ergo: ego ero in ore tuo.“ Lucæ xxi. 15. „Ego dabo vobis os, & sapientiam, cui non poterit resistere, & contradicere omnes adversarii vestri.“ Quæ ergo homo facit ex inflatu Spiritus sancti, dicitur quod Spiritus sanctus facit. Ideo Apostolus quia a Christo motus hoc loquebatur, attribuit Christo tamquam principali, dicens: *Qui in me loquitur Christus*.

Sed ne dubitetur de potestate, & virtute Christi, ideo consequenter Apostolus ostendit virtutem Christi, cum dicit: *Quoniam vobis non infirmatur, sed potens est in vobis*. Ubi primo ostendit virtutem Christi quantum ad ea quæ in eis apparuerunt; secundo quantum ad ea quæ in Christo sunt, ibi, *Nam etsi crucifixus est ex infirmitate, sed vivit ex virtute Dei*. Dicit ergo: Habeo potestatem iudicariam a Christo, qui in

me

vine loquitur, qui magnæ virtutis est in vobis, dando dona gratiarum, distributionem Spiritus, & alia multa, quæ experti estis; & non solum *non infirmatur, sed potens est in vobis*: quia potenter vos liberavit a peccato, potenter vos convertit ad bonum. Psalm. xxi. 3. „ Dominus fortis, & potens. “ Sap. x. 12. „ Subest tibi, cum volueris, posse: “ & paulo ante: „ Virtutem enim ostendis tu, qui non crederis esse in virtute consummatus. “ Et non solum potentia Christi apparuit in vobis, sed etiam in seipso, scilicet in quantum a morte crucis, quam sustinuit ex infirmitate humana, quam assumpsit infirmitatem in paupertate, surrexit, & *vixit ex virtute Dei*, quæ est ipse Deus. Talis enim erat illa susceptio quæ Deum hominem faceret, & hominem Deum. I. Corinth. 1. 25. „ Quod infirmum est Dei, fortius est hominibus. “ Vel *ex virtute Dei*, scilicet Patris, qui est etiam virtus Christi, quia eadem est virtus Patris, & Filii. Apocal.

1. 18. „ *Pai mortuus, & ecce sum vivus*, in sæcula sæculorum. “ Hæc etiam virtus Christi derivatur ad nos: *nam & nos infirmi sumus in illo*, quali dicat: Ad nos etiam pertinet illa virtus: *quia & nos infirmi sumus in illo*, idest (a) ad intentionem illius, in quantum propter ipsum multa patimur, & mortificamur nosmetipsos, & humiliamus nos. I. Corinth. 12. 10. „ Nos infirmi propter Christum. “ Supra 1. 10. *Præsentia corporis infirma*. Supra 12. 10. *Semper mortificationem Iesu in corpore nostro circumferantes*. Et ideo vivimus, idest vivificabimur, *ex virtute Dei in vobis* iudicandis. Galat. 1. 1. „ Qui suscitavit Iesum Christum a mortuis. “ Et est sensus. Nos ex virtute qua Christus vivit, resuscitatur, & illa virtute habemus etiam potestatem iudicandi in vobis; vel vivemus simili beatitudine cum eo, & hoc *ex virtute Dei*; quæ quidem virtus Dei est *in vobis*, idest in conscientiis vestris.

L E C T I O II.

Vosmetipsos tentate si estis in fide: ipsi vos probate. An non cognoscitis vosmetipsos, quia Christus Iesus in vobis est? Nisi forte reprobi estis. Spero autem quod cognoscitis quia nos non sumus reprobi. Oramus autem Deum ut nihil mali faciatis: non ut nos probati appareamus, sed ut vos quod bonum est faciatis: nos autem ut reprobi simus. Non possumus enim aliquid adversus veritatem, sed pro veritate. Gaudemus enim, quoniam nos infirmi sumus, vos autem potentes estis. Hoc & oramus vestram consummationem. Ideo enim hæc absens scribo, ut non præsens durius agam secundum potestatem quam Dominus dedit mihi in ædificationem, & non in destructionem.

Post comminationem severi Dei iudicii, subdit Apostolus admonitionem ad præparationem, ut iudicium severum non patiantur: & primo ponit ipsam admonitionem; secundo rationem admonitionis assignat, ibi, *ideo hæc absens scribo ut non præsumis durius agam*. Circa primum duo facit. Primo ponit admonitionem; secundo excludit falsam suspensionem, ibi, *Oramus autem ad Deum ut nihil mali faciatis*. Circa primum duo facit. Primo monet ut se examinent; secundo inquit quid per huiusmodi examinationem invenire possint, ibi, *An non cognoscitis vosmetipsos?* Circa primum sciendum est, quod ille qui secure vult comparere in iudicio, debet se primo examinare de factis suis, & sic poterit scire utrum tute compareat: & ideo Apostolus monet ut, ante-

quam veniant ad iudicium, quod erit in adventu suo ad eos, examinent se, dicens: (a) *Vosmetipsos tentate*, idest examinate, & considerate actus vestros. I. Thessal. v. 27. „ Omnia probate: quod bonum est tenete. “ Monet autem ut de duobus se examinent: scilicet de fide: unde dicit: *Si estis in fide*, scilicet quam prædicavi vobis, & a me accepistis de Domino Iesu Christo, an excideritis ab ea, & sitis prolapsi in aliam. Et hoc necessarium est, quia I. Corinth. 12. 31. dicitur: „ Si nosmetipsos iudicavimus, non „ utique iudicemur. “ Hier. 21. 23. „ *Vivite*, de vias tuas in convallibus, scito quid feceris. “ Item de operibus: unde dicit: *Testi vos probate*, scilicet an sitis in operibus bonis, & utrum conscientia remordeat vos aliquid mali fecisse. Et hoc utile est, quia I. Co-

(a) *Forsè ad Imitationem.* (b) *M. Vosmetipsos examinate, & tentate &c.*

I. Corinth. 11. 28. dicitur: „Probat autem seipsum homo.“ Gal. vi. 4. „Opus suum probet unusquisque.“

Consequenter cum dicit, *An non cognoscitis vesteris?* ostendit quid per huiusmodi examinationem invenire poterunt: & primo quid inveniant in seipsis; secundo quid inveniant in Apostolo, ibi, *Spero autem quod cognoscitis quia nos non sumus reprobi.* In seipsis autem duo invenire poterunt per examinationem: quia aut scient se tenere fidem; & sic invenire poterunt, & cognoscere quod Christus sit in eis; & hoc est quod dicit: *An non cognoscitis vesteris?* quia Christus *in vobis est?* id est, numquid si examinaretis vos, sciretis vos habere fidem, & cognosceretis quod Christus est in vobis? quasi dicat, sic: quia ubi est fides Christi, ibi est Christus. Ephes. 1. 17. „Habitate Christum per fidem in cordibus vestris.“ I. Corinth. vi. 19. „Nescitis quia corpora vestra templum sunt Spiritus sancti, qui in vobis est, quem habetis a Deo?“ Aut scient se non tenere fidem, & sic inveniant quod sint reprobi; & ideo dicit: *Nisi forte reprobi estis?* id est, vere invenietis vos habere Christum, nisi forte dimiseritis fidem, & reprobi sitis ab eo quod prius habuistis per fidem. Hier. xv. 6. „Reliquisti me, retrorsum abiisti.“ Ibid. vi. 29. „Malitia eorum non sunt consumptae: argentum reprobum vocate eos.“

Sed hic quaestio est litteralis de hoc quod dicit: *An non cognoscitis vesteris?* quia Christus *in vobis est?* Nam Christus in eis solum manet qui habent caritatem, ut dicitur I. Ioan. 1. 16. „Deus caritas est, & qui manet in caritate, in Deo manet, & Deus in eo.“ Si ergo cognoscimus quod Christus per fidem sit in nobis, oportet quod hoc sit per fidem formaram. Cognoscentes ergo hoc modo Christum esse in nobis, sciemus nos habere caritatem qua informatur fides; quod est contra illud Eccle. 1. 1. „Nemo scit utrum odio, an amore dignus sit.“

Respondeo: Dicendum est, quod habitare Christum in nobis, potest accipi dupliciter: vel quantum ad intellectum; vel quantum ad affectum. Si quantum ad intellectum, sic ipse habitat in nobis per fidem informem: & hoc modo nihil prohibet nos per certitudinem scire quod Christus habitat in nobis, scilicet cum sciimus nos tenere fidem quam Ecclesia catholica docet, & tenet. Si vero quantum ad

affectum, sic habitat Christus in nobis per fidem formatam; & hoc modo, nullus potest scire quod Christus habitat in nobis, vel quod habeamus caritatem, nisi per revelationem, & specialem gratiam alicui concedatur per certitudinem. Per quamdam tamen coniecturam nihil prohibet nos scire posse quod in caritate sumus, quando scilicet quis invenit se taliter paratum, & dispositum ut nullo modo propter aliquod temporale vellet aliquid facere contra Christum. I. Ioan. 1. 21. „Si cor nostrum non reprehenderit nos, fiduciam habemus ad Deum.“ Patet ergo quod Apostolus loquitur quantum ad primum modum. Vel etiam loquitur de cognitione quae est per coniecturam quamdam, ut dictum est. Argumentum autem procedit quantum ad secundum modum, & de cognitione quae est per certitudinem.

Quid autem in Apostolo possint invenire, subdit dicens: *Spero autem quod cognoscitis quia nos non sumus reprobi.* Nam quia isti Corinthii possent dicere: Nos non sumus reprobi, sed ideo non tenemus documenta tua, quia non sunt recta, sed reprobanda: (a) ideo dicit: Quicquid sit de vobis, tamen spero quod ex vita, & doctrina nostra quam ostendi vobis, cognoscitis quia non sumus reprobi, & non docuimus mala, nec exclusi sumus a potestate quam dicimus nos habere. Eccli. xix. 26. „Ex visu cognoscitur vir.“ Matth. vii. 16. „A fructibus enim cognoscetis eos.“

Consequenter cum dicit, *Oramus autem Deum ut nihil mali faciatis*, excludit suspicionem. Comminarus enim fuerat eis iudicium severum, cum ostenderat potestatem suam in iudicando, & indignerat examinationem, credens Christum in eis esse, nisi ipsi essent reprobi. Sed tamen hoc dimittit sub dubio, utrum sit Christus in eis. Et quia ipsi possent credere, & suspicari quod Apostolus gauderet de hoc quod essent reprobi, ut ipse in comparatione ad eos maior appareat, & ut in eis posset exercere severius iudicium; ideo Apostolus hanc suspicionem removet hic primo per orationem quam pro eis ad Deum dirigit; secundo per gaudium quod de eis concipit, ibi, *Gaudemus enim quoniam nos infirmi sumus, vos autem potentes estis.* Orat autem ut ipsi inveniantur innocentes, (b) ut non examinentur ex severitate iudicii; & ideo dicit *Oramus autem, scilicet Deum, ut vos nihil mali faciatis*; quasi dicat: Non credatis quod veli-

(a) *Id.* & ideo. (b) *Id.* quia examinantur.

velimus quod sitis reprobi; sed *oramus ut nihil mali faciatis*. Item orat quod ipse appareat infirmus: per quod excluditur appetitus excellentiæ Apostoli in comparatione ad eos: & ideo dicit: *Nos*, scilicet oramus, *ut probati appareamus*, idest non ut nos commendemur probati in comparatione ad vos; sed magis ut *vos quod bonum est faciatis*. Galat. vi. 9. „Bonum autem facientes, non desicimus.“ Psalm. xxvi. 14. „Viriliter agite, & confortetur cor vestrum.“ *Nos autem ut reprobi simus*, amittendo potestatem puniendi, & iudicandi: quia ubi non est culpa, omnes sumus pares, & unus non habet potestatem iudicandi super alios. Magis ergo vult Apostolus ut sint boni quam ut subiaceant potestati iudicii sui. Et quod erret potestate iudicandi si boni sint, ostendit cum dicit: *Non enim possumus aliquid adversus veritatem*; qualidicat: Nos non laboramus nisi pro veritate, & pro ipsa stamus. Constat autem quod si puniremus innocentes, faceremus contra veritatem, & contra iustitiam. Unde cum Apostolus non possit facere contra veritatem, sed pro veritate, idest pro iustitia; manifestum est quod non puniet innocentes.

Notandum est secundum Augustinum in Glossa, quod ad vitandum peccata, necessaria sunt duo, scilicet liberum arbitrium, & gratia Dei. Si enim liberum arbitrium non esset necessarium, numquam darentur homini præcepta, nec prohibitiones, nec exhortationes: frustra etiam darentur poenæ. Gratia etiam est necessaria, quia nisi Deus omnes regeret per gratiam suam, non posset homo stare: frustra etiam oramus quod non inducat nos in tentationem. Et ideo Apostolus ostendens utrumque esse necessarium, & orat Deum: pro gratia obtinenda, & monet ut per liberum arbitrium recedat a malo, & faciant bonum: unde dicit: *Oramus*, quantum ad primum, *ut nihil mali faciatis*, quantum ad secundum.

Consequenter cum dicit, *Gaudemus enim, quoniam nos infirmi sumus, vos autem potentes estis*, removet falsam suspitionem, propter gaudium de bono ipsorum conceptum: & primo ponit gaudium quod de ipsorum innocentia concipit; secundo orationem quam pro ipsorum perfectione emittit, ibi, *Hoc autem oramus vestram consummationem*. Dicit ergo: Oramus quod vos probati appareatis, sed nos infirmi: & hoc apparet ex affectu nostro; quia gaudemus, quod scilicet aliqui sint inter vos boni & innocentia, ex quo subtrahatur nobis potestas iu-

dicandi, & videamur infirmi: & hoc est quod dicit: *Gaudemus, quoniam nos infirmi sumus*, idest non exercentes potestatem nostram, *vos autem potentes*, idest sic bene agentes, & vitia vincentes, quod subtrahitis vos a potestate nostra iudicandi. Cum enim aliquis male agit, subdit se potestati iudicis; sed bene faciendo, repellit illam a se. Rom. xiii. 3. „Vis non timere potestatem? Bene fac, & habebis laudem ex illa.“ I. Cor. xv. 10. „Nos infirmi, vos fortes.“ De isto gaudio dicitur Philip. ii. 17. „Gaudeo, & congratulor vobis omnibus.“ Et non solum de his gaudemus, sed etiam super hoc *oramus vestram consummationem*, idest perfectionem. In rebus enim naturalibus videmus quod quælibet res naturalis naturaliter tendit ad suam perfectionem, ad quam habet naturale desiderium: & ideo cuiuslibet rei datur virtus naturalis, ut ad suam perfectionem naturalem possit pervenire. Gratia autem datur homini a Deo per quam homo perveniat ad suam ultimam & perfectam consummationem, idest beatitudinem, ad quam habet naturale desiderium. Unde quando aliquis non tendit ad suam perfectionem, signum est quod non habet satis de gratia Dei. Et ideo Apostolus, ut isti possint in gratia crescere, orat ut perficiantur. Philip. i. 9. „Oro ut caritas vestra magis ac magis abundet in scientia, & in omnisensu.“ Ephes. vi. 13. „Ut possitis resistere in die malo, & in omnibus periculis stare.“

Consequenter, posita admonitione, causam admonitionis assignat, dicens: *Ideo hæc absens scribo*, ut non *presens* durius agam; idest, ideo absens scribo vobis hæc monendo vos, ne scilicet cogar aliquid facere contra voluntatem meam, quæ est ut nihil dure agam contra vos, nisi quatenus per vos compellar: & ideo dicit: *Ut non presens*, vobis, *durius agam* contra vos quam velim, vel quam velitis. Sap. xi. 11. „Hos quidem tamquam pater monens probasti.“ Supra x. 1. *Absens confido in vobis. Rogo autem vos, ne presens audeam per eam confidentiam qua existimor audere in quosdam*. Sed quia Corinthii possent dicere: Numquid etiam si bene fecerimus, non poteris contra nos, o Apostole, dure agere? ideo respondet, dicens: Non: quia non propono, nec possum agere, nisi secundum: quod recepi a Deo potestatem. Deus autem dedit mihi hanc potestatem, scilicet ligandi, atque solvendi, in adificationem, non in destructionem; idest, ut vos ædificemini, & non ut destrua-

hi. Et si dure vos corrigerem, non ædificarem, sed destruerem. Supra x. 8. *De potestate vestra, quam dedit nobis Dominus ad ædificationem, & non in destructionem vestram.*

Hanc autem potestatem dedit Dominus Paulo Ad. ix. & xiii. 2. „Segregate mihi Barnabam, & Paulum ad opus ad quod assumpsi eos.“

L E C T I O III.

DE cetero, fratres, gaudete, perfecti estote, & exhortamini, idipsum sapite, pacem habete; & Deus pacis, & dilectionis erit vobiscum. Salutate invicem in osculo sancto. Salutant vos omnes sancti. Gratia Domini nostri Iesu Christi, & caritas Dei, & communicatio sancti Spiritus sit semper cum omnibus vobis. Amen.

IN præcedentibus Apostolus increpavit seduculos a pleudo; hic vero consolatur persistentes in fide, & doctrina sua: & primo ponit monitionem; secundo subdit salutationem, ibi, *Salutate invicem in osculo sancto.* Circa primum primo ponit monitionem; secundo præmiū impletæ monitionis, ibi, *Et Deus pacis, & dilectionis erit vobiscum.* Monet autem ad tria. Primo qualiter se habeant in seipsis; secundo qualiter se habeant ad proximos; tertio qualiter debent esse omnes ad invicem. In seipsis autem debent bona duo habere. Primo gaudium de bono habito, & quantum ad hoc dicit: *De estote, fratres,* qui constantes fuistis, *gaudete* in his quæ ad servitium Dei faciatis. Et hoc est necessarium ad hoc quod sitis iusti, & virtuosus: quia nullus est virtuosus, seu iustus, qui non gaudet iusta, & virtuosa operatione. Et ideo dicitur in Psal. xcix. 1. „Inhabitate Deo omnis terra; servite Domino in lætitia.“ Philip. iv. 4. „Gaudete in Domino semper, iterum dico, gaudete.“ Et verè semper est gaudendum: quia gaudium conservat hominem in bono habitu: quia nullo potest esse diu in eo quod contristat. Secundo debent habere boni in seipsis æmulationem perfectionis; & quantum ad hoc dicit, *Perfecti estote;* id est, semper tendatis ad perfectum. Hebr. vi. 1. „Quapropter intermitteotes in chæationis Christi sermonem, ad perfectionem seramur.“ Non est autem hoc quod hic dicitur, præceptum, scilicet quod homo sit perfectus, sed hoc quod semper tendat ad perfectionem: & hoc est necessarium: quia qui non studet ad proficiendum, est in periculo deficiendi. Videmus enim quod nisi remiges conentur ascendere, navis semper descendit. Et ideo dicebat Dominus Matth. v. 48. „Estote perfecti, sicut & Pater vester cælestis perfectus est.“ Proximis autem est impendenda exhortatio ad bona; & quantum

ad hoc dicit, *Exhortamini.* Eccl. xviii. 12. „Unicuique mandavit Deus de proximo suo.“ Rom. xii. 8. „Qui exhortatur, in exhortando.“ Apoc. ult. 17. „Qui audit, dicat, Veni.“ Communia autem omnibus debent esse duo, scilicet ut idem sapiant, & ideo dicit, *Idem sapite,* & ut pacem habeant, & ideo dicit, *Pacem habete:* & hæc duo ita se habent, quod unum esse exterius, aliud interius. Constat enim quod corpora non possunt servari, & ordinari, nisi membra ordinentur ad invicem. Similiter nec Ecclesia, nec Ecclesiæ membra, nisi ordinentur, & uniantur ad invicem. Est autem duplex unio necessaria ad membra Ecclesiæ unienda. Una est interior, ut scilicet idem sapiant per fidem quantum ad intellectum, idem credendo, & per amorem quantum ad affectum, idem diligendo: & ideo dicit, *Idem sapite;* id est, idem sentiat de fide, & idem diligatis affectu caritatis: quia tunc est vera sapientia quando operatio intellectus perficitur, & consummatur per quietationem, & delectationem affectus. Unde sapientia dicitur quasi sapientia scientia. Rom. xv. 6. „Ut sic unanimes uno ore honorificetis Deum, & Patrem Domini nostri Iesu Christi.“ I. Corinth. i. 10. „Idipsum dicatis omnes.“ Philip. ii. 2. „Idem sapitis, eandem caritatem habentes; unanimes idipsum sentientes.“ Alia est exterior, scilicet pax; & ideo dicit, *Pacem habete* inter vos. Hebr. xii. 14. „Pacem sequimini cum omnibus.“ Psalm. cxxxviii. 15. „Inquire pacem.“ II. Thessal. iii. 16. „Ipse Deus pacis dicit vobis pacem sempiternam in omni loco.“ Consequenter cum dicit, *Et Deus pacis & dilectionis erit vobiscum,* ponit præmiū quod redditur implentibus monitionem prædictam; quasi dicat: Si servabitis pacem inter vos, Deus pacis, & dilectionis erit vobiscum. Circa quod notandum est, quod apud

apud Gentile: consuetum erat quod aliqui ex donis denominabant deos: quia licet esset unus Deus tantum, tamen singula dona sua denominabant deos ex illis donis; sicut ex dono pacis denominabant deum pacis, & ex dono salutis deum salutis. Huic vocabulo alludens Apostolus dicit: *Deus pacis, & dilectionis erit vobiscum*: non quod pax sit unus Deus, sicut illi dicebant; sed ideo Christus dicitur Deus pacis, quia est dator pacis, & amator. Ioan. xiv. 27. „Pacem meam do vobis.“ I. Corinth. xiv. 33. „Non est Deus dissensionis, sed pacis.“ Rom. v. 5. „Caritas Dei diffusa est in cordibus nostris per Spiritum sanctum, qui datus est nobis.“ Ipse etiam est auctor pacis: Ioan. xvi. 33. „In me pacem habebitis, in mundo pressuram.“ Ipse in pace habitat: Psalm. lxx. 3. „In pace factus est locus eius.“ Item non solum est Deus pacis, sed etiam dilectionis; & ideo dicit: *Deus pacis, & dilectionis erit vobiscum*: & hoc ideo est, quia qui est in vera pace cordis, & corporis, est in caritate; & „qui manet in caritate, in Deo manet, & Deus in eo,“ ut dicitur I. Ioan. iv. 16. & quia homo non meretur nisi per pacem, & dilectionem: Ioan. xiv. 23. „Si quis diligit me, sermonem meum servabit, & Pater meus diligit eum.“ Consequenter cum dicit, *Salutate invicem in osculo sancto*, ponit salutationem: & circa hoc primo indicit eis mutuam salutationem; secundo salutem eos ex parte aliorum, ibi, *Salutant vos omnes sancti*; tertio salutem eos ex parte sui, ibi, *Gratia Domini nostri Iesu Christi, & caritas Dei, & communicatio sancti Spiritus sit cum omnibus vobis*. Mutuam salutationem indicit faciendam per osculum: unde dicit: *Salutate invicem vos ipsos in osculo sancto*. Ubi notandum est, quod osculum est signum pacis. Nam per os, in quo datur osculum, homo respirat. Et ideo quando homines dant sibi mutua oscula, signum est quod uniunt spiritum suum ad pacem. Est autem pax simulata, & hæc est eorum qui „loquuntur pacem cum proximo suo, mala autem in cordibus eorum,“ ut dicitur in Psalm. xxviii. 3. quæ quidem fit per osculi fraudulentiam. Proverb. xxviii. 6. „Meliores sunt verbera diligentis, quam fraudulenta, & turpis, quando scilicet conveniunt

ad malum faciendum. Sap. xiv. 22. „In magno viventes inscientiæ bello, tot & tam magna mala pacem appellant.“ Et hæc fit per osculum libidinofum. Proverb. vii. dicitur de mala muliere, quod apprehensum deosculatur invenire, & procaci vultu blanditur. Est & pax sancta, quam facit Deus. Philip. nlt. 7. „Et pax Dei, quæ exuperat omnem sensum, custodiat corda vestra, & intelligentias vestras in Christo Iesu.“ & hæc fit per osculum sanctum, quia unit spiritum ad sanctitatem. Et de hoc osculo dicitur hic, *in osculo sancto*. Et ex hoc inolevit consuetudo quod fideles, & sancti viri in signum caritatis, & unionis (a) se invicem osculantur; & datur pax in Ecclesiis in osculo sancto. Ex parte autem aliorum salutem eos, dicens: *Salutant vos sancti omnes*: quia omnes sancti, & fideles sperant, & desiderant, ac orationibus procurant salutem nostram: unde omnes fideles Christi ad invicem sperant, & desiderant sibi salutem. Psalm. cxviii. (b) Participem me fac Deus &c. Ex parte autem sua salutem eos Apostolus, dicens: *Gratia Domini nostri Iesu Christi, & caritas Dei, & communicatio sancti Spiritus sit cum omnibus vobis*. Ubi sciendum est, quod duplex est modus appropriandi aliquid divinis personis. Unus est essentialiter, alius casualiter. Essentialiter autem appropriatur divinis personis, sicut Patri potentia, quia ipse est potentia essentialiter, in quantum est principium; Filio sapientia, in quantum est Verbum; Spiritui sancto amor, in quantum est bonitas. Hic vero Apostolus non appropriat ista hoc modo, scilicet per essentialia, quia sic omnia appropriarentur Spiritui sancto; sed appropriat per causam: & ideo cum gratia sit donum quo dimittuntur nobis peccata: Rom. iii. 24. „Iustificati, gratis per gratiam ipsius.“ & remissio peccatorum sit nobis facta per Filium, qui carnem nostram accipiens, pro peccatis nostris satisfecit: Ioan. x. 17. „Gratia, & veritas per Iesum Christum facta est.“ propter hoc Apostolus attribuit gratiam Christo: unde dicit: *Gratia Domini nostri Iesu Christi*. Caritas autem est nobis necessaria, quia oportet nos uniri Deo. I. Ioan. iv. 16. „Qui manet in caritate, in Deo manet, & Deus in eo.“ Et quia hoc est a Deo Patre, in quantum ipse sic dilexit mundum ut Filium suum unigenitum daret, ut

(a) Al. deest se invicem. (b) Forse intelligit illud vers. 63. „Particeps ego sum omnium tristitiam, ut, & custodientium mandata tua.“

ut dicitur Ioan. 111. „ Commendat autem Deus suam caritatem : “ ideo sibi ut principio istius caritatis , attribuit caritatem , cum dicit , *Et caritas Dei* , scilicet Patris . Communicatio vero divinorum fit per Spiritum sanctum , qui est distributor donorum spiritualium . I. Corinth. 111. „ Hæc omnia operatur unus atque idem Spiritus . “ Et ideo Spiritui sancto attribuit communicationem , cum dicit , *Et communicatio sancti Spiritus* . Vel attribuit sibi

hoc , quia ipse est communis aliis duabus personis . Sic ergo Apostolus in salutatione sua optat omnia necessaria , cum dicit : *Gratia Domini nostri Iesu Christi , & caritas Dei , & communicatio Spiritus sancti sit semper cum omnibus vobis . Amen .* Gratia Christi , qua iustificamur , & salvamur ; caritas Dei Patris , qua sibi unimur ; & communicatio Spiritus sancti , divina nobis dona distribuentis . Amen .

F I N I S T O M I S E X T I .

E R R O R E S

S I C C O R R I G I T O .

pag. 4	lin. 13	quia hic confutabatur	tum quia hic confutatur
6 col. 1	17	nomine	nomen
345	1	32 hæc & alia	hoc & alia
431 in textu	9	vestram	nostram
440	1	8 ministrorum	addo malorum
464 in notis		<i>Al. Nihil tale</i>	dele <i>Al.</i>





